



XV
E
16







SS. D. N.
BENEDICTI XIV.
O P E R A
IN DUODECIM TOMOS DISTRIBUTA
T O M U S X.



BENEDICTI XIV.

PONT. OPT. MAX.

O L I M

PROSPERI CARD. DE LAMBERTINIS

**PRIMUM ANCONITANÆ ECCLESİÆ EPISCOPI,
DEINDE BONONIENSIS ARCHIEPISCOPI**

D E F E S T I S

DOMINI NOSTRI JESU CHRISTI,

BEATÆ MARIÆ VIRGINIS

ET QUORUMDAM

S A N C T O R U M,

**DE QUIBUS CELEBRATUR OFFICIUM CUM MISSA IN CIVITATE,
ET DIOECESI BONONIENSI.**

LIBRI TRES

**EDITIO SECUNDA LATINA POST FLURIMAS ITALAS
AUCTION, ET CASTIGATION**

A D V S U M

ACADEMIÆ LITURGICÆ CONIMBRICENSIS.




ROMÆ, MDCCLI.

EXCUDEBANT NICOLAUS ET MARCUS PALEARINI

ACADEMIÆ LITURGICÆ CONIMBRICENSIS TYPOGRAPHI.

SUPERIORUM FACULTATE.






JOSEPHO

LUSITANIÆ, ET ALGARBIORUM

REGI FIDELISSIMO.

. EMMANUEL DE AZEVEDO SOCIETATIS JESU,



N tam effusa Lusitanorum
lætitia, quæ ad exterâs etiam
Gentes jam inde pervenit,
ex quo Paternum Imperium suscepisti, pate-
re, FIDELISSIME REX, ut mea etiam erumpat

pat vox aliqua, quæ & gestientis animi testis sit, & ejus observantiæ, quam natalis soli jure, & beneficiorum Tuorum magnitudine Tibi maximam debeo.

Neque vero quisquam est, qui filere possit hoc tempore, aut cujus non hæc opinio sit, tantam, Te Rege, Lusitaniæ Regno felicitatem obtigisse, quantam cogitatione assequi nemo possit. Ex eo itaque luctu ac mœrore, quem Parentis Tui JOANNIS V. Regis obitus attulerat, tam incredibilis animorum ad lætitiâ conversio facta subito est, ut nova quædam oborta lux offusas non mentibus hominum tantum, sed florentissimis etiam Regionibus tenebras depulisse videatur. Videbant Regem Optimum immatura morte sibi ereptum; de quo cum cogitarent, Regiarum virtutum ejus desiderio consolari dolorem suum nullo modo poterant: Te vero cum adspexissent, non illum amplius ereptum, sed præsentem adhuc intueri, & superstitem arbitrabantur: refers enim non oris tantum imagine, sed etiam animi, JOANNEM V. Parentem Tuum; atque ita refers, ut parem animi magnitudinem, idem consilium, ac Religionis studium, parem in rebus gerendis providentiam, & in tuos caritatem, quæ in Parente Tuo fuit, inesse in Te sentiat, & si-

& sibi restitutam, Te Rege, Lusitania gratuletur.

Atque ille quidem superiores Reges, qui in Lusitania fuerunt, omnes vicerat: quid enim in iis fuit, aut esse potuit, qui amplissimo Regno summa cum laude præfuerunt, quod in JOANNE V. collectum non fateamur? qui tamen inodo e beatissimis illis sedibus, in quibus, ut sperare par est, felicius regnat, ita Tibi favet, ita Te spectat in singulis Orbis terrarum partibus dominantem majori tot Regnis animo; ut a Te uno vinci facile patiatur. Quamquam hæc maxima JOANNIS Regis laus est, atque ejusmodi, in qua haud scio an parem habiturus unquam sit, quod Te potissimum genuit: non enim sibi dumtaxat Filium quaesivit, in quem dominatum, & suas omnes laudes transfunderet; sed incredibilem quamdam Lusitaniæ felicitatem, quæ intercipi interitu ipso suo non posset, & Regiarum virtutum exemplar absolutissimum ceteris Gentibus comparavit.

Noli itaque mirari, REX FIDELISSIME, si quocumque incedis, obortis præ gaudio lacrymis Te omnes intuentur tamquam assertorem salutis suæ; si mirifice colunt, & diligunt; si, cum renunciatus Rex es, tanti ubique populo-

pulorum concursus facti sunt, tam lätis clamoribus Lusitania universa personuit, quod post hominum memoriam nemini contigit; ut cum ad Te unum delatum Regnum esset, idem ad singulos pervenisse videretur: tamquam enim non Rex amplissimus vectigalibus, sed filiis Parens optimus imperares, tanta omnium salutem providentia tueris, tanta singulorum utilitatibus vigilantia studes, quanta ipsi sibi consulere non potuissent. Effectum profecto a Te fuit, ut, cum Tua omnibus benignitas pateat, de fortuna queri nemo posset, nemini inopia gravis esset, nemini solitudo; illi dumtaxat se miseros agnoscerent, quos sceleris non poeniteret: egregiis enim consiliorum Tuorum Administris, & æquissimis delectis Judicibus, non pacatior privata domus, quam totum Regnum est; non expeditior patrimonii unius, quam communium fortunarum administratio. Quare omittas, quæso, præclarissimam illam Tuam vocem, qua Judicibus edixisti, quid in sententiis ferendis sequi eos oporteret: *contra Te ipsum enim, agebas, facturos, qui contra æquitatem quidpiam suscepissent*. Nam quis improbitati relictus, Te Principe, locus est? Certæ olim sedes erant, ubi vocem mittere leges consueverant; fugitabant has rei;

ne

ne pœnas darent: sua cuique domus Tribunal nunc est, ne peccent: timori prius omnibus Judex fuerat, quòd censorem odissent; inquirunt modo singuli in mores suos, quòd Te diligunt. O prœclaram Rempublicam, in qua voluntatibus omnium & studiis amor Principis moderatur!

Dabis mihi hanc veniam, **Rex FIDELIS-**
SIME, ut libere dicam, quod sentio. Cum
 tantis opibus floreas, tam late regnes, tot ubi-
 que terrarum populi Te supplices colant, id
 unum efficere non potes, ut timearis. Atque
 excubiæ quidem, & arma, quæ Te circum-
 stant, etsi non ad vim inferendam, sed ad
 vitæ præsidium, & ad Regiæ dignitatis orna-
 mentum comparata sunt, spectari tamen sine
 aliquo timore non possent; terrentur enim
 homines instructorum militum adspectu, &
 periculum reformidant, quod arma non de-
 nuntiant. Verum cum inter ea medius appa-
 rueris tanta oris benignitate, quantam cape-
 re summa fortuna vix potest; ut nimbi pla-
 cent cum Iris affulserit, ita & hæc etiam de-
 lectant potius, quam terreant. Quamquam
 habes Tu, si ista desint, longe firmitus præ-
 sidium, quod dies noctesque ad Tuam cu-
 stodiam excubet, populorum charitatem:
 hac late præcingeris, & ad omnem fortunæ
 b casum

casum muniris , quæ Tibi , non gladiatorum , aut Palatarum securium acie , sed laterum , & corporum objectu securitatem pollicetur .

Nullæ igitur intentandæ minæ sunt , ut colaris : nulla proponenda supplicia , ne legibus detrectetur . Minuit Tibi , ac prope ademit commune omnium in Te studium , eam potestatis partem , qua pœnam infligis ; auxit alteram , quæ optimis Principibus multo gravior est , & optatior , qua præmia largiaris . Ac virtutis quidem ornandæ ratio tum id arduum habet , & impeditum , quod propter multiplices latebras , quibus obtegatur hominum animus , non facile pateat quanta demum ea sit ; tum illud in meritorum æstimatione difficile ad judicandum , quid cuique maxime , quid Reipublicæ expediat : ut in honoribus , magistratibusque mandandis , nec privatorum bono deesse , & communi utilitati consulere , ea eximiæ ejusdem sapientiæ ac pene incredibilis esse videatur . Tuæ certe fuit , **REX FIDELISSIME** , qui tam præclare utrumque præstitisti , ut ambigi merito possit , benignitas ne Tua major in largiendo , an in providendo consilium fuerit illustrius . Multa erant toto Regno , quæ , ut suis recte factis honor tribueretur , Principis liberalitatem requirerent : multa , quæ nisi delectos cura-

curatores nacta essent , detrimenti aliquid communis felicitas acceptura videretur . Quid vero de egregia Tua in Regno administrando sapientia JOANNES V. præfagierit , id ipsum documento est , quod diuturno morbo implicitus , quæ minus efficere ipse per valetudinem potuit , Tibi demandanda censuit ; ut quo plura essent , cum decederet , quæ Regia autoritate decerni oporteret , eo manifestius fieret , qualem post se , quantumque Regni moderatorem reliquisset . Et vero quid tam privatæ rei uspiam fuit , quod , si consultum ei per Te oportuit , vigilantiam Tuam non senserit ? quid publici negotii , quod prudentiam desideraverit ? quid ad Provinciarum custodiam opportunum , & ad Lusitani nominis gloriam , quod consilium subterfugerit ? Forum ne , an Tribunal , aut ulla muneris alicujus curatio est , quibus cum selectissimos viros præfeceris , non leges ipsæ , non æquitas , hominum loco assidere videantur ? Aucti honorum titulis Regni Primores ; unde tamen novus in Urbes , & populos splendor propagaretur : communita novis Processibus Aulæ autoritas , qui in præclaras familias , & bene de re publica meritas novam dignitatis lucem inveherent . Ex quo si perspicuum est , maximum Te quidem esse ,

cum alios magnos facis; illud etiam facile agnoscimus, cum ejus amplitudinis, qua frueris, participes facias Tuos, nihil prope esse, quod ab aliorum commodo Tibi velis esse sejunctum. Cum autem probe intelligeres, quantum in armis ad tuendam populorum tranquillitatem sit positum, eos vero, qui mare teneant, maxime omnium opibus, & potentia florere; quid antiquius Tibi fuit, cum imperare cœpisti, quam ut arcibus validissima præsidia imponeres, naves instrueres, terrestribus maritimisque copiis fortissimos Duces præficeres; atque omnia ita componeres, ut excitatis ad bellicam laudem Lusitanorum animis, isti quidem avitam virtutem æmulerentur, Tu vero Decessores Tuos, qui Lusitanorum nomen in ultimos etiam terrarum fines tanta cum gloria invexerunt, pacis bellique artibus anteires.

Illud vero singularis ejusdem, non dicam fortunæ, quæ veram laudem non habet, sed prudentiæ Tuæ fuit, quod in tam multiplici Ministrorum delectu, & in tam varia munerum publicorum partitione, nulla hominum, ut assolet, querimonia fuerit, nullus ne in animi quidem latebris tacitus dolor resederit; nec minor ad eos, qui beneficium acceperunt, quam ad alios, qui eo
 usi

uſi non ſunt, lætitia pervenerit. Mirum id
 quidem eſt, & pene inauditum; cum blan-
 diri ſibi homines conſueverint, nec facile
 aliis in meritorum comparatione concedere,
 præſertim in tanto ad rem publicam geren-
 dam aptiſſimorum virorum numero, quos
 quidem tam multos eſſe, ſalutare Regno eſt,
 iſiſ vero glorioſum. Obſtupeſcent proſecto
 reliquæ ætates, tam egregiam in Te animi
 vim extitiſſe, tantam in æſtimandis homini-
 bus (quæ laus Principis maxima eſt) ingenii
 perſpicacitatem, ut in re difficillima, quod-
 cumque ſtatuiffes, id non ſolum communi
 omnium ſuffragio, ſed eorum etiam, qui
 poſthabiti eſſent, ſententia probaretur. Illi
 dumtaxat, pace Tua dixerim, **REX FIDE-**
LISSIME, qui modo vivunt, qui Te propius
 intuentur, mirari deſierunt; nihil enim eſt
 tam præcipuum, & ad laudem illuſtre, quod
 a Te non expectent. Ac ſolent quidem ho-
 mines, cum ad Regnum adminiſtrandum no-
 vus Princeps acceſſerit, in eum oculos tam-
 quam in orientem Solem omnes converte-
 re, & pro ſuo quique ſenſu, quid ſibi, quid
 Regno polliceantur, conjicere. Tu ſubito,
 quantus eras, exortus es: nec temporis ſpa-
 tium, quod conſilii celeritate præverteres,
 expectandum Tibi fuit, ut maximus appa-
 reret;

reres; sed ex Aulæ specula circumlatis in subditos Tibi populos oculis, non propinquis tantum terris, sed etiam remotissimis, providentiæ Tuæ lucem attulisti. Quid enim a Lusitania tam procul situm, quam India est? quam Brasilia? Non interjacentia tamen tantorum æquorum spatia, non immensa locorum longinquitas beneficentiam Tuam, remorata est; quia sub ipsum Regni initium alterius securitati ac victoriæ submissis copiis prospiceres; alteram, novo instituto Regiis redditibus ad causas celerius cognoscendas Senatorum Tribunali, molestia liberares, & remisso quod in diem pendebatur ex auri fodinis vectigali in iisdem exercendis alacriorem efficeres: atque id tam celeriter, ut prius beneficium collatum sit, quam Gentes illæ id futurum inaudierint; prius acceperint, quam sperarint: cum uno eodemque nuncio allatum ad eas sit, & Te Regem inauguratam, & se novo bono munifice auctas; ut una cum Regii nominis Tui auspiciis ad illos portus e Lusitania felicitas navigaret.

Verum fuerit optimi Principis, & ad communem populorum salutem nati amiciorem Brasiliæ ærariis, quam suo inveniri! Quid de me dicam, quem longe a Lusitania sejun-

sejunctum tam benigno animo complecti
semper voluisti? Equidem cum Tua benefi-
cia recordor, quæ mihi hærent intimis infixæ
sensibus, ita commoveor, ut non solum Tibi
debere me totum putem, sed potentissimum
Regem privato homini, ac subdito, tam mul-
ta, tam singularia tribuisse, vix ipsi mihi
credibile videatur. Hoc Tuæ clementiæ ma-
jor laus est, qua Divinam imitaris; cum,
non quid ego merear, spectas in beneficio
collocando, sed quid ipse possis, & velis.
Nam, ut ea omittam, quæ in me, cum essem
in Lusitania, liberaliter contulisti; quale be-
neficium est, quod & rerum mearum fautor
amplissimus apud JOANNEM V. Patrem Tuum
Regius adhuc Princeps extiteris; nec ita
multo post Rex factus me potissimum Romæ
delegeris, cujus opera in publico negotio
utereris, datisque ad me literis curam in
agendo meam, & sedulitatem probaveris?
Quale illud etiam, quod de me ad BENEDI-
CTUM XIV. honorifice scripseris, ut optimi,
sapientissimique Pontificis, cui tantum de-
beo quantum nemo fortasse alius, Tuo in
me suffragio benignitas augeretur. Multum
profecto ad Regiæ clementiæ testimonium id
fuit, Tuæ certe munificentiæ parum; quam
Tibi parem esse non duceres, si non eadem
Re-

Regiæ etiam magnitudinis amplitudinem superares. Quid enim dicam, quam large Patris Tui munificentiam, qua usus in me est, non æmulari solum volueris, sed etiam vincere; ut in Filii beneficio grata viveret Genitoris memoria, cujus perennium instar fluminum alteri quidem initium, alteri vero incrementum deberetur. Quid memorem Regio, quod Romæ est, Tabulario me Præfectum appositum? quid eorum Causas, de quorum cœlesti honore Tuo jussu agitur, omnes mihi conceditas, & demandatas?

Infinitus pene sum, si recenscam singula; largior enim in me ornando fuisti, quam complecti cogitatione ipse possim. His ita quotidie magis afficior, ut quoniam nullam meritorum Tuorum partem assequi me posse sentio gratiis agendis, quas & ago Majestati Tuæ, habeoque, dum vivam, maximas, aliquo saltem cupiam literarum monumento publice profiteri, quid debeam. Quamquam Tua facit in Deum pietas, REX FIDELISSIME, qua Patrem æmularis, eaque Religio, qua Te ipso major es, ut & præstem, quod cupiam, & Tibi acceptum referre debeam, quod possim. Nam, cum præmanibus haberem BENEDICTI XIV. Volumina, quæ per me recudi idem voluit, eorum vero

vero aliquot Authori ipsi sapientissimo, aliquot JOANNI V. Parenti Tuo nuncupassim; tanta mihi ejus Operis, in quo de Domini, Beatissimæ Virginis, Sanctorumque celebritatibus agitur, cum Tuis, Conjugisque Tuæ REGINÆ FIDELISSIMÆ moribus consensio visa est, ut illud tam eximiæ pietati Vestræ deberi diutius non posset. Cui enim notum non est, quanta utriusque Vestrum cura sit Divini cultus augendi; quantum Religionis tuendæ studium; quam aperte demum ostenderis, *velle Te, quæ ad Deum, Sanctosque pertinent, ea ubique ita peragi, præcipue vero in Sacrosancta Patriarchali Basilica Lisbonensi, ut nihil de summo splendore, nihil de pristina dignitate detrahatur?* Agnoscas profecto, cum Volumen hoc inspexeris, assiduas sacris in rebus supremi Pastoris vigilias & curas Tuis simillimas: miraberis singularem, dignamque tanto Pontifice sapientiam: nec deerit in eodem etiam, quod diligas; Tuo enim potissimum Nomini Author ipse Sanctissimus, Tuique amantissimus Opus id suum inscribi voluit, testem Paternæ erga Te memoriæ, testem benevolentia.

Quin etiam, ut Tibi per literas Idem ipse significavit, publicam disputationem, in

c

qua

qua nostra Sacrorum Rituum Schola hujus Voluminis doctrinam non in Synopsim redactam, ut in aliis Voluminibus factum a nobis est, sed qualis ab Authore prodiit, ad eam magis illustrandam, coram lectissima Romanorum Præsulum, ac doctissimorum virorum corona propugnandam hoc anno suscipiet, Tibi nuncupari jussit, pollicitus Se palæstram ipsam pridie, quam concertatio instituitur, præsentia sua honestaturum.

Excipe igitur, REX FIDELISSIME, ea, qua soles benignitate supplices Tuos, qualemcumque hanc perennis obsequii mei, devinctique animi significationem: nec spectare quæso velis in hac re, quod meum est; sentio enim, quam tenue id sit, & exiguum: sed illud potius, quid Tibi a Pontifice tribuatur, quod amplum arbitraberis. Rogo Deum Optimum Maximum, ut Majestatem Tuam diu sospitet ad Catholicæ Fidei præsidium, & Regnorum Tuorum felicitatem, & incrementum.

SACRORUM RITUUM SCIENTIÆ AUDITORIBUS.

QUAM vobis in *Livurgicis meæ Exercitationibus* pag. 178. nuper spondi, nunc scito si-
dem. Auctori SS. D. N. BENEDICTI XIV. *Traſſatus de Chriſti Domini, ac Deiſſimæ*
Virginis Peſſis a Cl. Viro Michaeli Angeli Jacomelli ab intima Sæculi Paſſifici in
Latino verſus, ex iterum prodiit in lucem. Hæc alius ejuſdem Paſſifici Traſſatus
accedit de Sanſſi, quorum officium Benenice celebratur, Latinitate a nobis nunc primum dona-
tur. Lecupletiffimum præterea adiungimus Indicem, in quo adnotando ſuam locavit epyram P. Mien-
ſeymus Lombardi S. J. In huiusce Operis capitum, ac librorum partitione, ſummam Itali-
cam editionem Patavium ſecuti ſumus. Porro cum plurimum vobis præſeſſe peſſit hoc Opus in ſua
quæſtionibus diſſolvendis, quæ de Miſſæ Sacrificio, Diviniſque Officiis recitariſſimo agitantur in dies,
illud vobis ſcripſiſſi tamquam certiffimum diligentia mea pigant, ætque opportuniſſimum laboris
noſtri adiumentum, libenti animæ imperior. Interea, ut novos concurrentibus adiungam ſimiles, regi-
ſtat, ut Præſentem Tomi IX. Operum SS. D. N. BENEDICTI XIV. a pag. x. uſque ad xiv. ſolide
percurratis, in qua quid a vobis requiratur, & quid a me præſtabitur, ſatis dilucide expoſit. Ne
quid vero deſideretur, quod aliquo vobis adiumento eſſe peſſit, Epiſtolam ad Summum Pontificem ſcrip-
tam, & Schola noſtra methodum in Livurgicarum Exercitationum Tomo ſolide hic tranſcribo.

SANCTISSIMO DOMINO NOSTRO
BENEDICTO XIV. P. O. M.

BEATISSIME PATER.

Accidit ſæpe liberalibus diſciplinæ, quod quibſdam oſtenderit ſemioibus ſolet, ut quædam-
dam hæc cum excreverit imbribus, ſeipſa aliquando non capiunt; reſident varo brevi, &
penaliter aſſerunt: ita illi cum expectu fuerint impreſſus, magnæque edas diſcipulorum mul-
tando confluerit, hæc commutata voluntate penatium diſabentibus, penitus deſerantur. Timen-
dum hoc tamen non ſuit in Sacrorum Rituum facultate, quæ ſub tutela Sanctiſſitæ Veſtræ in hæc
Gregoriana Univerſitati lucem aſpexit; ſiquidem non ſolum nova alia ajuſſum Cathedræ in aliis
Univerſitatibus inſtituta ſunt, ſed tot novis aucta eſt Auditoribus, ut eorum numerus aliquot legi-
bus coercedus eſſet. Hoc enim ſecundo anno tarenſes circiter numerabam; nam cum hoc ſtudium
aliquod ſaltem diſtinctæ præſidium requirat, illud in primis decernere viſum eſt, ut nam inter
Auditores recoſeretur, qui Philoſophiæ operam daret. Ceteris, qui Theologiæ, aut Canonis
audiant, val qui huiusmodi diſciplinæ ſtuduerunt, liber patebit ad oſa aditus.

Cum autem propoſitum mihi ſit ea, quæ ſingula annis prælegerim, Typis æcudere, & ho-
juſmodi libellum item quotannis diſciplinæ diſtribuire, ut id indifferenſiſſimè fiat, & temere, ſed
potius ad agendaſ adolescentium in hoc ſtudio alacritatem maxime valeat, ducentos ex omnibus
diſcendos cenſui (hos de numero voco) qui cum mihi ſe frequentia præbeſſent, aut ſtudenti volun-
tate, id a me manna acciperent.

Quemquam mirum eſt, quæ animi contentione hæc huiusmodi ſtudia omnes exercent; præ-
cipue varo li, qui in Collegiis verſantur. Eſt eorum modèſtia ſaciat, ut eos nomine, tacere
tamen id certe non poſſum, illos magnæ etiam mihi voluptati aſſe, cum ita ſe gerant; magnæ
etiam dignitati.

Jam varo deæ publicæ Diſputationes ſequenti anno habebuntur, quemadmodum alia item dum
habuit hoc anno ſunt. Maximæ ætatem Sanctitati Veſtræ gratias agere debeo, quod ea iis, quos
ad publicas diſputationes ſelagi, duos pluribus benevolentia ſignis complexa ſit, æſtari etiam Ca-
municatum in Patria ſua benigne conſiderit. Ut autem de me etiam aliquid dicam, id mihi hoc an-
no propoſitum fuit, ut omnem Scholæ formam, & materialium diviſioſem ſummi conjungerem. Li-
turgicæ etiam Exercitationes, & Livurgici Theſauri Colleſtionem multis ſum. Ea omnia in ſepa-
rato Tomo, qui ſcribetur *Alia Scholæ Sacrorum Rituum Anno 1730. plecto calamo conſcribo*.
Opus huiusmodi cum Sanctitati Veſtræ probatum jam ſit, ſcitis etiam proſecutum ſtudioſiſſis Adole-
ſcentibus ſuorum conſido. Na varo ultiora eadem repetendo Sanctitati Veſtræ moleſtus ſim, mihi;
& Auditoribus meæ pignus Paternæ benevolentiaſ Apollolicæ Beneſiſſionem humillima ſagito.

Ea Collegio Romano 21. Juulii 1730.

SANCTITATIS VESTRÆ

Humillimus, Addiſſimus Servus, & Filius aſſequentiſſimus
Emmanuel da Aſcvedo Societatis Jeſu.

C 2

Ms.

I. Singulis annis typis edetur Volumen ducentas ad minimum complectens paginas, in quo sequentia continentur: 1. uimurum 1. Titulus materiam, de qua agendum eo anno. 2. rit, & ipse Operis dedicatio. 3. Syllabus Auditorum, qui Scholam nomen dederint usque ad Kalendas Januariarum. 4. Materiam eo anno proposita, & viginti aliarum questionum, vel de eodem argumento, vel potius de aliis in Sacra Rituum Congregatione agitari solitis. 5. Epistola Summo Pontifici quotannis exhibenda. 6. Denum duplex libellus pro totidem publicis disputationibus.

II. Quoniam vero Volumen hoc ducentas circiter paginas complectens in Auditorum praesentium utilitatem credere debet, hinc plura illius edentur exemplaria, quae, diuisa per folia, ita disperstentur, ut exacto anno Scholam curricula, ducenti ex Auditoribus, qui Scholam assidue interfuerint, totum singuli Volumen gratis obtineant.

III. Porro ex 200. in paginis satis erit, si Professor 100. quotannis replet Incubationibus a se de novo elaboratis; reliquis vero vel suis, vel aliorum rebus iterum casu, prout utilius iudicaverit, supplere poterit; imo Auditorum laboribus uti, si qui fortasse sui ingenii, atque studii speciem praeberere meruerint.

IV. Quotannis igitur duas exhibebit disputationes publicas, quarum altera versetur circa materiam, de qua illo anno assum in Schola fuerit, vel totam comprehendendo, vel aliquam illius partem elucidando. Altera vero circa materiam aliquam ex his, quae in Sacra Rituum Congregatione agitari solent, quae plerumque ex 20. ultimis Exercitationibus primo anno propositis desumetur. Et huius duplici materiam duplex respondebit libellus, quem supra iunimus.

V. Si quando occasio tulerit, ut inter privatas Scholae exercitationes agendum sit de peculiari aliqua re, ut ita dicam, extra ordinem; non id fiet, nisi aliquot diebus ante Auditores praenominantur, ut nempe tractari pro dignitate possit.

VI. Viginti illarum Questionum, sive Exercitationum, quas addendas diximus aliis octoginta circa materiam in titulo quotannis propositam discutendis, transibuntur privatim, cum iis scilicet Auditoribus, quibus maior erit sui progressus cura: quibus etiam folia in Ordinaria Sacrorum Rituum Congregatione imprimi solite communicabuntur, & negotia ibidem contenta, atque Sacra Congregationis Decreta.

VII. Tempus integrum octoginta propositis Questionibus tribuendam totidem dies complectetur, numerandos a Festo Praesentationis Beati Virgini usque ad Festum S. Aloysii Gonzagae.

VIII. Scholae vero exercitium incipiet hora 21. cum dimidio usque ad 23. Primo quadrata Aet explicatio; secundo unus ex Auditoribus aliquid ex proposita questione deducet, & argumenta ob alio Auditore obiecta confutabit: ex qualibet vero Questionum decade una pro disputatione semipublica, sive, ut aiunt, mastrata seligetur, quam aliquis ex Auditoribus primo quadrante elucidabit, & in secundo obiectionibus cum Praeceptoribus, tam alienigenis Auditorum satisfaciatur.

IX. Ante S. Aloysii Gonzagae Festum, ut supra iunimus, Epistola Summo Pontifici exhibebitur, in qua Scholam ratio reddatur, designeturque, quos eo anno progressus fecerint Auditores.

X. Denique Sacrorum Rituum Professor in rebus ad Scholam pertinentibus non tam propriam eruditionis & doctrinae laudem, quam Auditorum utilitatem praeculis habebit. Cum praesentem in Theauri Liturgiae collectionem, quam curare debet, magnam sit habiturus materiam, in qua ingenium tum suum, tum amicorum exerceatur, si qui forte erunt, qui Operi utilissimo adjuvices manus praestare velint.

XI.

MATERIA SINGULIS ANNIS DISCUTIENDA.

- | | | |
|--------------------------------------|-----|------------------------|
| 1. De Sacrosancto Missae Sacrificio. | vel | De Missali Romano. |
| 2. De Divina Officio. | | De Breviario Romano. |
| 3. De Sacramentorum administratione. | | De Rituali Romano. |
| 4. De Benedictionibus & precibus. | | De Pontificali Romano. |

In primis duobus argumentis non solum Missam, sed etiam Ceremoniale Episcoporum, & Martyrologium Romanum alucidi possunt; siquidem praestus Scholam Anni est, virum Ecclesiasticum optime instructum reddere in intelligentia librorum Liturgicorum, quibus Ecclesia Romana unum utitur. Huiusmodi vero argumenta Exercitationes nostrae Liturgicae pertractant, ad quas magno praesidio nobis sunt Opera BENEDICTI XIV. in quibus de Missa, de Festis, & de omnibus fere rebus ad Ecclesiasticam disciplinam pertinentibus fassè disserunt. Pro viginti tamen Exercitationibus de rebus in Congregatione Sacrorum Rituum agitari solitis, peculiare Scholae nostrae facinus obsequio Tomos De Canonizatione Sanctorum, quos unum Volumina in Synopsin redactos compleri sinis.

XII. Thesaurus Liturgicus, & peculiare in eo dissertationes de rebus, quas Ecclesiasticas, vel profana Historia, Conciliareque Sanctiones ad Sacrorum Rituum illustrationem suppeditabant, non ad Scholam exercitium, neque ad ejusdem Auditores spectant, sed eas peculiari titulo dedicamus Sacrorum Rituum Academiae dignitate & scientiam clarissimam, quorum plurimos vel Codices & dissertationes nobis transmittendo, vel suppeditando materiam, vel protectione sua studia nostra promovendo, benevolentissimos nobis magno Literarum reipublicae bono experti sumus.

I N D E X

LIBRORUM, ET CAPITUM.

LIBER PRIMUS.

De Festis Domini Nostri Jesu Christi.

CAP. I.	D E Festo Circumcisionis Domini Nostri Jesu Christi; & Octava Nativitatis ejusdem, qua Kal. Januarii celebrantur.	Pag. i
II.	De Festo Epiphaniæ, quod posttridie Nonas Januarii celebratur.	19
III.	De Sanctissimi Nominis Jesu Festo, quod secunda post Epiphaniam Dominica celebratur.	61
IV.	De Dominica Palmarum.	67
V.	De Matutinis Tenebrarum, qua quarta, quinta, & sexta Feria majoris hebdomada Vesperis recitantur.	83
VI.	De Feria quinta in Cæna Domini.	91
VII.	De Feria sexta in Parasceve.	142
VIII.	De Sabbato Sancto.	257
IX.	De Dominica Pasche, ac de duobus Festis, qua consequuntur.	300
X.	De Festo Ascensionis quod Feria quinta celebratur, qua Dominicam quintam post Pascha consequitur.	303
XI.	De Festo Pentecostes, quod prima Dominica celebratur post Dominicam infra Octavam Ascensionis.	336
XII.	De Festo Sanctissima Trinitatis.	356
XIII.	De Festo Corporis Christi, quod Feria quinta celebratur post Dominicam, qua Pentecostem proxime consequitur, seu post Octavam ejusdem Pentecostes.	360
XIV.	De Festo Inventionis S. Crucis. Die 3. Maji.	366
XV.	De Festo Transfigurationis Domini, quod die 6. Augusti celebratur.	376
XVI.	De Festo Exaltationis Sanctissima Crucis. Die 14. Septembr.	386
XVII.	De Festo die Natalis Domini Jesu Christi. Die 25. Decemb.	391

LIBER II.

De Festis Beatæ Mariæ Virginis.

CAP. I.	Olim quot instituta Solemnitates in honorem Deipara. Proponitur hujus secundi Libri materia, ac primum agitur de Festo Desponsationis B. M. Virginis cum S. Joseph. Die 23. Januarii.	425
II.	De	

II. De Feste Purificationis Beata Maria Virginis. Die 2. Februarii.	434
III. De Festo Sanctissima Annunciationis. Die 25. Martii.	443
IV. De Festo Dolorum Beatissima Virginis. Feria 6. Hebdomada Passionis.	457
V. De Festo Visitationis Beatissima Virginis. Die 2. Julii.	464
VI. De Festo Beata Virginis de Monte Carmelo. Die 16. Julii.	472
VII. De Festo Dedicationis Ecclesie Sancta Maria ad Nives. Die 5. Augusti.	479
VIII. De Festo Assumptionis Beatissima Virginis. Die 15. Augusti.	489
IX. De Festo Nativitatis Beatissima Virginis. Die 8. Septemb.	510
X. De Festo Nominis Mariae. Dominica infra Octavam Nativitatis ejusdem.	519
XI. De Festo B. Mariae de Mercede. Die 24. Septembris.	521
XII. De Festo Rosarii Beatissima Virginis. Prima Dominica Octobris.	522
XIII. De Patrocinio Beatissima Virginis. Tertia Dominica Novembris.	528
XIV. De Festo Presentationis Beatae Virginis. Die 21. Novembr.	532
XV. De Festo Conceptionis Beatae Virginis. Die 8. Decembris.	536
XVI. De Festo Translationis Almae Domus Lauretanae. Die 10. Decembris.	552
XVII. De Festo Expectationis Partus Beatae Virginis. Die 18. Decembris.	559
XVIII. De Festo Sancta Maria in Sabbato.	560

LIBER III.

De quibusdam Sanctis de quibus celebratur Officium cum Missa in Civitate, & Diocesi Bononiensi.

CAP. I. De SS. Hermete, Aggeo, & Cajo. Die 4. Januarii.	565
II. De Sancto Raymundo de Pennafort. Die 23. Januarii.	570
III. De Sancto Zama Episcopo Bononiae. Die 24. Januarii.	572
IV. De Sancto Guarino. Die 6. Februarii.	581
V. De Sancta Juliana Vidua. Die 7. Februarii.	586
VI. De Sancto Faustiniano Episcopo Bonon. Die 26. Februarii.	592
VII. De Sancto Basilio Episcopo Bononiensi. Die 6. Martii.	595
VIII. De Sancta Catharina Bononiensi. Die 9. Martii.	599
IX. De S. Tertulliano Episcopo Bononiae. Die 27. Aprilis.	604
X. De Sancto Theodoro Bononia Episcopo. Die 5. Maji.	607
XI. De Sancto Pio V. Die 5. Maji.	616
XII. De Beato Nicolao Albergato S.R.E. Cardinali, & Episcopo Bononiensi. Die 10. Maji.	620
XIII. De S. Proculo Milite, ac Martyre. Die 1. Junii.	627
XIV. De	

XIV. De Sancto Pariso Confessore. Die 11. Junii.	638
XV. De Sancto Paterniano Bononia Episcopo. Die 12. Julii.	640
XVI. De Sancto Dominico. Die 4. Augusti.	642
XVII. De S. Bononio Abbate. Die 30. Augusti.	646
XVIII. De B. Petro de Arbues. Die 17. Septembris.	648
XIX. De Sancto Eusebio Bononia Episcopo. Die 26. Septembris.	650
XX. De S. Petronio Bononia Episcopo. Die 4. Octobris.	654
XXI. De Commemoratione Omnium Sanctorum. Die 1. Novem.	669
XXII. De Commemoratione Omnium Fidelium Defunctorum. Die 2. Novembris.	671
XXIII. De Sanctis Vitale, & Agricola. Die 4. Novembris.	673
XXIV. De Sancto Jucundo Episcopo Bononia. Die 14. Novembr.	679
XXV. De Sancto Felice Bononia Episcopo. Die 4. Decembris.	689
XXVI. De Sancto Floriano. Die 16. Decembris.	686

APPENDIX MONUMENTORUM

De quibus fit mentio in hoc Libro III.

L ectioes propriae S. Guarini, quae recitantur a Canonicis Regularibus Sancti Salvatoris.	692
Lectioes propriae ejusdem S. Guarini, quae recitantur a Canonicis Regularibus Lateranensibus.	693
Lectioes propriae Officii S. Julianae, quae olim recitabantur a Monialibus SS. Vitalis, & Agricola.	694
Lectioes in Octava Sanctae Julianae Viduae.	701
Lectioes, quae recitantur a PP. Dominicanis in honorem Sanctae Julianae.	703
Lectioes S. Proculi Episc. & Martyris, & alterius S. Proculi Militis & Martyris, quae olim recitabantur a Monachis Ordin. S. Benedicti.	704
Ex Hymnario antiquo manuscripto Hymni de Sancto Proculo.	709
Lectioes S. Proculi Militis, & Martyris, quae recitantur a PP. Dominicanis.	711
Lectioes S. Parisi.	712
Lectioes SS. Vitalis, & Agricola, quae olim recitabantur a Monialibus S. Vitalis.	714
Lectioes infra Octavam.	717
Lectioes eorumdem Sanctorum, quae recitantur a PP. Dominicanis.	719
Lectioes S. Floriani, quae recitantur a PP. Dominicanis.	720
Lectioes S. Floriani, quae extant in Archivis Vicentiae.	721

Monumenta Translationis Capitis Sancti Petronii Episcopi, & Patroni Civitatis Bononiae.

Congregatio Monachorum Caelestinorum Ordinis S. Benedicti eximia pietati

- sati Sanctissimi Domini Nostri BENEDICTI XIV. morem gerens; quantum sua intererat, dono obtulis Sanctitati Sua Ven. S. Petronii Caput in Basilica Sancti Stephani asseruatam, & Donationem publicis Tabulis consignavit.* 725
- Copia Decreti Capituli Definitorialis habiti in Regali, ac Venerabili Monasterio SS. Petri, & Catharina ad Magellam de Neapoli die 25. Novembris 1741.* 728
- Eminentissimus, & Reverendissimus Dominus Nerius Tituli Sancti Eustachii Sancta Romana Ecclesia Diaconus Cardinalis Corsini Jure Abbatis Commendatarii Basilicae Sancti Stephani Ven. Sancti Petronii Caput BENEDICTO PAPA XIV. dono dedit, publico edito Instrumento.* 730
- Sanctissimus Dominus Noster BENEDICTUS PAPA XIV. Sancti Petronii Caput Insigni Collegiatae Ecclesiae eidem Sancto Antistiti dicata munificentissime attribuit, ac in illam solemni ritu transferri mandavit, custodiae leges adjecit, aliaque disposuit.* 733
- Primicerius, Canonici, & Capitulum Insignis Collegiatae Ecclesiae S. Petronii Bononiae Pontifici Benificentissimo pro accepto praclaro munere gratias agunt.* 737
- Litera Apostolica Sanctissimi Domini Nostri, quibus hortatur Abbatem Conventualem Sancti Stephani Bononiensis ut S. Petronii Caput tradat Episcopo Amabuntae Pontificio Nomine illud propediem requirenti.* 739
- Abbas Conventualis Sancti Stephani Bononiensis Summo Pontifici rescribit.* 740
- BENEDICTUS XIV. PONT. MAX. Ad augendam solemnis Translationis Capituli Sancti Petronii celebritatem, die illius anniversaria Missam, & Officium proprium indulget.* 741
- Publicum Instrumentum &c.* 743
- Aliud publicum Instrumentum.* 749
- Aliud publicum Instrumentum.* 751
- BENEDICTI XIV. Epistola ad Canonicos Metropolitanam Ecclesiam Bononiensem, cum ad eandem Corpus S. Proci Martyris mitteret.* 754
- BENEDICTI XIV. Litera Apostolica in forma Brevis eisdem inscripta, qua pro authentico publicoque Instrumento praefati doni valitura sunt.* 765



DE FESTIS
DOMINI NOSTRI
JESU CHRISTI.
LIBER PRIMUS.
CAPUT PRIMUM.

*De Feflo Circumcifionis Domini Noftri Jefu Chrifti, & de Oétava
Natiuitatis ejufdem, quæ Kal. Januarii celebrantur.*



ESTUM Circumcifionis & Oétavæ Nati-
uitatis Domini Noftri Jefu Chrifti Kalen-
dis Januarii celebratur. Ut ad hoc argu-
mentum paratiores aliquando acceda-
mus, primo de Inftitutione Circumcifio-
nis; fecundo de illius effectibus; tertio
de Circumcifione Chrifti Domini verba
faciemus: tum de Feflo ipfo dicere ag-
grediemur, quo fit Circumcifionis com-
memoratio, & Circumcifum Dominum adoramus.

*Quatuor pro-
ponuntur enu-
meranda.*

2 Quod ad primum attinet, Circumcifionis ritum a Deo in-
ftitutum effe conftat in Cap. 17. Geneſeos, ubi legimus, Deum
Tom. X. A Abra-

*Deus fuit
Circumcifionis
auétor.*

Abrahamo apparuisse, multaque illi pollicitum, Circumcisionem imperasse; quo quidem præcepto quinque continentur. Primum ad sexum pertinet, ut soli masculi circumciderentur: *Circumcidetur ex vobis omne masculinum*. Secundum masculorum circumcisorum conditionem statuit: Deus enim jubet, ut Abraham se, suosque filios, atque etiam servos circumcidat: *Omne masculinum in generationibus vestris, Et tam vernaculus, quam emissarius circumcidatur*. Tertio certum Circumcisionis tempus statuitur, octavus nempe post natum puerum dies: *Infans octavo dierum circumcidetur in vobis*. Quartum partem designat corporis, in qua fieret circumcisio: *Circumcidetis carnem præputii vestri*. Quinto denique declaratur, eum esse usum seu finem instituendæ Circumcisionis, ut sit signum fœderis inter me & vos, eamque legem nullo non tempore duraturam: erit pactum meum in carne vestra in sædus æternum; addita sanctione, ut qui legi non paruissent, pœnas luerent: *Masculus, cujus præputii caro circumcisa non fuerit, delebitur anima illa de populo suo, quia pactum meum irritum fecit*.

Circumcisionem Deus præcepit Abrahamo. Leu deinde promulgata per Moysen.

3 Circumcisionem, quam Abrahamo Deus præcepit, institutam esse oportuit multo ante Mosaicæ legis promulgationem: ut notat D. Thom. 3. par. quæst. 70. art. 2. Leges enim, ut ratio postulat, feruntur populo convocato, populique Deo fidelis convocatio per sensibile Circumcisionis signum facta fuit. Post quadringentos circiter annos ab Abraham Deus Moysen elegit, qui legem promulgaret, in qua ipsa quoque Circumcisio continebatur, ut in Levit. c. 12. *Et die octavo circumcidetur infantulus*. Ac si quis ex Gentibus Judaicam Religionem voluisset amplecti, opus illi erat juxta eam legem non sese tantum, sed filios suos omnes subdere Circumcisioni. Quod si quis (Exodi cap. 12.) peregrinorum in vestram voluerit transire coloniam, & facere Phasæ Domini, circumcidetur prius omne masculinum ejus, & tunc rite celebrabit, eritque sicut indigena terræ; si quis autem circumcisis non fuerit, non vescetur ex eo. Huc pertinet planeque consentit, quod narratur Cap. 14. Judith, prodigiis, quæ a Deo fiebant in Israël, commotum Achior, relicto idolorum cultu, veram Religionem amplectum, sese circumcisisum voluisse, atque ita in populum Israeliticum immigrasse. Christus Dominus Joann. cap. 7. cum ante octodecim mensis die quodam Sabbathi miro plane modo Paralyticum a morbo restituisset, multis Hebræorum ob eam rem de illo detrahentibus dixit: *Unum opus feci, Et omnes miramini*, ut eorum perfidiam argueret: Propterea, inquit, *Moyses dedit vobis Circumcisionem (non quia ex Moysæ est, sed ex Patribus)*. Si Circumcisionem accipit homo in Sabbatho, ut non solvatur lex Moysi; mihi indi-

indignamini, quia totum hominem sanum feci in Sabbatho? Quibus verbis illud declarare voluit, quemadmodum præceptum de servando Sabbatho, & lex de Circumcisione lata per Moysen, seu potius per illum instaurata, qua vetus, & Patriarcharum usu venerabilis cæremonia præcipiebatur, nihil obstabat, quominus Judæi Sabbatho circumciderent, ita se quoque, immo potiore jure, nihil impediante Sabbatho, Paralyticum sanitati poruisse restituere, ne ab ea charitatis lege recederet, qua jubemur laboranti proximo opem ferre, tantoque studio & animi contentione, quantam res ipsa postulaverit, præbere illi auxilium, sicut ipse Christus Dominus cum misero illo sese gesserat Paralytico, cui novem & triginta annorum spatium nemo fuerat, qui de ferenda ope cogitasset.

*Circumcisio
non ab Ægyptiis
ad Hebræos, sed ab
his ad Ægyptios
profecta
est.*

4. Quæ hæcenus a nobis dicta sunt, satis aperte declarant, quod priore loco proposueramus examinandum, videlicet Institutionem Circumcisionis. Verum quis crederet, non defuisse, quæ rei clarissimæ, quam nemo sanæ mentis negaverit, tenebras obducere conarentur? Extitere audaces homines, rerumque novarum cupidi, Marshamus & Spencerus, qui affirmare ausi sunt, Hebræos Circumcisionis ritum ab Ægyptiis accepisse, afferentes Herodotum lib. 2. cap. 10. & Diodorum Siculum Biblioth. lib. 1. cap. 17. qui Colchos, Ægyptios, & Æthiops sibi pudenda corporis circumcidere solitos, eamque consuetudinem ab Ægyptiis ortam esse diserte testantur, quorum Novatorum effrænatam fregerunt audaciam viri doctissimi, qui Herodoto & Diodoro profanis Scriptoribus, in iis quæ de Circumcisionis origine tradiderunt, fidem omnem esse abrogandam apertissime demonstrarunt: Moysen, qui scripsit Pentateuchum, vetustissimum esse primumque ex omni Gente scriptorem: Herodotum multis post sæculis sub Dario Hystaspæ, Xerxæ, & Artaxerxæ Longimano, Diodorum vero Julii Cæsaris & Augusti ætate floruisse; neutrum autem Hebræorum rituum habuisse notitiam: apud Ægyptios quidem aliosque finitimos populos fuisse Circumcisionis consuetudinem, ut constat ex Hieremiæ cap. 9. *Eccce dies venit, dicit Dominus, & visitabo super omnem, qui circumcisum habet præputium, super Ægyptum, & Juda &c.* non tamen ab Ægyptiis ad Hebræos, sed ab his ad Ægyptios, vicinosque illis populos Circumcisionem esse profectam: eas Gentes vel amicitia, qua cum Abrahamo, Josepho, & Moysæ jungebantur, eorumque, quos plurimi faciebant, exemplo ductas, vel Judaicæ religionis, quam miraculis Deus tantopere illustraverat, fama permotas; vel frequentissimis, Salomonis præsertim ætate, Hebræos inter, & Ægyptios commerciis intercedentibus, Judaicorum rituum splendore captas, in suos mores

Circumcisionis consuetudinem induxisse. Hanc vero rem totam magna eruditione argumentorumque vi pertractarunt Natalis Alexander. Histor. Vet. Testam. tom. 1. diss. 6. Graveſon. Histor. itidem Vet. Test. tom. 1. pag. 339. & de myſter. & annis Chriſti diſſert. 9. pag. 192. Honoratus a S. Maria de uſu Criticæ tom. 2. lib. 3. diſſert. 3. Franciſcus Valeſius de ſacra Philoſophia Cap. 18. & Calmet diſſert. de Origine & antiquitate Circumciſionis. *De Natali Jeſu Chriſti* opus edidit Typis Amſtelodamendiſibus anno 1689. Antonius Bineus, & ad ejus calcem Diſſertationem addidit *de Jeſu Chriſti Circumciſione*, in qua ille, etſi hæreticarum partium homo, negat ad Hebræos ab Ægyptiis Circumciſionem eſſe traductam, ſed Hebræos ita a Deo juſſos ritum illum inſtituiſſe. *Circumciſionis ritum non puto Judeos Ægyptiis debere. Credi par eſt Circumciſionis legem ab ipſo Numine Abrahamo Gentis patri traditam fuiſſe. Etenim, ſi ſacris litteris ſua conſtet fides & reverentia, agnoſcendum omnino eſt, Circumciſionis ritum ab ipſo Deo Abrahamo datum in ſui fœderis ſignum. Deinde diſputat, an a Judæis Ægyptii circumcidendi morem acceperint; idque negat fieri potuiſſe; Ægyptii enim a Judæis, eorumque rebus omnibus maxime abhorrebant: ac in ea demum verba rem omnem concludit: *Sentio nec Judeos ab Ægyptiis, nec hos ab illis mutuatos eſſe Circumciſionis ritum, ſed idem inſtitutum apud utramque gentem ex cauſa invaluſſe diverſa: apud Judeos ex præcepto Numinis, ut fœderis, cuius ſignum erat, fidem ratam faceret & firmam: apud Ægyptios, quibus omnibus circumcidendi mos non communis fuit, ut Judæis &c. ſed a Sacerdotibus in primis uſurpatus ex ſtudio mundiitici.**

De ejus effectibus. Circumciſio data in ſignum, quo Hebræi a cæteris gentibus diſcernerentur.

5 Quod ad Circumciſionis effectus attinet, S. Hieronymus: in Cap. 3. Epiſt. ad Galatas ait Chriſtum oportuiſſe naſci ex ſemine Abrahamæ; cumque a Chriſto ad Abrahamum multa eſſent ſecula evolventa, ne Abrahamæ ſoboles cum ceteris Gentibus miſceretur, opus fuiſſe, ut Iſraeliticus populus Circumciſionis ſigno ſecerneretur ex quo factum eſſe arguit S. Doctör, ut in celebri illa quadraginta annorum peregrinatione in Deſerto nullus Hebræorum circumcideretur, quod toto illo tempore ab omnibus Gentibus populus ille ſejunctus eſſet. *Quia ex ſemine Abrahamæ erat Chriſtus oriundus & ab Abraham uſque ad Chriſtum multa erant ſecula tranſitura, providens Deus, ne ſoboles dilecti Abrahamæ ceteris nationibus miſceretur, & paulatim ſamilia ejus fieret incerta, Gregem Iſraeliticum quodam Circumciſionis cauterio denotavit. Denique per quadraginta annos in Ereſmo nullus eſt circumciſus: ſoli quippe ſine Gentis alterius commixtione vivebant. Statim ut Jordanis ripam tranſgreſſus eſt populus, circumciſio neceſſario futuro ex commixtione*

Gen-

Gentium providit errori Cum quo consentit D. Chrysostomus Hom. 39. in Genesim, ubi loquens de Circumcisione, quam Deus Abrahamo praeceperat, ait: *Volebat eos, qui ex ipso propagandi erant, facere suum peculiarem populum & ut postea cum multitudo propagaretur, non se Gentibus illis quarum hereditatem occupatura erat, commisceret.* Et S. Irenaeus lib. 4. cap. 30. ait, Circumcisionem datam fuisse Abrahamo in signum, *ut cognoscibile perseveret genus Abrahæ.* Idem docet Theodoretus quæst. 67. in Genesim. Id etiam fatetur Iosephus lib. 1. Antiquitat. Cap. 2. *Quia scilicet volebat genus Abrahæ cum aliis Gentibus permisceri, ideo corporali hac nota insigniri, ac discerni voluit.* Et D. Th. 1. 2. quæst. 102. art. 5. ad pr. de Circumcisione loquitur in hunc modum: *Ratio Circumcisionis principalis fuit ad protestationem unius Dei. Et quia Abraham fuit primus, qui se ab Infidelibus separavit exiens de domo sua, & de cognatione sua, ideo ipse primus Circumcisionem accepit.* Atque ut ejusmodi protestatio & imitatio fidei Abraham Judæorum animis quam firmissime inhæreret, ideo in eorum carne datum est signum, cujus memoria excidere illis non poterat. Ob eamque rem vulgo ab illis Gentibus *Circumcisi*, & rursus ab iis omnes Gentes *incircumcisorum* nomine appellabantur. Et D. Paulus, cum Hebræos & reliquas Gentes nominare illi contingit, non aliis quam Circumcisionis, & præputii vocibus uti solet.

6 Atque id qui in dubium revocet, puto esse neminem. Jam vero de Circumcisionis effectibus tota quæstio huc redit: Sacramenta veteris legis, ut Theologi omnes cum D. Th. 3. par. quæst. 62. art. 6. consentiunt, neque ipsa per se gratiam justificantem conferbant, neque virtutem habebant eandem conferendi gratiam ex Passione Christi. Cum enim virtus Passionis Christi per fidem & Sacramenta nobis applicetur, & applicatio per fidem fiat per actum animæ; applicatio vero per Sacramenta fiat per usum quarundam exteriorum rerum; potest quidem id quod est posterius tempore, priusquam sit, movere; quia præcedit in actu animæ ut loquitur S. Doctor; eo prorsus modo, quo finis seu causa finalis etsi posterior tempore, tamen quia ab agente desideratur, agentem ipsum commovet & impellit; quod autem in natura rerum nondum est, secundum exteriorum rerum usum movere non potest: quare cum causa efficiens non possit suo effectu esse posterior causa finali; inde fit, quo etsi veteres Patres, æque ac nos, per eandem Fidem Passionis Christi justificabantur; gratia tamen, quæ in Sacramenta novæ legis a Passione Christi defluxit, non potuit in Sacramenta Veteris legis derivari; quæ propterea Sacramenta in lege veteri nil quidquam aliud erant, quam Fidei protesta-

Quinam effectus fuerint Circumcisionis. Sacramenta veteris legis per se non conferbant gratiam justificationem ex doctrina D. Thomæ & omnium Theologorum.

testationes, & signa effectuum ex Christi Passione prodeuntium. Sic enim manifestum est (verba sunt S. Doctoris) quod a Passione Christi, quæ est causa humanæ justificationis, convenienter derivatur virtus justificativa ad Sacramenta novæ legis, non autem ad Sacramenta veteris legis; Et tamen per fidem Passionis Christi justificabantur antiqui Patres, sicut & nos. Sacramenta autem veteris legis erant quædam illius Fidei protestationes, inquantum significabant Passionem Christi, & effectus ejus. Sic ergo patet quod Sacramenta veteris legis non habebant in se aliquam virtutem, qua operarentur ad Gratiâ justificantem, sed solum significabant fidem, per quam justificabantur.

Discrimen inter veteris, & novæ legis Sacramenta unde censet, variæ sententiæ. Veteris legis Sacramenta ex opere operantis, novæ legis ex opere operato gratiam conferunt.

7 Nonnemo arbitratur, hanc quam attulimus D. Thomæ doctrinam ita omne suum robur obtinere ex alio quodam ejusdem S. Doctoris principio, Sacramenta nimirum esse causam physicam gratiæ, ut elevari, vel omnino ruere possit, si aliorum Theologorum sententiam amplectamur, qui Sacramenta non nisi moralem gratiæ causam esse putant. Quamobrem Theologus, qui nuperrime ad celeberrimi Bistii Theologiam additiones suas apposuit, monet Thomistas, ut strenue propugnent, Sacramenta physice gratiam producere, ne labantem, nutantemque videant Angelici Doctoris doctrinam de discrimine Sacramentorum utriusque legis, ut videre est in notis ad §.29.lib.4: distinct.1. Quidam vero putant, etiam si velimus Sacramenta nonnisi moraliter gratiam operari, non tamen tolli discrimen illud, a S. Thoma ex ea quam attulimus ratione petittum, inter utriusque legis Sacramenta; & similitudinem quamdam afferunt ad hunc modum. Duo sunt, quorum alter, ut laborum suorum mercedem accipiat, testimonia profert earum rerum quas gesserit; alter ut mercedem iidem assequatur, syngrapham exhibet, qua se hoc vel illud facturum pollicetur. Profecto nonnisi moralis causa utrobique deprehenditur: & quemadmodum ea testimonia efficaciam habent mercedis obtinendæ, syngrapha vero non item; eodem plane modo etiam si Sacramenta moraliter tantum producant gratiam, nihil tamen impedit, quin dicamus novæ legis Sacramenta vim & efficaciam habere ex meritis Passionis, & Crucis, quam Christus Dominus jam subierit; veteris vero legis Sacramenta, quæ signa sunt tantummodo futuræ passionis, eadem vi & efficacia carere. Vid. Suarez in 3. par. D. Th. tom.3. quæst.62. art.6. disp.10. sect.2. Utcumque tamen sit de acutis hujusmodi Theologorum disputationibus, illud certe nobis est exploratum, veteris legis Sacramenta figuram fuisse gratiæ, quam conferebant per fidem & pietatem tum ministrorum, tum suscipientium, sive ut Theologi dicunt

dicunt *ex opere operantis*; & rursus Sacramenta novæ legis continere gratiam, eamque digne suscipientibus conferre ex merito Passionis Christi, ac propterea, ut iidem Theologi dicere solent, *ex opere operato*. Quamobrem Eugenius IV. in Decreto, seu Instructione Armenorum ait: *Novæ legis septem sunt Sacramenta &c. quæ multum a Sacramentis differunt antiquæ legis. Illa enim non causabant gratiam, sed eam solum per Passionem Christi dandam esse figurabant: hæc vero nostræ &c. continent gratiam, & ipsam digne suscipientibus conferunt.* Quæ doctrina egregie explicatur in Catechismo Romano par. 2. de Sacram. in genere n. 29.

8 Quod de Sacramentis veteris legis hætenus disseruimus, idem de Circumcisione sine ulla controversia dici posse videtur. Verum cum Circumcisio sit legis naturæ Sacramentum, non vero legis Mosaicæ; nova oritur quæstio, quæ ad ejus effectum pertinet. Veteres Theologi in diversas abiire sententias. Quidam affirmarunt, per Circumcisionem gratiam quidem non conferri, sed aboleri peccatum. Alii arbitrati sunt, Circumcisionem gratiam ita conferre, ut removeatur quidem culpa, non tamen ut proprii effectus gratiæ producantur. Nonnulli denique putarunt, Circumcisionem gratiam conferre, dignumque æterna vita hominem reddere; concupiscentiam tamen, qua ad peccandum impellimur, minime coercere. Has omnes opiniones commemorat, & refellit D. Th. 3. par. quæst. 62. art. 6. *ad tertium*; nec quisquam est qui hoc tempore earum aliquam tueatur. At duo etiamnum inter Theologos disputantur: an Circumcisio originali peccato remedium attulerit: & an produxerit gratiam ex opere operato.

Verba de effectibus Circumcisionis Theologorum sententia.

9 Uterque effectus a quibusdam Circumcisioni tribuitur, ut nimirum non modo remedium esset, & peccatum originale deleteret, sed etiam conferret gratiam ex opere operato. Quam quidem sententiam innixam esse ajunt illis verbis cap. 17. Genes. *Masculus, cujus præputii caro circumcisa non fuerit, delebitur anima illius de populo suo, quia pactum meum irritum fecit*: eaque verba adlitteram intelligenda esse contendunt, ut sensus sit; si quis masculus, non servato Circumcisionis pacto, cujus tantummodo beneficio ab æterna morte liberari potest, circumcisus non fuerit, anima ejus peribit; eodem plane modo quo dicimus, infantis non regenerati baptismo animam perire, propterea quod non observata fuerit baptismatis institutio, cujus ope tantummodo salutem æternam consequi potuisset. Vide Estium in lib. 4. distinct. 1. §. 29. & duobus sequent. Atque huic doctrinæ magnum addit pondus S. Augustinus, qui plurimis in locis expresse eam tradit, ut videre est lib. 16. de Civit. Dei cap. 27. de Peccato Orig. cap. 30.

Circumcisionem & remedium fuisse peccati originalis, & gratiam continentem se putat Jo. Venetus. Huic sententia favere videtur D. Augustinus.

cap. 30. & 31. & de Nuptiis & Concupisc. cap. 11. Juveninus autem in Commentario de Sacramentis disput. 2. de Baptismo quæst. 1. art. 2. hanc opinionem saltem ut probabilem proponit, præsertim propter expressam D. Augustini auctoritatem. Neque eo deterretur, quod si Circumcisio remedium peccato originali afferbat, cum nonnisi octavo post natum puerum die conferri posset, ejusmodi remedio caruisse oportet pueros, qui intra octo illos dies morte prærepti essent, atque adeo Hebræos omnes toto peregrinationis suæ tempore in deserto, quorum incompertum est circumcisum fuisse quempiam. Cui objectioni respondet, Hebræorum infantes intra dies octo mortuos, per fidem patrum suorum sensibili aliquo signo declaratos, justificatos; cum Hebræis vero in deserto nulla certa statione peregrinantibus, itinere ipso occupatis, & identidem, huc & illuc abeuntibus, sublata proinde facultate circumcidendi, fuisse dispensatum; vel etiam illos neglectæ Circumcisionis culpam contraxisse; vel denique eorum, qui nati per illud tempus essent, obiisse neminem, omnesque simul esse tandem circumcisos. Et quamquam non afferat D. Thomæ auctoritatem, hanc tamen esse doctrinam ipsius Angelici Magistri ex 3. par. quæst. 70. art. 4. ubi nullum peregrinationis tempore masculum circumcisum fuisse probat ex Josue Cap. 5. *Populus qui natus est in deserto, per quadraginta annos incircumcisus fuit. nullumque incircumcisum in deserto e vivis esse sublatum arguit ex illo Psalm. 104. Non erat in tribubus eorum infirmus.*

Eam sententiam alii quod obrem impugnant.

10 Quidam vero adversus hanc doctrinam acerrime pugnant, contenduntque Circumcisionem nunquam originalis culpæ fuisse remedium, gratiamque nunquam contulisse ex opere operato. Ac præter eam rationem (quod scilicet, si Hebræis petendum fuit a Circumcisione culpæ originalis remedium, necessario consequitur, tum pueros infra octo a nativitate dies mortuos, Judæos in deserto quadraginta annorum spatio omni ope caruisse, qua originali peccato niederentur) proferunt etiam ex Genes. cap. 17. eadem quæ superius attulimus verba: *Hoc est pactum meum, quod servabitur inter me & vos, & semen tuum post te. Circumcidetur ex vobis omne masculinum, & circumcidetis carnem præputii vestri, ut sit signum fœderis inter me & vos.* Ubi non ait Deus, Circumcisionem esse peccati remedium, neque gratiam producere, sed signum, quo veluti discrimine Judaicus populus a ceteris Gentibus segregaretur: signum singularis amoris, quo Deus illum populum complectebatur; signum religionis & cultus, quo vicissim ille populus præcipuum Deo honorem tribuere debebat. Afferunt etiam textum ex D. Pauli epist. ad Romanos

manos cap. 3. *Quid ergo amplius Judæo est, aut quæ utilitas Circumcisionis? Multum quidem per omnem modum. Primum, quia credita sunt illis eloquia Dei: atque observant in illo verbo primum significari primam, & præcipuam, quæ ex Circumcisione oritur, utilitatem; cumque eam Apostolus in lege a Deo Hebræis tradita, & in Oraculis solum constituat, inde arguunt, Circumcisionem, juxta literalem sensum Apostoli, gratiam justificantem non conferre.*

*Quid illi ad
Augustini loca
respondeant.*

11 Quia vero D. Augustini contraria sententia, propter gravissimam tanti Doctoris auctoritatem, maxime ut par est commoventur, declinare eam student: ita tamen, ut ne summi viri meritis quidquam detrahatur. Profecto S. Doctor versione LXX. interpretum usus est, in qua textus ille Geneseos ita legitur: *Masculus qui non circumcidetur carne præputii sui octavo die, interibit anima illa de genere suo, quia testamentum suum dispavisti*: quam lectionem sequitur etiam D. Ambrosius Epist. 77. & Origenes lib. 2. super Epist. ad Romanos cap. 3. prope finem. Jam vero verba illa *octavo die* defunt in codicibus Hebraicis, in Paraphrasi Chaldaica, & in Latina vulgata, ut apparet in textu a nobis supra allato: *Masculus, cujus præputii caro circumcisa non fuerit, delebitur anima illa de populo suo, quia pactum meum irritum fecit*. Igitur ex verbis illis *octavo die* D. Augustinus adductus est ut crederet, Deum de infantibus loqui; mortemque quam iis minitur, poenam esse peccati originalis, cujus tantummodo ante octavum diem infantes rei esse poterant; & testamentum, seu pactum, seu præceptum, a quo dicuntur in textu infantes descivisse, non esse præceptum de Circumcisione, sed præceptum, quod Adam prævaricatione sua violavit. Verum verba illa *octavo die* defunt in versione vulgata, qua & utimur & uti debemus; quo quidem patefieri videtur nobis via ad illum textum ita explicandum, ut salva semper veneratione Sanctissimo viro, de cujus auctoritate nefas est quidquam imminui, non de infantibus verba illa accipiantur, sed de adultis; non de morte spiritali & æterna, sed de poena, quia incircumcisi a populo electo segregati erant; non denique de præcepto quo Adam pomum comedere prohibitus est, sed de Circumcisione, quam Deus Abrahamo ejusque posteris imperavit. Ad hunc modum loquuntur Venerab. Card. Bellarminus tom. 3. Controvers. lib. 2. de effectibus Sacrament. cap. 17. Natalis Alex. Hist. Eccl. Vet. Testam. Ætat. 3. cap. 1. num. 4. Calmet ad illum locum Genes. cap. 17. & Tournely de Sacram. in genere quest. 3. Concl. 3. ubi respondet objectionibus in fine omnium vero optime Coquæus in notis ad cap. 27. lib. 16. D. Augustini de Civit. Dei.

Tom. X.

B

12 Ut

*Alla aliorum
sententia. D.
Thomæ sen-
tentia statuitur.
Circum-
cisio suis Sa-
cramentum
veteris legis,
quæ gratiam
conferbat ex
opere operan-
tis.*

12 Ut ex his ambagibus sese expedirent alii aliam viam ingressi sunt. Theophilus Raynaudus tom. 1.3. pag. 94. ait, Circumcisionem non ideo institutam fuisse a Deo, ut peccati originalis esset remedium, sed in infantibus qui intra dies octo morerentur, originalem deletam esse culpam per illud idem Sacramentum, seu Sacrificium, quo debebatur in lege naturæ, & ante Circumcisionem a Deo datam Abrahamo, juxta S. Augustini doctrinam lib. 5. contra Julianum cap. 2. *Nec ideo credendum est, & ante datam Circumcisionem famulos Dei, quandoquidem eis inerat Mediatoris Fides in carne venturi, nullo Sacramento ejus opitulatos fuisse parvulis suis, quamvis quid illud esset, aliqua necessaria causa Scriptura latere voluit.* Quod vero ad Hebræos circumcisos attinet, quibus illud legis naturæ remedium non adhibebatur, iis putat in ipsa Circumcisione originalem labem, non quidem ex ipsis vi Circumcisionis, sed ex sola Dei liberalitate absterfam fuisse. Docet Card. de Lugo in Tractatu de Sacramentis disput. 3. sect. 3. Circumcisionem juxta institutionem suam omni justificandi virtute delendique peccatum fuisse expertem; sed cum ad eam rem legis naturæ remedium per aliquod signum externum protestativum Fidei in Christum venturum adhiberi oporteret, parendumque esset legi Circumcisionis a Deo datæ Abrahamo, ac renovatæ per Moysen; Hebræos utrumque præstitisse, usos ipsa Circumcisione, per quam infantibus, applicata in Christum venturum fide, originalis macula elueretur. atque in hunc modum certa quadam norma & regula, in Circumcisione & ex Circumcisione pueros justitiam esse consequutos. Nos vero D. Thomæ doctrina hujus rei examen expediemus, qui 3. par. quæst. 38. art. 3. ad tert. ait: *Ad versum dicendum, quod Circumcisio instituta erat ad remedium originalis peccati: sed Baptismus Joannis ad hoc non erat institutus, sed solum erat præparatorius ad Baptismum Christi: & in eadem 3. par. quæst. 70. art. 4. ait, communem esse sententiam de remissione peccati originalis in Circumcisione. Respondeo dicendum, quod ab omnibus communiter ponitur, quod in Circumcisione peccatum originale remittebatur; & in ea docet non ex opere operato, ut loquuntur Theologi, sed ex opere operantis gratiam justificantem esse collatam: In Circumcisione autem conferebatur gratia non ex virtute Circumcisionis, sed ex virtute fidei Passionis Christi, cujus signum erat Circumcisio: ita scilicet quod homo, qui accipiebat Circumcisionem, profitebatur se suscipere eam fidem vel aditus pro se, vel alius pro parvulis. Cui doctrinæ adhæret Eugenius IV. in Decreto supra a nobis allato, ubi posito inter utriusque legis sacramenta illo discrimine, ut vetera gra-*

gratiam producerent ex opere operantis, nova conferant ex opere operato, Circumcisionem quoque complectitur, quæ data quidem Abrahamo, fuit tamen Mosaycæ legis Sacramentum. Et Innocentius III. in Decretali *Majores* de Baptismo loquens de Circumcisione & Baptismo expresse docet, per Circumcisionem deleri consuevisse originale peccatum: *Quoniam etsi originalis culpa remittebatur per Circumcisionis mysterium, & damnationis periculum vitabatur, non tamen perveniebatur ad Regnum Cælorum, quod usque ad mortem Christi fuit omnibus obferatum; sed per Sacramentum Baptismi Christi sanguine rubricati culpa remittitur, vitatur periculum, & ad regnum Cælorum etiam pervenitur, cujus januam Christi sanguis fidelibus suis misericorditer referavit.*

13 Denique Circumcisionem Christi Domini, quod tertium eorum est & postremum; quorum examen sermoni de Circumcisionis Festo prævertendum putavimus, ex solius D. Lucæ Evangelio compertam habemus cap. 2. *Postquam consummati sunt dies octo, ut circumcideretur puer, vocatum est nomen ejus Jesus, quod vocatum est ab Angelo, priusquam in utero conciperetur.* Ubi S. Lucas refert nomen Christo Domino inditum, de quo sermonem eo rejicimus, cum de Festo Nominis Jesu agemus. Circumcisum Christum Dominum commemorat; sed ubi, a quo circumcisus fuerit, quove instrumento, altum silentium. Quod argumento est, harum rerum notitiam ad æternam animarum salutem minime pertinere; idque in historia Festi hujus diei animadvertit Bailletus. Verum si quis ad Evangelicam Historiam uberius illustrandam expedire putet de iis etiam paucula quædam afferre, laborem hunc minime detrectamus.

De Christi Circumcisione descriptur.

14 Neque in Templo, neque in Synagogis, sed in privatorum ædibus Judæi circumcidebant, ut constat ex prima institutione: domi enim suæ & ipse Abraham circumcisus est, & ibidem filium servosque suos circumcidit. Genes. cap. 17. Quamobrem concludendum videtur, Christum Dominum in Bethleemita spelunca, ubi natus est, circumcisum esse. *Natus est in Bethleem, circumcisus in spelunca, oblatus in Hierusalem, in ulnas acceptus a Simeone:* verba sunt S. Epiphanii hæres. 20. cui assentiuntur non ii modo Auctores, quos inferius profereamus, sed Cornelius quoque a Lapide in cap. 2. Lucæ vers. 21. & Sandinus Histor. sacræ Familæ cap. 2. de Christo Domino. Porro Circumcisio Sacerdotale ministerium non erat, ac ne Leviticum quidem, sed laicum, & a Patrefamilias plerumque administrabatur. Et sane Abraham primus Circumcisionis minister fami-

Ubi, & a quo Christus, quove instrumento fuerit circumcisus.

liæ suæ masculos omnes per se ipse circumcidit, ut in Genes. cap. 17. Isaac itidem filium suum circumcidit, ut est Actor. cap. 7. neque Sephora Moysis uxor moram ullam iniecit, quin ab Angelo increpita quod filium haberet incircumcisum, statim illum circumcideret. Et in lib. 1. Machab. cap. 1. *Mulieres quæ circumcidebant filios suos, trucidabantur secundum jassum Regis Antiochi*. Ex quibus omnibus affirmari posse videtur, vel a B. Virgine, vel a S. Josepho Christum Dominum fuisse circumcisum. Hanc sententiam amplexus, in sacris quoque populi concionibus docuit P. Joannes Interian de Ayala in præclaro Opere anno 1730. Matrili edito, cui titulum indidit, *Pictor Christianus*: & quamquam ab ea recessit, ratus peculiaries quosdam ministros circumcisioni præfectos fuisse, ut omni diligentia, & amoto omni periculo circumciderentur infantes; nobis tamen perplacet prima ejus sententia, cui manifestissime favet S. Ephrem Syrus in Orat. de Circumcisione Domini, ubi e Circumcisione argumentum ducit, Christum Dominum veram carnem assumpsisse. *Si non erat caro, Joseph quem circumcidit?* Et Auctor sermonis de Lamentatione Virginis, *ipsa genuit eum, lactavit eum, octava die circumcidit*. Id quoque Deus videtur Josue imperasse: *Eo tempore ait Dominus ad Josue: Fac tibi cultros lapideos, & circumcide secundo filios Israel*. D. Thomas 3. par. quæst. 70. art. 3. ad secund. hæc habet. *Dicendum quod cultellus lapideus non erat de necessitate Circumcisionis: unde non invenitur tale instrumentum præcepto divino determinatum, neque etiam communiter tali instrumento Judæi utebantur ad circumcidendum, sicuti neque modo utuntur. Leguntur tamen aliquæ Circumcisiones famosa cultello lapideo factæ, sicuti legitur Exodi 4. & Josue 5. per quod signabatur, Circumcisionem spiritua-lem esse faciendam per Christum, de quo dicitur 1. ad Corinthios 10. Petra autem erat Christus. Vid. Suarez in 3. par. tom. 3. quæst. 70. art. 3. disput. 29. sect. 3. vers. Secunda quæstio*. Verum ex his deduci posse, Christum vel lapideo, vel chalybeo, vel ferreo cultro fuisse circumcisum, non temere affirmaverim. Idem P. Ayala eod. loco cultrum fuisse putat vel ferreum, vel chalybeum, ex quorundam profanorum Scriptorum auctoritate, qui tradunt Circumcisionem fieri solitam non petra, sed ferro. A qua sententia nos plane deterret S. Augustini auctoritas, qui Tractat. 5. in Joann. cap. 30. ait: *Cultellis enim petrinis circumcidebant, & petra nomine Christum figurabant*. Tum etiam D. Bernardi verba in Epiphania Domini ferm. 4. num. 1. *Populo duræ cervicis cultellus erat necessarius, & lapideis cordibus merito cultri lapidei debebantur, quolibet a Jesu Nave facta Circumcisio memo-*

ratur.

ratur. Si igitur Patrum auctoritate constat, Hebræos, etsi nullo præcepto adstrictos; lapideo tamen cultro usos esse; ratio postulat, ut eodem modo Christum Circumcisum esse dicamus: *Quem nemo potest arguere de peccato, ipse peccati remedium & verendum pariter, & austerum sine ulla necessitate suscipit; nec repulit cultrum lapideum, in quo solo vetus illa, quæ eraderetur, culpa non fuit*. Verba sunt D. Bernardi serm. 1. in Circumc. Domini num. 1.

15 Vide, si lubet, laudatos P. Ayalam, P. Honoratum a S. Maria tom. 2. de Regulis Critic. lib. 3. dissert. 3. Serry exercit. 33. Eminentissimum Card. Gottum de veritat. Relig. Christ. tom. 4. par. 2. cap. 9. §. 3. qui Christianos Pictores graviter increpant, quod suis tabulis Circumcisionem Christi in Templo factam representent. Menologium Imperatoris Basilii narrat, octavo a Nativitate die voluisse Christum ad eum locum deferri, ubi Judæos circumcidi mos erat; ibi circumcisum a parentibus domum esse reductum. Tradit Nicephorus Bethlehemi in domo Josephi circumcisum: sed veritati propius videtur esse, quod scribit Epiphanius Hæresi 20. Bethlehemi quidem circumcisum fuisse, in eodem tamen stabulo, ubi in lucem editus.

16 Circumcisionis præceptum stabat etiam tum, cum natus est Christus; qui quamvis nullo modo ea lege teneretur, graves tamen & justæ causæ fuerunt, cur circumcidi voluerit. Stetisse etiam tum, cum natus est Christus, Circumcisionis legem, ex eo patet, quod ceremonialia præcepta nonnisi in Christi Passione sublata fuerint, cum perfectum est humanæ redemptionis mysterium. Duo distinguit tempora D. Hieronymus: alterum Nativitatem inter & Passionem Christi, quo tempore negat legales ceremonias fuisse mortuas, & omni obligandi vi caruisse; multoque magis negat fuisse lethales & mortiferas, propterea quod qui eas observaret, minimè peccato se adstringeret: alterum post Passionem Christi, cum abrogatis illico legalibus ceremoniis, non modo quisque iis observandis solutus est, sed etiam qui eas servasset, peccatum comisset. D. Augustinus autem tria tempora distinxit: primum ante Christi Passionem, *cum legalia neque erant mortifera, neque mortua*: alterum post Promulgatum Evangelium, *in quo legalia sunt mortua & mortifera*: tertium inter Christi Passionem & promulgationem Evangelii, cum legales ceremoniæ omni prorsus vi destitutæ sunt, nec quisquam iis observandis tenebatur; sed nulla sese culpa alligabat, si quis ex Judaico populo Christi fidem amplexus eas etiam tum observasset, modo in iis spes operisque suas esse sitas minime crederet, nec eas

Pictores Christi si Circumcisionem non recte representant in Templo.

Lex Circumcisionis etiam tum, cum natus est Jesus, vigebat. Præcepta legalia quando vi sua corruunt.

ad fa-

14 DE FESTIS D. N. JESU CHRISTI LIB. I.

ad salutem ita necessarias putaret, ut absque iis fides in Christum justificare non posset. Atque id de Hebræis tantummodo dictum volumus, qui Christi fidem amplexi essent; hi enim ceremonias legales, tempore inter Nativitatem & Passionem Christi interjecto, observare sine culpa poterant: de iis vero non item, qui ab Ethnico idolorum cultu ad Christi fidem transierant; his enim nulla erat causa, cur ceremonias legales observarent. Quod quidem in causa fuit, quamobrem D. Paulus non Titum patre & matre gentili datum, sed Timotheum, cui mater Judæa fuerat, circumcideret.

Christus Circumcisionis lege non fuit adstrictus.

17 Doctrina hæc est D. Thomæ 1. 2. quæst. 103. art. 3. & 4. ac per eam illustratur, quod a nobis superius dictum est, tempore scilicet Nativitatis Christi Domini adhuc Circumcisionis legem robur habuisse. Inde ut ad alia duo veniamus, quæ dudum innuimus, Christum scilicet Circumcisionis lege non fuisse adstrictum; iustas tamen & graves causas illi fuisse, cur circumcidi voluerit; dupliciter potest accipi Circumcisio, vel tanquam peccati originalis remedium, vel tanquam signum fœderis & promissionum inter Deum & Abraham ejusque posteros. Cum igitur Christus Jesus in Incarnatione sua nulla originali labe contactus esset, idemque plane jus haberet, quod æternus Pater, qui Abrahamum in suam amicitiam acceperat, ejusque posteros in populum sibi charum selegerat, cumque humanam ideo carnem assumpsisset, ut antiqui fœderis promissiones impleret, immo ut novum perfectumque fœdus iniret; nemo est qui non videat, Christum Dominum liberum fuisse ab observanda lege Circumcisionis, etsi tempore quo natus est, nihil ei legi quidquam roboris esset detractum, quemadmodum disserunt Justinus Martyr, Tertullianus, Irenæus, & Chrysostomus, quos refert Calmet in cap. 2. Lucæ num. 21. Dominicus Sotus in 4. sentent. dist. 2. quæst. 1. art. 3. apposite ad hanc rem ait: *Christus nulla lege ad Circumcisionem tenebatur, quia neque virili semine, quo originale contrahitur, generitus erat, ac subinde neque linea masculina naturalis erat filius Abrahæ.*

Quibus rationibus circumcidi voluerit.

18 Christus Dominus tamen ideo Circumcisionis legi, qua sane minime tenebatur, parere voluit, ut exemplo suo virtutem obedientie nobis commonstraret; cumque venisset in similitudinem carnis peccati, remedium illud, quo caro a peccati labe solebat abstergi, sibi etiam adhibendum putavit, legisque jugum propterea subire voluit, ne deinceps quisquam alius eo onere premeretur. *Misit Deus Filium suum factum sub lege, ut eos, qui sub lege erant, redimeret:* sunt verba D. Pauli ad Galatas cap. 4.

cap. 4. Vide D. Thomam 3. par. quæst. 37. art. 1. Alias quoque causas, quibus Iesus Christus circumcidi voluit, videre est apud Patres. S. Bernardus serm. 4. in Epiphania Domini ita loquitur: *Sed & propterea voluit circumcidi, ut ostenderet, se esse autorem veteris legis, sicut & Evangelii, quoniam qui per se ipsum ait: Nisi quis renatus fuerit ex aqua & Spiritu Sancto &c. ipse idem per servum suum dixerat prius: Omnis anima, cujus præputii caro circumcisa non fuerit, peribit de populo suo. Quod si solum Baptisma suscepisset, videri poterat refugisse Circumcisionem, tamquam nihil ad se pertinentem. Si vero circumcideretur, & non baptizaretur, quomodo mihi persuaderi posset baptizari, Circumcisione relicta? Nunc itaque post Circumcisionem Baptisma suscipiens, illud mihi tenendum tradidit, quod ultimo loco suscepit. Petrus autem Blesensis serm. 7. in die Circumcisionis ait: Sententia, quæ contra peccatum lata est, non facit eum sibi obnoxium, qui immunis est a peccato &c. Circumciditur ergo, ut nobis sit forma humilitatis. Circumciditur etiam, ut qui per triginta annos operaturus eras salutem in medio terræ jam ab ipsis cunabulis negotium nostræ salutis incipiat ab uberibus matris suæ, degustans primitias Passionis &c. Circumciditur ergo Caput Ecclesiæ Christus Iesus non pro se, sed pro membris.*

19 Cum igitur ea tractaverimus, quæ, antequam de Circumcisionis festo sermonem haberemus, præmittenda censuimus, de eo nunc dicere aggrediamur. In Codice Sacramentorum Ecclesiæ Romanæ a Venerabili Cardinali Thomasio edito, quem nonnulli Gelasio propter preces ab eo additas, nos S. Leoni Magno, ejusque Prædecessoribus tribuendum putamus, Festum hoc, de quo agimus, non Festum Circumcisionis appellatur, sed Festum Octavæ Domini. Simile inditum est nomen huic Festo in Calendario Romano nongentis & amplius abhinc annis scripto, quod vulgavit Joannes Fronto. Ex quibus Bailletus in Historia hujus diei arguit, haud ita vetus hoc Festum. Ad argumenta quæ affert, accedit, quod in libris Juris Canonici Festum itidem non Circumcisionis, sed Octavæ Domini appellatur, ut videre est in Can. *Pronuntiandum de Consecr. dist. 1.* Cum autem Circumcisio Domini, quemadmodum lex Judaica jubeat, octavo die facta fuerit, idem plane est dicere Festum Octavæ, & Festum Circumcisionis. *Octava & Circumcisio uni continentur Sacramento:* verba sunt Ivonis Carnotensis in serm. de Circumcis. Domini. Thomassinus autem in Tractatu de dierum Festorum celebratione lib. 2. cap. 8. num. 12. ita scribit: *Quotquot igitur arbitrati sunt recolli Kalendis Januarii octavum Nativitatis diem, ita interpretamur, ac si de Circumcisione loquuti essent: quod jam est verum, quam*

De Festo Circumcisionis Domini. Varia ejus Festivitatis nomina.

quam Circumcisionis rite peragende legitimum diem octavam eundem esse. Quapropter in citato Codice Sacramentorum Ecclesiæ Romanæ sit in secretis Missæ precibus commemoratio Circumcisionis; & Kalendarium Romanum superius laudatum monet legendum S. Lucæ Evangelium, in quo narratur historia de Circumcisione Domini; & in Sacramentario S. Gregorii legitur: *Per Christum Dominum Nostrum, cujus hodie Circumcisionem & Nativitatis Octavam celebrantes*: quæ verba quamvis in quibusdam Codicibus desint, reperiuntur tamen in vetusto Codice Vaticano, teste Baronio in Not. ad Martyrolog. Roman. ad primam diem Januar. In antiquo Ecclesiæ Occidentalis Martyrologio a Francisco Maria Florentinio edito, notisque illustrato, Festum Kal. Januar. hunc habet titulum: *Circumcisio Domini nostri Jesu Christi secundum carnem*. Similem inscriptionem habet Martyrologium Ufuardi, quod ita, ut reperit in Parisiensi Monasterio S. Germani, nuper vulgavit Benedictinus quidam Monachus. In Martyrologio nostro Romano Circumcisio, & Octava Nativitatis Domini conjunguntur: *Circumcisio Domini nostri Jesu Christi, & Octava Nativitatis ejusdem*. Quod si in Corpore Juris Canonici, ut vidimus, Festum hoc appellatur Festum Octavæ, in eodem Corpore Juris Festum etiam Circumcisionis Domini nominatur, ut videre est in cap. *Conquestus* de Feriis.

Festi hujus antiquitas.

20 Atque ut hujus Festi antiquitatem luculentius demonstrent, qui hoc argumentum susceperunt, afferunt ex Concilio Turonensi ann. 567. Canonem 17. tom. 5. Collect. Labbeanæ pag. 857. ubi hæc leguntur: *Ad calcandam Gentilium consuetudinem Patres nostri statuerunt, privatas in Kalendis Januarii fieri Litanias, ut in Ecclesiis psallatur, & hora octava in ipsis Kalendis Circumcisionis Missa Deo propitio celebretur*.

Canon Concilii Turonensis 17. illustratur. De superstitionibus, quas Gentiles Kal. Januarii celebrabant.

21 Concilium illud fœdas superstitiones innuit, quas Kalendis Januarii in honorem Jani & Streniæ Deæ Ethnici celebrabant, & viri muliebribus, fœminæ virilibus personis susceptis, comestiones & aleas agitabant: hisque interdum Christiani quoque immiscebantur. Adversus hæc superstitiones coortæ sunt atroces veterum SS. Patrum querelæ, & præsertim D. Augustini serm. 198. qui secundus est ad hunc Januarii diem: *Alurus es celebrationem strenarum sicut Paganus, lusurus alea, & inebriaturus te. Quomodo aliud credis, aliud speras, aliud amas? Dant illi strenas, date vos elemosynas: advocantur illi cantionibus luxuriarum, advocate vos sermonibus Scripturarum: currunt illi ad Theatrum, vos ad Ecclesiam: inebriantur illi, vos jejunate*. Idemque D. Augustinus, seu quis alius gravis Auctor in Appendice

novæ

novæ editionis Operum illius S. Doctores, morem ejusmodi commemorans virorum, foeminarumque, diversi sexus faciem, mentientium subdit: *Jam vero illud quale est quam turpe est, quod viri nati tunicis muliebribus vestiuntur, & turpissima deum demutatione puellaribus figuris virile robar effaminant: non erubescerent tunicis muliebribus inferere militares lacertos; barbatae facies praeserunt, & videri feminae volunt.*

22. His consonant, quæ in suis sermonibus dixerunt S. Petrus Chrysologus, & S. Maximus Episcopus Taurinensis, Concilia etiam Turonensi, quod supra memoravimus, posteriora eum morem exagitant, ut videre est apud Martene Tractat. de ant. Eccl. disciplina in divinis celebrandis Offic. c. 13. pag. 104. edit. primæ. Extat etiam adversus hæc superstitiones Sermo Faustini Episcopi apud Bolland. tom. 1. mens. Januar. pag. 3. & hac die tum in Usuardi, tum in Romano nostro Martyrologio fit S. Almachii commemoratio, qui sub Alipio Romæ Praefecto Martyrii coronam est consequutus, quod hæc verba propalam pronunciaverit: *Hodie Octava diei Dominice sunt: cessate a superstitionibus Idolorum, & a sacrificiis pollutis: & in quibusdam Sacramentariis ponitur hac die celebranda Missa ad prohibendam ab Idolis; ex quo facile intelligitur, superstitionem olim Gentilium hac die debacchari solitam, ut observat Menardus in notis ad Sacramentarium S. Gregorii pag. 33. Baronius, & Bollandus S. Almachium, & S. Telemachum unum e duobus faciunt; idque minime probari posse videtur: nam, quod inferius demonstrabimus, passus est Almachius sub Theodosio, Telemachus vero sub Honorio; & ille quidem, quod Christianos, qui se solempni hac die cum Ethnicis immisti fecdis superstitionibus commacularent, acerrime increpisset; Telemachus vero, quod Gladiatorum furorem coercere, ludosque diros & atroces tollere voluisset; cujus rei causa ab Oriente se Romam contulerat.*

23. Concilii Turonensis Canon 17. quem superius attulimus jejunium quoque innuit ab Ecclesia indictum, ut ab Ethnicorum comestationibus & compotationibus Christiani quam longissime recederent. Et sane haud aliter hæc verba interpretari licet: *Et hora octava in ipsis Kalendis Circumcisionis Missa Deo propitio celebretur*, ut observat Martene loco supra allato: *Quibus ex verbis facili negotio quisque potest jejunium illud, ad nonam saltem horam productum fuisse, cum in Missa celebranda, ea, quam exigit Circumcisionis Festum, solemnitate ad minus integram horam impendi oporteret.* Hoc jejunium, quod hac die celebrari solitum erat, commemorant etiam Ordo Romanus in Biblioth.

Eodem die, quo celebratur Circumcisio Christi, olim Gentes Jand & Severia festum agnoscunt probatur ex Martyrio S. Almachii. Almachius male confunditur cum S. Telemacho.

Jejunium olim in die Circumcisionis celebrabatur, sed non nisi ad tres post meridiem horas producebatur.

PP. T. 1. 3. pag. 667. Albinus Flaccus Auctor octavi seculi in Tract. de Divinis Offic. Tit. de Kalendis Januar. Et bene Thomassinus sapienterque observavit, Ecclesiam, ut duas res diversissimas, minimeque sibi congruentes, solemnitatem Festi, & jejunium conjungeret, non vetuisse, ne quisquam jejunium, ut tum mos erat, rumperet nisi vespere, idest tribus horis post nonam elapsis, sed voluisse, ut cuilibet liceret hora nona comedere, quod idem est, ac tribus, & amplius horis post meridiem. *Difficile creditur videtur, latam fuisse legem de jejunio festo die; sed colebatur illud aliquot dumtaxat horis usque ad nonam; nec sine magna deliberatione vel exemplo: quam ad rem affert similem casum a Theophilo Episcopo Alexandrino decisum.*

*Ante finem 4.
seculi videtur
hoc festum ce-
lebrari con-
suevisse.*

24. Quoniam vero ex verbis Concilii Turonensis deduci non potest, tot res in eo memoratas tunc potissimum fuisse constitutas ad celebrandum Festum Circumcisionis; quin etiam cum ipsa Concilii verba eas res multo antea sancitas & in morem introductas demonstrent, *Patres nostri statuerunt*; nemo est qui antiquitatem & solemnitatem Festi non videat. Honoratus a S. Maria tom. 2. de Regulis & usu Criticæ lib. 3. dissert. 3. art. 1. probat S. Almachii martyrium, de quo supra memoravimus, ante finem contigisse IV. Seculi imperante Theodosio Magno, Alipio Urbis Præfecto. Et postquam art. 2. ostendit, Ecclesiam publicas preces & jejunia Ethnicorum superstitionibus, quæ Kalend. Januarii celebrabantur, objecisse, refert art. 3. in Gallia genus quoddam Festi Subdiaconorum introductum fuisse, quod in Sacri Ordinis decus, & ædificationem cum minime cederet, tandem sublatum est, ut narrat Baillerus quoque in Historia hujus diei.

*Omni die in
hoc die Missæ
celebrabatur,
altera de B.
Virgine; altera
de Christi
Circumcisione.
Vnde mos ex-
titerit cele-
brandi Mis-
sæ de B. Ma-
ria.*

25. In vetustis quibusdam Missalibus binæ Missæ hujus diei reperiuntur; altera de B. Virgine; de Circumcisione altera. Et Durandus Scriptor 13. seculi in Rationali lib. 3. cap. 15. testatur ætate sua duas hac die Missas celebrari solitas de Circumcisione, & Beata Virgine, quod quidem nunc abolitum est. Verum inde factum est, ut in Festi hujus, tum Officio, tum Missa plura contineantur, quæ ad Beatissimam Virginem spectant. In Romano Calendario Frontonis, quod supra laudavimus, ad eum diem, quo scriptum est Octavam Domini celebrari, ea etiam adnotantur: *Natale S. Mariæ*, quæ Martene mendosa esse putans ita corrigit: *Natale S. Martine*. Sed nihil mutandum, & prior lectio ut vera retinenda est, *Natale S. Mariæ*; quod significat festum solemnemque diem in honorem B. Virginis. Unde vetus & pia consuetudo orta est, quæ postea obsolevit, duas celebrandi Missas; quod colligitur ex Micrologo, cujus ea verba sunt cap. 39.: *Nuper cum*

cum Nativitatem Domini celebraremus, nullum tam speciale officium Matri ejus attribuire potuimus: unde non incongrue illam specialius in Octava Domini veneramus; ne solemnitate Filii sui ex-
pers esse videatur, quam tamen in eadem solemnitate post Dominum maxime honorandam esse non dubitamus. Belletus etiam luculentius cap. 71. In Circumcisione, inquit, duo simul facta concurrunt, Parentis scilicet, & Partus propter Octavas. Unde sane est, quod eo die duas Missas celebrare debeamus; primam de B. Virgine, scilicet Vultum suum; aliam de Octavis, nimirum Puer natus est nobis; & dicitur illo die Evangelium Lucæ Postquam impleti sunt dies octo.

CAPUT II.

De Festo Epiphania, quod postridie Nonas Januarii celebratur.

I Epiphaniæ Festum celebratur sexta die Januarii. Epiphania manifestationem significat: *Epiphania Græcæ lingue vocabulo manifestatio dici potest*; verba sunt D. Augustini serm. 203. alias 64. de divers. Idem ait S. Bernardus serm. 3. de Epiphania: *Solemnitas igitur hodiernæ dici ab apparitione nomen accepit. Epiphania quippe apparitio est. Hodie ergo apparitio Domini celebratur*: Tres apparitiones seu manifestationes Christi hac die ab Ecclesia recoluntur. Commemoratio sit adorationis Magorum, qua Dominus Jesus demonstratus est Gentibus: Baptismatis, quod ab Joanne suscepit, cum voce delapsa de Cœlo, *Hic est filius meus dilectus*, Judæis innotuit: & conversionis denique aquæ in vinum, qua factus est manifestus discipulis.

*Epiphania
quid significet.
Tres hac die
apparitiones
Christi reco-
lantur.*

2 Bollandus in præfatione generali ad Vitas Sanctorum cap. 4. §. 3. profert fragmentum Polemei Silvii, seu P. Annei Sylvii scriptum anno 448. ubi mense Januarii hæc notata sunt: *Octavo Idus Epiphania, quo die, interpositis temporibus, & stella Magis Dominum natum nuntiavit, & aqua vinum facta, vel in amne Jordanis Salvator baptizatus est*: de quo Sylvii fragmento mentionem pariter facit Ruinartus Act. Martyr. sinc. & select. in fin. in Admonitione ad Kalendaria subsequentiæ. S. Bernardus serm. 1. in Epiphania Domini loquitur de tribus hisce Domini apparitionibus seu manifestationibus. *Hæc in prima apparitione homo verus innotuit, ubi inter ubera Matris infans apparuit: in secunda vero verum esse Dei filium, Patri indicat testimonium: in tertia vero verum esse Deus demonstratur, ad cujus imperium natura mutatur*: Hoc eodem sermone S. Bernardus uno eodemque Epiphaniæ

*Ternæ illæ
apparitiones.*

Festo tres hæc apparitiones celebrari testatur. Consonat sermo Ivonis Carnotensis de Epiphania Domini. Amalarius autem lib. 3. de Ecclesiast. Officiis cap. 33. ita scribit: *Præsent Officium nocturnale certat intimare tria insignia nobis manifestata per adventum Christi, idest adventum Magorum, & Baptismum Christi, & miraculum ex aqua factum a Christo.* Cum hoc eodem die, ut dudum diximus, etiam Christi Baptismus celebretur, propterea Festum hoc ab aliquibus dictum est Festum Illuminationis, seu Festum luminum: verum D. Hieronymus vehementer contendit, ejusmodi denominationem omnino rejiciendam, & Festum hujus diei Festum Epiphaniæ esse appellandum. Vid. Tillemont. Nota 9. in fin. ad Jesu Chr. vitam.

Offitium in die Epiphaniæ celebratur memoria miraculi multiplicationis quinque panum.

3 Est quoddam Bruxellense manuscriptum Martyrologium, quod P. Sollierius retulit in notis ad Martyrologium Usuardi, ubi monemur, non modo adorationis Magorum, Baptismatis Christi, & conversionis aquæ in vinum, sed multiplicationis etiam panum, & piscium hoc eodem die memoriam recolli consuevisse; quod confirmat etiam D. Augustinus serm. 28. de Tempore, qui primus est de Epiphania: *Hodie illud colimus, quo se in hominem Deus virtutibus declaravit, pro eo quod in hac die, sive quod in Cælo stella ortus sui nuntium præbuit, sive quod in Cana Galilee in convivio nuptiali aquam convertit in vinum, sive quod in Jordanis undis aqua ad reparationem generis humani suo Baptismo consecravit, sive quod de quinque panibus quinque millia hominum satiavit.* In quolibet horum salutis nostræ mysteria continentur & gaudia. Fortasse ea fuit peculiaris quarundam Ecclesiarum disciplina, ut etiam nunc est Ecclesiæ Mediolanensis, quod notat Galefinius in Not. ad Martyrol. pag. 12. *De iis præterea quatuor celebrandis morem hodie adhuc Ecclesia Mediolanensis retinet, ut ex illius hymno cognoscimus.* Et sane ex iis, quæ diximus, aperte constat, in Epiphania, juxta universalem disciplinam, celebrari solitam esse Manifestationem Christi in Magorum adoratione, in Baptismo, in conversione aquæ in vinum, quemadmodum nunc celebratur, nulla facta mentione de multiplicatione piscium & panum. Sextam Januarii diem scribit Orosius lib. 6. tribus Augusti triumphis fuisse celebrem; ex quo conjicit Florentinus iis exercitat. 3. de Historia Magorum, quam in suo Martyrologio inseruit, Ecclesiam fortasse in hoc uno die tria Redemptoris nostri miracula conjunxisse, quæ inanibus Ethnicorum triumphis opponeret. *Nec improbabile est Romanam Ecclesiam diem 8. Id. Januarii Baptismo, Nuptiarum prodigio, & Magorum adorationi, hoc est tripliciter Christi triumpho aptasse, ut Romanos a solemnitate profana aver-*

averteret. Celebris enim dies erat, ut Orosius adnotavit, ob triplicem Augusti triumphum; ut celebris quoque exinde apud Christianos fieret ob triplicem Domini gloriam nempe barbarorum Regum, & Gentium adorationem, divinæ in Baptismo Filiationis testimonium, atque ex mutata aquæ prodigio gloriæ suæ manifestationem.

Totius tractationis partitio.

De adventu Magorum in Bethlehem.

4 Nos igitur Romanæ Ecclesiæ disciplinam sequuti, primo de adventu Magorum; secundo de Christi Baptismate; tertio de miraculo, quo aqua in vinum conversa est, sermonem habebimus.

5 Magorum adventum & adorationem narrat S. Matthæus cap. 2. Refert, Magos ab Oriente Hierosolymam venisse; percuratos ubi natus esset Rex Judæorum; se enim stellam in Oriente conspicatos ideo venisse, ut eum adorarent. *Vidimus enim stellam ejus in Oriente, & venimus adorare eum.* Herodem autem Regem cum tota Hierosolyma vehementer fuisse commotum: quamobrem Sacerdotes, & Scribas populi convocasse, & ab eis quæsisse, ubi Christus esset nasciturus. Ut vero comperit juxta Prophetiam nasciturum in Bethlehem; *Et tu Bethlehem terra Juda, nequaquam minima es in Principibus Juda, ex te enim exiet Dominus qui regat populum meum Israel,* Magos ad se accersisse; ab iis tempus cognovisse quo stella apparuerat, dimissisque Bethlehem iis dixisse: *Ite, quærite de puero, quem ubi inveneritis, facite ut resciscam;* mihi enim certum est illuc me conferre, illumque adorare. *Et cum inveneritis, renuntiate mihi, ut & ego veniens adorem eum.* Præterea facer textus, Magos abiisse narrat; stellam, quam vidissent in Oriente, antecedendo iis præluxisse, *usque dum staret supra, ubi erat puer;* Magos, ubi eam denuo vidissent, exultasse gaudio, domum denique ingressos puerum reperisse cum matre; & in genua provolutos aurum, thus, & myrrham ei obtulisse, monitosque per somnium ut redirent ad Herodem, *per aliam viam reversiones esse in Regionem suam.*

Quid illa tandem stella fuerit, quæ Magis monstravit iter, variæ sententiæ.

6 Non hic de stella loqui est animus, cum plurima de ea congesserimus in lib. 4. de Canonizatione par. 1. cap. 25. ubi scripsimus, extare de hac stella prophetiam in lib. Numer. *Orietur stella ex Jacob, & consurget virga ex Israel:* varias esse de illius fideris natura sententias; quosdam quidem tradidisse, novum illud fuisse in Coelo creatum astrum; alios putasse, Angelum lucido quodam corpore stellæ instar assumpto Magis viam præmonstrasse; nonnullos etiam censuisse, nil aliud fuisse quam flammæum quoddam in media aeris regione phænomenon, ut apud Calmet *Dissert. in Magos qui Jesum adoraturi venerunt:* & Joannem Federicum Miegiū *Dissertat. de stella a magis conspecta* in Thesauro Dissertationum in Novum Testamentum, quæ e Musæo Theo-

Theo-

Theodori Hasei, & Conradi Ikenii depromtæ sunt tom. 2. pag. 118. & sequen. eam tandem esse verisimiliorem sententiam, fidus illud Meteoron fuisse clarissima luce coruscans, quod Angelus in Astri figuram formaverat, quodque suspensum in media aeris regione ab Oriente, ad Occidentem movebat, ut monstraret Magis iter, haud aliter, quam quod de columna nubis narratur, qua Judæi deducti sunt per desertum; seu etiam astrum fuisse tum primum creatum, non illud quidem in Cælo, sed in aere non longe a terra; quod nutu Dei moveretur; idque expresse docet S. Thomas 3. par. quest. 36. art. 7. Sapienter monet Lamy Harmon. Evang. lib. 1. cap. 11. quiddam id esse ex iis, quæ inani labore viri docti persequuntur. *Neque enim hisce questionibus vacat immorari, de quibus postquam multa dixeris, hæc cogaris saltem incerta. Querenda sunt, ut interdum monco, quorum investigatio utilis est, aut saltem possibilis;* aitque, nihil quidquam aliud exploratum nobis esse, quam solitum quendam fulgorem eorum in se oculos convertisse, qui syderibus contemplandis operam dabant, eorumque animos monuisse de magna re aliqua, inusitata, nova, inaudita cogitanda, quæ tum temporis accidisset. Nunc igitur de numero Magorum, de eorum nominibus, qui illi, qualesque fuerint, ubi infantem Jesum reppererint; & quo eum cultu adoraverint, verba faciemus; nam unde profecti, & quando Bethlehemum pervenerint, commodiore loco infra disputabimus.

*De Magorum
numeros tres
illos fuisse do-
cet recepta in
Ecclesia sen-
sentia.*

7 Tres fuisse Magos, etsi S. Matthæus de eorum fileat numero, qui tantummodo ait, *Ecce Magi ab Oriente venerunt Hierosolimam*, expresse tradit S. Leo Serm. 30. in Epiphani. Cap. 1. *Tribus igitur Magis in regione Orientis Stella novæ clarisatis apparuit:* & Cap. 2. *Sequuntur tres viri superni Numinis ductum;* quod confirmat Serm. 32. de Epiph. Cap. 5. *Tres Magos...* *Stella perduxit;* idque pluribus aliis in locis, ut Serm. 33. Cap. 2. Serm. 34. Cap. 1. & 2. Serm. 35. Cap. 1. Serm. 36. Cap. 2. & Serm. 37. qui sermones omnes in Epiphania Domini habiti sunt. Idem tradit S. Cæsarius Serm. 139. Hanc esse communem omnium hoc tempore, veramque sententiam testatur Calmet: *Communis atque unica nostra ætate ferme in Ecclesia recepta sententia paria docet;* cui tamen opinioni adversatur Auctor Imperfecti Oper. in Matthæum homil. 2. ex quibusdam apocryphis monumentis, Magorum numerum duodenarium fuisse affirmans. Quia vero non omnibus communis opinio arridet, ac fere semper est aliquis, qui receptæ sententiæ haud timide adversetur, non defuit hac ætate, qui cum prorsus nemo inter veteres Patres, S. Leone excepto locis citatis, tres fuisse Magos tradiderit, eorum propterea numerum definiri posse

posse negaverit. Atque is est P. Serry. Exercit. 34. num. 4. Nam Daniele Rhoden hæreticum hominem nihil moramur, qui idem negat Differtatione *de primis Salvatoris Veneratoribus Magis* in Thesauo Differtationum in novum Testamentum Amstelodami anno 1702. edito, tom. 2. pag. 70. §. 5. Verum deferenda nullo modo est sententia S. Leonis auctoritati innixa, quæ suffragatorem etiam habet S. Maximum Taurinensem Episcopum in una ex ejus Homiliis: *Bene charissimè in uno itinere tres simul adoraturi veniunt Magi, quia in uno Christo Jesu, qui omnium credentium via est, inseparata ab eis erat Trinitas adoranda*: quam præterea tuetur Ecclesiæ traditio, & summo consensu ii Scriptores amplexi sunt, qui non temere, sed consilio, maturoque examine ei subscripserunt. De hac sententia in hunc modum loquitur Natalis Alexand. Hist. Eccl. pr. Seculi Cap. 1. art. 4. num. 3. *Plures fuisse Magos, qui Christum adoraverunt certum est: tres fuisse, vulgaris opinio S. Leonis, Et Auctoris Sermonum, qui Eusebio Nysseno tribuuntur, suffragiis confirmat*. Suspiciatur Tillemontius Not. 12. in vit. Jesu Chr. ex tribus muneribus auri, thuris, & myrrhæ, quæ Christo Domino Magi obtulerunt, hanc de tribus Magis excitatam esse sententiam, quam fulciri tamen fatetur S. Leonis Sermonibus, innitique etiam Sermoni Eusebii, sermonique qui Casario tribuitur, Baronius ad ann. 1. Chr. num. 30. ita ait: *Fidelium pia traditio tenet, eosdem tres numero fuisse, secundum tria munera genera, quod Et S. Leo in suis Sermonibus sæpe tradit*. Maldonatus in cap. 2. Matth. *Illud, inquit, certum est plures fuisse, cum Evangelista numero semper multitudinis Magos appelles, Et probabile est plures fuisse duobus, quia non duali, ut vocant, sed plurali usus est numero*. Fuisse tamen tres, etsi non certa, tamen probabili conjectura ex donorum numero colligitur: credibilis enim est, diversa, quam eadem omnes numero dedisse, quod id magis ususatum, & gratius accipientibus, honorificentius dantibus esse soleat. Certe hæc opinio aliqua, alia nulla ratione probari possunt. Ceterique omnes docent, hanc esse de numero Magorum sententiam, quam omnino sequi debeamus. Videantur P. Graveson de Myster. & ann. Christi Differt. 8. pag. 172. Honoratus a S. Maria tom. 2. de Regulis & usu Criticæ lib. 3. Differt. 4. art. 2. pag. 272. Cardinalis Gottus Tract. de verit. Relig. Christ. tom. 4. par. 1. cap. 2. §. 3. num. 19. P. Ayala in Opere cui titulus, Pictor Christianus, lib. 3. cap. 3. num. 4. Sandinus Hist. Sacræ Famil. de Christo Domino cap. 3. Suarez in 3. par. D. Thomæ tom. 2. disp. 14. sect. 2. qui hanc esse ait communem veterum Patrum opinionem, & Ecclesiæ sensum, quod confirmat Theoph. Raynaudus tom. 7. in Opere, cui titu-

titulus Diptyca Mariana num.16. Huc accedit, quod S. Leonis ætatem præcessit in Ecclesia opinio de ternario numero Magorum. Nam in veteribus Romæ Cœmeteriis, unde erutæ fuerunt imagines tum depictæ, tum sculptæ, & Romæ editæ ann.1737. ea etiam imago inventa est, quæ tom.1. Tabula 22. impressa exhibetur: ad quam Tabulam hæc observatio apponitur: *Magorum deinde expressa apparet adoratio. Ubi illud potissimum observandum, tres fuisse Magos ex veteri Ecclesiæ Latine Traditione, & juxta S. Leonis sententiam, qui primus Magorum numerum statuisse creditur; sed multo antea constantem in Ecclesiâ fuisse hanc opinionem, ex eo manifeste colligitur, quod plures ex his depictis sculptisque imaginibus Leonis ætate observaveris vetustiores.*

Quæ Magorum fuerint nomina.

8 Quæ vero Magorum nomina, qui, qualesve illi fuerint, modo quærendum est. Tillemontius loco cit. putat duodecimo Seculo indagari cœptum Magorum nomen, prudentique consilio Baronium ait in suis Annalibus quæstionem hanc præterisse. Casaubonus exercit. 2. in Baron. Annales §.10. ita scribit: *Puduit jure merito harum ineptiarum Cardinalem Baronium, apud quem in tam prolixa de Magis sermone de illorum nominibus ne verbum quidem.* Bollandistæ tom.1. mense Maji pag.7. ajunt: *Nullus Scriptor vel Græcus vel Latinus profertur per tot secula usque ad Friderici Barbarossæ tempora, qui nomina nunc vulgata usurpaverit.* Serry, P. Honoratus a S. Maria, P. Graveſon, Card. Götus, Sandinus in locis citatis, & Calmet in laudata superius Difſertat. §. *Nomina*, Bailletus in *Histor. adoration. Magorum* num.2. & Lamy Harmon. Evangel. lib.1. cap.11. pag.45. §. *Numerus Magorum* docent de Magorum nomine nihil nobis esse compertum. Quod quidem non eo dictum volumus, ut Coloniensis Ecclesiæ piæ Traditioni quidquam detrahatur, quæ Ecclesiæ, ut testatur Bollandus ad diem primam Januar. pag.8. sextam pag.323. & undecimam pag.664. Magos sub nominibus Melchioris, Balthassaris, & Gasparis veneratur; eorumque corpora Galeſinius in Not. ad Martyrolog. pag.13., & Saxus in *Histor. Corporum SS. Gervasii & Protasii* num.38. referunt Constantinopolim allata, inde ab Eustorgio Episcopo Mediolanum averta, post sexcentorum septuaginta annorum cultum, quem in Basilica ab eodem Episcopo ædificata Fideles illis tribuerunt, tandem sub Friderico Ænobarbo illinc amota, & ab Episcopo Reinoldo Coloniæ asportata.

De Magorum qualitate An Reges fuerint.

9 De Magorum vero qualitate duo dispicienda sunt. Primum, quid Magorum nomine Matthæus sibi voluerit; secundum, num Reges fuerint, de quo nihil a Matthæo traditum est.

Quidam

Quidam ex Patribus putant, eos Astrologiam judiciariam, alii vero Magiam naturalem esse professos. Verosimilius tamen est, Philosophos fuisse astrorum scientia peritos. *Gens quæ spectandorum syderum arte pollebat*, inquit S. Leo Serm. 4. de Epiphan. viros nimirum scientia illustres, veri Numinis cultores, qui quemadmodum Job, ejusque amici, Legis scriptæ rituumque Judaicorum ignari, Deum rerum omnium arbitrum nihilominus venerabantur, illumque Dominatorem expectabant, quem Balaamus venturum prædixerat; & hujuscemodi viros S. Matthæum Magorum nomine significasse accurate probat Calmet in sæpe laudata Dissert. præter Rhoden Dissertat. *De primis Salvatoris Veneratoribus Magis* in Thesaurio Dissert. in Nov. Testam. Amstelodami ann. 1702. edito tom. 1. pag. 69. §. 2. Quod vero ad Regiam eorum dignitatem attinet, idem Calmetus declarat, se omnem operam in ea re disquirenda collocaturum fuisse, si Ecclesiæ illud interesse quidquam arbitratus esset. Sed cum neque in sacris litteris, nec apud Patres quidquam ea de re expressum habeamus, nihilque ab Ecclesia definitum sit, unicuique permittit, quæ sibi libuerit, sequi opinionem, concluditque regiam hanc dignitatem nullo niti solido fundamento. Gravesonus de Mysteriis & ann. Chr. dissertat. 8. pag. 172. aperte declarat utriusque opinionis probabilitati se nihil imminutum velle. Alii vero strenue propugnant, Magos nunquam regia dignitate insignitos; tum quia S. Matthæus, ne de nascentis Christi gloria quidquam detractum esset, profecto de ejusmodi dignitate nunquam siluisset, nec solo Magorum sapientumve vocabulo usus esset; tum quia sacer textus Reguli qualitatem non prætermisit, ubi narrat ejus filium a Christo Domino esse sanatum. Huc etiam accedit, Herodem ita cum iis colloquutum esse, ut appareat Magos inferioris fuisse ordinis: *Ite, & interrogate diligenter de puero; & cum inveneritis renuntiare mihi*: qua quidem forma & ratione loquendi numquam usus fuisset cum Regibus. Neque vero Herodes tam facile passus esset, tres Reges in suum ipsius regnum ingredi; neque ipsi eo se contulissent, quin Herodi prius Legatos suos præmisset: nec denique Herodes tam ferro rescivisset, cum Bethlehæm non plus quam sex passuum millia distaret ab Hierosolymis, se a Magis irritum, qui adversus id quod promiserant, declinato Regis conspectu, Judea abj'erant.

Magos Reges fuisse, qui inter Catholicos credunt, non putant id esse Fidei articulum, quod censetur Beza.

10 Duo autem in hac controversia sunt præmittenda: Primum, eos, qui Magos Reges fuisse putant, non id esse articulum Fidei, quod Theodorus Beza joculari in modum perperam Catholicis exprobravit, sed dumtaxat opinionem valde probabi-

Tom. X.

D

lem

lem esse contendere. Monuit id loco cit. Maldonatus: *Præter quamquod Ecclesia, Magos fuisse Reges non certa & Catholica Fide, sed probabili opinione credit. Licuit enim Christiano Poetæ Patrum nostrorum memoria falsa religione dicere* (Joannem Baptistam Mantuanum intelligit:) *nec Reges ut opinor erant. Licuit multis nostro tempore Catholicis, & eruditis Theologis idem dicere suamque opinionem, non ut ille (Beza) risu; sed magnis argumentis confirmare.* Lamy quidem Harm. Evangel. lib. 1. cap. 11. eorum sententiam sequitur, qui Magos negant regia fuisse præditos dignitate, nec quisquam est, qui ea de re illum criminetur. Eidem sententiæ suffragatur, qui veteres imagines e vetustis Romæ cœmeteriis erutas typis editas Romæ exhibuit ann. 1737. tom. 1. in explicat. Tabulæ 38. Alterum quod præmittimus est, eos, qui Magos fuisse Reges tuentur, non alios Regum nomine intelligere, quam quos Scriptura cujuspiam vel exigui oppidi Dynastas appellare Reges solet. *Hos igitur fuisse Reges, inquit Baron. ad ann. Chr. 1. num. 30. dixerimus usitato more Divinæ Scripturæ, quæ cujusque Oppidi Dominum Regem appellare consuevit, ut patet de quinque Regibus, quos Abraham armatis suis vernaculis debellavit.* Idem sentit Natal. Alexand. H. Eccl. sec. 1. cap. 1. art. 4. *Viros tamen potentes & Divites, Toparchas forte, vel Dynastas fuisse probabile est:* cui consentit doctus Auctor Adnotationum ad Historiam Vitæ, Doctrinæ, & Miraculorum Jesu Christi Urbini editam ann. 1730. Cap. 7. litt. C. *Multi interpretum Regiam illis tribuunt dignitatem: sed ex toto Evangelii contextu nil amplius videtur extendi posse, quam quod iis esset magna apud suos populares auctoritas.* Bene etiam Gretserus tom. V. Operum suorum nuperrimæ edit. Ratisponen. lib. 1. de Festis cap. 30. *Adde quod Regium nomen magnam latitudinem habet &c. Neque enim necesse est, ut omnes, qui vel fuere, vel appellantur Reges, sint tanti, quanti Rex Hispaniæ, & Galliæ. Favet Scripturæ phrasibus maxime in libro Josue, ubi Regis nomen illis tribuitur, qui hodie vix Principis nomenclaturam tueri possent.*

*Magi Reges
fuerunt de
nostra.*

11 Quibus prænotatis, Magos Reges fuisse affirmabimus. In Oriente Reges plerumque Magos fuisse testatur Tertullianus lib. adversus Judæos cap. 8. *Magos Reges fere habuit Orient;* quod Plinii & Philonis auctoritate probat etiam Cardinalis Baronius ad ann. Chr. 1. num. 29. Tillemontius id esse verum agnoscit; sed illud probandum esse ait, Magos, qui Christum adoraverunt, Regia præditos fuisse dignitate, quæ quidem non idcirco illis asseritur, quod in Oriente Reges plerumque fuerint Magi. Serry eadem ratione utitur ad auctoritatem Paschasii Radberti 9. sæculi Scri-

Scriptoris declinandam, qui lib. 1. Commentar. in Matthæum affirmat, Magos illos, qui venerunt Bethlehemum ut Christum Dominum adorarent, Regia dignitate fuisse illustres. *In his Regionibus ad Orientalem plagam Hierosolymorum Magos Reges existisse, nemo qui historias legis Gentilium ignorat: quo profecto Reges eos fuisse opinamur.* Laudatus igitur Serry in Responsionibus ad Sandinum pag. 34. ita scripsit: *Ex hoc quod Gentilium historia fidem faciant, Reges Orientales, ac maxime Chaldeos Magos olim fuisse, hoc est Philosophos syderalis scientiæ peritos, non sequitur, ut Paschasius intulit, Magos omnes, atque illos maxime, qui Christum adoratum venerunt, Reges existisse: idemque magna vi urget Rhoden in allata Dissertatione §. 4. Nos dicimus, S. Cæsarium Arelatensem Serm. 137. in Appendice Sermonum S. Augustini loqui de Magis, qui Christum adoraverunt. Illi Magi tres esse dicuntur. S. Hieronymus in Daniel. cap. 2. ubi tradidit Reges & Principes Philosophicam Magiam profiteri solitos apposite ad rem nostram hæc subicit: Unde & in Nativitate Domini Salvatoris ipsi primum ortum ejus intellexerunt, venientes in sanctam Bethlehem adoraverunt Puerum, stella ejus desuper ostendente. Consonat S. Hilarius lib. 4. de Trinit. §. 38. Recordemur Orientis Magos adorantes Dominum, & Munerantes, & laborem venientis usque in Bethlehem Judæ tanti itineris metiamur. In Principum enim labore totius Egypti labor demonstratus est. Nec Juveni, qui quarto seculo floruit, Christiani Poetæ, magnæque exaltationis viri, filieri potest auctoritas.*

*Gens est Eoi Phæbo orto proxima Regni,
Astrorum solens ortusque obitusque notare:
Horum Primores nomen tenuere Magorum.
Hinc læti Proceres Solymam per longa viarum
Deveniunt, Regemque adeunt, orantque doceri,
Quæ regio imperio Puerum Judæa teneret
Progenitum, & sese stella fulgentis ab ortu
Admonitos venisse viam, quo supplice dextra
Exortum terris venerabile numen adorent.*

12. Observandum in his carminibus, eos qui summi essent ordinis, Magos appellari: *Horum Primores nomen tenuere Magorum;* & ex his eos electos, ut venirent Bethlehemum, qui inter ceteros essent præstantissimi: *Hinc læti Proceres:* Id autem permagnum huic opinioni pondus affert, quod in Epiphaniæ Festo de Magorum adoratione Ecclesia Davidico illo utitur vaticinio Psal. 71. *Reges Arabum & Saba dona adducent:* idque a priscis temporibus. Quamquam autem textus ille æque ac Isaïæ oracu-

*Locus Juveni,
& ipsamet
Ecclesia hanc
probant sen-
tentiam.*

lum: *Ambulabunt Gentes in lumine tuo, & Reges in splendore ortus tui*, de Regibus ethnicis, barbarisque gentibus intelligantur; tamen Ecclesia, quæ vaticinia illa ad Magorum adorationem accommodat, satis aperte declarat, propensio-rem se ad eam sententiam esse, quæ regis vocabulo eo sensu quem supra exposuimus accepto, Magis, de quibus loquimur, regiam asserit dignitatem.

*Eandem qui
probant sen-
tentiam Scri-
ptores magni
nominis.*

13 Baronius loco citato post allatam Theophylacti auctoritatem ait: *Ac, quod Magi fuerint Reges, etiam Theophylactus asserit; idemque Fidelium pia traditio tenet.* Suarez l. c. Sect. 2. in fine ita de hac sententia loquitur: *Sententia hæc plausibilis est; eamque Christianus populus jam olim imbu- it.* Theophilus Raynaudus loco supra laudato pag. 97. num. 15. magnum Scripto- rum agerit cumulum Magis regiam dignitatem tribuentium, late accepto Regis nomine pro quovis Topareba. Natalis Alexand. in Commentar. ad Cap. 2. Matthæi quod in Historia Ecclesiastica as- firmasse ostendimus, minime retractat, sed potius confirmat. *An Reges proprie fuerint, anxie disputandum non putamus, cum ea de re fileat Evangelium; & Oraculum illud Davidicum Psal. 72. v. 10. Reges Tharsis & Insule munera offerent, Reges Arabum & Saba dona adducent, vocationem Gentium & Procerum etiam ex Gentibus a Christo, & ad Christum prænuntiet: unde subditur: Et adorabunt eum omnes Reges terræ, omnes Gentes serui- ent ei. Magos tamen adoratores Christi Dynastas fuisse, ac Regnos probabile est.* Plura vero si quis cupit, adeat Galefinum in Not. ad Martyrol. pag. 13. Honoratum a S. Maria tom. 2. de usu & Regulis Criticæ lib. 3. dissert. 4. art. 2. Ayalam in Opere, *Pictor Christianus*, lib. 3. Cap. 3. num. 5. Sandinum in Histor. Sacr. Familiæ Cap. 3. & Card. Gottum de verit. Relig. Christi. tom. 4. par. 1. cap. 2. §. 14. & seq.

*Melchioris Co-
ni de hac re
doctrina.*

14 Monet celebris Theologus Melchior Canus lib. 11. de loc. Theolog. cap. 5. qui palam affirmare audeat Magos non fuisse Reges, eum in prudentiæ regulas magnopere peccaturum; ex eo enim nonnisi rumores & querelas passim orituras in vulgus, qui jam contrariam imbibit opinionem, eamque solidis fundamentis innixam. *Hanc opinionem, ut quæ plausibilis sit ac popularis, Christiani fideles jam olim libenter induerunt. Neque operæ pretium iudico, si quis in Concione publica eam dissuadere conetur; nam dissuadere nihil attinet; ac frustra niti, & nihil aliud quam laborando odium querere extreme dementiæ est. Quid si paucis forte quibusdam fidem argumentatione tua feceris, multas tamen in populo querelas, dissidia, ac lites induces. Sine ergo; plebem probabilis- simam opinionem, præsertim quæ penitus insedit, atque inveteravit, cum suis Majoribus retinere.*

15 Insignis idem Theologus docet, quomodo rationem illam diluamus, Magos ab Evangelista Reges minime appellari, qui si ea præditi fuissent dignitate, sane ab Herode honorificentius fuissent excepti. *Quod enim Regum nomen Evangelista suppresserit, id omnino nihil est; non enim existimavit Evangelii testimonium Regio apparatu cumulandum, quod Magorum sapientiam, & gravitatem amplissime ornaverat. In veritate sane occulta confirmanda, Regia appellatio obscura, & otiosa erat; Magorum vox præclara & opportuna. Nam, quod Herodes Magos parum honorifice exceperit, hoc aut Herodiani fastus indicium est, aut Romæ gloriæ, & Majestatis. Indignum vero est magni Regis tumorem in minorum invidiam odiumque convertere.*

Cur Evangelista sicut regiam Magorum qualitatem, Cani censetura.

16 Melchioris Cani vestigia tenuerunt alij a nobis memorati, qui Magos Reges fuisse arbitrantur. Addunt etiam, Herodem eorum non minimam habuisse rationem, qui cum ab iis accepisset, natum esse Regem Judæorum, quo nuncio tantopere commotus est, eos veluti alicujus conjurationis participes neque conjici in vincula jussisset, neque interfici, neque e sui Regni finibus pelli: quod certe fecisset, nisi eorum dignitate ab inferenda injuria fuisset deterritus: Magos autem non nisi sua dignitate fretos cum Herode ausos esse adeo libere colloqui. Nam quod eos Bethlehemo abiisse Herodes tam sero resciverit, id quidem eandem habet difficultatem, sive Magi fuerint Reges, sive non fuerint; nec ad hanc quæstionem propterea pertinet, nec alio referendum est quam ad Herodem ipsum, cujus intererat omni studio & diligentia de nunciato sibi novi Regis ortu certiores fieri velle: quemadmodum autem Dei nutu factum est, ut Magi per aliam viam in suam ipsorum patriam Herode inscio remigraverint, ita supremæ ejusdem voluntati visum est, ut Herodes multo serius, quam par erat, ad eorum profectionem adverteret animum.

Alia aliorum rationes afferenda Regia Magorum qualitatibus.

17 Quæ polliciti sumus ut expleantur, jam dicere debemus, ubi Jesum Magi repererint, quoque eum cultu adoraverint. De loco quæstio oritur ex illis S. Matthæi verbis cap. 2. v. 11. *Et intrantes domum invenerunt puerum cum Maria matre ejus; quibus nonnulli adducti sunt ut crederent, Christum infantem non in spelunca repertum a Magis, ubi natus erat, sed in domo quadam, in quam parentes cum puero commoditatis gratia diverterint.* Ita Epiphanius lib. 2. contra Hæreses, hæc. 51. n. 9. tom. 1. *Et intrantes domum invenerunt puerum cum Maria non in præsepi vel in spelunca, sed in domo.* Idem ait Theophylactus in cap. 2. S. Matthæi; quem sequitur Maldonatus in Comment. ad eundem locum. *Mysterio jam erat satisfactum. Necessitatem cessasse credendum est; & Mariam*

Ubi Christus creatus sit a Magis.

riam, aut Joseph omni diligentia commodiorem locum quaesivisse suadet ipsorum pietas. Quidam vero contendunt, in eadem spelunca repertum a Magis, in qua natus erat; nec quidquam eos movet verbum illud domus; quo Evangelista utitur, cum quilibet apud Hebræos locus, & volucrum quoque nidus domus nomine appelletur, ut in Psal. 103. v. 18. Erodii domus, hoc est Ciconiæ nidus. Hanc esse S. Hieronymi sententiam colligitur ex ep. 47. alias 17. ad Marcellam n. 10. tom. 1. Ecce in hoc parvo terræ foramine Calorum conditor natus est, hic involutus pannis, hic visus a Pastoribus, hic demonstratus a Stella, hic adoratus a Magis; Ideo vero S. Epiphanius aliter sensit, quod non tredecim post dies, sed duos annos post nativitatem Magos Jesum adoraturos venisse arbitratus est, ut infra demonstrabimus. Ayala l. c. num. 3. primam, Suarez l. cit. Sect. 4. posteriorem sequitur opinionem, eamque dicit esse communem Patrum sententiam. Idem affirmat Theophilus Raynaudus l. c. num. 15. Quaresinius elucidat. Terræ Sanctæ tom. 2. Cap. 7. lib. 6. hæc scribit: Ceterum communis ante proposita sententia retinenda est quæ asserit Christum nescio quomodo in specu natum, sed etiam in eodem a Magis adoratum. Card. Gottus in sæpius laudato Opere Cap. 11. §. 4. num. 37. utrique sententiæ tribuit probabilitatem. Cornelius vero a Lapide ad Cap. 2. Matth. vers. 2. in eam sententiam videtur esse propensior, quæ statuit Jesum Christum in Præsepi a Magis repertum esse: ait enim, Bethlehemi, quæ parva Civitas erat, unicum patuisse viatoribus publicum diverforium, cui veluti appendix in usum equorum jumentorumque stabulum jungebatur; itaque S. Matthæum domus nomine, quo Magos introisse narrat, Præsepe seu Stabulum, quod domus erat appendix, significare voluisse; & Calmetus ad Cap. 2. Matth. vers. 2. publicum Bethlehemi diverforium accurate describit, concluditque, si quidem putemus, Magos biennio a Jesu Christi nativitate ad eum adorandum venisse, verisimilius esse Beatam Virginem, occupatis omnibus diverforii cubiculis, non alibi, quam in stabulo puerum parere potuisse; postquam vero diverforium a viatoribus vacuum fuit, in mundiorem locum se contulisse cum puero, quem propterea Magi in domo invenerint. Et laudatus Auctor in Notis ad J. Chr. vitam Cap. 7. lit. L. ait: In domo igitur, non in spelunca, seu caverna Magi Jesum Christum adoraverunt. Etsi sacer tentus id expresse non diceret, quis credat B. Virginem tamdiu in tam incommodo permanfisse loco, quo non aliud cause fuit ut secederet, quam quod paritura cum esset, frequentissima hominum multitudine Bethlehemi loca omnia completerentur.

18 Cæterum si hujus quæstionis enodatio petenda esset ex tempore, quo Magi Bethlehemum pervenerunt, & ea sententia, quæ Christum Dominum non in Præsepi, sed in Domo a Magis repertum esse statuit, hoc uno niteretur fundamento, quod Magi biennio post Jesu Christi nativitatem advenerint; Nos qui non tanto post tempore Magos venisse credimus, facile respondere possemus, non in domo, sed in Præsepi Magos divinum puerum invenisse: certum enim nobis est, ne tantillum quidem a communi opinione recedere, Magos scilicet tredecim tantummodo diebus a Christo nato ad Præsepe pervenisse. Verum cum hanc sententiam aliæ quas supra attulimus, rationes tueantur, non repugnamus, quin sua utrique opinioni probabilitas constet: neque tamen dissimulabimus propter expressam D. Hieronymi auctoritatem, qui tandiu loca illa Redemptionis nostræ consecrata Mysteriis incoluit, propensiores nos in eorum esse sententiam, qui putant infantem Jesum in Præsepi a Magis fuisse inventum. At de cultu, quo Redemptorem nostrum illi adoraverunt, fidentiore animo disceremus.

Christum in Præsepi repertum a Magis probabilis est ex D. Hieronymo.

19 S. Matthæus in sæpe laudato cap. 2. v. 11. ait: *Et procidentes adoraverunt eum; & apertis thesauris suis obtulerunt ei munera, aurum, thus, & myrrham.* Ad hæc verba ita scribit a Lapid: *Erasmus censet Magos non cognovisse Christum esse Deum; ideoque non Latria, sed cultu civili eum ut Regem Judæorum adorasse, id est veneratos esse. Verum contrarium docent Patres & Interpretes, scilicet Magos instinctu Dei agnovisse Christi Divinitatem, eamque Latria adorasse; ideoque ei Thus, quod soli Deo debetur, obtulisse.* Idem plane scribunt cæteri sacri textus Interpretes.

De cultu, quo Magi Christum infantem adoraverunt.

20 Novi tamen Testamenti versio Irevoltiensis anno 1702. edita (cujus lectionem Christifidelibus primum egregii quidam Gallicani Antistites, deinde S. Romana Sedes Apostolica Decreto 2. Martii 1704. interdixit) Bibliothecæ Criticæ Basileæ anno 1709. edita dubitationem excitant magna sane audacia, num Christi Divinitatem Magi Dominum adorantes perspectam habuerint. Verum Honoratus a S. Maria tom. 2. de Regulis Crit. lib. 3. dissert. 4. art. 5. firmissime probat, Magos non civili, sed vero latriæ cultu perspectam sibi & cognitam Jesu Christi Divinitatem adorasse; id communiter ad eum D. Matthæi locum Patres Theologosque sentire; severioris etiam Criticæ adhibitis regulis, non aliter ea verba explicanda, nec secus posse intelligi; nec Theologica Censura illum expertem fore, qui hunc sensum in dubium revocare audeat.

Magi Divinitatem Christum habuerunt cognitam.

*Quod confas
en qualitate
munerum.*

21 Et sane Magi ubi Puerum Jesum viderunt, humi strati munera eaque pretiosa illi obtulerunt, Orientalium morem sequuti, qui non sine muneribus Reges adire solent, quemadmodum filii Josephum fratrem, & Regina Saba Salomonem allatis secum muneribus convenerunt, ut est in Genes. cap.43. & Regum lib.3. cap.10. Hæc autem si non satis significant, Magos Divinitatem Christi cognitam habuisse; genus ipsum & ratio munerum profecto id aperte declarat. *Attende quid obtulerunt, & agnosce quid crediderunt*, inquit S. Fulgentius serm. de Epiphania 4. n.9. Et Calmetus Irenæi, Origenis, Basilii, Ambrosii, Augustini, Hieronymi, Hilarii, Bernardi, Juveni, & Sedulii doctrinam sequutus hæc habet in cap.2. Mathæi: *Omnes fere Patres in his muneribus agnoscere Mysterium, quod Jesu Christi Divinitatem, Regnum, & Humanitatem indigitabat. Thus Deo convenit; Regi aurum, Homini mortali, cujus corpus opobalsamis conditur, myrrha. Communem hunc omnium Patrum consensum vel ipse Rhoden sequutus in citata Dissertat. §.8. Quod vero, inquit, præcise has tres species, nempe aurum, & thus, & myrrham dederint (Magi), & non alias, id plus in recessu habere videtur, nempe ut auro eundem Regem, thure Deum, myrrha hominem esse indicarent, uti Ecclesiæ Doctores docent unanimi consensu, illum quidem quia aurum subditi Regibus pendunt, istum quia Deo adolemus, hunc quia degustaturus erat mortem. Nam Judæi cum Myrrha mortuos sepeliunt, ut corpus maneat incorruptum.*

*Patres en
qualitate mu-
nerum affir-
mant, Magi
cognitam fuisse
Christi Divi-
nitatem.*

22 Ne quis vero dicat, Deo quidem convenire thus, Regi aurum, homini myrrham, non inde tamen necessario confici, qui talia obtulerit, eum perspectam habuisse divinitatem; atque ita eludere conetur, aut declinare vim auctoritatemque Patrum; Nos hic quædam breviter afferemus ex Patribus, qui divinitatem Christi Magis exploratam fuisse disertissime docent. Prodeat S. Ambrosius lib.1. de Fide Tom.2. cap.4. 31. *Unum Deum Magi crediderunt, & aurum, thus, & myrrham supplices ad Christi cunabula detulerunt, auro Regem fatentes, ut Deum thure venerantes. Thesaurus enim Regni, Sacrificium Dei, Myrrha est Sepultura.* S. Bernardus serm.2. de Epiph. n.1v. lucem; quæ bono Latroni affulsit, confert cum ea quæ Magis illuxit; & quemadmodum nemo inficiabitur, illum Christi divinitatem cognovisse. *Videte quam oculata sit Fides, quam lyncros oculos habeat in ignis pendente, cognoscit Dei Filium latentem, cognoscit in ignis pendente, cognoscit morientem. Siquidem Latro in Patibulo, Magi in Stabulo cognoscunt: ille clavus infixum; isti pan-*
nis

nis involutum. D. Joannes Chrysostomus Homil. 8. in Matthæum n. 1. tom. 7. animadvertit, Magos eo miseræ puerum redactum & in vili jacentem tugurio nulla alia re ad adorandum impelli potuisse, quam quod illum bonorum omnium auctorem fuisse crediderint: *Ideo autem nihil eorum quæ sub sensum cadunt, ibi magnum erat, sed Præsepe, tugurium, mater inops ut nudam Magorum philosophiam perspicias, atque discas, eos non ut hominem purum, sed ut Deum & beneficium ipsum adiisse*. Miratur S. Leo serm. 33. in Epiphani. 4. cap. 3. tom. 1. qui Magi, simul ac conspicati sunt Stellam, conjecerint ex ea, ejusmodi munera afferenda esse, quæ ad Christi Divinitatem, Regnum & Humanitatem indicandam essent aptissima: verum mirari desinit, cum animadvertit, ad externam stellæ internam Fidei lucem accessisse, ut illud Magi crederent, quod par erat. *O perfectæ scientiæ mirabilem Fidem, quam non terrena sapientia crudelit, sed Spiritus Sanctus insituit!* Unde enim hi viri cum proficiscerentur de Patria, qui nondum viderant Jesum, nec aliquid contuitu ejus, quo cum tam ordinate venerarentur, adverterant, hanc deferendorum munerum servare rationem? nisi quia præter illam Stelle speciem, quæ corporeum incitavit obtutum, fulgentior veritatis radius eorum corda perdocuit, ut priusquam labores itineris inchoarent, cum sibi significari intelligerent, cui in Auro Regius honor, in Thure divina veneratio, in Myrrha mortalitatis confessio deberetur. Complures alias huc possemus auctoritates congerere; sed instar omnium nobis erit Ecclesiæ auctoritas, quæ in Epiphania Dominum precatur his verbis: *Deus qui hodierna die Unigenitum tuum Gentibus Stella duce revelasti*; & Sedulii Hymno utitur, quo ita de Magis canitur: *Deum fatentur munere*. Est autem observandum, verba illa, *Deus qui hodierna die Unigenitum tuum Gentibus Stella duce revelasti*, reperiri etiam in S. Gregorii Sacramentario tom. 3. pag. 7. in Missa hujus diei, quæ hanc quoque Orationem habet: *Deus inluminator omnium Gentium da populis tuis perpetua pace gaudere, Et illud lumen splendidum infunde cordibus nostris, quod trium Magorum mentibus adspirasti*.

23 Ecclesiam hac Epiphaniæ die non adorationis modo Magorum, sed etiam Baptismi Jesu Christi, & vini in aquam conversi memoriam colere, supra memoravimus: utrumque longiore sermone nunc persequemur. Narrat Matthæus cap. 3. v. 13. ex Galilæa Jesum ad Jordanem descendisse; ut a Joanne Baptismum fulciperet: *Tunc venit Jesus a Galilæa in Jordanem ad Joannem, ut baptizaretur ab eo*: Joannem id recusasse, quin potius se ab eo baptizandum affirmasse: *Joannes autem prohibebat eum dicens: Ego*

Baptismus Jesu Christi, & miraculum aquæ in vinum conversæ. Neque Christus Baptizatus, neque hic illud antea de sacre novæ.

Tom. X.

E

a te

a te debeo baptizari : Et tu venis ad me ? Monitum a Christo ita facto opus esse, eum denique baptizasse : Respondens autem Jesus dixit ei : Sine modo : Sic enim decet nos implere omnem justitiam . Tunc dimisit eum . Existimavit nonnemo, jam inde a pueritia Jesum inter & Joannem primo notitiam, deinde familiarem consuetudinem intercessisse ; cui opinioni fidem affirmare videtur locus ex Evang. Joann. qui cap. 1. 29. & 30. Altera, inquit, die vidit Joannes Jesum venientem ad se, Et ait : Ecce Agnus Dei, ecce qui tollis peccata mundi . Hic est, de quo dixi : Post me venit qui ante me factus est . Hanc vero opinionem nullo modo quis tueatur : neque enim intelligi potest, quomodo Jesus & Joannes ante Baptismum, multoque minus a pueritia alter alterum noverit, alter alterius consuetudine usus sit ; Christus enim Nazarethi in Galilæa altus est atque educatus, Joannes vero in montanis Judææ prope Hierusalem, ex quo loco postea secessit in desertum, ut accurate in hanc rem observat Estius Commentar. in Joann. cap. 1. vers. 33. Quod si Joannes videns Jesum ad se venire dixit ea, quæ supra ex Evangelio retulimus, tamen illa quocumque addidit, Et ego nesciebam eum . Hæc porro verba non pugnant cum superioribus, mox demonstrabimus . Noverat Joannes Baptista humani generis natum esse Reparatorem, noverat in lucem editum esse Θεάρχοντα, nam dixerat apud Matthæum cap. 3. v. 11. Ego quidem baptizo vos in aqua in penitentiam ; qui autem post me venturus est, fortior me est, cujus non sum dignus calceamenta portare : ipse vos baptizabit in Spiritu Sancto & igni : ad quem locum Estius : Tacite, inquit, Christi divinitatem insinuat . Unde nec recurrendum hic ad hyperbolem, quæ in hoc simplici & aperto Joannis testimonio non debuit admitti : quandoquidem nec in aliis humanis testimoniis adhiberi debet . Cum illum tamen nunquam antea vidisset, ac ne de facie quidem nosset, simul autem ac vidit, statim agnoverit afflatu divino, potuit dicere : Et ego nesciebam eum : quæ cum superioribus minime pugnant, ut monent Chrysostomus, Euthymius, & Theophylactus : id enim simile est illius, quod Samueli contigit, qui cum probe sciret inter Isai liberos esse, qui aliquando Regnum adipisceretur, nec eorum quemquam de facie nosset, ubi primum oculos in Davidem convertit, divinitus monitus ipsum esse cognovit, qui Regia potestate aliquando potiretur, ut habetur lib. 1. Regum cap. 16. Ita Joannes Baptista Christum baptizare abnuebat, nec illud prius persuaderi sibi passus est, quam illa verba intellexerit : Sine modo ; sic enim decet nos implere omnem justitiam : quorum verborum ea sententia est : Cum Spiritus Sanctus nondum delapsus

plus sit, nec cœlestis vox audita, non potes recusare, quin me Baptismo abluas, etsi potior te sim; Baptismum enim non ut Christus, sed ut unus hominum suscipio. Ita Maldonatus in cap.3. Matth. num.15. Pergit Matthæus loco citato v.16. 17. & narrat, ut Jesus aqua est egressus, Cœlos fuisse apertos, Deique Spiritum in Columbæ speciem super eum esse delapsum. *Baptizatus autem Jesus confestim ascendit de aqua, & ecce aperti sunt ei Cœli: & vidit Spiritum Dei descendentem sicut Columbam, & venientem super se: vocemque de Cœlo auditam: Hic est filius meus dilectus, in quo mihi complacui.* Idem legitur in Evangelio D. Marci cap.1. & Lucæ cap.3. Aquam autem in vinum conversam refert S. Joannes cap.2. v.1. qui narrat, quibusdam nuptiis, quæ in Cana Galilææ celebrabantur, Beatam Virginem adfuisse: *Nuptiæ factæ sunt in Cana Galilææ, & erat Mater Jesu ibi:* Christum Dominum cum suis discipulis eo fuisse invitatum; cumque jam vinum deesse inciperet, Mariam Virginem ei dixisse: *Vinum non habent.* Cui Jesus respondit: *Quid mihi & tibi est mulier? nondum venit hora mea.* Pergit Evangelista, Matrem eos qui ministrabant monuisse, ut quidquid jussisset Jesus exequerentur. Ex quo intelligitur, impiam esse Hæreticorum quorundam blasphemiam, qui Christum Jesum eo quo supra narravimus modo respondentem, temere garriunt sanctissimæ Genitricis suæ petitionem iratum rejecisse; quod quantopere a re ipsa aberret ac veritate, illud aperte declarat, quod ut mox dicemus, Christus Jesus Matris suæ precibus ductus aquam in vinum convertit; ut hac ratione aliisque pluribus disserit Theophilus Raynaudus tom.7. in opere, cui titulus, *Dypticha Mariana*; multoque melius Calmetus, qui Origenis, Augustini, Gregorii, aliorumque melioris notæ Interpretum sequutus auctoritatem, ait ad citatum cap.2. Joan. vers.4. Salvatorem nostrum tunc loquutum non tamquam hominem & Mariæ Filium, sed tamquam Deum; cumque quatenus Deum dixisse Beatæ Virgini: *Quid mihi & tibi est? tuum non est mihi præscribere tempus miracula operandi.* Ego novi momentum illud, quo potestas mea enitescere debet. Narrat præterea S. Joannes, sex urnas illic fuisse lapideas duas tresve mensuras capientes, quæ Judæorum purificationibus inserviebant; Jesum jussisse eas impleri aqua, easque, cum impletæ essent usque ad summam oram, Architrictim afferri; qui cum aquam in vinum versam degustasset, nec sciret unde esset vinum ejusmodi, scirent tamen ii qui aqua urnas compleverant, sponso ad se advocato ait, moris apud omnes esse, convivas primum optimo omnium, quæ in cella sint, vino invitare, deterius vero, cum se quisque largius ingurgita-

verit, tunc apponere; illum contra tam sero suavissimum vinum promississe. Dicit Mater ejus Ministris: Quodcumque dixeris vobis facite. Erant autem ibi lapideæ hydræ sex posite secundum purificationem Judeorum, capientes singule metretas binas vel ternas. Dicit eis Jesus: Implete hydras aqua, & impleverunt eas usque ad summum. Et dicit eis Jesus: Haurite nunc & ferte Architrielinum; & tulerunt. Ut autem gustavit Architrielinus aquam vinum factam, & non sciebat unde esset; ministri autem sciebant, qui hauserant aquam, vocat sponsum Architrielinus, & dicit ei: Omnis homo primum bonum vinum ponit, & cum inebriati fuerint, tunc id quod deterius est. Tu autem servasti bonum vinum usque adhuc. Denique monet Evangelista, hoc primum fuisse Miraculum, quo Jesus suam declaraverit gloriam, eoque Discipulos magis magisque in Fide confirmatos esse. Hoc fecit initium signorum Jesus in Cana Galilææ, & manifestavit gloriam suam, & crediderunt in eum Discipuli ejus. In apocrypho libro de infantia Salvatoris plura alia referuntur miracula; sed celebri illo decreto suo Gelasius hunc librum explosit. Est qui putat, cum Christus Dominus non plus quam duodecim annos natus in Templo cum Doctoribus disputaverit, eosque in sui admirationem impulerit, quod narrat Lucas cap. 2. conversionem propterea aquæ in vinum non primum fuisse omnium miraculorum, sed eorum, quibus gloriam suam & divinitatem palam fecerit. Ita Maldonatus in Joan. cap. 2. num. 11. sed ea de re inferius sermonem habebimus.

*De Baptismo
Joannis qua-
estiones aliquot
ex D. Thoma.
Baptismus il-
le tantummodo
disponebat
ad gratiam.*

24 De Joannis Baptismate plures sunt articuli apud S. Thomam 3. par. quæst. 38. In primo quæritur an decuerit eum baptizare; & respondet S. Doctor, decuisse multis quidem rationibus ea præsertim, quod Baptismate suo homines ad Baptismum Christi adsuæfaceret, eosque ad poenitentiam inductos præpararet ad Christi Baptismum digne suscipiendum. In secundo quæritur, utrum Joannis Baptisma a Deo fuerit institutum; & respondet juxta S. Joannis auctoritatem: Qui me misit baptizare in aqua, ille mihi dixit: Super quem videris Spiritum &c. Baptismum Joannis quoad ritum a Deo fuisse, non autem quoad effectum; ritum enim baptizandi a Deo fuisse, qui Joanni revelavit ut baptizaret, effectum vero Baptismi fuisse ab homine: quia nihil in illo Baptismo efficiebatur, quod homo facere non posset: unde non fuit a solo Deo, nisi in quantum Deus in homine operatur. Et Sotus in 4. sentent. distinct. 2. quæst. 2. art. 1. hunc Angelici Magistri textum ita explicat: Baptismus Joannis partim fuit a Deo, partimque ab ipso Joanne; nam firmiter baptizandi consideret, familiari Spiritus Sancti re-
vela-

velatione ad id Joannes fuit missus . . . Si autem effectum, nihil in eo fuit, quod Joannes ipse non posset prestare; quoniam, ut illico dicturi sumus, Gratiam non conferebat, sed tantum abluebat corpora. In tertio articulo quaeritur, utrum in Baptismo Joannis gratia daretur: respondet autem, baptismum illum non contulisse gratiam, sed tamen ad eam disposuisse, tum hominibus ad Fidem Christi per doctrinam inducendis, tum etiam, ut diximus, ad Christi Baptismum assuefaciendis, præparandisque per poenitentiam, ut effectus Baptismatis Christi digne susciperent. Estius in 4. sentent. distinct. 2. §. 2. uberrime tractat de discrimine Baptismatis Christi & Joannis. Et Venerabilis Card. Bellarminus tom. 3. Controvers. lib. 1. de Sacram. Baptismi cap. 2 1. & seq. adversus hæreticos nostrorum temporum, quos S. Tridentina Synodus anathemate percussit sess. 7. Can. 1. de Baptismo: *Si quis dixerit Baptismum Joannis habuisse eandem vim cum Baptismo Christi, anathema sit*, demonstrat Baptismum Joannis efficacia illa omnino caruisse, qua Baptismus Christi vi sua & ex opere operato, ut loquuntur Theologi, peccata hominum delet. Uno verbo tria sunt Baptismata, quorum meminit Scriptura. Primum erat Judæorum, nimirum sacra quædam ceremonia, qua vel se præparabant si quid inceptarent, vel ad aliquam legalem maculam eluendam utebantur. Alterum est Baptisma Joannis, quo homines ad sanctificationem per Christi Baptismum suscipiendum præparabantur. Tertium denique est Jesu Christi Baptisma, vi sanctificandi & remittendi peccata præditum. Baptismus Joannis si non post baptizatum Jesum, certe post Joannem conjectum in vincula cessavit, ut advertit Sanctus Thomas ead. quaest. 38. artic. 5. Quamquam in Perside & Arabia quidam populi male compactum Religionis systema, & ex Christianorum, Judæorum, & Mahometanorum ritibus conflatum sectantes, quotannis Joannis Baptismo (ut illi ajunt) se ablunt, & Joannis Discipuli appellari volunt. Vide Calmet Dissert. de Baptismo art. 2.

25 S. Matthæus de Baptismo Joannis loquens ait: *Baptizabantur ab eo in Jordane consistentes peccata sua*. Idem ait Marcus cap. 1. v. 5. *Et egrediebatur ad eum omnis Judææ regio, & Hierosolymita universi, & baptizabantur ab illo in Jordanis flumine consistentes peccata sua*: Hinc inter sacros Interpretes orta est controversia, quam ratione confitendi peccata sua uterentur. Cajetan Cardinalis putat, eos non voce peccata sua, sed se abluendo peccatores esse confiteri consuevisse, ut ablutio idem esset ac confessio. Hæc vero opinio adversari videtur Evangelii verbis, in quibus duo tamquam diversa legimus, baptizari, & peccata

sua

*Quoniam Jo-
del ratione
uterentur con-
fiteri peccata
sua, variis sen-
tentia.*

sua confiteri. Tostatus arbitratur, voce quidem expressam, non tamen distinctam de criminibus Judæorum fuisse confessionem, solamque declarationem, qua se peccatores esse proderent. Thomas Waldensis tom.2. de Sacramentis cap.136. conatur ostendere, Judæos gravia confiteri solitos esse peccata, adulterium puta, homicidium, blasphemiam, non tamen peccata cordis. Suarez in 3. par. tom.2. quæst.38. art.3. in Commentario ait, propriam iis fuisse & vocalem confessionem. Joannes Morinus lib.2. de administratione Sacram. Pœnitentiæ cap.20. & duobus sequentibus profert veteres Hebræorum libros, quibus luculenter ostendit, disciplinam apud eos fuisse confitendi peccata, atque ita eos necessariam hujusmodi confessionem credidisse, ut sine ea nulla esset pœnitentia, nulla peccata abolerentur. Calmetus ad cap.3. Matthæi vers.6. ait, Grotium nihil dubitasse, quin a Judæis peccatorum fieret coram Sacerdote confessio, exceptis illis criminibus, quæ mortis supplicium mererentur; ea enim consuevisse Domino confiteri. Verisimile tamen esse Calmetus opinatur, Judæos, qui S. Joannem ingenti confidentia adibant, peccata omnia illi confessos esse, quem esse Prophetam noverant, spectatæque fidei & virtutis virum; quemadmodum etiam disputat in cit. Dissertat. de Baptismo.

*Judæis per
eam confes-
sionem non re-
mittebantur
peccata, ut
per Confes-
sionem a Christo
insinuatam.*

26 Verum siue quorundam, siue omnium peccatorum fuerit illa confessio, certe neque Sacramentum fuit, neque peccata remittebat, quemadmodum remittuntur per Confessionem a Christo Domino institutam. *Hæc tamen confessio non erat Sacramentum, nec peccata condonabat, uti fit in Confessione a Christo instituta.* Ita Cornelius a Lapide in vers.6. cap.3. Matthæi. Constat itidem, Judæorum Confessionem non accipiendam gratia, sed salutaribus monitis consiliisque Sacerdotum hauriendis utilem fuisse, ut bene animadvertit Sotus loco citat. art.2. ubi de iis loquens, qui peccata sua confitebantur, ait eos confessos esse, *non ut gratiam tamquam per Sacramentum susciperent, sed ut aliqua salutaria monita & consilia a Sacerdote audirent, & illis forsan castigatorias aliquas pœnitentias imponerent.* Atque in hunc modum ab iis confessionem coram Baptista factam esse. *Non solum autem peccata sua generatim confitebantur, qui ad Baptismum Joannis veniebant, fontes se declarando, sed speciatim graviora, quibus obnoxii erant, peccata confitebantur, ut veniam, consilium, ac remedium peterent a Propheta baptizante, ejusque apud Deum precibus juvarentur:* quæ verba sunt Natalis Alexandri n.7. in cap.3. S. Matthæi. Confessio denique coram Joanne non ea vi prædita fuit, ut peccatorum remissionem pararet per illius Baptismum proxime obtinendam, sed

sed ut confidentes beneficio poenitentiae, quam postea egissent, & per Christi Baptismum, ad quem per eam poenitentiam disponebantur, remissionem consequerentur, juxta D. Thom. doctrinam quæst. 38. art. 3. ad secundum, ubi ita loquitur: *Dicendum quod illi confisso peccatorum non fiebat ad remissionem peccatorum statim per Baptismum Joannis exhibendam, sed consequendam per poenitentiam consequentem, Et per Baptismum Christi, ad quem poenitentia illa preparabat.* Idque ante Divum Thomam docuit Augustinus lib. 5. contra Donatistas cap. 10. *Quamquam ita credam baptizare Joannem in aqua poenitentiae remissionem peccatorum, ut ab eo baptizatis in spe remitterentur peccata, re ipsa vero in Domini Baptismo id fieret.* Idem docuit in Enchiridio de Fide, Spe, & Charit. *Non renascebantur, qui Baptismate Joannis baptizabantur, sed quodam præcursorio illius ministerio, qui dicebat: Parate viam Domino, huic uni, in quo solo renasci poterant, parabantur.*

27 Atque ut eo regrediamur, unde fortasse non ita inutiliter divertimus, D. Thomas cit. 3. par. qu. 39. art. 1. quærit, num conveniens fuerit, ut Christus a Joanne baptizaretur: & conveniens fuisse respondet, ut aqua sanctissimæ illius carnis contactu mundatæ Baptismatis vim obtinerent, seu quod idem est, ut aqua sanctificarentur. Addit S. Doctor, quod cum venisset in similitudinem carnis peccati, quamquam sibi nihil opus erat baptismate, decebat tamen ut illud susceperet, ut ejus Baptismate, qui indigebant, postea baptizarentur. Eadem iterat art. 2. ubi quærit, an oportuerit Christum Dominum suscipere Baptismum Joannis: & art. 4. docet, Christum Dominum ideo in Jordane baptizari voluisse, ut illud intelligeremus, quod quemadmodum filii Israël trajecto Jordane in terram Promissionis ingressi sunt; ita nos per baptismum Christi in veram promissionis Terram ingredimur, nobisque per eundem Baptismum aperitur porta Regni cœlestis. Et in eo Jordanis loco, quo Dominus Jesus baptismum suscepit, si Bedæ habenda sit fides, seu quis alius sit Auctor de Locis Sanctis cap. 13. sacra Edes Monasteriumque in Joannis Baptistæ honorem postea sunt ædificata. Gregorius autem Turo-nensis de Gloria Martyr. cap. 17. narrat, leprosos, qui in eo se abluisse loco, sanitatem esse consequutos. *In eo habetur locus, in quo Dominus baptizatus est. In uno etenim reflexu aqua ipsa revolvitur, in qua nunc leprosi mundantur. Cum autem adven-rint, sæpius lavantur in flumine, donec ab infirmitate purgentur. De publico tamen, dum ibi commorati fuerint, victum accipiunt: sanati autem ad propria discedunt.* Decuisse autem, ut Christus a Joanne baptizaretur, docet Maldonatus in cap. 3. Matthæi v. 13.

qui

*Cur Christus
a Joanne bap-
tizari volu-
erit, rationes
aliquæ ex D.
Thoma.*

qui ait, a veteribus Theologis traditum, id maxime fuisse conveniens; tum quia Joannes jussus est baptizare, *ut confluentibus undique ad eum populis, Christum illis ostenderet*; tum quia cum viderent homines non gravatum esse Christum Dominum ad servi Baptismum accedere, *ipfi non gravarentur ad Baptismum Domini venire*. Porro de sacra Ede in D. Joannis Baptistæ honorem extructa adi Quaresmum Elucidat. Terræ Sanctæ tom. 2. lib. 6. cap. 6.

Christo baptizato decuit, Caeli aperirentur. Spiritus Sanctus super eum descenderet, & vox æternæ Patris audiretur, ut D. Thoma.

28 Idem S. Doctor art. 5. quærit, utrum Christo baptizato & orante, cœli debuerint aperiri, pluresque rationes afferit cur debuerint aperiri; quarum ea potissima est, ut Baptismi, quem in nova lege instituebat, significaretur effectus, Regni scilicet cœlestis adeptio beneficio & applicatione meritorum Christi. Art. 6. multas & graves causas profert, quamobrem conveniens fuerit, ut super Christum baptizatum Spiritus sanctus in Columbæ specie descenderet. Et art. 8. loquens de Patris voce, quæ baptizato Christo audita est, ait conveniens fuisse, ut omnium quotquot aderant auribus ea vox audiretur, ad conciliandam Christo Domino auctoritatem, ejusque originem, vocationem, & doctrinam approbandam, qua Mundus universus renovandus erat. Et quia Judæi dubitabant, num Joannes esset Christus, ut constat ex Lucæ cap. 3. v. 15. *Cogitantibus omnibus in cordibus suis ne forte ipse (Joannes) esset Christus*, idcirco ut eorum animis ejusmodi dubitatio eximeretur, æternus Pater sensibili signo, voceque e Cœlo demissa declarare voluit, non Joannem, sed Jesum esse Christum, & Messiam per tot seculorum seriem expectatum, Filium suum unice dilectum a se missum in hunc mundum, ut fractum & attritum genus humanum repararet.

Num Christus per immersionem fuerit baptizatus. An prodigia post Baptismum contigerint. Quomodo cœli sunt aperti. Quo sensu intelligenda sunt illa, sicut columbam,

29 Prius vero quam hinc manum amoveamus, non abs re esse putavimus, pauculas quasdam leviter perstringere quæstiunculas, quas de Baptismo a Christo suscepto sacri solent Interpretes excitare; quarum prima est, utrum Christus, quemadmodum cæteri omnes qui eodem Baptismate abluebantur, in Jordanem immerfus fuerit, an vero, ut vulgo a Pictoribus pingi solet, capite tantum fuerit aqua perfusus: cui quæstioni ex Matthæi textu cap. 3. v. 16. *Baptizatus autem Jesus confestim ascendit de aqua*, facile est respondere, priore e duobus illis, quos innuimus, modis baptizatum fuisse. *Secunda* quæstio est, num superius memorata prodigia contigerint, dum Christus Jesus baptizaretur, an vero postquam Baptismate ablutus ex Jordane egressus est; nec dubitare quisquam potest, postquam ille aquis emergerat, ea contigisse ex illis Matthæi luculentissimis verbis: *Baptizatus autem Jesus confestim ascendit de aqua. Et ecce aperti sunt ei Cœli & visi*

dit Spiritum Dei descendentem, sicut Columbam. Et consentiunt duo alii Evangelistæ Marcus, & Lucas, quorum alter cap. 1. v. 9. *Baptizatus est, inquit, a Joanne in Jordane. Et statim ascendens de aqua vidit Cælos apertos, & Spiritum tamquam Columbam descendentem, & manentem in ipso. Et vox facta est de Cælis: Tu es Filius meus dilectus, in te complacui.* Alter rem narrat his verbis cap. 2. v. 21. *Factum est autem cum baptizaretur omnis populus, & Jesu baptizato, & orante, apertum est Cælum, & descendit Spiritus Sanctus corporali specie sicut Columba in ipsum, & vox de Cælo facta est: Tu es Filius meus dilectus: in te complacui mihi.* Tertia, quomodo Cæli aperti sint, de quo videatur D. Th. 3. par. qu. 39. art. 5. *ad secundum.* Calmetus in cap. 3. Matthæi vers. 16. D. Hieronymi, Auctoris Operis imperfecti, & Maldonati auctoritate ductus, nullo revera Cælos patuisse putat hiatu, sed lucem repente quamdam illuxisse, quæ ab altissimo Cælo descendisse, vel e diffracta nube prorupisse videretur, instar fulminis, quod inter confertissimas nubes aëre disjecto coruscat; illudque ostentum non modo a Christo, & Apostolis, sed ab universo populo visum esse. Et cum eo Cornelius a Lapide ad hunc locum vers. 16. & Suarez 3. par. tom. 2. disp. 22. sect. 1. consentiunt. *Quarta*, num Columba vera fuerit, quæ super Christum delapsa, simul cum radio, quo ejus caput tactum est, & cum splendore illo, quo circumfusus est Dominus, ostendit non ad alium, quam ad Christum Dei Patris vocem pertinere. Toletus Cardinalis in Evang. Joann. cap. 1. Not. 70. totam hanc rem longo sermone persequitur. Quidam arbitrantur, non veram Columbam fuisse, sed Columbæ speciem, suamque sententiam Matthæi verbis fulciunt: *Sicut Columbam: Marci, tamquam Columbam, Lucæ, corporali specie sicut Columba: Joannis, quasi columba: Quam opinionem Suarez etiam loco cit. sect. 2. amplectitur; & cum eo idem sentit Thyrsus de Apparitionibus Spirituum lib. 1. de Apparitione visibili num. 6. Verum D. Thomas qu. 39. art. 7. propterea quod Spiritus Sanctus dicitur Spiritus veritatis, idcirco ait ipsum veram formasse Columbam; nec ideo dici delapsum in speciem, vel in similitudinem Columbæ, quod ea non esset vera Columba, sed ne quisquam putaret illum apparuisse in specie substantiæ suæ. Calmetus Dissert. de Baptismo art. 3. quorundam assert, & merito damnat sententiam, qui temere sane & audacter putant, Columbam cum Spiritu Sancto hypostatice fuisse conjunctam. Etsi enim irrationalis natura non omnino est unionis ejusmodi incapax, tamen cum ea minime decebat divinam majestatem conjungi. Neque Spiritum Sanctum in missione sua cum visibili creatura hypo-*

statice conjungi oportuit, quemadmodum Filium in Incarnatione cum humana natura necessarium omnino fuit hypostatice uniri. Non enim, ut observat D. Th. 1. par. qu. 43. art. 7. *ad quartum*, Spiritus Sanctus sub Columbæ specie apparuit, ut per ejus Columbæ naturam aliquid operaretur ad merendum, satisfaciendum, sanctificandum, quod quidem per humanam naturam præstitit Filius. Et Calmetus in c. 3. Matth. testatur, communem esse omnium Sanctorum Patrum sententiam in Christi Baptismate Spiritum Sanctum non phantasticæ, sed veræ Columbæ forma esse delapsum. Qam quidem sententiam satis aperte tuetur D. Augustinus lib. de Agone Christiano cap. 22. n. 24. tom. 6. & 7. *Neque hoc ita dicimus, ut Dominum Jesum Christum dicamus solum verum corpus habuisse, Spiritum Sanctum autem fallaciter apparuisse oculis hominum: sed ambo illa corpora vera corpora credimus. Sicut enim non oportebat ut homines falleret Filius Dei, sic non decebat ut homines falleret Spiritus Sanctus: sed omnipotenti Deo, qui universam creaturam de nihilo fabricavit, non erat difficile verum corpus Columbæ sine aliorum Columborum ministerio figurare, sicut ei non fuit difficile verum corpus in utero Mariæ sine virili semine fabricare; cum natura corporea & in visceribus faminæ ad formandum hominem, & in ipso mundo ad formandam Columbam imperio Domini voluntatique servires.* Maldonatus in cap. 3. Matthæi ad ea verba, *sicut Columbam*, rem hanc totam accurate, ut omnia pertractat. Scribit enim, inter hæc duo esse discrimen, si quis dicat veram, ut nostræ columbæ sunt, delapsam esse Columbam; & si dicat, verum corpus columbæ specie delapsum: cum D. autem Augustino verum fuisse corpus concludit. *Virum autem verum fuerit corpus, columbæ speciem præstiteris, an ne corpus quidem re ipsa fuerit, sed quasi corpus esset, ita ab adstantibus visum, diversa est questio. In qua Augustini probo sententiam verum fuisse corpus; quia si verum non fuisset, aut non ab omnibus visum esset, aut tot fuissent facta miracula, quot homines fuerunt, cum miraculum non in Columbæ corpore, sed in oculis hominum fieret, quod non est temere concedendum.* Extat in Thesauro Dissertationum in Novum Testamentum Amstelodami edito anno 1702. tom. 2. Dissertatio Varenii de Columba super capite Christi visa, ubi §. 26. huic sententiæ subscribit his verbis: *Hæc præfens autem penes Jordanem patefactio quia externis objectis fuit oculis, verosimile baud quidquam est, Deum Baptiste, aliorumque qui aderant, oculos perstringere voluisse nudo, & inani phantasmate. Et licet certo affirmari nequeat, naturalem aliquam talem fuisse columbam, quales nostræ, corporeum tamen quid fuisse,*
quod

quod sua quidem confiteris materia, plane rejicere maxime dubitamus. Lamy in Harmon. Evangel. lib. 2. cap. 5. ostendit, in Christi Baptismate Personarum in Deo patefactam esse Trinitatem Patris, & Filii, & Spiritus Sancti; quæ personæ numero distinguuntur. Pater enim e Cælo Jesum appellat suum Filium super quem Spiritus Sanctus delabitur. Nam Spiritus Sanctus si virtutis tantummodo, & non Personæ esset nomen, quemadmodum vera Persona is erat, super quem descendebat, illuisset Deus Joanni & ceteris Judæis, ut fuisse idem Auctor ostendit.

30 Angelico Doctore duce, de aqua in vinum conversa disputabimus. Hic 3. par. qu. 43. art. 3. ait Christum Dominum, non prius quam docere inciperet, debuisse miracula edere; nec nisi firma perfectæque ætate debuisse eum palam facere doctrinam suam. Et in resp. ad secundum addit, magnis prædicandos esse Discipulos laudibus, quod antequam miracula edentem vidissent, sequuti eum fuerint. Primum igitur hoc miraculum edidit Christus Dominus, quod manifeste constat ex verbis Joan. cap. 2. v. 11. *Hoc fecit initium signorum Jesus in Cana Galilee, & manifestavit gloriam suam, & crediderunt in eum Discipuli ejus.* Et Tertullianus de Baptismo cap. 9. *Prima, inquit, rudimenta potestatis sue vocatus ad nuptias aqua auspicatur.* Consonat S. Epiphanius Hæresi 51. §. 16. *Tertio postea die nuptiæ factæ sunt in Cana Galilee post bidduum illud; idque primum prodigiorum omnium exitit.* Non minus igitur quam ratione, probatur auctoritate, primum a Christo Jesu editum esse miraculum conversionis aquæ in vinum. Et quamquam in secunda Dominica post Epiphaniam in Antiphona post Communionem in Missa legitur: *Hoc signum fecit Jesus primum coram Discipulis suis.* Hæc tamen verba non ita sunt accipienda, quasi Christum Dominum alia miracula, Discipulis non præsentibus, edidisse significant; sed ita, ut causam explicant declarantque miraculi, ut nimirum Discipuli in eum crederent, quemadmodum advertit Eftius in Joann. cap. 2. vers. 11. Id ipsi quoque lib. 4. de Canonizatione observavimus par. 1. cap. 2. n. 4. & cap. 23. num. 11. ejusdem miraculi naturam examinavimus; de quo miraculo ad ea, quæ eo loco observavimus, duo præterea addi possunt; quorum alterum omni dubitatione caret, alterum in controversia positum est. Quod omni dubitatione caret, illud est, in hoc miraculo nullo Christum Dominum verbo, nulloque exteriori signo usum esse, quod tamen in aliis miraculis adhibuit. Itaque apposite S. Maximus scripsit: *Sola voluntas Domini tacentis ipsum effecit.* Quod autem controversiam habet, illa quæstio est,

De Miraculo in Nuptiis in Cana Galilee. Primum illud fuit Christi miraculum. Editum fuit a Christo nullo exteriori signo. An aqua in rubrum conversum.

utrum aqua in vinum rubrum conversa sit, ita ut non modo substantia, sed mutatus sit etiam color. Et sane Ecclesia canit, *aquæ rubescunt hydræ*, quod ad coloris mutationem refertur; falso enim quidam negant, Palæstinam vinum ferre rubei coloris; nam locus est Isaïæ cap. 63. v. 2. *Quare ergo rubrum est indumentum tuum, & vestimenta tua, sicut calcantium in torculari*. Atque hanc interrogationem excipit ea responsio, *Torcular calcavi solus*. Et in Deuteronomio, & in libris Machabæorum vinum uvæ sanguis appellatur. Contra tradit Joannes in Evangelio, Architriclinum degustando comperisse, aquam in vinum conversam: *Ut autem gustavis aquam vinum factum*. Cum igitur ejusmodi mutationem Architriclinus gustando deprehenderit, consequi videtur, non immutatum fuisse colorem; priusquam enim Architriclinus ex gustatione vini sensum perciperet, jam in ejus oculos incurrisset illa mutatio.

Sponsus in illis nuptiis non fuit Joannes Evangelista, sed vel Simon Cananæus, vel Nathanael. De hydris in convivio illo exhibitis.

31 Sunt qui Joannis Evangelistæ nuptias eas fuisse putent, ad quas vocatus est Christus, quem quidem Joannem ajunt, ubi vidit admirandam illam aquæ in vinum conversionem, conjugii abjecisse consilium. Baronius ann. Christi 31. §. 30. eos Scriptores optimo jure reprehendit; & Nicephoro potius tribuendam esse fidem putat affirmanti, sponsum in illis nuptiis fuisse, vel Simonem Cananæum, qui in duodecim Apostolorum numerum adscitus Zelotes appellatus est, vel Nathanaelem e Cana Oppido in Galilæa Gentium. Illud autem de Joannis conjugio commentum ex Augustini verbis putat esse confictum. *Iste siquidem est Joannes, quem Dominus de fluctivaga nuptiarum tempestate vocavit, & cui Matrem Virginem Virgini commendavit*. Quo respexit etiam D. Thomas 2. 2. qu. 186. art. 4. ad prim. *Joannem tamen volentem nubere (Christus) a nuptiis revocavit*. Verum Augustinus, ut observat Baronius, dicit Joannem revocatum esse a nuptiis, non quod uxorem duxerit, eamque reliquerit, sed quod eam prorsus non acceperit. Huc accedit, ut animadverterunt Benedictini Augustinianorum Operum editores, quod Præfationis illius Augustinus minime fuit Auctor. Præterea in fine Operis in Joannem, quod exploratum est ab Augustino scriptum esse, disertissime ait S. Doctor, Joannem a conjugio abductum, non quod se ab uxore segregaverit, sed quod nullam uxorem habuerit. *Plus amatum, quod neque uxorem duxerit, & ab ineunte ætate castissimus vixerit*. Quamobrem concludendum esse videtur, non Joannis Evangelistæ eas fuisse, de quibus agimus, nuptias, eumque in perpetuo cœlibatu vixisse, quod ipsi monuimus lib. 3. de Canonizat. cap. 37. num. 1. De hydris autem, in quas aquam inditam fuisse novimus, si quid opus est

est dicere, verisimile nobis videtur, non defuisse qui religionis impulsu quodam eas conservaret; Principesque Occidentales, earum quampiam in Palæstina repertam, sacrarum Hierosolymitanarum expeditionum temporibus, in Europam asportasse. Quæ Lutetiæ Parisiorum in Monasterio Portus Regii asservatur, e Palæstina a S. Ludovico Francorum Rege avecta esse dicitur, de qua Dissertationem edidit Lancelottus in *Chronologia ad magna Vitæana Biblia*. Alteram Coloniz esse dicunt, tertiam Tungris in Eburonibus. Alia etiam, de qua Bononiz festum celebratur, in templo Servorum B. Mariæ custoditur. Ferunt autem, Vitalem Bacilerium ejusdem Ordinis Generalem ab Urbano VI. Romano Pont. ad Sultanum Ægypti ablegatum, ut adversus Turcas junctis cum Cypriorum Rege viribus Princeps ille arma ferret, inde per Palæstinam redeuntem eam hydriam reperisse, & Bononiam ad Coenobium suum attulisse. Est etiam alia quædam ex illis hydriis, quæ Musiniani, in Bononiensi Dioecesi, in D. Bartholomæi Templo servatur, ut videre est apud Masinium in *Bononia perlustrata* pag. 201. & pag. 429. Bailletus, severioris censuræ vir, in *Historia hujus Festi*, expensis Hebraicis verbis, quæ insculpta leguntur in Parisiensi hydria, lapidis etiam natura, ipsiusque hydriæ capacitate considerata, si non ea fuerit ex hydriis, quæ in nuptiis illis sunt adhibitæ, certe aliquam fuisse ait ex iis, quibus Judæi in quotidianis suis ablutionibus utebantur. De Colonienfi autem & Tungrenfi vehementer dubitat. Nos vero & has & Bononiensem in sua venerationis possessione relinquentes ad alia pergemus. Monere interea juvat, Dissertationem extare *de sex hydriis in Cana Galilææ* Auctore Joanne Tamingio in Tom. 2. Dissertationum in Novum Testamentum e Musæo Hafni & Ikenii. Ibi multa quidem deprehendas ab homine hæretico impie dicta adversus hydrias, quas in aliquibus locis Catholici cum veneratione custodiunt, easdem esse existimantes, quæ in nuptiis in Cana Galilææ adhibitæ sunt: plura tamen in ea Dissertatione de hydriarum magnitudine & capacitate perpulcra continentur, & scitu jucunda.

32 Ecclesia, quemadmodum supra docuimus, in Epiphaniæ Festo Magorum adorationem, Christi Baptismum, & aquam in vinum conversam solemnitate commemorat. Verum magna quædam restat adhuc dijudicanda controversia de tempore quo hæc gesta fuerint, & utrum etiam non eodem anno, eodem tamen anni die postridie nonas Januarii tria illa perpetrata fuerint miracula. In hac dilectissimæ celebritate (verba sunt S. Maximi Serm. de Epiphania) sicut relatu paternæ traditionis instruimur, multiplici est Festivitate letandum: ferunt enim Christum hodie

An eodem anni die tria illa miracula contigerint, quæ in die Epiphaniæ recitantur.

vel stella duci a Gentibus fuisse adoratum, vel invitatum ad nuptias aquam vertisse in vinum, vel suscepto a Joanne Baptismo Jordanis fluenta consecrasset. Sed quid potissimum presenti hoc factum sit die, noverit ipse, qui fecit.

*Christus sexta
Januarii die
baptismus su-
cepit.*

33 Christum postridie Nonas Januarii a Joanne Baptismum suscepisse, vetus est Ecclesiae traditio; nec quisquam est, qui aliter sentiat, uno Epiphania excepto cui ne severiores quidem Critici assentiuntur, qui alioqui sententiis ab omnium opinione remotis mirifice delectantur. Quod vero ad mensem & diem, quibus baptizatus est Christus, spectat, id factum esse sexta Januarii ex communi & antiqua traditione Eusebius Pamphili ad Marinum scribens testatur. Confirmat hoc ipsum Hieronymus, ac denique omnes Scriptores Ecclesiastici, uno dumtaxat excepto Epiphania, ut vidimus; qui sicut audiendus non est, dum ait Christum natum sexta Januarii, ita nec cum dicit baptizatum esse sexto Idus Novembris; cum & eadem contradicant Aegyptii, licet de die Natali Domini aequae ipsi consentiant. Haec Baron. ad annum Christi 31. num. 18. Et cum eo consentiunt Tillemontius Not. 16. ad. J. Chr. Vitam Gravesonius de Myster. & ann. Christi pag. 217. Serry Exercitat. 45. num. 5. Honoratus a S. Maria tom. 2. Animadversionum ad Criticæ Regulas lib. 3. Dissert. 4. pag. 277. Sandinus Histor. Sacrae Familiae, de Christo Domino pag. 72. Patavinæ editionis; Card. Gottus de Veritate Christi. Relig. 1. 4. par. 1. c. 17. §. 2. n. 17. Nuperrime vero Bernardus Lamy in apparatu pag. 207. §. 3. Epiphaniae sententiae assentiendum sibi persuasit. Igitur cum non omnino videatur repudianda opinio S. Epiphaniae, & multa concurrant, quibus conjecturam faciam, non multo post dies festos Expiationis, & Tabernaculorum collatum Baptismum Christo a Joanne in frequenti populi Judaici concursu, ultro statuerem pro die hujus Baptismi diem octavam Novembris, quoniam dies aliqua statuenda sit. Verum, quod notat Gravesonius loco allato, Patris Lamy sententia non magno plausu excepta est. Præterea cum ab ætate usque Ambrosii in Mediolanensi Ecclesia Christi Baptisma, & etiamnum ab Ecclesia Græca, ut videre est apud Galesinium in not. ad Martyrol. pag. 12. sexta Januarii die celebretur, magnum inde robur ad sententiam illam accedit, quæ statuit Christum sexta Januarii die Baptismum suscepisse.

*In eadem Ja-
nuarii sexta
die contigerit
miraculum a-
qua in vinum
conversæ. Ba-
ronii senten-
tia.*

34 Gravior de eo est controversia, num eadem sexta Januarii die Miraculum editum fuerit conversionis aquæ in vinum. Suarez 3. par. tom. 2. disput. 16. sect. 1. declarat, vel omnia tria illa miracula, ideoque miraculum etiam aquæ in vinum conversæ eadem sexta Januarii die edita esse, vel eo demum nos redi-

gi;

gi, ut veram diem, qua gesta sunt, prorsus nescire fateamur; affirmandum tamen, ne totam hanc rem dubitationibus implexam omnino relinquamus, eadem sexta Januarii & Magos Dominum adorasse, & Jesum Baptismo ablutum esse, & aquam in vinum esse conversam. *Quocirca ne cogamur omnia in dubium vocare, sentiendum existimo Baptismum Christi, & alia etiam duo Mysteria sexta die Januarii facta esse.* D. Thomas Lect. 1. in Cap. 2. Joann. pag. 16. litt. B apertissime eandem tuetur sententiam, inita in hunc modum ratione temporum vitæ Christi Domini: *In Festo Epiphaniæ trium miraculorum commemoratio fit, scilicet Adorationis Magorum, quæ fuit primo anno Nativitatis Dominicæ; & Baptismi Christi, quo baptizatus est eodem die (sexto Januarii) revolutis triginta annis, & de nuptiis, quæ sunt factæ eodem die (sexto itidem Januarii) revoluto anno.* Verum Baronius etſi, quemadmodum diximus, putet baptizatum esse Christum sexta die Januarii; eodemque, ut mox declarabimus, a Magis fuisse adoratum, negat tamen eodem die aquam in vinum esse conversam. Legas si libet celeberrimi Scriptoris verba ad annum Chr. 31. num. 36. ubi animadvertens, Augustinum in sermone quodam suo de Tempore scripsisse tria illa miracula die Dominico a Christo gesta esse, necessario inde consequi ait, non potuisse miraculum aquæ in vinum conversæ unius anni exacto cursu in eundem cadere diem, quo superiore anno Christus Baptismum suscepit. *Si igitur tam Christi Baptismus, quam ex aqua vinum factum Miraculum die Dominico contigit, manifeste probatur, ac in apertam deducitur consequentiam, nequaquam illud eadem die post annum interlapsum accidisse, sed prorsus diversa: nam si præfenti anno in diem Dominicum incidat Festum Epiphaniæ, sequenti anno in alteram incurrat diem necesse est.* Atque inde concludit Baptismum Christi, & miraculum aquæ in vinum conversæ eodem quidem anno, sed non eodem die sexto Januarii contigisse: præsertim cum ex Evangelio Joannis id consequatur, qui diligentissime & accuratissime persequetur ea omnia, quæ ad primum annum pertinent vitæ Christi post Baptismum susceptum ab aliis Evangelistis prætermissa. Præterea cum Baptismo suscepto Christus Dominus coepit Discipulos sibi adſciſcere, & Evangelium prædicare, incredibile videtur solidi anni spatium transire passum esse, quin aliquo miraculo suam doctrinam illustraret. Ex quo fit, ut intra eundem illum annum, quo baptizatus fuit, Christus Dominus ediderit miraculam illud, quod, ut demonstravimus, sane primum omnium fuit, aquæ in vinum conversæ.

35 Et quamquam Ecclesia in Officio sextæ diei Januarii canit, *Hodie vinum ex aqua factum est ad Nuptias*; non propterea ab ea

Incertum quod die miraculum illud contigerit.

sententia, quam attulimus, recedit Baronius; qui Ecclesiam ait nil aliud illis verbis intelligere, quam eo die fieri ejus miraculi commemorationem, quo aqua in vinum conversa fuit. Quam objectionis illius diluendæ rationem Pererius etiam amplexus est in Joann. cap. 2. disp. 2. num. 8. ubi ait: *Illud hodie non refertur ad tempus rei gestæ, quasi sensus sit, eo die tria illa Mystéria esse facta*, (ideoque etiam Miraculum conversæ aquæ in vinum) *sed refertur ad commemorationem, & celebrationem eorum trium Mysteriorum eo die fieri solitam, ut sis eorum verborum hic sensus: Hodie colitur & celebratur commemoratio istorum trium Mysteriorum*. Bailletus in Historia Festi Epiphaniæ §. 1. ubi agit de trium horum solemnitate Festorum una eademque die celebranda, ait, verisimile esse Ecclesiam quorundam veterum Patrum opinioni innixam, qui tria illa miracula una eademque die contigisse arbitrati sunt, voluisse quidem, ut eadem die trium Mysteriorum fieret commemoratio; non tamen inde confici, eadem die revera tria illa miracula gesta esse, cum Ecclesia de eo tantum sollicita, ut Religio, & cultus uniusmodi esset ubique terrarum, noluerit pronunciare, quo unumquodque illorum miraculorum die contigerit. Thomassinus de Celebrat. Festorum l. 2. cap. 7: num. 13. & 14. Baronium jure collaudat, quod allatis historicorum omnium locis concludit, ea de re Patres inter se magnopere discrepare; atque idem Thomassinus monet, res a Jesu Christo gestas, quocumque illæ tempore & die gestæ sint, Christiano homini esse commemorandas. Nonnulli sunt, qui ut probent ex die, quo unumquodque Festum celebratur, argumentum minime posse confici eodem illo die rem esse gestam, cujus memoria recolitur, Festi Sanctorum Innocentium exemplum afferunt. Illud enim ante Epiphaniam ab Ecclesia celebratur, cum alioqui dubitari non possit, quin post Magorum discessum ea Sanctorum Infantium cædes facta sit. De hujusmodi argumenti robor, & jure ne an non, ex die, quo unumquodque celebratur Festum, quispiam arguat eodem illo die rem illam esse gestam, cujus memoria Festo recolitur, paullo inferius disseremus. Interea concludendum putamus, incertum omnino esse, quo die miraculum illud contigerit, per quod Christus aquam in vinum convertit, & Baronii sententiam esse valde probabilem. Videndus Tillemontius Not. 17. ad J. Chr. vitam, & Card. Gottus par. 2. tom. 4. cap. 2. §. 4. num. 39. & 40. ubi omnibus Baronii rationibus explicatis statuit, post duos a Baptismo menses Christum Dominum vocatum ad nuptias, & Miraculum aquæ in vinum conversæ exeunte Februario contigisse. Hac de re apposite ad ea, quæ diximus, ita scribit Joannes Baptista Casalius de Veteribus sacris Chri-

Chri-

Christianorum Ritibus edit. Romanæ ann. 1647. pag. 419. in append. ad cap. 60. *Rectissime uique Sancta Mater Ecclesia hæc tria hæc eadem diem memorat, nempe adorationem Gentium, manifestationem in Baptismo, miraculi exhibitionem in Cuna, non quidem attentis temporibus, quibus singula contigerunt, sed consideratis rationibus, quod his maxime tribus divinitas Servatoris uniuerso Orbi manifestata est.*

36 Difficillimum vero est tempus illud constituere quo Magi venerunt ab Oriente, & definire, utrum sexta Januarii die infantem Jesum adoraverint. Communis sententia est tredecim post Christi Nativitatem diebus Bethlehemum eos venisse, ideoque sexta Januarii die vidisse Dominum Jesum. Videantur D. Thomas 3. par. qu. 36. art. 6. Canus lib. 11. de Loc. Theolog. cap. 5. §. De quarto igitur argumento. Baronius ad ann. Chr. 1. num. 31. Suarez 3. par. tom. 2. qu. 36. art. 8. disp. 14. sect. 4. Theophilus Raynaudus tom. 7. in Opere quod inscribitur, *Diptycha Mariana*, pag. 97. Gravesonius de Mysteriis, & Annis Christi Dissert. 8. pag. 174. & sequ. Honoratus a S. Maria tom. 2. de Criticæ regulis lib. 3. dissert. 4. art. 3. Card. Gottus par. 1. tom. 4. de verit. Relig. Christianæ cap. 11. §. 4. num. 27. & sequen. Sandinus Histo. Sacra Familæ de Christo Domino pag. 34. & seq. edit. Patavinæ. Ayala in Opere quod inscribitur, *Pictor Christianus*, lib. 3. cap. 3. num. 1.

An Magi
ta Januarii
die Bethle-
hem venerit.

37 Alii vero aliam sunt sequuti sententiam. Calmetus in Cap. 2. Matth. contendit, Magos, mense post Christi Natalem diem exacto, Bethlehemum venisse. Dupinius tom. 1. Histo. Ecclesiæ. Januario exeunte. Toinardus in Harmonia Evangelica, Kalendis Februarii. Tillemontius Nota 9. ad vitam Jesu Christi, & Bailletus in Vitis Sanctorum ad diem 6. Januarii post Purificationem B. Mariæ Virginis, id est post quadraginta dies a Christo nato. Serry exercitat. 35. n. 6. eorum tuctur sententiam, qui putant Magos venisse vigesima sexta, vel vigesima septima Januarii die. Florentinius exercitat. 3. de Magis, quam Notis Martyrologii sui inferuit pag. 234. contendit anno, seu etiam pluribus annis post nativitatem Jesu Christi Magos ad ejus incunabula pervenisse. Laurentius Benedictus Triebel in Dissertatione *De Magis post Jesum in Templo representatum advenientibus* in sæpe citato Thesauo Dissertationum in Novum Testamentum tom. 2. postquam ea de re fuse prolixèque disseruit, Magos advenisse concludit post annum tresque hebdomadas a Christi nativitate; id tamen negat se tamquam certum proponere. *Hanc temporum determinationem, quamquam aliis ut certam, minime venditamus,*

Veris Scrip-
torum senten-
tia.

Tom. X.

G

cum

cum nec sacra pagina, nec profanus aliquis Scriptor, cerit quid determinet.

Magi tredecim post diebus a Natali Christi die venerunt Bethlehemum.

37 Nos vero, qui a communi sententia minime recedendum esse existimamus, dicimus Magos Bethlehemum venisse, & Christum Dominum adorasse tredecim post diebus a Natali die, ideoque sexta Januarii. Nec quidquam aliud causæ nobis esse palam profitemur, quamobrem hanc amplectamur sententiam, quam quod Occidentalis Ecclesia nullo non tempore Mysterium adorationis Magorum sexta Januarii die constantissime celebraverit. Tillemontius not. 9. de qua supra, argumentum illud acerrime improbat, quo ex die quo alicujus rei gestæ celebratur commemoratio, arguat quispiam eodem illo die rem illam contigisse. Nec nobis memoria excidit dudum nos docuisse, aquam non eadem sexta die in vinum esse conversam, qua miraculum illud conjunctum cum Christi Baptismate, & Magorum adoratione celebramus. Eam tamen Tillemontii doctrinam explodimus, ubi agatur de præcipuis maximisque Vitæ Jesu Christi Mysteriis: nam in Nativitate, Circumcisione, & Præsentatione celebrandis cum iis diebus probe congruimus, quibus hæc gestæ esse certo scimus. Et rursus eam doctrinam libenter amplectimur, cum rei gestæ in ordine temporum certa sedes tribui nullo pacto potest; ut in Festo Sanctorum Innocentium, quorum eadem non unius tantum, sed plurium dierum spatio perpetrata oportuit. Verum si cui videamur ad hunc modum oblique tantum respondisse, in promptu est etiam quod directe respondeamus: argumentum scilicet, quo ex die Festi consequi dicimus rem, cujus memoria colitur, eodem die gestam esse, tum esse nullius roboris, ac plane infirmum, cum graves, & validæ afferuntur rationes, quamobrem negare possimus, eam rem eodem die, quo celebratur Festum, contigisse: tunc enim fateamur necesse est, Ecclesiam diem potius statuisse, quo memoriam Mysterii illius coleamus, quam, quo res ipsa contigerit, indicasse; cujusmodi exemplum præsto est in celebritate miraculi aquæ in vinum conversæ. Ubi vero nulla gravis, & valida ratio sit, cur diem, quo Mysterium contigerit, ab eo, quo Festum illius celebratur, sejungamus, argumentum illud firmum, & magni momenti esse existimamus: nihil enim aliud causæ fuisse putandum est, cur Ecclesia Mysterio celebrando certum constituerit diem, quam quod eodem die rem ipsam noverit contigisse. Atque hanc omnem doctrinam, contrariorum licet opinionum fautor, probat Florentinius l. c. pag. 234. in fin. & Honoratus a S. Maria non modo amplectitur, sed strenue etiam tuetur.

38 Jam vero ea doctrina veluti quadam norma probe constituta; primo dispiciendum est, unde Magi profecti Bethlechemum venerint. Chrysostomus, Clemens Alexandrinus, Cyrillus item Alexandrinus putant e Perside esse profectos. Qua quidem ex regione, quæ ab Hierosolymis decies centenis millibus passuum, atque eo amplius distat, Magi si revera profecti sint, non sane fieri potuit, ut tredecim tantummodo diebus post natalem Christi diem, adhibitis etiam ad iter velocissimis Dromedariis, Hierosolymam pervenirent; tum quod haud ita verisimile est deliberando inter se nihil temporis consumsisse, sed simul ac Stella illuxerit, iter ingressos esse; tum quod Hierosolymis non nihil temporis colloquio cum Herode habito consumtum illis oportuit, nec prius a Rege dimissos, quam, primoribus convocatis, Herodes ubi Christus esset nasciturus sedulo disceptasset.

Magi unde profecti.

39 Cujus argumenti ea vis est, ut qui communem tuerentur sententiam, ad illud probe evitendum necessarium sibi putent eo decurrere, ut dicant multo ante Christi Natalem diem stellam apparuisse, ideoque Magos multo ante vigesimam quintam Decembris diem iter illud suscipere potuisse. Nos vero existimamus, stellam non ante illuxisse, quam Christus Dominus fuerit natus, sed puncto illo temporis, quo in lucem est editus Jesus, in Cælo coruscasse; nec inde tamen fieri, ut Magi sexta Januarii die Bethlechemum pervenire non potuerint; illudque adversariorum argumentum ea vi minime præditum esse dicimus, ut eo commoti diem Festi ab eo, quo Mysterium contigit, sejungamus.

Stella non ante illuxit, quâ Christus Jesus natus esset.

40 Stellam non ante Christum natum, sed momento illo quo Jesus in lucem prodiit, apparuisse diximus, luculentissimis Matthæi verbis inducti cap. 2. v. 1. & 2. Cum ergo natus esset Jesus in Bethlechem Juda in diebus Herodis Regis, ecce Magi ab Oriente venerunt Hierosolymam dicentes: Ubi est qui natus est Rex Judæorum? Vidimus enim stellam ejus in Oriente, & venimus adorare eum: ex quibus verbis patet, stellam non nascituri, sed jam nati Regis fuisse indicium, nec post Christi Nativitatem, sed ipso Nativitatis ejus momento resplenduisse. Nec prius apparuisse stellam, quam Christus Dominus in hanc lucem prodierit, fatetur ipse Florentinius loc. cit. pag. 233. Insuper neque Magi de nascituro Domino inquirebant, sed ubi jam natus esset: quia viderant stellam ejus jam nati Regis Judæorum prænunciam. Nec ab hac sententia multum abesse videtur Joannes Federicus Miegius Dissertat. de Stella a Magis conspecta tom. 2. Dissertationum in Novum Testamentum pag. 19. §. 13.

Quod probatur ex v. 1. Matthæi.

Magi ex Arabia profecti, unde facile illi fuit credere post dies Bethlehemum pervenire.

41 Illud etiam diximus, potuisse Magos Bethlehemum sexta Januarii die pervenire: non enim e Perside, seu Chaldaea, ut quidam putant, quorum e numero est Rhoden Dissertat. *de primis Salvatoris Veneratoribus Magis* in Thesauo Dissertationum in Novum Testamentum tom.2. pag.72. §. 9. sed ex Arabia Felice profecti sunt. Hanc sententiam sequitur Tertullianus lib. adv. Judæos cap.9. & lib.3. contra Marcion. cap.13. Davidica illa afferens verba: *Et dabitur ei de auro Arabiae; & illa, Reges Arabum, & Saba dona adducent.* S. Justin. Dialog. cum Tryphon. Magos Arabes vocat. Huc accedit, Arabiam Felicem ad Judææ Orientalem plagam positam esse; & Matthæum scripsisse, Magos ab Oriente profectos; ejusque regionis munera Aurum, Thus, & Myrrham attulisse. Grotius tom.6. Crit. sacr. pag.71. & 72. ad ea S. Matthæi verba, *ab Oriente*, vetustissimam fuisse ait Christianorum opinionem, Magos Arabia venisse. Quod si ex ea regione venerint, cum ab Hierosolymis, non plus quam octo dierum iter ea regio absit; potuerunt illi quidem percommode Bethlehemum pervenire, parare itineri quæ opus essent, & Hierosolymis aliquantum temporis immorari, ut ostendit Petrus de Marca Opusculo *de Adventu Magorum* a Baluzio edito, adhibitis præsertim juxta Isaïæ oraculum velocissimis Dromedariis, ut bene animadvertit Baronius. Eadem fundamenta ponit Lamy in Harmon. Evang. lib.1. cap.11. §. *Ambigitur.*

D. Augustinus idem sentire videtur.

42 Id etiam confirmatur auctoritate D. Augustini, qui serm.32. de Tempore, qui quartus est Epiphaniæ, ita scribit: *Hoc enim die Magi Dominum adorasse perhibentur, stella scilicet apparente commoniti, & precedente perducti. Eo quippe die, quo natus, illi stellam in Oriente viderunt, & quem natum indicaverit, agnoverunt. Ex illo igitur die ad hunc diem occurrerunt, Herodem Regem nuntio terruerunt, Judæis ex Prophetica Scriptura respondentibus, Bethlehem Civitatem, ubi Dominus natus fuerat, invenerunt. Ad ipsum deinde Dominum Stella eadem ducente venerunt, demonstratum adoraverunt, Aurum, Thus, & Myrrham obtulerunt, alio itinere redierunt: Manifestatus est quidem, & die ipso Nativitatis suæ Dominus. Pastoribus ab Angelo admonitis, quo etiam die per stellam, & illis est longe in Oriente nuntiatus: sed isto die ab eis est adoratus. Suscepit ergo devotissime istum diem celebrandum universa Ecclesia Gentium, quia & illi Magi quid jam fuerunt, nisi primitiæ Gentium? Ubi observandum, diserte Augustinum dicere, stellam apparuisse quando Christus natus est; tum a Magis visam; & nihilominus Magos Bethlehemum venisse sexta Januarii die, quo ab Ecclesia Epiphaniæ festum celebratur.*

43 Superiori argumento aliud etiam adjiciunt & proferunt ex Matthæi Evangelio ductum, quo contendunt minime præsumptioni esse locum, qua fulciri videtur opinio nostra, Myſterium ſcilicet eo die, quo celebratur, contigiffe. Matthæus cap. 2. verſ. 16. ait, Herodem, ubi ſenſit ſe a Magis irriſum, ira abreptum juſſiſſe trucidari omnes pueros qui erant in Bethlehem, & in omnibus ſinibus ejus a bimatu, & infra, ſecundum tempus, quod exquiſierat a Magis. Narrat idem Matthæus, poſtquam diſceſſerant Magi, apparuiſſe Angelum Domini in ſomnis Joſeph, eumque ita monuiſſe: Surge, & accipe Puerum, & Matrem ejus, & fuge in Ægyptum, & eſto ibi uſque dum dicam tibi: futurum eſt enim, ut Herodes quærat Puerum ad perdendum eum; Joſephum una cum Beata Virgine Puerum in Ægyptum abduxiſſe: Qui conſurgens accepit Puerum, & Matrem ejus nocte, & ſeceſſi in Ægyptum. Quamquidem Angeli apparitionem, & Joſephi fugam in Ægyptum, etſi Matthæus cum Magorum diſceſſu continuata narratione conjungat, certum tamen eſt nonniſi poſt quadraginta minimum dies a nato Domino contigiffe, cum juxta cap. 2. Lucæ interjecta fuerit Præſentatio in Templo Hieroſolymis, de qua nos alibi ſermonem habebimus, ut bene notat D. Auguſtinus de conſenſu Evangeliſt. lib. 2. cap. 5. num. 16. t. 3. append. Ac per hoc intelligitur Matthæus, ubi ait ſomnio admonitos Magos ne redirent ad Herodem, & per aliam viam reſgreſſos in regionem ſuam, illic prætermiſſiſſe quæ Lucas narravit geſta circa Dominum in Templo, & dicta a Simeone, & Anna; ubi rurſus Lucas prætermiſſens profeſſionem in Ægyptum, quam narrat Matthæus, tamquam continuam contexit reſgreſſionem ad Civitatem Nazareth. Itaque S. Auguſtinus in eodem loco petitam ex duobus illis Evangeliſtis hiftoriam ſcribere aggreſſus de Jeſu Chriſti Nativitate, & Infantia, primo loco ponit Magorum reditum, ſecundo Præſentationem in Templo poſt quadraginta dies a Chriſto nato, tertio Angeli apparitionem, poſtremo fugam in Ægyptum: quæ cum certiffime geſta ſint, quærunt contrariæ ſententiæ fautores, qui credi poſſit pueros a bimatu, & infra Herodem juſſiſſe interfici, qui, quo tempore ſtella illuxiſſet, a Magis intellexerat; proindeque ut ſe ab omni metu liberaret, ſatis fuiſſet bimeſtres, trimeſtreſve pueros necari: quærunt itidem, qui fieri potuerit, ut Herodes, quem credere par eſt cognoscendi cupidiffimum ubi natus fuiſſet Chriſtus, animoque anxium de Magorum diſceſſu ſtatim factum eſſe certiorum (Bethlechemum enim haud longe diſtat ab Hieroſolymis) tam longo poſt tempore infantes juſſerit trucidari. Neque enim eo conſugere opus eſt,

*Argumentum
adverſus com-
munem ſen-
tentiam de
Adventu Ma-
gorum tredecim poſt dies a
Chriſto nato.*

est, ut dicamus, quemadmodum supra diximus; ita Deo visum esse, ut, cum sibi placitum esset Magos per aliam viam in regionem suam reverti, nihil quidquam Herodi de nato puero nuntiantes, illud pariter, voluerit, Herodem minime quidem illi co, sed aliquanto post de eorum discessu comperisse: Satis enim totam hanc rem evolvere, & explicari, si dicamus, non tredecim post diebus a Christo nato, sed post Purificationem in Templo, vel juxta Florentinium, & Epiphanium Hæc. 51. & juxta Evangelium quoque Matthæi, a bimatu, duobus tribusve post annis Magos Bethlehemum venisse. Neque vero, quod Florentinius quoque observavit, multum temporis opus erat Herodi ad deliberandam cædem infantium; cum sexaginta annis ante, M. Cicerone, & Antonio Coss. rumore orto, ac per urbem manante, *Regem pop. Rom. naturam parturire*, eo rumore Senatus commotus censuerit, *ne quis* (ut ait Sueton. in August. cap. 94.) *illo anno genitus educaretur*.

*Solutio ejus
argumenti
Proprius
significans
ecce.*

44 Qui ad hunc modum disputant, ad Matthæi & Lucæ Evangelia provocant. Atqui eorum argumentationis diluendæ ratio ex ipsis Matthæi, & Lucæ Evangeliiis desumitur. Matthæus enim cap. 2. vers. 1. scribit: *Cum ergo natus esset Jesus in Bethlehem Juda in diebus Herodis Regis, ecce Magi ab Oriente venerunt Hierosolymam*. Vox illa ecce indicat Magorum adventum Christi Nativitati valde proximum, ideoque tredecim post diebus contigisse: neque enim vox illa adhiberi solet rebus indicandis, quæ longo post tempore contigerint, ut bene advertit Melchior Canus de Loc. Theologic. lib. 11. cap. 5. in Responsione ad 5. argumentum, qui ut illius vocis vim, & potestatem explicet luculentius, locum affert Geneseos ex c. 24. vers. 15. *Nec dum intra se verba compleverat, & ecce Rebecca egrediebatur*. Verum quidem est, discessum inter Magorum, & somnium quo monitus est Joseph ut fugeret, mensem saltem interjectum fuisse, & nihilominus Matthæum eandem vocem ecce adhibuisse: *Qui cum recessissent, ecce Angelus Domini apparuit*; ex quo arguunt Adversarii non admodum voci illi ecce fidendum, ut Magorum adventum cum Christi Nativitate continuo jungamus. Duo tamen consideranda sunt. Primum est, quod si vox ecce nihil obest, quominus inter Magorum adventum & Nativitatem Christi integer mensis interjiciatur, certe tamen excludit duorum triumve annorum interjectum. Alterum est, quod vox ecce commode adhibetur post intervallum non tredecim modo dierum, sed etiam solidi mensis, & ad rem inopinatam demonstrandam bene redigitur, si certo constet, non plus eo temporis esse elapsum

inter

inter duo facta, quibus vox *ecce* interponitur, ut in allato exemplo inter Magorum adventum, & Angeli apparitionem; Lucas enim ostendit interea Præsentationem in Templo contigisse, ac propterea unius circiter mensis spatium esse elapsum. Ubi vero minime pateat, totum id temporis effluxisse inter utramque rem gestam, ut inter Nativitatem & Magorum adorationem nihil est quod ostendat plus quam dies tredecim decurrisse, vox *ecce* naturalem suam vim potestatemque retinet indicandi rem inopinato, nec multo post gestam ab ea re, quam paulo ante narrat historicus, & cum qua vocem *ecce* conjunxit.

45 Narrat D. Lucas, quod supra attigimus, suoque loco fuisse docebimus, B. Virginem in Templo Hierosolymitano quadraginta diebus post editum Jesum se purificasse. Beata igitur Mater Bethlehemo profecta, Hierosolymam se cum filio Jesu contulerat; itaque si Magi venerunt post Purificationem Matris, Filiique Præsentationem in Templo, qui fieri potuit, quod narrat Matthæus, ut Magi Mariam & Jesum Bethlehemi repererint? *Et intrantes domum, invenerunt Puerum cum Maria matre ejus.* Quam rationem si qui velint diluere, eo confugiant oportet, ut dicant, B. Virginem, Bethlehemo cum discessisset, ut se Hierosolymam purificaret, Filiumque præsentaret in Templo, rursus Bethlehemum revertisse: atque ea sane est responsio Auctoris, qui scripsit Adnotationes ad Vitam J. Christi in cap. 8. Verum de eo reditu altum apud omnes Scriptores silentium, nec cuiquam verisimile videatur B. Mariam eo rediisse. Nulla ibi domus illi erat; nulla supellex; prætereuntem apud Bethlehemum hora partus oppressit; ibi & circumcidendo filio, & legis præcepto, (tamen non teneretur) ne qua mulier, nisi certo quodam tempore post partum elapso, Templum ingrederetur, necessario decanta: ut optime loco cit. disputat Melchior Canus, & Baronius ad ann. 1. Chr. num. 31. Quamobrem nemo non videt, ex Matthæi & Lucæ Evangelii nihil quidquam erui posse, quo inter Magorum adorationem, & Christi Domini Nativitatem duorum, triumve annorum spatium interponamus; aut eam adorationem post Purificationis Festum, aut vigesima sexta, vel vigesima septima Januarii die contigisse statuamus; quin potius ex utroque Evangelio colligi; tredecim tantummodo diebus post Christi Nativitatem Magos Bethlehemum venisse. Vide Lamv Harm. Evang. lib. 1. c. 11. pag. 46. ubi de adventu Magorum scribens: *Ante Purificationem, inquit, Mariæ, sive ante quadragimum a Nativitate Domini diem venerunt, quod verum esse Joseph, & Maria demonstrant, tunc temporis adhuc in Bethlehem commorantes; etenim*

Nihil ex Evangelio eruitur, quo inter adventum Magorum, & Christi Nativitatem decem annis interponendi sit.

nim post Purificationem non verisimile est deprehensus in loco; in quem peregrini venerant. Nazareth erat accolatus eorum; & gratias fingitur, quandoque reversos Bethlehem, ut etiam post unum vel alterum annum a Nativitate reperti sint a Magis.

Cur Herodes Infantum eadem disjulerit, eosque a bimatu interfici jussit.

46 Nec quidquam obstat, quod Herodes pueros a bimatu & infra necari jussit, aut eorum eadem in adeo longum tempus rejecerit, etiam si quo tempore stella illuxerat, a Magis probe compertum habuisset, & quo tempore ipsi abierant, se insalutato contra quam promiserant, aliunde, ut credere par est, cognovisset. Non enim admodum inverisimile est, Herodem metu, & pavore veluti furii miserrime divexatum, ne in re, quam agitarret animo, ullus esset errandi locus, in eam partem peccare maluisse, ut furorem suum, etiam ubi non esset opus, quam latissime funderet, & ad bimulos etiam pueros crudelitatem suam proferret: quod quidem minime fugit Chrysostomum, qui Homil. 7. in Matth. hæc habet: *Quod si a biennio, & infra Herodes pueros interfecit, non mireris. Siquidem conveniens in eundem Tyrannum pavor & furor pro abundantia cautionis, & licentia prosecutionis, majus etiam tempus includit, ne quis profecto ejus ætatis, & forte is potissimum propter quem alii interimuntur, effugiat.* Præterea, quod animadvertunt Euthymius, Maldonatus, Janfenius, Estius, & Calmetus in cap. 2. Matth. et si Herodes tempus, quo stella primum illuxerat, a Magis comperisset, suspicari tamen poterat, puerum ante visam stellam esse natum. Quod si ponamus Herodi momentum illud innotuisse, quo Magi Bethlehemo abierint, est aliquid tamen causæ, cur infantum eadem diutius differet. Cum enim videret Magos, quod erant polliciti, minime ad se rediisse, existimare potuit, nullo reperto puero Rege, pudore deterritos Hierosolymam noluisse reverti. Ubi autem Puer Jesus Hierosolymæ præsentatus fuit in Templo, Annæque, & Simeonis exceptus acclamationibus, tum vero maturandum ratus, nec quidquam expectandum amplius, crudelissimam illam puerorum lanienam edixit. Quæ quidem responsio tota est D. Agustini lib. 2. De Consensu Evangelist. cap. 2. *Illud dico, posteaquam nihil Herodi Magi renuntiaverunt, cum credere potuisse, illos fallaci stellæ visione deceptos, posteaquam non invenerunt, quem natum putaverant, crubuisse ad se redire, atque ita cum timore depulso ab inquirendo, ac persequendo puero quiescisse. Cum ergo post purificationem Matris ejus in Hierusalem cum illo venissent, & ea gesta essent in templo, quæ a Luca narrantur, quia verba Simeonis, & Annæ de illo prophetantium cum capissent ab eis, qui audierant, prædicari, ad pristinam intentionem revocatur*

tura erant animam Regis, admonitus per somnium Joseph cum Infante, & Maire ejus fugit in Ægyptum; deinde vulgatis rebus, quæ in Templo factæ, dictæque fuerant, Herodes se a Magis sensit illulum, ac deinde ad Christi mortem cupiens pervenire, multos Infantes, sicut Matthæus narrat, occidit. Augustini responsionem hanc Tillemontius Not. 9. ad Jesu Christi vitam, eam esse ait, qua nulla melior afferri possit, nulla ad hanc rem quam tractamus concinnior; sibi tamen ab ea minus esse satisfactum. Nos vero illam utpote a maximi ingenii viro, & Ecclesiæ Doctore omnium clarissimo, ortam venerati, in ipsius Augustini judicio plane conquiescimus.

47 Cum ea omnia quæ ad Mysterium pertinent Epiphaniæ declaraverimus, quadam breviter perstringemus, quæ ad magni hujus Festi celebritatem, & vetustatem attinent. Scribit Thomassinus Tractatu de Festor. celebrat. lib. 2. cap. 7. n. 1. *Nullus sane mentis insciabitur, Epiphaniæ solemnia maxima semper & celeberrima fuisse. Patebit hoc cuivis evolventi priorem librum, & Sacros Festos expendenti secundum annorum seriem in utraque Ecclesia. In illis Epiphaniæ suum semper vindicat locum, tunc quoque cum celebritates plurimæ, quæ nunc aguntur, nusquam comparant.* Et Lib. 1. cap. 4. affert testimonia veterum Patrum, & cap. 5. Conciliorum loca, quibus mentio fit de maxima Epiphaniæ Solemnitate. Galestinus in Notis ad Martyrolog. pag. 13. ita de hoc Festo loquitur: *De ejus sane diei celebritate pluribus disserendum non est, cum res a Patribus tum Latinis, tum Græcis explicata satis admodum in promptu sit.* Et Martene de antiqua Ecclesiæ Disciplina in celebrandis Divinis Officiis cap. 14. n. 3. *Epiphaniæ, ut diximus inter præcipuas solemnitates semper habita est.* Suarez vero tom. 1. de Religione lib. 2. cap. 5. num. 9. putat magni hujus Festi celebrationem Apostolis auctoribus tribuendam. Et Gretserus tom. 5. Operum suorum novissimæ edit. lib. 1. de Festis cap. 30. *Festum hoc, inquit, antiquissimum est.*

*De celebritate
& vetustate
hujus Festi.*

48 Itaque apud illos Scriptores testimonia Patrum & Conciliorum reperias. Nos vero hic tantummodo afferemus Acta S. Philippi Heracleensis Episcopi, qui ineunte quarto seculo Martyrii palmam consequutus est. In iis, ut videre est apud Ruinartium, verba hæc leguntur, quibus sanctus ille Martyr suos in Christo Fratres cohortabatur: *Nutantis seculi extrema volvuntur, imminet pertinax Diabolus, & potestate paulisper accepta Servos Christi non venit perdere, sed probare. Epiphaniæ dies sanctus incumbit, quæ res admonitionem nobis præstat ad gloriam. Nulle ergo impiorum minæ, nulla vos tormenta tercant; nam & patientiam*

*Epiphaniæ
Festum multis
illustratum
miseris.*

tiam perferendi, & mercedem tolerandi dolores militibus suis Christus indulget. Neque vero illud sileri potest, quod ea semper fuit apud Christianos hujus Festi celebritas, ut illi vel impiissimi Imperatores adesse voluerint: narrat enim Ammianus Marcellinus lib.21. Julianum Apostatam, cum esset in Galliis, impietati suæ Christianam Religionem prætendere volentem, in hac die una cum cæteris Christianis sanctorum Mysteriorum celebrationi adfuisse; & Gregorius Nazianzenus idem narrat de Valente Imperatore in Orat. de S. Basilii laudibus, ut videre est in Baronii notis ad Martyrologium Romanum Kalendis Januarii, & apud Bollandum in festo hujus diei. Quamquam supervacaneum jure videri possit, quid homines fecerint enarrare, cum Omnipotentis Dei tot miracula suppetant, quibus magni hujus Festi solemnitatem magnificentissime commendavit. Narrat D. Chrysostomus Homil. 24. tom.1. Christianos media nocte ab Ecclesia domum esse solitos aquam afferre, eamque ad annum integrum reservare in commemorationem Baptismatis Christi, quo aquæ sunt consecratæ, ejusque anni, atque etiam duorum triumve annorum spatio decurso, eam aquam nullo infici vitio. *Omnes enim in hac solemnitate sub noctem cum aquati fuerint, latices domum referunt, & recondunt, ac per integrum annum conservant, utpote quod hodierna die sanctificatæ sint aquæ: sique miraculum evidens, dum nihil temporis longinquitate aquarum illarum natura vitiat, sed integro anno, atque adeo biennio, & triennio sepe, quæ hodie sunt hauriæ, incorruptæ ac recentes permanent, ac post tantum temporis eum iis, quæ fuerint e fontibuseductæ, certat. Quam quidem consuetudinem afferendi domum aquam benedictam adhuc retinent Christiani Orientales, & incorruptæ aquæ miraculum nonnumquam solet contingere. Compertum enim habemus, Josephum Georgerinum Sami in Ægæo mari insulæ Archiepiscopum anno 1676. dum esset in Gallia, aquam Orientali ritu in Ecclesia consecrassè; in eam Jesu Christi statuam ter immerfisse in ejus Baptismi memoriam, eamque aquam vitreo simpulo inclusam multos annos ab omni vitio fuisse expertem, ac fortasse duraturam fuisse diutius, nisi simpulum diffractum fuisset, ut tradit Gravesonus Dissert.8. De Myster. & annis Christi pag.185. & Card. Gottus tom.4. par.1. de verit. Relig. Christi. cap.2. §.5. num.41.*

Fontes quidam in die Epiphaniæ vino manantes.

49 Tradit etiam Epiphanius Hær.51. num 29. & 30. eodem Epiphaniæ die, quo ut monuimus, aquæ in vinum conversæ memoriam celebramus, illud etiam Christum Dominum edidisse miraculum, ut quidam fontes & amnes singulis annis vino manarent. *Non dubium est quarta die Tybi secundum Ægyptios Salvatoris ortum*

tum

sum accidisse. Sub idem vero postea tempus trigesimo anno vertente primum in Cana Galilææ miraculum edidit, tum cum ex aqua vinum est factum. In cuius rei fidem hodieque pluribus in locis idem quod olim factum est prodigium instauratur; idque ipsum fontes fluviique testantur passim in vina conversi. Cujusmodi ad Cibyram Caria Oppidum fons est, qui eadem illa bora, qua Ministri aquam hausserunt, ac Salvator dixit, date Architricino, in vinum vertitur. Idem & in Geraseno Arabia fonte contingit. Nos ex Cibyre illo fonte, fratres nostri, ex Geraseno potavimus, qui in Martyrio est. Plerique vero idem & de Nilo Egypti studio confirmant. Que causa est, cur Tybi undecimo omnes in Egypto aquam hauriant ac referrent, idque aliis in locis fieri assolet. Casaubonus exercit. 13. in Baron. num. 22. pag. 246. et si secta Calvinianus, nec ita pronus ad credenda miracula, minime tamen miraculo illi, de quo Epiphanius, fidem ausus est abrogare. Et Bailletus ad sextam diem Januarii §. 4. ait, quasdam quidem esse aquas acidulas, fossiliumque per quas fluant vi præditas, quæ vini colorem saporemque imitentur, adeo ut etiam facultatem habeant inebriandi; qui tamen propterea miraculo, quod Epiphanius scriptis gravibusque verbis tradit sua ipsius experientia edoctus, elevare velit fidem, cum a temeritatis nota minime liberat. Adde, quod ex Epiphaniæ narratione inferri videtur, vinum illud prodigio factum, elapso fœsto, in pristinam aquæ formam redire. Ita Bailletus loco cit. Eodem fontes, ex quibus non amplius aqua, sed vinum scatebat, Baronius commemorat ad ann. Chr. 31. num. 33. ubi ita animadvertit: *Ceterum de dictis fontibus diversis locis positis, vinum scatulentibus, nullum antiquorum, qui ante Christum vixerit, Auctorem mentionem fecisse, memini me legisse: ac plane intelligas, ea omnia virtute hujusmodi Christi miraculi facta esse.*

50 In Orientali Ecclesia Festum Epiphaniæ una cum Nativitate Christi conjunctim celebrabatur, quod observat Tillemontius Nota 4. & 9. ad vitam Jesu Chr. Et in Basilii Imperatoris Menologio Græcorum, quod 9. seculo scriptum esse constat, vigesimaquinta die Decembris utrumque festum celebratur, ut videre est in eodem Menologio Urbini edito ann. 1727. Vivebat 13. seculo ineunte Dionysius, qui etiam Jacobus Bar-Salibi appellabatur. Is Armenorum reprehendit consuetudinem sexta Januarii die utrumque Festum celebrandi; ut videre est in ejus Opere apud eruditum virum Asemannum Bibliothecæ Orient. Clementino-Vaticanæ tomo 2. cap. 32.

51 Sed ab Orientali ad Occidentalem regredientes Ecclesiam, putamus minime prætereundum, quod in quibusdam Ecclesiis

In Orientali Ecclesia Epiphania simul, & Nativitas Christi celebrabatur.

Quædam alia, quæ ad hoc Festum pertinent

clesiis hoc Festum, Vigilia & Jejunio præeunte, celebrabatur. Nunc vero Vigilia præit tantum sine Jejunio. Vide Martene loc. cit. cap. 14. num. 3. In quarundam Civitatum Ecclesiis etiamnum fit benedictio aquæ in Vigilia Epiphaniæ; de qua consuetudine egimus in nostro Opere de Canonizat. lib. 4. par. 2. cap. 19. n. 22. & num. 59. Testatur Auctor libelli, cui Titulus *Gemma Animæ*, lib. 3. cap. 6. in hac solemnitate moris fuisse, ut Officia noctu celebrarentur; posteaque sublata esse hujusmodi nocturna pervigilia, quod ex iis gravissima quædam scandala orirentur. Sed in Ecclesia Mediolanensi Ambrosiano ritu magna populi frequentia noctu canitur Matutinum, Galestinio teste in Notis ad Martyrologium pag. 13. *Ritu Ambrosiano ut die Natali Domini de nocte maximo populi conventu Officium Matutinum hoc die celebratur, accensis more Græco multis luminibus.* Matutinum hujus diei Invitatorio caret, & initium fit ab Antiphona & Psalmo, ad significandum, vel magnum interesse discrimen cum invitatu Ecclesiæ Fideles excitantur ad psallendum, & cum Herodes Scribas legisque Doctores convocavit, ut intelligeret ubi Christus nasceretur, ut observat Albinus Flaccus de Divinis Officiis Tit. de Theophania vel Epiphania; vel ad denotandam Gentium alacritatem, quæ ut primum stella illuxit, in viam se illico dederunt, ut monet Durandus lib. 6. cap. 16. vel quia Psalmus *Venite exultemus*, quo utimur in Invitatorio, in hoc Officio canitur in tertio nocturno, ideoque minime visum est in uno eodemque Officio eundem Psalmum semel & iterum canere, ut notat Martene cit. cap. 14. num. 6. quas omnes rationes refert & probat Gavantus sect. 6. cap. 7. de Epiphania num. 3. Decrevit Nicæna Synodus, Pascha una eademque Dominica ab omnibus celebrandum. Orta deinde controversia, quinam tandem certus ille dies esset, quo Pascha esset ab omnibus celebrandum, Patres Nicæni, quibus compertum erat Ægyptios a vetustissimis usque temporibus Astronomiæ scientiam omnium maxime coluisse, ad Alexandrum Episcopum Alexandrinum curam ineundi rationes Astronomicas detulerunt, ut adhibito etiam doctorum virorum consilio, verum cujusque Paschatis diem constitueret; neque illud negotii Alexandro tantum, sed omnibus Alexandrinis Episcopis ejus Successoribus datum deinceps voluerunt. Quæ omnia refert Baronius ad annum Christi 325. ubi auctoritate S. Leonis ostendit, Alexandrini Episcopi Paschalem epistolam Romano Pontifici mitti semper consuevisse, qui deinde omnibus Ecclesiis Paschalem diem indicabat. Macrus in Notitia Vocabulorum Ecclesiasticor. verbo *Epiphania* vide-

videtur credidisse, Alexandrini Episcopi literas recta via ad alias Ecclesias mitti solere, quod de Ecclesiis tantum Ægypti intelligendum putamus, idque insinuare videtur Ildorus de Ecclesiasticis Officiis lib. 1. cap. 26. ubi de Epiphania verba faciens hæc habet: *Epistolæ quoque Pontificis Alexandrini ad universas Ecclesias Ægypti vel Monasteria diriguntur, quibus & initium Quadragesimæ, & dies Paschæ denuntiantur.* Hæc omnia confirmat Joannes Baptista Cafalius de Veteribus sacris Christianorum Ritibus Romanæ edit. ann. 1647. pag. 421. ubi ait, Summum Pontificem acceptam Alexandrini Episcopi epistolam mittere consuevisse Primatibus, & Metropolitanis, ut certus dies illis significaretur, quo Pascha celebrarent, eumque morem retentum, donec Orientales a Romana desciverunt Ecclesia: quo discidio Romani Pontifices, omni communione cum illis abrupta, noluerunt amplius ejusmodi accipere epistolam; cum præsertim Romana Ecclesia Mathematicæ scientiæ rerumque Astronomicarum peritissimis viris tunc temporis abundaret. Nunc vero mos obtinet, ut hac die in Missa, quæ in Ecclesia Cathedrali solemniter celebratur, post Evangelium Archidiaconus, vel Canonicus, vel Beneficiatus, seu quivis alius juxta locorum consuetudinem totius incuntis anni Festâ mobilia Populo e suggesto denuntiet.

CAPUT III.

De Sanctissimi Nominis Jesu Festo, quod secunda post Epiphaniam Dominica celebratur.

1 **S**ecunda post Epiphaniam Dominica celebratur Festum Sanctissimi Nominis Jesu.

2 Narrat Plutarchus Probl. 102. illud apud Romanos in more positum fuisse, ut maribus nono a natali die, foeminis octavo inderent nomen. Alexander ab Alexandro lib. 2. cap. 25. Athenienses & Græcos decimo die infantibus nomen imponere solitos tradit. Et Aristoteles lib. 7. Hist. Animal. Cap. 12. refert, pueris nomen imponi septima die, quod multos ante eum diem interire experientia docuerit, eorumque vitæ spem ostendi meliorem, qui septimum diem attigerint.

3 Judæi, non quod in lege quidquam ea de re scriptum esset, sed sola induciti consuetudine infantibus octavo die nomen imponebant, cum, ut docuimus, pueros circumciderent, quod ex Lucæ Cap. 1. vers. 59. deducitur, ubi, injecto sermone de nomine filio Zachariæ indito, Joanni scilicet Baptistæ, Evangelista ita

*Quoto infans
sibus die a nati-
vitate no-
men a Roma-
nis inditum.*

*Judæi octavo
pueris die no-
men impone-
bant.*

ait :

ait: *Et factum est in die octavo, venerunt circumcidere puerum, & vocabant eum nomine patris sui Zachariam. Et respondens Mater ejus dixit: Nequaquam, sed vocabitur Joannes.* Ad quæ verba ita Venerabilis Beda: *Ab Abrahamo exortum est, ut die Circumcisionis nomen imponeretur Infanti; quia & ipse cum Testamentum, idest Fædus a Deo Circumcisionem acciperet, eodem prorsus die cum sua Conjuge nominis augmentum promeruit.* Joannes Spenceus, qui summo studio Judaicorum rituum originem ex Ethnicorum moribus deductam conatur ostendere, eam etiam consuetudinem Judæorum imponendi nomen liberis suis ad eandem Gentium consuetudinem refert: Hebræos enim in morem accepisse, ut Circumcisionis die infanti nomen imponerent, quia apud Romanos die lustrico, (quem diei Circumcisionis responderet ait) nomen infantibus indebatur. De die lustrico, seu nominali plura congestit Casaubonus in secundam Persii satyram. Bineo, cujus alibi mentionem fecimus, minime probatur Spencei doctrina de Judaicorum rituum origine ad Ethnicorum superstitiones referenda; quam doctrinam ipsi quoque, ut æquum est, vehementer rejicimus: quamobrem concludit, neque Gentes imponendi nomen die lustrico infantibus inde accepisse consuetudinem, quod Hebræi Circumcisionis die nomen suis liberis inderent; nec Hebræos itidem idcirco Circumcisionis die pueris nomen imponere consuevisse, quod idem apud Ethnicos die lustrico sacritum esset: sed sponte sua eandem consuetudinem ad Judæos, & Ethnicos quodammodo naturaliter esse profectam. Ethnici enim opportunum imponendo nomini lustricam diem existimaverunt, quod amici cognatique ad parentis domum eo die convenirent; Hebræi itidem Circumcisionis diem ad eandem rem aptissimum judicaverunt, quod eo die fieret conventus amicorum & cognatorum, qui cæremoniæ circumcidendi pueri vellent adesse.

*Octavo die,
Christe inditum
nomen.
Jesús.*

4 Placuit Christo, quod supra diximus, Circumcisionis legi se subicere, cumque octavo post natalem diem esset circumcissus, eo die illi nomen Jesus inditum fuit, quod Salvatorem significat, ut docet D. Thomas 3. par. qu. 37. art. 2. *Quia igitur Christo hoc munus gratiæ collatum erat, ut per ipsum omnes salventur; ideo convenienter vocatum est nomen ejus Jesús, idest Salvator, Angelo hoc nomen prænunciante non solum matri, sed etiam Joseph, qui erat futurus ejus nutritius.*

*Plures Jesús
nomine appella-
tori in lege ve-
seri.*

5 In veteri Lege quidam etiam hoc eodem nomine sunt appellati, quorum opera temporalem salutem quispiam consequutus esset. Itaque filius Nave appellatus est Jesús, qui Populum Israëliticum ex Ægypti captivitate per Moysen liberatum, suo ductu & con-

& consilio, cum Moyſi successeſſet, in promiſſionis terram traduxit. Idem fuit nomen filio Joſedech Sacerdotis, & Syrach, qui Chriſtum Dominum Servatorem noſtrum præfiguraverunt. Quamobrem D. Thomas loc. cit. ad 2. ait: *Ad ſecundum dicendum, quod hiſ qui fuerunt ante Chriſtum, potuit convenire hoc nomen Jeſus ſecundum aliquam aliam rationem, puta quia aliquam corporalem & temporalem ſalutem attulerunt. Sed ſecundum rationem ſpiritualem & univerſalis ſalutis hoc nomen proprium eſt Chriſto, & ſecundum hoc dicitur eſſe nomen novum.* Et S. Bernardus ſerm. 15. in Cantica num. 8. pag. 23. tom. 1. ita ſcribit: *Habuit & Judæa quosdam Jeſus quorum vacuis gloriatur vocabulis. Illa enim nec lucent, nec paſcunt, nec medentur.*

6 Sanctum Jeſu nomen omnia ea complectitur nomina, quibus Prophetæ uſi ſunt, ut venturum Meſſiam prænunciarent, id eſt Iſaias Cap. 7. v. 14. *Et vocabitur nomen ejus Emmanuel:* & Cap. 8. v. 3. *Voca nomen ejus, accelera, ſpolia detrabere, feſtina prædari:* Et Cap. 9. v. 6. *Vocabitur nomen ejus Admirabilis, Conſiliarius, Deus Fortis, Pater futuri ſeculi, Princeps Pacis.* Et Zacharias Cap. 9. *Ecce vir, Oriens nomen ejus.* Omnia enim nomina hæc, quæ Dei Filio imponenda Prophetæ prænunciaverunt, cum ad ſalutem, cujus Dei Filius nobis auctor futurus erat, aliquo modo referri poſſint, propterea omnia in nomine Jeſu continentur, cui ineſt vis omnis, poteſtas, cauſa, & totius noſtræ ſalutis ratio. Itaque D. Paulus ad Philippen. Cap. 2. v. 9. ait: *Propter quod & Deus donavit illi nomen, quod eſt ſuper omne nomen, ut in nomine Jeſu omne genu ſteclatur.* Et Matthæus Cap. 1. v. 20., ubi verba aſſert, quibus Angelus Joſephum per ſomnium admonuit, *Noli (inquit) timere accipere Mariam Conjugem tuam; quod enim in ea natum eſt, de Spiritu Sancto eſt. Pariet autem Filium; & vocabis nomen ejus Jeſum: ipſe enim ſalvum facies populum ſuum a peccatis eorum.* Vid. Suarez. in 3. par. D. Thomæ tom. 2. Diſput. 15. ſect. 2. §. *Tertiam rationem.* Et D. Bernardus Sermone ſecundo in Circumciſione Domini, commemoratis omnibus hiſce nominibus, tandem iis omnibus nomen Jeſu contineri ait n. 4. pag. 798. tom. 1. oper. *Magna quidem nomina, ſed ubi eſt nomen, quod eſt ſuper omne nomen, nomen Jeſu, in quo omne genu ſteclatur? Forſa in hiſ omnibus unum illud invenies, ſed expreſſum quodammodo, & effuſum.*

Vit., & poteſtas hujus nominis.

Angelus Gabriel, ante Chriſti conceptum, nomen Jeſu ediderat.

7 S. Lucas ubi narrat, Angelum Beatæ Virgini apparuiſſe, eique Verbi Incarnationem nunciaſſe, de imponendo etiam illi nomine mentionem injicit cap. 1. v. 30. *Ne timeas Maria; invenisti enim gratiam apud Deum. Ecce concipies in utero, & paries Filium;*

Filium;

Filium; & vocabis nomen ejus Jesum: & cap.2. v.21. Et postquam consummati sunt dies octo ut circumcideretur Puer, vocatum est nomen ejus Jesus, quod vocatum est ab Angelo, priusquam in utero conciperetur. Cum enim Christus tunc fuerit conceptus, cum B. Virgo respondit, Ecce Ancilla Domini; fiat mihi secundum verbum tuum; & iis B. Mariæ verbis Angeli verba præierint, jure optimo S. Lucas ait, Redemptoris nostri nomen vocatum fuisse ab Angelo, antequam in utero B. Virginis conceptus esset, juxta Cornel. a Lapide in cap.2. Lucæ. Et D. Bernard. in cit. Serm.2. verba illa enarrans, Quod vocatum est ab Angelo, priusquam in utero conciperetur, sic ait: Vocatum est plane, non impositum; nempe hoc ei nomen est ab eterno. A natura propria habet ut sis Salvator: innatum est ei nomen hoc, non inditum ab humana, vel Angelica creatura.

Festum Nominis Jesu apud Anglos etiamnum celebratur.

8 Exiis, quæ hæcenus diximus, facile quisque videat, in Circumcisionis Festo, Festum quoque Nominis Jesu celebrari: verum quemadmodum etsi Feria quinta in Cœna Domini Festum Corporis Christi celebretur, idem tamen alia die iterat Festum Ecclesia; ita quamvis in Circumcisione Domini Festum Sanctissimi nominis Jesu celebretur, nihilominus, Fidelium postulante pietate, certa quadam & peculiari die idem Festum instauratur; cujus solemnitas adeo præclara est, ut apud Anglos ante hæresim introducta, etiamnum in ejus Gentis Calendario retineatur; quod testatur Bailletus in Histor. Festi Circumcis.

Tabella S. Bernardi Senensis in qua depictum nomen Jesu.

9 Magni hujus Festi originem lib.4. Canonizat. par.2. Cap.30. a num.3. ad sextum demonstravimus. Nunc id tantum breviter dicimus, S. Bernardinum Senensem, qui poenitentiam prædicando Italiam peragrabat, ad contritionem in animis Fidelium excitandam, instituisse, ut sacra Concione habita, Tabella quædam Auditorum oculis exponeretur, in qua radiatum Jesu nomen depictum erat, quod cit. loc. pluribus narravimus. Hic unum addimus, quod in Bononiensi Foro cum pictarum chartarum, & talorum ludos vehementer dicendo exagitasset, populo persuasit, ut id genus instrumenta ad se afferrent, quo suam ipsorum poenitentiam comprobarent. Verum quidam pauperculus opifex, qui ejusmodi chartis pingendis vitam sustentabat, ad eum venit graviter questus, se suamque familiam ad famem ea concione redactum esse. Cui S. Bernardinus aliunde prospexit, eo dato consilio, quod refert Sigonius lib.4. de Episcopis Bononiensibus in vita B. Nicolai Albergati: *Si nescis alia depingere, hanc Imaginem pingere, nec te omnino pigebit: ac circulo facto solem in eo formavit, atque in medio nomen Jesu novis quibusdam litterarum formis effinxit:*

nit: quare nunc etiam sub porticu Boni Jesu cum ipsius Beati effigie cernimus. Quodcum ille fecisset, confluentibus ad emendam Imaginem ex Bernardini auctoritate plurimis, magnas ex ea re pecunias comparavit.

10. Quidam hujusmodi cultui, quem erga sanctissimum nomen Jesu S. Bernardinus instituit, resistere: cumque a Martino V. Pont. Max. qui eam rem, ne quidquam temere fieret, examinari voluit, prohibitus esset eam Tabellam exponere, Apostolico paruit præcepto, teste S. Antonino Histor. par. 3. tit. 44. cap. 5. §. 2. Deinde cum a Pontifice impetrasset, ut de ea controversia, num scilicet cultui Sanctissimi nominis Jesu ad eum modum a se instituto superstitionis quidquam inesset, in Vaticana Basilica solemniter disputatio haberetur; S. Joannes a Capistrano magna animi contentione doctrinæque copia sodalem suam tutatus est, ut non modo Bernardinus omni macula liberaretur, sed cultus SS. nominis Jesu ipso auctore in Tabella cum radiis depicti ab Apostolica Sede probaretur; quod non ii modo, quos attulimus, auctores testantur, sed etiam Damianus Corneus tom. 4. lib. 4. cap. 10. & 12. & Ayala in Opere a nobis sæpius citato, cui titulus *Pictor Christianus*, lib. 3. in Append. Cap. 2.

11. Postea vero quam Sanctissimi nominis Jesu cultus quomodo a S. Bernardino institutus fuerat, ab Apostolica Sede approbatus est, Bernardinus de Buis, qui in Seraphico Ordine Sacri Oratoris laude florebat, nihil ad omnem diligentiam studiumque sibi reliqui fecit, quo Sanctissimum nomen in Ecclesia peculiari Officio celebraretur. Officium itaque a se compositum Xisto IV. & Innoc. VIII. summis Pontificibus obtulit, nec quidquam ab iis potuit impetrare. Tandem Clemens VII. postulationi ejus subscripsit, ut Officium nominis Jesu a Franciscana Familia celebraretur, ut nos loc. cit. fusc docuimus. Quidam vero a Franciscanis Fratribus propagatum quidem hoc Festum, non institutum esse contendunt; ut videre est penes Bolland. tom. 1. Januar. pag. 993. & apud Baillet loc. cit. Utrumque tamen sit, illud certissimum est, Apostolicam Sedem post Clementem VII. ad multas Ecclesias Officium subinde extendisse. Novissime tandem cum Caroli VI. Imperatoris preces ad Innocentium XIII. essent delatæ, ut Officium illud in universali Ecclesia juberet ab omnibus recitari, diligenti examine re perpensa in Sacra Rituum Congregatione, in qua Nos quoque, qui tum temporis Promotoris Fidei munereungebamur, nostram voce, & scripto sententiam tulimus, tandem die 29. Novembr. ann. 1721. Officium ab Universali

Hinc Tabella cultus a S. Joanne a Capistrano vindictus.

Officium hujus Festi sub Xisto IV. compositum, a Clemente VII. approbatum pro Franciscana Familia, & ab Innocentio XIII. ad omnem Ecclesiam extensum.

De Sanctissimo nomine Jesus præclara D. Bernardi verba.

12 S. Bernardus cit. serm. 15. n. 6. in Cantic. ubi illud proponitur, *Qualiter Nomen Jesus est medicina salubris Fidelibus Christianis in omnibus adversis*, ad ipsius Sanctissimi Nominis venerationem & cultum Fideles excitat, Eam autem propositionem compluribus solidis piisque fulcit rationibus, in hæc præsertim verba: *Si scribas, non sapit mihi, nisi legero ibi Jesum. Si disputes aut conseras, non sapit mihi, nisi sonuerit ibi Jesus. Jesus mel in ore, in aure melos, in corde júbilus. Sed est & medicina &c.* Nihil ita ira impetum cohibet, superbia tumorem sedat, sanat livoris vulnus, restringit luxuria fluxum, extinguit libidinis flammam, sitim temperat avaritia, ac totius indecoris fugat pruriginem. Siquidem cum nomino Jesum, hominem mihi proponit, & humilem, corde benignum, sobrium, castum, misericordem, & omni denique honestate ac Sanctitate conspicuum, eundemque ipsum Deum Omnipotentem, qui suo me & excoip. sanat, & roborat adjutorio. Hæc omnia simul mihi sonant, cum insonuerit Jesus. Sumo itaque mihi exempla de homine, & auxilium a potente, illa tamquam pigmentarias species, hoc tamquam undæ acuam eas; & facio confessionem, cui similem Medicorum nemo facere possit.

Quædam in eo D. Bernardi loca notanda.

13 Adnotanda verba illa D. Bernardi: *Si scribas, non sapit mihi, nisi legero ibi Jesum.* Nam Augustinus quoque Confessionum lib. 3. cap. 4. scribit, se antequam ad Catholicæ Ecclesiæ castra venisset, cum Cicronis Opera Philosophica legeret, a terrenis rebus advocatum ad cœlestium rerum contemplationem rapi sensit. Et hoc solo in me tanta fragrantia refrigebat, quod Nomen Christi non erat ibi &c. Et quidquid sine hoc Nomine fuisset, quamvis litteratum, & expositum, & veridicum, non me totum rapiebat.

Cur Ecclesia non dicat: Jesu Christe, ora pro nobis.

14 Adnotanda itidem ea Bernardi verba: *Sumo itaque mihi exempla de homine, & auxilium a potente*; quibus probatur formula, qua Ecclesia utitur ad declarandam Christi Divinitatem: *Jesu Christe miserere nobis*, ea explosa, quam nonnulli inducere nitentur: *Jesu Christe ora pro nobis*. Nam cum nostræ preces terminentur in Christo, qui in Persona Divina subsistit, ejusmodi eas esse oportet, quæ Personam divinam deceant. Divinæ autem Personæ, in qua Christus subsistit, minime convenit orare.

CAPUT IV.

De Dominica Palmarum.

DE Dominica Palmarum, de Quinta, Sexta Feria, & Sabbatho Majoris Hebdomadæ, & Paschate sermonem habebimus, præcedentibus illis tribus Dominicis Quinquagesima, Sexagesima, & Septuagesima, tum etiam Quadragesimali Jejunio omnino prætermisiss: nam & de iis, & de Quadragesimali Jejunio jamdudum 14. & 15. nostrorum Edictorum tom. 1. fuse disseruimus; nec ea, si rem probe inspiciamus, ad id, quod proposuimus, revera pertinent.

2 Itaque ut a Dominica Palmarum exordiamur, qua Domini nostri Jesu Christi Hierosolymam introeuntis solemnis memoria recolitur, præmittendam arbitror ejus rei narrationem ex S. Matthæi cap. 21. Marci cap. 11. Lucæ cap. 19. & Joann. cap. 12. Ea autem est ejusmodi.

3 Cum appropinquasset Jesus, & Discipuli ejus Hierosolymis, & venisset Bethphage ad montem Oliveti, misit duos ex Discipulis suis, & ait illis: Ite in Castellum, quod contra vos est; & introeuntes illuc inveniatis asinam alligatam, & pullum cum ea, super quem nemo adhuc hominum sedit. Solvite illum, & adducite mihi. Et si quis vobis aliquid dixerit, dicite quia Dominus his opus habet; & confestim dimittet eos. Et abeuntes invenerunt pullum alligatum ante Januam foris in bivio, & solvunt eum. Solventibus autem illis pullum, dixerunt Domini ejus: Cur solvitis pullum? Quia, responderunt, Dominus eo opus habet: & dimiserunt eis pullum. Itaque adduxerunt pullum cum asina ad Jesum; eumque ornantes vestimentis suis, Jesum desuper sedere fecerunt, sicut scriptum est: Noli timere Filia Sion; Ecce rex tuus venit, sedens super pullum asinæ. Et quamquam ad hæc discipuli ejus tunc non animadverterunt; quando tamen Jesus in Cælum ascendit, & glorificatus est, tunc recordati sunt, hæc propter ipsum facta fuisse, seque ea fecisse quæ fecerint, ut quæ scripta de illo erant, implerentur. Interea plurima turba, quæ ad Festum convenerat, cum audisset Jesum Hierosolymam adventare, cum palmarum ramis obviam ei venit. Multi substernebant vestimenta sua in via: alii autem cadentes arborum ramos, humi spargebant. Cum autem ad radices montis Oliveti pervenisset, coeperunt Discipuli, qui frequentissimi illuc convenerant; abrepti gaudio laudare Deum voce ma-

Quid opendum hoc loco in universum?

De Dominica Palmarum, & quodnam ejus mysterium sit.

Narratio triumphi, quo Christus Jesus ingressus est Hierosolymam

gna propter ea quæ viderant miracula; & tum qui præcedebant, tum qui sequebantur, clamabant dicentes: Hosanna Filio David; Benedictus qui venit in nomine Domini: Et benedictum Regnum David Patris nostri, quod prope est ut constituatur. Pax in Cælo, & gloria in excelsis. Testimonium ergo perhibebat turba, quæ erat cum eo, quando Lazarum vocavit ex monumento, & excitavit ad vitam. Nam hoc præsertim miraculo excita multitudo tanta ei obviam venerat. Quidam Phariseorum dixerunt illi: *Magister increpa discipulos tuos ut taceant; quibus ipse ait: Dico vobis, quia si hi tacerint, lapides clamabunt.* Et ut appropinquavit, videns Civitatem flevit super illam dicens: Utinam hoc tam fausto die cognosceres, quæ in tuam felicitatem tibi offeruntur. Verum heu mihi ea abscondita sunt oculis tuis. At veniet tempus tibi adversum, cum inimici tui circumdabunt te vallo, & coangustabunt undique, & ad terram prosterneant te, & filios tuos qui in te sunt, & non relinquent in te lapidem super lapidem, eo quod non cognoveris tempus visitationis tuæ. Et cum intrasset Hierosolimam, commota est universa Civitas dicens: Quis est hic? Populi autem dicebant: Hic est Jesus Propheta a Nazareth Galilææ. Pharisei ergo dixerunt ad semetipsos: Videtis, quia nihil proficimus: Ecce mundus totus post eum abiit. Denique cum intrasset Jesus in Templum, cœpit ejicere vendentes, & ementes, & mensas nummulariorum, & cathedras vendentium columbas evertit, & non sinebat, quemquam transferre vas, seu supellectilem ullam per Templum, dicens eis: Scriptum est, quia Domus mea Domus orationis vocabitur omnibus gentibus; vos autem fecistis illam speluncam latronum.

Quo die, & anno Christus Hierosolimam ingressus sit.

4. Disquirenda quædam proponi possunt, quibus uberiorem historię sacræ notitiam consequamur. Primum illud est, quo die & anno Christus Jesus Hierosalem introierit. Annum quidem affirmare posse videmur fuisse illum, qui ejus prædicationi ultimus fuit; diem vero fuisse primum hebdomadæ, qui penes nos est dies Dominicus. Id ex Joann. cap. 12. v. 1. eruitur, ubi hæc habentur: *Ante sex dies Paschæ venit Bethaniam, ubi Lazarus fuerat mortuus, quem suscitavit Jesus. Fecerunt autem ei cenam ibi.* Quo loco postquam retulit Evangelista, Mariam Magdalenam unguento pedes Christi Domini unxisse, & Principes Sacerdotum in eo conspirasse, ut Lazarum interficerent, cujus causa in Christum plures crederent, addit: *In crastinum autem turba multa, quæ venerat ad diem festum, cum audissent, quia venit Jesus Hierosolimam, acceperunt ramos palmarum, & processerunt obviam ei.* Itaque venit Jesus Bethaniam ante diem sextum Paschatis, quod eo

anno

anno in quintam feriam Hebdomadæ subsequēntis cadebat. Cum igitur sex illi dies, qui Paschari antecedeabant, fuerint Sabbarum, Dominica, Feria secunda, tertia, quarta, & quinta; cujus quintæ Feriæ vespere Pascha erat celebrandum, necessario inde constituitur, ut cum Jesus in Bethania die Sabdarhi constitisset, quo die nefas erat cedere ramos, Dominico die introierit Hierosolymam, unde non plus aberat Bethania, quam duo millia passuum.

5. Secundum est, quinam illi fuerint Discipuli, quos misit Jesus, ut ad se asinam, pullumque abducerent; eorum enim nomina ab Evangelistis omnino silentur. Quidam putant, binos illos Discipulos fuisse Petrum, & Joannem, ea ducti ratione, quod hi, teste Luca cap. 22. præmissi fuerunt, ut pararent Pascha. Verum quod præmissi fuerint, ut curarent Pascha, non inde consequitur, antea missos ut asinam, & asinæ pullum abducerent. Sunt alii, qui suspicantur fuisse Petrum, & Philippum, Hilarii sententiam sequuti; qui cap. 21. in Matthæum col. 712. n. 1. putat, ea re utramque vocationem Judæorum, & Gentium fuisse indicatam; Philippi enim opera Christi Fidem Samaria est amplexa, & Petrus Cornelium primum omnium ex Gentibus ad Christum convertit: *Æque per Philippum Samaria credidit, per Petrum autem Cornelius Christo, tamquam primitiæ Gentium adductus est.* Sed sit hoc inter incomperta; cum ad rem illustrandam nihil ex sacris litteris erui possit.

6. Tertium est, an Christus Jesus asello tantum, an asello, & asinæ in itinere infederit. Et certe Marcus cap. 21. v. 7. testatur asello infedisse: *Duxerunt pullum ad Jesum, & imponunt illi vestimenta sua, & sedit super eum.* Consentit Lucas cap. 19. *Jetantes vestimenta sua super pullum, imposuerunt Jesum.* Et Joannes cap. 12. v. 14. *Invenit Jesus asellum, & sedit super eum.* Unus Matthæus cap. 21. v. 7. utrumque commemorat: *Et adduxerunt asinam, & pullum, & imposuerunt super eos vestimenta sua, & eum desuper sedere fecerunt.* Divus Hieronymus ad hunc locum observat, haud esse verisimile, in ea itineris brevitate Jesum asino desiluisse, ut in asinam ascenderet: atque credibilius esse, Christum Dominum asino perpetuo infedisse, & asinam vacasse. *Nunc stringendum est breviter, quod secundum litteram in parvo itineris spatio super utrumque animal sedere non quiverit. Aut enim sedit Asinæ, & Pullus absque sessore fuit; aut si Pullus, quod magis competit, usus est ad sedendum; asina ducta est libera.* Est enim frequens in Scriptura, & apud ipsum Matthæum ejusmodi loquendi modus, quo indefinite pluribus tribuitur, quod nonnisi uni est tribuendum. Istiusmodi est illud Geneseos cap. 8. v. 4. *Re-*

*Qui fuerint
Discipuli, quos
misit Jesus, ut
asinum ad se
abducerent.*

*Num Christus
asello, & as-
inæ, an asello
tantum infe-
derit.*

quicunque Arca . . . super Montes Armenia, idest super unum ex Armenia Montibus; illud itidem Geneseos cap. 19. v. 29. *Liberavit Lot de subversione Urbium, in quibus habitaverat*, idest quarum in una habitaverat. Et cap. 23. v. 6. *In electis sepulcris nostris sepeli mortuum tuum*: intellige, in aliquo ex nostris sepulcris, quod tute elegeris. Illud pariter Josue cap. 7. v. 1. *Filii autem Israel pravaricati sunt mandatum, & usurpaverunt de anathemate*: Acham videlicet Israelita. Et Matthæi cap. 26. v. 8. *Videntes autem Discipuli indignati sunt*: scilicet Judas, qui erat e duodecim Discipulis. Et apud eundem Matthæum cap. 27. v. 44. *Id ipsum autem & latrones, qui crucifixi sunt cum eo, improperebant ei*: idest unus ex latronibus. Quamobrem Ecclesia in quadam ex Orationibus, quas adhibet in Distributione, & Processione Palmarum ait: *Omnipotens sempiterne Deus, qui Dominum nostrum Jesum Christum super pullum asinæ sedere fecisti.*

Quem Prophe-
tam intelligit
D. Matthæus
referens ora-
tionem, Dicite
Filiæ Sion &c.

7 Quartum est, Quinam Propheta ille sit, unde verba illa Matthæus depromit cap. 21. v. 4. & 5. *Hoc autem totum factum est, ut adimpleretur quod dictum est per Prophetam dicentem: Dicite Filiæ Sion: Ecce Rex tuus venit tibi mansuetus, sedens super asinam, & pullum filium subjugalis.* Cum quo consentit Joannes cap. 12. v. 14., & 15. *Et invenit Jesus asellum, & sedit super eum, sicut scriptum est: Noli timere Filiæ Sion; Ecce Rex tuus venit sedens super pullum asinæ.* Præterea dispiciendum, quo tempore impletum sit illud Christi oraculum apud Lucam cap. 19. v. 41. &c. *Et ut appropinquavit, videns Civitatem flevis super illam dicens, quia sic cognovisses & tu, & quidem in hac die tua, quæ ad pacem tibi, nunc autem abscondita sunt ab oculis tuis. Quia venient dies in te, & circumdabunt te inimici tui vallo, & circumdabunt te, & coangustabunt te undique, & ad terram prosternebant te; & filios tuos qui in te sunt, & non relinquent in te lapidem super lapidem, eo quod non cognoveris tempus visitationis tuæ.* De lacrymis, quas Christus Dominus ea fudit occasione, Dissertationem scripsit Joannes Christianus Artst, quæ continetur in Thesaurō Dissertationum in Novum Testamentum tom. 2. pag. 351. ubi ostendit Auctor, eas lacrymas commiserationis, & doloris vi fuisse expressas, quod Hebræis non solum atrocissima omnium, quæ in hac vita sunt, quæque fuerunt, calamitas immineret, ut mox videbimus, sed etiam futurum esset ut ad æterna dederentur supplicia, propterea quod ex cordis duritia tempus visitationis suæ negligerent. Pulchre etiam Lamy citat. lib. 5. cap. 1. pag. 445. illa verba, *eo quod non cognoveris tempus visitationis tuæ*, ita explicat: *Causa eucidi sui eris tempus neglectum oblata salutis.* Quo-
fies

sic Deus insigne beneficium conferret Judæis, dicebatur visitare plebem suam.

8 Quod ad primum attinet, Calmetus, Cornelius a Lapide in cap. 21. Matth. & Maldonatus num. 5. putant, duorum huc allata esse verba Prophetarum, Isaïæ cap. 62., & Zachariæ cap. 9. Verum Natalis Alexander ad eundem Evangelii locum num. 2. contendit, solius Zachariæ textu binos Evangelistas usos, integram retinuisse sententiam verbis quibusdam paullulum immutatis. Quod quidem facile intelligi potest, si utriusque Evangelistæ verba cum Zachariæ textu cap. 9. v. 9. conferamus: *Exulta satis filia Sion, jubila filia Hierusalem: Ecce Rex tuus venit tibi iustus, & Salvator, ipse pauper, & ascendens super asinum, & super pulum filium asinae.* Quod vero ad secundum attinet, constat inter omnes, Tito Hierosolymam oppugnante, Oraculum illud Christi Domini esse impletum. Nam cum Imperator intellexisset, urbem tum propter ejus amplitudinem, tum propter iniquitatem loci undique cingi militibus non posse, nec ob inopiam lignorum extrui aggerem, aut castella adversus mœnia excitari, consilium suscepit circumducendi murum castellis per intervalla interjectis communitum; ut Judæi, qui omnem spem salutis sibi ademtam intelligerent, & externa auxilia interclusa, aut sese dedere cogerent, aut fame necitè interirent. Eam expugnationem fuscè narrat Josephus de Bello Judaico, & refert etiam Baronius ad ann. Chr. 72. ubi num. 5. postquam murum illum extractum fuisse docuit, ita subjicit: *Sic igitur videas jam divinis impletum esse, quod illis verbis Dominus prædixerat, dum Hierosolymorum descenderet interitum: Venient dies in te, & circumdabunt te inimici tui vallo, & circumdabunt te, nempe muro, & coangustabunt te undique, & ad terram prosternent te, & filios tuos, qui in te sunt.*

9 Teterimum etiam illud contigit, dum obsideretur Hierosolyma, quod Maria Eleazari filia, re omni familiari fortunisque eversa, simulante fame, in furorem acta lactentem filium necavit, ut ejus carnibus vesceretur, cumque milites, qui cibum sibi quærebant, odore illecti in ejus domum introissent, deprehenso carnis assæ fructu, quam corporis pueri partem compererunt, horribile scelus execrati, inde abierunt. Cujus rei atrocitas cum sui fama civitatem universam complectet, sibi quisque statuens tantam ob oculos diritatem, perinde ac si ipse sceleris auctor esset, cohorrui. Tam immane factum narrat Josephus; & Baronius loc. cit. num. 9. aliud observat impletum fuisse Christi oraculum, de quo Lucas cap. 23. v. 28. &c. Narrat enim Evangelista Jesum Christum, dum sublata in humeros Cruce, frequen-

Oraculum illud desumptum est a Zachariæ Prophetia. Christi de excidio Hierosolymitano sub Tito Imperatore impleta.

Filiam in oblatione Hierosalem mater necavit, ut ejus carnibus famem depelleret. Aliud Christi oraculum impletum.

tissimo populo stipatus, Calvariae montem ascenderet, ad foeminas, quae lacrymis & gemitibus se prosequabantur; conversum dixisse: *Filiae Hierusalem nolite flere super me, sed super vos ipsas flete, & super filios vestros: Quoniam ecce venient dies, in quibus dicent: Beatae steriles, & venires, qui non genuerunt, & ubera, quae non lactaverunt. Tunc incipient dicere montibus, cadite super nos, & collibus, operite nos.*

Alia Christi oracula in excidio Hierosolymae impleta.

10 Sunt & alia quaedam, quae ad Christi oraculum pertinent de Hierosolymitano excidio. Ea reperies apud Baronium loco citato. Nobis vero innuere satis erit, admirando illo Templo exciso, Urbe a fundamentis everfa, tribus tantummodo turribus, Phaselo, Hippico, & Mariamne servatis, ut apud posteros victoriae Romanorum essent veluti monumentum, dirutis mœnibus, ea parte excepta, quae ad Occidentem vergit; omnibusque delectis aedificiis, ut nemo conicere posset Urbem ibi fuisse, eamque populosissimam, quemadmodum tradit Iosephus; & quidem octo & triginta annos post Christi oraculum, impletum fuisse quidquid ille dixit penes Matth. cap. 24. & Marc. cap. 13. & Luc. cap. 21. Nam, & Templum magnificentissimum, cujus structuram Apostoli tantopere admirabantur, ita dirutum est, ut lapis super lapidem non relinqueretur, etsi ferro & plumbo ad quamdam perpetuitatem immanes illi lapides nexi essent; & urbs, ut modo dixi, everfa; & haec omnia in illud tempus cecidere, quod a Christo fuerat praenunciatum: *Amen dico vobis, quia non praeteribit generatio haec donec omnia fiant, ut habetur apud Luc. cap. 21. v. 32.*

Christo Hierosolymam invadenti turbae vestimenta humi confringere sua.

11 Jam vero ut reliqua persequamur, quae ad pleniorē Evangelicæ Historiae intelligentiam pertinent; quintum est de triumphali Christi Domini nostri ingressu in Hierusalem. Turbae viam, qua sedenti illi super asellum erat transeundum, vestimentis confringere suis: *Plurima autem turba straverunt vestimenta sua in via*, Matth. cap. 21. v. 8. quod quidem est Regiae potestatis indicium, juxta Judaeorum consuetudinem, ut constat ex lib. 4. Reg. cap. 9. v. 3. ubi Jehu Regi narrat sacer textus ad eundem modum datam fuisse Regni possessionem. *Festinauerunt itaque, & unusquisque sollem pallium suum posuerunt sub pedibus ejus in similitudinem Tribunalis, & cecinerunt tuba: atque dicebant: Regnavit Jehu.* Id etiam apud Ethnicos factum legimus. Plutarchus enim in Catonis Uticensis vita: *Finito, inquit, tempore Provincia abeuntem non votis, & praconiis, sed lacrymis & insatiabili amplexu milites prosequabantur, sternerentes vestes per ea loca, quibus ipse pedibus iturus erat.*

Ramos iidem palmarum & olivarum.

12 Caesis arborum ramis turbæ, item ut vestimentis, viam

con-

constravere, Matth. loc. cit. *Alii autem cædebant ramos de arboribus, & sternebant in via*: Ramos nimirum Palmarum, Olivarumque, quibus Mons Oliveti, per quem Jesus Hierusalem proficiscens transibat, confertissimus erat. Idque ad triumphi celebritatem, splendoremque plurimum conferebat. Ac propterea Levitic. cap. 23. v. 40. in Festo Tabernaculorum, quod Mense Septembri agebatur, hæc Deus jubet: *Sumetisque vobis die primo fructus arboris pulcherrimæ, spatulasque palmarum, & ramos ligni densarum frondium, & salices de torrente, & lætabimini coram Domino Deo vestro*. Et Machab. 1. cap. 13. & 2. cap. 10. legimus, palmas Victoribus in Civitates introeuntibus præferri consuevisse. Narrat Philo, Agrippam frondibus floribusque redimitum Hierosolymam esse ingressum; idemque tradit Josephus de Alexandro. Sed iis similibusque omisiss, quæ in hanc rem nullo negotio colligi possent, illud animadvertendum est probe, turbas iisdem gaudii signis Christum Dominum excepisse, quibus Tabernaculorum Festum celebrare consueverant; eosdemque Judæos, qui eo Festo, non modo discessus ex Ægypto memoriam colli existimabant, sed venturi etiam Messie contineri præfagium arbitrabantur, rerum a Christo gestarum admiratione captos, illumque tamquam verum Messiam agnoscentes, obviam ei occurriss, ritusque Festivitatibus Tabernaculorum observare voluiss, qui quidem hoc modo præfagii illius fidem confirmarunt.

13 Postremo Turbæ, quæ illi obviam ierant ramos palmarum manibus gestantes clamabant: *Hosanna, benedictus qui venit in nomine Domini Rex Israel*. Joann. cap. 12. v. 13. cui consentiunt Matthæus cap. 21. v. 9. *Clamabant dicentes: Hosanna Filio David: benedictus qui venit in nomine Domini, Hosanna in altissimis*. Et Marcus cap. 11. v. 9. *Et qui præibant, & qui sequebantur clamabant dicentes: Hosanna, benedictus qui venit in nomine Domini, benedictum quod venit Regnum Patris nostri David: Hosanna in excelsis*. Cum ex Monte Oliveti descenderet Jesus, lætabundi Discipuli illum teste Luca cap. 19. v. 37. collaudabant: *Et cum appropinquaret jam ad descensum Montis Oliveti, cæperunt omnes turbæ Discipulorum gaudentes laudare Deum voce magna super omnibus, quas viderant, virtutibus, dicentes: Benedictus qui venit Rex in nomine Domini. Pax in Cælo, & gloria in excelsis*. Postea vero quam ingressus est Hierosolymam, universa commota est Civitas, Hierosolymæ nimirum Cives, ac præsertim Sacerdotes, qui cum audirent acclamationibus, & plausibus exterorum, qui ad Festum confluerant, ingressum Christi Domini esse celebratum, quasi rerum a Christo gestarum Hierosolymæ omnino

Acclamationes, quibus turba Jesus sunt prosecuta. Sacerdotes invidia talis.

fuisſent neſcii; invidia tacti, ut ejus gloriam obtinerent, per contemptum interrogabant: *Quis eſt hic?* Populus vero ab omni animi ægitudine vacuus ſimpliciter, & candide reſpondebat: Hic eſt Jeſus Propheta a Nazareth Galilææ.

De voce Hoſanna. Sensus
ejus acclama-
tionis.

14 Quæ quidem omnia declarant triumphalem Chriſti Domini ingreſſum in Hieruſalem. Neque vero prætereundum, vocem Hoſanna acclamationem eſſe, qua Judæi utebantur erga viros de republica optime meritos, & ſingulari vitæ ſanctimonia præclaros, quibus felicitatem, gloriam, & benedictionem adprecabantur. Quapropter voces illæ, *Hoſanna Filio David*, acclamationes fuerunt, ſignificationeſque lætitiæ & gaudii, quibus populus triumphali illo die Chriſtum Jeſum ſalutavit Meſſiam David Rege prognatum, lætis illis clamoribus non abſimiles, quos arborum ramos manibus tenentes in Feſto Tabernaculorum ingeminabant, ut in Pſal. 117. verſ. 15. Damaſo Papæ epiſt. 15. interroganti Hieronymum, quid ſibi vellet *Hoſanna*, S. Doctor e fontibus Judæorum illius vocis intelligentiam hauſtam explicavit epiſt. 16. tom. 1. Epistoſarum Romanorum Pontificum, quas collegit Couſtantius. De acclamatione Hoſanna Diſſertationem conſcripſit quidam Winzer, quæ eſt in tom. 2. Theſauri Diſſertationum in Novum Teſtamentum edit. Amſtelodamen. ann. 1702. pag. 164. ubi Auctor de hujus nominis Etymologia diſputat. Nos tamen contenti ſatis ſumus iis, quæ hac de re ſcripſit Lamy Harm. Evangelicæ lib. 5. cap. 1. n. 21. pag. 444. Senuum eorum verborum, *Hoſanna filio David*, hunc eſſe ait: *Jam canamus Hoſanna Meſſie, qui filius David eſt. Jeſum pro Meſſia habemus, & ideo occinamus illi Hoſanna, ideſt, ſerva nos. Quidam Interpretes, ex eo, quod dicitur Hoſanna filio David, & non Hoſanna Fili David, contendunt non accipiendam vocem Hoſanna, quaſi Judæi quærerent a Jeſu, ut illis opitularetur, ſed habendam pro voto, & acclamatione. Sed cum Judæi nullo non tempore Meſſiæ Servatoris adventum expectaſſent, ideoque Diſcipuli poſt Chriſti paſſionem apud Luc. cap. 24. v. 1. dixiſſent: Nos autem ſperabamus, quia ipſe eſſet redempturus Iſrael, nemo eſt, quin videat, illos opem ab eo imploraſſe, quem pro Chriſto, & Meſſia habebant; ideoque ſenſum vocis Hoſanna eſſe: *Opitulari quaſi.**

Primis Re-
publica He-
braeorum tem-
poribus equi
non addibiti.
Primores viri
ſuſci & militi
uſebantur.

15 Ne cui vero decus illius triumphi, & ornamentum immi-
nutum eſſe videatur, quod Jeſus aſino veheretur, neu quiſquam
putet ſibi minime ſatiſfactum ab eo, qui dixerit, id ſummæ Chri-
ſti humilitati tribuendum; quam imitatus S. Coeleſtinus V. Siciliæ,
& Hungariæ Regibus, Cardinalibus, Proceribusque fruſtra cum
dehortantibus, aſello veſtus Aquilam ingredi voluit, dum in ea
Civita-

Civitate Romanæ Sedis possessionem caperet, teste Cardinale de Alliaco in ejus Vita lib. 2. cap. 2. seposita etiam Zachariæ Prophetia, docet Calmetus in cap. 2 t. vers. 4. Matthæi, penes Hebræos moris fuisse, ut nobiles viri primoresque non nisi in asellis equitarent, idque apparet ex Judic. cap. 10. v. 4. ubi triginta filios Jair, qui Judex Hebræorum erat, & Princeps, legimus *sedentes supra triginta pullos asinarum*; & ex c. 12. v. 14. ubi itidem Scriptura nobis exhibet *quadráginta filios Abdon Judicis, Principisque Israelitici populi, Nepotesque ejus triginta ascendentes supra septuaginta pullos asinarum*. Neque enim Deus Hebræorum florente Republica, nec in primorum Regum Regno equorum usum in suo populo probaverat: quare legitur in Psalm. 19. *Ei in curribus, & in equis, nos autem in nomine Dei nostri invocabimus*. Saule regnum administrante nullus in bello usus equorum; pedestriumque copiarum tantum fit mentio: *Præcepit itaque Saul populo, & recessit eos quasi agnos ducenta millia pedum* 1. Reg. cap. 15. v. 4. Et David jam senex, & multorum, magnorumque Regum, & Gentium, quas perdomuerat, opibus potentissimus, cum filium suum salutare voluit, primoribus Regni præcepit: *Tollite vobiscum servos Domini vestri, & imponite Salomonem filium meum super mulam meam*. lib. 3. Regum cap. 1. v. 33. Cum vero Salomoni suscepisset regnum, nimium etiam equorum usum introduxit. Nam docet sacer textus, quadráginta millia equorum cum aluisse ad cursum, & duodecim millia ad vecturam. Qua in re Salomonem, quod fuerit sumtuosior, peccasse observant sacri Interpretes. Consequuta deinde sunt tempora Regum Judæ, cum equorum magna vis a Prophetis divino numine afflatis improbata fuit, juxta illud Isaïæ cap. 2. v. 8. *Repleta est terra ejus equis, & innumerabiles quadrigæ ejus*. Et paulo post: *Et repleta est terra ejus idolis, opus manuum suarum adoraverunt*. Sed Judæi, rituum suorum tenacissima natio, etiam post captivitatem Babylonicam equorum usu fere semper abstinere. Quapropter cum Machabæus, ejusque fratres bellum gererent adversus Syriæ Reges, raro legimus equos adhibuisse. Ex quo intelligimus, Judæos non equis uti solitos, sed asellis, mulisve inequitasse, ut optime observavit Ayala in opere; *Pictor Christianus*, lib. 5. cap. 5. num. 9. *Quod si ita se gesserunt etiam in præliis, ubi pro arii autaque religione decertabatur, quid putat fecerint in pace degentes iidem non milites, sed populares? Quid religioni observantiores, & qui eam zelo ardentiore curabant?* Paulo ante diximus, nos tantisper Zachariæ prophetiam seponere, de qua supra loquuti sumus num. 97. Ea vero vel ipsum Judæorum sententia de Messia intelligenda est. Verba Rabbi

Salomonis hæc sunt : *Locus iste non potest exponi de ullo alio, quam de Messia, quia de eo dicitur : Et dominabitur a mari usque ad mare. Neque ullum reperimus Templi secundi tempore, qui, ut iste, in iustitia regnaverit.* Et quamquam docet Grotius, prima fronte Zachariæ prophetiam intelligi posse de Zorobabele; ipsa tamen Historia, qua proditum est Zorobabelem, cum Propheta scripsit, Hierosolymam jam venisse, concidit Grotii doctrina, qui a Saggittario pluribus aliis argumentis confutatus est Harmon. Passionis Domini par. 1. cap. 4. num. 47. Nec pluris facienda est etiam alia quorundam Interpretum illius Prophetiæ explicatio de Juda Machabæo. Rex enim numquam salutatus est Judas, quemadmodum neque Zorobabel, nec qui post eum Machabæi regia potiti sunt dignitate, e David erant prognati, ut observavit Lamy lib. 5. cap. 1. Harm. Evang. §. *Hoc autem totum factum est.* Addit etiam a Propheta virum describi pauperem, *ipse pauper*, quod neque de Juda Machabæo, nec de Zorobabele potest intelligi, qui potens opibus erat, Templumque ædificavit; Evangelistas autem ea Prophetia apposite usos esse, quo Judæi, qui Christum Jesum, quod neque viribus armisque instructus, nec opibus esset conspicuus, contemnebant, pauperem futurum fuisse Messiam, & pauperis speciem allaturum, juxta ipsa Prophetæ verba, intelligerent.

*Processio in
Dominica Pal-
marum in me-
moriam tri-
umphalis Christi
ingressus in
Hierusalem.*

16 Triumphalem igitur Christi Domini ingressum in Hierusalem in Palmarum, Olivarumque benedictione, & in hujus diei Processione nobis proponit Ecclesia. Sacræ Solemnitatis initium sumitur ab illis verbis, *Hosanna Filio David &c.* Cantatur Evangelium S. Matthæi a nobis supra commemoratum; deinde Sacerdos Deum orat, ut quemadmodum fidelis Populus vestimentis, Palmarumque ramis viam constravit, ita nobis detur, unde Fidei viam paremus, a qua sublato omni lapide, & scandalo, in iustitiæ ramis opera nostra frondecant. Palmæ deinde populo distribuuntur, & fit Processio, in qua cantantur Antiphonæ & Orationes, quæ omnes ad triumphalem Domini Jesu ingressum in Hierusalem pertinent. Prodit ex Ecclesia Processio: duo, quatuorve Cantores in eam ingressi clauso ostio, & ad Processionem, quæ forinsecus est, facie conversa, primos duos versus canunt ex Hymno *Gloria, laus, & honor &c.* quos ingeminat Sacerdos, cæterique qui foris sunt. Deinde qui intus sunt, reliquos versus, sive omnes, seu partem canunt. Subdiaconus Crucis hasta pulsât ostium, quo aperto, Processio Ecclesiam ingreditur cantans: *Ingrediente Domino in sanctam Civitatem, Hebræorum pueri Resurrectionem vitæ prænuñtantes, cum ramis Palmarum Hosanna clamabant in Exselsis*; & quæ sequuntur. Tandem celebratur Missa, nec rami Palma-

Palmarum, vel Olivarum in manibus tenentur, nisi cum cantatur Passio, & Evangelium.

17 De ea Processione in hunc modum loquitur Ivo Carnotensis ferm. in Ramis Palmarum: *Hominem humilem super Asinam viderunt* (Hierosolymitani) *& tamen triumphalem ei gloriam ramos arborum portando, & per viam sternendo exhibuerunt, laudes ei imperiales cecinerunt, quia presago spiritu cum triumphatorem Diaboli, & mortis, & vite largitorem cognoverunt. Hujus turbe, carissimi Fratres, formam representatis, cum videntes ramos arborum post vexillum sanctæ Crucis in manibus portatis. Et bene representatis, siquod virore signatur in manibus, semper teneatur in moribus; si non bieme decidat, si non æstate marcescat, ut dicere possitis cum Psalmista: Benedicam Domino in omni tempore; semper laus ejus in ore meo. Et egregie Isidorus de Officiis Ecclesiasticis lib. 1. cap. 27. In ramis enim, inquit, palmarum significabatur victoria, quaerat Dominus mortem moriendo superaturus, & trophæo Crucis de Diabolo mortis Principe triumphaturus. In asello autem, super quem sedendo Hierosolimam venit, indicabat simplicia corda Gentilitatis, quæ presidendo, atque regendo perducebat ad visionem pacis.*

18 Hymnus ille *Gloria, laus, & honor*, qui cantatur, postquam ad Ecclesiæ officium Processio pervenerit, a quibusdam tribuitur Theodulpho Abbati Floriacensi, qui postea fuit Episcopus Aurelianensis seculo nono. Andegavis detentum in vinculis, quod cum filiis Ludovici Pii in illum Imperatorem conjurasset, ferunt illum hymnum a se compositum cecinisse, cum Imperator in palmarum Processione secus carcerem præteriret; carmenque adeo illi fuisse probatum, ut veniam & libertatem Auctori impetraverit, eumque in piissimi Principis gratiam reduxerit. Vide Baron. ad. ann. Chr. 835. num. 3. & 4. Fleury Hist. Eccl. tom. 10. lib. 46. pag. 205. edit. Parisien. ann. 1717. Durandum lib. 6. cap. 67. Gavantum ad Rubricas Missalis Romani par. 4. tit. 4. in Notis §. 16. Eruditi quidam viri nonnihil ea in re difficultatis reperiunt. Quod enim Andegavis id contigisse dicatur Dominica Palmarum anno 818. videtur sustineri non posse, quod Imperator illa die ab ea urbe abesset. Præterea Alcuinus de Divinis Officiis lib. 1. cap. 14. mentionem injicit ejus hymni; cumque opus illud suum anno 778. conscripserit, inde, inferunt, Theodulphum neque illius hymni auctorem esse, neque illum ea occasione cecinisse. Atque ita disputat Menardus in Notis ad lib. Sacramentorum S. Gregorii pag. 56. Bellorte in observationibus ad Ritus Ecclesiæ Laudunensis pag. 785. Macrus in notitia vocabulorum

Eccle-

Palma Isa-
nis Carnoten-
verba de eo
Processione,
Isidori de Pal-
mis, & Asello.

Quis auctor
illius Hymni?
Gloria, laus,
& honor.

Ecclesiasticorum verbo *Palmarum Festum*, & Sarnellus Episcopus Vigiliensis Epistolar. Ecclesiast. tom. 9. Epist. 16. Sed tamen hæc in re duo sunt: primum est, Theodulphum hymni esse auctorem: alterum, cecinisse carmen illud Imperatore prope carcerem transeunte, ipsumque propterea e vinculis dimissum. Cum autem duo hæc ita nexa non sint, ut unius veritas ab alterius veritate pendeat, nihil profecto causæ est, cur a communi sententia recedamus, quæ auctoritate fulcitur gravis Scriptoris Lupi Ferrariensis Epist. 10. ut optime rem hanc expendit Martene De Antiqua Ecclesiæ disciplina in Divinis celebrandis Officiis in Dominica Palmarum cap. 20. num. 13. & Bailletus Historia festi hujus Dominicæ num. 4. Quod autem Alcuinus Theodulpho præmortuus in Opere de Divinis Officiis illius hymni mentionem fecerit, id sane nihil est, cum pene omnium doctorum virorum consensu Opus illud, quod sub Alcuini nomine circumfertur, ab aliquo undecimi seculi Scriptore compositum sit.

Quid significet in ea Processione ostium Ecclesiæ occlusum, deinde reſeratum.

19 Ostium deinde Ecclesiæ, ut diximus, aperitur, quod antea erat occlusum, ut hinc intelligamus clausum fuisse hominibus calum Adamo peccante; nec nisi Christi morte fuisse reſeratum: verba sunt Amati Pouget in Institutionib. Catholicis tom. 1. par. 2. sect. 4. cap. 2. §. 9.

Ritus benedicens Palmis octavo seculo longe vetustior.

20 Affirmat Martene satis audacter citat. cap. 10. num. 2. nullum hujus ritus benedicendi Palmas reperiri vestigium ant octavum nonumve seculum. Cui sententiæ magnam adfirmare si dem videtur Kalendarium Romanum octavi seculi a Frontone editum, ubi sermo quidem fit de hac Dominica, sed de Palmarum benedictione omnino siletur. Verum eruditus vir P. Meratus Clericus Regularis, & Sacri Rituum Congregationis Consultor 2. par. tom. 1. pag. 1004. plura affert validissima argumenta, quibus illius ritus vetustatem evincit. Profert enim antiquissimum Romanæ Ecclesiæ Kalendarium sub quarti seculi finem, aut initio quinti scriptum, a Martene editum ad calcem anecdotorum, ubi legitur: *Dominica ad Palmas ad S. Joannem in Lateranis*. Affert & Sacramentarium S. Gelasii, in quo hujus Dominicæ titulus est ejusmodi, *Dominica in Palmas de Passione Domini*. Item Sacramentarium S. Gregorii Magni a Menardo editum, ubi in Oratione, quæ communionem præcedit, expressis verbis mentio fit Fidelis Populi, qui ea die aderat cum frondibus & ramis palmarum. Et quamvis Græcolas Commentar. Historic. ad Breviar. Roman. lib. 2. cap. 53. suspicetur, eam orationem Sacramentario S. Gregorii posterioribus temporibus additam; tamen cum ea reperiat in Codice Sacramentarii vetustissimo ante octingentos annos

annos scripto e Bibliotheca Christianæ Svecorum Regiæ, quem Codicem vidit, & diligenter inspexit Venerabilis Cardinalis Thomisus, non octavo, vel nono seculo Ritus benedicens palmas tribuendus videtur, sed longe vetustior existimandus.

21 Plures in hac Dominica juxta veterem disciplinam ritus erant, qui nunc deserti obsolevere. Catechumenorum quidam Competentes appellati: hi Christiana doctrina instructi petebant sacro Baptismate ablui; tempusque expectabant, quo illud Sacramentum conferri solitum esset: Baptismus autem, ut alibi docebimus, Sabbatho ante Dominicam Resurrectionis solemniter ritu conferebatur. Quamobrem Augustinus lib. de Cura pro mortuis cap. 12. n. 14. col. 525. tom. 6. oper. *Pascha*, inquit, *jam propinquabat, dedit nomen inter alios Competentes*. Et S. Isidorus lib. 7. orig. cap. 14. verbum illud *Competentes* explicans ait: *Competens vocatur; qui post instructionem Fidei competit gratiam Christi, inde Et a petendo Competens vocatur*. Cum quo consentit Auctor de Divinis Officiis, qui liber Alcuino vulgo adscribitur pag. 53. *Pascha petitur, sive Competentium dicitur, quia hodie Symbolum Competentibus tradebatur propter confinem Dominica Pasche solemnitatem, ut qui jam ad Dei gratiam percipiendam festinant; fidem quam consentientur cognoscant. Competentes enim quasi simul petentes dicuntur, id est gratiam Christi petentes*. Atque huic generi Catechumenorum, qui *Competentes* nominabantur, licebat manere in Ecclesia lecto Missæ Evangelio; unde alii Catechumeni arcebantur, ut Symbolum audirent, & Fidelium oblationi interessent: tamen, simul ac Canon inciperet, illico abibant, ut videre est in ordine Romano. His ipsis Competentibus Symbolum; quod per partes aliis diebus, qui scrutinii dies dicebantur, explicatum fuerat, univrsum integrumque hac Dominica exponebatur. Inde frequens huic Dominicæ nomen: *Pascha petitur, sive Competentium*.

De ritibus, qui olim in hac Dominica servabantur, nunc autem obsoleverunt. Catechumenis Competentibus integrum explicabatur Symbolum.

22 Cum Sabbatho Sancto infantes quoque baptizentur, iis, qui Baptismate ablucendi essent, caput hac dominica lavari mos erat; ut mundum caput præberent sacro oleo, quo in Baptismo essent ungendi. Nam in Quadragesima, quemadmodum etiam quavis alia jejunii die, ab omni cujusque modi ablutione prohibebantur. Quamobrem interdum hæc Dominica appellatur *Capitolavium*, ut observat Gavantus ad Rubric. Missalis Rom. part. 4. Tit. 7. *de Dominica de Passione, & de Hebdomada Majori* num. 6. Idque confirmatur ex S. Isidoro lib. 1. de Divinis officiis cap. 27. ubi ait: *Tunc (in hac scilicet Dominica) moris est lavanda capita Infantum, qui ungendi sunt, ne forte observatione Quadragesimæ*

Caput infantibus baptizandis Sabbatho Sancto, in hac Dominica ablucatur.

dragesimæ sordida ad unctionem accederent. In quarundam Civitatum Ecclesiis in more positum erat; ut in Processione Crux nuda & detecta præferretur; in aliis veluti in triumphi pompa facer Evangeliorum liber, in quibusdam etiam sanctissima Eucharistia gestaretur. Vid. Martene cit. cap. 20. num. 9. & sequent. Baillet. Histor. Festi hujus dici num. 4. & Mabillon. Musci Italic. tom. 2. in Commentar. ad Ordinem Roman. pag. 66. edit. Parisien. ann. 1724.

*Orientalium
ritus in Do-
minica Pal-
marum.*

23 Eruditus vir Jacobus Goarius in Notis ad Eucholog. Græcorum pag. 745. ritum accuratissime exponit, quo Ecclesia Orientalis celebrat hujus dici solemnia. Et Macrus loc. cit. narrat, Maronitis illud moris esse, ut in Ecclesia integram Olivæ arborem illuc illatam statuunt; eamque benedictam ei, qui eleemosynæ nomine plus offerat, adjudicent. Ille autem, qui arboris dominus factus fuerit, in Processione Olivam, & suum ipsius filium, seu quemvis alium puerum arbori impositum, a cognatis & affinis adjutus, inter lætas acclamationes gestat erectam. Ac deinde, absoluta Processione, omnes impetum in arborem faciunt, & ramusculum sibi quisque revellit, ut suæ pietati, ac devotioni satisfaciat. Gretserus tom. 5. suorum Operum nuperrimæ edit. lib. 1. de sacris Processionibus cap. 18. scribit de solemnī Processione, quæ Dominica Palmarum sit Hierosolymæ. Accuratio tamen ejus Processionis descriptio habetur apud Quaresmium elucidat. Terræ Sanctæ lib. 4. cap. 11. tom. 2. ubi narrat, Antistitem, impositis a fello vestibus, illo inequitantem e Monte Olivarum venire, & Hierosolymam ingredi, cui occurrunt alii Ecclesiastici cæterique Fideles, qui viam suis palliis, herbis, & floribus sternunt; quæ cæremônia magna celebratur pompa in oculis infidelium, & Christiani nominis hostium, qui eam peragi patiuntur; quod nimia siccitate olim crescentes agros uberrima pluvia Deus recreaverit post Processionem, qua Guardianus, & Fratres Terræ Sanctæ a Deo pluviam illam imploraverant, ut videre est ibid. cap. 12.

Romani Pontifices in hac Dominica eleemosynam largiebantur.

24 Sed huic sermoni nostro de Dominica Palmarum, denique iis ritibus, qui in ea quondam servabantur, nunc autem obsoleverunt, antequam finem imponamus, observandum putamus, quod in libro Sacramentorum S. Gregorii edito a Pamelio tom. 2. pag. 105. & 244. adnotatum legimus, Papam in Sabbatho, quod Dominicam Palmarum præcedit, eleemosynam largiri solitum: *Sabbatum vacat: Dominus Papa eleemosynam facit.* Aliis quoque diebus Romani Pontifices eleemosynas dispertiebant, ut apparet in vita Zachariæ Pontificis apud Anastasium tom. 4. sect. 226. pag. 222: in qua legitur, constituisse illum Pontificem crebris diebus

bus alimentorum sumptus, qui & eleemosyna usque nunc appellatur, de Venerabili Patriarchio a paracellariis pauperibus, & peregrinis, qui ad Beatum Petrum morantur, deportari, eisque erogari, nec non & omnibus inopibus, & infirmis per universas Regionis istius Romane Urbis constitutis. Sed quæ hoc Sabbatho distribuebatur, multo erat largior in Magdalene memoriam, quæ libra unguenti accepta Christi Domini unxit pedes. Quamobrem in allato Alcuini libro pag. 52. ex Collectione complurium Auctorum, qui de Ecclesiasticis Officiis scripserunt, edita Colonia anno 1568. leguntur hæc verba: *Unde Apostolicus vir in memoriam devotissima mulieris, membris Christi hodie facit, quod ipsa fecit Capiti; & ideo a statione publica vacat; non tamen a celebratione Missæ, quia huic negotio insistit.* De ea eleemosyna meminit etiam Martene cap. 19. num. 28. ubi auctoritatem affert Grimoldi Abbatis, qui in Præfatione libri Sacramentorum a Pamelio editi ait, Papam ea die Stationi adesse non consuevisse, ut in superioribus diebus, ut otium sibi esset, quo egenis eleemosynam distribueret. De eadem re loquitur etiam Mabillon loc. cit. pag. 64.

25 Hoc eodem Sabbatho ante Dominicam Palmarum in Calendario edito a Frontone pag. 160. legitur, fermentum dari solitum esse: *Sabbatho datur fermentum in Consistorio Lateranensi.* Fermentum illud, quod Sabbatho ante Dominicam Palmarum in Consistorio Lateranensi Pontifex dispertiebat, quid tandem sit, magna est inter sacrarum antiquitatum cultores controversia. Quantum in his rebus valeret Venerabilis Cardinalis Thomasi singularis, & summa doctrina, qui nesciat puto esse neminem. Ea de re vir magnus a Joanne Ciampino studiis, editisque pluribus operibus celebri viro rogatus, ut si quid sibi esset exploratum, exponeret, respondit: in more fuisse, ut singulis Dominicis fermentum, scilicet Sacramentum Corporis Christi Romanus Pontifex mitteret Titulorum Urbis Presbyteris, idest Parochis Urbis, quod ab ipsis Missam celebrantibus sumebatur. Episcopi vero Suburbicarii Romano Pontifici proxime subiecti tamquam Metropolitanis, appetente Paschate, Romam suos mittebant Acolythos; qui acceptum fermentum ad se afferrent. Neque tamen id ab omnibus factitatum Episcopis Metropolitanæ jurisdictioni Pontificis Romani subiectis, puta ab Episcopis Apuliæ, Calabriæ, Aprutii, Siciliæ, & Corsicæ, sed ab Episcopis Romæ vicinioribus, qui fermentum, seu Eucharistiam intra octo dies absumerent, ne species corrumpere-
rentur. Et quamquam Romanus Pontifex Dominica Palmarum Missam celebrabat, &, ut mos erat, Romanis Presbyteris mitte-

De fermento,
quod Salubr-
simo ante hanc
Dominicam,
Palmarum die
dispertiebat Ro-
manus Pon-
tife.

bat eadem die fermentum; tamen ut Episcoporum commodo, qui longius abessent, consuleretur, præcedenti Sabbato tempus ejusmodi distributionis antecapere solebat, quo Episcopus, qui in Paschatis die coram Papa Eucharistiam sumere non possent, saltem copia, & facultas esset Sacramentum sumendi, quod sibi a Pontifice missum esset. Videatur Card. Thomasi Epistola ea de re ad Ciampinum scripta, quam idem Ciampinus edidit in suo Opere *De perpetuo Azymorum usu* cap. 9. pag. 214. & sequentibus. & Martene loc. cit. num. 27. Narrat Mabillonius in Museo Italico tom. 1. pag. 132. se cum Cardinali Thomasio, qui tum temporis Clericus erat Regularis, sermonem habuisse de significatione vocis *Fermenti*, & cum eo statuisset, nihil aliud fuisse fermentum, quam Eucharistiam. Idem confirmat in *Analectis* tom. 4. pag. 60. & in *Commentariis* ad Ordinem Romanum cap. 6. pag. 38. ubi exponit, quæ in primo Ordine Romano peragenda præscribuntur in Missa, quæ in aliqua Ecclesia, ubi esset Statio, ab Episcopo celebraretur; quo in loco jubetur Subdiaconus tradere Archidiacono *Fermenti* particulam, quod a Papa consecratum fuit, ut Episcopus dicens, *Pan Domini sit semper vobiscum*, illam immittat in calicem. Eundem significatum huic voci *fermentum* tribuunt idem Auctor in Dissertatione de Azymo, & fermentato cap. 10. Pagius Senior Critic. ad Annales Baronii ad annum 313. num. 18. Pagius junior in vita Innocentii I. num. 8. & Scriptor Anonymus in *Delectu Actorum Ecclesie universalis* tom. 2. pag. 180. & 181. Neque tamen inde quisquam arguere possit, quod nonnemo suspicari usus est, Presbyteros in Missa tunc panem non consecrassent, sed panem a Pontifice consecratum comedissent, ceterisque, qui communicare velent, præbuisse. Panem enim Presbyteri consecrabant, quem una cum Eucharistia sibi a Romano Pontifice missa distribuiebant, ut observat Card. Bona Rer. Liturgic. lib. 1. cap. 23. num. 17. Illud quoque perperam infertur, non azymum, sed fermentatum panem consecrari consuevisse, ut bene advertit Petrus Constantius tom. 1. Epist. Roman. Pontificum pag. 859. Neque verendum, ne hac postrema intelligentia eorum invehitur opinio, quæ Eucharistiam ex fermentato pane olim in Ecclesia Latina confectam putant. Valde enim leve est, quod inde in opinionis hujus gratiam adducitur argumentum. Quippe venerandum illud Sacramentum pro illorum temporum consuetudine, quæ sacræ rei arcanum profanis tegere affectabant, cum ad Ecclesias mitteretur, oppositum erat fermentum, ut, quemadmodum fermentum in farinam immixtum, eique commixtum totam conglutinat, ita eis quoddam unionis, etque communionis mutua vinculum esse significaretur.

Ful-

Fulbertus Carnotensis in Epistola ad Pinardum, seu Finardum narrat, morem illum fuisse, ut novus Sacerdos ab Episcopo ordinatus ab ejus manibus Hostiam acciperet, quam in plures divisam particulas per quadraginta dies, qui Ordinationem confecerentur, absumeret in memoriam quadraginta dierum, quibus Christus suscitatus a mortuis, antequam in Cœlum ascenderet, Apostolis manifestus apparuit; quæ quidem non universalis Ecclesiæ, sed peculiaris fuit Provinciæ disciplina. Videatur Claudius Espenæus lib. 2. de Eucharistiæ adoratione cap. 14. Atque ea super re dicendum omnino videtur, quod juxta Cardinalis Bonæ sententiam paulo ante attulimus, novos nempe Sacerdotes per quadraginta illos dies Missam celebrasse, & consecrassse panem, quem una cum particula Hostiæ ab Episcopo sibi traditæ in Ordinatione sumerent.

26 Nunc vero, si quem ipsi nobis præscripsimus ordinem sequi velimus, de Feria quinta Majoris Hebdomadæ agendum est. Verum plura de Feria quarta opus est dicere, antequam de Feria quinta sermonem instituamus. Nam ea die post prandium cantantur in Ecclesia Matutinum, & Laudes Feriæ quintæ; & Feria quinta post prandium pariter Matutinum, & Laudes Feriæ sextæ; & Feria sexta denique itidem post prandium Matutinum, & Laudes Sabbathi Sancti. Nec illud prætereundum, scelestum Judam feria quarta de venditione, & proditione Christi Domini egisse; quam ob causam primis Ecclesiæ temporibus duo in hebdomada jejunia erant indicta; alterum Feria quarta, ob eam rationem, quam modo attulimus; Feria sexta alterum, in mortis Jesu Christi memoriam, ut testatur D. Augustinus Epist. ad Casul. aliique complures, quos refert Baronius ad annum Chr. 34. §. 168.

Duo in hebdomada jejunia indicta. Quarta, & Sexta feria ob proditionem Judæ, & Christi mortem.

CAPUT V.

De Matutinis Tenebrarum, quæ Quarta, Quinta, & Sexta Feria Vesperis recitantur.

1 **A**D ea igitur Officia, quæ his diebus recitantur, quæque Officia Tenebrarum appellari solent, sermonem convertimus. In iis id unum Ecclesia videtur tantummodo studuisse, ut suum mœrorem, luctumque, dolorisque sui sensus omnino significaret. Non a suavis illis invocationibus Officium incipit, quibus Deum orat, ut canendis ejus laudibus labia sibi aperiat. Nullum in iis invitatorium: Psalmi hymno illo *Gloria Patri* careant omnes: nulli hymni, non benedictiones, non Capitula; ut

De tribus Matutinis Tenebrarum, ac præcipuis de Lectionibus: cu Tenebris Tenebris.

rerum omnium oblitam Ecclesiam, & ab omni alia cogitatione avocatum, in eo tantum versari merito dixeris, ut de peccatis humani generis ingemiscat, & Christi Redemptoris cruciatibus illacrymetur. In Matutino Feriæ Quintæ primi Nocturni lectiones sunt ex Threnis Hieremiæ, quibus Propheta Hierosolymæ deflet excidium, multoque gravius super sceleribus, quibus Deum Civitas illa irritaverat, ingemiscit. In Matutino Feriæ sextæ, in primi itidem Nocturni lectionibus excisam Hierosolymam deflet, cujus ruinis, Synagoga disjecta, sancta Ecclesia nostra inædificata fuit: in tertia autem lectione de suo statu præsertim Propheta conqueritur, & in iis animi angustii Redemptoris nostri dolores exprimit, nam in altam fossam, veluti seductor, dejectus fuerat, ut in ea, ope omni destitutus interiret. In Matutino denique Sabbathi Sancti lectione prima Hieremias miserrimi hominis exprimit formam, qui in solitudine dolet, sed tacitus dolet, erectoque animo spem omnem in Dei auxilio, & ope reponit. Cujusmodi hominis, Servatoris nostri, ejusque invictæ patientiæ, & mirificæ mansuetudinis exemplar videmus expressum. In duabus quæ sequuntur ejusdem Nocturni lectionibus, excisum, dirutumque Templum, Patriam misere everfam, extremamque rerum omnium deflet inopiam, qua florentes olim, & beati ejus Cives tunc temporis premebantur: ea porro de afflictis, perditisque Gentis suæ rebus querela perfunctus, suas ad Deum preces convertit, ut tot mala perpeffam gentem, tandem placatus recipiat in gratiam, ejusque augores, & contumelias respiciat. Hoc tempore, quo hæc officia recitantur, magnum ante Altare ponitur Candelabrum, cujus figura est ad formam trianguli. Plures illi candelæ accensæ imponuntur, quarum singulæ singulis expletis Psalmis extinguuntur; una tantum excepta, quæ sub Altare accensa occultatur. Post canticum *Benedictus* paullulum obstreperitur: deinde producta, quæ sub Altari latebat, candela, surgunt omnes, ac taciti abeunt, ut videre est in Cæremoniali Episcoporum lib. 2. cap. 22.

Olim hæc officia nostri canebantur. De vocibus illis Aleph, Beth in Threnis Hieremiæ. Veritas resillitur.

2 Magnam profecto reprehensionem non effugeret, qui Ecclesiæ addictus nesciret, primis Ecclesiæ temporibus Christianos solitos fuisse nocte intempesta surgere ad psallendum; quam consuetudinem ab omni Fidelium multitudine tunc temporis servatam, quidam tantummodo Ecclesiasticorum, & Religiosorum Ordines retinuerunt. Multæ causæ extitere, quibus illiusmodi pervigilia nocturna sublata sunt: cujus moris veluti quædam umbra etiamnum extat in Matutinis horum dierum, quæ post solis occasum absolvi solent, ac propterea dicuntur Matutina Tenebrarum. In vetustissimo quodam Ordine Romano, ex iis primo qui a Mabillonio editi

editi sunt in Museo Italico cap.5. pag.19. tom.2. præscribitur, ut his diebus cantetur Matutinum media nocte: *Media nocte surgendum est*. Verum multa ante secula mos introductus, exemplo etiam Romanæ Ecclesiæ præeunte, ut ea Matutina cantentur post prandium, ut apparet ex Ordine Romano Jacobi Cajetani cap.82. & apud Petrum Amelium cap.62. pag.480. ubi præscribitur, in die Mercurii de sero hora competenti Dominus Papa venit ad officium Matutinarum cum Cblamyde de Scarletto cum Capuceo extenso super fronte, non replicato, & sine Mitra. De Invitatorio, de Hymnis, de Lectionibus, de Capitulis, de Benedictionibus si quis scire cupiat eorum originem, & usum, quatenus spectant ad Officia Divina, adeat Cardinalem Bonam in tractatu de Divina Psalmodia cap.16. Nos illud hic tantummodo observabimus, in Lamentationibus ex Hieremiæ Threnis desumptis, quæ in primis Nocturnis pressis, & flebilibus modis concinuntur, voces illas occurrere Aleph, Beth, Ghimel, quod acrostichide compositæ, primæ stropharum omnium litteræ servant Alphabeti Hebraici ordinem. Ordo hic in versione Threnorum in alium ex Hebraico sermonem cum minime retineri potuerit, Ecclesiæ placuit, ut sua cuique strophæ initialis littera Hebraica præmittatur, ut optime observat eruditus vir Alexander Mazzinellus studiis in Seminario Montis-Falisci olim Præfectus in officio Hebdomadæ Majoris pag.94. & p.365. Quod injuria improbat Vertus in Explicat. Cæremon. Ecclesiæ tom.4. pag.431. qui audacter negat, eas canendas esse voces, quæ nihil aliud sint, quam sigla quædam, & numeri, qui versus distinguant. Cum enim propter eam, quam modo attulimus rationem in Lamentationibus retentæ sint, nil causæ est, quin & recitentur, dum recitamus Lamentationes, & concinantur, cum Lamentationes concinimus.

3 De luminibus in cujusque Psalmi fine extinguendis loquitur Amalarius Fortunatus lib.4. de Ecclesiasticis Officiis cap.22. *Illuminatur nostra Ecclesia vigintiquatuor luminibus, & per singula Cantica, in quibus non oportet exultare, decidimus mæstitia, quia verus Sol noster occubuit, & sic quasi per singulas horas defestus Solis augetur usque ad plenam extinctionem. Hoc enim fit ter, quia triduo recolitur Sepultura Domini. Et lib. de Ordine Antiphonarii cap.44. ait, consuetudinem fuisse in Ecclesia, ut Feria Quinta, & Sexta, & Sabbatho Majoris Hebdomadæ lumina extinguerentur, rogatumque a se Theodorum Romanæ Ecclesiæ Archiepiscopum respondisse: Soleo esse cum Apostolico in Lateranis, quando Officium celebratur de Cæna Domini. Nihil enim ibi in eadem nocte observatur de extinctione luminum. In feria sexta nullum lumen*

Ratio cur singulis quibusque psalmis expleti luminibus singula extinguantur.

lumen habetur Lampadum, sive Cereorum in Ecclesia in Hierusalem, quamdiu Dominus Apostolicus ibi orationes solemnes facit, aut quamdiu Crux salutatur. Quæ verba si ita intelligenda sint, ut in Matutino Feriæ Quintæ in Cœna Domini nulla tunc esset in Capella Papæ extinguendorum luminum in fine cujusque Psalmi consuetudo; certissimum tamen est, eandem, quæ in aliis Ecclesiis obtinet, etiam in Capella Papæ esse hoc tempore consuetudinem, ut habetur in Cæmoniali Romano, quod tribuitur Marcello Archiepiscopo Coreyrensi lib. 2. cap. 42. Penitur Candelabrum in superiore parte triangulari aptum pro quindecim Candelis unus libra pro qualibet &c. Ad finem cujuslibet Psalmi tam in Matutinis, quam in Laudibus Cæmoniarum solita reverentia Papa accedit ad Candelabrum quindecim Candelarum, & extinguit unam ex Candelis &c. Cum incipitur Benediculus, Papa surgit stans delecto capite versus ad Altare. Remanet una Candela super Candelabrum. Interim extinguuntur per Cæmoniarum Candela supra Altare paulatim, qui ita dispensat tempus, ut in ultimo versu extinguat ultimam Candelam &c. Finita Oratione Cæmoniarum incipit pulsare manibus super gradum Altaris, vel aliquod scabellum, & omnes faciunt fragorem, & strepitum aliquantulum. Et mox Cæmoniarum profert Candelam accensam, & omnia silent: surgunt, & discedunt.

De Candelis
ad cujusque
finem Psalmi
extinguendis
opinio Verti.

4 De luminibus, expleto quolibet Psalmo, extinguendis agit Martene, & confirmat ejusmodi consuetudinem de Antiqua Ecclesiæ disciplina cap. 22. §. 1. num. 2. Bailletus Histor. Officii Feriæ Quintæ in Cœna Domini §. 6. num. 17. & 18. ait, eam Officiorum formam, quæ his diebus cantantur sine Hymnis, sine Benedictionibus, omissis Capitulis, Gloria Patri &c. a Scriptoribus illuc referri, quod Ecclesia nimirum voluerit doloris sui sensus ob illam Christo crudelissimam necem significare. Sed pias hæc cogitationes nullo veritatis fundamento fulciri: nullam enim aliam esse causam, quamobrem his diebus illiusmodi recitentur Officia, quam quod vetustissimis temporibus ad hunc modum singulis diebus Officia recitarentur; nihil autem in Breviarii Reformationibus, quod ad hos dies pertineret, innovari placuisse; ideoque quicquid ad Officia hujus Hebdomadæ spectat, ad vetustum Officiorum exemplum retentum esse. Addit etiam plura esse in iis Officiis, quæ rectius prætermitti possent, præsertim illo strepitus, qui in eorum fine edi solet, ac multo meliori consilio revocandam videri veterem illam consuetudinem, quæ in quibusdam Canonicorum Capitulis, & in nonnullis Religiosis Domibus etiamnum manet, ut Episcopi, aliique divites ad suæ quisque domus

domus ostium panem candidum egenis distribuunt, unde Feriæ quintæ dies in Coena Domini, dictus aliquando est *Dies Jovis albus*. Eadem plane premit vestigia Vertus tom. 4. explicat. Cæremoniar. Missæ cum de Officiis agit Majoris Hebdomadæ: & de candelis identidem extinguendis sermonem habens, principio illi suo tenacissime adhæret, sacras Cæremonias e causis naturalibus ortas; earum multis post sæculis excogitatas esse rationes Symbolicas ab hominibus; qui piis meditationibus nimis indulgerent; Candelas in Divinis Officiis, quæ intempesta nocte celebrabantur, ideo adhibitas, ne Fideles in tenebris versarentur: candelarum, albescente aurora, & ut dies illucesceret magis, ita subinde aliquam extingui solitam; ex eo factum esse, ut in Majoris Hebdomadæ Officiis, etsi ea non amplius nocte in diem inclinante celebrantur; sed in die ad vespæram vergente, retineatur tamen luminum extinguendarum consuetudo, nec simul omnia eodem momento temporis restinguantur, sed singillatim, & ordine quodam, sicuti dictum est.

*Vertus a Lang-
leto Episco-
po Sueffonen-
si consultatus.*

§ Hæc vero sacras Cæremonias explicandi ratio satis audax visa est, bonosque viros, & rerum harum peritos vehementer commovit. Quam propterea Vir doctissimus, & Pastoralis flagrans zelo Josephus Langletus Episcopus Sueffionensis præclaro Opere refutavit, cui titulus, *L'Esprit de l'Eglise dans la celebration des mysteres sacrés*. Et sane istiusmodi explicandi ratio non ita facile conciliari potest cum doctrina S. Tridentinæ Synodi, qua Sess. 22. cap. 5. de Sacrificio Missæ docemur, mysticas benedictiones, lumina, vestes, thymiamata, cæteraque ejus generis ab Ecclesiâ Catholica ex Apostolica traditione adhiberi, ut Fidelium mentibus species injiciatur augustior majestatis Sanctissimi Sacrificii Missæ, & ut per hæc Religionis, pietatisque signa, ad altissimarum, Divinarumque rerum, quæ illo continentur Sacrificio, contemplationem eorum animi erigantur. Cumque natura hominum ea sit, ut non facile queat sine adminiculis exterioribus ad rerum Divinarum meditationem suscolliri; propterea pia Mater Ecclesiâ Ritus quosdam, ut scilicet quædam submissa voce, alia vero elatiore in Missa pronuntiarentur, instituit. Cæremonias item addidit, ut mysticas benedictiones, lumina, thymiamata, vestes, aliaque id genus multa ex Apostolica disciplina, & Traditione, quo & majestas tantii Sacrificii commendaretur, & mentes fidelium per hæc visibilia religionis, & pietatis signa ad rerum altissimarum, quæ in hoc Sacrificio latent, contemplationem excitarentur.

*Tournely Item,
ut Langletus,
Symbolicarum*

6 Tractat hoc argumentum Tournely Doctor Sorbonicus in Prælectionibus Theologicis de Sacram. in genere pag. 539. & seq. edit.

*rationum in
sacris cæremoniis
vindex.
Ufus thymiamatis
unde fit.*

edit. Parisien. anni 1726. ubi sententiam vehementer improbatum eorum, qui institutas cæremonias putant ad solas causas seu naturales, seu fortuitas esse referendas, rationesque symbolicas mera esse credunt noni seculi commenta; tum etiam eorum qui cæremonias omnes ad rationem symbolicam revocant, nihilque earum contendunt e naturalibus causis esse profectum. Atque eorum omnem confert, ut, si qui etiam ritus, vel cæremoniæ ex aliqua naturali causa suam originem traxerint, eas nonnisi symbolica quadam ratione convestitas Ecclesia arripuerit. Idem docet etiam Boucat sacræ Theologiæ Doctor Parisiensis tom. 5. de Sacram. in genere disert. 1. de Sacris Cæremoniis. Hanc opinionem mirifice juvat usus sacri thymiamatis, cujus conficiendi modum ad cultum solius Tabernaculi præscripsit Deus Exod. cap. 30. Illud in Sanctissimo Missæ Sacrificio a primis usque temporibus Ecclesia adhibuit, ut apparet in Canone tertio ex iis, qui sub Apostolorum nomine circumferuntur ex vers. Gentiani Herveti coll. Hard. tom. 1. *Ne liceat autem aliquid aliud ad Altare offerre, quam oleum ad luminare, & incensum tempore sanctæ oblationis.* Ait Virtus thymiamatis usum eo fuisse introductum, ut e locis subterraneis, ubi celebrabatur Missa, quod tetri esset odoris, arceretur. Verum D. Tomas 3. par. qu. 83. art. 5. *ad secundum* docet non cæremoniali quidem præcepto, sed Ecclesiastica lege nos iustos thymiamate uti: *Thurificatione non utimur quasi cæremoniali præcepto legis, sed sicut Ecclesia statuto.* Quod si in honorem Sanctissimi Sacramenti quandoque illud incendimus, quo sedetur diffleturque si quæ odoris foeditas sit, eo etiam utimur, ut effectum gratiæ significemus. *Primo quidem ad reverentiam hujus Sacramenti, ut scilicet per bonum odorem depellatur, si quid corporaliter pravi odoris in loco fuerit, quod posset provocare horrorem; secundo pertinet ad representandum effectum gratiæ &c.*

*Ufus luminum
non ad depel-
lendas tantum
tenebras insti-
tutus. Cande-
le etiam in-
terdum accen-
debantur.*

7 Itaque, ut eo revertamur unde digressi sumus, cum eorum sententiam minime liceat amplecti, qui sacros omnes Ritus, & Cæremonias solis naturalibus causis tribuunt, mysticas autem rationes ad octavi, vel noni seculi commenta amandant, nec illam quidem fas est opinionem sequi, quæ statuit, ideo in Matutinis horum dierum ad cuiusque Psalmi finem unam ex candelis extinguere, ut vetus quoquo modo retineretur consuetudo luminum paulatim extinguendorum, pro modo, & ratione diurnæ lucis gradatim accedentis. Nam ii, qui hanc tuentur opinionem, nil aliud causæ fuisse putant, quam obrem in sacris Officiis usus luminum introduceretur, quam ut, depulsis tenebris, Officia noctu recitantibus legere liceret. In celebri Concilio Eliberitani can. 34. ann. 313.

ann.313. pag.254. tom.1. habiti hæc habentur: *Cercos per diem placuit in cœmeterio non incendi: inquietandi enim spiritus Sanctorum non sunt.* Hujus Canonis sensus doctorum virorum valde torquet ingenia. Garzias Loaisa rem acu tetigisse videtur; qui abunde probat, Sanctorum nomine Fideles intelligi; ac per cum Canonem prohiberi, ne quis in Cœmeteriis interdiu lumina accenderet, quorum multitudine impediiebantur Fideles, qui orandi gratia ad Cœmeteria confluebant; ut videre licet tom.1. Collect. Labbeanz Concilior. pag.1222. Itaque primis Ecclesiæ seculis etiam interdiu lumina in Cœmeteriis accendebantur; primisque itidem Ecclesiæ temporibus lumina pariter, cum legeretur Evangelium, accendebantur; etiamsi sol jamdiu exortus luce sua omnia illustraret; quod testatur Hieronymus lib. contra Vigilantium n.8. pag.394. tom.2. oper. *Quando legendum est Evangelium accenduntur luminaria jam sole rutilante, non utique ad fugandas tenebras, sed ad signum lætitiæ demonstrandum.* Digna quoque sunt, quæ huc afferantur, Claudii Espencæi verba lib. de Eucharist. cultu cap.11. pag.1090. ubi postquam ostendit, ritum fuisse in lege veteri, ut ante panes propositionis lumina, & lucernæ accenderentur, qui tamen panes nihilo plus erant, quam typus Eucharistiæ; ac utriusque tum Occidentalis, tum Orientalis Ecclesiæ consuetudinem esse, ut ubi legendum sit Evangelium, ab Acolythis & Ceroferariis lumina afferantur; acriter eos increpat, qui quod ex cærimoniz non jam noctu, sed interdiu celebrantur, tamquam rem inutilem lumina rejiciunt; atque in hunc modum de cercis sic concludit: *Accendantur, deportanturque, non ad tenebras, sole tam rutilante, fugandas; sed ad lætitiæ signum & lucem illam veram sub typo luminis corporci demonstrandam.* Cum igitur in Divinis Officiis usus luminum non eo introductus sit, ut oculis uti liceat, quod est fundamentum omnium commentationum Verti; eo suffosso, quidquid illi superstructum fuerit, necesse est sponte corrui.

8 Nonnulli putant per illud triduum, quo Christus vita caruit, stetisse Fidem in sola B. Virgine Maria, & vel ipsos Apostolos in ea nutasse, juxta illud Matth. cap.26. v.3. *Omnes vos scandalum patiemini.* Et paullo post: *Et dispergentur oves; ad quæ Glossa, idest a veritate fidei solvantur.* Quamobrem cum tota Ecclesiæ ratio in sola B. Maria consisteret, docet Card. Turrecremata lib.1. de Ecclesia cap.30. & lib.3. cap.61. ad id significandum, ab Ecclesia consuetudinem esse invecam paullatim extinguendi in his Matutinis candelas omnes, præter unam. Sed non omnes Theologi huic opinioni suffragantur, scilicet Apostolos

Rationes aliquot symbolice, quibus candelæ subinde ali. post altam extinctionem.

descivisse a Fide, quæ in sola B. Virgine steterit. Neque enim Petrus, cum Christum negavit, culpam aliam admisit, quam quod aperte, & libere Christum ore confiteri veritus est, qui tamen mentem habuit ab omni errore vacuam: neque Christus Joanni, si a Fide excidisset, B. Mariam matrem charissimam suam commendasset. Vide Suarez de Fide, Spe, & Char. Disput. 9. sect. 3. & Melchiorum Canum de Loc. Theolog. lib. 4. cap. 5. Itaque nos alio nosmet convertamus oportet. Observandum igitur est, Rupertum lib. 5. de Divinis Offic. cap. 26. tradere, in his Matutinis etiam ultimam Candelam ea ætate extingui consuevisse; & cap. 28. docet, post extincta omnia lumina, e silice extundi novum ignem, & excitari solitum: ac per priorem quidem candelarum extinctionionem significari necem Prophetis ab Judæorum populo illatam, quo crimine Gens illa excæcata fuit; per extinctionem ultimæ insui Christi Domini mortem, qua Judæorum mentes magis magisque oppletæ tenebris fuerunt; nova autem igne, qui extunderetur e silice, novum significari lumen, quod profectum a Christo, de quo scriptum est in Evangelio, *Petra autem erat Christus*, mentibus Christianorum illuxit.

*Alia ejus res
symbolica
rationes, quæ
commodiores
videntur.*

9 Ejusmodi autem explicationem sane non illibenter amplecteremur, si etiamnum in his Matutinis ultima quoque candela extingueretur. Verum cum illa servetur accensa, horum alterutrum videtur dicendum; vel ea candela significari B. Virginem, quæ per triduum illud, quo Christus mortuus a nobis absuit, claram explicitamque Fidem habuerit de Resurrectione Filii sui; quin ex eo tamen quisquam possit arguere ceteros omnes, ideoque etiam Apostolos in infidelitatem incidisse, qui Resurrectionem Christi explicite credere non tenebantur, nisi post legitimam ejus promulgationem, ut disputat Abulensis quæst. 14. Prolog. in Matthæum, & Venerabilis Bellarminus Card. tom. 2. Controvers. lib. 3. de Ecclesi. milit. cap. 17. Vel, ut observat Mazingellus cit. Opere pag. 85. ideo singulas candelas ex intervallo subinde extingui, quod, cum tempus, quo Christum mori oportuit, adventaret, Discipuli, remisso pristino illo animorum ardore, passim huc illuc aufugerint, promissis non steterint, ac fere omnes ut fuga suæ saluti consulere, Magistrum suum deseruerint; qui autem ad Calvariam montem sequuti sunt Christum Dominum, iidem teteris illis imaginibus aspectuque mortis perculsi pene obstupuerint. Addit idem Auctor, Candela illa, quæ sub altari servatur, accensa pulchre Christum Jesum significari, quem e Cælo delapsum ut universum mundum a multis retro jam seculis in tenebris jacentem suo lumine illustraret, scelerati homines & ingrati extinguere, aut

aut obscurare conati sunt; sed cum maxime credebant illum obscuratum, aut omnino sublatum, tum maxime reviviscentem surgentemque viderunt ad immortalitatem, splendidissimo lumine coruscantem, ab universo mundo prædicari & conspici. Illud quoque ait pag. 124. parvo illo strepitu, qui in fine Laudum in his Matutinis edi solet, magnam illam significari perturbationem confusionemque rerum, quæ, ut alibi demonstrabimus, Christi Domini mortem consequuta est.

CAPUT VI.

De Feria Quinta in Cena Domini.

1 **D**E Matutinis, quæ his diebus recitantur, præmonenda in universum putavimus, quæ hætenus a nobis disputata sunt. Nunc vero de ipsa die Feriæ Quintæ in Cena Domini est dicendum. Missa ejus diei in eo tantum versatur, ut sacra illius Cœnæ redintegretur memoria, in qua Cœna Augustissimum Eucharistiæ Sacramentum institutum est, verumque celebratum Sacrificium. In ea enim nocte, cum homines in Christi necem conjurarent, & scelestus Discipulus Magistri sui proditorem moliretur, maximum ille amoris sui indicium atque omnium luculentissimum ostendere voluit, qui Sacrosanctum Corpus suum hominibus dono dedit.

Missæ hujus diei recollitur memoria Sacrosanctæ Eucharistiæ a Christo institutæ.

2 Narrant Evangelistæ, Dominum Jesum, cum azymorum dies adesset, quæ Pascha immolari lex jubebat, duos ex discipulis suis misisse Petrum, & Joannem, ut pararent Pascha, quod iis dixit una se cum iis velle manducare. At illi dixerunt: Ubi vis paremus? Quibus respondit: Ite in Civitatem; & ecce introeuntibus occurret vobis homo lagenam aquæ bajulans; sequimini eum in domum, in quam intrat, & quocumque introierit dicite patrifamilias domus: Dicit tibi Magister: Tempus meum prope est, apud te facio Pascha cum discipulis meis: ubi est refectio mea? ubi est divorforium, ubi Pascha cum discipulis meis manducem? Ipse vobis demonstrabit coenaculum grande stratum; & illic parate nobis. Et abierunt Discipuli ejus, & venerunt in Civitatem, & invenerunt sicut dixerat illis. Et fecerunt Discipuli, sicut constituit illis Jesus, & paraverunt Pascha. Hæc legantur in Evangeliiis, præsertim apud Matthæum cap. 26. Lucam cap. 22. & Marcum cap. 14. Quam autem ea esset Civitas, in qua Pascha erat celebrandum, *ite in Civitatem*; quis ille Paterfamilias, apud quem Pascha manducandum esset, *ite in Civitatem Et dicetis Patrifamilias*

Historia ex Evangelio de parando Pascha Christo Domino. Quæstionculæ aliquot ad eam historiam illustrandam.

milia domus; quorsum denique aqua illa, quam manibus gerebat is, cui Discipuli occurrissent, *Occurret vobis homo quidam amphoram aque portans*, altum de his omnibus apud Evangelistas silentium. Unde complusculæ extiterunt quæstiones, quas sacri tractant Interpretes, ut historię lux major affluat.

In qua Cloister, & cuius in domo Discipuli paraverint Pascha.

3 Verum quod ad Civitatem pertinet, id quidem in disputationem non cadit. Exploratum est enim, non alibi quam Hierosolymæ celebrandum fuisse Pascha, juxta legem Deuteronomii cap. 16. Ex quo factum est, ut Tito obsidente Hierusalem, Hebræi pene omnes interierint; cœpta enim est ea Civitas obsidione premi, postquam Hebræorum populus ad Pascha celebrandum illuc universus confluerat, quod observat a Lapide in cap. 26. Matth. De Patrefamilias, quis, qualisve fuerit, major est controversia. Hominem fuisse illum paullo copiosorem, & satis instructam, & ornatam domum habuisse, verisimile est; eum etiam Christo probe cognitum, ipsiusque fuisse discipulum, innuere videntur verba illa, *Magister dicit*, ut observat Natalis ab Alexandro in cap. Matth. 26. num. 2. Illud etiam verisimile est, illum Patrefamilias alium ab eo fuisse, qui gerebat aquam, quod eruitur ex textu S. Marci cap. 14. v. 13. *Occurret vobis homo lagenam aque bajulans: sequimini eum, & quocumque introierit, dicite Domino domus, quia Magister dicit &c.* Non enim facile quispiam crediderit, honestum, & fortunatum hominem, cui satis commoda esset domus, ferendæ aquæ laborem suscepisse, ut notat a Lapide ubi supra num. 18. Sed quis ille tandem fuerit, haud temere affirmaverim. Sacri Interpretes alii alias sententias amplexi sunt. Quidam illum putant fuisse Joannem Evangelistam, quod cum Evangelico textu pugnare videtur. Illi enim, & Petro cura demandata est, ut domum quærerent ubi Pascha celebraretur: iis Christus indicia etiam ostendit, quibus eam domum reperirent: eos monuerat, quæ, & quomodo cum Patrefamilias agerent. Quod si Joannes Evangelista illius domus dominus fuisset, nihil opus erat tanto molimine: satis erat, si Christus ei dixisset: Abi cum Petro, & domi tuæ para mihi Pascha. Videatur Baron. ad anni Chr. 34. n. 22. Quidam vero Marcum quemdam illum fuisse putant, qui Joannes Marcus appellaretur, ideoque alius esset ab Evangelista, qui Marcus unico nomine dicebatur. Compertum est enim, Joanni illi Marco Hierosolymæ domum fuisse, quo Fideles & Apostoli post Christi Domini Ascensionem in Cælum conveniebant. De eo fit mentio Act. cap. 12. 13. & 15. Et apud Paul. Epist. ad Colossen. cap. 4. & 2. ad Timoth. cap. 4.

4 Hanc sententiam amplectitur Card. Gottus Verit. Relig. Christi. tom. 4. par. 2. cap. 23. §. 4. num. 28. eamque jam antea sequutus erat Serry Exercit. § 1. num. 8. ubi etiam ait, hanc Joannis Marci domum in Ecclesiam fuisse conversam, quæ Ecclesia Sion vulgo nominabatur. At Calmetus in cap. 26. Matth. num. 18. declarat, se huic sententiæ minime posse suffragari, quam nullo videat suffultam sacræ antiquitatis fundamento. Ad eundem plane modum disputat Tillemontius Not. 26. ad vitam Jesu Chr. Putat Mauduit dissert. 30. Alphæi, & Mariæ, Jacobi minoris parentum, fuisse domum illam, ubi Pascha Christus celebraverit. Id vero nec ex Evangelico textu eruitur, nec ad ullam ex his opinionibus stabiliendam quidquam affertur, quod alicujus esse pretii videatur. Concludendum itaque cum Gravefono de Myster. & annis Christi dissertat. 9. in fine, de hac re nihil plane liquere. Calmetus autem loc. cit. monet, probabiliter dici posse, aquam illam, quam gerebat is, quem Apostoli jussu Domini sunt sequuti, fuisse subigendo azymo adhibendam, de quo pane infra dicemus. Bene ac sapienter ea de re Maldonatus in Matth. cap. 26. v. 18. *Sed quis homo, inquit, ille fuerit, cogendi non sumus dicere; nec enim Evangelistis, qui cum nominare noluerunt, sapientiores sumus; sed si sequamur quo veritatis ducit similitudo, probabile nobis videtur esse, Judæum aliquem fuisse, hominem divitem & nobilem, qui in Christum credidisset, illique esset familiaris; sed occulte tamen, qualem Josephum ab Arimathea, & Nicodemum fuisse legimus Joan. 19. 38. & 39. Itaque si quis aliquem ex illis fuisse suspicetur, temerarium non judicaverim, modo suspicetur, non affirmet; nam Cœnaculum magnum & bene ornatum ostendit non plebeum fuisse hominem: quod Christus Magister illi appellatur, indicat fuisse discipulum: quod jubet illi dici: Tempus meum prope est, declarat fuisse familiarem.*

Quis Paterfamilias ille fuerit, cujus domus peratum est Pascha Christus, plane non liquet.

5 Loco cæterisque rebus, quibus celebrandæ Paschæ opus erat, probe jam paratis, testantur Evangelistæ, Christum Jesum Pascha cum discipulis suis comedisse. Ita Matthæus cap. 26. v. 19. 20. *Et fecerant Discipuli sicut constituit illis Jesus, & paraverunt Pascha. Vespere autem facta, discumbebat cum duodecim Discipulis suis.* Et S. Marcus cap. 14. v. 16. *Paraverunt Pascha. Vespere autem facta, venit cum duodecim, & discumbentibus eis, & manducantibus eis Jesus.* Et S. Lucas cap. 13. v. 22. *Paraverunt Pascha, & cum facta esset hora, discubuit, & duodecim Apostoli cum eo; & ait illis: Desiderio desideravi hoc Pascha manducare vobiscum, ansequam patiar.* Ita denique S. Joannes cap. 13. ut ex toto contextu videre licet.

Christus cum Discipulis comedit Pascha.

*An Christus
postremo vlti-
ma anno le-
gale Pascha
celebraverit.*

6 Nullus igitur est dubitandi locus, quin Jesus Christus Servator noster una cum discipulis suis celebraverit Pascha. In lege Moy-
sis jubetur quisque celebrare Pascha, ut legitur in lib. Numer. cap. 9. v. 13. *Exterminabitur anima illa de populi suis, quia sacrificium Domino non obtulit tempore suo; peccatum suum ipse portabit.* Et cap. 12. Exodi apparet, Pascha legis institutum in honorem professionis Populi Hebraici ex Aegypto, cum nocte, quæ præcessit, proxima Angelus exterminator Aegyptiorum primogenitos interfecit, Judæorum ostiis præteritis, quibus agni paullo ante immolati sanguis aspersus erat; & Exodi eodem loco præscribitur ritus servandus in agno comedendo, seu, quod idem est, in celebrando Paschate, seu legali Cœna facienda. Quibus præmissis, etsi certum est, Christum Pascha cum suis discipulis celebrasse, non desuit qui affirmare auderet, eum postremo anno, quo mortuus est, non juxta Hebraicum ritum Pascha celebrasse, seu Legalem Cœnam fecisse, sed vulgarem Cœnam parasse, qua Pascha novum instituit, & venerabile Eucharistiæ Sacramentum confecit, suisque discipulis distribuit.

*Vulgarem potasse cenam, in qua Pascha novum instituit, sententia fuit Marcionis, & quorundam Græcorum tunc-
consecrationem in fermentato.*

7 Ab hac nimis audaci sententia quilibet profecto se absteat, dummodo in mentem revocet, secundo illam seculo a Marcione fuisse excitatam, quem iccirco graviter Epiphanius reprehendit Hæc. 42. sexto deinde seculo revocatam ab Joanne quodam Philopono Eutychianarum partium homine, de quo, etsi nomen reticeat, loquitur Photius Biblioth. Cod. 115. & 116. & seculo undecimo, cum magna illa coorta esset controversia Græcos inter & Latinos, azymusne an fermentatus panis sit, in quo Eucharistia confici debeat, quosdam extitisse Græcorum, quos commemorant Theophylactus, & Euthymius in S. Joannem, qui, ut in fermentato Sacramentum conficiendum esse tuerentur, eo confugerunt, ut negarent, Christum Jesum postremo ætatis suæ anno Paschalem agnum comedisse, & legale celebrasse Pascha, universa Græca Ecclesia reclamante, quæ prædicabat, Christum in ultima Cœna Paschalem Agnum comedisse, ut videre licet in Colloquio Cardinalis Humberti apud Baron. Annal. tom. 11. in fine; Latinos autem omnes ab ea abhorruisse sententia, paucis tantummodo exceptis, qui haud longe ab ætate nostra absunt, Nicolao de Villa Gagnonis Equite Hierosolymitano, cujus opusculum Salmeron, Santefius, Vasquez, Suarez, Ysambertus veluti hæreticum confixerunt, & Hieronymo Vecchietto Florentino, cujus Opus est *de Anno Primitivo*. De hoc opere Marcus Antonius Capellus, teste Allatio in Apibus Urbanis pag. 136. ejusmodi judicium tulit: *Cum enim libri iiii tria genera complectantur, Theologica, Astronomica, Chrono-*
logi-

logica. in Theologicis nihil ferme reperies, quod non insigni aliqua labe aspersum sit; Astronomica saepe toto videas errare Cælo; in Chronologicis peccata innumera, nihil singulare. Scripsit etiam Capellus adversus Vecchietti Dissertationem, cui titulus, *De Cœna Christi suprema, deque præcipuis ejus Vitæ Capitibus*, quam commendat Petavius de Doctr. Tempor. lib. 12. cap. 6. Ricciolius Chronolog. Refor. lib. 8. cap. 3. Concl. 3. num. 1. & sequen. pag. 301. & Bollandistæ tom. 1. mens. April. pag. 5. num. 4. Librum vero Vecchietti Theologica Censura notatum, ne quis legeret neve retineret, vetitum est, & in ejus auctorem graviter animadversum, ut refert Janus Nicius Erythræus in Pinacotheca Num. 114. Edidit... librum... Censuram animadversione in multis ac maximis vitiis deprehensum, ac propterea superiorum decreto cautum, ne in manus dominum perveniret. Etenim contra sacrarum litterarum fidem, contra Ecclesiæ universæ auctoritatem, contra Sanctorum Patrum sententiam conabatur ostendere, ex Solis Lunæque ratione, quam non bene fortasse deceptus inierat, Christum Dominum, pridie quam pro nobis mortem oppeteret, solenne illud Paschalis Cœnæ Convivium una cum suis non celebrasse; Et cum nosset temere dicta vel corrigendo vel interpretando ex multis sese incommodis Et ærumnis eximere, maluit severissimo Quæstorum Fidei causæ judicio se committere, atque ultro in vincula conficere, ubi multos annos exacta jam ætate in tenebris, in squallore, in sordibus jacuit, quam vel minima quidem ex parte de sententia decedere.

8 Ex hujus controversiæ historia, quam pertexuimus, qui nesciat quorsum præterea progressa sit, facile credat de medio sublatam sepultamque eam opinionem fuisse, quæ statuit, Christum, pridie quam occumberet, neque celebrasse Pascha, neque agnum comedisse, sed vulgari Cœna usum, in qua Eucharistiæ instituerit Sacramentum. Verum ea sententia usque ad nostram ætatem pervenit. Eam enim in lucem rursus revocavit multis eruditæ rationibus fultam Bernardus Lamy in Opere, cui titulus, *Harmonia Et Concordia quatuor Evangelistarum*, anno 1689. edito. Ac fusus rem hanc totam retractat in Dissertationibus, quas anno 1697. edidit sub eo titulo, *Continuatio tractatus historici de veteri Judæorum Paschate*. Tournemine Societatis Jesu Presbyter in quibusdam Thesis, quas Lutetiæ propugnavit, Patris Lamy sententiam tutatus est; ut apparet ex epistola, quam scripsit ad ipsum Lamy, atque in ea quædam affert, quæ Lamy nondum observaverat. Et Calmetus Dissertat. de Paschate satis ostendit, se Lamy sententiæ suffragari. Sed reliqui omnes quotquot hæc studia profitentur, ejusmodi sententiam acerrime impugnant. Vide

*Eam sententiam quid re-
centiores rursus extulere;
reliqui omnes vehementer improbat.*

Til-

Tillemontium Nota 26. ad vitam Jesu Chr. Vuitasse Doctorem Sorbonicum Par. 1. de Sacramento Eucharistiæ sect. 4. Honoratum a S. Maria observat. super Critic. tom. 2. lib. 4. diss. 3. Gravesonum de Myster. & Ann. Chr. dissert. 19. §. *Dico primo*, Serry Executat. § 1. num. 6. & sequen. & Card. Gottum de Veritate Relig. Christ. tom. 4. par. 2. Cap. 23. §. 1.

Ecclesia sensus est, Christum Judæi celebrasse Pascha.

9 Suarez, quod supra tetigimus, in 3. par. D. Th. quæst. 50. art. 9. sect. 3. eam sententiam ut hæreticam notat. *Statuendum primo est, Christum ante Passionem suam Legalem Cenam cum Discipulis celebrasse, agnumque Paschalem Ritu Judaico immolasse, & comedisse: quæ res iam aperta est in Evangelistiis, ut mirum sit, non desuisse hoc tempore hæreticos, qui eam negarent.... Hæc sententia est plane hæretica.* Serry, & Card. Gottus sapienter monent, priusquam propositioni cuiusdam hæreseos notam impingamus, judicium Ecclesiæ esse expectandum, neque tamen mentionem prætermittunt eorum, quæ Hieronymo Vecchietto ob eam propugnatam sententiam evenere. Utcumque tamen sit de ea Censura, concludendum nobis videtur, Ecclesiam docere, Christum Jesum postremo suæ vitæ anno paullo ante mortem legale Pascha celebrasse, & priusquam novum Eucharistiæ Pascha institueret, ex præscripto legis Paschalem agnum comedisse. Concilium enim Tridentinum sess. 22. de Sacrificio Missæ Cap. 1. hæc habet de Christo in Cænâ novissima, qua nocte tradebatur.... celebrata veteri Pascha, quod in memoriam exitus de Ægypto multitudo filiorum Israel immolabat, novum instituit Pascha. Et in sacris Hymnis D. Thomæ legimus:

*In supremæ nocte Cænâ
Recumbens cum Fratribus,
Observata Lege plene
Cibis in Legalibus
Cibum turbæ duodena
Se dat suis manibus.*

Et alibi:

*Noctis recolitur Cænâ novissima,
Qua Christus creditur Agnum & Azyma
Dedisse Fratribus, juxta legitima
Præcis indulta Patribus.*

*Post Agnum Typicum expletis epulis,
Corpus Dominicum datum Discipulis
Sic totum omnibus, quod totum singulis;
Ejus satemur manibus.*

10 Hic Ecclesiæ sensus sacro Evangelistarum testimonio videtur innixus. Primo enim die azymorum, ut supra docuimus, Jesum Discipuli convenerunt, ut videre licet Matth. Cap. 26. v. 17. *Prima autem die azymorum accesserunt Discipuli ad Jesum*. Et Marc. Cap. 14. v. 12. *Primo die Azymorum quando Pascha immolabant*. Et Lucæ cap. 22. v. 7. *Venit autem dies azymorum, in qua necesse erat occidi Pascha*. Itaque cum prima Azymorum die, ut infra demonstrabimus, celebraretur legale Pascha, & Paschalis agnus comederetur, jam haud obscure intelligimus, Apostolos non de Eucharistico Paschate, quod omnino ignorabant, sed de eo, quod juxta Ritus Judaicum prima illa die celebrabatur, cogitasse. Deinde percontati sunt ab eo ubi parari vellet Pascha, apud Matth. loc. cit. *Ubi vis paremus tibi comedere Pascha?* & apud Marc. loc. cit. *Quo vis eamus, & paremus tibi ut manduces Pascha?* Cum autem Discipuli hæc a Domino sciscitantes nullum aliud quam legale Pascha cognitum haberent, necessarium omnino est percontationem ejusmodi factam esse non de Paschate Eucharistico, sed legali. Jesus autem iis respondens mandavit, ut Urbem introirent, Patrifamilias ejus verbis nunciarent, se velle cum Discipulis suis apud eum comedere Pascha; propterea quæ opus essent parent: *Dicite ei apud te facio Pascha cum Discipulis meis*: ita Matthæus v. 18. Et apud Marcum v. 14. *Et 15. Ubi est refectio mea, ubi Pascha cum Discipulis meis manducem?* Et ipse vobis demonstrabit cœnaculum grande stratum, *Et illic parate nobis*. Et apud Lucam v. 8. *Euntes parate nobis Pascha, ut manducemus*. Huc igitur conferendæ vires animi, ut reperiamus, ecquod illud Pascha fuerit, quod sibi Redemptor noster parari jussit. Illud fuisse legale Pascha fatebitur quisquis rem considerat paullo attentius; tum quia in illum cadebat diem, quo legale Pascha celebrari mos erat, tum etiam quod Apostoli de legali Paschate celebrando Christum interrogaverant. Huc accedit & hospitis conditio, & apparatus cœnæ indictus, quæ duo idem satis probant. Instructo deinde apparatu Cœnæ, venit Jesus in Urbem cum Discipulis suis, & mensæ accubuit. Aut igitur postquam discubuit, comedit quæ parata erant, vel non: si non comedit, eum (quod quidem haud fas est dicere) oportet cibum parari jussisse, quem nec manducare volebat, nec manducavit; sin autem comedit quod paratum erat, profecto Paschalem Agnum manducavit, ac propterea legale Pascha celebravit. Adde quod inter cœnam Apostolis dixit: *Desidero desideravi hoc Pascha manducare vobiscum*, ut testatur Lucas; quæ quidem verba, etsi ad sacræ Eucharistiæ institutionem referri possint, ad Cœnam tamen, quæ parata erat, maxime pertinent ex vi

Tom. X.

N

illius

*Argumenta
ex Evangelis-
tis petita ad
Ecclesiæ sen-
tentiam con-
firmendam.*

illius particulæ *hoc*, ideoque ad Cœnam legalem. Nec Hebræorum perfidia Christo Domino umquam exprobravit præcepto celebrandi Paschatis non paruisse; quod quidem, si legale Pascha non celebrasset, Judæi non prætermisissent criminis loco objicere. Quæ omnia simul cum aliis rationibus si conferantur in unum, illud videntur conficere, Christum Jesum non vulgarem fecisse cœnam, in qua Eucharistiam instituerit, sed pridie quam subiret supplicium Crucis, legale celebrasse Pascha, & agnum juxta ritus Judaicos comedisse.

*Proponitur
objectio quæ-
dam, & sol-
uitur.*

11 Neque ea, quæ hæcenus constabilivimus, ex eo possunt everti, quod Agnus, antequam manducaretur, Sacerdotum ministerio sacrificandus esset in Templo, atque ante dies decem parandus, & qui eum comederet, non assidere, sed stare deberet baculo innixus, renibusque præcinctus; quæ quoniam non legimus neque ab Apostolis, neque a Christo servata, dum illi pararent Pascha, & Christus una cum illis comederet, inde fluere videtur, non legale Pascha illud fuisse, sed vulgarem communemque Cœnam. Non enim omnes idem sentiunt in ea questione, num Paschalis agnus, antequam comederetur, ministerio Sacerdotum in Templo esset sacrificandus. Qui putat, Paschalem Agnum Sacramentum fuisse veteris legis, ait, illum quidem Hierosolymis ab unoquoque domi suæ fuisse immolandum, & comedendum, negat vero opus fuisse ad hanc rem Sacerdotum opera, qui agnum sacrificarent, juxta illa Exodi verba Cap. 12. v. 6. *Immolabitque eum universa multitudo filiorum Israel ad vespertinam*. At qui agnum Paschalem non fuisse solum affirmat veteris legis Sacramentum, sed etiam Sacrificium, non repugnat, Agnum, antequam manducaretur, Sacerdotum opera sacrificandum fuisse, juxta illa verba itidem Exodi 12. v. 27. *Vitima transisus Domini est*: quæ sententia fundamentum habet in eo quod refert Josephus de Bello Judaico Cap. 17. Cum enim Cestius Præfes scire vellet, quot Hebræorum capita essent in Palæstina, narrat Josephus, Principem Sacerdotum Præsidem monuisse, ut expectaret dum Pascha celebraretur; nam cum ad cœnam Paschalem non minus quam decem acumberent, inita Agnorum ratione, facile Hebræorum numerum comperisset; quod quidem indicium facit, non priusquam in Templo sacrificaretur, Agnum manducari consuevisse. Verum, ut cominus rem agamus, aut necessarium non fuit ejusmodi Sacrificium, & tota corrui objecto: aut si omnino necessarium fuit, Apostolos, qui missi sunt ad Pascha præparandum, quæ ritus Paschatis postulabat, profecto non prætermisisse credendum est. Quod vero ad eos ritus attinet, qui comedendo agno servandi vi-

de-

debantur, monemur ab iis, qui Rituales Hebræorum libros accurate inspexerunt, jam eos ritus per id tempus obsolevisse: illos quidem, ut improvise ex Ægypto profectiōni accommodatos, olim fuisse adhibitos, sed Hebræos, cum res suas ita constabili-
 sent, ut pro suo cuique commo- dō liceret immolare Pascha, ab iis ritibus recessisse; quod argumento allato vim omnem adimit. Vid. Baron. ad annum Chr. 34. num. 41. & Uitaſſe de Sacramento Eucharistiæ Par. 1. q. 1. art. 3. sect. 4.

12 Qui vero Sanctorum Patrum loca in rem hanc velit inspicere, quæ ad solidam Traditionem stabiliendam pertinent, adeat auctores citatos, penes quos accurate & fideliter notata reperiet. Adeat itidem Herminier Tractatu de Sacramentis Tom. 2. de Eucharistia cap. 16. ubi post allatas auctoritates, quas indicavimus, de opinione P. Lamy, ita pag. 467. scribit: *A quibus auctoritatibus nescio quomodo recedere posuit laudatus scriptor, qui contendit, Christum hoc anno non manducasse Agnum Paschalem*. Nos vero progredi volentes, & cetera persequi, quæ ad hujus dici mysteria spectant, eam quæstionem pertractandam suscipimus, utrum Christus legale Pascha eo tempore celebraverit, quo Hebræi consueverant; an tempus illud anteverterit; an vero Hebræi illo anno post constitutum tempus Pascha immolaverint.

13 Græci, quibus ex una parte perspectum est, Christum Eucharistiam eo pane confecisse, qui appositus erat, nec alium panem, si juxta Hebraicum ritum celebratum fuit Pascha, appositum fuisse in mensa, quam azymum, ex altera autem animo imbibebunt, ut infra declarabimus, propugnare, Christum fermentatum panem consecrasset, eo confugiunt, ut dicant, Christum antequam tempore Pascha celebrasse, quo quidem misero, ac sane infelici perfugio nihil plane juvantur. Quamvis enim eo quo mortuus est anno tempus celebrando Paschate antevertisset, tamen non nisi azymum panem comedisset; ex quo sequitur, quod consecrans panem in mensa appositum, non fermentatum, sed azymum consecrasset. Satis enim apparet ex verbis legis, si cui præscripto tempore non liceret celebrare Pascha, & Paschalem agnum alio tempore cogeretur comedere, cum oportuisse panem azymum manducare, ut videre est Numer. cap. 9. v. 10. & 11. *Homo qui fuerit immundus super anima, sive in via procul in gente vestra, facias Phase Domino in mense secundo quartadecima die mensis ad vesperam: cum azymis, & lactucis agrestibus comedent illud*.

14 Illud vero, quod Græci assumunt, nititur Evangelio S. Joannis, ut infra docebimus. Quia vero nihil habent quod respondeant contrariis textibus aliorum Evangelistarum, eo venerunt impietatis,

Patres Ecclesie in rem hanc. Quæstio de tempore, quo Christus ultimum celebraverit Pascha.

Sententia Græcorum fœlissimæ.

Græcorum impietatis adversus Evangelios.

tis, ut abjecto omni pudore audacissime affirmant, Joannem utpote ultimum Evangelii scriptorem errores aliorum Evangelistarum emendasse. Cujusmodi blasphemiam nos cum Baronio explo-
dimus, qui ad ann. Chr. 34. num. 25. *Faceffant*, inquit, *hec ut hæretica ab auribus, ac mente cujusque Fidelis*. Et ipso Baronio præeunte dicimus, quorundam esse sententiam, Christum eo, quo occubuit, anno legale Pascha antevertisse; quosdam vero putare, eo quidem die Christum Dominum Pascha legale celebrasse, quo immolari juxta ritum Hebraicum oporteret; Hebræos vero non item; sed in crastinum diem distulisse. Quorum auctorum nomina æque, ac Baronius, recenset Bellarminus tom. 3. Controvers. lib. 4. de Sacram. Eucharist. cap. 7.

*Triples ea-
de re senten-
tia Maudui-
si, Pezronii,
Harduini.*

15 Tres inter recentiores Criticos eximii viri in hanc causam descenderunt, Mauduisius, Pezronius, & Harduinus. Quorum primus illud assumit, Hebræis vetitum fuisse duo Festa continenter duobus diebus, quorum alter alterum proxime consequeretur, celebrare; id enim illis fuisset gravissimum, qui ejusmodi diebus plurima facere prohiberentur; cumque primus postremusque azymorum dies, ut infra docebimus, festi essent, ait, Christum vespere Feriæ quintæ, ineunte primo azymorum die, legale Pascha celebrasse; feria vero sexta Cruci affixum esse; Hebræos vero, ne duo festa continuarentur, idest feria sexta, qui primus erat dies azymorum, & Sabbathum, celebrasse Pascha feria sexta, primum que azymorum diem in Sabbathum transtulisse. Qua in re Auctor pulcrum deprehendit analogiam; nam quo die comedeatur agnus, qui Christi fuit figura, eodem ipso die in Calvario Redemptor noster cruentam faciebat sacrificium, quo cum Deo genus humanum reconciliaret, & in gratiam reduceret. Pezronius docet, Hebræos Lunaribus mensibus usos esse dupliciter; lunaris enim mensis principium eos computasse, & a conjunctione Solis & Lunæ, & ab ejusdem Lunæ apparitione. Itaque ait Christum Dominum, & Hebræos etiam Paschalem agnum decimaquarta Luna comedisse; sed Christum agnum manducasse vespere Feriæ quintæ; Hebræos vero Feriæ sextæ, inita nimirum, quod ad Jesum attinet, decimaquartæ lunæ ratione ab utriusque luminaris conjunctione, & quod pertinet ad Hebræos, a Lunæ conspectu. Harduinus denique contendit Hierosolymæ Galilæos, & Israelitas alio die Pascha celebrare solitos, ab eo die quo ab Hebræis celebrabatur; itaque Galilæos, & Israelitas agnum comedisse vespere Feriæ quintæ, Hebræos vero feriæ sextæ item vespere; ac propterea Christum Dominum utpote Galilæum pridie quam Hebræi Pascha celebrasse. Quæ tres expediendæ hujus rei rationes fuscæ referuntur a Boucat Theologia

logia Patrum tom. 7. de Eucharist. Institut. dissert. 3. art. 3. Nos vero, qui neque argutari volumus, neque ingenio indulgere, sed tantam ingredi viam, affirmamus, Christum eo quo oportebat die, & quo Hebræi ipsi Pascha celebrabant, paschalem agnum comedis, ideoque neque Jesum tempus anteverit, nec Hebræos Pascha distulisse.

16 Hebræis lege præscripta fuit decimaquarta primi mensis, qua Pascha celebrari oportebat: *Decima die mensis hujus* (quæ verba sunt in Exodi cap. 12. v. 3. & 6.) *tollat unusquisque agnum per familias & domos suas. . . . Et servabitis eum usque ad quartam decimam diem mensis hujus; immolabitque eum universa multitudo filiorum Israel.* Primus autem anni mensis apud Hebræos congruit partim cum Martio, partim cum Aprili, & appellatur Abib, seu etiam Nisan: ex eo veris initium; qui cum septimus in ordine antea fuisset, post profectionem Israelitici Populi ex Ægypto primus anni mensis constitutus est, ut in Exodi loc. cit. v. 2. *Mensis iste vobis principium mensium, primus erit in mensibus anni.*

17 Nec Pascha solum Hebræis, sed alia etiam fuit solemnitas, quæ azymorum dicebatur, quas inter solemnitates multum erat discriminis. Pascha enim, ut diximus, in honorem institutum fuit profectionis Hebræorum ex Ægypto, cum exterminator Angelus nocte, quæ præcessit, proxima percussit omne primogenitum in terra Ægypti, præteritis tamen Hebræorum ostiis, quæ resperfa reperit sanguine agni, quem pridie ejus diei immolaverant. Festum vero Azymorum in memoriam itidem institutum fuit ejus rei, quæ Hebræis abeuntibus contigit, ut nimirum ad profectionem properantibus otium non fuerit fermentati panis conficiendi, juxta ea quæ leguntur in Exod. cap. 12. v. 39. *Et fecerunt subcinericio panes Azymos; neque enim poterant fermentari, cogenitis eire Ægyptiis, & nullam facere sinentibus moram.* Itaque decimaquarta primi mensis die Pascha, & decimaquinta solemnitas azymorum celebrabatur, in qua fermentatum panem nefas erat comedere, sed azymum tantum manducare oportebat; eaque solemnitas per septem dies agitabatur, quorum primus & ultimus festi dies erant: *Mense autem primo quartadecima die mensis Phase Domini erit, & quinsadecima die solemnitas. Septem diebus vescentur azymis; quarum dies prima venerabilis & sancta erit: omne opus servile non facietis in ea. . . . Dies quoque septimus celeberrimus, & sanctus erit vobis: omne opus servile non facietis in eo.* Hæc Numeror. cap. 28. v. 16. 17. 18. & 25. cum quibus ea consentiunt Exod. cap. 12. v. 19. & 20. *Septem diebus fermentum non inveniatur in domibus vestris. Qui comederit fermentatum, peribit anima ejus de cætu Israel tam*

Dies Pasche apud Hebræos decimaquarta primi mensis.

Die decimaquinta solemnitas Azymorum, quæ per septem dies peragebatur, antequam omni pane fermentato.

de

de advenis, quam de indigenis terra. Omne fermentatum non comeditis; in cunctis habitaculis vestris edetis azyma. Cum autem dies Paschæ, ut mox docebimus, cum azymorum die congrueret, propterea Agnus Paschalis nonnisi cum azymis poterat manducari juxta Eod. cit. cap. 12. v. 8. Es edent carnes nocte illa assas igni, & azymos panes cum lactuæis agrestibus.

Plura dierum
genera apud
Hebræos.

18 Penes Hebræos plura genera dierum erant: quidam enim legales & sacri; naturales alii; alii artificiales: inde dierum diversæ mensuræ. Legales seu sacros dies Judæi inchoabant ab occasu solis, & ita legalis diei termini erant duo solis occasus; quo diei genere utimur in Ecclesia Catholica. Constat ex Levit. cap. 23. v. 32. *A vespera ad vesperam celebrabitis Sabbatha vestra.* Naturalium dierum initium a media nocte, finis in mediam noctem consequentem. Artificialium vero spatium inter duos solis ortus intercipiebatur. Quapropter etsi ait Scriptura, decimaquarta primi mensis die celebrandum esse Pascha ad vesperam, & decimaquinta Festum azymorum; tamen cum decimaquartæ diei vespera congruat cum initio decimaquintæ; qui rationem dierum legalium probe ineat, facile intelliget, diem Paschæ in primam diem cadere azymorum. Idque confirmatur ex eo, quod Paschalis agnus comedendus erat cum azymis, & dies azymorum septimus in vigesimam primam primi mensis diem designabat, ut diserte habetur in Exod. cap. 12. v. 18. *Primo mense quartadecima die mensis ad vesperam comedetis azyma usque ad diem vigesimam primam ejusdem mensis ad vesperam.* Nam si primus azymorum dies a secunda decimæ quartæ diei vespera non inchoetur, septimus azymorum nullo pacto potest cum vigesima prima die congruere.

Anno Christi
mortuæ He-
bræis celebra-
dum fuit Pas-
cha decima-
quarta primi
mensis altera
ejusdem diei
vespera.

19 Ex quibus omnibus manifesto constat, etiam eo anno, quo Jesus occubuit, Hebræis Pascha celebrandum fuisse decimaquarta die primi mensis, seu mensis Martii; nec tamen Pascha celebrandum, seu, quod idem est, Paschalem Agnum manducandum illa prima vespera, qua Pascha inchoabatur, sed altera ejusdem diei vespera, quæ initium erat primæ diei azymorum. Cum autem narrent Evangelistæ secunda decimæ quartæ diei vespera, incun- te prima azymorum die, Christum Dominum eo anno, quo mortuus est, Pascha celebrasse, ut ii disertissime testantur illis ver- bis, quæ perspicuitatis gratia huc referre non gravabimur, Matth. cap. 26. v. 17. *Prima autem die azymorum accesserunt discipuli ad Jesum dicentes: Ubi vis paremus tibi comedere Pascha?* Lucæ cap. 22. v. 7. *Venit autem dies azymorum, in qua necesse erat occidi Pascha, & misit Petrum, & Joannem dicens: Eant parate nobis Pascha, ut manducemus, cum quibus, ut mox dicemus.*

cemus, consentit & Marcus cap. 14. proculdubio consequitur, Christum eo die, quo Hebræi consueverant, Pascha celebrasse. Nec vero ex illis Marci verbis cap. 14. v. 12. *Et primo die Azymorum, quando Pascha immolabant, dicunt ei discipuli: Quousque camus, & paremus tibi ut manduces Pascha?* potest quispiam arguere Hebræos eo anno Pascha distulisse; nec enim alio verbum illud *immolabant* quam ad Hebræos referri potest. Præterea Jesus Discipulos in Civitatem miserat, eosque jusserat suo nomine monere Patrefamilias, ut locum sibi pararet ubi manducaret Pascha; cumque illud jussu secunda decimaquartæ diei vespere, nec Paterfamilias imperata facere detractaverit; luculentissime apparet omnia fuisse paranda, ut eodem tempore Pascha celebraret, quo Hebræi eo anno celebrabant. Cumque deinde eo tempore, quod præstituerat, Pascha celebraverit, inde necessario conficitur Pascha eo ipso tempore celebrasse, quo Hebræi eo anno idem Pascha celebrarent.

20 Quibus rationibus nihil profecto esset, quod quisquam posset objicere, nisi Joannis Evangelium videretur iis adversari. Ait enim Joannes cap. 13. v. 1. *Ante diem festum Paschæ sciens Jesus, quia venit hora ejus, ut transeat ex hoc mundo ad Patrem, cum dilexisset suos, qui erant in mundo, in finem dilexit eos.* Loquitur Joannes de ultima Cœna, in qua Jesus lavit pedes discipulorum, cum & nos, & alii omnes dicunt, illum celebrasse Pascha. Quia vero testatur Evangelista, id *ante diem festum Paschæ* contigisse, consequi inde videtur, Christum eo anno tempus, quo Hebræi Pascha manducabant, prævertisse. Narrat præterea S. Joannes cap. 18. v. 28. Hebræos *adduxisse Jesum a Caipha in Prætorium*, nec Prætorium introisse, *ut non contaminarentur, sed ut manducarent Pascha*: unde fluere videtur, eos Pascha nondum celebrasse, ideoque aut Christum prævertisse, aut Hebræos distulisse Pascha. Denique idem Evangelista cap. 19. ubi texit historiam Dominicæ Passionis, videtur innuere, illum obiisse *in Parasceve Paschæ*, nimirum eo die, quo Hebræi ea parabant, quæ Paschati celebrando opus essent; quod quidem indicium facit, vel Jesum tempus Paschatis antevertisse, vel Hebræos Pascha distulisse.

21 Ejusmodi tamen objectionibus abunde suppetit qui satisfiat. Ineunda est Joannis concordia, qui dicit *ante diem festum Paschæ*, cum cæteris Evangelistis, qui dicunt, *prima die azymorum*. Patet autem Evangelistarum consensus. Nam tres Evangelistæ, qui Cœnam dicunt factam esse primo Azymorum die, profecto secundam intelligunt vespeream diei Paschæ, quæ initium fuit primæ diei azymorum, atque ita ea diei mensura utuntur, quæ in

Observe videtur Evangelium S. Joannis.

Componitur Evangelium S. Joannis cum aliis Evangelistis. Primus utitur mensura diei naturalis; cæteri mensura diei legalis.

dic-

diebus sacris, & legalibus adhibebatur. Quartus autem Evangelista, qui narrat Coenam factam esse ante diem festum Paschæ, non negat factam fuisse secunda diei Paschæ vespere; sed, dum ita loquitur, significat, factam ante primum azymorum diem, adhibita non legalium, sacrorumque, sed naturalium dierum mensura, qui a media nocte incipientes in mediam noctem desinebant, vel artificialium, quorum erat initium ab ortu solis.

*Etiā nunc
apparetur du-
pliciter illa com-
putandi ratio-
ne.*

22 Quod quidem allato exemplo perspicuum fiet magis. Nam ipsi quoque sacros dies computamus a vespere ad vespere, naturales vero vel a media nocte ad aliam mediam noctem, vel ab oriente ad occidentem solem. Quamobrem anno 1738. quo Per-
vigilium S. Joannis Baptistæ die vigesima tertia Junii in Feriam secundam, & Festum vigesima quarta die in feriam tertiam cecidit, si quis rem Feria secunda gestam hora vigesima tertia narrando dixerit, die Festo S. Joannis Baptistæ contigisse, recte dicet, ratione habita sacri diei, ejusque mensuræ: Si quis vero eam rem ante S. Joannis festum narraverit gestam, recte item dicet, sumpta nimirum naturalis diei mensura, vel a media nocte ad mediam noctem, vel ab ortu ad occasum Solis: atque hæc si considerentur, neutrum neutri perspicuum est adversari.

*Ad eundem
modum inter-
pretatur D.
Thomas locum
illum S. Joan-
nis.*

23 Atque hæc est S. Thomæ doctrina 3. part. q. 46. art. 8. *ad Primum: Cum autem dicitur Joannis XIII. ante diem festum Paschæ, intelligitur hoc fuisse quartadecima Luna, quod tunc coenit quinta feria: nam Luna existente quintadecima, erat dies solemnissimus Paschæ apud Judæos, & sic eundem diem, quem Joannes nominat diem festum Paschæ, propter distinctionem naturalem dierum, Matthæus nominat primam diem azymorum, quia secundum ritum Judaicæ festivitatis solemnitas incipiebat a vespere præcedentis diei. Cui consentit Catechismus Romanus de Sacrament. Eucharist. pag. 134. ubi hæc habentur: Quod si quis Joannis Evangelistæ auctoritatem opponat, qui hæc omnia ante festum diem Paschæ acta esse commemorat, ea ratio facile dissolvi potest. Etenim quem primum Azymorum diem ceteri Evangelistæ appellarunt, quod feria quinta vespere dies festi Azymorum inciperent, quo tempore Salvator noster Paschæ celebravit, eum ipsum diem Joannes pridie Paschæ fuisse describit, ut qui diei naturalis spatium, quod ab oriente Sole inchoatur, in primis notandum existimavi. Hanc semper sequuti nos sumus sententiam reverentia adducti adversus tantæ auctoritatis Scriptores. Neque tamen diffitemur ægre nos eam amplexos. Magnum enim robur futurum Evangelistæ verbis fuisse videbamus, dixisset, Ante diem festum Azymorum, quibus magna vis detrahi videtur, quod dixerit, Ante diem festum Paschæ. Cum enim dic-*

camus Pascha celebratum fuisse vespere decimisepti diei, Joannes, qui narrat celebratum fuisse ante diem Paschæ, innuere videtur anticipatum esse Pascha ante illud tempus, quo celebratum esse nar- rant cæteri Evangelistæ. Sed in ea sententia tandem conquevi- mus, postquam nobis omnem amovit difficultatem textus, in quem incidimus, dum Lucæ Evangelium legeremus. Capite enim 22. v. 1. Festum etiam Azymorum Pascha appellatur: *Appropin- quabat autem dies festus Azymorum, qui dicitur Pascha*. Et apud Josephum Antiqu. lib. 18. cap. 3. legimus: *Dum celebraretur Azymo- rum solemnitas, quam Pascha nuncupamus*.

24 Ut autem quæ alia opponuntur dissolvamus, ex eo quod Hebræi in Prætorium introire noluerint, ne contaminarentur, & ut possent manducare Pascha, non sequitur, eos nondum Pascha- lem Agnum comedisse, ideoque vel Christum prævertisse Pascha, vel Hebræos distulisse. Pascha enim generale quoddam est nomen, quod complectitur etiam oves, & boves, qui in ea mactabantur solemnitate, & per septem illos, qui consequiebantur dies, comede- bantur; ut apparet ex Deuter. cap. 16. v. 2. *Immolabisque Pascha (idest Pascha) Domino Deo tuo de ovibus, & de bobus in loco, quem elegerit Dominus Deus tuus*, Cum igitur Joannes in concor- diam revocandus sit cum tribus aliis Evangelistis, qui diserte affir- mant, factam esse Cœnam, & Paschalem Agnum manducatum eo ipso tempore, quo ab Hebræis manducari oportebat, idque ante- quam Christus in Prætorium duceretur; propterea hæc ita sunt intelligenda, ut Hebræi in Prætorium introire noluerint, non quo sibi fas esset Paschalem Agnum comedere, quem jam mandu- caverant, sed ne domum Ethnici ingressi contaminarentur, neve ab cæteris Paschalibus escis, quas diebus sequentibus vellent comede- re, omnino abstinere cogerentur. Neque illa quidquam itidem adversantur nostræ sententiæ Joannis verba, *In Parasceve Pasche*, quæ non de parandis Paschalibus escis, sed de iis quibus sequenti Sabbatho usus esset, intelligenda sunt. Quæ si aliorum accipiantur, non video qui Joannes non adversetur Marco, cujus sunt illa ver- ba cap. 15. v. 42. *Erat Parasceve, quod est ante Sabbathum*. Nec Joannes reprehendi potest, quasi minus proprie locutus sit; eo enim anno Parasceve Sabbathi cecidit in diem Paschæ. Quo lo- quendi modo sane maxime proprio utimur, cum dicimus, *Domi- nica Paschæ, Dominica Pentecostes*, quod ea Festa in diem Domi- nicam cadant. Quod autem, quam Joannes nominat Parasceve Paschæ, ea ideo non sit accipienda pro Parasceve Sabbathi, quod nihil quidquam parare die Paschæ liceret, inutilis ratio est, ac nul- lius momenti. Nam, ut dies Paschæ celeberrimus fuerit, licebat

*Solentur er-
gumetum en
eo sumum,
quod Hebræi
introire nolue-
runt, ne con-
taminarentur*

tamen ea parare, quæ usui essent ad victum, quod contra non licebat die Sabbathi; idque probatur ex Exod. cap. 12. v. 16. ubi citi primus, & ultimus azymorum dies solemnes erant, tamen ita decernitur. *Nihil operis facietis in eis, exceptis his quæ ad vescendum pertinent.* Ut rem conferam in compendium, argumento illi nonnihil roboris esset, ubi Parasceve, quam Joannes commemorat, Parasceve esset Paschæ, non sabbathi, qui dies cadebat in diem Paschæ.

*Qui viri docti
hoc argumen-
tum abunde
pertrastave-
runt. Mau-
duisi, Petro-
ni, & Har-
duini senten-
tiæ consutat.*

25 Cum a nobis de Pentecoste sermo fiet, hæc ipsa redibit ad manus retractanda materia. Interea, si cui libeat abunde totum hoc argumentum copioseque tractatum inspicere, adeat Baronium, Bellarminum, Gottum, Serry, Boucat, Graveson, Honoratum a S. Maria, & Uvitalle in locis supra citatis, quibusungi possunt Suarez tom. 2. in 3. par. disp. 40. sect. 1. Theophilus Raynaudus tom. 9. pag. 652. Juveninus de Sacram. dissert. 4. quæst. 2. art. 4. §. 1. Tournely de Euchar. tom. 1. pag. 462. edit. Parisien. & Herminier tract. de Sacramentis tom. 2. de Eucharist. cap. 16. qui utramque profert sententiam; alteram nempe Christum anno emortuali suo Pascha cum Hebræis eodem die celebrasse; alteram, eo anno Hebræos Agnum Paschalem non manducasse decimaquarta die, sed decimaquinta post vesperam, translato azymorum festo in Sabbathum; declarat autem, primæ sententiæ plerosque Theologorum subscribere, nec tamen alteri suos deesse suffragatores sacrarum Litterarum interpretes magni nominis; ac quæ cuique arideat magis, eam permittit sequi sententiam, licet ipse ad posteriorem videatur esse propensior. Mauduisii vero, Pezroni, & Harduini peculiare de hac re commentationes apud Gottum, Gravesonium, Serry, & Boucat funditus reperiuntur eversæ. Hebræos enim duobus caruisse festis diebus, qui se continenter exciperent, ideoque anno Christi Domini emortuali primum Azymorum diem in Sabbathum rejecisse, nullo fulcitur fundamento. Præterea si primum Azymorum diem in Sabbathum transulissent, ne duo Festa proxime conjungerentur, nihilominus necesse fuisset iis eodem revolvi. Nam, decursa hebdomada, duo Festa simul juncta & se invicem excipientia nihilominus occurrissent; Feria nimirum sexta, qui septimus fuisset Azymorum dies, & Sabbathum; quod ut evitarent frustra primum Azymorum diem in Sabbathum transulissent. Apud eosdem quoque Scriptores deprehendas, illud omnitem fundare fundamento, quod Hebræi diem decimum quartum modo a conjunctione Lunæ cum Sole, modo a momento, quo primum Luna fieret conspicua, computaverint. Harduini vero Systema proluxa disputatione rejecit Auctor libri, cui titulus, *Vin-*
di.

CAP. VI. DE FERIA V. IN CÆNA DOMINI.

dicia Veterum Scriptorum contra Joannem Harduinum. Cæteri vero, qui idem systema refellunt, observarunt, nullum in sacris paginis extare monumentum, quo duplex fuisse Pascha, alterum Galilæorum, Judæorum alterum possit evinci; & a veri abesse similitudine, Jesum Christum, qui esset e Tribu Judæ, & regio Davidis sanguine ortus, quique vel minimum Legis apicem observare soleret; non cum Judæis, sed cum Galilæis Pascha celebrasse.

26 Rem hanc diu multumque versarunt, & acri judicio examinarunt hæreticarum partium homines, quorum sententias huc asserre non abs re arbitramur alienum, quod omnes in iis consentiant, quæ superius exposuimus. Casaubonus Exercit. 16. n. 13. profitetur, Negari non posse *Matthæi, Marci, & Lucæ id videri significare, nimirum* Dominum nostrum Pascha eadem die, & hora celebrasse, quibus & cæteri Judæi omnes idem faciebant. Joannes Frischmutus in Thesauro Dissertat. in Novum Testamentum Amstelod. anno 1702. quod de Hieronymo Vecchietto superius narravimus, occasione inde capta quæstionis illius pertractandæ, num Christus Dominus eodem quo Hebræi die Pascha celebraverit, an diem illum celebrando Paschate anteverterit, ait a Christo Domino eodem, quo ab Hebræis, die celebratum esse Pascha; ac quotquot adversus eam sententiam asserri possunt difficultates dissolvit. Eam Dissertationem in eodem tomo alia excipit *de ultimo Christi Paschate* dissertatio, Joanne Sauberto Auctore, qui §. 11. hæc scribit: *Controversia illa, num Christus ab ipso Dei præcepto in observando tempore Paschatis discesserit, eruditorum judicium, atque ingenia mirifice exercuit. Nobis breviter negativa verissimior videtur.* In Thesauro item Dissertationum in Nov. Testam. Hasei & Ikenii tom. 2. Dissertatio quædam est Joannis Chrysostomi Haremburgii, quæ idem concludit. Quia vero Sagittarius Par. 1. Histor. Passion. Christi pag. 135. & sequen. & pag. 183. ad alteram sese adjicit partem, idcirco in hunc modum de illo scribit: *Sagittario non industria, sed judicium, & peritia Thalmudica deerat.* Incredibilis, est Antonii Binei labor in lib. 1. de morte Jesu Christi cap. 1. susceptus ut materiam hanc illustraret. Ibi num. 19. quæstionem proponit, *An Jesus uno & eodem die cum Judæis omnibus, an diverso Pascha suum ultimum celebraverit:* congestisque iis, quæ tum Catholici, tum Protestantes alterutrius sententiæ Sectatores ea de re scripserunt, adductisque rationibus, quæ ad utramque sententiam constabiliendam faciunt, iisque accurate perpensis, tandem num. 32. ita concludit: *Tot argumenta docent clarissime, longe præferendam esse eam sententiam, quæ Jesum Pascha suum*

Quid potissimum Christus in ultima Cæna fecerit.

ultimum celebrasse statuit eadem die eademque hora cum omnibus Judeis. Hactenus de legali Christi Paschate eodem cum Judæis tempore celebrato. Nunc de eo dicendum, quod in ea Cœna Christus fecerit, cujus rei in hac Feria quinta Majoris Hebdomadæ præcipua fit commemoratio.

*Historia de-
promitur ex
Evangelis.*

27 Narrat Matthæus cap. 26. v. 21. Jesum Christum, cum ad Cœnam jam accubisset, dixisse: *Unus vestrum me traditurus est:* iis verbis vehementer Apostolos perturbatos eum interrogasse: *Numquid ego sum Domine?* Quibus Jesum respondisse: *Qui intingit mecum manum in paropside, hic me tradet.* Judæ vero, qui eum prodidit, interroganti, *Numquid ego sum Rabbi?* Christum Dominum respondisse: *Tu dixisti.* Porro, ut pergit Matthæus, sumtum Christus Dominus panem, eumque a se benedictum fregit deditque Discipulis dicens: *Accipite, & comedite: hoc est corpus meum;* & accepto itidem Calice gratias egit, & dedit illis dicens: *bibite ex hoc omnes hic est enim Sanguis mei Novi Testamenti, qui pro multis effundetur in remissionem peccatorum.* Postquam vero Canticum cecinissent omnes ad montem Olivetum ascenderunt: *Et hymno dicto exierunt in Montem Oliveti.* Eadem narrat Marcus cap. 14. Lucas vero postquam eadem narravit, quæ Matthæus, & Marcus retulit, coortam illam inter Apostolos contentionem addit cap. 22. v. 24. *Quis eorum videretur esse major?* ac refert quo pacto eam Jesus extinxerit. Narrat etiam, monuisse Petrum, fore ut eos omnes tentaret Satan: *Ecce Satanus expetivit vos, ut cribraret sicut triticum;* se autem a Patre exorasse, ne ejus labaret fides; & jussisse ab eo cæteros fratres suos confirmari. *Ego autem rogavi pro te, ut non deficiat Fides tua: & tu aliquando conversus confirma fratres tuos.* Narrat præterea Joannes cap. 13. surrexisse Jesum a Cœna, detractisque sibi vestibus, linteo præcinctum, injectaque in catinum aqua, cœpisse lavare pedes Discipulorum, & entergere linteo, quo erat præcinctus; cumque Petrus restitisset, ne lavaret sibi pedes: *Non lavabis mihi pedes in æternum,* & Jesus illum monuisset: *Si non laveris te, non habebis partem mecum,* in ea verba Petrum commotum erupisse: *Domine non tantum pedes meos, sed & manus, & caput.* Referuntur in eo capite decimotertio a Joanne prædictiones de prodicione Judæ. Jesus enim dixit: *Vos mundi estis, sed non omnes: sciebat enim quisnam esset qui traderet eum; propterea dixit: non estis mundi omnes;* cumque addidisset: *Unus ex vobis tradet me,* tum Joannes eum interrogavit quisnam ille esset; cumque respondisset Jesus eum esse, cui panem in patina intinctum porrexisset, panem intinctum Judæ præbuit dicens: *Quod facis, fac citius.* Quorum verborum

scn-

sensum ii, qui ad Cœnam accumbabant, minime sunt assequuti; Judæ enim pecuniam custodienti putavere Christum Jesum imperasse, ut eorum aliquid coemeret, quibus in Paschatis Festo opus esset, aut aliquam, eleemosynam faceret. Et D. Paulus in prima ad Corinthios cap. 11. v. 23. ait, se a Domino accepisse quod Dominus Iesus, quæ nocte tradebatur, accepit panem, & gratias agens fregit, & dixit: Accipite, & manducate: hoc est corpus meum, quod pro vobis tradetur: hoc facite in meam commemorationem.

28 Nobis non est in animo longius hinc digredi, ut quemadmodum Hebræi ad mensam accumberent, seque, antequam discumberent, abluerent, fuisse persequamur. Sed paucis quibusdam, quæ ad utramque rem pertinent e sacra Scriptura depromptis, ad ea quæ Christus gessit in ultima Cœna regrediemur.

29 Hebræi cum cœnabant non in sellis sedere mos erat, sed porrectos jacere in lectis, cubitoque innixos cibum capere. In eo convivio, quo Assuerus Primores regni sui vocaverat, novimus Esther 1. v. 6. Lectulos quoque aureos, & argenteos super pavimentum smaragdino, & pario stratum lapide dispositos fuisse; & cap. 7. v. 8. tradit sacer textus, Assuerum ab horto redeuntem deprehendisse Amanum in eodem, quo accumbebat Esther, lecto conjectum; quod manifestum facit indicium, eos non sellis insidentes, sed in lectis porrectos accumbere consuevisse. Qui cum reversus esset de horto memoribus confuso, & intrasset convivii locum, reperis Aman super lectulum corruisse, in quo jacebat Esther. Sancta illa foemina apud Lucam cap. 7. v. 38. locum, ubi accubuerat Iesus, ingressa, stans retro secus pedes ejus, lacrymis capitis rigare pedes ejus, quod quidem illi facere non licuisset, si Christus ad mensam assedisset, quo modo nos pedibus mensæ subjectis in sella quisque sua sedemus. Itaque cum Christus Dominus in lecto accumberet capite ad mensam converso, rejectisque ad exteriorē partem pedibus, quæ dapes afferebantur, licuit illi mulieri ex averſa parte ad Christum accedere: lacrymis pedes ejus ablure, capillis extergere, unguento inungere. Ex quo intelligitur, Jesum in lecto ad eum, quem diximus, modum recubasse, quod observat Maldonatus ad illud Lucæ caput: Quia qui ad mensam antiquo more super thoros accumbebant, ita jacebant, ut caput versus mensam, pedes versus exteriorē partem haberent, quæ Ministris fercula ferentes mensam obibant. Joannem denique ex cap. 13. v. 23. Evangelii sui apparet in gremio Domini recubuisse; Erat ergo recumbens unus ex Discipulis ejus in sinu Jesu, quem diligebat Iesus. Et cap. 21. v. 20. Conversus Petrus vidit illum Discipulum, quem diligebat Iesus, sequentem, qui & recubuit in Cœna super pectus ejus.

Quod

Quomodo Hebræi ad mensam accumberent.

Hebræos in lecto jacentes antrorsum ad mensam accubuisse constat ex aliquot sacra Scriptura locis. Ad eum modum Christum, & Apostolos in ultima Cœna accubuisse.

Quod itidem declarat, non sellis insidentes, sed in lectis jacentes ad mensam accubuisse. In Christi Domini sinum, cum ita jaceret, licuit Joanni caput rejicere; quod quidem, si quemadmodum nos, ad mensam assedissent, minime licuisset. Nec illud prætereundum, quod Jesus lavit pedes Discipulorum, quin ipsi a mensa surgerent, id vero fieri non potuisset, nisi super thoros accubissent, facie ad epulas conversa, & pedibus rejectis in exteriorem partem, qua fercula inferebantur. Sagittarius par. 1. Histor. Pass. Chr. pag. 202. & sequen. plurimos Auctores congerit, qui de ratione scripserunt, qua veteres ad mensam accumberent. Et Antonius Bineus de morte Christi tom. 1. pag. 210. iconismos exhibet, qui ad hunc modum accumbentes repræsentant, alterum a Ligorio e veteribus monumentis descriptum, alterum e Patavino, quod etiamnum extat, marmore expressum, ubi convivium apparet, in quo convivæ ad mensam thoris discumbunt. Apud eundem Bineum pag. 260. est etiam iconismus, quo ad mensam Christus Jesus, & discipuli in lectis recumbentes exhibentur, & quæ illi lavat, & ungit pedes, Magdalena. Quapropter absona videri debet Andrew Baccii opinio, qui lib. 4. de naturali vinorum historia pag. 147. cum inficiari non posset, veteres lectis stratos ad mensam recubuisse, tamen contendit, convivas more nostro, præsertim si prandium paullo esset frugalius, aut cœna parciore, interdum assedisse; non quidem ut sua cuique sella daretur, sed si exempli causa octo vocati essent, duo scamna longa pararentur, quibus quaterni quaternis adversi assiderent; Jesum autem, quem, ut æquum est, humilem fuisse, eandemque virtutem ab Apostolis postulasse non inficiatur, sella, seu parvo scamno sedentem arbitratur in cœna primum mensæ latus tenuisse, discipulis ad dextrum sinistrumque latus adsidentibus; ac propterea haud ægre illi Magdalenam pedes lavare potuisse: eodemque plane modo adsedisse ad Cœnam, quando Pascha cum discipulis suis celebravit: neque enim intelligere potest, quonam tandem modo, si lectis recubissent, Joannes Evangelista in Christi Domini sinum reclinare caput suum, & Jesus ita lecto jacentes frangere panem, & Apostolis itidem jacentibus dispartire potuisset. Hanc opinionem absonam esse, diximus: omnino enim nova est ac singularis, cujusmodi vel ipse Auctor eam esse agnoscit. Pugnare etiam videtur hæc opinio cum Historia. Ut enim Baccius eam tueatur, textus Evangelici sententiam ita detorquet, ut Joannes recubitus supra pectus Domini nihil aliud significet, quam quod Joannes proximus Jesu sederet; eamque difficultatem plane inexplicabilem dissimulat, nonnisi sublata mensa potuisse Jesum lavare pedes discipulis, si more nostro ad cœnam assedissent.

Mo-

30 Moris etiam erat apud Hebræos nonnisi lotos ad mensam accumbere. Quamobrem Reg. lib. 2. cap. 12. v. 20. cum David a Deo postulasset, ut filium, quem e Bersabea adulterinum susceperat, in columen sibi servaret, ubi mortuum intellexit, ut declararet, se omni patientia quidvis illatum divinitus perpeti, suaque omnia Deo permittere, omni mœrore animi dejecto iussit, apponi sibi coenam, ad quam non prius quam lavaretur, accubuit: *Surrexit ergo David de terra, & lotus unctusque est pectusque, ut ponerent ei panem, & comedit.* Phariseum etiam legimus apud Lucam cap. 11. v. 37. & 38. miratum quid illud rei esset, quod Jesus vocatus ad prandium accubuisse illotus; quod quidem confirmat, eam tum fuisse consuetudinem, ne quis ad mensam prius accumberet, quam esset lotus. *Rogavit illum quidam Phariseus, ut pranderet apud se, & ingressus recubuit. Phariseus autem capitis intra se reputans dicebat: Quare non baptizatus esses ante prandium.*

Hebræi non nisi loti ad mensam accubebant.

31 Itaque Hebræi non accubebant ad mensam, quin lautius essent, seu quod idem est, quin balneum adhibuissent. Cum autem exissent e balneo, nihil sibi quidquam lavabant præter pedes, ut a sordibus mundarentur, quibus conspurcari eos oportebat, dum sine calcis & caligis a balneo ad mensam venirent. Quapropter Abrahamus, & Lot Angelis, quos sub hospitem & peregrinorum aspectu domi exceperant, pedes tantum laverunt, ut est in cap. 18. Genes. Et Josephus cum fratres qui e Cananæa advenerant exciperet, prius paravit convivium, ut est in eod. lib. Genes. cap. 43. v. 16. *Introduc viros domum; & occide victimas, & instrue convivium, quoniam mecum sunt comesturi meridiem.* Postea vero *Introduclis domum attulit aquam, & laverunt pedes suos.* In libro Judicum cap. 19. v. 21. ubi senex ille tanta humanitate Levitam domi suæ exceperat, legimus: *At postquam laverunt pedes suos, recepit eos in convivium.* Et 2. Reg. cap. 11. v. 8. *Urias a Rege dimissus fuit ad mensam, postquam lavisset pedes.* *Vade in domum tuam, & lava pedes tuos &c.* Et egressus est *Urias de domo Regis, sequutusque est eum sibus regius.* Jam vero in novo Testamento apud Lucam cap. 7. v. 44. de Phariseo Jesus conqueritur, quod sibi pedes non lavisset: *Aquam pedibus meis non dedisti.* Et Epist. 1. D. Pauli ad Timotheum cap. 5. v. 10. ubi egregiæ viduæ dotes recenset Apostolus, illud etiam ait querendum, *si filios educavit, si hospitio recepit, si sanctorum pedes lavit.* Et ut abunde probemus, quæ ad coenam venirent, iis e balneo egressis pedes solum fuisse lavatos, satis est verba Christi Domini referre, quæ habentur Joann. cap. 13. v. 10. *Qui lotus est, non indiget*

Balneo egressi pedes lavabant.

get

get nisi us pedes lavet. Quibus verbis non modo ad eam consuetudinem respicit, sed illud etiam significat, ei, qui purus est ab omni lethali culpa, qua anima Deo fit invisa, nihil opus esse amplius, quam ut lavet pedes, hoc est affectiones animi regat, concupiscentiæ impulsus coerceat, occultam elationem animi comprimat, honorum cupiditatem immoderatam excutiat, sui ipsius amorem excindat, & iram, & invidentiam, & oblectandi studium compescat. Egregie ad eum locum Augustinus n.4. tom.3. *Ipsi igitur humani affectus, sine quibus in hac mortalitate non vivitur, quasi pedes sunt, ubi ex humanis rebus afficimur, & sic afficimur, ut si dixerimus, quia peccatum non habemus, nos ipsos decipiamus.*

*De insigni hoc
in re Christi
Domini humi-
litate.*

32 Neque vero prætereundum est, Christum Jesum, cum Apostolis lavare vellet pedes, vestem posuisse, linteo se præcinxisse, quo lotis pedibus tergendis usus est, ut apud Joann. cap.13; qua quidem in re maximum exhibere voluit humilitatis exemplum, non modo lavandis pedibus, sed veste deponenda, & linteo fumendo, quod servorum erat, ut observat Ferrarius de re vestitaria par.t. pag.138. Ejus lintei partem narrat Leo Ostiensis a quibusdam Monachis Hierosolyma profectis ad Casinense Monasterium allatam esse; eam, juxta illorum consuetudinem temporum, in ignem injectam statim igneo colore incanduisse, semotis autem carbonibus, ad primam formam esse restitutam; quod quidem veritatem sacri lintei comprobavit. Propterea, ita ut æquum erat, honorifico in loco fuit collocatum, ut tradit etiam Joannes Chiffletius de Linteis Christi sepulcralibus cap.6.

*Trina Christi
de Juda præ-
dictione prædi-
ctio.*

33 Atque hæc hæc hactenus de Hebræorum more accumbendi, & de lavandis pedibus. Nunc de rebus a Christo in ultima Cœna gestis dicendum est. De prodictione, quam unus ex Discipulis Magistro moliebatur, trina est Jesu Christi prædictio. Prima est initio Cœnæ, ut apud Matth. cap.26. v.20. & 21. *Vespere autem facto, discumbebant cum duodecim Discipulis suis, & edentibus illis dixit: Amen dico vobis, quia unus vestrum me traditurus est:* quod etiam legitur apud Marcum cap.14. Altera est, postquam Discipulis lavit pedes, Joann. cap.13. v.10. *Qui lotus est non indiget, nisi ut pedes lavet.... & vos mundi estis, sed non omnes.* Tertia denique, postquam Eucharistiam instituit; ut habetur apud Lucam, qui cap.22. v.21. enarrata Eucharistiæ institutione, refert Christum dixisse: *Verumtamen ecce manus tradentis me mecum est in mensa,* & consonat Joannes cap.13. Cujus trinæ prædictionis causa fuit, vel ut Apostolis firmior injiceretur opinio, Christi voluntarium fuisse interitum, quem, si libuisset, facile illi fuisset evitare, vel etiam ut iteratis illis prædictionibus Judæ daretur poenitentiae locus, quemad-

quemadmodum sancti Patres, sacrique Interpretes rem hanc expendunt, quos refert Calmetus ad Matth. cap. 26. num. 2. 1.

34. Lavit igitur Christus pedes discipulorum; quo vero tempore id fecerit, sacri disputant Interpretes. Joannes cap. 13. ait, lavisse pedes discipulorum, *Cœna facta*. Quia vero triplex considerari potest Cœna; prima qua Paschalis Agnus, adhibitis cæremoniis legalibus comedendus unice apponebatur; Secunda, vulgaris quædam Cœna, qua, cum Paschalis agnus satiandæ familiæ plerumque satis esse non posset, quidlibet licebat comedere; Tertia denique Sacrosancta illa Cœna, qua institutum est Eucharistiæ Sacramentum; quærunt propterea Interpretes, quanam tandem e tribus hisce peracta Cœna, Christus laverit pedes. Suarez in 3. par. D. Th. tom. 3. disp. 41. sect. 2. primam inter & secundam Cœnam arbitratur Christum lavisse pedes Discipulorum, expleta nimirum legali Cœna, paullo antequam vulgaris altera inciperet. Et sect. 4. luculenter ostendit, Dominum Jesum, postquam lavisset pedes Apostolorum, ad mensam iterum recubuisse, seu quod idem est, ad communem illam vulgaremque mensam, ubi denique Eucharistiæ Sacramentum confecit; atque eam esse ait rerum ibi gestarum naturalem seriem & ordinem: nam primum legali Cœna præcepto legis obtemperatum est; consequutum est deinde mysterium ablutionis pedum, *ut quanta reverentia futurum Sacramentum recipiendum esset, significaretur*; denique facta est ipse Sacramenti institutio. Alii putant, Christum Jesum, postquam Sacramentum Eucharistiæ confecit & dispertivit, lavisse pedes Apostolorum. In ea sententia est Auctor Tractatus de cardinalibus operibus Christi, qui D. Cypriano falso tribuitur, de ablutione pedum pag. ciii. *Jam Sacramenta Corporis sui Apostolis Dominus distribuerat, jam exierat Judas; cum repente de mensa surgens linco se præcinxit, & ad genua Petri lavaturus pedes ejus, ipse genibus flexis Dominus sermo consummatæ humilitatis obtulit famulatum*: quam sententiam probat Calmetus in cap. Joann. 13. num. 2. Verum communis opinio est, Christum legali Cœna expleta lavisse pedes Apostolorum; atque hunc esse illorum verborum sensum: *Et cœna facta est*; & paulo post: *Surgit a cœna, & ponit vestimenta sua, & cum accepisset linctum, præcinxit se*: nec expleta tantum legali Cœna, sed magna etiam ex parte secunda illa vulgari Cœna absumta, quod optime probat a Lapide in cap. 26. Matth. vers. 26. & in cap. 13. Joann. vers. 2. sed tamen ante institutionem Eucharistiæ: *Christus hic triplicem cenavit cenam cum Apostolis. Prima fuit cæremonialis, qua comedit Agnum Paschalem. Secunda fuit communis sive usualis &c. Tertia fuit Cœna Eu-*

quo tempore Christus pedes laverit Discipulorum. Cœna illa tripliciter consideranda est, legalis, vulgaris, Eucharistica. Christus lavit pedes Discipulorum, expleta magna ex parte vulgari Cœna.

eharistia. Itaque Christus post duas priores cœnas ante hanc tertiam lavit Apostolorum pedes. Consonat Maldonatus ad idem caput. 13. num. 2. Diximus magna ex parte vulgari cœna absumpta, quia Christus postquam lavisset Apostolorum pedes, iterum rediit ad mensam, ut apparet ex Joann. cap. 13. v. 12. *Postquam ergo lavit pedes eorum, & accepit vestimenta sua, cum recubisset iterum, dixit eis Ecce.* Et Epulæ adhuc erant appositæ; pergit enim Joannes, aitque v. 26. panem in patina injectum intinctumque Judæ præbuisse: *Et cum insinxisset panem, dedit Judæ Simonis Iscariotæ.*

*Quo Cœnæ
tempore Chris-
tus Eucharis-
tiam instituit.*

35 Quod tempus illud, quo Christus pedes lavit Apostolorum, definierimus, multum id confert ad tempus reperiendum, quo Eucharistiam instituit. Matthæus cap. 26. v. 26. ait, inter cœnam, scilicet communem, Sacramentum illud esse institutum: *Cœnantibus autem eis, accepit Jesus panem, & benedixit.* Idem ait Marcus cap. 14. v. 22. *Et manducantibus illis, accepit Jesus panem.* Lucas vero cap. 22. v. 20. Eucharistiæ institutionem videtur ponere post cœnam expletam: *Similiter & calicem postquam cœnavit dicens Ecce.* Idem ait D. Paulus 1. ad Corinth. cap. 11. v. 23. *Ego enim accepi a Domino, quod & tradidi vobis, quoniam Dominus Jesus in qua nocte tradebatur, accepit panem, & gratias agens fregit, & dixit: Accipite & manducate: hoc est corpus meum; quod pro vobis tradetur: hoc facite in meam commemorationem. Similiter & Calicem, postquam cœnavit, dicens: Hic Calix novum Testamentum est in meo Sanguine: hoc facite quotiescumque bibetis in meam commemorationem.* Sunt qui locis hisce omnibus probe perpensis, putant, Christum Jesum inter vulgarem cœnam panem consecrasset ac distribuisset, eaque absoluta, consecrasset iterum & distribuisset sanguinem. Alii arbitrantur, panem & vinum consecrasset ac distribuisset, nondum peracto tempore Cœnæ vespertinæ, seu nondum sublata mensa, quod tempus sæpenumero sub cœnæ nomine continebatur. Vide Estium in cap. 2. Epist. 1. ad Corinth. num. 25. qui priore rejecta, alteri sententiæ suffragatur. Verum ablutio pedum ante Eucharistiæ institutionem facta fuit: ea enim innuere Christus voluit, mundos eos esse oportere, qui Sacramentum susciperent, quod certe non innuebatur, pedes abluendo post Eucharistiæ institutionem, ut bene arguit Maldonatus loc. citat. *Præterea cum hac pedum lotionem..... docere Christus voluerit, oportere eos, qui ad sumendam Eucharistiam accederent, esse mundos credendum, post omnem aliam cœnam, & ante Eucharistiæ traditionem, eam adbibuisse, ne quid aliud videri posset significare.* Cumque sub finem secundæ seu vulgaris cœnæ

cœnæ facta fuerit, ut docuimus, pedum ablutio, qua Christus perfunctus, ad mensam, ubi aliquot remanserant patinæ, reversus est, in id tempus apte videtur conjici Eucharistiæ institutio. Ratio autem conciliandi Matthæum & Marcum cum Luca & Paulo ea videtur esse, ut verba illa, *cœnantibus & manducantibus*, apud Matthæum & Marcum reditum Christi ad mensam significant post lavatos pedes discipulorum, quo tempore paululum cibi præterea sumit; verba autem illa, *postquam cœnavit*, apud Lucam & Paulum, finem manducandi ostendant, ut bene advertit Calmetus in cap. 13. Joannis loc. cit.

36 Hæret adhuc scrupulus, cur Lucas & Paulus, dum calicem commemorant, mentionem expletæ Cœnæ injiciant, nihil autem de Cœna dicant, cum de pane loquuntur. Venerabilis Bellarminus Cardinalis tom. 3. contr. lib. 1. cap. 2. de Sacram. Eucharistiæ ejusmodi eximendo scrupulo eam adhibet observationem, Lucam scilicet duos commemorare Calices, alterum ante, alterum post consecrationem panis adhibitum. De primo ita loquitur Evangelista cap. 22. v. 17. *Et accepto Calice gratias egit, & dixit: Accipite & dividite inter vos.* De altero vero hæc habet v. 20. *Similiter & Calicem postquam cœnavit, dicens: Hic est Calix Novum Testamentum in sanguine meo, qui pro vobis fundetur.* Primus ad legalem cœnam referendus, qui ejus cœnæ distributus fuit initio cum vino minime consecrato. Quamobrem idem doctissimus Cardinalis probat, falso argui in Calice non fuisse sanguinem ex illis verbis: *Non bibam amodo ex hoc genimine vltis, donec illud bibam novum in Regno Dei*: ea enim verba loquutus est Jesus, ut apud Lucam luculentissime apparet, non post secundi Calicis consecrationem, sed post primi distributionem. Calix vero secundus ad cœnam Eucharisticam referendus, qui sub vulgaris mensæ finem consecratus est, Jesu Christi sanguinis plenus. Idcirco Lucas & Paulus de Calice loquuti ea addiderunt verba, *Postquam cœnavit* (nam cum de pane loquerentur, nihil opus erat ejusmodi additione, quem neque bis fractum, nec semel initio communis cœnæ, & iterum in ejusdem cœnæ fine dispersitum referunt Evangelistæ) non ut significarent, panem quidem inter cœnam, calicem vero post cœnam consecratum esse; sed ut ostenderent, cum duo Calices essent, se non de primo loqui, cujus distributio facta fuit initio cœnæ, sed de secundo, quem Christus sub ejusdem cœnæ finem consecravit, quod fusc probant Cajetanus in Luc. cap. 22. Joannes Eselius in Matthæum, Estius in primam Epist. ad Corinth. & a Lapide in Matth. cap. 26. vers. 29. Atque hic est idem ille Calix, qui multos annos Hierosolymæ conservatus fuit, ut ex Beda

Cur Lucas, & Paulus mentionem non faciunt expletæ Cœnæ, cum Calicem commemorant?

intelligimus, sive is, sive alius auctor sit Libri de Locis Sanctis cap. 2. ubi hæc leguntur: *In Platea, quæ Martyrium & Golgotha continuat, Exbedra est, in qua Calix Domini seriniolo reconditus per operculi foramen tangi solet & osculari, qui argenteus calix duas hinc inde habens ansulas sextarii Gallici mensuram capit, in quo est & illa sponsia Dominici potus ministra.* Vide Baronium ad annum Christi 34. §. 63.

*Expenduntur
Christi plures
actiones in
Cæna.*

37 Plures in institutione Eucharistiæ considerantur Christi Domini actiones. Primo enim Jesus accepit panem, deinde Deo Patri suo gratias egit; tum eundem panem fregit, & distribuit discipulis dicens: *Accipite, & manducate: hoc est corpus meum.* Et accepto Calice, gratias itidem egit Deo Patri suo, & Apostolis præbuit, ut ex eo biberent, dicens: *Bibite ex hoc omnes: hic est enim Sanguis meus novi Testamenti, qui pro multis effundetur in remissionem peccatorum.* Atque ita non modo in fine cænæ utrumque consecravit, panem nimirum, & vinum (neque enim eorum opinionem sequimur, qui putant panem inter cœnam, vinum autem, expleta cœna, fuisse consecratum) sed juxta verisimiliorem sententiam, inter utramque consecrationem panis & vini, & utriusque distributionem nihil quidquam gestum est, nihilve dictum, ut colligitur ex Matthæo, Marco, & Luca. Et sane postulabat sacramenti & sacrificii Eucharistici ratio, ut totum id, nulla re alia interposita, continenter perficeretur: ad naturam enim ejusmodi sacrificii, quod ad exemplum refectionis instituebatur, æque pertinebat consecratio panis & vini, ut optime disputat a Lapide in cap. 26. Matth. vers. 27. Atque hæc de Christi actionibus, ut polliciti sumus, dixisse sufficiat, ne omnia persequamur, quæ in ultima cœna Christus gessit, tametsi omnia mysteriorum plena sint, & veneratione dignissima. Neque tamen argumentum hoc dimitemmus, quin eas explicemus quæstiones, azymum: an fermentatum panem Christus consecraverit; utrum consecrando pane & vino certis quibusdam conceptisque verbis usus sit; num se ipse communicaverit; num Judæ corpus suum præbuerit; quid expleta cœna denique gesserit.

Christus consecravit azymum; non tamen improbat Ecclesia Occidentalis ritum Orientalem consecrandi fermentatum. Græcorum injuria

38 Dubitari minime potest, quin Christus panem azymum consecraverit: nam, ut supra docuimus, legale Pascha eodem tempore quo Hebræi celebravit, ideoque prima azymorum die, cum nulli fas erat fermentatum panem habere domi. Sed cum Christus panem azymum consecraverit, non inde tamen recte inferas, solum consecrari posse azymum: *quamvis Christus de azymo pane corpus suum fecerit (forsitan non quia res quæ fiebat hoc exhibebat, sed quia cæna in qua hoc factum est, panem alium non exhibebat)*

bebat) panem tamen fermentatum non prohibuit; verba sunt Algeri lib. 2. de Sacram. Corporis, & Sanguinis Domini, cap. 10. in Biblioth. Patr. tom. 21. pag. 283. Quamobrem Concilium Florentinum anno 1439. habitum, cui Latini & Græci subscribere, ita rem hanc definivit: *item in azymo, sive fermentato pane triticeo Corpus Domini veraciter confici, Sacerdotes quoque in altero ipsum Domini corpus conficere debere, juxta suæ Latine vel Orientalis Ecclesiæ consuetudinem*, ut videre licet tom. 13. collat. 22. col. 1136. Concil. Collect. Labbeanæ. Atque ibi duo observanda. Primum quanto diligentius Latina Græcam Ecclesiam, quam Græca Latinam observaverit. Latina enim Ecclesia numquam Græcorum disciplinam improbavit consecrandi fermentatum, ut videre licet in Constitutionibus Gregorii IX. Eugenii IV. Leonis X. Clementis VII. & in Enchiridio Græcorum Beneventi anno 1717. a Cardinali Quirino tunc temporis Archiepiscopo Corcyrensi edito. Verum adversus Latinam Ecclesiam non fuit par & mutua Græcorum observantia & studium, quod spectat ad consecrationem azymi. Etsi enim Photius S. Ignatii Patriarchæ Constantinopolitani nefarius oppressor, quem in Romano Concilio Summus Pontifex Nicolaus condemnavit, in decem illis calumniarum plenis capitibus, quæ anno 858. adversus Latinos edidit, nihil quidquam de consecratione azymi attigerit, ut apparet ex Epistola 51. Hincmari Rhemensis ad Odonem Episcopum; id tamen opposuit Latine Ecclesiæ anno 1043. Michael Cerularius, quod constat ex ejus epistola, & alia quadam nomine Leonis Archiepiscopi Bulgarorum scripta ad Joannem Episcopum Tranensem, in quibus vehementer exagitat Romanam Ecclesiam, Apostolicam Sedem, & Ecclesiam Occidentalem universam, quasi adhibito pane azymo judaizet; quam calumniam Summus Pontifex S. Leo IX. disjecit Ep. 1. cap. 5. cumque anno 1054. ad pacem Latinos inter & Græcos conciliandam, bellumque adversus Nortmannos inferendum, Legatos suos Constantinopolim misisset Cardinales Humbertum Episcopum Sylvæ Candidæ, Fridericum Archidiaconum & Can-cellarium, & Petrum Archiepiscopum, ex his Humbertus Hebræice, Græce, & Latine doctissimus publica disputatione rationes, quæ adversus panis azymi usum a Græcis & Schismaticis afferbantur, dissolvit, ut videre est in ejus Dissertatione de Azymo apud Baron. Annal. tom. 11. Alterum observatu dignum est, quod exploratum habemus, Christum panem azymum consecrasse, & Eucharistiæ materiam necessariam esse panem triticeum. Certissimum itidem est, Latinam Ecclesiam laudabiliter azymum consecrare, at in Orientalibus Ecclesiis consecrari fermentatum ex-

adversus Occidentalem Ecclesiam. Panis triticeus materia necessaria Sacramenti. In Ecclesia Latina præscriptus azymus tempore inter Pharisæos & Cerularii schismata inter-

ceptis tamen Maronitis, ut testatur Morinus Præfat. in Ordinationes Maronitarum; & Armenis, ut apparet ex Constitutione Gregorii VII. in Enchiridio supra allato: *De reliquo quia cognovimus, Ecclesiam vestram azyma sacrificare, & ob hoc a Græcis dumtaxat imperitis quasi de hæresi reprehendi, volumus vos de temeraria garrulitate illorum multum mirari, sed nec ab instituto discedere.* Verum quo tempore cœperint Græci fermentatum panem, & Latini seu Occidentales azymum consecrare, non ita compertum est. Etenim D. Thomas in 4. sentent. dist. 2. quæst. 2. quæstiunc. 3. ait, utramque Ecclesiam azymum adhibuisse usque ad ea tempora, quibus hæresis Ebionitarum erupit; eos autem hæreticos declarasse, ideo se panem azymum consecrare, ut Hebræorum Christianorumque ritus jungeretur, atque ita præcepto servandæ simul utriusque legis Moyſis & Christi satisfaceret: quomobrem Latinam æque ac Græcam Ecclesiam, ut ab aliis hæreticis quam longissime abessent, disciplinam consecrandi panem fermentatum amplexas esse; ea vero hæresi oppressa, refert S. Thomas & cæteri Scholastici Theologi, Orientalem Ecclesiam usum fermentati retinuisse, Occidentalem vero disciplinam panis azymi revocasse. Verum recentiores viri docti, qui ubi agitur de rebus non juris, sed facti, veteribus & germanis monumentis se adhærescere profitentur, in alias alii abiere sententias. Sirmondus in brevi præclaraque Dissertatione de Azymo tom. 4. Operum suorum edition. novissimæ continet, in Latina Ecclesia octingentos & amplius annos fermentati usum communem fuisse; azymi vero disciplinam per id temporis investam fuisse, quod inter utrumque schisma Photii & Cerularii intercessit. Mabillonius in Dissertatione, quam de hoc argumento conscripsit, & Christianus Lupus tom. 3. ad Decreta & Canones Conciliorum Dissertat. de Actis S. Leon. IX. cap. 7. & sequen. putant, ab Apostolicis usque temporibus ductam in Latina Ecclesia azymi disciplinam, nec umquam esse intermissam. At vir sapientia æque ac eruditione clarus Cardinalis Bona Rer. Liturgicar. lib. i. cap. 23. edit. noviss. docet, penes Græcos fermentatum semper fuisse adhibitum; Latinos vero primis Ecclesiæ seculis, ut cuique se temporum locorumque opportunitas obtulisset, promiscue azymo panem & fermentato usos esse; decimo vero seculo in Ecclesia Latina disciplinam azymi confirmatam.

39 Bocquillotus Tract. Histor. de sacra Liturgia lib. 1. Cap. 11. statuit, Jesum Christum in azymo consecrasse; non tamen in animo habuisse, Apostolis eorumque Successoribus præcipere, ut in Missa panem Azymum fermentato anteponerent. Plura deinde argumen-

Quid Bocquillotus, & quid Heterodoxi hac de re sentiant.

gumenta & conjecturas affert, quibus ostendere studet, nongentorum spatio annorum utrumque in utraque Ecclesia tum Occidentali tum Orientali panem azymum & fermentatum promissum fuisse adhibitum, atque in Sirmondi tandem sententiam descendit, in Ecclesia Latina statutum fuisse per illud tempus, quod inter Photii & Michaelis Cerularii Schismata interjectum est, ut panis tantum azymus consecraretur. Pertractarunt Heterodoxi quoque hoc argumentum; inter quos Philippus Julius Retmejer dissertationem, Andrea Schmidio Præside, publico proposuit examini, typisque Amstelodamensibus edidit anno 1727. quæ dissertatio extat in tom. 3 18. Miscellaneorum in celebri Bibliotheca Dominici Cardinalis Passionei. In ea igitur confirmantur omnia, quæ statuere Sirmondus & Bocquillot; & Sirmondi quidem ibi fit mentio, non tamen Bocquilloti, cujus tamen opus multo antea editum fuit. Ejus Actor Lutheranarum partium ait §. 11. Lutherum noluisse de usu panis azymi quicquam immutare, quem probe sciret verum esse panem, ideoque aptam consecrationi materiam, & cuilibet potestatem fecisse juxta regionis consuetudinem consecrandi in azymo vel fermentato; qua quidem in re nihil a Catholicæ Ecclesiæ statuisset alienum, si, quod tamen minime fecit, ad Concilium Florentinum respexisset, cui placuit ut in Orientali fermentatus, in Occidentali Ecclesia panis azymus adhiberetur; ideoque Sacerdos Græcus juxta Orientalem disciplinam in fermentato, Latinus juxta Occidentalem ritum in azymo consecraret, ut docet etiam D. Th. 3. Par. Quæst. 74. art. 4. atque etiam Græcus in Occidente, & Latinus in Oriente in suo quisque pane, qui sui ritus esset consecraret, ut monet Herminier tom. 2. de Sacramentis Cap. 12. de Eucharistia pag. 4 12. Si cui autem Symbolicæ significationes arrideant, idem Herminier docet, in azymo carnis Christi sinceritatem & puritatem, in fermentato Divinitatis & humanitatis unionem in Christo significari. Vid. Casalium de veteribus Sacris Christianor. Ritib. Cap. 87. in fine.

40 Christum Jesum constat panem & vinum consecrasse; verum quonam tandem modo ejusmodi consecrationem consecrerit, inter se Theologi discrepant. Quidam externa; alii interna & occulta benedictione, nullis verbis adhibitis, per potestatem excellentiæ ab omni verborum necessitate absolutam, arbitrantur panem consecrasse; sed tamen formulam quamdam & concepta præscripsisse verba, quibus posteri consecrando pani uterentur. Ita Summus Pontifex Innocentius III. lib. 4. Mysterior. Millæ Cap. 6. *Dici potest, quod Christus virtute Divina consecrit, Et postea formam expressi, sub qua posteri benedicerent. Ipse namque per se*

Non interiore & occulta benedictione, sed verbis adhibitis Christus Eucharistia consecrit; quæ videtur fuisse S. Trident. Synodi doctrina, non tamen de fide.

virtute propria benedixit: nos autem ex illa virtute, quam indidit verbis. Atque ad hanc opinionem accessit Durandus lib.4. de Divinis Offic. cap.41. num.15. & Ambrosius Catharinus in duobus, quæ conscripsit de hoc argumento, opusculis, mistique ad Synodum Tridentinam. Quoniam vero Pontifex non decreto edito, sed suam opinionem declarando id affirmavit, recedere nolumus a D. Thomæ sententia, qui 3. par. q.78. art.1. disertè docet, Christum Jesum Eucharistiam consecrasset non sola interiore & occulta benedictione, sed iisdem verbis adhibitis, quibus nunc Sacerdotes utuntur: Hoc est Corpus meum. Hic est Sanguis meus. Favet huic sententiæ Concilium Tridentinum sess.12. Cap.1. ubi hæc habentur: Hoc admirabile Sacramentum in ultima Cæna insinuit, cum post panis vinique benedictionem, se suum corpus præbere, ac suum sanguinem disertis ac perspicuis verbis testatus est: quæ verba a Sanctis Evangelistis commemorata, a Divo Paulo postea repetita sunt. Ea enim verba, post benedictionem innuunt, Christum non consecrasset per benedictionem, sed per verba, quæ ab Evangelistis & Divo Paulo referuntur: Hoc est Corpus meum. Hic est Sanguis meus. Quamobrem Romani Catechismi Auctores ita de panis consecratione loquuntur de Sacramen. Euchar. pag.136. Hæcque a Sanctis Evangelistis Mattheo & Luca, itemque ab Apostolo docemur illam esse formam: Hoc est Corpus meum: scriptum est enim: Cænantibus illis accepit Jesus panem, & benedixit ac fregit, deditque Discipulis suis, & dixit: Accipite & manducate: Hoc est Corpus meum. Quæ quidem consecrationis forma cum a Christo Domino servata sit, ea perpetuo Catholica Ecclesia usa est. Idem Catechismus paullo post eadem ait de Consecratione Calicis. Sylvius in 3. Par. D. Th. tom.4. Quæst. 78. art.1. hac de re ita disputat: Quamvis dubium non sit, quin Christus per potestatem excellentiæ potueris solo imperio panem & vinum convertere in Corpus & Sanguinem suum; ut certum tamen asserendum est, quod ad hoc usus fueris verbis, & quidem iisdem illis, quibus nunc utimur. Sic autem id esse certum, ut veluti Fidei articulus sit credendus, negat Tournely in Prælection. Theologic. de Augustissimo Eucharistiæ Sacramento pag.439. ubi advertit, Sacram Tridentinam Synodum propensiores se in eam sententiam ostendisse, non tamen anathema sanxisse in eos, qui adversæ sententiæ suffragarentur. Et sane Alphonsus Salmeron e Societate Jesu Theologus magni nominis, qui Tridentino Concilio interfuit, tom.9. Tract.13. pag.88. Non dissimulabo, inquit, quod in Concilio Tridentino, cum quidam Theologi id peterent, ut explicaretur forma, qua Christus consecravit hoc Sacramentum, auditis hinc inde rationibus, nihil esse definiendum

dum prudenter Patres censuerunt. Bene igitur Tournely, postquam statuit Jesum Christum iisdem verbis, quibus Sacerdos utitur, panem & vinum consecrasse, in hunc modum concludit: Quamvis igitur sententia conclusionis nostræ certa sit, ac vera non tamen Fidei certitudinem hactenus assequuta est: neque nostro quidem iudicio privatorum est, non audita prius Ecclesiæ voce atque sententia, definire hanc aut illam opinionem hæreticam esse, aut hæresim redolere.

41 Christum Jesum in ultima cœna Corpus suum & Sanguinem sumissee ipsi nos docuimus XXXVIII. Institutione Edit. Latina §. 5., & fufe probat S. Thomas 3. par. qu. 81. art. 1. ubi assert auctoritatem D. Hieronymi epist. 150. ad Hedibiam qu. 2. *Dominus Jesus Christus ipse conviva & convivium, ipse comedens, & qui comeditur:* atque illud observat, quod quemadmodum antequam ferret Baptismatis legem, ipse voluit baptizari, ita cum Corporis & Sanguinis sui institueret Sacramentum, non prius Apostolis suis distribuit, quam ipse sibi sumeret. Quamobrem est in Act. Apostolor. cap. 1. *Cepit Jesus facere, & docere.* Sylvius in 3. par. quæst. 81. art. 1. quæ docuit D. Thomas, confirmat, eosque profert Theologos, qui eandem tuerentur sententiam, atque Christum panem & vinum consecratum sumissee Sacramentaliter, non tamen gratiam, seu gratiæ augmentum accepisse, cujus plenitudinem jam inde a conceptus sui momento consequutus erat, sed spiritualem illam fuisse functionem cum devotione & sanctitate conjunctam & sane actuale Spirituales dulcedinis sensit delectationem. Vaquez, Christum in ultima Cœna sumissee Eucharistiam, testatur communem esse sententiam. Idem confirmant Orientales Theologi, quorum testimonia refert Renaudotius tom. 1. Collect. Liturgiar. Oriental. pag. 237. Utrum vero Judæ Corpus suum præberet, vetus est, atque etiamnum existit inter Thologos, sacrosque Interpretes controversia. Tres enim Evangelistæ Matthæus, Marcus, & Lucas diferte tradunt in legali Cœna, qua Paschalem Agnum comedit, *discubuisse cum duodecim Apostolis suis;* Sed ad communem cœnam non ita compertum, multoque minus ad Eucharistiam duodecim numero fuisse convivas, qui accubuerint.

42 Quidam ex veteribus arbitrati sunt, Judam Eucharistiæ institutioni non adfuisse; cumque Jesus illum ut sui proditorem demonstrasset, foras erupisse. Alii ajunt cum Magistro suo ad finem usque Cœnæ non permanisse. Alii denique putant, panem Judæ Christum dedisse, & quidem consecratum, sed dum proditori porrigeret, pani consecrationem ademisse, ut videre est apud Calmetum ad cap. 26. Matth. num. 23.

Christus in ultima Cœna suum ipsum Corpus, & Sanguinem, sumit. Num Judæ præbuerit.

Veritas de re hac sententiæ.

43 Nos vero, quibus propositum est communes & a plerisque probatas opiniones sectari, dicimus Jesum Eucharistiam Judæ tradidisse: quod quidem ita demonstramus. Eucharistiam iis omnibus præbuit Redemptor noster, quotquot cum eo primum ad Legalem, deinde ad communem cœnam accubuerant. Id patet ex D. Marco cap. 14. v. 22. & 23. *Et manducantibus illis accepit Jesus panem &c. & ait &c. Sumite: hoc est Corpus meum. Et accepto Calice gratias agens dedit eis, & biberunt ex eo omnes.* Observanda diligenter sunt ea verba: *Et manducantibus illis*, quæ ad eos referuntur, qui ad legalem cœnam excepti, communi etiam Cœnæ adfuerunt, in qua Christus Eucharistiam confecit. Magna etiam in eo verbo vis est, *omnes*, quo ex iis nemo excluditur. Judas igitur sine ulla dubitatione cum cæteris Apostolis ad legalem cœnam accubuit: id vero patet ex verbis illis Marci cap. 14. v. 17. *Vespere autem facto venit cum duodecim, & discumbentibus eis, & manducantibus ait Jesus: Amen dico vobis, quia unus ex vobis tradet me, qui manducat mecum.* Itaque Judam Eucharistiam sumsisse oportuit. Huc accedit, quod Christus Jesus, ut docuimus, post lotos Apostolorum pedes Eucharistiam instituit; cumque exploratam sit ex Joannis cap. 13. Christum Dominum Judæ etiam lavisse pedes, necessario inde consequitur, illum Eucharistiam quoque sumsisse. Præsertim vero quia non modo adfuit cum Eucharistia institueretur, sed aliquantisper restitit: instituto enim Sacramento, & discipulis tradito, dixit Jesus, inter eos qui aderant, esse quempiam, qui se proditurus esset; nec inde prius Judas excessit, quam illi Jesus panem intinctum præbuisset; quæ omnia observare licet apud Joannem loc. cit. Judam communicasse quidem diximus; sed negamus pane illo intincto communicasse, qui numquam consecratus fuit: sumsit enim Eucharistiam, quæ omnibus, quotquot aderant, fuit distributa ante panem intinctum, qui Judæ soli datus est. Docet id S. Augustinus tract. 62. in Joannem n. 3. tom. 3. *Non autem, ut putant quidam negligenter legentes, tunc Judas Christi corpus accepit, dum scilicet panis intinctus illi a Christo præbebatur. Intelligendum est enim, quod jam omnibus eis distribuerat Dominus Sacramentum Corporis & Sanguinis sui, ubi & ipse Judas erat, sicut Sanctus Lucas evidentissime narrat, ac deinde ad hoc ventum est, ubi secundum narrationem Joannis apertissime Dominus per buccellam tinctam atque porrectam suam exprimit traditorem, fortassis per panis tinctionem illius significans fictionem.* Estius, quem in ea esse sententia diximus, ut putet, Eucharistiam a Christo fuisse institutam, expleta communi cœna, etiamsi nondum amota fuisset mensa, in qua cœna-

tum

tum fuerat, Evangelii textum in cap. 13. Joannis pag. 556. enarrans, ubi scribit Evangelista, Christum Judæ panem intinctum tradidisse, eorum quidem opinionem non vult amplecti, qui putant, Christo post ablutionem pedum ad communem mensam reverso continuatam esse cœnam; sed cum fateatur panem intinctum, & Judæ traditum non fuisse consecratum, Iudas enim antea Christi Corpus & Sanguinem acceperat, rursus affirmat, post reditum ad mensam nihil profani esse comestum. *Videtur ergo; quod nullum profanum cibum, aut potum postea Apostolis dederit, sed Sacrum solummodo, scilicet Corpus suum & Sanguinem, quem etiam Judæ ut occulto peccatori denegare noluit. Et de pane intincto addit, illum non fuisse panem mysticum, idest corpus Christi; jam enim ante sumserat Corpus Christi & Sanguinem cum aliis; sed eo signo porrectæ offulæ Christum designasse proditorem non omnibus discipulis, sed soli Joanni: nec ideo instituit postcœnium, sed ex reliquis panis & vini, quæ in mensa erant, particulam panis vino intinxit & proditori dedit indicii causa, non alimenti.* Sagittarius Harmon. Histor. Passion. tom. 1. pag. 204. fatetur, panem intinctum Judæ traditum Eucharisticum non fuisse; plures deinde referunt opiniones de liquore, quo panis intinctus fuit, plane a communi sensu remotas: quid enim aliud credi potest, quam vino intinctum fuisse?

44 Eucharistiam a Juda fuisse susceptam, præter Cyrillum Hierosolymitanum, Joannem Chrysostomum, Hieronymum, & Augustinum, diserte docet etiam D. Thomas 3. par. qu. 81. art. 2. & in 4. sentent. dist. 2. qu. 3. art. 2. quæstiunc. 1. & 2. & in cap. 13. Joann. Lect. 3. & 4. cui assentiuntur Theologi omnes apud Suarez 3. par. tom. 3. disp. 41. sect. 3. apud Theophilum Raynaud. tom. 9. cap. 9. Operis de Juda pag. 662. apud Cornel. a Lapide in cap. 13. Joann. vers. 30. apud Baronium ad ann. Chr. 34. §. 62. apud Serry exercitat. § 1. num. 7. apud Cardinalem Gottum de Verit. Relig. Christi. par. 2. tom. 4. cap. 23. §. 4. num. 29. apud Sandinum in Historia Apostolica pag. 214. edit. Patavinæ, & apud Sylvium 3. par. quæst. 81. art. 2. qui hanc sententiam ait veriolem, & communi consensu esse probatam. Consonat denique Ecclesia, quæ in Festo Corporis Christi canit: *Panis visus & vitalis hodie proponitur, quem in sacre mensæ cœnæ Turba Fratrum duodecim datum non ambigitur.* Nam si duodecim distributum fuit Sacramentum, Judæ etiam, qui in eo numero fuit, distributum fuisse minime dubitandum.

45 Cœnam Juda egresso admirandus ille sermo consequutus est Jesu Christi, quem accuratissime & diligentissime retulit Joannes

Patres, & Theologi, qui docent, Eucharistiam ab Juda fuisse susceptam.

De Hymno, quem dixit Jesus antequam exiret in montem Olivæ.

nes cap. 13. & sequen. Et apud Matthæum legimus cap. 27. Redemptorem nostrum, *hymno dicto, exiisse cum Apostolis, in Montem Oliveti.*

*Hymnus ille
fuit gratia-
rum assisio :
quibus tamen
constaret ver-
bis incomper-
tum.*

46 De hoc hymno illud verissime dici potest, *Varii varia.* Multum de illo inter se discrepant Hebræi Scriptores, ut videre licet apud Sagittarium tom. 1. Histor. Passion. Christi pag. 309. Quidam e nostris putant, Redemptorem Hymnum composuisse novum, qui quidem per quorundam manus circumferebatur. Ei erat titulus: *Hymnus Domini; quem dixit secrete SS. Apostolis suis, quia scriptum est in Evangelio: Hymno dicto, ascendis in Montem.* Quædam ejus fragmenta reperias in cap. 26. Matth. vers. 30. qui tamquam Priscillianistarum commentum ex quibusdam apocryphis scripturis haustum ejusmodi hymnum explodit, Augustino præeunte Epist. ad Ceretium Episcopum 273. alias 253. Baronius ad annum Chr. 34. num. 65. veterem quemdam Ritualem Hebræorum librum affert, quo Judaicæ continentur Cæremoniæ, unde eruit, moris apud illos fuisse in cœnis aliarum solemnitarum quosdam canere Psalmos, qui earum Mysteriis essent accommodati; & in Paschatis Festo Psalmum 113. concinere solitos, *In exitu Israel,* & breviores quosdam alios. Grotius in caput 26. Matth. tom. 6. Critic. sacr. pag. 904. conjicit, nihil quidquam aliud hymnum illum fuisse, quam gratias, quas Christus egerit Deo Patri post ea verba apud Joann. cap. 17. *Pater venit hora, clarifica Filium tuum, ut Filius tuus clarificet te;* præsertim quia Christus postquam illum habuit sermonem, qui eodem cap. 17. continetur, exiit cum Apostolis suis, & trajecit torrentem Cedron. *Hæc cum dixisset Jesus, egressus est cum Discipulis suis trans Torrentem Cedron Joannis 18.* Verum id non probat Calmetus, qui nescire se ait, cur Jesus orandi formulam non recitaverit, qua Hebræi in istiusmodi circumstantiis uti consueverant. Ecclesiastici cap. 32. hæc habentur: *Super his omnibus benedicito Dominum, qui fecit te, & inebriantem te ab omnibus bonis suis.* Quamobrem concludendum videtur, illum hymnum fuisse gratiarum actionem, quin de verbis; quibus continebatur quidquam ad nos pervenerit; atque hinc laudabilem sanctamque profectam esse consuetudinem Christianorum gratiarum sublata mensa Deo agendarum, ut observat Baronius loco cit. & longe antea Theophylactus Commentar. in Evang. S. Marci cap. 14. pag. 109. *Et antequam & postquam bibissent, gratias egerunt, ut & nos discamus, quod oporteat gratias agere Christo, & ipsum laudare & ante, & post cibum.*

Ritus, & Cæremonia, quas

47 Jam vero explicato Mysterio, tandem ad Ritus & Cæremonias, quas hodierna die adhibet Ecclesia, deducenda est ora-
tio.

rio. Missa in Cœna Domini tota in Eucharistiæ institutione versatur. Ejus enim Introitu declarat Ecclesia, nulla re gloriari se magis quam Domini nostri Cruce, cui vitam, salutem, & resurrectionem suam refert acceptam. Post Hymnum *Gloria in excelsis* Campanarum usus interdicitur. In Epistola narrat D. Paulus, se accepisse a Domino, Christum Jesum Sacram celebrasse Cœnam, & Augustissimum Eucharistiæ Sacramentum instituisse. Evangelio continetur historia ablutionis pedum. Dicitur *Agnus Dei*, sed sine osculo pacis. Binas Sacerdos consecrat hostias, quarum alteram sumit, alteram ad Feriam Sextam reservat; hostia enim eo die non consecratur. Quædam etiam exigua hostiæ, quæ vocantur particulæ, reservantur, si morbo laborantibus eæ forte opus sint. Quæ vero reservatur hostia, in alium, quam quo utitur Sacerdos, injicitur Calicem, quem Diaconus Palla, & Patena tectum Velo circumdat, & ponit super Altare, Bellotte ad Ritus Ecclesiæ Laudunensis pag. 800. num. 3. de hac Cæremonia loquitur, eorumque improbat consuetudinem, qui Hostiam injiciunt in Pyxidem: in Calicem enim immittendam esse dicit, aut velo, sive sindone involvendam, quæ est Laudunensis Ecclesiæ consuetudo. Tutius tamen est, & honorificentius Hostiam in Calicem injici, pallaque, ac patena obtegi, velo obducto, ut diximus. Sacerdos deinde Clerum universum Eucharistiæ Sacramento reficit; & vel ipsis Presbyteris præbetur Eucharistia sub una tantum specie. Missa peracta fit Processio, in qua Sacerdos Calicem gestat, quo hostiam reservatam conjecit. Denique hostia ita in Calice condita in aliquo Ecclesiæ Sacello, seu Altari, ad id quam potuit ornatisime parato, collocatur. Post hæc Vesperæ recitantur: quibus absolutis, nudantur Altaria; ac deinde in iis Ecclesiis, ubi ea est consuetudo, fit a Prælato, vel alio Superiore pedum ablutio, quæ cæremonia *Mandatum* appellatur; in Missa vero, si ab Episcopo celebretur, sacra etiam olea conficiuntur.

48 De disciplina, qua hymno dicto *Gloria in excelsis*, campanarum usus usque ad Sabbathum Sanctum interdicitur, verba fecimus institutione 20. cit. edit. ubi docuimus, per hos dies intermitteri Campanarum sonum, & ligna quædam adhiberi fragoris in modum obstrepentia, ut extet memoria illius consuetudinis convocandi per illorum lignorum strepitum primis Ecclesiæ seculis Fideles ad Divina Officia; in veteribus Ritualibus præscribi, ut Campanæ per hos dies sileant; quæ cum Christi Prædicatores significent, ideo earum sonum intermitteri, quod Apostoli Christum in maximis cruciatibus Passionis, arrepta fuga, deseruerint. De Communione Cleri. deque ejus vetustate sermonem habuimus institutione 38.

Huc

hæc die adhibet Ecclesia. Missa tota est de Eucharistiæ institutione.

Usus Campanarum cur interdicitur. Cur etiam nō detur osculum pacis.

Huc addi potest, Parisiensis, & aliarum quarundam esse consuetudinem Ecclesiarum, ut hoc die Sacerdotes non ab alio suscipiant Eucharistiam, sed Missas celebrent privatas, quæ tamen omnes ante absolutam solemnem seu conventualem Missam peractæ sint, ut videre est apud Bellotte ad Ritus Eccl. Laudunen. pag. 802. num. 7. Idem eruditus Auctor pag. 800. num. 3. loquitur de Processione, in qua Sacra gestatur Hostia, & in loco antea parato reconditur, quod Pastophorium appellat, D. Hieronymi in cap. 40. Ezechielis auctoritate, qui eo nomine vocat Tabernaculum, in quo servatur Corpus Christi, qui Ecclesiæ, animarumque nostrarum verus est sponsus: aitque Hostiam non in Pyxide, sed in Calice, vel in Sacra Sindone locandam esse, prioremque illam consuetudinem Ecclesiasticæ disciplinæ adversari contendit. Notat Mazzinellus in erudito opere, quod de Officio Majoris Hebdomadæ scripsit, Ecclesiam cæremoniis lætitiæ, & gaudii, quibus ob institutum Eucharistiæ Sacramentum vehementer se lætari ostendit, quædam etiam mœroris signa immiscuisse, quæ indicium facerent, memoriam sibi in animo hæere Passionis Christi, quæ cum memoria Eucharistiæ bene conjungitur; cujusmodi ea est cæremonia prætermittendi in Missa osculum pacis; tum quod diebus luctui, & mœrori destinatis prætermittebatur, tum etiam ut declaret, se proditoris Judæ osculum execrari. Observat item idem Auctor, longe antea Redemptionis nostræ Mysteria prænunciata fuisse, quam implerentur; inter eas contumelias, quæ Passionem essent consequuturæ, & illud futurum fuisse, ut Messie vestes detraherentur, & inter satellites, aliosque id genus homines sortito dispertirentur; ob eamque causam voluisse Ecclesiam nudando Altari, quod pluribus Scripturæ locis Jesu Christi Symbolum esse cognoscimus, ipsius nuditatem significare, quæ in ejus Passione vix quidquam aliud contumeliosius. Denique observat, pedum ablutionem *Mandatum* appellari, tum quod ea cæremonia ab ea voce initium sumit, tum etiam quod mandatum ejus rei, & exemplum nobis dederit Christus Dominus, cum dixit: *Si ergo ego lavi pedes vestros Magister, & Dominus, & vos debetis alter alterius lavare pedes. Exemplum enim dedi vobis, ut quemadmodum ego feci vobis, ita & vos faciatis.*

*De nudandis
Altaribus. Pa-
ulianus Vetti-
anus Hæreticus
vultus obluendi
Altare Con-
fessoris Apo-
stolorum.*

49 De nudandis Altaribus agit Isidorus de Officiis Ecclesiasticis lib. 1. cap. 28. Amalarius de Ecclesiasticis Officiis lib. 1. cap. de sexta varietate Cœnæ Domini; Rabanus Maurus de Instit. Clericorum lib. 2. cap. 36. de Cœnâ Domini; Rupertus Abbas de Divinis Officiis lib. 5. cap. 31. Joannes Belet in Explicatione Divinorum Officiorum cap. 103. Durandus lib. 6. cap. 76. Gretserus tom. 5. postremæ edit. suorum operum

operum lib. 1. de Festis cap. 17. pag. 59. acerrime castigat Hospiniani temeritatem, qui piam hanc abluendorum hoc die altarium consuetudinem improbat: *Nec placet Hospiniano mos eodem die lavandi Altaria; quia mallet frangi, & destrui, quam ablui. Mallet talem Altarium lotorem, qualem Tiguri fuit Zuinglius, & Geneva Calvinus.* In Vaticana Principis Apostolorum Basilica, ubi beneficio, & liberalitate Clementis XI. Canonici Theologi munus plures annos sustinimus, mos est, ut absoluto Matutino, quod canitur vespere Feriæ quintæ, universus sacrosanctæ illius Basilicæ Clerus Choro egressus se conferat ad Aram maximam, seu Altare Confessionis Apostolorum, illudque antea jam nudatum, ut ritus postulat, Canonici primo, deinde cæteri e Clero, vino, & aspergillis abluant. Ejusmodi Cæremoniam descripsit Matthæus Patriarcha Antiochenus Vaticanæ Basilicæ Canonicus Decanus, & Altarista in Cæremoniali ejus Basilicæ lib. 2. cap. 10. quod manuscriptum asservatur in Capituli Tabulario, cui diu præfæcti fuimus. Suaresius Episcopus Vasonensis, & Vaticanæ Basilicæ Vicarius de ea re anno 1678. opusculum edidit. Verum accuratissime omnium, & eruditissime de illiusmodi ritu scripsit Joannes Christophorus Battellus Archiepiscopus Amasenus, tunc temporis ejus Basilicæ Beneficiatus Dissertatione anno 1702. Romæ edita, cui denuo impressum addidit in fine Suaresii Opusculum. Ejusmodi ritum non solum aram maximam, sed cætera etiam Altaria abluendi retinent etiamnum Fratres Ordinis Prædicatorum, teste Cavalerio Episcopo Gravineni in Statuta Sacra tit. 4. num. 127. & Carmelitæ, ut videre licet apud Fantonum in Cæremoniali Carmelitarum lib. 2. cap. 35. §. 5. pag. 242. Pluribus etiam in Ecclesiis Galliæ, Germaniæ, & aliarum remotissimarum Regionum eadem cæremonia adhibetur, quod Battellus cap. 3. abunde probavit germanis monumentis. Probat idem Auctor cap. 6. pag. 101. in quibusdam Ecclesiis altarium ablutionem fieri solitam FERIA sexta; cujus rei investigando originem, reperit, probabile esse ejusmodi ritum e Gentium consuetudine derivatum esse, qui lustrali aqua aras expiabant, vel e Ritu Judaico, juxta quem post sacrificium hostiæ expiationis mundabatur Altare, & ungebatur. *Probabile præterea crediderim, hunc morem initio ad munditiem potius, quam ad aliquod denotandum mysterium fuisse institutum, ut forte tam ab Ethnicis, tum a Judæis usurpabatur; cum etenim in toto anni curriculo, hoc tantum triduo sanctioris hebdomadæ Altaria ex vetustissimo Ritu denudata retineantur, nullum sane tempus aderat aptius, aut commodius ipsis Altaribus detergendis, atque mundandis.*

*Vertus ea de
re pugnantia
scribitur.*

50 Ea Battelli sententia valde arridet Verto, ut apparet in Praefat. ejus Operis quod inscribitur *explicatio Cereemoniarum Ecclesiae* tom.2. pag.36. Verum hoc qui conveniat non video cum eo, quod scribit tom.4. pag.37. non feria tantum quinta majoris hebdomadae, sed singulis quibusque diebus, sacrificio Missae peracto, altaria antiquitus, atque etiamnum in quibusdam Ecclesiis nudari solere; & quemadmodum Crux, Candelabra, & Toralia, seu Tobalae altari impouebantur, cum Missa esset celebranda, ita ea peracta, omnia haec auferri consuevisse. Quod observavit etiam Mazzinellus in Notis ad Officium Major. Hebdom. pag.157. *Sacrificio peracto, & ab Altari Eucharistia amota, juxta communem consuetudinem Tobalae complicabantur, & Altari ornatus omnis detrahebatur. Itaque ritus nudandi Altaris, & hostiae alio transferendae* (quod intelligit de Processione quae fit Feria V.) *reliquum quiddam est, quod superfuit ex iis, quae quotidie fieri solebant, quodque etiamnum non sine mysterio retinetur. Quamobrem nobis verisimilius fit, ritum hujusmodi ablendorum hac die Altarium ex eo manasse, quod eadem die Christus Apostolorum pedes abluerit, ut observant Goarius in Notis ad Eucholog. Graecor. in ordinem magna feria quinta observari solitum in lotioni sacrae mensae num.1. Bellotte in Observationib. ad rit. Eccles. Laudunen. pag.808. lit. E. Et duo septimi seculi celebres, clarique Scriptores S. Eligius Episcopus, & S. Isidorus Hispalensis id ipsum confirmant. Ille enim Homil.8. de Coena Domini ait: Propter humilitatis formam commendandam eo die pedes eorum (Christus) lavit: & hinc est, quod eodem die Altaria, Templique parietes & pavimenta lavantur, & vasa purificantur. Alter lib.1. de Ecclesiast. Offic. cap.28. de Coena Domini postquam Redemptoris nostri, qui pedes Apostolis abluit, humilitatem laudavit, Hinc est, inquit, quod eodem die Altaria, Templique parietes, & pavimenta lavantur, Vasaque purificantur, quae sunt Domino consecrata. Id vero a Battello loc. cit. probe notatum Vertus, quod vidisset sententiae suae repugnare, dissimulavit.*

*De ablutione
pedum, quae
fit egenis hac
die in memo-
riam humili-
tatis Jesu
Christi, qui
abluit pedes
Apostolorum.*

51 In Concilio Toletano XVII. cap.3. pag.1813. collectionis Harduini grave refertur praeceptum de ablutione pedum Feria V. in Coena Domini. Illi enim Patres, cum Christus hoc die Discipulis suis laverit pedes, interrogant: *Cur non pie actionis exhibitione imbuti, exemplorum ejus non sumus devotissimi sectatores.* Et Garzias Loaisa ad hoc Decretum Toletanum monet, laudabile quidem esse quocumque tempore aliorum lavare pedes; praeceptum tamen esse in hac die, ut Christi exemplum imitando Pontifices, & Sacerdotes sibi subditis pedes lavent. De ablutione pedum

dum satis prolixè loquitur Baillet de Feria 5. Major. Hebdomad. §.3. num.8. multaque affert scitu digna; & ostendit, magno apparatu in Monachorum Cœnobiis ejusmodi ablutionem fieri consuevisse: domi enim Monachis, egenis vero, mendicisque extra Monasterium Abbas pedes abluebat. Regulares Abbates multas per eam occasionem eleemosynas dilargiebantur; cumque, quibus abluti essent pedes, ad mensam accerferentur, inde ea orta est circa nonum seculum corruptela conviviorum in honorem Cœnæ Christi Domini instruendorum, suavissimis vinis, & bellariis mensæ appositis. Affert idem Auctor, quæ Rupertus Cardinalis Pullus, & B. Petrus Abbas Cluniacensis, qui duodecimo seculo floruit, de ejusmodi abusu sentirent: qui quidem multum contulerunt, ut certis denique finibus ejusmodi consuetudo contineretur. Addit etiam illud, quod cum ea Jesu Christi actio abluendi pedes non ad Sacerdotium unice pertineat, non modo summi Pontifices, Episcopi, & Presbyteri, sed ex Laicis etiam viri summi, puta Imperatores, & Reges, ab se alienum non putarunt, FERIA QUINTA in Cœna Domini lavare pedes in memoriam summæ humilitatis, quam abluendis Apostolorum pedibus Redemptor noster exhibuit. Codinus Libro de Officiis Aulæ Constantinianæ ablutionem pedum describit, in qua ab Imperatoribus Constantinopolitanis pedes duodecim pauperibus lavabantur. Narrat Elgaldus Monachus in vita Ruperti Regis Franciæ, hac die magnum illum Regem, omni sibi ornatu Regio detracto, cilicio indutum pedes abluerè, ac suis ipsius capillis detergere solitum, apud Martene de ant. Disciplina in Divinis celebrand. Offic. cap.22. pag.280. num.3. primæ edit. Sanctam itidem Bertam Ordinis Vallisumbrosæ Abbatissam apud Bollandistas ad diem 20. Martii quotannis magna hac FERIA QUINTA Sanctimonialibus suis pedes laville legimus. Et Zacharias summus Pontifex pluribus de rebus, de quibus ab Bonifacio Episcopo Moguntino consultus erat, respondens, id quoque rescribit Sanctimonialibus, æque ac viris, licere hac die lavare pedes. Denique Bailletus monet, eamdem lavandi pedes consuetudinem in Ecclesia Græca vigere: Duodecim pauperibus lavari pedes vel a Patriarchis, vel ab Episcopis: suum cuique ex duodecim Apostolorum nominibus nomen imponi: litem inde sæpenumero oriri, qui Judas Iscariotes appellandus: si omnes ab eo nomine sibi imponendo abhorreant, conjectis in urnam singulorum nominibus, sortito dirimi litem; ideoque plura a rei gravitate aliena continere. Hanc erudite materiam tractat Josephus Vicecomes lib.3. de Ritibus Baptismi cap.17. & Gretserus tom.5. suorum Operum novissimæ editionis lib.1. de Festis cap.17. his porro, qui Baptismo

abluendi erant, morem fuisse hac die lavandi pedes in Mediolanensi, multisque Hispaniæ, & Africæ Ecclesiis, ostendit a Lapide in cap. 13. Joann. vers. 7. & Calmetus ad eundem locum vers. 8.

Errores hæreticorum de hoc pedum ablutione.

§ 2. Augustinus quoque hac de re verba facit Ep. 54. alias 118. pag. 127. & rationem affert, quamobrem qui Sabbatho Sancto baptizandi essent, iis Feria Quinta in Cœna Domini pedes abluerentur. *Si autem queris, cur etiam lavandi mos ortus sit, nihil mihi de hac re cogitanti probabilius occurrit, nisi quia baptizandorum corpora per observationem Quadagesimæ sordidata cum offensione sensus ad Fontem tractarentur, nisi aliqua die lavarentur. Ipsum autem diem potius ad hoc electum, quo Cœna Dominica anniversarie celebratur, Et epist. 55. alias 119. ad Januarium pag. 141. tradit, alicubi eam consuetudinem numquam esse receptam abluendi baptizandorum pedes, ne qua fides iis affirmaretur, qui Baptismo nullum esse robur falso autumabant, nisi pedum etiam ablutio intercederet. Ne ad ipsum Sacramentum Baptismi videretur pertinere (ablutio pedum) multi hoc in consuetudine recipere noluerunt. Non defuere inter Hæreticos recentiores, qui ablutionem pedum in ultima Cœna verum esse Sacramentum contenderent: nam & signum fuisse sensibile: *cœpit lavare pedes discipulorum*; & præceptum fuisse additum: *Exemplum dedi vobis, ut quemadmodum ego feci, ita & vos faciatis*; ac promissam denique gratiam; *si non lavero te, non habebis partem mecum*.*

Refellitur error hæreticorum, qui putant ablutionem pedum esse Sacramentum.

§ 3. Hunc vero errorem nobis neque est in animo refellere, nec ad institutum nostrum pertinere arbitramur. Est eorum munus, qui controversias de Religione pertractant. Et sane non defuerunt muneri suo pulcre obeundo: nam demonstrarunt, ablutionem pedum signum quidem fuisse sensibile; id tamen minime satis esse, quo verum constituatur Sacramentum: signo enim opus esse constanti, & in Religione perpetuo, practico, & sanctificantem gratiam efficiente; id vero ablutioni pedum omnino deesse, nec Christi Domini verbis ad Petrum, *nisi lavero te, non habebis partem mecum*, illud significari, quod Petrus seclusa pedum ablutione, adeoque gratia, quæ cum ejusmodi ablutione conjungeretur, a Cœlorum Regno fuisset exclusus; sed illorum verborum eam esse sententiam, Petrum, nisi lavari sibi pedes passus esset, vel non futurum Eucharistiæ participem, vel pervicaciori animo parere detrectantem, contumaciæ tandem reum, non fuisse cœlorum regni futurum compotem. Illud nobis monere visum est, Romanam Ecclesiam se ab ea consuetudine abstinuisse, ne eorum videretur fovere errorem, qui pedum ablutionem ad Baptismi substantiam pertinere arbitrabantur, quod testatur S. Ambrosius lib. 3. de Sa-

cramen-

cramentis cap. 1. num. 5. idque in Ecclesia Hispana Concilii Illiberitani Canone quadragesimo nono interdictum.

§4 Ablutiones juxta veterem disciplinam non fuisse uniusmodi, nemo negaverit. De puerorum ablutione in Sabbatho ante Dominicam Palmarum, quæ *Capitolavium* appellabatur, nos alibi quædam attigimus. Adultis, quibus suscipiendus esset Baptismus, pedes Feria Quinta in Cœna Domini morem fuisse in aliquibus Ecclesiis ut lavarentur, jam innotuit. Ritus etiam fuisse quemdam in Provincia Rothomagensi tradit Mabillonius loc. cit. pag. 65. ut Episcopus sabbatho ante Dominicam Palmarum pauperibus pedes ablueret, & ex Ecclesiasticis quisque viris sibi quempiam egenum adscisceret hominem, cui pedes item lavaret in Mariæ memoriam, quæ Jesu Christo pariter pedes lavit. At nos de sola pedum ablutione, quæ in hac Feria Quinta fit in memoriam ablutionis pedum Apostolorum, sermonem nostrum conferendo in compendium, dicimus: Primo, sanctum hujusmodi ritum anno 694. a Toletano Concilio XVII. Capite 3. expresso præcepto ad consuetudinem revocatum esse, adversus eos qui non paruiscent addita illa sanctione: *Si quisquam sacerdotum hoc nostrum distulerit adimplere Decretum, duorum mensium spatium sese noverit a sanctæ Communionis perceptione frustratum*. Secundo, Romanum Pontificem a vetustissimis usque temporibus ejusmodi hac die servasse consuetudinem, quam tamen non uniusmodi semper fuisse, infra demonstrabimus. Tertio, eandem in Bononiensi Ecclesia consuetudinem a vetustis temporibus ductam etiamnum retineri. Est enim in Ecclesiæ D. Stephani interiore Cavædio rotundum quoddam vas ex candido marmore, cujus altitudo sesquipedalis, tredecim vero pedum extremæ oræ ambitus, a Joanne Cardinale Mediceo, qui postea Leo X. summus Pontifex, tum temporis Monasterii S. Stephani Abbate Commendatario, super basi locatum. In eo vase quædam est Inscriptio Luitprantis, seu Ilprantis Langobardorum Regis, rarum quidem monumentum, ut in Regionibus Cispadanis omnia Langobardorum Regum monumenta rarissima. Eam eruditi Viri complures exscribere, & interpretari conati sunt. Omnium vero felicissime Valerius Zani in Dissertatione, quam typis impressam edidit Carolus Cæsar Malvasia, inseruitque operi suo, cui titulus *Marmora Felsinea*, pag. 187. Inter cætera ejus Inscriptiois verba leguntur hæc: *Hic jussu humiliter præcepta sua obtulerunt (Reges Langobardi) unde unc Vas impleatur in Cœnam Domini Salvatoris. Et si qua munera contingat minueri, Deus requiret*. Integram affert Mabillonius in Museo Italico tom. 1. pag. 198. atque, doctos credidisse

Plura apud veteres Christianos ablutionum genera. Met abluerendi pedes Feria 5. in Cœna Domini in Romana Ecclesia, & in Ecclesia Bononiensi. Inscriptio singularis Bononiæ in Ecclesia S. Stephani.

viros, ad pedum ablutionem in Feria 5. Majoris Hebdomadæ vas illud fuisse adhibitum; se quidem suspicari, eo destinatum, ut vino impleretur ad illud convivium, quod post ablutionem pedum celebrabatur. Quod quidem indicio est, ab Episcopo pedes ablui consuevisse in ea Ecclesia; quæ Cathedralis tunc temporis esset; cum præsertim in eadem inscriptione fiat mentio Barbatii Episcopi, qui a Sigonio in Historia Episcoporum Bononienium prætermisus, Episcopali illi Chronologiæ omnino est adiciendus.

Ea consuetudo in Romana Ecclesia non semper fuit uniusmodi.

55 Hanc consuetudinem a vetustissimis usque temporibus servatam a Romano Pontifice non semper uniusmodi fuisse, paullo ante ideo diximus, quod in Ordine Romano Cencii Camerarii habetur, Romanum Pontificem, Missa peracta, duodecim hac die subdiaconis, post prandium vero tredecim pauperibus pedes abluere consuevisse. At in Ordinibus Romanis a Mabillonio editis, præsertim decimo num. 12. & decimoquarto num. 91. legitur, Papam duodecim Diaconis, atque hi si decissent, duodecim Capellanis lavare pedes: in Cæremionali vero Augustini Patritii Piccolomini Episcopi Pientini, qui liber Marcello Archiepiscopo Corcyrensi tribuitur, præscribitur lib. 2. cap. 26. ut hac die Pontifex tredecim pauperibus hominibus veste candida indutis abluat pedes, quod iterum præscribitur cap. 49. Ille autem numerus etiamnum retinetur; tredecim enim Pontifex pedes abluit pauperibus, omnes qui sint sacerdotes, ut tota res ad exemplar Christi Domini referatur expressius, qui Apostolis abluit pedes.

Reu David, Florentinus dum esset, rogat, cur tredecim pauperibus pedes abluantur.

56 In quibusdam Ecclesiis duodecim tantum, in quibusdam aliis Ecclesiæ Romanæ more tredecim pauperibus pedes abluuntur; ut in Ecclesia Florentina. Contigit autem, ut Florentiæ cum esset Danorum Rex ann. 1709. & ad ablutionem pedum vidisset paratos tredecim, ad eos conversus, qui una secum aderant, interrogaverit: *Eccur tredecim?*

Verba doctorum hominum rationes ejus ritus explandi.

57 Id autem susceperunt viri docti explanandum. Sarnellus Episcopus Vigiliensis tom. 1. epist. 13. duplicem cum Ruperto Abbate in Romana Ecclesia ablutionem observat; alteram in Mariæ memoriam, quæ in domo Pharisei lavit unxitque pedes Christo Domino; alteram quæ ipsius Christi refert actionem, qua pedes abluit Apostolis suis. Utramque vero concludit ablutionem in unam coaluisse, tredecimque hominibus lavari pedes, ut in uno abluendo, Mariæ actio cum Christum abluit, in cæteris duodecim actio Christi abluentis representetur. Arcius Episcopus Tortonenfis lib. 3. *delle sacre Imprese* pag. 341. putavit tertium illum decimum exprimere Paulum Apostolum, non quod ille Coenæ adfuerit, quem constat post Christi Domini Ascensionem ad Apostolatam

latum fuisse vocatum, sed ob Ecclesiæ Romanæ erga eum obsequium & venerationem, quæ Ecclesiæ illi & B. Petro Christianam fidem refert acceptam. Hanc sententiam Frescobaldus Florentinus Presbyter evertere conatus est in Dissertatione, cui titulum indidit, *Peditavium*. Eam tamen haud ita a veritate alienam judicavit Orlendus Ordinis Prædicatorum cap. 13. sui Operis quod inscripsit: *Duplex lavacrum in Cena Domini fideliter exhibitum*. Fuere alii, qui tertiodécimo illo repræsentari putarunt D. Matthiam, qui in Judæ locum postea suffectus est. Frescobaldus omni studio connixus est ostendere, Patremfamilias exprimi, cujus in domo Christus Dominus celebravit Pascha: contendit enim, Jesum illi itidem, ut duodecim Apostolis suis, pedes abluisse, quod Orlendus vehementer improbat. Quidam denique duplex illud lavacrum, de quo supra diximus, alterum quo Missa peracta duodecim Subdiaconis, alterum post prandium, quo tredecim pauperibus pedes abluebantur, considerantes, ajunt, primo illo lavacro ablutionem pedum Apostolorum exprimi, alterum vero institutum fuisse in ejus memoriam miraculi, quod ætate contigit S. Gregorii Magni. Nam cum Sanctus ille Pontifex duodecim quotidie pauperibus prandio exceptis ministraret, vidit decimum tertium, Angelum nimirum, sibi ex improvviso adesse. Ejus miraculi historia miro artificio depicta cernitur in pariete Romæ in templo S. Gregorii, cui picturæ illud Distichon subjectum est.

Bis senos hic Gregorius pascibat egentes.

Angelus & decimus tertius accubuit.

Laudabilem inde illam esse ortam consuetudinem, ut Romani Pontifices tredecim quotidie pauperes, omnes plerumque Sacerdotes, & Xenodochio Sanctissimæ Trinitatis accersitos prandio excipiant.

§ 8 Quibus præmissis, ajunt, nec sane videntur abesse a veritate, ablutione duodecim subdiaconorum, ut brevitati serviretur, sublata, utrumque lavacrum in unam ablutionem esse compactum tredecim Sacerdotum egentium; atque inde consuetudinem mansisse, ut tredecim Sacerdotes singulis diebus prandio exciperet Romanus Pontifex, qui tredecim illis, quibus hac die ad mensam excipi obtigerit, etiam lavet pedes. Vide Meratum par. 2. tom. 1. Observat. ad Gavantum pag. 1069. & seq.

§ 9 In Romano Pontificali summorum Pontificum Clementis VIII. & Urbani VIII. jussu recognito describitur ab Episcopis in Missa servandus Ordo benedicendi Oleum Catechumenorum, & Infirmorum, & conficiendi Chrisomatis. Oleum Catechumenorum Ecclesiæ adhibet in Baptismali Fonte benedicendo, in Sacra-

Duplex ablutio pedum in unam redactas inde solam, ut tredecim pedes abluantur.

De Oleis sanctis. Quis, quibusque eorum usus.

men-

mento Baptismatis conferendo, in Ecclesiis, & Altaribus tum firmis, tum mobilibus consecrandis, in Presbyteris initiandis, in Rege Reginaque benedicendis & coronandis. Infirmorum vero sacro oleo utitur Ecclesia in Sacramento Extremæ Unctionis administrando, & Campanis benedicendis. Sacrum denique Chrisma adhibet in Sacramentis Baptismi, & Confirmationis, in Consecratione Episcopi, in Consecratione item Patenæ, & Calicis, & in Campanæ benedictione, in qua etiam una cum Chrismate Oleum, ut diximus, Infirmorum adhibetur.

Quibus rebus consecratur Chrisma.

60 Oleo & balsamo Chrisma conficitur cap. Unic. de Sacra Unctione. Balsamo ex Occidentali India adveſto ad Chrisma conficiendum plerique omnes utuntur Europæ Episcopi; cui veri balsami est natura, vis tamen paullo debilior. De hujusmodi balsamo ex Occidentali India Consilium extat celebri Martini Navarri, qui vi, & natura verum esse Balsamum probat. *Eo tamen hodie ad Chrisma utitur omnis fere Europæ Ecclesia: ac esse genuinum ostendit in consiliis Martinus Navarrus: verba sunt Christiani Lupi in Dissertatione de octava Synodo generali tom.4. pag.344. & Sambovius, Balsamum, inquit, Judaicum fit vel Indicum, perinde est. Solum quidem Judææ olim concessas has arbusculas fuisse credebatur. In Indiis tamen utrisque postea reperta sunt; ex quibus quod exsudat adportatur ad nostras regiones: immo & apud Nos quedam invifuntur arbuscule Balsami ex indiis delatæ.*

Chriftmatis consecratio ex Traditione Apostolica.

61 Referendam esse ad Apostolicam traditionem consecrationem Chriftmatis Basilius nobis est Auctor, qui libro de Spiritu Sancto cap. 27. *Benedicimus autem, inquit, & aquam baptismatis, & oleum unctionis, imo ipsum etiam, qui baptismum accipit. Ex quibus scriptis? Nonne a tacita secretaque traditione?* Chriftma non nili ab Episcopo conficiendum; quamobrem cum Fortunatus Episcopus in Carthaginensi secundo Concilio pag.952. collectionis Harduini, Presbyteros quosdam conqueſtus eſſet auſos esse Chriftma conficere, *ab univerſis Episcopis dictum est: Chriftmatis confectio, & puellarum consecratio a Presbyteris non fiant.* Quod Can.26. Concilium Carthaginense tertium pag.964. confirmavit: statuit enim, *ut Presbyter inconsulto Episcopo Virgines non consecret, Chriftma vero numquam conficiat.* Et consonant Canonnes omnes relati a Gratiano in Can. *Si jubet* 1. & Can. *Presbyter* 2. 26. quæſt.6. præter alia plura Sanctorum Patrum & Conciliorum loca apud Christianum Lupum loc. cit. pag.1421. & apud Martene de antiqua Ecclesiæ Discipl. in Divinis celebrandis Offic. cap.22. §.3. pag.239. edit. primæ. Atque idem Christianus Lupus verba illa, ex vita S. Silvestri in libro Pontificali, con-

statuit Chrisma ab Episcopo confici, in hunc modum interpretatur: Vocem, constituit, usurpat pro constitutum usque divino Jure declaravit.

62 Est etiam Episcopi Catechumenorum oleum, & Infirmorum benedicere. Nondum tamen ea est diremta inter Theologos controversia, num ad Extremæ Unctionis Sacramentum, etsi illicite, valide tamen adhibeatur Oleum ex oliva, quod Episcopus nec benedixerit, nec sacrarit; in qua quidem controversia placet plerisque eorum sententia, qui statuunt, nihil agi adhibito Oleo non consecrato ab Episcopo, ut videre licet decis. 65. num. 6. & sequen. Clericati tit. de Extrema Unctione.

[Oleum Catechumenorum, & Infirmorum benedicit Episcopus. Controversia quædam inter Theologos de Oleo non benedicto ab Episcopo.]

63 Disciplinam illam benedicendi FERIA Quinta Majoris Hebdomadæ, & consecrandi Olea tertio introductam esse seculo a S. Fabiano Pontifice libere profecto affirmare possemus, si genuinum monumentum illud esset, quod Gratianus refert in Can. *Litteris vestris* de Consecr. distinct. 3. Verum cum viri docti plurimis de causis spuiam eam S. Fabiani Epistolam suspicentur, & Can. 20. Concilii Toletani primi quinto seculo habiti statuatur, non esse Presbyteris conficiendi Chrismatis facultatem, idque muneris esse Episcoporum, qui possunt *omni tempore* Chrisma conficere, verisimile nobis sit, circa septimum seculum coeptum esse confici Chrisma FERIA Quinta in Cœna Domini. Extat enim hoc die hujus solemnitatis mentio in Sacramentario S. Gregorii, in Veteri Ordine Romano, & apud alios Auctores, qui de Divinis Officiis per illud tempus scripserunt, & in Decretali *Quoniam* de sentent. Excommunicat. in 6. ubi statuitur, FERIA Quinta in Cœna Domini etiam tempore Interdicti conficiendum esse Chrisma, quo opus est ad Baptismum, & Confirmationem administrandam, quæ duo Sacramenta etiam interdicti tempore conferuntur. Et D. Thomas 3. par. qu. 72. art. 12. *ad tertium* pag. 230. de die quo conficiendum est Chrisma, hæc habet: *Quia sollemnis Baptismus, ad quem requiritur usus Chrismatis, in Vigilia Paschæ celebratur, congrue ordinatum est, ut per biduum ante ab Episcopo Chrisma benedicatur, ut possit per Diocesim destinari. Dicit etiam ille satis congruit ad materias Sacramentorum benedicendas, in quo suis Eucharistiæ Sacramentum institutum, ad quod omnia alia Sacramenta quodammodo ordinantur.*

[Disciplina benedicendi Olea FERIA 5. videtur introducta seculo 7.]

64 Denique in eodem Pontificali Romano præscribitur, ut præter Ministros, qui Episcopo inserviunt, duodecim Presbyteri, septem Diaconi, Acolythi aliique sacre huic ceremoniæ adhibeantur candida omnes induti veste: qui quidem mos ut Presbyteri interfint, veluti testes, minime tamen ut ministri, cum sit

[Numerus Presbyterorum, Diaconorum, & Acolythorum, qui huic benedictioni adhibentur, tamquam testes.]

sit vetustissimus, inde Presbyteris elati sunt animi, ut conficiendi Chrismatis sibi quoque facultatem esse contenderent; ut advertit Martene loc. cit. pag. 240. num. 3. *Es quidem huic presumptioni occasionem præbere posuit antiquissimus Ecclesiæ usus Presbyteros una cum Episcopo adhibendi ad Chrismatis consecrationem, si non ut cooperatores, saltem ut tanti mysterii testes.* Bellotte in Observat. ad ritus Eccles. Laudunen. pag. 794. num. 7. observat, in Ordine quodam Romano Sacerdotes appellari cooperatores; sed apposite hæc addit: *Verum cooperatores dixeris eos, qui in ipsa Consecratione Chrismatis adhibentur tamquam Ministri & inspectores, ut est in Pontificali: solius est enim Episcopi Chrisma sacrum conficere, minime Presbyterorum ex Concilio Florentino in Decreto de Armenis, ubi materia Sacramenti Confirmationis dicitur esse Chrisma ex oleo & balsamo per Episcopum consecrato, adeo ut Presbyteri dicantur Cooperatores in hac Consecratione Chrismatis quoad solemnitatem & ministerium, minime vero quoad essentiam; quauquam nefas sit Episcopo sub gravi peccato sacrum Chrisma conficere non vocatis, seu presentibus Cooperatoribus Presbyteris.*

Ritus benedicendi Olea apud Orientales.

65 Atque hæc sunt, quæ ad Ecclesiam Occidentalem pertinent; a quibus Orientalis Ecclesiæ ritus in quibusdam paullulum differt. Græci enim in Chrismate conficiendo non modo oleum & balsamum, sed ad triginta quinque aromatum genera immiscunt, vino etiam haud ita parce indito, ut videre licet in Eucholog. Goarii, idque nos multo antea innuimus Edit. 6. tom. 1. & ea de re tractat Card. de Lugo lib. 1. Respons. Moral. dub. 8. Præterea Presbyteri Græci in administrando Extremæ Unctionis Sacramento pro re nata Oleum infirmorum conficiunt, ut in eorum Euchologiis *In officio Olei sancti*; quod illis a Clemente VIII. permissum est in *Instructione ad Episcopos Latinos: Non sunt cogendi Presbyteri Græci olea sancta præter Chrisma ab Episcopis Latinis Diœcesanis accipere, cum ejusmodi olea ab eis in ipsa oleorum, & Sacramentorum exhibitione ex veteri ritu conficiantur, & benedicantur.* Maxima etiam apud eos celebritate quondam confectum est Chrisma ab eorum Patriarcha cum Archiepiscopis, & suffraganeis Episcopis. Quam commemorat consuetudinem Innocentius IV. Epist. ad Episcopum Tusculanum Apostolicum Legatum in collectione maxima Conciliorum P. Harduini pag. 364. *Singuli quoque Episcopi in suis Ecclesiis in die Cene Domini possunt secundum formam Ecclesiæ Chrisma conficere ex balsamo quidem, & oleo olivarum &c. Sed si suum antiquum Ritum in hoc Græci potius servare voluerint, videlicet quod Patriarcha una cum Archiepiscopis*

piscopis & Episcopis ejus suffraganeis, & Archiepiscopi cum suffraganeis suis simul Chrisma conficiant, in tali eorum consuetudine tolerentur. Antiquum Pontifex ejusmodi Ritus appellat, qui quidem a quibusdam tribuitur hæretico homini, & ingenii perversitate in primis nobili Petro Fulloni Patriarchæ Antiocheno seculo quinto; non quod ipse in Orientalem Ecclesiam consuetudinem conficiendi Chrismatis primus invexerit, sed quod auctor fuerit, ut quod antea propemodum secreto, magna deinceps celebritate, & populi frequentia conficeretur, ut notat Lupus loc. cit. pag. 1423. Bailletus in Festo hujus diei §.5.

66 De benedictione, & consecratione sacrorum Oleorum, & Chrismatis, quæ Feria Quinta in Cœna Domini conficiuntur, differit Pouget in Institutionibus Catholicis tom. 2. cap. 8. §. 5. pag. 895. atque hunc ritum ostendit ab Apostolica traditione profectum; & Protestantes provocat, ut Concilium aliquod, aut quempiam afferant ex Sanctis Patribus, qui hunc ritum observatum esse vel negent, vel improbet. Eo etiam loco ostendit, a seculo usque quinto & sexto stetisse disciplinam illius inspirationis, qua Episcopus, & Presbyteri ampullæ Chrismatis, & olei Catechumenorum semel, iterum, & tertio inhalant, itidemque iisdem seculis illum fuisse ritum, ut Episcopi, & Presbyteri Chrisma, & Oleum jam benedictum saluent illis verbis, *Ave sanctum Chrisma: Ave sanctum Oleum*. Duo de sacris Ritibus celebres Scriptores Amalarius de Ecclesiastic. Offic. lib. 1. cap. 12. & Rupertus Abbas lib. 5. de Divinis Offic. cap. 12. docent, Chrismatis ampulla Christi Domini corpus in B. Mariæ utero formatum significari: apertam ab Episcopo cæterisque Ministris ampullam salutari, ut innuatur, Dominum Jesum sese videndum corporaliter iis exhibuisse, quos Resurrectionis suæ testes esse voluit: eam deinde oclusam salutari a cæteris ut significetur, Christum post Ascensionem, licet non amplius conspicuum, a nobis quotidie adorari. Theologi itidem de hoc inhalandi super olea ritu, ac de ea salutatione ostendunt, neutrum Idololatriæ insinuari posse, quod calumniantur hæretici: ea enim aspiratione, qua olea afflantur, exprimi ipsum super Olea Spiritus Sancti delapsum ad Jesu Christi exemplum, *qui insufflavit in Apostolos*, ut ostenderet super ipsos Spiritum Sanctum illabi, apud Joann. cap. 20. Neque mirum esse, quod res etiam saluentur inanimæ. Nam & S. Andreas ubi primum Crucem aspexit, salutavit: *Salve Crux Pretiosa*; & S. Paula simul oculis prospexit Bethlechem, ipsam civitatem itidem salutavit, teste Hieronymo in Epistola, quam de ejus morte conscripsit. Gregorius pariter Nazianzenus Cathedram Templumque salutavit in Oratione, quam

De insufflatione in ampullam Chrismatis, & Olei Catechumenorum ejus vetustas asseritur.

in Constantinopolitano Episcopatu abdicando habuit ad Clerum. Neque nos Chrisina, & Oleum *physice*, & *absolute*, ut Theologi loquuntur, sed *relative*, & *moraliter* tamquam Christi Symbolum, salutamus. Vid. Bellarm. tom. 3. Controvers. lib. 2. cap. 13. de Sacram. Confirmat. Juvenin. de Sacram. disput. 2. de Confirmatione qu. 2. cap. 5. art. 4. num. 4. Tournely de Sacram. Confirm. art. 3. pag. 501. Edit. Parisien. Witasse de Sacram. Confirmat. tom. 2. par. 5. art. 1. pag. 507. Videndus etiam Bellotte citato Opere pag. 791. num. 4. qui de Salutatione illa loquens, qua a duodecim Presbyteris sancta olea salutantur, & de osculo, quod Sacris ampullis, quibus Olea continentur, ab iisdem Sacerdotibus deferretur, hæc omnia jure optimo fieri ait: *Debetur enim rebus sacris reverentia ratione sanctitatis, quia ex eo quod ad cultum Dei deputantur, divinum quiddam in se habere censentur: unde honor, qui iis deferretur, suapte natura redundat in Deum.*

Vetus disciplina reconciliandi hoc die Pœnitentes. Ternæ olim Missæ celebrantur.

67. Post sacrorum Oleorum benedictionem, & Consecrationem in Pontificali Romano præscribitur cæremonia, qua eadem hac Feria Quinta Pœnitentes, qui primo Quadragesimæ die Ecclesia publice pulsi fuerant, reconciliantur, quæ quidem cæremonia non in Romano solum Pontificali reperitur, sed etiam perquam vetus est. Constat enim hac die olim fuisse consuetudinem ternas celebrandi Missas, quarum prima erat pro Pœnitentibus reconciliandis, secunda pro sacris oleis benedicendis, tertia denique in memoriam instituti a Christo Domino Eucharistiæ Sacramenti. Ternis autem illis Cæremoniis in unum contractis sua cuique unius Missæ pars assignata est. Seculo septimo, Morinus de Sacr. Pœnit. lib. 7. cap. 19. ostendit, cœptas esse feria quarta Cinerum publicas pœnitentias imponi. Et lib. 9. cap. 29. abunde ostendit vetustatem Ritus Ecclesiæ Romanæ aliarumque Occidentis Ecclesiarum Pœnitentes Feria Quinta in Coena Domini reconciliandi. De eo Ritu ita S. Innocentius epist. 1. cap. 7. pag. 998. collectionis Conc. P. Harduini: *De Pœnitentibus vero, qui sive ex gravioribus commissis, sive ex levioribus pœnitentiam gerunt, si nulla interveniat aegritudo, quinta feria ante Pascha eis remittendum, Romana Ecclesiæ consuetudo demonstrat.* Et S. Hieronymus Epist. ad Oceanum de morte Fabiolæ pag. 455. *Quis hoc crederet, ut post mortem secundi viri in semetipsam reversa Se. sacrum indueret, ut errorem publice scateretur, & tota Urbe spectante Romana, ante diem Paschæ in Basilica quondam Laterani, qui Cesariano truncatus est gladio, staret in Ordine Pœnitentium, Episcopis, Presbyteris, & omni populo collacrymanibus, sparsum crinem, ora lurida, squallida manus, sordida colla submitteret?* Notat Morinus, eos Pœnitentes recon-

reconciliari consuevisse, qui pœnitentiæ suæ tempus expleverant, vel qui ab Ecclesia gratiam impetraverant, ut, etiam pœnitentiæ tempore nondum expleto, reconciliarentur. De reconciliatione Pœnitentium Feria Quinta in Cœna Domini agit Martene lib. 1. par. 2. de ant. Eccles. Ritibus cap. 6. art. 4. & Tractatu de antiqua Eccl. Disciplina in Divinis celebrandis Offic. cap. 22. §. 2.

68 Nobis non est in animo tractatum conscribere de publicis veterum Christianorum Pœnitentiis, nec de variis Pœnitentium generibus, quorum quidam *Auditores* appellabantur; qui sacco & cilicio induti extra Ecclesiam detinebantur, eamque prohibebantur ingredi; alii nomine *substrati* ex Auditorum classe egressi, in ultimam tantum Ecclesiæ partem admittebantur, nec aderant nisi Missæ Catechumenorum, hoc est usque ad Offertorium; tunc enim Ecclesia excluderentur, ne ineffabilibus adessent Mysteriis; alii denique *citra oblationem communicantes* appellabantur, & *substratorum* classe ad hanc tertiam transgressi, quibus integræ Missæ licebat adesse, quin tamen Eucharistiæ participes fierent. Ne illud quidem examinandum suscipimus, num, quemadmodum ob tria illa gravissima crimina infidelitatis, luxuriæ, & homicidii publica pœnitentia imponebatur, ut constat ex Tertulliano, Paciano, & Gregorio Nazianzeno, ita publica etiam peccati confessio injungeretur. Ceterum credimus, si peccatum publicum esset, publicam postulari consuevisse ab Ecclesia confessionem; contra vero in pœnitentia publica pro peccatis occultis, non publicam confessionem esse postulatam, nisi forte ipse Pœnitens ultro se oneri subiceret, aut Episcopus in Fidelium utilitatem & ædificationem id sibi putaret a Pœnitente exigendum, quod erudite ostendit Cabassutius Dissertatione edita in notitia Conciliorum. Nulla enim umquam Ecclesiæ major cura fuit, quam ut ne occulta peccata Sacerdotum fidei a Pœnitentibus commissa enuncientur, & ut Confessionis sigillum quam diligentissime custodiatur. Itaque quamquam ex publica pœnitentia nec crimen ullum, nec si quod fuisset, criminis qualitas argui poterat; nam ab omni peccato vacuit, vel leviculæ culpæ affines etiam publicam pœnitentiam subibant; tamen veteres Patres, si qua sibi oboriebatur dubitatio, ne indicta alicui pœnitentia publica ad occultæ suspicionem criminis patefieret aditus, vel iisdem temporibus, cum publicæ pœnitentiæ doctrina floreret, haud ægre publicam cum privata pœnitentia commutabant; quod probat Morinus de Pœnit. lib. 5. cap. 9. num. 5. Itaque ut rem in pauca conferamus, præceptum dicimus esse Apostoli in Epistola prima ad Timotheum cap. 5. versu 20. ut publici peccatores publice arguantur. *Peccantes co-*

Varia Pœnitentium genera. Quorumdam in Gallis Ecclesiarum disciplina, quæ etiamnum viget de representandis in hac die Pœnitentibus.

ram omnibus argue, ut & ceteri timorem habeant : Concilium autem Tridentinum sess. 24. cap. 8. publicam quidem statuisset peccatoribus publicis pœnitentiam, sed tamen Episcopis permisisset, si videretur, in occultam privatamque permutarent. *Quam, do igitur ab aliquo publice & in multorum conspectu crimen commissum fuerit, unde alios scandalo offensos, commotosque fuisse non sit dubitandum, huic condignam pro modo culpæ pœnitentiam publice injungi oportet, ut quos exemplo suo ad malos mores provocavit, suæ emendationis testimonio ad rectam revocet vitam.* Episcopus tamen publicæ hoc pœnitentiæ genus in aliud secretum poteris commutare, quando ita magis judicaveris expedire. Sanctæ hujus Synodi vestigiis insistens magnus ille Disciplina Ecclesiasticæ assertor & vindex Sanctus Carolus Borromæus tertio, & quinto Mediolanensi Concilio jussit, Parochos proximo ante Quadragesimam mense ad Episcopum publicorum peccatorum nomina deferre, ut peccatores ejusmodi ab Ecclesia incunte Quadragesima pulsi, Feria quinta in Cœna Domini ad Romani Pontificalis præscriptum in gratiam Ecclesiæ reciperentur; quod etiam a Benedicto XIII. Pont. Max. de nobis optime merito, dum Beneventanam Ecclesiam regeret, factitatum comperimus. Bellotte ad Rit. Eccl. Laudunen. pag. 787. num. 4. narrat, eos Presbyteros, qui in Cathedrali Laudunensi Publicorum Pœnitentium Feria IV. Cinerum partes egerant, qui in capite jejunii in Spiritu humilitatis & animo contrito Pœnitentium personam sibi induerant, Feria V. in Cœna Domini e choro egresos venire in Capitulum, ut generalem ibi peccatorum absolutionem consequantur. Testatur etiam, in matricibus Ecclesiis eam fuisse quondam consuetudinem, ut plebis nomine fieret confessio, qua peccatorum omne genus contineretur, eaque peracta Populo generalis impertiretur absolutio. Morem hunc ait etiamnum retineri in Diœcesi Laudunensi, & in omnibus ejus Parochiis: nam Ecclesiæ Rector plebis nomine generalem omnium peccatorum Confessionem facit, singulaque peccata nominat juxta formam, quæ in eo Rituali præscribitur, omnesque monet ut *Confiteor* recitent; quo recitato, generalem Populo absolutionem impertit. Publicam autem absolutionem hujusmodi veram esse peccatorum remissionem negat, sed solam esse Cæremoniam; quamquam nonnulli eam inter Sacramentalia collocant, ac per illam peccata venialia deleri existimant. Hanc vero Cæremoniam perutilem esse ait, ut populus de recta ratione confitendi peccata doceatur, & auditibus alicujus refricetur peccati memoria, quod Sacerdoti confiteantur, ut debent.

69 Eas omnes, quas commemoravimus, cæremonias celebrandi Missam, reconciliandi Pœnitentes, consecrandi Olea, & abluendi pauperum pedes ipsi per se quondam Romani Pontifices hac die exequabantur. Constat id ex Ordine Romano decimo, quem seculo undecimo scriptum edidit Mabillonus in Musei Italico tom. 2. Eosdem item Ritus omnes descriptos reperiis in Ordine Romano decimoquarto, cujus auctor Cardinalis Gajetanus Bonifacii VIII. Nepos. In eo Ordine num. 83. ubi oleorum consecrandorum traditur Ritus, salutationem illam invenias: *Ave Sanctum Chrisma; Ave Sanctum Oleum*: quam etiam affert Ordo Romanus decimusquintus Petri Amelii num. 66. apud Mabillon. cit. tom. 2. Musei Italici. Nunc vero a Cardinali Romæ Vicario sacra Olea in Lateranensi Basilica conficiuntur. In Vaticana autem Basilica consecrantur a Cardinali Archipresbytero, qui si ad Episcopalem gradum non ascenderit, mandat alicui Episcopo, ut ea conficiat, ex Joannis XIX. Pont. Max. privilegio, qui Episcopo Sylvæ candidæ, ad cujus Diœcesim illa Vaticani pars pertinebat, ubi ea Basilica excitata est, facultatem concessit olea sacra in eadem Basilica conficiendi, teste Mabillonio in Commentario in Ordinem Romanum cit. tom. 2. Musei Italici pag. 71.

69 Bullam celeberrimam publicat hac die Romanus Pontifex, quæ Bulla in Cœna Domini appellatur. Quod apud D. Thomam nulla ejus fiat mentio, quidam putant anno 1420. sub Martino V. tum primum eam publicari cœptam, cum in Costantienſi Concilio condemnati fuerunt Bohemorum errores. Ita Sotus in 4. sentent. Dist. 22. qu. 2. art. 3. concl. 5. Verum cum Toletus Cardinalis se in Vaticana Bibliotheca vidisse testetur Bullam in Cœna Domini, quam publicaverit Gregorius XI. eam propterea Martino V. antiquiorem esse oportet. Gregorius enim Undecimus vivebat anno 1371. illumque non primum fuisse constat, qui Bullam ejusmodi ediderit. Vid. Tolet. Card. lib. 1. Instruēt. Sacerdot. cap. 19. num. 4. & Fragosius de obligatione summi Pontific. disput. 3. num. 1. in Biblioth. Pontif. tom. 5. & Gibalinus in Synopsi Censurarum §. *Hujus Bullæ*. Neque enim Cardinalis Toleti testimonio quidquam fidei detrahi potest propter doctissimi viri gravitatem & dignitatem, cum insuper testimonium accedat Petri Amelii Pœnitentiarii, & Bibliothecarii Gregorii Papæ XI. qui in Ordine Romano apud Mabillonium §. 64. eam describit cæremoniam, qua etiamnum in publicanda Bulla in Cœna Domini utimur. Cardinalis etiam Gajetanus, qui vixit sub Bonifacio VIII. cum in suo Ordine Romano 14. §. 92. ritum hunc describat, atque etiam veluti ætate sua antiquiorem proponat, manifeste ostendit, ejus

Olim per se ipsi Romani Pontifices hac omnes cæremonias exequabantur. In Vaticana Basilica consecrantur olea a Cardinali Archipresbytero.

Bulla in Cœna Domini publicatur a Romano Pontifice. Velut hæc disciplina, cujus ritum servandum est ante annum 1303. Olim non solum in Cœna Domini, sed etiam die Ascensionis, & die Dedicatæ Basilicæ SS. Apostolorum Petri & Pauli publicari consueverat.

ejus initium ante annum 1294. quo Bonifacius VIII. Pontifex creatus fuit, omnino referendum esse. Quamobrem fateri oportet, vetustissimum esse ejusmodi Ritus, cujus origo obscura plane sit. Illud vero non prætermittendum, in more quondam positum fuisse, ut semel, iterum, ac tertio ea Bulla singulis annis publicaretur, FERIA V. in Cœna Domini, in Ascensionis Festo, & in die Dedicationis Basilicarum Sanctorum Apostolorum Petri & Pauli 18. Novembris, teste Joanne Andrea in cap. *Quod olim de Judæis*, & cap. *Ut Officium de Hæret.* in 6. Eam vero trinam publicationem ad unicam esse redactam, quæ sit hac FERIA quinta, unde ei Bullæ nomen inditum in *Cœna Domini*, tradunt Cardinales, & Joannes Ananias eodem cap. *Quod olim de Judæis*.

CAPUT VII.

De FERIA sexta in Parasceve.

*Cur FERIA
sexta majoris
Sabbodæ
dicatur FERIA
sexta in Para-
seve.*

DE quo hætenus die loquuti sumus, is FERIA quinta in Cœna Domini appellatur. Nunc ad eum diem sermonem nostrum convertimus, qui vocatur FERIA sexta in Parasceve, cujus origo nominis ex eo deducitur, quod Hebræi ut Sabbatho insequenti ab omnibus curis vacui, omnibusque negotiis expediti essent, edulia, & quicquid sibi opus erat, hac die parabant; qui dies ab Apostolicis usque temporibus Jesu Christi Passioni & morti commemorandæ destinatus fuit. Itaque, ut instituti nostri ratio postulat, primum de Christi Domini nostri Passione & morte, quanta possumus brevitate, & perspicuitate disseremus, totiusque rei tractationem in quasdam dividemus partes.

*Narratio ex
Evangelio a
trajectu tor-
rentis Cedron
ad sudorem
sanguinis in
horro, quæ est
prima pars
Passionis Christi.*

2 Dicto hymno, seu Cantico illo, de quo supra verba fecimus, torrentem Cedron trajecit Jesus cum Discipulis suis, venitque ad Montem Olivarum, ubi de Passione sua, de Apostolorum fuga, ac de sua Resurrectione omnia prædixit. Cumque in locum quemdam pervenissent, qui appellabatur Gethsemani, ingressus Jesus in hortum discipulos remanere jussit, dum ipse ad orandum pergeret; adductisque secum Petro, Jacobo, & Joanne, tædio captus magno in mœrore coepit esse, & pavore: tum ab ipsis ad jactum lapidis cum recessisset, in genua provolutus, oravit Patrem, ut, si ei liberet, a se illum Calicem amoveret; ita tamen, ut non quod ipse peteret, fieri vellet, sed omnia ad arbitrium Patris voluntatemque referret. Deinde humo erectus, discipulos somno captos deprehendit, quos ad vigilantiam, & orationem cohortatus, iterum ut oraret ab eis secessit, eademque plane

ne obsecratione idem, quod modo diximus, a Patre precatus est. Cumque se iterum ad Discipulos contulisset, eosque invenisset somno itidem consopitos, rediit illuc unde venerat; ac tertio in eundem plane modum easdem preces ad Patrem fundenti adfuit Angelus e Caelo, qui pavore jacentem erexit. Delapsus denique in quamdam veluti agoniam, longiusque, & vehementius orationem suam protrahens, sanguineo coepit sudore perfundi; cujus veluti guttæ in terram decurrerunt. Tertio demum rediit ad Discipulos, quibus dixit, ut dormirent, ac quiescerent; sibi jam horam adesse, eumque prope esse, qui se proderet. Quare inius elucida. Terræ Sanctæ lib. 4. cap. 7. tom. 2. etiamnum demonstrari ait locum, ubi tres illi Apostoli constiterunt, quo pii Fideles devotione ducti se conferunt: & cap. 9. locum ipsum describit, quem Fideles pari, qua locum, ubi secessit Jesus ut oraret, pietate venerantur.

3 De Christi tædio, & mœrore ita Matthæus cap. 26. versu. 38. *Tunc ait illis (Jesus Apostolis) Tristis est anima mea usque ad mortem.* Marcus cap. 14. versu. 33. *Et assumis Petrum, & Jacobum, & Joannem secum, & capis povere, & sedere, & ait illis: Tristis est anima mea usque ad mortem.* Et Lucas cap. 22. versu 43. *Et factus in agonia prolixius orabat.*

De Christi tædio.

4 Vero mœroris, & tristitiæ sensu Jesum Christum esse commotum, luculenter ostendit Augustinus in Psal. 93. pag. 1014. cujus ea sunt verba sane pulcherrima: *Tristitiam sic assumpsit, quomodo carnem. Nolite enim putare, quia hoc dicimus non fuisse tristlem Dominum: Si enim hoc dixerimus quia non erat tristis, cum Evangelium dicat, tristis est anima mea usque ad mortem; ergo Et quando dicit Evangelium Dormivit Jesus non dormivit Jesus; Et quando Evangelium dicit, manducavit Jesus, non manducavit Jesus &c. Quidquid ergo de illo scriptum est fratres, factum est, verum est. Ergo tristis fuit? Prorsus tristis, sed voluntate suscipiens tristitiam, quomodo voluntate suscipiens carnem; quomodo voluntate carnem veram, sic voluntate tristitiam veram.* Ostendit Divus Thomas 3. par. qu. 15. art. 4. eisdem in Christo, qui in nobis, fuisse, sed alio quodam modo animi motus, & affectiones. Nam quidam in hominum animis interdum motus excitantur, qui ad ea feruntur, quæ cum eo pugnant, quod honestum, & licitum est. Id vero cadere in Christum minime potuit. Interdum etiam motus animi Judicium rationemque prævertunt; contra omnes in Christo affectiones, & appetitus nonnisi ad arbitrium nutumque rationis oriebantur. Sæpe vero affectiones & motus ejusmodi non intra appetitus sensitivi fines sese continent, sed vi rationem secum

Verus fuit Christi mœror Pulcherrima D. Thomæ Doctrina de animi motibus in Christo. Quomodo conciliantur ea de re veteres Patres ex Thomasso.

tra-

trahunt; in Christo autem humanæ naturæ motus ita intra appetitus sensitivi fines consistebant, ut rationi minime obstarent. Et art. 6. assertit illa Matthæi verba: *Tristis est anima mea usque ad mortem*, ostenditque, Christum vero mœore oppressum fuisse: quemadmodum enim delectatio divinæ contemplationis ita per virtutem divinam in mente Christi continebatur, ut nihil ex ea ad sensitivas vires pertingeret, verosque dolores, & cruciatus propterea Christus cum acerbissimo sensu pertulerit, ut alibi demonstrabimus; sic cum in appetitu sensitivo non modo dolor esset, sed etiam tristitia, & Christus quidpiam vel noxium sibi, ut Passionem, & mortem suam timere potuerit, vel noxium cæteris; ut peccatum discipulorum, aut Judæorum scelus, qui nefarie illum necarunt; inde fit, ut Christus in vero fuerit mœore, sensibilibque tristitia, item ut verum sensibilemque dolorem perpeffus est. Ad hunc igitur modum differit Angelicus Doctor sequutus veteres Patres, quorum testimonia congerit Thomassinus Theologicorum Dogmat. tom. 2. lib. 4. cap. 11. atque num. 18. sententias, & dicta Patrum quæ inter se videntur discrepare ita concilianda esse, ut si qui humanas affectiones Christo negent, rursus alii tribuant, hi de Christo ut homine, illi ut Deo loquuti esse censeantur. *Hinc affectum fuisse metu, aut mœore, alii annuunt, alii renuunt; nempe illi de homine, ii de Deo verba faciunt.* Si qui vero, cum de Christo loquuntur etiam ut homine, humanas illi affectiones tribuunt, aut ab eo abfuisse autumant; primo modo de animi motibus loquuntur, qui rationem perturbant, altero de iis affectionibus, quæ rationis parent imperio. *Rursus mortem timuisse, de eaque impendente turbatum, tristatumque esse, hi consentiunt, illi dissentiunt: nimirum de prælusorio, & obnoxio, statimque disspabili per mentis imperium tristitiæ sensu omnes consentiunt; de vehemente, & contumaci rationisque frænorum impatiente, omnes dissentiunt.* D. Hieronymus de tristitia, & mœore Christi ita scribit in cap. 26. Matthæi pag. 218. *Contristabatur autem non timore patiendi (qui ad hoc venerat ut pateretur, & Petrum timiditatis arguerat) sed propter infelicissimum Judam, & scandalum omnium Apostolorum, & rejectionem populi Judæorum, & everfionem misere Hierusalem.* Et cum eo consentit D. Ambrosius in Lucam lib. 10. cap. 22. n. 5. pag. 1516. *Doles ergo, Domine, non tua, sed mea vulnera, non tuam mortem, sed nostram infirmitatem; & nos æstimavimus te esse in doloribus, cum tu non pro te, sed pro me doleres: infirmatus enim es, sed propter peccata nostra.*

*Oratio Christi
in horto.*

5 De Christi oratione in horto hæc habet Matthæus cap. 26. versu 39. *Procidit in faciem suam, orans & dicens: Pater mi, si pos-*

possibile est, transeat a me Calix iste: verumtamen non sicut ego volo, sed sicut tu &c. Iterum secundo abiit, & oravit dicens: Pater mi, si non potest hic Calix transire, nisi bibam illum, fiat voluntas tua &c. Et reliquit illis iterum abiit, & oravit tertio eundem sermonem dicens. Marcus vero cap.14. versu 35. Procidit, inquit, super terram, & orabat, ut si fieri posset, transfret ab eo hora; & dixit: Abba Pater, omnia tibi possibilia sunt, transfer Calicem hunc a me: Sed non quod ego volo, sed quod tu. Et Lucas cap.22. versu 41. Et positis genibus orabat dicens: Pater si vis transfer Calicem istum a me: verumtamen non mea voluntas, sed tua fiat.

6 Apud Syros illa vox *Abba* idem, quod *Pater*, significat. Quamobrem D. Paulus ad Rom. cap.8. *Accepistis*, inquit, *Spiritum adoptionis filiorum*, in quo clamamus *Abba Pater*. Ac Hebræi, qui Græca utebantur lingua, Syriacam vocem *Abba* retinuerunt, qua filii parentes salutabant: qua voce servis non licebat dominos suos compellare, ut observat Lamy Harm. Evangel. lib.5. cap.26. num. 43. Calix in sacris paginis ponitur pro cruciati & poena; Isa. cap.51. vers.17. Psalm.10. vers.7. Psalm.74. vers.9. Cum vero Christus a Patre precatus fuerit, ut, si fieri posset, a se Calix amoveretur: *Transeat a me calix iste*: ad eam consuetudinem id est referendum, qua in solemnibus conviviis ex præscripto religionis agitari solitis, plenum vini poculum omnibus convivis præbebatur, ex quo omnes in orbem paululum vini degustabant; si cui vero vel non liceret, vel non liberet bibere, is sese excusabat dicens *Transeat a me calix*, ut observat Calmetus in cap. 26. Matthæi vers.39. Sed illuc maxime advertendus nobis est animus, binas in Christo Jesu fuisse voluntates, divinam, & humanam; duos item intellectus, divinum pariter & humanum. Nam cum ex duplici constaret natura, Dei nimirum & hominis, suam cuique naturæ proprietatem fuisse oportet, ut naturæ divinæ nihil omnino deesset, quod Dei sit; & humana omnibus prædita esset facultatibus, quæ, excepto peccato, ad humanitatem pertinent; quemadmodum in sexta Oecumenica Synodo definitum fuit sub Agathione Pontifice, cujus epistolam in eo Concilio recitatam Patres approbarunt adversus Monothelitarum errores. Atque humana quidem voluntas duas in partes dividitur, quarum altera rationalis dicitur, altera sensitiva, quam communem habemus cum cæteris animantibus. Et quamquam rationalis tantum appetitus vere ac proprie voluntas appellari possit, interdum tamen etiam appetitus sensitivus dici solet voluntas: & sane pueri, qui ratione nondum utuntur, quæ-

Tom. X.

T

dam

Calix quæ significat in sacris paginis. Transeat a me Calix iste, per nos Hebræos formula erat solemnitas in convivio. Duplex in Christo voluntas explicatur.

dam expetere, quædam rursus aspernari videntur, ut cujusque rei vel voluptate trahuntur, vel fastidio absterrentur. Fuit itaque in Christo humana voluntas, nec rationalis tantum, sed etiam sensitiva; humana enim præditus fuit natura, quæ naturam animantis complectitur, quemadmodum species continet genus; sensus autem, & appetitus sensui respondens ad perfectionem animantis pertinet. Porro etsi in Christo esset divina simul & humana voluntas, tum rationalis, tum sensitiva; tamen inter eas voluntates nulla umquam pugna extitit, nulla contentio; rationalis enim in eo voluntas semper cum divina voluntate consensit, nec rationali voluntate, quatenus rationalis est, seu quatenus movetur judicio & deliberatione rationis, Christus quidquam voluit, quin esset voluntati divinæ consentaneum. Quod autem ad sensitivam voluntatem pertinet, cum ea numquam a rationali dissenserit, propterea inter sensitivam voluntatem & divinam fuit in omni re summa consensio. Etsi enim sensitiva voluntas, proprio quodam ac naturali motu percita, ea expetebat, quæ sensus propria essent, fugiebatque contraria, atque inde interdum fieri potuit, ut divina rationalisque voluntas quiddam vellent ab eo, quod vellet sensitiva, diversum; nulla tamen oriebatur inter eas voluntates discordia: ita enim earum unaquæque movebatur, ut neque rationalis, ut in cæteris hominibus justis, a sensitiva impediretur aut retardaretur, neque sensitivam rationalis voluntas reprimeret, nisi quantum suo vellet imperio. Ut paucis concludamus, Christus divina & rationali voluntate ita sensitivam moveri volebat, ut naturæ quidem suæ ordinem teneret, sed sub dominio esset rationis, eique in omni re obtemperaret, neque adversus rationem perturbationem ullam excitaret. Hæc communis est Theologorum omnium doctrina, quam disertissime tradidit S. Thomas 3. par. qu. 18. art. 1. usque ad finem. Ad Catholicam Fidem ita pertinet, ut nefas sit ab ea dissentire. Quapropter Agatho Summus Pontifex in Epistola ad sextam Synodum, Actione sexta: *Prædicamus, inquit, in Christo duas voluntates non contrarias, juxta quod impii asserunt Hæretici, sed sequentem ejus humanam voluntatem, & non resistantem, sed potius subiectam Divine ejus, atque omnipotenti voluntati.* Et sane quod hæcenus diximus, ipsa Christi oratione confirmatur. Ait enim: *Transseat a me Calix iste;* & rursus: *Non sicut ego volo;* quibus verbis humanam voluntatem non rationalem, sed sensitivam exeruit, quæ a morte & Passione, tamquam formidolosa, & naturæ adversa refugiebat. Cum autem dixit: *Sed sicut tu vis;* voluntatem divinam exeruit, quam communem habebat cum Patre. In illis autem verbis, *non mea, sed*

sua voluntas fiat, rationalis voluntas offenditur prorsus cum divina consentiens, qua monemur de recta ratione Deum obsecrandi, ut a nobis mortem prohibeat, & a gravissimis doloribus liberet.

7 Quæstionein proponit idem D. Thomas 3.par. qu.21. art.4. num omnis Christi oratio semper exaudita sit a Patre; atque, esse orationem nihil aliud, quam voluntatem humanam ad Dei voluntatem relata: proindeque tunc dici orantis exaudiri voluntatem & preces, cum Dei adimpletur voluntas. Addit, hominis voluntatem proprie esse eam, quæ recta ratione & maturo iudicio ducitur; nec vere dici posse, nos quidpiam velle absolute, quod sensitiva voluntate velimus; tunc enim volumus, non absolute, sed *secundum quid*, concluditque, Christi Domini, qui voluntate rationali nihil voluit, præterquamquod noverat Deum velle, omnem licet humanam impletam esse voluntatem, omnemque item ejus orationem exauditam esse. Ac verba illa, de quibus agimus, expendens, *transseat a me calix iste*, docet si juxta quorundam Sanctorum Patrum sententiam ita intelligenda sint, ut Christus significare voluerit, sese velle alios Martyres suæ Passionis imitatores fieri, aut si iis verbis precatus est illud a Deo, ne timore mortis perturbaretur, in utroque sensu, quod petit, omnino esse impletum. Si vero ea verba juxta aliorum sensum accipienda sint, tamquam significantia Christi desiderium, ut a se Calix Passionis summovertetur, aut per ea Christum petiisse, ne sibi Judæis Calix ille traderetur, profecto non id, quod oravit, factum est: ratio enim obstitit petitioni; nec voluit ut ea impleretur, illud potius voluit, ut de ejus voluntate naturali, & sensu, qui hominem ostendebat, moneremur.

8 Rem ut paucis expediamus, ea Christi exaudita est Oratio, quæ a rationali & deliberata proficiscebatur voluntate, qua impleri volebat voluntatem Patris. Iterum secundo abiit, & oravit dicens: *Pater mi, si non potest hic Calix transire, nisi bibam illum, fiat voluntas tua*. Neque vero deliberatæ huic voluntati ea obstitit conditio, *Si non potest hic Calix*: neque eadem voluntas censeretur potest suspensa, aut non absoluta propter ea verba, *Si possibile est, transseat a me Calix iste*, aut propter illa, *Si vis, transfer Calicem istum a me*. Christus enim probe noverat, eam conditionem, *Si non potest hic Calix*, mutari nullo modo posse propter æternum Patris Decretum; eamque conditionem, *Si Possibile est*, aut *Si vis*, impleri non posse. Pater enim volebat, ut Filius pro salute humani generis moreretur. Igitur non est exaudium, quod a sensitiva voluntate profectum est, *Transseat a me Calix iste*; quo non absoluta voluntas, quinimmo ne vera quidem aut propria oratio,

An omnis oratio Christi exaudita sit.
Quæstio de exauditione orationis Christi: Transseat a me Calix iste.

Ex oratio Transseat a me etc. fuit sensus: si non potest, nisi bibam illum, fiat voluntas tua. Neque vero deliberatæ huic voluntati ea obstitit conditio, Si non potest hic Calix: neque eadem voluntas censeretur potest suspensa, aut non absoluta propter ea verba, Si possibile est, transseat a me Calix iste, aut propter illa, Si vis, transfer Calicem istum a me.

sed naturalis & sensitivi desiderii significatio continebatur. Videatur Sylvius in 3. par. D. Th. tom. 4. Quæst. 21. art. 4. ubi egregie suo more, quæ in hoc & præcedenti numero docuimus, explicat & confirmat.

Historiam de sanguine sudore quidam falsa pietate ducti ex Evangelio expunctione. Verus Sanguis & Christi corpore manavit.

9 Ut primam Passionis Jesu Christi partem absolvamus, de Angeli apparitione, qui ei addidit animum, & de sanguineo sudore nunc pauca dabimus. Nam in lib. 4. de Canonizat. Sanctorum par. 1. cap. 26. hoc argumentum fuisse pertractavimus. Ibi S. Hilarius sequuti observavimus, quosdam Christianos inani pietate ductos, historiam de sudore sanguineo, & de Angeli adventu ex Evangelio Lucæ sustulisse, veritos, ne ea Christi hostes abuterentur; nefas vero esse de ea dubitare, quam vetustissimi Ecclesiæ Patres genuinam & Canonicam compererint, & amplexi fuerint; cum præsertim Sancta Tridentina Synodus sess. 4. pronuncia verit, integros Sacræ scripturæ libros cum omnibus suis partibus, prout in Ecclesiæ Catholica legi consueverunt, & in vulgata editione habentur, pro Sacris & Canonicis esse suscipiendos. Vid. Tillemont. Vita Jesu Chr. Not. 28. Igitur, ut paullo ante diximus, apparuit Angelus e Cælo delapsus Christo Domino addens animum: sicut enim se subiecit potestati hominum, a quibus Cruci affixus est, ita se dolori tradidit, ut iisdem suis animus commoveretur affectibus, quibus quilibet pius vir in ejusmodi discrimine obnoxius est. Ita enim se probavit hominem adversus futuros de veritate carnis suæ errores. Quasi autem divinitatis in se habitantis virtute destitutus, & aliquantisper Angelis minor factus, opus habuit Angelorum solatio. Iterum hîc dicimus aliquos Orthodoxos historiam de sudore sanguineo, & Angeli adventu sustulisse, quia eo Evangelii loco abutebantur Ariani ad detrahendam Christi Divinitatem, quasi in ejus humanam naturam, quæ Divinitati unita esset, tanta tristitia cadere non posset. Sunt aliqui etiam nunc, qui verba illa expudentes, *Et factus est sudor ejus sicut guttæ sanguinis decurrentis in terram*, proverbio quodam, aut emphasi dicta opinantur, ut amarissimi fletus vis, lacrymarumque copia significetur. Disputant etiam, si verus sanguis & Christi membris manavit, utrum id miraculo sit adscribendum. In nostro Opere, quod modo memoravimus historiam de sanguineo sudore semper Canonicam, habitam esse docuimus; omnemque antiquitatem de textus sinceritate fidem facere; qui vero e Sacris Codicibus eam historiam expunxerunt, non alia eos ratione defendi posse, quam quod optima voluntate id fecerint. Verus autem fuit sanguineus sudor; nam vox illa *Sicut* non semper veritatem negat, immo sæpe confirmat. Ad Auctores quos ibi allegavimus adjicito

Lamy

Lamy Harm. Evang. lib. 5. cap. 26. & Clotzium Heterodoxum Scriptorem Tractatu *de sudore domini nostri Jesu Christi sanguineo*, qui Exercit. 4. num. 1. & sequen. auctoritate Veterum Patrum demonstrat, sudorem illum vere fuisse sanguineum. & particulam *sicut* dici quidem posse similitudinis, *sed quæ non ad sanguinem, sed ad guttas sive grumos referatur hoc sensu: Fuit sudor ejus sanguineus similis guttis, quia guttatim decurrebat; guttis, inquam, non quibuscumque, sed crassissimis & concretis*. Et Exercit. 12. sudorem hunc sanguineum miraculo contendit esse adscribendum. Consentit cum eo Sagittarius item Heterodoxus Harmon. Hist. Pass. Chr. tom. 1. Par. 2. cap. 3. pag. 349. & sequen. In eo tantum dissentit, quod num. 62. in eam opinionem, cui plures etiam favere videntur Catholici, propensorem se esse ostendit, ut propter acerbissimum animi mœrorem, & gravissimam luctam sanguis concretus ita intumuerit, ut necessario per sudorem eruperit. Antonius Bineus tom. 2. de morte Christi lib. 2. cap. 2. num. 34. observat Historiam de Augeli adventu, & de sudore Christi Sanguineo ab aliquibus Codicibus abfuisse Hilarii & Hieronymi ætate, ut testatur hic lib. 2. adversus Pelagianos, ille lib. 10. de Trinitate; ac propterea dispiciendum, utrum antea in Codicibus ea haberetur historia, & inde fuerit ablata, an vero ex integro addita fuerit; cumque causam habeamus, quamobrem verisimile sit, fuisse eam historiam expunctam, nec quidquam causæ sit, cur adderetur, facile quivis intelligat, eam olim fuisse in Codicibus, & inde improvido sane, & inconsulto consilio fuisse ablatam. Quod quidem argumentum nobis omnino probatur; minime tamen illud quod idem Auctor scribit num. 39. ubi ex illa particula *sicut* probare studet, non sanguinem e Christi corpore manasse, sed veri sudoris magnam vim erupisse, guttasque ejus fuisse magnitudinis, cujus esse guttæ sanguinis solent. Atque hæc sunt, quæ adjicienda putamus iis, quæ in illo Opere nostro docuimus. Secunda igitur Passionis Christi pars explicanda est, sed antequam ad eam enarandam aggrediamur, illud præterire non possumus, quod inter errores Armenorum, quos Guido Carmelita recenset, & illum deprehendimus, nullum unquam Jesum Christum emisisse sudorem humanamque a divina natura fuisse absumentam, ut absumentur aceri gutta in mare dejecta. Aliquot etiam fuere homines pietate præstantes, qui scire sibi visi sunt, quot guttæ sanguinei sudoris e corpore Christi manaverint, easque centum quinquaginta & octo fuisse affirmant, ut uidere est apud Drexelium Par. 2. de Christo moriente cap. 2. §. 4. Earum partim humum irrigasse, unde flores eruperint, quibus scriptum erat: *O mors quam amara est memoria*

ria tua! tradit Jacobus Marcantius in Hort. Pastor. Tractatu 3. Lect. 16. Proposit. 3. partim esse linteo absterfas, cumque lintecum guttis illis ita imbutum magna veneratione in Monte Sancto Bavarie custodiri tradit Gretserus de Cruce tom. 1. lib. 1. cap. 97. & Quaresmius Elucidat. Terræ Sanctæ tom. 2. lib. 4. cap. 14. §. 4. Nos Armenorum errorem anathematizamus: quod autem ad alias quas attulimus pias narrationes, sua cuique fides esto, de qua nihil detractum volumus; nec earum veritas quanti sit, examinare nobis est animus.

*Sequitur pars
secunda Pas-
sionis ab ad-
ventu mili-
tum in hor-
ta in Christum
ingruentis ad
lacrymas Domini
Petri.*

10 Cum tertio Christus, ut dictum est, ad Discipulos suos rediisset, dixit eis, ut dormirent jam & requiescerent, tempus jam venisse, ac prope esse eum, qui se proditurus esset; & dum ita loqueretur, Cohors illi adfuit militum cum gladiis & fustibus, præuote Judæ, qui cum illos monuisset, eum esse Christum, cui osculum oppressisset, osculum Christo obtulit. Tunc illi Jesus: Amice, quid ita huc venisti? Itane vero per osculum Filium hominis prodis? Deinde gnarus eorum; quæ futura erant, processit, & turbam interrogavit: Quem quæritis? Illi autem responderunt, se Jesum quærere Nazarenum: ubi vero Jesus se illum dixit esse, omnes ceciderunt in terram. At ii qui in ejus erant comitatu, jam tum providentes quorsum ea res evasura esset, Christum interrogarunt: Domine, gladiusne adhibendus? atque illico Simon Petrus, educto gladio, Malchum quemdam ex familia Principis Sacerdotum percussit, ei que amputavit auriculam. At Jesus cessare eos jussit, & tacta aure Malchum sanavit. Principibus vero Sacerdotum, Ministris Templi; Senioribus, turbæque ceteræ exprobravit, quod tamquam ad latronem venissent cum gladiis & fustibus, ut se comprehenderent; cum toties antea docentem in Templo comprehendere potuissent. Verum hæc pro illorum furore efficere nequiverunt, quin manus in eum injicerent, & vinctum ad Annam adducerent. Tum vero Discipuli omnes fuga dilapsi Jesum deseruerunt; & adolescens quidam, qui sequebatur eum amictus sindone, ab iis comprehensus, eadem illa sindone qua tenebatur rejecta, ab eorum manibus elapsus est. Annas autem vinctum duci jussit ad Caiphæ, ubi pessime acceptum virulentis irrisionibus, sputis, plagis, atque omnibus contumeliis ludificatum, oculis etiam objecto velo, colaphis cædebant, & irridentes dicebant, ut sese prophetam esse ostenderet, ac, qui se percussisset, divinaret. Simon autem Petrus, qui in domum Caiphæ introierat, semel, iterum, ac tertio Magistrum suum abnegavit; at, cum oculos ejus in se conjectos animadvertisset, inde egressus, amare slevit.

11 Antequam ulterius progrediamur, pauca quadam afferemus, quæ ad cognoscendum pertinent, quis qualisque fuerit quisque eorum, quos supra nominavimus. Judas appellatus *unus ex duodecim*, & a Sacris Evangelistis dicitur Iscariotes. Erat Judas unus Apostolorum: *Unus e duodecim* (inquit Chrysostomus in Serm. de proditiōe Judæ Tom. 4. pag. 456.) *hec erat caterua regalis: de hoc choro Judas egressus est.* Idem Chrysostomus ait, a patria dictum esse *Iscariotem*. Judas, inquit, *Iscariotes*. Quid mibi ejus patriam dicit? minam ipsum quoque nescire licuisset. Hieronymus vero in cap. 28. Isaïæ, & in Matth. cap. 10. putat, Judam Iscariotem fuisse e Tribu Ephraim. Eam Hieronymi sententiam refert Baronius ad an. Chr. 32. num. 9. qui tamen putat in vocem *Iscariotes* duas voces coaluisse, nimirum *Is*, quæ significat hominem, & *Cariote*, quod est oppidum in Tribu Juda, de quo mentio fit Josue cap. 15. vers. 25. Utrumque tamen sit, facile quivis intelligat, falsam esse Ubertini & Rubisii sententiam, qui Judam somniarunt fuisse Picentem; illudque nomen illi inditum a Cariotæ Piceni oppidulo, nec minus eos errasse, qui vel Gallum, vel Germanum fuisse Judam affirmarunt.

12 Cui vero amputata fuit auricula, cum servum fuisse Principis Sacerdotum, tradit Matthæus cap. 26. Idem docet Marcus cap. 14. quibus consentit Lucas cap. 22. Nomen autem illi fuisse Malchum a Joanne cap. 18. compertum habemus: *Erat autem nomen servo Malchus*. Quidam putant, Malchum, cum a Christo Domino sibi esset auricula restituta, Fidem Christi amplexum esse ut videre est apud a Lapide in cap. 26. Matth. vers. 51. §. *Denique Christus*. Sunt alii qui existimant, Malchum fuisse, qui colaphum Jesu impegerit dicens: *Sic respondes Pontifici?* Verum nos, qui de neutra istarum opinionum quippiam detractum volumus, illud monendum putamus, secundam apud nonnullos gravem difficultatem pati; constat enim, cum qui colaphum impegerit, fuisse quemdam ex Ministris; qui Annæ summo Sacerdoti adstabant. *Unus assistens ministrorum dedit alapam Jesu*, Joanne cap. 18. vers. 22. Cum autem Evangelista sileat illum fuisse Malchum, quem tamen paullo ante commemoraverat, videtur minime posse propugnari Malchum fuisse, qui alapa Christum Dominum percusserit, ut advertit Calmetus in Dictionar. Sacr. Script. verbo *Malchus*.

13 De illo autem adolescente, qui, rejecta sindone, e manibus eorum, a quibus comprehensus erat, elapsus est, ita S. Marcus cap. 14. versu 50. *Tunc Discipuli ejus relinquentes eum omnes fugerunt. Adolescens autem quidam: sequebatur eum amictus sindone*

*Quis, & unde
esset Judas Iscariotes.*

*Quis ille fuerit,
cui amputata fuit
auricula.*

*Quis fuerit
adolescens, qui
rejecta sindone,
elapsus est
e manibus san-
ctellum.*

*done super nudo, & tennerunt eum. At ille, rejecta sindone, nudus profugit ab eis. Quis ille adolescens fuerit plures fuisse sententiarum. Hieronymus, sive quis alius Auctor sub ejus nomine in Psalmos, & Epiphanius putarunt, illum fuisse Jacobum fratrem Domini Jesu, qui appellabatur Justus; Chrysostomus, & Ambrosius, fuisse Joannem Evangelistam; Theophylactus quemdam ex iis fuisse arbitratur, qui in domo fuerant, ubi Christus coenam celebravit; eumque una cum Apostolis sequutum esse Christum urbe egressum, & proficiscentem ad hortum Olivarum, ut videre est apud Calmetum in cap. 14. S. Marci §. 52. Baronius ad ann. Chr. 35. §. 68. & 69. rejicit eorum opinionem, qui putant, hunc adolescentem fuisse Jacobum Domini fratrem, qui tunc temporis non adolescens, sed proventa erat ætate. Suarez in 3. par. D. Th. t. 2. qu. 45. art. 8. disputat. 34. sect. 3. in eo, quod ad S. Jacobum pertinet, Baronium sequitur; sed in eo, quod ad S. Joannem attinet, ab ejus sententia discedit: contendit enim, Joannem tunc fuisse annos natum ferme triginta, ut ne adolescens quidem dici poterit. Tillemontius Nota 3. in Vitam S. Joannis quaerit, num dici possit, adolescentem illum fuisse unum quemvis in vicinia habitantem, qui vestibibus exutus in lecto jaceret; excitato autem clamore, & strepitu, lecto desiluisse sindone amictum; & domo egressum, sindone in eorum manibus, qui se comprehenderant, relicta, aufugisse. Lamy Harmon. Evangelicæ lib. 5. c. 27. pag. 545. ea de re ita scribit: *Quis vero fuerit hic juvenis querere vanum est; nec enim illud sciri potest. Suspiciantur quidam, fuisse Joannem Christo dilectum: sed quare id temporis fuisset Joannes nudus, aut prope nudus? Antonius Bineus de morte Christi tom. 2. lib. 2. cap. 4. num. 14. hanc rem fuse pertractat, & concludit: Probabilius nihil est, quam hunc juvenem ex vicina aliqua villa armorum, virorumque strepitu excitatum accurrisse, ut cerneret cognosceretque quid ageretur intempesta nocte. Quare, quisnam fuerit, indagare nemo mortalium potest.**

Difficilis de Pontificatu Annæ & Caiphe. Cur Christus ad Annam primum ductus fuerit, D. Augustinus & D. Chrysostomus sententia.

14 Narrat Matthæus, Marcus, & Lucas, Jesum adductum in domum Principis Sacerdotum. Verum Joannes cap. 18. vers. 13. tradit, primo adductum in domum Annæ focii Caiphe, qui eo anno Pontifex erat. *Et adduxerunt eum ad Annam primum. Erat enim focius Caiphe, qui erat Pontifex anni illius.* Et paullo post versu 24. *Et misit eum Annas ligatum ad Caipham Pontificem.* Sed cum Lucas cap. 3. vers. 2. narret, Joannem Baptistam prædicare coepisse *Sub Principibus Sacerdotum Anna, & Caipha*, magna inde oritur controversia. Satis enim compertum est, unum tantummodo penes Hebræos summum fuisse Sacerdotem; qui si quo

impe-

impedimento a sacris faciendis prohiberetur, ea provinciæ ad præfinitum tempus alteri cuiquam demandabatur. Quamobrem tradit Josephus Antiqu. lib. 27. cap. 8. cum Matthiæ summo Sacerdoti impedimentum quoddam præter ejus voluntatem noctu supervenisset, quo detentus non potuerit sacrificare, illius tantum Sacrificii partes datas esse Josepho Ellemi filio. Baronius hoc argumentum accurate pertractat ad ann. Chr. 31. num. 8. ac putat, qui primus esset in 72. Virum Collegio, seu Synedrio, eum appellatum esse Principem Sacerdotum, etsi esset alter ab eo longe præstantiori præditus dignitate; & ad ann. Chr. 34. num. 70. ait, Christum Jesum primum adductum esse ad Annam Synedrio Præfectum, qui cum potestatem quidem haberet cognoscendi de Prophetæ doctrinam, non tamen judicandi ferendique sententiam, sine Concilio, illum ideo misit ad Caiphæ summum Sacerdotem, cujus erat eos convocare, quibus consultis judicium suum ferret. Sed hæc sententia Casaubono minus placet, itidemque aliis, ut videre licet apud Tillemontium nota 15. ad J. Chr. Vitam. Duo sanctitatis & doctrinæ lumina de hac re scripserunt, Augustinus, & Chrysostomus; quorum alter tract. 113. in Joann. ait, Christum Dominum ad Annam primum fuisse adductum, vel quia Caiphæ id consensit, vel quia adduci non poterat ad Caiphæ, quin ante domum Annæ transiret; qui cum socer esset Caiphæ, jure poterat a genere ejusmodi honorem exigere. Et Chrysostomus Homil. 83. in Joannem putat, Christum ad Annam primum fuisse ductum veluti in speciem triumphi. Utramque sententiam sequitur Vossius Harmon. Evangel. lib. 2. cap. 1. §. 21. ubi hæc habet: *Hoc honoris est habitum Annæ, quia foret socer Caiphæ Principis Sacerdotum; quem credibile est nihil magni sine socero agere solere, & erat ejus domus in via, ut prætereunda foret euntibus ad Caiphæ, quem admodum ait Augustinus in Joannem Tract. 113. ut verisimile sit milites voluisse oculos senis pascere ejus spectaculo, quem in triumphum ducerent, ut est apud Chrysostomum. Quibus omnibus suffragatur Lamy Harmon. Evangel. lib. 5. cap. 28.*

15 De eo, qui Petrum in domum Caiphæ introduxit, Joannes cap. 18. versu 15. hæc scripsit: *Sequebatur autem Jesum Simon Petrus, & alius Discipulus. Discipulus autem ille erat notus Pontifici, & introivit cum Jesu in atrium Pontificis. Querunt, quis ille Discipulus fuerit, qui notus erat Pontifici, & Petrum in ejus domum introduxit. Exiit ergo Discipulus alius, qui erat notus Pontifici, & dixit ostiariæ, & introduxit Petrum.* Sic enim eodem loco pergit Joannes. D. Hieronymus epist. 96. alias 26. putat, fuisse eundem Joannem Evangelistam, qui propter generis clari-

Quis fuerit ille Discipulus notus Pontifici, si quidem in ejus atrium cum Jesu introiit.

tatem notus esset Pontifici: verum Baronius ad ann. Chr. 34. n. 71, in eo quidem consentit, quod Joannes Petrum in domum Caiphæ introduxerit, negat tamen propter nobilitatem fuisse notum Pontifici. Joannes enim piscator erat, & farciendis retibus erat intentus, cum a Christo simul cum Jacobo Zebedæi fratre suo vocatus est, Matth. cap. 4. D. Thomas in cap. 18. Joan. Lect. 3. ait, S. Joannem propterea notum fuisse Pontifici, quod seu Pater ejus, seu quivis alius affinitate, vel cognatione illi proximus in familia esset Pontificis. Liranus in cap. 18. Joann. hæc habet. *Dicunt aliqui, quod Joannes erat peritus in lege, & propter hoc habebat notitiam cum Pontifice. Sed hoc non est verisimile, quia erat piscator, & de navi a Christo vocatus fuerat &c. Ideo alia fuit causa notitiæ cum Pontifice, quia forte missus a Patre suo pluries portaverat pisces ad domum Pontificis; vel forte quia aliquis de cognatione ejus ibidem serviebat; vel aliqua alia causa, quam aliqui assignant, quia descenderat de David, & Sacerdotes habebant istas genealogias.* Quod igitur ut bene compertum adfirmari potest, illud est, Petrum introductum fuisse in domum Caiphæ ab alio quodam Discipulo, atque hunc notum fuisse Pontifici; quis autem fuerit, & quam causa notus esset Pontifici, plane incompertum. *Quisnam iste sit Discipulus non temere affirmandum est, quia tacetur: verba sunt Augustini Tract. 113. in Joannem pag. 786. Auctor Glossæ, quæ dicitur Ordinaria, Quis sit iste, inquit, Discipulus, quia hoc tacetur, non temere definiatur.* Et Joannes Lamius Tractatu de eruditione Apostolorum cap. 2. pag. 36. & cap. 17. pag. 388. fatetur, non liquere an S. Joannes fuerit ille Discipulus, de quo loquimur. Idem scribit Antonius Bineus de morte Jesu Christi tom. 2. lib. 2. cap. 4. num. 21. in fine, & num. 22.

De Juda prodicione.

16 Postquam de iis hominibus, quorum in hac secunda Passionis parte mentio fit, sermonem habuimus, quædam dicenda sunt de rebus in eadem Passionis parte gestis, quarum prima est Judæ proditio. Christum alibi docuimus prædixisse, ab uno ex suis se proditum iri, & haud obscure significasse, Judam proditorem illum fore. Apud Judam pecuniæ deponerentur ad eleemosynas; qui ut erat avarissimus, magnum avaritiæ suæ indicium edidit, cum ungente Maria pedes Christi pretioso unguento adhibito, obmurmurans dixit, longe fuisse melius futurum, si eo vendito unguento, pecunia, quæ inde conficeretur, distributa esset pauperibus, ita suam avaritiam misericordia in pauperes prætexens. *Dixit ergo (ait Joann. cap. 12. vers. 4.) unus ex discipulis ejus Judas Iscariotes, qui erat eum traditurus: Quare hoc unguentum non venditis trecentis denariis, & datum est egenis? Dixit au-*

tem

tem hoc, non quia de egenis pertinebat ad eum, sed quia fur erat, & loculos habens, ea, quæ mittebantur, portabat, Deinde cum Principes Sacerdotum consilia de Christo interficiendo inire intellexisset, diabolico captus spiritu pactus est cum iis tanti tamque nefarii sceleris pretium. Id narrat Lucas cap.22. vers.2. *Querebant Principes Sacerdotum & scribæ, quomodo Jesum interficerent: timebant vero plebem. Intravit autem Satanás in Judam, qui cognominabatur Iscariotes; unum de duodecim; & abiit, & locutus est cum Principibus Sacerdotum & Magistrasibus, quemadmodum illum traderet eis: & gavisi sunt, & pacti sunt pecuniam illi dare, & spondis. Igitur Judas (ut narrare pergit Lucas) occasione aucupabatur, qua in eorum manus Magistrum suum traderet, quod testantur cæteri etiam Evangelistæ, & in Coena Feriæ quintæ cum panem intinctum in patina sibi porrigi vidisset a Christo, atque sibi audisset verba illa dici, *quod facis fac citius*, ac propterea sua perfidiosa consilia detecta esse intelligens, stimulante Diabolo, foras erupit; Principes Sacerdotum convenit; iisque monitis jam adesse tempus, adducta secum cohorte venit ad Jesum, quem probe noverat venturum in hortum Gethsemani, ac per simulationem amicitiae osculo eum prodidit; ut habetur apud Joann. c.18. Horribile proditionis scelus ad Judæ avaritiam Patres, tamquam ad originem referunt. S. Augustinus in Psalm.624. inquit, *avaritia illa quæ captavit Discipulum comitem Christi, captivavit, & militem eustodem sepulchri. Damus, inquit, vobis pecuniam, & dicite quia vobis dormientibus, venerunt Discipuli ejus, & abstulerunt eum.* Et Leo magnus serm.9. de Passione cap.4. pag.131. *Hoc perfidus Judas inebriatus veneno, dum fuit lucrum, pervenit ad laqueum, & tam stulte impius fuit, ut triginta argentei & Dominum venderet & Magistrum.* Suarez in 3. par. tom.2. quæst.46. sect.1. pag.336. testatur, hanc esse communem omnium Patrum sententiam. *Dicendum est ergo, Judam propter avaritiam Christum vendidisse. Hæc est communis sententia omnium Patrum.* Et paullo post observat, tam effrænata fuisse Judam cupiditate pecuniæ, ut non ea contentus, quam in colligendis eleemosynis subripiebat, vel ipsum Magistrum vendiderit, quo fieret pecuniosior. *Tanta fuit cupiditas Judæ, ut expleri non potuerit iis, quæ furabatur, nisi etiam Magistrum suum venderet.* Denique concludit verisimile sibi fieri, pluribus a Juda criminibus esse Christum in-simulatum, ut de tanti sceleris & perfidiæ atrocitate penes Hebræos nonnihil minueretur, quod observavit etiam Cornelius Jansenius in Concord. Evang. cap.128. pag.877. *Quamquam autem Evangelistæ factum Judæ simpliciter describant, prætermisisti iis,**

quæ apud Principes prætexuit, quemadmodum & alias facere solent, tamen rationi consentaneum est, Judam apud Principes quibusdam modis prodicionem sui Domini, ad quam se offerebat, palliasse, ut scilicet dixerit, se scandalizatum in Magistro suo . . . Naturale siquidem est hominibus sub aliquo colore palliare propriæ iniquitatis factum.

*Refelluntur
quædam opi-
niones circa
Judæ prodio-
cionem.*

17 Arbitrantur nonnulli, Judam vendidisse Christum, non ut interficeretur, sed quod speraret illum ex Judæorum manibus elapsurum; quæ quidem opinio nullo fulcitur fundamento. Etenim Judas aut credebat, Christum Jesum esse Hominem Deum, & hac ratione illud quoque credere debebat, e suis ipsis manibus evasurum; aut credebat esse merum hominem, & hac ratione non erat cur speraret, illum turbæ hominum traditum elabi posse. Huc accedit, quod ab ipso Magistro suo jam intellexerat, futurum ut traditus in manus Principum Sacerdotum & Scribarum, ab iis morte condemnaretur, & post biduum Cruci affigeretur, ut est in Matthæi cap. 20. & 26. ex quo rejicitur opinio eorum, qui Judam putant Christum vendidisse, falsa spe ductum, ut non dederetur neci, sed aufugeret. Bene ad hanc rem scribit Sagittarius Histor. Passionis Christi tom. 1. pag. 455. *Mirum jam olim & hodie repertos, qui Judæ prodicionem quadantenus excusare, atque tantum crimen elevare conati sunt. Nobis certe omnes displicent colores, qui ad succandam aut excusandam ejus mentem afferri solent, existimantes, eam revera fuisse nigram, & tenebris Diaboli densissimis infectam; quippe qui ex animi sententia Christum habuerit odio, cum de Regno ejus mundano ac carnali nulla spes superesse videretur.*

*Dignitate
oris. & ma-
jestate Chri-
stus irruen-
tium in se mi-
litum impetu
retulit, ut
illi in terram
considerarent.*

18 Ex iis, quæ in secunda Passionis parte contigerunt, alterum illud est examinandum, cum Redemptor noster gnarus eorum, quæ futura essent, aliquantulum progressus turba interrogavit, quemnam illi quærerent; iisque respondentibus, Jesum Nazarenum, dixit, *Ego sum*; Atque ii omnes in terram conciderunt retrorsum. Eam rem ita narrat Joannes c. 18. versu. 4. Dicit eis: *Quem queritis? Responderunt ei: Jesum Nazarenum. Dicit eis Jesus: Ego sum. Stabat autem & Judas, qui tradebat eum, cum ipsis. Ut ergo dixit eis: Ego sum: abierunt retrorsum, & ceciderunt in terram. Ite- rum ergo interrogavit eos: Quem queritis? illi autem dixerunt: Jesum Nazarenum. Respondit Jesus: Dixi vobis quia ego sum. Si ergo me queritis, finite hos abire.* S. Thomas 3. par. qu. 44. art. 3. ad primum observat, plura illiusmodi in vita Christi Domini occurrere sane mirifica. Nam ex Matth. cap. 9. habemus, hominem ad telonium suum adsidentem, simul ac audivit vocem Christi Jesu, qui jussit illum sequi se, illico, relicto telonio, sequutum esse

esse Dominum. Matthæi itidem cap.21. legimus, Christum Dominum in templum ingressum; eversis argentariorum mensis, illinc vendentes, & ementes eiecisse; & Lucas cap.4. narrat, eum per medias transisse turbas, quæ adversus eum tumultuabantur. Eadem itidem virtute factum est, quod refert Joann. loc. cit. ut turba omnis, ubi Christus se esse Jesum Nazarenum respondit, in terram concideret. Cœlestes enim nescio quid & divinum ex ejus oculis emicabat, ut docet idem Sanctus Doctor loco supracitato pag.146. sequutus D. Hieronymum, & ex ejus ore divina eminebat majestas, quæ causa fuit eorum omnium, quæ commemoravimus. *Ex quibus omnibus patet, quod Christus, quando voluit, virtute Divina animas hominum immutavit non solum justificando, & sapientiam infundendo, quod pertinet ad miraculorum finem; sed etiam exterius alliciendo, vel terrendo, vel stupefaciendo, quod pertinet ad ipsa miracula.* Augustinus tract.112. in Joann. *Ubi nunc, inquit, militum cohorti, & ministri Principum & Phariseorum? ubi terror & munimen armorum? Nempe una vox dicentis Ego sum, tantam turbam odiis feroceem armisque terribilem sine ulla percussit, repulit, stravit: Deus enim latebat in carne.* Verba autem illa, *Si ergo me queritis, finite vos abire,* ait fuisse verba imperantis; nolebat enim interfici Apostolos, qui etsi tandem morituri erant, tamen ad eum fidei gradum nondum pervenerant, quo eum pervenisse oportet, qui æternam salutem consequatur. *Inimicos videt, & hoc faciunt, quod jubet. Sinunt eos abire, quos non vult perire. Numquid non erant postea morituri? Cur ergo si tunc morerentur, perderet eos, nisi quia nondum sic in eum credebant, quomodo credunt quicumque non perierint?* Affer Calmetus in cap.18. Joann. vers.8. Patres, qui verba illa, *Sinite vos abire,* affirmarunt esse jubentis & imperantis; & verba illa enarrans Joannis, *Ut impleteretur sermo, quem dixit quia quos dedisti mihi, non perdidi ex eis quemquam,* putare ait nonnullos, Christum Jesum de morte animæ, alios de corporis morte, communem tamen esse sententiam, de utraque morte loquutum esse. Præclara in hanc rem sunt verba Chrysostomi Homil.82. in Joannem. pag.490. *Miretur autem quis, quomodo non eos etiam ceperint, & conciderint, cum maxime Petrus illos concitaret, cum multavit servum. Quis illos detinuit? Non aliud, quam ipsa vis, quæ illos supinos prostravit. Quod significat Evangelista, cum declarans id non ex illorum voluntate profectum esse sed ex comprehensi virtute atque sententia, addit, ut sermo impleteretur, quem dixit, nullus ex eis perit.* Maldonatus in Cap.18. Joann. num.6. de hac secunda Christi actione aliquot proponit quæstiunculas. Prima est, quid ita voluerit Do-

Do-

Dominus Jesus potentiam suam ostendere, nec statim pati, ut manus sibi milites injicerent, seque in vincula ducerent; ac responderet cum Ruperto, id causæ fuisse, cur id Jesus fecerit, ut satellites, *viso miraculo, nullam culpæ suæ haberent excusationem*. Secunda est, quamobrem Christus, cui infinitæ suppetere rationes declarandæ suæ potentiae, tam voluerit potius ostendere eo modo, quo diximus, nempe respondendo, *Ego sum*; ac sapienter respondet, ut illis ostenderet, quod etsi responsione illa potius excitandi fuissent ad manus in illum injiciendas, tamen eadem responsione non solum non posse eos viribus suis, si illi usi vellet resistere, sed ne sustinere quidem nomen suum. Tertia est, quando, & quomodo milites, qui humi procubuerant, in pedes se receperint, antequam Christus eos secundo interrogaret, *Quem queritis* & ut est apud Joann. Cap. 18. Iterum ergo interrogavit eos: *Quem queritis* & aitque: *Credendum eadem Christi virtute, qua ceciderant, surrexisse, postea quam tandiu jacuissent, quam opus erat, ut ejus quæ comprehendere volebant, potentiam experiri possent*.

19 Tertium est, quod narratur de auricula Malcho restituta, de quo miraculo lib. 4. de Canonizat. par. 1. Cap. 16. num. 33. satis disseruimus, atque illuc Lectorem rejicimus.

20 Quartus est Discipulorum fuga, de quibus ita Matthæus Cap. 26. versu 56. *Tunc Discipuli omnes, relicto eo, fugerunt*. Hujus fugæ prophetia est in veteri testamento pluribus in locis; Psal. 21. versu 8. *Tribulatio proxima est; quoniam non est qui adjuvet*. Psal. 68. versu 21. *Et sustinui qui simul contristaretur, & non inveni*. Isaiæ Cap. 63. versu 5. *Circumspexi, & non erat auxiliator, quæsiui; & non fuit qui adjuvaret*. Zachariæ Cap. 13. versu 7. *Framea suscitare super Pastorem meum, & super virum coherentem mihi, dicit Dominus exercituum: Percute Pastorem, & dispergentur oves*. Quo oraculo usus est Jesus Matth. Cap. 26. versu. 31. cum proficiscens cum Discipulis ad Montem Olivarum dixit: *Omnes vos scandalum patiemini in me in ista nocte: scriptum est enim: Percutiam Pastorem, & dispergentur Oves gregis*. Egregie adversus Grotium de hac prophetia disputat Huetius demonstrat. Evangelica Proposit. 9. Cap. 120. Putat Chrysostomus, Joannem non aufugisse cum cæteris Discipulis hac illac dilapsis, quando Jesu Christo injecta sunt vincula; ac propterea in illis Matthæi & Marci verbis; *Omnes Discipuli, relicto eo, fugerunt*, subaudiendam aliquam exceptionem. Verum cum ea vox disertissime complectatur omnes, videtur ad veritatem esse propius, omnes quidem profugisse, Joannem vero & Petrum revertisse; ut apparet ex Joanne Cap. 18. versu 15. *Sequebatur autem Jesum Simon*

*Miraculum
restitutæ Mal-
cho auriculæ.*

*De fuga Dis-
cipulorum.
Ejus fugæ Pro-
phetia in vet.
Testamento.*

mon

mon Petrus, & alius Discipulus; quod bene advertit Calmetus in Cap. 26. Matth. vers. 56. Et multo ante eum idem consideraverat Maldonatus in Cap. 26. Matth. num. 56. Dicendum, statim quidem omnes diffugisse; sed paullo post Petrum & Joannem rediisse, & Christum sequutos fuisse.

21 Quantum est maximus ille injuriarum cumulus & contumeliarum, quas in Christum Jesum congeserunt Hebræi, præsertim vero colaphus illi impactus: cum enim a Pontifice de Discipulis & doctrina sua interrogaretur, & respondisset, propalam se docuisse semper, & in Synagoga, & in Templo, ab iis propterea qui se audissent illa posse quærere, scelestus quidam & nefarius homo sublata manu impegit illi colaphum dicens: *Sic respondes Pontifici?* Cui pacate Jesus: *Si male, inquit, locutus sum, testimonium perhibe de malo; si autem bene, quid me cedis?* Teterribus vero & nefariis ejusmodi contumelias prophetavit Isaias cap. 5. versu 6. *Corpus meum dedi percutientibus, & genas meas vellentibus; faciem non averti ab increpantibus & conspuentibus in me;* cum tunc quæ sequuntur. Inter probra & contumelias alapæ & sputa in faciem injecta omnium habita sunt semper gravissima, ut videre licet Num. cap. 12. num. 14. & Deuteron. cap. 25. num. 9. Alia etiam in sacris paginis exempla deprehendimus de impacta alapa & accepta; sed longe alio modo, quam quo Christus accepit. Sedecias lib. 3. Regum cap. 22. vers. 25. coram Rege Achab Michæam Prophetam in maxilla percussit; cui Propheta: *Visurus es, inquit, in die illa, quando ingrederis cubiculum.* Et Actonum cap. 23. vers. 3. Princeps Sacerdotum Ananias jussit ab iis, qui aderant, Paulum in faciem cædi; cui Apostolus: *Percutiet te Deus, inquit, paries dealbate; & tu sedens judicas me secundum Legem, & contra Legem jubes me percuti?* De alapis Christo Domino impactis cecinit Sedulius:

His alapis nobis libertas maxima plaussit.

Quo in loco Poeta ad eas alapas respexit, quibus servi libertate donabantur, quod legitur apud Isidorum lib. 9. Origin. cap. 4. *Manumissus dicitur, quasi manu emissus. Apud Veteres enim quando manumittebant, alapa percussos circumagebant, & liberos confirmabant.* Quærit Augustinus, cur non eo usus fuerit consilio, cujus ipse fuit auctor Matthæi cap. 5. vers. 39. *Si quis te percusserit in dexteram maxillam tuam, præbe illi & alteram:* aitque consilium non intelligendum ad litteram; verum illius consilii sensum esse, tranquillo animo perferendam injuriam, nosque paratos esse oportere, eandem potius injuriam perpeti, quam illatam ulcisci; omne autem consilium illud a Domino Jesu fuisse comple-

tum

De alapa Christi impacta coram Pontifice. Christi responso bene coheret cum ejus consilio tradito Matth. cap. 5.

tum, qui pacate nihil aliud respondit, quam quod opus esse existimavit propulsandæ calumniæ, quæ adversus se, suamque innocentiam & doctrinam intendebatur, ut bene ostendit Suarez loc. cit. disput. 35.

In Calphane, an vero in Annæ domo series illa injuriarum in Christum illata fuerit, & utrum ante, an post latam mortis sententiam.

22 Quærent sacri Interpretes, in domone Annæ, an Calphæ omnia ea contigerint: & quidam putant in domo Annæ ea accidisse, quæ quidem opinio congruit cum Evangelico textu Joannis, qui postquam illam commemoravit injuriam, subjicit: *Et misit eum Annas ligatum ad Caiphæ Pontificem*: cui opinioni suffragari videtur Calmetus in cap. 18. Joann. vers. 19. quamquam fatetur, communem esse sententiam, id in domo Caiphæ contigisse. Sunt igitur alii, qui, ut dicebamus, communem sequuti sententiam putant, factum id esse in domo Caiphæ: ait enim Joannes interrogatum fuisse Christum a Pontifice: *Pontifex ergo interrogavit Jesum de Discipulis suis, & de doctrina ejus*; Pontifex autem eo anno erat Caiphæ; ita ut verba Joannis, *Et misit eum Annas*, vium habeant præteriti plusquam perfecti, quasi dixerit, *miserat*, ut advertit Natalis Alexander in cap. 18. Joann. vers. 22. & sequen. & multo antea observaverat Suarez cit. Disput. 35. pag. 341. *Præteritum illud misit, positum est pro præterito plusquam perfecto miserat. Juxta quam expositionem non est necesse aliquid horum factum esse in domo Annæ, sed in domo Caiphæ*: ac post eos Auctores Duhamel in id. cap. 18. Joannis num. 24. *misit pro miserat*: nam *Hebræi carent præterito plusquam perfecto*. In piis quibusdam meditationibus scriptum est, Christum alapa accepta in terram cecidisse; sunt aliæ quædam, in quibus percussoris manus ferrea manica, seu chirotheca armata fuisse traditur; quædam etiam referunt, ex ore Christi tantum sanguinis alapæ vi effluxisse, ut ex eo omne pavimentum maduerit, & in ejus Divina facie digitorum extitisse alte impressa vestigia. De his aliisque id genus legendus P. Ayala in Opere cui titulus, *Pictor Christianus*, lib. 3. cap. 4. num. 7. In quibusdam itinerariis legimus, illum, qui Christo Domino alapam impexit, etiamnum sceleris sui poenas luere in domo Pilati, seu Gubernatoris Hierosolymæ: Vicentinum quemdam nobilem virum, nomine Petrum Brantium Penarium, a Turca quodam illuc adductum, vidisse impium illum ab una ad alteram partem magni Conclavis perpetuo inambulantem, atque inclamantem: *sic respondes Pontifici*? Vide Quaresmium Elucidat. Terræ Sanctæ tom. 2. lib. 4. cap. 3. & 4. ubi ejus historiæ veritatem demonstrat. Verum utcumque judicandum sit de piis istiusmodi meditationibus, illud quidem notandum, Lucam cap. 22. horribilem hanc con-

contumeliarum seriem ita referre, ut contingerit antequam Concilium convocaretur, de quo inferius sermonem habebimus; Matthæum autem cap. 27. & Marcum cap. 14. hæc eadem narrare tamquam gesta post latam mortis sententiam. Nulla tamen propterea inde oritur pugna seu discrepantia: easdem enim putamus contumelias Christo illatas semel atque iterum, ante videlicet & post Concilium vocatum, ut bene perpendit Baronius ad ann. Chr. 34. num. 72. pag. 140. editionis Lucensis 1738. *Hæc ergo cum ante coactum Concilium Lucas accidisse scribat, Matthæus vero atque Marcus post sententiam mortis in eum latam facta dicant, easdem contumelias a perfidissimis atrocissimisque, ac procacibus illis Ministris iterum repetitas esse adversus Dominum Jesum facile possumus intelligere.*

23 Ultimum denique eorum, quæ in secunda Passionis Christi parte contingere, est lapsus D. Petri, qui Christum negavit; de quo, ut perspicui sermonis rationem ineamus, hæc examinanda suscipimus; an, & quodnam peccatum Petrus negando Christum commiserit: quoties in illud lapsus sit; a quonam Petrus in illud peccatum, & quando impulsus fuerit. Hilarius num. 4. pag. 805. in cap. 26. Matth. verba illa Petri perpendens, *Non novi hominem*, ait: *Et vere prope jam sine piaculo hominem negabat, quem Dei Filium primus agnoverat.* Verum Hieronymus ad eundem Matthæi locum tom. 6. pag. 225. aliter sentit: *Scio*, inquit, *quosdam pii affectus erga Apostolum Petrum locum hunc ita interpretatos, ut dicerent, Petrum non Deum negasse, sed hominem; & esse sensum: Nescio hominem, quia scio Deum. Hoc quam frivolum sit, prudens Lector intelligit.* Et D. Augustinus tract. 36. in Joann. acriter eos castigat, qui Petrum a peccato excusare contendunt.

Et sane cum Petrus antea Christo Jesu pollicitus esset, paratum se esse cum eo conjici in vincula, & vel ipsam mortem oppetere, ac se numquam ab eo recessurum; quis tam audacter eum non peccasse affirmaverit, qui oblata occasione, cum Fidei, quæ periclitabatur, confessione opus esset, negavit se esse ex ejus discipulis, immo vero falso juramento se ne novisse quidem eum, affirmavit? Profecto eum gravissime peccasse, qui non fateatur, puto esse neminem. *Ubi est*, inquit Augustinus Tract. 113. in Joannem pag. 786. num. 2. *illa promittentis audacia, & de se plurimum præfidentis? Ubi sunt verba illa quando ait: Quare non possum te sequi modo? Animam meam pro te ponam? Hoc tunc est sequi Magistrum, se negare Discipulum? Sic tunc pro Domino anima ponitur, ut, hoc ne fiat, vox Ancille formidetur? Sed quid mirum si Deus vera prædixit, homo autem falsa præsumpsit?* Et D. Thomas Quodlibet. 9.

Tom. X.

X

art. 14.

De Petri lapsu.

Petrus Christum negando peccavit.

art. 14. rem theologicè expendens ita concludit: *Absque dubio Petrus peccavit mortaliter negando Christum: quod quidem patet ex duobus. Primo quia negavit Fidem in loco, ubi periclitabatur, & ubi Confessio requirebatur. Ore enim confessus fuit ad salutem: ut dicitur ad Rom. 10. in qua videtur, quod sit de necessitate salutis confessio Fidei in casu prædicto; & supràcipue mendacium in his, quæ Fidei sunt, est perniciosissimum; secundum Augustinum in libro de Mendacio. Secundo quia destituit confessionis & mendacio addidit perjurium & blasphemiam, quia ut dicitur Matthæ 26. capitis detestari & jurare, quia non novisset hominem, quæ constat esse gravia peccata. Unde Glossa dicit ibidem: Tercio capitis detestari & jurare quia non novisset hominem: quia perseverare in peccato dat incrementum scelerum, & qui minima spernit, cadit in majora.*

Peccavit graviter semel iterum ac tertio: non tamen a Fide destitit. Locus ea dicitur Potius Prudentis.

24. Itaque peccavit Petrus, & quidem graviter; nec semel tantum, sed iterum, ac tertio: non ita tamen peccavit, ut Fidem amitteret, sed tantummodo Charitatem; non enim intrinsecus dissentiendo, sed extrinsecus negavit; neque etiam extrinsecus negavit, Christum esse Deum aut Messiam, sed eum se novisse, & ex illius fuisse sectatoribus; ut apparet ex Matth. cap. 26. v. 69. ubi cum illi diceretur: *Es tu cum Jesu Galileo eras, respondit, nescio quid dicis. Et. Non novi hominem. Et. capitis detestari & jurare, quia non novisset hominem.* Idque habent & Marcus cap. 14. Lucas cap. 22. & Joannes cap. 18. Prudentius lib. Cathermerinon Hymn. 1. v. 58. ita scripsit.

Flevit negator denique

Ex ore prolapsum nefas,

Cum mens maneret innocens,

Animusque servaret fidem:

quod tamen a gravi peccato non liberat, ut bene docet Augustinus a mendaci ad Consentium cap. 6. num. 13. pag. 455. *Quis ita evanescat, ut existimet Apostolum Petrum hoc habuisse in corde, quod in ore, quando Christum negavit? Nempe in illa negatione intus veritatem tenebat, & foris mendacium proferebat. Cur ergo lacrymis diluit quod ore negaverat, si saluti sufficiebat quod corde credebat? Cur loquens in corde suo veritatem, tam amaro fletu punivit mendacium, quod ore depromsit? nisi quia magnam videret esse perniciem, quod corde quidem credidit ad justitiam, sed ore non confessus est ad salutem. Triplex diximus ejus fuisse peccatum qui ter se novisse Christum, eumque sequutum esse negaverit. Ter me negabis: sunt verba Christi apud Matthæum. Ter me es negaturus, apud Marcum. Dico tibi Petre, non cantabis hodie gallus, donec iter abneget nosse me, apud Lucam; & apud Joannem:*

nem: *Non cantabis gallus, donec ter me neges*. Quodnam autem & quam multiplex peccatum fuerit Petri, duo consulendi sunt: Gregii Theologi Suarez tom.2. par.3. disput.35. sect.1. & Card. Grotius de veritate Relig. Christi tom.4. part.2. cap.24. §.3.

25. De iis, quæ hæcenus persequuti sumus, non ita magnam videmur nobis offendisse difficultatem. Major quædam difficultas in eo est, quis Petrum ad negandum impulerit, & quando Christum negaverit; quæ quidem oritur ex eo, quod Evangelistæ non eundem loquendi adhibuerint modum. Matthæus cap.26. narrat, primo negasse interrogatum ab ancilla; iterum negasse ab alia ancilla interrogatum; tertio denique ab iis interrogatum, qui aderant. Ad eundem plane modum loquitur Marcus cap. 14. Lucas vero cap.22. ait, primo negasse interrogatum a muliere; negasse iterum ab homine interrogatum; tertio denique negasse interrogatum itidem ab alio homine. Et S. Joannes narrat, primo negasse interrogatum ab ancilla; negasse iterum a pluribus; tertio interrogatum a servo Pontificis, qui cognatus erat ejus, cui Petrus amputavit auriculam. Præterea tradit Matthæus, Christum Jesum prædixisse Petro, fore ut se ille ter negaret, antequam ea nocte cantasset Gallus: *Antequam Gallus cantet, ter me negabis*. Et eodem plane modo eam rem narrant cæteri Evangelistæ, Marco tamen excepto, qui cit. cap.14. ait, primo Petrum negasse, & cum egressus esset foras, Gallum cantasse: *Et exiit foras atrium, & Gallus cantavit*; negasse autem iterum ac tertio, & Gallum iterum cecinisse: *Et statim Gallus iterum cantavit*; ac Petro tum in memoriam venisse, quæ sibi prædixerat Jesus, eum videlicet ter Magistrum suum negaturum, antequam Gallus semel atque iterum cantaret: *Præquam Gallus cantet bis, ter me negabis*.

26. Verum multa suppetunt; quibus ea, quæ inter Evangelistas esse videtur, discrepantia e medio tollatur. Divus Thomas Lect.4. in cap.18. Joannis conciliandos suscipit Evangelistas in eo, quod quæritur, quisnam Petrum ad negandum impulerit: docet autem, primo negasse interrogatum ab ancilla, inde egressus cum esset, ac rediisset, ab alia ancilla interrogatum negasse; quæ tamen ancilla non sola fuit, sed cum aliis colloquuta est, qui Petrum itidem interrogarunt; tertio denique negasse interrogatum ab aliis, tametsi cognatus Malchi, cui amputaverat aurem, testabatur illum esse e Sectatoribus Christi. Sunt alii item, qui quod attinet ad tempus, quo Petrus Christum negavit, ostendendum susceperunt Evangelistarum consensum. Verisimilior autem concordia est, si, cum Gallus bis cantet, primo media nocte, atque

*Quis Petrum
ad negandum
impulerit. D.
discrepantia vi-
detur ea de re
esse apud E-
vangelistas.*

*Conciliantur
Evangelistæ
consensus et-
iam eorum
ostenditur de
tempore, quo
Christum Pe-
trus negavit.*

iterum duabus, aut tribus horis ante ortum solis, cumque secundus ille cantus vulgo dici soleat cantus Galli, Matthæus, Lucas, & Joannes, qui narrant Christum a Petro ter negatum esse ante cantum Galli, loquuti esse dicantur de cantu Galli duabus tribusve horis ante solis ortum, qui passim Galli cantus, seu Gallicinium vocatur. Marcus autem, qui narrat Petrum primo negasse, deinde Gallum cecinisse, atque iterum ac tertio negasse, iterumque Gallum cantasse, tempus trium illarum negationum descripsit accuratius, quarum primam ponit ante primum Galli cantum, nocte media, reliquas duas ante Gallicinium, appetente aurora. Vid. Tillemont. not. 4. ad vitam S. Petri.

*Quomodo
Christus respexit
Petrum, qui
videtur fuisse
in alio loco.
Conciliantur
Lucas & Mar-
cus.*

27 De amaro Petri fletu Matthæus, Marcus, & Lucas inter consentiunt, quem narrant vehementer illacrymatum, ubi primum, audito Galli cantu, memoria repetens ea, quæ sibi Jesus dixerat, se gravissime peccasse animadvertit. Verum cum illud habeamus ex Luca, quod, dum cantaret Gallus, *conversus Dominus respexit Petrum, & recordatus est Petrus verbi Domini, sicut dixerat: quia priusquam Gallus cantet, ter me negabis*; nova inde oritur difficultas, qui tandem Jesus, qui in superiori esset Conclavi, respicere potuerit Petrum, qui, teste Marco, *erat in atrio deorsum*. Quidam Interpretes a sensu literali non recedendum existimantes, ut constet veritas illius obtutus, quo Christus respexit Petrum, satis esse putant, si prima domus contignatio, seu inferior domus pars, ubi tunc erat Christus, subdiali atrio, in quo Petrus versabatur, paucis quibusdam ponatur gradibus altior. Nonnulli etiam animadvertunt, Judæorum Concilium noctu esse dimissum, iterum illucescente die, ut mox dicemus, convocandum, ac per id tempus Christum traditum esse familiæ Pontificis & vesanz custodiendum plebi, a qua tot tantisque contumeliis, quas refert Lucas, affectus est; atque inde sibi verisimile fieri dicunt, Petrum, qui esset cum illis domesticis, a Christo visum esse. Divus Augustinus, considerato tum quo Christus; tum quo Petrus erat loco, ait Christum neque cum respexisse, neque oculis corporis videre illum potuisse. *Non potest dici, quod corporalibus oculis cum Dominus visibiliter admonenda respexeris, sed interioris illum gratiæ adjutorio respexisse, & ad poenitentiam adduxisse. Et ideo quod ibi scriptum est: respexit cum Dominus; inustus actum est; in mente actum est; in voluntate actum est: quæ verba sunt S. Doctoris lib. 2. de Gratia Christi cap. 45. pag. 250.* Nec ab hac dimovetur sententia, quod Lucas dicat: *Et conversus Dominus respexit Petrum*; nam lib. 3. de Consensu Evangelist. cap. 6. num. 26. ait, quotidie nos ita precari: *Domine respice me;* ref-

respice, & exaudi me; quæ precandi forma ad interiorē gratiam impetrandam pertinet. Consonat S. Leo serm. 9. de Passione cap. 4. ubi hæc habet: *respexit oculis mentis, non corporis; misericorditer, non corporaliter; quia Petrus foris erat & inferius; Christus vero intus & superius*. Verum qui in legendis historiis a sensu litterali ægre recedunt, ante primorum virorum ædes atrium apud veteres fuisse considerant, quod intelligitur ex Sulpicio Apollinari apud A. Gellium Noct. Atticar. lib. 16. cap. 5. *Qui domos amplas antiquitus faciebant, locum ante januam relinquēbant, qui inter fores domus & viam medius esset. In eo loco qui Dominum ejus domus salutatum venerant, priusquam admitterentur, consisterant, & neque in via stabant, neque intra aedes erant*. Itaque cum verisimile sit, ante januam ædium Caiphæ hujusmodi locum fuisse, ubi Petrus confiterit, lubenter eam, quam supra retulimus, opinionem amplectuntur, dimisso nempe Concilio, Christum Jesum Ministris fuisse traditum, a quibus in atrium adductus, ubi reliqui Ministri & famuli cum Petro sedebant ad prunas, potuit corporalibus oculis eum respicere.

28 Venimus nunc ad tertiam Dominicæ Passionis partem, quæ plura continet capita. *Primum* eo pertinet, quod Principes Sacerdotum falsos subornarant testes, ut Christus ultimo supplicio necaretur, & Sacerdos vestimenta scidit sua, cum interrogatus ab eo Christus, se Dei Filium esse respondit. *Alterum* est de poenitentia Judæ, qui suis projectisque in Templum denariis, inde egressus, laqueo se suspendit. *Tertium* est de iis, quæ Christo contigerunt, cum ad Pilatum adductus est. *Quartum* est de illo ita ac reditu a Pilato ad Herodem, & ab Herode rursus ad Pilatum. *Ultimum* denique Pilati continet gesta a Christi reditu ab Herode usque ad flagellationem, & latam mortis sententiam.

29 Testantur Evangelistæ, a Principibus Sacerdotum, & universo Concilio conquisitos fuisse ubique testes, ut Jesum morte damnarent; nec inveniri potuisse: quidam enim ad falsum testimonium dicendum acceperant, sed nihil conficiebant, quod Christum læderet, alii eum dixisse testabantur, posse se Templum Dei destruere, & post triduum denuo illud ædificare, at nullius roboris eorum testimonium habebatur. Itaque summus Sacerdos interrogavit eum, quid responderet; tacentemque adjuravit *per Deum vivum*, ut diceret, Filiusne Dei esset. Cumque Jesus respondisset se Filium Dei esse, illum autem visurum Filium hominis sedentem a dextris virtutis Dei in nubibus Coeli; summus Sacerdos scidit vestimenta sua, clamitans eum blasphemasse; non amplius testibus opus esse, cumque cæteros interrogasset, quid cuique videretur, suc-

*Tertia pars
Dominicæ. Pos-
sionis a testimo-
nii in Chris-
tum latius ad
flagellationem
huius partis
divisa.*

*Duo iudicia
adversus Chris-
tum habita,
alterum notum
summo mane
alterum, de
quo loquitur
S. Lucas.*

clamamarunt omnes: *rem est mortis*. Ita rem gestam narrant Matthæus cap. 26. & Marcus cap. 14. Ea omnia noctu contingere. Itaque cum ejus Concilii Acta omnia essent irrita, tum quod non generale Concilium esset, tum quod noctu habitum, lex autem prohiberet, ne noctu & clanculum jus diceretur; ideo, ut primum dies illuxit, iterum convocati sunt Seniores populi, & Principes Sacerdotum, & Jesum coram se adesse jussu rursus interrogarunt, num Filius Dei esset; & respondente illo se Filium Dei esse, omnes uno ore dixerunt, nihil opus esse testibus, ex illius ore omnia se audivisse. Atque hoc est Judicium fummo mane latum, de quo Lucas loquitur cap. 22. v. 66. *Et ut factus est dies, convenerunt Seniores plebis, & Principes Sacerdotum, & Scribæ.*

*Falsi testes
verba Christi
proferunt cum
additionibus,
& malignis
interpretatio-
nibus. De
more Hebræo-
rum scindendi
vestimenta sua
in signum do-
loris. An sum-
mo Sacerdosi
id licuerit fa-
cere.*

30 Verba, quæ Jesus Hebræis dixerat, sunt ea quæ assert Joannes cap. 2. v. 19. *Soluite Templum hoc, & in tribus diebus excitabo illud*. Ea vero non de Templo, sed de corpore suo, & de Resurrectione sua voluit intelligi; sed nefarii testes lædendi eum cupidi testati sunt illum dixisse: *Possu destruere Templum Dei, & post triduum reedificare illud*, ut est apud Matth. cap. 26. v. 61. & Marcum cap. 15. v. 68. *Ego dissolvam Templum hoc manufactum; & per triduum aliud non manufactum edificabo*. Quia in re quivis videat, quantum Christi verbis falsi testes addiderint, & quam perperam aliorum, atque ea verba dicta sunt a Christo, intellexerint. Maldonatus in cap. 26. Matthæi num. 61. pag. 674. cum Origene, Beda, Theophylacto, Euthymio, Chrysostomo, & Hieronymo observat, eos testes jure optimo falsos testes appellari, *Novissime autem venerunt duo falsi testes*, ea ratione, quia, *quod Christus dixerat, & malo animo, & diverso sensu, & aliis verbis recitarunt*. Quoniam vero nescit quidem quod testes dixerant, quamvis verum esset, satis erat ut morte damnetur; neque enim cogitata, sed facta leges morte puniunt; ad aliud decurrere crimen oportuit, nimirum Jesum blasphemasse, cum se Filium Dei esse affirmavit, non quidem adoptione, quemadmodum omnes justi Filii Dei sunt, sed natura, seque ipse verum Deum esse dixit, idque adjuratus per Deum, *Adjuro te per Deum vivum*. Qui enim ad hunc modum adjurabatur, fari eum & vera proloqui oportebat, ut apparet Levitic. cap. 5. vers. 1. Numer. cap. 5. vers. 21. Proverb. cap. 29. vers. 24. Judic. cap. 7. vers. 2. & lib. 3. Regum cap. 8. vers. 31. Idque observat Maldonatus loc. cit. num. 63. pag. 675. ubi illa verba, *adjuro te per Deum vivum*, notat eo loquendi modo significari, *Dei nomine & quasi mandato aliquem aut ad loquendum, aut ad faciendum obstringere*. Quod autem Sacerdos sciderit vestimenta sua, scire opus est, morem Hebræo-

bræo-

bræorum fuisse, ut in signum doloris aut ad detestandam blasphemiam sua vestimenta scinderent. Quidam viri docti putant, numquam summo licuisse Sacerdoti vestes sibi lacerare, quod evinci existimant ex Levitic. cap. 21. v. 10. ubi habetur; *Vestimenta non scindet*. Itaque S. Leo serm. 55. pag. 125. Caipham, qui ut Christi verba audiret, vestem suam discidit, ad hunc increpat modum: *Caiphas ad exaggerandam auditu sermonis invidiam scidis vestimenta sua, & nesciens quid hac significaret insania, sacerdos alise bonore privavit: Ubi continentia cingulum? Ubi superhumeralia Virtutum? Mystico illo sacratoque amictu ipse te spoliast, & propriis manibus Pontificalia indumenta discerpis, oblitus præcepti illius, quod legeras de Principe Sacerdotum: De Capite suo Cidarim non deponet; & vestimenta sua non dirumpet*. Verum cum verba illa Levitici ad privatum luctum pertineant, nec Sacerdoti esset interdictum in luctu publico vestem discindere, ut in lib. 1. Machab. cap. 11. v. 71. *Et scidis Jonathas vestimenta sua*, non admodum firma videtur ea doctorum virorum sententia, ut bene notat Natalis Alexander in Matth. cap. 26. num. 45. Et ad eundem locum Calmetus pag. 249. §. 65. ait communem esse meliorum Interpretum opinionem, legem illam Moyse in Levitico de luctu privato esse intelligendam, neque complecti nisi tempus, quo Sacerdos esset in Templo, eaque sola scindi non potuisse vestimenta, quæ sacra essent, & quæ in publicis adhiberentur solemnitatibus. De hac porro scissione vestis duo sunt capita, quæ attigimus. Primum, an divina lege vetitum esset, ne Sacerdos vestem sibi scinderet? Baronius ad ann. Chr. 34. num. 73. vetitum fuisse respondet: *Divina lege Sacerdotibus vetitum erat, ne sua scinderent vestimenta*. Sed Caiphas illa contempta, quo caterorum adstantium animos in Christi perditionem magis ac magis concitaret, furor, quodam percitus, primus summorum omnium Pontificum, quorum sit memoria, sic sua vestimenta conscidit. Hæc Baronii responsio nititur iis, quæ Levitici cap. 10. v. 6. Moyses dixit Aaroni, ejusque filiis: *Capita vestra nolite nudare, & vestimenta nolite scindere*; & iis, quibus cap. 21. v. 10. ejusdem Levitici summo Pontifici præscribitur, *ut caput suum non discooperiat, & vestimenta non scindat*. Verum neuter textus is esse videtur, unde quis arguere possit, generatim vetitum fuisse, ne summus Pontifex vestimenta sibi scinderet. Nam Moyses videtur vetasse, ne Aaron, ejusque filii id facerent ea occasione, qua Nadab & Abiu igne Cælo delapso absumpti fuerant. Deus enim voluit, ne Aaron, ejusque filii Eleazar & Ithamar tristitiam ullam significarent: Alter autem Levitici textus videtur prohibere, ne Sacerdotes scinderent

derent vestimenta Sacerdotalia, aut ne vestem ullam sibi discinderent in luctu propter alicujus mortem, etsi in Hebræis in more positum esset. Alterum est, an Caiphas Sacerdotalia sibi disciderit vestimenta. Sacerdotalia sibi vestimenta Caipham discerpisse non modo credit S. Leo, ut modo diximus, sed affirmat Eucherius, Hieronymus, Theophylactus, Beda, & Glossa ordinaria, quos sequitur Gerardus Vossius in Harmon. Evangel. de Passione Domini cap. 6. & cum illis Patribus concludit, inde verum extitisse Vaticinium, fore ut Sacerdotium Leviticum deleteretur. Id vero haud facile admitti potest. Ponere enim oporteret, Caipham in eo nocturno Concilio Sacerdotalibus vestimentis indutum fuisse. Verum Act. Apostolor. cap. 23. v. 5. D. Paulus in Concilium intromissus jubenti Ananiæ Sacerdotum Principi, ut illi alapa impingeretur, audaçter & libere maledixit, &, quod ita summo maledixisset Sacerdoti, increpitus respondit: *Nesciebam Fratres, quia Princeps est Sacerdotum*: quod sane neque dixisset, neque dicere potuisset, si Ananias Sacerdotalibus vestitus fuisset indumentis. Quamobrem dici posse videtur, occasiones quasdam fuisse; quibus quidam populi etiam Ethnici scindere vestimenta solerent, de qua consuetudine fusc Sagittarius Hist. Pass. Chr. tom. 1. pag. 427. num. 38. id præsertim penes Hebræos in usu fuisse, ut videre est in Tractatu de luctu Hebræorum Martini Geyeri; tum communem eorum fuisse consuetudinem, ut ubi blasphemiam audirent, scinderent vestimenta. *Consuetudinis Judaicæ est, cum aliquid blasphemiae, & quasi contra Deum audierint, scindere vestimenta sua*: ut ait D. Hieronymus; atque inde ortum esse, ut Caiphas sibi vestes discerpserit.

De Judæ penitentia, desperatione, & miserrimo exitu.

31 De Judæ proditione pauca quædam paullo ante attigimus. Nunc vero reliqua persequemur. Ubi primum accepit, Jesum ultimo supplicio condemnatum, poenitentia tactus Principibus Sacerdotum & Senioribus, quos ab eis acceperat triginta denarios, retulit inclamans, se sanguinem justum prodidisse. At illi nihil id ad se pertinere dixerunt; ejus esse, id ut ipse videret. Rem ita narrat Matthæus cap. 27. qui addit, Judam denarios projecisse in Templum, atque inde egressum laqueo se suspendisse: Sacerdotes autem pecuniam humo sublatam collegisse, atque ex ea, quoniam in ærarium templi nefas erat ejusmodi argentum conjicere, agrum sepeliendis peregrinis coemisse; quo Hieremias impletum fuit oraculum, de quo mox sermonem habebimus.

Disputatur, anquid valeant triginta argenti. De Judæ morte.

32 Præter ea, quæ alibi observavimus, tria sunt etiam de Judæ proditione digna quæ referantur & expendantur; quantum scilicet pretii a Sacerdotibus acceperit, quænam ejus mors fuerit, &

& qui fuerit impletum Jeremiæ oraculum . Matthæus ait : *con-*
stituerunt ei (Judæ) *triginta argenteos* . Baronius ad ann. Chr. 34.
 num. 36. & sequen. considerat, ex eo pretio campum esse emtum
 ad sepulturam Peregrinorum, cumque Urbi proximum, nec tem-
 porariam illam fuisse emtionem, ut, quemadmodum in more po-
 situm erat apud Hebræos, anno Jubilæi prædia ad priores domi-
 nos redirent, ita ager ille tandem in venditoris dominium re-
 cidere deberet; ex quibus omnibus num. 19. concludit, quod Ju-
 das iniquitatis suæ pretium accepit, triginta argenti pondo fuis-
 se. Sicigitur, *ut dictum est accepit Judas in proditiōis præm-*
ium triginta libras, quas cum facti pœnitens projecisset in Templum,
suburbanus ager figuli emtus est in sepulturam peregrinorum. Sua-
 rez 2. part. tom. 2. disp. 34. sect. 1. pag. 337. eam Baronii senten-
 tiam minime amplectitur; eos autem triginta argenteos putat fuis-
 se triginta nummos argento cufos, qui vel siclum, vel sicii semis-
 sem conficerent. Calmetus in cap. 26. Matth. pag. 243. §. 15. idem
 plane sentit; ac triginta sicios observat mancipii pretium fuisse.
 Exodi cap. 21. versu 32. *Si servum, ancillamque invaserit, trigin-*
ta sicios argenti Domino dabit: bos vero lapidibus opprimetur. Qui-
 dam, sicii valore expenso, initaque ratione ad nostratē mone-
 tam, putant Redemptorem nostrum octodecim scutorum Romano-
 rum pretio fuisse venditum: inter eos Serry Exercitat. 52. & Emi-
 nentissimus Gottus de verit. Rel. Christi. tom. 4. par. 2. cap. 24. §. 1.
 pag. 82. & sequen. In Thesauo Dissertationum in Nov. Testam.
 Amstelodami edito anno 1702. tom. 2. pag. 210. extat Dissertatio
 Marci Georgii Schvartzzen *de pretio, quo Servator noster æstima-*
tus, ubi §. 26. commemoratis aliorum opinionibus, concludit, tri-
 ginta argenteos, quanti venditus est pactione Judæ Christus Domi-
 nus, quindecim thaleros Imperiales conficere. Judas, ut refert
 Matthæus cap. 26. *pœnitentia ductus* retulit triginta argenteos, iis-
 que projectis in Templum, *abiens laqueo se suspendit*. Lucas
 Actor. cap. 1. versu 18. ita mortem Judæ describit: *Suspensus cre-*
puit medius, & diffusa sunt omnia viscera ejus. Oecumenius in
 cap. 1. Actor. narrat, Judam, postquam se suspendit, nondum
 laqueo præfocatus in terram decidisse, ac aliquandiu vivum ita
 corpore intumuisse, ut se loco movere non posset; vehiculo deni-
 que, quod illac lente trahebatur, protritum, ut ejus viscera huc
 illuc dispergerentur. Quam historiam neque Baronius amplectitur
 ut videre est ad annum Christi 34. num. 75. & vehementer impugnât
 Casaubonus Exercitat. 6. in Baronii Annales. Joannes Varnecius in
 Dissertatione *de suspendio Judæ* tom. 2. Thesauri Dissertationum in
 Nov. Testamentum e Museo Hasei & Ikenii pag. 303. num. 25. re-
 futatis

futatis aliorum sententiis, probabile existimat, Judam projectis argenteis fortasse ad suos redire meditantem, raptum a Diabolo strangulatum, & ita in præceptum actum fuisse, ut ad terram adlissum corpus ejus, disruptum, ejusque viscera dispersa sint. Sed cum disertissime narret sacer textus, nefarium proditorem se suspendisse, nullus hic difficultati, neque operosæ interpretationi locus esse videtur, quod S. Lucas dicat dispersa esse viscera ejus. Verisimile enim est, cadaver arbore decussum, dejectumque in viam, deinde quod projectis cadaveribus solet contingere, crepuisse; nisi quis malit decidisse in ventrem, atque ita crepuisse, ut videre licet apud Calmetum in cap. 26. Matthæi §. 5. & apud Tillemontium Nota 29. in Vit. Jesu Christi. Verus quæstio est, cujus generis arbor illa fuerit, ad quam Judas se suspendit; & sicum fuisse ait Juvenecus.

*Exorsusque suas laqueo sibi sumere panas,
Infamem rapuit Ficus de vertice mortem.*

Et si Quaresmio fides habenda sit Elucidat. Terræ Sanctæ tom. 2. lib. 4. cap. 21. quinquaginta annis antequam ille in eas se contulisset regiones, prægrandis ostendebatur ficus, ad quam senes narrabant sese Judam suspendisse: eam vero, cum ipse esset in Terra Sancta, arefactam esse tradit ac cæsam. D. Matthæus cap. 27. v. 3. *Tunc videns Judas, inquit, qui eum tradidit, quod damnatus esset, penitentia ductus retulit triginta argenteos Principibus Sacerdotum, & Senioribus dicens: Peccavi tradens sanguinem justum: ad quæ verba D. Ambrosius lib. 10. Commentar. in D. Lucam, Etsi cassa, inquit, est penitentia proditoris, quia peccavit in Spiritum Sanctum; est tamen nonnullus in scelere pudor culpam agnoscere. Principes Sacerdotum, (pergit Matthæus versu. 7.) facto consilio, emerunt ex illis agrum figuli in sepulturam peregrinorum: propter hoc vocatus est ager ille Haceldama, hoc est ager sanguinis usque in hodiernum diem. Nulla certa ratio constat, quamobrem ager ille appellatus sit ager figuli. Quidam existimant ita appellatum, quia a figulo quodam possideretur, vel quod figuli ab illo agro figulinam vasis fingendis effoderent. Valde autem verisimile est, cum Hierosolymitanis civibus vel publicis, vel suis cuique campus esset, quo cadauera injicerentur, ac ejusmodi locus peregrinis deesset, idcirco agrum illum iis sepeliendis euntum esse. Quaresmius, loc. cit. cap. 23. de loco, ubi ager ille situs est, ac de presentie ejus statu loquitur. Narrat, hoc tempore quosdam Armenos illuc injici, qui a suis decepti sacerdotibus haud ita parvam pecuniam expendunt, ut illic sepeliantur; sibi enim pollicentur æternas futuræ viæ pœnas evadere, quæ propter peccata sibi imminant*

CAP. VII. DE FERIA VI. IN PARASCEVE. 171

neant. Quorumdam opinionem refert, qui putant hujus agri humo viginti horarum spatio cadavera exedi, & absumi; id tamen falso affirmari, experiundo se comperisse.

33 Major est de Jeremiæ oraculo difficultas. Matthæus enim cap. 27. versu 9. postquam a Juda redditum esse narravit argentum, & ea eam pecunia agrum, subjicit: *Tunc impletum est, quod dictum est per Jeremiam Prophetam dicentem: Et acceperunt triginta argenteos pretium appretiati, quem appretiaverunt a filiis Israel.* At non apud Jeremiam, sed apud Zachariam textus ille deprehenditur. Nam Zachariæ cap. 11. vers. 12. & 13. habetur: *Et appenderunt mercedem meam triginta argenteos, & dixit Dominus ad me: Projice illud ad Statuarium, decorum pretium, quo appretiatus sum ab eis. Et tuli triginta argenteos, & projeci illos in domum Domini ad Statuarium.*

34 Vehementer laborant Sacri Interpretes in hujusmodi difficultate diluenda, ut videre est apud Maldonatium in cap. 27. Matth. num. 9. & Duhamel in id. cap. littera B. Quidam contendunt, illud esse Jeremiæ oraculum, licet apud eum scriptum non reperiatur. Alii Jeremiæ quidem esse, sed eo usum Zachariam; solent enim dicere Hebræi, in Zacharia fuisse spiritum Jeremiæ. Alii dicunt, irrepsisse mendum culpa librariorum, qui pro Zacharia scripserunt Jeremiam. Calmetus in cap. 27. vers. 9. opiniones hæc omnes refert, earumque ultimæ videtur suffragari, atque idem sentit Huetius Demonstrat. Evang. Proposit. 9. cap. 125. *Verosimile primum est, librariorum ostitantia evenisse, ut Jeremiæ nomen intruderet nomen Zachariæ.* Audacissima vero, nulloque pacto eorum ferenda opinio, Evangelistas in minutis quibusdam rebus deceptos esse temere affirmantium. *Ab sit ut cum illis sentiamus, vel minimum errorem in Sacris litteris reperiri, quas integras non dubitamus Spiritu S. inspirante conscriptas esse.* Sunt verba Eusebii in cit. cap. 27. v. 9.

35 Itaque deferenda minime nobis videtur Augustini responsio, qui lib. 3. de Consensu Evangelistarum cap. 7. familiariter esse ait apud Evangelistas, cum duorum verba, & testimonia volunt afferre, unum tantum, non utrumque nominare, ut apud Marcum cap. 1. & duobus sequentibus, ubi producto textu, cujus prima pars est Malachiæ, Isaïæ altera, Malachiæ nomen reticetur, & solius sit mentio Isaïæ. Quod cum ita sit, observat S. Doctor injectam apud Jeremiam de venditione agri mentionem, de qua siletur in Zacharia, ut videre est Jerem. cap. 32. versu 7. *Eme tibi agrum meum, & quæ sequuntur.* Cum autem Zacharias, ut vidimus triginta argenteos commemoret, ait, Matthæum solum Jeremiam nominasse, & Zachariam præ-

Prophetia Jeremiæ de pretio, quo Christus venditus. Veritas, quæ Matthæus Jeremiæ tribuit, extant apud Zachariam.

Diversa Interpretum opiniones.

Pulchra ejus difficultatis solutio ex Divo Augustino.

teruisse, licet ex utroque Propheta verba illa deprompserit. Hanc ejusmodi difficultatis diluendæ rationem sequitur Calmetus loc. cit. & Natalis Alexander in cap. 27. Matth. §. 5. Si quis vero dicat, allata verba neque apud Jeremiam reperiri, neque apud Zachariam; præterea non apparere, quamobrem e duobus factis unum Matthæus conflaverit, & Judæ affinxerit; huic satisfactum esse arbitramur, si moneamus, moris esse Apostolorum, cum veteri testamenti proferunt testimonia, non verbis hæere, sed sensum respicere, quod observavit pulchre Hieronymus lib. 5. in Amos cap. 5. p. 306. Tom. 6. oper. edit. Veron. *In omnibus Scripturis Sanctis observandum est, Apostolos, & Apostolicos viros in ponendis testimoniis de veteri Testamento non verba considerare sed sensum.* Utrumque vero factum Matthæus cap. 27. versu 10. divino spiritu afflatus Judæ affinxit, ut constat ex ipsius verbis, quæ neque apud Jeremiam leguntur, neque apud Zachariam: *Ei dederunt eos in agrum figuli, sicut constituit mihi Dominus.* Quapropter Augustinus loc. cit. pag. 116. de his verbis sermonem habens, *Unde magis, inquit, in persona ipsius Evangelistæ accipiendum est eleganter, & mystice inscriptum, quia hoc ex Domini revelatione cognoverit, ad hanc rem, quæ de Christi pretio facta est, hujusmodi pertinere Prophetiam.* Lamy Harm. Evang. lib. 5. cap. 30. videtur eam amplecti sententiam, ut Jeremiæ, & Zachariæ oracula in unum coaluerint: *Ex duobus vaticiniis primo Jeremiæ cap. 32. ubi emit agrum, & altero apud Zachariam unum vaticinium conflatum.*

Jesum adducit in Prætorium, quo Judæi non introjerunt. Pilatus cum Judæis colloquitur.

36 Ex iis quæ postea evenerunt, illa sunt maxime memorabilia; Judæos a Caipha adduxisse Jesum in Prætorium; illuc tamen eos non introisse, ne ut alibi diximus, a manducando Paschate abstinere cogeretur. Itaque Pilatus foras egressus eos rogabat, quo demum crimine Christum insimularent. At illi, qui de crimine non habebant quod commode possent proferre responderunt, se illi Christum non tradituros fuisse, nisi homo esset maleficus, se quidem comperisse, ab eo Gentem omnem seduci, & operam dari, ne tributum Cæsari penderetur; jactare etiam, se Regem esse, & Christum. Pilatus autem Judæis Jesum permittebat, quem comprehenderent, & ex suis legibus judicarent. Verum illi responderunt, sibi non licere quemquam interficere; qua quidem in re impletum est Christi Domini oraculum.

Quis, & unde esset Pilatus variæ opinantur. Ejus tamen doli & morei.

37 Pontium Pilatum, quem quidam Romanum, alii Italum fuisse volunt, Petrus autem Comestor Gallum e Delphinatu, & Theophylactus natum in Ponto, constat decem annorum spatio Procuratorem Cæsaris Judææ præfuisse, & ut erat præferoci animo eam provinciam ita divexasse, ut seditioni, quæ paullo post excitata

tata est, causam præbuerit. De Pilati indole scripsit Philo Legat. ad Cajum; & paucis verbis, qui Philonem e Græco convertit, Pilatum ita describit: pag. 1034. operum Græco latin. Francofurti. *Erat perniciaci duroque ingenio: deinde illi exprobrat venditatas sententias, rapinas, injurias, elades, tormenta, crebras cades indemnatorum, crudelitatem severissimam, quorum scelerum in hac etiam vita pœnas luit. Eum enim Vitellius Syriæ Præses inde exegit, Romamque misit, ut in judicio causam diceret; cumque crimina, quibus premebatur, non potuisset refellere, perpetuo carcere Viennæ in Gallia damnatus est, ubi eo furoris devenit, ut sua se trasverberans manu, multorum malorum compendium mortis celeritate quaesierit.* Sunt verba Adonis Viennensis Episcopi in Chronico. Igitur ad hujusmodi hominem tot sceleribus obrutum adductus est Jesus: & quoniam Hebræi propter eam quam supra innuimus causam, in Prætorium ingredi noluerunt, ex indulgentia quadam ipse egressus est ad colloquium. De criminibus, quæ Hebræi Christo objiciebant, meminit Lucas cap. 23. versu. 2. *Hunc invenimus subvertentem Gentem nostram, & prohibentem tributa dare Cesari, & dicentem se Christum Regem esse.* Reliqua S. Ioannes persequitur cap. 18. versu. 31. *Dixit ergo eis Pilatus: Accipite eum vos, & secundum legem vestram judicate eum. Dixerunt ergo ei Judæi: Nobis non licet interficere quemquam.* Lamy Harm. Evang. lib. 5. Cap. 31. verba D. Joannis, *Exiit ergo Pilatus ad eos foras, ita explicat: in exteriorem porticum, sive exterius vestibulum.*

38 Si quisquam esset, qui in animum induceret, eas omnes afferre opiniones, quæ de hac re circumferuntur, profecto justæ magnitudinis librum conficeret. Quidam arbitrantur, Pilatum, cum dixit, *Accipite eum vos*, per ironiam esse loquutum, quasi illud voluerit dicere: Cum vestro judicio tot criminibus convictus sit, injurium sane esset, hominem hunc e vestris manibus auferre. Alii vero ex communi sententia, Pilatum serio loquutum esse affirmant, illudque voluisse, ut causa omnis apud Hebræos ageretur, quæ tota fere in rebus ad religionem pertinentibus verfabatur.

39 Scribunt Rabbini quadraginta annis ante everfam a Romanis Hierosolymam Hebræis jus gladii esse ademptum; quod si verum esset; anno Passionis Christi id contigisset. Verum Scaliger, pluresque alii viri docti putant, Hebræos jure illo privatos sexaginta annis ante Hierosolymæ excidium, cum Archelao Judææ Tetrarcha Viennam in exilium pulso, Judæa fuit in provinciam redacta.

*Quo sensu lo-
cutus sit Pila-
tus.*

*Quando jus
gladii Judæis
ademptum. Rab-
binarum & Sco-
larum diversa
opinio.*

*Alii putant
jus gladii ni-
quam Judæis
creptum.*

40 Nonnulli sunt, quibus non arridet ea sententia, quos in-
ter adnumerandos Lamy loc. cit. qui hanc opinionem suspecto
Thalmudis textui dicit innixam. Itaque existimant Hebræis jus il-
lud fontes ultimo supplicio damnandi non fuisse creptum. Stephe-
nus enim ab Hebræis jussus est extra portam Hierosolymæ interfici;
& Christus Dominus semel atque iterum ibi fuit, ut lapidibus ob-
rueretur in Templo; Paulo autem opus fuit Cæsarem appellare; ut
Hebræorum declinaret jurisdictionem. Scribit Philo Legat. ad
Cajum Hebræis licuisse suis legibus uti, quas Tiberius rumpi no-
luerit. Ex quibus omnibus confici videtur, ideo Hebræos respon-
dissc, *Nobis non licet occidere quemquam*, quod esset Pascha; die
autem Festo non licebat quemquam duci ad supplicium. Vid. a La-
pide in Cap. 18. Joann. num. 31. Suarez 3. par. quæst. 47. art. 4. &
Baronius ad ann. Chr. 34. num. 77. qui observat, Hebræos jam
Christum condemnasse, cum dixerunt: *Reus est mortis*: quomob-
rem ea verba, *Nobis non licet interficere quemquam*, non aliter
explicari posse, quam quod essent dies Azymorum, quibus lege
vetitum erat capitalem sententiam exequi. Hanc sententiam con-
firmat D. Augustini auctoritas, qui Tract. 114. in Joannem pag. 789.
num. 4. hæc scribit: *Intelligendum est, eos dixisse non sibi licere in-
terficere quemquam, propter diei Festi sanctitatem quem celebrare
jam cæperant*. Quidam, ut Seldenus de Synedrio Hebræorum
lib. 2. Cap. 15. §. 10. & 11. Scriptores quosdam Judæos sequuti,
narrant quadraginta annis ante excidium Templi tantam fuisse sce-
lerum illuviem, tantam Præsidum auxilio, & ope impunitatem, ut
Hebræi Judices, licet non essent a Romanis jurisdictione privati,
tamen a Judiciis capitalibus abstinerent. Quidam etiam, ut Ed-
mundus Merillius in Notis Philologicis ad Christi Passionem in
Evang. S. Joann. §. 8. ea verba, *Nobis non licet occidere quemquam*,
ad genus supplicii referunt. Illum enim in Crucem sustolli vole-
bant, quod supplicii genus Hebræis moribus omnino erat inco-
gnitum. *Intelligebant de eo genere supplicii, cui Christum adici pos-
sultabant, videlicet supplicio Crucis Judaicis legibus incognito*.

*Verior vide-
tur sententia
Judæis erep-
tum jus gla-
dii. Quid ap-
ud illos fue-
rit Judicium
zelli. Christus
damnetur a
Judæis prop-
ter eo, quæ
ad religionem*

41 Verum Calmetus in idem Cap. 18. Joann. vers. 31. accurate
observat, Judæa in Provinciam redacta, Procuratores Cæsaris
capitales causas ad se suumque Tribunal avocasse; & quamquam
Ananus Jacobum Fratrem, seu Cognatum Christi Domini; &
nonnullos alios interfici jussit, præterquamquod Josepho teste ea
de re apud Procuratorem, & Agrippam Regem est accusatus, illud
facere est ausus occasionem nactus, cum nullus per id tempus in
Judæa esset Cæsaris Procurator. Nec quidquam ea obsistunt quæ
paullo ante memoravimus, nex illata Stephano, periculum in
quo

quo versatus est Jesus, & alia his similia: ea enim pertinent ad iudicium zeli, ut Hebræi vocabant, quo fas esse sibi putabant quasi per popularem tumultum repente coortum, qui propalam violaret & contemneret legem, eum perimere, Romanis ea in re convenientibus. Cum igitur non eam viam ingressi fuerint ad perdendum Jesum, sed rationem inierint eum condemnandi servata judiciali forma, bene responderunt Pilato: *Nobis non licet interficere quemquam*. Pergit Joannes Cap. 18. vers. 32. *Ut impleretur sermo, quem dixit significans qua morte esset moriturus: quibus verbis significat impletum fuisse Christi oraculum, qui dixit, se non ab Hebræis, sed a Gentibus esse necandum, ut apud Matthæum, Cap. 20. Versu 19. & tradent eum Gentibus ad illudendum, & flagellandum, & crucifigendum, & tertia die resurget; & apud Lucam itidem cap. 18. & Marcum cap. 10. Id vero minime probat Antonius Bineus tom. 3. de morte Chr. lib. 3. cap. 1. qui eo maxime commovetur, quod S. Stephanum lapidibus obrutum esse constet, nonnisi causa quodammodo cognita; quod cum iudicii zelo componi nullo pacto potest. Et statuerunt falsos testes, qui dicerent: *Homo iste non cessat loqui verba adversus locum Sanctum & legem; ut est in Act. Apostol. Cap. 6. versu 13. Illud etiam apud Bineum vim magnam habet; quod in Actis Apost. Cap. 25. versu 24. adversus Paulum prodeunt aliquot testes, & postulationes apparent Hebræorum agentium, non oportere eum vivere amplius. Itaque dicendum est, vel Hebræis licuisse fontes reos capitis damnare, dummodo a Romano Præsidente sententia probaretur, ut putat Lamy Concord. Evaug. loc. cit. Iterum ergo dicam, modo non dissentiret Romanus Præses, poterant Judæi scire in eos, quos sententiabant fontes esse; vel Hebræis (licet etiam tunc potestas esset in blasphemos cæterosque, qui contra legem Moysis scelera perpetrassent, animadvertendi capitali poena) jus tamen minime fuisse puniendi, qui Romani Imperii majestatem imminuissent: ejus enim generis causæ ad Romanum Præsidentem pertinebant; atque ejusmodi erat causa Christi Domini, quem Hebræi tributum dari prohibuisse, & seditionem in populo excitare voluisse criminabantur. Id ipsum attingit Lamy loc. cit. & fuse persequitur Bineus loco itidem cit. pag. 31. & Christianus Thomasius Dissertat. de injusto Pilati iudicio tom. 2. Dissertat. in Nov. Testam. e Museo Hasei & Ikenii p. 350. num. 61. Videatur etiam eruditus vir P. Bacchinus in celebri Dissertat. de Originibus Ecclesiasticæ Hierarchiæ par. 1. pag. 195. cujus ea verba sunt: *Duplex hujusmodi jus clare constat ex Evangeliorum historia, etenim ad Judæorum tribunal reus mortis pronuntiatur Christus, quod se filium Dei dixeris: blasphemia enim crimen ad***

pertinent; & Pilato mortis addicitur propter summam imperii majestatem.

Synedrium spectabat: apud Pilatum tamquam Crucis reus agitur, quod prohibuerit tributum dari Cesari, & seditione in populo sentata Regem se fieri curaverit, quod a Pilato tamquam Cesaris Procuratore cognoscendum erat. Cum itaque Pilatus Judæis dixit: Accipite eum vos, & secundum legem vestram judicate eum: jus blasphemæ plebendi Synedrio asseruit; ubi vero Synedrii reposuerunt: Nobis non licet interficere quamquam, facti sumus, nullum jus sibi competere de criminibus Augusti majestatem ledentibus cognoscendi. Cum autem a Pilato Christus Augustæ & Romane Majestatis læsæ reus esset pronuntiatus, supplicio Crucis additus est, qui si de blasphemia a Synedrio judicatus fuisset, non Crucis supplicio, sed lapidibus damnatus, contra quod prædixerat, obiisset. Ideo Joannes a Judæis Pilato dictum, Non licet nobis interficere quemquam, referri debere ad Crucis supplicium ostendens, immediate subjunxit: Ut sermo Jesu impleretur, quem dixerat, significans, qua morte moriturus esset.

*Pilati varia interrogatio-
nes, & Christi
responsio-
nes.*

42. Postquam Pilatus audisset, Hebræi quæ sibi responderant, reversus in Prætorium, accersitum ad se Christum interrogavit, an esset Rex Judæorum; qui vicissim interrogavit Pilatum, sciscitandine hoc quæreret gratia, an vero quod ab aliis illud sibi esset insinuatum. Cui Pilatus respondit: Quid? sumne ego Judæus; Gens tua & Pontifices te mihi tradiderunt. Quid fecisti? Tum Jesus ea dixit, quæ habentur apud Joannem cap. 18. vers. 36. *Regnum meum non est de hoc Mundo. Si ex hoc Mundo esset Regnum meum, ministri mei utique decertarent, ne traderer Judæis. Nunc autem Regnum meum non est hinc.* Profecto Christus probe noverat, Pilatum non ex se rogasse, sed ex instinctu Judæorum, num Jesus esset Rex; sed ideo Christus rogavit Pilatum, illane interrogatio ex curiositate, an ex inimicorum criminationibus esset profecta, ut declararet, se nolle ad inutiles quæstiones verbum ullum proloqui. Ubi vero Jesus respondit se Regem esse, dicit ei Pilatus: ergo Rex es tu? Respondit Jesus: Tu dicis quia Rex sum ego; addidit autem, Regnum suum non esse ex hoc mundo, in Cælo esse & suum imperium, & eos quibus ipse imperet; se in hac terra in animos hominum potestate uti; quibus declaravit, se reum non esse læsæ Majestatis, nullumque Principem hujus mundi debere de eo quidquam suspicari, aut ab eo sibi cavere.

*Pilatus Christum amandat
ad Herodem,
Galilææ Te-
trarcham.*

43. Illud etiam Iudæi criminati sunt inter cætera, commoveri ab eo populum, doctrinamque disseminari usque a Galilæa per omnem Judæam: Commovet populum docens per universam Judæam, incipiens a Galilæa usque huc, ut est Lucæ cap. 23. versu 5. Hinc factum est, ut Pilatus audito Galilææ nomine, cum comperisset

perisset Jesum Galilæum esse, ideoque Herodis jurisdictioni subiectum, illum miserit ad eum Principem, qui tum temporis Hierosolymæ morabatur. Id autem Herodi vehementer placuit: multa enim de Christo communi omnium sermone acceperat, & in eam spem erat ingressus, ut signum aliquod ab eo fieri videret. Cum igitur de multis Jesum interrogasset, nec verbum ab eo ullum eliciisset, Principibus Sacerdotum & Scribis criminationes in eum urgentibus, *sprevit illum Herodes cum exercitu suo, & illis indutum vestem albam, & remisit ad Pilatum; & facti sunt amici Herodes & Pilatus in ipsa die; nam antea inimici erant ad invicem*, ut ait Lucas cap. cit. *versu 11. & 12.*

44 Pilati jurisdictio non ultra Judæam porrigebatur; Galilææ vero Tetrarcha erat Herodes Antipas; idcirco secundum Romanorum leges cum criminatio esset de perduellione & affectato Regno, & Herodes ad Pascha celebrandum Hierosolymis degeret, Pilatus Jesum illi remisit; ille autem Princeps spe sua frustratus, cum nullum signum vidisset, (Christus enim non ad ostentationem, aut explendam curiosorum hominum vanitatem miracula edebat) sprexit illum *cum exercitu suo*, hoc est cum omnibus qui in ejus erant comitatu, & *illis indutum vestem albam*, quæ primum deceret virum: sic enim Deo placitum est, ut per hanc quoque rationem ejus innocentia declararetur; nam Regis quamvis scelesti cor in manibus ejus est, juxta ea, quæ observat Baronius ad ann. Chr. 34. num. 79. & sequen. qui penes Hebræos ait fuisse morem, ut rei pullata veste induerentur, & idcirco Deo placuisse, ut Unigenitus Filius suus ab omni crimine purus caudam vestiretur. Illo autem die, postquam Pilatus Jesum ad Herodem remisit, cum fuissent inimici, in gratiam alter alterius redire. Eam autem nonnulli docent simultatis fuisse causam, quod Pilatus Galilæos quosdam jussisset interfici, interea dum illi Hierosolymis sacrificarent; ex quo factum, ut eorum sanguis cum hostiarum sanguine misceretur, quemadmodum tradit Lucas cap. 13. v. 1. *Aderant autem quidam ipso in tempore nuntiantes illi de Galilæis, quorum sanguinem Pilatus miscuit cum sacrificiis eorum.* Rufinus in Exposit. Symboli Apostolorum Christum reconciliationis xenium appellat inter Pilatum & Herodem. De causa simultatis, quæ inter eos intercesserat, consentit etiam Lamy Harm. Evang. lib. 5. cap. 31. *Inter Reges & Romanos Præsides ex amulatu facillime odia nascebantur; forsitan etiam ob Galilæos a Pilato nuper trucidatos, dum sacrificia offerrent Hierosolymis, adeoque ob jurisdictionem Herodis usurpatam.* Accedit Antonius Bineus de morte Chr. tom. 3. lib. 3. cap. 2. in fine. Pulchra Baronii observatio con-

Quamobrem Pilatus Christum ad Herodem miserit. Herodes veste alba Jesum indutum ad Pilatum remittit. Herodes & Pilatus redeunt in gratiam: quæ illis causa simulatis fuerit

firmari potest e D. Ambrosio in Lucam cap. 23. pag. 1526. qui de alba veste, qua indutus est Christus, ait: *Immaculatae indicia Passionis, quod Agnus Dei sine macula cum gloria peccata mundi suscepisset.*

Consilium Pilati, ut Jesum a morte liberaret. Jesus Barabbas posthabitus.

45. Rediit igitur Christus ad Pilatum, qui illud Hebræis proposuit, ut, quoniam nec ipse, neque Herodes quidquam in eo comperissent, cur illum capite damnarent, leviori plecteretur supplicio, flagrisque caderetur: sed cum Judæi vehementius flagitarent, ut neci dederetur, Pilatus ut Jesum a morte eximeret, id consilii cepit. Mos erat die Paschatis reum aliquem dimitti; eumque Barabbas seditionis & homicidii reus detineretur in vinculis, Pilatus optionem dedit populo utrum vellent, dimitteret; sed Principum Sacerdotum & Seniorum impulsu populus postulavit, ut Barabbam dimitteret; atque ita nefario & facinoribus noto homini Christus posthabitus est; ut est in Matth. cap. 27. Marc. cap. 15. Luc. cap. 23. & Joann. cap. 18. Matthæus cit. cap. v. 19. narrat, Pilatum, dum sederet pro Tribunali, per internum ab uxore monitum esse, ne se in causa justii illius hominis immisceret: *Sedente autem illo pro Tribunali, misit ad eum uxor dicens: Nihil tibi & justo illi; multa enim passa sum hodie per visum propter eum.*

Hebræorum consuetudo liberandi reum die Pasche. Sacerdotum uxor, si Pilatus immisissimum fuerit dixerit, an a diabolo incertum.

46. Apud Matthæum cap. supradicto v. 15 legimus: *Per diem autem solemnem consueverat Præses populo dimittere unum vinculum, quem voluissent; Apud Lucam cap. 23. v. 17. Necessè autem habebat dimittere eis per diem festum unum; Et apud Joannem cap. 18. v. 39. Est autem consuetudo vobis, ut unum dimittam vobis in Pascha.* Unde inter eruditos orta est controversia, num in Paschate tantum, an vero in Pentecoste etiam, & Festo Tabernaculorum unus reorum dimittendus esset. Sagittarius tom. 1. Histor. Passionis Christi nullum de hac re tulit iudicium, ut videre est pag. 556. Casaubonus Exercitat. 16. §. 20. videtur in eam sententiam esse propensus, ut singulis tribus illis Festis unus reorum esset dimittendus. Verum S. Joannes ait, *in Pascha*, quo verbo, quod Matthæus & Lucas indefinite dixerant, *per diem solemnem, per diem Festum*, videtur Joannes Paschatis festo determinare. Itaque verosimilius esse videtur, in Paschate tantum, quæ celeberrima omnium esset solemnitas, reum dimitti consuevisse, ut bene observant Antonius Bineus de morte Jesu Christi tom. 3. lib. 3. cap. 3. num. 3. & Joannes Conradus Hottingerus Dissertatione de Ritu dimittendi reum in Festo Paschatis tom. 2. Dissertationum in Nov. Testam. e Museo Hasei & Ikenii pag. 356. a num. 5. ad 10. Cum autem nihil reperiatur in Lege, cui inniti possit ea consuetudo, alia

alia inter doctos viros orta est quaestio, an a Romanis ad Hebræos transferit; constat enim in Lectisterniis liberari consuevisse apud Romanos, qui in vinculis publicis detinebantur; quamobrem Grotius in Matthæum cap. 27. num. 15. & Vossius Harm. Evang. lib. 2. cap. 5. §. 4. & 5. contendunt, eam consuetudinem a Romanis ad Hebræos esse tractam. Id vero minime probatur Bino & Hottingero locis cit. Et sane Joannes loquitur de consuetudine apud Hebræos introducta: *Est autem consuetudo vobis*; & ad eundem modum Matthæus: *Consueverat*; Lucas vero hac consuetudine scribit obligationem induci: *Necesse autem habebat*. Quamobrem longe credibilis est, morem hunc a Judæis inductum, ut excusum Ægyptiacæ servitutis jugum recoleretur, in cuius commemorationem institutum est Pascha; Romanos autem Principes, qui subjectis quibusdam Gentibus indulserant, ut patriis legibus sacrisque ritibus uterentur, Judæis jus liberandi unum e fontibus reis a poena capitis in Pascha non ademisse. Pilati vero uxori quidam existimant nomen fuisse Claudiæ Proculæ; & Cornelius a Lapide testatur, apud Græcos in Sanctorum numero adscriptam. At hæc plane incerta, quemadmodum item nihil certi statui potest, divinitus ne immisum fuerit illud quo divexata est somnium, an a Diabolo profectum, qui jam suspicaretur quidpiam; & Christi morte ne Regnum suum everteretur, metueret. Ignatius Martyr epist. 8. ad Philipenses tom. 2. Bibliothecæ veterum Patrum pag. 81. ait, somnium illud a Diabolo fuisse immisum: *Cacodæmon terrebat mulierculam, turbans eandem in somniis, Et ut a crucifigendo cessarent moliebatur, . . . quia sentiebat suam perniciem*. Idem sentit Beda in Matthæum. Verum Origenes, Theophylactus, Euthymius, Ambrosius, Augustinus, & Chrysostomus somnium illud arbitrantur immisum esse divinitus, ut antequam Christus injustissima damnaretur sententia, hoc quoque somnio illum esse innocentissimum palam fieret.

47 Ad quartam Dominicæ passionis partem venimus; cum Judæi flagris cæsum, corona ex intextis spinis injecta illusum, & Cruci damnatum ad Calvariæ locum Christum Jesum abduxerunt. Sed antequam progrediamur, in ea ratione, qua Pilatus in causa Christi usus est, paucis quibusdam observandis aliquantisper immorabimur.

48 Intota Passionis serie constat, quinquies illum conmissum esse e Judæorum manibus Jesum eripere. Primo apud Lucam cap. 23. v. 4. *Ait autem Pilatus ad Principes Sacerdotum & turbas: Nihil invenio causæ in hoc homine*. Secundo apud eundem Lucam cap. eod. v. 20: *Iterum autem Pilatus locutus est ad eos volens*

Z 2

dimit-

Quarta Dominica Passionis pars a flagellatore. Cori ad eundem raptum ad Calvaria locum.

Pilatus quinquies conatus est Christum morti eripere. Pilatus rescripsit se scire al' fraxit, qui Jesum autem.

que passus est
interfici. Be-
ronius vindicatus.

dimittere Jesum. Tertio v.22. Ille autem tertio dixit ad illos: Quid enim mali fecit iste? nullam causam mortis invenio in eo. Corrumpam ergo illum, & dimittam. Quarto apud Joannem cap.19. v.4. Ecce adduco vobis eum foras, ut cognoscatis, quia nullam invenio in eo causam. Quinto denique ibid. vers.12. Et exinde querebat Pilatus dimittere eum. Conatus est etiam in Judæorum animis commiserationem erga Jesum excitare, cujus rei gratia ostendit eum populo spinis coronatum, dicens: Ecce homo: ut esset in Joann. cap.19. Ad quem locum S. Augustinus Tract.116. in Joannem: Si Regi, inquit, invidetis, jam parcite, quia dejectum videtis: flagellatus est, spinis coronatus est, ludibrio vestre amicitie est, amarum conviciis illusus est, alapis cæsus est: servet ignominia, friguscat invidia. Intumescente vero tumultu, cum jam videret eum non posse eripi, accepta aqua lavit manus coram populo dicens: Innocens ego sum a sanguine justii hujus: vos videritis; imitatus ludæorum morem, qui, ut constat ex Deuter. cap.21. v.6. cum testari vellent, nihil mali a se admisum, manus propalam suas lavabant. Lavabuntque manus suas super vitulam, quæ in valle percussa est. Psal.72. v.13. Lavi inter innocentes manus meas. Psal.12. v.6. Lavabo inter innocentes manus meas. Pilatus enim, etsi homo Romanus erat, Hebraico tamen ritu idcirco uti voluit, ut quam prætendebat, suam persuaderet omnibus innocentiam, quod considerat Maldonatus in cap.27. Matthæi num.24. Credo, Pilatum, quamvis Romanum hominem, in causa tamen hominis Judæi, & apud Judæos Judæorum cæremonia suam innocentiam testari voluisse. Consonat Gretserus de Cruce lib.1. cap.14., ubi, etsi plura affert, quibus ostendat, etiam Romanos eadem cæremonia uti consuevisse, quo suam palam facerent innocentiam, tamen censet, Pilatum ideo lavisse manus, ut Hebræorum ritui adhereret. Quidam contendunt, Pilatum permisisse tantum Christi necem, atque suam fulciunt opinionem iis Joannis Evangelistæ verbis cap.19. v.16.: Tunc ergo tradidit eis illum, ut crucifigeretur. Ita Lactantius Divinar. Instit. lib. 4. cap.18. Tum Pontius & Judæorum clamoribus, & Herodis Tetrarchæ instigatione mesuentis, ne Regno pelleretur, victus est. Nec tamen ipse sententiam protulit, sed tradidit eum Judæis, ut ipsi de illo secundum legem suam judicarent. Ita etiam Chrysostomus Orat.2. de elemosyna: Et postquam vehementer inflare eos videt, ipse quidem suffragium non tulit, sed cessit: ipsi vero propria utentes dominatione, omne deum effecerunt. Alii vero sunt, qui probabilius existimant, capitalem a Pilato latam esse sententiam, ut ex Lucæ verbis eruitur cap.23. v.24. Adjudicavit fieri petitionem eorum, ludæorum videlicet, qui

ad

ad necem Iesum deposcebant. Nam more Præsidum Romanorum, qui vellent proferre sententiam, sedit in Tribunali, ut bene considerat Bineus de morte Christi tom.3. lib.3. cap.4. num.54. & Gretserus lib.1. de Cruce cap.13. qui illud etiam observat, Christum ab Ethnicis Pilati militibus Cruci esse affixum, qui Præsidis sententiam sunt exequuti. Quamobrem infelix gravissimo se scelere astrinxit, quo tamen perfidorum facinus Judæorum longe fuit tetrius, & horribilius: qua de re S. Leo serm.8. de Passione cap.2. *Excessit quidem Pilati culpam facinus Judæorum, qui illum nomine Cæsaris territum, & invidiosis vocibus increpatum ad effectum sui sceleris impulerunt: sed nec ipse evasit reatum, qui cooperatus seditionis, reliquit iudicium proprium, & in crimen transivit alienum.* Baronius ad annum Chr.34. num.92. de Pilati culpa ait, quamvis Hebræorum in Synedrio adversus Christum Dominum iustum latum fuisset iudicium, quod certe iniquissimum fuit; Pilatum tamen, qui ejus iudicii iniquitatem agnosceret, etiam postquam illud probasset invitus, ex Romanis legibus ad decem dies supplicium proferre potuisse; Tiberius enim, qui illum in Judæam miserat Senatus Consulto, quod refertur a Svetonio & Dione, jusserat damnatorum supplicia decem diebus differri; quod Pilatus si fecisset, Judæorum impetum & furorem comprescisset. Et quamvis iisdem legibus liceret, si qua tumultus popularisque seditionis esset suspicio, capitalia supplicia prævertere; nihil erat tamen ejusmodi, quod Pilatus posset sibi metuere, qui Romanarum Legionum munitus esset præsidio. Baronii observationem probat Joannes Gerardus Vossius Harm. Evang. de Passione cap.12. ubi hæc habet: *Contra leges Romanas peccat Pilatus indulgens Judæis festinam illam supplicii executionem.* Itemque Gretserus lib.1. de Cruce cap.14. §. penult. Et quamquam Bineus tom.3. de morte Christi lib.3. cap.15. num.6. contendit, nihil peccasse Pilatum adversus Romanas leges, quibus licebat aliquando nondum decem diebus elapsis sententiam exequi, juxta legem Ulpiani, *Si quis §. Quid tamen ff. de injusto rupto & irritato facto Testamento, & Modestini legem 16. ff. de Appellationibus;* tamen quia leges illæ de manifestis latronibus, aut de oborta aliqua seditione loquuntur, *nisi forte latro manifestus, aut seditio prærupta, factioque cruenta, vel justa causa, quam mox Præses literis excusavit, moram non recipiant;* & alibi *ut sunt insignes latrones, vel seditionum contitores, vel duces factionum;* ad Baronii observationem defendendam, satis est ostendere, Pilato causam defuisse quamobrem iudicii executionem festinaret, quod quidem facile demonstratur: nam seditionis quidem Christus accu-

saba-

fabatur; sed non satis erat criminatio; crimen probatum esse oportebat etiam ex Romanis legibus, quibus non latrones, sed manifesti latrones excipiuntur, nisi forte latro manifestus: neque itidem satis erat quaecunque seditionis crimen, sed *seditio praecepta fœdique cruenta*. Quamobrem, cum apud Pilatum Judæorum perfidia Christum quidem Jesum ut seditionis auctorem criminaretur, non tamen probaret, jure optimo Baronius Pilatum, quod mortem Christo maturaverit, ut iniquum Judicem reprehendit. Facit ad hanc rem Diocletiani & Maximiani Constitutio, non sane contemnenda, quia posterior ætate sit; ipsi enim naturæ, & communi sensui innititur: *Cumque a populo exclamatum esset; iterum dixerunt: Vane voces populi non sunt audiendæ; nec enim vocibus eorum credi oportet, quando aut noxium crimine absolvi, aut innocentem condemnari desiderant*. Ita legitur in l. Decurionum 12. Cod. de Pœnis; quod quidem multo antea docuerat Plato Dial. 2. de legibus: *Non debes, inquit, verus Judex, quæ determinanda judicio sunt, ab aliis discere, & quasi stupefactus tam clamore multorum, quam ignorantia sua ita ferre sententiam*. Plura etiam affert argumenta e legibus deprompta Christianus Thomæus Differtat. de injusto Pontii Pilati judicio, quibus iniquitatis Pilatum reum facit.

Pilatus, conscientia sibi reclamante, dimisit Barabbam, Jesum flagellatum, Judæis tradidit.

49 Itaque Pilatus etsi probe noverat Christum esse insontem, alienumque habebat animum a decernenda illius morte, quin potius eum liberandi cupidissimus erat, ut supra ostendimus; tamen dimisit illis Barabbam; Jesum autem flagellatum tradidit eis ut crucifigeretur: ut est in Matth. cap. 27. vers. 26. Marcus autem cap. 15. v. 15. Pilatus, inquit, volens populo satisfacere, dimisit illis Barabbam, & tradidit Jesum flagellis casum ut crucifigeretur. Lucas cap. 23. v. 19. Emendatum ergo illam dimittam. Joanne 8 cap. 19. v. 1. Tunc ergo apprehendit Pilatus Jesum, & flagellavit. Idem plane contigit in S. Agapii martyrio, qui neci deditus est; eodemque tempore deposcente populo scelestus homo dimissus, ut videre est apud Eusebium lib. de Martyribus Palæstinæ cap. 6. *Trahitur (sunt verba Eusebii) in medium stadium una cum noxio quodam, qui Dominum suum peremisse ferebatur. Post hæc is quidem, qui dominum suum interfecerat, besliis obiectus veniam & clementiam Imperatoris promeruit eodem pene modo, quo ille qui temporibus Servatoris nostri fuit Barabbas. Quam ob causam totum repente Amphitheatrum acclamationibus & laudibus personare cepit; quia scilicet Imperator cruentum homicidam benignissime servaverat, & honore ac libertate donaverat.*

50 Post dimissum Barabbam flagellatio Christi apud Matthæum consequitur cap.27. cujus verba superius attulimus, & apud Marcum cap.15. versu 15. *Pilatus autem volens populo satisfacere, dimisit illis Barabbam, & tradidit Jesum flagellis cæsum ut crucifigeretur.* Item apud Joannem cap.18. & 19. *Clamaverunt ergo rursus omnes dicentes: Non hunc, sed Barabbam; erat autem Barabbas latro. Tunc ergo apprehendit Pilatus Jesum, & flagellavit. Queritur, quam tandem ratione Pilatus Christum flagellis cædi jussit. Sunt qui putant, idcirco Pilatum jussisse Christum Dominum flagris verberari, ut experiretur, num ea poena Judæorum animos posset explere, atque ita Christum supplicio Crucis liberare. Hæc sententia illis D. Lucae verbis innuitur Evang. cap.13. *Emendatum ergo illum dimittam.* D. Augustinus Tract. in Joannem 116. *Hoc Pilatus, inquit, non ob aliud fecisse credendus est, nisi ut ejus injuriis Judæi satiasi sufficere sibi existimarent; & usque ad ejus mortem sequire desisterent.* Quod probat Christianus Thomasius in Dissertat. de injusto Pilati judicio §.28. & vel ex hoc ait, Pilati teterrimam emicare iniquitatem, quem, Christi innocentia cognita, nullo modo æquum fuit jubere Christum flagris verberari, ut illum morti eriperet. Quidam vero morem proferunt eos verberandi, qui Cruci affigendi essent: *multi occisi, multi capsi, alii verberati cruce affixi*, scribit Livius de servis conjuratis lib.34. Curtius l. 8. eodem supplicio scribit Alexandrum Magnum jussisse eos affici qui obfirmata contumacia Petram Urbem defenderant: *Omnes, inquit, verberibus affectos, sub ipsis radicibus Petre crucibus jussit affigi.* Et D. Hieronymus in cap.27. Matthæi *Sancitum est inquit, ut is, qui crucifigitur, prius flagellis verberetur.* Vide etiam Lamy Concord. Evangel. Dissertat. de Cruce §.6. qui eadem de re multo plura congescit. Itaque arbitrantur, Pilatum jussisse Jesum flagellis cædi, & id exequutioni mandatum, quod juxta morem, quem supra memoravimus, antequam damnati crucifigerentur, fieri consueverat. Hæc est Antonii Binei sententia, tom.3. de Morte Christi lib.3. cap.4. num.5. Quidam autem quod Matthæus & Marcus flagellationem ponant ante latam mortis sententiam; Joannes vero insuper nonnihil temporis inter utramque interjicit, binas fuisse flagellationes colligunt, alteram ante latam mortis sententiam, quam sedando Judæorum odio Pilatus feri jussit; alteram, ut verberum consuetudo servaretur, antequam Crucis supplicium exequutioni mandaretur, quæ est Calmeti sententia in cap.27. Matthæi vers.26. Sed nullus est in Evangelii locus, cui duplex flagellatio inniti possit; proindeque Sagittarius duplicem flagellationem vehementer rejicit tom.1. de Pass. Christi Par.2.*

Consilium Pilati in permittenda flagellatione. Dam-nati ante Crucis supplicium flagellari soliti. Semel tantum, an bis Christus cæsus sit.

par.2.pag.587.num.118. itidemque Bineus loc.cit. Gretserus lib.1. de Cruce cap.9. §. *Nec quidquam cause*, & Cardinalis Gottus de verit. Relig. Christi. tom.4. Par.2. cap.25. §.2. num.8. Quamobrem D. Augustini, quam, supra retulimus, sententiam amplecti juvat, rejectaque duplici illa flagellatione, Evangelistas adhibita Lirani doctrina conciliabimus, qui in cap.27. Matthæi ita scribit: *Licet ista flagellatio Christi ponatur hic post sententiam Judæis, tamen fuit ante facta, ut habetur Joannis 19. Quare ad hanc intentionem eum præcepit Pilatus flagellari, & illudi, ut Judæi essent satiati sanguine ejus, videntes eum sic punitum etiam ultra condignum, & ideo ponitur hic quasi per recapitulationem.*

Christum ad Columnam flagellatum fuisse, vetustissima traditio. Eam Columnam Romanam asportavit Joannes Cardinalis Columna in Templum. S. Præcedis in Exquiliis.

§1 Sacri silent Evangelistæ quemadmodum Christus fuerit flagellatus; ex quo silentio complures inter sacros Interpretes & Ecclesiasticæ Historiæ peritos profectæ sunt controversiæ. Rei flagellabantur vel in Prætorio, antequam ad supplicium deducerentur; vel per viam, dum ad patibulum rapiebantur. Cum vero reus cædebatur in Prætorio, ad columnam alligabatur, ut videre est apud J. Lipsium de Cruce lib.2. cap.4. Cum autem Redemptor noster in Prætorio fuerit cæsus, vetustissima traditio est, ad columnam fuisse alligatum. Quare Prudentius in Diptycho 41. tom.5. Bibliothecæ Patrum pag.1057. ita scripsit:

*Vinctus in his Dominus stetit adibus, atque columnæ
Adnexus tergum dedit, ut servile, flagellis.*

D. Hieronymus in epitaphio Paulæ hæc scribit: *Ostendebatur Illi Columna Ecclesiæ porticum sustinens infecta cruore Domini, ad quam vinctus dicitur & flagellatus.* Consonat Beda in cap.23. Lucæ: *Ille, inquit, qui solvere compeditos solet plena Deo membra verberibus subdidit. Quæ videlicet columna in Ecclesia Montis Sion posita, Dominici cruoris usque hodie cernentibus vestigia certa demonstrat.* Atque inde impudentissima Calvinii calumnia repellitur, qui hanc Columnam ausus est dicere a Pontificiis omnino esse confictam, ut bene arguit Gretserus lib.1. de Cruce cap.10. Hanc vero columnam sexto adhuc seculo summa Christiani veneratione Hierosolymæ colebant, quam ligulis etiam textilibus cingebant, easque pellendis mobis quibusdam adhibebant; Gregorio Turo-nensi teste lib.1. de Gloria Martyrum cap.7. *Ad hanc vero Columnam multi fide pleni accedentes corrigias textiles faciunt, eamque circumdant: quas rursus pro benedictione recipiant diversis infirmisatibus profuturas.* Eam anno 1213. Joannes Cardinalis Columna Apostolicus Legatus sub Honorio III. Romam asportavit; quæ in Ecclesia S. Præcedis in Exquiliis locata etiamnum eodem loco prostat Fidelium venerationi, quod ipsi innuimus lib.4. de Canonizat.

nizat. Sanctor. par. 2. cap. 10. num. 21., & abunde offendit P. Honoratus a S. Maria in suis Observationibus ad Criticæ regulas lib. 5. Dissertat. 5. art. 3. Joannis Cardinalis Columnæ vitam scripsit de Attichy lib. Florum Historiæ Sacri Collegii S. R. E. Cardinalium. Cardinalem creatum fuisse narrat ab Honorio III. Illum militari virtute Provincias aliquot Ecclesiasticæ ditionis Romanæ Ecclesiæ vindicasse, Legatumque Apostolicum contractas ex provinciis, quæ sunt Juris Romani Pontificis, copias in Infidelium regiones traduxisse; Damiatam expugnasse; aliquot victoriis potitum in potestatem venisse Theodori Angeli Comueni, qui opibus potens Imperatoris partes agebat, & ab eo aliquandiu in vinculis detentum: Honorii III. tandem opera illinc dimissum Romam rediisse, nec quidquam aliud secum attulisse, quam Columnam, de qua dudum loquuti sumus, eamque in Ecclesia sui Tituli S. Prædix collocasse, ubi etiam nunc asservatur. Quaresmijus in Elucidat. Terræ Sanctæ lib. 5. cap. 11. & sequen. Tom. 2. contendit, etiam nunc Hierosolymæ in Ecclesia S. Sepulcri hanc extare Columnam, ad quam vinctus & cæsus est Jesus; cumque Romæ eam esse negare nolit in Ecclesia S. Prædix, ait Christum Jesum semel atque iterum flagris verberatum, primum quidem, inscio Pilato, in domo Caiphæ; iterum vero jussu Pilati: primæ flagellationis Columnam eam esse, quæ Romæ asservatur in S. Prædix Ecclesia; alteram vero etiam nunc extare Hierosolymæ. Sed Quaresmijus facile refutari quisque intelligit, qui consideret, de flagellatione in domo Caiphæ alium esse apud Evangelistas silentium. In ea domo (ut scribit Matthæus) perfidissimi Judæi dumtaxat in Christi faciem expuerunt, & colaphis eum percusserunt dicentes, *Prophetiza quis est, qui te percussit?* Marcus & Lucas nihilo plus ad ea, quæ scribit Matthæus, addunt; ideoque suffosso duplicis flagellationis fundamento, Quaresmij de duplici Columna sententia corruit.

§ 2. Virgine, hoc est arborum ramusculis in fasciculos colligatis, an flagris & funibus Christus cæsus sit; nudusne, an vestitus ad columnam alligatus fuerit; quot, & unde fuerint, qui eum verberarunt satellites; quinam denique verberum numerus, ex Evangelistis nobis compertum non est. Duo fuere flagellationis genera; alterum, cum virgæ adhibebantur, & ad hunc modum verberatus est Paulus Apostolus, ut ipse scribit 2. ad Corinth. cap. 11. *versu 25. Ter virgis cæsus sum*, alterum, cum flagra & funes. Interdum vero ut acerbior esset pœna, tenuia quædam frusta ligni, aut exigui ossiculi extremis funibus, atque etiam parvuli unci ferrei alligabantur. Baronius ad ann. Chr. 34. num. 84. observat,

Tom. X.

A 2

Chri-

Duo flagellationis genera. Flagra ejusmodi essent in Christi flagellatione, incertum.

Christum Jesum, qui, ut ait Apostolus, formam servi assumerat, noluisse virgis cædi, quæ poena erat liberorum hominum; sed flagris, quibus mancipia cædebantur. Vide Lipsium de Cruce l. 2. c. 3. qui totam hanc rem satis illustrat. Et quamquam Rabbinii aliquot probare conantur, in Republica Hebræorum summum etiam Sacerdotem, vel ipsum Regem, cum ita a Synedrio decretum fuisset, & peccatum ejusmodi poenam postulasset, flagellatione punitos esse; eos tamen egregie confutat Calmetus Dissertat. de suppliciis sacræ Scripturæ §. *Flagrorum supplicium*. Utrum autem, quo acerbior Christo esset flagellatio, addita sint flagris lignea vel ossea frustula, aut unci ferrei, ut traditur in Revelationibus S. Birgittæ lib. 4. cap. 70. *Flagellis aculeatis, infixis aculeis & retractis non evellendo, sed sulcando totum corpus ejus laceratur*, nos nihil ejusmodi scire fatemur cum Lipsio lib. 2. de Cruce cap. 3. *An tale aliquod flagri genus, quo Christus etiam nosceret cæsus? Imaginantur aut pingunt per pietatem nonnulli. Haud ego assero: sed illud Evangelistæ casum esse, & quidem flagro*. Illud concludendum, crudelissimam fuisse eam flagellationem, si ve quod Judæi ad immanitatem satellites incenderent, si ve quod Pilatus confideret, quo poena hæc sævior esset, eo sibi fore facilius a morte illum eripere. Quamobrem Redemptor noster, injecta de suis cruciatibus & contumeliis mentione, priore loco posuit flagellationem apud Matthæum c. 20. v. 19 & apud Lucam cap. 18. vers. 32.

Christus nescius nudus omnino alligatus est ad Columnam.

§ 3 Nudusne Christus affixus fuerit Cruci, quæremus alibi. Quod vero ad flagellationem pertinet, affirmamus, cum ad columnam milites illum alligarunt, omnia ei vestimenta detraxisse: *Christus cum alligatus fuit columnæ, ut flagellaretur, omnino sententia omnino nudus fuit*; ita Suarez 3. part. tom. 2. disp. 36. sect. 4. Calmetus in ea, quam supra attulimus, Dissertatione loquens de supplicio flagrorum, ostendit, ubi primum sententia Judicis morti quispiam addiceretur, ei satellites illico vestes detrahere consuevisse, & si opus fuisset, etiam vi discerpere, ut usque ad illa nudaretur: sed a communi non videtur sententia recedendum, quam cum Suarez sequitur Durantus Episcopus Montis Feltri in Notis ad Revelationes S. Birgittæ num. 4. *A Floribus vero dubitari solet, an omnibus penitus vestibus fuerit denudatus Christus, ita ut nec aliquod velum haberet, quo verenda tegerentur; & quidem cum ad Columnam flagellatus est, omnino fuisse nudum, omnes ferme asseverarunt, & hanc esse communem opinionem omnium affirmat Franciscus Suarez*. Præsertim vero quod ea esset apud Romanos consuetudo. Cicero in Verrem l. 5.

c. 62.

c.62. *Repente hominem proripi, atque in medio foro nudari, ac deligari, & virgas expediti jubet.* Svetonius in Cajo c.26. *Questorem suum in conjuratione nominatum flagellavit, veste detracta, subjectaque militum pedibus, quo firme verberaturi insisterent.* Et apud Livium: *Missi lictores ad sumendum supplicium, nudatos virgis cadunt.* Et apud A. Gellium Noct. Attic. l.10. cap. 3. de M. Mario homine nobili: *Vestimenta detracta sunt, virgis casus est.*

54 Quatuor fuisse, qui Christum verberarunt, lictores seu satellites, affirmat Jansenius Iprensis Episcopus in Cap.27. Matthæi. In sua quadam ecstasi ait S. Maria Magdalena de Pazzis, se vidisse a sexaginta satellitibus cædi Jesum, ut viribus integri fessis succederent. Verum si Pilatus, ut ait Hieronymus in Cap.27. Matthæi, sententiam more Romanorum tulit, jussitque more itidem Romanorum Jesum verberari, unum tantummodo dicendum videtur fuisse lictorem, qui Christum flagellaverit; notissima enim est formula: *I lictor, colliga manus, caput obnubito, virgis cedito.* Utcumque tamen sit de ejusmodi more Romanorum, etiam si Pilatus in animo habuerit, ut Romano more Jesus verberaretur; verisimile admodum est, propter eas, quas supra memoravimus causas, minime illi fuisse obtemperatum, pluresque fuisse lictores, de quorum tamen numero nihil nos certi quidquam habere concludit Eminentissimus Gottus loc. cit. §. 1. num. 11. Singularis est Bedæ sententia in Marc. Cap.15. lib.4. qui unum tantum scribit, eumque fuisse Pilatum, qui Jesum flagris cæciderit *Jesus autem flagellatus non ab alio, quam ab ipso Pilato intelligendus est.* Scribit enim aperte Joannes: *Tunc apprehendit Pilatus Jesum, & flagellavit.* Deinde subjungit: *Et milites plectentes coronam de spinis imposuerunt capiti ejus.* Liranus in Joann. Cap.19. Bedæ verba ita molliter flectit: *Pilatus flagellavit Jesum non per se ipsum immediate, sed per milites, suos & ministros,* nam ibi locum habere videtur vulgatum illud apud Jurisperitos: *Quod quis per alium facit, ipse fecisse videtur.* Militaris erat disciplina, ut in fustuario Tribunus primam infligeret plagam, ut videre est apud Polybium lib.6. Quod si hæc consuetudo Tribunorum ab exercitu ad Præsides, & Procuratores Provinciarum, qui verberibus aliquem condemnassent, traducta fuisset, eaque consuetudine fuisset usus Pilatus, non tamen vere dici posset, Pilatum unice Christum Jesum flagris verberasse. Sed modus loquendi est scriptoribus familiaris, ut Magistratus id facere dicatur, quod fieri jubet.

De numero
satellitum qui
flagris Christi-
sum ceciderunt. Singu-
laris quædam
Bedæ opinio.

Cuius gentis li
forellites fue-
runt.

§ 5 Si quæramus, quæ ex gente lictores fuerint, quive numerus verberum, quæ Christo impegerint, plures difficultates offendimus. Serry Exercit. 56. §. 6. Calabros fuisse putat. Hi enim primi omnium in Italia a Romanis ad Hannibalem defecerunt; ac in poenæ defectionis parere iussi sunt Magistratibus Provinciarum, & fervorum vicem obire; quorum operam propterea verisimile est Pilatum, qui Judææ præerat, in Christi flagellatione, & nece adhibuisse; Baronius ad ann. Chr. 34. num. 85. ait, verum quidem esse ex Festo Pompejo, & A. Gellio Calabros a Romanis ignominie causa, quod desciverint ad Hannibalem, ea poena esse damnatos; sed cum alii etiam ex aliis Gentibus in quibusdam regionibus turpissimo illi addicti fuerint ministerio, nihil adversus Calabros inde confici. Sandinus Histor. Familie Sacre cap. 14. Baronio suffragatur, & vehementer oppugnat P. Serry, qui tamen Responsionum suarum ad Sandinum cap. 5. suam tueri conatur sententiam, Calabros fuisse Christi carnifices. Perimezius olim Episcopus Oppidenfis de natione tortorum Christi par. 2. §. 3. qui liber Romæ typis impressus est ann. 1727. ostendit, Judæos fuisse, qui Jesum in horto comprehenderint, in Prætorio flagris verberaverint, in Calvario Cruci affixerint; Romanos vero milites, qui Romano parebant Præsidi, e variis Gentibus collectos adfuisse, & nonnihil operæ suæ contulisse, ut in horto vincula Christo injicerentur, infligerentur flagella, imponeretur corona, de eo turpissimum denique Crucis fumeretur supplicium. Eruditus vir P. Joannes Laurentius Berti tom. 5. de Theologicis disciplinis lib. 29. Cap. ult. §. 7. pag. 587. postquam materiam hanc pertractavit, ita concludit: *Ex his constat perperam in Brutios (qui nunc Calabri appellantur) unius Auli-Gellii auctoritate consari calumniam.*

De numero
verberum. In
Deuteronomio
non plura quàm
quodraginta
prescribuntur.
Nullus Romani
legibus co-
scriptus nume-
rati.

§ 6 Nobis de ea quæstione satis esse videtur, quæ alii scripserint, retulisse. Idem dicimus de verberum numero. Deuteronomii Cap. 25. *versu* 2. statuitur, quadraginta tantum posse aliquem plagis verberari: *Sin autem eum, qui peccavit, dignum viderint plagis, prosternent, & coram se facient verberari. Pro mensura peccati erit & plagarum modus, ita duntaxat ut quadragenarium numerum non excedant.* Et Paulus 2. ad Corinth. 2. ait, se *quingies* a Judæis cæsum, numerumque declarat verberum, quæ per singulas verberationes acceperit: *Quadragenas una minus accepi.* Judæi enim sibi non licere existimarunt, numerum a lege præscriptum excedere, ut observat Estius ad illum D. Pauli locum num. 24. Ex his videtur illud profluere, quod Christus Jesus non plures quam quadragenas plagas acceperit. Verum nullus præscriptus

Ro-

Romanis legibus verberum numerus, & Pilatus nullum ad hebraicam legem videtur habuisse respectum: nam ut alia prætereamus, Christus Dominus non humi stratus, ut lex Judæorum jubet, sed ad columnam alligatus verbera accepit. Quibus verisimile nobis fit; longe pluribus, quam quadragenis cæsum esse verberibus. Eckius de Christi Passione ait, quinquies mille trecentas & triginta quinque eas fuisse plagas. Lodolphus in vita Christi quinquies mille quadringentas, triginta quinque. Lanspergius Homil. 50. illum auget numerum ad quinquies mille quadringentas & sexaginta. Sed ea prorsus incerta, ut bene Durantus in notis ad Revelationes S. Birgittæ lib. 1. cap. 10. num. 9. quomobrem nihil certum de numero affirmantes, plurima concludimus verbera fuisse, quæ Christus acceperit, & gravissima. Unde licet verisimilius sit, flagella multum excessisse quadragenarium numerum propter rationes adductas, & quia Christus non more Judæorum, sed Romanorum flagellatus est; tamen quantus fuerit ille numerus, affirmare non possumus, quia neque in Evangelio habetur, neque in Scriptura, neque a Sanctis Patribus traditus est. Hæc Suarez 3. part. tom. 2. quæst. 46. art. 2. Disp. 35. sect. 2. & consentit cum eo Calmetus in cap. 19. Joannis. Utcumque igitur sit de carnificum, & verberationum numero, certum est, Jesum fuisse cæsum crudelissime, ut prophetavit Isaias Cap. 50. & quemadmodum scripsit Augustinus, quem affert D. Thomas in Catena Aurea: *Ecce Dominus apertus ad verbera, ecce jam cæditur: rupit sanctam cutem violentia flagrorum: repetitis ictibus crudelia verbera scapularum terga conscindunt. Proh dolor! Jacet extensus ante hominem Deus, & supplicium patitur Deus, in quo nulum peccati vestigium potuit inveniri.*

57 Et si Pilatus non jussit, Jesum Christum post flagellationem Spinis coronari; nihilominus milites effrænata licentia ausi sunt illum in Prætorium trahere, & universa convocata cohorte, veste seu clamyde illum vestire purpurea, ejus capiti coronam ex spinis intextam imponere, arundinem in ejus manus injicere, & amarum illusionibus ludificari, & flexis illum genibus per ludibrium adorare, & salutare veluti Judæorum Regem, conspuere, & caput ei ferire arundine, atque omnibus illum afficere contumeliis. Hæc omnia referunt Matthæus cap. 27. Marcus cap. 15. & Joannes cap. 19. quæ quidem injuriæ, irrisiones, & ignominie illi ideo illatæ, quod se Regem dixerit, ut recte observat Calmetus in cap. 27. Matthæi vers. 28. ubi etiam, ea vestis quo fuerit color, suscipit investigandum. S. Matthæus cap. 27. vestem hanc appellat *oblamydem coccineam*. Marcus cap. 15. purpuram vocat:

De Spinea corona capiti Jesu intexta. An fuerit ex lino marino.

In-

Induunt eum purpura. Joannes cap. 19. *Purpureum vestimentum.* Coccineus color in sacris paginis peccati symbolum est. Isaïæ cap. 1. *versu 18, Si fuerint peccata vestra ut coccinum, quasi nix dealbabuntur; & si fuerint rubra quasi vermiculus, velut lana alba erunt; & in rogam, quo vacca rufa cremabatur, Sacerdos coccinum injiciebat, ut videre est Numeror. cap. 19. ut significaret, peccata populi una cum vacca igne absumi. Quamobrem pulcre Lamy Concord. Evang. lib. 5. cap. 33. Non sine Dei providentia, inquit, obtigit Christo, qui factus est peccatum, idest víctima pro peccato, ut rubri coloris amictu velaretur.* Baronius ad ann. Chr. 34. n. 89. eruditissime ostendit, chlamydem militarem fuisse vestem; cujus color apud Romanos purpureus, qui illum a Lacedæmoniis morem acceperunt: de corona vero dissentit ab iis; qui putant, eam e marinis juncis fuisse intextam; tum quod ejusmodi junco spinæ sint tantum in vertice, caudex vero & rami spinis omnino careant; tum quod Hierosolymæ, quæ longe abest a mari, haud ita facile quis intelligat, qui militibus marinis juncus præsto fuerit; itaque statuit, coronam fuisse e rhamno, qui terrestris est frutex, ac verisimile esse, prope Hierosolymam natum esse eum, quem milites ad coronam adhibuerunt; idque affirmat probabilius esse etiam P. Ayala in Opere quod inscripsit *Pictor Christianus* lib. 3. cap. 15. num. 9. De Rhamno ita Plinius lib. 24. cap. 14. *Inter genera ruborum Rhamnus appellatur a Grecis, candidior, & fructuosior. Is floret, ramos spargens rectis aculeis, non ut cæteri, aduncis foliis majoribus.* Opinioni, quæ favet rhamno, adstipulantur Natalis Alexander in cap. 27. Matthæi num. 12. & P. Joannes Laurentius Berti tom. 5. de Theologicis Disciplinis lib. 29. cap. ult. num. 4.

Corona spinæ, lancea, sponsia, & arundo a Rege Francorum condita sunt in Sacello Regii Palatii Parisiensis.

§ 8 Hæc vero ut videamus quam sint firma, quærendum est, ubi gentium sit spinea corona; ea enim probe inspecta, facile judicabimus; e junco ne marino, an non, intexta fuerit. De spinea corona lib. 4. de Canonizat. Sanctior. par. 2. cap. 14. num. 13. & cap. 3. num. 8. verba fecimus; ubi plurium Scriptorum gravissimorum auctoritate ostendimus, decimotertio sæculo Francos Imperatores, qui Constantinopoli tunc temporis morabantur, cum in magna essent difficultate nummaria; Sacra Lipsana, spineam scilicet Coronam, lanceam, arundinem, & sponsiam Venetis oppignerasse, Balduinum vero secundum, quicquid in iis reliquis sibi juris esset, Ludovico Francorum Regi celsisse, qui repraesentata pecunia eas piguore liberatas in sacello regii Palatii Parisiensis collocavit. Vid. etiam Baillet. Histor. hujus Diei art. 3. numer. 25.

59 Spinea igitur corona etiamnum extat; quam qui vidit probeque inspexit, cum e junco esse marino testetur, profecto prorsus sublata est omnis dubitatio. *Corona fuit de juncis marinis, sicut etiam vidimus in thesauris Regis Francorum, quorum acies non minus spinis durae sunt, & acutae*; ut ait Durandus in Rationali Divinorum Officiorum lib.6. cap.77. §.17. Neque etiam de ejus forma dubitari amplius ullo modo potest; oculati enim testes non ad modum fasciæ, quæ tempora & frontem cingat, formatam esse dicunt, sed instar habere pilei, quo cranium & superior pars capitis tegitur. Ita Bailletus ubi supra, & Serry exercit.52. num.7. quod tamen antea multis evicerat Durantus in notis ad Revelat. S. Birgittæ lib.7. cap.15. num.2. & post eos omnes, observarunt etiam Sandinus Histor. Sacræ Familiæ cap.15. & Gottus de verit. Relig. Christianæ in sæpius jam allato cap.25. §.3. Si Durando, quem supra attulimus; haberi deberet fides, tuta quidem esset sententia de Corona marinis juncis intexta: sed cum Martinus del Rio Lect.9. de Passione, se Parisiensem illam Coronam vidisse testetur, & e marinis juncis factam esse neget, spinasque illas *nil quicquam cum juncis marinis commune habere*, propterea inter eas quæstio hæc annumeranda est, in quibus, quam quisque probaverit sententiam, arbitratu suo sequi potest. Thomas Bartholinus Gasparis filius Tract. de Cruce pag.177. variis prolatis opinionibus, tandem pag.183. ita concludit: *Judicandi arbitrium cuius committo*, & Bineus cit. lib.3. cap.4. num.12. de iis omnibus, qui de spinarum natura scripserunt, iudicium ferens ait: *Nemo attulit aliquid certi; & profecto asserri omnino nequit &c. Hoc enim tantum scimus, quod Coronam de spinis cum plexuissent milites, imposuerunt capiti Jesu*:

60 Matthæus & Marcus, quæ superius attulimus, narratis de veste & spinea corona, referunt deinde, carnifices eam Christo vestem detraxisse, ejusque vestibus iterum indutum ad Calvarium traxisse, ut Cruci eum affigerent. Verum Joannes, qui Christi passionem diligentissime persequutus est, narrat, Pilatum populo Christum ostendisse eo habitu, quo illusus erat a militibus, indutum veste purpurea, & spinea coronam capite gestantem, & dixisse Judæis, *Ecce homo*; Pontifices vero & Ministros conclamasse, ut crucifigeretur; cumque Pilatus respondisset, ipsi crucifigerent, se enim nullam comperisse causam, cur mortis supplicio eum plecteretur, Judæos legem suam urgendo dixisse: *Nos legem habemus, & secundum legem debet mori, quia Filium Dei se fecit*. Nefaria sane vox non absimilis ab illa, quam populum dixisse tradit Matthæus cap.27. Postquam enim Pilatus

Corona apparet esse e junco marino. Quæ sit ejus forma.

Christus erigendus videtur in eam vestem fuisse, in qua coronatus fuit & illusus ab militibus. Terribilis inde eorum imprecatio, quæ se deprecaverunt.

ma-

manus suas lavit, ut declararet, se nihil ad ejus iusti eadem contulisse, vociferati sunt omnes: *Sanguis ejus super nos, & super filios nostros*; qui est Gentis illius idiotismus, ut Levitic. cap. 20. num. 9. 10. & sequen. Ea verba vero quid valeant, etiamnum declarat ab illis temporibus perpetuus usque in hanc diem super Judæos^o miseriarum cumulus, & obfirmatissima eorum cœcitas. *Perseverat*, inquit Hieronymus tom. 7. operum lib. 4. in Matth. cap. 27. columna 230., *usque in presentem diem hæc imprecatio super Judæos; & sanguis Domini non auferetur ab eis*. Absurda prorsus est eorum interpretatio, qui non ad Christum referunt verba illa, *Ecce homo*, sed ad quemlibet eorum, qui aderant, ita ut ea verborum sententia sit: O homo, quisquis es, vide hic, quem tibi ob oculos statuo, quam male multatus sit: 'Tuos huc converte oculos, ac si tantillo humanitatis sensu tangitur tuus animus, te hujus hominis commiserescat. Apertissime enim constat verba, *Ecce homo*, ad Christum Dominum referenda, ut sententia sit: In hunc miserum tam misere habitum quæso respicite, cui longe alius quam Regis inest aspectus: Videte verberibus flagrisque excarnificatum; si vestrum odium ut Rex inflammavit, illi in hanc miseriam dejecto tandem ignoscite; ac si non omnis ab animo vestro humanitatis sensus abest, non dubito, quin illum, licet crudelitate, & odio flagrantes, liberum tandem abire patiamini.

Pilatus animus quid consilii capiat, variis rationibus hæc illuc impellitur. Tandem Christum morti addicit.

61 Pergit Joannes cap. 19. Pilatum ubi Hebræos clamare audivit, Christum Jesum capitali crimine astringi, quod Filium Dei se fecisset, vehementius fuisse perterritum: fortasse enim timuit, ne divino satû esset ortus, ac suspicari cœpit vera esse, quæ a Christo audierat. Eum igitur rursus adduci jussit in Prætorium, diligentius, unde esset ortus, inquisiturus, interrogavitque: *Unde es tu?* Atque Jesum, qui nihil omnino respondebat, monuit, sibi potestatem esse tum dimittendi eum, tum crucifigendi. Cui dixit Jesus. *Non haberes potestatem adversum me ullam, nisi tibi datum esset desuper*; id est nisi Deus permisisset, ut in tua essem potestate, & ipse nisi voluissem juxta voluntatem Patris in tuam dari potestatem. Tandem accuratam suam Joannes narrationem explet, novæque rationes a Pilato initas refert, quo Christus dimitteretur; sed ut Judæos clamantes audivit: *Si hunc dimittis, non es amicus Cesaris; omnis enim qui se Regem facit, contradicit Cesari*, tum vero ejusmodi vocibus victus, adduxit foras Jesum, & sedit pro Tribunali in loco, qui dicitur Lithostrotor, Hebraice autem Gabbatha, hoc est lapidibus stratus, iterumque Christum eorum oculis objecit dicens: *Ecce Rex vester*, eosque interrogavit: *Regem vestrum crucifigam?* cumque succlamatum esset: *Non habemus Re-*

Regem nisi Cæsarem, tradidit eum Judæis crucifigendum, scripto Hebraice Græce & Latine titulo pœnæ causam indicante, quem iussit supra Crucem poni, *Iesus Nazarenus Rex Judæorum*. Hunc autem titulum mutare noluit, quamvis Pontifices Judæorum illum monuissent: *Noli scribere*, Rex Judæorum: *sed, quia ipse dixit Rex sum Judæorum*. S. Ambrosius serm. 20. in Psalm. 118. §. 38. & 39. illud considerat, quod dixit Christo Pilatus, sibi potestatem esse eum vel dimittendi, vel Cruce damnandi: *Audite*, inquit, *quid Iudex iniquitatis loquatur: Potestatem habeo dimittendi te, & potestatem habeo crucifigendi te.... Mala potestas, licere quod non liceat. Potestas ista senebrarum est &c.* & §. 36. Bonus Iudex nihil ex arbitrio suo facit, & domesticæ proposito voluntatis; sed juxta leges & jura pronuntiat, scitis juris obtemperat, propriæ voluntati non indulget. Theophylactus, qui ambitione magis, quam morum asperitate ægrotum animum gessisse censuit Pilatum, quæ tamen, ut alibi ostendimus, illum fefellit opinio, super illis verbis, *Ecce Rex vester*, ita scribit: *Sæpe diximus, quod Pilatus magis fuerit mollis & ambiciosus, quam asperis moribus. Vide etiam & nunc, quod forma quidem examinis & judicii utitur, sed omnino molliter rem agit. Ecce enim, inquit, Rex vester. Neque enim Jesum condemnat, neque Judæos manifeste confutat, sed quasi occulte exprobat eis ut sycophantiis, quasi dicat: Ecce qualem hominem dicitis attentasse invadere regnum, vilem scilicet, & nihil tale attentare audentem, & ita accusatio vestra falsa. Quid enim habet ille, quid Tyranni? Num milites, divitias, nobilitatem? Ecce Rex vester. Quæ utilitas, si hunc occideritis, qui homo ne in minimo quidem nocere poteris? Denique quidam Pilatum per ironiam loquutum esse existimarunt, quod nobis non sit verisimile; nam persuasum habebat, Jesum fuisse verum Christum Judæorum, ut observat Lamy. Harm. Evangel. lib. 5. cap. 33. Dicit eis Pilatus non ironice, ut quidam volunt, nam valde commovebatur hinc conscientia, inde timore Cæsaris & seditionis; dicit, inquam, Regem vestrum crucifigam? id est Christum vestrum: putabat enim vere esse Christum eorum.*

62 Id moris erat, ut Cruciarum suam portarent crucem ad locum supplicii: quamobrem Redemptor noster bajulus sibi Crucem enavit in eum, qui dicitur Calvariæ locus, Hebraice autem *Golgotha*, ait Joannes cap. 19. Tertullianus adversus Judæos cap. 11. notat, Isaacum, qui humeris tulerat ligna, quibus erat immolandus, Christi typum fuisse, qui suam humeris portavit Crucem, in qua magnum illud, quo expiatum est omne genus humanum, æterno Patri suo obtulit sacrificium. Cum Isaac a patre hostia du-

Christus bajulus sibi Crucem. Quis ille fuerit Simon Cyrenæus, qui successit ferendo illi oneri.

ceretur, & lignum ipse sibi portaret, Christi exitum jam tunc denotabat in victimam concessi a Patre, lignum Passionis sue bajulantis. Jesus, Cruce humeris sub lata, aliquantum confecit itineris, ac fortasse ad Urbis portam pervenit; sed cum innumeris plagis & cruciatibus affectum vires deficerent, narrant Matthæus cap. 27. Marcus cap. 15. & Lucas cap. 23. redeunti e villa Simoni Cyrenæo impositam Crucem, non ita tamen, ut Simon partem Crucis ferret a tergo Christi: quemadmodum existimavit Cajetanus locum illum Lucæ, *imposuerunt Crucem Simoni, ut portaret illam post Jesum*, ita enarrans: *Christus ferebat illam in anteriori parte, Simon in posteriori; & ita ibat post Jesum*; sed ut, exonerato Christo, impositam suis humeris Crucem solus Simon ad Calvarium portaverit, juxta Hieronymi sententiam, qui in cap. 27. Matthæi, *Ho*, inquit, *intelligendum est, quod egrediens de Pretorio Jesus, ipse portaverit Crucem suam, postea obvium habuerit Simeonem, cui portandam Crucem imposuerit.* Cum eo sentit Augustinus lib. 3. de Consensu Evangelist. cap. 10. Tom. 3. oper. edit. Maurin. Unde intelligitur, quod ipse sibi portabat Crucem, cum exiret in locum memoratum. Simon autem ille in itinere angariatus est, de quo tres (Evangelistæ) commemorant, cui postea data est Crux portanda usque ad locum. Ita utrumque factum invenimus, primo id quod Joannes dixit, deinde quod ceteri tres. Videatur Gretferus lib. 1. de Cruce cap. 15., qui dicit contrariam inolevisse sententiam, quod pictores ita depingere Simonem coeperint, ut non totam Crucem, sed alteram ipse partem portaret, Christum Dominum alteram. Quæritur quis ille Simon Cyrenæus fuerit. Cyrenensem illum fuisse certum est. Sed cum tres Cyrenarum nomine fuerint Urbes, una in Lybia, in Syria altera, tertia in Cypro insula, cujus nationis esset propterea incertum. Simonem hunc refert Marcus cap. 15. Alexandri & Rufi patrem fuisse. Gentilis ne an Judæus, incompertum. Judæum fuisse, putant communiter recentiores, quod prædia habuerit Urbi vicina; & arreptus sit, ut in onus Christo succederet, dum rediret e villa, quod sane idoneum satis argumentum esset, nisi Græcus textus haberet *venientem ex agro*. Vid. Tillemont. Nota 32. in Vita Jesu Chr. Cum tamen in Actis Apostolorum cap. 19. vers. 33. Alexandri mentio injiciatur, & Rufi in Ep. ad Romanos cap. 16. vers. 13. sunt qui credant, Simonem Christo favisse, ob eamque rem, instigante nonnemeine Judæorum, abreptum coactumque Crucem ferre: Christi autem Jesu fautorem fuisse inde colligunt, quod pater esset Alexandri & Rufi, qui, ut modo innuimus, censetur inter Christi discipulos.

63 Magna turba populi, & mulierum proficiscentem Jesum ad Calvarium sequebatur. Et foeminae quidem naturali quodam commiserationis sensu fortasse percuttae, cum illum ita pessime multatum viderent, lacrymabantur. *Sequebatur autem illum turba multa populi, & mulierum, quae plangebant, & lamentabantur eum.* Ad eas autem conversus Jesus dixit: Filiae Hierusalem; nolite flere super me, sed super vos ipsas flere, & super filios vestros; quoniam venient dies, cum steriles beatæ sibi esse videbuntur, & optabunt, ut supra se montes corruant; ita miserrimam Hierosolymorum indicans eversionem. *Incipient dicere montibus, cadite super nos, & collibus, operite nos:* quibus verbis hac occasione usus est Jesus, quæque multo antea Osee's adhibuit cap. 10. v. 8. cum loqueretur de Samaria, quæ, si peccata spectes, & poenam, Hierosolimæ fuit imago. Addidit Jesus: *Quia si in viridi ligno hæc faciunt, in arido quid fiet?* Quorum ea est sententia: Si mihi iusto tor ingeruntur mala, quid peccatoribus fiet? Hic enim loquendi modus proverbialis est apud Hæbreos, qui ligni viridis probos, aridi nomine malos homines significabant: quamobrem dicere consueverant, si duo ligna sint, alterum viride, aridum alterum, futurum ut viride cum arido comburatur, ut significarent probos viros propter paucitatem facile a malorum hominum opprimi multitudine. *Excindam viride lignum, & aridum;* sunt verba apud Ezechielem cap. 20. v. 47. quod Propheta ipse *iustum & probum* cap. 21. interpretatur.

64 Pia traditio est, sanctam fuisse quamdam foeminam, Veronicam nomine, quæ ad Christi faciem sudore turpatam, & sanguine, telam admoverit, ubi Sanctissimi vultus impressa extiterit imago, quæ nunc asservatur in Vaticana Basilica, & Sanctum Sudarium appellatur. Ea de re lib. 4. Canonizat. Sanctorum part. 2. cap. 31. num. 12; disseruimus, quo propterea Lectorem mittimus. Incredibile est, quo furore Reiskius hæreticis partibus addictus sacram hanc Reliquiam impugnet in Exercitationibus Historicis de Christi imagine cap. 2. Sed ad ea, quæ loco citato attulimus, accedunt quæ scripsit Berti tom. 5. de Theologicis Disciplinis lib. 29. cap. ult. num. 5. qui omnia comonstrat fundamenta, quibus pia hæc traditio innititur, ut jam in tuto sit, quæ Sancto Sudario debetur veneratio. In eo libro de Canonizatione innuimus, piæ illi foeminae, quæ ad Jesu faciem Sudarium applicuit, Veronicæ nomen fuisse impositum; nec deesse qui existimet, nomen illud *Veronica* conflatum ex *vera icon*, unde nomen extiterit Veronicæ: apud Chiffletium in Christi Historia *de lintheis sepulchralibus Christi* cap. 34. extat Jacobi Pantaleonis Epistola, qui fuit Urbanus Pa-

Christi verba ad feminas, quæ illi tam fide multata illacrymabantur.

De Sudario a S. Veronica ad Christi faciem admoto. Vindicatur hæc reliquia ab hæreticorum calumniis.

pa IV. Hic sorori suæ misit S. Sudarii ectypon hæc scribens : *Idcirco vos rogamus , ut propter reverentiam illius , quem repræsentat , recipiatis eam in Sanctam Veronicam , seu veram ipsius imaginem , & similitudinem .*

An Christo ad supplicium eunti titulus mortis scriptus a Pilato prælatus fuerit .

65 Duo redemptori nostro latrones additi comites , qui trahebantur ad necem : *Ducebantur autem & alii duo nequam cum eo , ut interficerentur ,* inquit Lucas cap. 23. v. 32. Quod autem nunquam in Evangeliiis legatur , dum raperetur ad supplicium , prælatum illi fuisse titulum culpæ indicem , quem Pilatus scripserat ; propterea fuisse , qui id quærendum putarunt .

Videtur prælatus , quod ea esset Romanorum consuetudo .

66 Verum , cum ea esset Romanorum consuetudo , ut reorum collo titulum indicem supplicii appenderent , ut apud Sveton. in Cajo cap. 32. & in Domitiano cap. 10. aut præferri juberent , ut apud Eusebium lib. 5. Eccl. Hist. cap. 1. pag. 206. tom. 1. Edit. Valesii , qui Attalum Martyrem narrat circumductum in Amphitheatro , præcedente ipsum Tabella , in qua Latino sermone inscriptum erat : *Hic est Attalus Christianus ;* Et apud S. Ambrosium serm. 90. qui narrat jussu Judicis nudatam esse S. Agnetem , nudamque in lupanar abductam , præeunte satellite , qui magno clamore dicebat : *Agnetem sacrilegam Virginem , Diis blasphemiam inferentem , sortum lupanaribus datam ;* hinc verisimile fit , cum duceretur Jesus ad Calvarium , eandem servatam esse consuetudinem .

De Titulo Crucis impositi .

67 Apud S. Matthæum cap. 27. v. 37. legimus : *Et imposuerunt super caput ejus causam ipsius scriptam : Hic est Jesus Rex Judæorum :* Apud Marcum cap. 15. v. 26. *Erat titulus causæ ejus inscriptus : Rex Judæorum :* Apud Lucam cap. 23. v. 38. *Erat autem & superscriptio scripta super eum litteris Græcis , & Latinis , & Hebraicis : Hic est Rex Judæorum :* & apud Joann. cap. 19. v. 19. *Scriptis autem & titulum Pilatus , & posuit super Crucem .* Erat autem scriptum : *Jesus Nazarenus Rex Judæorum .* Hunc ergo titulum multi Judæorum legerunt , quia prope Civitatem erat locus , ubi crucifixus est Jesus , & erat scriptum Hebraice , Græce , & Latine . Dicebant ergo Pilato Pontifices Judæorum : *Noli scribere , Rex Judæorum , sed quia ipse dixit : Rex sum Judæorum . Respondit Pilatus : Quod scripsi , scripsi .* Si quas viri docti , quique Passionis historiam eruditionis apparatu , & copia enarrarunt , quæstiones recensere velimus , in longius quam par est nostra producetur oratio . Eas si cui volupe sit cognitæ habere , adeat Bineum tom. 3. & Sagittarium tom. 2. qui eas exponunt , & diligenter expendunt . Nos pauca quædam attingemus . Ac primum illum animadvertimus , tribus linguis titulum scriptum fuisse , Latina propter Majestatem Imperii , Hebraica ratione loci , ubi execu-

tioni

tioni mandabatur sententia; Græca propter Hellenistarum multitudinem, qui ad Pascha celebrandum convenerant Hierosolymam, ut advertit Lamy Harm. Evang. lib. 5. cap. 34. num. 20. Deinde illud quoque observamus, jam, ut constat ex D. Joanne, titulum Cruci impositum lectumque fuisse, cum a Pilato Judæorum Pontifices cum immutari flagitarunt. Itaque ne dicamus, Pilatum Judææ Præsidem, tanta prædium dignitate, quod non sit verisimile, ad Calvarium se contulisse, ut Crucis adesset supplicio, dicere oportet, reverbos Hierosolymam Pontifices post mandatum exequutioni sententiam id a Pilato postulas. Postremo animadvertimus, quæri solere, irane & superbia Pilatus, an quod carere se legitima potestate putaverit, verbum nullum vel immutare vel addere voluerit. Sane ira superbiæque Pontificum postulationem videtur aspernatus. Etsi enim juxta Pauli Constitutionem in D. de Re judicata leg. 45. sine Principis auctoritate sententiam judici non liceat immutare (*De amplianda, vel minuenda pena damnatorum post sententiam dictam sine principali auctoritate nihil est statuendum*) vetitum tamen non videtur, ne mutaretur titulus juxta ejusdem Pauli verba, qui respondit leg. 42. *Rescindere sententiam suam præcedentem Prætorum non posse; reliqua autem, quæ ad consequentiam quidem jam statutorum pertinent, priori tamen sententiæ defunt, circa condemnandum reum, vel absolvendum, debere supplere, scilicet eodem die.*

68 Testatur Ambrosius de Obitu Theodosii, & Rufinus Historiæ Ecclesiasticæ cap. 7. a S. Helena repertum esse titulum Crucis alio, quam quo Crux reperta fuit, loco. Quem titulum sancta scæmina Romam asportatum in Basilica S. Crucis in Hierusalem, quam quarto ædificavit seculo Constantinus, collocavit. Eam Basilicam sæpius antea restitutam, sub Innocentio VIII. anno 1492. Petrus Gundisalvus Card. de Mendoza cum reficeret, tituli Crucis Christi Hebraice, Græce, & Latine scripti reperta est pars intra parietem, quo ante mille annos Placidius Valentinianus Imperator conjecerat. Eadem fere die expugnata Granata, magnæque clade Maturis a Ferdinando Hispaniarum Rege Catholico affectis, idem Innocentius Pontifex cum Cardinalium Collegio, ob victoriam de Christiani nominis hostibus partam, ad eam Basilicam ad gratias Deo immortalis agendas se contulit, Alexander vero Sextus, qui Innocentio successit, Bulla anni 1496. quæ est quarta inter ejus Constitutiones in Bullario Romano, narrat anno paullo ante memorato postrema Januarii Dominica, per eam quam supra monuimus occasionem, titulum Crucis esse repertum; hisque plenariam omnium peccatorum indulgentiam concedit, qui eo die Basilicam visitaverint.

69 Ad

Titulus Crucis in Basilica S. Crucis in Hierusalem. Roma continetur a S. Helena; ubi sub Innoc. VIII. repertus est.

*Argumenta,
quæ evincunt
verum illum
esse titulum
Crucis.*

69 Ad inscriptiones, quæ, ne illius rei memoria interiret, in Basilica positæ sunt, & ad gravissimorum de septem Ecclesiis Romæ Scriptorum consensum Lælii Petronii, qui ea vixit ætate, accedit historia apud Bōsium de Cruce lib.1. cap.2. Narrat itaque Petronius, cum sacra illa ædes reficeretur, supra plumbeam capsam laminam marmoream esse repertam, in qua incisæ erant hæc verba: *Hic est titulus veræ Crucis*; in eam vero capsam, cujus duorum palmorum erat longitudo, asserculus sesquipalium longus conjectus fuerat, in quo incisæ & cruore tinctæ erant hæc verba, *Iesus Nazarenus Rex Judeorum*: cui tamen postremæ vobis *Judeorum* deerant aliquot litteræ: *Sed illud Judeorum non eraperfectum: quia illud Rum nonnisi usque ad R inclusive remanserat, & illud UM ceciderat, quia erat tabula ab ea parte corrosa, & vetustate deficit.* Infessura in Manuscriptis Diariis Petronii historiam confirmat, & cæteri Auctores synchroni omnes consentiunt, ut videre licet apud Raynaldum ad ann. Chr. 492. n.14. Spondanum ad eumd. ann. num.7. Honoratum Nicquetum Histor. Tituli Crucis lib.1. cap.267. & sequen. Honoratum a S. Maria observat, ad regulas Criticæ lib.5. dissert.4. art.1. §.1. qui levículas quasdam ea de re difficultates a Bailletto injectas dissolvit, & apud Angelum Roccam de Sanctissima Crucis Particula cap.1. tom.1. pag.257. Quæri solet, an etiam crucibus latronum, qui cum Christo sunt crucifixi, impositus fuerit titulus. Sagittarius tom.2. Histor. Pass. Christi pag.873. id quamobrem negari debeat ait se non videre; illum enim fuisse morem, qui in omnibus sœntibus condemnatis usurparetur; nec mirum Evangelistas eam rem siluisse, quorum studium in eo præcipuum fuit, ut unice Christi Passionem scriberent. Id tamen negat Chrysostomus Homil.81. in Joann. quem sequuntur Gretserus de Cruce lib.1. cap.26. Theophilus Raynaudus de S. Latrone cap.2. num.5. Nos libentius hanc sententiam amplectimur.

*Dissolvo po-
strema partis
Passionis Do-
mini.*

*Christum in
Cruce oportuit
pati.*

70 Postrema Dominicæ Passionis parte Crucifixio Jesu Christi, mors, & sepultura continentur.

71 Fuse agit D. Thomas de Passione Christi 3. par. qu.46. cujus articulo quarto eam proponit quæstionem, *Utrum Christus pati debuerit in Cruce*, pluribusque allatis rationibus, quas apud illum videas, concludit debuisse. Earum prima ab exemplo virtutis desumitur. Christus enim in Cruce mortem obeundo declarare voluit, nullum iusto homini genus mortis vel atrocissimæ esse timendum, cujusmodi ea mors fuit, qua ipse e vita sublatus est; Crucis enim supplicium longe est omnium teterrimum & crudelissimum.

72 Quærit articulo 5. *utrum Christus omnes passiones sustinuerit* : & art. 6. *Utrum dolor Passionis Christi fuerit major omnibus doloribus* . Quod ad primum pertinet , omnes ostendit perpeßum esse Christum ægrotudines , quæ quidem extrinsecus in hominem irruunt ; non enim de iis loquitur , quæ existunt & oriuntur intrinsecus , cujusmodi sunt corporis morbi . Id vero luculenter apparet , si animadvertamus , multa illum a Gentilibus & Judæis , a viris & a foeminis (nam ancillæ Petro occasionem negandi præbuere) multa a Principibus eorumque Ministris , & a populo , & a suis ipsius familiaribus , & amicis esse perpeßum , qui a Juda proditus , a Petro negatus fuerit . Porro in amicitia maxime fuit læsus , qui ab amicis fuit desertus , in existimatione tot tantisque in eum congestis blasphemiiis , in honore & gloria innumeris proscissus maledictis , & irrisionibus contumeliisque illusus , in anima tristitia & pavore oppressus ; in corpore plagis & vulneribus dilaceratus . Præterea in capite propter spinas , in manibus pedibusque propter clavos , in facie propter alapas & sputa , toto denique corpore propter innumera verbera , dolores per tulit . Quod attinet ad alteram quæstionem in art. 6. ait : Christi dolores inter omnes omnium dolores fuisse gravissimos , juxta illud Threnorum : *Attendite & videte , si est dolor similis sicut dolor meus* . Nam de doloribus corporis eadem iterat , quæ articulo 5. persequutus est , & nos recensuimus . De dolore autem animi causas considerat , unde ille profectus est ; peccata scilicet humani generis , quorum causa tantopere patiebatur ; peccata Hebræorum , aliorumque quorum consilio vel opera nex illi est illata ; & scandalum ejus morte discipulis partum . Hinc vero gradum facit S. Doctor ad doloris magnitudinem pro qualitate tum animæ , tum corporis Christi . Recte enim observat , corpus , utpote perfectissime formatum , delicatissimo tactu fuisse præditum , ideoque dolores sensisse atrocissimos ; animam vero , cum dolori & tristitiæ permisset omnem vim suam exerere , caruisse illo solatio , quo miseri plerumque fruuntur , quorum interior tristitia , externusque dolor a superiore parte animi aliquantum leniri solet . Nam in aliis patientibus mitigatur tristitia interior , & etiam dolor exterior ex aliqua consideratione rationis per quamdam derivationem seu redundantiam a superioribus viribus ad inferiores ; quod in Christo patiente non fuit , quia unicuique virium permisit agere quod est sibi proprium . Concludit denique , ultro Christum Passionem & dolorem assumisse , ut a peccato hominem liberaret ; tantum autem ex iis sumisse , quantum ratio postulabat ejus fructus ,

*Pulcherrime
D. Thomas do-
ctus de atro-
citate Passio-
nis & dolo-
rum Christi.*

ctus, quem inde proficisci oportebat; ac propterea non dubitandum, quin Passio & dolores Christi gravissimi fuerint.

*Christi anima
in superiori
parte, utpote
quæ divinita-
te fruebatur,
inter maxi-
mos dolores
summo semper
gaudio est gau-
dio adversus
Canis & Serry
sententiam.*

73 Quoniam vero inter acerbissimos dolores angoresque maximos clara & intuitiva Dei visione Christus fruebatur, cum qua non videtur convenire posse tristitia, usque enim a primo sui conceptus momento viator fuit æque ac comprehensor, ideoque vera perfectaue beatitudine præditus, celebris Melchior Canus de Locis Theologicis lib. 12. cap. 13. in fine, ejusmodi mysterium ut explicaret, scripsit, Dominum Jesum, quemadmodum animæ gloriæ cohibuit, ne in corpus sese funderet, ita, dum esset in Cruce, eam, quam necessario a clara Dei visione profluxisse oportuit, continuasse lætitiæ. Hanc Cani doctrinam cæteri Theologi frigide exceperunt, quin etiam censura notare. Eam tamen novissime suscepit tuendam P. Serry in nuperrima operum Cani editione, quam adornavit Patavii ann. 1714. ut videre est cap. 8. *Defensionis*. Verum cum diserte doceat D. Thomas loc. cit. art. 8. etiam inter acerbissimos, quibus Christus cruciabatur, dolores, ejus animam divino gaudio fuisse perfusam; nos cæterorum omnium Thomistarum sequenti sententiam, dicimus animam Christi in superiori parte summum semper fruitionis gaudium percepisse, interea dum ejus corpus cruci affixum crudelissimis doloribus angebatur; ita tamen ut neque illud gaudium ad inferiorem partem, neque dolores illi ad superiorem pertingerent, evidenti sane miraculo, quemadmodum miraculum etiam illud fuit, quod viator æque Christus & comprehensor esset, & de gloria animæ nihil ad corpus derivaretur.

*Decuisse Chri-
stum pati Je-
rosolymis, &
inter latro-
nes crucifigi
ex D. Thoma.*

74 Alteram idem S. Doctor art. 10. proponit quæstionem *utrum Christus fuerit convenienti loco passus, & art. 11. utrum conveniens fuerit, Christum cum latronibus crucifigi*. Ad primam respondent, Christum maxime decuisse Hierosolymis pati; tum quod Deus Hierosolymam elegerat ubi fierent sibi sacrificia, quæ nihil aliud demum fuerunt, quam figura Passionis Christi, quæ verum fuit Sacrificium; tum quod Passionis virtus ad universum Mundum cum deberet dimanare, conveniens fuit, illum Hierosolymis pati, quæ Civitas est in medio terræ habitabilis sita, & quasi umbilicus. Ad secundam vero quæstionem ait, oraculum esse Isaiæ, *Es cum sceleratis reputatus es*; quod quidem fuerat adimplendum. In ejus vero prophetiæ implemento observat, Judæos Christum inter duos latrones crucifigendo, in animo habuisse ejus famam omnino proterere, perinde ac si eorum sceleris fuisset particeps; Dei vero illud fuisse consilium, ut declararetur, quid

quid factururus esset Christus de vivis & mortuis, quos in duas classes dispersitos, alteram prædestinatorum ad dexteram, alteram reproborum ad sinistram ipse judicabit, eosque vocabit ad gloriam; hos ad æterna detrudet supplicia.

75 Sed ut ad historiam redeamus, postquam Jesus ad Calvarium pervenit, appositum illi fuit vinum felle mixtum, quod cum degustasset, noluit bibere. Itaque inter duos illum latrones Cruci affixerunt, quorum unus erat ad ejus dexteram, alter ad sinistram. Fuit titulus Cruci impositus; milites vero postquam eum sustulerunt in Cruce, vestimentis ejus quadrifariam divisit, sic ut suam quisque tolleretur partem, sortes jecerunt, ut quæ cuique pars sortito obtingeret, illi assignaretur. De tunica vero sine commissura continuo ductu contexta dixerunt inter se: *Non scindamus eam, sed fortiamur de illa cujus sit*; quod ubi fecissent, adstantes eum servabant.

76 De Calvario hæc habet Matthæus cap. 27. v. 33. *Et venerunt in locum, qui dicitur Golgotha, quod est Calvarie locus.* Marcus cap. 15. v. 22. *Et perducunt illum in Golgotha locum, quod est interpretatum Calvarie locus.* Lucas cap. 23. v. 33. *Et postquam venerunt in locum, qui vocatur Calvarie.* Joannes cap. 19. v. 17. *Exiit in eum qui dicitur Calvarie, locum, Hebraice Golgotha.* Calvarium seu Golgotha cranium significat, quod exiguo illi monti nomen est inditum, vel quod ille tumulus humani cranii instar haberet, vel quod in eo hac illac eorum crania essent dispersa, qui ob scelera sua morte mulctati fuerant. Hieronymus in cap. 5. ad Ephesios Tom. 7. oper. edit. Veron. col. 649. ait, ætate sua percrebuisse opinionem, eo in loco Adamum fuisse sepultum; inde locum nomen traxisse. *Hæc, inquit, vera sint, nec ne, Lectoris arbitrio derelinquo.* Certe tunc in populo dicta placuerunt, & quodam plausu ac tripudio sunt excepta. Idem S. Doctor in cap. 27. Matthæi eodem tomo col. 133. de hac re agens, eum qui hanc tueretur sententiam rogat, cur in eodem loco duo latrones sint crucifixi; seque prioriore esse declarat in eam opinionem, quæ statuit, locum ita dictum a calvariis & ossibus eorum, qui ultimo supplicio ibi necabantur. *Sin autem quispiam contendere voluerit, ideo ibi Dominum crucifixum, ut sanguis ipsius super Adæ tumulum distilleret, interrogemus eum, quare & alii latrones in eodem loco crucifixi sint? Ex quo apparet, Calvariam non sepulcrum primi hominis, sed locum significare decollatorum, ut ubi abundavit peccatum, superabundaret gratia.* Tertullianus, Origenes, Epiphanius, Chrysostomus, & Augustinus favent opinioni, quam rejicit Hieronymus; & Baronius ad ann. Chr. 34. num. 112. satis firmo fun-

Qua contigerunt in Calvario.

Calvarius unde nomen traxerit. Th. Adam sepulchrum.

damento sultus vult, locum ideo Calvarium appellatum, quod Adam ibi sepultus fuerit; atque ab Hieronymo, ut sibi ab eo dissentire liceat, veniam petit; quam facile illi S. Doctorem fuisse daturum putamus, quem epist. 46. alias 17. Paulæ & Eustochii ad Marcellam tom. 1. op. cit. edit. Col. 199., quæ vel ab eo scripta vel dictata fuit, manifesto constat eam sequi sententiam, quam aliis in locis rejecerat. *In hac Urbe (Hierusalem) immo in hoc tunc loco & habitasse dicitur, & mortuus esse Adam: unde & locus, in quo crucifixus est Dominus noster, Calvaria appellatur, scilicet, quod ibi sit antiqui hominis Calvaria condita, ut secundus Adam, id est sanguis Christi de Cruce stillans, primi Adam & jacentis Protoplasti peccata dilueret.* Tamulus ille, seu collis, ubi Christus Cruci affixus est, e cranione primi hominis Adæ, quem ibi sepultum ferunt, an ex reorum craniis, qui supplicio affecti fuerint, hac illac disspesis Calvarii nomen traxerit, quæstio est inter eruditos viros diu multumque versata. Quidam enim ægre animam inducunt ut credant, Judæos eorum calvarias, qui publico judicio necati essent, passim insepultas reliquisse. Nam Deuter. cap. 21. jubet Deus eorum corpora ante occasum solis terræ mandari. Quod tamen argumentum facile refutare potest, qui non hac illac fuisse dicat dispersas Calvarias, sed ei tumulo (qui Hebræis idem erat, ac Romanis Tarpejus; vel scalæ Gemoniæ) quod capite damnati supplicio ibi plesterentur, inde Calvarii nomen fuisse derivatum. *Capitis igitur locus idem fuerit, ac decapitationis locus,* ait Vossius in Harmonia. Quod autem ad originem spectat ejus nominis e capite Adæ ibi sepulti deductam, præter Patres supra memoratos, haud spernenda etiam videtur pia quædam traditio, qua Fideles impulsæ ad Palæstinam iter suscipiunt, quod illis persuasum sit, non modo Christum Jesum in Calvario fuisse sublatum, sed eo etiam Adæ corpus fuisse injectum. Cui traditioni pia etiam innititur illa pictorum consuetudo, ut ad inferiorem Crucis partem hominis calvariam depingant. Recentissimi duo de Calvario scripserunt Auctores, Cardinalis Cozza Comment. Historico. Dogmat. in D. August. lib. de Hæresibus Par. 2. cap. 3. seu 25. n. 163. & Quaresmius Elucidat. Terræ Sanctæ lib. 5. cap. 32. & seq. tom. 2. ubi veterem præsentemque Calvarii formam descripsit.

*Conciliantur
Marcus, &
synagoga
gelista, qui
tunc cum
felle mixtum
Christo obla-
tum scribunt,*

77 De vino felle mixto ita Matthæus cap. 27. v. 34. *Et dederunt ei vinum bibere cum felle mixtum, & cum gustasset, noluit bibere;* atque item Marcus cap. 15. v. 23. *Et dabant ei bibere myrrhatum vinum, & non accepit.* De potu aceti, cujus mentionem faciunt cæteri duo Evangelistæ Lucas & Joannes, alibi sermonem habebimus; quem potum Chrysostomus eundem fuisse existi-

mat

mat cum eo, quem referunt Matthæus & Marcus. Sed sententia hæc sustineri nequit: non enim obscure Matthæus & Marcus significant potum, de quo ipsi loquuntur, oblatum fuisse Christo, priusquam tolleretur in Crucem; Lucas vero & Joannes de potu scribunt, qui Christo jam in Crucem sublato, quin etiam prope moribundo præbitus est. Præterea de vino Matthæus & Marcus, de aceto loquuntur Lucas & Joannes. Contendunt quidem nonnulli, si Græcos Codices consulas, posse te facile evincere, Matthæum & Marcum de aceto loqui, sed in veteribus Codicibus alii æque versati id obfirmate negant. Diserte autem Matthæus cap.27. alterutrum ab altero potum discriminat. Narrat enim, simul ac Jesus Calvarium conscendit, dedisse eos illi *vinum bibere cum felle mixtum*: deinde idem v.48. de eo scribit jam morti proximo: *Ei continuo currens unus ex eis acceptam spongiam implevit aceto, Et imposuit arundini, Et dabat ei bibere*. Ad hunc modum egregie, ut omnia, disputat Maldonatus in cap.27. Matthæi vers.34. cui nos assentimur. Misso igitur aceto, nunc de vino disserendum, de quo loquuntur Matthæus & Marcus.

Marcus vero
vinum myr-
rhatum.

78 Duas Christo poriones oblatas contendit Baronius ad ann. Chr.34. num.95. unam vini cum felle mixti, alteram vini myrrhati; vinum verò myrrhatum ait optimum fuisse, & odoris suavitate laudatissimum, damnatis ad supplicium propinari solitum, quo miseri illi paullulum levarentur. Nicolaus Faber vir eruditione clarus, qui magnum illum Annalium Ecclesiasticorum parentem faciebat plurimi, scripsit ad eum, multo sibi videri verisimilius, oblatum Christo vinum myrrhatum, quo mentis sensuumque turbatione oborta, adimeretur illi dolor, aut leniretur; quod a Judæis facilitatum esse contendit. Huic rescripsit sapientissimus Cardinalis, & postquam declaravit, vehementer sibi probari singularem ejus doctrinam, addidit, non tamen se hæc de re cum illo sentire posse. Non enim myrrhato vino homines obstupefcere, sed potius puriore mentis luce perfundi; & si quidem id moris erat penes Hebræos, ejusmodi vinum iis, quibus ultimum supplicium esset subeundum, propinare, ut stupidiore fierent, illud certe potasse oportuit duos illos latrones, qui cum Christo fuerunt in Crucem acti, quos tamen constat ex eorum sermonibus rationis & mentis fuisse compotes. Illud igitur vult Baronius, non odio Hebræorum, sed cuiuspiam misericordia myrrhatum Christo vinum oblatum esse; quod cum Christus potare noluisse, ab iis qui Christo erant infensi, vinum cum felle mixtum esse illi propinatum. Suarez 3. par. tom.2. disp.36. sect.3. hanc Baronii sententiam probabilitate non carere arbitratur. A Lapid. in Cap.27.

Duplex Chri-
sto potus obla-
tus.

Matth. v. 34. ait Baronii sententiam alios amplecti noluisse. At Calmetus ad eundem Matthæi locum Baronio suffragari videtur. Observat enim, Christum potare myrrhatum vinum ideo noluisse, ut omni careret solatio, & de Calice, qui in Passione sibi sua exhauriendus erat, ne tantillum quidem amaritudinis diminueretur. Quidam vero Marcum & Mathæum ita conciliari putant, si dicamus, Mathæum, cum ait propinatum Christo vinum cum felle mixtum, nihil aliud quam amarissimum vinum significare voluisse: Marcum vero, qui dicit, *dabant ei bibere myrrhatum vinum*, disertius explicasse, vini amarorem illum e myrrha ortam. Lamy in Harm. Evang. lib. 5. Cap. 34. pag. 590. textum Thalmudis assert, quo probare studet, iis, qui ad capitale supplicium ducerentur, Hebræos vinum thure mixtum præbere consuevisse, quod thus mentem minuat, & moriturum citius extinguat: Judæos autem Christo non thus, sed myrrham miscuisse; cum enim quidquid illi ingratum esse posset, exquirerent, *pro benigni saporis thure, amariorem myrrhæ propinarunt; ne quid deesset, quo violentum suum in Servatorem animam proderent*. Verum ut sua sermoni nostro perspicuitas constet, duo sunt nobis præstanda. Primo conciliandi sunt Matthæus & Marcus; ille enim de felle, hic de myrrha loquitur: qua in re D. Augustini & Bedæ non a vero abesse videtur opinio, utrumque & fel & myrrham in vinum fuisse indita; & Mathæum quidem fel, Marcum vero myrrham memorasse. Deinde videndum, quonam tandem modo id contigerit, quisve myrrhatum vinum paraverit, quisve eo fel indiderit, vel vinum felle mistum obtulerit: qua in re verisimile videtur, pias quasdam, quæ aderant, fœminas, Christum Dominum miseratas, myrrhatum vinum attulisse, quo ille reficeretur; iis autem, cum non liceret proxime ad Crucem accedere, opus fuisse opera uti militum, qui proni ad omne scelus, vel potionem felle corruperunt, vel pro myrrhato vino felle mistum obtulerunt. Id Maldonatus innuit loc. cit. Liranus, & Petrus Galatinus de Arcanis Catholicæ veritatis in hanc propendent sententiam; quam ut certissimam proponit Casaubonus exercit. 16. num. 80. nec desunt qui ea de re ad hunc modum disputent apud Bineum de morte Christi tom. 3. lib. 3. c. 5. num. 27. & sequen.

*At Judæi
necitatum esset
Crucis supplicium.*

79 Serpente æneo fuisse Crucem præfiguratum ipse Jesus Christus docuit apud Joann. cap. 3. v. 14. *Sicut Moyses exaltavit serpentem in deserto, ita exaltari oportet Filium hominis*. Nunc igitur cum de Crucifixione disserendum sit, quæstiones aliquot de Cruce moveri solitas referemus, de quibus quid Interpretes scripserint, innuemus. Prima quæstio est: utrum Crucis supplicium

Ju-

Judæis esset ulsatum. Quidam Crucem proprium fuisse putant Romanorum supplicium, non vero Judæorum. Nam quod Hai Rex jussu Josue in Crucem actus fuerit, itidemque idem supplicium quinque Cananæorum Reges subierint apud Josue cap. 8. vers. 29. & cap. 10. vers. 26. & septem Saulis filii Cruci pariter fuerint affixi, lib. 2. Regum cap. 2. vers. 9. ejusmodi supplicium dicunt non ex Judæorum, sed Barbararum illarum Gentium more fuisse jussu Josue adhibitum: septem vero Saulis filios non ab Hebræis crucifixos, sed a Gabaonitis, qui reliquiæ erant Amorrhæorum, nec inter filios Israelis censebantur. Verum ante Christum Jesum apud Hebræos Crucem esse adhibitam, jure nemo inficiabitur. Alexander enim Hircani filius teste Josepho de Bello Judaico lib. 1. cap. 3. octingentos in media civitate captivos crucifigi jussit. Quod observavit Serry Exercit. 5. num. 1. Sagittarius tom. 1. de Pass. Chr. Par. 2. pag. 694. complures ex Rabbiniis affert locos, quibus probare nititur, Hebræis non fuisse Crucis supplicium, sed quatuor tantum apud eos usurpata esse genera suppliciorum, gladium, laqueum, ignem, lapidationem: quæ est etiam sententia Lamy Harm. Evang. Dissertat. de Cruce §. 10. Contra Calmetus in Dissertatione de suppliciis putat crucifigendi morem etiam ab Hebræis receptum esse.

80 Quod vero omni caret dubitatione, Romani facinorosos homines Cruci affigebant, præsertim servos; quamobrem Juvenal. Satyr. 6. *pone Crucem servo*; Liberos etiam interdum, sed vi-tioris conditionis homines, si atroci quodam scelere fuissent convicti, ut probat Lipsius de Cruce lib. 1. cap. 12. & 13. Cui consentit Lamy in Dissertat. de Cruce §. 1. pag. 573. ubi ait: *Servorum, latronum, sciariorum, & seditiosorum supplicium Crux erat, cui illi affigebantur, & in ea pendebant, donec fame, siti, doloribus enecarentur, post mortem suam canum & corvorum relictis cibis. Itaque supplicio illo non aliud apud Romanos infame magis, & acerbum magis.* Igitur cum Christus Jesus a Judæis insimulatus esset blasphemix, *Nos legem habemus, & secundum legem debet mori, quia Filium Dei se fecit*, Joan. cap. 18. cumque ejus criminis non Crux pœna esset, sed lapidatio ex Levitic. cap. 24. verisimile sit, Pilatum Crucis supplicio illum condemnasse non propter scelus blasphemix, quo fuerat falso insimulatus, sed propter seditionis & affectati Regni crimen, de quo itidem falso accusatus fuerat: *Hunc invenimus subvertentem gentem nostram, & prohibentem tributa dare Casari, & dicentem se Christum Regem esse*: Luc. cap. 23. v. 2.

*Terrorium
mortis genus,
quo seditiosi
servi, & scelerati
apud Romanos
sui criminis pœna
dabant.*

*Manus ejus
supplicii apud
Romanos in-
famis.*

81 Inter crimina vero, quæ Romanis legibus supplicio crucis plecebantur, numerabatur seditio, ut jam innuimus; & constat ex Paulo Jurisconsulto leg. 38. §. 2. Dig. de Pœnis: *Autores seditionis, & tumultus, populo concitato, pro qualitate dignitatis, aut in furcam tolluntur, aut bestiis obiciuntur, aut in insulam deportantur: atrox sane & infame supplicium; quamobrem Cicero in Verrem l. 5. c. 66. Facinus, inquit, est Civem Romanum vinciri, scelus verberari, prope parricidium necari; quid dicam in Crucem tollere? Verbo satis digno res tam nefaria appellari nullo modo potest. Supplicium etiam censetur omnium teterrimum & crudellissimum: Illa morte pejus nihil fuit inter omnia genera mortium, ait Augustinus Tract. 36. in Joannem. Atque illud Redemptor noster voluit subire supplicium, ut moneremur, neminem esse, qui non possit illum imitari, quod animadvertit Lactantius, qui lib. 4. Divinarum Instit. cap. 26. eam proponit quætionem: *Dicas fortasse aliquis, cur si Deus fuit, & mori voluit, non saltem aliquo honesto mortis genere affectus est? Cur infami genere supplicii? quod etiam homini libero quamvis nocenti videatur indignum.* Et respondet in hunc modum: *Ut is, qui humilis advenerat, humilibus & infirmis opem ferret, & in omnibus spem salutis ostenderet, eo genere afficiendus fuit, quo humiles & infirmi solent, ne quis esset omnino, qui cum non posset imitari. Videndus Grefterus de Cruce lib. 1. cap. 38. & 39. ubi magna eruditionis copia, quam probrosum fuerit supplicium Crucis ostendit. Cum enim plurimi in dies adversa conflictati fortuna mortem sibi inferrent, idcirco Romani, ut a consciscenda sibi morte homines deterrent, jusserunt, qui sese interfecissent, eorum corpora Cruci per ignominiam affigi. Præterea Ethnici Christianos ut infames trucidabant, quod Christum crucifixum adorarent, quos refellit Arnobius lib. 1. adversus Gentes. Quam vero atrox illud fuerit supplicium, Poetæ declarant, qui Crucem *severam, duram, horrendam; Callistratus Jurisconsultus summum supplicium; Ulpianus supremum; Apulejus extremam penam; Ausonius pæne extremum* appellant.**

*Cruis varia
forme.*

82 Secunda quæstio ad Crucis pertinet formam; nam controversiam, e qua esset materia, prætermittimus; nihil enim tuto affirmari potest, quam quod lignea fuerit, & forsan eodem aut simili ligno, quo duorum latronum factæ fuerant Cruces, ut advertit Rocca in allato Opere cap. 2. pag. 357. *Ex obvio & prompto aliquo ligno, & robusto quidem ad corporis pondus perferendum, aut sustentandum apto Crucem ipsam fuisse crediderim cum eodem Lipsis, qui eam e quercu tamquam crebra & frequenti olim & nunc*
in

in *Judea*, *robusta item* & *fixioni latureque apta factam fuisse censet*. Ut igitur de forma differamus; duo fuere Crucium genera; alterum enim fuit simplex, ex unico prægrandi palo aut trabe, quo condemnati vel clavis affigebantur, vel funibus alligabantur; compositum alterum, e duobus enim lignis constabat. Crux. vero composita plures continebat species; quædam enim *decussata* dicebatur, quod duo sese ligna ad angulos acutos secarent, & figuram litteræ X. referebat, cujusmodi Crux B. Andreæ Apostoli pingitur: quædam *commissa* nominabatur, quæ lignum habebat rectum, cujus vertici transversum alterum lignum imponebatur, nec ulla recti ligni pars ultra transversum extabat; ejus formam litteram T pulcre exprimit: quædam denique *immissa* dicebatur, in qua recti ligni vertex ultra transversum lignum aliquantum porrigitur, ut videre est apud Lipsium de Cruce lib. 1. cap. 6. & sequen. & apud Gretserum lib. 1. cap. 1. & Calmetum in cap. 27. Matthæi vers. 32. *Decussata*, *Commissa*, & *Immissa* Crucis imaginem vide apud Bineum tom. 3. de morte Christi pag. 228.

83 Simplici Cruci Christum non esse affixum plane est exploratum. Ejusmodi Cruci confixum esse Aman apparet ex cap. 5. Esther, ubi legimus eam fuisse *excelsam trabem*. De Cruce decussata neminem meminisse comperimus. Quæstio igitur eo redit, *commissa* ne, an *immissa* cruci Christus fuerit affixus. Evangelistæ enim tradunt quidem, titulum Cruci fuisse impositum: utrum autem titulus superiori ligni recti fixus fuerit parti, quæ supra transversum lignum extaret, an vero desinente Cruce in lignum transversum, huic ipsi affixus esset, id Evangelistæ non explicant. Tertullianus favet posteriori sententiæ; nam lib. 3. contra Marcionem cap. 22. *Ipsa*, inquit, *est littera Græcorum Tau, nostra autem T, species Crucis*. Ad quem locum notat Rigaltius: *Hoc ipsum imitati videntur Patres nostri, dum, ut in Missalibus antiquis, initio Canonis in littera T, ubi legitur, Te igitur, clementissime Pater, solent pictam eubibere Crucem Christi, in cujus hodie locum successit ipsa Crucis imago pagina proxima præcedenti*. Consentiant Innoc. III. Sermone 1. quem habuit in Lateranensi IV. Concilio apud Labbeum tom. 11. Concilior. pag. 133. & Auctor Glossæ ad Clementinam de summa Trinitate & Fid. Cathol. qui dicunt Crucem sine titulo formam habuisse litteræ T; eam autem formam amisisse, cum Pilati jussu fuit illi impositus titulus. Quod si apud Romanos Crux *immissa* adhibebatur, ut esset ubi causæ mortis titulus imponeretur; & apud omnem videmus antiquitatem Christi Crucem ad hanc formam esse depictam; profecto statuendum videtur, Christum Cruci *immissæ* affixum fuisse. Vide Lipsium

Forma Crucis Christi non simplex. Cruci, quæ dicitur immissa, affixus est.

pſum lib. 1. de Cruce cap. 10. Caſalium par. 1. de veter. Sacr. Chriſtian. Ritib. Baronium ad ann. Chr. 34. num. 93. Calmetum loco citato, Ayalam in opere, *Pictor Chriſtianus*, lib. 3. cap. 18. num. 1. & 2. Gottum de verit. Relig. Chriſt. tom. 4. par. 2. cap. 27. §. 2. ubi Serry, qui Tertullianum ſequitur, alioſque, quos ſupra attulimus auctores, rejicit. Pro Cruce *immiſſa* pugnat Gretſerus lib. 1. de Cruce cap. 1. & 2. ideoque nimis mihi videtur eſſe ſollicitus P. Berti de Theologicis Diſciplinis tom. 5. lib. 29. cap. ult. qui de hac re ad quam tandem ſe applicet ſententiam, dubius hæret: ſtatuit enim Crucem Domini non fuiſſe *decuſſatam*, ſed *commiſſane*, an *immiſſa* fuerit, decernere non audet. *Indubitatum eſt*, inquit, *Crucem Domini conſtaſſe duobus lignis, arreſtario & tranſverſo, non decuſſatam, ſed rectis compaſſis angulis. Num vero titulus appenſus eſſet ſtipiti arreſtario, ſive, ut inquit Tertullianus, ſtaticulo aliquantulum eminentiori, vel diverſo ligno ad verſicem Crucis defixo, omnino me lateat.*

*An Crux Chriſti
ſi præcuſſa
fuerit, an vero
brevis.*

84 Illa etiam ad formam Crucis pertinent; longane, an brevis; & utrum ſuppeditaneo inſtructa, ſcilicet aſſerculo ſeu tabella, cui pedes Cruciarum niterentur, cujuſmodi Cruces aliquas depictas videmus, & an in media cruce lignum quoddam eſſet impaſſum, in quo cruce affixus quodammodo inſideret. Baronius in notis ad Martyrologium ad diem 7. Aprilis obſervat, ut ſupra innuimus, vilioris conditionis homines fuiſſe, qui in Crucem tollebantur: ſi quiſpiam vero primarius vir ejuſmodi puniendus eſſet ſupplicio, Cruci excelsæ affigebatur, ut videre licet lib. Eſther cap. 6. & 7. & apud plures profanos Scriptores, quos aſſert idem Baronius. Huc pertinet quod Lipſius lib. 3. de Cruce cap. 13. aſſert ex Svetonio, Galbam imploranti cuidam leges, ſequæ Civem eſſe Romanum teſtanti, per irriſionem juſſiſſe præter cæteras *altiore* & *dealbatam* ſtatui Crucem; quem locum Lipſius quaſi enarrans: *altiore*, inquit, *ut digniori, albatam, ut Civi*. Vide etiam Lamy citata Diſſertatione de Cruce §. 10. Quamobrem cum nec Romani Chriſtum Jeſum e nobilitate hominem, ſed fabrum, aut fabri filium exiſtimarent, verſimile admodum eſt, ejus Crucem haud valde fuiſſe excelsam; præſertim vero, quod eam ipſe portare, & Simon Cyrenæus deinde pro eo ſubire illud onus coactus fuerit, cui ferendæ, ſi paullo fuiſſet excelsior, vires hominis pares non fuiſſent. Huc accedit, Joanne teſte cap. 19. v. 20. Hebræos legiſſe titulum Cruci impoſitum. *Hunc ergo titulum multi Judæorum legerunt, quia prope Civitatem erat locus, ubi crucifixus eſt Jeſus*; cum autem characterum forma non admodum grandis eſſet, ut etiamnum licet inſpicere, hinc intelligi po-

potest, haud ita altam Christi Crucem fuisse. Ita nostri disputant Scriptores, quibus assentiuntur Auctores Protestantes, qui de Christi Cruce scripserunt, Hermannus Witsius sacrar. exercit. 1.6. de Crucifixione & morte Christi num. 5. & 6. & Sagittarius tom. 2. de Passione Christi Par. 2. pag. 790., qui etiam observat, non satis commodè potuisse Jesum Maurem & Joannem alloqui, si præaltæ Cruci affixus fuisset.

85 De suppedaneo ita Gregorius Turonensis de Gloria Martyrum cap. 6. *In stipite erecto foramen manifestum est. Pes quoque parvula tabula in hoc foramen insertus est. Super hanc vero tabulam tamquam stantis hominis sacra affixa sunt plantæ.* De ligno vero, quod in media Cruce fixum eminet, ita scribit Justinus Martyr in Dialogo Tryph. pag. 188. edit. Maurinæ. *Quod in medio figitur, ut ei infideant qui crucifiguntur; ipsum etiam veluti quoddam cornu eminet, & cornu speciem exhibet cum aliis cornibus conformatum, & fixum.* Serry exercitat. 5. 3. num. 6. his auctoribus affirmat, Crucem suppedaneo & sedili fuisse instructam. Card. Gottus loc. cit. §. 2. ait, se non ita fidenter affirmare posse, in Cruce Domini fuisse suppedaneum & sedile. Eandem ingreditur viam Sandinus Hist. Sacr. Famil. cap. 15. At Calmetus in cap. 27. Matthæi vers. 32. favere videtur opinioni de suppedaneo; tum quod plures Jesu Christi Crucifixi cum suppedaneo depictæ imagines reperiuntur, tum quod hominis cadaver, et si paullulum temporis solis manibus sustineri posse credit sine suppedaneo, non tamen ad multum tempus, quin discissis manibus ipso sui pondere decidat. Et synopsis Criticorum Sacrorum in Matthæi c. 27. pag. 674. & 675. ita rem hanc concludit: *Crucifixionis modum hunc fuisse tradunt, ut ambe manus brachiis expansis in ligno Crucis transverso clavis affigerentur, ambo vero pedes ligno cuidam ab hasta, seu erecto ligno Crucis justo loco prominenti veluti basi insistentes, & juxta se mutuo positi itidem clavis affigerentur.* Eadem sentit Gravesonius de Mysteriis & annis Christi Dissert. 20. quæst. 2. pag. 455. De suppedaneo & sedili controversia est, quæ peritissimorum virorum torquet ingenia. Lamy Dissert. de Cruce S. Justinus usus auctoritate §. 5. sedile quidem probat, suppedaneum rejicit. Gretserus lib. 1. de Cruce cap. 24. gravibus assentitur auctoribus, qui statuunt fuisse in Christi Cruce suppedaneum. Denique, inquit, nummus vetus apud Lipsium tabulam suppedaneam spectandam offert; ut hæc sententia propter auctoritatem tantorum virorum minime videatur rejicienda, quamvis hujus ligni suppedanei in Cruce nullum extet vestigium apud profanos auctores. Thomas Bartholinus in Tract. de Latere Christi aperto Lipsiæ edi-

An suppedaneo & sedili instructa.

to anno 1683. suppedaneo favere videtur. Franciscus Fevardentius in Notis ad S. Irenæi opera lib.2. cap.41. veteres multas Jesu Christi imagines se vidisse testatur ita Cruci affixi, ut pedes suppedaneo inniterentur. Hujus exhibetur imago similis ab Arringhio in Roma subterranea. Idem etiam in veteribus nummis observavit Franciscus Nansius, quem ob id ipsum laudant Scaliger, & Vossius. Idem videre est apud Lipsium in Notis ad lib.2. cap.10. & apud Franciscum Cornelium Curtium Tractatu de Clavis Dominicis pag.125. & sequen. Sagittarius Par.2. Histor. Passion. Christi pag.794. & sequen. quantopere suppedaneo repugnant, tantopere sedili favent. *In stipite illius (Crucis) arreliario impaletum lignum fuit, in quo sederet, cum Cruci affigeretur. At non fuit suppedaneum, in quo innixi & simul fixi pedes.* Ratio autem omnis, quamobrem vel suppedaneum, vel sedile, vel utrumque Cruci appositum fuisse volunt, huc tandem redit, quod fieri non posse videatur, ut humanum corpus manus & pedes clavis transfixi sine alio sustineant adminiculo. Id olim propositum fuit Nicolao Fontana, An manus clavis transfixæ pares sint ferendo corpori inde pendulo. Ejus responsio extat in calce Tractatus Thomæ Bartholini de Cruce Christi; in qua, inita vel a se vel ab aliis experientia, compertum esse ait, sine sedili, & sine suppedaneo posse corpus in Cruce sustineri. Cui tamen experimento nec Bartholinus de Latere Christi aperto, nec Sagittarius, nec Bineus acquiescunt; qui reputantes Christum non funibus adhibitum, sed solis clavis Cruci affixum, cum jam ita male mulctatus esset, ut vix pellis ossibus adhæresceret, illud Fontanæ experimentum sibi negant satisfacere, quod in corporibus validis vegetisque inutum sit: ex quo magis apparet, quam difficile sit in ea re quidquam statuere.

*Jacentine, an
erecta Cruci
Christus affi-
xus sit.*

86 Tertia quæstio est de quibusdam, quæ ad ipsius Crucifixionis modum pertinent; erectane Crux fuerit, Christo Domino jam illi affixo, an vero in Crucem jam erectam ipse sublati; quænam, & quot confixa fuerit clavis corporis pars; nudusne omnino, an velo alicui parti obducto; num denique cum spinea corona capiti imposita crucifixus sit. Verisimilior sententia est, Christum non jacenti, sed erectæ Cruci affixum: ostendit enim Lipsius de Cruce lib.2. cap.7. ad eum plerumque modum fontes crucifigi solitos. Et apud veteres Scriptores frequentissime illa occurrunt, *Tollere in Crucem, ferre in Crucem, agere in Crucem, ascendere in Crucem, salire in Crucem, excurrere in Crucem*; quibus manifeste patet, Crucem jam fuisse erectam, cum fontes affigerentur. Certe de Christo Jesu Athanasius serm. de Passione, *Venit,*

Venit, inquit, ad locum ubi erat illi ascendenda Crux. Et Hilarius lib. 10. de Trinitate: In lignum elevatus est. Dupliciter olim crucifigi homines consuevisse constat; vel enim Cruciarium porrectæ humique jacenti Cruci affigebantur, quod colligitur ex Actis Martyrii S. Pionii, ubi hæc habentur: Uiro se vestimentis spoliavit, & in Cælum suspiciens, ac Deo gratias agens, super lignum se ipsum extendit, militique tradidit, ut Cruci affigeretur. Et paulo post: Eum igitur ligno fixum erexerunt. Vel in Crucem jam erectam scalis adhibitis sustollebantur; quod constat ex loco Ciceronis in Verrem lib. 5. cap. 66. Quid attinuit, cum Mamertini more & inslituto suo Crucem fixissent post Urbem in via Pompeja, te jubente figere in ea parte, quæ ad fretum spectaret? Quinam e duobus his modis in Christi Crucifixione adhibitus, inter se viri docti discrepant. Bineus lib. 3. de Morte Christi cap. 6. num. 3. Lipsii opinionem probat. Cum Cruciarium pervenisset ad supplicii locum, Crux, quam ipse gestaverat, tandiu in terra defigebatur, vel fixa aliquando ante fuit. Crucem enim defigi prius solitam, quam Cruciarium defigeretur, multis veterum locis Justus Lipsius ostendit. S. Bonaventura, Rodolphus, & Toletus existimant, Crucem jam fuisse ante erectam, quam Jesus defigeretur, eumque scalis funibusque in Crucem esse sublatum. Contra Salmeron tom. 10. tract. 35. videtur existimare, Christum Cruci humi jacenti affixum; idque Ecclesiam putat innuere, quæ FERIA 6. in Parasceve Crucem humi jacentem poni jubet, & a Clero ac populo adorari. Gretserus lib. 1. de Cruce cap. 21. neutrum tuto dici posse fatetur, cum de modo fileant omnes Evangelistæ; exaltatio enim Crucis, de qua loquuntur, æque vera est, utrovis modo Christum Cruci affixum statueris. Probabilius tamen putat humi jacenti Cruci affixum esse. Alii probabilius existimant, Christum affixum Cruci adhuc humi jacenti; quin, ut multi testantur, in Terra Sancta demonstratur locus Crucifixionis distans aliquos passus a loco, in quo Crux est infixæ terræ; deinde quia sententia hæc est convenientior piorum cogitationibus & meditationibus de Passione Domini; tertio quia modus hic multo est facilior & expeditior, quam si Corpus Cruci jam erectæ affigatur. Videatur etiam Quaresmius in elucidat. Terræ Sanctæ lib. 5. cap. 36. tom. 2. qui hanc eandem sequitur sententiam, & nobile describit Sacellum in eo loco erectum, ubi pia traditione proditum est, Christum Cruci humi jacenti affixum esse.

87 Manus Christi & pedes clavis perforatas fuisse diserte non tradunt Evangelistæ. Et sane funes interdum manibus pedibusque

*Christus in
manibus, &
pedibus Cru-*

*et affixus fuit
quaternis cla-
vis, non funi-
bus alligatus.*

212 DE FESTIS D. N. JESU CHRISTI LIB.I.

adhibiti, nullatenus transfixis per clavos, ut videre est apud Lipsium l.2. de Cruce c.8. Affirmare ausus est Westphalus hæreticarum partium homo, Christum non clavis transfixum, sed funibus vinctum. Verum Cornelius Curtius libro de Clavis Dominicis cap.2. hæretici hominis fregit audaciam. Nihil enim disertius, nihil ad crucifixionem Domini accommodatius iis verbis ex Psal.21. *Foderunt manus meas: Et pedes meos:* quem locum Hebræorum perfidia omni conatu frustra studuit aliquot interjectione punctorum, & versiculorum ordinem perturbando corrumpere; ut videre est apud Calmetum ad illum Psalms locum, & apud Berti To.5. De Theologicis Disciplinis lib.29. cap. ult. §.6. Quamvis enim Evangelistæ in Crucifixionis historia aperte non dixerint, Christum Cruci fuisse clavis affixum; id tamen satis luculenter ostendunt, cum Thomam Apostolum narrant dixisse: *Nisi videro in manibus ejus fixuram clavorum, Et mittam digitum meum in locum clavorum, & mittam manum meam in latus ejus, non credam.* Joann. cap.20. v.25. Videatur Gretserus lib.1. de Cruce cap.19. qui duos latrones Cruci clavis affixos ostendit. Scriptura enim eodem verbo utitur *crucifigere* tum in Christi, tum in latronum Crucifixione. Ostendit Justus Fontaninus Archiepiscopus Ancyranus Dissertatione de Corona Ferrea vetustiore, ac propterea dignam, quam omnes amplectantur sententiam esse eorum, qui statuunt, non ternis, sed quaternis clavis Christum Cruci affixum. Et Rocca de Particula Crucis tom.1. pag.262. veteres omnes refert imagines Christi quatuor clavis crucifixi. Idem affirmat Bellarminus de septem Christi verbis in Proœmio. Franciscus Cornelius Curtius Tract. de Clavis Dominicis eandem tueretur opinionem. Alphonsus Tostatus in Paradoxis ait Paradoxo 3. cap.10. majorem clavorum numerum, quam quibus opus sit, admitti non oportere; longiori autem clavo ambos trajici pedes posse, si alter alteri superimponatur; ac ternis propterea tantum clavis Christum affixum esse Cruci. Quamobrem opinionem de tribus tantummodo clavis adhibitis in Fidelium animis jam inveterasse nemo negaverit; præsertim quod Pictores tribus clavis Christum affixum Cruci hoc tempore pingunt, ut notat Baronius ad ann. Chr.34. num.118. & ad ann.326. num.52. & Quaresmius in elucidat. Terræ Sanctæ tom.2. lib.5. cap.23. Verum cum tenendum omnino sit, ut infra docebimus, nullum e Christi corpore os fractum esse, nec ita facile quis intelligat, longiori & crassiori clavo utrumque pedem alterum alteri impositum trajici potuisse, quin os aliquod frangeretur, relinquenda videtur Tostati sententia, ut bene observat Rocca loc. cit. pag.264. & Ayala in Opere,
Pictor.

Pictor Christianus, lib.3. cap.17. num.9. Atque eam de quatuor clavis opinionem sequuntur Serry exercitat.54. n.3. Gottus loc. cit. §.2. & Sandinus Hist.Sacr.Fam.cap.15. Gretserus autem lib.1. de Cruce cap.20. optime ad hunc modum disputat: *Nec quicquam pietati officit, tribusne, an quatuor clavis Christus crucifixus venerantium oculis subjiciatur, dummodo pax & concordia animarum inconcussa permaneat, utpote in controversia nec a sacris litteris, nec a Doctoribus Ecclesiæ definita.* Mirari se ait Serry, nec sane injuria, Mellonium *De Sacris Stigmatibus*, & Cornelium a Lapide ex maculis quæ in sancta apparent Taurinensi Syndone, conjecisse, non in vola manus, sed paullo superius, qua manus cum extrema coit brachii parte seu carpo, ubi venæ tentantur a Medicis, clavos fuisse adactos. Quod omnino rejicitur illis Thomæ Apostoli verbis apud Joannem cap.20. *Nisi videro in manibus ejus fixuram clavorum.* & Psal.21. v.18. *Foderunt manus meas & pedes meos.* & Zachariæ 13. v.6. *Quid sunt plage istæ in medio manuum tuarum?* Et consentit Gottus loc. cit. num.12. Jani Nicii Erythræi Frater æneam quamdam Jesu Christi Crucifixi imaginem reperit, in qua clavi non in vola manus, sed in carpo erant infixi. Et Petrus Paulus Rubens egregius pingendi artifex Antuerpiæ ad hoc exemplum Christi crucifixi depinxit imaginem. Ejusmodi tamen imagines rejicit Thomas Bartholinus Tract. de Cruce §.9. pag.72. & sequen. Bineus de morte Christi tom.3. lib.3. cap.6. num.9. Chiffletius in Crisi historica de Linteis sepulcralibus Christi §.31.

88 Nudusne omnino, an testis aliquo velo secretioribus partibus corporis, Christus Dominus in Crucem actus fuerit, quæstio est, quam lib.3. de Canonizati. Sanctorum cap.ult. num.17. pertractavimus, variasque de ea sententias attulimus. D. Anselmus lib. De Passione Domini scribit, B. Mariam amictum capitis sui Filio dedisse, quo eas sibi tegeret partes. S. Birgitta in Revelationibus narrat, idque se ait a B. Maria accepisse, hominem quemdam miserationis sensu tactum Jesu Christo velum dedisse, quo tegeretur; quæ non minima fuit ipsi Jesu consolatio. Quaresmius pag.443. utramque conciliare studet historiam, nempe B. Mariam detractum sibi velum cuidam homini dedisse, qui illud traderet Filio. Sed hæc piæ quædam sunt commentationes, quæ dirimendæ controversiæ nihil quicquam proficiunt. Durantus in cap.70. lib.4. Revelat. S. Birgittæ num.4. rationes assert utriusque sententiæ. Sed apud veteres nos erat, ut fontes nudi omnino c rucifigerentur; quod colligitur ex Ariano in Epictet. lib.4. cap.26. qui lavantium nuditatem in balneo cum eorum confert nuditate,

*Nudus Christi
passus Jesus Cru-
ci est affixus.*

ditate, qui Cruci affigebantur. *Ut in balneo vestibus exutus, & se ipsum extendens, ut solent crucifixi, hinc inde friceris.* Quamobrem D. Augustinus adversus Faustum lib. 12. Christi e Cruce pendentis nuditatem cum Noe vino madidi comparat nuditate. Itaque statuendum, maxime decere Christi crucifixi imagines pingi cum velo secretioribus partibus circumducto; id tamen a veritate historię esse alienum, ut pręter Serry, Gottum, & Ayalam abunde probat Lorinus in Psalm. 21. num. 18. Lipsius de Cruce lib. 2. cap. 7. Calmetus in cap. 27. Matth. num. 35. & Suarez 3. par. tom. 2. disput. 36. num. 4. Pręter D. Augustinum etiam D. Ambrosius lib. 10. in Lucam Tom. 1. oper. edit. Maur. col. 1527. Christi e Cruce pendentis nuditatem conferens cum nuditate Adę in statu innocentię, satis declarat se existimare, Christum nudum omnino in Crucem fuisse sublatum. *Refert considerare qualis Crucem ascendit. Nudum video. Talis ergo ascendat, qui seculum vincere, parat, ut seculi adjumenta non querat. Vetus est Adam, qui vestimenta quesivit. Vicit ille, qui tegumenta deposuit; & talis ascendit, quales nos auctore Deo natura formavit: talis in Paradiso homo primus habitavit, talis ad Paradisum homo secundus intravit.* Morem autem fuisse, ut nudi omnino fontes rei crucifigerentur, apparet ex Artemidoro lib. 3. cap. 58. qui, *Crucifigi inquit, bonum pauperi, quia sublimis est crucifixus; noxium vero diviti, quia nudi crucifiguntur.* Gretserus quidem lib. 1. de Cruce cap. 22. probare nititur, velo Jesu Christi partes, quas tegere jubet pudor, testas fuisse, & tamen vere dici posse nudum fuisse Cruci affixum; nam vulgo nudus ille dicitur, qui veste omni detracta, eas partes testas habet. Idem etiam probat ex linteo Aquigranensi, quo Christi Corpus est involutum, in quo apparet, easdem partes obducto velo fuisse velatas. Negat etiam Toftatus in Opusculis, Paradoxo 34. verisimile esse, satellites, etsi odio & crudelitate flagrarent, ita Jesum nudasse, ut pars corporis quęlibet omnium oculis appareret. His tamen aliisque piis considerationibus a communi, quam superius retulimus, opinione avelli non possumus.

Christus e
Cruce pendens
habueritne
spineam Coro-
nam.

89 Quod attinet ad spineam coronam, quamvis id non tradiderint Evangelistę, vetus est tamen & pia traditio, illam Christi capiti fuisse impositam, cum crucifigeretur. Tertullianus enim lib. contra Judęos id disertissime docet, qui Jesum e Cruce pendentem ita describit: *Inherens Crucis cornibus, & Corona Spinea in capite ejus circumdata.* Neque vero verisimile videtur Hebręos voluisse illud tolli opprobrium, quo Christi regnum vehementius detestarentur. Pręterea etiam si opus fuisset, ut, cum detra-

detraxerunt illi efflet vestis inconsutilis, detraheretur etiam corona, potuerunt milites illi jam nudato rursus eandem coronam imponere. Vide Durantum in cap. 14. lib. 7. Revelat. S. Birgittæ num. 2. Mellonius in elucidatione stigmatum S. Sydonis cap. 12. num. 8. locum Origenis, qui ait coronam semel impositam Christo nunquam fuisse detractam, ita explicat, ut non censenda sit detracta, quæ, simul ac detracta, rursus acriori cum dolore illi fuerit imposita. Videatur etiam Ayala loc. cit. num. 6. qui hanc testatur communem esse sententiam. Jam vero, quod supra docuimus, pia quædam fœmina ad Redemptoris vultum sudarium admovit, in quo ejus extitit impressa imago. Illud autem sudarium sanguine tinctum est, qui per faciem Jesu Christi manabat; cumque non aliunde sanguis ille quam e capite spinis undique compuncto potuerit erumpere; fateri oportet, Christum saltem ad Calvarium Coronam illam gestasse. Nulla certe alia ratio est, cur coronam illi milites detraxerint, quam quod fieri non potuisse videtur, ut sertum illud spinis implexum gestans tunica inconsutili Christus nudaretur. Id tamen non evincit, sine ea corona illum fuisse cruci affixum: vel enim vix detracta rursus illi fuit imposita; vel vestis inconsutilis ita superne fuit aperta, ut etiam non detracta corona, detrahi potuerit. Ita Suarez loc. cit. Disput. 36. sect. 4. Gretsero lib. 1. de Cruce cap. 22. quæ jam attulimus, omnia probantur: ait enim: *Non videtur improbabile, eos (sacellites) Coronam insigne Regni affectati in Sacrosancto Christi Capite reliquisse, etiamsi opus fuisset illam detrahere, cum inconsutili veste Christum exuerent; nam in caput Domini jam vestibus exuti facile reponi potuit. Quamobrem vere representant antiquæ Picturæ & Scripturæ Christum in Cruce pendentem coronatum.* Consentit Quaresmius Elucidat. Terræ Sanctæ tom. 2. lib. 5. cap. 24. & Sagittarius Harmon. Hist. Pass. Chr. Par. 2. pag. 667. varia profert quorundam exempla, qui affectati regni crimine convicti, cum ferrea corona capiti imposita populo videndi vel vivi vel mortui sunt expositi.

90. Cruci Jesu affixo vestimenta ejus milites inter se diviserunt, teste Matthæo cap. 27. Marco cap. 15. Luca cap. 23. & Joanne cap. 18. v. 23. 24. quorum ultimus id accuratius ita describit: *Milites ergo cum crucifixissent eum, acceperunt vestimenta ejus (& fecerunt quatuor partes, unicuique militi partem) & Tunicam. Erat autem Tunica inconsutilis desuper cotexta per totum. Dixerunt ergo ad invicem: Non scindamus eam; sed sortiamur de illa, cujus sit; ut Scriptura impleteretur dicens: Partiti sunt vestimenta mea sibi, & in vestem meam miserunt sortem. Quomodo autem divi-*

*Vestes suntium
militibus sup-
plicii unius
obventibus se-
ges addicebatur
Christi disper-
sita vestis.*

divisæ fuerint Christi vestes, fusc scripsit Suarez loc. cit. disput. 37. sect. 1. Vestes eorum, qui ultimo afficiebantur supplicio, militibus munus supplicii obeuntibus leges addicere observat Calmetus in cap. 27. Matth. num. 35. De forma tunicæ inconsutilis prolixè agit idem Auctor in cap. 19. Joannis vers. 23. Matthæus, Marcus, & Lucas de divisione vestium rem ita narrant, ut in omnes jactæ fortes esse videantur. Verum D. Joannes, cujus modo verba retulimus, luculenter ostendit, quatuor milites, qui Christum Dominum sustulerunt in Crucem, vestes in quatuor partes divisisse.

De Tunica inconsutili.

91 Tunicam vero inconsutilem, quæ divisâ nullius pretii fuisset, integram sorte ductam esse. Eam a B. Maria textam, & infanti Jesu datam, pia est opinio, quam vetustam esse oportet; eam enim Euthymius commemorat. Ac si conjecturæ locus sit, hanc tunicam inconsutilem Christus super interula uteretur, omnium vestium corpori proximam gestasse, eaque totum corpus ab humeris ad pedes videtur contextisse. Eam vero textilem fuisse censemus ad illud exemplum, quo nunc acu tibialia texuntur. Ita sentit Lamy lib. 1. Harm. Evangel. cap. 34. Ostendit autem diligens in primis Auctor Braunius, gravibus quibusdam testimoniis adhibitis, lib. 1. cap. 16. de Vestitu Sacerdotum Hebræorum, ad hunc modum integras quasdam tunicas texti consuevisse. Hæc tunica inconsutilis etiamnum asservari dicitur Augustæ Trevirorum, eamque ab Helena Constantini Matre dono datam ferunt Agricio Episcopo, qui illam in sua condidit Cathedrali. Salmeron autem tom. 10. Commentariorum in Nov. Testam. tract. 38. custodiri eam refert Argentolii, oppido haud longe a Lutetia Parisiorum dissito. Utrum vero quemadmodum Christi, ita etiam duorum latronum vestes sortito sint distributæ, haud ita facile est divinare: ea enim de re omnino tacent Evangelistæ. Maldonatus in cap. 27. Matthæi num. 35. putat etiam latronum vestes sortito esse divisas; ea enim fuit consuetudo, ut cruci affixorum vestes inter satellites dividerentur; Evangelistæ autem nihil de ea re scripsisse, quod non latronum, sed Christi historiam texerent.

*Amarulenta
Judeorum in
Jesum convi-
cta.*

92 Pergunt Evangelistæ ac narrant, quomodo Jesu in Crucem sublato illuderent Principes Sacerdotum, Scribæ, & Seniores, & populus universus, & amarulentis illis disteriis insultarent: *Alios salvos fecit; se ipsum non potest salvum facere: Si Christus est a Deo electus, nunc descendat e Cruce: Si Deus illum diligit, salvet eum. Si Filius Dei es, descende de Cruce. Si Rex Israel es, salva te ipsum. Vah qui destruis Templum Dei, & post triduum reedificas, salvum fac temetipsum.* Scribit Matthæus: *Prætereuntes blasphemabant eum moventes capita sua:* ubi

ubi observandum est, Hebræos interdum caput movere consuevisse, ut commiserationis, interdum vero ut admirationis cum commiseratione conjunctæ, interdum etiam, quemadmodum hic, ut derisionis signum darent, ut apud Isaiam cap.37. v.22. *Despexit te, & subsannavit te virgo filia Sion, post te caput movit filia Hierusalem.* Et Psalm.118. v.25. *Et ego factus sum opprobrium illis: viderunt me, & moverunt capita sua.* Et Ecclesiastic. cap.23. v.8. *Et in novissimo deridebis te, & postea videns derelinques te, & caput suum movebis ad te.* Et Threnor. cap.12. v.15. *Plauserunt super te manibus omnes transeuntes per viam; fibilaverunt, & moverunt caput suum super filiam Hierusalem.*

93 Septies in Cruce Christum loquutum esse constat ex Evangelio. Prima verba sunt ea, quæ habentur apud Lucam cap.23. v.34. *Iesus autem dicebat: Pater dimitte illis; non enim sciunt quid faciunt.* Quæstionem proponit D. Thomas 3.par. qu.47. art.5. Utrum Christi persecutores eum cognoverint? & Judæorum respondet quosdam quidem majores, quosdam vero fuisse minores. Majores autem, scilicet Principes eorum, cum manifestissima vidissent Divinitatis Christi signa, iis noluisse habere fidem, sed odio & invidia flagrantes omnia pervertisse; quamobrem ipse Christus apud Joannem cap.15. v.22. *Si non venissem, inquit, & locutus fuisset eis, peccatum non haberent: nunc autem excusationem non habent de peccato suo.* Et paullo post: *Si opera non fecissem in eis, quæ nemo alius fecit, peccatum non haberent.* Expendit idem S. Doctor locum D. Pauli 1. ad Corinth. cap.2. v.8. *Si enim cognovissent, nunquam Dominum gloriæ crucifixissent.* Docet autem eorum ignorantiam fuisse quodammodo affectatam, eaque non modo illos non excusari, sed gravius eorum fieri peccatum. Minores vero, seu populum mysteria Scripturæ cognita non habuisse; ac si quispiam eorum ex multitudine miraculorum suspicatus sit, Christum esse Dei Filium, majorum opera ab ejusmodi opinione fuisse revocatum. Unde illa Actorum cap.3. v.17. *Scio, quia per ignorantiam fecistis, sicut & Principes vestri.* Ad aliam deinde venit quæstionem S. Doctor art.6. *Utrum peccatum Christum crucifigentium fuerit gravissimum?* Et ait, peccatum Principum Judæorum fuisse gravissimum non tam ex suo genere, quam ex eorum malitia; Gravissimum item fuisse Judæorum minorum peccatum, si spectetur peccati genus; eorum tamen ignorantia aliquid de peccati gravitate diminui. Denique verbis illis, *Pater ignosce illis, quia nesciunt quid faciunt*, concludit Deum orasse Patrem, non pro Principibus Hebræorum, sed pro populo, & pro Gentilibus, qui eum quidem

De septem Christi verbis. Prima Christi verba. D. Thomas de doctrina de gravitate peccati Principis Judæorum, & populi. Christus non pro Principibus oravit, sed pro populo & gentilibus.

Suares. putat Christum orasse etiam pro Principibus Judæorum. Omnes videntur peccasse, nesciunt quid facerent. Christus a Deo curavit omnibus auxilia. Sufficientia ad salutem. Hanc non omnes tamen adepti sunt.

Cruci affixerunt, sed ignorantia aliquo modo excusabantur. 94 Sequutus est S. Doctor Bedæ doctrinam, qui verba illa ex D. Luca enarrans, *Pro illis, inquit, rogat, qui nescierunt quid facerent, zelum Dei habentes, sed non secundum scientiam. Multo autem magis fuit excusabile peccatum Gentilium, per quorum manus crucifixus est. Hæc vero illius loci explicatio Suarez minime arridet, qui loc. cit. qu. 47. art. 6. contendit, Christum generatim orasse pro omnibus; excusationem autem ex ignorantia omnibus convenire potuisse, saltem ad veniam de perpetrato crimine impetrandam; quæ quidem ignorantia, licet in Principibus Judæorum fuerit affectata, aliquid detrahit de audacia, & contemptu Dei, quæ in Judæorum scelere continentur; præsertim vero quia ejusmodi explicationi favere videntur illa ex Actis Apostol. Scio, quia per ignorantiam fecistis, sicut & Principes vestri. Hesselius in Explicat. Passion. Christi putat, Jesum non pro iis, tantum orasse, qui ex ignorantia, sed etiam pro iis, qui odio, invidia, pessimæque voluntate peccaverunt; ac propterea etiam pro Scribis, legis Peritis, & Sacerdotibus, qui Prophetas legerent, ac Hebdomadatum Danielis rationem inire potuissent; nam de his etiam potuisse dici, non enim sciunt quid faciunt; vel quod peccati sui quantitatem ignorarent, vel quod in eo, qui omni comes est peccato, judicii errore versarentur. Id autem probat, & animadvertit, Christum exemplo suo nos docere voluisse, oportere nos non modo pro iis orare, qui errore ducti, sed etiam pro iis, qui mala mente impulsus nos oppugnent. Quoniam vero inde videt argui posse, quosdam ex iis, qui ex animi malitia in Christum Dominum peccaverunt, æternam salutem esse adeptos, concedit, confirmatque ex Act. Apostol. cap. 6. v. 7. *Multa etiam turba Sacerdotum obediebat Fidei*; & ex cap. 13. ubi Paulus dicit, quosdam Principes & Sacerdotes, qui Christum, & Prophetas singulis quibusque Sabbathis legi solitos ignorabant, judicantes implevisse. Quæ omnia Estio probantur in cap. 23. Lucæ vers. 34. Docet Sylvius Commentar. in 3. par. D. Thomæ quæst. 47. art. 5. inter Christi persecutores fuisse nonnullos, illum qui probe noverint Messiam in lege promissum; tanta autem fuisse perfidia, ut ad ejus præclara & admiranda opera animum noluerint adiacere, sed argumenta sint aucupati, quamobrem illum infectarentur. Plebejos & minores generatim Christum ut Messiam non cognovisse; eorum vero, qui vi miraculorum percussus in eam essent cognitionem ingressi, quosdam odio malisque artibus Phariseorum revocatos, in priorem cæcitatem recidisse. Et art. 6. probabilius esse docet,*

docet, illum orasse tam pro peccantibus ex invidia, malitia, odio, quam pro peccantibus ex ignorantia; tam pro majoribus, quam pro minoribus, scilicet illis, qui erant prædestinati. Quod vero ad Lucæ textum attinet, in quo versamur, Pater ignosce illis, non enim sciunt quid faciunt, illum ita explicat: Pater ignosce illis, quia per ignorantiam nescientes quid faciant, valde miseri sunt. Et quæst. 21. art. 4. vult, Christum non orasse pro omnibus suis crucifixoribus, sed pro iis solum, qui erant prædestinati. Jesus enim dixit apud Joann. cap. 17. v. 9. Non pro mundo rogo, sed pro his, quos dedisti mihi. Quorum in numero non modo quidam fuere, qui per aliorum seditionem, sed nonnulli etiam, qui per malitiam in Christum Dominum peccaverunt. Superius num. 198. & sequen. docuimus, omnem Christi orationem, quæ ex rationali & deliberata voluntate proficisceretur, efficacem fuisse, quamobrem Joann. cap. 10. legitur: Quæcumque poposceris a Deo, dabit tibi Deus: Et illud, Ego autem sciebam, quia semper me audis. Ihde fit, ut Sylvius Quæst. 21. art. 4. sententiam illam tueatur, Christum pro solis prædestinatis orasse. Verum qui dicat Christum Dominum orasse pro omnibus, orationem ejus fuisse exauditam, omnibus a Deo exorasse auxilia sufficientia ad salutem, etsi non omnes salutem adepti sunt; is facile omnem videatur diluere difficultatem. Nam Christus dicens, ignosce, nihil quidquam aliud a Deo petiit crucifixoribus suis, quam auxilia, quibus opus est ad conversionem & poenitentiam; in præsentem enim providentia non nisi poenitentibus & conversis ignoscitur.

95 Secunda Christi verba sunt ad Latronem, *Hodie mecum eris in Paradiso*, quæ refert itidem Lucas cap. 23. Medium inter duos Latrones diximus Christum ad Calvarium ductum esse, ut crucifigeretur. Medium inter utrumque nunc dicimus crucifixum: *Tunc crucifixi sunt cum eo duo Latrones, unus a dextris, & unus a sinistris*; ita Matthæus cap. 27. & cum eo consentit S. Marcus cap. 15. Atque narrat uterque Evangelista, Christum ab utroque latrone maledictis esse proficissum: *Id ipsam autem & Latrones, qui crucifixi erant cum eo, improperebant ei &c. Et qui cum eo crucifixi erant conviciabantur ei*. Sed quædam videtur esse discrepantia inter ambos hos Evangelistas & S. Lucam, qui cap. 23. v. 39. scribit, Latronum alterum, dum in Christum contumeliosa verba evomeret, acriter ab altero reprehensum, qui postea Christum oravit, ut cum ad suum pervenisset Regnum, memor esset sui: *Unus autem de his, qui pendebant, latronibus blasphemabat eum dicens: Si tu es Christus, salvum fac te ipsum & nos*.

Secundo Christi verba in Cruce. Evangelista discrepare videntur. Matthæus & Marcus tradunt, utrumque latronem Christo impropereasse; Lucas, alterum tantum, & ab altero reprehensum.

Respondens autem alter increpabat eum dicens: Neque tu times Deum, quod in eadem damnatione es. Et nos quidem iuste; nam digna factis recipimus: hic vero nihil mali gessit. Et dicebat ad Jesum: Domine memento mei, cum veneris in regnum tuum. Hæc vero cum ea, quæ ex Matthæo & Marco retulimus, videantur evertere, quæritur quid Evangelistæ inter se possint conciliari.

*Conciliantur
Evangelistæ ex
D. Augustino.
Latrones &
ipsum clavis affi-
xi sunt.*

96 Docet D. Hieronymus in cap. 27. Matthæi, Tom. 7. op. edit. Ver. col. 235. inter se nihil Evangelistas discrepare, & principio quidem utrumque latronem in Jesum convicia & maledicta coniecisse; alterum vero eorum, ut solem obscurari vidit, tremefieri terram, & saxa disrumpi, respuisse: *Non quod discrepent Evangelia, sed quod primum uterque blasphemaverit, dehinc sole fugiente, terra commota, saxisque disruptis, & ingruentibus tenebris, unus crediderit in Jesum, & priorem negationem sequenti confessione emendaverit.* Verum S. Augustinus lib. 3. de consensu Evangelistarum ad eos conciliandos aliam ingreditur viam. Ait enim, Matthæum & Marcum modum adhibuisse loquendi, qui frequens est in sacris paginis, ubi sæpe pluralis pro singulari numero ponitur. Itaque in Epist. ad Hebræos, *clausurunt ora leonum*; ubi tamen de solo Daniele est sermo: *secti sunt*, quod refertur ad Isaiam; & Psalmo 2. v. 2. *Astiterunt Reges terra & Principes convenerunt in unum*; quæ Herodem innuunt & Pilatum, quorum alter Rex, alter Princeps erat, ut apparet ex Act. Apostol. cap. 4. vers. 6. Hanc Augustini sententiam libentius Interpretes sunt amplexi; quod testatur Scriptor Synopsis Critic. Sac. in Matth. cap. 27. pag. 677. *Pluralem numerum usurpari, ubi unus & multis, sed indefinite indicatur, veteres novique interpretes monuerunt.* Atque etiam multo verisimilius est, de uno tantum latrone Evangelistas loqui; nam qui bonus potuisset latro alterum, quod blasphemaret increpare, si ipse etiam paullo ante blasphemasset? Vid. Tillemont. not. 34. ad Vit. J. Chr. qui illud addit, quemadmodum fuit Christus, ita & latrones clavis affixos fuisse Cruci; nam Evangelistæ tum Christi, tum latronum crucifixionem eodem modo & iisdem plane verbis narrant: *Tunc crucifixi sunt cum eo duo Latrones*; Matth. cap. 27. v. 38. *Et cum eo crucifigunt duos Latrones*; Marc. cap. 15. Neque vero difficile fuisset, cum tres illæ repertæ sunt Cruces; eam qua Christus, ab iis Crucibus quibus latrones fuerant affixi, discernere, si Crux tantummodo Christi Domini fuisset clavis perforata.

*Fuisse La-
trones fuerunt
ex illis, qui
tunc temporis*

97 Quænam fuerint latronum nomina, & Martyrne dicens, an Confessor bonus latro, disputare prætermittimus, qui jam de iis disseruimus lib. 4. par. 2. de Canonizat. Sanctor. cap. 12. num. 10.

num. 10. Illud obiter animadvertimus, quod cum Judæa tunc temporis quibusdam Hebræis latronibus esset infesta, qui Deum sibi solum Regem esse statuentes, Romano propterea se Imperio non esse subjectos jactabant; cumque probabile sit, latronem hunc, de quo loquimur, ex eorum numero fuisse, sane eximia fuit divinæ gratiæ vis, qua Christum credidit & factus est Regem. *Et dicebat ad Jesum: Domine memento mei, cum veneris in Regnum tuum.* Hæc procul dubio ad cœleste Regnum sunt referenda: noster enim Servator saturatus opprobriis jam in mortis limine versabatur non ad Regnum illud, cujus Messiam fore compotem Judæi somniaverant, nec ad terrenum illum dominatum, quo futurum sibi falso pollicebantur, ut Israelitici Regni splendor restitueretur & gloria. Quamobrem exclamat S. Leo Serm. 2. de Passione: Tom. 1. oper. pag. 120. *Quæ istam fidem exhortatio persuasit? quæ doctrina imbuit? Quis Predicator accendit? Non viderat prius acta miracula; cessaverat tunc languentium curatio, cæcorum illuminatio, vivificatio mortuorum; ea ipsa, quæ morerant gerenda, non aderant; Et tamen Dominum confitetur Et Regem, quem videt supplicii sui esse consortem.* Nunc vero de verbis, quæ illi dixit Jesus, *hodie mecum eris in Paradiso*, pauca quædam observabimus.

98 Marcionem ea verba ex Lucæ Evangelio sustulisse, narrat Epiphanius Hæres. Marcion. & Origenes refert, eadem verba itidem deleta fuisse a quibusdam simplicioris ingenii Catholicis, quod putarent non posse cum eo congruere, quod nobis traditum est de Christo Domino, cujus corpus eo die in sepulcro erat, anima autem in sinum Abrahæ descenderat, ut inde Patriarcharum animas secum abduceret. Hefychius Hierosolymitanus post vocem illam *Hodie*, comma ponebat, ut sensus esset: Tibi hodie dico *mecum eris in Paradiso*. Verum ut recta ex iis Jesu Christi verbis eruatur sententia, non est opus tanto molimine; ut observat Calmetus in cap. 23. Joann. num. 43.

99 Justinus Martyr qu. 75. 76. & 85. ad Orthodoxos ait, Paradisum illum terrestrem intelligendum esse, unde pulsus est Adam. Verum præterquamquod nulli compertum est, quandiu ille Paradisus extiterit, quove tempore sublatus fuerit; hujusmodi sententia cum petitione Latronis minime convenit. Latro enim non terrestrem Paradisum, sed Beatorum Sedem, & cœlestem Dei visionem postulaverat. S. Cyrillus Catechesi 13. pag. 198. edit. Maurin. *Nondum, inquit, Abraham ille fidelis ingressus est, Et Latro ingreditur; nondum Moyses Et Propheta; Et Latro intrat.* Ex quibus verbis intelligi potest Cyrillum putasse, pri-

Judæam infestabant, nec illum sibi Regem esse, quam Deum dicebant. Singularis gratia Dei, quod Latro Christum Regem crediderit.

Quo sensu intelligenda, illa, Hodie mecum eris in Paradiso.

D. Augustinus & D. Thomas vocis illius hodie explicatio. Quis Paradisus ille sit, quem Latro nominat.

..mum

num omnium fuisse latronem, cui visione beatifica contingerit perfrui. Advertit Antonius Augustinus Toutée ad illum S. Cyrilli locum, eam posse tribui Cyrillo sententiam, ut Christus ad Inferos vigesima quarta diei hora descenderit, postquam antea Latronem in Paradisum adduxisset. Verum expeditior & apertior sententia Cyrilli verbis tribui potest, primum scilicet omnium Latronem fuisse, cui Christus Paradisum pollicitus sit. Quod vero attinet ad vocem *hodie*, quæ Interpretes tantopere exercuit, docet D. Augustinus epist. 187. alias 57. ad Dardanum cap. 3. verba illa, *hodie mecum eris in Paradiso*, non de Paradiso intelligenda esse; non enim Christus illo venturus erat die in Paradisum: *Non ex his verbis in Cælo existimandus est esse Paradisus; neque enim ipso die in Cælo futurus erat homo Christus Jesus*: sed ita intelligenda esse, ut Paradisus esset in Inferno, quo anima Christi illo die futurum erat ut descenderet. Restat igitur, ut si secundum hominem dictum est, *Hodie mecum eris in Paradiso*; in Inferno intelligatur esse Paradisus, ubi erat eo die futurus secundum humanam animam Christus. Et D. Thomas, qui nunquam ab Augustino recedit, 3. par. qu. 52. art. 4. ad tertium hæc scribit: *Illud verbum Domini est intelligendum non de Paradiso terrestri corporeo, sed de Paradiso spiritali, in quo esse dicuntur, quicumque divina gloria perfruuntur. Unde Latro loco quidem cum Christo ad Infernum descendit, ut eum Christo esset, quia dictum est ei: Mecum eris in Paradiso: sed præmio in Paradiso fuit, quia ibi Divinitate Christi fruebatur, sicut & alii Sancti*. Maldonatus in cap. 27. Matthæi num. 44. varias affert loci hujus intelligentias: ait enim nomine Paradisi Cælum a quibusdam accipi, quo etsi Christus non nisi post quadraginta dies ascendit, tamen ut Deus ubique est, & ideo eodem illo die in Cælo erat: alios existimare scribit, Paradisum quemcumque locum vocari, ubi sit Christus, & unde Deus perspicitur; animam autem Latronis futuram Christo fuisse comitem, eodemque die Deum visuram; vere propterea dictum esse, futurum ut eo die cum Christo esset in Paradiso. Utramque refutat Maldonatus sententiam; eamque demum amplectitur, quæ statuit, Paradisi nomine intelligendum esse Abraham suum, ubi Sanctorum animæ, donec ad Cælum pateret aditus, morabantur: illuc enim eo die Christus descendit; illuc Latronis animam secum adduxit. Hæc sententia probatur Lamy, qui Harm. Evangel. lib. 5. cap. 35. Christi verba ita explicat: Non modo tui memor ero cum Regnum meum suam plenitudinem consequetur, sed hodie magna tibi afferam solatia, & ad illam te sedem mecum adducam, ubi tranquille degunt animæ Abraham, Isaac, Jacob.

100 Tertia, quæ Christus protulit verba, refert Joannes cap.19. v.25. *Stabant autem juxta Crucem Jesu Mater ejus, & Soror Matris ejus Maria Cleopha, & Maria Magdalene. Cum vidisset ergo Jesus Matrem, & Discipulum stantem, quem diligebat, dicit Matri suæ: Mulier ecce filius tuus. Deinde dicit Discipulo: Ecce mater tua. Et in illa hora accepit eam Discipulus in sua.*

Tertia Christi verba in Cruce.

101 Quænam illa fuerit Maria Magdalene, quæ Crucifixioni adfuit, nos alibi examinabimus. Interea satis sit hæc adnotasse: Discipulum, quem diligebat Jesus, fuisse Joannem filium Zebedæi: Mariam Cleopha, quæ simul cum B. Virgine & Maria Magdalene morti Christi Jesu adfuit, juxta probabiliorē sententiam forem fuisse B. Mariæ, & uxorem Cleopha, qui fuit Pater Jacobi minoris: Christum Dominum Beatam Virginem ideo matris nomine non appellasse, quod ejus commiseresceret:

..... matrem sine nomine Matris,

Ne Materna pium cruciaret viscera nomen.

ut cecinit Jo: Baptista Mantuanus. Ut autem præcipuum suum in Matrem amorem declararet, ei dixisse, ut Joannem deinceps in filii loco diligeret; itidemque Joanni, ut B. Mariam perinde ac Matrem coleret: Joannem mandata Christi abunde implevisse; qui omni officio & pietate B. Mariam semper coluit, domi secum habuit, donec mansit in Palæstina, profectusque Ephesum eam secum adduxit, ubi tandem Beata Mater ex hac vita ad Cælum convolavit. Quod autem Christus Joanni Matrem commendaverit, sacri inde Interpretes arguunt, D. Josephum tum temporis in vivis non fuisse. Vid. Calmet. in cap.19. Joann. num.27. & Natalem Alexandrum ad idem caput num.25. & seqq.

102 Quarta Christi verba refert Matthæus cap.27. v.46. *Clamavit Jesus voce magna dicens: Eli Eli lamma sabasthani? hoc est, Deus meus, Deus meus, ut quid dereliquisti me?* Et Marcus cap.15. v.34. *Exclamavit Jesus voce magna dicens: Eloi Eloi lamma sabasthani? quod est interpretatum: Deus meus, Deus meus, ut quid dereliquisti me?* Narrat uterque Evangelista, eos qui aderant credidisse, illum Eliam inclamasse. Quinam hi fuerint, id qui crediderint, non satis exploratum esse potest. Quidam putant fuisse Romanos linguæ Hebræicæ imperitos. Alii vero animadvertentes Romanis Eliam hominem fuisse plane ignotum, putant fuisse Judæos Hellenistas, qui Hebræicæ quidem linguæ imperiti, quis esset tamen Elias, probe noverant. Sunt alii, qui arbitrantur, fuisse Judæos Hierosolymitanos, qui licet linguæ periti, se non intelligere simularunt, ut Christum irriderent. Vid. Calmet. Corncl.

Discipulus, quem diligebat Jesus, erat Joannes Zebedæi filius. Maria Cleopha uxor, soror B. Mariæ. Ephesi B. Maria oblit S. Joseph tempore crucifixionis jam e vivis abierat.

Quarta Christi verba. Eli Eli lamma sabasthani? hoc est, Deus meus, Deus meus, ut quid dereliquisti me? Et Marcus cap.15. v.34. Exclamavit Jesus voce magna dicens: Eloi Eloi lamma sabasthani? quod est interpretatum: Deus meus, Deus meus, ut quid dereliquisti me? Narrat uterque Evangelista, eos qui aderant credidisse, illum Eliam inclamasse. Quinam hi fuerint, id qui crediderint, non satis exploratum esse potest. Quidam putant fuisse Romanos linguæ Hebræicæ imperitos. Alii vero animadvertentes Romanis Eliam hominem fuisse plane ignotum, putant fuisse Judæos Hellenistas, qui Hebræicæ quidem linguæ imperiti, quis esset tamen Elias, probe noverant. Sunt alii, qui arbitrantur, fuisse Judæos Hierosolymitanos, qui licet linguæ periti, se non intelligere simularunt, ut Christum irriderent. Vid. Calmet. Corncl.

ncl. a Lapide, & Nat. Alexand. in cap. 27. Matthæi. Syriaca vero sunt verba, *Eli Eli lammaſabaſebani*; nam poſt reditum a Babilonia Hebræi vulgo ea uſi ſunt lingua, quæ ex Hebraica & Chaldaica ſimul permixtis coaluit. Maldonatus in cap. 27. Matthæi num. 47. ex omnibus illis, quas modo recensuimus, ſententiis de eo quod quæritur, quinam tandem iſi fuerint, qui exiſtimarunt Chriſtum invocaffe Eliam, eam amplectitur, quæ ſtatuit id a Romanis creditum eſſe: *aſſirmare Romanos milites fuiſſe audeo*. Haud porro rationem aſſert. Matthæus & Marcus narrant, illos, ſeu illorum aliquem, qui dixit, *Eliam vocat iſte*, eundem illum fuiſſe, qui Chriſto acetum obtulit: Lucas autem & Joannes ſcribunt, eos qui acetum obtulerunt, fuiſſe milites; unde conſici videtur Romanos fuiſſe milites, qui Chriſtum invocare Eliam crediderunt. Idem Maldonatus num. 46. conſiderat, apud Matthæum Chriſtum exclamaſſe *Eli Eli*, & apud Marcum *Eloi Eloi*, apud Hebræos autem idem eſſe *Eli*, & *Eloi*, utroque enim, inquit, modo Hebræi dicunt, Deus meus, & *Eli*, & *Eloi*. Quæritur igitur, utra Chriſtus tandem ſit uſus voce, conſicitque Maldonatus, non *Eloi*, ſed *Eli* adhibuiſſe vocem, tum quod verba recitabat ex Pfal. 21. tum quia adſtantes crediderunt, Eliam ab eo fuiſſe vocatum.

*Exempla Calvinii
blaſphemio.
Non illa fue-
re verba Chri-
ſti desperan-
tis, ſed magis
dolorum ſuo-
rum acerbita-
tem declaran-
tis.*

103 Verba illa fuiſſe Chriſti desperantis nefaria auſus eſt aſſirmare blaſphemio impius Calvinus; propterea quod omnem Dei iram, quam peccata noſtra concitaſſent, ideoque etiam damnatorum poenas, inter quas desperatio, experiri Chriſto oportuit. Quæ quidem horribilis blaſphemia ſe ipſa jugulat. Si enim Chriſtus pendens e Cruce desperavit, graviter profeſto peccavit, nec propterea Dei iram placavit, quin imo magis incendit. Huc accedit, quod cum jam in eo eſſet ut expiraret, dixit: *Pater in manus tuas commendo ſpiritum meum*; quæ profeſto verba non ſunt desperantis. Statuendum eſt igitur juxta Pfalm. 21. qui totus eſt de Chriſto, ubi habetur: *Deus, Deus meus respice in me, quare me dereliquiſti?* verba Chriſti non ex impatientia, aut diſſidentia eſſe orta, nec iſi ſignificari, ejus humanitatem in extremis vitæ doloribus a Divinitate fuiſſe dereliſtam, aut æterni Patris benevolentiam imminutam; ſed atrociffimos animi dolores cruciatuſque corporis, omneſque illas acerbitates declarari, quas æterni Patris juſſu perferebat, ut quibus reum ſe ipſe ſuppoſuerat, omnium omnia crimina expiarentur. Digni ſane ſunt qui legantur Sermones Leonis Magni de Paſſione Domini 65. & 66. ubi plurima reperias, quæ huc reſpiciunt. Eſtius in cap. 27. Matthæi docet, non ideo in hunc modum Chriſtum exclamaſſe, ut ſignificaret,

ficaret, a misericordia Dei se penitus esse rejectum, quemadmodum ii rejiciuntur, qui in desperationem inciderunt; sed illud ostendere voluisse, humanam naturam suam tot, tantisque acerbitatibus esse circumfusam, nihil ut solatii a divina natura, quæ illi unitate personæ conjuncta erat, acciperet. Christus enim ita acerbissimas sentire voluit poenas, ut merus quilibet homo sensisset. Advertit etiam, paullo ante Christum Patris nomine Deum compellasse: *Pater, in manus tuas commendo Spiritum meum*. Quærendum propterea, cur omisso nomine Patris, Dei nomine postea usus sit: *Deus meus, Deus meus, ut quid dereliquisti me?* Cumque responderi posse videat, hæc verba ex Psalmo, quem supra diximus, esse desumpta, ubi est nomen Dei, non Patris, notat, illa etiam, *In manus tuas commendo Ee*, ex Psalmo sumpta esse. Sicut autem Christus hoc loco voci *Domine* vocem *Pater* substituit, eodem modo videtur haud ægre pro *Deus meus* debuisse vocem adhibere *Pater meus*: atque ita tandem concludit: *Cur id non fecerit, afferri potest ratio, quia non conveniebat, ut Filius diceret se a Patre derelictum; cum illis nominibus summa inter eos charitas, & conjunctio significetur: sed creaturam, id est hominem ab eo relinqui in pœnis non inconvenienter dicitur, quia Deus est totius creaturæ Dominus*. Addit præterea, Christum, cum peccatoribus a Deo misericordiam petit, voce *Pater* jure optimo uti: *Pater dimitte illis*; eandemque adhibere vocem, cum suum Spiritum Deo commendat: *Pater in manus tuas Ee*. Eo enim charitas, dulcisque continetur conjunctio. Adversus autem Galvini blasphemiam, qui ait Christum desperasse, vel ipse Gerardus Vossius Harm. Evang. cap. 9. quæ tandem id dici possit, vehementi quodam animi impetu rogat, cum ipse Christus iisdem illis verbis se ad Deum convertat, *Deus meus, Deus meus*. Grotius vero in Matthæum, & Glasius lib. 5. Tract. 2. cap. 5. probant, tum in Græco, tum in Hebraico sermonè verba illa *ut quid præcantis esse verba, non desperantis*. Videatur etiam Maldonatus in cap. 27. Matthæi, qui refutato impio illo Galvini errore exclamat: *Faceßat igitur ista blasphemia. Satis blasphemiarum a Judæis in Crucæ pendens Christus accepit: opus non est, ut ab hæreticis interpretibus ad dexteram Patris sedens plures accipiat*.

104 Quinto loquutus est Jesus, cum scire se dixit; & acetum illi præbitum est. Id vero solus Joannes refert cap. 19. v. 28. *Postea sciens Jesus, quia omnia jam consummata sunt, ut consummaretur Scriptura, dixit: Sitio*. Matthæus postquam narravit Christum exclamasse, *Eli Eli lammasababthani*, iisque verbis quosdam credidisse Christum Eliam inclamare, pergit: *Unus ex eis accepit*

Tom. X.

F f

ptam

*Quinto Christi
verba. Acce-
tum illi præ-
bitum est.*

ptam spongiam implevis aceto, & imposuit arundini, & dabat ei bibere; atque alios dixisse: Sine videamus an veniat Elias liberans eum. Consonat S. Marcus cap. 15. v. 36. *Currens autem unus, & implens spongiam aceto, circumponensque calamo posum dabat ei dicens: Sinite videamus an veniat Elias ad deponendum eum.* Et Lucas cap. 23. v. 36. *Illudebant autem ei & milites accedentes, & acetum offerentes ei.* Et Joannes loco supra cit. v. 29. *Vas ergo erat positum aceto plenum. Illi autem spongiam plenam aceto byssopo circumponentes obtulerunt ori ejus.*

In ea re impleta Scripturarum oracula. Multa Christo Jesu fuisse illius festis causa.

105 Haud mirum esse ait Lyranus, Jesum, tot jam laboribus exantlatis, tantaque sanguinis copia effusa, sitim esse perpersum. *Tantum laboraverat, & de sanguine emiserat, quod corpus ejus erat dissecatum, & adustum, & propter hoc sitiebat supra modum.* Sitis hujus, qua Servator noster laboraverit, causas fuisse persequitur Joannes Jacobus Schevchzerus in *Physica Sacra* in textum S. Joann. cap. 19. longo illum tempore cibo potuque abstinuisse; diutissime vigilasse; huc & illuc violenter raptatum discurrisse; magnam vim sanguinis amisisse; spineam coronam capite gestasse; flagellis teterrime caesum, ignominiosissimum mortis genus praefens animo habuisse; infinitos in Cruce sustulisse cruciatus; in ipsa Cruce pendentem totum pene sanguinem profudisse; viscera ejus ex inflammatione conflagrasse, & in pectoris cavum lympham defluxisse. Scripturas vero in hac re impletas, luculentissime patet. Psalmo enim 68. v. 22. habetur: *Dederunt in escam meam fel, & in siti mea potaverunt me aceto;* cujus prima pars oraculi spectat ad id, quod supra narravimus de vino felle mixto, de quo loquitur etiam Matthaeus cap. 27. v. 34. *Et dederunt ei vinum bibere cum felle mixtum;* altera pars ad illud pertinet, de quo nunc agimus, ut observat Suarez 3. par. tom. 2. disp. 37. §. *Ultimo tandem.*

Semelne, an saepius Christo acetum oblatum fuerit. Conciliantur Evangelista.

106 Putant nonnulli, S. Cyrillo sibi duce adscito, saepius Christo Domino oblatum fuisse acetum; nam, ut dudum ostendimus, quidam Evangelistae dicunt, praebitum illi acetum postquam dixisset; *Eli Eli lammasabaibani;* & S. Joannes narrat, id factum esse, postquam Jesus dixisset: *Sitis.* Huc accedit, quod Matthaeus narrat, quemdam ex iis, qui aderant, Christo acetum obtulisse, ceteros vero dixisse: *Sine, videamus.* At Marcus cap. 15. v. 36. ait, illum ipsum, qui acetum obtulit, dixisse ceteris: *Sinite videamus, si veniat Elias ad deponendum eum.* Verum nihil opus esse videtur, ut acetum saepius illi oblatum dicamus; nam quod scribat Joannes, Christum dixisse, *Sitis*, idque taceant alii Evangelistae, non inde inferri potest, aut Evangelistas inter

inter se discrepare, aut ad tollendam discrepantiam oportere actus multiplicari. Nam S. Joannes, qui enucleate omnia, quæ contigerunt in Passione Christi, descripsit, aliquid amplius narravit, quod alii quidem tacent Evangelistæ, non tamen negant. *Alii Evangelistæ quamvis hoc prætermiserint, non tamen negarunt*, ait Suarez loc. cit. §. *Majorem*. Quod vero attinet ad discrimen inter *sine*, & *sinite*, vide a Lapide in cap. 27. Matth. vers. 49. Pulcre observat Maldonatus in cap. 26. Matthæi num. 48. Matthæum & Marcum ita eam rem narrare, ut militum quidam accurrisse videatur, qui acetum caperet, cum Jesus Eliam visus est inclamasse; quæ quidem non satis constant, (*quæ non satis inter se videntur coherere*) quid enim aceto cum *Eli*? Ostendit itaque, historiam hanc a Joanne illustrari; qui narrat, Jesum, qui probe noverat consummata esse omnia, se scilicet ea passum, quæ Patris sui decreto debuerat perpeti, nec quidquam aliud reliqui sibi esse, quam spiritum emittere, sitire se dixisse, ut Scriptura impleretur; atque ita sitim suam eandem esse, de qua David in Psalmo supra allato cecinerat; jamque tempus incidisse, cum, ut Scriptura impleretur, acetum sibi esset propinandum.

107 Cur autem, & quomodo acetum illi oblatum fuerit, longe difficilior est explicare. Ajunt Matthæus, & Marcus, spongiam aceto imbutam arundini impositam fuisse; Joannes vero & hyssopum aceto addidit. Nam hyssopum arundinis usum præbuisse, non ita facile quis credat, qui sciat hyssopum mollem esse herbam haud ita altam, cujus codex sustinendæ spongiæ prorsus impar est. Quamobrem lib. 3. Regum cap. 4. v. 33. Salomon *disputavit super lignis a cedro, quæ est in Libano, usque ad hyssopum, quæ egreditur de pariete*: quibus verbis ejus herbæ exilitas demonstratur. Idcirco aliqui ex Sacris Interpretibus arbitrati sunt, hyssopum aceto fuisse permixtum; eoque liquore spongiam imbutam. Nonnulli putant spongiam hyssopo veluti quodam funiculo alligatam fuisse arundinis vertici; alii calathiscum implexis hyssopi ramusculis intextum, quo aceto imbuta spongia contineretur. Calmetus in cap. 27. Matthæi vers. 48. & cap. 19. Joan. vers. 29. suffragari sententiæ illorum videtur, qui spongiam putant hyssopi calamo fuisse impositam. Duplex enim observat hyssopi genus, alterum parietarium, quod parietibus, alterum vallense, quod in campis innascitur ad sesquipedis, & interdum ad duorum altitudinem pedum assurgens: justæ autem proceritatis hominem, duos qui pedes longum baculum teneat, posse ait, sublati brachiis, ad altitudinem novem pedum pertingere; nec eo amplius opus esse, ut quis os hominis in Cruce pendentis attingat. Cruces

Duplex hyssopi genus: Spongia imposita fuit hyssopo vallensi, qui ad duos pedes assurgit, non parietario, quæ mera est herba.

enim plerumque haud ita sunt altæ, ut etiam, quod in historiis proditum est, crucifixorum corpora a feris interdum discerperentur; quod S. Blandinæ corpori contigisse narrat Eusebius lib. 5. cap. 1. & fusc offendit Lipsius de Cruce lib. 3. cap. 2. & Gretserus itidem de Cruce lib. 1. cap. 7.

Fortasse acetum fuit militibus attulerit, quod apud Romanos milites potus ille esset optatus. Probatur acetum etiam crucifixis, ut acriter torquerentur.

108 Verisimile etiam eidem Calmeto videtur, milites acetum secum attulisse, quo, cum scirent se diu multumque ibi servandis crucifixorum corporibus remansuros, vires rescicerent, ac recrearent. Quam sententiam juvat Spartiani locus in Pescennio Nigro cap. 10. *Idem iussit vinum in expeditione neminem bibere, sed acetum universos esse contentos.* Nec refragatur Synopsis Critic. sacr. quæ in cap. Joann. 19. pag. 1373. militum quidem ait usitatum potum ad sedandam sitim fuisse acetum, sed eos Christo illud obtulisse, ut illum irriderent. Illud tamen addit, acetum paratum esse, crucifixis exhibendum, quo vel maturius interirent, vel prorogata diutius vita acrius torquerentur. *Acetum pro crucifixis paratum erat, vel ut citius morerentur, nam acetum valde vulneratis nocet, vel potius ut diutius in tormentis viverent; acetum enim & semianimes recreat appositum ori, aut naribus, & sanguinem copiose fluentem sistit admotus vulneribus; vel ut sitim reslingerent. Certi scimus est milites Romanos, & pauperes alios acetum vini loco bibisse. Christo autem dederunt, ut ei illerent, pro juvante, & iuendo potu nocentem, & acetum offerentes.* Baronius ad ann. Chr. 34. num. 124. & sequen. acetum & hyssopi naturam spongiæque usum expendens ait, ea omnia esse adhibita, ut prolata crucifixis vita cruciatus etiam prorogaretur. Quid calamus, quid hyssopus fuerint, quoniam modo spongia, acetum, & hyssopus adhibita sint, fusc explicant Maldonatus loc. cit. Lamy Concord. Evang. lib. 5. cap. 35. & Joannes Jacobus Schevchzerus in Physicæ sacræ loco superius allato.

Incertum, quid Christo acetum obtulerit.

109 Non nemo existimat a Judæo oblatum fuisse Christo acetum. Sed ab aliquo præbitum est qui Cruci esset proximus; & Hebræi quidem Romanis immixti militibus proximi erant, sed militum erat crucifigere, & Crucem custodire; ex quo verisimile sit, non a Judæo, sed a Romano milite acetum fuisse oblatum; præsertim vero cum Lucas cap. 23. v. 36, a militibus id factum esse scribat: *Illudabant autem ei & milites accedentes, & acetum offerentes ei.* Sunt etiam qui credant, acetum oblatum, spongiamque adhibitam ad sanguinem cohibendum, Sed hoc non facile intelligi potest; non enim acetum haustum e vulnere exeuntem sanguinem remoratur, cumque spongia ori, non manibus, aut pedibus adhibita sit, unde magna vis sanguinis defluebat, aperte inde

apparet, acetum non cohibendi sanguinis gratia fuisse oblatum. Ita argumentatur Casaubonus Exercit. 16. num. 87. qui num. sequen. scribit, morem fuisse parandi acetum, ut iis, qui animo defecissent, spiritus revocaretur; milites vero, ut Servatori nostro magis magisque illuderent, acetum obtulisse. Porro in re, quæ in sacris litteris non admodum enucleatur, omnes opiniones afferimus de aliqua ejus circumstantia, ut quam quisque probaverit, eam amplectatur: nullam enim esse novimus de ea circumstantia, de qua loquimur, Traditionem.

110 Romanus Pontifex, cum solemnem celebrat Missam, Sanguinem e Calice per fistulam exorbet, idemque Diaconus, & Subdiaconus. Nonnulli putant, usum fistulæ introductum, ut, cum Summi Pontifices provectiore plerumque sint ætate, arceatur periculum effundendi sanguinis Christi. Verum Rocca in Tractatu de solemni Communione summi Pontificis tom. 1. Operum suorum pag. 27. hanc rationem minime probat: si enim hujusmodi ratio firma esset, etiam in Missis privatis ad eundem modum oporteret sanguinem a Romano Pontifice sumi; quod minime fit: neque id opus esset Diacono & Subdiacono, quorum ætas plerumque haud ita gravis. Itaque adhiberi ait fistulam a Romano Pontifice, ut representetur arundo, cui sponsia fuit imposita, quæ aceto imbuta Christi ori admota est; eodemque modo a Diacono & Subdiacono ebibi sanguinem, ad significandam communicationem Passionis Christi. *Calamo denique summus Pontifex ipse hauriendo Christi Sanguine utitur, ut calamus Christo cruci affixo porrectum ad potandum, amarissimamque Passionem exprimat. Ministri vero, Diaconus scilicet Cardinalis, & Subdiaconus Apostolicus eodem utuntur calamo ad ejusdem Passionis communicationem insinuandam.* Hæc Rocca pag. 31.

111 Nos eam evertere rationem minime volumus, quam tamen meram tantummodo cogitationem ex Auctoris pietate profectam putamus, nullo alioquin fultam veteri monumento; atque illud esse in causa arbitramur, quomobrem hoc modo Romanus Pontifex, Diaconus, & Subdiaconus sanguinem ebibant, ut vetus retineatur consuetudo, qua quondam populo sub utraque specie Eucharistia præbebat. *Quia sanguinis* (inquit Lindanus in *Panoplia Evangelica* lib. 4. cap. 56.) *effuso propter incul-tioris populi rusticitatem merito timebatur, Calicibus canna est ser-ruminata affabreque inserta.* Agit etiam de hac re Macrus Vocabular. Eccl. verbo *Siphon*, ubi eundem fuisse ait usum fistulæ quondam etiam Abbati Montis Casini ad exsugendum Sanguinem Christi. De Abbate Casinensi quod scribit Macrus, illud testatur etiam

Romanus Pontifex in solemni Missa sanguinem per fistulam exorbet. Mystica allusio ad arundinem Christo porrectam ex Rocca.

Verius fortasse mos hic ad veterem disciplinam referatur.

etiam Joannes Baptista Cafalius de veteribus Sacris Christianorum ritibus cap. 81. qui præterea vetustas quasdam assert Carthusianorum Constitutiones, a Guigone compositas, qui S. Bernardo cœvus fuit. In iis hæc habentur cap. 40. *Ornamenta aurea vel argentea præter Calicem, & Calamum, quo Sanguis Domini sumitur, in Ecclesia non habemus.* Et quamvis cum Rocca consentiat, nos tamen a nostra sententia non recedimus; cum præsertim idem Cafalius fateatur; Innocentium III. ubi agit de Communionem summi Pontificis, non loqui de causa hauriendi sanguinem per fistulam, quam causam ille Pontifex, cæteroquin a symbolice sacrorum mysteriorum explicationibus minime alienus, non allegoricam agnovit, sed historicam.

*Sexta Christi
verba in Cru-
ce. Lutherano-
rum & Cal-
vinistarum pro-
fligator inter-
pretatio.*

112 Sexta, quæ Christus protulit verba refert Joann. cap. 19. v. 30. *Cum ergo accepisset Jesus acetum, dixit: Consummatum est,* ut jam impleta esse oracula ostenderet, iisque, quas prædixerat, acerbitatibus omnibus se jam esse perfunctum. *Complete sunt Scripture: non est amplius, quod insaniam populi furentis expectem: nihil minus pertuli, quam me passurum esse prædixi;* ut ait S. Leo serm. 53. 4. de Passione pag. 123. Tom. 1. Lutherani & Calvinistæ ut Sanctissimum Eucharistiæ Sacrificium de medio tollant, omnemque satisfactionem nostram funditus repudient, sane nimis perperam verbis illis *Consummatum est* abutuntur; perinde ac si Christus declarare voluerit, omnia sacrificia esse expleta; nullum deinceps aliud offerendum; nihilque jam reliqui esse ad plenam satisfactionem, & sanctificationem nostram. Verum cum Servator noster ita loquutus penderet e Cruce, & pro nobis tot tantosque cruciatus esset perpeffus, quis non intelligat, iis verbis illud significare voluisse, omnibus se perfunctum esse cruciatibus, quos sibi ipse destinaverat perferendos, nec quidquam aliud sibi reliquum esse, quam mortem oppetere, & *ponere animam*, quam non alio consilio assumerat, quam ut moreretur, nec alia de causa, quam ut moreretur, retinebat? Haud sane negaverimus, inter veteres Scriptores fuisse nonneminem, qui verba illa *consummatum est* ita interpretatur, ut Christus Jesus veteris legis figuras impletas esse significare voluerit. Verum bonam hic postulamus fidem; quid interpretationi huic cum abolendo Eucharistiæ Sacrificio? Quid cum nostrorum operum satisfactione explodenda? cum præsertim veteres iidem Scriptores eam interpretationem sequuti; & Sanctum Eucharistiæ Sacrificium, & bonorum operum satisfactionem admiserint. Vide Maldonatum in cap. 27. Matthæi num. 50.

113⁵ Postrema verba denique tradit Lucas cap.23. v.46. *Et clamans voce magna Iesus ait: Pater in manus tuas commendo spiritum meum; & hæc dicens expiravit.* Ac de valido vocis Christi clamore Matthæus cap.27. v.50. idem testatur *Iesus autem iterum clamans voce magna emisit spiritum.* Item Marcus cap. 15. v.37. *Iesus autem, emissa voce magna, expiravit.* Et paulo post v.39. *Videns autem Centurio, qui ex adverso stabat, quia sic clamans expirasset, ait: Vere hic homo Filius Dei erat.* Neque enim est intra fines naturæ, ut tot cruciatibus fractus, ac propemodum prostratus homo in ipso mortis limine ea verba tanto clamore proferat. Cornelius a Lapide in cap.27. Matth. vers.50. putat, magna voce Christum clamasse adhibitis viribus, quas illi Divinitas suppeditabat. Verum D. Thomas 3. part. qu.47. art.1. ad secundum docet, Christum, ut declararet non per vim sibi animam adimi, robur corporis ita sibi conservasse, ut in extremo vitæ momento tanto vocem clamore potuerit tollere. *Dicendum, quod ut Christus ostenderet, quod Passio illata per violentiam ejus animam non eripiebat, naturam corporalem in sua fortitudine conservavit, ut etiam in extremis positus voce magna clamaret.* Unde autem illæ vires profectæ, apertissimum certe est tanti clamoris miraculum. Maldonatus in cap.27. Matthæi num.46. locum illum de Christo in Ep. ad Hebræos expendit: *In diebus carnis sue preces supplicationesque ad Deum, qui possit illum salvum facere a morte, cum clamore valido, & lacrymis offerens, exauditus est pro sua reverentia.* Deinde ait, id humanæ naturæ vires superasse, ut Christus Iesus jam ferme moriens alta voce clamare potuerit. *Soles enim non solum morientes, sed timentes etiam mortem vox in primis desicere.* Cujus miraculi vim, magnitudinemque etiam juxta naturæ leges illustravit Joannes Jacobus Schevcherus in *Physica sacra* ad cap.27. Matthæi vers.46. & vers.50. De Centurione ita Matthæus cap.27. v.54. *Centurio autem, & qui cum eo erant custodientes Jesum, viso terræmotu, & his que fiebant, timuerunt valde dicentes: Vere Filius Dei erat iste.* Et Lucas cap.23. v.47. *Videns autem Centurio quod factum erat, glorificavit Deum dicens: Vere hic homo justus erat.*

114 Discrepare ea in re fortasse videantur inter se Evangelistæ. Marcus enim confessionis, quam Centurio edidit, causam tribuit magno vocis clamori, quam Christus protulit in ipso mortis momento; cæteri vero Evangelistæ eam causam in terræmotum conferunt, aliaque prodigia, quæ tunc evenere. Præterea Matthæus, & Marcus tradunt, Centurionem dixisse: *Vere hic homo filius Dei erat*; Lucas autem: *Vere hic homo justus erat.* Quivis tam

Postrema
Christi verba.
Clamor Christi
tot cruciatibus
fracti miraculo
adseribendus.

Centurio &
clamore Christi,
& terræmotu,
aliisque
prodigiis per-
motus facit
Christum esse
Dei filium.
Conciliorum
Evangelistarum
ex D. Augu-
stino.

men facile intelligat, Centurionem & ab illo clamore, & ab iis quæ tum acciderunt, æque potuisse ad credendum impelli, ut nulla propterea ea de re sit Evangelistarum pugna. Quod autem spectat ad Centurionis verba, quæ varie ab Evangelistis referuntur, ita S. Augustinus lib. 3. de Consensu Evangelist. cap. 20. Tom. 3. op. edit. Maur. part. 2. Col. 130. *Sed vel utrumque dictum a Centurione intelligere debemus, & aliud illos, aliud istum commemorasse, vel fortasse Lucam exprimere voluisse sententiam Centurionis, quomodo dixeris Jesum filium Dei; Forte enim non eum Unigenitum æqualem Patri Centurio intellexerat, sed ideo Filium Dei dixerat, quia iustum crediderat, sicut multi iusti dicti sunt filii Dei.*

Quis ille centurio. Alii fuit a Longino.

115 Huic Centurioni quidam Longini nomen tribuunt, quem Christi Fidem amplexum, dimissa militia, ferunt Martyrii coronam consequutum esse, ut videre licet apud Metaphrastem ad diem 16. Octobris; Bollandistas ad diem 15. Martii; & Baronium ad ann. Chr. 33. num. 131. Cum iis consentit Menologium Græcorum ad diem 16. Octobris. In Ecclesia Latina fit commemoratio S. Longini militis, qui tamen est alius a Centurione; miles enim ille fuit, qui Christi latus lancea trajecit, ut est in Martyrologio Romano ad eundem diem *Cæsareæ in Cappadocia Pascho S. Longini, qui latus Domini lancea perforasse perhibetur.* Tillemontius Not. 38. ad vitam Jesu Chr. affert quæcumque Græci, & Latini de Longino, & Centurione tradidere; nec eorum probat sententiam, qui eos omnes Scriptores conciliare conati, putant Centurioni & militi idem Longini nomen fuisse, atque utrumque Martyrii palmam consequutum esse. Et Card. Gottus de verit. Relig. Christi. tom. 4. par. 1. in fine cap. 31. §. 2. num. 25. nihil ait posse statui de Centurione, incertumque omnino esse, & Martyrium, & nomen.

De prodigiis, quæ Christi mortem obsequuta sunt. Primum tenebræ a meridie toto terrarum orbe obortæ

116 Ad prodigia venimus, quæ Christi mortem sunt consecuta. Primum illud est, de quo Matthæus cap. 27. v. 45. *A sexta autem hora tenebræ factæ sunt super universam terram usque ad horam nonam;* idest a meridie usque ad tres horas post meridiem. Idem refert prodigium Marcus cap. 15. v. 33. *Et facta hora sexta, tenebræ factæ sunt per totam terram usque ad horam nonam.* Et S. Lucas cap. 23. v. 44. *Erat autem fere hora sexta, & tenebræ factæ sunt in universam terram usque in horam nonam, & obscuratus est Sol.*

Non Judæa solum, sed universa terrarum orbi eo solis e-

117 In eo prodigio existit controversia, Judææ ne soli, an toti terrarum orbi illo solis deliquio lux erepta fuerit? quod quidem lib. 4. de Canoniz. Sanctor. pertractavimus par. 1. cap. 25. num. 5.

num. 4. & sequen. ubi testimonio præsertim Phlegontis Hadriani liberti, qui sexdecim in libros distributam scripsit historiam, probavimus universo terrarum orbi solis lumen ademptum. Locus autem Phlegontis est: *Quarto anno centesima secunda Olympiadis magna & excelsa inter omnes, quæ ante eam acciderunt, defectio solis facta. Dies hora sexta ita in tenebrosam noctem versus, ut stella in Cælo vise sint; terraque motus in Bithynia Nicææ urbis multas ædes subvertit.* Hæc vero Eclipsis, quam refert Phlegon, cum tradita ab Evangelistis probe congruit; idem enim utriusque annus Tiberii Cæsaris decimus nonus, eadem hora sexta, & in utraque terra concussa est. Et quamvis Phlegon eam Eclipsim non dixerit contigisse in Plenilunio, id tamen haud negat, sed Astromicarum rerum imperitus prætermisit. Huetius vero in Demonstrat. Evangelica proposit. 3. scribit, Hadrianum Gressonium in historia Sinensi adnotasse, in illis Regionibus eodem illo tempore visam Solis extraordinariam Eclipsim, quæ Quamvultum Imperatorem vehementer commovit. Bertus tom. 5. de Theologic. discipl. lib. 29. cap. ult. pag. 587. multiplici eruditione ostendit, non Judæam modo, sed universum terrarum orbem tenebris circumfusus; idque fuisse miraculum: nihil enim ejusmodi lunæ pleno orbe potest contingere; trium autem spatio horarum tenebris illis foedatam Telluris faciem. Doctorum vero profert ætatis nostræ virorum auctoritatem, quibus adde Lamy Harm. Evang. lib. 5. cap. 35. pag. 596. Auctores etiam heterodoxi eandem tractant materiam. Antonius Bineus de morte Christi lib. 3. cap. 8. pag. 409. ait, se olim existimasse, tenebras universam terram ingruisse; deinde vero eam amplexum sententiam, quæ statuit solam Judæam illis tenebris involutam; eam tamen obscuracionem miraculo adscribendam esse fatetur. *Sol obscuratus modo quodam hominibus ignoto fuit, cum Scriptores sacri id alto silentio involvant. In eum ergo inquiritur omnino frustra. Illud cogitatum restans est, solem obscuratum esse ad indicandum immane atque horrendum Judæorum scelus.* Sagittarius Part. 2. histor. Pass. Christi cap. 17. nostram tuetur sententiam. In tom. 2. Dissertationum in Nov. Testam. e Museo Hasei & Ikenii extant binæ dissertationes, quarum altera Sigismundo Kifsling Auctore, *De labore solis, laborante sole justitiæ*; altera Gasparis Posneri *De singularibus ac mirandis quibusdam, quæ morte Christi in natura acciderunt*: quorum uterque cum Sagittario pugnat pro obscuracione universæ terræ; idque statuunt miraculo tribuendum, ut videre est pag. 368. num. 21. & sequi. & pag. 375. num. 35. & seq. Nec pulchra Teophylacti verba silei possunt, qui in cap. 27. Matthæi hæc scri-

Tom. X.

G g

bit:

bit: *Erant tenebræ in toto mundo, non in parte mundi, ut in Ægypto; ut monstraretur quod luceat in Passione Creatoris Creatura, & quod a Judæa lux recessisset: Judæi quoque petentes signum e Cælis, nunc videant solem obtenebrari.*

*Veli in
Templo discis-
so post Cb. isti
mortem. Con-
siliatur Lucas
cum reliquis
Evangelistis.*

118 Alterum prodigium est Veli, quod erat in Templo, discissio, de qua loquitur Matthæus cap.27. v.50. *Jesus autem clamans voce magna emisit spiritum. Et ecce Velum templi scissum est a summo usque deorsum* Et Marcus cap.15. v.37. *Jesus autem emissâ voce magna expiravit. Et velum templi scissum est in duo a summo usque deorsum.* Quibus verbis illud intelligitur, contigisse prodigium simul ac Jesus extremum spiritum exhalavit. Et quamvis Lucas cap.23. n.45. Veli scissuram cum obscuracione Solis conjungat, ac deinde Christi referat mortem: *Et obscuratus est Sol, & Velum templi scissum est medium.* Et clamans voce magna Jesus ait: *Pater in manus tuas commendo spiritum meum: & hæc dicens expiravit:* id tamen Evangelistæ fuit consilium, ut duo illa miracula simul conjungeret, ut Augustinus animadvertit de Consen. Evang. lib.3. cap.19. loco sup. cit. *Volens enim miraculum miraculo adjungere, cum dixisset: Sol obscuratus est; continuo subjungendum existimavit: Et velum Templi scissum est medium, præoccupans videlicet, quod expirante Domino factum est.*

*Templum
in tres partes
duobus oppan-
sis velis divi-
sum.*

119 Templum divisum erat in partes tres; quarum prima erat Atrium; interior altera, quæ dicebatur Sanctuarium; tertia, quæ sanctissima omnium erat, Sanctum Sanctorum appellabatur, quo nulli nisi summo Sacerdoti fas erat ingredi. Prima Populo, altera Sacerdotibus patebat; tertiam adire summo tantum Sacerdoti licebat, & semel quidem in anno in die Expiationis. Duobus eæ partes velis separabantur, quorum unum ante Sanctum Sanctorum oppansum, alterum ante Sanctuarium; ut constat ex Origene Tract.75. in Matthæum, ubi ita de Templo, ejusque duplici Velo: *Duo, inquit, esse vela, unum quidem interius, quod velat Sancta Sanctorum, alterum vero exterius sive Tabernaculi sive Templi.* Terna fuere vela Moysis ætate in Tabernaculo oppansa. Templum autem Salomonis, & alterum, quod, Salomonico disiecto, deinde ædificatum est, duo tantum habebant vela; nam pro tertio & extimo velo ipsæ erant Templi fores: ut ex cap.5. antiquit. Judaicarum Josephi, & lib.6. de Bello Judaico colligit Sagittarius Par.3. Hist. Pafs. Chr. cap.1. §.5. & 6. Quæritur itaque interiorne velum, an exterius in Christi morte scissum fuerit?

*Verius est, in-
terius velum
discissum, quod*

120 D. Hieronymus Epist. 150. ad Hedibiam quæst.8. Tom.1. op. cit. edit. Col.826. existimat exterius velum fuisse discissum.

Quæ-

Querendum quod velum Templi scissum sit, exterius, an interius? Mibi videtur in Passione Domini illud velum esse conscissum, quod in Tabernaculo & in Templo foris positum fuerat, & appellabatur exterius. Quia nunc ex parte videmus, & ex parte cognoscimus. Cum autem veneris quod perfectum est, tunc & velum interius dirumpendum est, ut omnia, quæ nunc nobis abscondita sunt, Domini Dei Sacramenta videamus. Contra S. Leo Magnus serm. 10. de Passione, & Cyrillus Alexandrinus in cap. 19. Joann. putant, discissum velum illud, quod ante Sanctum Sanctorum oppansum erat. Recentiores quoque alii alias sunt sequuti sententias. Gerardus Vossius Harmon. Evang. lib. 2. cap. 2. arbitratur, unum tantum fuisse velum in Templo: Si enim, ajens, duo vela fuissent, non dixissent Evangelistæ *Velum Templi scissum est*. Quam quidem opinionem futilem esse quis non videat? illud enim quod indefinite scribunt Evangelistæ, *Velum Templi scissum est*, satis verumprehenditur, si velorum alterutrum discindatur. Baronius ad ann. Chr. 34. num. 127. contendit, disruptum exterius velum fuisse, quod populo conspicuum erat. Serry Exercit. 57. num. 5. & Gottus cap. 31. §. 2. Baronio suffragantur; eosque, discissum qui affirmant velum Sancto Sanctorum oppansum, arguunt ignorantia, quod duo in Templo fuisse vela nescierint. Cum iis sentit Lamy Harm. Evangel. lib. 5. cap. 36. qui illud etiam monet, quod si fuisset intimum velum discissum, Sacerdotum dumtaxat oculis objectum esset miraculum illud, & quidem ea tantum hora, qua Sanctuarium ad lucernas accendendas, & thura adolenda ingrediebantur. Suarez tom. 2. 3. par. disput. 39. sect. 2. de ea re sibi fatetur non liquere. Casaubonus itidem non constare scribit Exercit. 16. in Baron. num. 90. utrum e duobus velis discissum sit a summo usque deorsum. Alii denique existimant, velum illud interius scissum esse, quod Sancto Sanctorum prætexebatur; quam sententiam ut communem nunc fere omnes sequuntur. Vid. Cornel. a Lapid. in cap. 27. Matth. vers. 52. & ad eundem locum Natal. Alexand. §. 26. & Calmet. vers. 51. qui observat, D. Paulum Epist. ad Hebr. cap. 10. scribere, Jesum Christum, utpote summum Sacerdotem, Sanctuarii viam per velum, idest per corpus suum, nobis patefecisse; ideoque Apostolum eam confirmare sententiam, quam posteriore loco attulimus; scissura enim veli ante Sanctum Sanctorum oppansi significat per mortem Christi patefactum nobis iter ad Cælum, disjectas Legis umbras, verumque Pontificem ad intima Templi adyta ingressum, ut omnes homines a peccato liberaret. Rivetus in Exod. cap. 26. vers. 31. veterum Hebræorum sequutus sententiam, probe textum intimum

hoc velum existimavit, nec fuisse pellucidum, ne cujusquam oculis pateret Sanctum Sanctorum, sed a summo Sacerdote tantum, qui eo introiret, videretur. Et Sagittarius loc. cit. num. 13. miraculi magnitudinem expendens notat, Velum illud fuisse densum, & firmæ materiæ, figuris segmentatis distinctum, nec pellucidum, nec ulla ex parte alligatum, ut ne venti quidem flatu commotum ullo modo posset diffindi. Quid causæ fuerit, cur velum diffunderetur, quærent Interpretes. Euthymius & Theophylactus in Matthæum dicunt, idcirco Deum ita voluisse, ut significaret a Templo divinam recessisse gratiam; & quo nulli fas antea fuisset ingredi, eo pateret omnibus aditus. Ad hanc sententiam alludit D. Hieronymus in Isaiam^o cap. 52. Tom. 4. op. cit. ed. col. 505. *Velum Templi a summo usque deorsum scissum est in duas partes, ut omnes Judæorum cæremonia panderentur, & eo tempore impleretur, quod in hoc eodem Propheta dicit: Ex Sion egredietur lex, & Verbum Domini de Hierusalem.* De Scissura veli varias Interpretum sententias refert Maldonatus in cap. 27. Matthæi n. 51.

*Quæstio mira-
cula sunt pro-
pter circum-
stantias. Hu-
iusmodi sunt
terramotus
miraculum.*

121 De tertio miraculo itidem Matthæus cap. 27 v. 51. *Terra, inquit, mota est, & petre scisse sunt, & monumenta aperta sunt.* De illo terramotu lib. 4. de Canoniz. Sanctor. par. 1. cap. 25. num. 31. disseruimus, ac miraculum fuisse demonstravimus. In eodem Opere nostro de Canonizatione observavimus, quoddam esse ostentorum & miraculorum genus, quæ prodigia quidem sint propter circumstantias, quibus eveniant; semotis tamen illis circumstantiis, nihil quidquam habeant, quod naturæ superet vires. Cui doctrinæ in hoc terræ motu locus est sane commodus. Terra enim eo ipso tempore contremuit, cum Christus humani generis Servator clavis Cruci affixus mortem oppeteret, perfidissimis Judæis illius necis auctoribus. Terra præterea tremefacta, plures veritatis viam ingressi sunt, & Crucifixum præpotentis Dei Filium esse, palam confessi. Quæ omnia notavit etiam Caspar Posnerus cit. Dissertat. *De singularibus & mirandis quibusdam, quæ morte Christi in natura acciderunt*, num. 26.

*In Judæa
tantum, an et-
iam alibi ter-
ra contremuit,
petre sue-
runt disrup-
ti, & aperta mo-
numenta.*

122 Quæritur, in Judæa tantum, an vero alibi etiam concussa terra sit, petre disruptæ, & aperta monumenta. Origenes Tract. 35. in Matthæum, in Judæa solum ea docet contigisse. *Nec enim extra Judæam petre discisse sunt, aut monumenta aperta sunt alia, nisi ea tantummodo, quæ in Hierusalem erant, aut forte in Terra Judææ: nec alia terra tremuit tunc, nisi terra Hierusalem.* Sane Matthæus cap. 27. v. 53. videtur innuere, non ultra Hierusalem, & vicinia loca monumenta aperta esse. *Exeuntes de monumentis, post Resurrectionem ejus venerunt in Sanctam Civi-*

ta-

tatem, & apparuerunt multis. Nam si aliter diceretur, fatendum esset, Sanctos homines in remotis regionibus e tumulis excitatos, mirifice per aera Hierusalem auctos esse; quod omnino tacent Evangelistæ. De Sanctorum illa resurrectione non est hic fufæ differendi locus. Sed ut pauca quædam attingamus, nonnulli putant, eos apertis monumentis vel ipso mortis Christi momento, vel paullo, post, revixisse, & cum Jesu ad Inferos descendisse, sive etiam, antequam Christus resurgeret, revocatos ad vitam extra Hierosolymam delituisse, quo ingressi sint postquam ille ad vitam rediit. *Delituerunt extra Urbem, donec resuscitato Christo ingressi sunt in Sanctam Urbem, ibique apparuerunt, ut simul & mortis & resurrectionis Christi gloria in ipsu appareret,* ut ait Lamy Concord. Evang. lib. 5. cap. 36. pag. 600. Verum commutis sententia est, tremefacta terra, monumenta quidem in Christi morte aperta esse, Sanctos vero cum eo revixisse, ut videre est apud Calmet. loc. cit. vers. 52. Natal. Alexandr. §. 27. Suarez loc. cit. §. *In quibus dubitari potest.* Terram porro fuisse concussam, & aperta monumenta, petrasque disruptas etiam longe ab Hierosolymis & Judæa, verisimile est, nec desunt apud Baronium ad ann. Chr. 34. num. 128. monumenta ex historia depromta, & apud Calmet. loc. cit. vers. 51. & Suarez loc. cit. §. *Quæri vero potest,* & Gretserum lib. 1. de Cruce cap. 33. qui veteri traditione ait esse acceptum, Alvernæ montem in Etruria, & Promontorium prope Cajetam eo terræmotu esse dissisa, ut hodie apparent. Et sane Phlegon terræmotum item ut solis deliquium commemorat: & D. Thomas 3. par. qu. 44. art. 4. ad tertium docet, petras esse disruptas *ad ostendendum, quod lapidea hominum corda per ejus Passionem emollirentur, & quod totius mundi virtute Passionis ejus erat in melius commutandus.* Ex quibus intelligitur, rationes tum veras, tum etiam mysticas suppetere, quamobrem illud miraculum non in Judæa solum, sed alibi etiam credamus contigisse. Hunc autem vehementem terræ motum sane non carere mysterio, haud temere quis affirmaverit, quo videlicet Deus Filii Divinitatem palam facere voluerit. Quamobrem in Psal. 67. vers. 8. *Deus cum egredereris in conspectu populi tui, cum pertransires in deserto, terra mota est:* & Psal. 97. v. 7. *Moveatur mare & plenitudo ejus, orbis terrarum, & qui habitant in eo, a conspectu Domini, quoniam venit judicare terram:* & Psal. 113. v. 7. *A facie Domini mota est terra, & facie Dei Jacob.*

123 Quæritum miraculum non ab Evangelistis, sed a Plutarcho in lib. *de destis oraculis* memoriæ proditum est. Ille igitur narrat, cuui in Italiam tenderet, & jam Echinadas præternavi-

Historia ex Plutarcho, q. 8 congruit cum tempore mtræ

garet navis rector quidam, Thamus nomine, Ægyptius, remississe ventum, auditamque vocem ad Paxas Insulas, quæ Thamum appellaret, juberetque ipsum, ubi primum ad portum Pelodem appulisset, clamare, magnum Pana esse mortuum; quæ vox rerum omnium parentem, & naturæ auctorem significat; Thamus autem ubi paruisset, eamque, quam jussus fuerat, vocem edidisset, ejulatus auditos esse quasi Panos obitum gementium; pervenisse id ad Tiberium Cæsarem, qui ex ipso Thamo de re gesta certior factus, hominum eruditorum ea super re sententiam exquisivit. Æmilianus Rhetor apud Plutarchum narrat, id a Patre Epitherse rei ipsius teste sibi traditum. Cum autem id in tempus mortis Christi conveniat, idcirco inter cætera, quæ tum contigerunt, portenta recensetur. Baronius ad ann. Chr. 34. num. 129. dubius ea de re incertusque videtur. Suarez loc. cit. *Sed horum, inquit, quæ in Evangelio non habentur, fides sit penes Auctores.* Natalis Alexander Hist. Eccl. Seculo 1. cap. 1. art. 5. num. 6. putat, non Christi mortem ea re, sed Diaboli sublatam potestatem, ejusque Regni everisionem declarari. Tillemontius Not. 37. ad Vit. J. Chr. nescire se fatetur, quamobrem ea historia rejicienda sit; qui tamen, utcumque ea sit, monet non esse ex iis, quibus Christiana Religio tamquam fundamentis inædificata est. Serry Exercit. 57. num. 8. eam veluti fabulam explodit; nihil enim de ea Tertulliano, Justino Martyri, aliisque veteribus Christianæ religionis defensoribus innotuisse comperimus. Alii vero cum Eusebio lib. 5. Præpar. Evang. cap. 17. nihil de ejus rei fide tractum volunt, Huetius Demonstr. Evang. Prop. 9. cap. 136. Grævesonius de Myster. & annis Chr. dissert. 20. §. 1. in fine, Card. Gottus loc. cit. cap. 31. §. 2. num. 22. quibus & ipsi libentissime suffragamur, addito tamen Tillemontii monito illo, quod modo attulimus, nec dubitamus, quin doctissimis istis viris probetur.

Crura Latronibus fracta, non Christo, qui jam mortuus erat: impletum ea de re Scripturæ argumentum.

124 Narrat Joannes cap. 19. v. 31. Judæos, imminente Sabbatho, rogasse Pilatum, ut per eum liceret Christi duorumque latronum crura frangi. *Judæi ergo, quoniam Parasceve erat, ut non remanerent in Cruce corpora Sabbatho, erat enim magnus dies ille Sabbathi, rogaverunt Pilatum ut frangerentur eorum crura, & tollerentur: Quod cum impetrassent, duobus quidem latronibus milites crura perfregisse; at non intant Christo, quem mortuum repererunt. Ad Jesum autem cum venissent, ut viderent eum jam mortuum, non frugerunt ejus crura; sed unus militum lancea latus ejus aperuit, & continuo exiit sanguis, & aqua cap. cit. v. 33. Monet autem impleta oracula his verbis cap. cit. v. 35.: Et qui vidit, testimonium perhibuit, & verum est testimonium ejus, & ille*

ille scit, quia vera dicit, ut & vos credatis. Facta sunt enim hæc, ut Scriptura impleretur: *Os non comminuetis ex eo: & iterum alia Scriptura dicit: Videbunt, in quem transfixerunt.* Isidorus lib.5. Originum cap.27. ita de Crurifragio: *Patibuli minor pœna, quam Crucis: nam patibulum appensos statim exanimat. Crux autem suffixos diu eruciat; unde & in Evangelio latronibus, ut morerentur, & de ligno ante Sabbatum deponerentur, erura confracta sunt, quia ligno suspensi cito mori non poterant.* Et Lactantius lib.4. cap.26. de Crurifragio, quo caruit Christus: *Suffixus, inquit, itaque Christus, cum spiritum deposuisset, necessarium carnifices non putaverunt ossa ejus suffringere, sicut eorum mos ferebat.*

128 Lex est lata per Moysen in Deuteronomio cap.21. v.22. *Quando peccaverit homo quod morie plectendum est, & adjudicatus morti appensus fuerit in patibulo, non manebit cadaver ejus in ligno, sed in eadem die sepelietur.* Et apud Josephum lib.4. de Bello Jud. vehementer increpantur Idumæi, quod insepulta cadavera reliquissent; cum præsertim Judæis tanta sepulture cura sit, ut etiam Judicio Cruci suffixos ad occasum Solis deponant, atque sepeliant. Alia consuetudo fuit Romanorum, qui crucifixorum corpora de Cruce non reficebant, priusquam expirassent. Nam Josephus lib. de Vita sua narrat, se prætereuntem quosdam vidisse Cruci affixos, quorum tres amicitia sibi conjunctos conspiciatus, Titum exoravit, ut Cruce avellerentur, & curarentur, quo convalescerent; unum tamen dumtaxat fuisse superstitem. Lamy cit. Dissertat. de Cruce §. 8. ita scribit: *Vitam producere Cruciatos Romani sinebant, & corrumpi, & tabe profluere in Cruce.* Neque vero pœna crurifragii in crucifixionis pœna continebatur; crura enim fontibus non perfrangebantur, nisi quædam atrocior criminis diritas extitisset, aut vilissima esset fontium conditio. Ipsa etiam interdum miseratio suadebat, ut miseris crura frangerentur, eosque celerior mors cruciatu liberaret, ut videre est apud Lipsium de cruce lib.2. cap.14. Apud Plautum inter minas, quæ in servos adhibentur, est crurifragium: *Crura hercle offringentur.* Svetonius autem in Augusto narrat, illum jussisse homini, qui, sibi esset a secretis, crura suffringi, quod arcanum prodidisset; & Tiberium itidem narrat ministro cuidam suo, & tubicini crura pariter jussisse comminui. Haud profecto Judæis molestum fuisset, Romanam servare consuetudinem, quo Christus Jesus diutius acerbisque cruciaretur. Neque enim Romanis mos erat, paucis quibusdam casibus exceptis, crurifragio mortem Cruciaris maturare. Sed ne, qui prope erat, diei festi solemni-

Quæ ratione Judæi petierint a Pilato, crucifixos ut crura suffrangerentur -

nitas funestaretur, petierunt a Pilato, ut crura Crucifixis suffringerentur; ita enim, maturata eorum morte, cadavera Cruce avelli poterant.

Christo non fuerunt fracta crura, ut Agno Paschalis comminui non licebat. Lactantii ratio parum probatur. Zacharia impletum Oraculum.

126 Itaque duobus latronibus, non Christo, fracta sunt crura, ut impleretur Scriptura, *Os non comminuetis ex eo*. Ubi sensus allegoricus ad Christum refertur. Nam in Exodo cap. 12. præscribitur, ita comedendum Paschalem Agnum, qui figura fuit Christi, ut os illius non confringeretur. Idcirco scribit Lactantius lib. 4. cap. 26. ossa Christo non fuisse confracta *ne lesum ac diminutum corpus ad resurgendum inhabile redderetur*, quod nobis minime quidem probatur. Christus enim, qui suæ divinitatis virtute plurimos claudicantes & pedibus captos jussit erectos convalescere, confracta sua crura pristinae integritati reddere potuisset. Excitata a quibusdam illa quæstio est, cui vere dici possit ossa Christo Jesu non esse confracta, cui clavis perforati sint pedes: pedis autem ossa arctissime jungi, ut transfigi pes non possit, quin ossa confringantur. Sed post Vossium respondet Sagittarius Part. 3. Hist. Pass. Christi cap. 2. num. 45. clavum eo adactum, ubi firmissime ossa inter se conjunguntur, & laxata quidem fuisse, non tamen confracta. Si quis vero hac responsione sibi putet minime satisfieri, cum testetur Scriptura, clavis quidem transfixos pedes, sed ossa non fuisse comminuta, sit habeat, Deum, qui Christi ossa confringi noluerit, probe novisse, quo pacto & pedes clavis transfigerentur, & ossibus sua constaret integritas. S. Joannes, ut modo diximus, impletum fuisse ait oraculum; *Os non comminuetis ex eo*, & illud etiam vaticinium, *videbunt in quem transfixerunt*. Alterum autem hoc Zachariæ est cap. 12. v. 10. *Et effundam super domum David, & super habitatores Hierusalem spiritum gratiæ, & precum, & aspicient ad me, quem confixerunt, & plangent cum planctu quasi super unigenitum, & dolebunt super eum, ut doleri solet in morte primogeniti*: testaturque etiam D. Lucas cap. 23. spectatores, cum viderent ea quæ contigerant, percutientes pectora sua Hierosolimam revertisse.

De milite qui lancea Christum transfixit. Dextrum latus videtur fuisse confossum.

127 Miles, qui Christo transfodit latus, ut experiretur, num extremum spiritum exhalasset, in Ecclesia Occidentali, ut supra docuimus, appellatur Longinus. Eum secessisse ferunt in Cappadociam, ubi Fidem Christi prædicaverit, & Martyrii coronam consequutus sit. Pictores equo illum insidentem depingunt; verum viri docti contendunt peditem fuisse militem, qui lancea, quæ propria erat Romani peditatus, Jesum transfixit; ut videre est apud Calmet. in cap. 19. Joann. num. 34. Quæritur etiam, dextrumne, an sinistrum latus confoderit. Venerabilis Beda in libros

bro Regum q.12. ait, dextrum latus fuisse transfixum. *Passo in Cruce Domino*, unus militum lancea latus ejus dextrum aperuit. Ayala in suo *Pictore Christiano* lib.3. cap.18. num.9. opinionem strenue tuetur eorum, qui putant, dextrum latus lancea percussum, eamque dicit esse communem sententiam, quam etiam vetustissimæ probent picturæ. Chiffletius de *Linteis Sepulchralibus Christi* cap.31. vulnus in dextero latere acceptum probat ex *Sudario Vefuntino*, & *Sindone Taurinensi*, in quibus *vulneris ad latus inflicti cicatrix sinistra est*, ut nimirum dextero *Christi lateri respondeat*. Et Gretserus lib.1. de *Cruce* cap.35. in hanc sententiam videtur propensissimus, qui aurei numismatis eclypon exhibet, *ubi qui lanceam tenet, ad dextrum Christi latus efformatur, ad sinistrum ille, qui Spongiam arundini impositam gestat*. Innocentius III. lib.2. de *sacro Altaris Sacramento* cap.54. *Calix*, inquit, *ponitur ad dextrum latus, quasi sanguinem suscepturus, qui ex latere Christi dextero creditur vel cernitur profluxisse*. In hanc propendet sententiam Suarez 3. par. qu.5 1. sect.1. tom.2. & cum eo sentit Durantus in cap.15. num.3. lib.7. Revelat. S. Birgittæ. Et Rocca *Tractatu de solemni Romani Pont. communionem* quæsit 3. docet, Romanum Pontificem, qui in *Missa solemni*, postquam ad Altare consecravit, ad *Solium* communicat, & *sinistro Solii latere Sacratissimam Hostiam* sibi allatam, *Sanguinem* vero e *dextro latere* excipere, ad representandum *Sanguinem*, qui e *dextro Christi latere* profluxit: quam symbolicam ejus cærimoniarum explicationem probat Jo: Baptista Casalius de *Veteribus Sacr. Christianor. Rit.* cap.81. §. *Dignum sane est*.

128 De sanguine & aqua, quæ de Sacratissimo Christi latere manavit, plurima huc afferenda suppeterent. Quæ varii varia sunt opinati, unde, & qua corporis parte transfixa sanguis & aqua manaverint, breviter afferemus. Plures tum ex veteribus, tum ex recentioribus Scriptoribus putant, militis hastam ad pericardium cordisque substantiam pervenisse; inde propterea aquam & sanguinem defluxisse; quidam e membrana, qua cor involvitur, ea manasse arbitrantur, ac dicunt, ibi ejusmodi humorem ab humida cordis exhalatione progigni; illum autem humorem e læso pericardio interdum erupisse. Quibusdam videtur aqua e pericardio vulnerato, sanguis autem a majoribus vasis itidem vulneratis effluxisse. Singularis est Casparis Bartholini sententia, qui aquam & sanguinem e thoracis cavo emissam arbitrat, ad quam propugnandam sententiam Thomas Bartholinus filius *Tractatum* conscripsit. Sed lib.4. de *Canonizat. Sanctor.* par.1. c.3 1. num.6. satis prolixè hac de re disseruimus; atque illa præsertim

Vera aqua e Christi latere fluxit. Qua parte transfixa corporis sanguis, & aqua manaverit.

docuimus, Clementem V. in Viennensi Concilio pronunciaſſe, non vivo adhuc, ſed mortuo Chriſto latus eſſe perfoſſum; Innocentium III. definiſſe non inde phlegma, ſed veram effluxiſſe aquam; Patrum omnium conſenſione id miraculo tribui; eoque omnem difficultatem redigi, miraculine ratio in eo ſita ſit, quod ſanguis, an vero quod aqua e Chriſti latere eruperit: quosdam enim exiſtimariſſe non aqueum pericardii humorem, ſed miro quodam modo aquam profluxiſſe: quæſtionem eſſe etiam, aquane, an, quod Evangelio videtur conſonum magis, prior ſanguis prodierit; ſcribit enim Joannes: *Et continuo exivit ſanguis, & aqua*. Itaque illuc Lectorem mittimus.

Lanceæ ſuperior pars a Bajazeto Turcorum Rege abſtinuit. VIII. miſſi in Vaticanam Baſilicam collitur: ejus cuspis in Regio Parifienſi Sacello offeratur. Calvinus conſutatus.

129 De Lancea vero, qua Chriſti latus tranſfixum eſt, ſcriptiſſimus lib. 4. de Canonizat. Sanctor. par. 2. cap. 31. num. 8. & ſeqq. ſuperiorem ejus partem a Bajazeto Turearum Rege Innocentio VIII. ſummo Pontifici dono miſſam: eam nunc in Vaticana Baſilica magna veneratione coli: ejusdem vero Lanceæ cuspitem S. Ludovicum Francorum Regem a Balduino II. Conſtantinopolitano Imperatore accepiſſe, eamque in Regio Sacello Lutetiæ Pariſiorum collocariſſe. Paulo ante diximus, nobis non eſſe animum verba facere de ſanguine & aqua, quæ ex Chriſti tranſfixo latere manarunt, eaque de re ad Opus illud noſtrum de Canonizatione Lectorem miſimus. Verum huc addere illud juvat, negaſſe Calvinum, quidquam in hac re fuiſſe, quod miraculo tribui debeat. Ab ejus tamen ſententia Calviniſtæ præſertim vero Lindemius, diſceſſerunt. Caſpar Poſnerus citata Diſſert. *De ſingularibus ac mirandis quibuſdam quæ morte Chriſti in natura acciderunt*, Tom. 2. Diſſertat. in Nov. Teſtam. e Muſco Haſei & Ikenii in hac controverſia ſubſtantiam humorum ab eorundem fluxu diſtinguit. Sanguinem exiſtimat e corde, ſeu etiam e venis ſaltem minoribus, aquam e pericardio prodiiſſe. Etſi autem putat, ſanguinem ab aqua ſeparatum effluxiſſe, nec pauculas quafdam ſanguinis & aquæ guttas, ſed tantam utriuſque vim profluxiſſe, ut oculis cerni potuerit; nihilominus id miraculo tribuendum arbitrat: nihil enim quidquam hujus ſimile in quovis humano, ſeu vivente, ſeu exanimato corpore accidiſſe compertum eſt; *Ut id propterea indubium ſit, humores hos quoad ſubſtantiam ſpectatos fuiſſe naturales; at quod attinet ad eorum diſcretionem, & fluxum putamus exceſſiſſe naturæ vires, adeoque fuiſſe ſupernaturalem & miraculoſum*.

130 Narrant Evangeliftæ, Joſeph ab Arimathæa nobilem Decurionem fidenti animo Pilatum conveniſſe, & ab eo corpus Jeſu Chriſti poſtulaviſſe. Pilatum vehementer miratum Chriſtum eſſe

De Chriſti ſepultura. Joſeph ab Ari-

esse mortuum; & accersito Centurione, ubi ab eo certior factus est Jesum obiisse, Josepho corpus Jesu donasse: Josephum sindone coemta divinum cadaver involvisse, & in monumento suo, quod exciderat in petra, deposuisse, magnoque saxo monumenti ostium occlusisse. Hæc Matthæus cap. 27. Marcus cap. 16. Lucas cap. 23. v. 53., qui addit, in eo sepulcro antea conditum fuisse neminem. *Es posuit eum in monumento exciso, in quo nondum quisquam conditus fuerat.* Et Joannes cap. 19. rem minute describens non id tantummodo narrat, quod Pilatum inter & Joseph actum est; sed illud etiam refert, Nicodemum, qui nocte, quæ præcessit proxima advenerat, allata secum mixtura myrrhæ & aloes pondo quasi librarum centum, Josepho se comitem addidisse, eique sepeliendo Jesu operam dedisse: utrosque fasciis quibusdam sanctum corpus Hebræorum more aromatibus perfusum involvisse, & in sepulcro, quo nemo antea erat injectus, deposuisse; atque ejus monumenti indicat etiam Evangelista locum fuisse in horto. S. Marcus cap. 15. v. 44. de Josepho, qui Christi corpus a Pilato petiit, hæc scribit: *Pilatus autem mirabatur, si jam obiisset; & accersito Centurione, interrogavit eum, si jam mortuus esset. Et cum cognovisset a Centurione, donavit Corpus Joseph.* Mors autem Christi Pilato admirationem movit, vel quod ipsa experientia perspectum erat, Cruci affixos, si ætate florent, in plures dies producere vitam; vel quod Pilatus, Christum arbitratus divinum hominem, crediderat illum vel nunquam moriturum, vel ipsum a Crucis supplicio se fuisse erepturum: quamobrem ab ipso Centurione, cujus erat curare Crucis supplicium, de Christi morte certior fieri voluit; quod observavit Lamy Harm. Evang. lib. 5. cap. 37.

131 Josephum ab Arimathæa Senatorem, sive, ut magis proprie loquamur, Judæorum Decurionem fuisse constat, eumque tradunt Evangelistæ fuisse Christi Discipulum: *Discipulus Jesu &c. Expectans Regnum Dei &c. Qui expectabat & ipse Regnum Dei &c. Discipulus Jesu, occultus autem propter metum Judæorum.* Atque hic Joseph, utpote vir probus & justus, etsi fuerat in Synedrio, cum Christus Jesus est condemnatus, non probavit acta ejus Concilii, teste Luca cap. 23. v. 50. *Ecce vir nominomine Joseph, qui erat Decurio, vir bonus & justus: hic non consenserat consilio & actibus eorum.* Nicodemum Joannes cap. 3. Pharisæum & Principem Judæorum appellat, eumque narrat noctu Jesum convenisse, & in eo, quod cum illo habuit colloquio, dixisse, se probe scire neminem ea signa facere posse, quæ Christus ederet, nisi cum illo esset Deus. Eum autem jam tum ad

H h 2

Chri-

matthæa petit a Pilato ejus corpus. Arimatheus per fectum, Nicodemus sibi operam dante, condit in sepulcro novo. Car Pilatus certior fieri voluerit a Centurione de morte Christi.

Qui fuerint Joseph ab Arimathæa, & Nicodemus.

Christi doctrinam animum adiecisse oportuit; tum quia, orta contentione de Christo, quis qualisve esset (Joann. cap. 7.) ita Jesum defendit, ut in suspicionem venerit, se doctrinam Christi sectari: *Numquid & tu Galileus es?* tum etiam quod Josepho ad Jesu Christi corpus sepeliendum operam dederit.

Josephi laus est, quod Christi corpus a Pilato quaesierit; Nicodemi, quod cadaver aromatibus perunctum fuerit.

132 Ea igitur Josephi tota laus est, quod Christi Domini corpus a Pilato quaesierit. Quia vero sibi numquam Pilatus persuadere potuit, Jesum seditionis aut perduellionis reum fuisse, facile illius corpus Josepho permisit: constat enim, ut observat Grotius in cap. 27. Matthæi, nonnisi Judicis permissu licuisse, qui ultimo supplicio essent necati, eorum cadavera sepulturæ mandari; nec Judicem ægre ejusmodi veniam dare solitum, nisi forte seditionis aut perduellis cadaver ad sepeliendum deposceretur; ut notat Calmetus in idem Matthæi caput num. 57. Nicodemi vero laus est, quod centum libras myrrhæ & aloes contulerit. Utrique autem præclare meriti, quod Sacrosanctum corpus perunctum, fasciisque alligatum Hebræorum more sepelierint. Lamy in Concord. Evang. lib. 5. cap. 37. satis fuisse ait perungendo corpori ternas quaternasve libras myrrhæ & aloes; sed cum Nicodemus eorum aromatum quasi centum libras attulerit, *Signum hoc est opulentia Nicodemi, & non parci affectus.*

Mos apud Judæos ungendi cadavera, & longis infestis confringendi.

133 De funeribus & sepultura Hebræorum prolixam & eruditam Dissertationem scripsit Calmetus. Cadavera Judæi aromatibus perungebant, ne putrescerent; quod in Lazari cadavere prætermisum oportuit; quadriduo enim elapso, tetrum spirabat odorem. *Domine, jam fetet; quadriduanus est.* Verba sunt Marthæ apud Joann. cap. 11. v. 39. Longis infestis, seu fasciis oleo aromatibus permixto perfusus totum corpus confringebant; quemadmodum puerorum corpus fasciis involvitur, capite excepto; faciem velo quodam lineo tegebant; Sindonem vero super corpus fasciis colligatum obtendebant. Quamobrem de Lazaro reviviscente scribit Joannes loc. cit. *Et statim prodiit qui fuerat mortuus, ligatis pedibus & manibus infestis, & facies illius sudario erat ligata.* Hæc omnia ad sepeliendum Jesum adhibita esse, ostendunt verba quæ attulimus Joannis cap. 19. v. 40. qui de Josepho, & Nicodemo ait: *Acceperunt ergo corpus Jesu, & ligaverunt illud linteis cum aromatibus, sicut mos est Judæis sepelire.* Divus Augustinus lib. 1. de Civit. Dei cap. 13. de Josepho, & Nicodemo hæc scripsit: *Laudabiliter commemorantur in Evangelio, qui corpus ejus de Cruce acceptum, diligenter atque honorifice tegendum, sepeliendumque curarunt.* Mysticas quasdam de myrrhæ & aloes observationes, itemque de horto, in quo fui

fuit Iesus sepultus, legere licet apud D. Thomam 3. par. qu. 52. art. 2.

134 Illud vero sedulo animadvertendum, Christi corpus in sepulcro fuisse conditum, quo nullum umquam antea cadaver injectum fuerat, ne cum Christus revivisceret, calumniaretur quispiam, non Iesum, sed alium ab eo surrexisse. Quod notat Hieronymus in cap. 27. Matthæi. *Ne post resurrectionem, cæteris corporibus remanentibus, surrexisse alius fingeretur.* Fasciarum formam, quibus cadavera circumligabantur, elegantissimam exhibet Lamy in Harmonia Evangelica. De Sacra Sindone, qua Christi corpus involutum fuit, quamque Fideles Taurini venerantur, plura attulimus lib. 4. de Canonizat. Sanctor. par. 2. cap. 31. num. 17. De Sindone itidem, qua involutum est corpus Iesu, loquuntur Evangelistæ. S. Matthæus cap. 27. v. 59. *Involuit illud in Sindone munda; Marcus cap. 15. v. 46. Joseph autem mercatus Sindonem, & deponens eum involvit Sindone; Lucas cap. 23. v. 53. Et depositum involvit Sindone; Joannes cap. 19. v. 40. Ligaverunt illud linteis cum aromatibus.* Dissertationem edidit in fascias Christi Joannes Andreas Schmidt heterodoxus Auctor Amstelodami anno 1726. quæ Dissertatio est in tom. 318. Miscellaneorum in Bibliotheca Dominici Cardinalis Passionei. Nullam fuisse opinatur hic Auctor Sindonem, in qua Corpus Christi fuerit involutum, sed unam eandemque fuisse fasciam & Sindonem, quodque Joannes fasciam, id cæteros Evangelistas Sindonem appellare. Quod eo disputare videtur Auctor, idque ex tota dissertatione illa apparet, ut Taurinensis Sindonis fidem imminuat. Verum alia est Sindon, alia est fascia; nec quid causæ sit videmus, quamobrem in hac re ab illa conciliandorum Evangelistarum ratione recedamus, qua aliis in locis utimur ad Evangelistarum consensum demonstrandum; ut nempe stet illud, quod eorum quispiam scripserit, nec alius adversari censeatur, si forte omiserit; præsertim vero si & illud omisissum sit, & aliud præterea narretur. Nam si duo sint, quorum alterum unus, alterum narret alter Evangelista, eaque pugnantia non sint inter se, tunc alteruter Evangelistarum alterius narrationem supplere, & alter alterum censendus est illustrare. Ac propterea omnis correre videtur ejus Auctoris machina ad subruendam Taurinensis Sindonis venerationem admoda.

135 Ad Passionis Iesu Christi absolvendam historiam reliquum est, ut de anno, die, & hora, quibus mortuus est, pauca quædam dicamus. Quod ad diem emortualem pertinet, vetus est & perpetua traditio, Christum vigesima quinta Martii die ob-

Equum fuit Christum conditum in sepulcro novo. Refutatur Schmidt opinio de uno tantum involuto, qua involutum dicit corpus Christi, nulla adhibita Sindone.

De anno, die, & hora, cum Christus est mortuus. Dies emortuale.

ob-

*His Christi ex
veterissimis &
constanti tra-
ditione est 15.
Martii. Ro-
gerii Baconis
& Toftati pro-
scripta sen-
tentia.*

obiisse, ut constat ex Tertulliano contra Judæos cap. 8. Augustino lib. 18. de Civ. Dei cap. ult. & Chrysostomo in Homilia in Nativitate Joannis Baptistæ. Henschenius Bollandiani Operis continuator præter Martyrologia Typis impressa, alia quatuor & viginti manuscripta in pluribus Europæ Bibliothecis se vidisse testatur, in quibus omnibus Jesu Christi mortem adnotatam comperit ad vigesimam quintam Martii diem. Extat etiamnum S. Hippolyti Martyris Portuensis Episcopi Canon Paschalis in Tabula marmorea incisus anno Chr. 222., qui repertus est in Agro Verano anno 1551. In eo habetur: *Octavo Kal. Aprilis Passio Christi*. Hæc vero Tabula cum statua S. Hippolyti conservatur in Bibliotheca Vaticana. Rogerium Baconem Ordinis Minorum Mathematicarum disciplinarum peritissimum decimo tertio seculo existimasse Christum tertiam Aprilis die mortuum esse, atque ob eam sententiam erroris suspicione notatum, & condemnatum, tradit Waddingus de Scriptor. Minorum & tom. 2. Annalium. Consequutum est seculum decimumquartum, cum celeberrimus Toftatus idem quibusdam publicis Thefis propugnare ausus est Senis, ubi tunc Eugenius IV. cum Romana Curia morabatur, in Cardinalis Turrecrematæ opera, ea doctrina tanquam erronea proscripta est. Bertus tom. 5. de Theologic. Discipl. lib. 29. cap. 7. pag. 561. negat, Toftati propositionem illam fuisse damnatam, quinimmo ait, illum apologia edita eandem doctrinam sustinuisse, quam etiam alii amplexi sunt. Incognitam autem prudenter advertit vetustis auctoribus fuisse, quam ipse propterea rejicit, ostenditque multiplici eruditionis copia emortualem Christi diem fuisse 25. Martii.

*Christus obiit
ex Joanne ho-
ra quasi sex-
ta, teste Mar-
co hora ter-
tia: quonodo
a quibusdam
conciliantur E-
vangelistæ.*

136 De hora haud ita levis est difficultas. Tertiam enim horam fuisse, qua Jesus expiravit, tradit Marcus cap. 23. v. 25. *Erat autem hora tertia, Et crucifixerunt eum*. At Joannes cap. 19. v. 14. scribit, hora quasi sexta: *Erat autem Parasceve Pasche hora quasi sexta*. Quidam ut eam, quæ videtur esse, tollant discrepantiam, ajunt hora tertia crucifixum Judæorum vocibus, qui magno clamore deposcebant illum ad necem; hora autem sexta re ipsa Cruci fuisse affixum, manibus pedibusque perforatis, ut videre est apud D. Thomam 3. par. qu. 46. art. 9. ad secundum, & Lect. 3. in cap. 19. Joannis.

*Conciliantur
conciliatio.
Judæi diem
in quatuor di-
vident par-
tes, quarum*

137 Verum longe melius concinniusque respondent ii, qui a Judæis observant diem dividi in quatuor partes; quarum primæ tres dici horas continebat, & Prima appellabatur, quod ab ea esset dici initium. Altera ab hora tertia ad sextam, seu meridiem

diem porrigebatur, quæ dicebatur *Sexta*, quod ab hora tertia inchoaret. Tertia diei pars ab hora incipiebat sexta, & in horam definebat nonam, &, quod a sexta hora inciperet, *Nona* vocabatur. Postrema denique pars a nona incipiebat, & occasu solis terminabatur, quæ dicebatur *Vespera*.

*Singula ternas
diei horas con-
tinebant.*

138 Harum qualibet partium tres horæ continebantur. Cum igitur Marcus scribit, Christum Cruci affixum esse *hora tertia*, non id factum esse intelligendum est initio horæ tertiæ, sed exeunte hora tertia, & jam jam sexta hora subeunte; & rursus cum Joannes dicit, Christum obiisse non absolute hora sexta, sed *hora quasi sexta*, tantum abest, ut a Marco dissentiat, ut potius inter eos pulchre conveniat; hora enim quasi sexta illud idem tempus est, cum hora tertia in finem vertit. Inter recentiores, qui ad hunc conciliandum modum utrosque Evangelistas, vide Baronium ad ann. Chr. 34. num. 163. Maldonatum in cap. 27. Matthæi num. 25 Tillmont. Nota 31. ad J. Chr. vitam, Natalem Alexandrum in cap. 19. Joann. num. 14. Serry exercit. 56. Graveson. de Myster. & ann. Chr. pap. 315. & Gottum de verit. Rel. Christ. cap. 30. §. 2. num. 10.

*Hora tertia,
& hora quasi
sexta idem
est, ac exeun-
te hora tertia.
& sexta sub-
eunte.*

139. Si quoto ætæ Christianæ anno crucifixus est Jesus, ut etiam quoto anno ætatis suæ, disserere in animo haberemus, controversiam sane gravem susciperemus, cui nostræ vires impares sunt, & ad eam expediendam iusto opus esset volumine. Baronius ad ann. 34. num. 132. existimat, Christum mortuum ætatis suæ tertio & trigésimo anno, mense tertio, Tiberii anno decimo octavo. Gravesonus in citato opere pag. 305. putat, obiisse anno ætatis suæ trigésimo tertio ineunte, & decimonono imperii Proconsularis Tiberii. Calmetus in cap. 8. Joann. num. 57. statuit, Christum obiisse, cum medium ageret ætatis annum trigésimum sextum. Natalis Alexander Dissert. 2. sec. 1. Prop. 2. contendit, Iesum mortuum anno ineunte trigésimo septimo ætatis suæ, & Imperii Tiberii decimo nono. Honoratus a S. Maria in Observat. ad Regul. & usum Criticæ lib. 5. dissert. 1. ait, communem esse traditionem, Christum triginta natum circiter annos mortuum esse, decimoquinto anno Tiberii. Quid harum rerum periti senserint, satis est retulisse. Interea, cum tacito quodam Ecclesiæ consensu probata, atque etiam communis videatur opinio, Christum mortuum esse trigésimo tertio ætatis suæ anno, seu ineunte, seu jam expleto, sive etiam tribus additis mensibus, ut existimavit Baronius, Imperii Tiberii decimo octavo, vel decimonono; nos huic sententiæ libentissime accedimus, de qua

*Quoto Chri-
stianæ æran-
no, quorq-
ue natus annos
Christus mor-
tuum sit, va-
riæ sententiæ.
Videtur mor-
tuum 33. æta-
tis anno, Im-
perii Tiberii
19.*

vi-

Missam, ad Altare reversus ponit super corporale, & Diaconus vinum, Subdiaconus aquam in Calicem interea infundunt: aquam Sacerdos hodie non benedicit: dextera manu Sacratissimam hostiam sustollit, ut populo possit conspici; eam in tres dividit partes, quarum tertiam in Calicem tacitus indit. Præmittuntur *Pax Domini*, & *Agnus Dei*; item aliæ duæ orationes, quæ ante Communionem dici solent; tertia vero recitata, *Perceptio*, accipit patenam cum corpore Christi, & maxima humilitate dicit: *Panem cælestem accipiam, & nomen Domini invocabo*. Deinde percutit sibi pectus dicens, *Domine non sum dignus*; postea signat se Sacramento, quod deinde sumit reverenter. Tandem prætermittis omnibus, quæ dici solent ante sumtionem Sanguinis, sumit de Calice particulam Hostiæ, & vinum.

144 Populi adorationi & aspectui Crucem exponi dudum monuimus. S. Paulinus epist. 31. novæ edit. ad Severum narrat, hac tantummodo die eam ipsam, cui Christus affixus est, Crucem Hierosolymæ exponi solitam Fidelium adorationi. *Neque præter hanc diem, qua Crucis ipsius mysterium celebratur, ipsa, quæ Sacramentorum causa est, quasi quoddam solemnitatis insigne profertur*. In eadem epistola de ea Cruce loquens paullo ante dixerat, *Quam Episcopus Urbis ejus quotannis, cum Pascha Domini agitur, adorandam populo Principi ipse venerantissimè promittit*. Quod autem memorata subjecit verba, *Neque præter hanc diem, qua Crucis ipsius mysterium celebratur*, inde arguitur loqui de FERIA sexta in Parasceve, ut advertit Hugo Menardus in notis ad Sacramentarium S. Gregorii pag. 86. Nonnulli existimant, ab ea Hierosolymitanæ Ecclesiæ consuetudine communem hanc derivatam esse disciplinam publicæ venerationi Crucem exponendi; quam opinionem eruunt ex verbis illis Amalarii: *Fuerunt quidam, qui volebant dicere se velle eandem Crucem adorare, in qua Dominus crucifixus est. Utinam in omnibus Ecclesiis haberetur. Quamvis omnis Ecclesia eam non possit habere, tamen non deest eis virtus sanctæ Crucis in suis Crucibus, quæ ad similitudinem S. Crucis factæ sunt*: ut est in lib. 4. cap. 14. de Ecclesiastic. Offic. in tom. 14. Biblioth. PP. Edit. Lugdun. ann. 1677. pag. 950.

145 Nonnihil difficultatis Rabano subesse videbatur, non quidem in eo cultu, qui Cruci exhibetur hac die, sed in verbo, quo utimur, *adorationis*. Verum, ut bene advertit Bailletus Hist. hujus diei §. 2. num. 19. Fidei puritas pravam omnem amovet suspitionem. Ecclesia in Canticis ait: *O Crux adoranda*. Et alibi, *Tuam Crucem adoramus*. Celebris est Lactantii versiculus

Tom. X.

I i

Fleete

Hæc die solum Hierosolymis ostendebatur populo Crux, in quam sublatius est Jesus. Fortasse inde orta disciplina in omnibus Ecclesiis exponendi Crucem.

Cur latræ autem adoranda etiam quilibet Crux ad ejus exemplum facta, in qua Christus oblit rationes ex D. Thoma.

Flecte genu, lignumque Crucis venerabile adora.

Theologis vero disputandum linquimus, Latriæ ne cultu, an minore aliquo Crucem venerari debeamus, quam fule quæstionem pertractant Estius in 3. lib. sentent. dist. 9. §. 3. & Cardinalis Capisucius in appendice controversiæ, *Quo cultu sanctæ imagines sint colende*. Notat Thomassinus de hier. Festor. celebratione lib. 2. cap. 14. num. 20. cæremoniâ hujus diei de adoranda Cruce a veteribus appellari *Adoratum*. Observat etiam, eos Episcopos, qui in Parisiensi Synodo Sacrarum cultum Imaginum rejiciebant, adorationem tamen Crucis in Feria sexta Majoris Hebdomadæ approbasse. *Et ideo Sancta Mater Ecclesia* (sunt verba Synodi) *1010 Orbe terrarum inter cætera innumera Crucis Sacramenta decrevit, licitum esse universis Catholicis ob amorem Passionis Christi, ubicumque eam viderint, inclinando, si voluerint, venerari: Et insuper die sancto, quo Passio domini in universo Mundo specialiter celebratur, cum omni devotione universum Ordinem Sacerdotalem, seu cunctum populum adorare*. Et D. Thomas 3. par. quæst. 25. art. 4. docet, Crucem, cui Christus affixus est, latriæ cultu adorari, tum quod ea nobis exprimit Christi figuram in Cruce pendentis, tum etiam præsertim quod ejus sanguine fuerit perfusa: eodem etiam Latriæ cultu quamlibet ex quacumque materia Crucem ad illius Crucis exemplum factam itidem adorari, quod imaginem repræsentet Christi in Cruce extensi; quod tamen ita est intelligendum, ut adoratio ad Jesum Christum referatur; nam si Crux consideretur tamquam pertinens quiddam ad Christum Dominum, ad quem veluti terminum non referatur adoratio, non latriæ cultu, sed hyperdulæ tantum est colenda; cujusmodi cultus B. Virgini exhibetur, cui, etsi propius quam Crux ad Christum pertineat, cum eam tamquam unam ex iis rebus, quæ Christi sunt, veneramur, cultum quidem peculiarem exhibemus, sed qui nonnisi hyperdulæ cultus est.

De Trisagio.
Sanctus Deus,
Sanctus fortis
&c. A pue-
ro quasi di-
vinitus allato
Constantinopo-
li sub Imperio
Theodosii. Cur
so usatur Oc-
cidentalibus Ec-
clesiis hac die
Græce & La-
tine.

146 Innuimus paulo ante, in fine cujusque improperii, interea dum Crux adoratur, canicebre Trisagium, & quidem Græce & Latine, *Sanctus Deus, Sanctus fortis, Sanctus immortalis, miserere nobis*. Menologium Græcorum narrat, sub Imperio Theodosii vigesimaquarta die Septembris vehementissimo terræ motu Constantinopolim esse concussam: Imperatorem una cum Proclo Patriarcha, & populo universo ad implorandam Dei opem confugisse: puerum repente in æra sublatum; cumque omnes metu perterriti exclamarent *Kyrie Eleison*, puerum in terram descendisse, atque alta monuisse populum voce, ut Trisagium caneret ad hunc modum, *Sanctus Deus, Sanctus fortis, San-*

Sanctus & immortalis, vix ea loquutum repente mortuum concidisse. Devota hæc oratio in Ecclesia Orientali frequentissime usurpatur. Ea vero hac die præsertim utitur occidentalibus Ecclesia, Latine, ut propriam suam linguam adhibeat, Græce vero etiam, ut alludat illi divinæ voci, quam puerum illum diximus Constantinopoli edidisse. Vid. Goar. in Notis ad Rituale Græcorum pag. 109. edit. Venetæ ann. 1730.

147 Petrus Fullo, ut invehret hæresim Theopaschitarum, qui naturam divinam passam in Cruce falso affirmabant, ea verba Trisagio addidit: *Qui Crucifixus es pro nobis, miserere nobis*; quod a Catholicorum cœtu reprobaturum fuit. Qua additione cum Armeni usi essent usque ad xi. seculum, a Gregorio VII. Epist. l. lib. 8. moniti sunt, ut eam omitterent. *Clausulam*, inquit summus ille Pontifex, *quam in illa laude subjungitis: Sanctus Deus, Sanctus fortis, Sanctus immortalis: istam videlicet, qui crucifixus es pro nobis; quoniam nulla Orientalium præter vestram, sed nec Sancta Romana Ecclesia habet, vos totius scandali occasionem, prævique intellectus suspensionem vitantes, superaddere de cætero omittatis*. Armeni, etiamsi Decretum illud Gregorius VII. ediderit, eadem verba in Trisagio retinuisse videntur. Cum patrum nostrorum memoria de concilianda inter eam Gentem & Romanam Ecclesiam communione & pace ageretur, inter cætera dubia illud in Congregatione de Propaganda Fide die 30. Januarii ann. 1635. propositum fuit: *An Trisagio: quo utuntur Armeni, possit addi: Qui passus est pro nobis*. Et rescriptum fuit: *Congregatio negative respondit: nam in Liturgia Armenorum decantato Trisagio in honorem Sanctissimæ Trinitatis, adduntur prædicta verba secundum Theopaschitarum hæresim damnatam in Concilio Romano sub Felice Papa. Et licet in alio loco ad personam Filii Trisagium applicetur, nihilominus Trisagium ab Angelis traditum, & in honorem & glorificationem Sanctissimæ Trinitatis decantari solitum, non videsur posse formaliter attribui Christo Domino, uti scilicet tantam personæ ejusdem Sanctissimæ Trinitatis.*

Nec valet id fuisse concessum Maronitis: quia alio modo in eorum libris Hymnus glorificationis prædictus concipitur; & non fuit etiam ille modus expresse a Sede Apostolica approbatus.

148 Denique de Missa etiam quædam supra attigimus, quæ hac die celebratur. Eam vero Missam non, ut vulgo ajunt, siccam dici oportet, sed Missam Præsanctificatorum, in qua Sacerdos sola specie panis, die quæ præcessit proxima consecrati, communicat. Missam enim siccam eam dicimus, in qua neque consecratio fit, neque Christi corpus sumitur, & Sacerdos, licet Sa-

Additio ad illud Trisagium Petri Fullonis, Theopaschitarum hæresim vitans, a Catholicis damnata. A Gregorio VII. interdictum. Armeni ea uti: quæ tamen ab illis posita adhibenda videtur.

Missæ hujus diei non siccæ, sed Missæ Præsanctificatorum appellatione.

cerdotalibus indutus vestibus, ita Missam recitat, ut omittat tamen omnia, quæ summissa voce dicuntur: Præfationem quidem recitat, & Pater noster, sed Canonem & reliquas Secretas omnes prætermittit; non hostiam habet, non Calicem, nihilque eorum dicit aut facit, quæ super Eucharistiam fieri solent, ut videre licet apud Durandum in Rationali lib. 4. cap. 1. Contra vero in Missa Præsanctificatorum nihil omittitur præter Eucharistiæ consecrationem, quod Sacramentum sub unica specie sumitur panis quem pridie ejus diei sacerdos consecravit, ut explicat Hugo Menardus in Notis ad Sacramentarium S. Gregorii pag. 75. *In Parasceve Majoris Hebdomadis non consecratur Corpus Christi, sed Sacerdos in Missa usitur Præsanctificatis, idest hostiis ante consecratis tum pro se, tum pro omni populo.*

In Orientali Ecclesia per totam Quadragesimam Missa Præsanctificatorum celebratur, sabbatho, & Dominica exceptis. Ritus quorundam Græcorum in hac re parum probatus. Græcorum constitutiones adversus Latinos.

149 In Ecclesia Græca Missa Præsanctificatorum dicitur omnibus Quadragesimæ diebus, Sabbatho, & Dominica exceptis, ut constat ex Laodicensi Synodo, quam Baronius existimat ante Concilium Nicænum habitam: *Non oportere in Quadragesima panem offerre, nisi in Sabbatho, & Dominicis diebus;* verba sunt ex Canone 48. Et in Concilio Trullano Can. 52. *In omnibus sanctis Quadragesimæ jejunii diebus, præterquam Sabbatho, & Dominica, & Sancto Annunciationis die, fiat sacrum Præsanctificatorum ministerium.* Id etiamnum in Orientali Ecclesia in usu esse testatur Cardinalis Bona lib. 1. Rer. Liturgicar. cap. 15. num. 5. *Hunc morem adhuc servat Orientalis Ecclesia.* Bossuetus Meldenfis Episcopus volum. 5. suorum Operum edit. Argentinæ ann. 1742. in Tract. de Communionem sub utraque specie tradit, plerisque Græcorum hoc tempore aliquot pretiosi Sanguinis guttas supra panis consecrati partes in formam Crucis aspergere, easque pro diebus insequentibus reservare ad Officium Præsanctificatorum: quem morem inventum fuisse post Schisma Cerularii, & a melioris notæ auctoribus Græcis nec probari, nec usurpari luculenter ostendit. Nicetas Pectoratus Romanam Ecclesiam criminatur, quod per Quadragesimam, Sabbatho & Dominica exceptis, Missam Præsanctificatorum non celebret: cujus repressa merito fuit audacia ab Humberto Cardinali Silvæ Candidæ tom. 4. Biblioth. Patrum, ut videre etiam licet apud Goar. loc. cit. pag. 173. qui tamen monet, Cardinalem multis in rebus justos prætergressum esse fines; quod fufius refert Juvenin. de Sacram. Dissert. 5. quæst. 8. cap. 1.

Cur apud Latinos hac die tantum celebratur Missa

150 Verum utcumque sit de ejusmodi re, si quis est, qui quidquid de Præsanctificatorum Missa apud Græcos disputari potest, sibi cupiat expromi, adeat Leonis Allatii Dissertationem

ad cal-

ad calcem Operis de Consensu perpetuo Ecclesiæ Orientalis & Occidentalis adjectam, & Le-Brun in explicat. Missæ tom.2. art.2. pag.372. edit. Parisien. Apud Latinos hac die Præsanctificatorum Missa tantummodo celebratur ea ratione, quam innuit Hugo a S. Victore de Specialibus Missæ Observationibus cap.20. *Queritur, quare hac die Missa non cantetur, sed corpus Christi reservatum die præcedenti sumatur. Ad quod dicitur ex decreto Innocentii Papæ Missam hoc biduo non celebrari, ut in Pastoribus Ecclesiæ status temporis illius apud Apostolos ostendatur, qui, sicut Propheeta prædixerat, Percusso Pastore dispersi erant &c. Queritur iterum, quare hac die non sumatur sanguis Christi, sicut & caro Christi; ad quod dico, quod utrumque sub utraque specie sumitur. Sed quia species vini labilis non potest tuto reservari, sine ea corpus Christi reservari constitutum est. Quæ repetit etiam Claudius Efpencæus lib.2. de adoratione Eucharistiæ cap.13.*

Præsanctificatorum ex Hugone a S. Victore.

151. Alludit Hugo ad Epistolam Innocentii I. ad Decentium Episcopum Eugubinum: *Feria sexta* (verba sunt ex illius Epistolæ capite 4.) *propter Passionem Domini jejunamus. Sabbathum prætermittere non debemus, quod inter tristitiam & lætitiā temporis illius videtur inclusum. Nam utique constat, Apostolos biduo isto & in mœnore fuisse, & propter metum Judæorum se occultasse. Quod utique non est dubium, intantum eos jejunasse biduo memorato, ut traditio Ecclesiæ habeat, isto biduo sacramenta penitus non celebrari. Quæ utique forma (jejunandi) per singulas tenenda est hebdomadae propter id, quod commemoratio diei illius semper est observanda. Ac de ejusmodi consuetudine, quam servat Occidentalis Ecclesia celebrandi in Parasceve Missam Præsanctificatorum, vetera reperias documenta apud Pouget Instit. Catholic. tom.1. pag.841. tom.2. pag.272. & apud Bailletum Hist. hujus diei §.2. Amalarius, & Alcuinus hujus rei rationem afferunt. Quia in hac die Dominus se ipsum obtulit, & ipsa oblatio sufficit ad salutem credentium. Innocentius I. rationem adducit paullo ante memoratam, quæ ab Apostolorum mœnore desumitur, & a jejuniis, quo hunc diem transegerunt; & hæc quidem ratio longe cæterarum visa est accommodatissima Mabillonio par.2. Musei Italici Commentar. ad Ord. Rom. & Gravesonio de Mytheriis & annis Christi pag.455. Querit Vertus tom.4. Explicat. Cæremon. Eccl. Observat. 35. pag.293. Edit. Parisien. ann.1713. an Innocentii I. verba de quibuscumque Feriis sextis, & Sabbathis cujuslibet Hebdomadæ sint intelligenda, an vero de sexta tantum feria in Parasceve, & Sabbatho Sancto; ea enim verba sextas omnes ferias, & Sabbathata totius anni videntur complecti, Ve-*

Hugonis verba respiciunt Epistolam Innoc. I. ad Decentium. Locum Innocentii quomodo intelligendus.

rum

rum cum Innocentius mœrorem commemoret, quo capti sunt Apostoli Feria sexta, qua die Christus Jesus est mortuus, & Sabbatho insequenti, quo ejus corpus jacuit in sepulcro, jure inde arguit, ea verba de Feria sexta in Parasceve, & Sabbatho sancto esse intelligenda.

*Hugo negat
hoc die dici
Missam, sed
intelligit eam
quæ celebra-
tur per om-
nem. In Hi-
spaniis obsole-
verant cere-
monie hujus
diei, & Eccle-
siæ erant clau-
sæ. Concilium
Toletanum xv.
eos ceremo-
nias restituit.*

152. Ait Hugo in loco, quem supra attulimus, Feria sexta Majoris hebdomadæ & Sabbatho Missam non celebrari. Verum si quis ejus verba attente consideret, facile intelliget de ea Missa loqui, quæ aliis diebus celebrari solet; nec Præsanctificationum Missam ejus verbis excludi, quæ cum omnibus cæremoniis, quas scripsimus, semper in Occidentali Ecclesia celebrata est in Parasceve. In Hispaniis abusus ille irrepsit, ut Ecclesiæ hac die essent clausæ, & prorsus ab omni sacra cæremonia & divino cultu feriarentur; quem abusum sustulit Concilium Toletanum iv. Can. 7. *Comperimus, quod per nonnullas Ecclesias in die Sextæ Feriæ Passionis Domini, clausis Basilicarum foribus, nec celebratur Officium, nec Passio Domini populis prædicatur, dum idem Salvator noster Apostolis suis præceperit dicens: Passionem & Mortem & Resurrectionem meam omnibus prædicare. Ideo oportet eodem die Mystrium Crucis, quod ipse Dominus cunctis nuntiandum voluit, prædicari, atque indulgentiam criminum clara voce omnem populum postulare, ut penitentia compunctione mundati venerabilem diem Dominicæ Resurrectionis, remissi iniquitatibus, suscipere mereamur, Corporisque ejus & Sanguinis Sacramentum mundi a peccatis sumamus.*

*Sacerdos in
Missæ Præ-
sanctificationis
sumit revera
Corpus & San-
guinem Chri-
sti. Vinum non
consecratur ex
immersione,
particulæ in
calicem.*

153. Præterea ait Hugo, nullo modo negari posse, Sacerdotem hac die sumere Christi Corpus & Sanguinem; utrumque enim revera esse sub specie panis, præcedenti licet die consecrati: additque id in causa esse, cur vinum non servetur die præcedenti consecratum, quod periculo irreverentiæ actio ista non careat. Quidam Græcorum contendunt, sumi in Missa Præsanctificationum Corpus & Sanguinem tum sub specie panis, tum etiam sub specie vini; putant enim; per immersionem particulæ in calicem, ex Sacratissima Hostia detractæ, transubstantiationem fieri vini in Sanguinem. Sed hi sunt recentiorum Schismaticorum errores: Veteres enim Græcorum semper credidere, ut ipsi credimus, non aliter vinum posse consecrari, quam proferendis verbis, quæ formam constituunt Sacramenti, ut animadvertit Christianus Lupus ad Can. 52. Conc. Trullani tom. 2. veter. edit. pag. 956. *Verum respondeo, hæc esse novella Schismaticorum commenta. Antiqui omnes Græci nobiscum credidere, Eucharistica elementa sine mysticis verbis non posse consecrari. Quocirca non ab ipsis*

ipſis elementis hæ Miſſa vocatur Præſanctificatorum, ſed a rebus contentis: quod nempe ſub unica panis ſpecie ſit non ſolum Domini Corpus, ſed & Sanguis.

144 Nemo profecto inſiciabitur, quosdam etiam fuiſſe inter noſtros Latinos Scriptores eoſque Catholicos, qui affirmarunt, in Miſſa Præſanctificatorum corpus & ſanguinem ſumi ſub ſpecie non modo panis, ſed etiam vini, quod vinum conſecratur vel per orationem *Pater noſter*, vel per immerſionem particulæ panis conſecrati in Calicem injectæ. Durandus in Rationali lib.6. cap.75. hanc quæſtionem proponit: *Numquid vinum, quod in die Paraſceves cum Dominico Corpore ſervato ſumitur, in Altari conſecratur, & Sanguis Chriſti efficitur per immiſſionem ipſius Corporis in Calicem, & ejus tactum?* Cui quæſtioni reſpondet, quosdam eſſe, qui putent, vinum effici ſanguinem Chriſti, Micrologum & Amalarium inveniunt: *Super hoc dicunt quidam, quod per Dominicam Orationem, quæ tunc dicitur, fit conſecratio, ſeu commutatio vini in ſanguinem.* Id vero ait minime verum eſſe; nam ſi ea vis eſſet Orationis Dominicæ, panis etiam conſecraretur, atque inde exiſteret illud abſurdum, quod ſupervacaneum eſſet ad ſextam Feriam reſervare panem præcedenti die conſecratum. Nos tamen hoc non dicimus; quia ſi hoc jam eſſet, non eſſet neceſſe Corpus Domini ad diem illum reſervari: ac ſtatuit, vinum ſanctificari quidem contactu ſacræ particulæ, non vero conſecrari, neque ejus tranſubſtantiacionem fieri in ſanguinem Chriſti. Dicimus ergo illud non conſecrari, ſed ſanctificari. Differt autem inter hæc: nam conſecrari eſt conſecratione tranſubſtantiari; ſanctificari eſt ex contactu ſeu admixtione ſacræ rei reverendum & ſanctum effici, ut patet in aqua benediſta. Sylvius tom.5. ſuorum Operum edit. Antverpien. in Oratione I. De Officio Paraſceves, more ſuo accurate tractat hoc argumentum, & quæ obijciuntur auctoritates explicat; magnum intercedere diſcrimen oftendens inter conſecrari & ſanctificari. *Vinum enim ſanctificari eſt ex admixtione, vel contactu rei ſacræ reverendum & ſanctum effici: conſecrari vero eſt, illud vi verborum conſecrationis tranſubſtantiari in ſanguinem Chriſti.*

145 Hæretici, qui adverſus Eccleſiæ ſenſum pugnant pro Communionem ſub utraque ſpecie, libenter eorum amplectuntur ſententiam, qui in Miſſa Feriæ ſextæ exiſtimarunt, per particulam ſacratiffimæ hoſtiæ in Calicem injectam vinum conſecrari; ita enim ſe ab eo argumento liberant, quod adverſus eos deprecimur ex ea Miſſa, in qua Sacramentum ſumitur ſub unica ſpecie panis. Sed eos magno in errore verſari oftendit Mabillonius to.2.

Muſci

Quidam ex Latinis in eadem ſunt ſententia, quæ Græci Schiſmatici, vinum conſecrari per immerſionem Corporis Chriſti.

Hæretici, qui pugnant pro Communionem ſub utraque ſpecie, tam amplecti ſunt ſententiam. Eos conſutavit egregie Mabillonius to.2.

*sententia sem-
per absque Ro-
mana Ecclesia.*

Musei Italici in Commentar. ad Ord. Rom. §. 12. & sequen. ubi veterem fuisse docet controversiam, utrum per particulæ contactum vinum consecraretur: quod observavit etiam Georgius Casfander in sua Liturgia cap. 31. pag. 764 Ecclesiam Romanam semper existimasse, consecrari; in aliquo ex Ordinibus Romanis reperiri ea verba: *Sanctificatur autem vinum, non consecratum per sanctificatum panem*; ea tamen in textum inducta apparere; Patrum & gravissimorum Scriptorum summum in eo esse consensum, ut doceant nonnisi vi verborum Christi, quæ Sacerdos proferat, vinum consecrari; Feria sexta Majoris Hebdomadæ propter ejus diei morem Præsanctificationum Missam esse introductam; panem pridie ejus diei consecratum a Sacerdote, non autem vinum sumi, quod panis facile conservari possit sine periculo irreverentiæ, vinum vero non item; disciplinam denique idcirco investitam, ut vinum & aqua in Calicem infundatur, atque eo injiciatur sacræ hostiæ particula, ut a Christo instituta ad exemplum convivii sacra Communio eo modo exprimeretur, qui esset Cœnæ Christi accomodatio. Nimirum quia Communio sacri convivii rationem habet, ex cibo & potu debet constare. At quoniam altera Eucharistiæ species in crastinum reservanda haud videbatur, nec isto biduo Sacramenta celebrari mos sinebat; inde factum est, ut ex puro vino aqua mixto, sed tamen particula Eucharistiæ sanctificato altera convivii pars, videlicet potus, suppleretur. Plura etiam, quæ cum iis quæ scribit Mabillonius consentiunt, reperias apud Vert. cit. tom. 4. pag. 293. & sequen. Herminier tractatu de Sacramentis tom. 2. cap. 15. ubi agit de forma Eucharistiæ, animadvertit, in pluribus vetustis Missalibus Galliæ, Angliæ, Germaniæ, & Hispaniæ hunc loquendi reperiri modum, vinum nempe sanctificari, & Christi Sanguinem fieri, cum Hostia consecrata in calicem injicitur; sed hanc fuisse docet quorundam parum sane probabilem opinionem, & ante 9. seculum omnibus incognitam, quam vehementer impugnavit S. Bernardus Ep. 69. Joannes Beletus cap. 99. & Jacobus Cardinalis de Vitriaco Histor. Occidentalis cap. 38. Idem Herminier, quod supra innuimus, eodem loco confirmat, Romanam Ecclesiam numquam ejusmodi amplexatam esse doctrinam; eaque verba ex quodam Ordine Romano, *Sanctificet autem vinum consecratum per sanctificatum panem*, abesse monet a veteribus Codicibus Vaticano, Corbejensi, & Colbertino, juxta ea, quæ scripsit loco cit. Mabillonius. Alcuinum, Micrologum, Amalarium, & Ordinem Romanum modo nominatum commemorare non prætermisit Bossuetus Meldensis Episcopus tract. de Communionem sub
utra-

utraque specie vol. 5. fuorum Operum edit. Argentinen. pag. 254. & invictis probat argumentis, eos Scriptores numquam sensisse, sanctificationem ex hostia in vinum injecta veram esse consecrationem, qua vinum convertatur in Sanguinem; sed existimasse eam sanctificationem inferioris esse ordinis alteriusque naturæ, cujusmodi eam describit S. Bernardus Epist. 69. qui ait, vinum cum hostia consecrata mistum, etiamsi non ea peculiari solemni-que Consecratione consecratum sit, qua in Sanguinem Christi converatur, sacrum tamen esse ex Corporis Domini Nostri contactu, sed longe diversa ratione ab ea, quæ sit virtute verborum, quæ ex Evangelio desumpta sunt.

156 In hac Feria sexta nulli sacra præbetur Communio, nisi forte gravis quædam necessitas urgeat, juxta Rubricam Missalis Romani: *Hodie (Feria 5.) reservat Sacerdos in loco decenti & convenienti hostiam consecratam pro die sequenti, in quo non conficitur, vel etiam plures, si necesse fuerit, pro infirmis.* Sed non hanc semper fuisse disciplinam, & hac etiam die populo sacras particulas distribui consuevisse, quæ pridie essent consecratæ, probant certissima monumenta, ut ostendimus institutione 18. tom. 11. Porro quanta fuerit veterum Christianorum hac die jejuniæ severitas, docuimus institutione 16. tom. XI. pag. 98.

Nulli in hac die sacra Communione præbetur, nisi non eo semper fuit discipulus.

CAPUT VIII.

De Sabbatho Sancto.

1 **F**erix sextæ in Parasceve succedit Sabbathum Sanctum. Hoc die sacram illam & mysterii plenam Christi quietem in sepulcro, ejusque descensum ad inferos, seu statum illum Jesu Christi, quamdiu anima a corpore fuit sejuncta, recolit Ecclesia. Quamobrem hujus diei Mysterium satis aperiri videtur, si duo ista explicantur. Sed cum ex ea, quæ nunc viget, disciplina sacra complures aliæ hoc Sabbatho peragantur cæremoniæ, quæ Resurrectionem Domini respiciunt, & ipsa Missa in hac die celebretur de Resurrectione, necessarium propterea putamus de Christo etiam a morte revivificante sermonem habere.

Quod Mysterium hoc die recolit Ecclesia. Cur sermo institatur etiam de Christo revivificante.

2 Ex Decreto quod innuimus Innocentii I. nec Feria sexta, nec Sabbatho Divina mysteria celebrabantur. Introducitur est in Occidentalem Ecclesiam Præsanctificationum Missa feria 6. in Parasceve celebranda. Ejusmodi Missæ celebrandæ Ritus non potuit extendi etiam ad Sabbathum: cum enim ejus diei Officium post horam nonam incipiat, & desinat ad Solis occasum, nihil

Vetus disciplina non recedendi ab Ecclesia ante medium vespertium in Perivoglio Paschæ. Mos celebrandæ

Missæ in nocte ante Pascha viguit usque ad ætatem Durandi, & Valdensis, et jam tum capta est antichristiæ potio ejus Missæ

temporis præstantificationum Missæ celebrandæ suppetebat, ut bene advertit Bailletus in Historia hujus diei §. 2. Docet Tertullianus lib. 2. ad uxorem cap. 4. morem tum fuisse celebrandi Missam in nocte Sabbathi. *Quis solemnibus Pascha adnoctantem securus sustinebit?* Et Hieronymus in cap. 25. Matthæi testatur, ex Apostolica traditione populum ante mediam noctem non consuevisse ab Ecclesia discedere in Pervigilio Paschæ. Iis etiam temporibus, quæ consequuta sunt, ejusmodi viguit disciplina; scribit enim Theodorus Balsamon ad Canonem 90. Trullanum, pios Christianos totum in Ecclesia Sabbathum exigere solitos fuisse, sexta vero noctis hora, hoc est media nocte, communicare, & hora noctis septima matutinæ Psalmodiæ adesse. Durandus, qui vivebat anno 1280. lib. 5. Rationalis cap. 76. testatur, ad suam usque ætatem in quibusdam Ecclesiis morem ejusmodi retentum. Idem affirmat Thomas Waldensis ca. 25. to. 3. Doctrinalis, antiquitati, idest post annum 1400. Fatendum tamen ante ætatem Durandi a Valdensis coeptam esse Missæ anticipationem. Etenim Hugo de S. Victore, qui obiit anno 1140. lib. 3. de specialibus Missæ observationibus cap. 21. *Jam fere, inquit, transacto die Sabbathi Officium hoc celebrant, (Veteres nimirum Missam Sabbathi Sancti) sed modernorum debilitas ad epulas festinans tempus prævenit destinatum.* Nunc canitur Missa circa meridiem: & quamquam anticipatur tempus; non ideo tamen quidquam in orationibus est immutatum, in quibus fit noctis mentio; nam in Collecta hæc leguntur: *Deus, qui hanc sacratissimam noctem gloria Dominicæ Resurrectionis illustras; & in Præfatione: In hac potissimum nocte; & alibi: Communicantes, & noctem Sacratissimam celebrantes.*

Non deest, Corpus Christi putrescere in sepulchro cu. D. Thomas.

3 D. Thomas 3. par. qu. 51. art. 3. quætionem proponit, *utrum corpus Christi fuerit in sepulchro incimeratum; & respondet, non decuisse Christi corpus putrescere; etsi enim, si spectetur conditio naturæ passibilis, putrescere poterat; non tamen putrescere potuit, si ratio habeatur meriti putrefactionis, quod est peccatum; ac proinde tribuit virtuti Divinæ, quod Christi Corpus immune servatum sit a corruptione, & ab illa maledictione Genes. cap. 3. v. 19. Pulvis es, & in pulverem reverteris. Oraculum illud Psalmi 15. v. 10. Quoniam non derelinques animam meam in Inferno, nec dabis sanctum tuum videre corruptionem, docet Petrus Apostolus Act. cap. 2. v. 31. in Jesu Christo esse impletum: Providens loquutus est de Resurrectione Christi, quia neque derelictus est in Inferno, neque caro ejus vidit corruptionem. Neque huc quidquam amplius addendum putamus, quid de incorruptione*

ruptione Corporis Christi jam differuimus lib.4. de Canonizar. Sanctior. par.1. cap.30. num.2. Sylvius expendens D. Thomæ verba loc. cit. in respons. ad secundum, ubi S. Doctor Corpus Christi docet, *quantum ad conditionem naturæ passibilis, fuisse putrescibile*; hæc scribit: *Ita nimirum ut non obstante unione Verbi, mori & putrescere potuisset, si nullum aliud miraculum accessisset.*

4 Agit itidem D. Thomas in 3. par. de animæ Christi descensu ad Inferos. Si quis vero, quæcumque eo pertinent, cupiat sibi dari adversus hæreticos pulcre explicata, & ad exactam examinationis trutinam revocata, adeat Bellarminum tom.1. Controvers. lib.4. de Christi anima a cap.1. usque ad 16. integrum, Petavium Theologicor. Dogmat. lib. 13. cap.15. & sequen. Estium lib.3. distinct.22. §.2. Thomassinum Theologic. Dogmat. tom.2. lib.4. cap.9. Plura sunt in Sacris paginis loca, unde ad illud Fidei dogma probandum depromuntur argumenta. Psalmo 15. v.10. *Non relinques animam meam in Inferno.* De Christo dixit Zacharias cap.9. v.11. *Tu quoque in sanguine testamenti tui emisisti vinetos tuos de lacu, in quo non est aqua.* Regius Psalter pluribus in locis ex persona Christi ait, suam ad Inferos animam descendisse, atque inde abiisse. Et Sapientia divina in Ecclesiastici cap.24. v.45. *Penetrabo, inquit, omnes partes inferiores terræ, & inspiciam omnes dormientes, & illuminabo omnes sperantes in Domino.*

Christi anima descendit ad Inferos.

5 Celebris vero est textus Epistolæ 1. v.18. D. Petri cap.3. *Christus semel pro peccatis nostris mortuus est justus pro injustis, ut nos offeret Deo, mortificatus quidem carne, vivificatus autem Spiritu, in quo & bis, qui in carcere erant, spiritibus veniens prædicavit, qui increduli fuerant aliquando, quando expectabant Dei patientiam in diebus Noe.* Ad illius Epistolæ D. Petri caput tertium adde illud ex capite quarto v.6.: *Propter hoc & mortuis evangelizatum est, ut judicentur quidem secundum homines in carne, vivant autem secundum Deum in spiritu.* Qui textus si intelligatur de prædicatione facta in diebus Noe, omnino non videmus, quæ verba secum ipsa consent. Et sane quomodo hæc cohæreant; Christus in Passione sua mortuus est carne, sed vivus remansit in spiritu; idcirco Deus olim prædicavit hominibus per Noe? ut bene animadvertit Bellarminus loc. cit. cap.13. *Si hic locus intelligatur de prædicatione facta in diebus Noe, non apparet, quorsum huc sit inserta ista narratio. Quomodo enim ista cohærent: Christus in Passione sua carne mortuus est, spiritu vivus mansit: ideo Deus olim prædicavit hominibus per Noe? Contra*

Locus Epistolæ Beati Petri cap.1. capiti.

tra si intelligatur de descensu Christi ad inferos, optime omnia inter se nexa cohærent. Cum enim Petrus voluerit ostendere Christum passum, & mortuum remansisse vivum quoad animam, id optime confirmat, si dicat animam Christi ad Inferos descendisse, atque ibi spiritibus eo carcere detentis prædicasse, iis præsertim, qui diluvii aquis fuerant absumpti, quique crederant, & in extrema vita poenitentiam egerant, sed de eorum salute dubitabatur. Videatur Estius in cap. 3. Ep. 1. D. Petri num. 20. ubi notat, Petrum eorum, qui in diluvio interierunt, mentionem facere, *quia nunquam tanta hominum multitudo simul periit, & secundum animas ad Inferna descendit*; & quia inde commoda erat Apostolo transitio ad loquendum de Baptismo (*quod & vos nunc similis formæ salvos facit baptisma*) cujus figura fuit Arca Noe.

Communis consensus Patrum de Christi descensu ad Inferos. Ex Rufino fortasse hæretici impulsus sunt ad negandum ejusmodi descensum.

6 Verum omnis in hac re sublata est difficultas communi omnium Patrum Græcorum & Latinorum consensu, quorum dicta in unum congersere Bellarminus, & Petavius. Quamobrem Thomassinus loc. cit. pag. 283. optime concludit: *Tanta est antiquorum utriusque Ecclesiæ Patrum ab ipsis usque primis Christiani nominis temporibus concordia & conspiratio, tanta proinde omnium consensus Ecclesiarum in hunc Christi ad Inferos descensum ut sine injuria Fidei Catholicæ nemo secus sentire possit*. Rufinus in expositione Symboli Apostolorum, *Sciendum, inquit, sane est, quod in Ecclesiæ Romanæ Symbolo non habetur additum, Descendit ad Inferos; sed neque in Orientis Ecclesiis habetur hic sermo. Vis tamen verbi eadem esse videtur in eo, quod sepultus dicitur*. Ex hoc Rufini loco credibile est hæreticos depromsisse rationem, quamobrem Christi descensum negarent ad Inferos. Levitamen in Ecclesia Rufini auctoritas, quem Origenianis contractum erroribus nemo est qui nesciat. Præterea non de Symbolo Apostolorum loquitur, sed de Nicæno, aliisque Symbolis.

Symbola non omnia, sed vel potiores, vel in controversia positi articuli continentur.

7 Sed dubitatio summovetur omnis, si animadvertimus, non omnes Fidei articulos in Symbolum Patres voluisse conjicere, sed vel potiores, vel eos, de quibus per ea tempora aliqua esset coorta controversia. Neque vero, quod in quibusdam Symbolis ille non contineatur articulus, inde sequitur, non habitum fuisse a Patribus unum ex Fidei capitibus, cum præsertim in plurimis aliis Symbolis disertissime legatur expressus. Vide quæ scripsit eruditus vir Josephus Blanchinus in *Enarratione Pseudo-Athanasiana in Symbolum*, Veronæ anno 1731. pag. 51. & sequen. Natalis Alexander Dissert. 12. Sæcul. I. observat in nostro Symbolo haberi *Passus sub Pontio Pilato, crucifixus, mortuus, & sepultus*

pulsus descendit ad Inferos : in Aquilejensi passionem & mortem prætermitti : *Crucifixus sub Pontio Pilato*, & *sepultus descendit ad Inferos*; & in Romano cæterisque Orientalibus Symbolis non inveniri descensum ad Inferos. Verum monet, in Aquilejensi Symbolo nullatenus prætermitti Passionem & mortem, quæ in crucifixione & sepultura continentur; neque itidem in Romano cæterisque Orientalibus Symbolis descensum ad Inferos prætermittum videri, qui in sepultura comprehensus intelligitur; quemadmodum enim Christi corpus ad locum suum descendit, ad terram scilicet, qui locus est corporum; ita ejus Anima ad animarum locum descendit, ad eam nimirum Inferorum partem, in qua Sanctorum animæ veluti captivæ detinebantur, ut eas illinc eriperet, & triumphator secum una sublimes in Cælum duceret.

8 Itaque corpus Christi quievit in sepulcro, anima descendit ad Inferos, Divinitas vero neque a corpore, neque ab anima fuit sejuncta, sed cum iis, licet separatis, hypostatica unione conjungebatur; quod egregie probat D. Thomas 3. par. qu. 50. artic. 2. ubi ait, donum, quod per gratiam Dei conceditur, sine culpa non revocari; ac propterea cum nulla in Christo fuerit culpa, fieri non potuisse, ut in illius morte solveretur unio hypostatica, & divinitas a carne separaretur; præsertim cum unionis gratia maxima sit, & maxime permanens: *Et etiam magis permanent ex sui ratione, quia hæc gratia ordinatur ad unionem personalem, gratia autem adoptionis ad quamdam unionem affectualem; Et tamen videmus, quod gratia adoptionis numquam perditur sine culpa. Cum igitur in Christo nullum fuerit peccatum, impossibile fuit, quod solveretur unio Divinitatis a carne ipsius. Et ideo sicut ante mortem caro Christi unita fuit secundum personam Et hypostasim Verbo Dei, ita Et remansit unita post mortem, ut scilicet non esset alia hypostasis Verbi Dei, Et carnis Christi post mortem.* Idem S. Doctor eandem confirmat doctrinam in 3. sentent. dist. 2. qu. 1. art. 1. Quod si in morte Christi Divinitas a corpore non fuit separata, docet S. Doctor ead. 3. par. qu. 50. art. 3. multo minus ab anima fuisse sejunctam: *Anima unita est Verbo Dei immediatius, & per prius quam Corpus, cum corpus sit unitum Verbo Dei mediante Anima. Cum ergo Verbum Dei non sit separatum in morte a corpore, multo minus separatum est ab anima.* Quapropter in Catechismo S. Tridentinæ Synodi ad expositionem quarti Articuli habentur hæc verba: *Quare cum Jesum mortuum esse dicimus, id significamus, ejus animam a corpore divisam esse; neque tamen concedimus Divinitatem sejunctam a corpore; quin potius constanter credimus, & confitemur, anima ejus*

Corpus Christi quievit in sepulcro, Anima descendit ad Inferos, Divinitas cum Corpore & Anima licet sejunctis hypostatice fuit unita ex Divo Thoma.

a corpore divisa, Divinitatem tum corpori in Sepulcro, tum animæ apud Inferos conjunctam semper fuisse. Refert Cardinalis Pallavicinus in Historia Concilii Tridentini lib. 17. c. 6. num. 6. Religiosum quemdam hominem, nomine Amantem, Ordinis Servorum B. Mariæ Virginis, Episcopi Sebenicensis Theologum, quod in Sessione quadam affirmaverit, in morte Christi Divinitatem a corpore fuisse divisam, palinodiam recantare coactum: & Historiæ Concilii Tridentini a Paulo Sarpio conscriptæ nuperrimus Scholiastes Petrus Franciscus Courayer tom. 2. pag. 234. num. 31. quamvis Pallavicinum audaci sane, sed minus felici conatu susceperit refellendum, ea super re cum eo haud gravate consentit.

*Sanguinis
triduo illo, quo
Corpus Christi
jacebat in Sepul-
cro, unitus
fuit hypostati-
ce verbo Dei.*

9 Quo tempore Christi corpus jacebat in sepulcro, ejusque anima ad Inferos descenderat, diximus neque a corpore neque ab anima fuisse Divinitatem separatam. Utrum vero Sanguini, qui in Passione effusus est, conjuncta fuerit, antequam Christus reviviscens Sanguinem illum in suum corpus receperit; seu, quod idem est, utrum Sanguis triduo illo hypostatice unitus remanserit Verbo Dei, gravis in Ecclesia fuit controversia; quam ipsi exposuimus tom. 2. de Canonizat. Sanctor. cap. 30. num. 4. & sequen. Verum postquam definivit S. Tridentina Synodus Sess. 13. cap. 3. esse in Eucharistia Corpus sub specie panis, Sanguinem sub specie vini, & animam sub utraque specie vi naturalis illius connexionis & concomitantæ, qua partes Christi Domini, qui jam resurrexit ex mortuis non amplius moriturus, inter se copulantur, cumque dubitari non possit, Sanguinem veram quodammodo Christi partem, statuendum est quemadmodum Corpus, quod humanitatis Christi pars fuit, Verbo fuit conjunctum, ita Sanguinem ejusdem Humanitatis partem, qui que rursus in Resurrectione assumendus erat, eadem plane ratione Verbo fuisse unitum, ut qui hodie hujusmodi doctrinam negaret, erroris esset omnino accusandus.

*Anima Christi
per essen-
tiam suam de-
scendit ad ju-
num Abrahæ,
non tamen per
essentiam suam,
sed per suam
effectum descen-
dit ad Infer-
num. Duran-
di rejecta opi-
nio. Nihil ac-
certi sensu
Christus in In-
feris.*

10 Quibus ita constitutis, quasdam breviter proponemus quæstiones, quæ de animæ Christi descensu ad Inferos a Theologis agitari solent. Prima est, utrum anima Christi substantiali præsentia sua, an sua tantum potentia & operatione in omnem Inferorum locum descenderit. Durandus in 3. sentent. Distinct. 22. vult, Christi animam ad Inferos descendisse secundum effectum & operationem, quam in illo Divinitas, sive anima Christi sit operata: cui tamen assentiri nullo pacto possumus. Christus enim vere & re ipsa descendit ad Inferos, quo factum est, ut ejus anima illic præsens fuerit. Quamobrem D. Augustinus ep. 99. Secundu-
dum, inquit, creaturam eam, quam ex quodam tempore susci-
piendo manens Deus factus est, hoc est secundum animam
eum

eum fuisse apud Inferos aperte Scriptura declarat, & per prophetiam præmissa, & per Apostolicum intellectum satis exposita, quæ dictum est: Non derelinques animam meam in Inferno. Id ipsum docuit Lateranense Concilium sub Innoc. III. in Cap. *Firmiter* de Summa Trinitate & Fide Catholica. Consentiant Theologi; qui illud etiam quærent, an descensus ad Inferos gravis Christo fuerit & acerbus. Nihil acerbitalis Christum sensisse respondent; tum quia, quæ anima ab omni peccato pura & integra sit, a corpore simul ac fuerit sejuncta, nihil amplius potest pati; tum quod si, retardato ad Coelum ascensu, quidpiam molestiæ Christus accepisset, multo sane graviolem accepisset molestiam in illo quadraginta dierum spatio, quod inter Resurrectionem & Ascensionem interjectum est; quod a nemine adhuc dictum esse comperimus, ut notat Sylvius in 3. par. D. Thomæ Quæst. 52. art. 1. Itaque Catholica veritate constabilita, quod anima Christi substantiali præsentia descenderit ad Inferos, reliquum est ut quæramus, an in omnibus Inferni locis præsens fuerit. D. Thomas 3. par. ead. quæst. 52. art. 2. respondet, Christi animam per essentiam suam descendisse ad illum Inferorum locum, qui Limbus dicitur, seu sinus Abrahæ, ubi Patriarchæ & Justj ante Christum mortui detinebantur; non autem per suam essentiam, sed per suum effectum descendisse ad Infernum, ubi perpetuis pœnis reprobi addicti sunt, & ad Purgatorium, quo animæ conjectæ fuerant eorum, qui amici quidem Dei mortem obierant, sed nondum temporalibus pœnis Divinæ justitiæ satisfecerant; & reprobos quidem de eorum incredulitate & malitia coarguisse, qui vero in Purgatorio erant, iis spem dedisse consequendæ gloriæ.

11 Secunda quæstio est, quid Justorum animabus Christi ad Inferos descensus contulerit. D. Augustinus epist. 164. ad Evodium tom. 2. op. col. 476. §. 8. se id nescire fatetur: *Illis justis, qui in sinu Abrahæ erant, cum ille (Christus) in Inferna descenderet, nondum quid contulisset inveni, a quibus eum secundum beatificam præsentiam suæ Divinitatis numquam video recessisse.* Verum lib. 20. de Civit. Dei cap. 15. Tom. 7. op. præcit. edit. col. 593. scribit, eorum animas in Inferno, idest in Sanctorum Patrum Limbo, fuisse ab omni prorsus pœna sensus exemptas, acerrimo tamen inde abeundi desiderio esse incensas, ut Paradisi gloriam assequerentur. *Non absurde credi videtur, antiquos etiam Sanctos, qui venturi Christi tenuerunt Fidem, locis quidem a tormentis impiorum remotissimis, sed apud Inferos fuisse, donec inde eos Sanguis Christi & ad ea loca descensus erueret.* Quæ quidem viam aperiunt ad respondendum, quemadmodum communiter

Quid contulerit Justorum animabus descensus Christi ad Inferos?

niter respondetur, Sanctos Patres, etsi ab originali labe, & omni peccato actuali, atque etiam omni reatu poenæ pro peccato actuali liberati essent per Fidem Christi, non tamen a reatu poenæ originalis peccati absolutos fuisse, propter quem reatum, nondum humanæ redemptionis persoluto pretio, a vita gloriæ excluderentur: eo prorsus modo, quo Fideles Christi per Baptismum a peccatorum, quæ in se admiserint, atque etiam a peccati originalis reatu, quantum ad exclusionem pertinet a gloria, absolventur, adhuc tamen remanent obligati reatu peccati originalis, quantum ad necessitatem moriendi. Quapropter si Sancti Patres in sinu Abrahamæ nondum erant a peccati originalis reatu liberati, Christus descensu suo ad Inferos duo illis contulit beneficia; alterum, quod iis beatificam visionem attulit, in qua summa hominis beatitudo posita est; alterum, quod eorum animas ex illo loco liberavit, ut optime de hac re tota disputat S. Thomas 3. par. qu. 52. art. 5.

An Christus liberaverit animas in Purgatorio detentas, & pueros non expiatos a peccato originali.

12 Tertia quæstio est, an Christus descensu ad Inferos animas in Purgatorio detentas, & puerorum item animas liberaverit, qui e vita erepti essent, antequam iis remedium illud esset adhibitum, quo originale peccatum delebatur. Quod ad Purgatorii animas attinet, docet S. Thomas loc. cit. art. 8. eas fuisse liberatas, quæ Divinæ Justitiæ jam satisfecerant, & nihil in iis erat reliquum quod purgaretur; ut etiam illas, quæ pio quodam erga Christi Passionem affectu meruerant, ut descendente Christo ad Inferos poenis temporalibus Purgatorii absolverentur. Animas vero puerorum, qui cum peccato originali obiiissent, idem S. Doctor loc. cit. art. 7. negat fuisse liberatas. Eos enim Christus liberavit, qui sibi per Fidem & Charitatem essent conjuncti, Pueri vero, qui libero arbitrio non fuerint compotes, nec per fidem parentum, aut per aliquod Fidei Sacramentum a peccato originali mundi essent, filii erant iræ, & vasa contumeliæ. Quapropter Africani Episcopi in Sardinia exules in Epistola Synodica scribunt: *De parvulis indubitanter tenenda Catholica religionis regula veritatis, quia parvulus, qui baptizatur, gratuita Dei bonitate salvatur: qui vero sine Baptismo moritur, propter peccatum originale damnatur*. Ea autem damnatio cujuscumque sit, & an posita in eo sit, ut Beatitudine tum supernaturali, tum naturali careant, omni tamen poena sensus vacui; an vero eadem privati sint beatitudine cum levi quadam poena sensus, etiamnum inter se Theologi disputant.

An Christus aliquos ex veteribus Philosophis descendens ad Inferos liberaverit.

13 Ultima quæstio est, an Christus descendens ad Inferos veterum Philosophorum quosdam inde eripuerit. Sed si illi in

damna-

damnatorum inferno detinebantur, Catholica Fide docemur, nullam esse in Inferno redemptionem. Ne ipsos quidem infantes, qui cum peccato originali mortui essent, modo ostendimus a Christo esse liberatos. Quamobrem ne comminisci quidem rationes ullas possumus, cur affirmemus, creptos ex Inferno eos fuisse Philosophos, qui illuc coniecti essent, vel quod nullam in Christum Fidem habuerint, vel si quam Fidem implicitam habuere, nullam conformitatem habuerint ad charitatem Christi patientis, ut ait D. Thomas loc. cit. art. 6. Tostatus Paradox. 5. cap. 132. putat probabile, Socratis, Platonis, & Aristotelis animas in Sanctorum Patrum Limbo fuisse, quod implicitam in Christum Fidem habuerint, & integram a gravibus peccatis vitam egerint, atque inde a Christo fuisse ereptas. *Ex quo satis rationabile videtur, quod anime Socratis, Platonis, & Aristotelis, similiumque Philosophorum ad Limbum morte ipsorum descenderint, postea autem cum Christo resurgente inde in æthereas ascenderint mansiones. His quippe vita studiosa erat, & vitia castigabantur ad unguem, ne quid in bonum eis accideret, acutissime advertebant. Quod satis colligi datur, si eorum dicta & facta ex historiis Philosophorum advertamus.* Nicetas in Orat. 42. S. Gregori Nazianzeni narrat, Platonem, ubi primum Christum in Inferno prædicantem audivit, in eum credidisse. Cum diu antea vita sanctus a quodam Christiano maledictis, conviciisque ut improbus & impius laceratus esset, noctu ad conviciatorem suum venit, hominemque accusavit, ut inique in ipsum maledictis incessentem. *Ego enim, inquit, me peccatorem esse haudquaquam insicias ivero verum cum Christus in Infernum descendit, nemo ante me ad Fidem accessit.* Sed hæc sunt somnia & deliramenta; non quod fieri non potuerit, ut quidam ex ethnicis salvi sint per Fidem saltem implicitam divinæ providentiæ, quod crediderint, Deum esse humani generis liberatorem secundum modos sibi placitos, aut per Fidem adventus Christi peculiari revelatione cognitam, quæ doctrina est D. Thomæ 2. 2. quæst. 2. art. 7. ad tertium; sed quia incompertum omnino est, eos Philosophos ejusmodi Fidem habuisse, quos alioqui constat recte scripsisse, non recte vixisse. Bellarminus loc. cit. cap. 15. in fine Nicetæ historiani tamquam fabulosam & commentitiam explodit. Petavius autem loc. cit. cap. 18. num. 13. apposite ad hanc rem: *Quamvis, inquit, nonnulla præclare ab illis dicta factaque legantur, quæ videntur indicia multarum esse magnarumque virtutum, tamen & ipsa non expressa, neque solida erant, sed adumbrata, & ad verborum speciem effusa, tum multis pluribusisque versis & surpsimis flori-*

gitiorum notis dedecorata sordebant. Et Thomassinus loc. cit. cap. 9. in fine: Nil tutius, ait, nil sapientiæ & sobrietatis regulis accommodatius, quam communi Fidelium sensui & credulitati adhaerescere, liberatos scilicet a Christo non philosophos, non quoscunque alios, nisi qui in gratia & amicitia Dei vivis excessissent. Pulcrum Calmetus Dissertationem edidit, num ethnici, quibus Lex Moysis, aut Evangelium incognita fuere, potuerint æternam salutem consequi; & ostendit, sanctos illos ante legem Moysis, puta Seth, Noe, Melchisedech, qui Fidei lumine Deum cognoverunt, & puro, religiosoque cultu, & innocentia vitæ coluerunt, salutem æternam adeptos; Philosophos vero, qui naturali lumine Deum habuere cognitum, tantoque beneficio abusi ejus opem non imploraverunt, sed fœdo Idolorum cultui hæserunt, corruptisque moribus se commacularunt, inter quos Socrates, Plato, Seneca, neque salutem æternam consequutos, neque a Christo ad Inferos descendente liberatos esse.

*Differitur de
Resurrectione.
Cur de eo sermo
injiciatur.
Totius reliqui
huius sermo-
nis distributio
in quinque
partes.*

14 Quicquid hætenus de Christi descensu ad Inferos disseruimus, egregie Suarez persequitur tom. 2. 3. par. disp. 43. sect. 1. & sequentibus, quarum in postrema animadvertit, tandiu animam Christi apud Inferos permansisse, donec in Resurrectione denuo corpori jungeretur. Quantum vero temporis inter mortem & Resurrectionem elapsum sit, mox examinabimus. Cum enim in Sabbathi Sancti cæremoniis Resurrectionis celebretur Mysterium, postulare videtur instituta sermonis nostri ratio, ut de Resurrectione quoque verba faciamus. Atque, ut ordine agamus, tractationem omnem in quinque capita putavimus dividendam. Primo veritatem Resurrectionis demonstrabimus; secundo de tempore & hora, qua Christus revixit, disseremus; tertio ejus circumstantias afferemus; quarto de qualitate Corporis resurgentis agetur; postremo de iis, qui resurrexerunt cum Christo, sermonem habebimus.

*Rationes
quinque ex D.
Thoma, qua-
mobrem opus
sint ut Cori-
thios convince-
ret.*

15 Divus Thomas 3. par. qu. 53. art. 1. probat, necessarium fuisse, Christum ex mortuis resurgere. 1. ad Divinæ justitiæ commendationem, ut qui se usque ad mortem Crucis humiliasset, exaltaretur a Deo usque ad gloriosam Resurrectionem. 2. ad Fidei nostræ instructionem, ut per Resurrectionem Christi Fides nostra de ejus Divinitate confirmaretur. 3. in nostræ spei solatium, quia dum certo scimus Christum revixisse, ipsi speramus & nos resurrecturos. 4. ad informationem vitæ Fidelium; nam quemadmodum Christus resurgens ex mortuis jam non moritur, ita nos mortui peccato, vivimus Deo. Postremo ad nostræ salutis complementum; ipse enim rediit ad vitam, ut post Resurrectionem

nem

nem fructus Passionis suæ per Apostolorum prædicationem nos faceret compotes.

16 Plura sunt in Testamento veteri de Resurrectione Christi oracula. Psal. 134. v. 3. *Circumdederunt me dolores mortis, & pericula Inferni invenerunt me &c. Convertere anima mea in requiem tuam, quia Dominus benefecit tibi, quia eripuit animam meam de morte, oculos meos a lapsu.* Et Psal. 70. v. 20. *Quantas ostendisti mihi tribulationes multas & malas, & conversus vivificasti me, & de abyssi terræ iterum reduxisti me.* Et Psal. 40. v. 5. *Tu autem Domine miserere mei, & resuscita me, & restituiam eis.* Christus etiamnum vivus futurum prædixit, ut revivisceret, apud Matth. cap. 16. v. 21. *Exinde capis Jesus ostendere Discipulis suis, quia oporteres eum ire Hierosolymam, & multa pati a Senioribus & Scribis & Principibus Sacerdotum, & occidi, & tertia die resurgere:* & apud Joann. cap. 2. v. 19. *Respondit Jesus & dixit eis: Solvite Templum hoc, & in tribus diebus excitabo illud &c.* Ille autem dicebat de Templo corporis sui. Cum ergo resurrexisset a mortuis, recordati sunt Discipuli ejus, quia hoc dicebat; & crediderunt Scripturæ, & sermoni, quem dixit Jesus. Atque inde factum est, ut Principes Sacerdotum, & Pharisei peterent a Pilato, ut juberet, custodes per triduum vigilare ad sepulcrum, ne Discipuli Christi Corpus inde auferrent, & dicerent surrexisse; ut est apud Matth. cap. 27. v. 62. *Convenerunt Principes Sacerdotum & Pharisei ad Pilatum dicentes: Domine recordati sumus, quia seductor ille dixit adhuc vivens: Post tres dies resurgam.* Jube ergo custodiri sepulcrum usque in diem tertium, ne forte veniant Discipuli ejus, & furentur eum, & dicant plebi: Surrexit a mortis: & erit novissimus error pejor priore. Post Resurrectionem suam Christus Dominus multis apparuit, ut alibi demonstrabimus; quod affirmate & libere testati sunt Apostoli Act. cap. 3. v. 15. *Auctorem vero vitæ interfecisti, quem Deus suscitavit a mortuis, cujus nos testes sumus;* cap. 4. v. 33. *Et virtute magna reddebant Apostoli testimonium Resurrectionis Jesu Christi Domini nostri;* & cap. 10. v. 40. *Hunc Deus suscitavit tertia die, & dedis eum manifestum fieri non omni populo, sed testibus præordinatis a Deo, nobis qui manducavimus & bibimus cum illo, postquam resurrexit a mortuis;* & cap. 13. v. 30. *Deus vero suscitavit eum a mortuis tertia die, qui visus est per dies multos his, qui simul ascenderant cum eo de Galilæa in Hierusalem, qui usque nunc sunt testes ejus ad plebem.*

17 S. Paulus item 1. ad Corinthios cap. 15. v. 5. apertissime testatur de Resurrectione Christi, dicens, cum post mortem vi-

*De Christi
Resurrectione
Oracula ex Sa-
cris paginis.*

*Testimonia.
D. Pauli de
Christi Re-
surrectione.*

sum esse Cepha, & post hoc undecim: & statim post v.6, *Visus est plusquam quingentis fratribus simul, ex quibus multi manent usque adhuc, quidam autem dormierunt: & prosequitur v.7. Deinde visus est Jacobo, deinde Apostolis omnibus: denique ait v.8. Novissime autem omentum tamquam abortivo visus est & mihi.*

Huetii animadverto super fide testimonii de Christi Resurrectione

18 Perpulcre Huetius Demonstr. Evang. Prop.9. cap.142. ostendit, testes de Christi reditu ad vitam nulli esse exceptioni obnoxios. Qui enim credibile est, Apostolos palam testari voluisse Christum rediisse ad vitam, nisi id revera contigisset, testesque proferre ausos, a quibus mendacii convinci potuissent? Incredibile est etiam, voluisse pro mendacio, cujus ipsi sibi essent conscii, vel pro re, quam non satis exploratam haberent & cognitam, depacisci vitam, atque adeo profundere. Præterea quis putet Apostolos Christi corpus clanculum surripuisse, ut figmentum de Christi ad vitam reditu universo terrarum orbi obtunderent, illuderentque vulgi credulitati? Quod Judæi perfidia quadam vulgari studuerunt. Communi enim Synedrii sententia milites sepulcro appositos pecunia subornaverant, qui dicerent sibi somno oppressis Discipulos Christi corpus clam sustulisse, ut narrat Matthæus cap.28. Simples homines, rudes, imperitos, cujusmodi erant Apostoli, meticulosos, & ad satellitum adventum paullo ante trepidantes, tantum facinus ausos esse nemo profecto crediderit; cum præsertim, dum prope essent semisomni satellites; qui levissimo rumusculo excitari poterant, tantum otii superesse Apostolis non potuerit, ut ingentem lapidem sepulcri ostio appositum amoverent, & fascias institasque, quibus Christi corpus constringebatur, disjungerent & explicarent. Illud Huetii argumentum fuscè prosequutus est & exornavit Hermannus Witsius Heterodoxus Auctor Sacrarum in Apostolorum Symbolum Exercitat.19. num.30.

Pilati testimonium de Christi Resurrectione, itemque Josephi historici.

19 Neque vero prætermittendum, apud ipsos Ethnicos Judæosque testimonia extare de Christi reditu ad vitam. Constat enim, Pilatum, cum de rebus gravioribus, quæ se Præsidi in Judæa contigissent, Tiberium, ut mos erat Præsidium Provinciarum, certiolem faceret, Christi quoque mortem, prodigia quæ consecuta sunt, & reditum ejus ad vitam in eos Commentarios retulisse, iisque permotum Tiberium egisse cum Senatu, ut Christus inter Deos adscriberetur. Vide Calmeti Dissertationem de Actis Pilati ad Tiberium Cæsarem missis, quod ipsi quoque pertractavimus lib.1. de Canonizat. Sanctor. cap.1. n.2. Josephi vero lib.18. Antiqu. cap.4. luculentissimum est de Christo testimonium; *Fuit, inquit Josephus, hoc tempore Jesus vir sapiens, si*
tamen

tamen virum illum oportet dicere. Erat enim mirabilem operum effector, magister hominum, qui vera libenter amplectuntur. Et plurimos quidem ex Judæis; plurimos etiam ex Gentilibus ad se pertraxeris. Hic erat Christus. Cumque eum a Primoribus Gentis sue accusatum Pilatus ad Crucem damnaasset, ab eo diligendo non absterunt, qui primum caperant. Nam post tertium diem rediit ipsis apparuit, cum Divini Vates hæc, aliæque quamplurima admirando de eo prædixissent. Neque ad hanc diem defecit denominatum ab eo Christianorum genus.

20 De eo Josephi testimonio ita Chrysostomus Homilia 5. in Acta Apostolorum: *Effet fortasse sermo suspectus. Quia autem Judæus & æmulator, qui post Evangelium floruit, quomodo non omnibus manifesta sunt, quæ facta?* Si quis vero contendat, a Christianis Josephi historiæ testimonium illud pio dolo asutum, næ ille vel severissimos Criticos anxia & odiosa sedulitate superaverit. Eusebius enim, Hieronymus, Isidorus Pelusiota, Sozomenus, & Nicephorus locum illum Josephi tamquam genuinum & legitimum in suis scriptis repræsentarunt; & constans & perpetuus omnium codicum, sive manu exaratorum, sive formis impressorum consensus de illo Josephi foetu dubitare non finit; quis enim credat, si a deceptore aliquo ea verba fuissent inserta, nullum omnino Codicem illius manus effugisse? De celeberrimo hoc Josephi testimonio verba fecimus cap. 1. lib. 1. de Canonizat. Sanctorum. Bernardus Montfaucon cap. 2. Diarii Italici testatur in Codice Ambrosiano Mediolanensi diligenter inspecto verba illa, ut in aliis Codicibus reperiuntur, se deprehendisse. Videatur Antonius Boucat Theol. Patrum tom. 3. dissert. 2. de existentia Incarnat. Dominicæ art. 5. qui de hac re satis abunde ibi disseruit. Benedictus Spinosa, qui ex Judæo Christianus, seu qui, ut verius dicamus, vel Judaicam impietatem animo retinuit, vel omnem religionem amisit, cum videret maximo Resurrectionis Christi miraculo monstruosam impiamque corruiere suam doctrinam, qua omnia miracula evertibat, Epist. 25. fateatur, ab Evangelistis Resurrectionem Christi creditam oportere, quam cum omnibus ejus adjunctis tam minuta diligentia tradiderunt, sed, salva Evangelii doctrina, eos decipi potuisse. Quil vero falli potuerint, explicat Epist. 23. ubi ait, Christum allegorice dici ad vitam rediisse, & omnia, quæ narrant Evangelistæ, non res, sed apparitiones fuisse. Adversus tantam nefarii hominis impietatem Lamy Harm. Evangel. lib. 5. cap. 41. vehementer invehitur: & Christum quidem puellam coram ejus parentibus paucisque suis discipulis ait ad vitam revocasse; unicum

Josephi testimonium agnovit Chrysostomus: locus ille est genuinus, non subdititius. Spinosa monstrat impiam doctrinam.

VC-

vero mulieris viduæ filium prope Naim coram omnibus, quotquot ejus funus prosequerentur, vitæ restituisse; Lazari lethalem morbum cum cognovisset, Bethaniam venisse; ante quatuor dies mortuum, & in monumento conditum cum invenisset, iussisse surgere, & ad vitam revocasse; quo miraculo Judæorum furor acrius in Christum exarsit. Itaque illud concludit, quod cum veræ horum mortuorum Resurrectioni, quotquot credunt Evangelio, præbeant fidem, nemini profecto de vera Christi Resurrectione subire potest dubitatio: *Resurrectio autem illa & aliorum certum est argumentum, veram fuisse Christi Resurrectionem. Testes enim Apostoli potestatis, qua toties viderant, eum de morte fuisse victorem, non poterant de Resurrectione ejus dubitare, quam ipsi oculis, manibus, & omni sensu exploraverant.* Adversus Spinofam Tractatum de Veritate Resurrectionis Christi conscripsit Joannes Colerus Lutheranae Ecclesiæ minister Hagæ Comitum anno 1706 in eadem urbe typis impressum, qui etiam Josephi testimoniū, de quo supra verba fecimus, ut genuinum agnoscit.

De tempore
& hora, qua
Christus resur-
rexit.

21 Qua die Christus ad vitam rediit, ea hebdomadæ prima est, apud nos Dominica, quam Matthæus cap. 28. vocat primam Sabbathi. Sabbathum autem appellat vel primam hebdomadæ diem, quæ est Dominica, vel primam post Sabbathum, quæ Dominica itidem est, ut bene animadvertit Suarez tom. 2. iu 3. par. qu. 36. sect. 1. neque enim in sacris paginis novum est Sabbathi nomen ad totam significandam hebdomadam usurpari; quamobrem verba illa Lucæ cap. 18. *Jejuno bis in sabbato*, intelligenda de hebdomada; qui enim bis in eadem die quispiam jejunare possit? D. Augustinus Ep. 55. alias 119. cap. 13. *Dies*; inquit, *Dominicus non Judeis, sed Christianis Resurrectione Domini declaratus est, & ex illo habere cepit festivitatem suam.* Et Tract. 120. Tom. 3. Oper. in Joann. *Una Sabbathi, quem jam diem Dominicum propter Domini Resurrectionem nos Christiani appellat.* De hora, qua Christus revixerit, sacri inter se dissentiant Interpretes; & Hieronymus ep. 150. ad Hedibiam quæst. 6. Tom. 1. oper. Col. 824. ait, eam horam hominibus esse omnino incognitam. *Angelum autem non putemus Idcirco venisse, ut aperiret sepulcrum Domino resurgenti, & revolveret lapidem, sed postquam Dominus resurrexit hora, qua ipse voluit, & quæ nulli mortalium cognita est.* Communis tamen sententia est, suscitatum a mortuis illucescente aura diei Dominicæ; quamobrem sanctæ mulieres, quæ summo mane ac vix orto sole venerant die Dominica ad sepulcrum, non invenerunt corpus Christi, qui jam ad vitam redierat, ut narrat Marcus cap. 16. v. 2. *Et valde*

valde mane una sabbathorum veniunt ad monumentum orto jam sole. Et Lucas cap. 24. v. 1. *Una autem Sabbathi valde diluculo venerunt ad monumentum portantes, quæ paraverant aromata, & invenerunt lapidem revolutum a monumento, & ingressæ non invenerunt Corpus Domini.* Atque ea est D. Thomæ sententia 3. par. quæst. 53. art. 2. ad tertium. *Christus resurrexit circa diluculum, illucescente jam die, ad significandum quod per suam Resurrectionem nos ad lucem gloriæ inducebat; sicut mortuus est, ad desperationem jam die & recedente in tenebras, ad ostendendum, quod per suam mortem destrueret tenebras culpæ & pænæ.* Baronius ad ann. Chr. 34. num. 173. & 174. ex eo hymno, qui in Ecclesiasticis Paschalium Festorum Officiis canitur, infert, hanc esse Romanæ Ecclesiæ sententiam. Suarez eandem opinionem loc. cit. sect. 2. proponit, tamquam quæ sit ad veritatem propior; monetque, Divi Hieronymi, aliorumque Patrum, qui scripserunt, incognitam esse horam, qua Christus surrexit a mortuis, hunc sensum esse, nobis horam ipsiusque horæ momentum non esse comperitum. Nam licet dicamus, *Christum resurrexisse post inchoatam lucem diei Dominici, ignoramus tamen, quantum tempus illius diei fuisset transactum.* Calmetus cap. 28. Matt. §. 2. ait, de hora, qua Christus revixerit, ne verbum quidem fieri in sacris paginis; hinc factum esse, ut ea de re sacri inter se dissentiant Interpretes; quosdam enim existimasse Christum ad vitam rediisse nocte Sabbathi ineunte; quosdam paullo post mediam noctem; alios vero, appetente aurora Dominicæ; quam sententiam ut verisimiliorem amplectitur. Revixit enim Christus haud ita multo ante, quam Angelus descenderet, & sepulcrum aperiret, & terra contremisceret: quæ omnia cum interea contigerint dum sanctæ mulieres venirent ad sepulcrum, ipsæ autem paullo post solis ortum eo pervenerint; perspicuum est, Christum paullo ante solis ortum, seu illucescente aurora ad vitam rediisse.

22 Binæ huic sententiæ difficultates objici solent: quarum prima est, incompertum nobis esse, qua hora sanctæ mulieres venerint ad Sepulcrum, ac propterea exploratum nobis esse non posse, qua hora Christus revixerit. Sanctæ vero mulieres ad sepulcrum qua hora pervenerint, non satis cognitum habemus propter Evangelistarum quemdam veluti dissensum. Eas enim Matthæus tradit ad sepulcrum pervenisse *vespere sabbathi*, Marcus *valde mane orto jam sole*, Lucas, *valde diluculo*, & Joannes, *mane cum adhuc tenebræ essent*.

23 D. Augustinus de Consensu Evangelist. lib. 3. cap. 24. hanc solvit difficultatem. Eandem enim advertit horam significare

Sententia; quæ statuit paulo ante solis ortum, Christum rediisse ad vitam duobus obnoxia difficultatibus. Prima difficultas ob hora, qua venerunt sanctæ mulieres ad sepulcrum.

Conciliantur Evangelistæ de

hora; quæ
mulieres vene-
runt ad mo-
numentum.

care cum, qui dicat *valde diluculo*, ac qui dicat *valde mane orto jam Sole*, vel *cum adhuc tenebræ essent*: dies enim cum illucescit, quædam adhuc tenebrarum restant quodammodo reliquæ, quæ sensim majore vi lucis affulgent paulatim discutiuntur. *Die quippe surgente, aliquæ reliquæ tenebrarum tanto magis extenuantur, quanto magis oritur lux*. Nec ab ejusmodi explicatione illud Matthæi discrepat, *Vespere Sabbathi*: non enim, cum dicit *Vespere*, extremam diei partem significare vult, sed planetam illum, qui paullo ante solem oritur, quique lucifer appellatur, ideoque Auroram Dominicæ, præsertim cum addat, *quæ lucefcit in prima Sabbathi*; quæ verba eam significationem, quam voci illi *vespere* tribuimus, pulcre confirmant. Id optime advertit Baronius ad ann. Christi 34. num. 172. qui ait, nihil sibi videri hac explicatione ad conciliandum Matthæum cum cæteris Evangelistis accommodatius. Sunt alij, qui sane non absurde duo distinguunt tempora; alterum cum sanctæ mulieres sunt domo egressæ; alterum cum ad sepulcrum pervenerunt; ac Joannis verba, *cum adhuc tenebræ essent*, ad primum, ea vero Marci, *orto jam Sole*, ad secundum tempus esse referenda, cum primi e Sole prodeuntes radii noctis tenebras dispellere inciperent. Cum igitur Calvariæ locus, & hortus, quo Christi corpus injectum est, extra Hierosolymam sita essent, nonnihil temporis elapsum fuisse oportuit, interea dum mulieres domo egressæ venirent ad sepulcrum. Eo ubi pervenerunt, lapidem, quo occludebatur monumenti osium, revolutum viderunt, quod quidem ut indicium facit, Solem jam supra Finitorem apparuisse, ita verisimile esse probat, eas extrema noctis parte domo egressas, illucescente primo diluculo, seu albescente Cælo, nondum tamen omnibus disjectis tenebris, ad sepulcrum pervenisse.

Altera diffi-
cultatem Chri-
sti verbi, Si-
cut Jonas &c.

24 Hac prima sublata difficultate, æque gravem alteram solvere aggredimur. Ait enim Jesus apud Matthæum cap. 12. v. 40. *Sicut fuit Jonas in ventre ceti tribus diebus, & tribus noctibus, sic erit Filius hominis in corde terre tribus diebus & tribus noctibus*. Quod si Christus paullo post Feriæ sextæ meridiem est mortuus, & Dominica die Cælo albescente revixit, profecto in sepulcro tribus diebus, totidemque noctibus jacere non potuit, præsertim cum tres dies illos solidos fuisse oporteat. Marci enim cap. 8. v. 31. habetur, *Et post tres dies resurgere*; & Matthæi cap. 27. v. 63. *Post tres dies resurgam*.

Solvitur dif-
ficultas. Post
tres dies sy-
nent tertia die

25 Hanc ut difficultatem enodemus, observandum primo, Christum dixisse tertio die, non vero post tertium diem se suscitatum iri a mortuis. Etenim apud Matthæum cap. 16. & v. 22.

Lu-

Lucam cap.9. v.22. habetur *Oportet Filium hominis multa pati, & tertia die resurgere*. Et Joann. cap.2. v.19. *Soluite Templum hoc, & in tribus diebus excitabo illud*. Quod autem scripserit Marcus, *post tres dies resurgere*, & Matthæus, *post tres dies resurgam*, hæc juxta communem loquendi modum ita accipienda, sunt, ut non post diem tertium, sed tertio die Christum ad vitam redituum intelligamus. Hunc vero loquendi modum usitatum esse ex eo apparet, quod Levitici cap.12. Deus octavo die circumcidi puerum jubet. Lucas vero scribit. cap.1. v.21. *Postquam consummati sunt dies octo, ut circumcideretur puer*, atqui Christus Jesus non post octavum diem, sed ipso octavo circumcissus est die: ex quo intelligi potest, verba illa *post tres dies* non aliter accipi solere, quam pro tertio die. Atque hanc eorum esse verborum veram significationem, ex ipsis Matthæi cap.27. v.63. colligitur. Eo enim loco Principes Sacerdotum & Pharisæi; postquam Pilato significarunt, Christum dixisse, *post tres dies ad vitam se redituum*, Domine recordati sumus; quia seductor ille dixit adhuc vivens: *Post tres dies resurgam*, non plus a Pilato petendum sibi existimarunt, quam ut ad tertium usque diem sepulcrum custodiretur *Jube ergo custodiri sepulcrum usque in diem tertium*. Ex quo palam fit; vulgari modo loquendi cum quis *post tres dies* diceret, nihil quicquam aliud significare voluisse, quam tertio die.

26 Itaque cum tempus, quo Christus in Sepulcro jacuit, in tres tantummodo compegerimus dies, nec longius producendum esse ostenderit; reliquum est, ut quæramus, qui tribus diebus & noctibus dici possit Christi corpus in Sepulcro fuisse conditum, cum eo conjectum post Feriæ sextæ meridiem, sub Dominicæ auroram surrexerit. Scribit enim S. Augustinus lib.4. de Trinitate cap.6. tom.8. op. col.817. *Ab hora mortis usque ad diluculum resurrectionis horæ sunt quadraginta, ut etiam ipsa hora nona connumeretur. . . . A vespere autem sepulture usque ad diluculum Resurrectionis triginta sex horæ sunt*.

*Qui dicit post
se Christi Cor-
pus jacuisse
tribus nocti-
bus.*

27 Sunt qui, ab hac difficultate se ut expédiant, falso existimant, Christum non Dominica die, sed consequenti Feria secunda revivisse: alii putant Christum non sexta, sed quinta Feria mortuum esse, cum Eucharistiæ Sacramentum, ideoque incruentum Sacrificium vespere Feriæ quintæ instituit; in quo, ajunt, quantum attinet ad consecrationis verba, separatur anima a Corpore & Sanguine, & utrumque, nimirum Corpus & Sanguis naturali concomitantia subest sub speciebus Sacramentalibus; Christus enim, qui sub iis speciebus est vivus, animam simul, Corpus,

*Ratio repe-
riendi tres
dies & tribus
noctes in
temporis spa-
tio inter Do-
mini sepul-
tum & Re-
surrectionem
inserjcto.*

Tom.X.

M m

San-

Sanguinem, & Divinitatem in se continet. Sed missis vanis ejusmodi responsionibus, communem sequuti sententiam dicimus, a Romanis morem illum ad Judæos commesse, ut dies a media nocte ad mediam noctem alteram numerarent, quod ipsi quoque facimus, quoties jejunamus. Qua dierum inita ratione, si præterea pars pro toto sumatur, tres dies totidemque noctes reperiemus in eo temporis spatio, quod inter sepulturam, & Resurrectionem interjicitur. Sepultus est Christus Feria sexta vel circiter, vel paullo post meridiem; itaque, si per Synecdochem pars sumatur pro toto, & quod superfuit temporis Feria sexta ad occasum Solis, quodque consequutum est a Solis occasu ad mediam noctem ejus temporis ratio habeatur, jam diem unum reperiemus. Secundus a media nocte, quæ proxime Sabbathum, ad mediam noctem quæ Dominicam præcessit, numeratur; qui dies est solidus, & diem noctemque complectitur. Tertius dies computatur a media nocte, quæ præcessit Dominicam, ad ipsius Dominicæ diei auroram; quicquid autem in eo temporis spatio fuit tenebrarum & lucis diem constituit, sumendo partem pro toto, & ejusmodi die nox & dies continentur. Uno verbo inter mortem Christi Domini ejusque Resurrectionem tres revoluti dies & noctes; dies scilicet unus unaque nox solida Sabbathi, ac bini dies noctesque dimidiatæ Feriæ sextæ & Dominicæ. Ad hunc modum difficultatem solvit Augustinus lib.3. de Consens. Evangelistarum cap.24. & lib.4. de Trinit. cap.6. *Ipsam autem triduum non totum & plenum fuisse Scriptura testis est: sed primus dies a parte extrema totus annumeratus est: dies vero tertius a parte prima & ipse totus; medius autem inter eos, idest secundus dies, absolute totus viginti-quatuor horis suis, duodecim nocturnis, & duodecim diurnis.* Consentit D. Thomas 3. par. qu.51. art.4. ad primum: *Primus dies computatur ab extrema parte sui, qua Christus in sexta Feria est mortuus & sepultus. Secundus autem dies est integer cum viginti quatuor horis nocturnis & diurnis. Nox autem sequens pertinet ad tertiam diem.* Vid. Baronium ad ann. Chr.34. num.177. & sequen. Suarez tom.2. in 3. par. disp.46. Sect.3. Cornel. a Lapide in Cap.12. Matth. vers.12. Calmet. vers.40. & Sylvium in 3. par. Quæst.51. art.4.

Confirmatur
superior ratio
numeratæ dies
& noctes ex
loco libri Es-
ther.

28 In libro Esther cap.4. v.16. hæc habentur: *Vade & congrega omnes Judæos, quos in Susam reppereris, & orate pro me. Non comedatis, & non bibatis tribus diebus, & tribus noctibus; & ego cum ancillis meis similiter jejunabo, & tunc ingrediar ad Regem, contra legem faciens non vocata, tradensque me morti & periculo.* Calmetus loc. paulo ante cit. notat, tribus illis diebus & no-

& noctibus, quas liber Esther commemorat, non plus quam solidum diem duasque noctes contineri; et eoque utitur exemplo ad confirmandam eam explicationem de tribus diebus tribusque noctibus, quibus Christus jacuit in sepulcro. Et ad cap. 4. Esther vers. 16. considerat, haud verisimile esse Populum universum tribus diebus noctibusque solidis ab omni cibo & potu abstinuisset, cum per pauci sane sint, qui famem sitimque tandiu tolerare possint; & conjicit spatio illo non nisi solidum diem binasque noctes comprehendi. Et sane non expectavit Esther, dum tertius dies solidum laboretur, sed eodem illo die Assuerum convenit, ut apparet cap. 5. v. 1. *Die autem tertio induta est Esther regalibus vestimentis, & stetit in atrio domus Regis.*

29 Jam vero de adjunctis Resurrectionem concomitantibus, de Christi corpore ad vitam suscitato, de iis qui cum eo revixerunt, deque Christi apparitionibus disserendum.

30 Judæi, ut alibi docuimus, operam dederunt, ut milites sepulcro apponerentur, veriti ne Discipuli corpus furripere, atque in vulgus rumorem dissiparent, Christum rediisse ad vitam; quod cum a Pilato impetrassent, sepulcrum obsignarunt, & ad illud milites custodiendum ibi reliquerunt, ut tradit Matthæus cap. 27. Et Nicephorus lib. 1. Histor. cap. 32. rem omnem ita describit: *Primum sigillum Sepulcro est impressum, quod & intactum permansit; & custodia militaris illa, & genere alienigena, quæ in propinquo sigillum observabat. Præterea ingens ille lapis ad os sepulcri appositus.*

31 Mos ille cadaverum aromatibus condiendorum ab Ægyptiis ad Judæos traductus. Ad eamque rem quadraginta dies consumi consuevisse, constat ex iis, quæ de sepultura Jacob traduntur Genesios cap. 50. v. 2. *Præcepit (Joseph) servis suis medicis ut aromatibus condirent Patrem; quibus jussa explentibus, transierunt quadraginta dies: iste quippe mos erat cadaverum conditorum.* Atque inde factum est, ut Sanctæ mulieres, etsi Christo mortuo jam adhibita erant aromata, expleto Sabbatho, nimirum post occasum Solis, aliis coemtis aromatibus ad cadaveris condituram subinde instaurandam, ad sepulcrum sese contulerint. Eas Matthæus cap. 28. mulieres suo quamque nomine appellat, Mariam Magdalenam, & Mariam Jacobi, & Josephi matrem, quibus Marcus cap. 16. Salome, & Lucas cap. 24. Joannam comites addunt, cæterasque mulieres, quæ Christum e Galilæa sequutæ sunt redeuntem. S. Gregorius Nyssenus inter has mulieres B. Mariam quoque recenset Orat. 2. de Resurrectione; & cum eo consentit Sedulius.

*Perstitutionis
duabus parti-
bus absolutis,
ad tres reli-
quas transi-
tio.*

*Judæi se-
pulcro apponi
curent milites*

*Mos condi-
cadaver. ab
Ægyptiis tra-
ductus ad Ju-
dæos. Nomi-
na Sædarnæ
mulierum. In-
ter eas non vi-
deturuisse
B. Maria.*

..... *hoc luminis ortu*

*Virgo Parens, alique simul cum munere matres
Mœsi aromaticæ noctu venerè gentes
Ad tumultum.*

Sed huic sententiæ negat se posse subscribere Maldonatus in Cap. 28. Matthæi ad illa verba *ad tumultum*. Nihil enim de hoc B. Mariæ adventu tradunt Evangelistæ, quem profecto non fuissent; cumque Magdalenam commemorent, certe B. Mariam, si ad Sepulcrum venisset, priore loco nominassent; quemadmodum Joannes, qui inter mulieres, quæ Cruci proximæ erant, primam ponit B. Virginem, deinde Mariam Cleophæ, tertio loco Magdalenam.

*Terra in Re.
surrectione
contremuit.
De Angelo de
Cælo delapso
quid tradide-
runt Evange-
listæ.*

32 Narrant Evangelistæ, tremuisse terram, Angelumque veste indutum candida, ac veluti fulgur coruscantem Cælo delapsam lapidem ab ostio monumenti revolutum amovisse: qui mulieribus Christum revixisse nunciaverit, jusseritque, eas locum inspicere, quo Christus conditus fuisset, iisque mandaverit, ut de omni ea re monerent discipulos, quibus etiam prædicerent, ab iis visum iri in Galilæa; eas denique mulieres sepulcro inter metum & lætitiâ Discipulos convenisse. Hæc tradit Matthæus cap. 28. Eandem rem ita narrat Marcus cap. 16., Mulieres, ut lapidem, quo oclusum erat sepulcrum, revolutum viderunt, eo ingressas, Juvenem stola candida indutum, sedentem ad dexteram vidisse; eas cohortatum ne quidquam metuerent; Christum jam ad vitam rediisse; locum inspicerent, ubi corpus Christi jacuisset; iis mandasse ut ea de re Discipulos, præsertim vero Petrum, certiores facerent; eas autem sepulcro egressas, pavore tactas, nulli eam rem renunciassent. Lucas cap. 24. revolutum lapidem, & mulieres in sepulcrum ingressas item commemorat; sed duos refert viros veste indutos lucida nunciasse mulieribus, suscitatum a mortuis, ut ipse prædixerat; idque mulieres monumento egressas undecim Apostolis cæterisque omnibus retulisse. Denique Joannes cap. 20. testatur, Mariam Magdalenam, ubi primum revolutum vidit lapidem, ad Petrum, & Joannem convolasse, quibus nunciavit, corpus Christi Domini fuisse sublatum, nec quo fuisset allatum, comperti quicquam habere. Pergit eodem loco Joannes narrare, se Petrum antevertisse ad Sepulcrum; eo tamen non introisse, sed fascias vidisse, quibus Christi corpus fuerat alligatum: Petrum vero ingressum in Sepulcrum easdem vidisse fascias, & Sudarium, quo Christi facies tegebatur, a fasciis semotum deprehendisse; ipsum quoque postea in monumentum introisse, cum interea Maria Magdale-

na

na extra Sepulcrum lacrymaretur; eam deinde introspexisse in Sepulcrum, binosque vidisse. Angelos vestimentis albis indutos, quorum alter federet ubi caput Christi, alter ubi locati fuerant pedes; ab iis autem quamobrem fletet interrogatam, respondisse, quod nesciret quo corpus Domini fuisset avectum; cumque demum se retrorsum convertisset, sub forma custodis horti Christum vidisse, quem postea agnovit; atque omnia hæc Discipulis renunciassse.

33 Antequam piæ feminæ ad sepulchrum pervenirent, terra contremuit; idque contigit eo temporis momento, cum Angelus e Cælo descendit. Qui Cælo delapsus est Angelus, revoluta lapide, monumentum aperuit, vel ut reviviscenti Christo Domino, quod quidam ex Patribus docuerunt, pateret exitus e sepulcro; non sane quod Christo id opus esset, sed ut honor illi haberetur; vel potius ut sanctis mulieribus facultas esset introspiciendi in sepulcrum, & cognoscendi, Christum esse a mortuis suscitatum; quod congruit communi doctrinæ cæterorum Patrum, qui Christum docent, quemadmodum ex utero matris prodiit, ita e sepulcro egressum, quin sigillum abruperit. Quin etiam Evangelico Matthæi & Marci innitur textui. Nam S. Matthæus cap. 28. v. 2. ait: *Ecce terræ motus factus est magnus; Angelus enim Domini descendit de Cælo, & accedens revolvit lapidem.* Ex quibus patet Christum jam resurrexisse, antequam Angelus revolveret lapidem: aliter enim S. Matthæus terræ motum non cum Angeli descensu, sed cum Christi Resurrectione conjunxisset; neque Marcus veluti opportunum describeret Angeli adventum, qui revoluta lapide, mulieribus in sepulcrum ingredi optantibus, incertisque quo pacto sustollerent lapidem, difficultatem illam ademit; ut advertit Maldonatus in cap. 28. v. cit. Matthæi ad illa verba, *Angelus enim Domini descendit de Cælo.* Ex iis, quæ jam attulimus, Matthæus, & Marcus unum tantummodo Angelum commemorant; Lucas vero de duobus Angelis mentionem facit; itidemque Joannes, cum narrat Christum Magdalenæ paullo post se præsentem exhibuisse. Angelus, qui e Cælo descendit, lapidemque revolvit, super ipsum lapidem assedit; atque hic est ille Angelus, quo viso milites quasi mortui conciderunt, & de quo loquitur Matthæus. Mulieres in sepulcrum ingressæ duos viderunt Angelos, ut habetur apud Lucam, & Joannem. Nam de Angelo altero nihil Matthæus, & Marcus commemorant; hi enim Evangelistæ de illo potissimum Angelo sibi scribendum existimarunt, cujus in hac re primæ quodammodo partes fuerunt, quique cum Sanctis mulieribus sermonem habuit. Lucas autem duos Angelos adfuisse ait, ratus eorum numerum

Ratio ex Patribus, quamobrem Angelus aperuerit sepulcrum Discrepantes Evangelistæ conciliantur.

merum sibi non prætereundum; nec tamen pugnat cum Matthæo, & Marco, cum scribit utrumque Angelum esse loquutum. *Dixerunt ergo ad illas: Quid queritis viventem cum mortuis?* In eo enim, qui passim in sacris paginis occurrit, loquendi modum sequutus est, ut duobus tribuatur Angelis, quod ab eorum altero utriusque nomine factum dictumve sit. Neque itidem a Matthæo, & Marco Joannes discrepat, cum aliam apparitionem narret Magdalena factam, postquam Angeli jam sanctis mulieribus apparuerant. Vid. Calmet. in cap. 28. Matth. vers. 2. & in cap. 16. Mar. v. 8. qui notat locum illum Marci, *nemini quidquam dixerunt*, Lucæ non adversari, qui scribit cap. 24. v. 9. *Nuntiaverunt hæc omnia illis undecim, & cæteris omnibus*. Marcus enim id intelligit, Sanctas mulieres, dum a monumento redierunt, nihil cuiquam dixisse; omnia autem, quæ contigerant, renunciassse, ubi ad locum pervenerunt, in quo una erant Apostoli mœrore & lacrymis pene confumpti.

Rursus consultantur Evangelistæ in eo, quod tradunt de Maria Magdalena.

34 Sed multo videatur major inter Matthæum, & Joannem discrepantia. Narrat enim Matthæus cap. 28. v. 5. Mariam Magdalenam, aliasque sanctas mulieres venisse ad sepulcrum, ac revolutum lapidem reperisse; Angelum autem dixisse ad eas: *Nolite timere: scio enim, quod Jesum queritis. Non est hic: Surrexit enim, sicut dixit*. At Joannes cap. 20. v. 2. Mariam Magdalenam, ubi vidit revolutum lapidem, scribit illico ad Petrum convolasse, eique dixisse: *Tulerunt Dominum de monumento; & nescimus ubi posuerunt eum*; quod quidem non dixisset, si vidisset Angelum, eumque loqui audisset. Verum probe animadvertendum est, Mariam Magdalenam, cæterasque pias mulieres, cum ad sepulcrum pervenerunt, eo ingressas vidisse neminem; nondum enim iis, qui lapidi assidebat Angelus, se conspicuum præbuerat. At Maria Magdalena, ubi sepulcrum reclusum, nec quidquam vidit aliud, quam sudarium, & fascias, celerime ad Petrum, & Joannem se contulit, eisque dixit: *Tulerunt Dominum de monumento, & nescimus ubi posuerunt eum*. Nam nec Angelum viderat, nec loquentem audierat. Itaque venerunt ad monumentum Petrus, & Joannes, qui cum nihil præter sudarium vidissent & fascias, domum redierunt, relictis in sepulcro mulieribus. Sed Maria Magdalena, quæ Christi corpus vehementer euperet invenire, hortum, ubi erat sepulcrum, explorando cœpit perambulare; cum interea reliquæ mulieres monumento exeuntes duos viderunt Angelos, a quibus revixisse Christum monitæ sunt, mandatque acceperunt, ut ea Discipulis renunciarent. Denique Maria Magdalena, postquam diu multumque hortum

tum frustra peruestigasset, rediit ad monumentum, unde jam reliquæ erant egressæ mulieres; & duos Angelos, quos homines esse existimavit, atque ipsum Christum Dominum vidit sub olitoris forma. Quibus omnibus in hanc seriem dispositis, sublata videtur omnis inter Matthæum & Joannem discrepantia: aberat enim Maria Magdalena, cum reliquæ mulieres duos Angelos viderunt, atque idcirco vere Petro, & Joanni potuit dicere, Christi Corpus sublatum e sepulcro, neque se scire, quo asportatum fuisset. Quæ omnia huc attulimus ex *Analyfi Evangeliorum Gallice conscripta*, & ex *Gravesono de Myst. & annis Christi pag. 498.*

35 Divus Thomas 3. par. qu. 54. agit de qualitate corporis Christi ad vitam redeuntis, ostenditque art. 1. non phantasticum illi fuisse corpus, sed verum, & solidum; nec, si aliter fuisset, vere dici posse Christum revixisse. Ut enim quispiam dici possit ad vitam rediisse, necessarium omnino est, eandem cum eodem corpore animam conjungi. Et quamvis Christus Dominus suscitatus a mortuis ab oculis eorum, qui se aspicerent, interdum quodammodo evanesceret, id tamen non probat, inane & phantasticum Christi corpus post resurrectionem fuisse, sed glorificatum, cujus ea vis & facultas est, cui & quando sibi libuerit, se vel conspicuum præbeat, vel ab aspectu surripiat.

36 Cum eadem congruit doctrina, quod Angelicus Doctor art. 2. docet, integrum fuisse corpus Christi a mortuis suscitati; proindeque & carnem, & ossa, & sanguinem habuisse. Idem art. 2. ait fuisse gloriosum; ejus enim Resurrectio fuit resurrectionis nostræ tum exemplar, tum etiam causa; gloriosa porro sanctorum erunt corpora, ubi ad vitam revocata fuerint. Idem art. 4. ostendit, vulnorum cicatrices in Christi corpore remansisse, cum Thomæ incredulo dixerit: *Infer digitum tuum huc, & vide manus meas, & asser manum tuam, & mitte in latus meum, & noli esse incredulus, sed fidelis.* Decuisse autem docet, ut Christus corpus cum cicatricibus tum ad sui gloriam assumeret, tum ad Resurrectionis fidem in Apostolorum animis constabiliendam, tum etiam ut Patri, dum interpellat pro nobis, semper ostendat, quo mortis genere peccata nostra expiaverit. Joann. cap. 20. vers. 26

37 Atque, quod ad institutum nostrum attinet, id satis esse videtur, quod ex D. Thoma jam allatum est. Nec tamen dissimulare volumus, aliquibus in locis, Mantuæ præsertim, guttas aliquot Sanguinis asservari, quæ e Christi latere manarunt. Quod quidem cum eo pugnare videtur, quod supra docuimus, Chri-

De qualitate Corporis Christi resurgentis Verum fuit, integrum, & gloriosum.

Corpus Christi fuit integrum. Ratio cur voluerit Christus, ut in suo Corpore remanerent cicatrices.

Gutta aliquot Sanguinis Christi Mantuæ asservantur. Id non repugnat

Chri-

*Integritati cor-
poris Christi
reviviscit.*

Christum ad vitam redeuntem idem Corpus, eundemque Sanguinem assumpsisse. Totam hanc rem in opere de Canonizat. SS. pertractavimus, ubi gravissimorum Theologorum auctoritate ducti fieri potuisse affirmamus, ut pretiosi Sanguinis Christi guttæ aliquot humi remanserint, quibus nihil esset opus ad illius corporis integritatem; neque idcirco necessarium fuisse, ut in Resurrectione ipsius corpori redderentur. Et si enim illis corporis partibus semper divinum Verbum hypostatice unitum fuit, quæ ad integritatem corporis Christi pertinebant, non tamen illis partibus semper conjunctum fuit, quæ non erant ad integritatem corporis necessariæ, nec erant in Resurrectione corporis restituendæ.

*Qui tum-
Christo redie-
runt ad vitam,
incertum. Sepu-
lchra quidem
in Christi mor-
te aperta,
mortui vero
in ejus resur-
rectione vivi-
ficantur.*

38 Jam vero de iis, qui cum Christo ad vitam rediere, nihil est nobis compertum, quam quod tradit Matthæus cap. 27. v. 52. *Monumenta (in morte Christi) aperta sunt, & multa corpora Sanctorum, qui dormierant, surrexerunt, & exeuntes de monumentis post resurrectionem ejus, venerunt in sanctam Civitatem, & apparuerunt multis.* Reclusa tum sepulchra, sed nondum mortuos revixisse supra docuimus; quod ex verbis Matthæi pulcre confirmatur, quibus discrete distinguitur inter reclusa sepulchra, & mortuorum resurrectionem, ut aperta monumenta ad mortis tempus, mortui vero ad vitam redeuntes, ad tempus referantur: *Post Resurrectionem ejus.*

*Duplex quæ-
stio proponi-
tur.*

39 Duplex de his mortuis, qui tum revixerunt, quæstio proponi solet; quarum altera est, quinam illi fuerint qui ad vitam redierint; altera, utrum qui revixerunt, rursus mortem obierint, an vero cum Christo in Cælum cum suo ipsorum etiam corpore ascenderint.

*Quinam fue-
runt qui re-
vixerunt cum
Christo. Expo-
nitur senten-
tia quorun-
dam.*

40 Quidam eos existimant revixisse, qui cum multo antea essent mortui, omnium diutissime in sinu Abrahæ fuerant detenti; eam propterea sortem contigisse Adam, Abel, Mathusalem, Lamech, Noe, Sem, Abrahæ, Jacobo, Josepho, Moyse, Josue, Davidi, aliisque veteribus multis. Verum cum non toto terrarum orbe, sed Hierosolymis, aliisque circumjacentibus locis reclusa fuerint monumenta, ut supra innuimus; cumque non alii, quam quorum sepulchra fuerunt aperta, revixerint, neque verisimile sit, antediluvianos Patres, quique ante Abraham vixerint, omnes esse in Palæstina mortuos, & sepultos, haud ita facile idcirco eam sententiam quisquam tueri possit.

*Dux alie et
de re senten-
tie.*

41 Quamobrem alii eo decurrunt ut dicant, eos ad vitam rediisse, qui Judæis, qui tum viverent, noti essent; ac propterea Zachariam Joannis Baptistæ patrem, senem Simeonem, ipsum Ba-

Baptistam Præcursorem Domini, bonumque Latronem revivisse. Quibusdam vero verisimile videtur, eos ad vitam rediisse, qui in suis quisque Prophetiis Nativitatem Christi, vitam, mortem, & reditum ad vitam prædixerant, atque ideo Moysem, Davidem, Samuelem, Isaiam, Hieremiam, Ezechielem, Melchisedechum, qui Sacerdotii Christi imaginem gessit, & Daniele, qui tam accurate tempus, quo Christus venturus erat, prophetavit, Job, Jonam, tresque Pueros, qui e fornace Babylonica incolumes erepti Resurrectionis Christi fuerunt quodammodo typi, omnes a mortuis esse suscitatos.

42. Verum Sacer textus cum nihil nobis significet, quam quod multa corpora Sanctorum, qui dormierant, surrexerunt, quivis facile perspiciat, nihil ea de re tuto affirmari posse. Quod ad alteram quæstionem spectat, Patres itidem inter se dissentiunt. Quidam enim affirmant, eos, qui revixerunt, ita rediisse ad vitam, ut morti non amplius fuerint obnoxii, iis enim gravius futurum fuisset mortem rursus oppetere, quam non reviviscere: Alii vero docent, rursus mortem obiisse, ut contingit Lazaro. Petrus enim Act. cap. 2. monet, non posse, nec debere in illo Psalmi 15. v. 10. loco Davidem intelligi: *Nec dabis Sanctum tuum videre corruptionem*, eamque asserere rationem: *Quoniam defunctus est, & sepultus est, & sepulcrum ejus est apud nos usque in hodiernum diem*: ejusmodi autem rationi nihil roboris fuisset, nisi corpus David etiam tum jaceret in sepulcro; facile enim cuilibet fuisset respondere, Psalmum de Davide intelligendum, qui cum suo quoque corpore in Cælum evolasset. Huc accedit, quod Job, qui inter eos, qui non amplius morituri revixerunt, ponitur, de se ipso dicit cap. 19. vers. 25. *Scio, quod Redemptor meus vivit, & in novissimo die de terra surrecturus sum*; & D. Paulus ad Hebræos cap. 11. de Sanctis veteris Testamenti ait, generatim eos ad absolutam nondum pervenisse felicitatem, quæ in glorificatione consistit animæ & corporis, eamque nonnisi cum universæ Ecclesiæ corpore adepturos. *Hi omnes testimonio fidei probati non acceperunt repromissionem, Deo pro nobis melius aliquid providente; ut non sine nobis consummarentur*. Quod autem objicitur, iis longe minus grave fuisse futurum non redire ad vitam, quam reviviscere, rursusque mortem subire, id quidem minimi est momenti; nihil enim justis gratius est, & acceptius, quam divinam sequi voluntatem.

43. Atque postremam hanc opinionem plurimum probabilis habere existimat D. Thomas 3. par. qu. 53. art. 3. *ad secundum*. Eandem eruditissime tuetur Calmetus in Dissertatione de Tom. X.

N n

Re-

*Nihil cerè
statui ea de re
potest, de qua
sacer tentur
nihil indicat
an vero qui
revixerunt,
denovo mortem
obierint, aliis
negant, aliis
affirmant; quo
ultima sen-
tentia confir-
matur.*

*In eam pro-
pervidetur
Dionysius Thoma-
Maldonati
sententia non
probat.*

Resurrectione Sanctorum Patrum, quo tempore Christus rediit ad vitam. Tillemontius in Not. 36. ad Vitam Jesu Chr. hanc pertrahat quæstionem, & eidem videtur favere sententiæ, quam tamen oppugnat Cornelius a Lapide, & præsertim Maldonatus, qui ex eo, quod narrat Matthæus, eos, qui revixerunt, sese multis conspiciendos exhibuisse, ac propterea non ab omnibus vivos esse, infert, non eodem modo, quo Lazarus, suscitatos fuisse e tumulis, sed ad vitam cum corpore glorioso rediisse, nihilque esse cur dicamus, eos revixisse rursus morituros, sed una cum Christo simul cum corpore in Cælum ascendisse. Hujusmodi Maldonati ratio haud sane videtur absurda, non tamen quod vult evincit: nihil enim aliud conficit, quam eorum corpora præcipuo quodam Dei beneficio quibusdam corporum glorificatorum dotibus prædita fuisse, inter quas illa etiam est recensenda, ut non omnibus essent conspicua. Verum non probat, eam fuisse in illis corporibus qualitatem ad permanentis habitus modum; quin etiam nihil prohibet, quominus dicamus, fuisse per modum quemdam transeuntem, qui mortem alteram non excluderet. Et sane Moyses, qui, ut fufius alibi docebimus, Christi Transfigurationi interfuit, suscitatus ad vitam aliquantisper vixit, nec omnibus tamen se conspicuum præbuit: cujus nihilominus ab eo tempore corpus gloriosum fuisse, nec postea rediisse ad sepulchrum, nemo profecto dixerit.

De Christi apparitione in die Resurrectionis. An prima omnium B. Virgini apparuerit? Notat Estius.

44. Reliquum est ut de Christi apparitionibus in die Resurrectionis, cæteris alio rejectis, disseramus. Ex numerantur quinque: Primo sese videndum objecit mulieribus ad sepulchrum: Secundo iisdem cum a Sepulchro reverterentur; tertio B. Petro; quarto duobus Discipulis Emmauntem proficiscentibus; denique multis Hierosolymæ se conspicuum exhibuit, cum inde Thomas abesset: propterea autem tam sæpe hoc die sese videndum præbuit, quod Fideles per plura indicia erant admonendi, ut a principio Fidem resurrectionis reciperent, ut ait D. Thomas 3. par. qu. 55. art. 3. ad tertium. De his omnibus apparitionibus extant in Evangeliiis disertissima testimonia; verum B. Virgini apparuisse neque tradunt Evangelistæ, nec cuiquam prius apparuisse docent, quam Mariæ Magdalenz: atque id est, quamobrem Estius in cap. 16. Marci vehementer iis adversetur, qui decuisse putant, ut nulli prius, quam Matri appareret; quamquam id nusquam tradat Scriptura; ac de ejusmodi argumentis verba faciens, quæ ab eo, quod deceat, ducta parum roboris habent: *Quale est, inquit, ex quibusdam rationibus congruentia velle probare, Christum a morte redivivum primo suæ Matri apparuisse, cum Scriptura tam clare dicat, eum apparuisse pri-*

mo Maria Magdalene, nec unquam alibi diuersum insinuet? Nec abest solida ratio, cur Matri primum non apparuerit: pulcre enim noverat in Resurrectionis Fide minime eam nutare. Quamobrem Ep. 50. scribit Petrus Blefenfis: Christus exurgens a mortuis non sue matri Virgini benedixit, sed Mariæ peccatrici, de qua septem eiecerat Dæmonia, prius dignatus est apparere, ut puto.

45 Contra Rupertus Abbas lib. 7. de Divinis Officiis cap. 25. existimat, primum omnium Sanctissimæ Matri suæ Christum apparuisse. Cur autem id Scriptura non tradiderit, causa esse potuit, quod Evangelistæ tantum narrare voluerint Christum sese præbuisse conspiciendum iis, quos vel resurrectionis suæ testes elegerat, vel de Resurrectione noverat dubitasse, quorum in numero B. Virgo profecto minime poni potest. Quod autem Beatissimæ Matri suæ Scriptura non referat primum omnium Christum apparuisse, qui inde velit arguere id omnino non esse factum, illud etiam arguere oportebit, toto quadraginta dierum spatio, quod inter Resurrectionem & Ascensionem intercessit, numquam divinum Filium Matri apparuisse, quod apparuisse Scriptura non tradat. Id vero non sane videtur admitti posse. Quamobrem Baronio subscribimus, qui ad ann. Chr. 34. §. 183. *Traditio, inquit, per manus Majorum, ac per subsequentia secula ad posteros dilapsa testatur, eundem Dominum nostram apparuisse primum omnium Sanctissimæ Genetrici Mariæ, quod nemo pius, puto, negabit. Nec prætermittendum est, Sanctam Theresiam in additione ad suam vitam scripsisse, sibi Christum Dominum significasse, post Resurrectionem suam Sanctissimæ Matri, ut eam consolaretur, apparuisse. Die quadam, cum sacram Eucharistiam summissem &c. mihi dixit Dominus, se simul ac revixit, Matrem suam Dominam nostram convenisse, idque factum oportuit; ea enim ex illo dolore, quo ejus animus fuerat confusus, haud ita cito ad se redierat, ut illo gauderet gaudio; seque, quam diu opus fuerat, cum illa multum temporis extraxisse. Casaubonus Exercit. 16. scribit, apud Latinos & Græcos plura esse de Christi apparitionibus accurate disputata; verum quod Christus Jesus B. Mariæ apparuerit, nihil ea de re scriptum reperiri; quamobrem eam apparitionem omnino negat; declarat tamen Jansenii probari sibi sententiam, qui scripsit, idcirco Jesum B. Matri non apparuisse, quod in ea Fides altissimis esset defixa radicibus; apparuisse Joanni, sed non statim, quia credidit; deinde apparuisse Petro, qui minus luculenter crederet, sed miraretur: rejecta veluti nullius roboris ratione illa, quam ex convenientia ducit Maldonatus, cum ait: Primum Matri suæ apparuisse Christum, non quod Evangelistæ*

Affermat Rupertus Abbas. Baronius ex vetusto traditione idem affirmat, cui subscribitur Anthon, adscriptis laudibus etiam S. Theresie revelationibus.

factum dicant, sed quia fieri decuerit credendum esse. Eadem, quæ scribit Casaubonus, iterat Andreas Rivetus Scriptor heterodoxus in Apologia pro Sanctissima Virgine lib. 1. cap. 20. in fine. Sed hæc nihil impediunt, quin nostram piam retineamus sententiam, quæ non convenientiæ modo innititur, sed etiam Traditioni, juxta ea quæ scripsit Baronius, cujus verba paullo ante attulimus. In Operibus S. Irenæi, quæ collegit Renatus Massuetus Congregationis S. Mauri Monachus, adjectæ sunt ad calcem adnotationes quædam Fevardentii, qui in cap. 31. lib. 5. observat, non negari ab Irenæo Christum B. Mariæ apparuisse, *cum id ex veterum traditione sequentium seculorum Patribus persuasum fuerit*; & S. Ambrosii locum affert lib. 3. de Virginibus: *Vidit Maria (Virgo) Resurrectionem Domini, & prima vidit, & credit*; Affert Poetam Christianum Sedulium:

..... *Hujus se visibus astant*
Luce palam Dominus prius obtulit &c.

& præter Rupertum, quem ipsi supra citavimus, affert etiam Anselmum, & Bonaventuram.

Apparitiones quinque.

46 Diximus, eas, quas commemoravimus, apparitiones ab Evangelistis referri. Ac de Christo, qui mulieribus apparuit, ita Matthæus cap. 28. v. 9. *Et ecce Jesus occurrit illis dicens: Adeste. Illæ autem acceperunt, & tenuerunt pedes ejus, & adoraverunt eum.* Mariæ Magdalene apparuisse, tradit Marcus cap. 16. vers. 9. *Prima Sabbathi apparuit primo Marie Magdalene, & fufius Joannes cap. 20. Atque hæc duæ sunt apparitiones, quibus Dominus in die Resurrectionis se mulieribus videndum præbuit.* Sequitur tertia, cum apparuit Petro, quam commemorat Lucas cap. 24. v. 34. atque eam duo testificantur Discipuli, quibus, ut mox dicemus, Emmauntem proficiscentibus Christus apparuit: *Dicentes, quod surrexit Dominus vere, & apparuit Simon.* De ea etiam loquitur D. Paulus 1. ad Corinth. cap. 15. v. 4. & 5. *Christus resurrexit tertia die secundum Scripturas, & apparuit Cepha.* Quartam afferunt Marcus cap. 16. v. 12. *Post hæc autem duobus ex his ambulans ostensus est in alia effigie euntibus in Villam, & Lucas cap. 24. qui fuse narrat, cum duo Discipuli Hierosolyma se conferrent Emmauntem, ac inter se loquerentur, accessisse ad eos Jesum, & quid fabularentur interrogasse; cui cum Cleophas alter eorum respondisset, sermonem habere se de Christo Nazareno, de ejus vita, rebus gestis, morte, & Resurrectione, explicasse iis Dominum oracula Scripturarum, initio sumto a Moyse, & Prophetis; eum perhumaniter invitatum cum iis ad mensam accubuisse: Tunc (ait Lucas) accepit*

pa-

panem, & benedixit ac fregit, & porrigebat illis: atque hic cum Discipuli agnoverunt: Et aperti sunt oculi eorum, & cognoverunt eum, & ipse evanuit ex oculis eorum. Quintam denique apparitionem narrant Lucas cod. cap. 24. & Joannes cap. 20. Nam cum duo illi Discipuli, qui Emmautem se contulerant, noctu rediissent, ingressi in eum locum, quo propter metum Judæorum cæteri Discipuli in unum convenerant, dum quod sibi contigerat, renunciarent, ethostium clausum erat, stetit Jesus in medio eorum, & dixit: *Pax vobis. Ego sum: Nolite timere.* Atque ut magis magisque Resurrectionis suæ veritatem confirmaret, non modo iis suas manus & pedes ostendit, ac præbuit contrectandos, verum etiam cum iis cibum voluit sumere. *Ad exhibendam fidei veritatem in corpore, dignatus est etiam non necessitate, sed potestate cibum sumere;* verba sunt D. Augustini serm. 142. alias 147. num. 12. de Tempore. Postquam vero dixit, *Sicut misit me Pater, & Ego mitto vos,* suum in eos spiritum inhalavit. *Hæc cum dixisset, insufflavit, & dixit eis: Accipite Spiritum Sanctum: quorum remisistis peccata, remittuntur eis; & quorum retinueritis, retenta sunt;* quibus verbis significatur collata potestas remittendi retinendique peccata in Pœnitentiæ Sacramento juxta Tridentinam Synodum Can. 3. cap. 14. de Sanctissimo Pœnitentiæ Sacramento.

47 Quærunť Sacrarum Scripturarum Interpretes, cum Christus Jesus accepit panem, & benedixit & fregit, deditque duobus Discipulis, an panem consecraverit, ita ut, quemadmodum in Consecratione Eucharistiæ facta fuerit transubstantiatio. Sunt qui id affirmant; tum quia verba, quibus in eo loco Lucas utitur, eadem sunt cum iis, quæ Matthæus, Marcus, & Lucas ipse adhibent, cum de institutione Eucharistiæ scribunt historiam: tum quia non initio, sed in fine Coenæ panem Christus benedixit & fregit; quod argumento est, eam non fuisse benedictionem, quæ fieri solet in principio mensæ, sed in fine, ideoque ad Sacram Eucharistiam esse referendam: tum quia demum Christum agnoverunt Discipuli in fractione panis, ut ait Lucas. Vide a Lapide in cap. 24. Lucæ v. 30. ubi illud etiam monet, hinc argumentum confici, Eucharistiam sub una tantum specie distribui posse, adversus eorum errorem, qui sub utraque specie contendunt ex Dei præcepto distribuendam. Vide Maldonatum in cap. 24. Lucæ num. 30.

48 Estius vero in idem cap. 24. Lucæ vers. 30. & Cornelius Janfenius in Commentar. ad Concordiam Evangelicam cap. 146. existimant, Christum benedictione illa panem non consecrasse. Cum enim duo illi Discipuli in institutione Eucharistiæ non ad-

As Christus ad mensam, ad quam accubuit cum duobus Discipulis Emmautem profectis, panem consecraverit. Eorum, qui id affirmant, rationes.

Negant Estius, Janfenius, & Cornelius. Bel. larminus, & Natalis Alexander nihil certi sequuntur.

fuerint ultimæ Cœnæ, haud ita facile quis credat, præbuisse Jesum Eucharistiam iis, qui de Sacrosancto Mysterio illo nihil noverant. Illud tamen Jansenius animadvertit, quod cum omnes res a Christo gestæ mysticum quiddam contineant, ea re, de qua loquimur, Eucharistiæ distributio nobis sub una tantum specie significatur. Jansenio suffragatur Calmetus in cap.24. Lucæ cap.30. ubi ait, fractione quidem panis juxta Sacrarum Scripturarum idiotismum nihil aliud exprimi, quam distributionem Eucharistiæ, atque inde multos ex Patribus existimasse, Christum Dominum duobus præbuisse Discipulis Eucharistiam; sed multos tamen Interpretes magni nominis ab hac sententia dissentire; quamobrem putat, utramque ita conciliari posse opinionem, si eam, de qua nunc loquimur, cœnam, & fractionem panis Sanctissimæ Eucharistiæ fuisse figuram dicamus. Lamy Concord. Evang. lib.5. cap.42. Estij sententiæ subscribens ait, vocem *benedixit* idem valere, quod *gratias egit*, sive recitavit preces: sic Hebræos loqui, quorum in Ritualibus libris *preces* appellantur benedictiones: Judæorum fuisse morem, ut in conviviis qui esset præcipuæ auctoritatis, Deo gratias ageret, & frangeret panem. Utramque opinionem tamquam a Catholica Fide minime abhorrentem refert Bellarminus lib.4. de Sacram. Euch. cap.24. ac utrique suam esse finit auctoritatem; & Natalis Alexander in Appendice 1. Ep.34. ad Theolog. Dogmaticam & Moralem ait, non liquere, utrum Christus Dominus panem, quem Discipulis Emmaumentem proficiscentibus dedit, consecravit. Innocentius III. Papa lib.6. Mysteriorum Missæ cap.9. docens quamobrem Romanus Pontifex in Missa solemnī super Altare panem consecret & frangat, quem deinde stans in folio manducet, ait: *Romanus autem Pontifex ideo non communicat ubi frangit, sed ad Altare frangit, & ad Sedem communicat, quia Christus in Emmaus coram duobus Discipulis fregit, & in Hierusalem coram decem Discipulis manducavit. In Emmaus fregisse legitur, sed manducasse non legitur: in Hierusalem non legitur fregisse, sed legitur comedisse:* quæ ultima verba ad eam apparitionem referuntur, de qua paullo ante verba fecimus, & de qua Lucas cap.24. v.41. *Habetis hic aliquid, quod manducetur: at illi obtulerunt ei partem piscis assi, & saccum mellis. Et cum manducasset coram eis, sument reliquias dedit eis.* Joannes Baptista Casalini de Veter. sacris Christianorum Ritibus cap.81. §. *Quoniam*, scribit de illo ritu, quo in Missa solemnī Romanus utitur Pontifex, ut super Altare consecret; & in folio Eucharistiam suscipiat, nec sequitur Innocentij III. sententiam; sed ait, uti Christus in Cœna incruentum, in Cruce vero cruentum obtulit Sacrificium;

ficiū; ita Papam ad Altare consecrando incruentum Sacrificium, in solio Eucharistiam suscipiendo cruentum significare.

49 De postrema tandem apparitione Lucas videtur innuere, Thomam quoque adfuisse cum alijs Apostolis cap. 24. v. 33. *Et invenerunt congregatos undecim, cujus numeri ratio certe non constat absente Thoma; Matthias enim multo post inter Apostolos in locum Judæ est cooptatus. Contra Joannes cap. 20. v. 24. huic apparitioni diserte negat Thomam adfuisse. Thomas autem unus ex Duodecim, qui dicitur Didymus, non erat cum eis, quando venit Jesus.* Multa de hac re commentati sunt sacrarum literarum Interpretes. Nihil tamen ad hanc enodandam difficultatem videtur accommodatius, quam si adfuisse quidem dicamus Thomam, cum Emmaunte Discipuli redierunt, sed cum eorum sermo prolixius duceretur, illum, vel quod iis quæ narrarent, fidem non haberet, vel alia quavis causa impulsus foras egressum esse, ac tunc temporis Jesum inter Discipulos medium ex improvviso adstitisse. Vid. Suarez tom. 2. in 3. par. qu. 55. sect. 4. in fine.

50 Jam vero pro ingenii nostri exiguitate iis explicatis, quæ tum ad tempus, quo Christi Corpus jacuit in sepulcro, & Anima descendit ad Inferos, tum ad ejus Resurrectionem pertinent, de iis cæremoniis est differendum, quæ, ut diximus Resurrectionis mysterium referentes, antea quidem nocte quæ præcedit Dominicam, nunc vero ipso Sabbathi die celebrantur. Atque ut a prima ordiamur cæremonia, cantatis Horis, extinctisque usque ad principium Missæ, quæ sunt super Altare, candelis, extra Ecclesiam ignis e silice extunditur, quo carbones incenduntur. Sacerdos novum ignem & quinque incensi grana Cereo infigenda benedicit. Constans & perpetua fuit Ecclesiæ disciplina, ut nulla re utatur, quin eam prius benedixerit. Octavo seculo nulla erat in Ecclesia Romana hujusmodi benedicendi ignis cæremonia, quæ tamen alibi jam tum viguisse deprehenditur ex Zachariæ Papæ epistolis ad Bonifacium Episcopum Moguntinum apud Baronium ad ann. Chr. 751. quibus Sanctus ille Pontifex ait eam fuisse consuetudinem, ut Feria Quinta ternæ Lampades accenderentur, quæ arderent usque ad Sabbathum Sanctum, atque in eo, qui secretissimus esset Ecclesiæ locus, poneretur; deinde addit: *De igne vero, qui ex crystallis, sumitur, ut asseruisti, nullam habemus Traditionem.* Vixit Zacharias usque ad annum 751. a Christo nato. Leo IV. anno 847. creatus Pontifex Homilia de Cura Pastoralis, *In Sabbatho, inquit, Paschæ, extincto veteri, novus ignis benedicatur, & per populum*

An tu postrema apparitione, de qua supra, adfuerit Thomas. Conciliatur Lucas cum Joanne.

De Cæremoniis, quibus hac die Ecclesia celebrat Resurrectionis mysterium, Benedictillo ignis.

lum dividatur. Extant monumenta, quæ probant, morem in Ecclesia Romana fuisse, & percusso silice extudendi ignis Feria quinta, ut constet e primo Ordine Romano *in feria quinta in Cæna Domini*; ubi hæc habentur: *Ea vero die hora nona faciunt excuti ignem de lapide in loco foris Basilicam*. Thomassinus de *dic- rum Festorum celebratione* lib. 2. cap. 14. ostendit, consuetudinem fuisse quarundam Ecclesiarum, ut quotidie ignis in eum modum, præsertim vero die Sabbathi, solenni vero cæremonia Sabbatho Sancto excuteretur, quæ consuetudo ineunte seculo XI. ad solam Sabbathi Sancti diem contracta fuit. Et Pouget in *Instit. Catholicis* tom. 1. pag. 847. tum quod hæcenus diximus confirmat, tum etiam causas affert ejusmodi cæremoniæ. Itaque eam proponit quæstionem, *Cur hodie fit sollemniter benedictio ignis recens excussus & silice?* atque ita respondet: *Hic est vestigium antiquitatis. Olim excutiebatur quotidie ignis & silice ad accendendam Ecclesiæ luminaria, & fiebat prius ignis benedictio. Nihil enim in publicum usum adhibuit unquam Ecclesia sine præcedenti benedictione. Solennius hac die agitur hujus ignis benedictio, quia ignis ille & silice excussus videtur Christi recens ex mortuis suscitatus typum ferre. Romæ solennis hæc ignis novi benedictio fiebat olim Feria Quinta Majoris Hebdomadæ.*

*Benedictio
quinque gra-
norum incen-
si. Accendun-
tur Candelæ in
trianguli for-
mam arundini
impositæ.*

51 Post novi ignis, & quinque granorum incensi benedictionem carbones benedictos indit Acolythus in thuribulum, quo injectum incensum Sacerdos benedicit. Diaconus deinde alba induitur Dalmatica arundinem accipit, cui tres impositæ sunt candelæ in formam trianguli, & Ecclesiam ingressus inclinat arundinem; Acolythus vero cum candela novo igne accensa unam ex iis accendit, quæ arundini suprà impositæ; & Diaconus, erecta arundine, genuflectens ait: *Lumen Christi*. Atque iterum & tertio idem fit in medio Ecclesiæ & ante altare; ut tandem tres illæ sint accensæ, quæ in trianguli formam dispositæ sunt.

*Unde usus
hujus arundi-
nis originem
traxeris in-
certum. Ver-
si conjectura.*

52 Bissus in suo Opere littera A pag. 460. §. 4. declarat, frustra se multum operæ & studii contulisse, ut unde arundinis hujus usus originem traxerit, reperiret. Ne Martene quidem, ut ut harum rerum eruditione abundet plurimum, ea de re mentionem facit. Vertus tom. 2. Explic. Cærem. Eccl. pag. 132. contendit, non aliunde ejus Cannæ originem exitisse, quam ex eo quod principio candela in modum anguis esset inflexa quemadmodum etiamnum virgis & cannis recurvis in Ecclesiis ad Altaris candelas accendendas utimur. Quidam vero trium candelarum usum ejusmodi putant ex eo derivatum, quod olim tres candelæ funalis instar colligabantur, ne vento possent extingui.

At-

Atque id est, cur in recentibus quibusdam Cæremonialibus præscribitur, ut accensa candela in laterna feratur occlusa, ut in ea quæ sit processione tres illæ candelæ in trianguli figuram dispositæ possint accendi.

53 Sed utcumque sit de tempore quo ejusmodi instituta sit cæremonia, profecto tam vetustam esse constat. In Ordine enim Romano Cardinalis Gajetani hæc habentur: *Diaconus junior accipit arundinem trium cubitorum, & dimidii cubiti triplicem candelam, quam de novo igne illuminatam imponit arundini. Idem legitur in Ordine Romano Amelii; & in manuscripto Pontificali Apameensis Ecclesiæ penes Martene De antiqua Ecclesiæ disciplina in celebrandis divinis officiis pag. 442. primæ editionis Lugdunensis: Benedicto novo igne, junior Diaconus Diaconorum Cardinalium, juxta consuetudinem Romanæ Ecclesiæ, de ipso novo igne triplicem candelam conjunctam accendat, & eam in capite arundinis ponat, ipsam arundinem in manu tenens &c.* Gavantus trium candelarum mysterium ita explicat: *Candela in calce unum quid esse deberent, & deinde distingui in tres, ad designandum Mysterium Unitatis, & Trinitatis Dei: idque eo confirmatur etiam, quod dum quolibet e candelis trianguli accenditur, dicitur, Lumen Christi: Deo Gratias: ut bene advertit Thomassinus de dierum Fæstor. celebrat. lib. 2. cap. 14. num. 7. In Trinitatis honorem Cereum in tres divisum accendimus, rati nos Jesu Christi lumine fufos Trinitatis penitiora Mysteria nosse.*

Benedictio Cerei refertur ad Zosimum. Videtur introducta in majoribus Baptistis ante illius Pontificatus ætatem.

54 Processione expleta, fit benedictio Cerei. Anastasius Bibliothecarius in Zosimi Papæ vita hæc scribit: *Et per Parochias concessa licentia Cereos benedici. Creatus fuit ille Pontifex anno 417. & Sigebertus ad eundem annum scribit, hanc cæremoniam ab illo Pontifice institutam esse: Zosimus Papa decrevit Cereum Sabbatho Sancto Paschæ per Ecclesias benedici.* Alii contendunt, eum ritum benedicendi Cereum Sabbatho Sancto seculo integro ante Zosimum in Ecclesiam fuisse inductum, idque ex eo Prudentii hymno arguunt, cujus est inscriptio, *Ad incensum Cerei Paschalis.* Verum Sirmondus vetustis collatis codicibus reperit, genuinam esse inscriptionem, *ad incensum lucernæ;* ostenditque, eum hymnum non ad Cereum Paschalem, sed ad ignem esse referendum, qui quolibet Sabbatho e silice extunditur ad luminaria in templis, ut innuimus, accendenda. Itaque Prudentii hymnus vetustatem Cerei ante Zosimum minime evincit; sed neque itidem ex modo memorato libro Pontificali qui Anastasio tribuitur, recte argui potest, Zosimum ejusmodi benedictionis auctorem fuisse. Quin etiam innuere videtur, hujus-

modi ritum, quem in Majoribus solum templis, seu Basilicis antea observatum ad Parochias Zacharias extendit, multo antea fuisse introductum. Videatur institutio nostra 39. Edit. latinæ cum qua consonat eruditus vir P. Meratus in Notis ad Gavantum edit. Romanæ 1737. 2. par. tom. 1. pag. 1149. Consonat etiam Grefserus tom. 5. suorum Operum nuperrimæ edit. lib. 1. de Festis cap. 25. ubi allatis verbis libri Pontificalis ait: *Nihil hic de institutione vel Ritui, vel Cerei ipsius, sed tantum quod Ecclesiis Parochialibus consecrandi quoque Cerei Paschalis potestatem fecerit, cum antea in majoribus dumtaxat Basilicis consecrari, & accendi soleret.*

*Benedictionis
Cerei significatio
ex Rupertus.*

55 Omnem Cerei Benedictionem Rupertus Abbas pulcherrime explicat de Divinis Offic. cap. 28. & sequen. Cereum ait significare Christum reviviscentem; quod probatur etiam ex capite octavo Concilii Toletani IV. juxta secundam Garziæ editionem: *Lucerna, & Cereus in Pervigiis Paschæ apud quasdam Ecclesias non benedicuntur; & cur a nobis benedicantur, inquirunt: propter gloriosum enim noctis ipsius Sacramentum solemniter hæc benedicimus, ut Sacre Resurrectionis Christi Mysterium, quod tempore hujus noctis advenit, in benedictione sancti luminis suscipiamus.* Antequam Cereus benedicatur, Diaconus illi quinque incensi grana affigit, ut significetur Christi corpus Josephi ab Arimathæa, & Nicodemi opera aromatibus esse conditum. Quinque foramina ad figuram Crucis in Cereo excavata, quo grana incensi injiciuntur, quinque Christi exprimunt vulnera. Benedictio Cerei generatim fit a Diacono, etsi reliquæ Benedictiones pleræque omnes fiant a Sacerdote. In Ecclesia solum Ravennatensi Cereum ab ipso Episcopo olim benedici consuevisse colligitur ex D. Gregorii epist. 28. lib. 9. Benedici tamen a Diacono Rupertus Abbas ait, ut significetur, non ab Apostolis Corpus Christi, sed a Discipulis aromatibus esse delibutum, ejusque Resurrectionem sanctis mulieribus prius, quam Apostolis prænuntiata; quamobrem D. Augustinus serm. 232. alias 144. de Tempore tom. 5. oper. col. 981. hæc de Sanctis mulieribus scribit: *Resurrexisset Dominum ab Angelis audiverunt: semina viri nuntiarent. . . . Nam hoc est, quod egit Dominus Jesus Christus, ut prius illum sexus semineus resurrexisse nuntiaret. Quia per sexum semineum cecidit homo, per sexum semineum reparatus est homo: quia Virgo Christum pepererat, semina resurrexisse nuntiabat.*

*Vertus, qui
usum Cerei ad
naturales cau*

56 Vertus, qui Ecclesiasticorum Rituum originem ad solas naturales causas referendam esse imaginatur, scribit ideo Pascha-

lem

lem Cereum esse institutum, quod hisce caeremoniis, quæ ut diximus noctu peragebantur, lumine opus esset; sit enim, ut paulo post dicemus, ad Baptismalem Fontem Processio, in qua Cereus præfertur. Quia vero usus Cerei non ultra Ascensionem Domini porrigitur, nihil hic mysticæ opus esse ait quod comminiscamur; certum enim aliquando tandem absumi oportere. Verum vir doctus æque ac pius Episcopus Suesionensis in præclaro Opere *De vero Ecclesiæ sensu in sacrarum caeremoniarum usu* secundæ editionis Parisien. ann. 1721. pag. 225. Vertum interrogat, solumne in Sabbathi Sancti nocte Christiani in Ecclesiis Pervigilia agitent, & Quid causæ esset, cur per alias complures noctes vigilantibus Cereus non accenderetur? Præterea cur Cereus a Paschate ad Ascensionem accenderetur, in noctibus vero Natalis Domini, & Epiphaniæ, profecto æque obscuris, & longe productioribus, non item? Quæ quidem evincunt, non ad naturalem causam Cerei usum in Sabbatho Sancto referendum, sed ad Mysterium, quod tam pulcre Rupertus Abbas explicavit, cum quo consentit etiam Pougetus in Institut. Catholicis par. 1. pag. 848.

57 Veteres tradunt Scriptores morem fuisse, ut ad Paschalem Cereum Tabella quædam appenderetur, in qua notabatur quotus annus decurreret ab Incarnatione Domini. Beda lib. de Temporum ratione cap. 45. *Frates, inquit, nostri, qui tunc fuere Romæ, hoc modo se in Natali Domini in Cereis Sanctæ Mariæ scriptum vidisse, & inde descripsisse referebant: A Passione Domini nostri Jesu Christi anni sunt 668.* Qui locus Bedæ Mabilonium eo induxit, ut in Commentario ad Ordinem Romanum tom. 2. Musei Italici pag. 101. animadverteret, vel in die Natali Domini ejusmodi exponi solitam Inscriptionem, ut novus enunciaretur annus, qui penes Romanos ab eo die inchoabatur; vel si eadem inscriptio exponebatur in Paschate, semper significari annum, qui a Natali Christi die numerabatur. Vide Martene De antiqua Ecclesiæ disciplina in Divinis celebrandis Officiis cap. 24. pag. 407. & Gretserum lib. 1. De Festis cap. 25. pag. 74. Cereus Paschalis deinde accenditur. Rem sane miram quotannis contigisse in hac die Hierosolymis, & in Ecclesia Sancti Sepulchri tradunt historici magni nominis, ut igne Cælo delapsæ luminaria accenderentur; cujus miraculi cum nulla mentio fiat ab Eusebio Cæsariensi, Epiphanio, Hieronymo, Cyrillo Hierosolymitano, inde colligitur, eorum quidem ætate nihil tale contigisse; non tamen quispiam propterea jure negaverit, miraculum illud eorum historicorum ætate viguisse, qui de eo scriperunt,

De Tabella,
quæ ad Pas-
chalem Ce-
reum olim ap-
pendebatur;
in qua exhi-
bebatur quo-
tus ab Incar-
natione annus
decurreret.

perunt, & ad ea usque tempora editum, cum in Palæstinam, pulsus inde qui essent Latini nominis, Photii, & Cerularii schisma a Græcis invecum est. Legendus P. Lupus tom. 4. primæ edit. ad Concilia Generalia, & Provincialia pag. 237. & sequen. ubi verisimile esse ait pag. 245. in hujus miraculi memoriam toto terrarum orbe institutum esse, ut lumina, & Cereus per hos dies accenderentur. *Quare non dubito, quin ad agendas Deo pro Hierosolymitano miraculo gratias, & ipsum omnibus sub Cælo populis prædicandum, mos iste noster sit institutus.*

De consuetudine Roman. Pontific. ceras consecrandi, quæ dicuntur Agnus Dei.

§ 8 De veteri Romanorum Pontificum consuetudine benedicendi & consecrandi Ceras quasdam, quæ Agnus Dei appellantur, scripsimus lib. 4. Canonizat. Sanctor. part. 2. cap. 20. num. 12. eodemque lib. 4. par. 1. cap. 5. n. 10. 11. & 12. de eorum vi ac virtute disseruimus. Illud hic adnotare libet, Ritus ejusmodi a quibusdam ad morem illum referri, cum Fidelibus particulæ quondam cereæ Paschali Cereo benedicto detractæ distribuebantur. Durandus lib. 6. cap. 79. ita testatur: *Hac die Acolythi Romanæ Ecclesiæ faciunt agnos de cera nova benedicta, vel de cera Cerei Paschalis anni præcedentis, admixto Cbrismate, qui in Sabbatho in Albis in Ecclesiis per Dominum Papam populis distribuuntur.* Et Amalarius lib. 1. de Divinis Offic. cap. 16. *Libellus*, inquit, *Romanus narrat, eodem die (Sabbatho Sancto) benedici ceram oleo mixtam, indeque fieri agnos, eosque reservari usque ad octavas Paschæ.* Vid. Martene loc. cit. pag. 410. num. 12. Meratum ubi supra pag. 1187. num. 66. Du Cange in Glossario verbo *Agnus Dei*.

De hymno Exultet. Ejus Author videtur D. Augustinus. Lellio Prophetiarum. Baptismi Catechumenorum, & Infantium.

§ 9 Dum Cereus benedicitur, interea canitur celebris hymnus *Exultet*, quem quidam infirmis ducti rationibus D. Ambrosio, alii multo etiam levioribus argumentis innixi Petro Diacono Casinensi tribuunt, qui seculo vixit 12. Illud enim constat ex minime dubiis argumentis, ante quadringentos annos illum hymnum cani in Gallia consuevisse, ideoque probabilius est scriptum esse a D. Augustino, ut ostendit Martene in citat. Opere pag. 405. & Bailletus hist. hujus diei art. 2. Benedictionem Cerei consequuntur lectiones ex Sacra Scriptura, quæ Prophetiæ appellantur. Atque inter eas Cantica, Tractus, & Orationes seu Collectæ interjiciuntur, quæ ad Baptismi Sacramentum respiciunt, cujus administratio est prima & peculiaris hujus diei cæremonia. Id erat moris in veteri Ecclesia, ut, nisi urgeret necessitas, numquam præterquam in Sabbatho Sancto, aut in Sabbatho, quod Pentecostes Festa præcedit, Baptismi Sacramentum conferretur, ut ex Siricii Papæ epistola infertur ad Himerium Epi

Episcopum Tarraconensem, ex epistola quarta & octogesima S. Leonis, & epistola prima Gelasii Papæ cap. 12. aliisque monumentis, quæ ipsi nos protulimus institut. prima Edit. latinæ. Atque in his duobus diebus ab Episcopo, ideoque etiam a Romano Pontifice Catechumeni baptizabantur, qui jam, ut alibi docuimus, satis eruditi fuerant, atque etiam tenelli infantes, ut videre est in Commentario ad Ord. Romanum Mabillonii tom. 2. Musei Italici pag. 95. iisque omnibus post Baptismum, Confirmationis etiam, & Eucharistiæ Sacramenta conferebantur.

60 Rem omnem describit Augustinus Serm. 324. *Baptizatus est, sanctificatus est, unctus est, imposita est ei manus, completis omnibus Sacramentis assumptus est: quod etiam antea S. Cyprianus expresserat Epistola Synodica num. 70. Quod ad puerorum Communionem attinet, in libello de Ordine Romano, ubi sermo est de Sabbatho Sancto, hæc habentur: Illud autem de parvulis providendum est, ut postquam baptizati fuerint, nullum cibum accipiant, nec lactentur, antequam communicent Sacramentum Corporis Christi, & omnibus diebus septimanæ Paschæ ad Missas procedant, & Parentes offerrant pro illis, & communicent omnes.* Cabassutius Dissertatione quinta in Notitia Ecclesiastica seculi primi probat, primorum seculorum fuisse disciplinam ut pueris post Baptismum Eucharistia præberetur sub specie vini. Baptizans enim digitum Christi sanguine imbutum in os pueri injiciebat, quod etiamnum in more positum in quibusdam Regionibus Orientalibus, testatur Orientalium Rituum peritissimus Maronita Abrahamus Ecchellensis. Joannes Diaconus in epistola a Mabillonio edita in primo Tom. Musei Italici propositam sibi a Senario quæstionem exponit: *Cur in sacratissimum Calicem lac mittatur, & mel, & Paschæ Sabbatho cum Sacrificiis offeratur?* Atque ita respondet: *Baptizatis hoc Sacrificii genus offerri ut intelligant quia non alii, sed ipsi, qui participes sunt Corporis & Sanguinis Domini, terram repromissionis accipient; cujus iter inchoantes tanquam parvuli lacte nutriuntur & melle.*

61 Numquam sacra existimavit Antiquitas, pueros baptizatos, non nisi accepta Eucharistia, salvos fieri. Recentiorum quidam ejusmodi opinionem S. Augustino sane audacter affinxerunt. Verum clarissimæ memoriæ Cardinalis Norisius in Vindiciis Augustinianis §. 4. explicata S. Doctoris doctrina ostendit, numquam illum in ea fuisse sententia. Et Sancta Tridentina Synodus Sess. 21. cap. 4. Communionem parvulorum refert ad ea, quæ sunt disciplinæ. Denique eadem Sacrosancta Synodus docet, parvulos usu rationis carentes nulla obligari necessitate ad Sacramentalem

Locus D. Augustini in Genes. Pueris in Baptismo olim præbatur Eucharistia sub specie vini. Abusus injiciendi in Calicem mel & lac.

Parvulos baptizatos non nisi accepta Eucharistia salvos fieri, sententia est falsa assua. D. Augustino, Ea Communionem res fuit disciplina ex Tridentino. Lac & mel benedi-

*ci tantum, non
injici in Cali-
cem jussit Con-
cilium Afri-
canum.*

*mentalem Eucharistiæ communionem; siquidem per Baptismi la-
vacram regenerati, & Christo incorporati adeptam jam Filiorum
Dei gratiam in illa ætate amittere non possunt. Neque ideo tamen
damnanda est antiquitas, si eum morem in quibusdam locis ser-
vavit aliquando. Ut enim Sanctissimi illi Patres sui facti probabi-
tem causam pro illius temporis ratione habuerunt, ita certe eos
nulla salutis necessitate id fecisse sine controversia credendum est.
Prava autem eorum fuit consuetudo, qui lac & mel in Calicem
injiciebant: nam in vulgato Ordine Romano habetur quidem
lactis, & mellis benedictio, sed ea non indebantur in Calicem,
sed post Eucharistiam sub specie vini infantibus sugenda præbe-
bantur. Quamobrem Africanum Concilium decrevit, ne quid-
quam præter panem, & vinum aqua mistum in Sacrificio offerat-
ur. Primitiæ vero, seu mel & lac, quod uno die solemnissimo in
Infantum Mysisterio solet offerri, quamvis in Altari offerantur.
fidem tamen habeant benedictionem, ut a Sacramento Domini
Corporis, & Sanguinis distinguantur; quod advertit etiam eru-
ditus vir Berleus in Tractatu de Oblationibus ad Altare
pag. 4. & 5.*

*Differitur de
presenti, qua
nunc utimur
disciplina.*

62 Sed jam, veteri disciplina omissa, ad eam, qua nunc
utimur, nostra transiliat oratio. Sabbatho Sancto Catechumeni
adulti, atque etiam infantes baptizantur; atque in Episcopo-
rum Cæremionali præscribitur, ne cuiquam infanti in Ecclesia,
in qua Episcopus Sabbathi Sancti cæremonas est celebraturus,
per octo dies ante idem Sabbathum, dummodo nulla urgeat ne-
cessitas, Sacramentum Baptismi administretur. Si aderunt Ca-
techumeni, baptizentur more solito ab Episcopo &c. & per octo
dies ante in ipsa Ecclesia, nisi periculum immineat, nullus infans
baptizetur. Adultis autem Catechumenis bene jam eruditis,
post Baptismum, Confirmationis etiam & Eucharistiæ sub una tan-
tum specie sacramenta conferantur. Ubi vero sit fons Baptisma-
lis, quamvis nullus esset baptizandus, sit nihilominus ad ejus be-
nedictionem processio.

*Cæremonia
in benedictio-
ne Fontis.*

63 Præcedit Acolythus manu Cereum benedictum tenens,
sequitur qui Crucem gestat, ac deinde procedit Clerus; ultimus
est qui Missam celebrat inter Diaconum & Subdiaconum medius.
De hujusmodi ritus benedicendi Fontis vetustate, & sanctitate
prima institut. editionis jam citatæ disseruimus; quo Lectorem a-
mandantes, hæc tantum addimus, dum ad Fontem proceditur, An-
tiphonom cani interea, *Sicut cervus*, ut declaretur, Catechumenos
sancto desiderio flagitare, ut ad fontem gratiæ Baptismum perve-
niant; non aliter quam cervi sitibundi ad fontem aquarum con-
volant

volant, suam ut expleant sitim. In Crucis figuram aqua dividitur ad quatuor mundi plagas, quo significatur, Baptismatis gratiam in mundum universum diffundendam; præcepit enim Discipulis suis Jesus, ut terram peragrantes omnes docerent gentes, sacroque Baptismate abluerent, ut bene notat Mazzinellus in notis ad officium Majoris Hebdomadæ pag. 293. In modum itidem Crucis Sacerdos in aquam spiritum suum inhalat, ut cum *Cruce Trinitatem conjuget*, ut ait Gavantus; Cereum deinde in aquam semel, iterum, & tertio immergit, & inde tollit, ut *Spiritus Sanctus sua plenitudine fontem impleat, sicut quando descendit in specie Columbæ in Baptismo Christi adumbrati in hoc Cereo demerso in aquam: elevatio autem ejusdem Cerei significat effectum Baptismi, qui confert gratiam elevantem a peccato ad gloriam*. In aquam præterea Oleum Catechumenorum, & Chrisma infundit, eaque commiscet, ut indicetur conjunctio Christi per Baptismum cum populo Ecclesiæ; quæ sunt Gavanti verba. Ejusmodi autem harum cæremoniarum explicatio partim ex Amalario lib. 1. cap. 25. partim ex Honorii Gemma lib. 3. cap. 3. partim etiam sumta est e Durando lib. 6. cap. 81.

64 Fontis Benedictione peracta, & administrato, si opus fuerit, Baptismo, omnes eodem ordine, quo ad Fontem processerant, redeunt ad Altare, & in hac processione canuntur Litanie. Quæstio est inter Scriptores de Sacris Ritibus, priusne quam Processio a Fonte discedat, incipi debeant Litanie, quæ interea canantur, dum proceditur ad Altare; an vero postquam ad Altare perventum est. Solvit quæstionem hanc Meratus in Notis ad Gavantum pag. 168. dicens, primum modum esse in inferioribus, alterum in Cathedralibus Ecclesiis servandum. Inferioribus enim Ecclesiis Rubricas Missalis, Cathedralibus vero Cæremoniale Episcoporum normam esse debere. Si autem Ecclesia Baptismali careat fonte, lecta ultima Prophetia, & orationibus, quæ eam consequuntur, humi Sacerdote, & Altaris Ministris in faciem provolutis, cæteris vero omnibus genuflexis, cantantur Litanie. In Sacramentario S. Gregorii, & in Ordine Romano præscribitur, ut quando in Litanis canitur *Agnus Dei*; Altaris lumina accendantur; lumen enim Fidei per Christum Agnum Dei nobis illuxit, ut bene notat Amalarius lib. 1. cap. 30.

65 Sabbathi Sancti Missa caret Introitu, qui cum introductio quædam esset ad publicas preces, canereturque interea dum populus conveniret, & ad Altare Sacerdos accederet, eo jam nihil est opus in hac Missa; Populus enim jam convocatus cum Sa-

Quando Incipi debeant Litanie.

Descriptio reliquæ Cæremonie, & Missæ usque ad Tractum.

Sacerdote, & Clero Processioni ad Baptismalem Fontem interfuit, ut videre est apud Meratum cit. opere pag. 1176. num. 5. Simul ac Sacerdos Hymnum præcinerit, *Gloria in excelsis Deo*, pulsanter Campanæ, quas a Feria Quinta cessare diximus; Campanæ enim Sanctos significant Christi præcones; quamobrem ab eo die quo Christus satellitibus traditus est, campanarum usus intermittitur usque ad hunc diem, nam sancti Apostoli in maximo Passionis æstu Christum deseruerant, & Petrus in eo discrimine aufugerat, ut docuimus in institut. 20. edit. latinæ pag. 118. ubi de hoc ritu verba fecimus. Epistola sumitur ex prima quam scripsit D. Paulus ad Corinthios, qua recens baptizatos monet, ut resuscitati cum Christo, nulli rei præterquam cælestibus studeant. Lecta Epistola, Sacerdos canit *Alleluja*, quæ a Septuagesima usque ad Pascha omittitur, propterea quod tempus illud poenitentiae, mœrori, & luctui addictum est. Hoc autem die *Alleluja* revocatur; etsi enim ejus vocis non alius sensus est litteralis, quam *laudate Deum*; tamen, si ejus spectetur usus, exclamatio quædam est lætitiæ, ut idem fere valeat, quod valet apud Latinos *plaudite*. Liceat tamen illud obiter addere, quod Ecclesia Romana olim etiam in Defunctorum exequiis canebat *Alleluja*, ut constat ex Hieronymo in Epitaphio Fabiolæ: *Jam sama volans tanti præ-nuncia luctus, totius Urbis populum ad exequias congregabat, sonabant Psalmi, & aurata tella Templorum reboans in sublime quatiebat Alleluja*. In Quadragesima quoque interdum ea vox adhibebatur; quam prorsus amovit Gregorius Magnus, ut patet ex epist. 64. Indiſt. 2. ad Joannem Episcopum Syracusanum. Quod enim quidam objiciebant, fuit ejusmodi Ritus a Græcis, respondet Sanctus Pontifex, S. Damasi Papæ tempore ab Hierosolymitana in Romanam Ecclesiam consuetudinem inventam fuisse canendi *Alleluja*; se propterea neque induxisse, neque amplificasse ait, sed potius coarctasse, quia, ut putamus, a Quadragesima, & ab Exequiis mortuorum eam vocem summoverat. *Ut Alleluja hic diceretur, de Hierosolymorum Ecclesia ex Beati Hieronymi traditione, tempore Beatæ memoriæ Damasi Papæ, traditur tractum. Et ideo magis in hac Sede illam consuetudinem amputavimus, quæ hic a Græcis fuerat tradita*. De *Alleluja* iterum sermonem habemus tom. ix. pag. 91. & 92.

66 *Alleluja*, quæ lætitiæ vox est, Tractus consequitur, qui doloris signum est; Ecclesiæ enim nondum est absoluta lætitia; nam illa reviviscentis Christi mysterium celebrat, qui tamen nondum apparuit. Evangelium ex primo Evangelistarum Mattheo

Cur post *Alleluja* dicatur Tractus.

thæo defunctum Resurrectionis historiam continet; nec ad Evangelium afferuntur lumina; cum enim nondum se Christus reviviscens conspicuum præbuisse, Fides idcirco adhuc erat obscura juxta Alcuinum. Omittitur in hac Missa *Credo*; nec ullum in ea est Offertorium, quod Gavantus ad illud refert silentium, quo sanctæ mulieres cum aromatibus se ad sepulcrum Domini contulerunt; & cum eo sentiunt Walafridus Strabo de rebus Ecclesiæ cap. 22. & Abbas Berno cap. 1. de rebus ad Missam spectantibus.

67 Cum Offertorium cantaretur interea dum panis & vinum offerebantur, quæ ad Sacrificium adhibenda erant, quidam considerantes, jus offerendi cum communicandi jure ita esse conjunctum, ut qui a Communionem, etiam ab oblatione arceretur, juxta Can. 28. Concil. Illiberitani: *Episcopum placuit ab eo qui non communicat, munera accipere non debere*; putant, ideo in Sabbathi Sancti Missa Offertorium cœptum esse prætermitti, quod nulli eo die Eucharistia præberetur.

68 Verum in hac Missa non Catechumeni modo, & infantes, sed cæteri quoque qui aderant, communicabant, ut patet ex Sacramentario S. Gelasii lib. 1. cap. 15. in oratione enim, quæ dicitur *Postcommunio*, legitur: *Præsta quæsumus Ede. ut divino munere satiasi, & sacris mysteriis innovemur & moribus*. Id ipsum probat Grancolas ad Breviarium Romanum lib. 7. cap. 2. 1. & eruditus Morettus Basilicæ S. Mariæ Trans Tyberim Canonicus in *Disceptatione de Ritu variandi Chorale indumentum*, c. 14. Quapropter opinio, quam dudum exposuimus, nullo fulcitur fundamento, nec ab ea recedendum videtur quam supra attulimus, nec refragatur Meratus cit. Opere pag. 179. & sequens, qui addit, fortasse prætermitti cœptum Offertorium, ut Missa brevior esset, quam contrahere opus fuit, ut vitaretur quam maxime poterat vagitus infantium, qui Baptismum suscepissent; difficile enim erat quin, præsertim jejuni, ploratu, & ejulatibus omnia complectent.

69 Tandem non osculum Pacis in hac Missa, non *Agnus Dei*, non *Postcommunio*. Gavantus ait, idcirco non dari osculum pacis, quod nondum Apostolis Christus apparuerat, nec dixerat, *Pax vobis*. Non dicitur *Agnus Dei*, juxta eundem Gavantum, propter mulierum silentium, quæ in Christum Redemptorem animarum nondum crediderant; cum quo Alcuinus, & Durandus consentiunt. Denique juxta ejusdem Gavanti sententiam, non dicitur *Postcommunio*, quia in hac Missa, quod tamen supra improbavimus, populus non communicabat.

*Cur Offertorium omit-
torum, quo-
rundam opi-
nio.*

*Rejicitur
ea opinio, Pro-
babilis alia
opinio Merati*

*Gavanti ra-
tiones, cur in
hoc Missa nec
osculum pa-
cis, nec A-
gnus Dei, nec
Postcommunio
sit.*

Vetus ritus
osculi in hac
nocte avec.
Matutinum
cum his verbis
Surrexit Do-
minus.

70 In Ordine Romano ab Hittorio edito pag. 55. ita legitur: *In ipsa nocte matutina luce rumpente tenebras surgentes in Ecclesiam veniant, & mutua charitate se invicem osculantes dicant: Surrexit Dominus.* Ex quibus intelligitur, veterem fuisse consuetudinem, ut antequam inciperet Matutinum in Paschate, quod noctu canebatur, Fideles se invicem amplexi dicerent: *Surrexit Dominus.* Atque inde profectum esse ait Grancolas, ut in Missa Sabbathi Sancti, quæ olim eadem illa nocte paullo ante Matutinum Paschæ celebrabatur, osculum pacis prætermitteretur.

Agnus Dei
jussit dici in
Missâ Sergius
I. Cur tertio
dicatur, Do-
na nobis Pa-
cem: At in
Basilica Late-
ranensi dica-
tur tertio, Mi-
serere nobis.

71 Sergius I. Pontifex, quem ex lib. Pontificali constat circa 7. seculi finem vixisse, instituit, ut fracta Hostia, ejusque particula in Calicem injecta, Clerus & Populus ter caneret *Agnus Dei.* Verba Pontificalis libri sunt: *Statuit, ut tempore confragationis Dominici corporis, Agnus Dei qui tollis peccata mundi, a Clero, & Populo decantaretur.* Et quamquam statuit, ut eadem verba ter dicerentur, nunc tamen, cum tertio dicitur *Agnus Dei*, pro illis verbis *miserere nobis*, in omnibus Ecclesiis dicitur *Dona nobis pacem*, excepta Lateranensi Ecclesia, ubi vetus etiamnum disciplina retinetur dicendi semel, iterum, ac tertio *miserere nobis*. Constat enim, a seculo septimo ad decimum semper etiam tertio dictum esse *miserere nobis*; ad tollendum vero schisma, seu ad divinam opem implorandam, ut imminentibus Ecclesiæ periculis Deus occurreret, loco motis illis verbis, substituta sunt, *dona nobis pacem*; quod testatur Innoc. III. Pontifex lib. 6. de Mysteriis Missæ cap. 6. & fuse probat Cird. Bona Rer. Liturgic. lib. 2. cap. 16. num. 5. Quod hætenus diximus, confirmat Casalius de veter. Sac. Christianorum Ritibus, Romæ 1647. inter notabilia, pag. 404. & Lateranensis Ecclesiæ ritum præcipue commemorat: Additque, si coram summo Pontifice solemnis celebraretur Missa, Cantores Pontificiæ Capellæ ad tertium *Agnus Dei* succinere, *Dona nobis pacem.* Quod autem ad hujus diei Missam attinet, prætermittitur *Agnus Dei*: quia hæc nova est adjectio; hæc enim deprecatio instituta fuit a Sergio Papa, qui sedit anno 688. Sunt verba Merati cit. Opere pag. 1182. qui etiam addit, ideo *Postcommunione*, eamque, quæ *Communio* dicitur, Orationem, etsi olim utraque recitaretur, omitti, quod in earum locum suffectæ sint Vesperæ, quas verius appellari posse ait *Gratiarum actionem*, quam *officium Vesperarum.*

Riturnormandi
septem Al-
taria ex Jo-

72 Peculiarem quemdam Ecclesiæ Romanæ Ritum commemorat Joannes Diaconus in allata Epistola, ornandi septem Altaria in Sabbatho Sancto. Cujus Ritus idem Joannes rationem

sc

se nescire fatetur. Et Mabillonus in Museo Italico tom. 2. pag. 101. ne vestigium quidem ullum reperiri miratur ejusmodi Ritus apud Rerum Ecclesiasticarum Scriptores, ac ne in Romanis quidem Ordinibus. Nos alius Septem Altarium, quæ in multis reperuntur templis, & quorum visitatione acquiritur Indulgentia, originem investigavimus, sed frustra. Ex hoc autem Ritu, de quo Joannes Diaconus, fortasse septem Altaria visitantibus largita indulgentia originem traxit; verum id eruditorum diligentia examinandum relinquimus. Grancolas in veter. Sacramentar. Ecclesiæ Par. 1. pag. 45. Epistolam Joannis Diaconi commemorat, quam testatur in Bibliotheca Christianæ Svecorum Reginæ a Mabillonio repertam. In ea Epistola ritum illum ornandi septem altaria refert Joannes vel ad septem dona Spiritus Sancti, vel ad septem Urbis regiones. *Quod de septem altaribus inquisitioni, quæ in Urbe Roma Sabbatho Paschæ mortis est consecrari, hoc ideo dico, quia Majores nostri sive in sepiiformis gratia spiritu decreverint faciendum, sive quia Septem Regionibus Ecclesiastica apud nos militia continetur, a qua hæc ipsa parantur Altaria, ut singulis benedictio præstetur.* Hæc tamen illi non satisfaciunt; quemadmodum ne ipse quidem cæteris satisfacit in eo, quod subjecit, oportuisse, aucto Sacerdotum numero, multiplicari altaria; nam dubium remanet adhuc, cur Sabbatho sancto, & rursus cur septem admodum altaria ornarentur?

73 In quibusdam Ecclesiis peculiare hoc die cæremoniæ fiunt. Ante preces & laudes matutinas Sacerdos e sepulcro Christi imaginem educit, ipsiusque imaginis pedibus Ecclesiæ pulsat fores, Davidicum illud succinens, *Astolite portas Principes vestrae, & elevamini portæ aternales:* & Ecclesiæ foribus apertis cantatur hymnus de Resurrectione. Ritus hunc commemorat Gretserus lib. 1. de Festis cap. 23. eumque a Græcis injuria carpi contendit. Salmeron tom. 10. tract. 49. scribit, morem esse in quibusdam Provinciis, magna ut populi frequentia Sabbatho Sancto repræsentetur Christi depositio e Cruce; sed optandum esse ait, ut Episcoporum Edictis talia spectacula interdican- tur, quod ea pluribus gravibusque peccatis occasionem præbeant perpetrands. Quod tamen Quaresmio non placet, qui Elucidat. Terræ Sanctæ tom. 2. lib. 5. cap. 18. eam cæremoniam defendit, quam pie ac devote, Religiosis Terræ Sanctæ auctoribus, testatur Hierosolymæ a Christianis celebrari. Sed hæc bene fortasse Hierosolymæ. In aliis vero Regionibus non item. Quamobrem Episcopi, qui bonos populorum suorum mores tuerentur, curant ejusmodi deleri consuetudines, quæ principio pietatis quodam

anne Diacono. Altum de eo silentium apud alios Scriptores. Conjectura aliquot unde ille originem traxerit.

Ritus peculiaris altarium Ecclesiæ.

sensu fortasse sunt introductæ, sed paullatim eo sunt prolapsæ, ut populo offensionem pariant. Testis locupletissimus esto Armandus S. R. E. Cardinalis de Rohan Episcopus Argentinæ, qui Decreto suo edito anno 1742. & ad calcem Ritualis illius Ecclesiæ impresso talia interdixit.

CAPUT IX.

*De Dominica Paschæ, ac de duobus Festis;
quæ consequunt.*

*Verum Ety-
mon vocis Pa-
scha, & cur
id nomen huic
Festo inditum.*

1 **S**abbatum sanctum dies Paschæ, idest Dominica Resurrectionis, cum duobus aliis diebus festis consequitur. Hebraica vox est *Pascha*, quæ transitum significat. Præcepit Deus Hebræo populo, ut hoc festum celebraret, & memoriam maximi beneficii recoleret, cum ex Ægyptiorum servitute fuit ereptus, & exterminator Angelus, ut alibi diximus, primogenitos Ægyptiorum interfecit, Hebræorum domos præteriens, quæ sanguine Agni pridie ejus diei immolati essent respersæ. Cum autem hac die Resurrectionis Christi memoria celebratur, propterea huic diei Paschæ nomen est inditum. Etenim a morte Christus ad vitam rediens, triumphansque de Diabolo, hominibus ab ejus servitute, & æterna morte liberatis, *vita æterna nobis aditum, diviſa morte, reservavit*; ut in hujus diei oratione loquitur sancta Ecclesia. Quidam putant, vocem *Pascha* ductam a Græco verbo πάσχω, id est *patior*, quod ad Christi Domini Passionem referatur. Vera tamen sententia est, *Pascha* nomen esse Hebraicum, & Transitum ut diximus significare.

*Origo huius
Festi ad Apo-
stolos referen-
da. Olim per
totam Heb-
domadam festi
trans dies us-
que ad festum.*

2 Hujus Festi origo ad Apostolos referenda, ut ait D. Augustinus Epist. 54. & ideo S. Gregorius Nazianzenus eam appellat Festum Festorum, & solemnitatem solemnitatum; & juxta veterem disciplinam non die tantum Dominica, duobusque consequentibus diebus, sed per integram hebdomadam memoria Resurrectionis Christi celebrabatur, ut septem omnibus illis diebus festum esset de præcepto, ut patet ex Concilio quodam Lugdunensi, quod refertur in Can. 1. De Consecrat. Dist. 3. ubi inter Festa per annum celebranda recensetur *Sanctum Pascha cum tota hebdomada*. Plurima etiam id confirmant usque ad seculum 12. monumenta apud Martene De Antiqua Ecclesiæ Disciplina in Divinis celebrandis Officiis cap. 25. num. 1. & sequen. & apud Gretserum in sæpe cit. lib. 1. de Festis cap. 26. apud Thomassinum de dierum festorum celebratione lib. 2. cap. 16. num. 1.

3 Cum

3 Cum de Sabbatho Sancto dissereremus, de Resurrectione, & apparitione Christi, qui hac die revixit, seque conspicuum exhibuit, Evangelicam exposuimus historiam; ideoque de ea nihil est quod amplius dicamus. De celebri vero controversia, quonam die Pascha sit celebrandum, pauca quædam breviter perstringemus.

4 Romana Ecclesia omnium Ecclesiarum mater, veterem sequuta morem, Pascha celebrabat ea Dominica, quæ post ver-
num æquinoctium decimamquartam Martii Lunam consequere-
tur. At Asiæ Ecclesiæ Pascha juxta Hebræorum ritum celebra-
bant decimaquarta Luna Martii, in quamcumque diem ea Luna
incidisset.

5 Ea controversia, tamquam ad solam pertinens discipli-
nam, principio nihil turbavit in Ecclesia. Et sane cum Polycar-
pus Smyrnenfis Episcopus, qui Asiaticum Riturum sectabatur, Ro-
mam venisset, neque Pascha cum Aniceto Pontifice juxta Roma-
num, & universalem Riturum celebrare voluisset, nihil tamen
propterea de veteri eorum amicitia detractum est, & Polycarpus
cum osculo pacis Roma discessit.

6 Sub finem secundi seculi Polycrates Ephesus Episcopus,
Concilio cum aliis Episcopis habito, Epistolam Synodicam ad
Victorem Papam scripsit, cujus pars apud Eusebium extat Hist.
Eccl. lib. 5. in qua una cum cæteris Orientalibus Episcopis decla-
rabat, fieri contra traditionem a S. Joanne Evangelista accep-
tam, si alio die, quam decimaquarta Martii Luna, Pascha ce-
lebraretur. Tum vero Victor Pontifex, coacto Romæ Episco-
porum Concilio, decrevit, Asiaticos, qui Pascha in Dominica
non celebrarent, & Romanæ adversarentur disciplinæ, ab uni-
tate Ecclesiæ, & a Fidelium communionem separandos, misitque
ad eos Epistolam Synodicam, de qua meminit Eusebius lib. 5.
Eccl. Hist. cap. 24.

7 Ad eam dissensionem componendam plura variis in locis
Concilia celebrata sunt. Et quamquam Gallicana Ecclesia Ro-
manum Riturum servabat, tamen Irenæus Lugdunensis Episcopus
cæterarum etiam Ecclesiarum nomine scripsit ad Victorem Pon-
tificem, illum cohortatus, ne propter ejusmodi controversiam,
quæ ad disciplinam tantum pertineret, Asiæ Ecclesias a sua Com-
munionem sejungeret: diversam enim esse posse disciplinam, quin
unitas lædatur Ecclesiæ. Hic vero qui Ecclesiasticam profitentur
historiam, quærun, precibusne Irenæi Victor lenior factus ex-
communicationis effectum suspendens Asiaticis Ecclesiis pacem
reddiderit, an vero nunquam Excommunicationis sententiam

*Nihil hic
sermo de Re-
surrectione,
de qua supra
in Sabbatho
Sancto.*

*Dissensus Ec-
clesiarum Asi-
æ a Romana
Ecclesia de
tempore cele-
brandi Pas-
chæ.*

*Nihil inde
turbatum in
Ecclesia exor-
tum usque ad
finem secundi
seculi.*

*Asiatici Epi-
scopi primi tur-
baxcitantes
Romana Ec-
clesiæ consue-
tudinem im-
probantes. Vi-
ctor Papa eo-
rum vicissim
consuetudi-
nem reprobat.*

*Ea Contro-
versia in Ni-
cæno Concilio
resoluta.*

revera tulerit, sed tantummodo sit minitatus. Res satis vulgata est apud juniores eruditos: ex his autem videas præsertim Schellfrat par.2. *Antiquit. illustratæ* dissert. 1. art.3. qui hanc controversiam accuratissime tractat. Tandem anno 325. ea dissensio in Nicæno Concilio conquievit, in quo decretum est, juxta Romanæ Ecclesiæ cæterarumque Ecclesiarum Traditionem, Resurrectionem Christi Domini, quæ Pascha dicitur, ea celebrandam esse Dominica, post decimanquartam Lunam, quæ vel in æquinoctium vernum caderet, vel illud proxime consequeretur; Diem autem vigesimum primum Martii deinceps tanquam æquinoctii diem habendum, ut omnis, quæ ab astronomicis rationibus oriri posset de vero æquinoctio controversia removeretur. Concilio Nicæno adfuit ipse Constantinus Imperator, qui nihil reliqui sibi fecit, ut Decreto omnes obtemperarent. Imperatoris Epistolam ad Episcopos, qui Concilio non adfuere, affert Gelasius in Historia Concilii Nicæni lib.2. cap.33. *Letum etiam nuntium vobis offerimus de consensu omnium in celebrando Sanctissimo Festo Paschatis, quod ea res etiam vestris precibus recte constituta est, ita ut omnes Fratres in Oriente, qui antea Judæos imitari consueverant, jam deinceps cum Romanis, & vobis, omnibusque nobis, qui eundem morem vobiscum a primis temporibus in corecolendo tenuimus, Sanctissimum Festum Paschatis concordissime celebraturi sint.* Extat ipsius Concilii Nicæni Epistola Synodica ad Alexandrinam Ecclesiam apud Theodoretum lib.1. cap.9. vide Eusebium in vita Constantini lib.3. cap.6. & Socratem Eccl. hist. lib.1. cap.9. Quidam S. Pii Papæ decretum profereunt, qui anno 141. regebat Ecclesiam. In eo Decreto statuit Pontifex, ut Pascha in Dominica celebraretur. Sed hæc Decretalis habetur apocrypha, licet in Eusebii Chronico hæc legantur: *Sanctum est a Pio, ut Resurrectio Dominica Dominico die celebraretur, quod a pluribus postea Pontificibus confirmatum est.* Arnaldus enim Pontacus ea verba a manuscriptis Codicibus abesse animadvertit; atque id est, quamobrem Scaliger in nova ejus Chronici editione ea verba omiserit.

8 Breve per hos dies usque ad Dominicam Officium recitatur, cui unum tantummodo nocturnum est, idque brevissimum. Cujus brevitatis ratio historica, & naturalis ea est, quod cum Christiani ad multam noctem in Officio & Missa Sabbathi Sancti deventi fuissent, & rursus, paullum refectis viribus, ad Officia divina redirent, nocte jam vergente in diem, pluribus recitandis Nocturnis spatium non suppetebat. Propterea unum dumtaxat satis esse oportuit; isque mos tota hebdomada retinebatur, quia

Ratio, quare per hos dies tam breve sit Officium.

quia quidquid in Ecclesia prima die, præsertim quod ad Neophytos attinet, fieri solebat, idem per reliquos hebdomadæ dies factitabatur, ut apud Martene de antiqua Eccl. disciplina in celebrandis Divinis Offic. cap. 25. num. 25. & apud Mazzinellum in Notis ad Officium Hebdomadæ Sanctæ pag. 313.

9 In Missa dicitur *Sequentia Victimæ Paschali*: cujus jure Gavantus ait non satis nobis esse cognitum quis fuerit Auctor: & sane Bellorte in Observationibus pag. 416. eam Beato Hermanno Contracto, Herrera vero apud Card. Bonam Rerum Liturgicarum lib. 2. cap. 6. num. 6. Otgero Abbati S. Galli tribuit.

*Sequentia
Victimæ Pas-
chali in Mis-
sa. Ejus au-
thor quis fue-
rit.*

CAPUT X.

*De Festo Ascensionis quod Feria 5. celebratur, quæ
Dominicam quintam post Pascha consequitur.*

1 **A**scensionis solennitas Feria 5. celebratur post quintam Dominicam Paschæ. Revixerat jam Christus Dominus, seque ipso resurrectionis die videndum sæpe exhibuerat; cum post dies octo, Apostolis in eodem loco congregatis, quo antea, Thoma absente, apparuerat, rursus iis repente addiit, cum etiam Thomas adesset. *Iterum erant Discipuli ejus intus, & Thomas cum eis* (introivit iterum occluso licet ostio) *Venit Jesus januis clausis, & dixit: Pax vobis.* Thomam autem invitabat: *Infer digitum tuum huc, & vide manus meas, & affer manum tuam, & mitte in latus meum, & noli esse incredulus, sed Fidelis:* cumque respondisset Thomas, *Dominus meus, & Deus meus;* dixit Jesus: *Quia vidisti me, Thoma, credidisti: beati qui non viderunt, & crediderunt.* Ita refert Joannes cap. 10. v. 26., & seqq.

*Recesserunt
Christi appa-
ritions, an-
tequam ascen-
deret in Cæ-
lum. Appa-
ret Christus
Apostolis post
dies octo præ-
sente Thoma.*

2 Hæc autem apparitio non in Galilæa, sed Hierosolymis contigit, ut ex Joannis verbis colligitur: *Iterum erant Discipuli ejus intus, & Thomas cum eis.* Itaque e duabus illis vocibus *iterum*, & *intus* manifesto constat, Discipulos fuisse in eodem loco, & Cœnaculo, in quo fuerant tum, cum absente Thoma Christus eis apparuit; id vero ut Hierosolymis contigit, ita Hierosolymis contigisse oportuit quicquid narrat Joannes cap. 20. juxta ea, quæ accurate advertit Suarez in 3. par. D. Th. tom. 2, qu. 55. art. 4. disp. 49. sect. 5. in princ.

*Ea appari-
tio contigit
Hierosolymis.*

3 Cum Christus revera ad vitam redierit, atque ideo ejus anima cum corpore, quicum antea juncta fuerat, rursus copulata sit; cumque post Resurrectionem ejus Corpus non phantasticum

*Christus in-
troitis occlusis
foribus. In-
venit hæretico.*

rum cavillationes, ut explicant, qui demum id fieri potuerit.

304 DE FESTIS D. N. JESU CHRISTI LIB. I.

ficum, seu apparens, sed solidum verumque fuerit, ut probat D. Thomas 3. par. quæst. 54. art. 1. quæritur qui fieri potuerit, ut ubi erant Apostoli, illuc ostio clauso introierit. Non hac apparitione modo, sed etiam illa, quæ ante octo dies contigerat, & de qua verba fecimus cap. 8. num. 44. Christus oclusis foribus introiit; ut videre est apud Joann. cap. 20. v. 19. qui de priore apparitione ait: *Et fores essent clausæ*; & de secunda: *venit Jesus januis clausis*. De hoc Servatoris nostri ingressu agentes heterodoxi quidam Scriptores putant, Christum nocturnum quidem, quo tempore clauduntur fores, sed iis apertis introiisse: cui opinioni tamquam fundamentum substruunt ea verba, *Cum fores essent clausæ*, quasi ea ad tempus referenda sint, quo domorum occludi solent fores. Sed textus non habet tantum, *Cum fores essent clausæ*, sed in eo præterea legitur: *venit Jesus januis clausis*. Quapropter nemo est, quin intelligat illa verba non tempus, sed modum intrantis significare, ut ait Estius in cap. 20. Joann. num. 9. Facessant igitur ejusmodi impiæ, & ineptæ opiniones, & cum S. Cyrillo potius dicamus: *Hic nemo querat, quomodo clausis januis Corpus Domini penetravit, cum intelligat, non de homine sed de omnipotente Filio Dei hæc scribi*. Considerandum gloriosi corporis cum Divinitate conjuncti longe aliam ac aliorum corporum esse naturam: *Aliam esse conditionem Corporis gloriosi, quocum unitur Divina natura, ut de illo statui non debeat ex consuetudine*: verba sunt Lamy Concord. Evang. lib. 5. cap. 43. §. 36. Dominus, qui nunc introiit, etsi fores essent clausæ, illum eundem esse, qui in ortu suo ex utero licet clauso Virginis prodiiit in lucem, *clauso Virginis utero*, & post mortem reviviscens prodiiit clauso sepulcro, ut legitur in Notis Duhamel ad Bibliam Sacram nuperrimæ Lovanienſis edit. ann. 1740. ad illum D. Joan. locum num. 19. Calmetus in cap. 20. Joann. num. 19. ait, nihil hic esse loci rationibus philosophicis, quæ non nisi in natura, & naturalibus corporum actionibus versari solent. Quamobrem dicendum est, vi Divinitatis Corpori unitæ, non ipsius Corporis virtute id factum esse, ut docet D. Thomas 3. par. qu. 54. art. 1. ad primum. *Dicendum est quod non ex natura corporis, sed potius ex virtute Divinitatis unitæ illud corpus ad Discipulos, licet verum esset, januis clausis introiit*. Atque D. Augustinus multo antea docuerat Tract. in Joann. 121. tom. 3. Oper. Col. 808. §. 4. *Moli corporis, ubi divinitas erat, ostia clausa non ostiterunt; ille quippe non eis apertis intrare potuit, quo nascente Virginitas matris inviolata permansit*. Huc accedit, quod post Resurrectionem Corpus Christi verum quidem & integrum, sed etiam glo-

gloriosum fuit; ut probat idem S. Thomas art. 3. ideoque ad eam subtilitatem redactum, ut nihil illi, quocumque introire vellet, esset impervium.

4 At vero cum Corpus Christi esset gloriosum, quæ potuit Thomas Apostolus lateris, & manuum vulnera tangere? id enim indicium facit, corpus palpabile fuisse, ac propterea corruptibile; quod autem corrumpi potest, id gloriosum corpus esse non potest. Glossa, & Euthymius putant, Thomam Apostolum non tetigisse vulnera, sed vidisse, idque ex iis verbis elicitur: *Vide manus meas*. Contra tetigisse contendunt Ambrosius, Augustinus, & Gregorius. Et sane Christus jussit Thomam sibi cicatrices tangere: *Infer digitum tuum huc, & vide manus meas, & offer manum tuam, & mitte in latus meum* Joann. cap. 20. vers. 27. Itaque nihil plane est, quamobrem putemus Thomam præcepto Christi non obtemperasse. Vid. Calmet, num. 26. & Corn. a Lapide num. 27. in cap. 20. Joannis. Quod autem Corpus, etsi gloriosum esset, tangi potuerit, Cyrillus & Chrysostomus ajunt, resistantiam, qua corpus palpari potest, prioritatem esse quantitatis, quam Christus, cum sibi liberet, poterat Corpori eripere: quod etiam de visibilitate dicendum est; cui enim est corpus gloriosum, is conspicuum se præbere; vel ab aliorum oculis, prout vult, sese potest eripere. Divus Thomas loc. cit. art. 3. in respons. *ad secundum* ait, Corpus Christi natura sua etiam post Resurrectionem fuisse palpabile; atque adeo corruptibile etiam fuisse futurum, si absque gloria fuisset, quæ ab Anima Beata in ipsum redundabat.

5 Notatu maxime digna sunt in his apparitionibus verba Thomæ Apostoli ad Jesum: *Respondit Thomas, & dixit ei: Dominus meus, & Deus meus*. Nunc enim primum in Evangelio Dei nomen Christo diserte tribuitur: diserte, inquam, nam alibi non quidem eadem, sed æquipollenti loquendi forma Christum Deum esse significat Evangelium; ubi dicitur, Verbum esse Deum, & Verbum carnem assumpsisse; ex quo luculentissime apparet, Christum esse Deum, quoniam ipse est Verbum caro factum. Thomas Apostolus Deum esse nondum crediderat, nec propterea ad vitam redisse. Cum autem eum revixisse vidit, sese credere professus est, illum Deum esse, qui Divinitatis suæ vi corpus suum a morte ad vitam revocaverit. *Mira, & magna est confessio discipuli paullo ante increduli, & qualem ante non legimus. Quamvis enim Petrus, atque etiam alii Christum fuissent confessi Filium Dei, nemo tamen ante Thomam legitur expressis verbis dixisse Christo: Deus meus es tu. Legitur* Tom. X.

Thomas re-
pse tetigit
Corpus Chri-
sti. Solutur
quædam obje-
ctio.

Ex Thomæ
verbis evinci-
tur Christi Di-
vinitas.

sicut in Paulo, & sic in Thoma singulariter ostendere voluit Deus potentiam gratiæ suæ, ut ubi superabundavit delictum, superabundaret & gratia: verba sunt Estii in cap. 20. Joannis num. 28. Reliqua, quæ supra diximus, confirmat Maldonatus in idem cap. 20. Joannis num. 28. Non respondet Thomas quod respondendum esse videbatur: Credo Domine te esse; credo te, a mortuis surrexisse: sed respondet quod majus est: Dominus meus, & Deus meus: non solum confessus, Christum surrexisse a mortuis, sed, quod inde sequebatur, Deum ac Dominum verum esse, qui sese a mortuis suscitasset. Arianos Divinitatis Verbi hostes textus hic acerrime torfit; qui propterea eo decurrerunt, ut dicerent, Thomam Christum non reipsa Deum appellasse, sed eo modo, quo justii in Scriptura Dii vocantur, & Moyse Exodi cap. 7. Deus dicitur Pharaonis. Sed inutilis est ea responsio: neque enim Thomas Christo Dei tantummodo, sed etiam Dei sui, & Domini sui nomen tribuit, *Dominus meus, & Deus meus*; quæ quidem verba protulit homo Israelita, qui probe noverat scriptum Deuteronomii cap. 6. *Audi Israel: Dominus Deus noster. Deus unus est.* Præterea homo Judæus in ipsa Fidei suæ Professione, cum Deum nominaret, non alium præter verum Deum intelligere poterat; Christus autem, ea Fidei professione collaudata, veram sui divinitatem comprobavit; quod quidem minime fecisset, nisi verus Deus fuisset. Ita Hilarius adversus Arianos lib. 7. de Trinitate Col. 184. Tom. 2. Oper. edit. Veronæ. novissimæ *Veritatem* igitur Evangelici Sacramenti Thomas intelligens, *Dominum suum, & Deum suum esse confessus est.* Non hic honoris est nomen, sed *naturæ confessio est.* Rebus enim ipsis, atque virtutibus Deum credidit. Idem Hilarius postquam observavit, Christum Thomæ confessionem probasse, ita concludit: *Nam utique religiosus filius, & qui non voluntatem suam, sed ejus qui se miserat, faceret; & qui non honorem suum, sed ejus a quo venerat quæreret, honorem hujus in se nominis recusasset; ne quod ipse unum Deum prædicaverat, solveretur. Sed veræ, & Apostolicæ fidei mysterium confirmans, & naturæ in se paternæ nomen agnoscens, beatos esse docuit, qui cum se resurgentem a mortuis non vidissent; Deum tamen per Resurrectionis intelligentiam credidissent.*

6 Quidam vero, qui sunt Sociniani, quos inter Enéidinus, ut textus illius robor infirmetur, dicunt Thomam viso Jesu admiratione commotum in ea verba prorupisse, *Dominus meus, & Deus meus*; quæ non ad Christum, sed ad Patrem retulerit, quemadmodum nos inusitatæ rei cuiuspiam novitate percussus exclamamus: Proh Deum immortalem! Sed, præterquamquod Theo-

Socin' anorth.
vana effugio.

dori Mopsuesteni hic fuit error, quem damnavit quintum Constantinopolitanum Concilium Aët. 3. cap. 11. & Edicto suo Iustinianus Imperator, ostendit Lamy Concord. Evangel. lib. 5. cap. 43. adversus Eniedinum, pravam ejus interpretationem palam cum Evangelico textu pugnare: neque enim est in Evangelio, Thomam exclamasse: O Dominus! O Deus! sed sermonem suum ad ipsum Jesum convertisse: *Respondit Thomas, & dixit ei: Dominus meus, & Deus meus.*

7 Ut autem reliquas persequamur apparitiones, quarum historia ducimur ad Ascensionis mysterium, de apparitione Christi differendum ad mare Tiberiadis, quod est in Galilæa. Prædixerat Christus Jesus suis Discipulis, se, postquam revixisset, eos prævertendo venturum in Galilæam, Matthæi cap. 26. v. 32. *Postquam autem resurrexero, præcedam vos in Galilæam.* Idem dixerat Angelus mulieribus, quæ ad sepulcrum sese contulerant, ut est ibid. cap. 28. v. 7. *Et cito euntes dicite discipulis ejus, quia surrexerit; & ecce præcedit vos in Galilæam: ibi eum videbitis.* Mulieres omne id renunciarunt: *Et regressæ a monumento nuntiaverunt hæc omnia illis undecim, & cæteris omnibus;* verba sunt D. Lucæ cap. 24. Qui Christum sectati fuerant tum viri, tum femina, omnes a Galilæa venerant Hierosolymam, ut celebrarent Pascha. Ex iis quidam eodem die inde abierant, puta il qui, quemadmodum supra diximus, cum viderant Emmaunte in via, quæ ab Hierosolyma in Galilæam ducit. Petrus cæterique Apostolorum Hierosolymis se dies aliquot continuerunt, iisque Dominus ut narravimus apparuit, antequam se videndum præbuerit in Galilæa; qua quidem in re nihil est quod pugnet cum eo, quod Christus prædixerat: non enim Jesus dixerat, nusquam, nisi in Galilæa, aut prius in Galilæa, quam alibi se iis futurum conspicuum: *Neque ipse, neque Angeli dixerunt, visam iri eum dumtaxat in Galilæa, & non alibi, neque prius in Galilæa, quam alibi:* Sunt verba Suarez loc. cit. Quamobrem ad rem nostram scripsit S. Ambrosius in Lucam cap. 24. *Non est promissæ transgressio, sed potius festinata ex benignitate impletio.* Quem locum in hanc rem affert S. Thomas 3. par. qu. 55. art. 3: *ad quartum.*

8 Erant itaque in litore maris Tiberiadis Petrus, Thomas, qui dicebatur Didymus, Nathanael, qui erat e Cana Galilæa, Filii Zebedæi, aliique duo Discipuli, quemadmodum narrat Joannes cap. 21. Nomen *Didymus* non hic modo, sed etiam alibi D. Thomæ tribuitur, ut in cap. Joannis 11. v. 16. *Dixit ergo*

*Apparitio
Christi ad mare
Tiberiadis.*

De Nathanael.

Thomas, qui dicitur Didymus, ad condiscipulos: Eamus & nos; & moriamur cum eo. Divus Thomas appellatus est *Didymus*, idest geminus, vel quod cum alio fratre eodem est editus partu, quemadmodum gemini germani fratres Jacob, & Esau, quæ opinio est Euthymii; vel quod, ut putant Toletus, & Maldonatus, illud esset nomen a majoribus suis acceptum; quemadmodum apud Romanos novimus quosdam appellari Spurijs, & quosdam Crassos, qui tamen neque spurii, neque crassi essent, sed ea traxerint a majoribus nomina.

*An idem sit
qui Bartholo-
maeus.*

9 Nathanaelem, quem Philippus adduxit ad Jesum teste Joanne cap. 1. sunt qui putant eundem esse cum Bartholomæo; inter quos Rupertus Abbas, Tostatus, Janfenius, Cornelius a Lapide; si enim Nathanael, quem vocatum legimus a Christo Domino, alius sit a Bartholomæo, nusquam reperiemus Bartholomæum inter Apostolos cooptatum. Et Evangelistæ, qui Bartholomæum commemorant, de Nathanaele omnino silent; contra Joannes, qui de Nathanaele mentionem facit, Bartholomæum ne nominat quidem. Præterea Nathanael cum primis quatuor Apostolis ductus ad Jesum egregiam Jesu Christo edidit confessionem dicens: *Rabbi, tu es Filius Dei; tu es Rex Israel*; ex quo conjici facile potest, illum ad Apostolicum munus esse vocatum. Id tamen minime probat Baronius ad annum Chr. 31. §. 28. qui D. Augustinum sequutus Tract. in Joann. 17. cap. 1. negat, Nathanaelem a Christo Jesu fuisse ascitum inter Apostolos, quod Legis esset peritus; quæ quidem ratio satis firma videtur & valida, si ad primos duodecim Apostolos referatur, qui certe litterarum erant plane ignari, & rudes; sed aliena est omnino, si ad ceteros omnes extendatur, cum proculdubio constet, D. Paulum ipso Nathanaele longe fuisse doctiorem. Estius in cap. 21. Joannis partes sequitur Baronio adversas, & Nathanaelem eundem cum Bartholomæo fuisse contendit; ac putat, Bartholomæum non esse proprium hominis nomen, sed quemadmodum Bar-Jona significat filium Jona, ita Bartholomæum significare filium Tholomæi, seu Ptolomæi: ab Evangelistis Nathanaelem appellari Bartholomæum, quia per illud tempus, quo natus est Jesus, mos erat Judæis filium non proprio, sed patris nomine indicare: hanc consuetudinem a Joanne non esse servatam, qui vero, & proprio nomine Nathanaelis est usus. Quia vero huic opinioni multum detrahit, quod Nathanael credatur fuisse Legis Doctor; ægre autem quis crediderit Legisperitum a Christo inter duodecim Apostolos annumeratum; propterea Estius in cap. 1. Joann. num. 46. se quidem plane nescire declarat, unde
ejuſ-

ejusmodi de doctrina Nathanaelis opinio extiterit. Nam et si Philippo renuncianti Messiam venisse a Nazareth, Nathanael respondit: a Nazareth, potest aliquid boni esse? ut habetur cap. 1. Joannis, nihil tamen inde consequitur, quam quod Nathanael probe noverat, quæ apud Judæos percrebuerat, opinionem, e Bethleem Christum nasciturum, nec quemquam e Galilæa Prophetam proditurum. *A Nazareth potest aliquid boni esse? quasi dicerent, non. Non hoc dicis tamquam Legisperitus, sed quia vulgo jam ferebatur apud Judæos Christum in Bethleem nasciturum, & e Galilæa nullum surgere Prophetam.* Sunt ipsius Estii verba loc. cit. Illud præterea addit, quod si ex ea responsione suspicari liceat, Nathanaelem fuisse Legis Doctorem, idem etiam dici potest de Philippo, qui Nathanaelem invitans, ut veniret, & Christum videret, ita alloquutus est: *Quem scripsit Moyses in lege, & Propheta, invenimus Jesum filium Joseph a Nazareth.* Quod tamen sustineri non facile potest; constat enim, Christum Jesum, ut humanæ sapientiæ superbiam confunderet, ad Apostolicam dignitatem homines rudes, & imperitos, (saltem priores illos duodecim, provexisse, ut paullo ante innuimus, & nuperrime demonstravit Joannes Lamius in Tractatu de eruditione Apostolorum Florentiæ edito ann. 1738. Zebedæi filios satis constat fuisse Jacobum, & Joannem ex Matthæi cap. 10. v. 3. qui vero duo reliqui discipuli fuerint, de quibus loquitur Joannes cap. 2 1. frustra quæsieris, quorum nomen Evangelista reticuit.

10 Itaque hi omnes dum essent in litore maris Tiberiadis, Petrus dixit se piscatum ire; cui sese omnes piscatui operam daturi comites addiderunt, sed cum ea nocte nihil piscium cepissent, ubi dies illuxit, Christus adstitit in litore, nec a quoquam Discipulorum agnitus fuit, ut narrat Joannes cap. 2 1. v. 4. qui solus hanc apparitionem commemorat. *Mane autem factus stetit Jesus in litore: non tamen cognoverunt Discipuli, quia Jesus est.* Christus igitur interrogavit eos, an quidquam esculenti haberent: *Pueri, numquid pulmentarium habetis?* cumque illi negassent, sibi quidquam esse, rete a dextera navigii parte Jesus jaci jussit, sic prospere illis, & bene piscatum eventurum, sicut evenit. *Mittite in dexteram navigii rete, & invenietis.* Miserunt ergo, & jam non valebant illud trahere præ multitudine piscium loc. cit. v. 6. Primus Joannes Christum agnovit. *Dixit ergo Discipulus ille, quem diligebat Jesus, Petro: Dominus est,* sive quod propter innocentiam puritatemque vitæ, amoremque in Jesum clarissime omnium videret, sive quod eum, qui aderat, esse Jesum ex prædæ miraculo argueret. Petrus, ubi Christum esse intellexit,

Joannes primus agnovit Jesum. Petrus in mare se dejecit, & ad Jesum properavit.

xit,

xit, accepta tunica, in mare se dejecit, & sive adnatans, sive pedibus in vado aquæ haud ita altæ prope litus incedens, venit ad Jesum; reliqui vero Discipuli, qui a terra non plus quam ducentos passus aberant, ad litus, rete trahentes, navim appulerunt. D. Hieronymus Epist. ad Pammachium adversus errores Joannis Hierosolymitani ait, primum Joannem Servatorem nostrum cognovisse, quia *prior virginitas virginalē corpus agnoscit*; & Maldonatus in cap. 21. Joannis num. 7. verisimilius esse putat, Petrum per humiliorem prope litus aquam vadentem pedibus, non natantem ad Jesum venisse; natale enim non dicit Evangelista. *Evangelista nasse non dicit; nec utrum nando, an humiliori prope litus mari pedibus incedendo ad Christum veneris, constare potest: Et eo ipso quod Evangelista non dicit, est verisimilius venisse pedibus.*

Petrus non omnino nudus fuisse in novi testamenti Accipit tunicam, ut decenter occurrat Christo.

11 Narrat Joannes cap. 21. Petrum vestem accepisse, priusquam in mare se immitteret, cum antea esset nudus: *Erat enim nudus*; quod quidem non omnino eum nudum fuisse significat, dum in navi cum cæteris versaretur, sed superiorem sibi vestem detraxisse, quo piscando esset expeditior; eamque induisse, dum veniret ad Jesum, ut quam posset decentissime ipsi occurreret. Quod notat Natalis Alexander in cap. 21. Joann. num. 7. monens, apud Hebræos illum dici nudum, qui sola sit interula indutus. Ad eum modum Saulem nudum prophetasse, nudum saltasse Davidem, nudum ambulasse Isaiam legimus lib. 1. Reg. c. 19., & lib. 2. c. 6. Isaiæ cap. 20. Et in hunc sensum Job, cap. 22. ait: *Nudos spoliasti vestibus.* Consonat Lamy Harm. Evangelicæ lib. 5. cap. 44. n. 7.

Apostoli inveniunt piscem superpositum panem. Miraculum vis septa.

12 Ubi in litus Discipuli descenderunt, panem, & piscem viderunt cendentibus carbonibus impositum. *Viderunt prunas positas, & piscem superpositum, & panem.* Cumque jussisset Jesus pisces afferri ex præda, Petrus, conscensa navi, ad terram traxit centum, & quinquaginta tribus prægrandibus onustum piscibus rete, quod sane mirandum fuit par fuisse tanto oneri quin disrumperetur. Christus deinde vocavit eos ad prandium, nec quisquam fuit, qui interrogare eum auderet, quisnam esset; probe enim Dominum esse noverant, *scientes quia Dominus est.* Accessit igitur Jesus, & acceptum panem piscesque illis distribuit, & simul omnes comederunt: *Cum ergo prandissent.* Id totum narrat Joannes cap. 21.

Miracula hoc in re a Christo facta. Verisimile est Christum cum Apostolis mandasse.

13 In hac narratione omnino advertendum esse putamus novum Jesu Christi miraculum, qui carbonēs ardentes, piscem, & panem in litore parata deprehendi a Discipulis voluit, sive huc ab Angelis, sive alio quovis modo invisibili omnipotentia suæ vi af-

afferri ea jussit, five ex alia materia formaverit, ut in nostro de Canonizatione Sanctorum Opere disseruimus, ubi de miraculis agitur. Neque illud praterendum, etsi exigua transisset dici pars, nec comedendi hora esset, eos tamen prandisse, quod totam noctem laborando exegissent. Nec denique sileri potest, Christum comedisse; qui licet minime cibo indigeret, comedendi tamen facultatem post resurrectionem retinuit, ut advertit Augustinus de Civit. Dei lib. 13. cap. 22. tom. 7. Op. col. 342. *Fides Christiana de ipso Salvatore non dubitat, quod etiam post Resurrectionem, jam quidem in spiritali carne, sed tamen verum cibum ac potum cum Discipulis sumsit. Non enim potestas, sed esset bibendi ac edendi talibus corporibus auferetur.* In Evangelio S. Joannis cap. 21. revera Christum comedisse non legimus, sed ceteros ad manducandum invitasse: *Venite, prandete.* Et paulo post: *Cum ergo prandissent.* Sed ipsum etiam comedisse, verisimile existimant S. Gregorius, & Theophylactus: tum quia, cum appareret, semper comedere consueverat, etiamsi non esset paratum prandium, nec Discipuli manducaturi essent, ut est apud Lucam cap. 24. *Haberis hic aliquid, quod manducetur?* tum quia si, ceteris comedentibus, ipse non comedisset, suspicari Discipuli potuissent, se viso aliquo illudi, nec in eorum crevisset animis in dies magis de veritate Resurrectionis fides. Vid. Maldonatus ad cap. 21. Joann. num. 12.

14. Angelos in corporibus, quæ assumerint, vitales exercere actiones, negat D. Thomas 1. par. qu. 51. art. 3. ac docet, si cubi in sacris pagini habeatur, Angelos aliquando comedisse, non de vero cibo id intelligendum, qui in assumptum corpus distribui non potuit; non enim ea est assumti corporis ratio & natura, ut alimenta in ipsum converti possint: & concludit Angelorum comestionem non veram fuisse, sed cibi comestionisque spiritalis figuram. Quapropter dixit Angelus ad Tobiam; *Cum essem vobiscum, videbar quidem manducare & bibere, sed ego potui invisibili, & cibo usor.* Convertit deinde suum Sanctus Doctor sermonem ad comestionem Christi Domini post Resurrectionem, & ait: *Quamvis in corpus Christi post Resurrectionem cibum non converteretur, sed resolveretur in præjacentem materiam, tamen Christus habebat corpus talis naturæ, in quod posset cibum converti; unde fuit vera comestio.* Et 3. par. qu. 44. art. 3. ad tertium doctrinam S. Augustini, quemadmodum solet, amplectitur his verbis; *Manducavit ergo post Resurrectionem non quasi cibo indigens, sed ut eo modo naturam corporis resurgentis adstrueret: & propter hoc non sequitur, quod corpus ejus fuerit animale, quod est indigens cibo.*

Comestio Christi vera. At Angelorum, qui corpora assumerint, non est vera comestio.

*Ter Christus
Petrum in-
terrogat, an
se amet? Po-
testas dato Pe-
tro, qua Ca-
put universæ
Ecclesiæ com-
plicitur.*

15 Expleto prandio, Christus Petrum interrogavit, an se amaret magis quam cæteri: *Simon Joannis, diligis me plus his?* cumque respondisset Petrus, se illum diligere, Christus reposuit: *Pasce agnos meos.* Semel, iterum, ac tertio Christus ad eum modum Petrum interrogavit; quibus interrogationibus singulis singulæ item responderunt declarationes amoris; ac semel, iterum, ac tertio Christus ei dixit: *Pasce agnos meos*, ut habetur cit. cap. 2. Joann. atque iis verbis, quod antea promiserat, dedit illi claves Regni Cælorum, suumque in terris Vicarium & universalis Ecclesiæ Caput constituit. Porro eum ter interrogavit, ut, quemadmodum docent Interpretes, posset tribus amoris sui declarationibus culpam trinxæ negationis Magistri sui diluere.

*Ad tertiam
Christi inter-
rogationem,
cur Petrus
perturbatus
sit.*

16 Narrat S. Joannes, Petrum, ubi tertio interrogari se audivit, diligeretne Dominum Jesum, tristitia esse correptum: *Contristatus est Petrus, quia dixit ei tertio: amas me?* Cujus tristitiæ causam afferunt Chrysostomus, Theophylactus, & Euthymius; quia Petrus, ut antea viribus suis confusus erat, ita factus postea fuerat timidior, & cautior; quapropter verebatur, ne Dominus Jesus in ejus animo quidpiam videret, quod ipsi sibi ignotum esset, neve tale sibi contingeret, cujusmodi evenit Passionis tempore, etiamsi tam multis protestationibus suam amicitiam tum declarasset.

*Christi Ora-
culum de B.
Petri Marty-
rio.*

17 In eodem illo sermone post prandium habito Petro dixit Christus: *Cum esses junior, cingebas te, & ambulabas ubi volebas. Cum autem senueris, extendes manus tuas, & alius te cinget, & ducet quo tu non vis: hoc autem dixit significans, qua morte clarificaturus esset Deum.* Joann. cap. 21. vers. 18. & 19. Et sane post quatuor & triginta annos ad supplicium ductus extendit brachia ad catenas & Crucem, cui affixus est, ut testantur Lactantius de morte Persecutorum, Clemens Alexandrinus lib. 7. Stromatum, & post Originem Eusebius Hist. Eccl. lib. 3. cap. 1.

*Responsio
Christi ad Pe-
trum de Jo-
anne interrogan-
tem, De parti-
cullis sic, & si
ad hujus loci
illustrationem*

18 Denique sermone eodem cum Petrus vidisset Joannem, Dominum Jesum interrogavit: *Domine, hic autem quid?* Cui respondit Christus: *Sic cum volo manere, donec veniam: quid ad te?* quo quidam eo sunt inducti ut crederent, illum non moriturum. *Exiit ergo sermo inter Fratres, quod Discipulus ille non moritur;* quod tamen minime credidit Joannes, qui non aliam quam cœlestem pollicebatur sibi immortalitatem, tempus interea semper expectans, quo Deus se visitaret; quamobrem, etsi ætate pene decrepita Evangelium scripsit, tamen ea verba apposuit: *Et non dixit ei Jesus: non moritur: sed, sic cum volo manere,*

re, donec veniam: quid ad te? Ea est vulgatæ nostræ versionis lectio. Ita etiam legunt Augustinus, Ambrosius, Eusebius Emislenus, Beda, Rupertus. Nonnemo pro *sic* legendum existimat *si*; quod orationis cursus & ordo conditionis particulam ferat, idest *si*, quæ vox librariorum oscitantia in *sic* mutata sit. Id innuit Lamy Concord. Evang. lib. 1. cap. 44. num. 20. Id ipsum ante Lamy observaverat Estius in cap. 21. Joann. n. 23. & Maldonatus ad id. cap. num. 22. & 23. Et quàmquam uterque probat particulam *si*: tamen Maldonatus monet, quod attinet ad sententiam, utravis lectio retineatur, nihil aliud esse discriminis, quam quod particula *sic* determinationem in conditione positam significet, quod ad id, de quo mox sermonem habebimus, minimi est momenti.

19 Verba illa. *Sic cum volo manere, donec veniam*, explicant alii aliter. Quidam putant, Christum Jesum innuere solum voluisse, Joannem vivum fore usque ad excidium Hierosolymæ, quod sæpe in sacris paginis per adventum Jesu Christi significatur. Hanc vero sententiam fulciunt illis verbis Matthæi cap. 16. v. 28. *Sunt quidam de hic stantibus, qui non gustabunt mortem, donec videant Filium hominis venientem in Regno suo.* Et sane B. Petrus quatuor & triginta annis post Christi mortem, sexto circiter anno ante eversam Hierosolymam necatus est: Joannes vero trigesimo anno abiit ab ejus urbis excidio. Alii vero iis verbis probabilior sententiam tribuunt, ut sit eorum sensus: Ego vero vivere hunc volo, donec e vita illum naturali morte eripiam. Quid tua interest? Quod ad te attinet, illud vide, ut, qua ego morte, moriari Cruci affixus. Videantur Calmetus, & Cornelius a Lapide in cap. 21. Joannis. Certe naturali morte S. Joannes Apostolus sublatus est; quod nihil ei de Martyrii gloria diminuit, qui Romæ ingentem ahenum ferventis olei plenum propter Christi professionem conjectus, atque inde salvus, & incolumis egressus, post multos annos naturali morte ereptus est, juxta ea quæ observavimus lib. 3. de Canonizat. Sanctorum cap. 12. num. 4. & num. 13.

20. Diximus naturali morte Joannem esse sublatum: eorum enim opinio ab omnibus improbatur existimantium, Joannem vivum adhuc reservari, ut in fine seculi puguet cum Antichristo, quod itidem docuimus lib. 1. de Canonizat. cap. 14. num. 12. Apud D. Ambrosium in Psal. 25. legitur: *Antichristus ex abyssu ascendit, ut adversus Eliam, atque Enoch, atque Joannem, qui propter testimonium Domini Jesu terris sunt redditi, præliaretur, ut legimus in Joannis Apocalypsi.* Sed Benedictini Mouachi in nova Ambrosianorum operum editione anno:arunt, verbum,

*Varie de il-
la Christi res-
ponione in-
terpretationes*

*Joannes
mortuus est;
sed v. vus re-
servatus in fi-
ne sæculi, lo-
cus quidam.
D. Ambrosii
non contradi-
cit.*

*Quare hæc
a Joanne scri-
bi dicitur ap-
paritio. Ca-
pit ultimum
Evangelii Jo-
annis non est
additum, sed
illius, spoli-
um.*

Joannis ab omnibus, uno excepto, manuscriptis codicibus abesse.

21. Atque hæc dicta sunt de apparitione, quam refert S. Joannes cap. 21. v. 14. aitque tertiam fuisse, postquam Christus revixit: *Hæc jam tertio manifestatus est Jesus Discipulis suis, cum resurrexisset a mortuis.* Tertiam autem illam vocat apparitionem, vel quod de solis loquitur apparitionibus ad plures simul Discipulos, quarum hæc tertia est, ut advertit Tirinus in cap. 21. Joann. num. 14. ubi ait: *Nempe multis congregatis, ut Euthymius exponit: vel quia ternæ sunt apparitiones, si a diebus quibus contigerint numerandæ sint, hoc est si veluti una ponatur illæ, quæ acciderunt ipso Resurrectionis die; altera quæ octo post diebus, de qua Joannes cap. 20. tertia quæ ad mare Tiberiadis contigit, de qua idem Joannes cap. 21. Quamobrem Duhamel in Notis ad illud cap. 21. num. 14. Fors est, inquit, ut non numerentur apparitiones.* Nec prætereundum fuisse aliquos, qui cum Cap. 20. finem observassent, *Hæc autem scripta sunt, ut credatis, quia Jesus est Christus filius Dei, & ut credentes vitam habeatis in nomine ejus, existimarunt, caput 21. Ecclesiæ Ephesinæ additamentum esse, ex scriptis tamen S. Joannis conflatum, quod Ecclesiæ sensui adversari monet Duhamel num. 31. Non defuere qui putarent, caput ultimum hujus Evangelii ab Ecclesia Ephesina adjectum fuisse ex scriptis Apostoli; & hoc in capite finitum esse Evangelium Joannis. Caput ultimum ut a Joanne scriptum agnoscit & veneratur Ecclesia. Quod adeo verum est, ut Jonas Stichtingius de Bukovvick scriptor heterodoxus in Notis ad cap. 20. id ingenue fateatur: Caput hoc quidam ab alijs adjectum putant Historiæ Joannis. Sed non video, cur id putemus, ullam causam. Nam quod superiori capite videtur finivisse historiam, id nihil impedit, quominus hoc appendicis loco addat. Solent enim quædam post absolutum scriptum in mentem venire, quæ peculiariter dignasunt, ut addantur &c. Ceterum hæc historia & Joanne digna est, & stylum habet Joannis; immo & Joannes ipse auctorem se facit etiam hujus capituli v. 24. Alludit ad ea verba: *Hic est discipulus ille, qui testimonium perhibet de his, & scripsit hæc, & scimus, quia verum est testimonium ejus.* Non defuere qui Canone Tridentini Concilii de editione Sacrorum Bibliorum nihil deterriti, affirmare ausi sunt, ea verba saltem ab Ecclesia esse addita, ut major Evangelio S. Joannis fides accederet: adversus quos vehementi zelo & singulari doctrina invehitur Maldonatus in cap. 21. S. Joann. n. 24. *Miror vehementer doctos homines, & bene profecto Catholicos ætate nostra existisse, qui an hæc verba Evangeliste sint, in dubium revocaverint. Videri enim ab aliquo postea, aut a tota Ecclesia ad commendandam hujus Evan-**

gelii

gelii auctoritatem adjecta fuisse. Quod nescio an quispiam hereticorum, qui modo Joannis Evangelium receperint, quamvis audacter, quamvis magni sint Aristarchi, ausus fuerit facere.

22. Nunc vero reliquas apparitiones persequamur, quarum unam refert Matthæus cap. 28. quasdam alibi memoratas reperimus, aliam denique narrat Marcus cap. 16. Narrat cit. Cap. 28. v. 16. Matthæus, undecim Discipulos in Galilæam venisse ad eum montem, quem illis monstrarat Dominus Jesus: *Undecim autem Discipuli abierunt in Galilæam in montem, ubi constituerat illis Jesus.* Quinam ille mons esset, cum Evangelista non dixerit, non est facile divinare. Quidam existimant, esse montem Olivarum, qui mons haud longule abest ab Hierosolyma. Alii putant, esse Thabor, ubi Christus transfiguratus est; quod ea ratione a quibusdam rejicitur, quod mons ille, utpote refertus habitatoribus, non satis aptus esse videtur ad ea quæ Dominus designaverat. Ubi cum viderunt Discipuli, illum adorarunt, sed eorum quidam hæserunt dubii: *Et videntes eum adoraverunt; quidam autem dubitaverunt.* Notat Suarez cit. sect. 5. Matthæum coram quidem undecim Discipulis dicere apparitionem illam contigisse, non tamen coram iis solum; atque verisimile esse, multos etiam alios adfuisse; quod confirmari potest ex illis D. Pauli verbis 1. ad Corinth. cap. 15. v. 6. *Deinde visus est plusquam quingentis fratribus simul.* Sacri enim Interpretes communi fere consensu existimant, eam apparitionem, de qua loquitur eo loco D. Paulus, eandem esse cum ea, quam Matthæus commemorat. *Eandem vero hanc esse apparitionem cum illa, quam in Galilæa factam scribit Matthæus, omnium fere consensus est.* Verba sunt Estii Commentar. ad eam D. Pauli epistolam num. 6. Quod cum ita sit, nihil mirum, si quidam eum adorarunt, quidam dubitaverunt. Adorarunt undecim Apostoli, cæterique Discipuli ejus præcipui, atque eum quidem ut Dei Filium, qui probe persuasum habebant, Christum revera ad vitam rediisse. Quidam vero Discipulorum dubitarunt non de Resurrectione, sed de corpore quod sibi verfabatur ob oculos, incerti corpusne Christi, an esset phantasma. Vid. Calmetus in cap. 28. Matthæi num. 17. Quod si dubium illud ad Apostolos referre velimus, illud *dubitaverunt* est omnino dicendum, quasi Matthæus ad Thomæ aliorumque Discipulorum dubitationem voluerit alludere, cum nondum ii satis essent edocti, nec Christi Resurrectionem certissimam haberent, ut animadvertunt Barradius, Franciscus Lucas, Cornelius a Lapide in cap. 28. Matthæi num. 17. Harum explicationum priorem amplectitur Lamy Concord. Evangel. lib. 5. cap. 45. num. 17. ubi

De reliquis apparitionibus. Apparitio in Monte Olivarum, an Thabor discipuli Lyoni adierunt; et forsasse plures alii.

hæc habentur: *Et videntes eum adoraverunt, quidam autem dubitaverunt, non de Resurrectione ejus, quam illis testatam fecerat, sed an ille, quem forsitan eminus videbant, ipse Christus esset; nondum enim ad illos proximus accesserat.* Posteriolem probat ac fusse declarat Maldonatus in cap. 28. Matthæi num. 17.

*Quomodo
intelligenda
illo Christi:
verbo Data est
mibi potestas
&c.*

23. In ea apparitione Christus Jesus dixit Discipulis: *Data est mibi omnis potestas in Cælo, & in Terra.* Sane ut Deus hujusmodi potestate & imperio ab æterno præditus erat. Sed ut homo eam potestatem consequutus est *inchoative*, ut loquuntur Scholastici, in Incarnatione, propter dignitatem hypostaticæ unionis cum Verbo, & *complete*, ut ajunt iidem Scholastici, postquam revixit, propter suæ Passionis & mortis meritum. Quamobrem D. Paulus ad Philippenses cap. 2. vers. 8. *Humiliavit semetipsum factus obediens usque ad mortem, mortem autem Crucis; propter quod & Deus exaltavit illum, & donavit illi nomen, quod est super omne nomen, ut in nomine Jesu omne genu flectatur cælestium, terrestrium, & infernorum, & omnis lingua confiteatur, quia Dominus Jesus Christus in gloria est Dei Patris.*

*Præcipit A-
postolis bapti-
zare omnes
gentes. De
forma Baptis-
matis. Baptis-
mus in nomine
Jesu est Bap-
tismus post e-
missam profes-
sionem Fidei in
Jesum. Ana-
baptistarum
error rejelli-
tur.*

24. Ejusmodi igitur potestate usus jussit, Discipulos euntes *docere omnes gentes, baptizantes eos in nomine Patris & Filii & Spiritus Sancti, docentes eos servare omnia, quæcumque ipsis mandaverat;* quibus verbis Sacramenti Baptismatis forma continetur, juxta veterem Traditionem, & perpetuam Ecclesiæ consuetudinem. In Actis Apostolorum sæpiusculæ collatum comperimus Baptismum in nomine Christi: veluti cap. 2. vers. 38. *Baptizetur unusquisque vestrum in nomine Christi:* & cap. 8. vers. 12. *In nomine Jesu Christi baptizabantur viri ac mulieres;* & cap. 10. vers. 48. *Et jussit eos baptizari in nomine Domini Jesu Christi;* & cap. 19. vers. 5. *His auditis, baptizati sunt in nomine Domini Jesu.* Id autem Theologos impulit, ut quærent, aliasne in solo Jesu, aut Christi nomine Baptismus fuerit collatus. In qua controversia D. Thomas 3. par. qu. 66. art. 6. *ad primum;* & in 4. sentent. dist. 3. qu. 1. art. 2. qu. 2. *ad tertium,* peculiari quadam dispensatione Apostolis concessum esse docet, ut in solo Christi nomine baptizarent, ut ejus nomini invidiam eluerent, qua laborabat apud Judæos, & Gentiles, honoremque & exultationem conciliarent. Cæteri vero Theologi hanc doctrinam minime sequuntur, eosque locos ex Apostolorum Actis ita interpretantur, ut baptizari in nomine Christi nihil aliud sit, quam baptizari post publicam Fidei Christi professionem, seu baptizari Baptismo Christi, ut Joannis Baptismate distinguatur. Ex illis Christi verbis, *Docete omnes gentes, & Baptizantes eos,* negarunt Anabaptistæ infantibus,

bus, quod doceri non possint, conferendum esse Baptismum. Respondet Eftius in cap. 28. Matthæi num. 19. verba illa, *docete omnes gentes*, referenda solum ad eos, qui adulta ætate doctrina possunt informari; illa vero, *baptizantes eos*, omnes respicere, quotquot Baptismum possunt suscipere; ideoque etiam ad infantes parvulos referenda, juxta illud Joannis cap. 3. v. 5. *Nisi quis renatus fuerit ex aqua & Spiritu Sancto; non potest introire in Regnum Dei*.

25 Denique in ea apparitione Christus Dominus: *Et ecce*, inquit, *ego vobiscum sum omnibus diebus usque ad consummationem sæculi*. Quorum verborum sententia est: metum omnem abjicite, quem vobis imbecillitas vestra posset injicere. Ipse vobis adero non spiritu tantum, quem vobis a Patre demittam, postquam in Cælum ascendero, sed auctoritate, opere, divinaque virtute in omnibus quæ subire vos continget periculis & laboribus in veritate Fidei nationibus prædicanda, nec vobis tantum, sed & successoribus vestris.

26 Divus Paulus 1. ad Corinth. cap. 15. post apparitionem, quam eandem esse diximus cum ea, quam refert Matthæus, peculiarem quamdam innuit aliam apparitionem S. Jacobo: *Deinde visus est Jacobo*. Hanc credere par est contigisse post illam, quam antea commemoravit, ut bene notat Lorinus ad Acta Apostolorum cap. 1. vers. 13. cum quo consentit Eftius ad Epist. 1. ad Corinth. num. 7. *Teneamus hanc apparitionem, de qua Paulus, Jacobo factam fuisse multis diebus post Domini Resurrectionem, eo scilicet ordine temporis, quo facta recensetur a Paulo*. Alias etiam apparitiones præter eas, quas referunt Evangelistæ, necesse est post Resurrectionem contigisse. Quadraginta enim dies in terris versatus est Christus, antequam in Cælum ascenderet, quibus diebus etsi non semper cum Discipulis fuit, iis tamen frequenter apparuisse constat ex Act. Apostolor. cap. 1. v. 3. *Quibus & præbuit seipsum vivum post Passionem suam in multis argumentis per dies quadraginta apprensus eis*. Postremam vero omnium, quam consequutus est ascensus in Cælum, refert Marcus cap. ult. eamque innuit D. Paulus eadem Epistola ad Corinthios: *Deinde Apostolis omnibus*.

27 Redierant, ut communi fere consensu putant Interpretes, Hierosolymam Apostoli, ita res præordinante Deo, qui voluit eos Ascensionis Jesu Christi esse testes, & Pentecostes die Spiritu Sancto perfundi. Accubuerant mensæ, cum illis assistit Jesus, eosque increpuit, quod illis non credidissent, qui ipsum viderant ad vitam rediisse. *Novissime recumbentibus illis Undecim apparuit,*

Christus Jesus perpetuam opem & auxilium pollicetur Apostolis

Christus apparuit Jacobo

Postrema apparitio præcipit Apostolis docere omnes gentes. Sensus verborum Quod crediderit et baptizatus fuerit &c.

rui, & exprobravit incredulitatem eorum, & duritiam cordis; quia illi, qui viderant eum resurrexisse, non credebant Marc. cap. 16. num. 14. Deinde dixit eis: loc. cit. num. 14. *Euntes in mundum universum predicare Evangelium omni creaturæ. Qui crediderit, & baptizatus fuerit, salvus erit: qui vero non crediderit, condemnabitur: quod ita est accipiendum, ut salvus ille futurus esset, qui sacro ablutus Baptismate usque in finem perseveraret in Fide viva, sincera, & cum charitate, ideoque cum bonis operibus conjuncta. Ait enim Apostolus ad Galatas cap. 5. vers. 6. In Christo Jesu neque Circumcisio aliquid valet, neque præputium, sed Fides, quæ per Charitatem operatur. Et Jacobus in sua Epist. cap. 2. v. 14. Quid proderit, inquit, si Fidem quis dicat se habere, opera autem non habeat? Numquid poterit Fides salvare eum? Et paullo post v. 19.: Tu credis quoniam unus est Deus; bene facis & Dæmones credunt, & contremiscunt. Vis autem scire, o homo inanis, quoniam Fides sine operibus mortua est? Abraham pater noster nonne ex operibus iustificatus est, offerens Isaac filium suum super Altare? Vides quoniam Fides coöperabatur operibus illius; & ex operibus fides consummata est &c. sicut corpus sine spiritu mortuum est, ita & Fides sine operibus mortua est. Denique dixit, per ejus, qui in se credidisset, intercessionem futura esse miracula: id vero quomodo sit intelligendum, & quomodo Christi oraculum jam sit impletum, atque etiam nunc impleatur, docuimus de Canonizat. Sanctior. lib. 4. par. 1. cap. 2. num. 8.*

Post eam apparitionem ascendit in Cælum.

28 Tradit eodem cap. 16. v. 19. D. Marcus, post eam apparitionem ad Cælum Christum ascendisse. *Et Dominus quidem Jesus, postquam loquutus est eis, assumptus est in Cælum, & sedet a dextris Dei.* Idem refert Lucas cap. 24. ac rem fusius narrat Act. Apostolorum cap. 1. Et capite quidem Evangelii sui 24. v. 49. ait, Christum Jesum Apostolis imperasse, ne Hierosolyma abirent, sed expectarent, dum Spiritum Sanctum, quemadmodum pollicitus erat, illis dimitteret: *Et ego mitto promissum Patris mei in vos; vos autem sedete in civitate, quoadusque induamini virtute ex alto: quod confirmat in cap. 1. Actuum Apostolorum. Et convalescens præcepit eis, ab Hierosolymis ne discederent, sed expectarent promissionem Patris, quam audistis, inquit, per os meum; illud ipsum innuens, quod antea dixerat Joann. cap. 14. v. 26. Paraclitis autem Spiritus Sanctus, quem mittet Pater in nomine meo, ille vos docebit omnia, & suggeret vobis omnia, quaecumque dixerò vobis.*

29 Pergit Lucas in Evangelio, Christum Dominum e Cœnaculo Apostolos deduxisse in Bethaniam in apertum locum, ut omnes Ascensionis miraculum videre possent: *Eduxit eos foras in Bethaniam*. Num autem illis in via conspicuus esset, an non, incompertum est, ut notat Suarez in citata sæpius sect. 5. §. *Dico quarto*. Jam, ut innuimus, illis prædixerat, delapsurum in eos Spiritum Sanctum: *Quia Joannes quidem baptizavit aqua, vos autem baptizabimini Spiritu Sancto non post multos hos dies*. Act. cap. 1. vers. 5. Cumque nonnulli ex Discipulis sciscitanti essent ab eo, num dies advenisset, cum regnum Israel instauraretur: *Igitur qui convehierant interrogabant eum dicentes: Domine si in tempore hoc restitues Regnum Israel*; castigata inani eorum curiositate, respondit, ejus rei cognitionem Patri suo reservari; sumque sermonem convertit ad Spiritus Sancti adventum, & ad ea, quæ in Fidei prædicatione facienda erant in Judæa, & Samaria, & in toto orbe terrarum. *Non est vestrum nosse tempora, vel momenta, quæ Pater posuit in sua potestate, sed accipientis virtutem supervenientis Spiritus Sancti in vos, & eritis mihi testes in Hierusalem, & in omni Judæa, & Samaria, & usque ad ultimum terræ*. loc. cit. vers. 6.

30 Quæ verba sunt Lucæ in Actis Apost. cap. 1. ubi deinde narrat, Christum ea loquutum, conspicientibus omnibus, in sublime esse sublatum, & ab eorum oculis nube quadam ereptum; cumque illum aspicerent in Cœlum ascendentem, adstitisse duos homines veste indutos candida, qui dixerunt: *vir Galilei, quid statis aspicientes in Cœlum? Hic Jesus, qui assumptus est a vobis in Cœlum, sic veniet, quemadmodum vidistis eum euntem in Cœlum*: Act. 1. vers. 11. Hoc est in extremo die cum eodem redibit corpore & majestate judicaturus vivos & mortuos. Narrat Lucas in Evangelio cap. 24. v. 50. Dominum Jesum, dum in Cœlum tolleretur, manibus suis benedixisse Discipulis: *Et elevatis manibus suis, benedixit eis; & factum est, dum benediceret illis, recessit ab eis & ferebatur in Cœlum*; eos autem, qui tanti fuerunt miraculi spectatores, adorasse Dominum, & postea Hierusalem rediisse: *Adorantes regressi sunt Hierusalem, obsequia & patriæ adorationem illi tribuentes tamquam Deo, quem externum cultum nunquam antea illi adhibuerant, tamen ejus Divinitatem cognitam habuissent: ita enim cum iis Jesus vivebat familiariter, ut ejusmodi cultum, saltem externum, licet sibi debitum, iis remisisse videretur, quemadmodum Maldonatus observat in cap. 24. Lucæ vers. 52. Non legimus nisi hoc loco Christum a Discipulis*

Christus deductus Apostolos in Bethaniam in locum apertum, unde ejus Ascensionem viderent. Castigat inani eorum curiositatem,

Sublime fertur in Cœlum. Apostoli, quinque, aderant, cum adorarent.

pulis suis adoratum. Nam etsi Deum esse credebant, tamen quia solum in eo videbant hominem, tamquam cum homine versabantur. Hunc demum adorant, cum in Cælum ferri vident, coacti re ipsa confiteri Deum, quem ante sola fide consuebantur.

*Reselluntur
que hinc de-
promunt hæ-
retici argu-
menta adver-
sus adoratio-
nem Eucharis-
tiæ.*

31 Pergit Maldonatus, & respondet novis hæreticis, qui Catholicos veluti simplices irrideant, quod Eucharistiam adorent, cum Apostolos Eucharistiam adorasse nusquam reperiat scriptum: ac pulcre animadvertit, nihil mirum Apostolos Christum in Eucharistia non adorasse, quem extra Eucharistiam non adoraverint. Cum autem illum, postquam ascendit in Cælum, adoraverint, nos, qui probe novimus & firmiter credimus in Cælum ascendisse, & hoc certissimum de illius Divinitate testimonium habemus, illum, ubicumque sit, ideoque jure optimo etiam in Eucharistia, ubi se dixit esse, & revera est, adoramus. Reditum in Hierusalem Lucas etiam in Actis Apostolorum commemorat cap. 1. & tum in eo libro, tum etiam in Evangelio refert, Apostolos Hierosolimam regressos numquam ab oratione destitisse.

*Triplex par-
ticipio totiusque
refert transla-
tionis.*

32 Ut recta progrediamur via, quasdam primo quæstiones pertractabimus, quæ ad intelligendum textum pertinent. Eas enim de industria huc rejecimus, ne textus expositio interrumpetur. Deinde quasdam etiam quæstiones examinabimus, quas de Ascensionis mysterio solent Theologi excitare. Tum adjuncta quædam persequemur, quæ idem mysterium circumstant.

*Plura loca
ex Nov. Testa-
ment. quibus
dicitur Chri-
stus sedere ad
dexteram Pa-
tris.*

33 Christum assumptum esse in Cælum, & sedere a dextris Dei refert Marcus cap. 16. Idem cap. 14. v. 62. verba Christi, quibus summo Sacerdoti respondit, ita refert: *Videbitis Filium hominis sedentem a dextris virtutis Dei.* Tradunt Acta Apostolorum cap. 7. v. 55. Stephanum vidisse *gloriam Dei, & Jesum stantem a dextris Dei*, eumque dixisse: *Ecce video Cælos apertos, & Filium hominis stantem a dextris Dei.* Et D. Paulus ad Hebræos cap. 1. v. 13. ut demonstret Christum longe majorem Angelis, ita disputat: *Ad quem autem Angelorum dixit aliquando: Sede a dextris meis?* Et ad Colossenses cap. 3. v. 1. *Igitur si surrexistis cum Christo, quæ sursum sunt querite, ubi Christus est in dextera Dei sedens.* Et in veteri Testamento nobis exhibetur Messias ad dexteram Dei sedens, ut Psal. 109. v. 1. *Dixit Dominus Domino meo, Sede a dextris meis.*

*Quo sensu
dicitur Jesus
sedere ad dex-
teram Patris
suscipitur*

34 Quibus prænotatis, quæritur, quid hic dextera nomine intelligendum sit: non enim hic quiddam de situ aut figura cogitandum, quæ certe Deus Pater circumscribi non potest. quæ fuit *Antropomorphitarum* hæresis, qui Deo corpus humanum tri-
bue-

buebant. D. Thomas 3. par. qu. 58. art. 1. & duobus sequentibus totam hanc rem tractat. Sed facile est quæstionem ejusmodi solvere; solet enim interdum Scriptura quosdam loquendi modos adhibere ad populi captum accommodatos. Profecto Deus Pater quemdam in Cælo non occupat locum, neque in Throno sedet, cui sit vel dextera pars, vel sinistra. Populus tamen ad id exemplum Deum Patrem imaginatur sedere in Throno, quem circumstant ejus ministri, familiares, & consiliarii; ex quo factum est, ut Scriptura ad summam Christi potestatem, æqualitatem cum Patre, & infinitam gloriam declarandam, ejusmodi illustri figura usa sit, qua nobis Christus veluti sedens exhibetur ad dexteram Patris. Vid. Calmet. in cap. 16. Marci num. 19. Qui vero considerat, Christo tamquam homini tribui sessionem, ait ejusmodi tropo judiciariam ejus significari potestatem, quam ei tamquam omnium Judici Pater permisit. De sessione Christi ad dexteram Patris fuse Maldonatus in cap. 16. S. Marci num. 19. Opinioni autem eorum, qui judiciariam potestatem, & universæ Ecclesiæ gubernationem per illam sessionem significari existimant, favet Sedulius, qui lib. 5. ita de Ascensione cecinit:

Æthereas cœctus abis sublimis in Auras,

Et dextram subis ipse Patris, mundumque gubernas.

Sessionem autem Christo tribui tamquam homini, e Sancti Stephani visione potest intelligi, qui se videre dixit *Filium hominis* sedentem a dextris Dei; & ex Oratione, quæ habetur in Missa in die Ascensionis Domini: *Diem celebrantes, quo Dominus noster unigenitus Filius tuus unitam sibi fragilitatis nostræ substantiam in gloriæ tuæ dextera collocavit.* Quia vero posset quispiam objicere, tropum ejusmodi modum excedere, quod Christus ut homo digniore quam quo Pater loco collocetur, etsi responderi potest, sinistram aliquando dextera digniorem habitam esse; tamen qualiscumque demum apud Romanos fuerit mos, comperitum est, apud Hebræos, & Ægyptios semper in dextera magis fuisse, quam in sinistra, honorificum locum; quamobrem Genes. cap. 48. Joseph ut primogenito filio suo digniorem tribueret locum, posuit in dextera, alterumque filium secundogenitum in sinistra; & apud Matthæum cap. 25. oves in dextera, hœdi in sinistra collocantur. Itaque accommodatissima est ea metaphora, quæ in Regiæ sedis medio locatum Deum nobis exhibet; ex quo sequitur, eum, qui in dextera parte positus sit, digniorem ceteris locum occupare; atque ita intelligenda Psalmi 44. verba illa: *Astitit Regina a dextris tuis*, & quod habetur in lib. 3. Regum cap. 2. Salomonem matrem posuisse suam ad dexteram. Vid. E-

Tom. X.

S f

stius

stius in cap. 1. Ep. ad Hebræos ad illa verba : *sedet ad dexteram maiestatis in excelsis* : & ad illa : *Ad quem autem Angelorum dixit aliquando* . Cum quo consentit a Lapide in cap. 3. ad Colossenses vers. 1. §. *Tertio ergo* . Nec , ut quispiam ad alicujus dexteram sedens priorem obtinere locum vere dici possit , opus est ut alius sedeat ad sinistram . Satis est , locum esse ubi alius sedere possit ; quo in loco si quis sedere jubeatur , & pars dextera vacua sit , facile quivis intelligat , digniorem esse virum , cui dexter referatur locus . Alii ulterius progressi dicunt , nemini digniorem locum esse posse , quam sit locus ipse , quem Rex obtinet in Regno suo , etiamsi ab ipso Rege quispiam ad dexteram locetur partem ; ex eo enim nihil aliud intelligi posse , quam quod Rex supra cæteros quidem , non tamen supra se ipsum velit illum haberi ; & proferunt Neronis , & Claudii exempla , quorum ille ad suam dexteram Tiridatem Armenorum Regem sedere jussit , ut est apud Sveton. in Nerone cap. 13. alter apud eundem Sveton. in Claudio cap. 24. A. Plautio occurrens , cumque in ovatione deducens ad Capitolium , *latus tenuit* , quod idem est , juxta Eutropium 1. 7. c. 8. atque in dextera Plautium habuit , & *δὲ δεξιᾷ τῷ Πλαύτιον ἵχων* Nero autem & Claudius Tiridatem , & Plautium observari quidem ab omnibus voluerunt , non tamen ultra quam ipsi colerentur . Hæc & alia in rem nostram congestit Hermannus Witsius sacrar. Exercitat. 21. num. 7. Nos vero , omisis iis , quæ ex profanis depromuntur Auctoribus , satis esse putamus , quod scribit S. Maximus Taurinensis in Homilia de Sancta Pentecoste : *Pater Christo Filio Throni sui offert sublimem confessum , & honoris gratia ad dexteram suam illum æterna sede constituit* . Deinde , quærit , *Cur ad dexteram Filius esse dicatur* , atque ita respondet : *Licet dignitatis gradus non sit , ubi est plenitudo divinitatis , tamen ideo ad dexteram sedet Filius , non quo præferatur Patri , sed ne inferior esse credatur* .

Utrum Apostoli baptizari fuerint : & utrum ante , an post Ascensionem .

35 Christus , quemadmodum supra docuimus , cum Apostolis promissit Spiritum Sanctum , dixit , Joannem eos baptizasse aqua , post aliquot vero dies fore , ut ipsi baptizarentur Spiritu Sancto ; ad cujus textus intelligentiam quæritur , utrum Apostoli Joannis baptismate sint abluti ; & ante ne , an post Ascensionem Baptismo Christi perfusi sint . Menochius in historia Sacra Act. Apostolorum lib. 1. cap. 1. num. 3. post Chrysostomum , & Bedam ait , etsi Scriptura Baptismum Joannis non commemoret , quo abluti sint Apostoli , valde tamen verisimile esse , eos , qui vel viderint , vel probe noverint , suum Magistrum a Joanne baptizatum fuisse , ejusmodi Baptismate itidem esse ablutos , cum eorum qui-

quidam etiam Joannis Discipuli fuerint, antequam in Christi disciplinam se dedissent. Utrum vero Apostoli ante Ascensionem Baptismum acceperint Christi, non videtur dubitandum: quoniam enim putandum est, ceteros baptizatos esse ab iis, qui baptismate non essent regenerati? cum præsertim statim ab ipso Pentecostes die Sacramentum illud Apostoli administrare coeperint, præclare illius Orationis vi impulsu, quam habuit B. Petrus Act. Apostol. cap. 2. v. 38. *Pœnitentiam, inquit, agite, & baptizetur unusquisque vestrum in nomine Jesu Christi*. Rursus quomodo credibile est, Christum sui Corporis & Sanguinis distribuisse illis Sacramentum, qui nondum ejus baptizati essent baptismate? Vidimus alibi, Christum, cum in eo esset, ut Petro pedes ablueret in ultima Coena, illi dixisse: *Qui lotus est, non indiget ut pedes lavet, sed est mundus totus*; ex quibus verbis infert S. Augustinus epist. 108. ad Seleuciam, Petrum jam fuisse baptizatum, ubi intelligitur, quod jam Petrus baptizatus fuerat. Christi enim Baptismus sua virtute præditus erat etiam ante ejus Passionem, ut docet D. Thomas 3. par. qu. 66. art. 2. *Ad primum ergo dicendum, quod etiam ante Passionem Christi Baptismus habebat efficaciam a Christi Passione, inquantum eam præfigurabat, aliter tamen quam Sacramenta veteris legis: nam illa erant figura tantum; Baptismus autem ab ipso Christo virtutem habebat justificandi: per cujus virtutem ipsa etiam Passio salutifera fuit*. Quæ quidem omnia satis ostendunt, Apostolos ante Ascensionem fuisse baptizatos: quod enim ait Joannes cap. 4. v. 2. *Quamquam Jesus non baptizaret, sed Discipuli ejus*; id ita intelligendum, ut Jesus haud ita sæpe baptizaret; nam vulgo etiam dicitur neminem ab eo baptizatum, præter ejus Sanctissimam Matrem ex foeminis, & ex viris B. Petrum, qui Andream, Jacobum, & Joannem baptizaverit. Ea vero verba, *Vos autem baptizabimini Spiritu Sancto non post multos dies*, ad uberrimam illam Spiritus Sancti effusionem sunt referenda, qua gratia, quam acceperant, vis etiam, & lux, qua repleti fuerant, novis accessionibus & perfectionibus augetur. Vid. Calmet. in cap. 1. Act. Apostolorum num. 4.

36 Ex S. Luca retulimus Christum Jesum, cum in sublime tolleretur in Cœlum, manibus Apostolis benedixisse. Picturæ aliquot reperiuntur, in quibus Christus in aera sublatus exprimitur benedictionem Apostolis impertiens, sublata dextera, quasi signum Crucis designans, cujusmodi benedictionem in fine Missæ videmus a Sacerdotibus populo impartiri; quod multi irrident, ut notat Serry Exercit. 61. in fine. De picturis ejusmodi

Cujusmodi fuerit Benedictio Christi super Apostolos, non in modum Crucis, an expressi sancti manibus.

ita Ayala in Opere quod inscripsit, *Pictor Christianus*, lib.3. cap.20. num.7. *Deinde cum ex Historia sacrasatis constet, sub initium ipsum professionis sue in Cælos Christum Dominum benedixisse Discipulis, & hoc ritu nostro, eo scilicet, quo Pontifices Sacerdotesque populo Benedictionem impertiunt, peractum esse doceant Scriptores gravis judicii, si forte hoc depingere aliquis velit, depingendus est Christus elevata manu ad eum modum, quo Episcopus solet, cum populum benedicit. Sed jam jam ascendentem in Cælum elevatis decenter manibus ad eum modum, quo sæpius fit, debere depingi, nemo est, qui nesciat.* Suarez in 3. par. D. Th. tom.2. qu.58. art.4. disput. §1. sect.2. scribit, pie & probabiliter credi posse, *Christum non utcumque manus elevasse, sed in Crucis signum*; cum quo consentit a Lapide in cap.24. Lucæ vers.51. Verum cum olim Sacerdotes benedicere solerent populo, plenam illi felicitatem apprecando, extensisque ad eum manibus, ut Levitici cap.9. v.22. *Extendens Aaron manum ad populum benedixit ei*; cumque si alicui benediceretur, manus super ejus caput imponeretur, ut Genes. cap.48. vers.14. *Qui extendens manum dexteram posuit super caput Ephraim minoris fratris, sinistram autem super caput Manasse, qui major natu erat, commutans manus*, verisimilius videtur & probabilius, Dominum Jesum ascendentem in Cælum, manibus ad eos qui aderant extensis, benedixisse, ut concludit Gottus De verit. Relig. Chr. tom.4. par.2. cap. 37. §.4. num. 24. Vide Lamy Harm. Evang. lib. 5. cap.46. §.19.

*An Christum
deverit in Cæ-
lo ascendere?
Oracula de A-
scensione Chri-
sti in Veteri
Testamento.*

37 Quæstiones vero, quæ ad Ascensionis mysterium pertinent, videre licet apud D. Thomam 3. par. qu.57. Quærit Sanctus Doctor articulo primo, an decuerit Christum in Cælum ascendere; & decuisse respondet, propterea quod Christus, postquam revixit, immortalem vitam omnis corruptionis expertem vivere incipiebat; ubi vero nos sumus, locus est generationi & corruptioni obnoxius; in Cælo autem nullus corruptioni locus. Et quamquam prima fronte videri potest nobis multo fuisse utilius futurum, si nobiscum commoratus esset in terris; id tamen si bene perpendatur, minime verum est; nam etsi subducta sit ab oculis nostris corporalis Christi præsentia, præsto tamen semper nobis est ejus Divinitas. Præterea cum Christus non jam versetur amplius in terris, augetur in nobis Fidei virtus, quæ ad ea pertinet, quæ non apparent. Denique sublata sua præsentia, ad eam spem nos erexit, eo ubi ipse est perveniendi, & ad rerum coelestium cupiditatem nostros animos excitavit. Nec vero desunt de Christi Ascensione in Cælum oracula seu Vaticinia.

Pfal.

Psal. 46. v. 6. *Ascendit Deus in jubilo, & Dominus in voce tubæ.* Et fortasse Psalmum hunc canebant Judæi, cum Arca ferebatur in Templum; sed Arce in sua sede collocatio sublimius quiddam & augustius videtur indicare. Psal. 67. v. 19. *Ascendisti in altum, cepisti captivitatem; accepisti dona in hominibus.* Christus enim Ascensione sua devictis hostibus, & opimis reportatis spoliis triumphavit. Levitici cap. 16. jubetur Pontifex Maximus semel in anno, mensis nempe septimi die decimo, qui mensis primus erat vulgaris seu civilis anni, postquam victimæ sanguinem effuderit, intra intimum velum, & in Sancta Sanctorum ingredi, & orare pro populo. Quod quidem videri potest Ascensionis Christi exemplar & typus. Christus enim initio anni partæ nobis gratiæ, & assertæ libertatis, postquam suum pretiosum Sanguinem effudisset, scisso carnis velo, ingressus est in Sacram, non ab hominibus manufactum, sed Cœleste, ut interpellaret pro nobis, Deo Patri satisfactionis suæ virtutem exhibens.

Inutiles quædam quæstiones omittæ. Egregio in hæc rem Augustini verba.

38 Alii alias quæstiones proponunt, exempli causa, quomodo Christi corpus Cœlos penetrare potuerit; & qui supra Cœlum Empyreum magis aut minus altus reperiat locus, sive ipsum Empyreum spherica, sive plana & quadrata figura præditum sit. Quas quidem quæstiones inutiles & inanis plenas curiositatis omittimus, in quibus locum aptissimum habent notissima illa Augustini verba epist. 78. *Magis eligo doctam ignorantiam confiteri, quam falsam scientiam profiteri.* Nobis satis est credere, Christum propter hypostaticæ unionis dignitatem excellissimum omnium in Cœlo obtinere locum. *Supra omnem Principatum & Potestatem & Virtutem & Dominationem, & supra omne nomen, quod nominatur non solum in hoc seculo, sed etiam in futuro,* ut ait Apostolus ad Ephesios cap. 1. v. 21.

39 Duo tamen minime prætereunda videntur. Primum est, Christum in Cœlum ascendisse propria virtute, ut loquuntur Theologi, id est non ea virtute, quæ naturæ humanæ propria est, sed propria virtute Divina, & ea virtute, quæ propria est animæ beatæ, ut docet S. Thomas cit. quæst. 57. art. 3. in responsione ad secundum. *Christus non ascendit in Cœlum propria virtute, quæ est naturæ humanæ naturalis: ascendit tamen in Cœlum propria virtute, quæ est virtus divina, & propria virtute, quæ est animæ beatæ.* Et licet ascendere sursum sit contra naturam humani corporis secundum statum præsentem, in quo corpus non est omnino subiectum spiritui, tamen non erit contra naturam, neque violentum corpori glorioso, cuius tota natura est omnino subiecta spiritui. Et ante eum scripserat Gregorius Magnus

Qua virtute Christus in Cœlum ascenderit.

Ho-

Homil. 29. in Evangelia Tom. 1. operum edit. Maurin. Col. 1572. *Notandum quoque est, quod Elias in curru legitur ascendisse, ut videlicet aperte demonstraretur, quia homo purus adjutorio indigebat alieno. Per Angelos quippe facta illa & ostensa sunt adjumenta, quia nec in Cælum quidem aerium per se ascendere poterat, quem natura suæ infirmitas gravabat. Redemptor autem noster non curru, non Angelis sublevatus legitur, quia qui fecerat omnia, nimirum super omnia sua virtute ferebatur.*

Christi Ascensio est causa nostra salutis: Et quomodo? 40 Alterum est, Ascensionem Christi nostræ salutis esse causam. *Expedis vobis, ut ego vadam;* Joann. cap. 16. Tractat rem hanc S. Thomas citata qu. 57. art. 6. ubi ostendit, Ascensionem Christi nostræ salutis esse causam, sive nostrum, sive illius ratio habeatur. Nam quod ad nos attinet, cum ille se a conspectu nostro eripuerit ascendens in Cælum, Fidei, Spei, & Charitatis nostræ fit locus, ut supra dictum est. Quod vero ad illum pertinet, sublatus ipse in Cælum parat nobis munitque viam, qua illuc perveniamus: ut enim in Testamento veteri Pontifex in Sancta Sanctorum introibat orans pro populo, ita Dominus Jesus Cælum ingressus orat & interpellat pro nobis. Denique inde nobis divina dona demittit, ut propterea D. Paulus ad Hebr. c. 4. v. 14. scripserit: *Habentes ergo Pontificem magnum, qui penetravit Cælos Jesum Filium Dei &c. adeamus cum fiducia Thronum gratiæ.* Hæc D. Thomæ rationes erudite Gravesonus illustrat de mysteriis & annis Christi pag. 514. Constans & perpetua est omnium Sanctorum Patrum tum Græcorum tum Latinorum doctrina, Christum in Cælo Sacerdotis fungi munere, ac pro nobis orare, ut videre est apud Thomasinum lib. 10. de Incarnat. Verbi cap. 12. duobusque sequentibus. Alibi nos observavimus, et si ca orandi formula, si severe perpendatur, adhiberi poterat, *Jesu Christe, ora pro nobis*, Ecclesiam tamen ea uti maluisse, *Jesu Christe, miserere nobis*, ut Arianis, & nostrorum temporum Socinianis ex orationis forma, qua Christum Dominum precamur, omnis cavillandi eriperetur occasio Divinitatem & consubstantialitatem cum Patre.

De Circumstantiis, quæ Ascensionem circumstant, quæ sunt locus, tempus, modus, spectatores, comitatus, & miracula, quæ Deus in tanti mysterii memoriam edere diu perseveravit. Tradit Lucas cap. ult. Christum Discipulos adduxisse in Bethaniam, iisque benedixisse: *Et factum est dum benediceret, recessit ab eis, & ferebatur in Cælum;* quod quidem innuere videtur, eum e Bethania in Cælum ascendisse. Verum idem Lucas Act. Apostol. cap. 1. v. 12. testatur,

statum, Apostolos, postquam Christum viderunt ascendisse in Cœlum, redisse Hierosolymam a monte, qui vocatur Oliveti, qui est juxta Hierusalem Sabbathi habens iter: ex quo colligitur Christum ascendisse in Cœlum e monte Oliveti. Nulla tamen inter Evangelium Lucæ, & Actus Apostolorum est pugna; nam Bethania in declivi montis Oliveti posita est; & fortasse Dominus Jesus se in Bethaniam contulerat, ut Lazarum, sororesque ejus Martham & Magdalenam prius inviseret, secumque adduceret, ut essent Ascensionis suæ testes. Ita disputant a Lapide, & Janfenius in cap. ult. Lucæ; id vero si Tillemontio non arridet Nota 40. in vitam Jesu Christi, probatur tamen Calmeto in cap. 1. Act. Apost. v. 12.

ea de loco, unde Christus in Cœlum ascendit.

42. Ad eundem modum textum ex Lucæ Evangelio cum Actuum Apostolorum capite primo conciliat Synopsis Criticorum Sacrorum pag. 1395. Ad illa enim verba, *A monte Oliveti*, hæc sunt adnotata: *Inde ergo Christus in Cœlum ascendit; idque primo quia hic inchoavit Passionem suam in horto sudans, hic sæpe oravit, & pernoctavit, Lucæ 21. & 22. Secundo ut in conspectu impie Hierosolymæ gloriose ascenderet. Erat enim hic mons tantæ altitudinis, ut inde pæne omnes Orbis plateæ conspicerentur. At Christus dicitur eduxisse eos in Bethaniam, & ferri in Cœlum, Lucæ 24. Respondetur: Hæc non discrepant; nam Bethania erat pars montis in ejus descensu sita.*

Quæ conclusio non probatur in Synopsi Criticorum.

43. Difficilius est allatum S. Lucæ textum ex Apostolicis Actis cum Joanne cap. 11. componere. Ait enim Lucas, Hierosolymam a monte Oliveti tantum abesse itineris, quantum Hebræis liceret conficere die Sabbathi, *Sabbathi habens iter*; quod est sex, septem, aut octo spatium stadiorum, seu mille nostrorum passuum. At Joannes cap. 11. Bethaniam, quam in descensu montis positam esse diximus, tradit Hierosolyma abesse *stadiis quasi quindécim*. De itinere, quod Sabbathi die Hebræis liceret conficere, variæ sunt diversæque sententiæ, quas vide apud Menochium in Actis Apostolorum cap. 4. Calmetus in caput 1. Act. Apost. docet, S. Lucam, qui scripsit montem Oliveti ab Hierosolyma distare, quantum die Sabbathi itineris liceret Hebræis conficere, non accurate sex, septem, aut octo stadia significare voluisse; cum præsertim eodem Sabbathi die Hebræi modo plus, modo minus itineris conficerent; itaque Lucam spatium illud præter, propter, & ut vulgo dicitur circiter designasse, ut propterea nihil Joanni repugnet. Sed alii plures animadvertunt, ubi dicitur Hebræis non plus quam sex, septem, aut octo stadia perambulare licuisse, ea stadia esse Græcorum; at Joannem, qui scribit Bethaniam

De distantia montis Oliveti ab Hierosolyma. Conciliantur Acta Apostolorum, & Evangelium Joannis.

ab

ab Hierosolyma distare stadiis quasi quindecim, Hebræorum stadia intelligere. Porro stadium Hebraicum stadiis Græcorum binis æquale est, ex quo cuiusvis scrupulus omnis evellitur de discrepantia inter Lucam & Joannem. Videatur Tillemontius Nota 40. ad vitam J. Chr. Serry Exercit. 61. num. 7. & Gottus par. 2. tom. 4. cap. 37. §. 4. num. 22.

Constat Christum ascendisse in Cælum. Feria quinta.

44. Testatur Lucas in citato sæpius cap. 1. Actuum, Christum Jesum, postquam rediit ad vitam, quadraginta commoratum esse dies in terra, antequam in Cælum ascenderet: *Quibus* (Apostolis) *& præbuit se ipsum vivum in multis argumentis per dies quadraginta apparentis eis, & loquens de Regno Dei.* Cum igitur Christus vigesima quinta Martii die mortuus sit, & vigesima septima revixerit, ut alibi demonstravimus, necessario inde consequitur, quinto illum Maji die, qui dies Jovis fuit, ascendisse in Cælum. Quod enim putat Chrysostomus Homil. 3. in Acta Apostolor. Christum in Cælum ascendisse Sabbathi die, singularis est, nec cuiquam probata ejusmodi opinio.

Non subito; sed per successionem temporis videtur ascendisse in Cælum. Vestitusque ascendit.

45. Scribit Lucas in Actis: cap. 1. v. 9. *Videntibus illis elevatus est, & nubes suscepit eum ab oculis eorum.* Et postea v. 10. *cumque intuerentur in Cælum euntem illum:* quibus verbis significari videtur sensibilis quædam elevatio per motum successivum, ita ut Apostolis licuerit aliquandiu suis oculis illum euntem in Cælum prosequi, donec in lucidam nubem ingressus ab eorum aspectu est ereptus; nec, quemadmodum ipse alias, & sæpe etiam in suis apparitionibus Angeli, momento temporis evanuerit. Testatur Paradoxo 5. cap. 9. & 34. putat nubem ita fuisse formatam, ut Domino Jesu quasi Thronum quemdam ubi sederet, & vestem, qua tegeretur, præbuerit. Existimat enim idem Auctor, Christum, postquam rediit ad vitam, nudum semper fuisse omni veste detracta, nec ulla alia re tectum quam lumine, quod e glorioso ejus corpore effulgebat, nudumque omnino ea solum nube circumdatum ad Cælum ascendisse. Sed vestene indutus in Cælum, an nudus Christus ascenderit, accurate perpendit Menochius in Act. Apostol. cap. 3. num. 4. Pervulgata tamen opinio est, quam sequuntur a Lapide, & Calmetus ad cap. 1. Act. Apostol. Christum, postquam revixit, semper ut antea veste tectum apparuisse, & ita indutum in aera sublatum esse, nec prius vestem abjecisse, quam a nube illa fuerit exceptus. Neque vero est hic Astronomorum speculationibus locus, qui immensam extimi summique Cœli ab orbe terrarum distantiam reputantes, tam multos illi postulant annos, qui ad illud Cælum e Tellure velit ascendere. Motus enim, si Deus velit, vehementius, supra quam cuiquam

quam credibile est, acceleratur. Præterea corpus Christi non erat corpus animale proprio gravatum pondere, sed corpus verum illud quidem, spiritui tamen obtemperans, ut quocumque spiritus vellet, statim eo ferretur.

46. Ascensionem Christi spectasse undecim Apostolos, diserte tradit Marcus cap. 16. Lucas cap. 24. & Act. Apost. cap. 1. Quæritur modo, num alii tanti miraculi fuerint spectatores? Serry citata exercit. 61. num. 9. ait, in Sacra Historia solos Apostolos spectatores commemorari; se tamen non repugnare, si quis assermaret, alios etiam præter Apostolos, ac Beatam præsertim Virginem huic Christi Domini triumpho adfuisse. *Si quis vero alios adijcere velit, maxime vero Deiparam Virginem, non repugnabo.* Et Sandinus Histor. Fam. Sacræ edit. Patavinæ pag. 253. *Si quis alios addere velit, maxime vero ejusdem Christi matrem Mariam Virginem, non ausim repugnare.* Uterque autem putat, falli eos vehementer, qui affirmant centum & viginti homines Ascensioni Christi Domini affuisse: nec quidquam facere textum, cui qui ita existimant inniti videntur, ex cap. 1. Act. Apost. vers. 15. *Erat autem turba hominum simul fere centum viginti.* Nam textus ille non eos qui Ascensioni affuerint, sed qui ad Matthiæ electionem convocati fuerint, commemorat. Contendit tamen a Lapide ad illum locum Act. Apost. centum viginti illos Ascensioni adfuisse; atque idem sentit Calmetus ad eundem locum vers. 6.

47. Verum utcumque de hac re sit, S. Lucas in Act. Apost. cap. 1. v. 14. de iis, qui ex monte Oliveti Hierosolimam redierunt, & introierunt in Coenaculum, postquam undecim commemoravit Apostolos, ait: *Hi omnes erant perseverantes unanimiter in oratione cum mulieribus, & Maria Matre Jesu, & Fratribus ejus.* Si igitur undecim Apostolos Coenaculum ingressos fateamur, ut æquum est, præsentem fuisse Ascensioni, idem etiam dicendum videtur de mulieribus, de B. Virgine, ejusque fratribus, de quibus Lucas, postquam undecim numeravit Apostolos, ait: *Hi omnes erant perseverantes in oratione.* Demus igitur, ut par esse videtur, textum illum, *Erat autem turba hominum simul fere centum viginti*, non de iis, qui Ascensioni, sed iis qui electioni Matthiæ affuerunt, esse intelligendum; præsertim cum Matthias in Apostolorum numerum post aliquot ab Ascensione dies fuerit cooptatus; siquidem Lucas ait, *In diebus illis*; inde colligi quidem poterit, non omnes illos centum & viginti, qui Matthiam elegerunt, Ascensionem Christi Domini spectavisse, non tamen solos spectavisse Apostolos undecim: præcipue cum Sacra tradat historia, ante Sancti Matthiæ electionem, & statim post Christi

An alii præter Apostolos spectaverint Christum ascendentem in Coenaculum.

B. Virgo alique, qui in Coenaculum cum Apostolis introierunt, Ascensioni Christi in Coenaculo præsentem fuerunt.

Ascensionem eos qui adfuerint, Hierosolymam reuerfos introisse in Cœnaculum; eademque Sacra historia referat, præter Apostolos fuisse in Cœnaculo etiam mulieres, B. Virginem, & Fratres Jesu Christi. Vide Gottum loc. cit. num. 23. ubi ait, verisimile fieri, non solum undecim Apostolos spectasse Ascensionem, sed eos saltem omnes, qui in Cœnaculum una cum Apostolis ingressi orationi vacabant.

*Videtur Chri-
stus ascendisse
stipatus An-
gelorum comi-
tatu.*

48. Narrat Sacer textus, dum Discipuli in Cœlum suspicerent, duos illis Angelos veste indutos candida adfuisse, qui eos interrogaverint, quid ita in Cœlum respicerent; monuerintque, Jesum, qui tollebat in Cœlum, ad eundem modum venturum, quo illum viderint abeuntem. Satis hi duo Angeli declarant, Cœlo reliquos etiam Angelos esse delapsos, ut Christum exciperent & comitarentur. Cum enim duo edixerint Angeli, Christum in fine mundi ita venturum, quemadmodum ascendisset in Cœlum, compertumque habeamus, venturum ad extremum totius generis humani iudicium cum gloria, potestate, & maiestate Angelicis stipatum ordinibus, jure affirmari potest, eodem circumseptum comitatu in Cœlum ascendisse. Suffragari videtur locus e Psalmo 23. v. 9. *Attollite portas, Principes, vestras;* & alius itidem e Psalmo 46. v. 6. *Ascendit Deus in jubilatione, & Dominus in voce tubæ.* Quamobrem scribit Suarez in 3. part. D. th. tom. 2. quæst. 58. art. 4. disput. 51. Sect. 2. *De Angelico autem ministerio, & comitatu quamvis in Scriptura nihil dictum sit, tamen non est dubium, quin omnes Angelorum ordines descenderint, ut Christum Ascendentem comitarentur, eique honorem & gloriam exhiberent, quod omnes Sancti Patres scribentes de hoc mysterio luculenter exponunt.*

*Christus
ascendens in
Cœlum iusto-
rum animas in
Cœlum secum
adduxit.*

49. Justorum animas, qui ante Christi Passionem obierint, alibi docuimus non in Paradisum exceptas, sed in Patrum Limbo fuisse detentas, qui sinus Abrahæ dicitur Lucæ cap. 16. ubi narrat Evangelista, divitem illum epulis deliciisque tantopere celebratum animam vidisse Lazari eo loci tranquille conquirere: *Vidit Abraham a longe, & Lazarum in sinu ejus.* Eas animas itidem diximus una cum Christo in Cœlum ascendisse: *Christus ascendens in altum captivam duxit captivitatem:* quæ D. Pauli verba ad Hebræos 4. ita communi consensu interpretantur sacrarum litterarum Professores, ut sententia sit, Christum animas justorum secum in Cœlum adductas æternæ gloriæ fecisse compotes. *Qui ante ejus adventum in hunc mundum venerunt* (ait S. Gregorius Moralium lib. 13. cap. 14.) *quantumlibet iustitiæ virtutem haberent, ex corporibus eduksi in sinum cœlestis patriæ statim recipi nullo modo poterant,*

serant, quia necdum venerat, qui inferni claustra sua descensione solveret, & Iustorum animas in perpetua jam sede collocaret.

50. Illum etiam alibi docuimus, in morte Christi aperta esse monimenta, eoque revivificante, multa corpora Sanctorum, qui dormierant, surrexisse, hoc est multos Sanctorum, qui mortui erant, ad vitam rediisse. Exploratum quidem est, eorum animas Christi in Coelum ascendentis fuisse comites. Illud omnino incertum, quo loco illæ animæ degerint per dies quadraginta, quibus Christus in terris versatus est. Matthæus enim cap. 27. tradit quidem, eos Sanctos venisse in Sanctam Civitatem, & multis apparuisse; Sed tunc temporis cum vivebant, & nemini erant conspicui, ubi permanerint, omnino tacet Evangelista. D. Thomas in 3. sentent. dist. 22. quæst. 3. art. 2. in fine probabile putat, eos in terrestri Paradiso commoratos; ubi itidem, est qui existimat, Christum eos egisse dies, qui ab ejus Resurrectione ad Ascensionem elapsi sunt. Suarez tom. 2. in 3. par. qu. 55. art. 3. in Commentariis, incerta esse hæc omnia prudenter animadvertit. Et sane nihil in iis esse certi, satis vel ex eo potest intelligi, quod ad rem expediendam prius decernere oporteret, ubi terrarum fuerit terrestris Paradisus, & quantum temporis permanerint; quam quæstionem Calmetus in cap. 2. Geneseos num. 4. ait ejusmodi esse, ut non aliam reperiatur, de qua scissa sint in tam varias sententias Doctorum virorum ingenia.

51. Sed si incertum est, ubi terrarum fuerint Sancti, qui revixerunt, quo loco constitutus fuerit Paradisus terrestris, & quamdiu permanerint; illud certe multo incertius, utrum Sancti, qui ad vitam redierunt, rursus obierint, & eorum animæ cum Christo in Coelum evolaverint, relictis suis corporibus, quæ universalem carnis Resurrectionem expectent; an vero novi interitus expertes cum Christo una sua quisque cum anima, & corpore in Coelum ascenderint.

52. Eam quæstionem tractant Theologi. D. Thomas in 4. sent. dist. 43. qu. 1. art. 3. qu. 1. ad tertium, sequutus Hieronymum in cap. 27. Matthæi videtur eorum suffragari sententiæ, qui contendunt, Patres revixisse non amplius morituros. Sed in 3. par. Summæ qu. 53. art. 3. ad secundum, Epistolam D. Augustini expendens 99. nunc 164. ad Evodium cap. 2. in eorum videtur opinionem esse propensior, qui putant, Sanctos, qui revixerint, rursus e vita excessisse. Tillemontius Nota 36. in vitam Jesu Christi hanc affirmat Patrum communem esse sententiam. Eandem acriter etiam propugnat Calmetus in sua Dissertatione, quam de hac re edidit. Profecto D. Paulus ad Hebræos cap. 11. v. 39. ge-

Ubi quadraginta illos dies tegerint, etiam morituros, qui in morte Christi fuerant, & cum eo ascenderunt in Coelum.

An, ubi revixerunt, rursus obierint.

Verior sententia est, rursus migrasse & vi-

neratim de Justis in veteri Testamento verba faciens ait, non priusquam reliqua omnis Ecclesia, plenam assequuturos felicitatem quæ in animæ & corporis gloria sita est. *Hi omnes testimonio fidei probati non acceperunt repromissionem, Deo pro nobis melius aliquid providente, ut non sine nobis consummarentur.* Quod minime videtur fuisse dicturus, si Sancti, qui, Christo revivisciente, redierunt ad vitam, immortalitatem consequuti, una cum corporibus in Cælum cum Christo ascendissent. Huc accedit quod communis Catholicorum sententia est, solum Christum Jesum, Beatamque Mariam ejus matrem in Cælum corpore & anima evolasse.

*De vestigiis
Christi impressis
in terra, unde
de ascendit in
Cælum. De
causa ibi
extrañia, cui
scilicet super
indis nun-
quam potuit.*

53. Afferit Calmetus miracula, quæ post Christi Ascensionem Deus edidit in ejus Mysterii memoriam, ut videre est in cap. 1. Act. Apost. num. 12. Auctor libelli de Locis Hebraicis in Actis Apostolorum apud Hieronymum, cui multum auctoritatis tribuerunt vel ipsi Scaliger, & Erasmus, narrat eo loco unde Christus in Cælum sublatus est, extitisse impressa vestigia. *Mons Oliveti ad Orientem Hierosolymæ torrente Cedron interfluente, ubi ultima vestigia Domini humo impressa hodieque monstrantur.* Illud etiam mirabile: *Cumque terra eadem quotidie a credentibus bauriatur, nihilominus tamen eadem sancta vestigia pristinum statum continuo recipiunt.* Præterea addit: *Denique cum Ecclesia, in cujus medio sunt (vestigia Christi) rotundo schemate & pulcherrimo opere conderetur, summum tantum cacumen, ut perhibent, propter Dominici corporis meatum nullo modo contingi, & concamerari potuit, sed transitus ejus a terra ad Cælum usque patet apertum.* Idem refert Sulpicius Hist. Sacra lib. 2. cap. 33. S. Paulinus Nolanus Epist. 11. ad Severum, & D. Augustinus Tract. 37. §. 4. in Joannem: *Ibi sunt vestigia ejus, modo adorantur, ubi novissime stetit, unde ascendit in Cælum.* Ejusmodi miraculum de vestigiis impressis prædixerat Zacharias cap. 14. *Et stabunt pedes ejus in die super montem Olivæ, qui est contra Hierusalem ad Orientem.* Et Casaubonus Exercit. 16. §. 154. ei miraculo de vestigiis Christi, quæ, detracta licet identidem terra devotionis causa ab iis, qui illuc confluebant, non delerentur, fidem abrogari non posse candide fatetur. *Miraculum de Sanctis Domini vestigiis pristinum statum continuo recipientibus, quicquid homines molirentur, propter consensum tot Scriptorum, & in his magni Hieronymi, qui fuit oculatus testis, mihi quidem videtur dignissimum.* Et Bailletus Hist. de Mysterio Ascensionis alterum affert miraculum, quod, cum in Hierosolymæ obsidione Titus in monte Oliveti castra haberet, numquam tamen fieri potuerit, ut vel militum excursionibus, vel pedibus equorum, vel cæteris militaribus molitionibus, quibus certe

certe universam montis terram inversam esse oportuit, vestigia illa Domini delerentur.

54. Auctor libelli de *Locis Sanctis*, qui a multis Bedæ tribuitur, cap. 7. aliud narrat miraculum, quod instaurabatur singulis annis die Ascensionis in æde illa, quæ ibi fuerat extructa, unde Jesus abiit in Cælum. Missa peracta, vehemens quidam & mirificus ex alto ventus flabat, quo dejecti quotquot aderant humi procumbebant, dum interea totus mons vicinaque loca insolita luce ita coruscarent, ut ardere viderentur. Illud miraculum commemorat Baronius ann. Chr. 58. num. 77. Bailletus Histor. hujus Festi num. 5. Menochius in Act. Apostolicis lib. 1. cap. 4. num 3. Serry cit. Exercit. 61. num. 8. & Gottus cit. cap. 37. num. 25. quorum duo postremi advertunt, post Auctorem ejus libri, a nemine fieri ejus miraculi mentionem, ut jam credendum videatur de fuisse.

Aliud miraculum de vento flante quotannis in die Ascensionis, Missa peracta, & splendore quo Cælum flagrare videbatur.

55. Hermannus Witsius Heterodoxus Auctor Sacrar. Exercit. 20. num. 13. bina illa miracula, alterum de impressis Christi vestigiis, alterum de irritato conatu Ædis contegendæ, ubi eadem sunt impressa vestigia, oppugnat argumento ducto a silentio Socratis, Theodoriti, Sozomeni, & Nicephori. Prioris originem se invenisse existimat; Eusebium scilicet in vita Constantini lib. 3. cap. 42. de Helena, quæ in Judæam venerat, scripsisse: *Servatoris nostri vestigia debito cultu venerata est*: id de Judæa, ubi Christus habitaverit, dictum, ad Montem Oliveti traductum esse; unde ascendit in Cælum. Sed argumentum negativum quam sit infirmum, nemo est qui nesciat; præsertim si aliquorum Scriptorum silentio, aliorum, majoris qui sint auctoritatis, rem aliquam affirmantium, testimonia opponantur. Qui in eos Scriptores sanctitate & magna estimatione florentes respexerit, qui bina illa miracula testantur, facile intelliget, nullius esse roboris a Witsio intentatum argumentum adversus illa miracula. Vide Quaresmum Elucidat. Terræ Sanctæ lib. 4. cap. 7. & sequen. tom. 2. qui præsentem earum statum exponens testatur, deletam esse ab Infidelibus Ædem in eo loco antea extructam, unde Christus ascendit in Cælum; tamen etiamnum extare veteris magnificentiæ signa; ædiculam vero nunc esse, in qua conspicitur impressum sinistri pedis vestigium, dextri enim pedis alterum alio asportatum fuisse; hanc porro ædiculam laqueari esse contentam. *Ex his apparet, Sacellum constructum in loco ubi Christus ascendit in Cælum, non patulum & apertum nunc esse, sed opertum & cameratum.*

Witsii plumeum argumentum, quo superiora duo miracula explodere conatur.

56. Explicato Ascensionis mysterio quædam æquum est de ejus

De Ascensionis Festo, quod

*solemnitas om-
nium dicitur
complementum
a D. Bernar-
do :*

ejus Festo attingere . S. Bernardus serm. 2. de Ascensione num. 2. Festum hoc appellat omnium solemnitatum complementum. *Con-summatio, & adimpletio est reliquarum solemnitatum, & felix clausula totius itinerarii Filii Dei. Qui enim descendit, ipse est, qui ascendit hodierna die super omnes Caelos, ut adimpleat omnia.* Et serm. 4. num. 1. *Si Nativitatis, & Resurrectionis Dominice digna devotione solemnia celebramus, hodiernum quoque Ascensionis diem non minus devote convenit celebrari. In nullo siquidem a Festivitatibus illis ista degenerat, sed finis earum, & adimpletio est.*

*Hæc solemn-
tas instituta
ab Apostolis
en D. Augu-
stino,*

57. D. Augustinus Epist. 44. alias 118. cap. 1. docet, hanc Solemnitatem ab Apostolis esse institutam. *Illam autem, quæ non scripta, sed tradita custodimus, quæ quidem toto terrarum orbe servantur, dantur intelligi vel ab ipsis Apostolis, vel plenariis Conciliis, quorum est in Ecclesia saluberrima auctoritas, commendata, atque statuta retineri, sicut quod Domini Passio, Resurrectio, & Ascensio in Cælum, & Adventus Spiritus Sancti anniversaria solemnitate celebrantur, & si quid aliud occurrit, quod observatur ab universa, quacumque se diffundit Ecclesia. Quod etiam probe advertit Martene cap. 28. num. 1.*

*Idem Augu-
stinus eam vo-
cat Quadrage-
simam.*

58. Idem Augustinus serm. 267. cap. 3. Solemnitatem hanc *Quadragesimam* vocat, quod post dies a Resurrectione quadraginta celebratur : & libro Constitutionum Apostolicarum cap. 19. huic Festo Feria quinta destinatur quintæ post Resurrectionem, hebdomadæ, Orientales *Tessaracosten*, seu *Tetracosten* appellant, quod quadragesimum post Pascha diem significat, ut notat Bailletus loco citato. Si quis tamen, quod Chrysostomus putaverit, Christum die Sabbathi in Cælum ascendisse, inferri ex eo posse existimet, Sancti illius Doctoris ætate neque Antiochiæ, neque Constantinopoli Ascensionis Festum Feria Quinta celebratum esse, observandum est, sermonem ejus extare in Festo Ascensionis, quem habuisse credere necesse est Feria 5. post quadraginta dies a Paschate. Quamobrem nulla probabilis potest elici conjectura, in iis locis Ascensionis Festum aut non celebrari consuevisse, aut alia quam die Jovis celebratum esse. Vid. Tillemont. Nota 42. ad vitam J. Chr.

*Olim in die
Ascensionis e-
rat Processio.
Nos etiam e-
rat benedicen-
di panem, &
novos fructus.*

59. Testatur Durandus in *Rationali Divinorum Officiorum* lib. 4. cap. 6. primis Ecclesiæ temporibus in memoriam Ascensionis Domini Processionem qualibet hebdomada fieri solitam quinta feria, quæ, Festorum numero in honorem Sanctorum aucto, sublata est. *Primitiva Ecclesia observabat Quintam Feriam, & fiebat in ea Processio in memoriam Dominicæ Ascensionis: sed multiplicatis Sanctorum Festivitatibus, sublata est solemnitas Ferie quinte, & ejus*

Et ejus Processio per Agapitum Papam in Dominicam translata est, ut a Populo tunc ad Ecclesiam conveniente simul & solemniter valeat celebrari; ut propter hoc dies Jovis dicatur vulgariter cognata diei Dominica, quia videlicet antiquitus par solemnitas fuit utrique. Ejus Processionis meminit Gregorius Turonensis lib. 5. Histor. Francor. cap. 11. non tamen de ea Processione videtur loqui, quæ qualibet Feria quinta, sed quæ Feria quinta fiebat ipso Ascensionis Domini Festo. Et Bailletus Histor. hujus diei §. 7. allatis vetustiorum Scriptorum testimoniis ait, etiam fieri Processionem post Tertiam, in itineris memoriam Apostolorum ab Hierosolyma in Bethaniam, a Bethania in Montem Olivetum proficiscentium, atque inde Hierosolymam redeuntium. In hujus diei Missa mos erat benedicendi panem, novosque fructus; quarum benedictionum formulas vide apud Martene de antiqua Ecclesiæ Disciplina cap. 28. pag. 527. veteris edit. Micrologus cap. 55. jejunium commemorat in Pervigilio Ascensionis. Nunc autem Pervigilium sine jejunio celebratur, propter Paschale tempus, ut bene advertit Gavantus sect. 6. de Litanis majoribus & minoribus cap. 17. *Vigilia Ascensionis non habet jejunium, quia de tempore Paschali est.*

60. De Cereo, cujus fit benedictio in Sabbatho Sancto, sermonem alibi habuimus. In Annalibus Fratrum Minorum anni 1263. eos decrevisse legimus, ut usque ad Ascensionem Cereus accenderetur saltem in Missis solemnibus. At S. Rituum Congregatio 19. Maii 1607. constituit, ut tribus Paschæ festis diebus, Sabbatho in Albis, & singulis quibusque Dominicis usque ad Ascensionem, dum canitur Missa, & tum in Vesperis, tum etiam in cæteris Hori. Canonicis juxta Locorum consuetudinem accendatur. Quando Cereus auferri debeat, nec amplius accendi, nihil apud vetustiores Scriptores reperimus. Nunc quidem disciplina est, ut in primis Ascensionis Vesperis, in Laudibus, & Missa accendatur usque ad Evangelium, cujus lectione expleta, extinguatur, & in Sacramentum asportetur. Iterum autem accenditur in Sabbatho Pentecostes ad benedictionem Fontis. Extinguitur autem die Ascensionis post Evangelium, ut Christi discessus ab Apostolis significetur. Vide Macrum in Vocabular. Ecclesiast. verbo *Cereus Paschalis*, & Meratum part. 2. tom. 1. in Notis ad Gavantum pag. 1173. & 1188. & 1197. Quod post Evangelium Missæ solemnæ Cereus extinguatur, quidam ex eo conjiciunt, eam esse horam, qua Christus in Cælum ascendit; quæ sane conjectura leviuscula est, ut etiam advertit Gottus loc. cit. num. 21.

Cereus usque ad Ascensionem accenditur certis quibusdam diebus. Ad Evangelium Missæ Ascensionis extinguitur.

CAPUT XI.

De Festo Pentecostes, quod prima Dominica celebratur post Dominicam infra Octavam Ascensionis.

Matthias in locum Judæ cooptatus est inter Apostolos.

Pentecostes solemnitas ea Dominica celebratur, quæ Dominicam infra Octavam Ascensionis proxime consequitur. Postquam Hierosolymam Apostoli, Christo in Cælum sublato, redierant, & turba fere centum & viginti Discipulorum convenerat, Petrus, cui universalis Ecclesiæ administrandæ partes a Christo datæ fuerant, dixit opus esse, ut impio Judæ sufficeretur aliquis, qui locum Apostolicum obtineret; cumque duo propositi essent, Joseph qui dicebatur Barsabas, & Matthias, *Et statuerunt duos Joseph qui vocabatur Barsabas, qui cognominatus est Justus, & Matthiam; omnes Deum deprecati sunt, ut quem vellet eligi, significaret. Et orantes dixerunt: Tu Domine, qui corda nosti omnium, ostende quem elegeris ex his duobus unum, accipere locum ministerii hujus & Apostolatus, de quo prævaricatus est Judas, ut abiret in locum suum.* Cumque sortiti essent, Matthiæ fors obtigit, qui inter Apostolos est cooptatus. *Et dederunt sortes eis, & cecidit fors super Matthiam, & annumeratus est cum undecim Apostolis Act. Apost. cap. 1. v. 23. & seqq.*

Matthias, ita volente Deo, sortito adeptus est Apostolatum, quod trahi non debet in exemplum.

2. E septuaginta Christi Discipulis erat Matthias. Statuerunt Apostoli, ut per sortes locus Judæ impleretur, ne, ut ait Ambrosius in cap. 1. Lucæ, *Apostoli electio a mandato discrepare legis veteris videretur.* Etenim ex Evangelio Lucæ ipsius cap. 1. colligitur, per sortes eligi solitum, qui thus Domino adoleret. Dionysius, seu quis alius Auctor lib. de Ecclesiastica Hierarchia cap. 5. par. 3. scribit, sortem, quam Acta Apostolorum commemorant cap. 1. indicatam fuisse per signum visibile Cælo delapsam, idest radium quemdam cœlestem Matthiæ capiti circumfusus, aut aliud quidpiam simile. *Cum autem de divina illa sorte, quæ divinitus super Matthiam cecidit, alii ab aliis diversa senserint, meam ipse sententiam exponam. Mibi enim videtur Scriptura sortem appellare divinum illud munus, quo declarabatur Choro hierarchico, quisnam divino suffragio electus erat.* Quidam vero existimant, revera sortes fuisse jactas. Quod quidem peculiare fuit in Matthiæ electione, nec in exemplum proponi potest. Christus enim, cum illum ipse vellet eligere, ne minor quam cæteri Apostoli videretur, in animos Apostolorum divino suo injectit afflatu, ut per sortes rem gererent, Tirinus in cap. 1. Act. Apostol. num. 26. ita scri-

scribit: *conjectis nominum chartulis in urnam, & instinctu divi-
no certiores redditi, Deum hac sortitione demonstraturum, utrum
e duobus vellet.*

3. Cum ii omnes, qui Matthiam elegerant, ipso Pentecostes
die in eodem essent, loco, vehemens ex improvise ventus coortus
est, quo tota domus, in qua erant, concussa est. *Et cum comple-
rentur dies Pentecostes, erant omnes pariter in eodem loco: & fa-
ctus est repente de Cælo sonus, tamquam advenientis spiritus vehe-
mentis, & replevit totam domum ubi erant sedentes: verba sunt
A. A. Apostol. cap. 2. vers. 1. Ad quæ verba Tirinus post Pagni-
num alioque Interpretes notat: Non necessarium est, fuisse verum
ventum, sed sufficit fuisse verum sonum, qualis excitare solet a
vento valido ingruente. Si enim homines possunt sine vento similem
vento excitare sonum, cur id non possit Deus? Ad illum soni-
tum excitatus universus populus eo accurrit, ubi erant Apo-
stoli; ibi enim vehementius ac commoveri, & sive sonus sive
strepitus, quæcumque causa esset, unde oriretur, gravior ingruere
videbatur. Et apparuerunt illis dispersæ lingue tamquam ignis,
seditque supra singulos eorum: itaque repleti sunt omnes Spiritu
Sancto: non quod tum sanctificantem gratiam primum sint con-
sequuti, sed quod maxima in iis facta fuerit gratiæ accessio, ut de
adventu Spiritus Sancti verba faciens S. Leo Homil. 3. de Pentecost.
tom. 1. op. edit Lugdun. pag. 159. cap. 1. ait: Non ut tunc
primum esse Sanctorum inhabitator inciperet, sed ut sacrata sibi
pectora & ferventius accenderet, & copiosius inundaret, cumulant
sua dona, non inchoant, nec ideo novus opere, quia diutior largitate.*

4. Ad eam justificantis gratiæ accessionem, septem indita illis
fuere Spiritus Sancti dona, de quibus Isaïas cap. 11. v. 2. *Et requiescet
super eum spiritus Domini, spiritus sapientiæ, & intellectus,
spiritus consilii & fortitudinis, spiritus scientiæ & pietatis, &
replebit eum spiritus timoris Domini.* Gratia illæ etiam iis tum
infusæ fuerunt, quæ gratis datæ appellantur, de quibus loquitur
D. Paulus 1. ad Corinth. cap. 12. ut Parthi, Medi, & quic Me-
sopotamia, Judæa, Cappadocia, Ponto, Asia, Phrygia, Ægypto,
Romani, Judæi illuc convenerant, aliique multi, quos comme-
morat Lucas in Actis cap. 2. v. 6. vehementer demirati sint, quod
Apostolos sua quisque audisset lingua de Deo ejusque potentia &
magnitudine loquentes. *Facta autem hac voce convenit multitudo,
& mente confusa est, quoniam audiebat unusquisque lingua sua il-
los loquentes. Stupebant autem omnes, & mirabantur dicentes: Non-
ne ecce omnes isti, qui loquuntur, Galilæi sunt? Et quomodo nos au-
divimus unusquisque linguam nostram, in qua nati sumus? Audivimus
eos loquentes nostris linguis magnalia Dei? Stupebant autem*

*Ingruente so-
nitu quodam
vehemente, des-
topus est Spi-
ritus Sanctus
super Aposto-
los, & appa-
ruerunt lin-
guæ igneæ su-
per eorum co-
pita dispersi-
tæ.*

*Cum gratia
sanctificantis
superiori copia
indita sunt A-
postolis septem
dona Spiritus
Sancti.*

omnes, & mirabantur adinvicem dicentes: Quidnam vult hoc esse?

*Hierosolyma
omnium Sym-
ci-ritatem no-
bilitissima. In-
credibilis mul-
titudine illuc
confluebat die
Pentecostes.*

5. Nobilissima tum temporis erat Asiæ Civitatum Hierosolyma, cujus pulcritudinem describit Josephus de Bello Judaico lib. 6. cap. 18. *Prospicit ejus, quam proditis pulcritudinem, quale Oppidum, quale Templum, quam multarum gentium munera!* In ea Judææ Gentis Conventus agebantur; in ea Synagogæ omnium Gentium, quotquot essent Judaici nominis, Alexandrinorum, Libertinorum, Cyrenensium, & Cilicum; & Arcis Antoniæ Romanorum prædiiarii milites custodiam gerebant. In Festis solemnioribus ex remotissimis terræ partibus Judæi illuc confluebant, ut suæ Gentis viderent Metropolim. Maxima vero frequentia conveniebant die Pentecostes, ut fusc probat Joannes Christophorus Haremburgius Auctor Heterodoxus Dissertatione *de Miraculo Pentecostali* tom. 2. Dissertationum in loca quædam Novi Testamenti edit. anno 1732. pag. 575. num. 5.

*Apostolos
quidam existi-
mabant ebrios
esse. Joëlis O-
raculum tunc
bene adimple-
tum.*

6. Itaque nil mirum, si e tanta turba, quæ eo, ubi erant Apostoli accurrerat, extiterit aliquis, qui eos se vino ingurgitasse ausus sit dicere. *Alii autem irridentes dicebant: quia muslo pleni sunt isti.* Act. Apostol. cap. 2. Tum vero Petrus tamquam Ecclesiæ caput una cum aliis Apostolis prodiit ad multitudinem, elataque voce declaravit, eos non esse ebrios: *non enim, sicut vos estimatis, hi ebrii sunt;* sed Joëlis impleri oraculum, qui prædixit, novissimis diebus futurum, ut Spiritum suum in homines Deus effunderet. Qua in re adnotarunt Interpretes, Joëlem de temporibus loquutum, quæ Hebræorum captivitatem consequuta sunt, & de poenis, quas Deus ab hostibus populi sui sumserat; cumque dixerit, Deum nonnisi exiguo numero Prophetarum dona concessa sunt, futurum autem aliquando, ut non solum viri, sed etiam foemine Spiritu Sancto, non quidem levi & transeunte, sed diutina effusione uberrime perfunderentur, numquam perfecte eam prophetiam adimpletam fuisse, quam post Jesu Christi resurrectionem: non enim Apostolis tantum, sed multis aliis quamplurimis sacro Baptismo ablatis Linguarum & Miraculorum dona concessa sunt. Ea vero miraculorum, & linguarum gratia tribus primis Ecclesiæ seculis ad Fidem constabiliendam maxime fuit conspicua, atque identidem prout opus est etiamnum sese exerit & ostendit. Vide Calmetum in Joëlem cap. 2. n. 28. & in cap. 2. Act. Apost. num. 17.

*Salmafus
confutatus.*

7. Salmafus dicere ausus est, donum linguarum fuisse datum Apostolis non per modum habitus, sed per modum actus transeuntis, adeo ut eo dono præditi fuerint ipso Pentecostes die, donec igne lingue in eos delapsæ eorum capitibus insedere, quibus dilapsis, Apostoli eo linguarum dono caruerint. Sed ab ipsius suæ sectæ auctori-
bus

bus vel impugnatus est, vel desertus; qui licet hæreticas partes sequantur, audacem ejus propositionem nullo fundamento innixam esse cognoscunt. Marius Gothfredus Thilus Dissert. *de Linguis igniis* tom. 2. Dissertation. in Nov. Testam. Edit. Amstelod. ann. 1702. pag. 430. n. 17. observat, cum exploratum perperumque sit, Apostolos variis linguis loquutos esse, iis præsertim, quæ opus erant ad eas Gentes ad Fidem convertendas, quibus Evangelium prædicarent, si eas linguas labore & industria didicissent, neque habitu infuso veluti haustas adhibuissent, nihil quidquam fuisse in hac re quod mirificum videretur; neminem enim esse satis constat, qui idem non possit, si perdiscendis linguis paullo habilior sit. *Si enim habitus ille linguarum non fuit infusus, sed crebris exercitiis comparatus, nil novi accessit Apostolis, cum id cum quolibet homine commune habeant.* Et Joannes Christophorus Haremburgius cit. Dissert. *de Miraculo Pentecostali* §. 15. libenti subscribit animo veræ sententiæ, quæ statuit, non solum Apostolos, sed etiam primæ Ecclesiæ Christianos fuisse præditos dono linguarum, quas Gentibus ad Christi ovile revocandis adhiberi oporteret.

8. Jam vero ut cæteras res a B. Petro gestas perfequamur, fuit illud tempus cum Princeps Apostolorum, tamquam Caput Ecclesiæ, egregiam habuit orationem, quæ est in cap. 2. Act. Apostol. cujus vi tria hominum millia sunt abluta Baptismate, & penitentiam egerunt. Chrysostomus Homilia 4. in Acta Apost. de illa Petri Oratione mentionem injiciens, *Apostoli*, inquit, *communem vocem edebant, ac Petrus omnium erat os, sed adstabant illi undecim, testimonio suo comprobantes ea, quæ ab illo dicebantur.*

9. Ut Pentecostes Mysterium declaretur, quasdam proponemus quæstiones, quarum prima ea est, quænam esset in lege veteri Solemnitas Pentecostes. Festum illud igitur quinquaginta dies post Pascha, seu verius post secundam Azymorum diem celebrabatur, ut primæ fruges Deo offerrentur, & ut Legis memoria coleretur, quam quinquaginta dies post Pascha in Monte Sinai a Deo Moyses acceperat. Sic enim jubet Deus in Levitico cap. 23. v. 15. *Numerabitis ergo ab altero die Sabbathi, in quo obtulistis manipulum primitiarum, septem hebdomadas plenas; usque ad alteram diem expirationis hebdomadæ septimæ, id est quinquaginta dies: & sic offeretis Sacrificium novum Domino.* Et c. 16. v. 8. *Deuteronomii: Sen diebus comedes azyma, & in die septima, quia collecta est Domini Dei tui, non facias opus. Septem hebdomadas numerabis tibi ab ea die, qua selem in segetem miseris, & celebrabis diem festum Hebdomadarum Domino Deo tuo, oblationem spontaneam manus tuæ, quam offeres juxta benedictionem Domini Dei tui.*

Celebris Oratio B. Petri ad populum, cujus citotiter mille homines Baptismum susceperunt.

De Pentecoste Hebræorum. Quæ illa Solemnitas, & quando celebraretur.

tui. Legem autem a Deo Moyſi traditam habes in cap. 20. Exodi. Conſiderat vero Calmetus in cap. 2. Act. Apoſtol. verſ. 1. Pentecoſtem legis feſtum appellari; quod, ut diximus, eo inſtitutum eſt, ut Legis coleretur memoria, quam a Deo Moyſes accepit in Monte Sinai; Pentecoſtes autem nomine quinquageſimam diem ſignificari, bene obſervat Pougetus Inſtitut. Catholicar. tom. 1. pag. 865. Edit. Pariſien. anni 1725. Si quem plura de Hebræorum Pentecoſte cognoscendi cupido ceperit, is Alphonſum Toſtatum, nomine Abulenſem, adeat in cap. 23. Levit. Quæſt. 41. qui docet, in veteri Teſtamento Azymorum Feſtum in memoriam inſtitutum eſſe libertatis, quam Ægyptiacæ ſervituti ereptus Judaicus populus eſt conſequutus; Pentecoſtem autem in memoriam Legis Moyſi datæ in Monte Sinai: In feſto Azymorum primarum frugum manipulum offerri conſueviſſe; In Pentecoſte panis primitias: quemadmodum vero in Feſto Azymorum ante oblationem primarum frugum non licebat iis veſci, & polentam conficere; ita vetitum fuiſſe in Pentecoſte, ne quis panem prius manducaret, quam oblatuſ fuiſſet. Præter panes in Pentecoſte animalia etiam offerrebantur, ut habetur Levit. cap. 23.

*De Pentecoſte Chriſtiano-
rum. Analogia inter illam
& Pentecoſtem Judæi-
ſtam.*

10. Secunda quæſtio eſt, quid apud nos ſit feſtivitàs Pentecoſtes. Inter utramque Pentecoſtem, noſtram ſcilicet, & Judæorum, analogiam quamdam intercedere docet Iſidorus lib. 1. de Officiis Eccleſiaſticis cap. 32. *Concordat autem hæc feſtivitàs Evangelii cum feſtivitàte Legis*. Poſtquam enim Judæi, ſacrificatio agno, celebraverant Paſcha, quinquaginta diebus jam elapſis, vetus lex digito Dei ſcripta Moyſi eſt tradita: in nova autem lege, quinquaginta itidem diebus poſt Paſcha celebratum in mortis Jeſu Chriſti memoriam, qui tamquam immaculatus Agnus ad ſacrificium ductus eſt, celebratur adventus Spiritus Sancti, qui Dei digitus appellari ſolet. *Illic enim poſteaquam Agnus immolatus eſt, interpoſitiſ quinquaginta diebus, data eſt lex Moyſi ſcripta digito Dei: hæc poſtquam occiſus eſt Chriſtus, qui ſicut ovīs ad immolandum ductus eſt, celebratur verum Paſcha, & interpoſitiſ quinquaginta diebus, datur Spiritus Sanctus, qui eſt digitus Dei, ſuper centum viginti Diſcipulos*. Huc accedit, quod in veteri lege, quando vox Dei audita eſt, atque lex Moyſi fuit tradita, celebrari cœptum eſt Pentecoſtes Feſtum; & in Lege nova idem Feſtum inſtitutum eſt poſt adventum Spiritus Sancti, cum Apoſtoli linguarum, & miraculorum dona acceperunt, & Magnalia Dei cœperunt loqui, ut pergit Iſidorus loco citato. *Pentecoſtes dies hinc capit exordium, quando Dei vox in Sina monte deſuper tonantiſ audita eſt, & lex data Moyſi. In novo autem Teſtamento Pentecoſte*

coste cepit, quando adventum Spiritus Sancti, quem Christus promissit, exhibuit, quem ait non esse venturum, nisi ipse ascenderet in Cælum. Denique dum Portam Cæli Christus intrasset, decem diebus interpositis, intremuit subito orantibus Apostolis locus, & descendente Spiritu Sancto super eos, inflammati sunt, ita ut linguis omnium gentium Dei Magnalia loquerentur. Et S. Leo serm. 73. de Pentecoste 1. cap. 1. Sicut enim Hebræo quondam populo ab Ægyptiis liberato, quinquagesimo die post immolationem Agni, Lex data est in Monte Sina; ita post Passionem Domini, qua verus Dei Agnus occisus est, quinquagesimo a Resurrectione ipsius die in Apostolos plebemque credentium Spiritus Sanctus illapsus est, ut facile diligens Christianus agnoscat, initia veteris Testamenti Evangelicis ministrasse principiis, & ab eodem Spiritu conditum Fœdus secundum, a quo primum fuerat constitutum.

11 Tertia quæstio est, qui numerus fuerit eorum, qui in unum convenerant locum, quando Spiritus Sanctus Cælo delapsus est; & solisne Apostolis accessio illa gratiæ facta fuerit, donaque Spiritus Sancti, & gratiæ gratis datæ fuerint concessæ. Cui quæstioni responderi affirmative potest, cum Apostolis ibi fuisse mulieres, Beatam Virginem, & Fratres Christi Domini, ut supra diximus, & ut est in Actis Apostol. cap. 1. ac verisimile esse, omnes simul centum & viginti admodum fuisse. Nam totidem paucis ante diebus ad S. Matthiæ electionem convenerant. Beza ibi non nisi Apostolos fuisse contendit, qui jure vapulata Tirino. in cap. 2. Act. Apostolor. Beza id inepte restringit ad solos Apostolos. Eundem confutat etiam hæreticarum partium scriptor Joannes Christophorus Haremburgius Dissert. De Miraculo Pentecostali num. 9. *Homines, qui interfuerunt huic miraculo, sunt vel Candidati Spiritus Sancti, vel spectatores. Candidati illi erant viginti ultra centum, quos Petrus paullo ante adloquutus erat, & quorum consensu Matthiæ sortito Apostolatus obtigerat. Quis vero dubitat, quin Apostoli cum cæteris Christianis cultus sacri causa fuerint in uno loco? Nec alibi solis Apostolis dona Spiritus Sancti & linguarum concessa, sed potius cum cæteris Christianis communicata sunt. Præterea fidenter responderi potest, super omnes Spiritum Sanctum fuisse delapsum. Sed et enim supra singulos eorum; verba sunt ex cap. 2. Act. Apostol. Quamobrem Chrysostomus Homil. 4. in idem caput ita scribit: Quid autem? An in duodecim venit tantum, non etiam in cæteros? Nequaquam; sed venit etiam in illos centum viginti. Idem confirmat D. Augustinus Tract. 19. in Joannem: Centum & novem cum Apostolis undecim, centum & viginti erant, quando simul congregati post ejus Ascensum expectaverunt, & receperunt Spiritum Sanctum.*

Qui numerus fuerit eorum, qui eo convenerant, quo Spiritus Sanctus delapsus est. Beza refutat.

*Quid fuerit
donum lingua-
rum Apostolis
collatum.*

12 Quarta Quæstio est, quid eis linguarum donum fuerit collatum, idest an Apostoli, dum propria prædicarent lingua, ab omnibus, qui audirent, intelligerentur; an vero facultatem haberent, ut omnium sermones, non quidem eodem tempore, sed ut ferebat occasio, loquerentur. Hanc tractat quæstionem Divus Thomas 2. 2. quæst. 176. art. 1. ubi docet, potuisse Deum utrumque linguarum donum Apostolis conferre, sed probabilius esse, atque etiam magis decuisse, Apostolos omnium linguarum esse peritos; non solum enim opus erat, ut ab omnibus intelligerentur, sed ut ipsi ea, quæ ab aliis dicerentur, intelligerent, quæque adversus eorum doctrinam objicerentur. Cui rationi favet textus D. Pauli ex Epist. 1. cap. 14. ad Corinthios: *Gratias ago Deo meo, quod omnium vestrum lingua loquor*. Quamquam haud negaverimus potuisse aliquando contingere, ut propria utentes lingua ab omnibus intelligerentur, ut demonstravimus lib. 3. de Canonizat. Sanctior. cap. 46. num. 6. & sequen. Consonat Tirinus in caput 2. Act. Apost. num. 4.

*De Unguis
igneis. Quid
revera essent.
Calmeti sen-
tentia. Nova
opinio Serry.*

13 Quinta quæstio pertinet ad ignem, & linguas: *Et apparuerunt illis dispersitæ lingue tanquam ignis, sedisque supra singulos eorum* Act. Apost. cap. 2. v. 3. Quæritur enim an verus fuerit ille ignis, & quid per eas linguas dispersitas sit intelligendum. Calmetus in cap. 2. Act. Apostol. v. 3. ait, non fuisse illum materiale ignem, & elementarem, sed fulgorem quemdam non ab similem igni, qui symbolum erat luminis, & ardoris, quem in Apostolos cæterosque Spiritus Sanctus injiciebat: frequenter enim linguæ nomen tribui rebus, quæ desinunt in acumen, ut cum eam terram, quæ in mare porrigitur, terræ linguam, & fretum, quo mare in terram protenditur, maris linguam appellamus; itaque verisimile esse, eas igneas linguas nihil aliud fuisse, quam igniculos, seu exiguas flammulas, quæ super eos, qui illic aderant, hac illac dispersitæ sint. Serry Exercit. 62. num. 9. novo quodam modo rem explicat. Ait enim, non apparuisse supra unumquemque eorum, qui aderant, igneas linguas, sed omnes hianti ore obstupuisse, eorumque linguas veluti igneas & dispersitas visas esse; non enim dicere sacrum textum, linguam super uniuscujusque caput apparuisse. *Et apparuerunt illis dispersitæ lingue, tanquam ignis, sedisque supra singulos eorum*; atque ultima verba non ad linguas ignis, sed ad Spiritum Sanctum esse referenda, qui super eos stare dicitur, quorum in pectore inhabitat; præsertim cum sacer textus pergat: *Et repleti sunt omnes Spiritu Sancto*.

14 Verum nos, quibus novæ & a communi sensu abhorrentes opiniones minime arrident, satis commode solvi quæstionem putamus, si ignem dicamus fuisse materialem & elementarem: nec quidquam obest, quod Sacer textus habeat: *tamquam ignis*; alibi enim ait, Spiritum Sanctum *sicut Columbam* super Christum esse delapsum; & tamen communis sententia est eam, quæ super Christum descenderit, veram fuisse Columbam. Nec probari potest P. Serry explicatio; non enim sacer textus solum habet, *Et apparuerunt illis dispersitæ linguæ*, ut dictum oportuit, si ex hianti eorum ore dispersitæ linguæ apparuissent, sed integer textus est: *Et apparuerunt illis dispersitæ linguæ tamquam ignis*; quidem ignis non super eorum linguas, sed *sedis super singulos eorum*. Neque etiam verba illa, *sedis super singulos eorum* ad Spiritum Sanctum sunt referenda, cum statim sequatur: *Et repleti sunt omnes Spiritu Sancto*, & cum verba illa, *sedis super singulos eorum*, nexu quodam conjungantur & continentur cum iis, *Et apparuerunt illis dispersitæ linguæ sicut ignis*. Cum vero S. Lucas voluit innuere, eos Spiritu Sancto uberrime fuisse perfusos, novam inchoat orationem: *Et repleti sunt omnes Spiritu Sancto*. Vid. Gortius par. 2. tom. 4. de verit. Relig. Chr. c. 39. §. 4. n. 26.

Ignis ille, qui fuit elementarius. Serry resutatus.

15 Quæstionem hanc tractant etiam Protestantes in Dissertationibus, quas supra nominavimus. Thilus Dissertat. *de Linguis ignitis* §. 14. utramque commemorat opinionem; neutra tamen illi præcipua. Ait enim: *ita sua cuique sententia*. Sed Joannes Christophorus Haremburgius Dissertat. *de miraculo Pentecostali*, Sect. 2. num. 17. acriter in Soleichum invehitur, qui eandem, quam P. Serry extulit opinionem. *Verum quis tam levis est, ut linguas intra oris septum igneas fuisse existimet? Quis ita statuit? Cum fictionibus & larvis pugnas*. Interpretum Principes, quotquot ego vidi, non dissecant linguas Apostolorum, nec linguas dispersas intra ora collocant: sed in æra visas fuisse ausumant. Nos igitur, ut paullo ante, a sententia P. Serry declaramus toto animo abhorre; nec Pictores reprehendendos arbitramur, qui cum Apostolos die Pentecostes in unum cœtum collectos expriment, igniculos ad linguarum exemplum super eorum capita delapsos pingunt; nam S. Cyrillus Hierosolymitanus Catechesi 17. scribit: *Sedis (Spiritus Sanctus) super illos, ut novæ coronæ spirituales per linguas igneas imponantur capiti illorum*.

Alia opiniones, quæ non probantur.

16 Sexta quæstio est de loco ubi erant Apostoli alii que, in quos Spiritus Sanctus illapsus est. Ex Actis Apostolicis cap. 1. v. 13. compertum habemus, Apostolos, postquam Christum in Cœlum ascendente vidissent, reversos Hierosolimam in Cœnaculum se-

De loco, ubi erant Apostoli, quando descendit Spiritus Sanctus. Quid sit Cœnaculum

se-

secessisse, ubi Spiritum Sanctum acceperunt. *Et cum introissent in Cœnaculum ascenderunt, ubi manebant Petrus, & Joannes &c.* Cœnaculum nihil aliud est, quam superior domus pars a frequentioribus partibus longe remota, ideoque orationi accommodatissima; ut constat ex cap. 8. v. 5. Judith: *In superioribus domus sue fecit (Judith) sibi secretum cubiculum, in quo cum puellis suis clausa moraretur.* Et cap. 6. Genes. jubet Deus, Noe construere in Arca *Cœnacula*, & *Tristega*, id est duas tresve aliam super aliam contignationes. Templi pars superior *Cœnaculum* appellatur. *Per cochleam ascendeabant in medium Cœnaculum*, hoc est per eam scalam ascendeabant ad contignationem, quæ media inter cæteras intercederet. Eodem sensu accipienda illa ex cap. 3. lib. 2. Paralipomenon: *Cœnacula quoque texit auro;* & Lucas Act. Apost. cap. 20. narrat, dum Paulus Troade prædicaret, juvenem quemdam in fenestra sedentem; somno oppressum, e tertia domus contignatione decidisse: *Cecidit de tertio Cœnaculo.* Ex profanis etiam Scriptoribus probatur, superiorem domus partem fuisse cœnaculum, quos vide apud Menochium cap. 5. lib. 1. in Act. Apostol.

Cujusnam domus illa esset, in cujus superiore partem secesserant Apostoli. Verisimile, fuisse domum, Mariæ matris Joannis, cui nomen Marcus, qui fuit comes Pauli, & Barnabæ.

17 Quæritur cujusnam domus illa esset, in cujus superiorem partem secesserant Apostoli, cum Spiritus Sanctus in eos illapsus est. Nicephorus Joannis Evangelistæ, Theophylactus Simonis leprosi, Euthymius Josephi ab Arimathæa, aut Nicodemi domum illam fuisse tradunt. Baronius, Janfenius, Canisius, Lorinus, & Menochius loco citato scribunt, fuisse domum Mariæ, quæ illius Joannis mater erat, qui Marcus nominabatur, quique postea comes fuit Pauli; & Barnabæ, dum prædicando Evangelio terras peragrabant. Hæc opinio veritati videtur esse propior. Nam Apostoli cum essent Hierosolymis, habitare eam domum consueverant, in qua Spiritum Sanctum postea acceperunt, ut legitur in Actis Apost. cap. 1. v. 13. *In Cœnaculum ascenderunt, ubi manebant Petrus: & Joannes, Jacobus, & Andreas.* Et cap. 12. Petrus Angelorum ope a vinculis liberatus domum Mariæ matris Joannis, qui nominabatur Marcus, tamquam ad hospitium, quo consueverat, se contulit, atque inde abiit, veritus ne iterum conjiceretur in carcerem, quod Hebræi, quo ille se recipere solitus esset, probe noverant.

*Discrepan-
dia, quæ vide-
tur esse inter
Acta Apostolo-
rum, & Evan-
gelium Luca
de loco, in
quem Spiritus
Sanctus de-
scendit,*

18 S. Lucas cap. 24. v. 3. postquam Christi descripsit Ascensionem in Cœlum, ait: *Erant (Apostoli) semper in Templo laudantes & benedicentes Deum.* At juxta Acta Apostolorum, ut modo innumus, Apostoli, cum Spiritus Sanctus descendit, erant in Cœnaculo, & perseverabant unanimiter in oratione cum

miu-

mulieribus, & Maria Matre Jesu, & fratribus ejus. Quod quidem creare turbas videtur. Si enim Apostoli postquam ex Monte Olivarum rediere, semper fuere in Templo, ibi certe fuisse etiam oportuit, cum super eos descendit Spiritus Sanctus. Id tamen cum eo non cohæret, quod scribit Lucas, Apostolos fuisse tum in Coenaculo.

19 Plures erant diætæ in Templo: quamobrem in lib. 4. Regum cap. 11. & Paralipomenon lib. 2. cap. 22. proditum est, Regem Joas a nutrice per plures annos in Templo educatum. Quod cum ita sit, utrumque textum quidam ita componunt, ut dicant, Coenaculum, ubi erant Apostoli, cum super eos descendit Spiritus Sanctus, fuisse aliquam ex iis diætis, quæ essent super Templum, & ideo partem ejusdem Templi: ita ut sive dicamus, Spiritum Sanctum esse delapsum, cum Apostoli essent in Coenaculo, sive descendisse dicamus, cum essent in Templo, semper res ipsa in Templo contigerit. Sed hoc non sit verisimile. Meticulosi enim Apostoli, & persecutionibus obnoxii, neque in Templo, neque in aliquo Templi conclavi conventus ejusmodi unquam agitaissent. Maldonatus in cap. 24. Lucæ num. 43. Evangelistæ textum in hunc modum explicat: *Quod autem semper in Templo fuisse dicit, non sic intelligendum, quasi nunquam exirent e Templo; sed sic ut significetur, non aliis occupatos fuisse rebus per totos illos quinquaginta dies, quam oratione.* At Eftius in id. cap. 24. num. 53. vult, Apostolos ante Spiritus Sancti delapsum ab ore hominum subductos se domi continuisse; & ad hoc tempus referre ea verba ex Actis Apostolorum; postquam vero descendit Spiritus Sanctus, tunc assiduos fuisse in Templo, & huc referenda esse Evangelii verba. Consonat cum eo Calmetus in id. cap. 24. Lucæ vers. 53. & in cap. 1. Act. Apost. vers. 15.

20 Si Maldonati explicationem amplectamur, perquam facile nobis erit Evangelium cum Actis Apostolorum conciliare; nam si plerumque Apostoli sese domi continebant; interdum vero, cum possent, Templum adibant *horis Orationi destinatis, & temporibus opportunis, idque maxime ante acceptum Spiritum Sanctum*, ut bene concludit Duhamel num. 53. in Lucæ cap. 24. facile intelligitur, quonam modo, quin ulla sit pugna cum Evangelico textu, Spiritus Sanctus super Apostolos descenderit, cum in unum congregati orationi vacarent, non in Templo, sed in Coenaculo. Si autem cum Eftio assiduos dicamus fuisse Apostolos in Templo, non ante, sed post delapsum Spiritum Sanctum, summovetur omnis, quæ inter utrumque textum videbatur esse, discrepantia. Acta enim loquuntur de tempore, quod Spiritus Sancti delapsum

*Uterque
modus satis
apertè con-
cordat, inter
Acta & Evan-
gelium Lucæ.*

præcessit; Evangelium vero de tempore, quod Pentecostem consequutum est. Neque vero nos longius abire nobis videmur, si moneamus, etiam nunc in Terra sancta ædem extare a D. Helena extructam, deinde a Regina Siciliæ denuo ædificatam eodem prorsus loco, ubi magnum Pentecostes miraculum contigit, ut videre est apud Quaresmium lib. 4. Elucidat. Terræ Sanctæ cap. 5. tom. 2.

*In quam.
diem ceciderit
eo anno Pen-
tecoste.*

21 Septima quæstio est, in quem inciderit diem Pentecoste eo anno, quo Spiritus Sanctus in Apostolos illapsus est. Judæis enim, qui non certo & præfinito quodam die, sed in primi mensis quartadecima Luna celebrabant Pascha, quicumque tandem esset ille dies, in quem ea Luna caderet, ne Pentecostes quidem festus dies, qui a Paschate quinquagesimus numeratur, certus & constans esse poterat.

*Ex Romanæ
Ecclesiæ tra-
ditione cecidit
eo anno Pen-
tecoste in
Dominicam.*

22 Vulgaris responsio est, Pentecostem in Dominicam cecidisse. Et sane constans & perpetua fuit Ecclesiæ disciplina, celebrandi Pentecostem die Dominica post quinquaginta dies a Paschate. Neque tamen desunt, qui eo anno Pentecostem in diem Dominicam cecidisse, haud ita perspicuum esse dicunt, & loca quædam afferunt ex S. Clementis Constitutionibus, & serm. 154. S. Augustini de Tempore, quæ quidem opera Critici ab illis Auctoribus abjudicant, ut notat Tillemontius nota 8. ad Vitam S. Petri, & Gravesonus de Mysteriis & annis Christi pag. 425. Verum cum S. Leo scribat serm. 1. & 3. de Pentecoste, die post Ascensionem decimo, & a Pascha quinquagesimo in Apostolos Spiritum Sanctum esse delapsum, cumque Pascha in Dominicam diem ceciderit, necessario consequitur, etiam Pentecostem in diem Dominicam cecidisse, cum præsertim idem S. Leo Epist. 11. alias 81. ad Dioscorum cap. 1. tom. 1. op. pag. 220. de Dominica loquens ita scripserit: *In hac Mundus summis exordium; in hac per Resurrectionem Christi & mors interitum, & vita accepit initium; in hac Apostoli a Domino prædicandi omnibus gentibus Evangelii tubam sumunt, & inferendum universo Mundo Sacramentum regenerationis accipiunt; in hac, sicut Beatus Joannes Evangelista testatur, congregatis in unum Discipulis, januis clausis, cum ad eos Dominus introisset, insufflavit, & dixit: Accipite Spiritum Sanctum... in hac denique promissus a Domino Apostolis Spiritus Sanctus advenit.* Verum quidem est, Sanctum Leonem circa quinti seculi dimidium vixisse; sed credere æquum est, id eum scripssisse, quod ex Romanæ Ecclesiæ traditione acceperit; quam quidem traditionem ne Protestantes quidem hac de re oppugnant, ut videre est apud Usserium in Annalibus pag. 642. apud Pearsonium in notis post-

posthumis ad Acta Apostolorum pag. 30. & in Synopsi Criticorum Sacrorum itidem in Acta Apostol. pag. 402.

23 Verum, si quinquagesimus dies a secundo, ut diximus, azymorum die numerabatur, quod diserte testatur Josephus lib. 2. Antiquit. cap. 10. *Secunda die Azymorum, quæ est mensis hujus decima sexta, frugibus de messibus & hæcenus intactis incipiunt frui, æquumque rati, Deum hujus ubertatis auctorem per multitudinem honorari, bordei primitias offerunt; primus autem azymorum dies anno Christi emortuali cecidit in sextam Feriam, necessario secundus in Sabbathum incidit, itidemque in Sabbathum eo anno Pentecostem incidisse oportuit.* *Proponitur gravis quedam difficultas adversus eam Traditionem.*

24 Hanc difficultatem quidam solvere nituntur negando Christum anno emortuali suo Pascha Judaicum celebrasse: Et cum eo anno Pascha inciderit in Sabbathum, ideoque secundus Azymorum dies in Dominicam, inde probant, Pentecostem cecidisse in Dominicam. Alii vero fatentur, Christum feria quinta, sed contendunt Judæos eo anno feria sexta celebrasse Pascha; ita ut primus azymorum dies in Sabbathum, secundus in Dominicam, adeoque itidem in Dominicam Pentecoste inciderit. Verum eo anno Christum eodem, quo Hebræi, die Judaicum celebrasse Pascha alibi demonstravimus, ac Hebræos neque anteverisse Pascha, neque in alium diem distulisse; quamobrem ejusmodi responsio nobis minime satisfacere potest. *Solutio quedam non probata.*

25 Neque vero iis possumus assentiri, qui fidenter affirmant, anno Christi emortuali primum azymorum diem in feriam sextam, secundum in Sabbathum, ideoque in Sabbathum itidem incidisse Pentecostem, quæ eo die ab Hebræis pariter & Christianis celebrata fuerit; neque iis qui affirmant, eo anno Hebræos sabbatho, Christianos Dominica Pentecostem celebrasse. Harum opinionum primam amplectitur Serry exercit. 62. num. 4. alteram bene multi sequuntur apud Antonium Perez: & Theophilus Raynaudus tom. 9. pag. 653. *Tandem Pentecostem Judaicam eo anno, quo Christus obiit, incidisse in diem Sabbathi, nihil est quod veteres admittere, quamvis ex Traditione certum habeamus, Pentecostem Christianam, de qua agit Sanctus Lucas, incidisse in diem Dominicam.* Sed prima evertit, quod supra statuimus, anno Christi emortuali Dominica Pentecostem esse celebratam; secunda vero quasi certum & exploratum ponit, alio Hebræos, alio Christianos die celebrasse Pentecostem, & Divum Lucam non de Hebræorum, sed de Christianorum Pentecoste esse loquutum; quod tamen ita est incertum, ut contra Bellarminus certum esse dixerit, eodem die Christianos & Judæos Pentecostem celebrasse. *Nam ut habemus Actor. 2. v. 1.*

Spiritus Sanctus venit dum complerentur dies Pentecostes, idest ipso die Pentecostes Judæorum; non enim Divus Lucas potest intelligi de alia Pentecoste, quam Judæorum. Tom.2. Controvers. lib.3. de cultu Sanctorum cap.13.

Alii ejus difficultatis dissolvende modi

26 Quidam ut Pentecostem etiam anno Christi emortuali tum ab Judæis tum a Christianis celebratam esse probent die Dominica, textum repetunt ex Levitico in cap.23.v.1. *Numerabitis ergo ab altero die sabbathi, in quo obtulistis manipulum primitiarum, septem hebdomadas plenas usque ad alteram diem expletionis hebdomadæ septimæ, idest quinquaginta dies, Et sic offeretis sacrificium novum Domino; ac non a Sabbatho, seu a secundo azymorum die, sed a Dominica insequenti, ideoque a tertia azymorum die quinquaginta dies numerandos esse contendunt; ex qua numerandi ratione aperte intelligitur, eo anno, quo Christus obiit, Pentecostem in Dominicam incidisse. Hæc sententia est Hefychii, Ruperti, & Sylvii in illud Levitici caput 23. Et Suarez in 3. par. D. Th. tom.2. Disp.46.num.1. nihil in hac sententia se ait reperire, quod sacræ Scripturæ adversetur. Ratio numerandi hos dies a secundo azymorum exclusive, nihil habet repugnans Scripturæ &c. Scriptura enim solum dicit: Numerabitis ab altero die Sabbathi, in quo obtulistis manipulum primitiarum: quod sine ulla vi, aut improprietate exponi potest ab illa die exclusive. Ulterius etiam Suarez progressus, hanc explicationem ne Josephi quidem verbis supra allatis adversari contendit, quibus tamen vim inferre nobis videtur. Propterea Bellarminus loco citato eorum referens sententiam, qui statuunt, quinquaginta dierum primam diem esse ipsam secundam Azymorum, tamquam illius opinionis adstipulatorem affert Josephum, ac deinde ait: *Et sane movet me multum auctoritas Josephi, quippe qui noverat praxim ejus legis, cum ipse quoque esset Sacerdos, Et vixisset in Hierusalem, cum adhuc lex illa servaretur.**

Bellarmini sententia.

27 Pergit idem Bellarminus, suamque exponens sententiam ait, quinquagesimam diem in quam Pentecoste incideret, morem plerumque numerandi fuisse ab ipsa Azymorum secunda die; eam tamen rationem non semper esse servatam. Nam si secunda azymorum in Sabbathum incidisset, ut anno Christi emortuali contigit, cum frumentum eo die non liceret demetere, exsiccare, & ad Sacerdotem afferre, propterea quinquaginta dies a tertia azymorum, seu Domicica numerabantur; quæ computandi ratio Pentecostem eo anno in Dominicam cecidisse ostendit. Hanc veluti a se excogitatam proponit Bellarminus responsionem, ac negat apud quemquam Scriptorem tale quidpiam se reperisse. Eam tamen

tamen antea Baronius attulerat ad ann. Chr. 34. num. 239. probatque Juveninus de Sacram. Dissert. 4. Quæst. 2. art. 1. §. *Respondeo cum Bellarmino*, & Gravesonius de mysteriis & annis Christi pag. 425. quamquam Calmeto minime placet, qui Sabbatho etiam licuisse putat frumentum demetere, & spicas offerre, cum Deo debita oblatio fieret, legisque præceptum impleretur. Vide Calmet. in Act. Apostol. cap. 2. vers. 1.

28. Denique duas quidam statuunt Pentecostes; alteram Judæorum, Christianorum alteram, ut supra dictum est, & Pentecostem, qua Lucas Spiritum Sanctum in Apostolos illapsum esse narrat, eam fuisse affirmant, quam Christiani celebraverint, quæque a Resurrectione Christi quinquaginta diebus numeratis, etiam anno Christi emortuali in Dominicam incidit, non vero Pentecostem Hebræorum in eo Lucæ loco intelligendam, quæ a secunda die azymorum inita quinquaginta dierum ratione, eo anno in Sabbathum ceciderit. Favet huic sententiæ Menochius in lib. 1. Act. cap. 8. num. 2. eamque multis fretus rationibus tuetur a Lapide in cap. 2. Act. Apost. vers. 1. §. *Nota secundo*, & in cap. 23. Levit. vers. 15. Lucas enim non Judæis, sed Christianis scripsit Acta Apostolorum, cumque librum multos annos post Christi mortem composuit, cum disciplina jam inuenta esset, non a secunda Azymorum, sed Resurrectionis Christi die, quinquaginta dies numerandi ad Pentecostem. Sed hæc quibusdam non probantur. Si enim Apostoli eadem qua Hebræi die celebrarunt eo anno Pascha, quid causæ fuit, quamobrem eodem anno Pentecostem cum Hebræis non celebraverint? Huc accedit, quod Lucas narrat Act. cap. 20. Divum Paulum, cujus comes erat in itineribus, properasse, ut, si possibile sibi esset, diem Pentecostes faceret Jerosolymis. Quod si in eo loco Lucas non de Christianorum, quæ celebrari potest ubilibet, sed de Judæorum Pentecoste loquitur, quæ solum Hierosolimæ celebranda erat, juxta legem Exodi cap. 23. & Levitici cap. 16. quid est, cur Lucas, cum cap. 2. Actor. dicit: *Cum complerentur dies Pentecostes*, non sit intelligendus de Pentecoste, quæ a Judæis celebrabatur? Vid. Calmet. loc. cit. Serry Exercit. 62. n. 3. Tournely loc. cit. pag. 485. Vuitasse de Sacram. Eucharist. par. 1. edit. Paris. pag. 154. quorum duo primi opinionem hanc ut falsam, duo alii ut veram proponunt.

29. Ipse Tournely postquam omnes, quas supra memoravimus sententias attulit, hæc subjicit pag. 486. *Ex his variis responsionibus eligat prudens Lector, quam probabiliorem judicaverit.* Idem & nos possemus dicere; sed ne Lectorem suspensum relinquamus, probabiliorem videri nobis declaramus eam sententiam, quæ

Alii statuunt eo anno duplicem Pentecostem, alteram Judæicam, Christianorum alteram; quod non facile quis crediderit.

Bellarmini & Baronii verisimilior sententia.

quæ statuit, quinquaginta dies numerandos a Dominica, cum secunda azymorum dies in Sabbathum incideret; neque fas fuisse Sabbatho metere, exsiccare, colligere manipulos. Atque hæc est Baronii & Bellarmini sententia, cui favet etiam Gottus cit. Opere cap. 39. §. 3. num. 19. Nam qui licuisse putant Judæis Sabbatho ea opera agere, cum fierent in Dei honorem, idque probare nituntur Rabbīnorum aliquot auctoritate, refelluntur ipso Exodi textu ex cap. 34. vers. 21. qui nullo discrimine prohibet frumentum demeti Sabbatho. *Sex diebus operaberis, die septima cessabis arare & metere*; opera autem, quæ natura sua sunt servilia, ne ad usum quidem Templi, atque in Dei honorem fieri poterant die Sabbathi.

*De hora, qua
elapsus est
Spiritus San-
ctus.*

30. Octava quæstio ad horam pertinet, qua Spiritus Sanctus delapsus est. Atque ea facile solvitur; tradunt enim, ut paulo post docebimus, Acta Apostolorum, eam fuisse horam ab orto Sole tertiam; atque huc respicere videtur Ecclesia, quæ canit

*Cum lucis hora tertia
Repente mundus intonat,
Apostolis orantibus
Deum venire nuntiat.*

Canit itidem ad Horam tertiam in die Pentecostes, *Veni Creator Spiritus*, loco Hymni *Nunc Sancte nobis Spiritus*; quod observant Gavantus sect. 6. cap. 18. de Festis, & Meratus in Notis ad Gavantum par. 1. tom. 2. pag. 475. Cum Apostoli, ut supra dictum est, variis linguis cœpissent loqui, fuere qui eos ebrios esse dixerunt. Respondit Petrus: *Non sicut vos aestimatis, hi ebrii sunt, cum sit hora diei tertia*. Itaque hinc nonnihil oritur difficultatis; neque enim satis bona ratio videtur ad ebrietatem rejiciendam allata, quod tertia esset hora ab orto Sole; nam tertia post ortum Solis ebrium esse quæpiam, haud ita alienum a vero est. Ut hanc amoveant difficultatem quidam, animadvertunt, penes Hebræos prandii horam fuisse in meridie, ut colligitur ex Genesi cap. 43. v. 25. *Illi vero parabant munera, donec ingrederetur Joseph meridie*; audierant enim, quod ibi comesturi essent panem; & apertius ex ejusdem capituli versu 16. ubi ita loquitur Joseph: *Introduce viros domum, & occide viſtimas, quoniam tecum sunt comesturi meridie*; & ex cap. 13. Daniel. *Cum autem populus revertisset per meridiem, ingrediebatur Susanna, & deambulabat in pomario viri sui*; ac deinde narrat Sacer textus, impuros senes dixisse: *Eamus domum, quia hora prandii est*. Et ex Evangelio Joann. cap. 4. ubi Evangelista, indicata colloquii hora inter Jesum Christum, & mulierem Samaritanam, narrat accessisse ad eum Discipulos orantes,

tes, ut cibum sumeret: *Rabbi manduca*. Flavius Iosephus in vita sua pag. 1020. narrat, lege Hebræorum severe vetitum fuisse, ne quis ante meridiem Sabbatho manducaret, aut biberet. Ex quo Serry Exercit. 62. num. 5. novam rationem profert suffulciendæ sententiæ suæ, nimirum Sabbathi die Spiritum Sanctum esse delapsum. *Ex quo etiam novum petitur fundamentum statutæ a nobis paullo ante sententiæ confirmandæ, Spiritum Sanctum non die Dominica Christianorum, sed ipsa die Sabbathi missum esse.* Verum cum ex Iosepho compertum sit, non licuisse Hebræis non solum die Sabbathi, sed ne alio quidem die Festo comedere aut bibere ante meridiem, patet ipso Pentecostes die, qui erat Judæis maxime celebris, optime Petrum eos refutasse, qui Apostolos ebrios esse dicebant, cum tertia esset hora ab ortu Solis; nec ullius roboris esse illum Iosephi locum ad confirmandam Patris Serry sententiam, Spiritum Sanctum non Dominica, sed Sabbatho in Apostolos descendisse. Vid. Calmet. in cap. 2. Act. Apost. vers. 15.

31. Ex iis quæ hætenus disseruimus facile colligitur, quid per Festum Pentecostes Fidelibus ab Ecclesia repræsentetur, nimirum Sancti Spiritus in Apostolos illapsus; nec quidquam peculiariter admonendum restat de vetustate Festi, quod sine ulla dubitatione ab Apostolis est profectum; quamobrem quæstionum. Auctor sub Iustini nomine quæst. 145. ubi de ea consuetudine loquitur, qua Dominicis diebus & Pentecoste non flexis genibus, sed stantes oramus, testatur Pentecostem ab Apostolis derivatam esse; idque etiam tradi ab Irenæo. *Atemporibus Apostolorum consuetudo talis accepit initium, prout ait Beatus Irenæus Martyr & Episcopus Lugdunensis in libro de Paschate, ubi quoque mentionem facit Pentecostes, in qua genua non inflectimus, quoniam pari est cum die Dominica potestate.* Quanta autem sit Festi hujus solemnitas, ex verbis Leonis Magni ostenditur serm. 73. de Pentecoste 1. cap. 1. pag. 155. *Hodiernam solemnitatem, dilectissimi, in præcipuis Festis esse venerandam omnium Catholicorum corda cognoscunt. Nec dubium est, quanta huic diei reverentia debeatur, quem Spiritus Sanctus excellentissimo sui muneris miraculo consecravit.*

*Pentecostes
Festum sine ulla
dubitatione
ab Apostolis
profectum.*

32. Extant ex veteri disciplina firmissima argumenta, quæ probant Pentecostes nomen olim significasse tum diem ipsum, quo Spiritus Sanctus in Apostolos Cælo delapsus est, tum etiam quinquaginta dies inter Pascha & Pentecostem interjectos. Quapropter Tertullianus de Idolatria cap. 14. Gentibus insultans ait: *Ethnici semel annus dies quisque festis est tibi (Christiane) octavo quoque die, id est Dominica. Excerpe singulas solemnitates Nationum, & in Ordinem sexæ, Pentecostem implere non poterunt.*

*Pentecoste in
veteri disci-
plina non tam
ipsum diem,
Festi significat,
quam quin-
quaginta dies
inter Pascha
& Penteco-
stem interje-*

Canon Con-
cilio Illiberita-
ni explicatus.
Quinquaginta
dies inter Pa-
scha & Pen-
tecosten om-
nes festi olim
fuere.

33 Extat Concilii Illiberitani Canon 43. *Pravam institutionem emendari placuit juxta auctoritatem Scripturarum, ut cuncti diem Pentecostes celebremus: quod qui non fecerit, quasi novam heresim induxisse notetur.* Albaspinæus ad hunc Canonem observat, non posse ex illius verbis intelligi, num de solo Pentecosten die, an de quinquaginta diebus post Pascha in eo Canone sermo sit. Non omnino liquet, hoc Canone decretum diem dumtaxat Pentecosten, an quinquaginta post Pascha dies celebrandos. Sed cum in quibusdam Manuscriptis Codicibus reperiatur, *Pravam institutionem emendari placuit juxta auctoritatem Scripturarum, ut cuncti diem Pentecosten post Pascha celebremus, non quadragesimam, sed quinquagesimam: Qui non fecerit, quasi novam heresim induxisse videtur:* propterea idem Albaspinæus candide fateatur, Canonem intelligendum non de solemnibus Pentecosten die, sed de quinquaginta diebus, qui Pascha consequuntur. Certum est superioribus temporibus Pentecosten non unicum diem; a Paschate ad Pentecosten totos dies a Christianis celebratos, &c. Quapropter in eam potius sententiam hunc Canonem acciperem, ut dies quinquaginta, quam unicum Pentecosten diem observandum statuatur. Thomassinus etiam neque Illiberitani Canonis meminit, nec Albaspinæi notas commemorat, tamen lib.2. de dieb. Festor. celebrat, cap.16. num.7. ait, quinquaginta illos dies olim festos omnes fuisse.

Ita tamen,
festi fuerunt
quinquaginta
illi dies, ut
non cessatum
sit ab operibus
servilibus.

34 Quo autem pacto, quibusque significationibus quinquaginta horum dierum Festivitas celebraretur, haud ita facile est definire. Nam ab omnibus cessatum esse servilibus operibus, non est verisimile. Qui enim artifices, qui labore manuum suarum victum sibi parant, tolerare vitam potuissent? Quo redigi oportuisset agros, qui quinquaginta dierum spatio cultu omni caruissent? idque locis citatis optime advertunt Albaspinæus & Thomassinus.

Festivitas il-
lorum dierum
celebrabatur
legendis in
Ecclesia Apo-
stolica Actis.
Nullum per
eos dies jejunium, nulla
oratio flexis
genibus. Octo
prius diebus
fiebant forami-
nalia; reliquis nul-
lum licetbat
edere specio-
culum.

35 Itaque festivitatem quinquaginta horum dierum celebratam esse statuimus Actis Apostolicis in Ecclesia legendis, ut constat ex Homil. 63. S. Jo: Chrysostomi tom.5. ubi Sanctus Doctor quaerit, *Cur in Pentecoste Acta legantur?* & ideo legi respondet, quod miracula Apostolorum, quibus Resurrectio Domini confirmatur, iis Actis contineantur. Præterea nullum per eos dies jejunium, nulla flexis genibus oratio; prorsus ut in Dominica; quamobrem Tertullianus de Corona Militis cap.3. *Die Dominica jejunium nefas ducimus, vel de genitalibus adorare. Eadem immunitate a die Paschæ in Pentecosten usque gaudeamus.* Idem prorsus ait Epiphanius de Expositione

Fidei

Fidei num. 22. *Quinquaginta Pentecostes diebus neque genua flectantur, neque jejunium indicitur; tempus enim illud lætitiæ exigendum propter Christi Domini Resurrectionem. Huc accedit, quod etsi primis octo diebus sileret forum, & ab Actis publicis cessaretur, ut colligitur ex serm. S. Augustini 19. inter eos quos edidit Sirmondus tom. 10. pag. 811. in Octava Paschatis habito, Peraſti sunt dies feriati, succedunt jam illi conventionum, exactio-num, litigiorum; tamen per eos omnes dies nullum edere spectaculum, nullam Comœdiam dare licebat, ut ex Theodosii Junioris lege intelligitur quinta Tit. 5 de spectaculis, lib. 15. Codicis Theodosiani. Denique eos dies statuamus cum Albaspinæo loco citato celebrari & agitari consuevisse publicis de more Missarum Sacrificiis, Eucharistiæ quoque sumptione sanctissime obita, aut elogiis recitandis. Et consonat Gretſerus lib. 1. de Festis cap. 31. ubi hæc scribit: Neque unquam omnes illi dies quinquaginta ita Christianis fuerunt festi, ut in omnibus ab omni opere servili abstinerent. Qui enim hoc per quinquaginta continuos dies fieri potuisset? Sed festi ideo dicuntur, quod toto illo tempore rigidior disciplina nonnihil relaxaretur, & lætitiæ etiam externæ magis, quam aliis temporibus indulgeretur propter Domini Resurrectionem, & salutis nostræ reparationem.*

36 Quemadmodum Sabbathum in pervigilio Pentecostes mos erat administrandi Baptismatis: olim enim hujus Sacramenti administrationi duo illi dies erant præstituti, ut patet ex Siricii Papæ epistola ad Himerium Tarraconensem Episcopum, ex epist. 4. & 80. Leonis Magni, & ex epist. 1. cap. 12. Gelasii Papæ. Videatur Vicecomes De Ritibus Baptismi lib. 1. cap. 22. ubi egregia, qua solet, eruditione materiam hanc pertractavit. Temporibus a quibus haud longe distat nostra ætas, in aliquibus Ecclesiis fieri consuevit benedictio Cerei, cujus formulam edidit Martene de antiqua Ecclesiæ Disciplina in divin. celebrand. Officiis cap. 28. pag. 538. primæ edit. Per eadem tempora in Missa Pentecostes, lecta Epistola, dum caneretur hymnus, *Veni Sancte Spiritus*, tubarum sonitu Ecclesia perſtrepebat, ad illum sonum significandum, qui advenientem Spiritum Sanctum præcessit; e recto etiam flammæ ignis demittebantur, ac tota Ecclesia Columbæ volitabant, ac rosæ passim spargebantur, ut testatur Durandus lib. 6. cap. 107. Hujusmodi retinetur etiam nunc Messianæ cæremonia, teste Macro in Vocabulario Ecclesiastico verbo *Pentecostes*, & in aliquibus præterea Ecclesiis tum in Italia, tum maxime extra Italiam; qua de re vide Gretſerum lib. 1. de Fest. c. 28. in aliis vero locis sublata est, quod turbas crearet in populo, &

Olim hæc die conferebatur. Baptismus. Fiebat Benedictio Cerei. Aliæ consuetudines sublata, quod turbas crearent in populo.

Tom. X.

Y y

quod

quod ejusmodi rebus a Sacrorum Myſteriorum contemplatione Fideles avocarentur. Baillet. Hiſtor. hujus diei §.2. num.7.

*Jejunium
in pervigilio
Pentecoſtes.*

37 Quod vero attinet ad eam, quæ nunc viget, diſciplinam; in pervigilio Pentecoſtes ſervatur jejunium; de quo quibuſdam in locis mentio fit in Jure Canonico. Can. Noſſe Diſtinct.76. hæc habentur: *Non minore lætitia celebramus diem Pentecoſtes, quam Sanctum Paſcha curavimus. Tunc enim ſicut modo fecimus, jejunavimus Sabbatho vigiliis celebravimus.* Et Can. Scire ead. Diſt. Scire debet Sanctitas veſtra. *Per hos quinquaginta dies nobis eſt jugis, & continuata feſtivitas: ita ut hoc omni tempore neque ad obſervandum indicamus jejunia, neque ad exorandum Deum genibus ſuccedamus.* Et paullo poſt: *Neceſſario ergo Eccleſia conſtituit, ut poſt diem Pentecoſtes jejunia celebrentur; ſed quod in illis quinquaginta diebus jejunandum eſſe negatur, ex obſervantiæ neceſſitate intelligitur.*

Ex conſuetudine præceptum eſt jejunium in Pervigilio Pentecoſtes. Falso Quæſnelus aſſeruit, non fuiſſe illud jejunium ante ſæculum 12.

38 Paulo ante diximus, nullum antiquitus inter Paſcha & Pentecoſtem fuiſſe jejunium. Sed conſequuta ſunt tempora, cum laudabilis inveſta eſt jejunandi conſuetudo in Pervigilio Pentecoſtes. Nam quod audaſter affirmat Diſſertatione 6. Quæſnelus, ante 12. ſæculum in Eccleſia Romana nullum fuiſſe in pervigilio Pentecoſtes jejunium, falſum omnino deprehenditur. In Sacramentario enim Gelafii, quod vulgavit Venerabilis Dei Servus Cardinalis Thomasius, & in Sacramentario itidem Leoniano ab erudito viro Blanchino Congregationis Romanæ Oratorii S. Philippi Nerii Presbytero nuperrime edito in Miſſa ſecunda hujus diei mentio fit jejunii in pervigilio Pentecoſtes. Ex quo manifeſtum eſt, ejusmodi Diſciplinam duodecimo ſæculo eſſe multo vetuſtiorem, ut bene advertit Meratus par.2. tom.1. egregii ſui operis, pag.1215. Nunc vero ex conſuetudine præceptum eſſe jejunium in pervigilio Pentecoſtes docet Gavantus tit. *De die Sancto Paſchæ uſque ad Feſtum Trinitatis*, cujus verba refert etiam Meratus loc. cit. pag. 1197.

Benedictio Fontis in Sabbatho Pentecoſtes. Ludovicus Vives putat, per quinquaginta dies olim Baptiſmum adminiſtrari conſueviſſe.

39 Quemadmodum in Pervigilio Paſchæ, in Pentecoſtes itidem pervigilio fit Baptiſmalis fontis benedictio; hunc enim ritum retinere voluit Eccleſia, ne ejus diſciplinæ memoria interiret, qua olim iis duobus ſolummodo diebus, niſi urgeret neceſſitas, Baptiſmus conferebatur, ut prima noſtra inſtitutione obſervavimus. Atque hic obiter adnotare liceat, Ludovicum Vives, quod in Notis ad cap. 8. lib.22. Auguſtini de Civitate Dei, ſcripſerit in veteri olim Eccleſia non in ſolo Pentecoſtes pervigilio, ſed toto illo tempore, quod a Paſchate ad Pentecoſtem excurrit, Baptiſmum adminiſtrari conſueviſſe, a Vicecomite

mite de Ritibus Baptismi lib. 1. cap. 25. acriter reprehendi, & veluti folius Grammaticæ peritum perhiberi. Eum vindicare aggressi sunt Albertus, & Cave, qui ut confirment non in solo Pentecostes pervigilio, sed toto etiam tempore inter Pascha & Pentecostem interjecto Baptismum administrari consuevisse, quemadmodum Vives affirmavit, locum illum afferant ex Tertulliano de Baptismo c. 19. *Diem Baptismo solemniorum Pascha præstat, & exinde Pentecostes ordinandis lavacris latissimum spatium est, quo & Domini Resurrectio inter Discipulos frequentata est, & gratia Spiritus Sancti dedicata.*

40 Canon 93. sextæ Synodi Parisiensis ita præcipit: *Sicut autem duobus temporibus, Pascha videlicet, & Pentecostes Baptismus, ita etiam traditio Spiritus Sancti per impositionem manuum Fidelibus tribuebatur.* Quibus verbis palam fit, in Paschate & Pentecoste quemadmodum Baptisma ita Confirmationis Sacramentum consuevisse conferri. Neque id mirum; nam post Baptismum proxime Confirmatio conferebatur, ut Institutione sexta editionis latinæ observavimus. Ritus administrandi Confirmationem statim post Baptismum accurate describit Mabillonius in Commentar. ad Ordinem Romanum num. 15. tom. 2. Musei Italici. Occidentalis Ecclesia postea disciplinam mutavit, & Baptismi administratio a Confirmationis collatione sejuncta est. Ne autem vetustatis omne vestigium aboleretur, restat etiamnum consuetudo, ut in Pentecoste utrumque Episcopus conferat Sacramentum.

41 Quæ in Missis Prose leguntur post Graduale, quatuor numerantur; quarum altera incipit *Victimæ Paschali* in Pascha; altera *Lauda Sion* in Festo Corporis Christi; tertia *Dies iræ* in aliquibus Missis Defunctorum; quarta denique *Veni Sancte Spiritus*, in Pentecoste; quæ omnes idcirco Prose appellantur, quod nulla in iis habeatur mensuræ carminis ratio. Primus ad hunc modum scribendi auctor fuisse perhibetur Notkerus Monachus S. Galli, qui vixit 10. seculo; atque illi Bailletus loc. cit. num. 8. Prosam *Veni Sancte Spiritus* tribuit. Sunt qui ejusdem Prose auctorem putant fuisse Robertum Francorum Regem, qui vixit seculo 11, alii B. Hermannum Contractum, qui mortuus est anno 1054. Quidam denique verisimilius eam Prosam Innocentio III. tribuunt, qui ducentis post Robertum Regem vixit annis; ea enim Prosa extat inter illius Pontificis Opera, ut observat Meratus par. 2. tom. 1. pag. 1216.

42 Scripsit Theophilus Raynaudus Opusculum de *Primâ Missa* tom. 6. editum; in quo scopus auctoris est ostendere, sta-

Olim in Paschate & Pentecoste conferebatur Confirmatio.

Quatuor Prose recensentur, quæ recitantur in Missa. Quæ cujusque eorum fuerit Auctor.

Primam Missam Apostoli dissulerant 25

que ad Pentecostem, cum nova lex satis promulgata fuit.

tim post Resurrectionem primam Apostolos Missam celebrasse. Verisimilior autem Cardinalis Bonæ sententia est Rer. Liturgicar. lib. 1. cap. 5. qui dilatam existimat ab Apostolis primæ Missæ celebrationem usque ad Pentecostem, cum divino Sancti Spiritus haustu sunt repleti; vetus enim viguit lex usque ad Pentecostem; nam nova lex ante Pentecostem nondum satis promulgata habebatur: quamobrem, Sacerdotio nondum translatum, non decebat novum Sacrificium offerri, ut nos etiam docuimus Institutione 21.

CAPUT XII.

De Festo Sanctissimæ Trinitatis.

Decretalis
Quoniam de
Festis illa
statuitur.

1 Sanctissimæ Trinitatis Festum Dominica, quæ Pentecostem proxime consequitur, celebramus. Ad ejus Festi cognitionem animadversiones quasdam afferemus ad Decretalem Quoniam Tit. de Feriis. Ea sic habet: *Præterea Festivitas Sanctissimæ Trinitatis secundum consuetudines diversarum Regionum a quibusdam consuevit in Octavis Pentecostes, ab aliis in Dominica prima ante Adventum Domini celebrari. Ecclesia siquidem Romana in usu non habet, quod in aliquo tempore hujusmodi celebret specialiter Festivitatem, cum singulis diebus Gloria Patri Et Filio Et Spiritui Sancto, Et cætera similia dicantur ad laudem pertinentia Trinitatis.*

Ea Decretalis
non Alexandro
III. sed
Alexandro II.
tribuenda est.

2 Hanc Decretalem Alexandro III. tribuunt: certe in Corpore Juris Canonici nomen illius Pontificis præfert; atque his vestigiis insinuat Joannes Baptista Casalius de Veteribus Sacris Christianorum Ritibus edit. Romanæ 1647. pag. 422. Quidam vero Auctorem existimant Alexandrum II. optima sane ducti ratione. Micrologus enim de ea Decretali libro de Ecclesiasticis Officiis cap. 60. ait: *Unde piæ memoriæ Alexander Papa de hac re inquisitus respondit juxta Romanum Ordinem, nullum diem specialiter adscribi debere solemnitati Sanctæ Trinitatis, sicut nec Sanctæ Unitatis, precipue cum in omni Dominica, immo quotidie utriusque memoria celebretur.* Vixit Micrologus sub S. Gregorio VII. ut constat ex cap. 14. ejus libri. Gregorius vero creatus est Pontifex anno 1073. Quapropter ejus Decretalis, quam citat Micrologus, auctorem esse oportet Alexandrum II. qui ad Pontificiam dignitatem euectus est anno 1061. nam Alexander III. Pontificatum est adeptus anno 1159. Itaque optime in rem nostram

fram Martene cap. 28. num. 22. de antiqua Eccl. Discipl. in celebran. divinis Offic. ait: *Hoc Decretum, quod citatur extra de Feriis cap. Quoniam sub nomine Alexandri Papæ III. est secundi hujus nominis Pontificis, qui illo utitur ad improbandam institutionem Festi Sanctissimæ Trinitatis. Et Thomassinus de dieb. Festor. celebrat. lib. 2. cap. 18. num. 11. Micrologus mortuus est ante Alexandrum III. Pontificem. Alexander ergo, cujus meminit, secundus ejus nominis existit sub finem seculi.*

3. In ea Decretali docet summus Pontifex, in pluribus Ecclesiis morem fuisse celebrandi Festum Trinitatis, & in aliis quidem octava die post Pentecostem; in aliis prima ante Adventum Dominica. Id vero ex epistola Caturfi colligitur ad Carolum Magnum, qui anno 800. suscepit Imperium. *Ergo, mi Rex, si vobis placeat hoc consilium pro his omnibus, pro te, & pro exercitu Christianorum, ut unum diem post jejunium in anno in honore Sanctæ Trinitatis, & Unitatis, & Angelorum, & omnium Sanctorum celebrem, constituas super Regnum tuum cum consilio Synodi Francorum.* Alia profert monumenta Martene loc. cit. cap. 28. num. 22. Alexandri II. ætate priora, quibus evincitur, in aliquibus Regionibus Festum Sanctissimæ Trinitatis celebrandi morem fuisse. Stephanum Leodiensem Episcopum, qui anno 920. mortuus est, constat jussisse scribi Sanctissimæ Trinitatis Officium; & Riquierium, qui ei successit, in sua Diœcesi recitari voluisse; quam disciplinam vicinæ Ecclesiæ amplexæ sunt, quod ostendit Bailletus in Institutione hujus festi §. 1. num. 2. Joachimus Hildebrandus Hæreticarum partium sc̃ctator Traſtatu de Priscæ, & Primitivæ Ecclesiæ sacris Publicis, & diebus Festis, Amstelodami edito ann. 1702. pag. 59. solemnem semper fuisse ait in Ecclesia Sanctissimæ Trinitatis Festivitatem, eamque tamquam Octavam Pentecostes habitam esse; quod autem celebretur non ut Octava Pentecostes, sed ut Festivitas Sanctissimæ Trinitatis, id ante nonum seculum negat usu esse receptum.

4. Hoc Festum Alexander secundus in ea Decretali non improbat; quod videtur existimasse Micrologus: ait enim tantum summus Pontifex, certum quemadmodum non præscribi ab Ecclesia Romana diem, quo Sanctissimæ Trinitati cultus adhibeatur. Lululentia sane sunt Decretalis verba; atque id probe Thomassinus animadvertit loc. cit. num. 2. *Cæterum Romanus Pontifex non respuit, ut paullo liberius scribis (Micrologus) festum hunc diem, sed ei minime est suffragatus Ecclesiarum cæterarum ritus non condemnans.* Et Gonzalez in notis ad illud cap. *Quoniam de Feriis: Unde, inquit, cum Alexander consultus fuisset, utrum liceret specialem*

Monumenta; quæ probant quod dicit ea Decretalis, in quibusdam Ecclesiis die octavæ Pentecostes, in aliquibus prius Dominica ante Adventum hoc Festum celebrari.

Pontifex non improbat ea Decretali hæc Festivitates.

cialem diem dicari huic Festiuitati, ut Patres Gallicani fecerant, respondit, Ecclesiam Romanam non consueuisse speciali die hoc mysterium colere, cum singulis diebus dicatur, Gloria Patri &c. unde non damnauit Alexander consuetudinem Ecclesiarum, ubi certo & præfinito die celebratur, sed tantum certum diem huic Festiuitati non indixit. Denique docet Decretalis, non esse consuetudinem in Ecclesia Romana certo & præfinito die peculiarem cultum tribuendi Sanctissimæ Trinitati, cujus quotidie in honorem in fine cujuslibet Psalmi cantetur hymnus Gloria Patri &c.

In Ecclesia Romana nulla erat præfinitus dies huic Festiuitati. Quilibet Dominica huic cultui est assignata. Sanctissimo Trinitas est obiectum, quo refertur omnis cultus. Gloria Patri & Filio &c. quidam putant in Concilio Nicæno compositum.

5. Quamlibet Dominicam peculiari erga SSmā Trinitatem cultui destinatam esse, nec tamen id repugnare quominus illi cultus adhibeatur, qui deinde introductus est in prima Dominica post Pentecostem, ostendit Suarez rationibus e Theologia depromtis de Religione lib.2. cap.4. Ejusmodi enim cultus additus est ad maiorem reuerentiam Trinitatis, & ut expressa memoria tam in Officio proprio, quam in concionibus illius Mysteriorum fieret; Cum præsertim certissimum sit, Sanctissimam Trinitatem obiectum esse præcipuum, quo cultus omnis refertur, qui ab Ecclesia Deo tribuitur; per illum enim cultum, quem Sanctis tribuimus, Christo Domino, cujus membra sunt Sancti, honorem exhibemus; cum autem Jesu Christo habetur honor, qui Filius Dei est, & unus in substantia cum Patre & Sancto Spiritu, facile quod modo dicebamus inde colligitur, omnis Religiosi cultus Trinitatem obiectum & finem esse præcipuum. Quod vero ad hymnum attinet Gloria Patri &c. quem Decretalis ait canitur quotidie, & fortasse in fine cujuslibet Psalmi, vulgaris quondam sententia fuit, in Nicæna Synodo eam orationem fuisse compositam; eam in Oriente addi solitam in fine cujuslibet Psalmi; ac laudabilem inuestari esse in Occidentem ejusmodi consuetudinem a Damaso Papa Hieronymo impulfore. Vid. Herrera lib.2. de Origine diuinor. Officior. & Gonzalez in cap. Quoniam in fine de Feriis.

Ostenditur ea Oratio Concilio Nicæno prior.

6. Sed hæc omnia falso affirmari compertum est: non enim in Nicæno Concilio ea oratio, seu, quemadmodum appellata est a Majoribus nostris, ea Glorificatio composita est; ejus enim meminit Basiliius epist. ad Amphiloichium cap.7. Proinde quod a majoribus nostris dictum est, *Es nos dieimus, gloriam esse communem Patri cum Filio* (loquitur de Spiritu Sancto) *quapropter & Glorificationis Hymnos Patri simul cum Filio offerimus.* Atque ante Basilium Magnus Athanasius Episcopus Alexandrinus de Virginitate, seu de Meditatione disertissime eum hymnum commemorat: *Cum surrexeris a mensa, rursum gratias agendo trinis uicibus dicas:*

Misera-

CAP. XII. DE FESTO SANCTISSIMÆ TRINITATIS. 359

Miserator, & misericors Dominus escam dedit simentibus. se. Gloria Patri, & Filio, & Spiritui Sancto; rursumque post aliam Glorificationem preces suas absolvas. Quorum Patrum auctoritate nitens Card. Bona de Div. Psalmod. c. 16. §. 6. Glorificationi majorem antiquitatem jure vindicat. Basilii enim a majoribus eam repetit; & Athanasius de re loquitur non tanquam nuper instituta, sed certa jam, atque perspecta.

7 Itaque verius dici potest, Apostolos jussu Christi Domini in nomine Patris & Filii & Spiritus Sancti Baptismum contulisse; atque inde ab Apostolicis usque temporibus Glorificationis hymnum Fideles canere cœpisse; Nicænæque Synodo verba illa tribui posse: *Sicut erat in principio &c.* quæ Nicæni Patres addiderint ad Arianorum hæresim jugulandam, qui Filium a Patre in tempore genitum, ac fuisse tempus cum non esset Filius, nefarie blasphemabant; quod colligitur ex Concilio Vasionensi paulo post Nicænâ Synodum habito in Gallia sub Julio Pontifice Constantii Imperatoris ætate, cujus Canones cum iis, qui secundi sunt Vasionensis Concilii sub Leone Magno permixtos habemus. Verba Concilii sunt: *Et quia non solum in Sede Apostolica, sed etiam per totum Orientem, & totam Africam, vel Italiam propter hæreticorum astutiam, quæ Dei Filium non semper cum Patre fuisse, sed a tempore fuisse blasphemant, in omnibus clausulis post Gloria Patri & Filio & Spiritui Sancto. Sicut erat in principio & nunc & semper, & in sæcula sæculorum, Amen, Dicitur; etiam nos in universis Ecclesiis nostris hoc ita dicendum esse decernimus.*

8 Atque hæc est doctorum virorum, qui in rebus Ecclesiasticis studium operamque suam posuerunt, sententia, cujusmodi est Baronius ad ann. Chr. 325. num. 175. & sequen. Bona de Divina Psalmodia cap. 16. §. 6. Lupus in Notis ad Concilium Nicænum cap. 7. tom. 1. pag. 109. primæ edit. Theophilus Raynaudus tom. 15. Operum suorum pag. 19. Cardinalis autem Bona eod. loco, postquam Cassiani testimonium attulit, qui lib. 2. de Instit. Cœnob. cap. 8. tradit, non fuisse in Oriente consuetudinem ad finem Psalmi cujuslibet canendi *Gloria Patri*, negat, disciplinam ejusmodi ab Oriente in Occidentem esse traductam Hieronymi cura & opera; Cassianum enim, qui quinquaginta vixit post Hieronymum annis, testari nihil ejus disciplinæ ætate suæ fuisse in Oriente; Qui aliter senserit, Hieronymi ad Damasum epistola esse deceptum; eam autem esse apocrypham. Et sane falso adscriptam Hieronymo eam epistolam putat etiam Schelstratus part. 2. Antiquitat. illustratæ, & Pagius in Breviario Romanor. Pontif. tom. 1. in Vita Damasi pag. 3. & sequen.

Ab Apostolis eo Oratio profecta. Fortasse in Nicænâ Synodo addita sunt illa: Sicut erat in principio.

Consuetudo canendi in fine cujusque Psalmi Gloria Patri non est tradita ab Oriente in Occidentem.

Concilium
Narbonense
ann. 589. ju-
bet, ad quem-
libet Psalmum
addi Gloria
Patri.

9 Affert Baronius ad ann. Chr. 548. num. 31. Canonem quemdam Concilii Narbonensis anno 589. idest centum & sexaginta post Hieronymi obitum annos habiti, cujus hæc sunt verba: *Ut in psallendis Ordinibus per quemque Psalmum Gloria dicatur Omnipotenti Deo: per majores vero Psalmos, prout fuerint prolixiores, pausationes fiant, & per quamque pausationem Gloria Trinitatis Domino decantetur.* Ejusmodi Decretum cæteræ quoque Ecclesiæ amplexæ sunt, quod satis esse putamus ut palam fiat, quam vere in sua Decretali dixerit Alexander II. fuisse morem, ut quotidie, & forsitan in cujuslibet Psalmi Glorificationis hymnus caneretur, *Gloria Patri &c.*

Joannes XXII.
Festum hunc
diem primum
celebrari jussit
Dominica pri-
ma post Pen-
tecosten.

10 Atque ut unde sumus digressi, eo regrediamur, cum earum Ecclesiarum disciplinam Ecclesia Romana non improbaverit peculiarem quemdam festum diem celebrandi in Sanctissimæ Trinitatis honorem, paulatim ea consuetudo cœpit pervulgari. Quapropter Rupertus Abbas, qui duodecimi seculi vixit initio, lib. 11. de Divinis Officiis cap. 1. scribit, ætate sua Festivitatem hanc vulgo celebrari cœptam esse; & Durandus, qui vixit vergente in finem seculo 13. etsi tradit, nonnihil varietatis esse in ea celebranda, testatur tamen pluribus in locis esse receptam. Quæ cum ad plures Ecclesias latius in dies vulgaretur, tandem ab ipsa Apostolica Sede suscepta est. Joannes enim XXII. qui obiit anno 1334. primus decrevit, ut prima post Pentecosten Dominica ab universali celebraretur Ecclesia. In id consentiunt Martene citat. cap. 28. Thomassinus cit. cap. 18. lib. 2. num. 13. Bailletus in Historia hujus Festi §. 1. num. 4. Ciaconius in vita Joannis XXII. Gavantus, & Meratus in Notis ad Gavantum tom. 1. par. 2. pag. 1222. Gonzalez in cap. *Quoniam* de Feriis num. 8. in fine. Herrera de Origine Divinorum Officior. lib. 2. cap. 52. Suarez loc. cit. num. 17. Pagius in Breviario Romanor. Pontificum tom. 4. in vita Joannis XXII. num. 86. & nos lib. 4. de Canonizat. Sanctorum ipsi demonstravimus par. 2. cap. 30. num. 1.

C A P U T XIII.

De festo Corporis Christi, quod Feria Quinta celebratur post primam Dominicam, quæ Pentecosten proxime consequitur, seu post Octavam ejusdem Pentecostes.

Destinandus
dies alius vi-
debatur a Fe-
ria v. mo-
ris Hebdoma-
de ad cele-
branciam Cor-
poris Christi
Solemnitatem

1 **A**B Apostolicis usque temporibus Feria Quinta in Cane Domini Sanctissimæ Eucharistiæ institutionem veneratur Ecclesia. Sed cum eo die in Passione & morte Christi Domini recolendis sancta versetur Ecclesia, & in plurimis cæremoniis occupata sit, optimum factu, & Deo gratum fore visum est, si pecu-

culia-

cularis quædam institueretur Festivitas lætitiæ & gaudii declarationibus celebranda, cui Feria Quinta post primam Dominicam Pentecostes destiuaretur. Quoniam vero de Sanctissimæ Eucharistiæ institutione fusc disputavimus, cum de Feria Quinta Majoris Hebdomadæ sermonem habuimus, nos hic tantummodo de hac nova addita Festivitate disseremus, quæ Feria Quinta post primam Dominicam Pentecostes celebratur.

2. Magna erga Sanctissimum Eucharistiæ Sacramentum devotione fuit Beata Juliana e Monte Cornelione ad Leodii Portas Hospitalaria. Quæ cœlesti quadam visione admonita, ut peculiariter Festivitate Sanctissima Eucharistia coleretur, postquam Prioris munus illi delatum fuit anno 1230. in Religiosa Domo Montis Cornelionis, rem omnem cum Joanne Canonico S. Martini Leodiensî communicavit, qui eam est cohortatus, ut a Theologis, & Episcopis consilium peteret. E Theologis quosdam ex Ordine Prædicatorum Fratres, ex Episcopis Cameracensem consultuit; consultor etiam est adhibitus Jacobus Pantaleo Trecentis Archidiaconus Leodiensis, Episcopus deinde Viroducensis, summus denique Pontifex Urbanus Quartus appellatus.

3. Probata est omnibus nova Festivitas, ejusque Officium curante B. Juliana compositum est. Etsi autem, ut in rebus, quæ Dei cultum tangunt, solet accidere, plures intercesserint difficultates, Robertus Leodiensis Episcopus in Concilio ann. 1246. habito novum hoc Festum per omnem Ditionem suam celebrari jussit, &, antequam e vita migraret, voluptatem eam cepit, ut novum hujus solemnitatis Officium coram se celebrari videret. Ad hunc modum institutam Festivitatem Hugo, qui Prior antea & Provincialis Fratrum Prædicatorum in consilium a Beata Juliana adhibitus rem omnem probaverat, Cardinalis postea creatus, & in Belgium Legatus ab Apostolica Sede missus, ab omnibus Præfulibus, & universo Clero Legationis suæ retineri jussit & coli; idemque qui ei in Legatione successit Capocius Cardinalis biennio post confirmavit.

4. Juliana, quæ negotium omne cum quadam pia muliere, quæ Leodii habitabat, nomine Eva, communicaverat, e vivis sublata est. Itaque Eva ab Henrico Leodiensî Episcopo, qui Roberto successerat, flagitare non destitit, ut Romanum Pontificem exoraret, quo nova Festivitas ad universalem proferretur Ecclesiam; cum præsertim in B. Petri Cathedra sederet Urbanus IV. qui visionem, qua B. Juliana monita fuerat, probe conscius, eam Festivitatem in Belgio, antequam creatus esset Pontifex, approbaverat.

*Origo hujus
Festivitatis B.
Juliana Leodii
de ea instituenda
consultavit Episcopos
& Theologos, inter quos Archidiaconum Leodiensem, qui postea fuit Urbanus IV.*

Probata omnibus Festivitas & Officium in Concilio habito anno 1246. Episcopus Leodiensis coram se jussit celebrari.

Apertur opud Apostolicam sedem de hac Festivitate ad universalem Ecclesiam extendenda.

*Urbanus IV.
negotium pro-
trahit: san-
dem miraculo
commotus ju-
bet Festivita-
tem in Eccle-
sia universali
celebrari.*

*De miraculo
Volsinienſi, quo
permotus fuit
Pontifex.*

5. Ejusmodi preces ad Pontificem jam pervenerant, qui rem adeo gravem, in qua de Festivitate ad universalem Ecclesiam extendenda agebatur, cunctando protrahebat, ne quid temere suscepisse videretur. Sed stupendo per id tempus miraculo edito Pontifex commotus Constitutionem, de qua mox sermonem habebimus, evulgavit, qua ab universali Ecclesia Festivitatem hanc celebrari mandavit.

6. Castrum est ad Volsinienſem lacum sub radices collis in via, quæ Romam per Hetruriam ducit, ab Urbeveteri haud longe distans, in qua tum Civitate Urbanus IV. cum Romana Curia morabatur. Eo in Castro contigit, ut Sacerdos quidam post consecrationem panis & vini, cum de transubstantiatione in Corpus & Sanguinem Jesu Christi cœpisset dubitare, ex improvviso Sanguis ex Hostia eruperit, qui linteam, seu Corporale commaculavit. Sunt qui narrant, Sanguinis guttam Sacerdotis imprudentia in linteam effusam; illum autem, quo suam tegeter negligentiam, multiplici plexu eam lintei partem, quo Sanguinis gutta decidebat, complicasſe; maculam deinde Sanguinis in formam Hostiæ in singulis lintei plexibus esse repertam. Cujus miraculi fama commotus Pontifex, ipse linteam inspicere voluit; ac novissimas preces memoria repetens, quæ ad peculiarem Festivitatem Corporis Christi impetrandam sibi erant expositæ; ea etiam revolvens animo, quæ Leodii multo antea acceperat, & accurato examine perpenderat; reputans præterea, quantopere necessarium esset, ut gliscens Berengarii hæresis, qui realem Corporis Christi sub speciebus panis & vini præsentiam impugnabat, auctoritate publica frangeretur, Constitutionem edidit, quæ in Bullario primum inter Urbani IV. Bullas obtinet locum, qua ad hæreticos comprimendos, & exaltandam Catholicam Fidem singulis annis eodem quo nunc die Festivitatem Corporis Christi in universali Ecclesia celebrari jussit. In eam Constitutionem Revelationes etiam, quas antequam ad Apostolatam esset evectus, cognitas habebat, inseruit. Nulla in hac Constitutione reperitur dies, qua eam Urbanus ediderit. Litteræ vero in forma Brevis ad piam mulierem, quam supra memoravimus, nomine Evam; quibus Pontifex de capto jam consilio certior facit, datæ sunt die octava Septembris anno 1264. Urbeveteri Pontificatus sui anno quarto. In Regestis Vaticanis, quæ in Bullario deest dies, Bullæ adscribenda, reperitur fuisse undecima Augusti anno 1264.

*Mortuo Ur-
bano IV. duo-
bus fere men-
sibus post edi-*

7. Postridie Kal. Octobris Urbanus migravit e vita. Diestemius in quodam opere ann. 1646. edito ait, Urbani Bullam receptam & executioni mandatam in Leodiensî dumtaxat Eccle-
sia

fia . Sed ea Bulla celebrandæ Festivitati constituit Feriam 5. post primam Dominicam Pentecostes ; data autem est die 11. Augusti ann. 1264. ut paullo ante monuimus ; quocirca facile intelligi potest , Diestemium nimio in Leodiensem Ecclesiam studio deceptum , cujus obedientiam erga Urbanum IV. Archidiaconum quondam suum conatur extollere , peculiarem Festivitatem , quæ ante Urbani Bullam Leodii celebrabatur , cum Festivitate confundere , quæ juxta Apostolicam Constitutionem Leodii itidem , ut in cæteris Christianæ Reipublicæ Ecclesiis , cœpit celebrari . Illud vere dici posse videtur , Urbanum , antequam illam Constitutionem ederet , & morte eriperetur , hanc Festivitatem solemniter celebrasse , quod colligitur ex ejus literis in forma Brevis ad Evam , quas ipse Diestemius affert : *Esseiat , quod nos ejusmodi Festum cum omnibus Fratribus nostris S.R.E. Cardinalibus , nec non cum omnibus Archiepiscopis , & Episcopis , cæterisque Ecclesiarum Prælatiis , tunc apud Sedem Apostolicam commorantibus , (ad hoc ut videntibus & audientibus de tanti Festi celebritate salubre præberetur exemplum) duximus celebrandum .* Cum autem paullo post datam Bullam excessisset e vita , nec quisquam urgeret , ut executioni mandaretur , quod innuit Glossa Clement. Unica de reliquiis & veneratione Sanctorum , inde factum est , ut annis insequentibus ejusmodi Festivitatem celebratam esse non reperiamus . De ea enim silet Durandus , qui post Urbani mortem duos & viginti vixit annos . Verum Clemens V. in Concilio Viennensi anno 1311. habito Urbani Constitutionem confirmavit , quam demisso animo , ut par erat , Patres , qui universalem repræsentabant Ecclesiam , acceperunt ; ut videre est in Clementina unica de reliquiis & venerat. Sanctorum . Cujus executionem Joannes XXII. qui anno 1316. Clementi V. successit , omni studio curavit , ad eamque rem Martinus V. & Eugenius IV. novis Indulgentiis tribuendis plurimum contulerunt , ut tandem in tota Ecclesia Festivitas celebraretur . Quamobrem sancta Tridentina Synodus sess. 13. cap. 15. eam solemnitatem Triumphum de hæresi appellat , & in eos , qui eam improbare audeant , anathema pronunciat Can. 6. Atque in eo loco sancta Synodus gravissimum illud scandalum animo præsens habuit , cum Augustæ Vindellicorum teste Surio in Commentar. fol. 150. in Processione Corporis Christi (in qua sanctam Eucharistiam gestabat Cardinalis Moguntinus , secularibus Principibus , & Clero præeuntibus , quos deinceps Carolus V. Imperator , aperto capite , cereum manu tenens , ac post eum Archiepiscopi , & Episcopi omnes sequebantur , & Umbellam alternis Principes viri gerebant) Saxoniar

*tem Bullam
Festivitatem
in ipso fuit in
sio intermor
tuam excita
vis Clemens V.
in Conc. Vien
nensi .
Eucharistia
cur adoratur &
adversus Cal
winum .*

Dux, & Lutherani Principes adesse noluerunt, ex quo maximam Imperator animi molestiam cepit.

8. Quærit a Catholicis Calvinus lib. 4. Institut. cap. 17. *quo prætextu consecrent hostiam, quam circumferant in pompa?* Cui facile respondemus, in pompa gestari ut adoretur. Id vero laudabile esset, etiamsi non subesset illis speciebus reali sua præsentia Christus, nam in sacris paginis proditum est, jussu Dei Arcam Domini ab Israelitis per plura loca, quanta maxima fieri poterat, celebritate circumferri consuevisse. Quanto igitur potiori ratione id fiat, cum illis speciebus Servator noster Christus Jesus contineatur, ut docet Catholica Ecclesia, quæ in Tridentina Synodo congregata, Augustissimo Ecclesiæ Sacramento Latriæ cultum tribuendum esse definivit. Vid. Herminier Tractatu de Sacramentis tom. 2, de Eucharistia cap. 25. & Pichler in Theologia Polemica par. 2. pag. 1164. & 1165. ubi de *asservatione & adoratione Eucharistiæ* verba facit. Hi enim explicant, quo sensu intelligamus Sacramento Latriæ cultum tribuendum, etiamsi panis & vini species, quæ sunt res creatæ, in illo contineantur.

Miraculi Vol-
mienfis verita-
tem probant
Scriptores o-
mnēs; sed om-
nium luculen-
tissimū ipsum
Corporale in
Cathedrali Ur-
bisveteris as-
servatum.

9. De miraculo, quod in Volsiniorum Castro contigisse diximus, scribunt Trithemius, S. Antoninus, & fusc Panvinus. Sed argumento est longe firmissimo sacrosanctum idem linteum seu Corporale, quod in Urbevetano Cathedrali templo summa veneratione adservatur. Ejusdem miraculi veritatem luculentissime probat ipsa Ædes, in ejus memoriam maximo sumptu a fundamentis excitata, quæ pulchritudine & magnitudine cum cæteris orbis terrarum celeberrimis certare potest. In ejus fundamentum primum jecisse lapidem Nicolaum IV. Idibus Novembris anno 1290. narrat Panvinus; atque ea omnia, quæ hætenus diximus, referunt & confirmant præter Trithemium, S. Antoninum, & Panvinium, cæteri omnes. Vide Capeauvil tom. 2. Histo. Leodien. pag. 642. Bartholom. Tisseu de Orig. Festiv. Corporis Christi, Jacobum Bourgeois in Tractatu cognomine, Martene de antiqua Eccl. Discipl. in Divinis celebr. Offic. cap. 2 1. num. 1. & sequen. Henschenium in continuatione Bollandiana tom. 3. Aprilis pag. 437. Bellote Observat. ad Ritus Eccl. Laudunen. pag. 85 1. & sequen. Christian. Lupum tom. 11. nuperrimæ edit. pag. 340. Theophil. Raynaud. tom. 11. pag. 347. Baillet. in Festo ejusdem diei §. 2. Pagium in Breviar. Roman. Pontific. tom. 3. pag. 366. num. 12. Rainaldum ad ann. Chr. 1264. num. 27. Ughellium in addit. ad Ciaconium in Vita Urbani IV. Suarez tom. 1. de Religione lib. 2. cap. 7. num. 3. Thomassinum de dierum Festor. Celebrat. lib. 2. cap. 19. & præsertim num. 13. Pougetum in In-

in Instit. Catholicis tom. 1. §. 15. pag. 871. Gretserum tom. 5. suorum Operum, Dissert. de Festo Corporis Christi, Petram in egregiis suis ad Constitutiones Romanorum Pontificum Commentariis tom. 3. in notis ad Constitut. Urbani IV. & Andreæ Pennazium, qui recens scripsit de Volsiniensi miraculo historiam anno 1731. editam.

10. Quærun nonnulli, an Urbanus IV. ut hanc Festivitatē, ita solennem, quæ sit hac die, instituerit Processionem. Probabilissima est eorum sententia, qui e re ipsa putant, hanc Processionem esse profectam. Nam Urbanus ab Episcopo ejus loci sacrum Corporale cum processione & pompa adferri sibi jussit, illudque in Ecclesia Urbeveterana adservandum locavit. *Attonitus Pontifex ad se ab Episcopo loci cum processione Urbem veterem (corporale) transferri voluit, & illud, sollemnitate instituta, in Ecclesia Urbeveterana recondidit.* Guillelmus Lindanus Episcopus Ruremundensis tom. 2. Apologetici postquam docuit, non hanc Festivitatē, sed Processionem a quibusdam Lutheranis improbari, subjicit: *Sed unde obsecro certum est, solemnem piorum communioni ab Urbano non fuisse adjunctam sollemnem etiam Venerabilis Sacramenti circumgestionem? Certe qui occasione, atque scopum illius Festi ab Urbano IV. instituti prudenter juxta illorum temporum historias perpendunt, videbunt, opinor, non pro absurdo habendum, si quis ad illius Festi originem pertinere dicas istam sollemnem circumgestionem, quæ stato die tam sollemniter toto Christiano Orbe celebratur.* Gretserus tom. 5. edit. Ratisbonen. tract. de Processionibus cap. 19. §. *Duodecimo mentitur prædicans* pag. 64. probare nititur ex Bulla Urbani, Processionem quoque ab eo Pontifice fuisse institutam. Idem confirmat Dissertat. de *Festo Corporis Christi* eod. tom. 5. cap. 12. pag. 161. ubi monet, id causæ fuisse illi Pontifici, quamobrem hanc institueret Festivitatē, ut Hæreticorum dementiam confunderet & perfidiam; ad id autem cum ea solemnem processionis pompa nihil excogitari possit accommodatius, id Gretsero satis est, ut ab Urbano etiam Processionem institutam esse conjiciat. Nobis vero melius id probari videtur ex iis, quæ ex Panvinio paullo superius attulimus.

11. Quidam olim viri docti dubitabant, an officium quod hac die recitamus, scripserit D. Thomas Aquinas, nec in eo conquiescebant, quod in historiis supra allatis proditum est, Urbanum IV. D. Thomæ, qui tum temporis Urbeveteri erat, id muneris demandasse. Papebrochius quid causæ esset, cur ea de re dubitaret, exposuit in Actis Sanctorum mensis Aprilis. Po-

An Urbanus IV. etiam Processionem instituerit.

Officium, quod nunc recitatur, composuit D. Thomas Aquinas. Greci non habent hanc Processionem. Paragajensium placuit.

stea

Rea vero quam celebrem legit Dissertationem, quam de hoc argumento Natalis Alexander conscripsit, candidè declaravit, omnem sibi scrupulum esse exemptum, sequè D. Thomam illius Officii auctorem agnoscere in Propylæo mens. Maji part. 2. pag. 53. Quæ tamen numquam orta esset controversia, si Constitutio iis disceptatoribus innotuisset edita a Xisto IV. quam reperias in tom. 3. novissimi Bullarii Fratrum Prædicatorum pag. 555. In ea declarat Pontifex, eam solemnitatē ab Urbano IV. esse institutam; deinde subjicit: *propriumque ejusdem solemnitatis Officium per B. Thomam de Aquino tunc in ipsa Curia existentem compositum edidit*; quod a nobis antea notatum quinta nostra Institutione jam citatæ edit, observavit etiā Meratus par. 2. tom. 1. ad Gavantum pag. 1225. & sequ. Gretserus Tractatu de Processionibus pag. 97. Græcorum, nec injuria, miseriam deslet, qui cum realem Christi in Eucharistia fateantur præsentiam, & publico cultu Sacramentum censeant adorandum, solemnem hoc die Processionem non usurpent. Græcis longe feliciores Christiani in Paraguai, quorum quanta sit pietas in Festivitate & Processione Corporis Christi, haud facile quisquam legerit, quin intimo suavique animi sensu tactus commoveatur. Id optime exponit Ludovicus Antonius Muratorius in relatione de Missionibus Paraguai anno 1743. edita cap. 15.

CAPUT XIV.

De Festo Inventionis S. Crucis die 3. Maji.

*Offentum celebratissimum
Constitutione divinitus ob-*
jectum.

Vindicatur il-
lius miracul-
veritas ab au-
dictorum ho-
minum argu-
mentis.

I. QUINTO nonas Maji Sanctissimæ Crucis Jesu Christi inventio solemnī memoria recolitur. Magnus Constantinus dum adversus Maxentium pararet exercitum, veræ religionis cognoscendæ studio incensus, anno 311. celebri illa visione est admonitus, qua splendidissimam vidit supra Solem in formam Crucis lucem cum ea inscriptione, *In hoc vince*, ut narrat Eusebius lib. 1. Vitæ Constant. cap. 28. & sequen.

2. Ingenio fuit Imperator ille aperto & candido, veritatis amans, & ab omni fraude abhorrens; quapropter de eo scripsit Pragsagoras Ethnicus apud Photium Codic. 62. *Omni viritutum & honestatis genere, omnique adeo felicitate omnes omnino, qui se antecesserunt Imperatores facile superavit Constantinus*. Itaque, cum se cæleste illud prodigium vidisse ipse affirmaverit, ejus etiā milites mirabilis offenti oculati fuerint testes, ut est apud Eusebium in Vita Constant. cap. 28. & id in suo Panegyrico innuat Naza-

Nazarius subobscurus quidem, sed ita tamen ut fateatur, tota Galilia miraculum illud fuisse vulgatum, & notum; nemo sane reperiri potest, nisi sit æque impudens atque Oornebeccus, Tollius, & Boillavius, qui Imperatorem esse mentitum affirmare velit, & a se visum finxisse, quod non viderit. Pari etiam temeritate præditum jure dixeris, qui contendat, ut Fabricius tom. 6. Biblioth. lib. 5. cap. 3. splendidam illam Crucem naturale quoddam fuisse phænomenon, quod illa ætas haud ita Astronomicarum rerum gnara veluti cæleste quoddam & divinitus immissum ostentum existimavit; quasi vero nostris hæc temporibus, cum Astronomia tantum progressa est, jure possit quispiam affirmare, inter naturalia phænomena referendam esse fulgidam Crucem supra Solem in aere suspensam, cum epigraphæ, *In hoc vince*, quod Eusebius, Philostorgius, Sozomenus, aliique testantur innumeri: quibus potissimum verbis ad Christianam Religionem amplectendam Imperator impulsus est; & quorum fidem insequenti anno ex eo prælio, quod cum Romani Imperii hoste commisit, parva victoria comprobavit.

3. Sacrorum in Palæstina locorum Sanctitatem omni studio Hadrianus Imperator pollui, Christianumque nomen contumeliis onerari curabat. Sanctum propterea Jesu Christi Sepulcrum terra oppleri, Templumque in eo loco Veneri dicatum excitari jussit; ut Christiani, qui ad eum locum, quo Christus Dominus fuerat conditus, devotione tacti venissent, eo se contulisse viderentur, ut inane illius Deæ numen adorarent.

4. Constantinus Imperator Christianam Fidem amplexus magnificentissimum in eo loco templum extruere statuit; cui ædificando Macarium Hierosolymitanum Episcopum præfecit, Præsidesque provinciarum omnia illi, quæ opus essent, suppeditare jussit. Omne illud opus perficiendum suscepit S. Helena Imperatoris mater, quæ sacris Christianorum jam initiata cum animum suum ad pietatem charitatemque exercendam appulisset, anno 326. fere exeunte, sese contulit Hierosolymam, & loco, ubi Christus Cruci est affixus, iisque omnibus quæ ad ejus Passionem pertinent probe exploratis, Templum, Venerisque simulacrum, quo Calvarius occupabatur, locusque Filii Dei morte & reditu ad vitam consecratus fœde polluebatur, jussit everti; atque inde amota terra, sanctoque detecto sepulcro, ternas ejusdem formæ & magnitudinis reperit Cruces sibi invicem adjacentes.

5. Ex iis quænam illa esset, in quam Redemptor noster fuisset sublatus, omnino erat incompertum. S. Ambrosius in *funere Theodosii* conjecit, Crucem, cui Christus fuerat affixus, cognitam esse

*Sacrorum in
Palæstina lo-
corum Hadria-
ni Imperato-
ris studio po-
luta Sanctitas*

*Tres Cruces
a S. Helena ef-
fossæ in Cal-
vario.*

*Vera Christi
Dni ex tribus
illis Crucibus
miraculo cer-
nitur.*

esse ex titulo, *Jesus Nazarenus Rex Judeorum*. Ruffinus vero; Socrates, Sozomenus, & Theodoretus narrat, in re tam dubia Macarium a S. Helena, quid facto opus esset, in consilium adhibuit, divino afflatum numine singulas quasque Cruces ad matronæ cujusdam nobilis corpus, quæ in ipso mortis limine versabatur, admoventi jussisse, Deumque deprecantem esse, ut, cuinam tribus ex illis Crucibus Unigenitus ejus Filius esset affixus, significare dignaretur; ægram, ubi ejus corpori tertia Crux esset admota, valetudini restitutam; id indicio fuisse, in eam Christum Dominum fuisse sublatum. S. Paulinus Nolanus Episcopus in Epistola ad Sulpicium Severum, qua se illi scribit particulam mittere Sanctissimæ Crucis, narrat eam mulierem jam mortuam, ubi primum ejus cadaveri tertia Crux fuit applicita, revivisse. *Postremo* (sunt Paulini verba) *Dominicam Crucem prodit Resurrectio, & ad salutis Ligni tactum, morte refuga funus excussum, & corpus erectum*. Et consonat Sulpicius Severus Hist. lib. 2. *Duobus prius frustra Crucibus admotis, ubi Christi pasibulo attactum est, dictu mirabile! trepidantibus cunctis funus excussum, & inter spectatores adstetit*. Inde quidam existimarunt, duo tum contigisse miracula: alterum mulieris morbo prope confectæ, quæ convaluerit; alterum mulieris mortuæ, quæ revixerit. Verum cæteri omnes vulgo unum tantum miraculum referunt; rem vero ajunt aliter Paulinum narrare, quod ex rumore populi eam acceperit, qui plerumque, quæ gesta fuerint, multis vel sublati vel additis circumstantiis augeat vel minuit.

Non sub Eusebio Papa inventa Crux est sed sub Sylvestro.

6. Verba sunt ex libro Pontificali, qui Anastasio vulgo tribuitur, in vita S. Eusebii Papæ: *Sub hujus temporibus inventa est Crux Domini nostri Jesu Christi quinto Nonas Maji, & baptizatus est Judas, qui & Cyriacus*. Vignolius post vocem *Cyriacus* seu *Quiriacus* legit: *qui eam invenerat*. Sed hanc narrationem multa evertunt; nam neque sedente Eusebio, sed Sylvestro, inventa Crux est, neque sincera ea sunt Acta, quæ Judæorum opera tradunt Crucem esse repertam.

Argumenta, quæ Crucem sub Sylvestro inventam evincunt.

7. Et sane sub Sylvestro Pontifice, non vero sub Eusebio Crucem esse inventam plurima evincunt argumenta. Syriam enim, Eusebio Pontifice, non Constantinus obtinebat, sed Maximinus, qui numquam profecto Christi Domini Crucem investigari, atque ibi Ecclesiam extrui passus esset: præterea Constantinus nondum ea, quam supra memoravimus, cœlesti visione monitus, ne Christianus quidem tum temporis erat; nondum itidem ejus mater Helena Christianam profitebatur fidem; & Macario multo post Hierosolymitana Ecclesia anno 312. tradita fuit. Vid. Baron. ad annum

num Chr. 326. num. 42. Pagium in Breviario Romanorum Pontificum tom. 1. in vita S. Eusebii; & Binii, Labbei, Ciaconii, Bencini, & Vignolii Notas ad librum Pontificalem in eadem S. Eusebii vita. Quod autem Canonem, qui incipit *Crucis*, de Coufocr. distinct. 3. Gratianus tribuat Eusebio, cujus ea sunt verba, *Crucis Domini Nostri Jesu Christi, quæ nuper, nobis gubernacula Sanctæ Romanæ Ecclesiæ tenentibus, quinto monas Majas inventa est, in prædicto Kalendarum die Inventionis Festum vobis solemniter celebrari mandamus*, nihil negotii facessit: hoc siquidem Decretum falso affingit Eusebio advertit Suarez tom. 1. de Religione lib. 2. cap. 7. num. 2.

8. Acta vero, quæ tradunt, Crucem Judæorum opera esse repertam, rem ita narrant: Helenam Judæos ad se accersitos de nefarie illata Christo nece objurgasse; jussisse paratos ex iis esse quingentos, ut interroganti sibi, ubinam esset Crux Christi Domini, responderent; eam, cum nihil comperiret, eadem de re peritiores quosdam esse percunctatam, quos inter quidam fuit nomine Judas, qui ex traditione patris sui Simeonis filii Zachæi noverat, ubi esset Crux Jesu Christi, quam a patre indicare jussus esset, si quando ea de re interrogaretur; Judam primo detrectasse quod haberet cognitum aperire; in vincula tamen traditum, diutinaque septem dierum fame parere coactum, aliorum quorundam opera adjutum, effossa terra ternas reperisse Cruces; ex iis Crucem Domini eo miraculo, quo mortuus revixit, cognitam fuisse; Judam denique sacro ablutum Baptismate a S. Eusebio Episcopum consecratum esse, & relicto Judæ nomine Cyriacum appellatum. In Chronicis Hispaniensibus traditur, tanta eum captum fuisse devotione, ut ante pectus in veste Crucis imaginem gestare voluerit: unde ajunt profectos Equestres Ordines, quos qui profitentur, in veste, & in medio pectore Crucis imaginem gerunt. Vide Quaresmum Elucidat. Terræ Sanctæ tom. 2. Lib. 5. cap. 20. in fine.

9. Gregorius Turonensis lib. 1. cap. 34. ubi de Constantino loquitur, eam rem innuit: *Hujus tempore venerabilis Crucis Dominicæ Lignum per studium Helenæ matris ejus repertum est, prodente Juda Hebræo, qui post Baptismum Quiriacus est appellatus*. Sed adversus eam narrationem tot tantisque objicere difficultates Baronius, & Panvinus, ut rejicienda omnino videatur. Bollandistæ ad diem 3. Maji accurate eam examinant, ac denique Acta illa veluti spuria explodunt. Janningus in Apologia, quam posuit in tom. 1. Junii num. 26. ostendit, Scriptorem historię de Inventione Sanctissimæ Crucis, quisquis ille fuerit, loca, tempora, homines, & facta confingere. Et Papebrochius,

Acta quæ tradunt S. Crucem Judæorum opera esse repertam.

Acta illa veluti spuria a doctissimis quibusque rejiciuntur.

in responſionibus ad P. Sebaſtianum a S. Paulo part. 1. reſponſ. ad art. 1. §. 7. accuſatus quod Breviarium Romanum in eo, quod ad S. Crucis Inventionem pertinet, impugnafſet, rejeciſſet, ſibi Gelafio Papa præeunte, qui in Can. *Sancta Romana* diſt. 15. hoc de ea hiſtoria tulit judicium: *Item ſcripta de Inventione Dominiæ Crucis, & alia ſcripta de inventione Capitis Beati Joannis Baptiſtæ novellæ quidem relationes ſunt, & nonnulli eai Catholici legunt; Sed cum hæc ad Catholicorum manus pervenerint, Beati Apoſtoli Pauli præcedat ſententia: Omnia probate, & quod bonum eſt, retinete.* Decretum hoc Gelafianum egregie defendit Fontaninus in Antiquitatibus Hortæ in append. coque uſus eſt Schellſtratus in Notis ad librum Pontificalem in vita S. Eufebii ad conſutandam hiſtoriam de Cruce Hebræorum opera inventa. Eamdem ingreditur viam Tillemontius Not. 3. ad vitam S. Helenæ, ubi advertit, hanc hiſtoriam illo fulciri poſſe argumento, quod ille Judas Cyriacus, ſeu Quiriacus Hieroſolymæ Episcopuſ in omnibus fere Martyrologiis reperitur adſcriptuſ, & honore, quo Sanctoſ veneramur, tamquam Patronuſ colitur Anconæ, & cujuſ Episcopatu Clementiſ XII. beneficio ad Metropolitanaſ Bononienuſem Eccleſiam quondam translati fuimus. Illud quoque addit, non abeſſe a veriſimili, aliuſ quemdam fuiſſe Cyriacum, qui Hieroſolymæ martyriuſ paſſuſ ſit, & cujuſpiam alteriuſ Civitatiſ Episcopuſ fuerit; ejuſque ſacra Lipſana Anconam a Placidia Auguſta, ut creditur, eſſe delata.

*Retinenda
hiſtoria de In-
ventione Cru-
cis, quæ Bre-
viario Roma-
no continetur.*

10 Retinenda eſt igitur prima illa quam attulimus hiſtoria, utpote Breviario Romano emendato plane conſentientiſ; cum præſertim firmiſſimiſ ſuffulta ſit fundamentiſ; ex Ambroſio in Conſpione de obitu Theodoſii; Ruſſino lib. 1. cap. 8. S. Paulino ep. 3. 1. alias 2. Sozomeno lib. 2. cap. 1. Nicephoro lib. 8. cap. 29. Sulpicio Severo Hiſt. lib. 2. S. Cyrillo epiſt. ad Conſtantium Imperator. §. 3. col. 352. op. edit. Maur. ubi hæc habentur: *Actem-
pore quidem Deo amiciſſimi, & feliciſ recordationiſ Conſtantini
Patriſ tui ſalutare Crucis lignuſ Hieroſolymis eſt repertuſ, di-
vina gratia viro pietatem recte quærentiſ hoc largiente, ut abſcon-
diſtoſ ſanctoſ locos inveniret.* Et in Eufebii Chronico a Pontaco edito: *Helena Conſtantiniſ mater Diviniſ moniſ viſionibuſ Beatiſſimuſ Crucis Lignuſ, in quo mundiſ ſaluſ pependit, apud Hieroſolymam reperit.* Quapropter Bailletuſ in ſua Tabula Critica ad diem 3. Maji num. 1. monet, primæ adhærenduſ hiſtoriæ; alteram autem, quæ Judam Hebræuſ commemorat, cujuſ opera Cruc Dominiſ reperta ſit, rejiciendam.

CAP. XIV. DE FESTO INVENT. S. CRUCIS. 371

11 Salmasius, Spanhemius, Basnagius, Dallæus, Calvinianarum homines partium, veritatem historiæ de Inventione Sanctissimæ Crucis prorsus negant; suumque iudicium confirmant silentio Eusebii in Vita Constantini: epistolam vero Cyrilli velut spuriam & apocrypham rejiciunt; quæ vero ex Chronico Eusebii attulimus, recens addita esse contendunt: illud vero vehementer urgent, non fieri verisimile, trecentorum spatio annorum Christi Crucem, quodque mirandum magis, binas etiam duorum Latronum sub terra latuisse incorruptas. Hospinianus *Tract. de Origine Fæstorum Christianorum* pag. 107. non solum negat, Crucem inventam esse sub S. Eusebio Papa, quod nos ipsi paullo ante diximus non esse verisimile, sed insuper eo inclinatur, ut totam de Inventione Crucis historiam ex rationibus modo indicatis rejiciat.

*Calvinista
eam historiam
expulsi.*

12 Verum ut Cyrilli epistola sit apocrypha, quod contendit Rivetus; ut in Chronico Eusebii ea verba recenter addita sint, quemadmodum putat Scaliger, & Bollandistæ ad diem 3. Maji, quis tanta fuerit confidentia, qui rem tot gravissimorum Scriptorum testimonio confirmatam audeat convellere? Cum præsertim, etiam si Eusebius revera siluisse de hac re comperiat, argumentum inde depromptum sit mere negativum, cujus vires plane concidunt, cum alia suppetant veterum & gravissimorum Scriptorum testimonia, qui rem narrant ab alio prætermisissam, quæ minime prætereunda videatur; ut optime observavit Natal. Alexander tom. 4. postremæ edit. Parisien. cap. 6. art. 12. Tillemont. Nota 2. ad S. Helenæ vitam, & Bollandistæ ad diem 18. Augusti §. 8. de vita S. Helenæ, num. 76. *Dato autem, non concessio, Eusebium in hac re fuisse pise, ut ita dicam, mutiorem; an propter silentium unius Eusebii tot alii gravissimi Auctores, qui adeo diserte eam asserunt, falsitatis arguendi sunt? &c. Quibus omnibus addenda est constans, stabilis, ac perpetua Catholica Ecclesiæ Traditio. Andreas itaque Rivetus heterodoxus Ministrellus commiseratione, seu risu potius vel contemptu dignus est, quando in Critici sui Sacri, ut vocant, specimine adversus inventionem Crucis audaciter ac temere ista deblaterat. Diximus, ut apocrypha sit Cyrilli epistola; nam revera est genuina; quod enim illam Rivetus rejiciat ut spuriam, quia in ea Constantius Augustus laudatur, qui Christi Divinitatem oppugnabat, id quidem nullius est roboris argumentum; Athanasius enim, & Hilarius honorificis sane verbis eundem Imperatorem appellarunt, tum cum maxime & pertinacissime Catholicam Fidem divexabat, ut bene animadvertit Gravesonus de Myster. & annis Christi p. 412.*

*Exertuntur
argumenta,
quæ illi adver-
sus eam histo-
riam gerunt.*

Diximus itidem, ut in Chronico Eusebii ea verba sint addita; nam id quidem non satis exploratum est; reperiuntur enim ea verba in pluribus manuscriptis Codicibus, & multis veteribus editionibus. Adeundus Gretserus, ubi Scaligerum refutat, Florentinius in Notis ad vetus Martyrologium num.3. & Pagius in vita S. Eusebii. Diximus denique, etiamsi Eugenius revera siluisse ea de re comperiat; nam videre licet apud Bollandistas in vita S. Helenæ ad diem 18. Augusti §.8. Eusebium ejus rei mentionem iniecisse in Vita Constantini lib.3. cap.30. ubi Imperatoris affert epistolam ad Macarium, qua quidem epistola probe Continuatores expensa concludunt: *Ut ad Inventionem Crucis revertamur, ob rationes datas videtur nobis probabilius Eusebium hanc indicasse in Epistola Constantini citata.* Cui autem non sit verisimile, trecentorum spatii annorum tres Cruces humo testas delituisse incorruptas, is Divinam Omnipotentiam videtur circumscribere. Deus enim, cum nollet Crucem Jesu Christi in Ethnicorum manus incidere, vel cum Titus delevit Hierosolymam, vel cum Hadrianus Hierosolymitanum agrum populatus est, eam jacere humi sepultam passus est, & a corruptione defendit, ut impio demum Idolorum cultu deleta, & Christiana religione longe lateque diffusa, salutare Lignum publico populorum cultui proponeretur. Nec quidquam roboris est, quod objicitur, huic rationi locum esse tantummodo, ubi de Christi Cruce sermo sit; omnes enim tres illas Cruces idcirco Deus voluit incorruptas, ut mirabili illi, quod contigit, miraculo fieret locus, cum, ut supra monuimus, ab iis Crux Dominica discreta & agnita est.

*Ipse instituen-
dæ hujus Fe-
stivitatis ratio
exponitur, &
descenditur.*

13 Quod si quis interroget, qui Festum diem Ecclesia præscripserit, quo celebraretur Sanctissimæ Crucis inventio, cum hæc historia non nisi humanæ fidei & opinioni innitatur; aut si scire velit, quid demum hac in re tantopere dignum reperiatur, ut ideo Solemnitas fuerit instituenda: respondemus, fidem humanam, & moralem evidentiam satis firma esse fundamenta instituendæ Festivitati. Atque ut exemplo rem declaremus, si Christiani Turcarum copias prælio profligaverint, pro parta victoria Festum indicitur, etiamsi non Fide divina, sed humanæ fidei evidentia ejus rei certi sumus. Quod autem quærent, quid in Sanctissimæ Crucis inventionem reperiatur hac Festivitate dignum; respondemus, Inventionem Crucis non esse hujus Festivitatis fundamentum, sed Festivitatis instituendæ occasionem præbuisse. Etenim sola Crux propter Christum, qui ei est affixus, ponitur veluti fundamentum huic Solemnitati. Christus enim objectum est Reli-

Religionis nostræ præcipuum, & Crux tamquam nostræ redemptionis instrumentum colitur. Præterea Augustinus de Civit. Dei lib. 10. cap. 4. inter multas alicujus instituendæ Solemnitatis rationes, insigne aliquid Dei beneficium non ultimum habere docet locum. *Ei (Deo) beneficiorum ejus solemnitatibus Festis, & diebus statutis dicamus, sacramusque memoriam, ne volumine temporum ingrata subrepat oblivio.* Et sane magno Dei beneficio Crux, qua Christus humanum genus redemit, tandiu incorrupta delituit; cumque temporis opportunitas ut eam veneremur postulabat, ejusdem Dei insigni beneficio reperta est. *Nonne divina manu latuit (ait D. Paulinus cit. Epist.) ut postea inveniretur, cum religiose quæreretur? Quisquis vero consideret, Hebræis, qui nihil reliqui sibi fecerunt ad omnem Christi memoriam obliterandam, in mentem non venisse Crucem comburere, fateatur necesse est, in omni hac rerum serie Omnipotentis Dei dexteram in eum finem omnia ordinasse, quem jam innuimus, id est eo intendisse, nobis ut beneficeret. Si ad manus Judæorum (ait D. Paulinus) omnia contra Fidem Christi præcaventium Lignum illud venisset, conterendum & exurendum fuisset: neque enim in Crucis abolenda negligentes fuissent, qui signaverant sepulchrum.*

14. Vetustissimam hanc esse Festivitatem ait Micrologus, eamque docet a S. Eusebio institutam in observat. Ecclesiastic. cap. 55. *Eusebius Papa a B. Petro trigessimus secundus constituit, ut omnes Christiani Inventionem S. Crucis quinto Nonas Maji solemniter celebrarent.* Eadem affirmat Burius in notitia Romanor. Pontific. Quæ quidem a Frontone risu excipiuntur in Notis ad Calendarium Romanum ante nongentos annos scriptum, in quo cum nullam viderit ad diem 3. Maji Festivitatem de Crucis Inventionem notatam, hæc scripsit: *Hic tertia Maji nulla mentio Inventionis Sanctæ Crucis. Antiquam hanc celebritatem credit Pamelius ob illa, quæ ait Micrologus: sed qui animum adverteris ad ea, quæ dicit Micrologus, videbit ad fabulam eum alludere. Hujus etiam nulla mentio apud Græcos. Itaque nonnisi post annum a Christo 720. cepit celebrari.*

15. Alludit Micrologus ad Decretum S. Eusebii a Gratiano relatum de Consecr. Dist. 3. & ad ejusdem Pontificis Decretalem; quæ tamquam spuria rejicitur, quemadmodum supra docuimus, & ut expendit Ciaconius in Vita S. Eusebii. Quamobrem in hac re omnino Frontoni subscribimus. Quod vero ad hujus celebritatis originem pertinet, cum eo sentire non possumus. Nam in veteri Occidentalis Ecclesiæ Martyrologio, quod Hieronymo tribuitur, & a Florentinio est editum, hæc leguntur ad diem 3.

Maji:

*Quæ tempore
instituta fuerit
hæc Festivitas.*

*Spurlum. a
Eusebii decretum, quo Micrologus noster ad veteritatem hujus Festæ afferendam. Vocata est hæc solemnitas in Martyr. D. Hieron. edito a Florentinio.*

Maji: *In Hierosolyma Inventio S. Crucis Domini Nostri Jesu Christi ab Helena post Passionem Domini anno 233. regnante Constantino Imperatore*. Si quis vero dicat, ea verba Martyrologio posteriori ætate addita esse, dignam sane rem notatu dicit. Si enim hæc Festivitas a Martyrologio abesset, audacter affirmaretur, ad illud usque tempus nondum eam fuisse institutam; si vero, in Martyrologio cum sit adnotata, objicitur illuc posteriori tempore esse inductam, nemo non videt, rem eo esse deductam, ut de ea ne liceat quidem divinare.

Cruci Pars Hierosolymæ locata, Pars Romam missa. Unde originem traxerit ritus ostendenda. Crucis in Feria 6. majoris Hebdomadæ.

16. Bollandistæ referunt Crucis partem S. Macario traditam, ac postea in Templo a Constantino Hierosolymæ extructo locatam esse; alteram Crucis partem Romam ab Helena missam, ut in templo S. Crucis in Hierusalem poneretur; quod Templum in memoriam Crucis, quam in Cælo viderat Constantinus, ipsa ædificari curaverat. Propterea ajunt, in Orientali Ecclesia nullam oportuisse Festivitatem de Inventione Crucis instituere, cum magnum illud Templum excitandum esset, quo extructo, statim pia illa coepit consuetudo, ut certis quibusdam diebus solemnibus, ac præsertim Feria sexta in Parasceve magno concursu advenarum S. Crucis lignum spectandum populo exhiberetur. Atque inde, quod alibi monuimus, ea, qua nunc utimur disciplina profecta est, ut in Divinis Feriæ sextæ Majoris Hebdomadæ Officiis in universali Ecclesia Crux solemniter ostendatur: neque enim ea cæremonia Hierosolymæ ostendendi Feria sexta Crucem proprie dici potest inventio Crucis, sed potius inventæ Crucis adoratio, quemadmodum monuit Bailletus in Hist. hujus diei.

Bollandistarum conjectura de origine hujus Solemnitatis.

17. Pergunt Continuatores Bollandiani in hoc argumento, & vero non absimile existimant, postquam Helena Romam Crucis partem vel misit, vel e Palæstina rediens ipsa secum tulit, & in Basilica S. Crucis in Hierusalem collocavit, in hac primum Ecclesia Festivitatem Inventionis S. Crucis celebrari coepisse, atque inde a summis Pontificibus in alias Romæ Ecclesias invecam esse, unde tandem ad universalem Ecclesiam permeaverit. Sane de ea mentio fit in Sacramentario, & Antiphonario S. Gregorii. Quod autem absit a Calendario Frontonis, haud ita improbabile est, ante Calendarium S. Gregorii illud esse conscriptum. Vetera vero Sacramentaria, & Martyrologia, quæ hanc Festivitatem commemorant, reperias apud Florentinum in Notis ad Martyrologium ad hunc diem, & apud Martene cap. 32. num. 16. Quomodo autem paullatim hæc Solemnitas ad universam Occidentalem Ecclesiam permanerit, ostendit Bailletus in Hist. hujus diei.

18. Sed ut ad mediæ ævi tempora descendamus, in priori Gregorii XI. vita, quam Bosquetus, & Baluzius edidere, Pontificem illum jussisse comperimus componi non modo Inventionis, sed Exaltationis quoque S. Crucis Officium, de qua solemnitate alibi nobis erit sermo. Ejus Officii Auctorem fuisse Petrum Senogalliensem Episcopum tradit Bailletus; quod quidem ex eo verisimile fit, quod Petrus Amelius fuerit Urbani Sacrifista, deinde Gregorii XI. Pœnitentiarius, & Senogalliensem Ecclesiam ad annum usque 1367. gubernaverit, ut videre est apud Ughellium.

19. In veteri Officio, cujus Auctor Senogallienfis Episcopus, ea continebantur, quæ dudum explosimus de Juda, cujus opera Crux esset inventa. Sed Clemens VIII. cum Officium ad secundæ Classis Ritus promovit, sublatis Antiphonis ad Laudes, eandem, quæ in Festo Exaltationis, recitari jussit; *quia priores bifloriam continebant dubiam*; verba sunt Gavanti sect. 7. cap. 7. de Festis Maji num. 3. Hanc denique solemnitatem Constitutione edita ex præcepto celebrandam voluit Urbanus VIII.

20. Egregie Natalis Alexander Dissert. 7. Hist. 8. seculi stultum Paulicianorum errorem confutat, quem rursus a Claudio Taurinensi, a Petrobusianis, & Wicleffitis excitatum novissime Lutherani, & Calvinistæ instaurarunt, adversus cultum, qui Cruci, cui affixus est Jesus; ejusque Crucis imaginibus jure tribuitur. Hic autem non prætermittendum, voluisse Constantinum in S. Crucis honorem, ne quis deinceps publico supplicio plestendus Crucis patibulo necaretur, ut testantur Sozomenus Hist. lib. 1. cap. 8. & Nicephorus lib. 7. cap. 46. Cum autem contumacissimi Judæi quamdam celebrare cœpissent solemnitatem, qua hominem Cruci affixum cremabant, discurrerentque id facere se in Amani eorum hostis odium, ne Christiani in odium & contumeliam Christi Domini factum suspicarentur; Theodosius junior Imperator hanc legem tulit, quæ est in Codice Justiniano Tit. de Judæis; sumta ex Cod. Theodos. lib. 16. tit. 8. leg. 18. *Judeos quadam festivitatis suæ die solemniter Aman ad pœnæ quondam recordationem incendere, Et Sanctæ Crucis assimilatam speciem in contemptum Christianæ Fidei sacrilega mente exurere, Provinciarum Rectores prohibeant, ne jociis suis Fidei nostræ signum immisceant: sed Ritus suos infra contemptum Christianæ Religionis retineant, amissuri sine dubio permissa hæcenus, nisi ab illicitis temperarint.*

21. Non modo Crucem, sed Titulum etiam, & Clavos Helena invenit. De Titulo supra, de Clavis par. 2. Tom. 4. de Canonibus.

Gregorius XI.
Officium componi jussit.

Sublata inde
a Clem. VIII.
quæ ex adul-
terinis He-
braeorum A-
ntiphis desumpta
fuerant.

Hæreticorum
error, qui cul-
tum S. Crucis
ademerant.
Lex a Theodo-
sio lata adver-
sus Judæos.

Reperitur et-
iam titulus
Crucis. Quæ

de Crucis in-
ventione egre-
gie scripsit.

nonizatione verba fecimus, ubi gravem exposuimus controver-
siam in Sacra Rituum Congregatione agitatam de cultu Coronæ
Ferreæ, quæ est Modoeitiæ, restituendo; in quam fama est partem
clavi, quo transfixus est Jesus, esse insertam. Gretserus tom. 1.
suorum operum edit. nuperrimæ Ratisbonensis lib. de Cruce cap.
42. & duobus sequen. accurate scripsit de Inventione Crucis, con-
futatis Centuriatoribus Magdeburgensibus: alibi autem agit etiam
de Festo. In eodem primo volumine inserta est *Apologia pro S.
Cruce*, in cujus cap. 3. objectiones Junii ea de re adversus Bellar-
minum diluit. In volumine 5. lib. 1. de Festis cap. 32. Hospinia-
num refellit. Post hujus nostri Operis sermone vernaculo a no-
bis conscripti editionem, prodiit typis Bononiensibus secundæ
Partis Tomus tertius de *Cultu Sanctorum*, Auctore Abb. Trom-
bello, cui adiecta est *Appendix de Cruce*, ubi ample & erudite o-
mnis hæc pertractata materia est. Quicquid autem ipsi de hac re
paucis explicuimus, in ea appendice, & in citatis Gretseri Ope-
ribus magno doctrinæ apparatu confirmatum reperies.

CAPUT XV.

De Festo Transfigurationis Domini, quæ die 6. Augusti celebratur.

Totius argum.
partitio. Quid
fuerit Trans-
figuratio Chri-
sti ex Evange-
liis.

1. **P**ostridie Nonas Augusti Transfiguratio Christi Domini ce-
lebratur. De Jesu Christi Transfiguratione loquuntur
Matthæus cap. 17. Marcus cap. 9. & Lucas cap. itidem 9. Atque
ut via & ratione procedamus, quæremus primo, quid fuerit
Transfiguratio: quomodo, quando, ubi contigerit, quænam
ejus fuerit causa, quæ circumstantiæ; postremo hujus solemni-
tatis originem aperiemus. Quid Transfiguratio fuerit, explicat
Matthæus cap. 17. v. 2. *Transfiguratus est ante eos: & resplen-*
duit facies ejus, sicut sol, vestimenta autem ejus facta sunt alba
sicut nix. Marcus cap. 9. *Transfiguratus est coram ipsis: & vesti-*
menta ejus facta sunt splendentia, & candida nimis velut nix,
qualia sulco non potest super terram candida facere. Denique Lu-
cas cap. 9. v. 29. *Et facta est, dum oraret, species vultus ejus al-*
tera, & vestitus ejus albus & resurgens.

Nihil faciem
Christi fuisse
immutatam,
sed micanti
splendore co-
ruscasse ap-
paret ex Evan-
gelio.

2. Quibus Evangelistarum verbis intelligimus in Transfigu-
ratione Christo nihil ex faciei lineamenti immutatum esse, sed fa-
ciem tamquam Solem coruscasse. Quamobrem Hieronymus in
illud Matthæi caput: *Ubi splendor*, inquit, *faciei ostenditur, &*
candor describitur vestium, non substantia tollitur, sed gloria
commutatur. Certe *transformatus est Dominus in eam gloriam,*
qua

qua venturus est postea in Regno suo. Transformatio splendorem addidit, faciem non subtrahit.

3. Quamquam autem de solius faciei & vestium splendore loquuntur Evangelistæ; tamen cum transfiguratum esse dicant; existimare licet, ejusmodi splendore non faciem tantum, sed totum corpus coruscasse, sacrosque Scriptores, cum faciem memorant, corpus omne significare voluisse, ut docet idem Hieronymus epist. 61. adversus Joann. Hierosolymitani errores, cap. 10. *Et facies ejus fulgebat sicut sol. Ubi autem facies nominatur, existimo, quod & cetera membra conspecta sint. Quem locum ad hanc rem etiam attulimus in lib. 4. de Canonizat. par. 1. cap. 26. num. 11.*

4. Transfiguratio autem quo pacto contigerit, sive quod idem est, unde splendor ille manaverit, explicat D. Thomas in 3. par. qu. 45. art. 2. Itaque docet, claritatem corporis Christi in Transfiguratione derivatam fuisse ab ejus anima, tum ob Divinitatem, cum qua hypostatice jungebatur, tum propter gloriam, qua jam inde a conceptione sua fruebatur. Quod autem a principio conceptionis animæ gloria ad corpus non redundaret, tactum id esse ait ex divina dispensatione, ut in corpore passibili Christus Redemptionis nostræ mysteria adimpleret. Cum igitur nunquam ea potestate Christus caruerit transfundendi in corpus animæ gloriam, eam potestatem in Transfiguratione exercuit: *Non tamen per hoc adempta est Christo potestas derivandi gloriam animæ ad corpus. Et hoc quidem fecit quantum ad gloriæ claritatem in Transfiguratione.*

5. Illud tamen discrimen inter claritatem corporis glorificati, & claritatem corporis Christi Transfigurati intercedebat, quod glorificati corporis claritas est qualitas immanens; claritas vero in Transfiguratione Christi corpus afficiebat per modum qualitatibus transcurrentis, ut docet D. Th. loco cit. *Nam ad Corpus glorificatum redundat qualitas ab anima, sicut qualitas quedam permanens Corpus afficiens: unde fulgere corporaliter non est miraculosum in corpore glorioso. Sed ad Corpus Christi in Transfiguratione derivata est claritas a Divinitate, & Anima ejus non per modum qualitatibus immanentis & afficientis ipsum corpus, sed magis per modum passionis transcurrentis, sicut cum aer illuminatur a sole: unde ille fulgor tunc in Corpore Christi apparet miraculosus fuit, sicut & hoc ipsum, quod ambulavit super undas maris.*

6. Duplex vero in Transfiguratione fuit miraculum: alterum, quod non usque a Conceptione Corpus Christi spendidam fuerit, & effusio gloriæ ab anima Christi in Corpus, cui tam-

Existimare licet, non modo faciem, sed universum Christi Corpus splendore circumfusum.

Quo pacto contigerit Transfiguratio in D. Thoma.

Discrimen inter claritatem corporis glorificati, & splendorem Christi Transfigurati.

Duplex in Transfiguratione miraculum.

quam immanens qualitas inhærere debuerat, impedita fuerit. Alterum, quod idem Corpus, quamvis passibile, in Transfiguratione splendidum fuerit; & quamvis Deus naturæ Auctor statuisset, ne gloria animæ Christi, dum esset in hac vita, ad corpus pertingeret, ut ejus cruciatibus & Passione humanum genus redimeretur; tamen voluit, ut in Transfiguratione ad faciem, manus, pedes, & cætera membra gloria animæ permearet: ut docuimus lib. 4. de Canonizat. par. 1. cap. 26. num. 12.

*D. Matthæi
locus, ex quo
elici posse vi-
detur scmpus,
quo contigit
Transfigura-
tio.*

7. Dixerat Dominus Jesus Discipulis, sibi Hierosolymam proficiscendum; plurimos subeundos cruciatus, & mortem oppetendam, ac post triduum se rediturum ad vitam, eosque ad Crucem subeundam est cohortatus, æternamque vitam per contemtum vitæ hujus consequendam. Exinde capit Jesus ostendere discipulis suis, quia oportet, eum ire Hierosolymam, & multa pati a senioribus & Scribis & Principibus Sacerdotum, & occidi, & tertia die resurgere, & quæ sequuntur apud Matthæum cap. 16. v. 21. cui consonant Marcus cap. 8. & Lucas cap. 9.

*Videtur Chri-
stus paulo an-
te Passionem
transfigura-
tus. Dissensus
aliquis oppo-
net inter Evi-
gelistas.*

8. Ex quibus colligi videtur, Transfigurationem haud multo ante Passionem contigisse, ut advertit Baronius. Narrat Matthæus cap. 17. v. 1. post dies sex assumisse Jesum secum Petrum, Jacobum, & Joannem, & in excelsum montem adduxisse, ubi postea transfiguratus est: *Et post dies sex assumit Jesus Petrum & Jacobum, & Joannem fratrem ejus, & deducit illos in montem excelsum seorsum, & transfiguratus est ante eos.* Ad eundem modum Marcus cap. 9. v. 1. *Et post dies sex assumit Jesus Petrum, & Jacobum, & Joannem, & ducit illos in montem excelsum seorsum solos, & transfiguratus est coram ipsis.* Verum Lucas cap. 9. v. 28. octo dies, non sex, inter illum Christi sermonem, & Transfigurationem interjicit. *Factum est autem post hæc verba fere dies octo, & assumit Petrum & Jacobum, & Joannem, & ascendit in montem, ut oraret, & facta est, dum oraret, species vultus ejus altera, & vestitus ejus albus & resurgens; quæ pugnare videntur cum aliis Evangelistis.*

*Offenditur E-
vangelistarum
Concordia.*

9. Sed omnis tollitur difficultas: nam ut bene advertit S. Augustinus de Consensu Evangelistarum lib. 2. cap. 56. Matthæus, & Marcus neque ipsum diem, quo Christus eum ad Discipulos sermonem habuit, neque diem, quo cum iis se ad montem contulit, numerant; Lucas vero utrumque cum sex aliis diebus conjungit; ex quo fit, ut si sex tantum dies referant, Lucas autem octo. Vide Lamy Concord. Evangel. lib. 4. cap. 19.

*Qui Mons ille
fuerit, ubi
transfigura-
tus est Jesus.*

10. Quinam vero Mons ille fuerit, ubi transfiguratus est Christus, Evangelistarum tradit nemo. Quidam putant, mon-
tem

tem hunc esse Olivarum; quod ex ipsis Evangelistarum verbis rejici posse videtur, qui montem illum excelsum fuisse dicunt; Mons vero Oliveti tumulus potius erat, quam mons. Alii putant, eum montem haud multum abesse a Lacu Genesareth. Nos vero cum Hieronymo, Cyrillo Hierosolymitano, & Damasceno Transfigurationem in Monte Thabor existimamus contigisse, ut etiam diximus de Canonizat. lib. 4. par. 1. cap. 26. num. 9. Scribit Nicephorus Eccl. Hist. lib. 8. cap. 30. in eo Monte a S. Helena in honorem trium Apostolorum, qui Transfigurationi adfuerunt, Templum fuisse extructum. Josephus lib. 4. cap. 2. narrat, multos post annos quamdam veluti arcem in eodem Monte Judæos excitasse, qua se adversus Romanos tuerentur. Et Innoc. III. Epistola ad Christianos pro Terra Sancta recuperanda testatur, Saracenos ad Christiani nominis injuriam arcem ibi ædificasse, qua vicinæ urbis Aconis potiundæ sibi munirent viam. Verum in præsentia omnia fere diruta; sunt verba Quaresmii Elucidat. Terræ Sanctæ lib. 7. cap. 2. tom. 2.

11. Decuisse ut Christus transfigureretur, probat D. Th. 3. p. qu. 45, art. 1. & egregie advertit, æquum fuisse, Christum Discipulos suos de Passione sua monitos cohortatum ad subeundos labores, cruciatus, & necem, terminum etiam iis innuere, quo per eas acerbitates perventuri essent; quemadmodum si quem ad iter aliquod asperum suscipiendum adhortemur, loci amœnitatem, quo tendit iter, illi solemus commonstrare. Non animæ solum gloriam, qua vel a primo conceptus sui momento præditus erat, sed etiam Corporis per passionem suam consequi Christum oportebat. *Nonne hæc oportuit pati Christum, & ita intrare in gloriam suam?* Lucæ cap. ult. Eos quoque, qui passionis suæ sequerentur exemplum, ad hanc gloriam vocabat: *Per multas tribulationes oportet nos intrare in Regnum Dei.* Actor. cap. 14. Inde igitur eruitur, quæ Transfigurationis fuerit causa; scilicet ut specimen ejus gloriæ exhiberetur, quam adepturi essent ii, qui propter Christum labores adirent, ac mortem oppeterent, ut concludit idem S. Doctor.

12. Transfigurationis loco, tempore, & causa explicatis, reliqua persequamur, quæ quasi quædam adjuncta eam comitantur. Tres tantummodo, ut diximus, discipuli adfuerunt, Petrus, Jacobus, & Joannes, quos Dominus Jesus secum adduxerat. Illud quæritur, quamobrem non omnes secum adduxerit, sed tres illos tantum ex omnibus elegerit. D. Thomas loco cit. art. 3. ad quartum ait, tres solummodo a Christo adductos Transfigurationis fuisse testes, quia non omnibus profunda mysteria

Decuit Christum transfigureri in De Thomæ.

Cur Christus non omnes, sed tres tantum, Apostolos sibi duxerit.

sunt revelanda, sed paucis quibusdam, qui ea cæteris omnibus enuncient. Selecti vero ex omnibus Petrus ob præcipuum ejus in Jesum Christum amorem, & ob excellentem ejus potestatem ab illo sibi tributam; Joannes ob amorem, quo eum Christus Dominus complectebatur, ob ejus virginitatem, & Evangelicæ doctrinæ excellentiam; Jacobus *propter prærogativam martyrii*, ut ait idem S. Doctor, seu, quod idem est, quia primus Apostolorum propter Jesum mortem perpeffus est; ut apud Baronium ad ann. Chr. 44. num. 1.

Videm tres Apostoli testes mortis Jesu in Gethsemani.

13. Iidem tres illi Apostoli tamquam testes vocati sunt mœoris; quo correptus est Jesus in horto Gethsemani. *Et assumpto Petro, & duobus filiis Zebedæi, cepit contristari & mæsus esse*, Matth. cap. 26. v. 37. fratres enim erant Jacobus & Joannes, quorum pater Zebedæus, eodem Matthæo teste cap. 4. v. 21. *Vidit alios duos fratres Jacobum Zebedæi, & Joannem fratrem ejus in navi cum Zebedæo patre eorum, resicientes retia sua, & vocavit eos.*

Cur adhibiti in Transfiguratione Testes Moyses, & Elias.

14. Narrant Matthæus, Marcus, & Lucas in Transfiguratione Christo. additisse Moysen, & Eliam cum eo loquentes. Qua in re quæritur, cur in Transfiguratione duo sint adhibiti testes ex veteri Testamento? D. Thomas loc. cit. art. 3. eam affert rationem, *quod ad gloriam æternæ beatitudinis adducuntur homines per Christum, non solum qui post eum fuerunt, sed etiam qui cum præcesserunt.* Quæritur itidem, cur ex omnibus, qui sunt ex veteri Testamento, Moysen, & Eliam Christus testes adhibuerit gloriæ suæ; & idem S. Doctor eodem loco *ad tertium* ex Chrysostomo sex rationes affert; quas inter ea sane videtur optima, quod Moyses, & Elia cum Christo loquentibus de futura ipsius Passione & morte, *dicebant excessum ejus, quem completurus erat in Hierusalem*, Discipulorum animi confirmabantur; inductique sunt propterea duo illi Prophetæ, quia alter Pharaoni, Alter Achabo non sine vitæ periculo resisterunt.

An Mœsus proprio præditi corpore.

15. Quæritur denique, an Moyses, & Elias proprio præditi essent corpore; an corpus apparens assumerint; & quonam demum indicio a tribus Apostolis cognosci potuerint. Quod attinet ad Eliam, cum fide divina compertum habeamus, illum in terra cœlestem vitam degere, ab Angelo quodam par est credere illum inde ubi erat in Thabor esse translatum. De Moysæ vero, qui certe mortuus erat, Deuteron. cap. 34. vers. 5. res est minus explorata. Quidam putant, animam corpori ejus adjunctam; eumque post Transfigurationem rursus mortem obiisse. Ita Scotus in 4. sentent. Dist. 43. qu. 2. art. 1. *Moyses in Transfiguratione*

itione Domini resurrexit secundum veriore opinionem, quæ est Hieronymi super Matthæum cap. 17. nam postquam Evangelista ait, apparuisse illic Moysen, non satis est, ut apparuerit in corpore aereo, ut quibusdam placet, quia non esset ille Moyses, nisi in suo proprio corpore, cui anima uniretur, apparuisset: Et tamen non dubitatur, quin postea fuerit mortuus; quia absurdum esset concedere, Moysen in vitam perpetuam prius Christo resurrexisse. Idem docet Suarez tom. 2. in 3. par. qu. 45. art. 3. disp. 32. sect. 2. Sed nos libentissime D. Thomæ subscribimus, qui Moysis animam docet, quemadmodum Angeli solent, per assumptum corpus apparuisse, cit. art. 3. ad secundum. Unde autem Apostoli indicium habuerint, eos, qui cum Christo loquebantur, esse Moysen, & Eliam, illud esse potuit, vel quod eos Christus suo quemque nomine appellaverit, vel quod eorum quænam fuerit facies, Apostoli a majoribus suis acceperint; verisimile enim est, quemadmodum apud nos est aliqua de alicujus Apostoli facie in Ecclesia traditio, ita apud Hebræos Moysis, & Eliæ faciem traditione cognitam fuisse. Vide Calmet in cap. 17. Matth. num. 3.

16. Narrat Matthæus cit. cap. 17. v. 4. Petrum postquam apparuerit Moyses, & Elias, dixisse: Domine bonum est, nos huc esse: si vis, faciamus hic tria Tabernacula, tibi unum, Moysi unum, & Eliæ unum. Et consonat Marcus cap. 9. v. 5. qui hæc addit: Non enim sciebat (Petrus) quid diceret; erant enim (Apostoli omnes) timore exterriti. Idem refert Lucas cap. 9. v. 33. nesciens quid diceret. Ea vero Petrus dixit verba, ubi vidit Moysen, & Eliam illinc discedere: Et factum est, cum discederent ab illo, ait Petrus ad Jesum &c. verba sunt D. Lucæ. In eum modum loquutus est Petrus, quia ad illud spectaculum lætitia abreptus & gaudio, putabat, se posse Moysen, & Eliam retinere, ne abirent; neque consideravit, nihil sanctissimis illis æternæ gloriæ candidatis opus esse tentoriis, seu mapalibus ex frondibus ramisque contextis; nonnisi post mortem introeundum Christo in eam permanentem gloriam, de qua cum Moyse, & Elia loquebatur; nec prius discipulos eam gloriam consequuturos, quam plurimos labores exantlassent. Si verbis textus hæreamus, videtur Petrus interrogatus a Christo ea verba respondisse: Respondens autem Petrus dixit ad Jesum. Sed Hebraicæ linguæ periti observant, respondere idem esse, ac dicere apud Hebræos. Quod vero Petrus non sui compos esset, cum ea loquutus est, putat Origenes, illum maligno afflatum spiritu in ea verba erupisse. Chrysostomus existimat, Petro tum defuisse supernaturale illud lumen, quo Christi Divinitatem agnoverat. Contra Tertullianus arbitratus est, Petrum

Verba D. Petri in Transfiguratione expenduntur. Pulchre D. Ambrosius de illis iudicavit.

trum in ecclatim raptum; quas opiniones omnes recenset Calmetus in cap. 17. vers. 5. Matthæi. Pulcherrima vero est D. Ambrosii animadversio in Lucam cap. 9. Petrum videlicet a vido ingenio & devotionis suæ ardore abreptum fuisse, quod nesciret, quonam alio demum pacto gratum animum, & amorem suum in Deum declararet. *Non inconsulta petulantia, sed præmatura devotio fructum pietatis accumulat. Nam, quod ignorabat, conditionis fuit; quod promittebat, devotionis.*

Vox de nube:
Hic est Filius
meus dilectus
&c. Loc. en
2. Epistola D.
Petri expla-
natus.

17. Moyses, & Elias jam inde abierant, ut bene animadver-
tunt Chrysostomus, Theophylactus, & alii; necdum Petrus loqui
desierat, cum ex nube fulgida Dei vox erupit, qui Christum dixit
Filium suum esse dilectum, animum propterea ad ejus dicta atten-
derent. *Adhuc eo loquente ecce nubes lucida obumbravit eos; & ecce
vox de nube dicens: Hic est Filius meus dilectus, in quo mihi bene
complacui, ipsum audite.* Verba sunt S. Matthæi cap. 17. cum
quo consentiunt Marcus & Lucas cap. 9. Id ipsum attigit D. Petrus
Epist. 2. cap. 1. v. 16. *Non enim doctas fabulas sequuti notam fe-
cimus vobis Domini nostri Jesu Christi virtutem & præsentiam,
sed speculatores facti illius magnitudinis. Accipiens enim a Deo
Patre honorem & gloriam, voce delapsa ad eum hujusmodi a ma-
gnifica gloria: Hic est Filius meus dilectus, in quo mihi complacui,
ipsum audite: Et hanc vocem nos audivimus de Cælo allatam, cum
essemus eum ipso in monte sancto; & habemus firmiorem propheti-
cum Sermonem, cui benefacitis attendentes quasi lucernæ lucenti
in caliginoso loco, donec dies elucescat, & lucifer oriatur in cordi-
bus vestris. Loquitur ibi S. Petrus de Christi Transfiguratione.
Profitetur, se non doctas fabulas, idest non callide excogitatas
venditare. Refert vocem æterni Patris, Hic est Filius meus dilo-
ctus, in quo mihi complacui: ipsum audite. Quæ verba etsi absunt
a Græcis Codicibus, tamen in omnibus Latinis vulgatæ editionis
reperiuntur. Ac testimonium ea de re tres perhibent Evangeli-
stæ, quibus Spiritus Sanctus voluit, ut veluti quartus Evangelista,
accederet S. Petrus, quò Transfiguratio Christi cum omnibus,
quæ eam circumstetere, testatior fieret & illustrior. Idem Aposto-
lus ait: *Habemus firmiorem propheticum sermonem:* quod quidem
magnam difficultatem parit. Certissimum enim est Dei Patris lo-
quentis testimonium; nec minor Apostolorum in re aliqua testan-
da, quam Prophetarum fides; ut ægre intelligatur, quam de-
mum ratione D. Petrus plus auctoritatis tribuat dicto Prophetæ-
rum, quam ipsius Dei Patris voci, & Apostolorum testimonio.*

Cur eam vo-
cem
audiri
Deus volue-

18. Verum, quod observat Estius ad hunc locum, S. Petrus
ad Judæos scribebat; quos cum vellet confirmare, primo vocem

Dei

Dei Patris de Cœlo auditam affert; deinde illam testimonio suo, aliorumque duorum testimonio confirmat: & quoniam majorem esse noverat apud Hebræos Prophetarum existimationem, quam Apostolorum, postremo loco Prophetarum testimonium profert, forsan ad illa Psalmi respiciens, *Filius meus es tu: Ego hodie genui te*. Quamobrem D. Augustinus sermone 43. alias 27. *De verbis Apostoli* cap. 4. acute observat, non dixisse Petrum, Prophetarum sermonem meliorem esse, sive veriolem, sed certiolem. *Certiolem sane dicit; certiolem, non meliorem, non veriolem*. Et certiolem quidem firmioremque non in se, sed habito respectu ad auditores. *Quid est ergo, certiolem, nisi in quo magis confirmetur auditor?* Ut autem ad historiam regrediamur, non prius audiri voluit vocem suam Deus, quam Moyse, & Elias abiissent, ut perspectum esset omnibus, se de Christo tantum loqui. Deum sæpe legimus in Veteri Testamento in nube se conspicuum exhibuisse, atque inde esse loquutum. Hoc modo in Tabernaculo cum Moyse, & in Templo cum Salomone sermonem habuit; in Testamento novo nube obvolutus ad Cœlum ascendit, & in nube itidem redibit judicaturus vivos, & mortuos. Sed quæ in Veteri Testamento Dei præsentiam indicabat, atra nubes erat; status enim rerum erat ejusmodi, ut umbræ omnia essent & figuræ, omnia plena formidinis: nubes vero, cui Deus, & Christus insidet in Testamento novo, lumine & fulgore micat; omnia enim in eo statu sunt, ut undique illustratæ veritatis lumen affulgeat, amor & dilectio cuncta moveat & gubernet. D. Thomas cit. quæst. 45. art. 4. rationes affert, cur Deus voluerit suam vocem in Filii sui Transfiguratione audiri; super qua re extat etiam Leonis Magni Homilia 94. sane pulchra de *Transfiguratione Domini*.

19. Evangelica denique de Transfiguratione historia narrat, Discipulorum animos, qui metu essent exterriti, a Christo Jesu esse erectos, vetitumque omnibus, ne quis ea de re, priusquam ipse redisset ad vitam, quidquam enunciaret: *Nemini dixeritis visionem, donec Filius hominis a mortuis resurgat*. Id enim si ante Christi mortem evulgatum esset, observat D. Thomas sequutus Hieronymum art. 3. *ad quartum*, fuisse futurum, ut vel a populis ejus mors impediretur, vel ut rudes & imperiti, qui eum turpissimæ neci deditum in Crucis patibulo vidissent, scandalum paterentur. Narrat S. Matthæus cap. 17. v. 10. Christum fuisse interrogatum a Discipulis: *Quid ergo Scribæ dicunt, quod Eliam oportet primum venire?* Cum quo concordat S. Marcus cap. 9. Communis Judæorum erat opinio, futurum ut Messia prior veniret Elias; quamobrem Tryphon Judæus in Dialogo cum Justino Mar-

rit, postquam abierant Moyses, & Elias.

Vetat Jesus; ne quisquam Apostolorum, quod viderint, enunciant. Explicit. Christi verba de Adventu Ellis.

tyre profert Judæorum doctrinam, qua probare nititur, nondum venisse Eliam. *Christus siquidem natus est, & alicubi erit; ignotus est, ac ne ipse quidem se ipsum scit; neque potestate aliqua præditus est, donec adveniens Elias illum unxerit, & manifestum omnibus reddiderit.* Credebant Apostoli Christum esse Messiam: quia vero nondum Eliam venisse viderant, ut faceret quod illum facere oporteret, sed apparuisse tantum; propterea interrogarunt: Quid igitur ajunt Scribæ, oportere primum, ut ante Messiam veniat Elias? Quibus Christus ad hunc modum respondit, ut est apud S. Matthæum loc. cit. v. 11. *Elias quidem venturus est, & restituet omnia. Dico autem vobis, quia Elias iam venit, & non cognoverunt eum; sed fecerunt in eo quæcumque voluerunt.* Sic & Filius hominis passurus est ab eis. Et apud Marcum eodem cap. 9. v. 11. *Elias cum venerit primo, restituet omnia, & quomodo scriptum est in Filium hominis, ut multa patiatur & contemnatur. Sed dico vobis, quia & Elias venit, & fecerunt illi, quæcumque voluerunt, sicut scriptum est de eo.* Eliam, qui venisset, Christus Jesus intelligit Joannem Baptistam, & huic eundem intellexerunt Apostoli, ut tradit Matthæus: Tunc intellexerunt Discipuli, quia de Joanne Baptista dixisset eis. Eliam vero cum ait esse venturum, Prophetam illum intelligit, de quo scribit Malachias cap. 4. v. 5. *Ecce ego mittam vobis Eliam Prophetam, antequam veniat dies Domini magnus & horribilis.* Sane Joanni Baptistæ jure optimo Eliæ nomen tribui poterat, quia in spiritu & virtute Elia jam venerat, ut fufe Maldonatus in cap. 17. Matthæi num. 11.

20. Reliquum est ut de Transfigurationis solemnitate verba faciamus. Institutam eam a Callixto III. vulgus existimat, in nobilissimæ victoriæ memoriam, qua Rex Huniades Turcarum delevit exercitum. Id vero falsum esse ex eo palam fit, quod Bononiæ sexta Augusti die obiit S. Dominicus anno 1221. At Gregorius IX. in ejus Canonizationis Bulla jussit, die quinta Augusti Festivitatem ejusdem Sancti celebrari, ne in illum diem incidere, qui Transfigurationis solemnitati præscriptus erat, ut observat Pagius tom. 3. in Vita Gregorii IX. num. 32. & eruditus vir P. Bremondus in Notis ad Constitut. 108. Gregorii IX. in novo Bullario Frat. Ordinis Prædicatorum tom. 1. pag. 68. Nunc vero S. Dominici Festus dies est pridie Nonas Augusti jussu Pauli IV. Nonis enim Augusti Festus dies celebratur S. Mariæ ad Nives, ut patet ex illius Pontificis Constitutione 13. in eodem Bullario tom. 5. Itaque jussu Gregorii IX. celebranda erat S. Dominici Festivitas quinta die Augusti, quod dies insequens Transfigurationis solemnitati esset addictus. Cum autem Gregorius IX. Callixto III. longe

Falso vulgus credit, hanc Festivitatem a Callixto III. institutam.

longe antiquior sit, manifestum est falso affirmari Transfigurationis Festivitatem a Callixto esse institutam.

21. In Martyrologio seu Calendario Hieronymiano apud Florentinum pag. 736. legitur: *Octavo Idus Sexti Episcopi, Felicissimi, & Agapiti, & Transfiguratio Domini*. Et in Menologio Græcorum jussu Basilii Imperatoris edito die sexta Augusti Transfigurationis Domini memoria recolitur.

22. Raynaldus ad ann. Christi 1457. num. 78. Decretales affert Callixti III. literas, quæ huc spectant. Pontifex in secreto & publico Consistorio cum Cardinalibus aliisque Romanæ Curie Prælati de eorum consilio instituit, ut præter commune, quam de ipso excellenti miraculo (Transfiguratione Domini) Sabbato primæ Hebdomadæ quadragesimalis jejunii, & sequenti Dominica commemorationem universalis facit Ecclesia, propria in honorem ejusdem Salvatoris solemnior per universum Orbem, videlicet Octavo Idus Augusti, quæ est sexta dies ejusdem, annuatim ab universis fidelibus hæc Sacrosancta festivitas celebretur. Idem etiam Pontifex Officium composuit; nam in iisdem literis Decretalibus Indulgentias concedit iis, qui in Vigilia & ipso Festivitatis die ad Vesperas, ad Matutinum, & ad Missam, quæ recentissime composita fuerant, adessent. Extat etiam apud Raynald. loc. cit. num. 80. Callixti ad Cardinalem Carvajal in Hungaria & Germania Legatum Epistola hujusmodi: *Bullam Festivitatis gloriosissimæ Transfigurationis Salvatoris nostri Jesu Christi, quam edidimus simul cum Officio, jam nuper tibi misimus, ut eam per Civitates & loca decentia tuæ Legationis solemniter faceres publicari & observari*. Ejus Officii veteribus expunctis Hymnis & Lectionibus primi & secundi Nocturni, novas substituit S. Pius V. ut observat Gavantus de Festis Sanctorum mense Augusto sect. 7. cap. 10. num. 6.

23. Complura Galecinius affert in Martyrologio argumenta, quibus hanc Festivitatem Callixto III. antiquiorem probat; verum Bullæ conquescentum esse concludit. Callixto tamquam auctori Officium hujus diei tribuit Platina in ejus vita; idem habetur in Vita ejus Pontificis tom. 13. Concil. Collect. Labbeanæ pag. 1391. & apud Cave de Scriptoribus Ecclesiasticis in Sæculo Synodali pag. 113. edit. Geneven. 1705. Baronius in Notis ad Martyrolog. die sexta Augusti, vetustiorē ait esse hanc Solemnitatem Callixto, qui tamen Officium de ea recitari jussit. Suarez tom. 1. de Relig. lib. 2. cap. 5. num. 14. putat, Callixtum hunc festum diem, de quo tantum Officium recitaretur, ex præcepto celebrari jussisse. Et Bailletus existimat, Callixtum ad universalem Ecclesiam hanc extendisse Solemnitatem.

C c c

24. Nos

Notatur hæc Solemnitas ad diem 6. Augusti in Martyrologio Hieronymiano Florentini, & Græcorum Menologio.

Locus in Constitutione Callixti III. de Institutione hujus Solemnitatis.

Festivitas certe Callixto vetustior. Quid Callixtus fecerit amplius, non constat in veteri Scriptura.

*Auctoritas in ea
re sententia .
Indulgentia a
Callixto con-
cessa .*

24 Nos ita concludimus, certum illud esse, ante Callixtum III. in aliquibus Ecclesiis Transfigurationis Festum celebrari consuevisse, & quidem solemniter, ut præter ea quæ supra attulimus, coligitur ex iis, quæ congerunt Thomassinus de Dier. Festor. celebratione lib. 2. cap. 14. num. 19. & Martene cap. 33. num. 17. Deinde dicimus, Sabbatho primæ Hebdomadæ Quadragesimæ, & Dominica consequente in universa Ecclesia Transfigurationem Domini commemorari solitam: in iis enim diebus legebatur Evangelium, quo Mysterium illud continetur; idque jam a Callixto III. temporibus; ut ex verbis apparet ejusdem Pontificis, quæ dudum attulimus, & ex Durando in Ration. Divin. Offic. lib. 4. cap. 22. Postremo dicimus, Callixtum ad divinam opem adversus Turcas implorandam, qui Christianam Rempublicam divexabant, peculiarem Transfigurationis Festivitatem die sexta Aug. in universa Catholica Ecclesia celebrari, Officiumque recitari jussisse, ut ex allatis monumentis, & ipsa Callixti Bulla perspicuum est. Post S. Antoninum, Bellarminum, & Azorium observavit Casalius de Veter. Sacris Christianor. Rit. Rom. edit. ann. 1647. pag. 422. Callixtum III. iis Indulgentiam concessisse, qui in die, quo celebratur Christi Transfiguratio, Officio Divino interfuerint, eodem plane modo, quo concessa illis fuit Indulgentia, qui Officio divino intersint in die Festo Corporis Christi. Et Gretserus de Festis lib. 1. cap. 21. ait, Transfigurationis Festum esse apud Græcos Festum Chori, & Fori; apud Latinos vero Festum Chori dumtaxat; eamque Festivitatem ætate priorem esse Callixto III.

CAPUT XVI.

De Festo Exaltationis Sanctissime Crucis die 14. Septembr.

*Chosroas Per-
sarum Rex
Phocæ bellum
infert .*

1 P Ostridie Idus Septembris SSmæ Crucis celebratur Exaltatio . Mauritio Imperatore anno 602. ejusque liberis nefaria Phocæ perfidia interemtis, Chosroas Persarum Rex, quicum Mauritius necessitudine fuerat conjunctus, ulciscendam sibi ratus eam indignissimam necem, bello adversus Phocam indicto, bene rem gessit. Sed cum, sublato tyranno, adversus Heraclium Imperatorem, qui Phocæ successerat, bellum produceret, satis declaravit, suscipiendi sibi belli non ultionem interfecti Principis veram fuisse causam, sed amplificandi regni cupiditatem .

*Imperii vi-
res fractæ sub
Phocæ . Hie-
rosolyma .*

2 Multum sub Phoca de Imperii viribus imminutum; quæ usus occasione Chosroas plures Civitates diripuit, multosque in servitutem abductos in diversas Regni Persarum regiones distri-
buit :

buit: & anno 624. Hierosolymam expugnatam incedit, plurimos Christianos cum Zacharia Patriarcha captos Hebræis vendidit, accessitque tamquam miseriarum cumulus, quod sancta Crux abacta, & in hostium regiones avecta, Cresphonte, quæ urbs ad Tigrim sita est, tamquam pretiosissimum ex omnibus spoliis, quæ Persæ a Christianis retulissent, collocata est.

crux. Crux Christi Christianis erepta.

3 Crux quodammodo captiva ab ipsis tamen hostibus honorifice est habita. Suidas enim testatur in Vita Heraclii, Chosroam ne ausum quidem fuisse illam ex theca, ubi condita erat, amovere; parique apud Persas, qua Hierosolymæ, diligentia & custodia servatam. Multa etiam Deus edidit miracula, quibus complures Infideles admiratione percussi Christianam amplexi sunt Fidem; pluraque etiam præter naturæ ordinem evenere, quæ incredibilem bonitatem Jesu Christi, & potentiam declararunt, qui in ea Cruce, ut redimeret genus humanum vitam devoverat.

Crux ab ipsis Persis honorifice custodita.

4 Nec, Hierosolyma capta, ab armis Chosroas desistit; sed sese ulterius inferens omnes fere Orientis provincias igne ferroque vastavit; cumque in Africam trajecisset, reliquis Provinciis, quæ ex Romano Imperio supererant, minitabatur. Heraclius, cui pares resistendo vires non suppetere, a victore pacem petere coactus est. Verum nulla pax conciliari potuit; sive Chosroas agi de ea noluerit, sive, ut a nonnullis traditur, iniquissimas pacis conditiones ferret, quarum ea præcipua, ut Christianorum Fide undique convulsa, Persarum Religio in provincias inveheretur.

Alium frustra de conciliando pace Heraclius inter Chosroam.

5 Neque tamen Heraclius, licet in ejusmodi angustias compulsum esset, ac militum paucitate laboraret, animo concidit; sed exiguis iis, quas habebat, copiis comparatis, Dei fretus ope, signis collatis, deleto Chosroæ exercitu, pridie Idus Decembris anno 627. maximam victoriam reportavit. Ager tum temporis Chosroas dysenteria laborabat; ac sibi mortem, vel captivitatem veritus, Madarfem, seu Mardefanem, minorem natu filium, quem amabat plurimum, socium imperii sibi adscivit. Id Siroem natu maximum filium ambitione flagrantem eo furoris impulit, ut captum apud Seleuciam patrem in vincula conjecerit, fratrem recens creatum Regem ante os suum trucidari jusserit, diuque miserum parentem indignissime tractaverit usque ad ejus mortem, quæ pridie Kal. Martii 628. contigit.

Heraclius exercitum Persarum fundit. Chosroam Siroes filius in vincula conjecit, fratrem ante os suum obruncari jubet.

6 Sed cum revolveret animo, quibus artibus regnum adeptus esset, ad illud retinendum alicujus ope, & amicitia sibi opus esse ratus, pacem ab Heraclio petiit. Conditiones Heraclius apposuit cujusmodi victores victis ferre solent: inter eas Crucem

Siroes ab Heraclio pacem petit. Inter pacis conditiones ea dicta est conditio, ut Crucem Siroes redderet.

Domini reddendam. Siroes in eadem argentea theca Crucem Heraclio remisit, in quam Helena conjecerat, ut vidimus cum de Festo Inventionis disseruimus; quosque pater in servitium abduxerat dimisit. In iis fuit Zacharias Patriarcha Hierosolymitanus, qui ad suam rediens Ecclesiam Crucem ipse secum retulit.

*Heraclius
Constantinopo-
li latis accla-
mationibus ex-
cepit. Ob re-
cuperatam
Crucem mun-
eribus percussus.
Heraclius in
Calvaria, unde
amota fue-
rat, Crucem
collocat.*

7 Heraclium multis magnique momenti negociis Constantinopolim revocatum, omnibus lætitiæ significationibus veluti triumphantem populus excepit; percussaque & in vulgus jactata numismata in altera parte cum Heraclii imagine, in altera cum Cruce ab hostibus recepta. Ineunte vere in Syriam se contulit, ut res Orientis componeret; ac in sanctis Hierosolymæ locis reparandis, Ministris Ecclesiasticis præficiendis, eaque Ecclesia multis donis locupletanda plurimum studii pecuniæque consumsit, ut superiorum calamitatum memoriam deleteret. Sed Crucem ad Calvarium, unde amota fuerat, volentem reportare, occulta quædam vis retinuit, ut ne unum quidem passum potuerit progredi. Zacharias Patriarcha cum Heraclium vidisset auro & gemmis ornatum: Vide, inquit, Imperator, ne isto triumphali ornatu in Cruce ferenda parum Jesu Christi paupertatem & humilitatem imitare. Tum Heraclius, detractis calceis, ac plebejo indutus amictu, reliquum viæ confecit, & in eodem Calvarie loco Crucem statuit, unde Persæ asportaverant.

*Heraclius ple-
tatis suæ edi-
to exempla
heresi mœn-
lavit. Turcis
in Imperium
ingragentibus,
Crucem Con-
stantinopolim
asportari ju-
bet.*

8 Quæ omnia veræ pietatis Heraclii sane certa fuerunt indicia. A qua tamen paullo post Anastasii Jacobitarum Patriarchæ deceptus consiliis Imperator descivit, & causatus, se Chalcedonensem tueri Synodum velle, Monothelitarum hæresim a Cyro Constantinopolitano, & Sergio Alexandrino Episcopis excitam propugnavit, qui unam tantum in Christo voluntatem & operationem statuebant. Ac per illa tempora cum se in Fidei quæstionibus immisceret, voluit Deus poenas ab eo repetere. Mehemeti enim successores Syriam, Ægyptum, & Palæstinam Romano Imperio ademerunt; captamque Hierosolymam tenuere quadringentis & sexagiinta tribus annis usque ad Francorum expeditionem, qui eam urbem e barbarorum manu eripuerunt. Has tantas Heraclius calamitates antea prospexerat; itaque Crucem quadriennio antea Hierosolymæ collatam Constantinopolim asportavit, & in Patriarchali S. Sophiæ Templo condidit. Publicæ salutare Lignum venerationi Fidelium in eadem Ecclesia exponebatur tribus postremis majoris Hebdomadæ diebus; & Feria quidem quinta Imperator, Senatus, Magistratus, & Laici, Feria sexta Imperatrix, viduæ, & reliquæ foeminae, Sabbatho Episcopus, Presbyteri, & Clerus universus ad eam adorandam se conferebant.

9 Suidas, Teophanes, & vetusti quidam Rituales libri, quos affert Baronius ad ann. Chr. 628. narrant ea quæ supra retulimus. Eadem etiam narrant Lectiones Officii hujus diei in Breviario Romano; ubi non ex iis, quæ Heraclius gesserit, hanc Festivitatem traxisse originem legimus; sed ortam esse occasionem, ut Festivitas antea jam instituta solemnius celebraretur. Itaque *Exaltationis Sanctæ Crucis Solemnitas, quæ hac die quotannis celebrabatur, illustrior haberi cepit ob ejus rei memoriam, quod ibidem fuerit reposita ab Heraclio, ubi Salvatori primum fuerat constituta.*

10 Et sane nemo inficiari possit, multo ante Heraclium Exaltationis Sanctæ Crucis Solemnitatem ab Ecclesia esse celebratam. In Chronico Alexandrino habetur: *His Consulibus (Dalmatio, & Anicio Paulino) facta sunt Encenia Ecclesiæ S. Crucis a Constantino sub Macario Episcopo Septembris XVII. Inde cepit Festum Manifestationis S. Crucis.* Ubi advertendum est, mendum irrepisse in numeros. Cum enim legeretur 14. secunda & tertia nota perperam coiere. Itaque in Græcorum Menologio apud Canisium tom. 2. Lect. Antiquar. ad diem 14. Septembr. hæc habentur: *Exaltatio pretiosæ & divissæ Crucis sub Imperatore Constantino Magno.* Hujus festivitatis meminit etiam; qui paulo post Constantinum vixit Chrysostomus Homil. 5. 1. tom. 1. quam habuit quarto nonas Octobris. *Nondum elapsi sunt dies viginti, ex quo memoriam Crucis celebravimus, & ecce Martyrum memoriam celebramus.*

11 Ex his apparet monumentis, in Orientali Ecclesia multo ante Heraclii tempora Exaltationem S. Crucis in memoriam eorum, quæ Constantino contigerunt, esse celebratam, de quibus ad diem tertiam Maji fusc differuimus. Idem observavit Baronius in Notis ad Martyrologium ad diem 14. Sept. & Sollerius ad Martyrologium Ufuardi. *De illius Festi antiquitate, celebritate, aliisque eodem spectantibus videndi inter ceteros Baronius, & Florentinius, qui merito censent, Exaltationem S. Crucis Heraclio vetustiore habere originem: & si Castellano credimus, ducentis & quadraginta annis ante illius Imperatoris tempora salutem Hierosolymis institutam esse. Hinc forte apud Hieronymianos Codices, Bedam, & Rabanum nulla Heraclii facta mentione simpliciter legitur Exaltatio S. Crucis. Videantur Menardus in Notis ad Sacramentarium S. Gregorii pag. 179. Florentinius ad suum Martyrologium, & Martene cap. 34. num. 8.*

12 Idem de Occidentali Ecclesia testatur Thomassinus de dier. Festor. Celebrat. lib. 2. cap. 24. *Exaltationem Crucis ejusdem tam Latina, quam Græca Ecclesia multo ante Heraclium Imperatorem coluit, quod conspiciendam se præbueris Constantino. De*

Ex his ortum est, non ut Festivitas institueretur, sed jam instituta ut celebraretur solemnius.

Multo ante solemnitatem hanc celebratam esse constat.

In Oriente ante Heraclium celebratam, docent Baronius, & Thomassinus.

In Occidente per eandem iterum ante Heraclium temporibus apparet in Sacramento-

ca me-

*via S. Gregorii.
Pari Crucis a
Sergio Papa
reperita in Va-
ticana Basilica
Sacrariorum.
Sejuncta Festi-
vitas Exalta-
tionis a Festi-
vitate Inven-
tionis, & sua
enique dies
constituta.*

ea meminit Sacramentarium S. Gregorii; ex quo intelligi po-
test, ante Heraclium Occidentalem Ecclesiam S. Crucis Exalta-
tionem celebrasse. Sexaginta vero annis post ereptam ab Hera-
clio e Barbarorum manibus Crucem, Sergium Pontificem nar-
rat liber Pontificalis divinitus afflatum capsam quamdam, quæ
in Sacrario Basilicæ S. Petri jacebat, aperiri jussisse. Qua constat
ret materia, propter vetustatem non potuisse primum cognosci;
deprehensam postea argenteam; ibi Crucem repertam esse gem-
mis ornatam, in qua ejus Crucis magna pars erat inserta, cui Chri-
stus fuerat affixus; & ejus Pontificis jussu singulis annis in Latera-
nensi Basilica ipso Exaltationis die publicæ venerationi exponi
solitam. In Ufuardi Martyrologio ad diem 14. Septemb. utrum-
que conjungitur, & quod sub Heraclio, & quod sub Sergio con-
tingit. Eadem Crux in Pontificii Sacelli Sacrario etiamnum asser-
vatur, ut fuse probat Rocca tom. 1. pag. 453. noviss. edit. Neque
vero ex iis, quæ sub Sergio sunt gesta, bene inferas, ab eo Pontifi-
ce hanc institutam esse Festivitatem: illud tamen eruitur, eo die,
quo jam multo ante instituta Festivitas celebrabatur, Crucem pu-
blicæ venerationi singulis annis Sergium exponi jussisse. Atque ut
in compendium rem omnem conferamus, in utraque Orientis &
Occidentis Ecclesia multo ante Heraclium Exaltatio S. Crucis
celebrabatur, quæ sub Heraclio facta est illustrior. Deinde Festi-
vitas Inventionis a solemnitate Exaltationis sejuncta: quarum al-
tera, quæ spectat ad Inventionem Crucis sub Constantino, 5. Non.
Maji, altera, quæ refertur ad ea, quæ gessit Heraclius, postrid. Idus
Septembr. celebrantur. Id apparet ex Lectionibus, quæ in earum
Festivitatum Officia insertæ sunt. Quæ Lectiones leguntur postri-
die Idus Septembris, eæ emendatæ fuere sub Pio V. & Clem. VIII.
qui Exaltationem S. Crucis ad Ritum duplicis majoris extulit, te-
stis Gavanto cap. 11. de Festis Sanctorum mense Septembri n. 14.

*Aureum illud
nummus He-
raclii reper-
tus in ruderi-
bus Basilicæ
Lateranensis.
Explicatus a
Borella Ar-
chiepiscopo A-
maseno.*

13 Aureum numisma Heraclii, quod apud Clementem XI.
erat, crudite explicavit Joannes Christophorus Battellus Archie-
piscopus Amasenus Dissertatione Romæ edita anno 1702. Num-
mum illum esse ferunt ex iis, qui reperti sunt in ruderibus Basili-
cæ Lateranensis sub Xisto V. cum Templum illud proximique
Palatium magnificentius extruere cogitabat. Ejusmodi numif-
mum idem Pontifex meminit Constitut. 73. ex quibus eximia
colligit Heraclii pietatem in Basilica reparanda, & in Crucis cul-
tu propagando. quam suorum numismatum voluit esse signum,
& suorum memoriam triumphorum.

*Descriptio i-
psum nummi.*

15. Est in adversa parte numismatis Heraclii caput diadema-
te cinctum, quod familiare est Cæsaribus circa tempora Constani-
tini,

tini. Supra diadema galea e pinnis assurgit, cui Crux est imposta. Circum Heraclii caput est epigraphe DN HERACLIUS PPA, hoc est, ut explicat Battellus, Dominus Noster Heraclius Perpetuus Augustus. In averſa parte est Crux patibulata. Circa eam legitur VICTORIA AUGUSTA; in inferiori parte sunt hæ litteræ CONOB.

15 Battellus, qui nummum hunc suscepit explicandum, ostendit per eam Crucem patibulatam significari eam victoriam, quam a Persis reportavit. Percussum præterea ait nummum illum cum Cruce commissa & patibulata, ut aliquod mysterium eo veluti Symbolo innueretur, fortasse concors quatuor Evangelistarum historia de Cruce & Passione Christi, ejusque per quatuor Mundi plagas propagatio. Satis autem ex inscriptione VICTORIA AUGUSTA putat ostendi referendam eam Crucem ad Heraclii triumphum post Persas prælio fufos. Litteræ illæ CONOB ex ejusdem Auctoris sententia significant *Constantinopoli obſignata*. Atque huc conferre pauca hæc ex illa Dissertatione opportunum putavimus, dum de S. Crucis Exaltatione disſereremus, ut viri memoriam renovaremus, cujus amicitiam, dum viveret, coluimus, & eruditionem plurimi fecimus. Nec sumus nescii, Ephemeridum Trevoltienſium Scriptoribus mense Augusto 1704. non omnino ejusmodi explicationem probatam fuisse; quam tamen egregie propugnatam reperies in Italicis Ephemeridibus ann. 1715. Tom. 22. quo Lectores remittimus. Quaresmius Elucidat. Terræ Sanctæ lib. 5. cap. 39. tom. 2. Sacellum describit, quo Calvarii montis locus continetur, & testatur ibi ad Australem plagam imaginem esse S. Helenæ cum Epigraphe: *Helena Regina*, cui exadverso ad Borealem esse itidem imaginem Heraclii cum Epigraphe: *Heraclius Imperator*. Illa enim prima Crucem reperit, hic ex infidelium manibus eripuit. Gretſerus, & Trombellus, quos citavimus cum de Festo Inventionis Crucis tractaremus, testimoniis veterum Scriptorum abunde congestis, qui tradunt Heraclium Crucem infidelibus eripuisse, eam historiam vindicant ab Hæreticorum calumniis.

*Battelli tū-
plicatio. De
Sancto Sacello,
quo Calvarius
mons continetur.*

CAPUT XVII.

De Festo Die Natali Domini Jesu Christi 25. die Decembris.

1 **N**ativitas Jesu Christi 8. Kalendas Januarii celebratur, cujus historiam describit Lucas cap. 2. Nos Evangelistæ verba identidem afferemus, atque ea, quæ Sacri adnotarunt ad illa

*Totius sermonis
inſtitutum &
pariter
Editum Caſa-*

*ris de consen-
do Romano
Imperio, ex
Evangelio.*

illa verba Interpretes, exponemus. Deinde de hujus diei solem-
nitate sermonem habebimus, ac Primæ Operis hujus Parti finem
imponemus. Scribit S. Lucas cap. 2. v. 1. *Factum est autem in
diebus illis, exiit Edictum a Cesare Augusto, ut describeretur uni-
versus Orbis. Hæc descriptio prima facta est a Præsidi Syria Cy-
rino.*

*Cur de hoc
censu nihil en-
set apud pro-
fanos Scripto-
res.*

2 De ea descriptione sub Cæsare Augusto nihil reperias apud
profanos rerum Scriptores; neque id mirum. Unam enim
tantummodo ejus Imperatoris historiam habemus accurate scrip-
ptam, cujus pars decem admodum annos complectens, in qua
descriptio ipsa contineri debuerat, interiit; ut bene advertunt
Casaubonus exercit. in Baronium, Tillemont. Not. 2. ad Vitam
Jesu Christi, & Calmetus in cap. 2. Lucæ num. 1. qui sapientem
monet nihil de ea posse dubitari, tum quod de ea testimonium
habemus Lucæ, tum quod Justinus Apologia secunda, & Tertul-
lianus in Marcionem lib. 4. cap. 7. ejus descriptionis injecta men-
tione, Ethnicos & Hæreticos ad Acta publica mittunt, quo eo
tempore adhuc extabant.

*Non Judæa
solum censu
sed universum
Romanum Im-
perium.*

3 Cum igitur descriptionem, quæ a Luca memoratur, du-
bitandum non sit factam esse jussu Cæsaris Augusti; & Evange-
lista scripserit, exiisse Edictum, *ut describeretur universus orbis*,
quæritur, num Judæa solum censu fuerit; sæpe enim in sacris
paginis universus orbis solum Judæam significat, ut Genesios
cap. 13. *Ecce universa terra coram te est*, & lib. 1. Regum cap.
30. *Qui cum duxisset eum, ecce illi discumbebant super faciem uni-
verse terre.* Vera tamen sententia est, iis verbis totum Roma-
num contineri Imperium; quamobrem Hegesippus lib. 2. cap. 9.
scribit: *Orbis terrarum, qui Romano Imperio clauditur & de-
finitur.*

*Cur ea descri-
ptio a D. Luca
dicatur pri-
ma.*

4 Universi Romani Imperii descriptionem scribit Lucas fa-
ctam esse a Syriæ Præsidi Cyrino, eamque fuisse primam. Justi-
nus Martyr in Dialogo adversus Tryphonem, idcirco primam a
Luca appellari putant hanc descriptionem, quod tum primum
a Romanis Judæa censu sit. Alii existimant, hanc fuisse totius
Romani Imperii primam descriptionem, quæ antea, nondum
pacato Imperio, fieri non potuerit. Sed de his inferius.

*Cyrinus, Cy-
renius, Cyri-
nius, & Keri-
nius, ut ha-
bent Græci Co-
dices, assen-
dunt illius
Præsidis no-
men fuisse Cy-
rinum.*

5 In Græcis Codicibus manuscriptis legitur Cyrenio, Cy-
rinio, & Kerinio; unde oritur quæstio, quodnam tandem sit
ejus Præsidis Syriæ nomen, a quo descriptio hæc facta fuerit.
Sed utcumque sit de hac controversia levis sane momenti, quis-
que profecto ex eorum nominum similitudine facile intelligere
potest, Præsidis illius nomen fuisse Cyrinum. Majus opus est
cum

CAP.XVII. DE FESTO DIE NATALI DOMINI. 393

cum Lucæ Evangelio profanos Scriptores conciliare, ut fufe disputat Bineus De Natali Jefu Chrifti lib. 1. cap. 3. num. 7.

6 Quintilium Varum poftremo Herodis anno Judæam gubernaffe fcribit Tacitus lib. 5. *Post mortem Herodis, nihil expectato Cæfare, Simon quidam regium nomen invaferat. Is a Quintilio Varo Syriam obtinente puniitur.* Tertullianus contra Marcionem lib. 4. cap. 19. descriptionem factam effe teftatur a Sentio Saturnino: *Sed & census confas actos sub Augufto tunc in Judæa per Sentium Saturninum.* At Joſephus lib. 16. Antiquit. cap. 13. & 14. tradit, Saturninum poftremo Herodis anno provincia difceſſiſſe, quam Quintilius Varus ſuſceperit, & Quintilio ſucceſſiſſe Publium Sulpicium Quirinum, qui idem eſt cum Cyrino. Quam ſi chronologiam amplectamur, census ille totius Imperii non videtur factus, cum Jeſus in lucem editus eſt, ſed poſt decem ab Herodis morte annos, Archelao Judææ Rege in exilium pulſo. Neque enim dubitari poſſe videtur, Herodem aut anno Chriſti natali, aut proxime poſteriori e vita decelliſſe. Quamobrem Huetius demonſtrat Evangel. prop. 9. cap. 10. num. 9. *Anno ipſo, inquit, quo natus eſt Chriſtus Jeſus, vel proximo certe obiiſſe Herodem, optimorum Chronologorum ſententia eſt.*

7 Ab ea, quæ propoſita eſt, difficultate ſe ut expediat vir ille omni laude alioqui digniſſimus contendit, Sentium Saturninum Syriam quinquennium rexiffe; & extremo Præfecturæ ſuæ tempore de cenſu per Syriam habendo mandatum a Cæſare habuiſſe: Cenſum vero primo in Italia finitimique provinciis inſtitutum procul dubio fuiſſe, & cenſuales tabulas prius Auguſtum cognoviſſe, quam in extremis Imperii finibus remotisque locis, ut in Judæa conſici juberet. His conſtitutis, putat Huetius, cenſum illum in Judæa, a Saturnino extremo ſuæ Præfecturæ anno cœptum Quintilium Varum continuaviſſe, *qui cum inſlaret operi, tum natus eſt Jeſus Dominus:* ſunt ipſius Huetii verba.

8 Cui ſententiæ, quæ Lucæ Evangelio adverſatur, minime poſſumus aſſentiri. Cyrinum enim, non Quintilium memorat S. Lucas. Nam quod ait Huetius fieri potuiſſe, atque id ſæpe numero contigiſſe, ut ſalva ſemper ea veneratione, quæ Sacris Codicibus eſt tribuenda, propter variantes Manuſcriptorum Lectiones aliud pro alio nomen irrepſerit, id omnino rejicimus: hac enim ratione via quædam nimis lata ad Sanctorum Evangeliorum, & utriuſque Teſtamenti veritatem convellendam aperitur.

9 Petavius & Grotius exiſtimant, Cyrinum in Judæam & in Syriam cum extraordinaria jurisdictione miſſum, dum eam regeret Provinciam Saturninus vel Quintilius Varus. Idem cum iſ

Tom. X.

D d d

ſentit

Difficultas conciliandi cum Evangel. profanos Scriptores.

P. Daniellæ Huetii ſolutio.

Reſoluitur, quod ſcribitur cœdices Juſticiæ.

Alia Petavii & Grotii ſolutio.

sentit Natalis Alexander in cap. 2. Lucæ num. 2. licet eos non nomen. Atque hac ratione sane sublata videtur omnis difficultas. Si enim Cyrinus vir Consularis cum potestate extraordinaria missus est ab Augusto, ut censeret Judæam, Saturnino ejus Provinciæ Præside, ecce tibi jam Cyrinus Judæam descripsit, ut scribit Lucas, eaque descriptio vere dici potest facta sub Sentio Saturnino, quod testatur Tertullianus. Ad hæc si illud adjiciamus, duos a Cyrino census actos esse; alterum dum Herodes Rex adhuc viveret; alterum postquam Archelaus in exilium est pulsus; illum tranquillis pacatisque rebus; hunc dum Judas Gaulonita seditione, & turbis omnia misceret; illum extraordinaria, hunc ordinaria potestate, quam factus postea Syriæ Præses Cyrinus obtinebat; facile intelligitur, Josephi Chronologiam cum Luca bene componi, & verum esse, descriptionem a Cyrino factam anno Jesu Christi Natali ante Herodis obitum, ideoque Lucam bene scripsisse; *Hæc descriptio prima facta est a Præside Syriæ Cyrino*, extraordinaria nimirum potestate; idcirco autem Cyrinum ab Evangelista Syriæ Præsidem appellari, non quod in prima descriptione eam Prævinciam regeret, sed quod postea eam obtinuerit Provinciam, atque jam ejus Præses secundam descriptionem fecerit, quam Josephus commemorat.

*Alla Colmetti
& Lamy solutio.
Sequitur
historia ex
Lucæ Evangelio.*

10 Quæ sane difficultatis dissolvendæ ratio cum Luca optime cohæret. Sed Calmetus in cap. 2. Luc. num. 2. cui haud videtur verisimile, Cyrinum census habendi causa in Judæam cum extraordinaria potestate missum esse, putat omnem summoverti posse controversiam, si verba S. Lucæ: *Hæc descriptio prima facta est a Præside Syriæ Cyrino*, ita explicentur. *Hæc descriptio prima facta est, antequam Cyrinus esset Præses Syriæ*; multosque Scriptores affert secum idem sentientes; atque explicationi ejusmodi contendit Græcam phrasim non adversari, pluribusque locis e Sacra Scriptura collatis, sententiam suam nititur confirmare. Nobis vero ea, quam proxime attulimus, sententia verior videtur, & cum Evangelico textu melius congruere, quam etiam amplectitur Lamy Concord. Evangel. lib. 1. cap. 9. num. 2. *Hæc, inquit, descriptio, de qua agitur, facta est sub Cyrino, qui præerat Syriæ: nam aliterius descriptionis sub eodem Cyrino mentionem facit Josephus, quam cum factam multis post Herodis obitum annis scribat, hoc est multis post Christum natum annis, non deet eam habere pro una & eadem.* In Thesaurο Dissertationum in Nov. Testam. e Museo Hasei & Ikenii tom. 2. pag. 428. edit. 1732. extat Dissertatio Bartholomæi Christiani Richardi *De Censu Augusti universe indicto*, in qua totam hanc rem Auctor examinat:

minat : at demum sententiam sequitur, quam supra innuimus, de duplici censu, quorum altero Cyrinus extraordinaria, altero Judæam ordinaria censuit potestate; nec aliter putat Sacram historiam cum profanis Auctoribus posse componi; quamlibet autem aliam eorum conciliandorum rationem implicare magis id, quod quaeritur, quam expedire. Pergit D. Lucas: *Et ibant omnes ut profiterentur singuli in suam Civitatem. Ascendit autem Et Joseph a Galilea de Civitate Nazareth in Judæam in Civitatem David, quæ vocatur Bethlehem, eo quod esset de domo, Et de familia David, ut profiteretur cum Maria desponsata sibi uxore pregnantæ.*

II Censum illum Augustus fieri jussit non studio cognoscendi qui numerus eorum esset, qui sibi parerent, quemadmodum David, ut suas probe vires metiretur, ut est in lib. 2. Regum cap. 24. v. 2. *Dixitque Rex ad Joab Principem exercitus sui: Perambula omnes tribus Israel a Dan usque Bersabee, Et numera te populum, ut sciam numerum ejus.* Sed ideo censeri totum Imperium voluit Augustus, ut & homines cognosceret, & quid in unaquaque Provincia quisque fortunarum haberet, qua quisque in arte se exerceret; atque inde pro cujusque muneris & rei familiaris ratione vestigal certum imponeretur, ut animadvertunt Ambrosius, Beda, Euthymius, & Maldonatus in cap. 2. Lucæ. Quidam vehementer repugnant opinioni eorum, qui putant, ideo censum toto Imperio ab Augusto indictum, ut pro cujusque fortunarum ratione tributum imponeret: Judæos enim suos habuisse Reges, & tunc temporis Herodem imperitasse: ei dumtaxat, non vero Romanis Judæos vestigalia pendidisse: illum interdum populo tertiam, interdum etiam quartam tributorum partem remisisse: directe autem ab illo tamquam socio tributum Romanos exegisse. Ita disputat Richardus, & Bineus tract. de Natali Jesu Christi lib. 1. cap. 3. Itaque censum ab Augusto non alia de causa indictum esse uterque Auctor contendit, quam ut omnium hominum, qui Romano parerent Imperio, eorum etiam qui sociis Regibus subjecti essent, constaret numerus, quorum nomina in publicas Tabulas refererantur, ut si quod bellum exarsisset, exploratum haberet Imperator, quem in quaque regione militum delectum habere posset. In hac controversia nullas partes proferimus nos sequi; sed cum Lamy loco cit. num. 1. sapientiam Dei suspicimus sane mirificam, qui homines ita finit ea facere, quæ sibi facienda censeant, ut eorum res gestæ æterno divinoque numini & consilio obsecundent: quod quidem in hac re luculentissime apparet: nam quæcunque causa

D d d 2

fuerit,

*Disputant E-
radici, quo
consilio Augu-
sti censum il-
lum indixit.
Pulchra Lamy
verba in hac
controversia.*

fuerit, qua impulsus Augustus Imperii vires recensere voluerit, certe ex eo censu voluit Deus certissimum extare testimonium, Christum Jesum regio Davidis prognatum sanguine. *Parentes enim ejus* (sunt verba Lamy eod. cap. 9. num. 1.) *Bethlehem profecti, ex qua Urbe oriundi erant, se probaverunt ex familia David: Et cum eo tempore, quo venerunt in hanc civitatem, Jesus natus sit, Gentem suam Et sobolem in aëta Romanorum retulerunt; ex quibus, quoties opus fuit, depromi poterat, Jesum natum esse in Bethlehem ex Parentibus de familia David.*

*Joseph & Maria per re-
liam lineam,
Davide pro-
geniti.*

12 Ex eadem Tribu erant eademque stirpe David, Beata Virgo, & S. Joseph, ut est apud Lucam cap. 3. Quin etiam, etsi multi putant Interpretes, S. Evangelistam, qui scribit Josephum esse *de domo & familia David*, duobus verbis idem significare voluisse, alteramque vocem altera explicari; eruditi tamen quidam Critici contendunt, vocem illam *Familia* non tam late patere, ac illa vox *domus* patet; atque illud voluisse Evangelistam, non modo e Davidica stirpe Josephum ortum esse, sed etiam per lineam rectam masculinam Davide Rege prognatum, ac ex eo ordine, qui jus haberet ad Regnum per Salomonem, ex quo Messias erat nasciturus, ut apparet ex lib. 6. Regum cap. 7. vers. 12. & sequen. & cap. 1. Epist. ad Hebræos vers. 17. Videantur Notæ ad Historiam vitæ, doctrinæ, & miraculorum Jesu Christi Urbini editæ 1730. cap. 16.

*Joseph & Maria veni-
unt, censendi
causa, Bethle-
hemum, quæ
Civitas erat
Davidis gen-
tilitatis.*

13 Habitabat Joseph cum Sanctissima uxore sua in Civitate Nazareth Galilææ; cumque Augusti mandatum intellexisset, suscepto in Judæam itinere, venit Bethlehem, quæ civitas erat Davidis gentilitia. Unde enim suam quisque trahebat originem, & ubi rem familiarem, bona fortunaque suas haberet, ibi juxta leges Romanorum suum debebat nomen profiteri; sic enim Ulpianus l. 3. Dig. de Censibus: *Is vero qui agrum in alia Civitate habet, in ea Civitate profiteri debet, in qua ager est; agri enim tributum eam Civitatem debet levare, in cujus territorio possidetur.*

*Verissimè Mo-
riam pedibus
viam illam con-
fessæ.*

14 Cum in eo itinere profecto non ita brevi a Nazareth ad Bethlehemum non dicat Evangelista, Beatam Virginem, & S. Josephum veterino aliquo usos esse jumento, verissimile est id itineris pedibus eos confecisse; præsertim cum Spiritus Sancti opera conceptum Filium sanctissima Fœmina gestaret in utero, quem sine dolore in lucem erat editura; ac propterea iis molestiis non esset obnoxia, quibus prægnantes ex viro mulieres confictari solent; & quod habebat in utero, non modo ipsi oneri non esset, sed eo potius levior fieret & expeditior.

15 In his censibus suum quisque nomen, & uxoris, & liberorum profiteri debebat, ut referretur in Acta. Cujusque conditio & bona, ut inuimus, describebantur. Nam Romanæ leges propter ætatē interdum tributum remittebant. Neque enim a puellis ante duodecimum annum tributum in Syria pendebatur; ac juxta ejusmodi usum Jesu Christi, B. Virginis, & S. Josephi nomina in censum relata sunt, quemadmodum videre est apud Fulgentium Sermone de laudibus B. Mariæ, apud S. Bernardum in Sermone super verba illa Apocalypsis, *Signum magnum*, & Maldonatum ad cap. 2. S. Lucæ.

Quid referretur in Tabulas Censuales.

16 Atque hic insurgit adversus Bethlehemiticum Christi ortum Bodini impietas, qui mendacii Lucam audet nefaria impudentia insimulare. Negat enim, Jesum Christum civem fuisse Romanum; cives autem Romanos tantummodo vocatos ad nomen suum profitendum in censu Cyrii: ex quo ait non posse intelligi, quamobrem Christus esset censendus. Addit scelestus homo, quo quisque habitaret loco, ibi suum quemque nomen profiteri debuisset; quapropter, nec verisimile, nec verum esse, Mariam & Josephum Nazaretho Bethlehemum censendi causa se contulisse; negat præterea foeminas, præsertim vero gravidas & partui proximas in censum venisse; quamobrem nullam esse rationem, cur Beata Virgo tantum iter susciperet.

Bodini nefaria impietas.

17 Bodini sophismata apud Huetium demonstr. Evangel. propos. 9. cap. 10. num. 4. disjecta reperies. Ex uberrimo enim penitioris eruditionis suæ penu depromit vir doctissimus argumenta, quibus ostendit, vestigales etiam, peregrinos, & socios, ac propterea etiam, qui Cives Romani non essent, censos esse; & in lustralibus censibus eo se quemquam conferre debuisset, unde haberet originem; ea vero Livii verba, *præter mulieres*, quibus fretus Bodinus tantopere exultat, ac luculenter demonstrari putat, in lustralibus censibus foeminarum nomina in censuales Tabulas non esse relata, ostendit contrariam omnino sententiam continere; Livium enim non dixisse viros censos esse, non foeminas, sed præter foeminas viros etiam in Tabulas esse descriptos.

Bodini profligata sophismata.

18 Si cui volupe est totam hanc rem accurate perspectam habere, adeat Huetium in loco citato. Interea nos ad eas quæstiones pertractandas accedimus, quas sacri excitant Interpretes. Neque vero illa quærenda sunt, num B. Virgo Nazaretho se Bethlehemum contulerit; id enim diserte tradit Sacra Historia: neque etiam illud, utrum ejus nomen, & filii, & viri sui in tabulas censuales fuerit relatum; descripta enim fuisse utriusque

An B. Virgo cogeretur Etiam sic conferre Bethlehemum

que

que conjugis, & filii nomina, communis sententia est, sed illud examinandum, ipsane iter suscipere coacta fuerit a lege, cum vir ejus Joseph uxoris suæ & filii nomen legitime profiteri potuisset.

*Nec summa,
nec pueri co-
gebantur cen-
sus causa iti-
nera suscipere.*

19 Respondet Calmetus in cap. 2. Lucæ num. 4. neque foeminas neque pueros ad suscipienda itinera censendi causa esse coactos; nihil enim necesse fuisse, innumeris & molestissimis suscipiendis itineribus totum prope Imperium commoveri, levissimæque de causa tantos motus excitari.

*Quamobrem
B. Maria licet
gravida Be-
thlehemum ve-
nerit.*

20 Ea igitur necessitatis causa rejecta, alii existimant, Beata Virginem licet gravidam idcirco Nazaretho Bethlehemum venisse, quod cum filia esset unica, & in familia sua hæres, progeniem familiamque suam repræsentare deberet. Hæc vero quibusdam ratio minime arridet. Neque enim exploratum est, eam fuisse unicam filiam, atque, ut unica fuerit, in manu erat viri sui, cui nupserat, quique uxoris nomen præsertim partui proximæ profiteri poterat.

*Falsa omnia
in hac re sin-
gulari Dei
consilio & nu-
munt. B. Vir-
go Filium uni-
um Bethlehemum.*

21 Quamobrem erectis in Cælum animis, Divinæ Providentiæ incomprehensibile consilium suspicientes concludamus, cum ex Prophetarum oraculis humani generis Reparatorem Bethlehemi nasci oporteret, mysteriumque Incarnationis Nazarethi jam esset impletum, necessarium fuisse, ut existeret aliqua occasio Bethlehemum adeundi: divino consilio factum esse, ut ea præberetur occasio ab Ethnico Principe, qui universum Imperium censeretur juberet. Factum itidem divino nutu ac numine, ut Josephus Bethlehemum venire cogeretur; Beataque Virgo licet partui proxima, nec ulla lege ad illud suscipiendum iter compulsæ, illuc se cum viro contulerit, atque Christus Jesus Bethlehemi natus sit; quæ omnia summam Dei potentiam declarant, qui temporum, humanorumque eventuum supremus est arbiter, rerumque omnium dominus. *Factum est autem, cum essent ibi, impleti sunt dies ut pareret. Et peperit Filium suum primogenitum, & pannis eum involvit, & reclinavit eum in præsepio, quia non erat eis locus in diversorio.* Verba sunt Lucæ cit. cap. 2. v. 6.

*Quo sensu illa
verba intelli-
genda, pepe-
rit filium suum
primogenitum.
Nulla obste-
trix.*

22 Verba illa, *Factum est autem, cum essent ibi, impleti sunt dies ut pareret*, opinionem eorum suffulcire videntur, qui non eadem nocte Beatam Virginem, qua Bethlehemum pervenerit, sed aliquot post dies suum peperisse Filium existimant. Eorum porro verborum, *peperit Filium suum primogenitum*, sententia est, peperisse Unigenitum Filium suum, quem Evangelista Primogenitum vocat; neque enim quemquam alium filium antea, neque post Beata mater peperit. Æterni Patris Primogenitum, idest

ideſt unicum filium vocat D. Paulus Chriſtum Jeſum ad Hebræos cap. 1. verſ. 6. & in Veteri Teſtamento ſermo fit de iure primogeniti, ejus videlicet, qui primus omnium natus ſit, ſive unicuſ fuerit, ſive fratres deinde habuerit. Verba illa, *pannis involvit*, oſtendunt, B. Mariam nullo tactam dolore peperiſſe. Barradius exiſtimat, divinum Infantem ex utero Matris editum humi fuiſſe poſitum, ut nobis humilitatis præberetur exemplum. Franciſcus Lucas putat, B. Virginem in ſuis accepiſſe manibus puerum, veluti maturum fructum ex arbore decerptum. Suarez opinatur exceptum ab Angelis, & in manus Virginis traditum. Scribit B. Birgitta, ipſum Infantem in ſuaviſſimæ Matris ſuæ manus veniſſe; quas opiniones refert a Lapide in cap. 2. Lucæ verſ. 7. Eas ſollicitare nolumus, ac per uos ſua cuique ſit fides; rejicienda vero prorsus eſt eorum ſententia, qui ad hunc partum obſetricem adhibitam putant, quam dicunt S. Anaſtaſiam fuiſſe. Beata enim mater ab omni dolore vacua, ut diximus, Filium peperit, quem ſuis manibus exceptum pannis involvit, nec cujuſquam alterius manibus contrectare. Vide Baronium ad ann. 1. Chr. num. 6. 7. & 8. Luculentiffimum eſt etiam adverſus Helvidium Hieronymi teſtimonium: *Nulla ibi obſetrix, nulla muliercularum ſedulitas interceſſit: ipſa pannis involvit infantem; ipſa & mater, & obſetrix fuit*. De S. Anaſtaſia fabulam explodit Baronius in Notis ad Martyrolog. ad 25. diem Decembris. Eam enim tertio vixiſſe conſtat ſeculo, & ſub Diocletiano Martyrium eſſe paſſam. Occaſio ejus fabulæ extitit ex commemoratione, quæ de ea ſit 25. Decembris die, qui Natalis eſt Jeſu Chriſti; eo enim die martyrii palam adepta eſt, ac propterea Statio ad ejus Eccleſiam inſtituta fuit.

23. S. Gregorius Nyſſenus *de Chriſti nativitate* loquitur de linteis, ſeu faſciis, quibus Jeſus infans eſt involutus: *Pannis, inquit, conſtringitur, qui peccatorum noſtrorum vincula in ſe ſuſcepit*. Narrat Drexelius, extructam olim in ſacrarum honorem faſciarum Baſilicam; & Feſtivitatem ſingulis aunis celebrari conſueviſſe; quod auctoritate probat S. Germani Patriarchæ Conſtanti-nopolitani, & Euthymii Oratione de Faſciis Domini apud Lipomnum tom. 6. ad diem 31. Auguſti. Cum eo conſentit Baro-nius ad ann. 1. Chriſti; qua in re etſi notatur a Caſaubono, qui ve-tuſtiora poſtulat teſtimonia, eaque virorum, qui primis Eccleſiæ ſeculis vixerint, teſtantium faſcias Infanti Jeſu ſervatas fuiſſe; tamen duo illi, quos ſupra nominavimus, ſatis eſſe videntur ad fidem affirmandam huic rei, de qua nihil quidquam in ſe recipit Eccleſia Catholica, tantumque fidei per eam unicuique licet piæ huic

De Faſciis Do-mini, & rurſus de obſetrixibus.

huic opinioni tribuere, quantum quisque voluerit. De Juvenale Hierosolymor. Episcopo proditum est, ab eo illas fascias Eudoxiæ Augustæ muneri missas; quod Chiffletius in *Christi bistoria de Lin-teis Christi sepulchralibus* cap. 28. magni facit; præsertim cum idem testetur Nicephorus. Idem Chiffletius loca commemorat, ubi sacrae fasciæ in plures divisæ partes etiam nunc asservari dicuntur & coli. Vetus extat Romæ Vitrum in Museo Familiæ Viâtoris, quo nati Servatoris Præsepe exhibetur. Sacrum hoc Vitrum Eru-ditorum virorum judicio circa dimidium 3. seculi creditur fuisse confectum. Illud explicavit Latino Opusculo Eques Franciscus Viâtorius, pluraque de eo scripsit Antonius Franciscus Gorius in suis Observationibus de Christi Domini Præsepe; ubi num. 9. ostendit, non tam in maxima inopia, quam in summa Christum natum esse munditia: munda a sordibus lintea, munda fasciæ, mundissimus etiam miro quodam modo ipse partus, quo Virgo Mater infantem Jesum enixa est. Deinde observat num. 10., Vitro illo exprimi B. Virginem in ipso partus discrimine positam; nul-lam tamen foeminam apparere, quæ suam in ministerio partus operam locet, cujusmodi imagines in quibusdam mediæ ævi mo-numentis præsertim in Ecclesia Græca reperiuntur. Hunc Eccle-siæ Græcæ qualemcumque ut probet usum, idem Gorius profert Imperatoris Basilii Menologium. Ad id monumentum addimus fores æneas Metropolitanæ Basilicæ Montis Regalis in Sicilia, ubi B. Virgo lecto jacens exprimitur cum aliquot mulieribus, quæ infantem Jesum lavant. Ad idem exemplum vermiculato Emble-mate, seu Musivo, ut ajunt, opere Nativitas Christi repræsenta-tur in choro ejusdem templi. Quæ omnia improbantur, ut docet Molanus de Sacris Imaginibus lib. 2. cap. 27. & Michael de Judi-ce Cassinensis Monachus in descriptione Templi & Monasterii Montis Regalis pag. 86. num. 23. & pag. 160. num. 6. & 7. Quæ de B. Virgine sine dolore, & sordibus scripsimus, abunde probant Baronius loco cit. & Huetius. Quibus quamquam Antonius Bi-neus lib. 2. de Natali Christi cap. 2. num. 19. futilibus ductus ra-tionibus contradicere audet, dissimulare tamen minime potest, quanti utrumque Scriptorem faciat. Baronium enim appellat num. 2. *Ecclesiasticorum Annalium Conditorem, purpura, & eru-ditione illustrem*, Huetium vero num. 3. *Eximium, & minus infularum ornamentis, quam incredibili quadam ingenii elegan-tia, & terâ eruditione conspicuum*.

Oraculum de
ortu Christi
Bethlehemitico.

24 Jam vero ad majoris momenti quæstiones deveniamus, quæ ad ortus Christi Domini locum, tempusque pertinent. Na-tus est igitur Jesus Bethlehemi, teste Luca, cujus verba superius attu-

attulimus, & Matthæo cap. 2. v. 1. *Cum natus esset Iesus in Bethlehem Juda*: atque ita impletum fuit Michææ Oraculum cap. 5. v. 2. *Et tu Bethlehem Ephrata, parvulus es in millibus Juda: ex te mihi egrediatur, qui sis Dominator in Israel*. Illud vero oraculum Hebræi satis habebant cognitum; nam Christo Bethlehememi nato, teste Matthæo loc. cit. Herodes, convocatis Principibus Sacerdotum & Scribis populi, sciscitabatur ab eis, ubi Christus nasceretur: *At illi dixerunt: in Bethlehem Juda*. Sic enim scriptum est per Prophetam; Michæam intellige.

25 Bethlehemum Matthæus vocat Bethlehem Juda; nam in Tribu Juda ea civitas erat. Est etiam alia ejus nominis in Galilæa, in Tribu Zabulon. Michæas vero Bethlehem Ephrata appellat; conditor enim ejus civitatis matris suæ nomen illi indidit. Affert Michææ locum Matthæus in hæc verba cap. 2. v. 6. *Et tu Bethlehem terra Juda, nequaquam minima es in principibus Juda: ex te enim exiet Dux, qui regat populum meum Israel*. Ubi verba, quæ Matthæus affert, non eadem sunt cum iis, quæ ex Michæa modo retulimus; imo pugna quædam videtur esse inter utrumque textum; ait enim Matthæus de Bethlehem, *nequaquam minima*, quam contra Michæas *parvulam* vocat.

Due Civitates nomine Bethlehem. Michæas cum Matthæo pugnant videtur.

26 Quidam existimant, verba Michææ, *Et tu Bethlehem Ephrata parvulus es in millibus Juda*, admirantis hominis esse, ac interrogantis; ut vim negationis habeant, & sententia sit: *Tu ne parvula es in millibus Juda, ex qua mihi egrediatur, qui sis Dominator in Israel*? Atque ex eodem Matthæo cap. 11. v. 7. verba afferunt Christi de S. Joanne Baptista: *Quid existis in desertum videre? arundinem vento agitatam, hominem mollibus vestitum*? Quibus verbis profecto non illud significatur, Joannem esse arundinem vento agitatam, aut hominem splendida veste indutum, sed contra non esse hominem, qui velut arundo moveretur, & delicata ac molli veste uteretur.

Eorum textus conciliandorum ratio quædam.

27 Atque hæc est quorundam sententia; qua tamen longe melior est D. Hieronymi ratio, qui advertit Matthæum attulisse Michææ verba in eum modum, quo a Scribis, & Principibus Sacerdotum allata sunt, cum ab Herode interrogati fuerunt, ubi Christus esset nasciturus; ea noluisse Evangelistam immutare, ut omnibus palam fieret, quo ignorantæ in Sacris Scripturis Scribæ, & Sacerdotes eo tempore decidissent, qui producere volentes ad suam sententiam Prophetæ oraculum, corrupte illud vitioseque enunciant.

Longe melior ratio Hieronymi.

28 Quod si quis quærat, quam demum ratione Christus, qui Bethlehemini natus sit, Nazaræus, & Galilæus in Scriptura

Quare Christus dicatur in Scriptura Na-

Nazæus, & Galilæus. Bodinus confutatus.

vocitetur, & quamobrem veluti Galilæum Pilatus cum ad Herodem amandaverit, respondet D. Thomas in 3. par. quæst. 35. art. 7. ad 2. Nazæum in Scriptura appellari, non ut significetur ubi natus, sed ubi altus educatusque sit; & Huetius loc. cit. multa profert e profanis Scriptoribus, quibus probat, plerumque patriam dici locum, ubi quis educatus sit, etsi alibi est natus. Bodinum, qui opinatur Christum non Bethlehem, sed Nazarethi natum, ea ductus ratione, quod ancilla ostiaria de Petro dixerit: *Et hic erat cum Jesu Nazareno*: & Pilatus in titulo Crucis scripserit: *Jesus Nazareus Rex Judæorum*, castigat Bineustræct. de Natali Christi lib. 2. cap. 1. num. 7. Ostendit enim, eam esse Judæorum consuetudinem, ut aliquis ex ea dicatur esse patria, in qua altus educatusque sit, quamvis eum alibi mater pepererit. Refelli etiam potest Bodinus loco Matthæi cap. 2. v. 24. *Et veniens (Christus) habitavit in Civitate, quæ vocatur Nazareth, ut impleretur quod dictum est per Prophetas, quoniam Nazæus vocabitur.*

In ipsa urbe, an in suburbiiis Christi natus sit.

29 Christum igitur Bethlehem ortum esse liquet, sed in ipsa urbe, an in suburbiiis natus sit, examinandum est. Certum est enim, vere dici posse aliquid in urbe contigisse, quod in suburbiiis eveniret, ut bene advertit Spondanus ad ann. 1. Chr. & Baronium tuetur, qui in Bethlehem suburbiiis Christum natum esse contendit, adversus Casauboni accusationem, Baronianam opinionem tamquam Sacræ Scripturæ contrariam improbant. *Quæ in Suburbiiis, vel juxta muros Civitatis gesta sunt, recte possunt dici, & communi loquendi usu dicuntur in Civitate gesta.* Sicut & Jurisconsulti responderunt, eos qui continentibus Urbis nati sunt, Romæ natos intelligi. Romam enim esse etiam qua continenti ædificia essent, nec Romam muro tenuis existimari ex consuetudine quotidiana posse intelligi, cum diceremus Romam nos ire, etiamsi extra Urbem habitaremus.

Multiplacet ea de re opinio.

30 In hac controversia varii varias sunt sequuti sententias. Quidam enim speluncam seu stabulum, ubi natus est Christus, putant in ipsa fuisse urbe; alii extra muros fuisse contendunt. Graveſonius de Myſteriis & Annis Christi pag. 154. nihil hac de re statuere voluit: *Cæterum an spelunca, in quam se receperunt Maria & Joseph, fuerit in Bethlebemo sita, vel in ejus Suburbiiis, seu prope Bethlebemum, alii affirmant, alii negant. Id quia incertum est, in medio relinquo.* In ipsa Civitate Christum natum contendit Casaubonus Exercitat. 2. in Baron. pag. 143. & sequent. Joannes Henricus Kraufen Dissertatione cui titulus: *Christi locus Natalis in Urbe Bethlebem* in Thesauro Dissertat. in Nov. Testam.

flam. edit. 1732. tom. 2. pag. 106. Casaubono suffragatur. Neque hanc sententiam tuentur soli hæreticarum partium Auctores, sed etiam Maldonatus in cap. 2. Lucæ vers. 7. & Drexelius tom. 2. *De Christo nascente*, pag. 391. Et sane multa sunt, quæ ad hanc opinionem constabiliendam maxime conferunt: ea videre licet apud Florentinium in Notis ad Martyrologium pag. 205. Baronius ad ann. 1. Chr. num. 2. obfirmate contendit, in suburbiis prope Bethlehemum natum esse Jesum; eumque sequuntur Tillemontius Not. 3. ad Vitam J. Chr. Natalis Alexander in sect. 1. cap. 1. art. 4. num. 1. Calmetus in cap. 2. Lucæ num. 7. Serry Exercit. 30. num. 2. Gottus de verit. Relig. Christ. tom. 4. cap. 7. §. 3. n. 25. P. Honoratus a S. Maria in Regulis & usu Criticæ tom. 2. lib. 3. Dissert. 2. art. 2. & Quaresmius Elucidat. Terræ Sanctæ T. 2. lib. 5. cap. 4.

31 Libenter nos in hanc sententiam descendimus; diserte enim S. Justinus in Dialogo cum Tryphone ait: *Quoniam Joseph non habebat in vico illo Bethlehem, quo diverteret, in specum quemdam prope vicum divertit, & cum illi essent ibi, peperit Maria Christum, & in Præsepe illum posuit, ubi venientes ex Arabia Magi invenerunt eum.* Ad quæ Justiniani verba alludit Toletus Cardinalis adnotat. 10. in cap. 2. Lucæ, ubi ait: *Adnotandum est, Divum Justinum in Dialogo cum Tryphone affirmasse, speluncam hanc non fuisse intra Bethlehem, sed prope.* Confirmat Eusebii Pamphili Demonstrat. Evangel. lib. 7. cap. 2. *Agrum juxta Bethlehem demonstrari, ubi Virgo enixa Infantem deposuit.* Locum hunc Eusebii sollicitat Casaubonus tanquam corruptum; neque enim aliter ex eo se potuit expedire: sed cum nullam rationem afferat, quamobrem in eo mendum esse credamus, profecto inanis ejus suspicio contrariæ sententiæ nihil potest officere, ut bene animadvertunt Petrus Lancelius, & Honoratus a S. Maria loc. c. Huc accedit quod Pastores, qui in agris vigilabant, de Jesu Christi ortu admoniti nullo negotio puerum in Præsepe repperunt. Id vero Pastoribus non ita facile fuisset, nisi extra Bethlehemum puer natus esset: nam si intra Bethlehem ortus esset, quoniam tandem modo consequi potuissent, ut noctu portæ sibi recluderentur? Si vero nullis cinctæ fuisset mœnibus urbs, longe difficilior fuisset inter tot domos & diversoria, eam quam quærebant invenire.

32 Postquam Christum in Suburbiis Betlehemi natum esse stabilivimus, reliquum est ut de loco loci, ut vulgo dicitur, hoc est in domone aliqua, an in spelunca, an vero in diversorio Beata Mater Jesum pepererit, inquiramus. S. Lucas ait: *Reclinavit eum in præsepio, quia non erat eis locus in diversorio.* Patres in

Verisimilius est, in suburbiis natu esse.

Christus natus est in spelunca, juxta excelsam, ubi erat stabulum.

eo consentiunt, ut spelunca esset e saxo excisa. Eam Hieronymus epist. 17. *parvum terræ foramen* vocat. Eusebius in Vita Constantini lib. 3. *Antrum* appellat. Locus vero celebris est Origenis lib. 1. contra Celsum n. 51. *Quod autem in Bethlehem sit genitus Jesus, si velis aliquis post Michæ testimonium, & post historiam ab Jesu discipulis in Evangelio scriptam, fieri alias certior, sciat, in Bethlehem speluncam ostendi, ubi ille est natus, & in spelunca præsepe, in quo fasciis est involutus. Atque hoc utique in locis illis percelebre est apud eos etiam, qui a Fide sunt alieni, in Spelunca illa Jesum, quem Christiani adorant & demirantur, genitum esse. Bethlehemum Civitas est in montano sita loco; cujus solum ex topho. Patebat extra Bethlehemum viatoris diversorium, quo se quisque posset quacumque venisset hora recipere; stabulum ibi erat, quo jumenta recipiebantur. B. Maria, & Joseph cum ob turbam hospitem in diversorio nullum sibi vacuum locum reperissent, in stabulum secesserunt, ubi B. Virgo Christum Jesum peperit, & in præsepe posuit; quod ex allatis Lucæ verbis colligitur. Atque illud est stabulum quod e petra excisum diximus: In id oppidum (ait Petavius Rationar. Tempor. tom. 2. lib. 4. cap. 2.) uti fides Michæ & vaticiniis constaret, cum Josepho Santissima Virgo pervenit, ibidemque salutarem humano generi partum edidit. In ipso, inquam, oppidulo ac publico diversorio, ut Lucas loquitur. Ubi cum vacuus ad eos excipiendos locus esset alius nullus, ad stabulum diverterunt. Et quoniam rupibus aspera erat illa regio, credibile est in rupe stabulum hoc impressum fuisse; atque ideo plerique veterum, ut Justinus, spelæum sive antrum nominant. Ac si Burchardo fides habenda sit in descript. Terræ Sanctæ lib. 1. cap. 7. præsepe ipsum erat, ut ille ait, excisum in rupe.*

Luculentissimus D. Hieronymi locus.

33 Paulæ Romanarum Matronarum nobilissimæ pietatem collaudans Hieronymus, quod Sanctissimæ Reparationis nostræ loca summa veneratione coleret, hæc ad Eustochium Virginem, piam piissimæ matris filiam, Ep. 108. §. 10. tom. 1. op. scribit: *Inde Bethlehem ingressa, & in specum Salvatoris introiens, postquam vidit sacrum Virginis diversorium, & stabulum, in quo cognovit bos possessorem suum, & asinus præsepe Domini sui, ut illud impleretur, quod in eodem Propheta scriptum est: Beatus qui seminat super omnes aquas, ubi bos & asinus caleant: me audiente jurabat, cernere se oculis fidei infantem pannis involutum, vagientem in Præsepe Dominum &c.* Et paulo post col. 693. *Et ego misera atque peccatrix digna sum judicata deosculari Præsepe, in quo Dominus parvulus vagiit, orare in spelunca, in qua Vir-*

gē puerpera Dominum fudit infantem. Probat hic Hieronymi locus, sub rupe (petroso enim in loco sita erat Bethlehem) specum fuisse excavatum, in quo stabulum erat, jumentorum commodo præsepi instructum: quod multis testimoniis probat etiam Gorius in observationibus supra citatis num. 6. & 7. Ipsum autem Præsepe in rupe excisum probat vir doctissimus Franciscus Blanchinius Dissert. 1. *de Præsepe & Cunis Domini nostri Jesu Christi in Basilicam Liberianam translatis*, sect. 11. duabusque sequen. Tradit Drexellius tom. 3. suorum Operum pag. 280. S. Ignatii Loyolæ matrem ita sibi persuasum habuisse, Christum Dominum fuisse natum in stabulo, ut claro licet prognata sanguine, filium in stabulo voluerit parere. *Mater S. Ignatii Loyolæ Marina domo Baldensis, claro genere, nomineque femina, cum hunc ipsum filium parturires, ingenti erga Natalem Domini affectu, in stabulum se deferri jussit, ut eo loco pareret, ubi Virgo Deum genuisset: nec enim meliori se loco dignam censebat in puerperio, quam fuisset Mater Dei, quæ peperisset in stabulo*. Dissertatio quædam an. 1693. proposita fuit Præsidente Joanne Andrea Schmidt heterodoxo in *Fascias Christi*, quæ iterum multis accessionibus aucta ad examen proposita fuit, & typis Amstelodamensibus impressa anno 1726. Utraque reperitur in Bibliotheca Dominici Cardinalis Passionei; prior in tom. 7. Miscellaneorum, posterior in tom. 318. In ea, quæ secundæ est editionis, affert Auctor verba Saldeni, quibus subscripsisse ait Cardinalem Cajetanum, statuentis, Christum Jesum non in stabulo natum, sed in publico diversorio, sive intra, sive extra Bethlehemum, quo peregrinantes & viatores excipiebantur. Ipse autem negat, a communi eorum opinione se posse decedere, qui Christum in stabulo natum existimant. *Nos pace insignium virorum, Ecclesiæ, veterumque Theologorum sententiam amplexamur; stabulum ac præsepe proprie dicta intelligimus, quamvis Præsepi nec asinum, nec bovem adigamus*. Verum de bove & asino paullo inferius sermonem habebimus.

34 Baronius ad ann. 1. Chr. num. 5. argumenta affert venerationis & cultus, quem Fideles semper ei loco exhibuerunt, ubi natus est Jesus. Nam pace Ecclesiæ reddita, spelunca illa mirifice fuit ornata, ipsumque præsepe argento obductum. *O si mihi liceret videre illud Præsepe, in quo Dominas jacnis! Nunc nos Christiani quasi pro honore tulimus lateritium, & posuimus argenteum. Sed mihi pretiosius est illud, quod ablatum est. Argentum & aurum meretur Gentilitas: Christiana fides meretur illud luteum. Non tamen condemno eos, qui honoris causa fecerunt; neque*

*De Præsepi
Christi Domini.*

neque illos condemno, qui in Templo fecerunt vasa aurea, sed admiror. Dominus, qui creator est mundi, non inter aurum & argentum, sed in luto nascitur. Sunt verba Chrysostomi in Luc. cap. 2. Notat loc. cit. Baronius, Chrysostomum existimasse præsepe e luto seu petra fuisse, qua in re putat S. Doctorem deceptum esse. Præsepe enim illud extat in Liberiana Basilica, atque e ligno esse constat. Nos supra diximus, præsepe fuisse e petra; nunc vero addimus, in illud quasi aliud præsepe e ligno injectum, quod Romæ nunc asservatur, ut bene notat Calmetus in cap. 2. Lucæ num. 7. & in Urbem allatum non anno, ut creditur, 352. sed septimo seculo cum aliquibus lapidibus e Bethlehemi spelunca excisis, ut demonstravimus lib. 4. Canonizat. part. 2. Et Quaresmius loco antea citato scribens de præsentis statu ejus loci, ubi natus est Dominus, tradit ibi ædem fuisse extractam, quam Hadriani Imperatoris jussu disjectam, ac denuo elegantissime ædificatam etiamnum ait extare; & addit: *Quam Turcæ ipsi ingredientibus, qui illibatam Christi ex Virgine Nativitatem conspiciunt, locum ejus contemplantes, ætonisi & stupentes venerantur, ut frequenter a me & ab aliis fuit observatum.*

*Traditio de
Bove & Asino
ad Christi Do-
mini Præsepe
venata a qui-
busdam Cris-
tis. Celebris
ea de re Isaiæ
locus.*

35. Pia & constans Traditio est, bovem & asinum in stabulo fuisse, cum natus est Jesus, etsi nihil ea de re quicquam legamus in Evangelio. Tillemontius Nota 5. ad Vitam J. Chr. contendit, eam opinionem ortam esse seculo quinto, & allegorice loquutos esse Patres ea ætate vetustiores, qui in ea opinione fuisse videntur. Idem sentit Calmetus loc. cit. & ad Auctorem libri Promissionum hanc traditionem refert, qui vixit seculo quinto. Patres vero, qui bovem & asinum commemorant, existimant loqui de Judæis & Ethnicis ad Fidem conversis, qui Christum incarnatum, hominem factum, natum in stabulo, & in præsepi animalium locatum cognoverunt. Præter Bailletum in *Historia hujus diei* omnium prolixissime rem hanc pertractavit Serry Exercit. 30. num. 4. ubi conatur ostendere locum illum Isaiæ cap. 1. *Cognovit Bos possessorem suum, & Asinus præsepe Domini sui; Israel autem me non cognovit*, nihil aliud esse quam verba Prophetæ exprobrantis Judæis ingratum animum, qui accepta a Deo beneficia minime agnoscerent; contra a stolidissimis animalibus Bove Dominum suum, Asino præsepe, ubi esca illi apponitur, probe cognosci: & Habacuc textum ex cap. 3. qui legitur in vulgata; *In medio annorum notum facies*, & in versione LXX. *In medio duorum animalium cognosceris*, juxta veterum Patrum interpretationem arbitratur vel ad duos Latrones esse referendum, inter quos Christus Dominus Crucem subiit; vel ad populum Judaicum,

daicum, & Gentes; vel ad utrumque Testamentum, quorum lectione Dei cognitionem assequimur; quæ omnia ex Scriptoribus hæretico veneno imbutis deprompta sunt, ex Erasmo in Notis ad Hymnum Prudentii de Natali Christi, Casaubono exercit. 2. ad 1. annum Christi, Montacutio in libro de Vita Christi pag. 28. & 29. Samuele Bafnagio tom. 1. Annalium Politico-Eccles. cap. 112.

36 Adversus hanc opinionem, quam audaces homines nimis temere extulerunt, scribunt Baronius ad ann. 1. Chr. num. 3. Gravesonius de Myster. & ann. Chr. pag. 156. Honoratus a S. Maria de Regulis Criticæ tom. 2. lib. 3. Dissert. 2. art. 3. Ayala in Opere, *Pictor Christianus*, lib. 3. cap. 1. num. 7. & sequen. Grotius de verit. Relig. Christi. lib. 4. par. 1. cap. 7. §. 3. num. 27. & sequen. & Sandinus in Historia Familiæ sacre cap. 1. pag. 12. edit. Patavinæ. Quaresmius Elucidat. Terræ Sanctæ lib. 6. cap. 5. eadem, quas alii proferunt, auctoritates Patrum concessit; ac deinde eo progreditur, ut quærat, qui fieri potuerit, ut eo loco bos & asinus fuerint; & quosdam quidem opinari ait, B. Virginem asino insidentem illuc venisse, bovem autem vendendum a S. Josepho adductum; nonnullos vero existimare, nihil fuisse facilius, quam ut in Præsepi, excipiendis animalibus destinato, bos & asinus reperirentur.

Egregii Scriptores qui eâ vindicarunt.

37 Sed postremum hoc quærere plane supervacuum censemus: nec enim ex ejusmodi quæstione quidquam aliud conficitur, quam ut audaces homines, qui constanti traditioni de bove & asino ad Præsepe Domini temere dicunt, ad eam vehementius impugnandam sollicitentur; quæ quidem traditio haud ita infirmis nititur fundamentis, ut putant qui ejus fidem tantopere student elevare. Iterum hic non inopportune afferimus locum Hieronymi in Epist. 108. tom. 1. op. ed. Ver. col. 692. ad Eustochium. *Inde Bethlehem ingressa, & in specum Salvatoris introjens, postquam vidit Sacrum Virginis diversorium, & stabulum, in quo agnovit Bos possessorem suum, & Asinus præsepe Domini sui, ut illud impleretur, quod in eodem Propheta scriptum est. Beatus qui seminat super omnes aquas, ubi Bos & Asinus calcant &c.* Consonant Gregorius Nazianzenus, Nyssenus, & Prudentius, quos affert Baronius; eorumque sententiam amplexa est Ecclesia in Officio de Circumcisione Domini: *Domine audivi auditum tuum, & timui; consideravi opera tua, & expavi: in medio duorum animalium jacebat in præsepio, & fulgebat in Cælo.* Et in Officio de Nativitate. *O magnum mysterium & adorabile Sacramentum, ut animalia viderent Dominum natum jacentem in præsepio!*

Haud ita infirmis nititur fundamentis ea Traditio.

*Respondetur
objectioni pe-
tita ex alle-
gorica inter-
pretatione il-
lius Isaiæ loci
apud Patres.
Ex vetustissi-
mis picturis
sacris proba-
tur ea Tradi-
tio quinto se-
culo longe an-
tiquior.*

38 Qui vero dicunt, hæc omnia allegorice intelligenda, & allatis e Scriptura Sacra locis a Patribus allegoricum tribui sensum, ii nihil agunt: quid enim opus est allegorico sensu ad rem explicandam, quæ tam facile potest contingere, & sæpe contingit, ut in stabulo bos & asinus reperiantur? Aliud porro est, rei alicujus gestæ narrationem allegorice intelligi posse, aliud debere. Res quædam gesta explicari quidem potest etiam allegorice; & si quis ita eam explicet, non negat rem gestam esse, super veritate illius facti allusionem, seu allegoriam quodammodo inædificat; neque facti veritati dici potest ille adversari, nisi diserte se veritatem facti illius negare profiteatur. Quamobrem non repugnamus, allatos e sacris paginis locos a Sanctis Patribus allegorice explicatos esse; nec quod bos & asinus in stabulo fuerint, inficiabimur posse id traduci ad hanc, vel illam rem significandam: minime vero licebit inde colligere, vel locose Sacra Scriptura allegorice interpretatos a Patribus non esse accomodatos ad significandum, bovem fuisse & asinum in Præsepi, aut sensu mystico sensum litteralem explodi: nullus enim est ex Patribus, qui ejus rei veritatem neget, sed est, qui ex ipsa re allegoriam quamdam deducat, ut bene disputat Gottus loc. cit. num. 33. *Ad excludenda a præsepio Domini vera animantia Bovem, & Asinum, non sufficit adducere Patres dicentes, ea hoc vel illud figurasse; sed ulterius probandum est, Patres asseruisse ea fuisse meras figuræ, nec vere existisse.* Qui huic Traditioni contradicunt, illud potissimum urgent, quod ea non sit seculo quinto vetustior. Verum plane traditio idcirco rejicienda, quod quinto seculo vetustior non appareat? Annon indicio est, cum seculo quinto memoretur, longe antea idem creditum esse, quod præsertim consequutis temporibus omnes Fideles toto animo exceperint? Sed illud est in hac re præcipuum, quod picturæ & marmora quinto seculo vetustiora ad Christi infantis præsepe bovem & asinum exhibent. Ejusmodi est vitrum, de quo paullo ante mentionem fecimus, in Museo Victoriano; quod pulcre animadvertit etiam Gorius in *Observationibus de Præsepio Domini Nostri Jesu Christi* pag. 82. num. 13. Ejusmodi est etiam pictura quædam in Sarcophagis, seu Sepulcris veterum Christianorum, editis in *Roma subterranea*, & a Joanne Bottario illustratis tom. 1. Explicationum Sacr. Pictur. & Sculptur. Romæ subterraneæ Tab. 22. pag. 88. & 89. Denique ad idem exemplum est Sarcophagus Anconæ in subterraneo Cathedralis Ecclesiæ ad lævam manum, de quo scribit eruditus vir Scipio Maffejus *Observat. Litterar.* tom. 5. pag. 194. Hic Sarcophagus nomen exhibet cujusdam Corconii, quem

Maffejus

Maffejus probabili conjectura illum esse suspicatur, cui Valentinianus anno 366. quamdam legem scripsit: *Ad Gorgonium Commisem rerum privatarum*: neque enim quidquam obest, quod in Sarcophago legatur Corconius cum littera C. & in legis inscriptione Gorgonius cum G. nam illas litteras promiscue adhibitas nemo est qui nesciat. Eundem Sarcophagum ad hanc rem de qua agimus commemorat Gorius pag. 85.

39 Quod vero ad tempus attinet, quo natus est Jesus, Matthæus cap. 2. v. 1. tradit natum esse sub Herodis Regno. *Cum ergo natus esset Jesus in Betlehem Juda in diebus Herodis Regis.* & Lucas cap. 2. v. 1. indicat Imperium Augusti: *Exiit Edictum a Cesare Augusto*. Sed ad totius rei luculentam tractationem opus est de anno, mense, die, & hora quibus natus est Jesus, disserere.

*Jesus natus
Herode Rege.*

40 Annum Christi Natalem ita notat Martyrologium Romanum: *Anno a creatione mundi, quando in principio creavit Deus Cælum, & terram, quinquies millesimo centesimo nonagesimo nono*. Ad quem locum notat Baronius, Martyrologii Auctorem calculos instituisse sequutum versionem septuaginta Interpretum; & in apparatu ad Annales num. 118. scribit, antiquitus annos a Mundo condito, non juxta Hebraicam editionem, sed juxta Septuaginta versionem esse supputatos.

*De anno Nativitatis Christi
Scriptor Romani Martyrologii videtur sequutus septuaginta Interpretum calculos.*

41 Nemo est rei Chronologicæ adeo rudis, qui nesciat, inter rationem annorum ab origine mundi juxta LXX. Interpretes, & computum eorundem annorum juxta Hebraicos Codices, cum quibus consentit nostra Vulgata, maximum interesse discrimen. Versio enim LXX. fere mille & quingentos annos amplius numerat, quam Hebraici Codices; ejus rei causa est, quod primæ & secundæ ætatis Patriarchis septuaginta Interpretes plures annorum centenarios tribuunt, quam Hebraici Codices.

Magnum discrimen in annorum computo inter Hebraicos Codices & versionem LXX. Interpretum.

42 Itaque ut quoto anno ab Orbe condito Jesus sit natus reperiamus, examinandum omnino est, textumne Hebraicum, quocum consentit Vulgata, an Versionem septuaginta Interpretum debeamus sequi. Cui quæstioni respondemus, Hebraicis potius Codicibus, quam versioni illi, nobis adhærendum. Ecclesia enim Romana Vulgatam sequitur versionem ante mille & trecentos annos a D. Hieronymo editam, quam probavit sancta Tridentina Synodus: Vulgata autem versio cum Chronologia Hebraici textus, ut modo dictum est, consentit. Præterea manifeste deprehenditur mendosa versio LXX. Interpretum, qui cap. 4. Geneseos quatuordecim annis post Diluvium Mathusalem statuant obisse.

Hebraicos Codices & Vulgatam sequitur Ecclesia Romana.

*Demonstratur
falsa septua-
ginta Inter-
pretum com-
putandi ratio.*

43 Juxta septuaginta Interpretes Mathusalem anno ætatis suæ 167. genuit Lamech; Lamech vero annos natus octoginta octo genuit Noe. Itaque cum natus est Noe, Mathusalem annos natus erat trecentos quinquagintaquinque. Cum autem Diluvium cœperit anno sexcentesimo ætatis Noe, nemo est, quin videat, juxta hanc rationem anno ætatis Mathusalem nongentesimo quinquagesimo quinto Diluvium contigisse; cumque Mathusalem in universum vixerit nongentos sexaginta novem annos, inde tandem consequitur, quatuordecim eum annos vixisse post diluvium, quod omnino est rejiciendum. Petrus enim epist. 1. cap. 3. v. 20. diserte tradit, octo tantum homines post diluvium vixisse Noe, & uxorem ejus, tres filios, tresque eorum conjuges: *quando expectabant Dei patientiam in diebus Noe, cum fabricaretur arca, in qua pauci, idest octo animæ salvæ factæ sunt per aquam*; quibus consonat textus in Genesis cap. 7.

*Christus natus
anno ab Orbe
condito qua-
ter millesimo.*

44 Igitur in ratione ineunda annorum ab Orbe condito Hebræorum calculi auctoritati septuaginta Interpretum sunt præferendi; præsertim quod ab Hebraico textu error ille absit de vita Mathusalem post Diluvium. Nam, ut optime disputat Hieronymus in libro Quæstionum Hebraicarum in Genesim, cum Mathusalem annos natus centum octoginta septem Lamechum, & Lamech ætatis suæ anno centesimo octogesimo secundo Noemum genuerit, & trecenti sexaginta novem anni interjecti sint inter natalem diem Mathusalem, & ortum Noemi, si ad eos annos addas sexcentos, quibus natus erat Noe, cum cœpit Diluvium, annos nongentos sexaginta novem confeceris, quos Mathusalem vixit; ac propterea palam fit eum eo ipso Diluvii anno diem suum obiisse. His probe constitutis, dicimus, inter tot varias de Natali Christi anno sententias, quas ad centum & triginta duas numerat Michael Mœsslinus Mathematicus & Chronologus non incelebris, ut videre est apud Vallemontium in Elementis Historiæ tom. 1. lib. 1. cap. 3. eam placere magis sententiam eruditissimis viris, quæ statuit Christum natum esse anno quater millesimo ab Orbe condito. Egregiam habes Dissertationem apud Natalem Alexandrum, quæ secunda est in Historia Ecclesiastica sec. 1. In ea vir doctissimus hanc multis argumentis confirmat sententiam; & cum eo sentiunt Serry Exercit. 3 1. num. 2. Sandinus Hist. Familiæ Sacræ cap. 1. & Gottus de verit. Relig. Christ. tom. 4. par. 1. cap. 8.

*Die 25. Decembris, natum
esse asseritur,
refutatis cæ-
teris opinio-
nibus.*

45 De mense, & die Clemens Alexandrinus lib. 1. Stromatum opinionem quorundam refert, qui natum esse Christum putabant die 20. Aprilis, & aliorum sententiam, qui natum die 20. Maji

20. Maji statuebant; quas opiniones Scaliger, & Samuel Basnagius instaurarunt ob eam præsertim rationem, quod verisimile non videatur media hyeme Pastores custodiendo pecori noctu vigilasse in agris. S. Epiphanius hæresi 51. & Cassianus Collat. 10. testatur, opinionem fuisse in Ecclesiis Ægypti, Christum natum esse sexta Januarii die; ob eamque rem quatuor mysteria Nativitatis, Epiphaniæ, Baptismi, & aquæ in Canæ Galilææ nuptiis in vinum conversæ eo die Ægyptios celebrare consuevisse. Sed a communi Patrum Traditione nos dimoveri non patimur, quæ Christum vigesimaquinta Decembris die natum esse docet. Testantur id Chrysostomus tom. 5. Hom. 33. Gregorius Nyssenus Orat. in Sancta Lumina; & S. Augustinus lib. 4. de Trinit. cap. 1. & epist. 119. Profert aliquot ex Patribus locos Tillemontius Not. 4. ad Vitam J. Christi quibus ea Traditio innititur. Honoratus iridem a S. Maria multa pariter a SS. Patribus depromit, quæ eam fulciunt Traditionem de Regul. & usu Crit. lib. 3. Dissert. 2. art. 1. Baronius in apparatu ad Annales num. 121. postquam contrarias, quas superius retulimus, sententias recensuit, ait: *Ceterum, his omnibus de die Natalis Domini rejectis assertionibus, tam Latinorum, quam Græcorum Ecclesia pari consensione in eam conveniunt sententiam, ut Redemptor noster sit natus vigesima quinta mensis Decembris.* Wilhelmus Langius de annis Christi pag. 357. *Verisimilis, inquit, Romanorum opinio est, qui vigesimaquinta Decembris natum Servatorem prodidere. Immo non verisimilis est, sed vera.* Quam opinionem ait probari censualibus Tabulis, quas Romæ ætate sua etiam tum extare, testatus est Chrysostomus; quo enim Servatoris nostri nomen relatum fuerat, eodem ætatem quoque, & propterea natalem etiam diem relatum oportuit. Quæ omnia cum Romani Senatores, qui vel Christiani erant, vel postea Christianam fidem amplexi sunt, haberent perspecta, Tabulas enim censuales licebat illis inspicere, iidem verum Christi Domini Natalem diem manifestarunt, eamque notitiam Constantinopolim Chrysostomi ætate transmiserunt, significantes, Romæ Natalem Christi diem 25. Decembris celebrari. Idem Baronius num. 123. ait, noctu esse natum, quod nemo negaverit. Lucas enim tradit, Pastores tunc, cum natus est Jesus, fuisse in agris *custodientes vigilias noctis super gregem suum.* Horam autem vulgo tradunt fuisse circa mediam noctem, unde vetus & perpetua ad hæc usque tempora derivata est disciplina, ut in pervigilio Natalis Jesu Christi per mediam noctem Officia celebrentur; ut bene advertit Theophilus Raynaudus tom. 10. pag. 480. Id enim divino illo prænuntiatum oraculo, quod est in libro Sa-

pientia cap. 18. ver. 14. nonnulli Patres credidere: *Cum enim quietum silentium contineret omnia, & nox in suo cursu medium iter haberet, Omnipotens sermo tuus exiliens de Cælo a Regalibus Sedi- bus durus debellator in mediam exterminii terram profilioit.* Nam quod de hyemis frigore in contrarium affertur, id quidem valde est futile. Compertum est enim, sub clementi Cælo, cujusmodi est Cælum Palæstinæ, noctu etiam in media hyeme pastores sub dio vigilare solitos ad pecoris custodiam. Casaubonus advers. Baron. Exercit. 2. cap. 7. scribit, doctrina præstantes quosdam viros dubitare de die natali Christi, qui ponitur 25. Decembris: armenta enim per illud anni tempus noctem sub dio non agitare, nec propterea Pastores ad custodiam sub aperto Cælo vigila- re. Verum addit: *Sed fortasse in Judea, & aliis locis magis me- ridionalibus alia servatur consuetudo, quam in Gallia, & Ger- mania: nam etiam in Anglia, ubi nullus est a lupis, & aliis noxiis animalibus metus, armenta saltem toto anno in agris pernoctant, neque propter frigus, aut pluviam, aut ventos ulli testè umquam subsunt.* Quare vetusta traditio Ecclesiæ non temere nobis rejicienda.

De Pastoribus
ab Angelo mon-
stratis. Tres
fuisse viden-
tur illi Pasto-
res. Eorum
nomina inco-
gnita. In eo
loco, unde ve-
nerunt, extra.
Hæc Edes.

46 Pergit S. Lucas: *Et Pastores erant in regione eadem vigi- lantes, & custodientes vigilias noctis super gregem suum. Et ec- ce Angelus Domini stetit juxta illos, & claritas Dei circumfulsit illos, & timuerunt timore magno.* Nihil ait Sacer textus de Pas- torum numero, de nomine, de loco unde venerint. Vulgo tres fuisse creduntur. Nam Beda, sive quisquis alius fuerit Auctor li- bri de Locis Sanctis, cap. 8. ait: *Ad Orientem in Turre gregis mille passus a Bethlehem Civitate segregata est Ecclesia trium Pas- torum Divinæ Nativitatis sociorum monumenta continens.* Ex quo infert Baronius ad ann. Chr. 1. num. 14. tres fuisse Pastores. Et quamquam sunt qui respondent, eo non probari, tres tantum fuisse Pastores; tamen cum scribat Auctor ille, fuisse templum in honorem trium Pastorum dedicatum, qui socii fuerint ad Chri- sti Domini ortum, non vero trium ex Pastoribus, qui natum Je- sum adorarunt, id quidem satis esse videtur ut tres tantum, ne- que plures fuisse, tuto affirmemus. De eorum nominibus tan- quam de re penitus incomperta silemus. Quod vero ad locum at- tinet, unde venerunt, dicimus e Turre Eder, ubi eorum ar- menta pascebant, esse profectos; quamobrem Hieronymus in Epitaphio S. Paulæ tom. 1. op. col. 693. in Ep. ad Eustochium §. 10. *Haud procul, inquit, inde descendit Paula ad Turrim Ader, idest Gregis, juxta quam pavit Jacob greges suos, & Pastores nocte vigilantes audire meruerunt, Gloria in excelsis Deo, & super terram pax hominibus bonæ voluntatis.* Videatur liber Jofe-
phi

phi Mariæ Trainiti *De Pastoribus vocatis per Angelum ad Præsepe*, Messanæ edit. ann. 1722. in quo quæ huc contulimus, eruditissime confirmantur. Antonius Bineus tract. de Natali Jesu Chr. lib. 1. cap. 14. num. 3. ab iis, qui Terræ Sanctæ loca novissime peragrarunt, se accepisse testatur, homines, qui eam regionem incolunt, ubi sita est Bethlehem, cum ager ille longe sit uberimus, etiam nunc pecuariam exercere. Quaresmius Elucidat. Terræ Sanctæ tom. 6. lib. 6. cap. 5. Nicephori auctoritatem sequutus testatur, hoc loco ab Helena Constantini matre magnificentissime extructam Ædem, quæ nunc fere omnis est diruta; ita tamen ut ex ipsis rudieribus vetus appareat magnificentia: nunc quoque Pastores in illis agris pecora custodire: Mauros, & Arabas locum illum tanta veneratione colere, ut ibi progenitas arbusculis ne audeant quidem amputare, ipsamque Ædem thure, & collucentibus lampadibus summa animi devotione venerari; cujus rei se dicit oculatum testem: *ut ego non semel cum aliis observavi.*

47 De nomine Angeli, qui Pastoribus loquutus est, sacer textus itidem tacet. Verum Toletus Cardinalis, Franciscus Lucas, & Cornelius a Lapide scribunt fuisse Archangelum Gabrielem, qui ad gravissimum quoque Incarnationis negotium electus, B. Virgini & Zachariæ etiam apparuit. Reliqua Lucæ verba satis aperta esse videntur: *Et dixit illis Angelus: Nolite timere. Ecce enim evangelizo vobis gaudium magnum, quod erit omni populo, quia natus est vobis hodie Salvator, qui est Christus Dominus in Civitate David.* Nos alibi in nostro Opere de Canonizat. SS. ubi egimus de Cœlestibus visionibus, eas a metu incipere, & in gaudium desinere observavimus, plane ut in hac apparitione Angeli contigisse legimus, qui ab iis omnem dispulit metum, nuncians verum illum Messiam oraculis Prophetarum promissum, tantopere optatum, tamdiu expectatum, natum esse tandem in Bethlehem, quemadmodum Michæas prædixerat; ut quivis tandem certior fieret, Rege David, cui ea fuerat facta promissio, illum esse prognatum; quæ promissio jam impleta, & gaudium non ad tres tantummodo pastores, sed ad universum Judæorum populum pertineret: *quod erit omni populo. Et hoc vobis signum. Invenietis Infantem pannis involutum, & positum in Præsepio. Et subito facta est cum Angelo multitudo militiæ cœlestis laudantium Deum, & dicentium: Gloria in altissimis Deo, & in terra pax hominibus bonæ voluntatis.* Verba sunt S. Lucæ.

48 Indicium Angelus dedit Pastoribus, quo promissum Israël Salvatorem invenire possent, eosque monuit reperturos puerum fasciis involutum, & jacentem in præsepio. Multitudo autem

*Archangelus
Gabriel Pa-
storibus Chri-
sti nuntiavit
Nativitatem
ex quorundam
sententia. I-
stius verba ad
Pastores.*

*Explicuntur
verba illa
multitudo mi-
litiæ cœlestis.*

tem

tem militiæ cœlestis, quæ una cum Angelo Deum collaudavit; cœlestium fuit multitudo Spirituum, quibus militiæ nomen tribuitur vel ob eorum ingentem numerum, vel ob pulcherrimam Ordinem Hierarchiam, vel ob eorum potentiam & virtutem, qua nutu Dei, qui Dominus est exercituum, hostes sive visibiles, sive invisibiles, hoc est dæmones debellant.

Verba illa,
Gloria in al-
tissimis Deo &c
a quibusdam
accipiuntur
affectively dicta.

49 Ea verba, *Gloria in Altissimis Deo*, & *in terra pax hominibus bonæ voluntatis*, quidam explicant *asserive*, subaudita voce est, ut sententia sit: Jam gloria est Deo in Cœlis; & in terra pax est; omnes enim Cœlestes Deum glorificant, quod misericors, sapiens, & fidelis promissum Patribus Christum mundo edidit; unde pax in terra proficitur: natus est enim Christus, qui Rex pacificus homines, qui filii iræ nascuntur, Deo reconciliat. Ita Toletus, & Maldonatus.

Alii optative
dicta inter-
pretantur.

50 Alii vero eadem explicant verba *optative*, subaudito verbo sit, ut sensus sit: Laus & gloria sit Deo, & benedicant ei omnes beatæ mentes in Cœlo, qui Christum in terram dignatus est demittere, ut natura humana assumpta pacem hominibus & reconciliationem, & gratiam, & salutem, & omnia bona afferat. Ita Janfenius, & Barradius. Ea autem verba, *bonæ voluntatis*, ita exponit Ambrosius: Pax esto hominibus, non quidem omnibus, sed iis, qui bonæ sunt voluntatis. Et S. Leo in hunc explicat modum: Esto pax hominibus, quæ bonam illis voluntatem injiciat, ut legi Deique arbitrio suam voluntatem subjiciant, & ed ejus voluntatem sese conforment. V. Cornelia Lapide in cap. 2. Luc. v. 14.

Pastorum ad-
ventus ad præ-
sepe Christi Jesu.

51 Narrationem Lucas in hunc modum absolvit: *Et factum est, ut discesserunt Angeli ab eis in Cælum* (illuc videlicet, unde a Deo missi fuerant, & ubi semper adsunt, illum aspicientes, amantes, collaudantes, ejusque Majestatem adorantes) *Pastores loquebantur ad invicem: Transeamus usque Betlehem, & videamus hoc verbum, quod factum est, quod Dominus ostendit nobis. Et venerunt festinantes.* Sic enim suam fidem suumque gratum animum ob tantum a Deo acceptum beneficium declararunt. *Et invenerunt Mariam, & Joseph, & Infantem possum in præsepio*, quemadmodum ab Angelo fuerant præmoniti. *Videntes autem cognoverunt de verbo, quod dictum erat illis de puero hoc; ut illud dicere potuissent, quod postea scripsit Joannes cap. 1. ep. 1. v. 1. Quod suis ab initio, quod audivimus, quod vidimus oculis nostris, quod perspeximus, & manus nostræ contrectaverunt de verbo vitæ, & vitæ manifesta est, & vidimus, & testamur.*

Beata Maria
fides de Christi
divinitate,

52 Et omnes qui audierunt, mirati sunt & de his, quæ dicta erant a Pastoribus ad ipsos. Sunt verba D. Lucæ loc. cit. Abest a

Græco

CAP. XVII. DE FESTO DIE NATALI DOMINI. 415

Græco textu, & versione Syriaca particula *Et*. Deinde Lucas loc. cit. ad Beatam Mariam sermone traducto, ait: *Maria autem conservabat omnia verba hæc conferens in corde suo*. Firmissima quidem fide Beata Mater credebat Mysterium Incarnationis Unigeniti Filii Dei; nova tamen illi quotidie lux affulgebat; nova semper ab experientia ipsa accedebat cognitio ex miraculis, quæ identidem edebantur, quæque illam in dies magis in fide confirmabant. Quæ enim Sanctissima Virgo videbat, ea cum Archangeli Gabrielis nuncio, & cum oraculo Elisabeth, & Zachariæ conferebat, mirumque observabat inter ea omnia consensum, quo in ea fide confirmabatur, e se natum fuisse Unigenitum Dei Filium, ut optime animadvertit Ambrosius; cum interea cæteri omnes singularem ejus prudentiam, & modestiam incredibilem mirarentur, cui satis fuit in se omnia hæc tacitum demirari, quin eorum quidquam aliis palam faceret. Lucas denique loc. cit. concludit: *Et reversi sunt Pastores (ad custodiam gregis) glorificantes Et laudantes Deum in omnibus, quæ audierant, sicut dictum est ad illos: quibus verbis eorum fides heroica comprobatur, ut ostendit Trainitus in citato Opere de Pastoribus &c. §. 3.*

*Mirifica est
Pastorum fides*

§ 3 Atque hæc vera sunt prodigia, quæ in ortu Christi Domini contigisse tradit sacer textus. Suidas, Cedrenus, aliique scribunt, nato Christo Jesu, diabolum a suis responsis, quæ Delphis edebat, destitisse; sed hoc esse incertum ostendimus lib. 3. de Canonizat. SS. cap. 46. num. 8. Quidam scripsere, ea nocte, qua ortus est Jesus, Templum Pacis corruisse; quod tamen a vero abesse ostendit magnus Baronius ad ann. Chr. 1. num. 2. & 12. Templum enim illud multo post Jesu Christi ortum a Vespasiano, Judæa perdomita, excitatum esse testantur Svetonius, Josephus, Plinius, aliique plures. Celebre etiam est illud ostentum, quod refert Orosius, aliique gravissimæ auctoritatis Scriptores, olei fontem inde, ubi tum erat Taberna meritoria, nunc est templum S. Mariæ Trans Tyberim, erupisse, & dies aliquot per Urbem sub Augusto defluxisse. Vide Panvinium de septem Urbis Ecclesiis pag. 81. Donatus scribit lib. 3. de Urbe Roma, cap. 21. *Taberna meritoria, ubi nunc ædes S. Mariæ Trans Tyberim; unde oleum abunde ad fluvium usque fluxisse Ecclesiastica monumenta prodidere, Et constans fama, designatusque in Templo maximam sub aram locus, veterique hoc titulo notatus: Fons olei: abunde testatur. Locus adhuc ostenditur sub gradu Sacelli majoris, ubi hæc leguntur: In hac prima Dei Matris Æde, Taberna olim Meritoria, olei fons emanans Christi ortum portendit. Nulla*

*De cæteris
miraculis, quæ
in Christi Na-
tivilitate conti-
gisse feruntur,
quorum nulla
mentio in Sa-
cris paginis.*

de veritate miraculi dubitatio: illud futuri ortus Reparatoris nostri indicium fuisse dicitur, sed cum quadraginta annis ante contigerit, quam Jesus est natus, non recensetur inter ea miracula, quæ in Nativitate Christi edita sunt. Antonius Bineus, Auctor heterodoxus, tract. de Natali Jesu Christi lib. 2. cap. 3. num. 15. aliquot miracula rejicit, quæ in Christi Nativitate dicuntur contigisse, illa, exempli causa, Delphicum oraculum eo tempore obmutuisse; Pacis Templum corruisse; Augustum, qui sublimem in aere vidisset B. Virginem Filium suum in ulnis gestantem, aram in Capitolio dedicasse cum hac epigraphe: *Ara Primogeniti Dei*; ac Baronium increpat, quod in apparatu ad Annales num. 26. scripserit, in Capitolio aram illam excitatam fuisse contra Rupem Tarpejam, ubi nobilissimum illud Jovi Capitolino dedicatum fuerat Templum, e cujus ruderibus ædificata Ædes, quæ nunc dicitur *Ara Cæli*. Sed tota Binei disputatione nihil plane commovemur. Nam, quod ad Delphicum oraculum attinet, etiam e Catholicis dubitarunt non pauci num. conticuerit. Quid autem de Templi Pacis excidio senserit Baronius, paullo ante exposuimus: de ara vero ab Augusto erecta Baronius Suidam, & Nicephorum affert Auctores; quorum fidem suspectam esse monet, nec temere ab iis sumenda esse testimonia. Frater quidam Casimirus Ordinis Minorum Monumenta historica edidit Romæ ann. 1736. de *Ecclesia, & conventu B. Mariæ in Ara Cæli*, & cap. 1. tum de tempore cum Ædes illa fuit ædificata, tum de loco, & an e fundamentis Templi Jovis Capitolini excitata sit, multiplices opiniones recenset.

De ipsa Solemnitate instituitur sermo.

§ 4 Iis quæ ad Mysterium pertinent explicatis, instituti nostri postulat ratio, ut de ipsa Solemnitate verba faciamus. Locus hic esset aptissimus ad disserendum de Sacro Adventu, ac de Festivitate Expectationis Partus, de qua in secundam Operis nostri Partem sermonem rejicimus; fuscæ vero de Adventu Institutione xl. disseruimus; quamobrem de Pervigilio hîc, & de ipso Natali die tantummodo disputabimus.

Quid olim essent Christianorum Pervigilia.

§ 5 Rudem profecto & omnino sacrarum rerum expertem esse eum oportet, qui nesciat Pervigilia conventus fuisse Fidelium nocturnos ad Deum deprecandum. Eos conventus Plinius commemorat epistola ad Trajanum, in qua mores describit Christianorum: *Quod soliti essent stato die ante lucem convenire, carmenque Christo tanquam Deo dicere*; atque eo alludit Tertullianus libro ad uxorem cap. 4. ubi exponens, quam impedita esset Fidelis mulier, quæ infideli nupisset viro, ait: *Quis (vir infidelis) nocturnis convocationibus, si ita oportuerit, a latere suo abscedere conjugem suam libenter feret?*

*Nativitatis
Pervigilium
annuum cele-
berrimū per-
missum agita-
ri non solum
nunc ab Eccle-
sia, sed ablati
ceteris omni-
bus nocturnis
Conventibus.*

56 Sancti Natalis Pervigilium inter cætera semper fuit per-
celebre, & cum jejuniis junctum. *Ea fuit Ecclesie pia con-
suetudo, ut præcipuas Solemnitates, Sanctorumque Festivitates
Vigiliis præveniret, inter quas cum non infimum locum semper
obtinuerit Nativitas Domini nostri Jesu Christi secundum carnem,
suam etiam ab initio Vigiliam habuisse minime ambigimus, quam
cum jejuniis celebratam fuisse discimus ex S. Augustini epistola 65.
novæ edit. ad Xantippum.* Verba sunt Martene tom. 4. vet. edit.
cap. 2. num. 1. Huc accedit quod scripsit S. Cæsarius in Regula
ad Virgines: *Natali Domini, & Epiphania ab hora tertia no-
ctis usque ad lucem vigilandum est.* Narrat S. Gregorius Turo-
nenfis de gloria Martyrum cap. 87. in Natalis Pervigilio Episco-
palibus Officiis obeundis festum se ad paullulum somni capien-
dum secessisse; hominem sibi incognitum adstitisse in somnis, se-
que semel atque iterum excitasse; cumque nihilominus in som-
num esset relapsus, hominem illum ei alapam impigisse, atque
in hunc modum eum increpasse: Ita ne vero tu dormis, cujus est
curare ut cæteri vigilant? quæ causa fuerit, ut statim ad Tem-
plum redierit. Gravissimis causis permota Ecclesia, ut scandala
plura tollerentur, nocturnos agitari conventus vetuit; noctur-
naque pervigilia hoc tempore dumtaxat Monachæ, & alia quæ-
dam Religiosorum Collegia celebrant, quod observat Ferdinan-
dus Mendoza lib. 3. de confirmando Concilio Illiberitano in No-
tis ad Can. 36. tom. 1. Concilior. Collect. Labbeæ pag. 1227. Ve-
rum ex eo interdicto Pervigilium Natalis Domini eximitur, quod
non modo jejuniis, sed ex veteri consuetudine etiam nocturnis
conventibus in Ecclesiis, cantandisque Officiis, & post mediam
noctem Sacrificio peragendo celebratur. De ea disciplina fuse dis-
seruimus Institut. 13. Videatur Florentinius Exer. 2. in qua de veterum
Vigiliarum usu, ac de Pervigilio Nat. Chr. Dom. erudite disputat.

57 Festum diem Nativitate Christi consecratum non modo
inter omnes celeberrimum esse, sed post Pascha & Pentecostem
primum locum obtinere, omnes consentiunt. Observavit Mar-
tene loc. cit. cap. 12. num. 2., Sacra idcirco Concilia gravissimas
in eos Clericos edidisse Sanctiones, qui in ea Solemnitate ad Ec-
clesiam non venirent. Et Bailletus Hist. hujus diei num. 14. 2-
bunde probat, etiam secularibus quibusdam legibus in honorem
Natalis diei Jesu Christi decretum esse, ut de præcepto festi dies
essent omnes, qui a Natali Christi die ad Epiphaniam decurrunt.
Nunc vero duo tantum restant vetustæ disciplinæ monumenta,
quæ Solemnitatis magnitudinem declarant; quorum alterum, ut
si Natalis Christi dies in diem cadat, quo carniū usus est inter-

*Post Pascha
& Penteco-
stem primum
hoc Festivitas
locum tenet.
Duo præcilla-
ria hujus So-
lemnitatis pri-
vilegia.*

dictus, iis nihilominus videri liceat *propter Festi excellentiam*, ut ait Honorius III. in cap. *Explicari* de Observantia jejuniorum; alterum, ut Natali Christi die quilibet Sacerdos ternas Missas celebrat, ut videre est in Can. *Nocte Sancta*, ubi Glossa, de Consecrat. Dist. 1. & cap. *Consuluisi*, ubi itidem Glossa, de Celebratione Missarum. Tres Christi Domini ortus ternis hisce indicari Missis docet Pongetus Instit. Catholicar. tom. 1. pag. 814. primum in æterno sinu Patris; in tempore alterum in utero Virginis; tertium denique in Justorum animis, in quibus innascitur, & habitat per Fidem. Ac ortum quidem Christi in tempore e Virginis utero representari docet in prima Missa, quæ in Cathedralibus & Collegiatis Ecclesiis post mediam noctem celebratur. Secunda vero Missa, quæ in iisdem Ecclesiis illucescente celebratur aurora, recolit memoriam ejus nuncii, quod ab Angelo Pastoribus de nato Christo allatum est, atque ita Christi Nativitatem in animis justorum celebrari; Tertia denique, quæ ante meridiem peragitur, æternam Christi Nativitatem in sinu Patris commemorari; quæ causa fuit ut epistola ejus Missæ ex cap. 1. Epistolæ ad Hebræos excerpta sit, ubi fuse divus Paulus de æterna illa Nativitate disputat; Evangelium vero ex Joannis cap. 1. legatur, ubi Evangelista velut Aquila in sublime sublatus, divinam a Patre generationem explicat.

Tres Missæ eo die celebrantur. Cujus discipline falso perhibetur auctor S. Telephorus.

§ 8 Ejusmodi disciplinæ trium in Natali Christi die celebrandarum Missarum Auctor fuisse vulgo perhibetur Sanctus Telephorus in Can. *Nocte Sancta* de Consecr. Dist. 1. ut videre est apud Vicecomitem lib. 3. de antiquis Missæ Ritibus cap. 26. Sed in dubium revocatur, num textus ille sit Telephori. Nam initium ejus epistolæ, unde est excerptus, ex epistola desumptum est Damasi ad Illyricos: *Credimus Sanctam Fidem vestram in Apostolorum eruditione laudatam*. Adde, quod Psalmos 25. 36. & 51. ibi laudari juxta D. Hieronymi versionem, observat Pagius in vita Telephori. Satis præterea compertum est, quam multa viri docti objecerint adversus Ante-Siricianas Epistolas decretales, quominus genuinæ habeantur. Quamobrem alio confugiendum est, ut fontem illum reperiamus, unde verisimile sit ejusmodi disciplinam esse derivatam. Florentinius cit. exercit. 2. pag. 203. ita in rem nostram scribit: *Angetur dubitatio, an Epistola S. Telephori Papæ genuina sit. Jam docti viri non desunt, qui adductam decretalem epistolam illius summi Pontificis germanam esse non facile consentiunt.*

Dies aliquot solemnes, quibus olim plures Missæ ab

§ 9 Exploratum est, vetustissimis temporibus plures ab eodem Sacerdote Missas celebrari in aliquibus solemnitatibus consuevisse. Ex vetustis monumentis ostendit Cardinalis Bona Re-

rum

CAP. XVII. DE FESTO DIE NATALI DOMINI. 419

rum Liturgicar. lib. 1. cap. 18. num. 6. morem fuisse, ut Calendis Januarii binæ celebrarentur Missæ, altera de Octava Nativitatis, altera de B. Virgine; ternas itidem Missas Feria 5. in Cœna Domini probat celebratas esse; alteram ad reconciliandos Pœnitentes; alterum ad Sacrum Chrisma conficiendum; tertiam denique, quæ ad diei solemnitatem pertinet, ac binas itidem Missas in Ascensionis tum Pervigilio, tum Festivitate.

eodem Sacerdote celebrantur.

60 Si quod autem desideratur exemplum præter ea, quæ Cardinalis Bona attulit, ac præter illud, quod Alteserra in Commentar. ad cap. *Consuluit* de Celebrat. Missarum produxit ex ordine Romano, Amalario, & vulgato Alcuino, ternas scilicet Missas ab eodem Sacerdote celebrari consuevisse in die Nativitatis S. Joannis Baptistæ, dicimus Romanum quondam Pontificem solitum fuisse die 29. Junii Sanctis Apostolis Petro & Paulo consecrata duas Missas celebrare, alteram in Vaticana, alteram in S. Pauli Basilica, ut ex Prudentio 4. seculi Poeta apparet, Peri Steph. hymn. 12.

Alia ejusdem generis exempla.

Aspice per bifidas plebs Romula funditur plateas:

Lux in duobus fervet una Festis.

Nos ad utrumque tamen gressu properemus incitato;

Et his, & illis perfruamur hymnis.

Ibimus ulterius, qua fert via Pontis Hadriani;

Lævam deinde fluminis petemus.

Translyberina prius solvis sacra prævigil Sacerdos;

Mox huc recurrit, duplicatque vota.

Vide Josephum Vicecomitem de antiquis Missæ Ritibus lib. 3. cap. 28. ubi ab eodem Sacerdote ostendit in diebus Paschatis, & Festivitatum SS. Petri & Pauli, & Joannis Apostoli, Joannis Baptistæ, Laurentii, Marci, & Victoris plures celebrari Missas consuevisse.

61 Cum itaque mos esset, ut ab eodem Sacerdote in aliquibus solemnitatibus eodem die plures Missæ celebrarentur, non nemo existimavit trium in Natali Christi die celebrandarum Missarum morem vetustæ disciplinæ vestigium esse. Quærit Pougatus: *Cur in Festo Nativitatis Christi ter Missarum solemnia celebrantur a quolibet Sacerdote?* atque ita respondet: *Hoc vestigium est antiqui Ritus, quo diebus solemnibus plures ab eodem Sacerdote Missæ agebantur.* Testatur S. Gregorius, die Christi Natali ideo sermonem suum in compendium conferre, quia, inquit, *hodie ter Missarum solemnia celebraturi sumus.* Notatum reperimus in Ordinibus Romanis, Summum Pontificem in Natali Christi die tres celebrare solitum Missas, primam in Basilica Li-

Olim Romanus Pontifex hac die celebrabat in Basilica Liberiana, in Templo S. Anastasia, & in Basilica Vaticana. Attonc Cœciliæ Romanæ in Gregorium Pontificem facinus. Hoc nobis Romanus Pontifex plebæ & gladium Ducem benedixit.

beriana, alteram in S. Anastasie Æde, cujus in hac die ut diximus memoria recolitur; tertiam denique in Vaticana Basilica. Dum quædam ex tribus hisce Missis celebraretur, teterrimum illud ac nefarium a Cencio Romano Cive perpetratum est scelus, de quo ita Abbas Urspergensis: *Cencius quidam Civis Romanus ex fautoribus Henrici in Nativitate Domini Gregorium Papam in galli cantu Missam celebrantem de Altari graviter vulneratum rapuit, & in Turre sua in custodiam misit.* De aliqua itidem ex his Missis loquitur Albertus Argentinenfis in Chronico: *In die quoque Sancto Nativitatis Domini Rex Carolus communicatus fuit, legitque in Missa galli cantu, alta voce, habens in manu evaginatum gladium, Evangelium: Exiit Edictum a Cesare Augusto.* Et apud Martene cit. cap. 12. num. 10. ea cæremônia describitur, qua Imperator, seu Rex aliquis, qui in Sacello Pontificio Officio adesset, gladium manu tenens & vibrans quintam Officii Lectionem canebat. Nunc vero in nocte Nativitatis Domini Summus Pontifex Ducalem pileum & gladium benedicit, qui vel præsentî alicui Principi viro, vel absenti dono datur, ut videre est lib. 1. Sacrar. Cærem. cap. 6. De ea cæremônia tractatum scripsit Theophilus Raynaudus tom. 10.

*In Gallia olim
dua tantum
Missæ celebra-
bantur. Tres
vero Romæ pro
pter Ecclesiam
in honorem S.
Anastasiæ de-
dicatam. Ean-
dem disciplinam
transiit in
Galliam. Quod
primo ab Episcopis,
deinde
ab omnibus
Presbyteris
sursum.*

62 In die Christi Natali mos erat in aliis Ecclesiis, præsertim Galliæ, ut binæ ab eodem Sacerdote Missæ celebrarentur. Eadem vero disciplina, qua Romæ tres Missas Summus Pontifex celebrabat, etsi ex iis una celebraretur propterea quod Romæ sacra esset Ædes in S. Anastasie honorem Deo dicata, Roma in Gallias cæterasque regiones traducta est, cum Romanus Ordo Caroli Magni jussu receptus est. Et quamquam primo ea disciplina ad Episcopos dumtaxat pertineret, paullatim ad omnes Sacerdotes propagata est, ut conjicit Grancolas in Comment. ad Breviar. Romanum, & post eum aliosque plures Meratus in Not. ad Gavant. tom. 1. par. 2. pag. 847. Vicecomes lib. 3. de antiquis Missæ Ritibus cap. 27. abunde ostendit, quemvis Sacerdotem, ternas olim consuevisse Missas celebrare; non tamen, ut, quæ præsens consuetudo est, nullo intervallo temporis interjecto altera alteram exciperet, sed prima celebraretur media nocte, secunda illucescente Aurora, tertia orto jam Sole, quod etiam nunc in Cathedralibus, & Collegiatis Ecclesiis usurpatur.

*Aliis Orienta-
lis Ecclesiæ 6.
die Januarii
Nativitas Christi
celebratur.
Quo tempore
impleta fit*

63 Certum est, quod jam supra diximus, Christum Jesum in lucem editum esse 25. Decembris die, & nihilominus in quibusdam Orientalibus Ecclesiis morem fuisse Solemnitatem hanc sexta Januarii die celebrandi una cum Epiphania. In occidentali Ecclesia constans, & perpetua fuit consuetudo, ut 25. die Decembris

bris ea Festivitas celebraretur. Vid. Martene loc. cit. cap. 12. Cum autem nunc Orientalis Ecclesia eodem quo Occidentalis die Nativitatem Christi celebret, quæritur quonam tandem tempore in hoc utraque Ecclesia convenerit. Extat in Auctario ad Biblioth. PP. tom. 2. pag. 311. quædam Epistola Joannis Archiepiscopi Nicæni de die Christi Natali, quam e Græco in Latinum sermonem conversam edidit notisque illustravit Combefisius. Ea in Epistola narrat Joannes, Cyrillum Hierosolymitanum Episcopum S. Julio Romano Pontifici scripsisse, sibi omnino non licere tres tribus in diversis locis celebrare Festivitates, quæ in Epiphaniæ die agebantur, e quibus erat etiam Solemnitas Natalis Domini; rem hanc Romæ probe fuisse examinatam; tandem *in hunc modum*, inquit, *Julius Romanus Patriarcha menses Hebræorum, atque Romanorum composuit, a quo tempore cepit Romana Ecclesia lætis gaudiis celebrare Natalem Salvatoris die 25. Decembris, tradiditque celebrandum universis Ecclesiis*. Pergit Joannes narrans, S. Basilium jussisse, Gregorium Nazianzenum in Constantinopolitano quodam concilio præcipere, ut 25. Decembris Nativitas Christi celebraretur, huic parere decreto quosdam detrectasse; ac sub Arcadio denique, & Honorio a Joanne Chrysostomo, & Epiphanio, qui in eam rem Cypro accersitus fuerat, definitum esse, ut Nativitas Christi 25. Decembris celebraretur, cui definitioni cæteros omnes Patriarchas subscripsisse.

Latinorū consuetudinem celebrandi hanc Solemnitatem 25. Decembris Joannis Archiepiscopi Nicæni epistola

Spuria censetur illa epistola a Combefisio, qui eam edidit.

64 Recentem fatetur hanc epistolam Combefisius & fabularum plenam; neque id dissimulat Pagius in vita S. Julii Papæ num. 13. sed negat fabulosum esse quod in ea Epistola traditur de Solemnitate Natalis diei Christi Domini, quod ejusdem rei testes sint uterque Gregorius, Nyssenus, & Nazianzenus, & Joannes Chrysostomus. Cum eo sentit idem in citata Exercit. 2. Florentinius pag. 261. Verum in ea Epistola scribit ejus Auctor, non modo Julium Pontificem jussisse Nativitatem Domini 25. die Decembris in Oriente celebrari, sed ejus tempore Romanam Ecclesiam cœpisse eodem die Festivitatem illam agere. Id vero tanquam fabulosum & commentitium explodit Serry Exercit. 31. num. 3. *Quare putide fabelle arguitur, quod Joannes Nyssenus in vulgata per Combefisium Epistola contestatur, Natalem Christi diem Romæ sub Julio dumtaxat Summo Pontifice ad 25. Decembris definitum esse, Patribus diem hanc ab antiquo definitum constanter affirmantibus.*

Oscenditur illa quædam suppositio nota in illa epistola.

65 Quoniam igitur qui eam epistolam a Græco in Latinum convertit Combefisius, notisque locupletavit, eam suspectæ fidei

dei arguit, libenter nos illius sententiæ subscribimus : cum præsertim epistola Cyrillum quemdam Hierosolymitanum Episcopum commemoret ad Julium Papam dedisse literas, quæ Summo Pontifici occasionem præbuerint condendi ejus decreti ; fabulosum enim id omnino esse oportet, cum Petrus Constantius tom. 1. Epistolar. Romanorum Pontificum in appendice pag. 86. apertissime demonstraverit, nullum sub S. Julio Papa fuisse Cyrillum Hierosolymorum Episcopum.

*Vetustissima
traditione ce-
lebratur hæc
Festivitas in
Romana Ec-
clesia die 25.
Decembris.*

66 Eorum etiam sententiæ libentissime subscribimus, qui ex vetustissima Traditione multo ante Sanctum Julium Papam existimant in Ecclesia Occidentali Nativitatis Domini Solemnitatem die 25. Decembris celebratam esse. Quærit D. Augustinus epist. 55. alias 119. n. 2. tom. 2. op. edit. Paris. col. 128. *Cur anniversarius dies celebranda Dominica Passionis non ad eundem redeat anni diem, sicut dies, qua traditur natus ?* atque ita respondet: *Oportet noveris diem Natalem Domini non in Sacramento celebrari, sed tantum in memoriam revocari, quod natus sit, ac per hoc nihil opus erat, nisi revolutum anni diem, quo ipsa res acta est, festa devotione signari.* Et Chrysostomus loco, quem mox afferremus, testatur Romanis multo ante & ex antiqua Traditione disciplinam esse, Nativitatem Christi 25. Decembris die celebrandi. Quod itaque ajunt Augustinus traditur, & Chrysostomus ex antiqua Traditione, satis id luculenter ostendit, multo ante Sanctum Julium Pontificem in Ecclesia Occidentali ea, quam supra diximus, die celebratam esse Christi Domini Nativitatem, falsumque esse, eam diem ab Julio huic Festivitati fuisse præfinitam.

*Quarto seculo
videtur Ori-
entalis cum Ro-
mana Ecclesia
in celebranda
Nativitate
die 25. Decem-
bris convenisse.*

67 Quapropter firmis tutisque documentis innixi Orientalem Ecclesiam quarto seculo ad Romanæ Ecclesiæ disciplinam arbitramur se conformasse in celebranda Nativitate Domini die 25. Decembris, quam proinde ab Epiphania sejunxit, quæ Festivitas 6. Januarii die peragitur. Vetera quædam edidit monumenta Zaccagnus Bibliothecæ Vaticanæ Præfectus, inter quæ binæ sunt Gregorii Nysseni Orationes. In altera eorum ait Sanctus Doctor, morem fuisse in Ecclesia Cappadociæ, ut post Sancti Simeonis Festivitatem Sanctorum Apostolorum solemnitas celebraretur Petri, Jacobi, Joannis, & Pauli; quod etiam tradit in Oratione funebri Sancti Basilii fratris sui; ubi illud addit, post eam Festivitatem celebrari Sancti Basilii solemnitatem, quæ a Græcis Kalendis Januarii peragitur. In hac ipsa Oratione ita de solemnitate Natalis diei Christi Domini loquitur: *Sed primam celebritatem una cum aliis non numero. Nam* *que*

quæ propter divinam Unigeniti Filii apparitionem per partum Virginis Festivitas instituta est, ea non simpliciter sancta celebrata est, sed sancta Sanctorum, & celebrata celebratam. Igitur eas, quæ hanc consequuntur, enumeremus. Ad S. Stephani deinde cæterasque Festivitates sermonem suum convertit, ex quo luculenter apparet, seculo quarto Natalem Christi diem 25. Decembris celebratam esse. Nativitatis Festivitatem a solemnitate adorationis Magorum aperte sejungit Gregorius Nazianzenus Orat. 39. in Epiphaniâ pag. 632. *Ac Christi quidem Nativitas apta solemnitate prius, tum a Festi Duce & auspice, tum a vobis, atque adeo ab omnibus, tam qui in mundo versantur, quam qui in mundo sublimiores sunt, celebrata est &c.* Nunc vero alia Christi ætio, aliudque mysterium sequitur. Cum igitur S. Doctor Festivitate Natalis Christi ab Epiphaniæ solemnitate sejungat, bene inde conjici videtur, in ejus Ecclesia ea tempestate Natalis Christi dici festivitatem non amplius cum Epiphaniâ, sed hanc quidem sexta Januarii, illam vero Decembris vigesima quinta die celebrari consuevisse. S. denique Chrysostomus primo Sacerdotii sui anno, qui fuit 386. a Christo nato, Orationem habuit in Antiochena Ecclesia ipso 25. die Decembris, qui sermo est 35. de Christi Nativitate tom. 5. pag. 466. & nuperrimæ edit. tom. 2. pag. 364. In eo sermone nondum ait decimum annum expletum esse, ex quo compertum habuerit, Christi Nativitatem 25. die Decembris esse celebrandam, quod ab initio Occidentali Ecclesiæ cognitum erat. *Nondum decimus annus est, ex quo hic dies manifeste nobis innotuit, & ab exordio iis, qui in Occidente habitant, cognitus.* Profectam deinde a Romanis eam disciplinam dicit, quam ex veteri Traditione servaverint. *Romani multo ante, & ex antiqua Traditione ipsum celebrantes, ad nos usque notitiam illius transmiserunt.* Ex hoc Chrysostomi sermone colligitur, in Ecclesiis Antiocheno Patriarchæ subiectis autem annum 376. viguisse consuetudinem Ægyptiorum eodem die Christi Epiphaniâ & Nativitatem celebrandi, atque eo ipso anno alteram ab altera esse sejunctam, ac tum primum 25. die Decembris solemnitate Nativitatis Domini esse peractam.

68 Atque ea sunt, quæ de Festo Natalis dici Jesu Christi huc conferenda esse existimavimus. Nicephorus Hist. lib. 17. cap. 28. pag. 779. ejus Solemnitatis auctorem fuisse tradit Imperatorem Justinum. *Idem Imperator (Justinianus) tum primum Servatoris exceptionem toto Orbe terrarum festo die honorari instituit, sicut Justinus de Sancta Christi Nativitate fecit.* Id vero quantum ab re ipsa abest & veritate, ipsamet ostendunt, quæ supra

*Nicephorus
vel refutatus,
vel explicatus,
qui auctorem
hujus festivi-
tatis dicit Jus-
tinum Imper-
atorem. Con-
suetudo repræ-
sentandi sacræ*

attu-

*hoc Myſterium
in templis &
privatis domi-
bus, cujus ori-
go refertur ad
ſeculum 13o.*

424 DE FESTIS D. N. JESU CHRISTI LIB. I.

attulimus documenta. Sed illud fortasse intelligit Nicephorus, Justinum per suas leges eorum negligentiam emendasse, qui tantam Solemnitatem non, ut par erat, celebrabant, ut videre est apud Bellarminum tom. 2. lib. 3. cap. 16. §. *Ad objectionem*; & apud Suarez de Religione tom. 1. lib. 2. cap. 5. num. 6. In Occidentalem Ecclesiam pia fuit inducta consuetudo, ut Natali Domini die Myſterium repræſentetur Infantis Jeſu in Præſepio, & quod vulgo dicitur, ut Præſepe conficiatur in templis, in Religioſis ædibus, atque etiam in domibus privatorum. Gorius in Opere ſæpius citat, num. 17. piæ hujus conſuetudinis originem ad ſeculum refert decimum tertium, cum S. Franciſcus Præſepe ædificavit in Silva Grecii, ubi in illa ſacratiffima nocte Naſcenti Domino dicata nobilis quidam vir eum vidit divinum puerulum in ulnis geſtantem,

FINIS LIBRI PRIMI.



DE FE-

DE FESTIS BEATÆ MARIÆ VIRGINIS LIBER SECUNDUS.

CAPUT PRIMUM;

Olim quot institutæ Solemnitates in honorem Deiparæ. Proponitur hujus secundi Libri materia, ac primum agitur de Festo Desponsationis B. M. V. cum S. Joseph. die 23. Januarii.



Res in honorem Beatæ Virginis Solemnitates Lugdunensis quædam Synodus commemorat, quam affert Gratianus in Can. *Pronuntiandum de Consecrat. Dist. 1.* Sunt autem *Purificatio, Assumptio, Nativitas.* Gregorius IX. Summus Pontifex in Decretali *Conquestus* tit. de Feriis inter eos dies, quibus non licet jus dicere, festa quidem

Tres, & deinde quatuor solemnitates usque ad tempus S. Bernardi reperiuntur institutæ.

omnia B. Virginis recenset; ea tamen quæ sint nusquam tradit. Nihilominus ex sermone S. Bernardi l. in *Salve Regina* perspicuum est, quatuor ejus ætate in honorem B. Virginis celebratas esse solemnitates: *Quater in anno Ordo noster devotissime concinit:* ad quæ verba Mabillonius Nota 303. tom. 5. & 6. S. Bernardi hæc scribit: *Nimirum in quatuor solemnitatibus in honorem B. Virginis tunc temporis institutis, Purificatione, Annuntiatione, Assumptione, & Nativitate; nam aliæ postmodum indutæ sunt.* De cujusque Festi in honorem B. Virginis institutione in hac secunda Commentarii nostri Parte sermonem habebimus: atque ut eam, qua in priori parte progressi sumus, viam teneamus, a Desponsatione B. Mariæ Virginis cum S. Joseph ordiamur, quæ 23. Januarii celebratur.

2 Utcumque de iis sit judicandum, qui sua quadam opinione duci consueverunt, inter B. Virginem & S. Josephum non contractum fuisse verum matrimonium, *Conjunctio autem non ultra Sponsalia progrediebatur;* quæ sunt verba Gregorii Nysseni in Tom. X.

Circa festum desponsationis. on. s. primum statuitur verum inter Deiparam

H h

Orat.

Et S. Josephus
fuisse matri-
monium.

Orat. de Natali Domini; nunc tamen saltem temeritatis argue-
retur, qui tale quippiam pronunciare auderet. Sic enim de ea
propositione scribit Cardinalis Capisucchius Controv. 14. §. 9.
Ut minimum tamen temeraria censenda videretur; cum con-
flet totam Scholam cum Magistro Et Angelico Doctore in affir-
mantem sententiam conspirare, Et omnes Sanctos Patres bene-
perpensos idem dicere. Dicitur ut minimum temeraria; Suarez
enim hæreticum esse illum censet, qui negaret verum fuisse ma-
trimonium inter B. Virginem & S. Josephum; ejusmodi vero
Censuram acerrime tuetur Theophil. Raynaudus in Diptychis
Marianis tom. 7. suorum Operum pag. 43. qui hæresis illi notam
inurit, qui Sponsalia inter B. Virginem & S. Josephum in verum
tandem matrimonium, licet Sacrosanctum sine ulla corporum
commixtione, tandem abiisse negaret.

Quod proba-
tur ex pluri-
bus Evangelii
locis.

3 Profecto textus sunt ex Evangelio apertissimi, in quibus
S. Joseph vir B. Virginis, & rursus B. Virgo S. Josephi uxor ap-
pellatur. Matthæi cap. 1. vers. 16. *Jacob autem genuit Joseph vi-*
rum Mariæ, & vers. 19. Joseph autem vir ejus cum esset justus;
& vers. 20. Joseph filii David noli timere accipere Mariam Conju-
gem tuam; & vers. 24. Exurgens autem Joseph accepit Conjugem
suam; & Lucæ cap. 2. v. 4. Ascendis autem Et Joseph ut profite-
retur cum Maria desponsata sibi uxore prægnante. Præterea ex
Matthæi cap. 13. Lucæ cap. 3. & Joannis cap. 6. perspicuum est, He-
bræos vulgo in ea fuisse opinione, Jesum Christum Josephi ideo-
que fabri filium, & Josephum ejus Patrem fuisse: *Cujus opinio-*
nis, tamen falsæ, non alia fuit causa, quam quia sciebatur ma-
trimonium vere fuisse contractum inter Joseph Et Mariam: alio-
qui enim haud dubie Christo objecissent Judæi, quod ex fornicatio-
ne genitus fuisset, si quo modo de Conjugii veritate dubitatum
fuisset. Verba sunt Eustii in 4. sententiar. dist. 30. §. 6.

Decuit Delpha-
ram fuisse nu-
ptam ex D.
Thoma.

4 Angelicus Doctor in 3. part. quæst. 29. art. 1. quasdam as-
fert congruentias, quibus divinæ placuit Providentiæ, ut Chri-
stus e Virgine quidem, sed nupta nasceretur; & in art. 2. inter
B. Virginem & S. Josephum verum contractum esse matrimonium
probat. Easdem congruentias, quas affert D. Thomas, apud
Sanctum quoque Bernardum reperias Homil. 2. super *Missus est*,
& apud Hieronymum lib. 1. Comment. in cap. 1. Matthæi, quæ
in hujus diei Officio leguntur. Inter eas rationes, quibus decuit
B. Virginem fuisse nuptam, illa recensetur, ne Christum Domi-
num velut illegitimum Infideles aspernarentur, atque ut B. Vir-
go ab omni probro esset libera, neve pœnam subiret, cui tan-
quam adultera obnoxia fuisset. Rationem aliam addit S. Igna-
tius:

tius: *Martyr Ignatius etiam quartam addidit causam, cur a Desponsata concepius sit, ut partus, inquit, ejus celaretur Diabolo, dum cum putat non de Virgine, sed de uxore generatum. Vide Thomassinum Theologicor. Dogmat. tom. unic. de Verbi Dei Incarnat. lib. 2. cap. 3. num. 12. ubi post SS. Ambrosii & Bernardi verba ita concludit: Quibus locis hæc attinguntur rationes, cur Virginem conjugii nomine obumbrari decuerit, primo ne adulterii infamia tenerrimus Virginis pudor adureretur, secundo ut partus virgineus Diabolo celaretur, nec a salute mundi, idest Crucis Christi præparanda cruentas ille manus abstineret.*

5 Postremam hanc rationem sibi non satisfacere ait Maldonatus in Matth. cap. 1. vers. 18. Tom. 2. col. 36. *Sed hanc rationem malo libere fateri me non intelligere, quam temere reprehendere. Non, inquam, intelligo, quomodo Diabolus Mariæ Virginitatem, si modo animadvertit, potuerit ignorare cum integrum & incorruptum corpus quamvis nuptæ videre posses. Toletus Cardinalis in Lucam cap. 1. ait, homini notam esse posse alicujus scemina virginitatem, multoque magis Diabolo, sed Deum voluisse ut Diabolus id in B. Virgine non adverteret. Deo tamen permittente, & volente Dæmon non advertit; cernens enim illam esse conjunctam, cætera speculanti contempsit, matrimonio omnem illi impediende suspicionem, crediditque partum esse ex viro, cui sciebat seminam esse desponsatam. Quæ responsio ex D. Thoma est deprimata loc. cit. art. 1. ad tertium. Eam illustrat Estius loco supra allato §. 7. Unde quia B. Virgo virum habebat, nec integritatem ejus, nec concipiendi modum perscrutatus est; sed, ut ait Basilius, Virgines innuptas præcipue observabat, quia Virginem parituram ex Propheta didicerat. Quod si extra matrimonium, Virgo fuisset imprægnata, Virgineum illum Conceptum & Partum cognovisset Diabolus hoc argumento: Concepit extra matrimonium, non ex fornicatione; neque enim id me lateret, qui sum auctor fornicationis: ergo concepit de Spiritu Sancto.*

*Sancti Ignatii
Martyris locis
de hac re ex-
plicatus.*

6 Nunc vero ad considerandam matrimonii naturam inter B. Virginem & S. Josephum devenientes dicimus, omnem de hac re difficultatem non in carnalis copulæ defectu, sed in voto virginitatis consistere, quam Sanctissima Virgo, antequam S. Josepho nuberet, professa fuerat. Matrimonium siquidem etiam sine copula constat: quod enim Matrimonium fuit inter Adam & Evam ante peccatum (nam nonnisi post peccatum concubuerunt) veri matrimonii naturam habuit. Scilicet verum est matrimonium, etiam seclusa copula, quod ratum dicitur, si accedat copula matrimonium consummatum vocatur. Ac tria in Matrimo-

*Matrimonium
inter B. Virgi-
nem & S. Jo-
sephum ex-
penditur.*

nio potissimum spectanda sunt, substantia, usus, & finis. Substantia est mutua in corpus potestas; usus est conjugalis copula, qua vicissim in sua sibi corpora tradita potestate uruntur, finis denique est liberorum procreatio. Usus a substantia sejungi, & substantia sine usu esse potest. Id vero contigit in eo matrimonio, de quo nobis est sermo, & in pluribus etiam aliis conjugiiis, in quibus mutuo consensu conjuges servavere virginitatem, quorum exempla erudite congescit Benedictus Papa XIII. de nobis optime meritus serm. 10. de vita B. Virg. n. 10. t. 1. Omnis etiam esse potest in Matrimonio substantia sine fine; sed in Matrimonio B. Virginis fuit finis & fructus, non ex eo natus, sed in eo, ut loquuntur Theologi. Itaque S. Augustinus lib. 1. de Nuptiis cap. 2. concludit in hæc verba, quæ refert Gratianus in Can. Omne 27. quæst. 2. *Omne itaque nuptiarum bonum impletum est in illis Parentibus Christi, Proles, Fides, Sacramentum. Prolem cognoscimus ipsum Dominum Jesum; Fidem, quia nullum adulterium; Sacramentum, quia nullum divorcium.*

De voto Virginitatis B. Mariæ. Partitio triplex.

B. Virgo Virginitatem voverit. Consonantibus consonatur.

7 Omnis igitur difficultas reedit ad votum Virginitatis B. Virginis: atque ut ad hanc rem examinandam paratiores aggrediamur; primo quærendum est, an B. Maria Virginitatem voverit; secundo, voveritne absolute & simpliciter, an vero sub aliqua conditione; tertio, quando ejusmodi votum emiserit.

8 Nulli profecto dubium esse potest, quin Maria Virgo voverit Virginitatem. Cum monita fuit ab Angelo filium parituram, ei respondit: *Quomodo fiet istud, quoniam virum non cognosco?* Quæ quidem responsio abunde probat, eam perpetuæ Virginitatis votum fecisse; quod pulcre explanat Sotus in 4. sentent. dist. 30. quæst. 2. art. 1. *Plana enim res est, verbum illud non facere sensum, qui est, non cognovi: quia illud ad conceptionem futuram impertinens erat; sed sensus fuit, quoniam virum non cognoscere statui, votoque firmavi.* Consonat Lamy Harmon. Evangel. lib. 1. cap. 3. num. 34. cujus ea sunt verba: *Alioquin enim responsio Mariæ non convenit verbis Angeli. Est enim tunc virum non cognosceret, poterat cognoscere, ubi ejus in domum deducta esset. Ergo, ut SS. Patres docent nos, responsio Mariæ indicat, eam voto fuisse amplexatam perpetuam Virginitatem.* Atque ut rem similitudine explicet, ait, B. Virginem eo sensu fuisse locutam, cum dixit, *Virum non cognosco*, quo Carthusianus diceret, *Carnibus non vescor.* Atque hæc doctrina illis innititur, quæ scripsit Augustinus lib. de Sancta Virginitate cap. 4. tom. 6. oper. col. 343. *Quomodo, inquit, fiet istud, quoniam virum non cognosco? quod profecto non diceret, nisi Deo Virginem se ante noviss-*

vovisset. Eamdem doctrinam illustrat etiam Baronius in apparatu ad Annales §. 56. Casaubonus exercitat. in Baronium num. 24. pag. 108. non diffidetur, ea verba, *Virum non cognosco*, vim habere significandi votum Virginitatis editum ante initum matrimonium. *Nysseus & Augustinus urgent Deipara responsonem, Virum non cognosco: quod argumentum mihi quidem videtur non esse adeo commendandum.* Nec quidquam commoveri se profiteatur, quod ejusmodi voti nullum antea exemplum extiterit, & Chrysostomi sententiam amplectitur Homil. 4. in Matthæum, qui aliam esse ait eorum conditionem, qui vivunt in lege Gratia, quam sit eorum, qui in lege vivebant Mosaica: plura enim & perfectiora ab iis requiri, quam ab istis. Sed, quod mirere, pulcre hæc proloquutus in contrariam discedit sententiam: *Hæc etsi vere ni fallor, & pie dici possunt; de voto tamen Virginitatis ante nuptias a Maria facto, temere veteribus, qui ista prodiderunt, non ausim equidem assentiri.* Id scilicet ab eo expressit susceptum impugnandi Baronii consilium. S. Bernardus sermone de Dominica infra Octavam Assumptionis ait, primam fuisse B. Mariam, quæ Virginitatem voverit: *De cætero sane & virginitatem carnis, & propositum virginitatis maxime & ipsius quoque propositi novitas evidenter illustrat, quod videlicet in libertate spiritus Legis Mosaica decreta transcendens, illibatam Deo corporis simul & spiritus sanctimoniam vovit.* Et Baronius loc. cit. §. 57. hanc esse testatur Græcorum Patrum & Latinorum sententiam: *A qua scio neminem dissentire, nisi solidissimorum hæreticorum factionem & satellitium, qui ad impugnanda sacra vota virginitatis & continentia egregiam diabolo navant operam.*

9 Illud enim futile est, quod quidam dicunt, Jephthe filia virginitatem vovisse; & illius voti, quo holocaustum Deo, si victor redirete pugna, pollicitus erat, religione se liberaffe, consecrata tantum filia, & perpetua ejus Virginitate promissa. Nam Jephthe, ut constat ex cap. 11. v. 30. Judicum, in holocaustum, si victoriam consequutus esset, Deo illum vovit, quisquis futurus esset, qui sibi e prælio redeunti primus occurreret: *Si tradideris filios Ammon in manus meas, quicumque primus fuerit egressus de foribus domus meæ, mihiq; occurreris revertenti cum pace a filiis Ammon, eum holocaustum offeram Domino.* Suam itaque ipsius filiam adhuc Virginem sibi primam omnium occurrentem teneri se voto putavit, ut offerret, id est interficeret; prout revera necavit; quapropter S. Hieron. lib. 1. contra Jovinianum: *Ut qui improspete voverat, errorem votorum in Filia morte sentiret.* Huc vero quid attinet votum Virginitatis? Postulavit quidem filia Jephthe, ut sibi duo da-

Jephthe non
vovit filij vir-
ginitatem.

rentur

rentur menses, quibus suam deficeret Virginitatem. Verum ad id eam non impulit amor Virginitatis, quam usque ad mortem servare vellet, sed quod sterilis abiret e vita: id enim scæminis probro erat in Israël. Calmetum adeas, si libet, qui in Dissertatione de voto Jephte, postquam probavit filiam a patre necatam fuisse, ait: *Quæ vero feruntur de consecratione filie Jephte, atque ipsius ad calibatum abdicatione, hæc nobis ad arbitrium mere excogitata creduntur, cum ne verbum quidem in Lege ea de re occurrat, neque ea afferantur monumenta, quæ rem extra controversiam posuerint. Nonne in Scriptura rotundis verbis asseruntur executioni mandata a Jephte omnia quæ voverat? Et fecit ei sicut voverat. Pollicitus fuerat holocaustum: holocaustum ergo obtulit.*

B. Maria diversis temporibus, primo sub cœlestione, deinde absolute virginitatem vovit.

10 Quod ad qualitatem attinet voti Virginitatis, quam vovit B. Virgo utrum scilicet sub aliqua conditione, an vero absolute & simpliciter eo se alligaverit, docet D. Thomas 3. part. quæ. 28. art. 4. tempore legis Mosaicæ virorum & foeminarum fuisse partes præcipuas ut liberos gignerent; ideoque B. Virginem, antequam S. Josepho nuberet, Virginitatem vovisse, sub ea tamen conditione, id si Deo placeret: *Mater Dei non creditur, antequam desponsaretur Joseph, absolute virginitatem vovisse: sed licet eam in desiderio habuerit, super hoc tamen voluntatem suam divino commisit arbitrio.* Et in 4. sentent. Dist. 30. quæ. 2. art. 1. quæst. 1. ad primum ita ait: *Beata Virgo fuit confinium veteris & novæ legis, sicut aurora confinium est diei ac noctis: & ideo votum ejus sapuit novam legem, in quantum virginitatem vovit; & veterem in quantum conditionem apposuit.* Sed hæc sententia quibusdam non probatur, quod votum nulla conditione appositâ perfectius sit, quam quod pendet a conditione. Præterea illa conditio inest in omni promissione & voto ut disputat Estius §. 4. loc. cit. Nos vero, quin opus sit a D. Thomæ doctrina recedere, existimamus, B. Mariam Virginitatem diversis vovisse temporibus, modo conditione addita, modo nulla conditione appositâ.

Hæc ipsa est D. Thomæ sententia,

11 Antequam nuberet B. Virgo, sæpenumero de vovenda virginitate cogitavit; quod quidem se vehementer cupere Deo declaravit; sed cum id Legis consuetudini adversari videret, vovit virginitatem, ea tamen appositâ conditione, quam modo memoravimus. Id autem Deo placere divinitus facta est certior; ac propterea, ante quam nuberet, absolute vovit virginitatem: quamobrem D. Thomas cit. par. 3. quæ. 28. art. 4. ad primum diserte ait: *Postquam autem ei innotuit, hoc esse Deo acceptum, absolute vovit, antequam ab Angelo annuntiaretur.* Illud autem votum, quod antequam S. Josepho nuberet absolute voverat, matri-

matrimonio inito cum Iosepho rursus renovavit; quod eruitur ex ipso D. Thoma in 4. sentent. Dist. 30. qu. 2. art. 1. qu. 2. *ad secundum*: *B. Virgo antequam contraheret cum Ioseph, fuit certificata divinitus, quod Ioseph in simili proposito erat*. Vide Got- tum part. 1. tom. 4. de Verit. Relig. Chr. cap. 3. §. 7. num. 48.

12 Verum si B. Virgo, antequam matrimonio cum Iosepho jungeretur, Virginitatem perpetuam voverat, suboritur ea, quam proposuimus, quæstio, quæ ei licuerit sui corporis, quod Deo jam consecrasset, matrimonio inito potestatem viro dare; cum præsertim juxta Canonum Decreta nullius roboris sit matrimonium sub conditione contractum liberorum non procreandum, ut videre est in Decretali *si conditiones*, de conditionibus appo- sitis. Quætionem hanc primus proposuit quidam, cujus no- men est incompertum, Hugoni a S. Victore 12. seculi Theologo, ut constat ex ejus libro *De perpetua Mariæ Virginitate*. Respon- sio tamen in proclivi est. Generatim enim verissimum est, nefas esse corporis, quod Deo per Virginitatis votum fœmina conse- craverit, matrimonium ineundo potestatem viro dare; sed mini- me id verum est in hoc singulari casu, in quo qui virginitatem vovit, divinitus cognovit alteri Conjugi jam certum esse virgini- tatem perpetuo colere, ut plane contigit in conjugio B. Virginis cum S. Ioseph. Ea enim antequam nuberet, monita a Deo fuerat, ne de Virginitate, quam perpetuo coleret, esset sollicita; Ioseph enim cum ea idem plane sentire. Itidem verissimum est, irritum esse conjugium, quod sub conditione contrahitur non procreandi liberos. At minime verum est; nullius roboris esse matrimonium, quod, semota illa conditione, ut plane in Matrimonio B. Mariæ contigit, contrahitur cum præscientia, vel nullos inde fore li- beros, vel si qui extiterint, eos non humana opera esse pro- creandos. Docet id S. Thomas in 4. sentent. Dist. 30. qu. 2. art. 1. qu. 2. *ad secundum*: *B. Virgo antequam contraheret cum Ioseph, fuit certificata divinitus, quod Ioseph in simili proposito erat, & ideo non se commisit periculo nubens: nec tamen propter hoc aliquid veritati deperit, quia illud propositum non fuit conditionaliter in consensu appositum: talis enim conditio cum sit contra matrimonii bonum, scilicet prolem procreandam, matrimonium tolleret*.

*Quæritur, quid
Deipora, vir-
ginitatis voto
anteacito, po-
tuerit nuberet*

13 Quæritur hic, quoto ætatis anno B. Maria Iosepho nup- serit; quot annos itidem natus Iosephus B. Mariam uxorem du- xerit. B. Mariam quatuordecim annos natam, communis est fere omnium sententia: id enim ætatis est, cum puellæ concipi- unt. Saxius tom. 1. de Laudibus B. Mariæ pag. 59. *Et ex mul- tis, inquit, quos legi Scriptoribus, fere omnes in hac sententia sunt*.

*Quoto ætatis
anno Deipora
nupsit. S. Iose-
phus senex
non erat, cum
B. Mariam
uxorem duxit*

sunt. Iosephum vero octoginta natus annos B. Mariam in matrimonium duxisse, non sit illi verisimile; quam sententiam S. Epiphanius hæresi 51. omnino rejicit. Neque enim facile quis crediderit, Virginem summa senectute viro nupsisse. Iosephus autem, qui jam id ætatis, viarum molestias itinerumque qui potuisset perferre? Nec si tam grandis natu fuisset Iosephus, qua senectute illum fuisse existimat Epiphanius, & pingunt nostri pictores, satis honori tum B. Mariæ, tum etiam Filii contra Iudeorum calumnias fuisset consultum. Porro de Iosephi senectute inde orta est opinio, quod aliam antea uxorem in matrimonio habuisse, ex eaque liberos suscepisse credatur; quod a vero quantum absit, demonstravit Baronius in apparatu num. 61. cui assentitur Andreas Schmidius, licet heterodoxus, in Prolusione Mariana 3. tom. 77. Miscellanorum Bibliothecæ Cardinalis Pafionei,

*De Institutione
huius Festivitat;
deque
eius Officio.*

14 Atque hæc de hujus Festivitatæ Myfterio. Reliquum est; ut quædam de ejus institutione attingamus. Carnotensis quidam Canonicus, qui seculo 15. migravit e vita, scripsit in Testamento suo, ut in die sui obitus Capitulum solemnem de S. Iosepho commemorationem faceret, quod cognitum haberet, S. Iosephi laudem in B. Virginis laudem redundare. Joannes Gerson Parisiensis Universitatis Doctor & Cancellarius, qui præcipua quadam devotione S. Iosephum colebat, monuit defuncti voluntatem impleri posse tripliciter. Inter eas rationes perficiendi quod Canonicus ille mandaverat, proposuit Officium Desponsationis B. Virginis cum S. Iosepho, quod ipse etiam composuit. Narrat Georgius Colvenerius in Calendario B. Virginis ad diem 23. Februarii scriptum quidem fuisse Officium a Joanne Gersono, sed intercidisse. Nunc vero in Joannis Gersonis operibus omnibus, quæ formis Antuerpiensibus edita sunt anno 1706. tom. 4. pag. 731. binæ apparent ejusdem Auctoris Epistolæ de Officio Desponsationis; atque ibi Officium illud exhibetur integrum; & pag. 742. duorum Codicum Manuscriptorum fide monemur, iussisse Legatum Pontificis Festivitatem Matrimonii S. Ioseph celebrari. Si Legato obtemperatum fuit, certe ejus jussui paruit vel Ecclesia Carnotensis, vel regio tota, quæ ejus Legationi esset subiecta. Propterea legimus seculo 16. Paulum III. Joanni Calvo Fratrum Minorum Commissario concessisse facultatem, ut Fratres Minores, Sororesque Officium Desponsationis B. Virginis cum S. Iosepho recitarent expressum ex Officio de Nativitate, mutata voce *Nativitatis* in *Desponsationis*, & adhibito Evangelio proprio; *Cum esset desponsata*, donec novum de hac Festivitate Officium

Officium componeretur. Illis vivebat temporibus Petrus Doré Ordinis Prædicatorum magni vir nominis ob plura quæ scripsit opera, cujus Catalogum confecit Jacobus Echard tom. 2. de Scriptoribus illius Ordinis pag. 203. Huic Paulus III. mandavit, ut Officium proprium componeret; illiusque Pontificis literas, quibus mandatum ejus continetur, apud citatum Colvenerium reperias. Officium autem a Petro conditum concinnatumque Pontifex probavit, ut videre est apud Bollandistas ad diem 19. Martii in Vita S. Joseph §. 7. Utrum autem Officium illud ad universalem Ecclesiam extensum fuerit, antequam Breviarium Romanum reformatum esset, neque negare possumus, neque affirmare. Illud ex S. Rituum Congregationis Regestis apparet, post Breviarii reformationes pluribus Ecclesiis intra Italiam & extra recitandi ejus Officii facultatem esse concessam, atque in omnibus Ecclesiasticæ Ditionis regionibus recitari ex Indulto Benedicti XIII. die 22. Augusti 1625.

15 Perusina conservatur annulus, quem B. Virgo, cum Josepho nupsit, dicitur induisse. Hunc annulum, qui de eo historiam edidit Joannes Baptista Laurus Perusinus, scribit sub Gregorio V. fuisse inventum: quadringentis octoginta quatuor annis in Clusina urbe asseveratum in Perusinarum manus venisse. Apud Xystum IV. lite & judicio Clusinos annulum persequutos; quibus a Joanne Baptista Sabello Cardinali Legato Pontifex illud reddi jussit. Verum, Xysto morte sublato, Innocentium VIII. Perusinis eam causam adjudicasse. Abrahamus Bzovius de illo annulo veluti de re verisimili scribit in Epistola ad Laurum, qui illam in historia inseruit. Adversus hunc annulum quantos clamores edidit Andreas Rivetus Auctor heterodoxus, in lib. 2. Apolog. pro S. Maria c. 9. cujus quis non videat nimis acrem asperamque censuram hebescere, qui sciat nos, quæ talibus in rebus satis esse videtur, probabilitatem solum expetere, nec firmissime quidquam de illo annulo asseverare, sed, quod traditur, tantum pie credere? Pompejus Pollinus de S. annulo fuse disseruit. De illo nuperrime prodiit in lucem Sermo Perusino Magistratui nuncupatus; multaque ibi ad huic reliquæ adstruendam fidem argumenta afferuntur. Sed nos, servata Reliquæ veneratione, quæ illi debetur, sedulo monendos ducimus illa qui legerint, ne ex Actis Xysti IV. & Innocentii VIII. sibi persuadeant, Apostolicam Sedem genuinum sanctum illum annulum judicasse. Nam sub illis Pontificibus illud tantummodo disceptabatur, utri populo Clusinæ, an Perusinis Sacer annulus esset adjudicandus: & quamquam in eo judicio præsumebatur ejus annuli veritas, attamen

*De S. Annulo,
qui Perusina
asseveratur.*

quis ignorat, aliud esse præsumere, aliud definire ac declarare? Multa quidem a Summis Pontificibus de certis quibusdam reliquiis jubentur, sed ea diserte apposita, vel certe subaudienda clausula, ut, quod ad earum veritatem pertinet, sua cuique sit probabilitas, cui nihil censeretur debere auctum; ut in Opere de Canonizatione Sanctorum ipsi docuimus de reliquiarum identitate disputantes, ac de hac clausula, quam suis rescriptis Sacra Rituum Congregatio sæpe apponit, *Citra tamen approbationem reliquiarum.*

CAPUT II.

*De Festivitate Purificationis Beatæ Mariæ Virginis.
Die 2. Februarii.*

*Duplex in Te-
stam. Vet. lex
præscripta,
ubi mulier
enixa esset.*

¹ **F**estus de Purificatione Beatæ Virginis dies quarto nonas Februarii celebratur, cujus ut Mysterium explicemus, duas observabimus leges fuisse in Veteri Testamento; alteram in Levitico cap. 12. v. 2. in Exodo alteram cap. 1. v. 12. Levitici lege præscribitur, ut quæ mulier, suscepto semine, peperisset masculum, ea septem diebus esset immunda, *juxta dies separationis menstruæ*; atque ut immunda itidem remaneret tribus & triginta diebus insequentibus: *Ipsa vero triginta diebus manebis in sanguine purificationis suæ*; neque Sanctuarium ingrederetur; elapso vero eo tempore, illuc si introire vellet, deferret agnum anniculum in holocaustum, & pullum Columbæ, sive Turturæ pro peccato: quod si paupercula egenisque fuisset, offerret duos Turtures, vel duos Pullos Columbarum, unum in holocaustum, & alterum pro peccato. Altera vero, quæ est in Exodo loc. cit. lex jubet, primogenitum omne masculum Deo consecrari. *Separabis omne, quod aperis vulvam, Domino, & quod primitivum est in pecoribus tuis: quicquid habueris masculi sexus, consecrabis Domino.* Filium tamen hominis primogenitum jubet redimi argento. *Omne autem primogenitum hominis de filiis tuis pretio redimes: id est quinque siclorum pretio: Accipies quinque siclos per singula capita ad mensuram Sanctuarii. Siclus habet viginti obolos*; ut est in lib. Numer. cap. 3. v. 47.

*His legibus nec
B. Maria, nec
Jesus obstrin-
gebatur.*

² Levitici lege, quæ de muliere loquitur, quæ suscepto semine peperisset, profecto non astringebatur B. Virgo; ea enim Spiritus Sancti opera conceperat, quod fusc probat Durandus Episcopus Montis Feltri tom. 2. Revelat. S. Birgittæ Romanæ edit. an. 1628. pag. 117. in Notis, & ipsi D. Bernardi auctoritate demonstravimus institutione xlv. sæpe citatæ edit. Nunc vero ad ea, quæ illuc

illuc contulimus, Theologorum Principis D. Thomæ auctoritatem etiam addimus, qui 3. part. qu. 37. art. 4. ad secundum ait: *Signanter Moyses videtur fuisse loquutus ad excipiendam ab immunditia Matrem Dei, quæ non peperit suscepto semine. Neque Filius Levitici lege tenebatur; nam præterquamquod omnes supra leges erat, idem jus, quod Matri competere diximus, locum habet in Filio. Huc accedit, quod ea lege Mater, non Filius comprehendebatur: manifestum est enim, totum illum textum de legali matris immunditia loqui: Et orabis pro ea (Sacerdos) & sic mundabitur a profluvio sanguinis; de filio vero nihil aliud habet, quam ut octavo die circumcidatur: Et die octavo circumcidetur infantulus. Ne legi quidem Exodi subiectus erat Christus Jesus; ea enim lex de masculo loquitur, qui vulvam adaperiebat: Sanctifica mihi omne Primogenitum, quod aperit vulvam in filiis Israel tam de hominibus, quam de jumentis, mea sunt enim omnia. Id pulcre observat Natalis Alexander in Commentar. ad cap. 2. Lucæ num. 23. col. 942. Legi Primogenitorum Christus subditus non erat, tum quia Legis Conditor & Dominus, tum quia vulvam Matris non aperuit, sed clauso Virginis utero egressus est. Virgo enim non solum ante partum, & post partum, sed & in partu Sancta Maria permansit, quæ Ecclesiæ Fides est, Traditione, Patrumque summo consensu firmata: congeritque Ambrosii, Hieronymi, Augustini, pluriumque aliorum auctoritates.*

3 Nihilominus Maria & Joseph, ut refert Lucas cap. 2. v. 2. & seqq. *Postquam impleti sunt dies purgationis ejus, secundum legem Moysi tulerunt illum in Hierusalem, ut sifterent eum Domino, sicut scriptum est in lege Domini: quia omne masculinum adaperiens vulvam Sanctum Domino vocabitur. Præterea obtulerunt, quod præscriptum erat a Legge: Et ut darent hostiam, secundum quod dictum est in lege Domini, par Turturum, aut duos pullos Columbarum. Nimirum profunda humilitas Sanctissimam foeminam impulit, ut legi, qua non tenebatur, obtemperaret. Non obligabatur ad impletionem ejus præcepti, sed voluntaria purgationis observantiam adimplevit; verba sunt D. Thomæ loco citato: quemadmodum etiam Jesus ejus filius eo se demisit ut circumcideretur, licet ea lege solutus esset, ut disputat idem S. Thomas loco cit. in corpore: Et ideo sicut Christus, licet non esset legi obnoxius, voluit tamen Circumcisionem, & alia legis onera subire ad demonstrandum humilitatis & obedientiæ exemplum, & ut approbaret legem, & ut calumniæ occasionem Judæis tolleret; propter easdem rationes voluit, & Matrem suam implere legis observantias, quibus tamen non erat obnoxia.*

Virique legi ab utroque tamen obtemperatum in humilitatis exemplum.

*Præsentatus
Jesum in Tem-
plo: & omnia
præscripta in
lege sunt ad-
impleta. Tra-
ditio de Za-
charia inter-
fecti inter Tem-
plum & Alta-
re, de qua cau-
sa ejus necis
rejiçitur.*

4 Idcirco autem ipsa voluit offerre, quæ pauperes consueve-
rant, quod ejus Filius nobis pauper factus, in Præsepi natus est,
ut advertit D. Thomas 3. par. qu. 37. art. 3. *ad quartum*. Cum
dives esset, propter nos egenus factus est, ut ejus inopia divites es-
semus, ut dicitur 2. ad Corinth. 8. *pro se pauperum hostiam voluit
offerri; sicut & in ipsa Nativitate pannis involvitur, & reclina-
tur in Præsepio*. Denique Jesus presentari voluit in Templo eam
observando legem, cui non erat subditus. Quia ergo Christus
ex muliere natus fuit Primogenitus, & voluit fieri sub lege, hæc
Evangelista Lucas circa eum observata fuisse ostendit, verba sunt
D. Thomæ opusc. 60. cap. 8. Et quamquam in Lucæ Evangelio
nihil de quinque siclorum oblatione habetur, verisimillimum
tamen est, voluisse, quemadmodum se præsentando, ita etiam
in reliquis adimpleri legem, ut notat Calmetus in cit. cap. 2. Lu-
cæ, & cap. 13 Exodi, & Suarez in 3. par. D. Th. tom. 2. qu. 37.
Disput. 16. sect. 1. §. *Quarto & ultimo*, & sequen. Sunt qui nar-
rant, B. Virginem Templum ingressam, ad eum ut oraret seces-
sisse locum, quo solis Virginibus pateret aditus; & cum inter
Hebræos illam inde arcere volentes ortus esset tumultus, Zacha-
riam Joannis Baptistæ patrem intercessisse, ne B. Virgo illinc
summoveretur: qua re offensus Judæos illum in Templum &
Altare interfecisse. Cui traditioni a peritioribus meliorisque no-
tæ Criticis nulla fides tribuitur. Eam rejicit Serry, qui Zacha-
riam ait totius mysterii inscium; aut si ejus conscius erat, tamen
probe novisse, Judæis esse occultandum. Saxius par. 2. de Lau-
dibus Mariæ pag. 2. in ea historia rejicienda cum Serry, diversa
tamen causa, consentit; tum quod jam Zacharias cecinerat: *Be-
nedictus Dominus Deus Israel*; tum quod, ut mox dicemus, cum
B. Maria Templum est ingressa filii sistendi gratia coram Domi-
no, Simeon & Anna publico præconio palam Christi præsentiam
prædicarunt.

*Simeonis &
Anna in Tem-
plo præconia
de Christo. An
Simeon Sacer-
dos fuerit.*

5 Sed ut ad Evangelicam, quam describit Lucas, redeamus
historiam, Simeon vir justus & timens Deum, qui divinitus a
Spiritu Sancto acceperat, non prius se moriturum, quam videret
Christum Domini, divino numine impulsus Hierosolymam se con-
tulit, venitque ad januas Templi; acceptoque in ulnas suas di-
vino puero, benedixit Domino, eumque obsecravit, ut se jam
ex hac vita dimitteret; parentibusque ejus prospera quæque ap-
precatus, Puerum Matri tradidit, ejusque Passionem vaticina-
tus est: *Positus est hic in ruinam, & in resurrectionem multorum
in Israel, & in signum cui contradicetur*. Dolores item, quibus
matris animus confodiendus esset, prædixit: *Et tuam ipsius ani-*
mam

nam pertransibit gladius, ut revelentur ex multis cordibus cogitationes. Anna Prophetissa, quæ cum Viro septem annos vixerat, viduæque remanserat, annos octoginta nata, jejuniis & orationibus vacans assidue Templo inferviebat. Igitur eodem momento superveniens Deo gratias egit de ortu Domini Jesu: *Et hæc ipsa hora supercueniens confitebatur Domino*; ac de nato Messia verba fecit, illum scilicet venisse, ut fidelem Populum, qui in eum crederet, a peccato remitteret: *Et loquebatur de illo omnibus, qui expectabant redemptionem Israel.* In Græcorum Menologio ad diem tertiam Februarii reperitur, Simeonem & Annam illico mortem obiisse. Sacerdosne, an Laicus Simeon fuerit, disputant eruditi; cumque S. Lucas nihil de ejus Sacerdotio commemoret, Laicum fuisse communis est sententia; licet Pictores vulgo eum pingant Sacerdotalibus vestibus indutum, ut fusc ostendit Ayala in Opere, quod inscripsit *Pictor Christianus eruditus*, Matrini edito anno 1703. lib. 3. cap. 4. De Simeonis Sacerdotio testes afferuntur Athanasius, Epiphanius, & Cyrillus; sed opera, ex quibus ducuntur testimonia, sunt apocrypha. Theophylactus; ac Euthymius Simeonem Sacerdotem fuisse negant. Ac Lucas ipsius quidem virtutes commemorat, sed cum de ejus sileat Sacerdotio, verisimile sit, Simeonem non ea fuisse prædium dignitate: & quamquam scribit, *Benedixit ei Simeon*; non tamen inde Sacerdotium ejus bene quis conjecerit; plura enim exempla in Sacris paginis suppetunt eorum, qui benedixerint, nec tamen fuerint Sacerdotes; benedicere enim nihil est aliud, quam bene alicui precari. Vide Allatii Diatribam de Simeonibus. Simeonem fuisse Sacerdotem negat Jansenius. Atque Estius in cap. 2. Lucæ vers. 25. ait: *Mibi magis probatur sententia Jansenii*: & vers. 28. de Benedictione subjicit: *Benedixit illos, scilicet Joseph & Mariam, quia bene eis fuit precatus. Nec male etiam ad puerum Jesum hæc benedictio refertur: Christo enim homini sæpe numero in Psalmis bene precamur, ut & illi fecerunt, qui clamabant: Hosanna Filio David.*

6 Atque hæc de Mysterio, quod peculiari Festivitate celebrat Ecclesia Catholica quarto nonas Februarii. Quæ quidem Festivitas in quadragesimum diem cadit a Christi Domini Nativitate. Levitici enim lege quadragesimus præfinitus est dies purificationi mulierum, ut supra dictum est. *Purificationis ergo Matris Domini tempus post dies quadraginta a Nativitate ejus celebratur, quia ex legis præcepto hoc tempus statutum est parientibus feminis, quo purificari deberent &c.* Hæc ergo de causa statuta est in Ecclesia Festivitas hæc, quia Matrem Domini secundum

Cur quadragesimo a Christi Nativitate die hæc Festivitas celebratur.

dum legem in hac die constabat purgari, sed non ideo quod aliquis legali purgatione indiguerit, quæ Dominum gestabat Legis, sed quia Jesus non venit legem solvere, sed adimplere. Verba sunt Rabani Mauri de Instit. Cleric. lib. 2. cap. 33.

A Græcis & ab Ecclesia Ambrosiana hæc Festivitas inscribitur Christi solemnitas nunc meretur.

7 Evangelica historia commemorat, ut diximus, Simeonem obviam venisse Mariæ & Josepho, cum ad Templum infantem Jesum deferrent; quamobrem hæc a Græcis Festivitas *Hypante*, seu *Hypapante* appellatur, ut observat Macrius in notitia vocabulorum Ecclesiasticorum verbo *Hypante*; atque ea causa est, cur sæpe hæc Festivitas S. Simeonis appellata sit, ut videre licet in Notis, quibus Vignolus librum Pontificalem illustravit in Vita S. Sergii pag. 313. Ex ipsa Evangelica historia comperit habemus, Christum in Templo fuisse præsentatum, idque Jesus ideo fieri voluit, ut Messie & Redemptoris dignitas Simeonis quoque & Annæ vaticiniis probaretur. *Tum quia etiam suam Messie & Redemptoris dignitatem prædictionibus Simeonis & Annæ comprobare debebat*, inquit Gravesonius de Myster. & annis Chr. Dissert. 9. Quamobrem hanc Græci festivitatem non in festis diebus B. Virginis, sed inter Festivitates ponunt Christi Domini; quod etiamnum facit Ambrosiana Ecclesia, & apud Bedam in Ephemeride *Oblatio Christi ad Templum* appellatur. Verum juxta Romanæ Ecclesiæ consuetudinem inter Solemnitates B. Virginis numeratur, ut scribit Galestinus in Notis ad Martyrolog. ad diem 2. Februar. Suarez tom. 1. de Religione lib. 2. cap. 5. n. 10. Azorius Instit. moral. par. 2. lib. 1. cap. 18. atque hæc Festivitas dicitur *Purificatio B. Virginis*, quod allatis vetustissimis documentis ostendit Florentinus in Notis ad suum Martyrologium ad diem 2. Februarii, quod idem valet ac Oblatio, quam exhibuit Sanctissima Fœmina, cum post partum ad Templum se contulit, ut purificationis legi pareret, cui tamen non erat subdita. *Purificari dicuntur mulieres, quæ post partum in Ecclesiam veniunt, & benedictionem a Sacerdote suscipiunt ex veteris legis instituto.* Ita docet cum pluribus aliis du-Cange in Glossario verbo *Purificari*; verbo autem *Purificatio* scribit: *Purificatio est oblatio, quæ a mulieribus, quæ post partum in Ecclesia purificantur, Sacerdotibus offertur.*

B. Virginis, non Christi Purificatio jure hæc Festivitas dicitur. Locus D. Lucæ explicatus.

8 Diximus, hanc Festivitatem Purificationem B. Virginis appellari licet in Lucæ Evangelio videatur sermo fieri etiam de Purificatione Filii. *Postquam impleti sunt dies purificationis ejus, scilicet Jesu Christi, qui paulo ante nominatus est: Postquam consummati sunt dies octo, ut circumcideretur puer, vocatum est nomen ejus Jesus.* Sed viri docti, qui Scripturas accurate expendunt,

dunt, animadverterunt, quiddid narrat Evangelium de Circumcisione, antequam memoretur Purgatio, in parenthesis, quodammodo esse concludendum; ex quo fit ut pronomen ejus ad B. Virginem referri debeat, quæ ante parenthesis nominata est. *Maria autem conservabat omnia verba hæc conferens in corde suo.* Ita difficultatem hanc solvit Serry Exercit. 36. num. 3. atque responsum ejusmodi probat Gottus de Verit. Relig. Christ. tom. 4. part. 1. cap. 12. §. 1. nu. n. 6. Quamobrem Ecclesia Catholica, cujus est sacras interpretari Scripturas, non modo in Martyrologio Festivitatem hanc appellat Purificationem B. Mariæ, sed in Evangelio, quod in Missa legendum præscribit, loco pronominis ejus, ponit *Mariæ*. *Postquam impleti sunt dies Purgationis Mariæ secundum legem Moysi.* Denique solemnitas Purificationis B. Virginis Processione celebratur, quæ fit a Clero candelas accensas manibus ferente.

9 Yvo Carnotensis Episcopus xi. seculi Scriptor in Sermone 11. de Purificatione S. Mariæ ait, quemadmodum scilicet humanitatem excepit manibus, interiorum vero cognovit Majestatem, quæ suo lumine infidelitatis nostræ tenebras illustrabat, ita quælibet in hac die Fidelem ceram gestantem manu, sic eam gerere, ut ad suam ipsius carnem alludat, & in candelæ lumine lucem agnoscant, qua aeris nostri tenebræ collustrantur. Addit, ceram, quæ hac die a Fidelibus manu geritur, ex odoriferis floribus deprompta, fructum esse apicis: *Virginis videlicet animantis, cujus, sicut legitur, sexum nec masculi violant, nec fetus quassant*; atque ita esse symbolum illius divini Infantis, qui *nec in concipiendo, nec in egrediendo Matris integritatem violavit*, Joannes Gerson Scriptor seculi 15. omisso allegorico sensu tom. 3. nuperimæ editionis de Directione Cordis pag. 474. Considerat. 21. ait, Ecclesiam sæpe in id operam suam contulisse, ut profani quidam Ethnorum ritus potius vero Deo consecrarentur, quam omnino tollerentur: ac deinde ita ad rem nostram. *Pates, inquit, hoc de Festo Purificationis, quod ideo Candelaria vulgo dicitur, quia portantur candelæ ardentes illo die in honorem purissimæ, & lucidissimæ Virginis Mariæ, quæ prius portari apud Gentiles consueverant in venerationem ejusdem Deæ, & in lustrationem Urbis Romanæ.* Quo autem tempore introductum fuerit, & quis ille ritus esset, qui ita sanctificatus est, frustra quæras apud eum Scriptorem. Vertus recens scriptor, ut audaciori est ingenio, Explicat. Cæmon. Eccles. tom. 2. pag. 17. conatur ostendere, consuetudinem gestandi hac die candelas ex Evangelio derivatam, quod legitur in Missa: *Lumen ad revelationem gentium.* Quem

Symbolice explicationis Pro-
cessionis, quæ
fit in hac Fe-
stivitate cum
candelis collu-
centibus. Ve-
tus Ethnico-
rum ritus in
sacrum ver-
sus. Vertus
consultatur.

tamen

tamen Magnus Sueffionensis Episcopus *De vera Ecclesiæ mente in usu Sacrarum Cæremoniarum* graviter increpat, quod Cæremonias omnes vel ad naturales, vel ad commentitias, & e suo cerebro depromptas causas referre conatus sit. Quamquam Vertus non primus est omnium, id qui affirmaverint. Nam Joannes Baptista Casalius de vet. Sacr. Christ. Ritibus cap. 42. ante eum scripserat, gestari a nobis hoc die Candelas, ut aliquo modo ejus lætitiæ compotes simus, quam cepit Simeon, cum infantem Jesum in ulnis habens agnovit, quis ille esset infans, eumque esse confessus est *paratum ante faciem omnium populorum lumen ad revelationem gentium.*

De Benedictione Candelarum, ex Baronio Lupercales Indi sublati a Gelasio I. substituta hæc solemnitas. Processio addita a Sergio seculo 7.

10 Catechismi Montispeffulani Auctor editionis Lugdun. anno 1730. pag. 314. ait, hoc die fieri candelarum benedictionem, quod ea sit Ecclesiæ consuetudo, ut id omne benedicat, quod in sacris Cæremoniis sibi adhibere opus sit; ideo in Processione & in aliqua Missæ parte Fideles accensas Candelas tenere, ut ostendant, ea se lætitia affici, quam cepit Simeon, qui Jesum habens in ulnis ait, illum infantem esse lumen gentium, & gloriam Israel; Processionem ideo fieri, vel ut iter B. Virginis significetur ad Templum, vel ob rationem qua generatim reliquæ omnes Processiones fiunt. Eadem plane scribit Auctor Catechismi Burgenfis Lutetiæ editi anno 1603. pag. 534. Sed si Ecclesiasticos magni nominis Scriptores consulamus, docet Baronius in Notis ad Martyrologium ad diem 2. Februarii, Gelasium I. vergente in finem seculo 5. nefarios Lupercales sustulisse ludos ab Evandro institutos, qui Februario celebrabantur. In iis nudi homines Urbem concursabant caprinis pellibus foeminarum ventrem verberantes, quod ad earum foecunditatem facilitatemque pariendo multum conferre existimabant. Id ipsum ex pluribus Ethnicis Scriptoribus collegit Jacobus Hofmannus in Lexico universali verbo *Lupercal.* Itaque addit Baronius, eundem instituisse Pontificem solemnitatem Purificationis B. Virginis, sublati illis propudiosis ludis, tum postea ab Occidente in Orientem fuisse propagatam, ad Dei iram avertendam, cum, Justiniano imperante, pestilentia Constantinopoli glisceret: Sergium denique Pontificem seculo 7. ut constat ex libro Pontificali, qui Anastasio tribuitur, Processionem cum Candelis addidisse.

Baronio ovines fere consentiunt. Festivitas hæc ad Orientales quando tradita.

11 Cum Baronio consentiunt Thomassinus de dieb. Festor. celebrat. lib. 2. cap. 2. Florentinius Exercit. 3. ad diem 5. Januarii; Bailletus Histor. hujus diei, Honoratus a S. Maria in animadversionibus ad Regulas Criticæ tom. 2. lib. 3. Vertus Explicat. Cæremon. Ecclesiæ tom. 2. pag. 17. Fronto in Notis ad Calendar. Roma-

Roma-

Romanum ab ipso editum ad diem 2. Februarii; Allatius de Hebræomach. Græcorum §. 1. pag. 1403. Et Josephus Bingamus Heterodoxus Auctor tom. 9. Antiquitatum Ecclesiasticarum lib. 20. cap. 8. §. 5. pluribus congestis nostrorum Catholicorum Scriptorum auctoritatibus ostendit, non ante Justiniani tempora Purificationis Festivitatem Orientalibus fuisse cognitam.

1* Neque tamen eruditi viri desunt, qui a Baronio recedunt. Sublata a Gelasio Lupercalia non inficiantur; id enim ex ipsius constat Commentario, quem Baronius inferuit in Annalibus ad ann. Christ. 496. & ex Labbeana Concilior. Collect. tom. 4. pag. 1234. Verum negant, inde posse intelligi, sublatis Lupercalibus subrogatam fuisse Festivitatem Purificationis; nullam enim in suo illo Commentario de hujusmodi subrogatione mentionem ab illo Pontifice fieri. Atque illud quidem fatentur, gravissima illa teterrimaque grassante peste, qua Constantinopoli singulis diebus quinque hominum millia, & quandoque decem, si qua Procopio fides oculato testi de bello Persico lib. 2. interibant, postremo Justinij anno, vel sub Justiniani Imperio Constantinopoli, Purificationis Festivitatem institutam esse; sed eam in multis Orientis Ecclesiis multo antea celebratam fuisse contendunt. Vide Pagium Seniore ad ann. Chr. 544. num. 7. Martene de antiqua Ecclesiæ Disciplina Cap. 15. Saxium Dissert. Apologetica de Corporibus Sanctorum Gervasii & Protasii num. 14. Ac si quæ S. Methodio tertii seculi auctori tribuitur, Homilia de Purificatione B. Mariæ Virginis genuina sit, certissima est eorum sententia. Allatius de Methodiorum scriptis pag. 341. genuinum Methodii scriptum eam Homiliam esse contendit. Contra Gretserus, Canisius, Oudin apud Caveum in Histor. Litterar. Scriptorum Ecclesiasticorum ad ann. 290. de sinceritate ejus Homiliæ dubitant. Verumtamen, si non satis firmum videatur fundamentum neque Methodii Homilia, neque alia etiam, quæ Chrysostomo tribuitur, plura tamen suppetunt alia argumenta ad eorum opinionem constabiliendam. In veteri Occidentalis Ecclesiæ Martyrologio, quod Beda, Cassiodorus, & Walfridus D. Hieronymo tribuunt, ideoque vetustius putant Gelasio I. ad diem 2. legitur: *Purificatio S. Mariæ Matris Domini nostri Jesu Christi*. Quod si quis dicat, hæc a librario esse addita, haud ita facile quis animum inducat, ut etiam ea addita dicat, quæ in eodem Martyrologio leguntur ad diem 5. Januarii: *In Hierosolyma Simeonis Prophetæ cum obtulit ei Dominum Jesum Christum Maria & Joseph, & depositio ipsius Prophetæ*, ut bene animadvertit Tillemontius Nota 7. ad Vitam Jesu Christi; qui

Disputatur accuratius de tempore, quo in Oriente celebrari cepta sit hæc sollemnitas.

illud etiam addit, quod ex S. Theodosii Abbatis vita perspicuum est, circa dimidium quinti seculi Hierosolymæ Purificationis solemnitatem celebrari consuevisse, nec ita novam per illud tempus eam fuisse consuetudinem. Florentinius Exerc. 3. ad diem 5. Januarii putat, vetustis Ecclesiæ temporibus omnes in Epiphaniæ Festivitate Manifestationes Christi Domini celebrari consuevisse, Nativitatem, Magorum Adventum, Simeonis ἀπαγγελίαν, & Baptismum. Henschenius Bollandiani continuator Operis ad diem 2. Februarii ostendit, ante ea tempora, quæ Baronius indicavit, Purificationis Festivitatē celebratam esse in Phœnicia, Syria, Cypro, & apud Cophos; ac monet, cum vetustissima sit in Ecclesia solemnitās, & a temporibus haud ita ab Apostolorum ætate remotis deducta sit, usurpari de ea posse vulgatissima illa Augustini verba lib. 4. de Baptismo cap. 24. tom. 9. op. col. 140. *Quod universa tenet Ecclesia, nec Concilii institutum, sed semper retentum est, nonnisi auctoritate Apostolica traditum resti sine creditur.*

Processio Amburbalibus subrogata.

13 Atque hæc de hujus Festivitatē institutione quæ huc conferrentur, digna existimavimus. Quod vero ad Processionis institutionem attinet, si cui minus placeat Baronii sententia, quod haud ita facile intelligi possit, quæ Lupercalibus, in quibus neque funalia, neque faces adhibebantur, substituta fuerit Processio, in qua deferuntur Candelæ, is sequi potest Innocentium III. qui Serm. 1. in Festo Purificationis scribit, illum Ethnicorum ritum ad honorem Mariæ esse traductum, cum funalia noctu in honorem Cereris gestantes sese dicebant Ætnam lustrasse, ut Proserpinam a Plutone raptam reperirent. Nos iis subscribimus, qui Processionem affirmant Amburbalibus fuisse substitutam multo ante Sergii ætatem. Sunt autem Menardus ad Sacramentarium S. Gregorii pag. 41. & 42. Henschenius ad diem 2. Februarii pag. 271. Rocca tom. 1. edit. Rom. ann. 1719. pag. 215. §. *Ex Rabani*, Saxius Dissertat. Apologetica Sanctorum Corporum Protasii & Gervasii §. 14.

Amburbalia quid sint.

14 Amburbalia sacrificium quoddam erat, quod faces Ethnici manu tenentes Urbem perlustrando celebrabant. Universum Terrarum Orbem Romani subegerant, omnibusque censum, seu tributum, quinto quoque anno solvendum imposuerant; eo tributo accepto, Februario mense Diis Inferis sacrificabant, quorum ope partas sibi victorias arbitrabantur, facessque gestantes Urbem totam lustrabant. *Quam lustrandi consuetudinem congrue, & religiose Christiana mutavit religio; cum eodem mense, hoc est bodierna die in honore S. Genitricis & perpetuæ*

tuæ Virginis Mariæ non solum Clerus, sed omnis Plebs Ecclesiarum loca cum Cereis & diversis hymnis lustrantibus circumcunt: verba sunt Idelfonsi 7. seculi Scriptoris tom. 12. Biblioth. PP. pag. 589. cum eo consentit S. Eligius ejus æqualis in sermone qui extat loco citato.

14 Atque ita sicuti Gelasio non detrahimus laudem, quod Lupercalia sustulerit, etsi negavimus iis substitutam fuisse ab illo Pontifice Purificationis Festivitatem; ita si Sergio non tribuimus laudem, quod Amburbalibus subrogaverit Processionem eam, tamen illum gloria non fraudamus, quod Processionem bene ordinaverit, jussitque tum hac die, tum in aliis B. Mariæ Festivitatibus peragi Processionem ab Ecclesia S. Hadriani ad Liberianam S. Mariæ Majoris Basilicam; quod unum probant verba ex libro Pontificali, quæ minus apposite solent afferri ab iis, qui ostendunt illum fuisse primum Processionis Auctorem. *Consistit autem ut diebus Annuntiationis, Nativitatis, & Dormitionis S. Dei Genitricis semperque Virginis Mariæ, ac S. Simeonis, quod Hypapantem Græci appellant, Litania exeat a S. Hadriano, & ad S. Mariam Populus occurrat*, ut optime animadvertit Martene *De antiqua Ecclesiæ Disciplina in Divinis celebrandis Officiis* cap. 15. veter. edit. Lugdun. ann. 1706. pag. 517. Andreas Schmidius, homo quidem a Catholica Communionē sejunctus fideliter tamen affert, quæ paullo ante scripsimus in septima Prolusionum Marianarum, quæ est in tom. 77. Miscellaneorum Cardinalis Passionei. Verum Hospinianus in Tractatu de Orig. Festor. pag. 52. maligne scribit, Festum hoc fuisse institutum ad ejus exemplum, quo Ethnici memoriam raptus Proserpinæ, circumcundo celebrabant. *Institutum est autem Festum hoc cum suis ceremoniis ad imitationem Festi Ethnici*. Quod quidem majore aliqua rei reverentia dici poterat, Nam etiam si in eadem fuisset sententia, qua Innocentius III. tamen debuerat dicere, ab Ecclesia Processionem hujusmodi substitutam esse, ut Ethnica superstitio hac ratione deleteretur.

*Concluditur;
Gelasio Lupercalia sustulit: Sergio
Amburbalibus Processionem subrogasse.
Hospinianus
non videtur.*

CAPUT III.

De Festo Sanctissimæ Annuntiationis. Die 25. Martii.

1 **S**ANCTISSIMÆ Annuntiationis B. Mariæ Festivitas 25. Martii die celebratur. *Annuntiatio S. Mariæ* appellatur in Sacramentario S. Gregorii: *Sancta Annuntiationis dies* in Concilio Trullano: *Dei Matris Annuntiatio* in Novella Emmanuelis Comneni Imperatoris apud Balsamonem ad cap. 1. tit. 7. Nomocano-

*Annuntiatio
B. Mariæ Fe-
stivitas est, quæ
precipue ad
Deiparam,
Nativ. Christi
Solemnitas est,*

*quæ ad Jesum
præcipue per-
tinet.*

nis Photii: *Dies Annuntiationis Domine nostræ Dei Genitricis* in Chronico Alexandrino ad 351. Olympiadem, & *Annuntiatio* tantum in libro de *Officiis* Codini, ut erudite observavit Menardus ad librum Sacramentorum S. Gregorii linea 21. Hospinianus heterodoxus Auctor de Festis pag. 69. Edit. Genevensis anni 1674. celebrari ait in honorem dumtaxat B. Mariæ Virginis hanc Festivitatem, quæ celebranda esset in honorem tum ejusdem Sanctissimæ Virginis, tum Jesu Christi. Verum optime animadvertit Suarez tom. 1. de Religione lib. 2. cap. 5. si hæc Festivitas in se ipsa consideretur, magnæ eam esse dignitatis inter solemnitates, quæ ad Christi humanitatem pertinent; in ea enim maximum hominibus contulit beneficium, omniumque mirabilium rerum suarum maxime admirandam præstitit; sed quoniam non prius perfecte illiusmodi collatum est donum, quam B. Virgo pepererit, inde includit, Natalis Christi diem festum præcipue ad Jesum, Annunciationem ad B. Virginem attinere, cui Ecclesia hujus diei Officium Ecclesiasticum dirigit.

*Narratur in-
gressus Angeli,
& colloquium
cum Maria.*

2 Quod in hac solemnitate Mysterium celebramus, refert S. Lucas in sui Evangelii cap. 1. v. 27. ubi narrat, sexto, quo Elisabeth mense prægnans erat, Gabrielem Angelum missum fuisse a Deo in Nazareth ad Virginem desponsatam Joseph; qui, cum eo, ubi illa erat, ingressus esset, dixit: *Ave gratia plena: Dominus tecum: benedicta tu in mulieribus.* Cumque Sancta Virgo ejusmodi sermone commota secum ipsa consideraret, quid rei esset illa salutatio, Angelus prosequutus est: *Ne timeas Maria; invenisti enim gratiam apud Deum. Ecce concipies in utero, & paries filium, & vocabis nomen ejus Jesum,* cum iis quæ in Evangelio sequuntur. Cumque B. Virgo dixisset: *Quomodo fiet istud, quoniam virum non cognosco?* respondit Angelus: *Spiritus Sanctus superveniet in te, & virtus Altissimi obumbrabit tibi, ideoque & quod nascetur ex te Sanctum, vocabitur filius Dei; quia non est impossibile apud Deum omne verbum.* Maria denique dixit: *Ecce Ancilla Domini, fiat mihi secundum verbum tuum.* Ac post ea Mariæ verba Angelus inde abiit.

*Num, cum
Angelus loquu-
tus est cum
Maria, des-
ponsata solum
esset, an vero
jam contra-
ctum esset ma-
trimonium?*

3 Non hic in animo nobis est, quas in hac narratione Interpretes excitantur quæstiones, omnes pertractare. Quasdam tamen attingemus, quas ad hoc Mysterium illustrandum conferre existimamus. Ubi de Festivitate Desponsationis B. Mariæ cum S. Josepho sermonem habuimus, verum intercessisse matrimonium demonstravimus. Nunc vero quæritur, num matrimonium jam contractum esset, quando Angelus Beatæ Virgini futurum ejus partum nuntiavit, an verò tum desponsata tantummodo esset

esset Iosepho, ac inter eos matrimonium deinde contractum fuerit.

4 Quidam ex Patribus & Interpretibus putant, tum temporis desponsatam fuisse tantum; idque constare dicunt ex ipso Lucæ Evangelio loc. cit. v. 26. ubi hæc habentur: *In mense autem sexto missus est Angelus Gabriel a Deo in Civitatem Galilææ, cui nomen Nazareth, ad Virginem desponsatam viro, cui nomen erat Ioseph.* Eorum sententiam valide suffulcit Matthæi Evangelium cap. 1. v. 18. ubi ait Evangelista, Iosephum comperisse B. Virginem prægnantem eo tempore, cum sibi desponsata esset: *Cum esset desponsata Mater Jesu Maria Ioseph, antequam convenirent, inventa est in utero habens de Spiritu Sancto;* cogitasse Iosephum repudium ei clanculum mittere: *Voluit occulte dimittere eam;* (neque enim inter Conjuges tantum, sed etiam inter Sponsos fuit consuetudo repudii apud Hebræos) cumque id Iosephus animo agitaret, Angelum in somnio illi adstitisse, qui dixerit: *Noli timere accipere Mariam Conjugem tuam;* atque illum excitatum e somno Angelo paruisse: *Et accepit Conjugem suam.* Neque enim dicere illi Angelus potuisset, ut Mariam uxorem duceret, nec ipse cum ea inire potuisset matrimonium, si jam antea uxor sibi esset. Hanc sententiam post allatas Patrum, aliorumque Scriptorum auctoritates amplectitur Calmetus in Comment. ad cap. 1. Matthæi, & in Dissertat. de Sancto Iosepho Beate Virginis viro, art. 5.

Desponsatam tantum fuisse, probari posse videtur ex Evangelio.

5 Verum cæteri Interpretes vulgo existimant, B. Virginem non desponsatam dumtaxat fuisse, cum nuncium accepit ab Angelo, sed etiam uxorem Iosephi. Hæc est D. Thomæ sententia 3. part. qu. 29. art. 2. *ad tertium.* Duo recentiores Ordinis Prædicatorum eximii Theologi eam tuentur opinionem, quam etiam esse communem affirmant, quorum alter est Gravefsonius de Mysteriis & Annis Christi Dissert. 1. art. 1. alter Gottus de verit. Relig. Christi. part. 1. tom. 4. cap. 4. §. 5. Quia vero ii, qui pugnant pro contraria sententia, magno sibi præsidio esse putant verbum illud *desponsata*, peculiari quadam Dissertatione abunde demonstravit P. Mauduit, juxta Scripturæ idiotismum *desponsatam* idem plane valere ac nuptam, quod animadvertit etiam Tillemontius nota 8. ad Vitam B. Virginis. Et sane in ipso Lucæ Evangelio cap. 2. legimus, Iosephum, ut Cæsaris pareret Edicto, Bethlehemum se contulisse, *ut profiteretur cum Maria desponsata sibi uxore prægnante*, quo quidem tempore vel ii, qui contrariam tuentur sententiam, fatentur matrimonium fuisse contractum. Quapropter injuria quis negaverit, *desponsatam* sæpe in Scriptura

Verusest, jam in matrimonium a S. Iosepho fuisse datam.

ptura uxorem significare : Nec quidquam amplius roboris esse in iis verbis agnosceret, *Noli timere accipere Mariam conjugem tuam*, aut in illis, *Acceptis Mariam conjugem suam*, quisquis animadverterit cum Hebraicum esse modum loquendi, quo non significatur nunc incipere, sed cœptam actionem continuari, ut sensus sit, *Acceptam conjugem serva, ac retine, noli dimittere*, ut docent Hebraici sermonis periti; quod etiam observavit Estius in 4. sentent. Dist. 3. §. 8. in fine : *Non ab Angelo Joseph monetur, ut tum primum Mariam in uxorem accipiat : jam enim Joseph eam habebat; quia vocatur vir ejus, & volebat eam dimittere. Sed monetur, ut Conjugem suam accipiat, id est retineat, & dimittendi cogitationem deponat.* Josephum autem virum ejus fuisse appellatum ex ipso Matthæi Evangelio intelligimus cap. 1. *Cum esset desponsata mater ejus Maria Joseph, antequam convenirent, inventa est in utero habens de Spiritu Sancto. Joseph autem vir ejus, cum esset justus, & nollet eam traducere, voluit occulte dimittere eam.*

Priorem illam sententiam plura confirmantur absurda.

6 Quanto autem sit ea sententia præstantior, satis apparet, si absurda quædam examinemus, quæ ex ea profluunt opinione, quæ statuit, Mariam, cum salutata est ab Angelo, nondum fuisse Josephi uxorem, sed post salutationem initum esse concubium, & ut putat Rupertus in Cantica ad illa verba, *Nigra sum, sed formosa*, post Mariæ reditum ab Elisabeth domo, quam visitaverat, scilicet post tres menses ab Angelica salutatione, & Jesu Christi conceptione. Ea autem absurda innuit Estius, alique, qui ei sententiæ adversantur. Si enim matrimonium post tres menses initum esset ab Angelica salutatione, semestris infans natus esset; unde Judæorum perfidia, cæterique ejus nescii Mysteriorum adversus Sponsi & Sponsæ Sanctitatem, castitatemque objicere potuissent ante matrimonium, & sponsaliorum tempore eos concubuisse. Huc accedit, quod si Virgo dum apud Elisabeth morabatur, Josephi uxor non fuisset, quis, cum eam redeuntem deprehendisset utero plenam, nisi compertum habuisset Mysteriorum, temperare sibi potuisset, quin suspicaretur eam domi Elisabeth flagitio corruptam? Judæi vero, qui Jesum legitimum Josephi filium semper existimarunt (ut apud Matthæum cap. 13. v. 55. *Nonne hic est Fabri filius? Nonne Mater ejus dicitur Maria?* & apud Joannem cap. 6. v. 42. *Nonne hic est Jesus filius Joseph, cujus nos novimus Patrem, & Matrem?*) annon illum illegitimum pronunciaissent, quem sexto ab inito matrimonio natum mense comperissent? Denique nullus rationi illi, quam supra attigimus, locus esset, voluisse Deum, ut Christus ideo ex nupta

CAP. III. DE FESTO SS. ANNUNCIATIONIS: 447

nupta muliere nasceretur, ut clam id esset Diabolo, qui non ex Virgine, sed ex nupta genitum esse putaret. Poterat quidem clam esse Diabolo, cæterisque omnibus, si, matrimonio inito, Virgo completa post novem peperisset menses: nam, cum eam jam nuptam peperisse videret post novem menses, nullus illi fuit suspicandi locus: sed si eam tribus ante initum matrimonium mensibus prægnantem vidisset, ut ex intumesciente utero id potuisset deprehendere, si eam post sex menses parere cognovisset, annon investigandum suscepisset, quæ tandem id potuisset contingere? cumque probrum vitiumque omne abesse inde probe novisset, annon Spiritus Sancti opera eam concepisse suspicatus esset? Quibus omnibus absurdum ut locus sit, si post salutationem Angeli matrimonium initum fuisse dicamus; ita penitus clauditur, si ante annunciationem in matrimonium B. Virginem ductam esse affirmemus; atque inde apparet hujus secundæ sententiæ major probabilitas, verisimilitudo, atque præstantia. Has rationes diluere frustra nititur Lamy Concord. Evangel. lib. 1. cap. 3. num. 26.

7 Uxor erat igitur Josephi B. Virgo, ideoque in ejus domo habitabat, cum ab Angelo salutata fuit. Sola erat in conclavi, ut ait Ambrosius lib. 2. in Lucam col. 1284. edit. Maurin. §. 8. *Sola in penetralibus, quam nemo virorum viderit, solus Angelus repperit, sola sine comite, sola sine teste: & ingressus Angelus ei dixit: Ave gratia plena, Dominus tecum, benedicta tu in mulieribus.* Hebræorum mos erat, ut si qua mulier egregium aliquod facinus edidisset, eam ita salutarent: *Benedicta tu in mulieribus.* Ad hunc modum Debbora Jahalem salutavit uxorem Haber, quod Sisaram interfecisset, ut est in lib. Judic. cap. 5. v. 24. *Benedicta inter mulieres Jabel uxor Haber.* Et Booz salutavit Ruth illis verbis lib. Ruth cap. 3. v. 10. *Benedicta es a Domino Filia.* David itidem Abigail benedixit, quæ se abstinnuit ab internecione familiæ Nabal lib. 1. Reg. cap. 25. v. 33. *Et benedicta tu, quæ prohibuisti me hodie, ne irem ad sanguinem, & ulciscer me manu mea.* Sed nullam compertum habemus salutatam hisce verbis foeminam: *Ave gratia plena: Dominus tecum.* Quamobrem citato loco S. Ambrosius subjicit §. 9. *Benedictionis novam formulam mirabatur (B. Virgo) quæ nusquam lecta est, nusquam ante comperta. Soli Mariæ hæc salutatio servabatur. Bene enim sola gratia plena dicitur, quæ sola gratiam, quam nulla alia meruerat, consequuta est, ut gratia repletur Auditore.*

8 Hoc nuncio Sanctissima Virgo perturbata est, nec animo assequeretur quid istiusmodi esset salutatio: *Quæ cum audisset, turbata*

Salutatio Angeli non ad usitatum formulam Hebræorum, sed plane singularis fuit.

Unde et orta Mariæ animo perturbatio.

turbata est in sermone ejus, & cogitabat qualis esset ista saluatio. Quærun Interpretes, unde oborta illi fuerit animi perturbatio. Missa autem quorundam responsione, qui disertis Evangelii reclamantibus verbis, nonnisi lætitia perturbatam fuisse B. Virginem putant; quam opinionem fute refellit Theophilus Raynaudus in Diptychis Marianis tom. 7. suorum Operum pag. 73. Divus Ambrosius ait, ideo perturbatam fuisse Mariam, quod augustio vultu adstitisse sibi Angelum viderit. *Trepidare Virginum est, & ad omnes viri ingressus pavere, omnes viri affatus vereri.* Et Hieronymus Epist. ad Latam: *Imitetur Mariam, quam Gabriel solam in cubiculo suo reperit; & ideo forsitan timore perterrita est, quia virum, quem non solebat, aspexit.* Et epist. 22. ad Eustochium cap. 16. de custodienda Virginitate: *Propone tibi Mariam, quæ tantæ exitit puritatis; ut mater Domini esse mereretur. Ad quam cum Gabriel Angelus in viri specie descendisset, dicens: Ave gratia plena, Dominus tecum: consternata & perterrita respondere non potuit; nunquam enim a viro fuerat salutata.* Alii vero advertunt, visioni Angelorum Mariam fuisse assuetam, ac propterea ex ipsius visionis natura & qualitate perturbationem illam ortam fuisse contendunt, quæ licet divinitus immissa, primo tamen aspectu nonnihil commovere solet animum, ut ipsi quoque observavimus in nostro Opere de Canonizatione Sanctorum, & ex cap. Geneseos 15. v. 12. intelligitur, ubi cum per somnium Deus apparuisset Abraham, *horror magnus & tenebrosus invasit eum:* & ex Matthæi cap. 28. v. 5. ubi sanctæ mulieres simul Angelum ad Christi monumentum viderunt, magno timore perculsæ sunt. *Respondens autem Angelus dixit mulieribus: Nolite timere;* & ex cap. 10. v. 8. Danielis, qui cum Gabrielem Angelum respexisset, externatus eo aspectu desertus, quæ viribus est: *Et non remansit in me fortitudo, sed & species mea immutata est in me, & emarcui, nec habui quidquam virium;* & ex cap. 1. v. 12. Lucæ, ubi Zacharias aspectu Angeli turbatus est videns, *& timor irrui super eum.* D. Thomas 3. par. qu. 3. ad tertium affert quorundam opinionem, qui Mariam turbatam fuisse putant, non quidem Angeli aspectu, sed novitate rerum, quæ ab Angelo audierat. Ut enim humilitatis plena erat, nihil de tam sublimibus rebus cogitabat. Quod sane cum Evangelico textu congruit: *Turbata est in sermone ejus;* ut advertit Silvius ad illum D. Thomæ locum. Videatur etiam Episcopus Durantus in Notis ad revelat. S. Birgittæ tom. 1. Romanæ edit. ann. 1628. pag. 2. num. 5.

9 Postquam Angelus Mariæ animum illis verbis confirmavit, *Ne timeas, Maria; invenisti enim gratiam apud Deum*, id cuius gratia legatus venerat, exposuit: *Ecce concipies in utero & paries filium, & vocabis nomen ejus Jesum*; cui Maria respondit: *Quomodo fiet istud, quoniam virum non cognosco?* quæ verba observarunt Patres non esse dubitantis, aut non credentis, sed admirantis, & rem penitus inquirentis; nihil enim quæsit aliud Maria, quam quomodo id fieret: *Quomodo fiet istud? non quæris an fiet istud, sed quomodo.* Verba sunt S. Bernardi in Homil. 4. super Missus, & in ferm. 4. de Assumptione. Legerat B. Virgo apud Isaiam cap. 7. *Ecce Virgo concipiet & pariet filium*; sed Propheta qui posset id fieri non indicabat; id propterea ab Angelo percontata est. *Quia ergo legerat: Ecce Virgo in utero habebit & pariet filium; sed quomodo id fieri posset non legerat, merito credula iis, quæ legerat, sciscitabatur ab Angelo quod in Propheta non invenit.* Verba sunt Venerabilis Bedæ in cap. 1. Lucæ. Divus Ambrosius ad eundem locum, postquam observavit, Angelum nunciasse Zachariæ, filium illi esse nasciturum, *Uxor tua Elisabeth pariet tibi filium*, Lucæ cap. 1. Beatæ vero Virgini, parituram esse Christum Jesum, animadvertit Zachariam respondisse: *unde hoc sciam?* quæ verba sunt non credentis; ac propter eam incredulitatem Zachariæ vox erepta est. *Negat ille se credere, qui negat scire, & quasi Fidei alium quæris Auctorem*; quod probe congruit cum Evangelio Lucæ loco citato: *Et ecce eris tacens, & non poteris loqui usque ad diem, quo hæc fiant*, pro eo quod non credidisti verbis meis: Virginem contra respondisse: *Quomodo fiet istud, quoniam virum non cognosco?* quæ verba sunt sciscitantis, non dubitantis. *Non de effectu dubitavit, sed qualitatem ipsius quæsit effectus.* Eadem propemodum sunt apud Augustinum ferm. 291. tom. 5. col. 1167. In illis ergo verbis Zachariæ non fuisse fidem, sed dubitationem, & desperationem, Angelus vidit; & de B. Virgine subjicit: *Modum quæsit, non de Dei omnipotentia dubitavit. Quis modus est, quo fiet istud? Annuntias mihi filium, habes meum paratum animum, dic mihi modum.*

Responsio Dei. paræ non est dubitantis, ut fuit illa Zachariæ non credentis, quæ fuit causa ut obmutesceret.

10 Virginitatem, ut diximus, B. Maria voverat; ab Angelo subobscurè primo intellexerat, se filium parituram; verba enim illa: *Benedicta tu in mulieribus, futuri partus penes Hebræos indicio erant.* Num votum, quod antea fecerat, Deo placuisset, scire non poterat, ut notat Augustinus loc. cit. *Potuit ergo Virgo Sancta metuere, aut certe ignorare consilium Dei, quomodo eam vellet habere filium, quasi improbasset Virginis votum;*

Explicatur Angeli cum Maria colloquium.

& si Deo votum placuisset, qui demum hoc cum futuro cohæret partu, non habebat cognitum: *Angelus partum denuntiat, illa Virginitatem complectitur, castitatem præferens Angelicæ apparitioni, non quod non esset obediens divinæ voluntati, sed quod vellet, si posset, Virginitatem conservare*: verba sunt Gregorii Nysseni Orat. de Christi Nativitate. Parata tamen erat votum Virginitatis solvere, id si Deus iussisset. *Si oportuerit, me frangere votum, ut pariam talem Filium, gaudeo de Filio, & doleo de proposito*: ait S. Bernardus serm. 4. super *Missus est*. Ex his rebus omnibus coortus illi metus, & animi perturbatio. Itaque Angelus cepit eam instruere & confirmare: *Quia ergo vidis eam querentem, non dissidentem, non se negavit instruentem*: ait Augustinus loc. cit. Apertissime enim Angelus illi declaravit, nihil illi timendum; gratia Domini eam esse plenam; futurum ut conciperet & pareret filium, cujus qualitates etiam describit; rem vero totam Spiritum Sanctum confecturum, quin ejus Virginitas quidquam pateretur: *Ne timeas Maria; invenisti enim gratiam apud Deum. Ecce concipies in utero, & paries filium, & vocabis nomen ejus Jesum &c.* Dixit autem Maria ad Angelum: *Quomodo fiet istud, quoniam virum non cognosco?* Et respondens Angelus dixit ei: *Spiritus Sanctus superveniet in te, & virtus Altissimi obumbrabit tibi: ideoque & quod nascetur ex te Sanctum, vocabitur Filius Dei.* Quamobrem ita loco citato loquitur Augustinus, Angeli verba enarrans: *Audi quomodo: eris Virginitas tua: tu tamen crede veritatem, serva virginitatem, accipe integritatem. Quoniam integra est fides tua, intacta erit & integritas tua. Denique audi quomodo fiet istud: Spiritus Sanctus superveniet in te*, Exemplum etiam Elisabeth Angelus B. Virgini protulit: *Es ecce Elisabeth cognata tua, & ipsa concepit filium in senectute sua: & hic mensis factus est illi, quæ vocatur sterilis, quia non eris impossibile apud Deum omne verbum.* Quæ non eo dicta sunt ab Angelo, ut B. Virgo sibi persuaderet, quæ nunciabantur; sed ut ea fides, quam stabilem conceperat animo, validius confirmaretur: *Hoc exemplo vetula sæcundata non id ait Angelus, ut Virginem inducat ad credendum, quod enunciabat, sed ut in ea sensus fidei jam conceptæ minus repugnaret, utque fides ipsa, quamvis firma, magis adhuc firmaretur.* Verba sunt Ertii citato cap. 1. S. Lucæ vers. 36. pag. 481. qui illam etiam causam assert, quamobrem Angelus B. Mariam de Elisabeth gravida monuerit: *Simul autem Angelus hoc nuntio cognatæ imprægnatæ voluit B. Virginem exbilarare, quod bonorum Angelorum est & occasionem ei dare boni operis, scilicet cognatam visitandi, salutandi, congratulandi, & adjuvandi.*

11 Magoa cum humilitate Sanctissima foemina Angeli verbis assentita est: *Dixit autem Maria: Ecce ancilla Domini: fiat mihi secundum verbum tuum:* atque ita mirandum in modum Christus Jesus conceptus est, Spiritus enim Sanctus Mariæ ad ejus uterum sanguinem traduxit puriorem, qui formando corpori Christi Domini opus esset. Quod autem in naturali partu humana opera contulisset, id Spiritus Sanctus excellentissimo quodam ac perfectissimo modo præstitit. Filii vero sui Divinitatem cum humanitate Deus conjunxit, quin B. Virgo quidquam ad eam rem de suo contulerit, ut utraque natura in una dumtaxat persona subsisteret. Unde profuit, proprie & vere dici oportere B. Virginem Christi matrem, quod ad ejus formandum corpus contulerit quicquid reliquæ omnes mulieres, quæ pepererint, contulerunt. Nam suam illi tribuit substantiam, peperitque infantem ejusdem plane, qua ipsa erat, naturæ. Matrem quoque Dei proprie dici apparet, quod divina Persona terminus sit completus conceptionis; nec dici posse, Spiritum Sanctum Patrem esse Christi secundum humanam naturam, etiam si ad ejus formandum corpus tantum contulerit; nihil enim tribuit ei de sua substantia, nec ejusdem naturæ suæ genuit foetum.

12 Atque hæc est omnis D. Thomæ doctrina 3. par. qu. 3. t. art. 5. qu. 32. art. 3. *ad primum*, & quæst. 35. art. 4. Incarnatio Verbi considerari dupliciter potest, vel ut humanæ naturæ terminatio, quæ dicitur *suppositio*, vel tamquam actio. Priore modo si ea consideretur, Filii Dei est opus, qui carnem assumpsit. Si vero secundo consideretur modo, atque ita ad ejusdem principium activum respiciatur, cum opus sit *ab extra*, totius Trinitatis opus est; peculiari tamen modo Spiritui Sancto tribuitur; tum quia Incarnatio Verbi ex puro Dei amore sit derivata, qui amor Spiritui Sancto tribuitur, quemadmodum Patri potentia, & sapientia Filio; tum quod humana natura assumpta fuerit a Filio in unitatem personæ ex sola Gratia, quæ præcipuo modo Spiritui Sancto tribuitur; tum denique quia per Incarnationem humanitas Christi a Divinitate accepit Sanctificationem, quæ itidem opus est proprium Spiritus Sancti. Vide D. Thomam 3. par. qu. 32. art. 1.

13 Plura quoque adnotari possunt, quibus palam fiat, mirandam prorsus & supra omnes naturæ vires fuisse Christi conceptionem. Nam & in B. Virgine nihil de virginitatis flore decerptum, & momento temporis in virginali utero Christi corpus est formatum, non ea magnitudine, ad quam deinde paulatim accrevit, sed ea dispositione membrorum, quæ apta esset rationali

Maria post hæc verba: Ecce Ancilla &c. concepit Jesum. Proprie dicendo Christi Mater, & Mater Dei.

Incarnatio ejus divina personæ opus sit, ex doctrina D. Thomæ.

Prodigia, dona, & privilegia. quibus decorata fuit Christi conceptio.

animæ recipiendæ; & quam hypostatica unio Divinitatis cum animato corpore postulabat. Momento temporis, ut dictum est; animatum corpus hypostatice Verbo divino conjunctum fuit; atque ineffabili ejusmodi unione, duarumque naturarum consortio Christus fuit Deus & homo, duabus præditus voluntatibus, duas habens operationes, divinam & humanam. Ab ipso conceptionis suæ momento Christus verus fuit Sacerdos, spiritualis & æterni Regni Rex verus, & Sanctus non accidentali tantum Sanctitate per habitualement gratiam, qua ejus anima prædita fuit, sed etiam Sanctitate substantiali, quæ profluebat a Verbo divino ejus humanæ naturæ substantialiter conjuncto. Denique in ipso conceptionis momento compos ea gratia factus fuit, quam vocant Theologi capitalem, qua Angelorum hominumque Caput constitutus est; Divina præditus scientia ut Deus, acquisita, infusa, & Beata ut homo, ita ut illo temporis puncto comprehensor factus viderit Dei essentiam, omniaque præterita, præsentia, & futura, prævideritque secreta cordium, ac perfectum denique consequutus sit usum tum intellectus, tum voluntatis, quo statim accidentalem coepit Corporis sui gloriam mereri. *His prodigiis, donis, ac privilegiis condecorata fuit Conceptio Christi, ex quibus facile quisque colligere potest, eam fuisse miraculosam & supernaturalem.* Verba sunt P. Gravesonis de Myster. & annis Christi Dissert. 2. ubi ea omnia prodigia recenset & comprobatur, ut propterea a Benedicto XIII. in ferm. 14. par. 1. de Beatissima Virgine collaudari meruerit.

De tempore, loco, anno, & die, quo Mysterium illud contigit. Jesus conceptus postquam Maria præbuit assensum illis verbis, Ecce ancilla &c.

14 Postquam de Mysterii hujus substantia disseruimus, convertenda nobis est oratio ad alia, quæ ad illud quidem pertinent, sed accidentalia dici possunt, ut locus, tempus, annus, mensis, ac dies, quibus hoc mysterium contigit. De loco jam diximus, id Nazarethi contigisse, in ipsius Josephi domo & conclavi, in quo ipsa B. Virgo habitabat; quod, præter illa quæ attulimus, probatur etiam S. Bernardi auctoritate, qui Homil. 3. super Missus est, ait: *quo ingressus ad eam? (loquitur de Angelo) Puto in secretarium pudici cubiculi, ubi illa fortasse clauso super se osio orabat Patrem in abscondito.* De tempore vero, rejici jure potest eorum opinio, qui affirmant Mariam, ubi primum salutata est ab Angelo iis verbis, *gratia plena, Dominus tecum, Christum Jesum concepisse.* Nam cum Angelus prosequutus sermonem dixerit: *Ecce concipies in utero & paries filium*, cumque missus fuerit, ut ejus consensum exprimeret, quem illis verbis Beata Virgo declaravit, *Ecce Ancilla Domini: fiat mihi secundum verbum tuum*: perspicuum videtur, non in colloqui principio.

cipio, sed eo puncto temporis, cum faustum præbuit assensum, Verbum concepisse. Quamobrem Theophilus Raynaudus loco cit. pag. 52. scripsit: *Est certa scientia, Verbum non fuisse Incarnatum ante clausulam colloquii Angelici, Et assensum a Virgine præstitum verbis illis, Fiat mihi secundum verbum tuum.* Consonat Saxius de laudibus Mariæ Par. 1. pag. 91. *Verum certa sententia est, quod statim post illa verba, Fiat mihi secundum verbum tuum, Divina Conceptio in Virginali effecta sit utero:* Colloquii hora definiri non potest: quapropter Ecclesia cum eam horam perspectam non habeat, singulisque diebus sacrosanctum hoc mysterium a Fidelibus recoli cupiat, tribus diversis diei horis, aurora illucescente, meridie, & cum advesperascit, campanis signum dari jubet, quo Fideles ad hoc mysterium celebrandum excitentur. Denique de anno, mense, & die reliquum est sermonem ut persequamur. Annus dupliciter hîc accipi potest; nam vel quæritur quoto ætatis suæ, vel quoto anno ab Orbe condito B. Virgo Jesum conceperit. Quod ad Mariæ ætatem attinet, existimat Cardinalis Cajetanus, septem & viginti, aut viginti quatuor, aut minimum duos & viginti annos tunc temporis eam natam fuisse. Adversus ejusmodi sententiam acerrime pugnat Catharinus, qui non plus quam annos quatuordecim vel quindecim natam fuisse contendit; quæ quidem sententia omnium est verisimillima, ut bene advertit idem Raynaudus loco citato pag. 59. Annum vero ab Orbe condito eundem æquum est cum eo esse, quo natum esse Jesum alibi ostendimus; mensis autem fuit Martius, ejusque dies quintus & vigesimus. Quod autem certus hic mensis, & dies constitutus sit, vetustæ id innititur Traditioni, quæ vel ipsa D. Augustini ætate vivebat. *Sicut a Majoribus traditum suscipiens Ecclesiæ custodit auctoritas, octavo Kalendas Aprilis conceptus creditur Christus, quo & passus.* Sunt verba S. Doctoris in lib. 4. de Trinit. cap. 5. In Græcorum Menologiis, Menæis, Synaxariis, in Calendariis, & Martyrologiis Ægyptiorum Coptorum, Syrorum, Chaldæorum. Ruthenorum, in Latinorum Martyrologiis, Breviariis, & Missalibus, in Sacramentario denique S. Gregorii Incarnationis Festum ad diem 25. Martii adnotatum reperimus: qui utriusque Ecclesiæ Occidentalis & Orientalis consensus firmissime probat, nonnisi Apostolica Traditione certum illum diem præfinitum, ut videre est apud Bollandistas ad 25. diem Martii.

25. Quidam rem subtilius, quam par est, pertractantes, 25. Martii diem huic celebrando Mysterio suspicantur non eo esse

Christum incarnatum esse die 25. Martii

præ-

præfinitum, quod satis exploratum sit & cognitum, hoc ipso die Sacrosanctum hoc mysterium contigisse; sed quod plerumque contingat, ut mulier nono mense pariat a conceptione, ac propterea Ecclesiæ verisimile visum fuerit, Christum, cujus Nativitas ponitur ad diem 25. Decembris, conceptum fuisse ante novem menses 25. Martii die. Quæ sententia est Thomassini de Festor. celebrat. lib. 2. cap. 12. num. 2. Tillemontii Nota 1. ad Vitam Jesu Chr. tom. 1. pag. 416. cum quibus consentire videtur Bailletus in Vitis Sanctorum ad diem 25. Martii pag. 315. qui illud etiam addit, Ecclesiam Annunciationi B. Virginis 25. Martii diem præfinitendo, nihil de Philosophorum, Medicorumque disputationibus cogitasse, sed ad vulgarem de nono mense opinionem respexisse. Verum nobis non probatur ejusmodi ratio; ac dicendum esse arbitramur, in eum diem Incarnationem revera cecidisse, atque hanc sententiam Ecclesiastica fulciri Traditione, qua Verbi conceptioni dies ille constitutus est, nulla habita ratione opinionis vulgaris de novem mensibus inter conceptionem & partum. Videatur P. Honoratus a S. Maria tom. 2. Animadvers. ad Regulas Criticæ lib. 3. Dissertat. 1. ubi rem hanc accuratissime persequutus est.

Offenditur
huc Traditionem
nihil con-
tradictum Con-
cilio Toletano
anno seculo 7.
habitu.

16 Si quis autem adversus ejusmodi Traditionem Concilium Toletanum objiciat 7. seculo habitum, quod hanc Festivitatem 18. Januarii die celebrari jussit tom. 6. Concil. Collect. Labb. pag. 460. is hoc sibi responsum habeat, ex ipsius Concilii verbis luculenter apparere, id propterea statutum esse, quod cum plerumque 25. Martii dies in Quadragesimam cadat, aut in festos dies Paschæ, non ea poterat, qua par est, solemnitate celebrari. *Nihil de Sanctorum solemnitatibus (tempore Quadragesimæ) sicut ex antiquitate regulari cautum est, convenit celebrari*: quod cum Ambrosiana etiam consuetudine congruit, ut testatur Micrologus cap. 58. & Radulphus Proposit. 16. Huc accedit, hanc Toletanæ Synodi Constitutionem Hispaniæ fines non esse prætergressam; quamobrem Micrologus 11. seculi Scriptor cit. cap. 48. de Ecclesiast. Observationibus, postquam retulit Toletani Concilii Constitutionem, *Sed nos (inquit) magis Romanæ Ecclesiæ morem gerentes infra Quadragesimam illam (Annunciationis Festivitatem) celebramus, sicut & aliorum quorundam Sanctorum*. Nunc vero etiam in Hispania 25. Martii die solemnitas hæc peragitur, quod alibi etiam persequemur, cum de expectationis Partus Festivitate disputabimus. Casalius de veter. Sacris Christianorum Ritibus Romanæ edit. ahh. 1647. pag. 422. & 423. ex quibusdam monumentis in appendice Martyro-

tyrologii Gallicani narrat, cum in Hispania juxta illius Gentis consuetudinem Annuntiatio B. Virginis 18. Decembris die celebraretur, quosdam Monachos Cluniacum venisse, ut a S. Odilone Abbate facultatem obtinerent eam Festivitatem deinceps eodem die celebrandi; quod cum ab eo exorassent, nocte viso quodam perterritos existimasse, melius sibi consultum fore, si Galliarum consuetudinem sequerentur, ubi ita, ut nunc, 25. Martii Annuntiationis festum celebratur.

17 Huic autem de Annuntiationis Festo sermoni finem imponemus Bollandistarum verbis: *Festum hoc solemne in tanta antiquitate eminet, ut liceat pie meditari, originem ejus debere adscribere gratissimo affectui Deiparæ Virginis, quæ singulari veneratione ac devotissimo cultu quotannis recolere solita fueris divinum beneficium hoc die sibi & toti generi humano præstitum, quod Verbum Dei in suo virginali utero caro factum est, & ipsa Annuntiationi Angelicæ assensum prebens Mater Dei est constituta. Hanc piissimæ gratitudinis consuetudinem in Sanctissima Deipara imitanti Apostoli debitam agnoverunt obligationem, & venerabili imitatione observarunt, & ubique terrarum observari debere sanxerunt. Certe secundum regulam a S. Augustino de Baptismo contra Donatistas lib. 2. cap. 24. propositam: Quod universa tenet Ecclesia, nec Conciliis institutum, sed semper retentum est, non nisi auctoritate Apostolica traditum recte creditur.*

18 Thomassinus loco cit. negat, ullum extare de hac Festivitate documentum firmæ fidei ante Concilium Trullanum Constantinopoli habitum anno 692. in quo præcipitur, ne per Quadragesimam integrum Missæ Sacrificium peragatur, præterquam Sabbato, & Dominica, & Sancto Annuntiationis die. Et Binghamus Heterodoxus Scriptor de Ecclesiasticis Ordinibus tom. 9. lib. 20. cap. 8. §. 4. ait, tum temporis Annuntiationis solemnitatem esse institutam, Trullana eadem Synodo suam fulciens sententiam. Et idcirco originem ejus a seculo septimo arcescere nobis licebit. Verum, præterquamquod Trullana Synodus non de Festivitatibus institutione loquitur, sed eam multo antea institutam vigere præsumit, S. Gregorius Thaumaturgus 3. seculi Scriptor in Homilia hoc die habita ita ait: *Hodie Gabriel, qui Deo assignis, ad castissimam Virginem veniens, illud Ave gratia plena ipsi annuntiat.* Et in Homil. 2. *Primum autem omnium Sanctissimæ Virginis Annuntiationem verbis illis comprehensam, Ave gratia plena.* Eas Homilias Græcè scriptas cum Codicibus Vaticanis, & Manuscriptis Bibliothecæ Cardinalis Sirleti collatas edidit Gerardus Vossius inter S. Gregorii Opera. Non sumus nescii, quid

Festivitatem hanc esse ex Apostolica Traditione, patet conjunctis Bollandis.

Refutantur Thomassinus, qui eam refert ad tempora Concilii Trullani, alique, qui ne tam vetustam quidem putant.

quid de iis sentiant Cave, Dupinius, & Rivetus. Hæret Bellarminus, nec quidquam de earum ~~ymenibus~~ affirmare audet in lib. de Scriptoribus Ecclesiasticis: *De Sermonibus in Annunciationem* &c. Nihil certi habeo, cum nec veteres horum Operum meminerint; neque tamen convinci possit, eos esse supposititios. Eas esse tamen genuinas, contendunt Natalis Alexander Hist. Eccl. seculo 3. cap. 4. art. 5. num. 6. Allatius, Vossius, Combefisius, aliique, quos recenset Honoratus a S. Maria loc. cit. §. 3. quomobrem eorum auctoritate nos uti posse existimavimus ad eos refellendos, qui festivitatem hanc seculo septimo cœptam esse contendunt; cum præsertim Dupinius Bibliothecæ tom. 1. eas Homilias Procli Constantinopolitani stilum sapere putet; id enim si verum sit, satis est ad evincendum, non septimo seculo institutam eam Festivitatem; Proclus enim quinto vixit seculo. Præterea in veteri Occidentalis Ecclesiæ Martyrologio, quod Beda Cassiodoro, aliique plures Hieronymo tribuunt, ediditque Florentinius, ad diem 25. Martii hæc adnotata reperiuntur: *In Galilea Civitate Nazareth Adnuntiatio Sanctæ Mariæ de Conceptione, quando ab Angelo est salutata*: quibus magis magisque confirmatur ea sententia, quæ hujus solemnitatis institutionem, refert ad Apostolicam Traditionem. Huc accedit D. Augustini auctoritas, qui lib. 4. de Trinit. cap. 5. *Sicut, inquit, a Majoribus traditum suscipiens Ecclesiæ custodit auctoritas, octavo Kalendas Aprilis conceptus creditur (Christus) quo & passus*. Ex quibus verbis vetustatem hujus Festivitatis deducit Martene de antiqua Ecclesiæ Discipl. in divin. celebran. Offic. cap. 31. num. 26. *De Antiquitate hujus Festi constat ex S. Augustini testimonio*. Sergius quoque Pontifex, qui seculo vixit septimo, de hac festivitate loquitur tamquam multo ante instituta. *Constituit, ut diebus Annuntiationis &c. Litanias exeat a S. Hadriano, & ad Sanctam Mariam populus occurrat*; ut habetur in libro Pontificali.

Minutæ quæstiones de Christi Conceptione declinandæ. Putidæ aliquæ opiniones rejiciuntur.

19 Minutæ etiam aliquot quæstiones de Christi Conceptione Scriptores extulerunt, quas libenter omitimus, Petri Cellensis verba in animo habentes, qui epist. 10. lib. 9. sobrie de hujusmodi rebus disputandum docet, ac Nicolaum S. Albani Monachum graviter reprehendit, quod de prægnante B. Virgine non aliter, quam de cæteris gravidis foeminis sit loquutus. *Comptior insolentia tua, qui de excellentissimis nostræ Virginis montibus ad profundissimam Vallem descendisti, ne dicam corruiisti. Licet enim in illa nihil sit verecundum, ubi omnia & singula ejus membra Luna sunt puriora, & Sole clariora; tamen ne-*
sire

CAP. III. DE FESTO SS. ANNUNCIATIONIS. 457

*stræ fragilitatis teterrima memoria cum audierit nominari genit-
lia, vix a sua excutietur palude, vix incipiet non solita cogitare.
In Virgine igitur talia sacrosanctis coramini potius volo honorando
involvere, quam nudis nominibus & manibus contrectare. Vir-
go certe virginis verbis, & sancto velamine consecratis delecta-
tur affari. Opinionem eorum, qui putant in corde B. Mariæ
Christum Jesum esse conceptum, in libris de Canonizatione San-
ctorum confutavimus. Pugnat enim cum Evangelio, Ecce con-
cipies in utero. Eorum itidem sententiam explosimus, qui scri-
pere, ternas sanguinis guttas Spiritus S. opera ex B. Mariæ cor-
de in ejus uterum esse delapsas, ut Filii Dei corpus formaretur.
Curiosis nimium incertisque quæstionibus illa quoque est accen-
senda, ruberne sanguis fuerit, quo foetus conflatus est, an ita
coctus, ut incanduerit; an vero partim rubesceret, partim al-
bicaret. Vide Salmeron tom. 3. tract. 9. quem sequitur etiam
Andreas Schmidius licet heterodoxus 3. Prolusione Mariana,
§. Discederem in tom. 77. Miscellaneorum Bibliothecæ Cardina-
lis Passionei.*

CAPUT IV.

*De Festo Dolorum Beatissimæ Virginis.
Feria 6. Hebdomadæ Passionis.*

I Feria sexta Hebdomadæ Passionis Festivitate Dolorum Bea-
tissimæ Virginis præfinita est; atque illud est, cur certus
mentis dies illi constitui non possit. Officium recitatur in tota di-
tione Ecclesiastica decreto Benedicti XIII. die 22. Augusti 1725.
ac in aliquibus aliis regionibus antea ex similibus indultis recita-
batur. Quapropter scribit Guyetus de Festis propriis Sancto-
rum lib. 2. cap. 4. *Sunt B. Mariæ titulo institutæ variis in locis
Festivitates, puta dolorum, seu compassionis ejusdem Feria sexta
ante Dominicam Palmarum Parisiis, Andegavi, Piclavi, &
alibi passim.*

2 Certum quidem est, B. Virginem divini Filii adfuisse
Crucifixioni, ut est apud Joann. cap. 19. v. 25. *Stabant autem jux-
ta Crucem Jesu Mater ejus, & soror Matris ejus Maria Cleo-
pha, & Maria Magdalena. Cum vidisset ergo matrem, & Di-
scipulum stantem, quem diligebat, dicit Matri suæ: Mulier ec-
ce Filius tuus: deinde dicit Discipulo: Ecce Mater tua: & ex il-
la hora accepit eam Discipulus in sua.* Igitur æque certum est, ad
tetterimum illud spectaculum incredibili illam dolore esse con-

*Hujus Festi
Officium reci-
tatur in tota
dione Eccle-
siastica decre-
to Benedicti
XIII.*

*B. Maria ad-
fuit Crucifi-
xioni Jesu
Christi.*

M m m

fossam,

follam, juxta Simeonis oraculum apud Lucam cap. 2. v. 34. *Et benedixit illis Simeon, & dixit ad Mariam Matrem ejus: Ecce positus est hic in ruinam, & in resurrectionem multorum in Israel, & in signum, cui contradicetur, & tuam ipsius animam pertransibit gladius.*

B. Virgo falso a quibusdam creditur mortua aegritudine animi in Calvario. Nūquam dubitavit de Filii divinitate.

3 Ex postremis hisce Simeonis verbis nonnulli arguere sibi posse videntur, B. Virginem Martyrium passam ex hac vita migrasse. Cui sententiæ adversatur D. Ambrosii auctoritas lib. 2. in Lucam cap. 2. *Nec littera, inquit, nec historia docet, ex hac vita Mariam corporalis necis passione migrasse: ac plurimæ etiam obstant, quæ nos attulimus lib. 3. de Canonizat. Sanctorum cap. 11. num. 3. Perversa quædam & falsa verborum Simeonis interpretatio tribuitur Origeni, nimirum Simeonem voluisse innuere, futurum ut cum B. Virgo Filium suum tam male mulatum, tamque ignominioso probro notatum videret, aliqua de ejus Divinitate sibi oboriretur dubitatio. Quæ quidem interpretatio longe distat a veritate. Beata enim Virgo multo antea Filii non modo Passionem, sed ipsius etiam passionis circumstantias habebat cognitæ, multoque noverat exploratius, quam David, Isaias, Daniel, & quilibet Prophetarum. Non ignara erat Mysterii, quod genuisset resurrecturum. Sunt verba D. Ambrosii lib. de Institut. Virg. cap. 7. Profecto D. Thomas, qui aliorum dicta quam potest æquissime interpretari solet 3. par. qu. 27. art. 4. ad secundum docet, Mariæ dubitationem posse quidem ad admirationem, nunquam tamen ad infidelitatem referri. Quidam vero per gladium dubitationem intelligunt, quæ tamen non est intelligenda dubitatio infidelitatis, sed admirationis & discussionis: dicit enim Basilii in Epistola ad Optimum, quod B. Virgo assistens Cruci, & aspiciens singula post testimonium Gabrielis, post inestimabilem divinæ Conceptionis notitiam, post ingentem miraculorum ostensionem, animo fluctuabat; ex una scilicet parte videns eum pati abjecta, & ex alia parte considerans ejus mirifica. Quod etiam demonstravit Vener. Dei Servus Petrus Canisius lib. 4. cap. 27. de Maria Deipara Virgine, qui, multis aliis Origenis allatis erroribus, ita concludit: *Igitur stuporis potuit, infidelitatis dubitatio non potuit in Mariam cadere, cujus Fides, si usquam alibi, certe acerrimo illo in Cruce certamine maxime probata & excitata, sed nulla dolorum vi labefactata & eversa, immo vero magis vivida, illustris, & admirabilis effecta debet existimari. Auctor centum & viginti septem quæstionum in Appendice Operum S. Augustini contendit, B. Virginem, quemadmodum reliqui omnes, in Filii sui morte de ejus Divinitate dubitasse; quam du-*
bita-*

CAP. IV. DE FESTO DOLORUM B. VIRGINIS. 459

bitationem ejus animo non ante depulsam, quam gloriam viderit reviviscentis. Sed optime animadvertit Tillemontius Nota 12. ad Vitam B. Virg. id mirum non esse tale quidpiam in eo Auctore reperiri, qui pluribus aliis vel singularibus, vel falsis scattet opinionibus.

4 Non itaque a communi recedendum est interpretatione, Simeonem gladio illo, quo futurum dixit, ut B. Virginis anima trajiceretur, acerbissimum voluisse dolorem significare, quo B. Mater affecta est, Cruci videns affigi amantissimum sui Filium. *Tribulationem igitur gladii nomine significatam esse credibile est, quo materna anima vulnerata est doloris affectu: Verba sunt Augustini epist. 149. alias 59. §. 33. tom. 2. op. col. 515. Tuam ergo pertransiit animam vis doloris, ut plusquam Martyrem non immerito predicemus, in qua nimirum corporeæ sensum passionis exceßeris compassionis affectus: Sunt verba D. Bernardi in illud Apocalypsis: Signum magnum. Quod si gladius usque ad animam pervenit, quando ad Crucem stetit fugientibus Apostolis, cum videret Dominum pendentem, etiam plusquam Martyr fuit, quia in animo non minus amoris quam mæroris est intus gladio vulnerata: Sunt verba S. Ildefonsi serm. 2. de Assumptione B. Virg. tom. 12. Biblioth. Patrum pag. 580. Eam Canisius interpretationem non modo tuetur, sed dolorum numerum & qualitatem recenset, quibus Cruci adstant conflictata est; & ad Ruperti, Bernardi, Anselmi auctoritatem quoque addit Ambrosii, & Augustini, ad Ecclesiæ tuendam disciplinam, quæ dolores, quos tam atroci spectaculo B. Virgo perpeffa est, prædicamus & veneramur. Libet autem & veterum proferre sententias, quibus superiora illustrentur: sic enim evidentius apparebit, non solum Ruperti, Bernardi, & Anselmi seculo, ut ostendimus, sed etiam apud antiquiores hoc institutum agnitum receptumque fuisse, quo acerbi Mariæ dolores sub Filii Cruce tolerati a pijs pie considerantur, & ab Ecclesiâ merito prædicantur.*

5 Quæritur an B. Virgo dum in tantis acerbitatibus versaretur, illacrymaverit, & dolore percussa animo concidens in terram corruerit. Novatus tom. 1. De Eminentia Deiparæ Virginis Mariæ cap. 18. quæst. 4. primam propositæ quæstionis partem, pertractat ac verisimilius esse ait, lacrymas eam fudisse. Thiers in Tractatu de Superstitione gallice scripto tom. 2. cap. 8. ab Novato dissentit; itaque Hymnum, qui in hujus diei Officio recitatur, improbat, propter ea verba: *Stabat Mater dolorosa juxta Crucem lacrymosa*. Atque ejus sententiæ favere videtur D. Ambrosii auctoritas, qui in Concione de morte Valentiniani lo-

Vera interpretatio verborum Simeonis, Et cum ipse animam pertransibit gladius.

B. Virginis constantia. Male credunt quidam dolore percussam in terram concidisse. Thiers perperam innuitur in Hymnum, Stabat Mater, cuius Auctor Innoc. III.

quens de B. Virgine, cum staret sub Cruce, *Stantem*, inquit, *illam lego, stentem non lego*. Alii ex Patribus non verentur affirmare, sanctissimam foeminam illacrymasse, quin aliquid de magna ejus fide detraheretur atque constantia. Eorum videre licet loca apud Novatum loco citato, & Salmeronem lib. 10. cap. 41. Huc accedit S. Antonini auctoritas 4. par. Theolog. tit. 15. cap. 41. §. 1. *Stabat verecunda, modesta, lacrymis plena, doloribus immersa*, & Joannis Gersonis in Exposit. Passion. Domini tom. 3. edit. Antwerp. pag. 1194. *Facies ejus* (de B. Virgine loquitur cum Passioni Christi præsens esset) *omnino lacrymis erat perfusa, prorsus pallida, & tanquam mortua, vox fracta, oculi turbati, fusi in lacrymas*. Non enim lacrymæ semper indicium faciunt debilitatæ fortitudinis, vel fractæ constantiæ; nam vel ipse Christus flevit super Hierusalem, & super Lazarum: ex quo intelligitur, quanta injuria, quamque temere Thiers invehatur in hymnum, *Stabat Mater*, quem licet neque S. Gregorius Magnus composuerit, neque S. Bonaventura, quod existimavit Crasset in Tractatu de vera erga B. Virginem devotione; ejus tamen auctor fuit magnæ doctrinæ clarus præstantia Summus Pontifex Innocentius III. teste Ludovico Jacob in Bibliotheca Pontificia, & Oldoino in Addit. ad Ciaconium de vita Innoc. III. Pagio Breviar. Roman. Pontific. tom. 3. in Vita ejusdem Innocentii num. 108. & Serry Exercitat. 54. De lacrymis, quas B. Virgo prope Crucem fudit, continne sciteque Saxius par. 2. de laudibus Mariæ pag. 133. *Admittantur primi naturæ motus, & modesti aliqui gemitus, lacrymæque: nihil amori detrahitur, nihil virtuti*.

*De Ecclesia S.
Maria de Spa.
suo in Pala-
tina.*

6 Quantum a Thiers sententia de B. Virginis lacrymis, ac multo plus ab ejus Censura, qua memoratum hymnum male vexavit, nos abesse declaravimus, tantum ejus sententiæ adstipulamur, quæ secundam propositæ quæstionis respicit partem. Itaque cum eo asserimus, neque sub Cruce, neque quovis alio loco B. Virginem desertam animo in terram corruisse. Gerson loc. cit. B. Virginem Cruci adstantem ita describit: *Erat stans, erecta. Ita dicit Evangelium: stabatque ante Crucem, non ad latus, videns faciem & modum Filii sui Crucifixi*. S. Bernardinus Senensis serm. 51. in Feria 6. Parasceves in Passione Domini art. 4. cap. 2. in historia quadam fide digna se legisse testatur, B. Virginem Filio suo Crucem a Pilati domo ad Calvarium bajulanti obviam venisse, ejusque adspectu animo defectam concidisse; quod cum vidisset Jesus, quasi dolore deficerent vires adsedisse, *Quasi defectuose & dolorose resedit*; tum a satellitibus redeuntem e Vिला Simonem Cyrenæum coactum esse portare Crucem, ac ne ejus

rei

rei memoria interiret, *Ædiculam* in eo loco extructam fuisse *Sanctæ Mariæ de Spasmo* appellatam: in qua petra quædam commonstrabatur, ubi Redemptor noster assederat; quibus narratis, S. Bernardinus ait; *Quæ tamen sunt pie credenda magis, quam temerarie asserenda*. Alii, quos perpeffa fuerit spasmos Sanctissima Mater, dum crucifigeretur Filius, a pluribus referuntur Scriptoribus, præsertim a Duranto in Notis ad revelationes S. Birgittæ lib. 4. cap. 70. pag. 415. edit. Rom. 1628. qui nihil reliqui sibi fecit ad earum narrationum veritatem adstruendam. Quaresmius Commissarius olim Apostolicus in Terra Sancta Elucidat. Terræ Sanctæ tom. 2. lib. 4. cap. 10. fretus Bonifacii auctoritate, narrat, B. Virginem, cum in Filium suum Jesum incidisset, qui spineam coronam gestans, ac pessime multatus suam bajulabat Crucem, dolore confosam in terram corruisse, atque ibi, quo ceciderit, ædificatam a S. Helena *Ædiculam*, in cujus ara præcipua petram illam esse locatam, supra quam B. Virgo cecidit; quam *Ædiculam* cum Infideles profanassent, Fratrem quemdam Corsetum, apud Minores magni nominis virum, petram illam magno redemptam pretio super portam Sacræ Domus Sion collocasse. Scribit etiam, cum primum venisset Hierosolimam, *Ædiculam* illam fere dirutam, iterumque in Palæstinam profectum omnino disiectam reperisse; eoque loco stabulum ædificatum equis excipiendis, qui plerumque interibant; justione Dei judicio, an quod ita ferret ordo naturæ, incertum.

7. Cum a piis quibusdam hominibus in Festivitate B. Virginis de Spasmo Indulgentia postularetur, magni Theologus nominis Cajetanus rogatus est, ut suam ea de re sententiam aperiret, qui postquam declaravit, nihil se reperire in Evangeliiis nisi Simonem Cyrenensem coactum esse portare Crucem, quæ Christi humeris imposita erat, atque inde conjici posse, Jesum adeo fessum, ut ad Calvarium usque Crucem ferre non posset, animadvertit, spasmodum esse quemdam ex vehementi dolore ortum, quo interioribus contractis corporis partibus, perturbatisque sensuum sedibus, homo sit rationis ususque sensuum omnino impos; rursus aliud esse spasmi genus, quo membris frigescentibus, ita deficiunt vires, ut, quamquam rationis usus & sensuum homo retineat, pedibus tamen stare non possit. Quapropter concludit falso affirmari, B. Virginem ullo spasmi genere fuisse correptam; tum quia *dissonat rationi*, B. Virginem *egritudinem aliquam passam fuisse*; tum quia est valde inconvenienti, quod dolor gravis persectionem secundum naturalem considerationem rationis turbasset;

De Spasmo B. Mariæ Virginis Cardinalis Cajetani sententia.

tum

tum etiam quod in Maria *Spasmi nomen nec proprie propter dignitatem corporis, nec vulgariter sumtum propter dignitatem animæ verificatur*; & in Evangelio legimus, Passionis tempore B. Virginem *stetisse*; quæ vox significat eam stetisse pedibus, non humi dolore prostratam. Ad hunc modum graviter disputat Cardinalis Cajetanus Tract. 13. de Spasmo B. Virginis Mariæ, cujus doctrinæ vulgo subscribunt alii omnes, idest Suarez in 3. part. D. Thom. tom. 2. qu. 27. art. 6. sect. 3. & qu. 51. art. 3. dispt. 41. sect. 2. Theophilus Raynaudus in Diptychis Marianis tom. 7. pag. 696. Cornelius a Lapide in cap. 19. Joannis pag. 524. edit. Antuerpien. 1695. & Novatus de Eminentia Deiparæ Virginis tom. 1. cap. 18. qu. 7. Si quis totam hanc rem abunde pertractatam legere cupit, adeat eundem Quaresmium tom. 2. lib. 4. cap. 11. & sequen. qui rem in utramque partem tractat; ac demum adversus Cajetanum ejusque assecclas spasnum tuetur B. Virginis; in qua tamen sententia si quid durum esse videatur, id multis explicationibus emollit & mitigat.

*Improbantur
Pisiores, &
quidam Con-
solatores pa-
rum pruden-
tes, qui Ma-
riam prope-
exanimatam,
ac muliercul-
arum similem
exhibent.*

8 Accerbissimo igitur dolore B. Virginem in Filii passione fuisse confectam cum S. Ambrosio concludimus; quæ tamen voluntatem Patris probe exploratam habens, ut pro redemptione mundi Filium neci dederetur, eodem tempore quo vehementer animo angebatur, Dei justitiam & misericordiam adoravit, & ad ejus voluntatem animum confortavit suum, & nullo indecoro edito fracti animi indicio, ante Crucem pedibus stetit summa fortitudine, atque constantia. *Ante Crucem stabat, & piis spectabat oculis Filii vulnera, quia expectabat non pignoris mortem, sed mundi salutem.* Sunt verba Ambrosii in cap. 23. Lucæ. Præclare etiam Hadrianus Mengot in Monitis Marianis par. 4. monit. 24. *Mariæ fortitudo tota ejus vita, sed maxime in morte Filii enituit; cum illum ad extremum malorum deductum piis oculis intueri, & ei adflare voluerit, nihil indecens, nihil inordinatum instar impatientium feminarum ostendens, ut non lacerans capillos, nec in terram decedens, cum ignominia Filii, inexplicabilia ejus tormenta, vulnera, sanguis affluens, & sævæ inimicorum insultationes, velut gladius cor ejus pertransirent; stabat tamen, ut ait Evangelista, juxta Crucem Jesu, sciebat, esse voluntatem Patris, ut ista pro Mundi Redemptione pateretur, atque utraque hac re se confortabat, & consolabatur, voluntate scilicet Patris & fructu Passionis.* Pulcherrima quoque sunt verba Episcopi Castoriensis in tractatu de Cultu Sanctorum præsertim B. Virginis: *Et quo magis suspicias sublimem Mariæ animam, in tantis doloribus, nulla in illa imbecil-*

becillitas, nulli corporis motus indecori, nulla ejulantium lamenta. Tristem videbas, dejectam non videbas. Dolebant materni affectus, sed decora gravitate. Lugebant materna viscera, sed integra mentis serenitate. Feriebantur virginei sensus vulneribus Filii, sed imperturbato spiritu, quo amabat & adorabat divinam justitiam simul & misericordiam, quæ altissimo consilio destinaverant Christi dolores ad hominum redemptionem. Quamobrem jure sapientes viri de Pictoribus conqueruntur, qui eam exanimatam pingunt, ut videre est apud Graveyson de Myster. & annis Chr. pag. 461. Testatur autem Carthagena tom. 7. lib. 12. hom. 7. Romæ quondam Magistrum S. Palatii Apostolici jussisse ejusmodi picturas deleri. *Hujusmodi enim picturae, me presente, Romæ mandato Magistri Sacri Palatii Apostolici jussu fuerunt expungi, utpote derogantes magnanimitati & fortitudini B. Virginis.* Et Concionatores jure itidem a Viris gravibus reprehenduntur, cum B. Mariam haud aliter describunt quam ad exemplum, quo eam Pictores depingunt; quemadmodum eos reprehendit Canisius, qui Bullingeri maledicta refellens lib. 4. de Maria Deipara Virgine cap. 28. *Quis vero sapiens, inquit, ineptus, aut etiam stolidus Concinatorum defendas ac probet? sicut nec illos quidem excusamus, qui vel pingunt, vel docent, Matrem Domini juxta Crucem fuisse collapsam, syncopæ stupefactam, dolore prorsus exanimatam, illarumque muliercularum similem, quæ fractæ doloribus palam ejulant, pectus pugnis contundunt, genas unguibus decerpunt, sequæ demum clamitant infelices.* Quaresmius, qui, ut sustineret ædiculam S. Mariæ de Spasmo dicatam, de qua paullo ante diximus, adversus Cajetanum pugnavit pro Sanctæ Virginis Spasmo, ejusmodi imagines a Magistro S. Palatii vetitas fuisse docet, non quod humi jacentem B. Mariam, sed quod ea figura expressam exhiberent, ut in desperationem ruere videretur. Vide supra cit. cap. 11. pag. 217. Quod si jure Pictores sacrique Oratores reprehenduntur, quanto acrius increpandi qui affirmare sunt ausi, B. Mariam, simul Filium suum clavis in Cruce vidit transfixum, tanto doloris impetu esse perculsam, ut exanimata corruerit, ac deinde revixerit? id enim pugnat cum Evangelio, quo proditum est, Christum Dominum, e Cruce cum Matrem dilectumque sibi Discipulum prospexisset, dixisse Matri, *Mulier, ecce Filius tuus*; deinde Discipulo, *Ecce Mater tua*: ut pulcre animadvertit Cardin. Toletus in cap. 2. super Evang. Lucæ adnot. § 7.

9 Reliquum modo est, ut quæramus, quandonam hujus Festivitatis Officium cœperit recitari; cui quæstioni sententiam nostram

*Quando, &
cur cœperit
recitari hoc*

*Officium. Una
de orsa imago,
qua Tristores
Deipara pin-
gunt septem
gladiis trans-
fixam.*

nostram cruditorum virorum subijcientes iudicio, respondemus, ejus institutionem Festi referendam ad Provinciale Synodum Theodorici Colonienfis Episcopi anno 1413. habitam, in quo Concilio ad Hussitarum hæreticorum comprimendam audaciam, qui Sanctissimas Jesu Christi & B. Virginis dolore confossæ imagines sacrilego furore foedabant, constitutum est, *ut festum Commemorationis præfate Angustie & Doloris B. Mariæ Virginis deinceps singulis annis Feria sexta post Dominicam Jubilate, nisi aliquod Festum eodem die intervenerit, & ex tunc prima feria sexta proxima subsequenti in primis Vesperis, Matutinis, aliisque Horis, nec non in secundis Vesperis in Choro tantum in omnibus Ecclesiis Provinciæ nostræ subiectis secundum notas, & Historias & Homiliam de eodem Festo compositas solemniter celebretur*: ut est in Collect. Concil. Labbeana tom. 12. pag. 365. Videatur etiam Raynaldus ad annum Chr. 1423. num. 2. §. *Habita*; & Spondanus ad eundem annum num. 10. His assentitur Joannes Andreas Schmidius heterodoxus in 8. Prolusione Mariana tom. 77. Miscellaneorum Bibliothecæ Cardinalis Passionci, qui hoc Festum multis in Germaniæ locis introductum, & in locum Festivitatæ B. Mariæ de Spasmo subrogatum esse contendit, *mutato ad consilium Cajetani nomine*, ut scribit ejusdem Prolusionis num. 3. Verum id falsum esse oportet, si vera sunt, ut arbitramur, quæ diximus de Concilio Colonienfi anno 1413. habito. Pictores, ut dolores B. Virginis expriment, septem gladiis trajectam pingunt. Quærit Saxius Par. 2. de Laudibus Mariæ pag. 168. id unde profectum sit; & ad septem Ordinis Servorum Fundatores refert; qui dolorum B. Mariæ contemplationi vacantes, eos in septem divisere, quorum aliqui habentur in Evangelio, ceteri probabili ratione & auctoritate verisimiles sunt.

C A P U T V.

De Festo Visitationis Beatissimæ Virginis die 2. Julii.

*Mysterium Vi-
sitationis Bea-
tæ Mariæ ex
D. Luca. Pro-
ponuntur ques-
tiones aliquæ*

Postridie Calendas Julii Festum Visitationis B. Virginis celebratur, cujus Mysterium exponit Lucas cap. 1. v. 38. Postquam abiit Angelus, qui Verbi Incarnationem B. Virgini nunciaverat, ea iter ingressa in Civitatem quamdam Judæ in montibus sitam se contulit: *Et discessit ab illa Angelus: Exurgens autem Maria in diebus illis abiit in montana cum festinatione in Civitatem Juda, & intravit in domum Zachariæ, & salutavit Eli-*

Elisabeth. Ut hoc Myſterium probe intelligatur, quærendum eſt, quid cauſæ fuerit, cur illud iter B. Virgo ſuſceperit; & ut ipſum quoque iter cognitum habeamus, ſolane, an cum aliquo comite viam conſecerit, & quænam ea eſſet Civitas, quo ſe contulit, inveſtigandum.

2 Quod attinet ad cauſam, quæ B. Virginem ad id itineris ſuſcipiendum impulerit, cum ſibi Angelus in colloquio dixiſſet, Spiritus Sancti opera concepturam filium, ac exemplum protuliſſet Eliſabeth ejus cognatæ, quæ in ipſa ſenectute conceperat, jamque a conceptu ſextus menſis ageretur, *Et ecce Eliſabeth cognata tua, & ipſa concepit filium in ſenectute ſua; & hic menſis ſextus eſt illi, quæ vocatur ſterilis, quia non erit impoſſibile apud Deum omne Verbum* Luc. loc. cit. v. 36., inde quidam Sectarii exiſtimarunt, ideo illud iter ſuſcepiſſe, ut exploraret, num verum eſſet, quod ſibi dixerat Angelus de Eliſabeth, & re ipſa experiundo certior fieret eorum, quæ ab eodem Angelo acceperat; quamquam id non modo Sectarii, ſed quidam etiam affirmarunt noſtrorum Interpretum, ut Theophylaſtus, Euthymius, & S. Bonaventura.

*De cauſa illius ſuſcep-
tū itineris. In-
juria quorundam in B. Ma-
riam ſententi-
a.*

3 Exploranda tamen eſt ejuſmodi interpretatio, quæ Beatiffimæ Virgini injuriam facit, quaſi non omnino Angelo credidiſſet. Profecto Angelo dicenti eam concepturam parituramque filium, quin ejus Virginitas imminueretur, fidem habuerat; itaque qui poteſt intelligi, eam dicenti Angelo filium concepiſſe Eliſabeth in ſenectute, non credidiſſe? Antequam B. Virgo iter ſuſciperet, abunde Angelo aſſenſerat: *Ecce Ancilla Domini: fiat mihi ſecundum verbum tuum*; idque tanta fide, ut ab Eliſabeth merito collaudata fuerit: *Beata quæ credidiſti; quoniam perficientur in te, quæ dicta ſunt tibi a Domino*. Quid igitur cauſæ poteſt eſſe, quamobrem nonnulli, ut innuimus, aſſerunt, eam conveniſſe Eliſabeth, ut veritatem eorum, quæ ſibi dixerat Angelus, certius comperiret? Adverſus Sectarios inſultat Venerabilis Petrus Caniſius lib. 4. cap. 4. de Maria Deipara Virgine: adverſus autem noſtros, qui eandem ſunt ſequuti ſententiam, egregie, ut omnia, ſcripſit Gottus de Verit. Relig. Chriſt. lib. 4. part. 1. cap. 6. §. 1. Accedat D. Bernardus, qui Homil. 4. ſuper Miſſus eſt quærit quamobrem Angelus Beatam Virginem de Eliſabeth futuro partu monuerit: *Quid ſuit neceſſe etiam hujus ſterilis Virgini nuntiare conceptum?* Quærit præterea, an Eliſabeth conceptum ideo B. Mariæ nunciaverit Angelus, quod nondum ea myſterium illud credidiſſet: *Numquid forte dubiam, adhuc & incredulam oraculo, recentiore voluit confirmare miraculo?* Et reſpondet: *Abſit*; veramque cauſam his verbis docet: *Sed ideo ſterilis*

*Ea ſententia reſellitur. Ver-
o cauſa illius
iteris. Lo-
cus D. Ambro-
ſii explicatus.*

Tom. X.

N a n

rilis

*rilis Cognatæ conceptus Virgini nunciatur, ut dum miraculum miraculo additur, gaudium gaudio cumuletur. Quamobrem si jam B. Virgo omnia crediderat, antequam Angelus exemplum afferret Elisabeth, nemo est, qui non videat, nullo modo posse intelligi, eam ideo iter illud suscepisse, ut an revera Elisabeth prægnans esset, cognosceret. Itaque statuendum, ita Deo visum esse, ut B. Virgo Elisabeth conveniret, quo iis prodigiis pateret locus, quæ in Sanctarum mulierum colloquio contigerunt; & concludendum cum D. Ambrosio lib. 2. in Lucam: *Ubi hoc audiit Maria, non quasi incredula de oraculo, nec quasi incerta de nuntio, nec quasi dubitans de exemplo, sed quasi læta pro voto, idest læta quod Cognatæ nuncium haberet afferendum, se Dei Verbum concepisse; religiosa pro officio, quod gratulari vellet Elisabeth filium ab ea mirando sane modo conceptum, eique in partu suam operam dare, festina præ gaudio in montana perrexit*, quibus postremis Ambrosii verbis intelligitur, textum illum Lucæ, *Abiit in montana cum festinatione*, non significare, simul ac ab ea discessit Angelus, statim iter suscepisse, sed susceptum iter celeriter confecisse; præsertim quod Evangelista, postquam Angelum abiisse narravit, non tradit illico Virginem iter esse ingressam, sed ait, *in diebus illis*; ubi aliquot dierum lapsum inter Angeli discessum, sui que principium itineris videtur innuere. *Paucis post diebus* (verba sunt Natalis Alexandri in cap. 1. Lucæ col. 908.) *quos in tanti contemplatione Mysterii & gratiarum actione insumsit, ut credere par est, exurgens Maria Spiritus Sancti impulsu festinanter profecta est in montanam Judææ regionem*. Et in eundem locum a Lapide verba illa *in diebus illis* expendens, *Non ergo, inquit, eodem die, quo salutata ab Angelo Filium Dei concepit & corporavit, abiit, sed post duos vel tres dies; hos enim insumsit contemplando & orando*.*

Verisimile est, Mariam comitem itinervis Josephum habuisse. Colloquium Mariæ & Elisabeth, remotis omnibus. Quænam civitas fuerit, quo profecta est Maria. Iulianus & Porphyrius nesaria audacia.

4 Nunc videndum, an Maria, nullo adhibito comite, iter illud confecerit, & quænam ea esset Civitas, quo se contulit. Ad primum quod attinet, valde verisimile existimamus, eam in itinere solam non fuisse; comitem vero illi fuisse Josephum tuto affirmari non potest. Ex Matthæi Evang. cap. 1. intelligimus Josephum Mysterii conceptionis Jesu Christi nescium fuisse, ipsumque Mysterium non prius cognitum habuisse, quam moneretur ab Angelo, qui ei per somnium apparuit. At si in eo itinere Mariæ comes fuisset, & colloquium illud, quod mox referemus, audisset inter B. Virginem & Elisabeth, profecto uxorem suam gravidam esse cognovisset. Atque hoc potissimum argumento utuntur, qui negant S. Josephum in itinere Mariæ comitem fuisse. Alii vero, qui vim hujus

hujus argumenti intelligunt, Josephum quidem dicunt fuisse Mariæ comitem, sed simul ac domum Elisabeth pervenit, inde abiisse, nec propterea sanctarum mulierum adfuisse colloquio. Saxius de Laudibus Mariæ part. 1. pag. 96. verisimile putat, S. Josephum se in itinere B. Mariæ lateri comitem addidisse, & pag. 98. sermonem de ineffabili Incarnationis Mysterio, remotis arbitris, solas inter se B. Mariam & Elisabeth habuisse, neque illi sermoni quemquam adfuisse, sive Josephum, sive Zachariam, cui tunc oportuisset linguam expedire, ut Canticum Deo caneret. Josephum vero certe adfuisse constat; nulla enim, ubi B. Mariam gravidam deprehendit, perturbatione fuisset commotus. Animadvertit etiam, postquam B. Maria Zachariæ domum ingressa est, præter Elisabeth in Evangelio commemorari neminem: & quamquam scribit Evangelista, ipsam magna voce exclamasse, bene tamen ex Rodulpho ait: *Magnitudo magis intelligenda est ratione devotionis interioris, quam soni exterioris.* Ayala in *Pictore Christiano erudito* lib. 4. cap. 5. num. 4. existimat quidem Josephum in itinere comitem fuisse B. Virginis; sed Pictores graviter reprehendit, quod præsentem eum pingant, cum Maria & Elisabeth inter se colloquuntur, sed de hac re suam quisque per nos licet sequatur sententiam. Quod vero ad Civitatem attinet Julianus & Porphyrius nefaria sane impudentia, S. Lucam negligentiam sunt ausi insimulare, quod ejus nomen prætermiserit. Sed quoniam Civitatem, in qua Zacharias ex Tribu Juda habitabat, Sacerdotalem fuisse oportuit, cumque Hebron, seu Carjath-arbe Sacerdotalis Civitas ejus Tribus esset, ut constat ex cap. 21. Josue, atque ea dumtaxat in montano sita esset loco, quisque facile intelligit, S. Lucam, etsi nomen prætermisit, satis tamen aperte indicasse Hebron seu Carjath-arbe eam fuisse Civitatem, quo Maria profecta est, ut fusc probat Baronius in apparatu ad Annales Ecclesiasticos num. 77. & 78. Novatus de Eminentia Deiparæ Virgin. tom. 1. cap. 8. quæst. 3. eandem sententiam sequitur; & consentiunt a Lapide cap. 1. Lucæ vers. 39. §. *In Civitatem Juda*, Calmetus ad idem cap. num. 36. Natalis Alexander ad eundem locum vers. 39. & 40. & Saxius de Laudibus Mariæ par. 1. pag. 97.

§ Historiam Lucas prosequitur Evangelicam: *Et factum est, ut audivis salutationem Mariæ Elisabeth, exultavit infans in utero ejus, & repleta est Spiritu Sancto Elisabeth. Et exclamavit voce magna & dixit: Benedicta tu in mulieribus, & benedictus fructus ventris tui. Et unde hoc mihi, ut veniat Mater Domini mei ad me? Ecce enim ut facta est vox salutationis tuæ in auribus*

*Colloquium.
Mariæ & Elisabeth ex D.
Luca.*

ribus meis, exultavit in gaudio infans in utero meo. Et beata, que credidisti, quoniam perficientur ea, que dicta sunt tibi a Domino. Et ait Maria: Magnificat anima mea Dominum.

*Prodigia, quæ
in illo consi-
gere colloquio.*

6 In hoc colloquio plura quivis potest intelligere prodigia contigisse: nam & Joannes Baptista exultans in utero matris agnovit in Mariæ utero Verbum esse delapsum; & ejus mater Elisabeth plena Spiritu Sancto prophetavit; Maria denique plena itidem Spiritu Sancto Canticum illud pronuntiavit: *Magnificat anima mea Dominum*. Nec sane prætereundum, Zachariam quoque Spiritus Sancti plenitudinem eodem tempore accepisse, cujus tamen nullum apparuit indicium, nisi cum filius circumcideretur. *Et Zacharias* (ait Lucas cap. i. v. 67.) *pater ejus repletus est Spiritu Sancto, & prophetavit dicens: Benedictus Dominus Deus Israel, quia visitavit & fecit redemptionem plebi sue,*

Plures profligantur hæreticorum errores de exultatione Joannis in utero matris.

7 Quidam affirmarunt hæretici, Baptiste exultationem naturalem fuisse; cum enim mater lætitia esset perfusa, nihil mirum esse dicunt, si infans quoque motu potius corporis, quam animi exultavit. Verum cum Angelus jam Zachariæ prædixisset, ut est apud Lucam cap. i. futurum, ut ejus Filius adhuc in utero Matris Spiritu Sancto impleretur, *Spiritu Sancto replebitur adhuc ex utero matris sue*, quis non videt, id tum contigisse, cum ex improvise adveniente Christo, qui in virginali utero continebatur, Baptista etiamtum in ventre matris suæ exultavit? Ex quo duo hæc profluunt: primum, quod non ex lætitia matris motus infantis, sed matris lætitia orta sit ex motu infantis, quo Deum venisse monita est; quod Lucas etiam innuit verbis modo allatis: *Ut audivisti salutationem Mariæ Elisabeth, exultavit infans in utero ejus, & repleta est Spiritu Sancto Elisabeth*: alterum, quod Baptiste motus non naturæ, sed Spiritus Sancti opus fuerit: *Repleta est Spiritu Sancto Elisabeth, quo procul dubio revelante cognovit, quid illa exultatio significaret infantis, id est illius venisse Matrem, cujus Præcursor ipse, & monstrator futurus esset*. Et paulo post: *Joannes nondum in hanc editus lucem, tamen exultavit in gaudio: quod utique nisi operatione Spiritus Sancti fieri potuisset, quis credas?* Verba sunt S. Augustini epist. 187. alias 57. ad Dardanum. Negant præterea Irenæus, Chrysostomus, Ambrosius, Hieronymus, Gregorius, & Bernardus, dubitari posse, quin Baptista eo momento, quo exultavit, rationis usus compos factus fuerit; & Ambrosius, quem alii vulgo sequuntur, disertè docet, rationis usum, quo Baptista puncto illo temporis præditus fuit, neque momentaneum fuisse, neque fluxum, sed succedente quoque tempore ait perdurasse. *Non*

sola

sola familiaritatis est causa, quod apud Elisabetham Maria diu mansit, sed etiam tanti Vatis profectus. Nam si primo ingressu tantus profectus extitit, ut ad salutationem Mariæ exultaret infans in utero, repletur Spiritu Sancto Mater Infantis, quantum putamus usu tanti temporis Sancta Mariæ addidisse presentiam? De Baptistæ Sanctitate fortasse alibi disseremus, ac de singulari gratiæ beneficio; qua etiam in utero matris deleta originali culpa renatus est Christo. Si quis interea uberiores disputationem desideret de Baptistæ exultatione in utero matris, de usu rationis illi divinitus indito, ejusque successiva duratione, adeat Calmetum in cap. 1. Lucæ num. 41. Natalem Alexandrum ad eundem locum vers. 40. Cornelium a Lapide vers. 41. Serry exercitat. 28. num. 6. sequen. Gottum cit. tom. 4. par. 1. De Verit. Relig. Christ. §. 2. cap. 6. num. 13. & sequen. Quod si cui volupe sit, doctas complures piæque legere meditationes super Cantico *Magnificat* strenue ab contumeliis Lutheri ejusque Assellarum vindicato, legat Venerab. Canisii capita 6. & 7. lib. 4. de Maria Deipara Virgine.

8 Reliquum historiæ de Visitatione B. Virginis Lucas ita in compendium confert: *Mansit autem Maria cum illa quasi mensibus tribus, & reversa est in domum suam; nec eam usque ad partum Elisabeth permanisse, aut ante Joannis Nativitatem, abiisse, tradit. Grotius putat ante natum Joannem inde discessisse; nam si usque ad partum remansisset, ait expectaturam etiam fuisse, dum Elisabeth ab iis incommodis, quæ partum consequuntur, convalesceret. Id vero vehementer refellere conatur Calmetus in cap. 1. Lucæ num. 56. Grotii sententiam valde adjuvat, quod Lucas Baptistæ ortum referens, filet de B. Virgine, quam non modo nihil dicit Elisabeth inservisse, sed etiam discessisse præfuit. Calmeti autem opinio eo sit verisimilis, quod non decuisse videatur B. Virginem, quæ venisset ut Elisabeth partui assisteret, ad partum quidem usque permanisse, ac paullo ante partum discessisse. Neutri nos opinioni quidquam detractum volumus, quod facit etiam a Lapide vers. 56. cap. 1. Lucæ; verbisque Natalis Alexandri subscribimus, qui in cap. 1. Lucæ num. 56. *In re, inquit, obscura filere malim, quam sententiam dicere. Quod nos ignorare Deus voluit, haud curiosius inquirendum est.* Nunc vero de Festivitatibus hujus institutione reliquum est ut dicamus.*

9 Hæc ab Ordine Fratrum Minorum an. 1263. celebrabatur, ut ex eorum annalibus colligit Gavantus ad Rubric. Breviar. Roman. sect. 7. cap. 9. num. 1. Nec monumenta desunt, quibus o-

Num B. Virgo discessit ab Elisabeth ante, an post natiuitatem Joannis.

Festivitas celebrari capit apud Fratres Minores.

sten-

*Celebrata est
etiam in O-
riente. Urbanus VI. eam
in universa
Occidentali
Ecclesia institu-
it.*

stenditur, etiam opud Orientales celebrari consuevisse, ut vide-
re licet apud Bailletum Histor. hujus diei §. 2. Quod si de institu-
tione Festi hujus in universam Occidentalem Ecclesiam quæramus,
Urbano VI. tribuenda videtur, qui jejuniis etiam voluit peragen-
dam, atque ita Fideles excitavit, ut ad Mariæ intercessionem
confugerent, quæ schisma illud tolleret, quo Ecclesia ea tem-
pestate conflictabatur. Urbano vita functo, Apostolicas literas
nondum editas promulgavit Bonifacius IX. qui jejunium non in-
dixit, sed Fideles tantummodo ad jejunandum cohortatus est.
Extat Bonifacii Constitutio in Bullar. Rom. & apud Raynal. ad
annum Chr. 1389. num. 3. Et testatur Scultingus, Urbani Pon-
tificis jussu hoc Officium ab Cardinali Ada fuisse compositum.
*Hujus gloriose Visitationis Officii compositionem Urbanus VI. Do-
mino Adæ Cardinali Angliæ Doctori in Theologia commisit, ut ex
Scripturis Evangelicis, Sanctorum Patrum Commentariis, &
Doctorum approbatorum assertionibus Historiam hujus Festi Visi-
tationis scriberet, & diceret, & eidem Officio notam congruam
applicaret. Volens quoque Cardinalis præfatus vestigia Patrum
sequi, & mandatis Apostolicis obedire juxta dictamen Domini Bo-
naventuræ Cardinalis, de Officio S. Francisci prædictum Officium
compilavit, & notam consimilem sibi sumpsit.* Rectius fortasse Fe-
stivitati Visitationis dies post Annunciationem, quam secunda
Julii constituta esset; quod monitum etiam reperimus in historia
Longobardica. Sed Annuntiatio plerunque in Quadragesimam
incidit, quo tempore cum Ecclesia tota sit in Passione Christi ce-
lebranda, non debet pluribus, quam par est, solemnitatibus
oncrari.

*Quæstiones &
turbæ excita-
te in Basileen-
si Concilio de
hujus Festivi-
tatis institu-
tione.*

10 In Sessione Basileensis Concilii quadragesima tertio anno
1441. habita constitutum fuit, ut quotannis in omnibus Christia-
ni Orbis Ecclesiis postridie Calendas Julii Visitationis B. Mariæ
solemnitas celebraretur, ut videre licet apud Labbeum tom. 12.
Concilior. pag. 648. Inter eos, qui Basileensis Concilii historiam
conscribere, Augustinus Patricius narrat, contentiones inter
Episcopos ortas de hujus festivitatis institutione, quod Bonifacii
Constitutionem ii non recepissent, qui ejus partes non sectaban-
tur; atque Æneam Senensem, qui fuit deinde Pius II. Summus
Pontifex, formulam excogitasse, in quam omnes libenter con-
senserint. Idem quoque Patricius refert, aliam excitatam fuisse
quæstionem, an Decretum de celebranda ea festivitate promul-
gandum esset sub nomine Felicis V. quem Basileenses Pontificem
rite & legitime electum censebant; eamque quæstionem, vel ipso
Felice consentiente, silentio fuisse oppressam, ut videre est cap.

112. citatæ Histor. tom. 13. Concil. edit. Labbei pag. 1594. Orientales itidem Patriarchæ in Concilio Florentino, ut pios viros esse sese ostenderent, Constitutionem de Visitationis B. Virginis celebranda solemnitate ediderunt. Videatur Baron. in Not. ad Martyrol: ad diem 2. Julii, Thomassin. de Hier. Festor. celebrat. lib. 2. cap. 20. num. 6. Martene de antiqua Disciplina cap. 33. num. 1. & 2. Pagius in Breviario Romanorum Pontif. in vita Urbani VI. num. 66. Spondanus ad ann. Chr. 1389. num. 1. & ad ann. 1441. num. 5. Vidiſſe ſe ait Baronius in Bibliotheca Vaticana Manuscriptum quemdam Joannis Pragensis Tractatum adversus Adalbertum, qui hanc solemnitatem improbabat; in quo libello plura referuntur miracula & revelationes, quibus eam sibi placere Festivitatem Deus declaravit.

11 Quod si quis nihilominus de legitima hujus Festivitatis institutione dubitaverit, tum propter dubiam Bonifacii IX. auctoritatem, tum propter Basileensem Synodum, quæ legitime quidem convocata fuit, sed esse desit legitima propter quorundam Episcoporum audaciam, qui Eugenio IV. Amedeum Sabaudia Ducem sub nomine Felicis V. substituere sunt conati, meminerit is, Visitationem B. Mariæ diserte tradi in Evangelio, piumque ac sanctum esse, ejus memoriam singulis annis celebrari. Utcumque autem sit de prima hujus Festi institutione, eam certe solemnitatem diserte Romani Pontifices approbarunt, cujus Officium proprium S. Pius V. reformavit, teste Gavanto loco cit. num. 2. & quod nunc recitamus Clementis VIII. jussu recognovit P. Ruiz de Visitatione Ordinis Minimorum, quod tradit Nicolaus Antonius Biblioth. Hispan. tom. 2. pag. 188. Basileensi vero Conciliabulo minime potest tribui prima hujus Festivitatis institutio, sed Romano Pontifici Urbano VI. vel Bonifacio IX. ut observat Gretſerus de Festis lib. 2. *Fallitur Lutheranus Dresserus in suo libello de Festis, cum Visitationis Festum institutum tradit in Concilio Basileensi anno 1441. &c. sed errat, quia aliud est denuo promulgare & præcipere, aliud primitus instituere. Prius illud fecit Synodus Basileensis, posterius Urbanus VI. & Bonifacius IX. Eandem Gretſeri Censuram duos alios heterodoxos Scriptores subire oportet; quorum alter est Hospinianus de origine Festorum Christianorum pag. 123. alter Schmidius Prolusionum Marianarum 7. in tom. 77. Miscellaneorum Bibliothecæ Cardinalis Passionei. Nam uterque Scriptor eadem docet, quæ Gretſerus improbat in Dressero. Joachimus Hildebrandus inter heterodoxos magni nominis Auctor hæc de Visitationis Festo scribit in Opere Amstelodami edito anno 1702. cui titulus: *De prisca & pri-**

Festi hujus institutio a concilio Basileensi hereticorum vindicatur.

primitivæ Ecclesiæ sacris publicis, Templis, & diebus Festis pag. 60. & 61. Baptiste natalem Festum Visitationis Mariæ subsequitur, quod seculo 14. ad finem vergente, Urbanus VI. Sc. primis condidit &c. Felici autem successu Concilium Basileense confirmavit ad invocandam B. Virginem, ut suis ipsa pedibus Turcarum eo tempore grassantium insultus protereret, quemadmodum suis pedibus in itinere ad Cognatam suscepto montana conculcasset.

CAPUT VI.

*De Festo Beate Virginis de Monte Carmelo
die 16. Julii.*

*Carmelus ubi
fuit. Eliæ mi-
raculo nobili-
tatus. Traditio
de ædificula
Deiparæ a-
dhuc viventi
dedicata. Ad
eam se contu-
lise fertur
Vespasianus
Imperator.*

Postridie Idus Julii Festivitas celebratur B. Virginis de Monte Carmelo; de cujus institutione antequam dicere aggrediamur, quædam de Monte Carmelo præfabimur. Carmelus inter Judæam & Syriam mons ad Tribum Manasse pertinebat, quæ vero ad meridiem vergit, Tribui Aser assignatus fuerat. Ejus radices præterlabitur Torrens Cisson, & haud longe hinc Belus amnis. In eo contigit monte nobilissimum illud miraculum, cum Eliæ precibus ignis Cælo delapsus Prophetas Baal absumsit. De eo monte Tacitus in lib. 2. Histor. c. 78. *Est Judæam inter Syriamque Carmelus; ita vocant montem.* Huc venit Vespasianus percontatum, an quod agitare animo, futurum esset, sibi ut bene verteret: *Deumque* (sunt verba Taciti) *nec Simulacrum, Deo aut Templum, sed aram tantum & reverentiam: illie sacrificanti Vespasiano, cum spes occultas versaret animo, Basilides Sacerdos, inspectis identidem extis: Quidquid est, inquit, Vespasiane, quod parat, seu domum extruere, seu prolatare agros, sive ampliare servitia, datur tibi magna sedes.* Quod confirmat Svetonius cap. 5. in Vespasiano: *Apud Judæam Carmeli Dei Oraculum consulentem ita confirmavere sortes, ut quidquid cogitaret voveretque animo, quantumlibet magnum, idesse proventurum pollicerentur.* In eo monte Traditio est, adhuc vivæ B. Virgini Ædiculam esse extructam a piis quibusdam viris, qui eam noveant, quique Joannis Baptiste prædicatione Christi Adventum, satis cognitum habentes, Evangelium amplexati quotidie illuc convenire consueverant; ex quo nomen illis inditum Fratrum Montis Carmeli. Immo si fides habenda Josepho Antiocheno, Joanni Hierosolymitano, & Cyrillo, & recentioribus Ordinis Carmelitarum Scriptoribus, eadem illa fuit Ædificula, quo Vespasia-

pasianus se contulit. Tacitus vero & Svetonius diversa scripsere, quod Ethnici essent, & Religionis nostræ augustiora quæque ad falsam, quam præceperant animo, Religionem traherent. Videatur Arnaldus Borstius in Breviloquio Tripartito par. 2. cap. 2. P. Daniel a Virgine Maria in Vineæ Carmeli cap. 13. & in Speculo Carmelitano tom. 1. part. 2. in Miscell. Histor. Theolog. pag. 924. & sequen.

2 Quidam vero in his non conquiescunt, nec animum possunt inducere ut ea credant, quæ super hac re tradunt Carmelitani Scriptores. Josephi Antiocheni, Joannis Jerosolymitani, & Cyrilli Opera supposititia esse contendit magni Bollandiani Operis Continuator Papebrochius. Addit, satis firmo carere fundamento, quod de extructa a primis illis Christianis in monte Carmelo Ædícula traditur; Basilidem a Vespasiano consultum Sacerdotem fuisse Christianum; & ea, quæ satis perspicue scribunt de Oraculo & ritu Ethnicorum Tacitus & Svetonius, ad nostræ Religionis ritus trahenda esse & explicanda, id vero absurdum sibi videri libere fatetur. Nec accusationibus commovetur, quas adversus illum apud Innoc. XI. intentavit Sebastianus a S. Paulo, ediditque typis Francosurdienfibus, ut apparet in part. 2. Resp. Papebrochii Antuerpiæ edit. ann. 1697. Respons. ad 9. accusat.

*Papebrochius
cum Traditionem,
aliosque
similes impu-
gnavit.*

*Ad neutram
partem accedit
Auctor. In
lectionibus
Officii de illa
ædícula appo-
nitur clausula,
ut fecerit.*

3 Ad neutram harum partium sententiam nostram adjicimus; nec suscipimus probandum, Svetonium & Tacitum, ubi scribunt Vespasianum Carmeli oraculum adiisse, ita explicandos, ut Vespasianus Christianos Sacerdotes, qui ædiculæ illi in honorem B. Virginis extructæ inservirent, consuluerit. Nam illam ædiculam in monte Carmelo tunc temporis esse excitatam, pie tantum creditum est. Quapropter in secundis Officii lectionibus, quæ habentur in Romano Breviario, ubi mentio fit illius ædiculæ, addita est cauta illa formula, *ut fertur*, cujus quæ, quantaque vis esse debeat, fuscè disseruimus tom. 4. par. 2. de Canonizat. Sanctorum, ubi quæ fides, qui honor & veneratio, & quantum debeantur Historiis Breviario Romano contentis demonstravimus.

4 Ut autem ad hujus, de qua agimus, Festivitatē redeamus historiam; seculo 13. ineunte, mortuus est spectatæ Sanctimonie vir Simon Stockius Ordinis Carmelitarum Generalis; cui multo ante ejus obitum B. Virgo apparuit, deditque tanquam Carmelitani Ordinis tesseram Scapulare, in præcipuæ protectionis suæ peculiare signum; deinde quinquaginta post annis B. Virgo itidem Joanni XXII. Summo Pontifici apparuit, eumque monuit de pluribus Indulgentiis, quas a Jesu Christo Filio suo Fra-

Simonis Stockii & Joannis XXII. visiones. Nulla ejus Pontificis, seu Privilegii Sabbatum, quæ dicitur ab alio Pontificibus, sensu ma-

to, non habetur in Bullario Romano.

tribus & Sororibus Carmelitani Ordinis impetrasset; quas Indulgentias deinde 3. Martii die ann. 1322. idem Pontifex promulgavit. Atque illud est, quod dicitur Sabbathinum privilegium ob eam, quam mox afferemus rationem; idque confirmatum, postea dicitur a Summis Pontificibus Clemente VII. Pio V. & Gregorio XIII. Ea autem Joannis XXII. Constitutio, etsi non extat in Bullario Romano, in pluribus tamen libris typis impressis edita est, & nuperrime in Bullario Carmelitarum per P. Eliseum Monsignatum Ordinis Generalem Procuratorem collecto par. 1. pag. 61. & sequen.

Launojus eam Bullam supposititiam existimat, & Papebrochius. Hujus contentiones cum Carmelitis. Theophilo Raynaudus falso tribuit opus, quod inscribitur, Scapulare Marianum, putat idem Papebrochius.

§ Sed hæc Simonis visio, & Joannis XXII. Bulla, si non majorem, certe æqualem habet difficultatem, atque ea, quæ in Monte Carmelo extracta ædícula dicitur. Adversus utramque quasi quodam, qui satis verbis explicari non potest, furore invehitur Launojus in Dissertationibus suis tom. 2. par. 2. postremæ edit. anni 1731. Præter P. Danielelem Carmelitam in *Vinea Carmeli*, & in *Speculo Carmelitano*, & P. Paulum ab omnibus Sanctis in *Clavi aurea*, tum visionem, tum Joannis Bullam tuendam suscepit Theophilus Raynaudus tom. VII. suorum Operum. Papebrochius in continuatione Bollandiani Operis tom. 3. mensis Maji ad diem 16. de B. Simone loquutus est, & conquestus, communicatam secum non fuisse ejus vitam ab Auctore synchrono scriptam, ut eam posset expendere. Id vero graviter tulit Sebastianus a S. Paulo Carmelita, qui ex ea querela accusationem adversus Papebrochium procudit. Quamobrem temperare sibi non potuit Papebrochius, quin omnes in 3. par. suarum Responsionum proferret, quæ inter se & Carmelitas intercesserant, contentiones, ut quanta æquitate sese gessisset, omnibus palam faceret. Atque in eo, quod ad B. Simonis visionem attinet, se dixisse monet, suspectam eam esse Launojo; negat vero se umquam declarasse sibi Launoji sententiam probari; ut videre est par. 1. suarum Responsionum ad accusationem secundam, tertiam, & quartam; in eo tamen se Launojum sequi fatetur, quod Joannis Bulla sit supposititia. *Bullam Sabbathinam, Bullam fœditiam videri, nec a Joanne XXII. editam Launojo assentior.* Idque rursus inculcat in ead. part. 1. Respons. ad art. 3. §. 15. ubi num. 144. quædam documenta profert, quibus demonstrare nititur Theophilum Raynaudum numquam *Scapulare Marianum*, quod supra memoravimus, tamquam ingenii sui foetum agnovisse.

Difficultates adversus eam Bullam & Theologia petita.

6 Ad has difficultates ex historia petitas accedunt et, quæ e sacra Theologia depromuntur. Nam B. Virgo, cum B. Simoni tradi-

tradidit Scapulare, fertur hæc dixisse: *Hoc eris tibi, & cunctis Carmelitæ privilegium: in hoc moriens æternum non patietur incendium*: quod juxta Sacræ Theologiæ principia quidam contendunt probari non posse. Joannes Episcopus Castoriensis tract. 1. de Cultu Sanctorum & B. Virginis §. 55. ostendit, nullam Scapulari, aut Rosario, aut Cingulis, aut imaginibus B. Virginis fieri injuriam, si quis dicat hæc nihil profutura (meritum intelligens de condigno) si desit charitas, si Christum non feliciter corde, quam hæc symbola carnegestemus: Et §. 56. omnia hæc symbola multum juvare dicit, si ea qui gestet, B. Virginis studeat innocentissimos mores imitari: his symbolis signisque B. Virgini colendæ comparatis ostendit §. 57. nimis multos abuti: ac §. 58. & sequen. malum eorum usum in eo esse, quod quidam ab illis æternæ salutis securitatem nimis fidenter sibi polliceantur. Inde Rivetus hæreticus eam adversus Catholicos confinxit calumniam: *Notandum est, cum omnibus sceleribus consistere posse in Papatu devotionem circa Deiparam*. Verum Castoriensis Episcopus tract. 3. §. 55. Rivetum ad incitas redigit. Ostendit enim ab ea, quam nobis hæreticus ille doctrinam affingit, quantum Catholica Religio abhorreat. Bailletus, seu quis alius Auctor Tractatus de *Devotione & Cultu erga Deiparam*, Lutetiæ Parisiorum editi anno 1696. cap. 9. explicat, quo sensu B. Virgo dicatur *Refugium peccatorum*; nam de iis peccatoribus id intelligendum, quibus est animus emendandi suos mores, quique de redeundo in Dei gratiam sedulo cogitant.

7 Provocat autem Rivetum, ex Catholicis, qui doctrinam præstent, (nam imperitos aut obscuri nominis nihil moratur Auctores) Scriptorem ut aliquem proferat, qui umquam dixerit, æternam salutem sola exteriorum Symbolorum devotione posse comparari, & devotionem erga Deiparam cum peccatis posse consistere. Porro vicissim Calvinianam doctrinam reprehendit. Nam in Calvinistarum Synodis definitur, qui semel Baptismo regenerati sint, & gratiam sanctificantem susceperint, eos neque regenerationis fructum ullo umquam tempore amittere posse, neque Fidem quæ salvos facit, neque charitatem, neque securitatem illam, in qua de retinenda Dei gratia certi conquelescunt. Si enim gratia & justitia non amplius amittuntur, inde consequitur, terribima posse homines scelera perpetrare, quin & filii Dei, & de æterna salute securi esse desinant. Ne quis tamen obtrestandi cupidus nostra hæc aliorum accipiat, quasi cultum erga Beatam Virginem deferendum peccatori esse doceamus, nihilque prodesse ejus preces, aliosve pios actus, si de sua conversione

*Sola exteriorum
Symbolorum
devotio nihil
prodest ad sa-
lutem.*

non cogitet, advertendum id ex superioribus propositionibus minime consequi: peccatoris enim oratio impetratoria est ex mera Dei misericordia, modo *pro se petat necessaria ad salutem pie & perseveranter*, ut docet D. Thomas 2. 2. quæst. 83. art. 6. Fieri enim potest, ut infinita Dei misericordia peccatoris oratio exaudiatur, etiam sine proposito emendandæ vitæ; dummodo non tam obstinato sit animo, ut omne poenitentiae consilium perpetuo abjecerit, piaque devotione & firma fide in oratione perseveret, a Deo petens auxilia, quæ sibi opus sunt ad æternam salutem consequendam. Vid. Suarez de Relig. tom. 2. lib. 1. cap. 25. Bulla Joannis XXII. eamdem B. Virginem tradidit dixisse Pontifici, se Carmelitarum & Fratrum & Sororum animas in Purgatorio delapsas primo post eorum mortem Sabbatho ab illius loci poenis ereptas in Paradisum adducturam. *Ego mater gloriosa descendam Sabbatho post eorum mortem, & quos invenero in Purgatorio, liberabo, & eos in Montem Sanctum vitæ æternæ reducam.* Quæ verba multum negotii sane facessunt, quod ex iis dominatus quidam in animas Purgatorii inferri posse videatur. Quapropter sacra Parisiensis Facultas anno 1624. Carmelitanum quemdam religiosum virum ad eam propositionem rejiciendam adegit, quam ex Joannis Bulla depromerat: *Hanc propositionem, quatenus dicit: B. Virginem imperium spirituale in animas demonstrasse, cum pollicita est morientibus in Habitu Carmelitarum e Purgatorii flammis ereptionem, revoco:* ut videre licet apud Thiers Tract. de Superstitione tom. 2. cap. 16. pag. 253. & sequen. qui plura refert acta in Sorbona ad hanc rem pertinentia.

Visio B. Simonis probatur testimonio Historicis & chronis. Diluuntur difficultates Theologicae adversus illam visionem.

8 Duo itaque sunt, de quibus disputant viri docti; alterum est B. Simonis visio; alterum ipsa Joannis XXII. Constitutio. Ac visionem quidem veram credimus, veramque habendam ab omnibus arbitramur. Eam enim accurate refert Suvanigrone, qui B. Simonis Socius fuit & Secretarius, eamque se ab illius ore ait accepisse: *Hanc ego immeritus, homine Dei dislante, scribebam, Ejus authographum in Burdigalensi quondam Archivo delituit, cujus e tenebris erutum, cum hæ ferverent controversiæ, Typis fuit impressum a P. Joanne Cheron Burdigalensis Domus Priore in Vindiciis Scapularis pag. 157. & seq. De hac Visione fit mentio in Breviario Romano; & quamvis illud tantummodo narretur in Lectionibus, B. Virginem Simoni Scapulare tradidisse: *Insigne sacri Scapularis B. Simoni Anglico præbuit, ut cælesti hac veste Ordo ille Sacer dignosceretur, & a malis ingruentibus protegeretur:* nec quidquam de eo, quod supra retulimus, Privilegio memoretur: *Hoc eris tibi, & cunctis Carmelitis Privilegium;**

gium: in hoc moriens æternum non patietur incendium: id tamen silentium visioni nihil detrahit; nam juxta Scripturæ modum loquendi æterna vita promittitur propter quædam, quæ ad eam quidem conducunt, sed tamen, nisi alia quædam accedant, satis esse non possunt ad eam assequendam, ut ad Rom. cap. 3. v. 28. Arbitramur enim justificari hominem per fidem, & cap. 8. v. 24. Spe enim salvi facti sumus: & Tob. 12. v. 9. Eleemosyna a morte liberat, & ipsa est, quæ purgat peccata. Et apposite ad hanc rem scripsit Bellarminus Controversiar. tom. 4. lib. 2. de Pœnitentia cap. 7. Sæpenumero Scriptura divina tribuit vim justificandi, aut etiam salvandi diversis rebus, non quod sole illæ justificare, aut salvare possint, sed quod illæ vim suam habeant ad justificationem aut salutem, & ad eam finem perducant, si tamen cætera non desint. Huc accedit, quod in ea visione non legimus, eum inferni pœnas vitaturum, qui nihil aliud præstiterit, quam ut Scapulare gestaret; alia enim bona opera præcipiuntur, in quibus perseverare necessarium est. Fratres (sunt verba Visionis) conservando verbum istud in cordibus vestris satagite electionem vestram certam facere per bona opera, & nunquam deficere. Vigilate in gratiarum actione pro tanta misericordia, orantes sine intermissione, ut sermo mihi factus glorificetur ad laudem Sanctissimæ Trinitatis, & Virginis Mariæ semper benedictæ. Daniel a Virgine Maria in Speculo Carmelitano tom. 1. par. 2. pag. 433. accurate rem hanc expendit. Sibi enim ipse objicit pag. 531. etiam qui Dei servet præcepta & Ecclesiæ, puramque a peccatis vitam agat, licet Scapulare non gestet, Infernum evitare. Cui objectioni respondet, B. Virginem pollicitam esse, qui devote Scapulare gestaverit, devoteque Scapulare gestando injuncta opera, ut æquum est, impleverit, eum ab Inferno liberum fore. Quantum est ex parte sua; ex capite gratiæ illius copiosæ, quam eidem apud Filium suum impetrabit intuitu Scapularis jam olim collati in signum salutis, fœdus pacis, & pacis sempiterni, nisi scilicet ex alio capite impingat in petram scandali, & lapidem offensionis per temerariam divinæ legis transgressionem. Iisdem principiis utitur Paulus ab omnibus Sanctis in Clavi Aurea par. 1. cap. 12. Sane Papebrochius in Responsionibus ad P. Sebastianum a S. Paulo par. 2. Responsione ad art. 20. num. 18. pro eo quo fuit animi candore declaravit, nihil quod improbaret, se in ea Visione reperisse, postquam legerat, quæ scripsit Suvanington; numero autem 28. de explicationibus, quas PP. Carmelitæ tribuunt illis verbis: In quo moriens æternum non patietur incendium, ita ait: Ego in illis nullam video difficultatem. Ea enim

Patres

Patres Carmelitæ tam commode exponunt, ut facile evadant omnem justam reprehensionem; neque nata sint (sicut calumniatur nonnulli) solidam fiduciam ingerere peccantibus adipiscenda salutis, quomodo cumque ducatur vita.

Bulla Joannis non probatur genuina. Prædicens Pauli V. Decretum.

9 Nunc vero post visionis examen expendenda esset Bulla Joannis XXII. quæ ideo Sabbathina appellatur, quod B. Virgo pollicita sit, se quotquot Carmelitano Mariæ cultui addicti fuerint, primo post eorum obitum Sabbatho a Purgatorii igne erepturam. Nonnihil de ea superius attigimus. Multo tamen plura essent afferenda, si nobis videretur conducibile, ad ejus auctoritatem convellendam, omnia ea, quæ ex quibusdam rebus omni verisimilitudine carentibus prodeunt, huc conferre argumenta: cujusmodi sunt illa, quod nunquam ejus repertum sit autographum; & nunquam *in forma specifica*, nec nisi, ut vulgo dicitur *in forma communi* a Romanis Pontificibus ea Bulla approbata sit. Satis fuerit illud admonere, coortas in Lusitania de ea Bulla contentiones, & inde ad totum Christianum Orbem diffusas, quarum historiam tradidit Paulus ab omnibus Sanctis *in Clavi aurea* par. 2. cap. 15. sapientissimo Decreto tandem dimisse Paulum V. Pontificem, quod vel ipse probavit, collaudavitque Launojus. Decretum autem habetur in Bullario Carmelitano tom. 1. pag. 62. & tom. 2. pag. 601. *Patribus Carmelitanis permittatur prædicare, quod populus Christianus possit pie credere de adjutorio animarum Fratrum, & Confratrum in charitate decedentium, qui in vita habitum geslaverint, & castitatem pro suo statu coluerint, Officiumque parvum recitaverint, vel si recitare nesciverint, Ecclesiæ jejunia observaverint, & feria quarta, & Sabbatho a carnibus abstinerint, nisi ubi in iis diebus Nativitatis Domini Festum incidit, suis intercessionibus continuis, suisque suffragiis & meritis, & speciali protectione post eorum transitum, præcipue in die Sabbathi (qui dies ab Ecclesia eidem Beate Virgini dicatus est) adjuturam.* Videatur etiam Bailletus ad diem 15. Augusti §. 6. num. 34.

Illo decreto sublatæ contentiones. Defenditur Institutio hujus Festivitatis & Officii.

10 Congruunt cum hoc Decreto secundæ Officii Lectiones in Breviario Romano. Habetur enim in illis, animas Fidelium, qui in Scapularis Societatem adscripti fuerint; & pia opera, quæ in ea præscribuntur, servaverint, in Purgatorium ignem delapsas a B. Virgine adjuvari, ut inde quam celerrime liberatæ in Cælum convolent; quibus tamen omnibus illud additur, *ut pie creditur.* Quapropter cum ea omnia, quæ tum in B. Stockii visione, tum in Sabbathina Bulla difficultatem creare poterant, & sapientibus doctorum virorum animadversionibus, & Romani Pon-

CAP.VI. DE FESTO B.V. DE MONTE CARMELO. 479

Pontificis decreto sublata sint; cumque gliscentibus maxime contentionibus, nemo umquam cultum erga B. Virginem de Monte Carmelo ausus sit improbare, quem Romani Pontifices tot tantisque indulgentiis locupletarunt; cum denique, B. Virgine intercedente, plura Deus miracula ediderit in eorum utilitatem, qui huic devoto cultui sunt addicti (*Improbis porro sit qui neget, multis Romanorum Pontificum gratiis & privilegiis ornata, multis etiam divinis beneficiis comprobata fuisse istam Scapularis Mariani devote gestandi religionem*; ut ait Papebrochius par. 2. Responson. suarum art. 20. num. 28.) quisque fateatur necesse est, Festivitatem B. Mariæ de Monte Carmelo non sine gravi institutam esse judicio, & in universali Ecclesia cum Officio & Missa propria celebrari. Eam pro Carmelitarum Ordine ann. 1537. approbavit Sixtus V. ejusque Officium pro eodem Ordine Paulus V. ex Decreto S. Rituum Congregationis novis auxilii lectionibus a Venerabili Cardinali Bellarmino recognitis, ut videre est apud Petrum Paulum ab omnibus Sanctis in *Clavi aurea* pag. 180. Eandem Festivitatem temporibus ab ætate nostra haud ita remotis una cum Officio ad aliquot Civitates, Provincias, & Regna, ut Populorum, Episcoporum, & Principum devotioni gratificarentur, Romani Pontifices extenderunt, quod ex S. Rituum Congregationis Actis colligitur. Eam denique cum Officio & Missa nunc Univerſa celebrat Catholica Ecclesia ex Decreto Benedicti XIII. quod etiam monuimus par. 2. tom. 4. de Canonizatione Sanctorum.

C A P U T V I I.

*De Festo Dedicationis Ecclesiæ Sanctæ Mariæ ad Nives,
die 5. Augusti.*

1 **N**ONIS Augusti Solemnitas peragitur Dedicationis Ecclesiæ B. Mariæ ad Nives. Variis insignem hanc Basilicam nominibus in Ecclesiasticis monumentis appellatam novimus, nam interdum *Sancta Maria*, modo *Sancta Maria ad Nives*: ex miraculo, de quo paullo post sermonem habebimus, modo *Basilica Liberii* nominatur, ex ejus Fundatore Liberio sumto nomine; in ejus enim vita Anastasius, sive quis alius Pontificalis libri Scriptor tradit, Basilicam prope macellum Livie ædificasse: *Hic fecit Basilicam nomine suo juxta macellum Livie*. Quod macellum cum in Exquiliis Livia Augusti uxor ædificari jussisset, ut in eo necessaria humano victui venundarentur, facile inde intelli-

Multipli ex Basilica Liberiana nomen.

telligitur, Ecclesiam seu Basilicam, de qua loquimur illis verbis demonstrari, quæ in Exquilino monte sita est, quod bene advertit Baronius in Notis ad Martyrolog. Rom. ad diem 5. Augusti, & notat Vignolius in Notis ad librum Pontificalem in vita Liberii pag. 118.

Cur appelletur
etiam Basilica
Sixti.

2 Eadem Ecclesia quandoque appellatur *Basilica Sixti*; & Basilica *Sanctæ Mariæ Genitricis*, ut apparet in *Sacramentalibus libris*, *Antiphonariis*, & *Missalibus ordinatis* sub Gregorio Magno, & in ejus Epistolarum Regeſto. Et facile quidem intelligitur, quo pacto nomini Liberii nomen Sixti fuerit substitutum; nam in libro Pontificali in vita Sixti III. hæc habentur: *Hic Xystus fecit Basilicam S. Mariæ Virginis, quæ ab antiquis Liberii denominabatur juxta macellum Livie, ubi Et obtulit hæc dona.* Et Florentinius Exercitat. 12. de prima *Romæ B. Virgini Mariæ dedicata Ecclesia*, quam Martyrologio veteri inseruit ad diem 5. Augusti, notat in quibusdam Codicibus non legi *fecit*, sed *refecit*, quam lectionem confirmat ea Inscriptione apud Gruterum in Appendice pag. 1170.

Virgo Maria tibi Sixtus nova testis dicavit.

Consonat alia Inscriptio, cujus meminit Baronius loco cit. quam etiamnum palam omnibus esse ait in hujus Templi arcu maximo: *Sixtus Plebi Dei*. Eximiam vero fuisse oportet hanc accessionem, qua Sixtus eam auxit Basilicam, cum Liberii nomen & memoria pene interiisse videatur: quamobrem Joannes Diaconus in vita S. Gregorii lib. 4. cap. 68. Templum hoc appellat *Basilicam Sixti*.

Septimo seculo
in eam illatū
Præsepe Jesu
Christi.

3 Tandem circa dimidium septimi seculi, quam Epocham tamquam veriore sequuti sumus tom. 4. part. 2. de Canonizat. Sanctorum cap. 31. num. 15. cum Romam præclara essent asportata Præsepis Jesu Christi Lipsana, quæ Theodorus Pontifex in hac Basilica collocavit, jam tum appellata fuit Basilica *S. Mariæ ad Præsepe*. Quapropter in lib. Pontif. de vita Theodori Papæ hæc habentur: *Romam fugit Maurilius ad B. Mariam ad Præsepe, quem tollentes de Ecclesia miserunt Bojam in collum ejus.* Ac ejusdem Pontificalis libri Auctor semper Basilicam hanc vocat *S. Mariæ ad Præsepe* in sequentibus Pontificum vitis Martini I., Eugenii I., Gregorii II., Gregorii III., Stephani III., Adriani I., Leonis III., Paschalis I., & in Calendario Romano seculi 8. quod Fronto illustravit, mentio fit de hac Ecclesia in Dominica Paschæ his verbis: *In Pascha Dominica sancta ad Sanctam Mariam Majorem in Præsepe.*

4 Quod autem pertinet ad vulgatum nomen Sanctæ Mariæ Majoris, quo hæc Basilica appellari solet, vestigia quædam ejus apparent sæculo 8. nam præter ea, quæ supra attulimus ex 8. sæculi Calendario, locus est hujusmodi in Pontificali libro de vita Gregorii IV. *Et in ea (Basilica S. Mariæ Trans Tyberim) fecit Præsepium ad similitudinem Præsepîi Sanctæ Dei Genitricis, quæ appellatur Majoris, & in vita Sergii II. qui eidem Gregorio successor fuit. Ipse vero a Deo protectus & præclarus Pontifex pro remedio & futura animæ suæ retributione Cameram Præsepîi Domini nostri Jesu Christi, quod Basilicæ Beate Dei Genitricis Domine nostræ connectitur, quæ Major ab omnibus nuncupatur, argenteis Tabulis ac deauratis, habentibus historiam B. Dei Genitricis Mariæ, magnifice atque præcipue perornavit. Quamobrem nos, quemadmodum Venerabilis Petrus lib. 2. de Miraculis, nomen S. Mariæ Majoris magnificentiæ illius Templi adscribemus: Habetur (inquit Petrus) Romæ Patriarchalis Ecclesia in honore perpetuæ Virginis Matris Domini consecrata, quæ vulgari sermone Sancta Maria Major vocatur. Major autem iccirco, quia post Lateranensem Sancti Salvatoris Ecclesiam, Major dignitate non solum Romanis, sed & totius Orbis Ecclesiis est.*

*De vulgato
Basilicæ nomi-
ne S. Mariæ
Majoris.*

5 Si quis de diversis hujus Basilicæ nominis uberiolem narrationem desideret, legat narrationem Sacrorum Rituum, quibus sancta hujus Basilicæ porta aperitur anno Jubilæi universalis, quam narrationem sumta occasione ex proprio Jubilæo an. 1725. edidit Battellus Archiepiscopus Amasenus ejus Basilicæ Canonicus pag. præsertim 31. & sequen. Nobis satis est, quæ hætenus attulimus monuisse; ac inter diversa hujus Ecclesiæ nomina, illud S. Maria ad Nives adhibebimus, præsertim quod in Romano Martyrologio Festum hujus diei in hæc verba edicatur: *Romæ in Exquilis Dedicatio Basilicæ Sanctæ Mariæ ad Nives: & in Breviario Romano hujus Festivitatis titulus est, Festum S. Mariæ ad Nives.*

*De nomine
S. Mariæ ad
Nives.*

6 Pia quædam traditio est, Joannem Patritium Romanum, ejusque conjugem, Liberio Pontifice, cum liberis carerent, ad quos eorum hæreditas deferretur, omnia sua bona vovisse B. Virgini, quam impensissime obsecrabant, ut sibi aperiret, quid de iis bonis fieri vellet. Itaque Nonis Augusti, quo tempore gravissimi Romæ sunt calores, noctu nix in Exquilinum collem delapsa est; cum interea Joannes ejusque uxor per somnium a B. Virgine monerentur, ut in ea Exquilini collis parte, quam nive tectam viderent, Templum extruerent, suoque nomini dedica-

*Miraculum
delapsæ Nivis
in dedicatione
Basilicæ.*

Tom. X.

P p p

rent;

rent; ad hunc enim modum se velle eorum fieri hæredem. Quod cum Joannes Liberio nunciasset, idem sibi Pontifex dixit significatum esse per somnium; itaque cum Cleri & Populi processione se ad Collem contulit, quem nive rectum invenit, ac in eo locum Templi designavit, quod deinde Joannis ejusque uxoris sumtibus extructum est.

In vetustioribus Breviariis habetur in illa Basilica edificando miraculum terre sponte dissi-

7 Atque ea sunt omnia, quæ in Officio narrantur, quod ab Ecclesia universali hac die celebratur. In vetustioribus quibusdam Breviariis membranaceis, quorum unum erat ad Parmensis Ecclesiæ, alterum ad Eremitarum S. Augustini usum, quod fuit Florentinii, non id solum continetur, quod narratum diximus in Breviario Romano, sed illud etiam legitur, Liberium Pontificem suis manibus cœpisse terram effodere, quæ sponte dehiscens ostendit, quo fundamenta jaci oporteret. *Ad quem locum (sunt verba ex Breviariis apud Florentinium) cum populi multitudo excitati novitate miraculi (delapsæ nivis) una cum jam dictis Pontifice & Patriis accessisset, & ipse Pontifex cepisset propriis manibus terram effodere in circuitu nivium ad jaciendum construende Basilicæ fundamentum, ecce priori miraculo aliud divina dispositione successit. Fluida terra subito seipsam aperuit, & ubi jacenda essent fundamenta demonstrans, astantium animos incredibili lætitia & admiratione replevit.*

Cum illis consentiunt veteres Læctiones, quæ emendatæ sunt a S. Pio V. De miraculo tantum Nivis delapsæ præponitur Sermo.

8 Consentiant vetustæ quædam læctiones, quas affert, ut vulgo dicitur, *per extensum* Paulus de Angelis in suo Tractatu de Basilica S. Mariæ Majoris lib. 2. cap. 2. pag. 24. *Mox vero Pontifex fossorium lætus accipiens, sicut nix designaverat, propriis manibus capis terram effodere, quæ extemplo aperta est per circuitum. Et ita hujus gloriosæ Virginis meritis architectonicis manibus Divina Clementia resecravit fundamenta.* Verum cum læctiones, quæ hac die leguntur, a Pio V. emendatæ fuerint, teste Gavanto sect. 7. cap. 10. de Festis Sanctorum Mense Augusto num. 5. *Pius V. mutavit Orationem, aliqua Responsoria, & Læctiones primi, & secundi Nocturni*, cumque a Læctionibus mutatis, correctisque absit miraculum de terra, quæ ultro se aperuerit, solumque delapsæ nivis prodigium in iis memoretur, propterea nos de prioris miraculi probabilitate nihil detrahentes, de posteriore hoc, quod accidit die 5. Augusti, dumtaxat differemus.

Tillemontius filis ejusmodi miraculo, quod parvi fidei tribuat Breviariis. Basilica

9 Tillemontius tom. 6. Nota 83. *de Arianis*, de Ecclesia S. Mariæ Majoris scribit, se idcirco a narrandis iis miraculis abstinere, quæ in ejus fundatione contigisse dicuntur, quod ea non nisi Breviariis fulciantur, quorum non existimat auctoritati & fidei

fidei tuto se niti posse; cum præsertim fere quotidie corrigantur, & ex lectionibus plura expurgentur; remque omnem eo ducit, ut si quid veri dici possit, id omne referendum sit ad tempora Sixti III. qui Basilicam novis magnisque accessionibus a se auctam primus sub B. Virginis nomine dedicavit.

10 Verum nihil affert, quo sententiam hanc suam suffulciat, pro qua si quis velit argumentum aliquod suppeditare, illud ex Pontificali libro, quem Vignolius notis illustravit, proferre posset de Liberio: *Fecit Basilicam nomine suo juxta macellum Livie*; ut ipsi quoque dudum observavimus. Hic locus in eodem Pontificali libro accuratissimæ editionis Blanchini ita legitur: *Hic fecit Basilicam nomini suo juxta macellam Livie*; quæ verba significare videntur Liberium sibi suoque commodo Basilicam ædificasse, non autem in honorem B. Virginis; ideoque Sixto III.tribuendam ejus Dedicationem sub B. Mariæ nomine; si quid autem veri sit in eo miraculo, id omne ad Sixti, non Liberii tempora esse referendum. Non enim semper Basilicæ nomen Templum, ut apud nos, significavit; regię enim quondam ædes hoc appellabantur nomine, & ab iis ad Tempia Deo dicata nomen illud traductum est. *Basilicæ prius vocabantur Regum habitacula, unde & nomen habent: nunc tamen ideo Basilicæ Divina Tempia nominantur, quia ibi Regi omnium Deo cultus & Sacrificia offeruntur.* Verba sunt Isidori lib. 15. de Originibus. Liberii vero temporibus a privatis hominibus in sui commodum Basilicas ædificari consuevisse, constat ex Hieronymi Epist. 18. ad Marcellam: *Ubi, instar Palatii, privatorum extructæ Basilicæ, ut vile corpusculum hominis pretiosius inhabitet, & quasi Mundo quicquam possit esse ornatus, tecta sua magis velint aspicere, quam Cælum?*

11 Hanc prævertit difficultatem Florentinus exercit. 12. *Ansam quidem dubitandi daret Liber Pontificalis, Liberium proprio usui Basilicam construxisse, dum inquit: Hic Basilicam fecit nomini suo.* Sed cum in Liberianæ Basilicæ Archivo vetusta extent monumenta, quæ probant, Liberium Basilicam, quam ædificaverat, dedicasse, & sub Altari magnæ Capellæ a Sixto V. extructæ etiamnum extet Oratorium a Liberio consecratum, nihil profecto obest, quin statuatur, Basilicam a Liberio Joannis Patritii ejusque uxoris sumtibus, non in sui usum extructam, sed B. Virginie dedicatam, nec primam Basilicæ magnificentiam Sixto, sed Liberiotribuendam esse, ut erudite disputat Florentinus loco cit. *Basilicam a Liberio constructam pro sacro usu fuisse, vix dubitarem.*

*ædificationem
refert ad Six-
tum III.*

*Milemontius
refellit. Vario
scilicet noto-
rum digna in li-
bro Pontifica-
li. Basilicæ ois
dicebatur Re-
gum, & poten-
tiorum adest.*

*Basilicam ex-
truxisse Libe-
rium sumtibus
Joannis Pa-
tricii, & B.
Mariæ dedi-
casse probatur
ex vetustis mo-
numentis in
Archivo ejus
Basilicæ.*

Bailleti sententia.

12 Bailletus ad diem 15. Augusti num. 27. more suo haud ita credulum se præbet Nivis miraculo. Sibi enim monstri simile videri ait; de hujus historiæ auctore nondum quidquam compertum esse; spatio mille annorum tantam rem silentio oppressam; nusquam præterquam in Breviariis, aut in Petri Natalis Catalogo hujus rei reperiri vestigia. Quamobrem huc, quæ tuto affirmari possint, omnia refert, Liberium ab exilio restitutum in suam Sedem Basilicam ædificasse, quæ per octoginta annos ab eo nomen habuerit usque ad Sixtum III. qui eam deinde perfecit, & paullo ante annum 440. sub B. Virginis nomine dedicaverit.

Bailletus refellitur. Petri de Natalibus perum firma hæc.

13 Multa observatu digna sunt in hac Bailleti sententia. Petro de Natalibus, qui hanc refert historiam, non multum tribuit fidei Bollandus in generali Præfat. ad Vitas Sanctorum §. 4. Petrum hunc ejusque opus commemorat, in quo multa desiderata scripta accuratius. Miræus in Auctario Scriptorum Ecclesiasticorum ad cap. § 11. leviter admodum de Petri opere, nec ullum de eo fert judicium. *Petrus Natalis Episcopus Equilinus sub annum millesimum quadragesimum septuagesimum quasdam Sanctorum historias breviter concinnavit.* Sed in nova accessione, qua auctus est Bellarmini liber de Scriptoribus Ecclesiasticis, hujusmodi de hoc Petro judicium habetur: *Petrus de Natalibus ex Pastore seu Plebano Sanctorum Apostolorum Diocesis Castellaniensis factus Episcopus Equilinus in Gradensi Provincia perduxit ad exitum Catalogum Sanctorum anno 1382. die 26. Maji, quem ut simplicem nimium multi contemnunt.* Quamobrem haud gravate Bailletto concedimus, firmo sane fundamento carere nivis miraculum, si Natalis dumtaxat auctoritate fulciretur, tum quod multum temporis inter miraculum & Scriptorem intercesserit, tum quod non desint, quæ adversus ipsum historiæ auctorem jure excipi possint.

Historia hujus miraculi veteribus & fidelioribus fundamentis nititur quam testimonio Petri de Natalibus. Testatur de eo Nicolaus IV.

14 Verum a Bailletto in eo dissentimus, quod primus Petrus miraculum illud commemorarit; nec probamus, ab eo tantum fidei detrahi Romano Breviario. Fuit Petrus S. Antonini fere synchronus, teste Bollandus loc. cit. §. 4. *Suppar prope S. Antonino fuit Petrus de Natalibus Episcopus Equilinus.* Obiit S. Antoninus anno 1459. quamobrem Petrum anno 1470. ut tradit Miræus, scripsisse oportuit, non anno 1382. ut scribit Auctor additionis ad Bellarminum; nisi forte mendum in numeros irrepsit, & 1382. scriptum fuerit loco 1482. Nicolaus IV. Summus Pontifex anno 1287. ad Pontificiam Sedem electus non plus quam annos quatuor, mensem unum vixit, qui hoc miraculum in quadam

dam Bulla, primo sui Pontificatus anno edita, commemorat, nec quidquam de ejus veritate se dubitare ostendit. Eam refert Bullam Paulus de Angelis Tract. de Basilica S. Mariæ Majoris lib. 2. cap. 1. qui eam affirmat in Basilicæ Archivo asservari. *Cupientes igitur, ut Ecclesia nostra ad honorem Virginis ejusdem constructa, cujus quidem structuram gloriosus Deus in Sanctis suis per immisionem nivis æstus tempore mirabiliter indicavit, congruis honoribus frequentetur.* Ex quo luculenter apparet, miraculi nivis historiam non solius Petri fidei incumbere, sed vetustioribus solidioribusque fulciri fundamentis.

15 Huc accedit quod Gregorius XI. anno 1371. creatus Pontifex hujus miraculi mentionem injicit. *Intra nostræ mentis arcana revolventes, qualiter gloriosus Deus in Sanctis suis in majestate mirabili opera manuum suarum verificante olim miro disposito ordine, Ecclesiam B. Mariæ Majoris de Urbe fundari, ac construi, ac subsequenter etiam dedicari.* Pius etiam secundus in Bulla anni 1453. in marmore incisa, cujus membrana in Basilicæ servatur Archivo, teste De Angelis loco cit. idem miraculum diserte tradit. *In B. Mariæ Majoris Urbis Romæ Basilica Divino æstivæ Nivis miraculo edificata.* Insignis præterea hujus miraculi memoria traditur in veteribus manuscriptis, quæ in Romanis Tabulariis custodiuntur, ad quæ provocat idem De Angelis loc. cit. & Severanus de Septem Urbis Ecclesiis. Nec Romani tantum Scriptores, inter quos Baronius in Notis ad Martyrologium, Fulvius Romanus lib. 2. cap. 6. Panvinus de septem Urbis Ecclesiis, Severanus in Tractatu cognomine, Pompejus Ugonius Histor. de Urbis Stationibus, Paulus de Angelis in sæpe citato Opere de Basil. S. Mariæ Majoris; sed de eo abunde testantur etiam magni nominis Scriptores exteri, Sigonius tom. 1. de Occidentali Imperio pag. 240. nuperrimæ edit. Canisius de B. Virgine Deipara pag. 770. Florentinius loco supra allato. Nec vero sileri potest, hanc historiam in Breviariis Romano, Lateranensi, Vaticano, Liberiano, Cassinensi esse insertam, ut videre est apud De Angelis lib. 2. cap. 2. & a Pio V. in emendatione Breviarii Romani recognitam, nec tamen quidquam fuisse detractum de Nivis delapsæ miraculo, licet alia quædam, quod monuimus, ex iis lectionibus Sanctus ille Pontifex expunxerit. Quæ omnia moralem quandam conficiunt evidentiam de veritate Miraculi Nivis. Quamvis enim plura inter Liberium & Nicolaum Quartum secula intercefferint, in quibus nullum extat de re monumentum, pia tamen Traditio monumentorum vim obtinet; neque enim eam veteres promulgassent Romani Pontifices, asseruissent, propugnassent.

Gregorius etiam XI. Pius II. vetera manuscripta Breviaria quamplurima, Authores omnes Romani, Sigonius, Canisius, Florentinius Miraculi Nivis probant.

pugnassent, nisi altissimis etiam radicibus defixam comperissent. Communis etiam Scriptorum ex omni gente consensus plurimum habet auctoritatis, ubi non suppetunt monumenta; cum præferim, ut in nostro de Canonizatione Sanctorum Opere demonstravimus, ad historiam Romano Breviario inferendam, ac ex ea Festivitatem aliquam instituendam moralis quædam satis sit evidentia: neque enim piam traditionem, quod monumentis cœvis destituta sit, idcirco oportet corruiere, si insequentium temporum magni ponderis extant documenta, quibus ea probeatur, ut bene in rem nostram Papebrochius in Responson. ad P. Sebastianum par. 2. pag. 365. *Contingit etiam sæpe, Traditionis substantiam talem esse, ut nonnisi temere possit in dubium revocari, etiam cœvorum testimoniis destitutam.*

*Bollandistæ
Abbrum fugu-
larem polliciti
sunt de illa Fe-
stivitate ad Ni-
ves.*

16 Bollandistæ tom. 2. mensis Augusti in Prætermisiss pag. 2. Festivitatem hanc commemorant in hunc modum: *Festum ipsum signat Martyrologium Romanum his verbis: Romæ in Exquilis Dedicatio Basilicæ Sanctæ Mariæ ad Nives. Quæ Festivitas Romæ hoc die & toto Orbe Catholico solemnissime celebratur, eo nempe, quo nix ferventissima Cæli tempestate decidua, locum Templo designavit, quod a Liberio Pontifice conditum, a Sixto III. restauratum, ab aliis Pontificibus exornatum est. Sc alibi de ea sermonem habituros esse pollicentur: Nos eam Festivitatem cum aliis Christi Domini, & Beatissimæ Deiparæ eo remissimus, quo majores nostri peculiari Opere de iis agendum pridem polliciti sum. Quod quidem opus aliquando editum plurimum profecto lucis huic argumento affundet. Nos quidquid ad Festivitatem Dedicationis Ecclesiæ S. Mariæ ad Nives illustrandam pertinere comperimus, huc congestimus, nec quidquam nobis pro ratione instituti nostri reliquum est, quam ut ejus originem & progressum persequamur.*

*Dedicationis
Festum cele-
bratum in ea
Basilica seculo
12. manifeste
constat. Seculo
14. per totam
urbem celebra-
batur. S. Pius
V. jussu peragi
in Ecclesia uni-
versali.*

17 In Ecclesiæ Occidentalis antiquo Martyrologio, quod edidit, notisque illustravit Florentinus ad diem 5. Augusti hæc leguntur: *Romæ Dedicatio Basilicæ S. Mariæ. Quamvis enim nihil præterea sit additum, quod Ecclesiam indicet, de qua sermonem habemus, perspicuum tamen videtur iis verbis hanc significari Basilicam. Nam, ut monuimus, interdum appellari solet Basilica S. Mariæ; & quod ab eo Martyrologio abest, alia supplet Martyrologia juxta adnotationem Florentinii. Profecto constat Festivitatem hujus Dedicationis in ea Basilica seculo 12. celebrari consuevisse, ex Diplomatis Honorii III. Alexandri IV. Nicolai IV. penes Raynaldum ad ann. Chr. 1223. num. 22. & 1288. num. 42. & sequentibus. Verum quod ea Festivitas in*
Basi-

Basilica S. Mariæ Majoris magna solemnitate celebrata sit, non ex eo conficitur in aliis etiam Romæ Basilicis fuisse celebratam: ejus enim nulla sit mentio in Vaticanæ Basilicæ Calendario, quod edidit Cardinalis Thomafius ann. 1688. ut animadvertit Dominicus Georgius in erudita Dissertatione, *de Cathedra Episcopali Sedi Civitatis* in Appendice pag. 197. Quædam refert Solle-rius Martyrologia seculi 13. in Notis ad Martyrologium Ufuardi ad diem 5. Augusti, in quibus mentio fit Dedicationis Ecclesiæ S. Mariæ ad Nives, & S. Dominici. Sed ne id quidem satis est, quo probemus Festivitatem hanc cum Missa & Officio tota Urbe celebratam fuisse. Sanctus enim Dominicus obiit postridie Nonas Augusti, quo quidem die celebrata fuisset ejus solemnitas, nisi præfinitus jam esset dies ille Transfigurationi Jesu Christi. Itaque Gregorius IX. S. Dominici Festivitatem rejecit ad Nonas Augusti, quod quidem non fecisset, si dies Nonarum celebrando festo S. Mariæ ad Nives tota Urbe & Orbe Catholico constitutus fuisset; quod observavit Pagius tom. 3. Breviar. Romanor. Pontific. in vita Gregorii IX. num. 32. Itaque 14. seculo ad totam Urbem ea Festivitas extensa est; ac proinde Radulphus Tungen-sis Proposit. 22. inter Festivitates, quæ Romæ celebrantur, eam recenset. Quod autem ad universalem denique Ecclesiam ea solem-nitas permeaverit, id quidem ad S. Pii V. tempora referen-dum, qui Breviarium Romanum a se emendatum, in quo offi-cium etiam in Festo ad Nives correctum edidit, universo Orbi Catholico recitandum proposuit.

18 Denique ut nihil nobis reliqui faciamus, quod ad hujus Festi cognitionem pertinet, quæri potest, quid tandem causæ fuerit, ut tantopere hæc solemnitas celebraretur, & ad univer-salem Ecclesiam propagaretur. *Celebre est miraculum nivis, quæ Liberio Summo Pontifice circa annum Domini 367. partem Collis Exquilini sexta Augusti (quo tempore in Urbe maximi calores esse solent) noctu contexit: cujus rei memoria eadem die anniversaria celebritate ab universali Ecclesia colitur.* Verba sunt pii viri Petri Antonii Spinelli in Tractatu de Festis Dei Genitrici dicatis num. 10. & consentit Suarez tom. 1. de Religione lib. 2. cap. 8. num. 15. Fortasse dicat aliquis, primum hoc esse Templum, quod B. Virginis nomini Romæ dedicatum fuerit; sed repugnat Flo-rentinus exercit. 12. *Difficillimum ergo videtur Basilicam S. Mariæ sub Liberio ex prodigio æstivæ nivis constructam primam dicere.* Et sane cum in libro Pontificali de S. Callisto I. in ejus vita scriptum sit: *Fecit Ecclesiam S. Mariæ Trans Tyberim*, facile quivis intelligat S. Mariæ ad Nives Basilicam non eam esse, quæ

*Non omnium
prima fuit
hæc Basilica.
B. Mariæ con-
secrata. Cur
tanta celebri-
tate peragi-
tur. De Basil-
icæ seu Templi
Pantheon De-
dicatione.*

quæ Romæ prima fuerit in Beatæ Virginis honorem consecrata . Quosdam etiam alias antiquitatis cultores Ecclesias commemorant ante Dedicationem Ecclesiæ B. Mariæ ad Nives Sanctissimæ Dei Genitricis nomini dedicatas . Nos vero satis contenti sumus tueri posse, ante Dedicationem Basilicæ S. Mariæ ad Nives Romæ in ejus honorem a Callixto I. Ecclesiam TransTyberim fuisse consecratam . Quapropter, non quod prima dedicata sit ea Basilica B. Virgini, sed ex æstivæ Nivis miraculo solemnitas hujus Festi tanta, ejusque propagatio originem traxit . Quod observavit Guyetus de Festis propriis Sanctorum lib. 1. cap. 6. quæst. 13. ubi agens de Titulis dedicatarum B. Virgini Ecclesiarum, cum ad eos devenit, qui ex prodigiis & miraculis nomen habent, *Quo in genere*, inquit, *præcellit aliis omnibus ipsa S. Mariæ Majoris Basilica, una ex primariis & Patriarchalibus Urbis, ejus extruendæ occasionem dedit insigne Nivium miraculum, a quo & Sanctæ Mariæ ad Nives dici etiam consuevit* . Paucis ante Christi Domini ortum annis celeberrimum Templum Romæ Agrippa ædificavit *Pantheon* appellatum, quod fictitiis omnibus Gentium Diis dedicavit . Circiter anno 610. B. Virgini & Sanctis Martyribus Templum hoc consecrari Imperator Phocas a Bonifacio IV. Pontifice permisit, cui propterea *Sanctæ Mariæ ad Martyres* nomen inditum; & ex structuræ forma vulgo *Rotunda* appellatur . Celebris etiam hujus Templi fuit Consecratio, cujus Festo constitutus est dies 13. Maji, quo Sacra Cæremonia peracta est . Eam commemorat Beda in Martyrologio, & in Historia Anglica . Magna quondam hujus Festivitatís celebritas fuit Romæ, & in Gallia, ac de ea mentionem faciunt nostri seculi Martyrologia . Romanum eam habet ad diem 13. Maji . Nunc ejus Consecrationis Festivitas Romæ in ea dumtaxat Ecclesia celebratur; nec extra Romam usquam celebrari eam comperimus: sola Dedicatio Basilicæ S. Mariæ ad Nives tum Romæ, tum in omnibus Orbis universi Ecclesiis celebratur . Vide Bollandistas tom. 6. Maji pag. 75, & Bailletum ad diem 15. Augusti §. 5. num. 28. Paulus Diaconus de gestis Longobardorum nobilissimam ædem, Pantheon appellatam, ab Agrippa falsorum Deorum cultui extructam, scribit ab Imperatore Phoca Bonifacio IV. Pontifici datam, qui Templum illud in B. Mariæ Virginis, omniumque Sanctorum Martyrum honorem dedicavit; *ut ubi quondam non Deorum, sed Dæmonum cultus erat, ibi deinceps omnium fieret memoria Sanctorum* . Baronium in Notis ad Martyrologium Romanum ad diem 13. Maji hæc scribit: *Legi in ejus Ecclesiæ Codice Manuscripto, Templum illud dicatum in primis in honorem Genitricis*

nitricis Mariæ, omnium Sanctorum Martyrum & Confessorum, illataque illuc esse reperi duodeviginti curribus ossa Sanctorum Martyrum e diversis Urbis Cæmeteriis effossa, solemniterque comportata, ac decentissime collocata.

CAPUT VIII.

*De Festo Assumptionis Beatissimæ Virginis
ad diem 15. Augusti.*

DEcimaquinta Augusti die Assumptio B. Mariæ Virginis celebratur. Epiphanius hæresi 78. dubitat, an B. Virgo mortem obierit, quod ex ipsius verbis apparet, quæ ita vertit Janus Cornarus: *Querant vestigia Scripturarum, & invenient utique neque mortem Mariæ, neque an mortua sit, an non mortua, neque an sepulta sit, an non sepulta Non omnino desinio hoc, & non dico, quod immortalis mansit; sed neque affirmo, an mortua sit. Excedit enim Scriptura mentem humanam, & in suspensio reliquit propter vas preciosum, & excellentissimum, ut ne quis ad suspicionem veniat carnalium de ipsa rerum. Sive igitur mortua est, non novimus, sive sepulta est, non copulata fuit carni: absit. Alii vero ulterius progressi obfirmate negant, B. Virginem esse mortuam, utpote, quæ ab originalis peccati labe pura fuerit & integra, cujus peccati poena mors est, juxta illud Apostoli ad Rom. 5. Sicut per unum hominem peccatum in hunc mundum intravit, & per peccatum mors, & ita in omnes homines mors pervenit, in quo omnes peccaverunt. Et cap. 6. Stipendia peccati mors. Videatur P. Macedo de Clavibus Petritom, 1. lib. 4. part. 2. de Peccato Originali sect. 3.*

*Quorundam
sententia Del-
para nunquã
obit. De ejus
morte dubita-
vit Epipha-
nius.*

2 Venerabilis Petrus Canisius lib. 5. de B. Maria Deipara Virgine cap. 2. Epiphaniï moderationem demiratur, *Tam reverenter & modestè de Maria sentit ac loquitur Epiphanius, ut de illius morte ac sepultura non ausit certi aliquid definire.* Advertit, illum novisse eorum sententiam refellere, qui affirmant, B. Virginem mortuam esse, & sepultam. *Ad hæc ex dictis Epiphaniï verbis colligi potest, quod etiam si nihil ipse certi hoc loco statuat, tamen nec improbet illorum sententiam, qui vere mortuam ac sepultam, adeoque in Cælis assumptam Virginem credunt.* Denique concludit, ea Epiphaniï dubitatione nihil de communi Græcorum & Latinorum detrahi sententia, quæ statuit B. Virginem obiisse. *Quod si vir Sanctus hæc de re dubitavit, ne id quidem prohibet, quominus mortem, sive dormitionem Deiparæ cum Ecclesia confi-*

Communi Græcorum & Latinorum sententia B. Maria mortuam obiit.

teamur, eamque confessionem publicis scriis testificemur, ut non modo Latini, sed Græci etiam tot seculis diligenter observant. Etenim unius aut alterius Doctoris opinio, siue sententia eam vim non obtinet, ut aliis aliter meliusque sentientibus præiudicium asserere, multoque minus ut communem Ecclesiæ fidem, sententiam, atque auctoritatem labefactare possit, aut debeat.

Baronii moderatio crederetur veteres Patres. Epiphanium vel excusos, vel defendit.

3 Magnus Baronius, paratus semper tueri, ut par est, dicta Patrum, & in bonam partem accipere, ad ann. Chr. 48. num. 11. & 12. considerat, Epiphanium adversus hæreticos scribere, qui spurcissimis calumniis puritatem B. Virginis impetebant; qui, ut offendat nullo eam carnis motu tentatam, ait, ex Scriptura ne illud quidem probari posse, B. Virginem mortem obiisse; atque, ut fere contingit ei, qui errorem aliquem suscipit refellendum, vehementiori studio abreptus, terminos veritatis prætergressus, contrario errori videtur esse affinis. Ad neutram partem inclinans satis esse censuit, vel ex hac parte sublimem illam Dei Genitricis excellentiam hostibus demonstrasse, & quam illa procul fuerit ab omni carnis illecebra, quæ nec an mortuâ fuerit, posset ex divinis Scripturis ostendi, eisdem insinuasse. Ceterum condonandum illi, si (quod & aliis sanctissimis atque eruditissimis viris accidisse reperitur) dum ardentiori studio in hostes invehitur, vehementiori impetu in contrariam partem actus, lineam videatur aliquantulum veritatis esse transgressus. Catholica quippe Ecclesia nullam de obitu Dei Genitricis dubitationem admittit, sed quam novit humanæ fuisse naturæ consortem, humanam pariter moriendi necessitatem expertam affirmat.

Rationes, quare dubitari non possit, B. Mariam mortem obliisse.

4 Alii confidentius respondent, nullam de B. Virginis obitu dubitationem oriri posse ex Sacrarum Scripturarum silentio; Evangelio enim nihil aliud contineri, quam Jesu Christi vitam usque ad ejus ascensum in Cælum; Acta Apostolorum res gestas complecti usque ad ea tempora, cum in suam quisque provinciam ad Evangelium prædicandum profectus est; iis etiam comprehendendi Acta Sanctorum Apostolorum Petri & Pauli usque ad 4. Neronis annum & sexagesimum tertium a Christo nato, reliquis vero Sacris Apostolorum Scripturis non historiam, sed Evangelicam tradi doctrinam. Vide Canisium de Maria Deipara Virgine lib. 4. cap. 2. in fine. Quod vero ad illud attinet argumentum, Beatam Virginem, sicut pura fuerit ab originali labe, ita morti non fuisse obnoxiam, aperta lex est, quicumque natus sit, cum mori omnino oportere. Quis est homo, qui vivit & non videbit mortem? Psalmo 88. & Ep. ad Hebræos 9. Statutum est hominibus semel mori. Fide certo novimus, Christum Dominum nullam

nulla peccati originalis labe fuisse contactum: & S. Augustinus lib. 2. de peccator. meritis & remissione cap. 29. docet, nisi in ipso ætatis flore fuisset Cruce necatus, pro naturali hominis conditione, ætati succedente ætate, tandem moriturum fuisse; carnem enim nostræ similem assumpsisse, licet ab omni peccato integram. *Sed quia erat in eo similitudo carnis peccati, mutationes ætatum perpeti voluit, ab ipsa exorsus infantia, ut ad mortem videatur etiam senescendo illa caro potuisse pervenire, nisi juvenis fuisset occisus; quæ tamen mors in carne peccati inobedientiæ debita redditur, in similitudine autem carnis peccati obedientiæ voluntate suscepta est.* Denique mors considerari potest dupliciter, vel tanquam conditio naturæ, quæ, cum contrariis rebus conflata sit, tandem aliquando corrumpi eam necesse est, vel tanquam peccati Adæ pœna, qua privilegium illud originalis iustitiæ amissum, quod impediēbat ne homines morerentur. Itaque etsi Beata Virgo ex hac posteriori causa mori non debuisset, priore tamen morti eam obnoxiam fuisse oportuit. Atque hæc est communis omnium doctrina. Theophilus Raynaudus in Diptychis Marianis tom. 7. num. 5. pag. 124. putat faciliorem eam esse hujus solvendæ difficultatis rationem, si dicamus, B. Virginem, a peccato originali licet immunem, eam tamen Adæ filiam fuisse; ac propterea iis peccati pœnis eam obnoxiam fuisse, quæ eam minime dedecere, cujusmodi mors est. *Quare planius & expeditius dicetur, Beatam Virginem, etiamsi a peccato prorsus immunem, tamen, quia filia Adæ erat, pœnalitatibus nostratibus, quæ ipsam non dedecorent, inter quas est mors, fuisse obnoxiam; atque adeo mortis dubium solvisse, & mori debuisse: eamque esse pœnam peccati, quod Adamus actualiter admisit, & in omnes posteros, quantumvis ab omni culpæ labe puros, infeliciter diffusa est, nihil vetat affirmare.*

5 Itaque concludendum, B. Virginem obiisse, ejusque animam corpore fuisse seclusam, veramque esse hanc Ecclesiæ sententiam Traditione innixam, ut innuit S. Gregorius in Sacramentario, qui in Missa Assumptionis B. Mariæ ait: *Veneranda nobis Domine hujus est diei Festivitas, in qua sancta Dei Genitrix mortem subiit temporalem.* Et paullo post: *Subveniat Domine plebi tuæ Dei Genitricis oratio, quam etsi pro conditione carnis migrasse cognoscimus, in cælesti gloria apud te pro nobis orare sentiamus:* quæ etiamnum in Secreta & Collecta Ecclesia recitat, ut bene advertit Tillemont, tom. 1. Nota 17. ad vitam B. Virginis. Quo vero ætatis suæ anno, atque ubi ea migraverit e vita, quærent Ecclesiasticæ antiquitatis cultores.

*Atque ea est
Ecclesiæ sen-
tentia.*

*Quoto ætatis
sue anno B.
Virgo mortua
sit, variæ sen-
tentia.*

6 Annum quo mortua sit, non definit Andreas Cretensis in Oratione prima in Dormitionem Sanctissimæ Deiparæ in Biblioth. Patrum tom. 10. pag. 655. sed ait, *illam migrasse ab humanis, ubi ad extremam devenisset senectutem*. Nicephorus Evodii innixus auctoritati putat usque ad quinquagesimum nonum vixisse ætatis suæ annum. Epiphanius Presbyter Constantinopolitanus opinionem affert Hippolyti Thebani septem & quinquaginta natam annos e vita excessisse; deinde vero ab opinione recedens Hippolyti duos illi tribuit & septuaginta annos. Alii vero ex quadam Traditione contendunt, tertio & sexagesimo anno mortem obiisse. Vide Baronium ad ann. Chr. 48. §. 5. Postremam hanc sententiam amplectitur Cardinalis Bona in Horologio Ascetico cap. 5. §. 7. *Corona*, inquit, *B. Virginis ex sexaginta tribus Salutationibus Angelicis componitur & septem Orationibus Dominicis*. Est autem hæc precatio ex sexaginta tribus Angelicis Salutationibus compacta juxta numerum annorum, quibus *B. Virgo in terris vixisse creditur, ut fert Doctorum probabilior sententia*. Opiniones omnium affert Benedictus XIII. serm. 96. de B. Virgine, ac ad veritatem ait accedere illam sententiam, quæ B. Virgini duos tribuit & septuaginta annos. Consentiunt S. Antoninus, a Lapide, Suarez, & Cardinalis Gottus de veritate Relig. Christi tom. 4. par. 2. cap. 40. §. 3. num. 12. & 13. Sed nihil ea de re quidquam ut exploratum certumque definiri potest, ut bene advertit Durantus Episcopus Montis Feltri in Notis ad Revelat. S. Birgittæ lib. 6. cap. 61. tom. 2. *Inter tot gravissimorum hominum opiniones, quæ hac de re circumferuntur, difficile sane est aliquid certi pronunciare*. Et paullo post: *Cæterum quid inter tot virorum doctorum opiniones sentiendum sit, non audeo definire*.

*Quidam putant
Deiparam in
Hierosolymis
obiisse. Hi-
storia transla-
ti ejus Corporis
Constantino-
polim ad
Marcianum.
& Pulcheriæ.*

7 De loco ubi ea mortua sit, duo circumferuntur sententiæ. Quidam putant Hierosolymis obiisse; quæ opinio nititur S. Damasceni auctoritate, qui in Homiliis de Dormitione B. Virginis, ac præsertim in secunda num. 18. Euthymianæ historiæ fidem sequutus, narrat, Marcianum, & Pulcheriam desiderio incensos reperiendi Corpus B. Virginis, accersito ad se Juvenali Hierosolymorum Episcopo, significasse consilium suum Constantinopolim in Ædem amplissimam S. Mariæ in *Blachernis*, quam Pulcheria ædificaverat, asportandi Sanctissimum Corpus, quod Hierosolymis in Æde eo loco extructa, qui Gethsemani appellatur, conditum esse acceperant: Juvenalem respondisse, sepulchrum quidem extare in Gethsemani, corpus vero non item; triduo post Beatissimæ Matris obitum, Apostolos monumento recluso nihil præter vestes reperiisse, e quibus suavissimus spirabat odor: ac
tum

tum Marcianum, & Pulcheriam iussisse, si pulchrum cum vestibus probe obsignatum in modo memoratam *Ædem in Blachernis* transferrit; ut videre est apud Nicephorum lib. 14. cap. 2. & lib. 15. cap. 4.

8 Hanc vénéralis Canisius opinionem sequitur lib. 5. cap. 3. de Maria Deipara Virgine : *Primum in eo veneranda conspirat antiquitas, Mariam post Filium in Cælos assumptum Hierosolymis non solum, ut diximus, habitasse, sed etiam extremum clausisse diem, fortasse ut formosa filia Hierusalem a terrestri ad cœlestem Hierusalem recta proficisceretur. Hinc magnum decus accessit Ecclesiæ Hierosolymitanæ, utpote quæ non modo Apostolis, & nascenti Christiānismo, sed etiam Deiparæ diuturnum hospitium præbuit; quandoquidem hæc post Filii sui Resurrectionem illic vitam suam egit atque complevit, sed & sepulture locum ibidem accepit, quemadmodum indicat Damascenus. Eiusdem multo antea fuit sententiæ Guericus Abbas S. Bernardi Discipulus, qui sermone 2. de Assumptione, Ob hoc ipsum, inquit, creditur in Valle Josaphat commorata (B. Virginem) ubi & sepulchrum ejus monstratur. Et Urbanus II. Summus Pontifex sermone quem habuit in Claromontana Synodo anno 1095. ait in Valle Josaphat fuisse sepultam. Burcardus, Scriptor Nicephoro multo recentior, in Part. 1. c. 7. §. 46. scribit, se Hierosolymis veneratum esse B. Virginis sepulchrum in Templo S. Helenæ opera extructo, aitque, a Turcis quoque ipsis veneratione aliqua & osculis coli. Idem confirmat Adricomius num. 198. Postremo Petrus a Valle in Epist. 13. Aleppo data anno 1616. affirmat, se in ima Valle Josaphat, quam interfluit torrens Cedron, veneratum esse B. Virginis sepulchrum Templo ipso sublimius passibus quinquaginta. Hæc pugnare videntur cum iis, quæ Nicephorus narrat: sed Florentinius in Exercit. 5. ad diem 18. Januar. ita omnia componit: Potuit ergo Pulcheria non saxum tumulum, cellulam, seu mensam Constantinopolim transferre, sed sacrum illud Fœdus, ad cuius contactum prædicia illa emanarunt; quæ habentur in Historia Transitus B. Mariæ; quod potuit ab Apostolis in ipsa sepulchrali cellula poni in Assumptionis argumentum. Quaresmius in Elucidat. Terræ Sanctæ lib. 4. cap. 1. & sequen. tom. 2. narrat, extra Hierosolymam in media valle Josaphat prope Gethsemani sub monte Oliveti sitam esse amplam Ecclesiam in honorem Deiparæ dedicatam, in qua est B. Virginis Sepulchrum, quo ab Apostolis ejus corpus illatum fuit, & unde reviviscens ab Angelis in Cœlum sublata est: ad hanc Ecclesiam Franciscanos Fratres, aliosque Sacerdotes ventitare, ut in ea Missam celebrent: & in die Assumptionis B. Virginis eosdem Fratres ibi celebrandæ solemnitatis gratia integrum diem sumere,*

9 Hanc

*Canisius eam
sententiam se-
quitur, alit-
que vetusti
Scriptores.*

*Euthymii & Juvenalis fides illi cle-
vans, quorum testimonio ni-
tatur historia de translatio-
ne deiparae cor-
poris Constanti-
nopolim.*

9 Hanc autem sententiam quidam minime probant: non enim novimus, quis ille tandem sit Euthymius historicus, a quo Damascenus, Andreas Cretensis, Nicephorus, aliique mediæ ævi Scriptores acceperint, B. Virginem Hierosolymis obiisse. Huc accedit, Juvenalem a Cyrillo Alexandrino, & Leone Magno seditionis multorumque scelerum, ac præsertim corruptarum tabularum reum existimari. Quæ argumenta profert Serry adversus eos, qui statuunt, B. Virginem Hierosolymis obiisse; quamvis enim Sandinus Histor. Famil. Sacræ pag. 373. respondeat, Juvenali non ideo fidem abrogandam, quod profligatus falsariusque fuerit: *Probare necesse est atque ostendere re ipsa hanc historiam, de qua loquimur, ab eo fuisse, præsertim sine ulla necessitate, confictam. Non enim tunc de Fidei negotio, sed de factis agebatur, de quo in præsent, non de illius moribus querendum est: Nihilominus Serry mordicus suam sententiam tenet; & adversus Sandinum regerit in cap. 17. suæ Responsionis, Juvenalem, qui Tabulas depravare soleret, cum ad Marcianum scriberet, & Pulcheriam, multo facilius mendacium potuisse confingere. Qui autem aliorum scripta falsare solitus erat, annon falsam Epistolam Marciano, & Pulcheriæ scribere potuit? Falsam, inquam, non quæ suum mentiretur Auctorem, sed quæ falsum de Mariano Sepulchro Gethsemani juxta Hierosolymam extante testimonium contineret: præsertim vero, quod cum Episcopus esset Hierosolymitanus, cum credere par est studiosum fuisse gloriæ Ecclesiæ suæ, cui quanta honoris fieret accessio ex eo, quod B. Virgo Hierosolymis mortua & sepulta fuisset, nemo est qui non videat. Atque ut paucis concludamus, juxta Jurisperitos falsus in uno præsumitur falsus in omnibus, eoque magis tum cum verisimilis est causa, quamobrem falsam rem commentum illum, fuisse ac venditasse suspicemur: quæ quidem omnia mirifice juvant eos, qui negant, Juvenali ullam esse fidem adhibendam.*

Illi putant, mortuam esse Ephesi. Locus ex Epist. Synodica Conc. Ephesi veluti hians a quibusdam crudeliter expletus.

10 Qui Juvenalis auctoritatem respuunt, nec sibi persuadere possunt, B. Virginem Hierosolymis obiisse, putant mortuam esse Ephesi: atque provocant ad Epistolam Ephesini Concilii Synodicam anno 431. ad Clerum Populumque Constantinopolitanum; ubi scriptum est, Nestorium Ephesi esse condemnatum, in qua (urbe) *Joannes Theologus, & Deipara Virgo Sancta Maria.* Abesse ab hoc loco verbum, nemo est qui non videat; inde nova oritur controversia, Combessius, ut sensus constet, addit, aliquando habitaverunt, vel ædes habent, vel in honore habentur; quam emendationem probant ad marginem ejus Epistolæ Harduinus & Labbeus. Consonat Baronius ad ann. Chr. 44.

num. 29. Ea vero lectio etiam si recipiatur, non tamen conficitur ex epistola, B. Virginem Ephesi mortuam esse. *Ephesi mortuam colligunt alii ex Epistola Concilii Ephesini ad Clerum & Populum Constantinopolitanum scribentis, ea in Urbe damnatum Nestorium, in qua Theologus Joannes, & Dei Genitricis Virgo Sancta Maria. Verum hæc non significant extare Ephesi Sancti Joannis, & Deiparæ Virginis sepulchra, vel corpora, sed ibi Templâ in eorum memoriam erecta; Verba sunt Natalis Alexandri Hist. Eccl. sect. 1. cap. 1. art. 3. num. 5.*

11 Neque vero nova hac commoventur controversia, qui Ephesi B. Mariam obijisse contendunt; quin mirari se dicunt ad illum epistolæ Synodicæ locum ejusmodi interjici supplementa. In his enim verbis, *In qua Theologus Joannes, & Dei Genitrix Virgo Sancta Maria*, juxta regulas; & Græci sermonis elegantiam *est* vel *sunt* subaudiendum esse, quarum alterutra voce putant rem omnem confici. Nam cum in Epistola Synodica scribat Ephesinum Concilium, condemnatum Ephesi Nestorium, *in qua (urbe) Joannes Theologus, vel Theologus Joannes, & Deip. Virgo S. Maria, vel Dei Genitrix Virgo S. Maria est, vel sunt*; cumque non amplius viverent S. Joannes, & B. Virgo, nulla alia huic loco tribui potest sententia; quam quod Joannis, & B. Virginis sepulchra essent Ephesi. Baiffetus in vita SS. Mariæ Virginis ad diem 15. Augusti §. 1. num. 8. ait, hanc sententiam ad veritatem multum accedere. Tillemontius Nota 16. ad vit. B. Virginis manuscriptos desiderat Codices, ubi supplementa legantur, quæ superius attulimus; quoad vero ejusmodi codices inveniuntur, nihil ibi subaudiri posse ait, quam vocem *est*, vel *sunt*, quæ vox probat eorum sepulchrum Ephesi extare. Hanc Tillemontij sententiam confirmat longo sermone Serry Exercit. 65. num. 5. Et cap. 18. *Responsionum ad Sandinum* se ab eo accusatum conqueritur, non quod Deiparam Ephesi obiisse certo affirmaverit, sed quia ejusmodi sententiam verisimiliorem dixerit.

12 Nos in utraque controversia tum de anno tum de loco quo obiit B. Virgo, nullius partes sequimur, satis contenti diversas recensuisse sententias, & fundamenta, quibus quæque earum innititur. Illud tamen repetimus, exploratum esse B. Virginem ex hac vita migrasse, ejus animam a corpore fuisse sejunctam, statimque, nulla vel minima mora interjecta, non solum Beata Visione fuisse præditam, sed sublatam ad Empyreum, & exaltatam esse super Choros Angelorum. Eugenius enim IV. in Decreto Unionis Sessione ultima Concilii Florentini definivit, *Divorum animas, qui post Baptisma suscepum nullam omnino*

Nihil nihil ab eo loco abesse arbitrantur; & ex eo confici statunt, Deiparam Ephesi mortuam obiisse.

De anno & loco mortis Deiparæ nullius partes sequitur Auctor. Statuitur obiisse, & statim corpore & anima in Cælum sublata.

peccati maculam incurrerunt &c. in Cælum mox recipi, & intue-
ri clare ipsum Deum Trinum & Unum sicuti est: idque confir-
mavit Innocentius IV. Constitut. Sub Catholica, & Benedictus XI.
Extravaganti *Benedictus Deus*. Neque hic prætereundum, quod
fusus infra docebimus, Beatæ Virginis corpus paullo post obi-
tum, incorruptibili & gloriosa temperatione suscepta, rursus
cum anima coaluisse, & nunc in Cælo esse: *Virginis privile-
gium est, quod cum corpore suo, uti credimus, in Cælo vivit*:
verba sunt Hugonis de S. Victore lib. 3. Erudit. Theolog. ex mi-
scell. secundi Codicis cap. 125. Quidam ineptiarum artifices scri-
pserunt, animam B. Virginis corpori toto eo tempore adstitisse,
quo jacuit in sepulchro; alii somniarunt, animam Deiparæ Ange-
lorum stipatam comitatu descendisse ad inferos, ut Majestatis suæ
præsentia Dæmones perterrefaceret. Sed somnia hæc sunt, &
vigilantia aut ægrorum deliramenta, ut advertit Saxius tom. 2.
de Laudibus Mariæ pag. 227. lit. D.

*Discrimen in-
ter Ascensio-
nem Christi &
Mariæ Assum-
tionem.*

13 Nihil aliud est Deiparæ assumtio, quam gloriosa quædam
animæ & corporis translatio B. Virginis, quæ revixit. Illud in-
ter Ascensionem & Assumptionem intercedit discrimen, quod
Ascensio de Christo, qui *propria virtute ascendit in Cælum*, As-
sumtio dicitur de B. Virgine, quæ post reditum ad vitam pecu-
liari privilegio corpore & anima in Cælum sublata est, ut ait
Spinellus Tract. de Maria Deipara cap. 12. num. 2. *Christi dici-
tur Ascensio, quia propria virtute in Cælum ascendit; & Deipa-
ræ dicitur Assumptio, quia singulari Dei privilegio corpore & ani-
ma in Cælum est evecta*; quod multo antea B. Petrus Damiani ani-
madvertit Serm. de Assumptione; *Ascendit Salvator in Cælum po-
testativæ virtutis imperio, sicut Dominus & Creator, Angelorum
comitatus obsequio, non auxilio fultus. Assumpta est Maria in Cæ-
lum, sed gratiæ sublevantis inditio, comitantibus, & auxilianti-
bus Angelis, quam sublevarat gratia, non natura*.

*Singulares
Deiparæ vir-
tutes, & Pri-
legia persua-
dent ejus As-
sumtionem.*

14 De B. Virginis Assumptione disseruimus l. 1. de Canonizat.
Sanctor. cap. 42. num. 15. quo in loco animadvertimus, digni-
tatem, qua ut Dei Mater cæteris antecellit, excellentem Virgi-
nitatem, insignem sanctitatem, qua omnibus præstat & Angelis
& hominibus, intimam cum Jesu Christo filio suo conjunctio-
nem, summumque Filii in Sanctissimam Matrem suam amorem,
hæc omnia totidem esse Theologicas rationes, quibus satis osten-
ditur, singulari Resurrectionis privilegio B. Virginem esse au-
ctam, atque in Cælum anima & corpore esse assumptam; quapro-
pter Claudius Joly Dissert. de verbis Usuardi pag. 14. ubi causam
exponit, cur eam Dissertationem conscripserit: *Quis enim*, in-
quit,

quit, negare valeat, *Assumptionem talem ab Omnipotenti Deo fieri potuisse? Quis asserere præsumat, Deum ita fieri noluisse? Quis proferre audeat, Beatissimam Virginem, quam Angelus ab ipso Deo missus salutavit & cælesti gratia plenam esse asseveravit, postquam Dei Mater esse cepit, peculiarem hanc gratiam non meruisse?*

15 Qui cognoscere cupiat, quibus testimoniis Assumptionis privilegium probetur, cum satis esse videretur ad Petrum Canisium amandare, qui lib. 5. cap. 5. De Maria Deipara Virgine Patrum & Theologorum dicta collegit. Verum cum auctoritates quasdam a Canisio ex Patribus depromptas juxta Criticæ regulas auctoribus, quorum nomine circumferuntur, falso tribui compertum sit, cujusmodi sunt sermones quidam Athanasii, Hieronymi, Augustini nomen præferentes; nos propterea dicimus: Primo vetustissimos quidem primævæ Patres Ecclesiæ de corporali B. Virginis Assumptione siluisse; medii tamen ævi postremæque ætatis Patres tum Græcos, tum Latinos eam disertissime tradidisse. Ex Latinis Gregorius Turonensis lib. de Miraculis cap. 4. ita scripsit: *Dominus susceptum Virginis corpus Sacratissimum in Paradisum deferri jussit, ubi nunc, resumta anima, cum electis ejus exultans, æternitatis bonis nullo occasuris sine perfruitur.* S. Idelfonsus Toletanus seculi septimi Scriptor serm. 6. de Assumptione: *Nec sane, inquit, illud omittere debemus, quod multi pietatis studio libentissime amplectuntur, eam hodierno die ad Cæli Palatia corporaliter fuisse sublevatam.* Nec ab iis discrepant, quæ scribit Fulbertus serm. 2. de Nativitate, B. Petrus Damiani serm. de Assumptione, Petrus Blefensis serm. 28. item de Assumptione, qui Scriptores undecimo & duodecimo seculo floruerunt. Ex Patribus Græcis septimi, & octavi seculi occurrit Andreas Cretensis Orat. 2. de Laudibus Assumptæ Virg. Germanus Constantinopolitanus Patriarcha Orat. 1. in Dormitione Deiparæ, & Damascenus Orat. 2. in Dormitione B. Mariæ num. 14. ut ex his verbis colligitur: *Sanctissimum corpus clarissimo præstantissimoque tumulo imponitur, unde triduo post in Cælum attollitur sicuti sanctum incorruptumque illud corpus, quod Deus ex ea Personæ suæ copulaverat, tertia die e monumento surrexit, sic etiam hanc e tumulo abripi, Matremque ad Filium migrare par erat.*

16 Secundo loco dicimus, hanc esse communem omnium Theologorum sententiam, quibus præit D. Thomas 3. par. qu. 27. art. 1. ubi S. Doctor probandum suscipit, B. Virginem in Matris utero sanctificatam fuisse, exemplumque petit ab ejus in Cælum

Hæc est sententia Patrum Græcorum & Latinorum. Nō apud vetustos Patres eo de silentium.

Idem sentiunt D. Thomas, & omnes Theologi.

corporali Assumptione : *Dicendum , quod de sanctificatione B. Mariæ , quod scilicet fuerit sanctificata in utero , nihil in Scriptura Canonica traditur ; quæ etiam nec de ejus Nativitate mentionem facit . Sicut tamen Augustinus in sermone de Assumptione ipsius Virginis (ita vulgo existimabatur) rationabiliter argumentatur , quod cum corpore sit assumpta in Cælum , quod tamen Scriptura non tradit ; ita etiam rationabiliter argumentari possumus , quod fuerit sanctificata in utero .* Eandem doctrinam supponit 3. part. quæst. 83. art. 5. *ad octavum ; eamque diserte tradit Opusc. 4. in expositione Salutationis Angelicæ , ubi de maledictionibus agens in hominem a Deo propter peccatum immissis : Tertia , inquit , fuit communis viris & mulieribus , ut scilicet in pulverem reverterentur : & ab hac immunis fuit B. Virgo , quia cum corpore est assumpta in Cælum . Credimus enim , quod post mortem resuscitata fuerit , & portata in Cælum . Psal. 131. Surge , Domine , in requiem tuam tu & arca sanctificationis tue .*

Eam sententiam amplexa est universa Ecclesia , ut apparet ex vetustissimis Sacramentariis Gelasiano & Gregoriano .

17 Tertio dicimus , in hanc sententiam Ecclesiam venisse . S. Gregorius Magnus in Sacramentario ex Gelasiano Codice a se collecto hanc ponit Orationem in Assumptionis solemnitate recitandam : *Veneranda nobis , Domine , hujus diei Festivitas opem conferat salutarem , in qua Sancta Dei Genitrix mortem subiit temporalem , nec tamen mortis nexibus deprimi potuit , quæ Filium tuum de se genuit incarnatum .* Neque enim ullus alius tribui potest sensus illis verbis mortis nexibus , quam ut corporis corruptionem significant , a qua per triumphalem in Coelum assumptionem suam liberata est . In veteri Gallicano , seu Gothico Missali ante nongentos annos scripto , quem claræ memoriæ Cardinalis Thomasius , & Mabillonius ediderunt , in Missa de Assumptione S. Mariæ post nomina leguntur hæc in Collecta : *Fusis precibus Dominum imploremus , ut ejus indulgentia illuc defuncti liberentur a Tartaro , quo B. Virginis translatus Corpus est de sepulchro .* Et in Præfatione Sacerdos B. Virginem in hunc modum alloquitur : *Recte ab ipso suscepta es in Assumptione feliciter , quem pie suscepisti conceptura per Fidem , ut quæ terræ non eras conscia , non teneret rupes inclusa .* In Festo Assumptionis Ecclesia legit Sanctorum Joannis Damasceni , & Bernardi Homilias , in quibus disertissime traditur , B. Virginem corpore & anima in Cælum assumptam ; quod quidem indicio & argumento est , Ecclesiam hanc amplexam esse sententiam . *Dei Ecclesia (sunt Baronii verba in Notis ad Martyrol. Romanum ad 15. Augusti) propensior in eam partem videtur , ut una cum corpore assumpta sit in Cælum . Nam in hujus diei celebritate illas Sanctorum Patrum homi-*

homilias legendas tradit, quibus ea de Assumptione affirmantur. Denique Ecclesia Græca non id solum testatur in Menologio ad diem 15. Augusti, sed confirmat etiam in Hierosolymitana Synodo a Dositheo anno 1672. adversus Calvinistas habita, ubi in capite de Cultu Sanctorum hæc de B. Virgine habentur: Ipsa est procul dubio Virgo Sanctissima, quæ magnum in Terra signum cum existeris, eo quod Deum in carne genuit, & post partum integerrima Virgo permansit, recte etiam signum esse dicitur in Cælo, eo quod ipsa cum corpore assumpta est in Cælum. Et quamvis conclusum in sepulchro fuerit immaculatum Corporis ejus Tabernaculum, in Cælum tamen, uti Christus fuerat assumptus, tertio & ipsa die in Cælum migravit.

18 Postremo dicimus, non esse Fidei articulum Assumptionem B. Virginis, quod lib. 4. contra Cajetanum contendit Catharinus; nam quædam Scripturæ loca, quæ ad eam opinionem constabiliendam solent afferri, aliter etiam explicari possunt; nec ejusmodi est Traditio, quæ satis sit ad evehendam hanc sententiam ad gradum articulorum Fidei, quod advertit Dominicus Sorus in 4. sentent. dist. 43. qu. 2. art. 1. cujus auctoritatem ipsi attulimus etiam tom. 1. de Canonizat. Sanctor. loco supra cit. *Nondum tamen inter Fidei articulos creditu necessarios relata est, quamvis sit piensissime credendum; nam in Collecta illius Felsi ait Ecclesia, quod nexibus mortis d. primi non potuit. At si non Fidei articulus, sed pia tantum & probabilis opinio est, numquid licuerit eam amplecti, vel aspernari, tueri, vel refellere? Minime vero: Qui hæc inter Christianos blateraret ait Claudius Joly loc. cit.) non modo impius & blasphemus, sed etiam stultus, & omnino mentis expertus haberetur. Suarez 3. par. qu. 37. art. 4. disputat. 25. sect. 2. sic docet: Sententiam Assumptionis Virginis in corpore & anima in Cælum non esse de fide; quia neque est ab Ecclesia definita, neque est testimonium Scripturæ, aut sufficiens Traditio, quæ infallibilem facias fidem; tamen summæ temeritatis reus crederetur, qui tam piam religiosamque sententiam hodie impugnaret. Et Theophilus Raynaudus in Diptychis Marianis tom. 7. Operum suorum pag. 220. expendens, quæ supra attulimus verba Baronii, qui propensiores ait esse Ecclesiam ad eam sententiam, quæ statuit B. Mariam in Cælum corpore & anima fuisse assumptam: *Tanta autem est, inquit, propensio, ut non censeam a morigero Ecclesiæ filio aliud dici posse. Sapienter Casaubonus Exercit. 14. §. 11. animadvertit: Ecclesiæ sensum ne tacitum quidem esse contemnendum: Thomassinus Tract. de dieb. Fest. celebritate lib. 2. cap. 20. ita scribit: Non dubitamus, quin Vir-**

*Assumptio Dei-
pare non est
Fidel articu-
lus. Sed eam
qui negaverit
temeritatis
summæ no-
tandus*

go Dei Parens corpore quoque in Cælo degat, tametsi Fides divinæ hoc minime docet &c. Quot enim sunt, quæ cum minime rata sint, & divina Fide nixa, ad examen tamen revocare non licet? Tollenda prorsus esset omnis humani generis societas, si cobiberi oporteret assensionem, quosies non suppetit evidens ratio, vel auctoritas, quæ errori non sit obnoxia. Celebris Theologus Melchior Canus lib. 12. de Locis Theolog. cap. 10. ita in rem nostram disputat: *B. Virginem non esse in Cælos cum corpore assumptam, licet Fidei minime adversum sit, quia tamen communi Ecclesiæ consensioni repugnat, petulanti temeritate diceretur.* Natalis Alexandri Hist. Eccl. seculi 2. cap. 4. §. unico in additionibus non diffitetur, negasse se Assumptionem B. Virginis esse Fidei articulum; sed pietatis, inquit, officio non defui, nec dubitavi, aut in dubium revocari posse censui, num Deipara Virgo redivo corpore in Cælum assumpta sit; quin immo eam sententiam omnino amplectendam esse dixi, ut piam, ac congruis rationibus longe probabiliorem, quia ut talem amplectitur Ecclesia; adeo ut temeritatis notam non effugeret, qui de illa dubitaret. Card. Gottus 2. part. tom. 4. de verit. Relig. Chr. cap. 41. cap. 2. num. 20. temerariam esse pronunciat hanc propositionem, B. Virginem corpore & anima non esse in Cælum assumptam, & qui eam propugnaret, vehementer de hæresi cum fore suspectum, non quod Catholicæ Fidei adversaretur, sed quod præsumi posset, falso eum judicare B. Virginis venerationem per errorem ab universalī Ecclesia proponi. Et Venerabilis Petrus Canisius lib. 5. de Deipara Virgine cap. 5. in eundem fere modum loquitur: *Secus qui sentiunt ac loquuntur (adversus B. Mariæ Assumptionem) licet in errorem sacris litteris adversantem non impingant, tamen non sapiunt ad sobrietatem; optimis & clarissimis Patribus contradicunt; a communi bonorum credulitate atque confessione, quæ jam vim legis obtinet, non sine periculo sese subducunt; neque solum eximio dignissimæ Virginis honori derogant, sed etiam vere divinum illud miraculum, quod in corporali Matris Domini Resurrectione & Assumptione resurget, ac mirifice Angelos ac pios recreat, majorem in modum emervant extenuantque.*

Objectiones
adversus Deipara
Assumptionem.

19 Quod si quis adversus ea, quæ hætenus attulimus, obijciat, non ita fidenter Patres de Assumptione B. Virginis esse loquutos, Epiphanium, Auctorem Epistolæ seu sermonis de Assumptione B. Mariæ Virginis, qui Sophronio tribuitur, Venerabilem Bedam lib. de locis Sanctis cap. 6. Auctorem sermonis de Assumptione B. Virginis qui est 35. de Sanctis inter Sermones D. Augustini: præterea opponat Ambrosium lib. 1. Interpretationum moral.

moral. in Job cap. 6. docuisse, Christum Jesum dumtaxat revixisse numquam moriturum: *Ipse est resurrectio, ipse est primogenitus ex mortuis, in quo omnes quidem prærogativam futuræ resurrectionis accepimus: solus tamen ipse adhuc resurrectione perpetua resurrexit*: deinde per tot annos Ussardi Martyrologium in Ecclesiis legi consuevisse, & fortasse etiam in Ecclesia Romana, si Pagio credimus, qui in Critica ad Baron. ad annum Christi 778. num. 4. *Martyrologio*, inquit, *Ussardi avito Romana Ecclesia usa est ante recentius Romanum, teste Molano in Præfatione ad Martyrologium Ussardi*. In eo autem Ussardi Martyrologio ad diem 15. Augusti hæc legi: *Dormitio Sanctæ Dei Genitricis Mariæ, cujus Sanctissimum Corpus est non inveniatur super terra, tamen pia Mater Ecclesia ejus venerabilem memoriam sic festivam agit, ut pro conditione carnis eam migrasse non dubitet. Quo autem illud venerabile Spiritus Sancti Templum nutu & consilio divino occultatum sit, plus elegit sobrietas Ecclesiæ cum pietate nescire, quam aliquid frivolum & apocryphum inde texendo docere*: cum quo concordat Ado Viennensis lib. de Festivitatibus, præter plura alia Martyrologia, quæ indicat Sollerius in Notis ad Martyrologium Ussardi tom. 7. mensis Junii in continuatione magni Operis Bollandiani: deinde notissima esse, quæ Launojus scripsit de controversia *super exscribendo Parisiensis Ecclesiæ Martyrologio*, ubi plurima de Ussardi auctoritate loquutus, Patrum, & Scriptorum auctoritates congerit, ut Assumptionem B. Virginis in dubium revocet: tum in eundem plane finem Tillemontium videri suum animum intendisse Nota 5. de Resurrectione B. Virginis: deinde huic Festivitati non tribui somni seu dormitionis B. Virginis, ut videre est apud Theodorum Balsamonem super Can. 3. Apostolorum: deinde Solemnitatem hanc gloriosissimam Sanctissimæ Matris Dei mortem appellari in Novella Emmanuelis Comneni, & in Græcorum Euchologio, juxta ea, quæ observavit Hugo Menardus in librum Sacramentorum S. Gregorii pag. 174.; aliquando autem *Pausationem* vocatam; in duobus enim vetustissimis Calendariis Romanis, quorum alterum Allatius, alterum edidit Fronto, in Evangelistario Vaticanæ Basilicæ, & in vetusto Vallicellianæ Bibliothecæ Missali legi hæc verba, *solemnia de Pausatione Sanctæ Mariæ*, in Vaticano etiam magnæ molis Codice, *Vigilia Pausationis Sanctæ Mariæ, & Sanctæ Mariæ Pausatio*; qui Codex quondam fuit Monasterii Farfensis, præter aliquot Codices a Venerabili Cardinali Thomasio editos, qui habent, *Solemnia de Pausatione Sanctæ Mariæ; Sanctæ Mariæ Pausatio*: Hæc, inquam,

502 DE FESTIS B. MARIE VIRGINIS LIB. II.
quam, si quis opponat, is sibi persuadeat, non deesse idoneas
responsiones.

*Singule ob-
jectiones diluun-
tur. Ac pri-
mum illæ, quæ
patris sunt ex
Patribus.*

20 Nam Patribus, qui de B. Mariæ Assumptione visi sunt du-
bitasse, alios objicimus Patres, qui diserte eam tradiderunt: di-
ctum enim affirmantis longe majus robur habet, quam dubitan-
tis; præsertim vero cum exploratum sit, aliquot Patres de As-
sumptione dubitasse, quod Hieronymi esse crediderint Sermonem
illum de *Assumptione*, cujus Auctor controversiam de B. Virgine
Assumpta dubiam relinquit; cum vero sermonem non esse genui-
num Hieronymi fœtum jam Critici observarunt. Epiphanius au-
tem non de Assumptione dubitat, sed de morte; & Liber de Lo-
cis Sanctis juxta accuratas Criticæ regulas Bedæ non potest tri-
bui. Jam vero Ambrosius loco citato affirmat quidem, Christum
unice revivisse, sed intelligendus est S. Doctor loquutus de Re-
surrectione, quæ de jure, non quæ ex privilegio debetur, cu-
jusmodi B. Virgini est concessa. Huc accedit; quod sua non ca-
ret probabilitate eorum sententia, qui affirmant, eos qui in
morte Christi revixerunt, ad vitam rediisse numquam morituros,
& cum Christo anima & corpore in Cœlum esse sublato, ut do-
cent Ignatius Martyr, Origenes, Eusebius, Epiphanius, alij-
que complures. Honoratus autem a S. Maria in Observat. ad Re-
gulas Criticæ tom. 1. pag. 188. jure recentiorum quemdam Criti-
cum reprehendit, qui ut Assumptionem B. Virginis corpore & ani-
ma in dubium revocaret, quibusdam est usus auctoritatibus &
documentis, quæ ipse aliique plures rejecerunt ut apogrypha.

*Solentur ob-
jectiones de-
promptæ ex U-
suarido & Lau-
nojo.*

21 Explicatis iis, quæ adversus Assumptionem B. Mariæ de-
promuntur ex Patribus, reliquum est, ut ea diluamus, quæ ex
Usuarido, & Launojo adducta sunt, & de somno seu dormitio-
ne, morte, & pausatione, quibus nominibus hæc Solemnitas
vocitata fuit, verba faciamus. Adversus Usuardum inclamat
magnus Baronius ad ann. Chr. 48. nam advertit, Usuardum
Pervigilium hujus Festi appellasse *Vigiliam Assumptionis*; ac de-
inde ipsam Festivitatem nominasse *Dormitionem S. Genitricis Dei
Mariæ*; quamobrem in Usuardum, & qui cum eo sentit Ado-
nem ita invchitur: *Unde, quæso, vobis ista nomenclatura novi-
ter usurpata, ut Dormitionem, non Assumptionem dicatis, cum
præsertim pridie ejus diei ambo dixissetis, Vigilia Assumptionis?*
*Cur non potius vestra sententia Vigilia Dormitionis? Cur hæc in-
constantia sermonis? Cogor equidem cum Apostolo dicere: Curre-
batis bene, quis vos impediit?* Utrumque vero Scriptorem
ex voce Dormitionis male arguisse ait, non ita certum esse, Bea-
tam Virginem corpore & anima fuisse in Cœlum assumptam. An
for-

fortasse moti esliis exemplo eorum, qui item Dormitionem dixerunt? Sed nec vobis ejusmodi suffragatur exemplum: cum aliqui Joannes Damascenus, & alii qui Dormitionem dixerunt, eam tamen una cum corpore in Cælum assumptam aperte testati sint, nec, ut vos, id affirmare dubitaverint. Quapropter Florentinius Exercit. 5. ad diem 18. Januarii ita scripsit: *Et fortasse Baronius in Adonem, & Usuardum excanduit, non tantum pro Dormitionis voce, quam quodcum voce mortem tantum naturali ordine significante Usuardus de ipsa Assumptione dubiam quodammodo Ecclesiam fuisse demonstret contra fidem antiquarum caeremoniarum.*

27. Adversus ea, quæ scripsit Joannes Launojus, eruditissimam legere præstat Dissertationem Theologi cujusdam Sorbonici, qui latet sub nomine *Advocati*, ubi pia Ecclesiæ sententia de B. Virgine corpore & anima in Cælum assumpta gravissimis firmisque fundamentis suffulta ostenditur. Testatur Natalis Alexander Hist. Eccl. sect. 2. par. 1. art. 3. §. unic. in Parisiensi Ecclesia Usuardi Martyrologium usque ad annum 1540. fuisse adhibitum. Nec ea Ecclesia Martyrologio illo uti desuit. Sed circa seculi 16. dimidium incœpit consuetudo prætermittendi ea verba, quæ supra retulimus, quorum loco legebatur quædam incerti Auctoris Homilia inserta in Martyrologio Usuardi manuscripto, quo utebantur Canonici illius Metropolitanæ Ecclesiæ. Cum autem Manuscriptus ille liber ann. 1668. usu jam detritus esset ac fere deletus, propositum est in Capitulo, an in locum illius Homiliæ restituenda essent in novo libro verba Usuardi. Censuerunt Canonici id ad Archiepiscopum esse referendum; quod cum Canonici, quibus id muneris demandatum fuit, ad illum retulissent, decretum fuit, non amplius illam Homiliam in Choro legendam, sed in Martyrologium restituenda esse verba Usuardi. Huic decreto vehementer duo resistere Canonici, Nicolaus l'Advocat Billialdus, & Jacobus Gaudin. Quæ concertatione plures extitere libri hinc inde typis impressi. Hac occasione Launojus opus illud composuit, quod supra memoravimus. Ex Homilia, quæ antea legebatur, colligere licebat, B. Virginem corpore & anima in Cælum fuisse sublatam. Quamobrem qui pro restituendo Usuardi textu pugnant, eamque Homiliam amovendam esse contendebant, profecto piæ illi opinioni adversabantur. Vicere tandem, qui pro B. Virginis Assumptione stabant. Nam etsi an. 1668. revocata est lectio Martyrologii Usuardi, nihilque in ea lectione mutatum; tamen anno 1698. in Martyrologium injecta sunt ea verba, *Assumptio B. Mariæ Virginis*: de qua inferenda formula egisse Ludovicum XIII. eo anno Capitulum

Launojus confutatus a Theologo quodam Sorbonico. Historia de Martyrologio Parisiensi exscribendo; concertatio de Assumptione inter Canonicos illius Ecclesiæ. Ponsatio idem atque Assumptio.

tulum monuit Ludovicus XIV. Nunc vero in Choro illius Metropolitanæ Ecclesiæ legitur Martyrologium Romanum, additis quibusdam Sanctis, aliisque illius Diœcesis consuetudinibus, & in Festo Assumptionis hæc inferuntur: *Assumptio B. Mariæ Virginis Genitricis Dei & Domini nostri Jesu Christi, quæ Filii sui pro nobis mortui legi obsequuta, & filia veteris Adam veterem sententiam subiit, & mortem obiit; ut autem Dei viventis mater, ad illum ipsum, quem genuerat, digne assumpta, suscepta est ab illo, & super omnem exaltata creaturam cum eo honore, quo tanta Mater digna fuit, cum ea gloria, quæ tantum decuit Filium. Quod autem ad ea nomina attinet somni, mortis, & pausationis, ubi primum agi cœpit de Causa Beatificationis Venerabilis Cardinalis Thomasi, cum ejus scripta examini essent subjecta, quidam ex Censoribus objecit antiquum ab eo Codicem typis editum esse, qui hæc verba haberet, *Solemnia de Pausatione Beatæ Mariæ Virginis*; atque inde quædam eruit, quæ pietatis opinionem, qua venerabilis ille Dei servus florebat, valde lædebant. Eruditus quidam ex eadem sacra, qua fuit Thomasi familia, Clericus Regularis defensionem Venerabilis Viri suscepit; eaque Apologia typis edita est Panormi anno 1723. refque successit ex Auctoris sententia. Nihil enim ejusmodi objectiones obstitere, quin Beatificationis Causa proponeretur. Igitur in ea Apologia demonstrat Auctor, Thomasio non licuisse ex Codice, quem edendum susceperat, vocem illam *Pausatio* expungere. Vetusissimum Codicem Gelasianum ab eodem Cardinali fuisse etiam editum, in quo sæpe mentio fit *Assumptionis B. Mariæ Virginis*. Ea voce *Pausatio* mysterium innui Beatissimæ Virginis in Cælum assumptæ; Pausationis enim nomine in re, de qua agitur, exiguum illud temporis spatium significari, quo inter amissam vitam, & ad eandem reditum Beatissimæ Virginis corpus jacuit in sepulchro. Dormitionis, Mortis, & Pausationis voces sæpenumero ab Ecclesia adhibitas ad hanc Festivitatem significandam, quin piæ sententiæ de B. Virgine corpore & anima in Cælum assumpta ullum fieret præjudicium.*

Dormitio istidem valet idem argue Assumptio. Vetusissima quædam scripta Gregoriana, quæ habent, Assumptio.

23 Itaque concludendum, rei vim non in una magis, quam in alia ex his vocibus positam esse. Gregorius enim Turonensis libro de Gloria Confessorum cap. 49. mentionem facit *Assumptionis S. Aviti*. Eusebius lib. 4. de vita Constantini cap. 64. ait, illum *ad Deum suum assumptum*; & Gregorius Nazianzenus in Pannegyrico in Gorgoniam sororem suam non dubitat dicere, eam *fuisse assumptam in Cælum*. Illud igitur videndum, cujus conditionis & gradus ea fuerit in Cælum assumptio, diminutane, hoc est

est folius animæ, an integra cum corpore simul & anima. Atque ut ab omni difficultate expediamur, ponamus tanquam meram hypothesim, quod scribit Cancellottus in Annalibus Marianis ad annum 72. num. 21. *Primis ab assumpta Virgine seculis ita loqui solitos fuisse Patres nonnullos, ut dubitare viderentur, an illa post obitum rediit in Cælum una cum corpore sit evecta.* Verum cum deinde Patres & Theologi rem attentius expenderint & accuratius, ac docuerint, & doceant, Sanctissimam fœminam corpore & anima in Cœlum fuisse assumptam, quisnam probus & sanæ mentis vir huic doctrinæ audeat adversari? *Quorundam sane opinio aut hesitatio non impedit, quominus hodie nos præsentis, ac superiorum etiam ætatum Ecclesiæ adhareamus, ut cum ea ipsa de corporali Mariæ Assumptione certius credamus, & confidentius definiamus, & aperius protestemur, quam primis illis nascentis Christianismi seculis factum est.* Etenim Ecclesiæ, uti supra monstravimus, successu temporis augeat sapientiam, duceque Spiritu Sancto, a quo semper regitur & eruditur, e posterioribus Conciliis, majoreque consensu Doctorum illustriorum veritatis lumen accipit & ostendit. Sunt verba Canisii loc. cit. Sumat quisquis voluerit suam operam in vetustis monumentis excutiendis, in quibus hæc Festivitas appellatur *Dormitio*; ac illud sibi responsum habeat, in hac quæstione idem valere *Dormitionem*, ac *Assumptionem*, ut optime advertit etiam Rocca tom. 1. suorum Operum edit. Rom. ann. 1719. pag. 213. *Dormitio itaque Beate Mariæ semper Virginis, ut huic rei finem imponamus, absque ullo dubio nonnisi pro ejus in anima & corpore post ejus mortem in Cælum Assumptione intelligenda censetur.* Idque etiam probari potest Jacobi Pamelii verbis, qui in Notis ad Epist. S. Cypriani 24. ad finem numeri 13. ita scribit: *Certe Dormitionis sive Assumptionis B. Virginis Festum celebratum constat jam ab ætate Divi Hieronymi, & Augustini.* Cum quo consentit P. Michael Lequien in sua editione Operum S. Joannis Damasceni tom. 2. pag. 857. ubi observat, Germanum Constantinopolitanum, alioque ante Damascenum *de Dormitione B. Virginis, ejusque rediit in Cælos Assumptione Sermones habuisse.* Denique cum Ecclesiæ Occidentalis vocem *Assumptio* adhibuerit, ut colligitur ex Florentinii Martyrologio, ubi ad diem 15. Augusti habetur, *Assumptio S. Mariæ*; & ex nostro Martyrologio Romano, *Assumptio Sanctissime Dei Genitricis Mariæ*; quid causæ erit, quin & ipsi eadem voce utamur, & hanc Festivitatem Assumptionem Beatæ Virginis appellemus? In novo Anecdotorum Thesauro, quæ collegit Martene tom. 3. pag. 1559. extat breve Martyrologium

Hieronymianum, cujus vetustas censetur fere mille annorum; in quo ad diem 15. Augusti legitur, *Assumptio B. Mariæ Matris Domini nostri Jesu Christi*; & pag. 1568. in Martyrologio Morbacensi ad eundem diem habetur, *Assumptio S. Mariæ Matris Domini*; & in veteri Kalendario quod habetur tom. 5. pag. 76. ante septingentos annos scripto ad eundem itidem diem legitur, *Assumptio S. Mariæ*. Et tom. 6. Collectionis Scriptorum & Monumentorum veterum pag. 645. extat Kalendarium seu Liber annalis Bedæ, in quo pariter ad diem 15. Augusti legitur, *Assumptio S. Mariæ Matris Domini nostri Jesu Christi*. Ad eundem modum scriptum reperimus in Kalendario Anglicano pag. 656. in Martyrologio Gallicano pag. 668. in Kalendario Stabulensi pag. 674. in Kalendario Verduensi pag. 681. Alia etiam Martyrologia, quæ eandem habent formulam, collecta reperies in Opere Bollandiano tom. 7. Junii, ut alia sexcenta sileamus, quæ vel in Vaticana, vel in Christianæ Svecorum Reginæ, vel in Cardinalis Ottoboni Bibliothecis custodiuntur.

In Jure Canonico celebris est hæc Festivitas.

24 Celebris est in Jure Canonico Solemnitas Assumptionis B. Mariæ, ut videre est in Can. 1. de Consecr. Dist. 3. & cap. ult. de Feriis. Glossa Canonica in cap. *Alma Mater* de sentent. Excommunicat. in 6. considerans, tempore interdicti Divina posse celebrari Officia in Festis Nativitatis Domini, Paschæ, Pentecostes, & Assumptionis B. Mariæ, hæc notat in verbo *Assumptionis*; *Nota terminatam altercationem querentium, quod est solemnitas Festum, an Festum Assumptionis, an Festum Nativitatis Virginis gloriose. Habet enim Ecclesia quod sit celebrius Festum Assumptionis, ut hic videt.* Et Suarez tom. 1. de Relig. lib. 2. cap. 8. num. 13. de hac Solemnitate ita loquitur: *Festum hoc maxime proprium ipsius Virginis, & inter Festivitates ejus habet quamdam excellentiam, quia gloriam, premium, ac triumphum Sanctissimæ Virginis nobis representat.*

Incertum, Diebus quo die celebrabitur.

25 Decimaquinta Augusti die B. Mariæ mortem, gloriosam Resurrectionem, & Assumptionem in Cælum celebrat Ecclesia. In vetusto Ecclesiæ Occidentalis Martyrologio, quod edidit Florentinus, Festum mortis a Festivitate Assumptionis sejungitur; nam ad diem 18. Januarii hæc habentur: *Depositio Sanctæ ac gloriose Mariæ Matris Domini nostri Jesu Christi*; & ad diem 15. Augusti, *Assumptio Sanctæ Mariæ*; idque profert etiam Mabillonius lib. 2. de Liturgia Gallicana pag. 118. In aliis Martyrologiis ad diem 23. Septembris fit mentio secundæ Assumptionis B. Mariæ: idque ex ea opinione traxit originem, quod quadraginta diebus post obitum redierit ad vitam. Verum incertus est dies, quo ex
revi-

revixerit: quidam enim affirmant, eam 13. die Augusti obiisse, & decimaquinta rediisse ad vitam; alii ejus corpus quindecim diebus in sepulchro jacuisse, ut in Revelat. S. Birgittæ lib. 6. cap. 63. & lib. 7. cap. 26. num. 2. *Quindecim vero diebus Corpus meum jacuit in terra sepultum*, nisi forte pro *quindecim diebus*, ut vult Durantus in Notis ad ea Capita, *aliquantis diebus* legendum sit. Alii dicunt, eodem quo mortua est die revixisse; quidam etiam post quadraginta dies revixisse affirmant, ut jam innuimus, in hanc adducti sententiam Revelatione quadam, quæ facta fuit S. Elisabethæ non illi quidem Hungariæ, quæ obiit anno 1231. sed cuidam ejusdem nominis e Diocesi Trebienti, quæ mortua est anno 1165, quam Visionem neque D. Antoninus probat, nec Beletus, neque alii viri eruditi apud Florentinum in Notis ad Martyrolog. ad diem 15. Augusti, & apud Spinellum Tractatu de Deipara cap. 12. num. 3. & Bailletum ad eundem diem 15. Augusti, ubi agit de Assumptionis festo, §. 2. num. 14. Quamobrem illud obiter monere juvat, Hospinianum Tract. de Origine Fæstorum Christianorum pag. 137. declamationibus illis abstinere commode potuisse, quibus in hanc Visionem invehitur. Quam visionem falso arbitratur, si non causam, magnum certe argumentum Ecclesiæ dedisse ad Assumptionis Fæstum constabiliendum. Nonnulli denique putant, triduo post mortem revixisse, quam opinionem communem esse testatur Card. Gottus 2. part. tom. 4. de Ver. Relig. Christ. cap. 41. §. 3. num. 25. & Azorius Institut. Moral. tom. 2. lib. 1. cap. 20. *Queritur*, inquit, *quoto a morte sua die Virgo gloriosa resurrexerit, & fuerit in Cælum assumpta? Communis est sententia, suscitata a mortuis eam fuisse, & in Cælum introductam tertio ab obitu die. Ita Damascenus, Juvenalis Hierosolymitanus Episcopus, Andreas Cretensis Episcopus, Simeon Metaphrastes, Nicephorus, & alii; ut sic constaret, vere eam obiisse, & Filio post triduum ex mortuis resurgenti similem fuisse. Quapropter optimum duxit Ecclesia eodem die mortis, Resurrectionis, & in Cælum Assumptionis memoriam recolere.*

26 Magnæ huic Solemnitati præcedit Pervigilium cum jejunijs; ac jejunium quidem valde antiquum esse oportet, cum de eo tanquam de re usitata in Romana Ecclesia mentionem faciat Nicolaus I. Pontifex creatus ann. 858. nam respondens ad Bulgarorum quæstiones cap. 4. in Collect. Concil. Labbei tom. 8. pag. 518. hæc scribit: *Secundum sacra Decretalia in his etiam a licitis se quibusdam abstineat, Quadragesimali videlicet tempore, quod est ante Pascha, jejunio post Pentecostem, jejunio ante solemnitatem Assumptionis S. Dei Genitricis & semper Virginis Domi-*

Huic Festo præcedit Vigilia & Jejunium, cujus valde vetus institutio.

ne nostræ Mariæ, nec non jejuniis ante Natalis Domini nostri Jesu Christi Festivitatem, quæ jejunia Sancta Romana suscepit antiquitus Et tenet Ecclesia. Apud quosdam Orientales non unius sed plurium dierum jejunium est. Jejunare enim incipiunt a Calendis Augusti usque ad diem 15. nec jejunium intermittunt præterquam postridie Nonas in honorem Solemnitatis Transfigurationis Jesu Christi, ut videre est apud Bailletum loc. cit. §. 13. Extat tom. 2. Biblioth. Orientalis Josephi Simonii Assemani Maronitæ Gregorii Bar Hebræi Primatis Orientis, qui natus est anno 1226. Opus, in quo sermo fit de Syrorum jejniis, & inter cetera illud memoratur, quod ante Assumptionem apud eos celebratur, ut videre est pag. 304.

Octavam hujus Festi cur Leo IV. instituerit.

27 Præclarissima hæc celebritas Octavam habet, quam instituisse Leonem IV. anno 847. tradit Pontificalis Anastasii liber. Cum enim initio Pontificatus Leonis Basiliscus prope Ecclesiam S. Lucie in Orphea pestilenti anhelitu suo omnes necaret, quotquot ad ejus latibulum accederent, Pontifex ipso Assumptionis B. Mariæ festo die, præeunte Sanctissimæ Dei Genitricis imagine, cum Cleri sui comitatu ad illud accessit latibulum, cumque jussisset Populum, qui eum sequebatur, consistere, Deum obsecravit, ut ab illa peste populum liberaret; votique compos factus est: *Ab eadem die ipse mortifer Basiliscus ita effugatus, Et ab ipsis projectus est antris, ut ultra in illis locis nulla lesionis ejus macula appareret:* Sunt verba libri Pontificalis; qui illud etiam tradit, Pontificem in ejus beneficii memoriam jussisse Assumptionis B. Mariæ Octavam celebrari. *Octavam Assumptionis B. Genitricis diem, quæ minime Romæ antea colebatur, vigiliis sacris, matutinisque cum omni Clero pernoctans laudibus in Basilica ejusdem semper Virginis Domina nostræ, quæ foris muros juxta Basilicam B. Laurentii Martyris sita est, celebrari præcepit:* quod confirmat Sigebertus ad ann. Chr. 847. qui de Leone hæc scribit: *Decrevit ut Octavæ Assumptionis Sanctæ Mariæ in Ecclesia Romana celebrarentur, quod antea non fiebat.* Et apud Lambecium in Auctar. lib. Rer. Hamburg. pag. 110. extat Privilegium ab eodem Pontifice Hamburgensi Ecclesiæ concessum, quo Anscario Archiepiscopo ejusque Successoribus usus Pallii permittitur; ac in eo Privilegio inter cæteras Festivitates Assumptio Deiparæ recensetur.

Quidam Festi hujus Institutionem referunt ad octavum seculum.

28 Quidam existimant, Assumptionis Festum Apostolos instituisse. Verum S. Bernardus celebri epist. 174. scribit: *Accepisse ab Ecclesia illum diem cum summa veneratione colendum, quo assumpta (B. Maria) de seculo nequam, Cælis quoque intulit cele-*

celeberrimorum Festa gaudiorum. Quamobrem Festivitatē hujus institutio ad Ecclesiam videtur referenda. Thomassinus Tract. de Festis lib.2. cap.20. num. 10. ostendere satagit, post Concilium Ephesinum, quo damnatus fuit Nestorius, qui negabat B. Virginem Dei fuisse matrem, longe lateque ejusdem cultum fuisse diffusum, multis in ejus honorem excitatis templis, & Festivitatibus institutis; circa seculum sextum editos libros, qui Dionysio tribuuntur de Divinis nominibus, ubi narratur S. Dionysium una cum Sanctis Petro, Jacobo, & Dorotheo veneratum esse corpus B. Virginis, seu, quemadmodum alii intelligunt, venisse ad ejus sepulchrum; propterea sub finem seculi quinti, vel seculo sexto coeptum esse libere loqui de Mariæ morte, Resurrectione, & Assumptione. Cumque id ad alios Fideles permanisset, institutam esse Festivitatē, de qua mentio sit in regula Crodegangi sub Pipino Rege Caroli Magni patre, & in Moguntina Synodo habita anno 813. Carolus Magnus in Capitularibus lib.1. cap.158. pag.732. agit de Festivitatibus celebrandis; ac de Assumptione ita scribit: *De Assumptione S. Mariæ interrogandum relinquimus*: ad quem locum notat Baluzius, id intelligendum de consilio, quod ea de re ab Episcopis Regni sui petere cogitabat. Cum autem Episcopi in Concilio Moguntino, ut diximus, in Catalogum Festorum Assumptionem adscripserint, Ludovicus Pius Festivitatē illam celebrari jussit, ut videre est in Capitularibus lib.2. cap.35. pag.748. eique certus constitutus est dies, ut apparet lib.6. Capitular. cap.189. pag.955. quo Edicto edito eam Festivitatē in Galliarum Regno multa veneratione celebratam esse, testatur Baluzius loc. cit. pag.1172.

29 Quibusdam non probatur, nec sane est probanda hujusmodi sententia, qua institutio Festivitatē Assumptionis ad seculum octavum referri videtur. Sane ex Pontificali libro constat, ut alibi diximus, Sergium Papam, qui seculo vixit septimo, *constituisse, ut diebus Annunciationis Domini, Nativitatis, & Dormitionis S. Dei Genitricis semperque Virginis Mariæ..... Litania exeat a S. Hadriano, & ad S. Mariam Populus occurrat*: quamobrem diffiteri potest nemo, ante Sergium Festum hoc esse institutum. Præterea Assumptionis Festivitas ante Mauritium Imperatorem, ideoque ante seculi sexti finem celebrabatur; quam itidem Mauritius a 18. Januarii ad 15. Augusti diem transtulit, ut colligitur ex Nicephoro lib.17. cap.28. pag.779. *Idem Imperator (Justinianus) tum primum Servatoris exceptionem (hæc est Festum Purificationis B. Virginis) toto Orbe terrarum festo die honorare instituit, sicut Justinus de Sancta Christi Nativitate fecit*;

Hæc Festivitas celebrabatur ante sextum seculum.

cit; atque non ita longo post tempore Mauritius Sacrosanctæ Dei Genitricis Dormitionem quindecimo Augusti mensis die celebrari præcepit. Ubi notandum, Nicephorum, cum Justiniani & Justinii leges commemorat, nihil innuere de die, quo solemnitates Natalis Domini & Purificationis celebrandæ essent; cum autem dixit, Mauritium Imperatorem 15. Augusti diem Assumptionis Festo definiisse, manifestum inde est, Festum illud ante ejus tempora institutum; & tantummodo a 18. Januarii ad 15. Augusti diem ab eo esse translatum; ut fuse ostendit Baronius in Not. ad Martyrolog. ad diem 15. Augusti, Florentinius itidem in Notis ad suum Martyrolog. ad diem 18. Januar. Mabillonius in Liturgia Gallicana lib. 2. pag. 118. Pagius Breviar. Gestorum Romanor. Pontific. in Vita S. Sergii num. 26. Martene de antiqua Eccl. discipl. in divin. celebr. Offic. cap. 33. num. 25.

C A P U T IX.

*De Festo Nativitatis Beatissimæ Virginis
die 8. Septembris.*

*Natalis dies
Sanctorum di-
citur is, quo
mortem obit-
sunt.*

Aliorum Sanctorum Martyrum, vel Confessorum natalis dies ille dicitur, quo ab hac ad beatam vitam commigraverunt. Merito plane dicendi Natales dies, per quos illi, qui nati fuerant in hanc fragilitatis miseriam, subito renascuntur in gloriam, vitæ perennis initium de morte sumentes. Etenim si dies Natales vocamus, quibus in hanc lucem in deliciis & doloribus nascimur ad dolores, justius illi celebrabuntur Natales, quibus Sancti ex corruptibili corpore in novam illam futuri seculi veniunt claritatem, & filii hominum in adoptionem divinæ Paternitatis ascendunt. Verba sunt Eusebii Emisleni seu Eucherii Lugdunensis Homil. 50. in Genesim: & pressius Albinus Flaccus libro de Officiis divinis scripsit: Jure nasci dicuntur, qui de pressuris hujus Mundi, tanquam de angustiis ejusdam ventris, ad illam spaciosissimam & lucidissimam cælestis habitationis emittuntur latitudinem. Cum quo consentiunt Rabanus Maurus de Instit. Cleric. cap. 43. Dicuntur quidem Sanctorum Festivitates Natalitia; & merito; quomodo enim consuevi nasci dicitur, cum quis de utero matris procedens in lucem egreditur; ita rectissime potest natus dici, qui a vinculis carnis solutus ad lucem sublimatur æternam. Et inde mos obtinuit Ecclesiasticus, ut dies Beatorum Martyrum, sive Confessorum Christi, quibus de seculo transferunt, Natales vocissemus, eorumque solemnia non sunebria, sed natalitia dicemus.

2 Emor-

2 Emortuales Christi Domini, & Joannis Baptistæ colit Ecclesia æque ac utriusque Natales dies; cumque ab Ecclesia tum Natalis, tum emortualis dies Joannis Baptistæ celebraretur, omnino æquum fuit, ut non modo dies, quo B. Virgo mortua est, sed quo etiam in lucem prodiit, coleretur, ut optime advertit Venerabilis Petrus Canisius lib. 1. de Maria Virg. Deipara cap. 11. pag. 82. *Etenim si Natalem Joannis, qui tantum præco, & Præcurzor Domini fuit, die stato, ritusque publico eobonestamus, & Angeli vaticinium illud, multi in Nativitate ejus gaudebunt, ad nos quoque pertinere præ nobis ferimus, cur non tantumdem opere & studii Natali Mariæ celebrando ponamus, & novam quamdam animorum letitiam declaremus, quando non Christi modo, sed nostra quoque Mater primum apparet, suoque adventu Evangelium, hoc est faustum felixque nuntium adfert, ut Mundus tristitia dinturna oppressus tandem aliquando, ut numquam antea, possit respirare?* Et Jo. Gerson serm. de Nativit. Beatissimæ Virg. hæc ait: *Propterea post celebritatem Nativitatis Joannis Baptistæ sacratissimam & jucundam, quia sine peccato natus est per sanctificationem, instituit Ecclesia Nativitatem Beatæ & gloriose semperque Virginis Mariæ celebriter fieri, admonita prius miraculo.*

3 Innuit hoc loco Gerson, quod narratur a nonneme, Eremitam quemdam, cum octavo Septembris die sæpenumero ad aures suas cœlestis quidam concentus accidisset, Deum obsecrasse, ut quid ille significaret concentus, sibi palam faceret. Cumque accepisset Chorum Angelorum & Sanctorum in Cælo Beatæ Virginis solemnitatem celebrare, venisse Romam, ac ea de re monuisse Pontificem, qui hanc Festivitatem instituit. Historiam hanc attingit Martyrologium quoddam relatum a Solle-rio in Notis ad Martyrologium Usuardi ad diem 8. Septembris. De eadem re mentionem item facit S. Antoninus 4. par. tit. 15. cap. 6. §. 2. in principio: *Nativitas tua Sancta Dei Genitrix gaudium annuntiavit universo Mundo; videntes enim Angeli natam tam sanctam creaturam, magnum gaudium fecerunt, & ita quolibet anno in Cælo fit, ut cuidam Sancto Eremitæ revelatum est. Et consentiunt Vincentius Bellovacen. Speculo Historiar. lib. 6. cap. 65. & lib. 7. cap. 119. Petrus de Natalibus Catalogo Sanctorum lib. 8. cap. 51. Carthusianus serm. 1. de Nativitate B. Virginis. Sed jam pias ejusmodi narrationes dimittamus; de quarum probabilitate nihil volumus diminutum, earumque fidei nihil itidem auctum: ab Hospiniani autem sensibus quam longissime absumus, ejusque averfamur audaciam, qui Tract. de Festis*

Christi Jesu, Joannis Baptistæ, B. Mariæ non emortuales tantum sed natales etiam dies celebrantur.

Frenitæ causam visio ex Gerson, unde videtur potest orta hæc Festivitas.

stis pag. 142. Edit. Geneven. ann. 1675. Visionem, de qua superius loquebamur, *illusionem* appellat *Satanicam*. Jam vero tempus, quo celebrari cœpta est hæc Festivitas, pro virili parte investigemus.

Quidam ad D. Augustini tempora Festi hujus institutionem non recedere referunt.

4 Eam nonnulli referunt ad D. Augustini tempora: in Officio enim hujus Festi sermonem quemdam S. Doctoris legimus de hac Solemnitate. Verum idem S. Augustinus sermone 287. & 292. de Sanctis, alias 21. & 22. testatur, solummodo Natales Christi, & Joannis Baptistæ dies in Ecclesia celebrari consuevisse. *Hinc attendat Charitas vestra, quam magni hominis natiuitas facta sit* (Joannem Baptistam intelligit) *natales dies carnis nulli Prophetarum, nulli Patriarcharum, nemini Apostolorum celebravit Ecclesia: solos duos natales celebrat, hujus, & Christi.* Quo quid validius proferri potest ad probandum Augustini ætate nondum B. Mariæ nativitatem celebrari consuevisse? ut concludit Baronius in Not. ad Martyrologium ad diem 8. Septembris, Suarez de Religione tom. 1. lib. 2. cap. 8. num. 4. Azorius Instit. moral. par. 2. lib. 1. cap. 19.

Refutatur Sauflay & Sarnius, qui institutam credunt a S. Maurilio Andegavensi Episcopo.

5 Eodem D. Augustini loco refelli posse videtur tanquam nec probabilis nec verisimilis opinio Sauflay in Martyrologio Gallicano ad diem 8. Septembris, cui suffragatur Saxius Disser. de SS. Corporibus Protasii & Gervasii num. 16. qui ambo existimant, S. Maurillum Mediolanensem S. Martini Discipulum, a D. Ambrosio Lectorem ordinatum, ac deinde Episcopum Andegavensem, divino monitu primum in Gallia hanc B. Virginis celebritatem instituisse. Quod vero attinet ad sermonem illum D. Augustini, qui legitur in Officio hujus diei, in eo quidem genuinus S. Doctoris fœtus agnoscitur, sed non in Nativitate, sed in Annunciatione Deiparæ Virginis habitus esse dicitur, & levicula mutatione facta, Festivitati Nativitatis accommodatus est. Sermo Augustini sic habet: *Gaudeat terra nostra tante Virginis illustrata solemnī die.* At in Officio legitur: *Gaudeat terra nostra tante Virginis illustrata natali.* Ea enim est Ecclesiæ consuetudo, ut in alicujus Solemnitatis Officio, in Antiphonis, & Responsoriis quibusdam narrationibus & sermonibus utatur, quæ dicta scriptave sint in alia Festivitate; quapropter Florentinius in Notis ad Martyrologium ad diem 8. Septembris ita ait: *Quamquam enim D. Augustini sermo in Ecclesia legatur, & ipsius revera sit; Nativitati tamen accommodatus est, licet in Annuntiatione dictus fuerit.*

Quidam ex Fulveto Carnotensi Episcopo.

6 Nonnulli putant seculo 12. hanc celebritatem in Gallia institutam, inde in Italiam commisse; idque ex illis verbis eruunt S. Ful-

5. Fulberti Carnotensis Episcopi, qui eo vixit seculo, serm. 1. de Nativitate; *Inter omnes Sanctos memoria Beatissimæ Virginis eo frequentius agitur atque festivius, quo majorem gratiam apud Dominum creditur invenisse: unde post alia quædam ipsius antiquiora solemnia non fuit contenta devotio Fidelium, quin Nativitatis solemnè superadderet bodièrnum.* V. Thomassinum de Dier. Festor. celebrat. lib. 2. cap. 20. num. 1. & sequen.

po. putant Fe-
st. vltatem in-
stitutam secu-
lo 12.

7 Sed hanc Solemnitatem vetustiorē esse Fulberto evidētissime apparet ex S. Ildefonso, qui seculo septimo scripsit. In libro enim de perpetua Virginitate S. Mariæ tom. 12. Biblioth. Patrum pag. 566. littera E, disertè loquitur de hoc Festo: *Nul-
lius igitur Nativitas celebratur in Mundo nisi Christi, & ejus
(scilicet B. Mariæ) atque B. Joannis &c.* Et paullo post littera F: *Quod si præclara Sanctissimæ Virginis Nativitas universaliter
tam Sancta & tam gloriosa jure colitur.* Eadem autem huic argu-
mento vis ineſt, & idem robur, etiā si qui nomine S. Ildefonsi
circumferuntur libri *de Virginitate Mariæ; De illibata Vir-
ginitate B. Virginis contra Infideles; Contra eos qui disputant de
Virginitate B. Mariæ, & de ejus Parturitione;* eos Dacherius
Paschasius Radpertus tribuat: Scriptor enim hic circa dimidium 9.
seculi floruit.

Vetustior est
etate S. Ful-
berti.

8 Huc accedit, de ea in Romana & Gallicana Ecclesia ve-
tustiora extare monumenta. In Codice Sacramentorum Ec-
clesiæ Romanæ per Venerabilem Cardinalem Thomasinum edito,
qui creditur esse S. Leonis Magni, aliorumque Prædecessorum
Pontificum, habetur Missa in Nativitate S. Mariæ cum propriis
Orationibus, ut videre licet lib. 2. pag. 172. in libro Sacramen-
torum S. Gregorii, quem edidit Menardus, pag. 128. sunt Ora-
tiones ad Matutinum, ad Processionem, & ad Missam in Nati-
vitate B. Virginis Mariæ. Liber Pontificalis, quod alibi obser-
vavimus in Vita Sergii I. tradit, Festivitatē Nativitatis B. Ma-
riæ unam esse ex iis Solemnitatibus, in quibus Processio fit ab Ec-
clesia S. Hadriani ad Basilicam Liberianam. Quod autem atti-
net ad Gallicanam Ecclesiam, conjici quidem potest, initio se-
culi noni nondum introductam hanc Festivitatē eo fuisse, siqui-
dem Moguntinum Concilium anno 813. habitum, dum Festivi-
tates recenset, hanc ne nominat quidem; nihilominus nemo ne-
gaverit, vergente in finem eodem seculo, hanc quoque esse in-
troductam. Nam Walterius Episcopus Aurelianensis anno 871.
hanc inter eas ponit Festivitates, quæ magna cum celebritate ef-
sent peragendæ, quod colligitur ex cap. 18. de Ordinibus ipso
Walterio Auctore, ex Notis Cellotii in Collect. Concil. Labbei

Vetustam ad-
modum hanc
Solemnitatem
probant Sa-
cramentaria
Romanum.,
quod Leonis
Magni credi-
tur, & Gre-
gorianum.

tom. 8. pag. 648. & ex historia Ecclesiæ Gallicanæ, quam anno 1733. edidit Jacobus Longueval Societatis Jesu tom. 6. pag. 279. His aliisque adducti rationibus viri docti a Thomassino dissentiant, Florentinius in Notis ad Martyrologium ad diem 8. Septembris, Fronto in Notis ad suum Calendarium, Martene de antiqua Ecclesiæ Discipl. in Divin. Offic. cap. 34. num. 1. & seq. Tillemontius Nota 5. ad Vitam B. Virginis, Bailletus histor. hujus diei, & Pagius in Breviar. Gestorum Romanorum Pontificum in Vita Innoc. IV. num. 18. Joannes Andreas Schmidius Proslutionum Marianar. 6. edit. Amstelodamen. anni 1721. tom. 77. Miscellaneorum Bibliothecæ Cardinalis Passionei quærit, quo tempore celebrari cœperit Festivitas Nativitatis Deiparæ Virginis; ac ne octavo quidem seculo in Ecclesia Romana celebratam putat, quod nulla ejus Festivitatis mentio fiat neque in Concilio Moguntino, neque in Capitularibus Caroli Magni & Ludovici Pii. Sed quæ dubium ex veteribus Sacramentariis attulimus monumenta Schmidii opinionem evertunt. Quod si in Galliis seculo octavo non celebrabatur illa Festivitas, certe inde non fit, ne Romæ quidem fuisse celebratam. Quis enim est qui nesciat, res ejusmodi, quæ ad disciplinam pertinent, non statim quovis gentium, sed decursu temporis paulatim diffundi?

Hanc Solemnitatem numerabile Fulmannus Comnenni seculo 12. inter eas, quæ per diem integrum celebrantur. Locus præclarus ex S. Petro Damiani.

9 Vetus itaque est hæc Solemnitas, & sane percelebris, ac ut vulgo dicitur de præcepto tam apud Latinam, quam Græcam Ecclesiam. Eam Imperator Emmanuel Comnenus circa medium seculum 12. in earum Festivitatum numero posuit, quæ per diem integrum celebrarentur, idque obtinet apud Ecclesiam Græcam, & Cophtos Christianos ex Ægypto, juxta ea quæ assert monumenta Bailletus loco citato. Ut eam quam maxima celebritate peragamus, cohortatur nos B. Petrus Damiani 11. seculi Scriptor in serm. 2. & 3. de Mariæ Nativitate. *Nativitas Beatissime, & intemeratæ Genitricis Dei, Fratres charissimi, merito præcipuum, & singulare præbet hominibus gaudium, quæ totius existit humanæ salutis exordium. Merito ergo hodie profusus totus gaudiis ubique terrarum Orbis exultat. Merito universa Sancta Ecclesia, nascente Sponsi sui Genitrice (ut ita præ gaudio dixerim) Fescennini carminis laudes alternat. Exulemus, inquam, in hac die præcipua, & totis visceribus in Domino delectemur, in qua dum Redemptoris nostri recolimus Matrem, reliquarum Festivitatum celebramus originem. Et D. Bernardus celebri epist. 174. seculo 12. scribit: Sed & ortum Virginis didici nihilominus in Ecclesia, & ab Ecclesia indubitanter habere festivum atque Sanctum, firmissime cum Ecclesia sentiens, eam in utero accepisse, ut* *san-*

sancta prodiret: Et paullo post: Fuit procul dubio Mater Domini ante Sancta, quam nata: nec fallis omnino Sancta Ecclesia Sanctum reputans ipsum Nativitatis diem, & omni anno cum exultatione universæ terræ votiva celebritate suscipiens.

10 Non semper octavo die Septembris peracta est Nativitas celebritas, ut videre licet apud Florentinium in Notis ad Martyrologium ad diem 8. ejusdem mensis. Nunc vero tam apud Græcos, quam apud Latinos ille præfinitus est dies; ad quem etiam hæc Solemnitas deprehenditur in Martyrologio veteri, quod vulgavit Florentinius. Habet hæc Festivitas octavam, cujus instituendæ occasionem præbuere quædam dissensiones in eo Conclavi coortæ, in quo creatus fuit Pontifex Cœlestinus IV. Cardinales enim ut ab iis molestiis, quas Fridericus II. Imperator illis identidem afferebat, sese liberarent, ad B. Virginem confugerunt, voveruntque, si sibi pacate licuisset legitimum Pontificem eligere, Festum Nativitatis Octava auctum iri. Innocentius vero IV. electus post Cœlestinum Pontifex ipse votum sacri Senatus solvere voluit, & Octavam instituit, ut videre est tom. 11. Concil. Collect. Labbei part. 1. pag. 636. quod etiam referunt Durandus lib. 7. cap. 28. Arnoldus lib. 5. Ligni vitæ cap. 22. Spinellus Tract. de Festis ac Templis Deiparæ pag. 677. Pagius, & Bailletus locis citatis.

11 In priori Gregorii XI. vita inter vitas Pontificum Avenionensium, quas collegit Baluzius, tom. 1. pag. 439. intelligimus, illum Pontificem jussisse, quod *Nativitas B. Mariæ Virginis haberet Vigiliam cum jejuniis, pro qua etiam Officium proprium Missæ ordinavit, cum tamen per prius nec esset die illa jejunium, nec Missa de Vigilia hujusmodi cantaretur.* Quod confirmat etiam Radulphus Tungrensis lib. de Observantia Canonum proposit. 19. Verum cum hæc Festivitas nunc neque Vigiliam, neque jejunium habeat, verisimile videtur Gregorium ea non imperasse, sed tantum Fideles ad jejunium servandum cohortatum esse; ut existimavit Pagius Breviar. Romanor. Pontificum tom. 4. in vita Gregorii XI. num. 32. & antea animadverterat Galestinus in Notis ad Martyrologium pag. 159.

12 Fortasse non nemo mirabitur, nos de Nativitate B. Virginis nihil asserere; sed cum de ea facer textus omnino sileat, optimum putavimus & nos de re prorsus incerta tacere, de qua cum plures scribere voluerint, ex turbidis fontibus, quæ traderint, hausisse videntur, puta ex Proto-Evangelio, quod Sancto Jacobo falso tribuitur, ex libro de Ortu Virginis, qui perperam S. Jacobo fratri Domini nostri Jesu Christi, & a quibusdam

Alius olim dixerunt Festivitatē designat. Nunc octavus dies Septembris apud Græcos & Latinos. Octava instituendæ occasionem. præbuere diffidia in Conclavi quo creatus Cælestinus IV.

Non habet hæc Festivitas nec Vigiliam, nec jejunium.

De Nativitate nihil habetur in sacro textu, sed tantum quædam offerri possent ex turbidis fontibus.

Cyrillo Alexandrino adscribitur, ex libro de Ortu Virginis, cujus auctorem Seleucus falso affirmavit fuisse Evangelistam Matthæum, ex commentitia S. Evodii Epistola, & ex Opusculo de Nativitate S. Mariæ, quod Monachi S. Mauri in editione S. Hieronymi tom. 5. ad scripta S. Doctoris spuria rejecerunt. Nobis vehementer probatur quod scripsit S. Anselmus cap. 2. de excellentia Virginis: *Illud apud me conjicio, Nativitatem ejus magna atque miranda divinatorum signorum indicia præcurrisse. Quæ tamen illa fuerint, solus ipse sine scrupulo novit, qui eam, antequam nasceretur, in Matrem elegit.* Itaque pauca quædam perfringemus de loco, ubi ea in lucem prodiit, deque ejus Parentibus.

Ubi nam Deipara nata sit.

13 Baronius in apparatu ad Annales num. 48. putat, natam esse Nazarethi. Hanc sententiam plures sequuntur; inter quos nonnulli duas B. Virgini affirmant fuisse domos, alteram ubi nata, alteram ubi ab Angelo salutata fuerit, ut videre est apud Florentinum in Notis ad Martyrologium ad diem 8. Septembris. Alii vero cum Joanne Damasceno lib. 4. de Fide cap. 15. & Orat. 1. de Nativitate dicunt, ortam esse Hierosolymis. Nonnulli etiam, qui Terræ Sanctæ loca peragrarunt, Ecclesiam prope Probaticam Piscinam esse tradiderunt, ubi ex veteri Traditione domus fuisse quondam creditur, in qua B. Virgo in lucem edita sit. Vide Novatum de Eminentia Deiparæ Virginis Mariæ tom. 1. cap. 4. quæst. 2.

*Parentes B. Virginis. Er-
ror ab Aposto-
lica Sede con-
fusus de S. An-
na Virginita-
te.*

14 Pater B. Virginis S. Joachim, Mater S. Anna fuisse perhibentur. Quidam ex Italia Scriptor nomine Imperialis apocryphis libris deceptus de Partu Virginis, & Tragedia cui titulus *Christus patiens*, docuit Deiparæ matrem Annam, quin Virginitatem amiserit, B. Virginem peperisse, admirandum filiæ privilegium matri communicando; quem errorem damnavit Apostolica Sedes an. 1677. ut testantur Tillemontius Not. 3. ad vitam B. Virginis, Gravefonijs de Mysteriis & annis Chr. pag. 33. & Saxius in descriptione Historico-Poetica de Laudibus Mariæ par. 1. pag. 17. De S. Joachim meminit Martyrologium Romanum ad 20. diem Martii: *In Judæa S. Joachim Patris Beatissime Virginis Genitricis Dei Mariæ.* Vigessimam ejus mensis diem Festo hujus Sancti constituit Julius II. anno 1510. & Officium recitari jussit sub ritu duplici, ut videre est apud Bollandistas ad 20. diem Martii pag. 78. Illius nomen ex Calendario & Breviario Romano S. Pius V. jussit expungi; sed eo restitutum fuit jussu Gregorii XIII. anno 1584. ut tradit Thomassinus de Dierum Festorum celebrat. lib. 2. cap. 22. num. 11. Reformatum vero & fere ex integro reconcinatum fuit

fuit Officium, quod eo die recitatur in ejus Sancti honorem, teste Spondano ad ann. Chr. 1622. num. 1.

15 Festivitas S. Annæ 26. Julii die peragitur; hæc enim habet Martyrologium Romanum: *Dormitio S. Annæ Genitricis Dei Mariæ*. Et consonant alia Martyrologia, quæ refert Solle- rius in Notis ad Martyrologium Ufuardi. Baronius in Notis ad Martyrologium testatur, jussisse Gregorium XIII. in tota univer- sali Ecclesia Officium S. Annæ recitari. *Sanctissimus Dominus Noster Gregorius XIII. Papa divino afflatus Spiritu Apostolicis li- teris hoc anno Domini 1584. Kalendis Maji, ejus Pontificatus anno 12. firmavit auxitque; præcipiens nimirum, ut perpetuis fu- turis temporibus B. Annæ dies festus septimo Kalendas Augusti per totius Orbis Ecclesias duplici Officio quotannis recolatur, Roma- nisque, atque aliarum Ecclesiarum Calendariis addatur, & Du- plex ei adscribatur.*

*De Festo S. An-
næ. Eam so-
lemnitatem
confirmavit
Gregor. XIII.*

16 Digna sunt, quæ observentur, Baronii verba *firmavit auxitque*, quæ non significant ejus cultum a Gregorio XIII. in- vectum, sed tantummodo firmatum & auctum. In Orientali Ecclesia compertum est, Justinianum I. Imperatorem anno 550. Templum in honorem S. Annæ Constantinopoli ædificasse; aliam- que Ædem in ejusdem honorem ineunte 8. seculo extructam esse jussu Justiniani secundi, quod ex optimis extulit monumentis Bailletus in Vita Sanctæ Annæ. Chronicon Alexandrinum, cujus Auctor seculo vixit septimo, tom. 10. Biblioth. Patrum pag. 923. hæc habet: *Septembri mense, sexto Idus Septembris, die Lunæ; Indictione decimaquinta, Domina nostra Virgo ex Joachimo & Anna nata est*. De S. Annæ & S. Joachim meritis honorifice scripsit Joannes Damascenus seculo 8. in tribus Ora- tionibus habitis in Natali die B. Virginis. De iisdem vero tam- quam B. Mariæ Parentibus loquutus est Jacobus Episcopus Edes- senus S. Joannis Damasceni cœvus, vir orthodoxus, quem ab omni hæresis suspitione vindicavit Assemanus tom. 1. Biblioth. Orientalis cap. 40. pag. 468. & sequen.

*Cultus S. An-
næ seculo 6. in
Oriente.*

17 Jacobi verba pag. 492. sunt hæc: *Ut ostendunt historie, quas viri studiosi scripsere, sacra Virgo Maria Mater Christi filia erat Annæ & Joachim jussu*. Quod vero attinet ad Occidenta- lem Ecclesiam, constat ex libro Pontificali in vita S. Leonis III. qui octavo vixit seculo, ejus jussu in Basilica S. Pauli historiam fuisse pictam S. Joachim & S. Annæ, idque cum in Orientali & Occidentali Ecclesia de cultu sacrarum imaginum acerrima esset disceptatio: ex quo facile intelligimus, in Occidentali Ecclesia valde antiquum esse hujusmodi cultum, ut bene animadvertit Bail-

*Vetus S. Joa-
chim & S. An-
næ cultus in
Occidentali
Ecclesia. Non
eodem Officio
recolabatur
Missæ atque
S. Bernardi.*

Bailletus in vita S. Joachim, & Tillemontius Nota 3. ad vitam B. Virginis. Neque tamen S. Joachim & S. Annæ cultus eo pervenerat, ut de iis Festivitas celebraretur, aut Officium recitaretur, & Missa. Scribit enim S. Bernardus, qui 12. floruit seculo Epist. 174. non debuisse Canonicos Lugdunenses Officium Conceptionis B. Virginis introducere, nec Festivitatem celebrare, ut alibi dicemus; id enim eo trahere, ut utriusque Parentis etiam Festivitas celebraretur. *Quid adhuc addendum his putamus honoribus? ut honoretur, inquit, & conceptus, qui honorandum præiit partum; quoniam si ille non præcessisset, nec iste esset, qui honoratur. Quid si alius propter eandem causam etiam utrique Parenti ejus festos honores asserat deferendos? Quod profecto non scripsisset, si ejus ætate in Occidentali Ecclesia celebrata fuisset Festivitas, aut recitatum Officium. Semper enim Occidentalis Ecclesia, ut suo loco dicemus, resistit augendo aut dilatando cultui Sanctorum veteris Testamenti. Romani vero Pontifices fortasse passi sunt cultum S. Joachim & S. Annæ augeri, quod uterque post Nativitatem Christi Domini obierit, ac propterea ad novum Testamentum pertinere videatur.*

Eorum cultus ab hæreticis enegitatus. Quidam Critici eorum putant incerta nomina.

18 Utriusque Sanctitatem & cultum deterere sunt conati Centuriatores alique hæretici, quod de iis sacer textus omnino fideat. Eorum fregit audaciam Venerabilis Petrus Canisius lib. 1. cap. 4. de Maria Deipara Virgine. Alii vero Catholici quidem Scriptores, sed fortasse Criticæ indulgentes intemperantius, cultum quidem probant, qui ab Ecclesia Sanctis B. Mariæ parentibus tribuitur, sed ut certam eorum Sanctitatem, ita nomen incertum existimant, præsertim quod *Anna* idem sit atque *Gratia*, & *Joachim Præparatio Domini*; quæ quidem optime ajunt Sanctis Mariæ Parentibus probe convenire, nihil tamen ad eorum nomina attingere. Ita disputant Tillemontius Nota 3. ad vitam B. Virg. Bailletus in vita SS. Joachim & Annæ, & novissime Serpy Exercit. 18.

Incerta etiam apud S. Petrum Damiani. Verum ea nomina a vetustis temporibus Ecclesia Orientalis & Occidentalis agnoscit.

19 Scribit B. Petrus Damiani circa 11. seculum serm. 3. *De Nativitate*, inanem ab eo operam sumi, qui Parentum B. Virginis quærat nomina, de quibus nulla mentio fit in Evangelio. *Nonnulli cum plus sapere, quam oportet sapere, gestiunt, quis Pater, vel quæ Mater B. Mariæ fuerit, studio superflue curiositatis inquirunt. Sed aliquis lector nimis inutiliter querit, quod Evangelista narrare superfluum duxit. Si enim huic notitiæ utilitatem esse cognosceret, nequaquam nobilis historicus rem necessariam silentio præteriret. Verum cum in Orientali & Occidentali Ecclesia a tot usque seculis opinio sit, Patrem B. Virginis Joachim, Ma-*

Matrem Annam esse appellatos, haud æquum est huic adversari opinionem; cum præsertim nihil adversus eam afferatur, quod firmis rationibus non amoverimus, quas vide apud Card. Gottum de verit. Relig. Christ. part. 1. tom. 4. cap. 3. §. 1. num. 5.

C A P U T X.

*De Festo Nominis Mariæ Dominica infra Octavam
Nativitatis.*

1 **D**ominica infra Octavam Nativitatis B. Virginis, nisi quid impediatur, celebratur cum Officio Festivitas Nominis Mariæ. Etsi non satis exploratum habemus, annunciatum ne sit ab Angelo Mariæ nomen, ac imponi jussum a Deo, ut nomen Jesu, aut Joannis ejus Præcursoris; magna tamen erga illud fuit in Ecclesia veneratio, ut aliquando fœminis vel regio sanguine prognatis illud minime licuerit indere; quasi de dignitate sancti nominis multum detraheretur, si fœminis etiam Reginis imponeretur.

*Quanta apud
Christianos er-
ga Mariæ no-
men veneratio*

2 Cum non satis exploratum esse diximus, peculiari ne Dei jussu id nomen sit impositum, quod nullum de hac re vestigium extet in Evangelio; nihil tamen de pia quorundam volumus diminutum esse sententia, qui ex Angelica revelatione id nomen inditum esse, affirmant. Scribit enim S. Antoninus part. 4. tit. 15. cap. 14. *Die qua nata est (B. Virgo) impositum est ei nomen Mariæ a Parentibus secundum Angelicam revelationem*, Et confirmat Christophorus de Castro in Histor. B. Virg. cap. 2. num. 10. *Divinus revelatus fuit Parentibus Nomen Mariæ*.

*Quidam pa-
rentes, Desper-
dunt monita
Mariæ nomen
inditum.*

3 Diximus, non licuisse fœminis, vel ipsis quæ regio sanguine essent procreatæ Mariæ nomen imponere. Alphonsus enim VI. Castellæ Rex, cum in eo esset, ut uxorem ex Maurorum stirpe duceret, cui nomen in Baptismo oportebat imponi, vetuit ne Mariæ nomine, etiam si ea vehementer id cuperet, appellaretur. In Tabulis matrimonii initi inter Mariam Aloysiam Nivernensem, & Uladislaum Poloniæ Regem scriptum est, inter conjuges convenisse, ut Maria Aloysia, sublato Mariæ nomine, Aloysia dumtaxat vocaretur. Et a quo die Casimirus I. Poloniæ Rex, uxorem ducens Mariam Russiæ Ducis filiam, voluit nomen ut illud ea relinqueret, in consuetudinem abiit in Polonia, ut nulla deinceps fœmina Mariæ nominaretur, in hujus præclari nominis venerationem, ut videre est apud Raynaudum in Diptychis Marianis tom. 7. punct. 2. num. 12.

*Olim nulli vel
regia stirpe
sanguine pro-
gnata licbat
Mariæ nomen
imponere.*

Mariæ nomen mirabiliter conferre, ad æternam salutem etiam ex opere operato, Theologorum fuit sententia, quam improbat Raynaudus.

4 Quidam affirmarunt Theologi, ex divina Institutione Sanctum Mariæ nomen in iis, quæ ad nostram aliorumve salutem pertinent, mirabiles parere effectus, neque solum ex opere operantis, ut dicitur, sed etiam ex opere operato, quemadmodum Exorcismos Ecclesiæ. Vide Novatum de Eminentia Deiparæ Virginis tom. 1. cap. 4. qu. 12. ubi hæc ait: *Dico secundo, pium quibusdam videri posse Divina Institutione nomen Mariæ devote prelatum non solum ex opere operantis, sed etiam ex opere operato valere in iis, quæ nostram, vel aliorum salutem concernunt, sicut valent aliqua alia sacramentalia.* Quæ sententia minime probatur Theophilo Raynaudo, qui loco cit. num. 21. & 22. persuaderi cuicumque posse negat, Mariæ nomen ad nostram, vel aliorum salutem cœlestes parere effectus, etiamsi nulla sit in eo, qui Sanctum nomen invocet, ejusmodi dispositio, cujusmodi opus est in effectibus, qui producuntur ex opere operato.

Festivitas instituta auctoritate Apostolica in Hispania anno 1513, sublata a Pio V. Sixtus restituit.

5 Utcumque tamen sit de diversis hisce sententiis, nobis hic satis est innuere, sapienti consilio ab Ecclesiâ præcipuum Sancti nominis Mariæ cultum, quem invexit Fidelium devotio, approbatum esse. Hæc Festivitas firmata est Pontificio Diplomate anni 1513. in Civitate & Diocesi Conchensi in Hispania. Eam a Pio V. sublata restituit Sixtus V. Cardinalis Deæ precibus permotus, juxta ea, quæ tradit Giacconius in ejus vita, & loco citato testatur Raynaudus; quod etiam confirmatur literis ejusdem Cardinalis ad Joannem Puteanum Conchensem Canonicum, quas refert Hippolytus Marraccius in *Purpura Mariana*.

Innocent. XI. recitari jussit Officium in Ecclesia universalis.

6 Ab Hispania in alias permeavit regiones Festivitas Nominis Mariæ, quæ celebratur die 22. Septembris, juxta eorum opinionem, qui putant, apud Judæos nonnisi quindecim ab ortu elapsis diebus infanti nomen imponi consuevisse, Nunc vero Dominica infra Octavam, ut diximus, Nativitatis Festum hoc peragitur; & secundi Nocturni Lectiones in Officio petuntur e Sermone D. Bernardi. Officium vero Nominis Mariæ ab universali Ecclesiâ recitari jussit Venerab. Dei Servus Innocentius XI. Decreto suo ann. 1683. edito, in ejus victoriæ memoriam, qua Beatissimæ Matris ope a Christianorum copiis profligatur Turcarum exercitus ab obsidenda Vienna destitit, quæ urbs si in Barbarorum manus venisset, plurimum Catholica Religio detrimenti cepisset. Non defuere tum temporis qui Decretum Pontificis improbarent, atque ejusmodi cultu ac Festivitate instituta, Mariæ nomen æquiparatum nomini Jesu dictarent. Sed Battaglinus Nucernus Episcopus tom. 4. Annalium suorum ad ann. 1684. futilem hanc diluit objectionem; & Bailletus ad diem 8. Sept. ubi

ubi de hac Festivitate verba facit, candide fatetur, minime ex ea argui posse, Mariæ nomen nomine Jesu esse præstantius, vel pari esse dignitate. Consulat Lector, si libet, quæ alibi disseruimus, cum de Festivitate nominis Jesu ageremus.

CAPUT XI.

De Festo B. Mariæ de Mercede die 24. Septembris.

Apparuit B. Virgo Maria Petro Nolasco, & Raymundo de Pennafort, & Jacobo Aragoniæ Regi, quos monuit, Filio suo sibi que gratum fore, si in sui honorem Ordo Religiosorum hominum institueretur, cujus liberandorum & Turcarum servitute Christianorum partes essent præcipuæ. Ab illis igitur Sanctis, & Aragoniæ Rege Regularis Ordo sub Invocatione B. Mariæ de Mercede Redemptionis Captivorum primordia sumit, in quo non modo tribus illis votis, quæ constituunt Religiosæ professionis substantiam, Castitatis, Paupertatis, & Obedientiæ se Sodales obstringunt, sed quarto etiam vovent, ipsos pro liberandis captivis, si opus fuerit, infidelibus in servitutem se deduturos. Hæc omnia narrant Zumel, Vargas, Remon, Vidondus, Salmeron, Spondanus, Hieronymus Romanus, Zurita, Castillo, Illescas, & Penia. Firmissima vero hujus historiæ fundamenta non aliunde petenda sunt, quam ex Actis authenticis S. Petri Nolasco, & Epistola ad eundem Petrum a S. Raymundo de Pennafort scripta, in qua B. Virginis apparitio exponitur, & in Bulla Canonizationis S. Raymundi de Pennafort. Et quamquam P. Echardus dubitaverit, an genuinus esset factus ea Epistola; tamen, cum accurato & judiciali examini sit expensa anno 1721. coram Episcopo Barchinocensi, qui judicavit, sinceram Epistolam esse, nullus jam dubitandi restat locus. Nos in hoc argumento diutius non immorabimur, qui prolixè totam hanc rem tractavimus lib. 4. de Canonizat. Sanctor. part. 2. cap. 9. num. 10. & sequen. ubi num. 13. docuimus, hanc institutam esse Festivatem, ut B. Mariæ cultus amplificaretur, & ut pro tam singulari beneficio Deo ejusque Sanctissimæ Matri quotaunis gratiæ agerentur: Officium vero primum Ordini de Mercede concessum, deinde ad omnia Hispaniæ Regna, ac postea ad Gallias fuisse propagatum; denique Innocentium XII. ab universali Ecclesia recitari jussisse, ac Festivitati 23. Septembris diem constituisse.

*Apparitio
Delphæ San-
ctæ Petro No-
lasco, & Ray-
mundo de Pen-
nafort hanc
exsulit Festi-
vitatem.*

C A P U T X I I.

De Festo Rosarii Beatissimæ Virginis prima Dominica Octobris.

Quid intelligatur Rosarii nomine. Ea præcandi formula ab beaticis venata

1 SANCtissimi Rosarii B. Mariæ Solemnitas prima Octobris Dominica celebratur. Quid autem Rosarium sit, ipsæ docent Lectiones secundi Nocturni, quæ leguntur in Officio, quod ex præcepto in omnibus Mundi Ecclesiis recitatur. *Est autem Rosarium certa præcandi formula, quæ quindecim Angelicarum Salutationum Decades Oratione Dominica interjecta distinguimus, Et ad eadem singula totidem nostræ Reparationis Mysteria pia meditatione recolimus.* Ejusmodi orandi modus, quo Salutationes Angelicæ recitantur, interjecta singulis illarum decadibus unica tantum Oratione Dominicali, heterodoxorum nonnemini parum probatus est, quasi Deiparæ plus patrocinio, quam Dei auxilio confidamus. Sed Valentia in Opere de rebus Fidei, ejus ætate, controversis lib. 2. Apologetici adversus Gentes cap. 6. pag. 715. piū hunc orandi modum vindicavit: ait enim, nos debita animi demissione ad divinæ Majestatis Thronum volentes accedere, a gloriosa Deipara ingeminatis precibus flagitare, ut ad Deum nobis aditum muniat, ac pro nobis ante intercedat, quam ipsum misericordiarum Patrem invocemus.

Quid de Rosario scripserint

2 De Rosario scripsere Malvenda in Annalibus Ordinis Prædicatorum, Justinus Miecoviensis super Litanis B. Virginis, Jacobus Percinus in monumentis Conventus Tholosani, Jacobus Lafon in Præfatione Apolog. Spondanus, & Bzovius ad annum Chr. 1213. Thomas Vincentius Monelia Ordin. Prædic. in Dissertatione de Origine sacrarum precum Rosarii Romæ anno 1725. edita, & Continuatores Bollandiani in Vita S. Dominici. Nos quoque Promotoris Fidei munere fungentes, cum in sacra Rituum Congregatione ageretur de inferendis in Officium Rosarii secundis lectionibus propriis, investigare conati sumus Rosarii Auctorem, scriptumque edidimus, de quo meminit modo allatus Monelia in Præfatione Dissertationis suæ: *Consulat, plura de Rosario qui nosse voluerit, Malvendam &c. aliosque sexcentos, maxime Prosperum Lambertinum Archiepiscopum Theodoricensem de sacro hoc ritu optime meritum.* De Rosario itidem loquuti sumus tom. 4. de Canonizat. Sanctor. par. 2. cap. 10. num. 11. & sequen.

S. Dominica a Romanis Pontificibus tribuitur.

3 In pluribus Romanorum Pontificum Constitutionibus Rosarium S. Dominico tanquam auctori tribuitur. *Ex quo ergo tem-*

tempore pius hic orandi modus mirabiliter per S. Dominicum promulgari augeturque cepit, quem ejusdem institutorem auctoremque fuisse Summi Pontifices Apostolicis litteris passim affirmarunt: Sunt autem hi, Leo X. S. Pius V. Gregorius XIII. Sixtus V. Alexander VII. Innocentius XI. & Clemens XI. ut videre licet in citato loco de Canonizat. Sanctor. num. 13. & in cap. 1. Dissertationis P. Monelæ.

4 Id autem quibusdam haud ita facile persuaderi potest; quibus magnus hæret ille scrupulus, nullum S. Dominico coævum esse Scriptorem, qui tradat, eum fuisse Rosarii Institutorem; multosque contra esse viros graves, qui non putant S. Dominicum ejusmodi precandi Ritus auctorem: quidam enim ipsum S. Benedicto tribuunt, alii Venerabili Bedæ, alii Petro cuidam Eremitæ, alii Fratri Alano de Rupe, qui fuit Ordinis Prædicatorum.

*Annonnulli
S. Benedicto;
a quibusdam
Bedæ tribu-
tur.*

5 Huic objectioni ex eo petita, quod Auctores desint coævi, qui Rosarium S. Dominico tribuant, accurate respondet Monelia cap. 6. ubi varios multiplicesque casus commemorat, puta bella, pestem, & incendia, quibus probabile est hujus rei monumenta intercidisse. Sed illud omnem videtur difficultatem amoliri, quod perpetua fuit in Ordine Prædicatorum Traditio, S. Dominicum Rosarii fuisse Auctorem. Eam vero Traditionem graves amplexi sunt Scriptores, probaruntque Romani Pontifices, nec validis destituitur conjecturis, quas mox proferemus.

*S. Dominico
vindictur.*

6 Mabillonius, sane vir sapiens, & doctrina clarus, negat, S. Benedicto, aut Venerabili Bedæ Rosarium acceptum ferri posse: eorum enim ætate ne in usu quidem erat Salutatio Angelica. Nam Odo Parisiensis Episcopus Decretum edidit anno 1196. in quo ad Symbolum, & Orationem Dominicam addidit Salutationem Angelicam. *Exhortentur Populum sæpe Presbyteri ad dicendam Orationem Dominicam, Et Credo in Deum, & Salutationem B. Virginis.* In veteri Codice, quem edidit Romæ Venerabilis Cardinalis Thomafius anno 1680. in scrutinio Catechumenorum non nisi de Symbolo, & Oratione Dominica fit mentio pag. 54. 58. 445. & 452. quapropter Mabillonius in Præfat. ad secul. 5. Benedictinum num. 125. diffiteri non potest, Rosarium falso existimari vel S. Benedicti, vel Bedæ inventum; quod offendit etiam Natalis Alexander, & Gravefonus, quos adduximus loc. cit. de Canonizat. Sanctor. num. 11. quibus addi potest Monelia in allata Dissertat. cap. 2. num. 6. ubi recte ostendit, nihil propterea quicquam detrahi ex B. Mariæ cultu, de quo a Christianæ Religions usque primordiis certissima suppetunt argu-

*Negat Ma-
billonius tri-
bendum esse
vel S. Benedi-
cto, vel Bedæ.*

menta, quique post damnatum Nestorium seculo V. & Iconomachos seculo 8. auctus est in dies magis, plurimis in ejus honorem Templis excitatis, hymnis, & precationibus in Ecclesiam inventis, frequentique ejus invocatione introducta.

Opinio quædam expenditur a Mabillonio de Instituto a Petro Eremita Rosario.

7 Idem Mabillonius in cit. Præfat. seculi 5. num. 127. opinionem eorum expendit, qui Petro Eremitæ Rosarium tribuunt; & præterquam quod de eo homine ait non liquere, quis qualisve fuerit, eum quibusdam affirmantibus Monachum fuisse Benedictinum, aliis Eremitam illum fuisse, qui Urbano II. Pontifice tantum studii & operæ contulit ad bellum sacrum suscipiendum, ut videre licet apud Theoph. Raynaud. tom. 7. de Diptychis Marian. pag. 231. monet, hanc opinionem a Polydoro Virgilio excitatam esse lib. 5. de Inventoribus rerum cap. 9. ac in eo Virgilium errore deceptum: Erimannum quidem seculo 12. in suo libro *de Restauratione Monasterii S. Martini Tornacensis* edito a Dacherio Spicileg. tom. 12. pag. 414. & 415. visionem Eremitæ cujusdam tradere, qui sibi videre visus est Theodoricum in judicium ante Deum trahi, quod in bello gesto cum Balduino Comite Monachos aliquos igne necasset; pro eo B. Virginem intercessisse precibus uxoris ejus Adæ commotam, quæ quotidie sexaginta Salutationes Angelicas recitaverat, ac ex eo tempore hunc precandi ritum apud Fideles percubuisse: negat tamen Mabillonius, potuisse Polydorum inde affirmare, hunc Eremitam fuisse Petrum illum, quem supra memoravimus, ac sexagenas illas Salutationes Angelicas idem esse ac Rosarium. Quod vero attinet ad B. Alanum de Rupe, illum quidem Rosarii auctorem vel ex eo constat non fuisse, quod in Opere suo cap. 8. Rosarii antiquitatem inculcat; ut propterea nonnisi ejus instaurator ac promotor videatur, quod observat etiam Trithemius de Scriptoribus Ecclesiast. Verbo *Alanus*, & Sixtus Senensis in Biblioth. Sancta itidem verbo *Alanus*, & Nos quoque advertimus lib. 4. de Canonizat. par. 2. cap. 10. num. 11.

Mos recensendi ad globulos Salutationes Angelicas S. Dominico vetustior, ut etiam eorum iteratio. Sed certus numerus, & interea contemplatio Mysteriorum Christi est Rosarium S. Dominico tribuendum.

8 Plura in Rosario considerari possunt. Primum est pia consuetudo recensendi ad globulos Salutationes Angelicas, ut earum ratio constet, quæ S. Dominico antiquior est: testatur enim Sozomenus in Hist. Ecclesiast. & Palladius in Historia Lausica, veteres Eremitas ad eundem modum precum suarum rationem supputasse, quod ipsi nos etiam observavimus cit. cap. 10. num. 11. Facit in rem nostram Canon decimus Concilii Celichytensis in Anglia anno 816. habiti, in quo circa Episcoporum exequias statutum est, ut singuli servorum Dei diem jejunent, & triginta diebus Canonicis horis expleto Synaxeos, & septem Beatorum Pa-

ter

ter noster pro eo cantetur; ut videre est in Collect. Labb. tom. 7. pag. 1489. *Beltis* a Saxonica voce *Belt* derivatur, & cingulum significat, aut quid simile, supputandis precibus adhibitum, ut observat Henricus Spelmannus apud du-Cangium in *Glossario mediae, & infimae Latinitatis* in verbo *Beltis*. Considerari præterea potest in Rosario earumdem precum iteratio; quæ hæc itidem est S. Dominici ætate antiquior, quod colligitur ex iis, quæ de Ada Theodorici uxore attulimus, & ex Cæsario Monacho Cisterciensi, qui 12. seculo narrat inventum ritum quinquagenas recitandi Salutationes Angelicas, ut videre est Dist. 7. cap. 48. cum quo consentiunt alia monumenta, quæ profert Monelia cap. 2. num. 3. & sequen. Hæc omnia profecto Rosarii fuerunt quodammodo rudimenta. Verum cum Rosarium constet certo quodam Orationum Dominicalium & Salutationum Angelicarum numero, quibus recitandis interea quædam Redemptionis nostræ mysteria contemplamur; atque hujus precandi ritus & formulæ nullum ante S. Dominicum extet vestigium; quis jure S. Viro honorem detrahat ejusmodi piæ inventionis, rejiciatque piam, vetustam, constantemque Traditionem Venerabilis Ordinis Prædicatorum, quam in suis Constitutionibus probarunt Romani Pontifices, & in Lectionibus Breviarii, quæ ab universali leguntur Ecclesia, relatare voluerunt? cum præsertim non desint monumenta, quibus ostenditur, & post S. Dominici obitum, nulla interjecta mora, in Ordine Prædicatorum ejusmodi precandi ritum esse propagatum. Circa dimidium seculi 14. Humbertus Delphinus, abdicato Principatu, Ordini Prædicatorum nomen dedit. In Parisiensis sui Ordinis templo corpus ejus sepultum est, ac in æneo ejus sepulchro exculpti sunt Fratres quidam Dominicani Rosarium manu gestantes. Vide Biblioth. P. Echard. tom. 1. pag. 352. & tom. 2. pag. 271. ubi monumenta simul congeſta reperiuntur, quæ in hanc rem mirifice faciunt. In Placentinæ Ecclesiæ historia tom. 2. in Regestum Privilegiorum num. 108. pag. 406. Petrus Campus inseruit Constitutionem Alexandri IV. ann. 1294. ideoque quatuor & triginta annis post S. Dominici obitum promulgatam, in qua Indulgentiam concedit Confraternitati Sanctissimi Rosarii in Ecclesia Fratrum Prædicatorum Placentina. Quæ omnia Traditione validius confirmant, ut Bailletus, vir alioqui intemperantior ingenii, iniquum esse fateatur, gloriam ejusmodi S. Dominico detrahere, ad diem 15. Augusti §. 6. n. 33.

9 Hæc omnia jam diximus in Opere de Canonizat. Sanctorum aliiſque extulerunt, qui de Rosario scripsere; præsertim P. Monelia in citata Dissertatione, quibus modo Spinelli auctoritatem addi-

*Vita S. Domini
nici Gallicè
nuper edita.
Rosarium iri-*

*huius S. Domini-
nico ex spurtilis
documentis.*

addimus Tract. de Maria Deipara cap. 39. num. 5. *Ceterum quid-
quid sit de Institutione iterandi Salutationem Angelicam per glo-
bos, certe peculiaris hæc orandi formula, quam Rosarium, sive
Psalterium appellant, certo ac constituto numero, quo Oratio Do-
minica quindecies, & Salutatio Angelica instar Davidici Psal-
terii centies & quinquagies repetitur, a S. Dominico incho-
tis Prædicatorum Patriarcha contra Albigen-
ses hereticos institu-
ta est, atque in tres Salutationum Angelicarum quinquagenas tri-
buita, in qua ad excitandam erga Christum ejusque Genitricem
pietatem quindecim sacra eorumdem mysteria meditanda proponun-
tur.* Nuperrime S. Dominici vitam Gallice scripsit multa cum
laude Tauronius Ordinis Prædicatorum Parisiensibus typis anno
1739. editam, in cujus capite 14. agitur de Institutione Rosarii.
Prodierat Ferrariæ ann. 1735. liber, quo veteres quædam con-
tinentur historiæ cujusdem Galvani Bragiæ Bononien-
sis, qui anno 1347. & cujusdem Augustini Anelli, qui anno 1430. scripse-
runt; & quod magni refert, cujusdam Luminosi de Apofa, qui
fuit S. Dominici cœvus. Quibus historiis proditum est, primum
S. Dominicum Rosarium instituisse, eamque orandi formulam
Bononiæ pro concione commendasse. Has historias cum erudi-
tus Gallus legerit, magno triumphat gaudio. Verum, si aucto-
res illi cujusmodi sint novisset, ut ipsi novimus; nec clam illi
fuisset, quosdam non ex Dominicana, sed ex alia sacra Familia
supposititios illos auctores effinxisse, frustra adhuc monitos & pro-
vocatos, ut efferrent, profecto cæteris argumentis contentus,
quæ & ipse affert, & cum iis consentiunt, quæ nos attulimus,
ejusmodi apocryphis monumentis abstinuisset.

*De origine &
progressu hu-
jus Festivita-
tis.*

10 De Sodalitatibus sub invocatione B. Mariæ Virginis Ro-
sarii institutis, & de Indulgentiis ac spiritualibus gratiis, quas
devote Rosarium recitantibus concessere Romani Pontifices, non
est hujus nostri instituti sermonem habere. Ratio instituti no-
stri postulat, ut de origine & progressu Festivitat-
is Rosarii agamus, quæ in tota Ecclesia prima Octobris Dominica cum Offi-
cio & Missa propriis celebratur.

*Victoria Na-
valis Christiano-
rum ad Nau-
pactum.*

11 Septima Octobris die anni 1571. quæ fuit prima Domini-
ca mensis, commissum est navale prælium ad Naupactum S. Pio
V. Pontifice, qui eodem momento, quo Christianorum classis
Turcarum classem prope deleverat, de nostrorum victoria divi-
nitus monitus est; quod constat ex Processu ejus Beatificationis,
& ipsi tradidimus in Compendio a nobis scripto ejus vitæ, virtut-
um, atque miraculorum, quod in calce Primi Tomi edidimus
de Canonizatione Sanctorum.

12 S. Pius V. jussit, quotannis S. Mariæ de Victoria commemorationem fieri, ut habetur in Martyrologio ad hunc diem: *Eodem die commemoratio S. Mariæ de Victoria, quam Pius V. Pontifex Maximus ob insignem victoriam a Christianis bello navali ejusdem Dei Genitricis auxilio hac ipsa die de Turcis reportatam quotannis fieri instituit.* Baronius autem in Notis hæc de ea victoria scribit: *Fidelium classis Sanctissimi Domini Nostri Pii V. Papæ, ac Catholici Hispaniarum Regis Philippi, nec non inclitæ Vencorum Reipublicæ sædere coacta gloriosam, ac cunctis seculis memorabilem de Turcis Christiani nominis insensissimis hostibus ad Echinadas insulas, captis hostium triremibus centum & octoginta, cæteris dissipatis, victoriam reportavit.*

S. Pius ob eam Victoriam jussit fieri commemorationem S. Mariæ de Victoria.

13 Verum Summus Pontifex Gregorius XIII., quod maxime memorabilis victoria parta nobis esset prima Octobris Dominica, cum piæ Sanctissimi Rosarii Sodalitates ex more institutoque suo processione incidentes Deum devote precarentur, ita ut pie existimari potuerit ejusmodi preces, intercedente B. Virgine Maria ad eam victoriam plurimum contulisse; idcirco, ejus rei ut perpetua extaret memoria, utque Deo, ejusque Sanctissimæ Matri gratiæ, ut equum est, agerentur, jussit deinceps solemnem prima Octobris Dominica Festivitatem peragi sub nomine Rosarii, & æque ac cæteræ Solemnitates celebrari, Officiumque B. Virginis novis Lectionibus auctum sub ritu duplici majori recitari, in iis tamen dumtaxat templis, in quibus vel Capella aliqua, vel Altare esset erectum sub invocatione B. Virginis Rosarii.

Gregor. XIII. primam Octobris Dominicam constituit celebrandæ festivitatis Rosarii cum Officio sub ritu duplici majori in templis, in quibus esset Altare sub invocatione Rosarii.

14 Datæ fuerunt Apostolicæ literæ Calend. Aprilis 1573. quæ extant in Bullario Romano. Clemens X. Mariannæ Hispaniarum Reginæ precibus permotus concessit, ut solemne Rosarii Festum per omnia Hispaniarum Regna, aliasque regiones Catholico Regi subjectas celebraretur, & Officium, & Missa recitaretur ab iis, qui Horas Canonicas recitare tenentur, etiam si nullum Sacellum, seu Capella, aut Altare esset sub invocatione B. Virginis Rosarii, ut colligitur ex ejus literis Apostolicis in forma Brevis sub die 26. Septembris 1671. idque Indultum S. Rituum Congregatio succedentibus annis ad varias regiones, Civitates, & Dioceses in Italia & extra Italiam protulit.

Clemens X. Officium recitari jussit per totam Hispaniam.

15 Sub Innocentio XII. Leopoldi Imperatoris nomine delatæ sunt preces S. Rituum Congregationi, ut ad universalem Ecclesiam Officium & Missa Rosarii propagaretur; sed rescriptum, quo pii Augusti Principis postulationibus satisfactum erat, Pontificis morte interceptum, antequam ad eum referretur, aut approbaretur, executione caruit.

Ab Innoc. XII. postulavit Leopoldus Imperator, ut Officium recitaretur in universo Ecclesiarum.

*Id a Clemente
XI. cur tan-
dem impetra-
tum.*

16 Qui Innocentio XII. successit Clemens XI. approbando Rescripto, diu multumque superfeldit: sed die Dedicationis S. Mariæ ad Nives, cum Caroli VI. Imperatoris exercitus anno 1716. magnas Turcarum copias ad Temisvariam in Pannonia profligasset, quo tempore Confratres Sodalitatis Rosarii solemnem Romæ processionem peragebant, Deumque obsecrabant, ut, B. Virgine intercedente, Christiani nominis hostis frangeret impetus; cumque diebus, qui Processionem illam sunt consecruti, jussu ejus Pontificis Rosarii continuata esset devotio, & Octava Assumptionis Corcyra Turcarum obsidione liberata esset; propterea decretum illud 3. Octobris die anno 1716. Pontifex approbavit, mandavitque, ut in tota universali Ecclesia recitaretur Officium sub ritu duplici majori, & Missa propria celebraretur.

*Nova lectio-
nes & propriæ
a Bened. XIII.
editæ.*

17 Quod Decretum typis editum est in Bullario Clem. XI. pag. 574. Secundæ lectiones tum legebantur ex Sermone S. Augustini ad Rosarii solemnitatem accommodato; neque tamen in iis de Rosarii institutione ulla mentio. Quamobrem Benedicto XIII. Pontifice re mature discussa in S. Rituum Congregatione, in qua nos, qui tum temporis Promotoris Fidei munereungebamur, nostro non defuimus officio, novæ lectiones secundi Nocturni editæ sunt, quibus docemur de institutione Rosarii, de ejus Festivitate, de Officio ab universali Ecclesia recitando; atque eæ sunt, quas in Ecclesia universa legere jubentur, quotquot tenentur Horas Canonicas recitare.

C A P U T X I I I.

De Patrocinio Beatissimæ Virginis in tertia Dominica Novembris.

*Officium Pa-
trocinii B. V.
& Festivita-
tem Bened. XI.
injunxit
Provinciis di-
stans Ecclesia-
sticis. Cui prin-
cipio nitatur
huius Festi in-
stitutio.*

1 Tertia Novembris Dominica Beatissimæ Virginis Patrocinium celebratur. Officium hujus Festi jam concessum antea fuerat pro omnibus Provinciis Hispaniarum Regi subjectis, quod colligitur ex S. Rituum Congregationis Decreto die 6. Maji 1679. Id etiam aliis regionibus fuerat indultum. Benedictus autem XIII. omnibus Ecclesiasticæ ditionis Provinciis injunxit. Porro hæc Festivitas hoc Catholicorum principio nititur, Beatam scilicet Virginem in Cœlis pro nobis orare & intercedere; quæ quidem intercessio nullam Jesu Christo facit injuriam; etsi enim ille magnus est inter Deum mediator & homines, tamen cum B. Virgo pro nobis orat, ejus nomine postulat, nec nisi per ipsum quic-

quicquam impetrat; atque Mariæ intercessio vim habet maximam, validioremque, quam sit omnium Sanctorum. Rem hanc Theologice tractat Suarez in 3. par. D. Thomæ tom. 2. quæst. 37. art. 4. disp. 2. 3. sect. 3. ubi hæc leguntur in fine notatu dignissima: *Quin potius si vera sunt, quæ de charitate & gratia Beatæ Virginis in superioribus docuimus, existimo a Beata Virgine in hac potestate & efficacia non solum Sanctos singulos, sed omnem etiam cælestem Curiam superari. Itaque si cogitatione fingamus, B. Virginem aliquid postulare, totamque Curiam cælestem illi resistere (sicut apud Danielem unus Angelus alteri resistebat) potentior esset majorisque efficaciam & valoris apud Deum Virginis, quam reliquorum Sanctorum omnium oratio. Et ita quidem sentiunt Sancti Patres paulo ante citati; etque dignitati matris maxime consentaneum, & perfectissimam gratiam charitatis B. Virginis quodammodo debitum; & ideo Ecclesia & frequentius, & altiori quodam modo orat ad Virginem, quam ad reliquos Sanctos. Idem Theologus sequenti sectione 3. probat, B. Mariam esse mediatricem apud Mediatorem, per quam tamquam per collum a capite omnia in corpus defluunt: ex quo inferit, nos apud Sanctum non uti alterius Sancti intercessione; Sancti enim omnes ejusdem sunt ordinis; sed alios tamen Sanctos adhibere intercessores apud B. Virginem, tanquam Reginam & Dominam, Salutationem Angelicam ipsi recitantes, ut eam pro nobis B. Virgini representent; præterea ad hujus vel illius Sancti peculiarem intercessionem nos confugere pro obtinendo hoc vel illo beneficio; Beatæ Virginis tamen pro rebus omnibus sine ullo discrimine opem implorare. D. Thomas in cap. 8. Epist. ad Romanos lect. 5. docet, Deiparam uberiori gratia fuisse præditam, quam quæ cæteris Sanctis obtigerit. *Unicuique (Deus) dat gratiam proportionatam ei, ad quod eligitur. Sicut homini Christo data est excellentissima gratia; quia ad hoc est electus, ut ejus natura in unitatem personæ divinæ assumeretur, & post eum habuisset maximam plenitudinem gratiæ B. Maria, quæ ad hoc est electa, ut esset Mater Christi.* Idem S. Doctor 3. par. quæst. 25. art. 5. docet, Deiparam non solum eo quo cæteri Sancti, sed præstantiori quodam cultu colendam, qui dicitur Hyperdulix, quo neque Sanctos, neque Angelos veneramus. Nam B. Virgo Sanctos omnes Sanctitate superavit, nec quisquam Deipara humilitate fuit Deo subjectior, nec amore conjunctior, nec cultui divino obsequentior.*

2 Si quis Patrum auctoritates cognoscere cupiat de potentissima B. Mariæ intercessione, adeat Suarez locis citatis, & Spinnellum tract. de Maria Deipara cap. 30. Si cui vero cupido sit

Tom. IX.

X x x

cogno-

Quæ uti & potestas intercessionis B. Mariæ. S. Petri

*Damiani lo-
cus a calum-
niis heretico-
rum vindico-
tus.*

cognoscendi etiam apologias, quas nostri Controversiarum Theo-
logicarum Scriptores ediderunt de Laudibus, quæ a nobis in
B. Virginem conferuntur adversus Hæreticorum sophismata, evol-
vat Valeutiam Tract. de rebus Fidei hoc tempore controversis
lib. 5. de Idololatria cap. 14. & Card. Gotti de vera Christi Eccle-
sia tom. 1. cap. 9. §. 8. n. 79. & seq. & tom. 2. part. 2. art. 14. §. 5. n. 32.
& seq. Locuse est ab hæreticis acerrime vexatus apud S. Petrum
Damiani serm. 1. de Nativitate S. Mariæ. *Fecit tibi magna qui
potens est; & data est tibi omnis potestas in Cælo & in Terra, &
nihil tibi impossibile, cui possibile est desperatos in spem beatitudinis
relevare. Quomodo enim illa potestas potentie tue poteris obviare,
quæ de carne tua carnis suscepit originem? Accedis enim ad illud
aureum reconciliationis Altare non solum rogans, sed etiam impe-
rans, Domina, non ancilla. Quæ postrema verba calumniis impe-
runt hæretici, quasi significent B. Virginem imperare Filio suo,
ut ea faciat, quæ postulamus. Sed nemo Christianus est, qui ad
hunc modum oret; quamquam si quis intercessionem Mariæ velit
magnificare, nihil vetat quin in verbis paullulum excedat mo-
dum. Nam etiam Josue cap. 10. legitur per exaggerationem scrip-
tum, *obediente Deo voci hominis*. Vide Petrum Canisum de Ma-
ria Deipara lib. 5. cap. 10. Joannes Episcopus Castoriensis in Tract.
de Sanctorum & præcipue Bmæ Virginis Mariæ cultu Tract. 3.
§. 65. quam supra exposuimus verborum S. Petri Damiani inter-
pretationem probat. Aliam etiam ipse proponit, ut verba illa
Damiani: *Accedis enim ad illud aureum humane reconciliationis
Altare*, de humana natura Filii intelligenda sint: illa autem: *Non
solum rogans, sed etiam imperans, Domina, non ancilla*, non ita
sint accipienda, quasi dicat, Mariam Filio dominari aut impera-
re; sed ceteris imperare creaturis. Calvinus Catholicis exprobat,
quod a Deipara petamus, ut jubeat, Filium nobis dare, quæ po-
stulemus: *Roga Patrem, jube Natum*. Quam calumniam repellit
Bellarminus tom. 2. Controver. lib. 1. de Sanctor. Beatit. cap. 16.
*At quis (inquirit) nostrum hoc dicit? Cur non probat (Calvinus) ullo
exemplo?* Sed Rivetus auctor heterodoxus, cum Cornelio de
Snechis, Jacobo de Voragine, Pelbarto, Costero, & Quirino de
Salazar probari eam precandi formulam reperisset, ita Bellar-
mino insultare ausus est: *An potuit jure Bellarminus exclamare:*
*At quis nostrum hoc dicit? En, Bellarmine, præter alios duo
ex sodalitate tuo non ignobiles. Verum Bellarmini causam de-
fendendam suscepit idem Castoriensis Episcopus eod. Tract. 3.
§. 63. & 66. Vera enim Bellarminum dixisse contendit; nam &
illorum auctorum quidam adeo obscuro sunt nominis, ut quod ab
illis**

illis solummodo scriptum, a nullis scriptum dici possit, & merito ignoraverit Bellarminus legendis celebriorum Auctorum scriptis occupatus; & ex iisdem nonnulli, præsertim Costerus, & Salazar, scripserunt post Bellarminum. Quia cum hoc scriberet Bellarminus, necdum scripserat Quirinus de Salazar, & forte necdum scripserat Costerus, quod illum Rivetus dicit scripsisse.

Modus rite
precandi h.
Mariæ.

3 Quo autem modo rite recteque B. Virginem deprecemur, & ad ejus confugiamus Patrocinium, vetus Ecclesiæ docet Oratio, ex D. Augustino sumta: *Sancta Maria succurre miseris, juva pusillanimes, refove debiles, ora pro populo, interveni pro Clero, intercede pro devoto semineo sexu: sentiant omnes tuum juvamen quicumque celebrant tuam sanctam commemorationem; ea etiam oratio secreta in Missa de Vigilia Assumptionis: Munera nostra, Domine, apud tuam clementiam Dei Genitricis commendat Oratio, quam idcirco de præsentis seculo transulisti, ut pro peccatis nostris apud te fiducialiter intercedat; & celebre Canticum Salve Regina, ubi dicitur: Eja ergo, advocata nostra, illos tuos misericordes oculos ad nos converte; & Jesum benedictum fructum ventris tui nobis post hoc exilium ostende; Quæ Oratio a quibusdam Petro Archiepiscopo Compostellano, qui seculo vixit 10. tribuitur, juxta ea quæ leguntur apud Mabillonium tom. 4. Annal. Benedict. ad ann. 986. pag. 38. Petrus Episcopus Compostellanus cognomento de Moson, qui ante Episcopatum Monasterii S. Petri ante Altaria in eadem Urbe Abbas extiterat. Hic piam Antiphonam de B. Virgine, nempe Salve Regina, composuisse dicitur; quod etiam antea tradiderat Durandus in Rationali lib. 4. cap. 22. Alii auctorem hujus Antiphonæ putant esse B. Hermannum Contractum Monachum Benedictinum, qui seculo undecimo, etiam litterarum expers, intercedente B. Virgine, tam floruit doctrina, ut ætate sua sibi parem habuerit neminem. Igitur Canticum Salve Regina cum composuisset, & jam in Ecclesiis caneretur, forte S. Bernardus tum temporis Apostolicus in Germania Legatus a Spirensibus Clericis illud audivit, atque ea statim verba addidit: *O clemens, o pia, o dulcis Virgo Maria*; ut habetur in Chronico Spirensi Guillelmi Einsengeri lib. 12. ad annum 1147. & quemadmodum observavit Card. Bona de Divina Psalmodia cap. 16. §. 20. in fine, Theophilus Raynaudus tom. 7. in Diptychis Marianis pag. 231. Pagius tom. 3. de vitis Romanorum Pontificum, in vita Gregorii IX. §. 44. Macrius Vocabul. Ecclesiast. verbo *Salve Regina*, Venerabilis Petrus Canisius lib. 5. cap. 13. de Maria Deipara Virg. ubi insuper magna eruditionis copia ab hæreticorum maledictis illud Canticum vindicat.*

CAPUT XIV.

*De Festo Præsentationis Beatæ Virginis
die 21. Novembris.*

*Festitas hæc
est Præsentationis B. Mariæ in Templo;
non Christi Jesu.*

Vigesima prima die Novembris celebratur Festivitas Præsentationis B. Virginis, qua mysterium recolimus non quidem illud, cum B. Mater suum Filium præsentavit in Templo, sed cum ipsa a suis Parentibus præsentata est; quamquam in vetustis quibusdam Ecclesiasticis monumentis ea appellatur Solemnitas Præsentationis, in qua B. Virgo Filium suum præsentavit in Templo, & tradidit Simeoni, ut videre est apud Baronium in Not. ad Martyrologium die 21. Novembris.

*De Præsentatione B. Mariæ
qui vult
traditum sit.*

2 Si quæ vulgo sunt scripta, huc fere libeat, B. Virgo triennis præsentata fuit in Templo, ubi vitam egit usque ad ætatem nubendo idoneam, quo tempore Angelorum opera cibo recreata est. Vide Canisium de Deipara Virgine lib. 1. cap. 12. Spinelum in Tractatu de Deipara cap. 8. Suarez in 3. part. D. Thomæ tom. 2. disp. 7. quæst. 29. idque etiam refert Catechismus Burgenfis in Festis diei 21. Novembris pag. 718. Edit. Parisien. ann. 1703.

*Fœdli fragmentum lahri
fici. Ceteri
Scriptores
qui admirabilia
illa tradunt de Præsentatione
non ita vetusti
Triennem præsentatam in
Templo habet
verus Collecta
Missæ; quod
exonantium
Sinto V.*

3 De B. Virginis Præsentatione locus est Evodii Antiocheni Episcopi, qui Apostolis suppar fuit, apud Nicephorum Histor. lib. 2. cap. 3. *Trimula cum esset in Templum præsentata, ibi in Sanctis Sanctorum traduxit annos undecim. Deinde vero Sacerdotum manibus Joseph ad custodiam est tradita: apud quem cum menses peregisset quatuor, ab Angelo letum illud accepit nuntium. peperit autem hujus mundi lucem, annum agens quintumdecimum, vigesima quinta die mensis Decembris.* Cui subscribunt S. Gregorius Nissenus, Joannes Damascenus, Germanus Constantinopolitanus Episcopus, Andreas Cretensis, & Georgius Nicomediensis Episcopus, quos refert Baronius in Apparatu ad Annal. num. 47. & 48. Verum cum illud Evodii fragmentum hodie ab Eruditis Viris tanquam apocryphum, & a quibusdam Græcis adjectum explodatur, & nec ita sint vetusti Scriptores, quos memoravimus, quidam propterea libere negant fidem esse adjungendam rei, de qua veteres Patres & Ecclesiasticæ Historiæ Scriptores nihil omnino tradiderint, ut animadvertit Natalis Alexander Hist. Eccl. seculo 1. cap. 1. art. 3. Et multo antea observaverat Casaubonus in Prolegomenis ad Annales Baronii pagin. 99. & sequen. & post utrumque, eadem de re scripsit Joannes Andreas Schmidius Prolus. Mariana 1. Amstelod. edita anno

no

no 1712. in tom. 76. Miscellaneorum Bibliothecæ Cardin. Passionei: præsertim vero quod quæ in hac Festivitate quondam legebatur Oratio, *Deus, qui Sanctam tuam Genitricem Templum S. Spiritus post triennium in Templo præsentari voluisti*, eam Sixtus V. suffulerit, eamque ita legi iusserit: *Deus, qui B. Mariam semper Virginem Spiritus Sancti habitaculum bodierna die in Templo præsentari voluisti, præsta, quæsumus, ut ejus intercessione in Templo gloriæ tuæ præsentari mereamur*; ut videre licet apud Gravefonium de Myster. & annis Christi Dissertat. 1. §. 1.

4 Ut igitur ab incertis certa secernamus, negamus de Præsentatione dubitari quicquam posse. Ea vero quæ veluti ejus adjuncta a nunnulis narrantur, fatemur multas rationes suppeteret quamobrem in dubium revocentur. Consulendus Gottus tom. 4. par. 1. de veritate Relig. Chr. cap. 3. §. 4. & 5. ubi postquam omnem hanc rem accurate pertractavit, concludit, nullam excitandam de Præsentatione controversiam; de tempore autem, quo in Templum adducta sit, quomodo ibi educata, cui præsentata fuerit, de his omnibus nihil nos habere exploratum. *Quare cum ex his nihil inveniam ab Ecclesia Latina adoptatum, hanc (Præsentationem) ut certam teneo; de aliis nec adfirmo, nec nego.* Et Gravefonus in prævia declaratione ad Tractatum de Myster. & ann. Chr. *Quo circa constanter suslineo, B. Virginem fuisse præsentatam in Templo, sed quoto ætatis suæ anno fuerit præsentata pronuntiare non audeo, quia ut candide fatear, nihil super hac re ex sacris litteris, ex Traditione, ex antiquis probatæ fidei monumentis compertum & exploratum habeo.* Quæ de ætate B. Mariæ, cum præsentata fuit in Templo, quæque, dum ibi educaretur, sane admiranda contigisse Scriptores prodiderunt, ea omnia suscepit defendenda Maggiolus lib. 1. cap. 8. & 9. Sed optimo sane consilio Præsentationem tantummodo tuetur, reliqua vero non item Franciscus Hieronymus Saxius de Laudibus Mariæ part. 1. pag. 52.

5 Nuperrime sub Clemente XII. Doctus quidam ex Ordine Prædicatorum vir Dignitate conspicuus eruditam edidit Dissertationem de quæstione immaculatæ Conceptionis B. Virginis, an scilicet liceret eam tamquam articulum Fidei definire. In ea Dissertatione Auctor Mysterium attingit Præsentationis B. Virginis, & siquidem præceptum & consuetudo legis præsentandi in Templo masculos primogenitos, etiam fœminas primogenitas esset complexa, ait hoc fulciri potuisse fundamento hanc Festivitatem, quæ rectius tamen diceretur Festivitas Purificationis S. An-

Præsentatam esse non dubitandum. Cetera quæ traduntur de ea re, omnino incerta.

Non sunt Judæi masculi, non sanctos præsentare in Templo. Et nota Virgo non ulla jubente lege præsentata fuit.

na Matris B. Virginis Deiparæ; eadem plane ratione, qua præsentatio Jesu Christi ad Templum *Purificatio B. Virginis* appellatur: quoniam vero lex, quæ primogenitos jubebat offerri ad masculos tantum pertinebat, illud inde arguit auctor, cum Beata Virgo præsentata fuerit, non ex ulla lege, qua Parentes ejus tenerentur, sed ultronea quadam devotione, ut sancte educaretur in Templo, idcirco hanc dicendam esse Festivitatem *Præsentationis B. Virginis*, licet Præsentationis circumstantiæ sint prorsus incertæ.

B. Maria præsentata in Templo, ut sancte ibi educaretur. Exemplum similia in veteri Testamento.

6 Suarez loco citato ait, nulla quidem lege foeminas offerri debuisse, nihilominus licuisse eas offerri. *Quamquam vero lex de offerendis primogenitis ad offerendas filias non obligaret, poterant tamen parentes voluntarie eas offerre, ac divino muneri consecrare.* Bailletus in histor. hujus diei existimat, ab Ecclesia Solemnitatem hanc institutam, ut honor habeatur innocentiae morum, quæ inter infantiam & Annunciationem in B. Virgine enituit. Nos vero, qui ne tantillum quidem a communi Ecclesiæ sententia recedere volumus, dicimus, B. Virginem in Templo præsentatam esse, ut ibi bene educaretur; quod in veteri Testamento non est inauditum aut novum. Nam lib. 4. Regum cap. 11. *Josaba filia regis Joram, soror Ochozæ filium: abscondit cum a facie Asbalæ, ut non interficeretur, secumque sex annos habuit in Templo. Eratque cum ea sex annis clam in Domo Domini:* quod rursus narratur in lib. 2. Paralipom. cap. 22. ut egregie advertit Tillemontius Nota 6. ad vitam B. Virginis.

Celebrabatur olim hæc Festivitas in Oriente cum Officio. In Occidentali Ecclesia Officium Avenione summo Pontifici exhibitum. Initium Festivitatis refertur ad annum 1374.

7 Vetus est in Ecclesia Orientali hæc Festivitas, quæ quondam etiam Officium ejus celebrabat: nam in Constitutione Emanuelis Imperatoris, qui regnare cepit anno 1143. apud Balsamonem in Nomo-Canone Photii tit. 7. cap. 1. inter alias Festivitates etiam Præsentationis Solemnitas numeratur. Quod vero ad Occidentalem Ecclesiam attinet, Officium hujus Festi Avenione Romano Pontifici exhibuit Philippus Mazerius Regis Cypri apud S. Sedem Orator. Quod Officium diligenti examine fuit excussum, decretumque, ut hæc toto Occidente celebritas ageretur, cujus initium refertur ad annum 1374. Id ex literis colligitur Caroli V. Francorum Regis ad Magistros & Scholares Universitatis Navarræ die 10. Novembris ejusdem anni, quibus Rex Festivitatis hujus narrat institutionem, omnesque ad eam quotannis celebrandam cohortatur 21. die Novembris. Eas literas edidit Launojus in hist. Regiæ Scholæ Navarræ par. 1. cap. 10. pag. 78. Quæ hæcenus diximus confirmat Baronius in Not. ad Martyrol. Martene de antiqua Ecclesiæ Disciplina in Div. celebran. Offic.

cap. 34. num. 42. Tillemont. Nota 6. ad Vit. B. Virginis, Thomassinus in Tractatu de celebrat. Festor. lib. 2. cap. 20. num. 7. Galesinius in Notis ad Martyrologium ad diem 20. Novembris, Azorius Instit. Moral. par. 2. lib. 1. cap. 22. & Spinellus Tractatu de Festis & Templis B. Virginis num. 4. pag. 678.

8 Universalem tum temporis gubernabat Ecclesiam Gregorius XI. de quo ita scribunt Continuatores Bollandiani tom. 8. Maji pag. 110. *Egregia Pontificis hujus erga Deiparam devotio probavit sese, quando ad instantiam Philippi de Mazeriis Cancellarii Cypri, post maturam totius negotii discussionem, præcepit Festum & Officium Præsentationis; quod coram se fecit celebrari.* Gregorio XI. Romam reverso, ineunte anno 1377. suspicatur Bailletus, non ubique fortasse hanc Festivitatem illico celebrari coeptam. Eam postea Pius II. & Paulus II. variis Indulgentiis locupletarunt, teste Molano in Martyrologio Usuardi aucto: *Hierosolymis Præsentatio Beatæ Genitricis Dei Mariæ, quam Pius & Paulus Pontifices Romani cum Indulgentiis instituerunt.* Idem in historia Lombardica cap. 84. narratur enucleatius. Ex ea enim compertum habemus, Guillelmum Saxonie Ducem a Pio II. Pontifice postulasse, ut quæ in Ditionis suæ locis ex devotione peragebatur Præsentationis Festivitas, Apostolica deinceps auctoritate celebraretur; quod cum impetrasset, Pius morte præreptus decretum condere non potuit. Illud edidit Paulus II. qui aliquot etiam Indulgentias iis concessit, qui 21. die Novembris in honorem Præsentationis Deiparæ in Ecclesia Divinis adessent Officiis. Pio V. Pontifice Solemnitas hæc, seu verius Officium, quod recitabatur, nonnihil oppugnatum est. *Et si vero Ecclesia Romana, quam honoris causa nomino, festum hunc diem modo non celebrat, alios tamen cum privatim tum publice celebrantes nec damnat, nec vituperat: quia multo etiam tempore jam pridem celebravit, priusquam tandem Pio V. Pontifici maximo visum est Sanctorum ferias contrahere, minor ut illarum numerus majore cum fructu retineatur.* Sunt verba Ven. Canisii lib. 2. cap. 12. num. 96. de Maria Deipara Virgine. Re autem rursus novo subiecta examini sub Sixto V. cum consideraret Pontifex vetustatem hujus Festi in Ecclesia Orientali, & multo antea eandem Festivitatem in Occidentali celebratam fuisse, etiam hanc alii B. Virginis Solemnitatibus addidit anno 1585. *Aliis igitur celebratibus perpetuæ Virgini, quæ ab æterno preparata, & Propheticiis testificationibus prænuntiata, nondum tamen Mater Dei Angelo nunciante fuerat effecta, a Catholica Ecclesia consecratis, ejusdem quoque, quæ Dei Templum futura eras, & Sacrarium Spiritus*

Gregorius XI. coram se hanc Festivitatem celebrari iussit, quo morte præcepto, fortasse non ubique percrebuit. Pius II. instante Saxonia Duce, & Paulus II. ed. celebrari iusserunt. Sublatam a Pio V. Sixtus V. restituit.

ritus Sancti, in Templo Præsentationem ab antiquissimis usque temporibus summa ubique gentium cum veneratione observatam adseribi volumus, Et sicubi intermissa est, restitui ac jugiter custodiri. In Calendarium etiam referri, & in omnibus Ecclesiis Officium recitari jussit.

*Restituta Ec-
clesiæ Festis
hæc Solemnis-
tas opera Frã-
cisci Turriani
Soc. Jesu.*

9 Ea Sixti Constitutio, ex qua verba illa depromimus, septima est in Bullar. Rom. tom. 2. Theophilus Raynaudus in Ditychis Marianis tom. 7. suorum Operum punct. 3. num. 1. tradit, Franciscum Turrianum Societatis Jesu plurimum operæ contulisse, ut Festivitas Præsentationis restitueretur. Ribadeneyra de Scriptor. Societatis pag. 73. multa egregie a Turriano in hanc rem scripta commemorat. Turrianum Romæ obiisse testatur Nicolaus Antonius Biblioth. Hispanæ tom. 2. pag. 372. ipso Præsentationis Virginis Deiparæ Feslo, ejus antiquitate olim propugnata, restitui Ecclesiæ fasces, unde exulaverat, obtinuit. Officium autem, quo nunc utimur, correctum & emendatum fuit sub Clemente VIII. Gavanto teste scilicet. 7. de Festis Sanctorum mensis Decembris cap. 13. num. 21.

C A P U T X V.

De Feslo Conceptionis Beatæ Virginis die 8. Decembris.

*Conceptio du-
pliciter acci-
pitur; ali-
a activa, alia
passiva.*

1 **C**onceptio dupliciter accipi potest; vel enim est activa, in qua Sancti B. Virginis parentes opere maritali invicem convenientes præstiterunt ea, quæ maxime spectabant ad ipsius corporis formationem, organizationem, & dispositionem ad recipiendam animam rationalem a Deo infundendam; vel est passiva, cum rationalis anima cum corpore copulatur. Ipsa animæ infusio & unio cum corpore debite organizato vulgo nominatur Conceptio passiva, quæ scilicet fit illo ipso instanti, quo rationalis anima corpori omnibus membris ac suis organis constanti unitur; ut cum aliis Theologis ait Frassen in Scoto Aadem. tom. 8. edit. Rom. 1720.

*De Conceptione
passiva hæc
agitur. Variæ
Theologorum
propositiones,
quibus cupri-
untur B. Ma-
rigimmacula-
ta Conceptio.
Hanc senten-
tiam non ex-*

2 Non hic de activa Conceptione sermo est, sed de passiva, quæ pura & immaculata fuisse dicitur. Benim Virgo ab originali labe fuit immunis, & a communi omnium hominum contagione libera per gratiam sanctificantem, quam Deus illi indidit in primo Conceptionis momento, cum anima corpori jam membris suis instructo unita fuit. Quæ igitur leguntur propositiones apud Theologos, qui tractant hoc argumentum, omnes consentiunt: Conceptio B. Virginis est immaculata; vel B. Virgo in eo puncto
tem-

temporis, quo anima corpori unita est, ab originali peccato munda fuit & immunis; vel B. Virgo, præveniente gratia, nunquam actu originali peccato subdita fuit; vel B. Virgo primo existentie sue momento fuit sanctificante gratia prædita: vel denique B. Virgo ab originali peccato servata fuit. At non satis Beatæ Mariæ immaculatam Conceptionem verbis significaret, qui eam, antequam prodiret ex utero, sanctificatam diceret; nam Hieremias, dum esset in utero matris, sanctificatus fuit. Antequam exires de vulva sanctificavi te. Hierem. cap. 1. & de Joanne Baptista scribit Lucas cap. 1. Spiritu Sancto replebitur adhuc ex utero matris sue: uterque tamen originale labem contraxit. Itaque quicquid id est, in momento consistit, quo infunditur gratia. Qui igitur sententiam sequitur immaculatæ Conceptionis Mariæ, unam ex paullo superius allatis propositionibus adhibet ad eam sententiam declarandam: quæ propositiones non tantum eam significant in utero fuisse sanctificatam, sed etiam Gratiâ illi sanctificantem in ipso momento fuisse infusam, cum corpori anima unita fuit, ita ut sanctissima fœmina a communi omnium originali labe fuerit immunis; in quam sententiam firmissimis fultam fundamentis propendit Apostolica Sedes, eamque vulgo fideles amplectuntur: quamobrem Petavius Theolog. Dogmat. lib. 14. cap. 2. num. 10. in eam se inclinare declarat: *Movet autem me, ut in eam sim partem propensior, communis maxime sensus Fidelium omnium, qui hoc intimis mentibus, atque deflexum habent, & quibus possunt indiciis officiisque testantur, nihil illa Virgine castius, purius, innocentius, alienius denique ab omni sorde ac labe peccati procreatum a Deo fuisse; tum vero nihil cum Inferis & horum rectori Diabolo, adeoque cum qualicumque Dei offensa & damnatione commune umquam fuisse.* Huic sententiæ favet Ecclesia, ut mox docebimus.

3 In aliquibus Ecclesiis Immaculatæ Conceptionis Festivitas cum Officio celebrabatur; quam consuetudinem seu disciplinam cum Lugdunensis Ecclesia arripuisset, S. Bernardus zelo exarsit, ac celebrem illam scripsit epistolam 174. in qua Festum hujusmodi, tanquam novum, Patribus ignotum, & ab Ecclesiastico ritu alienum improbavit. Unde miramur satis, quod visum fueris hoc tempore quibusdam vestrum (Canonicos Lugdunenses alloquitur) voluisse mutare colorem optimum, novam inducendo celebratam, quam Ritus Ecclesiasticus nescit, non probat ratio, non commendat antiqua Traditio. Argumentum hoc Sanctus pertraxit Abbas, & a sententia immaculatæ Conceptionis visus est paullo alienior; se denique siluisse concludit, dum in particula-

Tom. X.

Y y

ribus

primeret, qui eam sanctificatam diceret in utero. Apostolica Sedes sanctificatam dicitur.

Adversus hanc Festivitatem exarsit S. Bernardus; quod celebrari videtur a Sede apostolica inconsulta.

ribus quibusdam Ecclesiis eam vidit celebritatem peragi; sed tacere non potuisse diutius, postquam in Lugdunensem Ecclesiam Festum hoc introductum intellexerit, inconsulta Apostolica Sede, cujus iudicio quidquid scripserit, se velle subiectum declaravit. *Nam si sic videbatur, consulenda erat prius Apostolica Sedis auctoritas, & non ita precipitanter atque inconsulte paucorum sequenda simplicitas imperitorum. Et ante quidem apud aliquos errorem compereram, sed dissimulabam, parcens devotioni, quæ de simplici corde & amore Virginis veniebat. Verum apud Sapientes, atque in famosa, nobilique Ecclesia, & cujus specialiter filius sum, superstitione deprehensa, nescio an sine gravi offensa etiam vestri omnium dissimulare potuerim. Quæ autem dixi, absque præiudicio sane dicta sint sanis sapientis: Romanæ præsertim Ecclesiæ auctoritati atque examini totum, sicut & cætera, quæ huiusmodi sunt, universa refero, ipsius, si quid aliter sapio, paratus iudicio emendare.*

Epistola illa
S. Bernardi non
est supposita.
ita. Præci-
pius illi se-
pus Sedit A-
postolica au-
thoritas.

4 Quidam negant, S. Bernardi genuinam hanc esse epistolam; quam ei ne illi quidem abjudicant, qui sententiam tuentur de immaculata Conceptione. Quamobrem Theophilus Raynaudus in Diptychis Marian. tom. 7. suorum Operum pag. 48. Epistolæ stylo probe inspecto, ingenue fatetur, vel omnes Bernardi Epistolas tanquam suppositas explodendas, vel hanc ut ejus genuinum factum esse agnoscendam: *Nisi tamen omnes D. Bernardi epistolas ei abjudicare placeat, hanc, quæ omnium maxime Bernardum sapit, alteri tribuere tanquam germanum factum plane prohibemur.* Sunt etiam qui contendunt, S. Bernardum non de passiva, sed de activa Conceptione loqui, ut videre est apud Manrique in Annalibus ad ann. Christi 1136. cap. 4. At nullum interesse discrimen S. Bernardus agnoscit inter B. Virginem, & Sanctos Hieremiam, & Joannem Baptistam, quam quod ea uberiori gratia perfusa sit, hi non ita largiter eadem gratia donati fuerint. Itaque difficile est ejusmodi tueri interpretationem, ut optime animadvertit Mabillonius in notis ad eandem epistolam. Quapropter concinnior responsio est, argumenta D. Bernardi ab aliis quamplurimis, qui hac de re scripserunt, satis esse eversa: præcipuum scopum, quo ille intenderit, fuisse auctoritatem Apostolicæ Sedis, quæ inconsulta, inceptam videret Festivitatem in Ecclesiam Lugdunensem: ac propterea si viveret, & ad immaculatam Conceptionem Sedem Apostolicam esse intelligeret propensorem, ejusque auctoritate in tota Ecclesia hanc peragi celebritatem videret, Disciplinam hanc Romanæ Sedi tantopere probatam statim amplexurum, cujus iudicio epistolam illam sub-
jece-

jecerat. Vide Bellarmin. tom. 2. Controvers. lib. 3. de Cultu Sanctorum cap. 16. & quæ ante eum scripsit Canisius de Maria Deipara Virg. lib. 1. cap. 7. pag. 72. ubi postquam retulit, D. Bernardum Apostolicæ Sedis judicio suos sensus subjecisse, ait: *Quid vero illum facturum fuisse putemus, si hoc nostro seculo vixisset, quo tot Ecclesiæ una cum Romana conjunctæ non solum in unam eandemque sententiam, sed etiam in dicti Festi celebrationem tanto consensu conspirant?* Idem plane scribit Cardinalis Sfondratus in Opere cui titulus, *Innocentia vindicata*, edito anno 1695. pag. 51. & sequen.

5 Nihil autem obstitit D. Bernardi epistola, quin in multis Ecclesiis Conceptionis Mariæ Festum retineretur; nec quisquam fuit, qui examinandum susceperet, utrum ab originali peccato servata esset. Deinde vero ejus rei cognoscendæ studio cum omnes vulgo essent incensi, tota Ecclesia turbæ exitere gravissimæ. Scotus in lib. 3. Sentent. dist. 3. quæst. 1. num. 4. sententiam, quæ immaculatæ favet Conceptioni proposuit, quam tamen affirmare non est ausus, sed rationes tantum diluit, quibus ea poterat oppugnari, cum enim dixisset, *quod Deus potuit facere, quod ipsa (B. Virgo) numquam fuisset in peccato originali, potuit etiam facere, ut per tempus aliquod esset in peccato, & in ultimo instanti illius temporis purgaretur*; subjicit: *quid autem horum trium, quæ ostensa sunt possibilis, factum sit, Deus novit: si autem auctoritati Ecclesiæ, vel auctoritati Scripturæ non repugnet, videtur probabile, quod excellentius est attribuire Mariæ, idest ab originali peccato eam esse servatam.* Cum autem postea strenue defenderit, immunem eam fuisse ab originali labe, ut colligitur ex dist. 18. num. 13. ubi ait: *Beata Virgo Mater Dei numquam fuit inimica actualiter ratione peccati actualis, nec ratione originalis; fuisset tamen, nisi fuisset præservata; cumque communi omnium plausu in publicis conventibus hanc sententiam egregie tutatus esset, præsertim in Universitatibus Parisiensi, & Colonienfi, ut narrat Cavellus in Rosario sæculo 14. Jussu (inquit) Summi Pontificis habita solemnī disputatione coram Facultate Parisiensi, præsentibus Apostolicæ Sedis Legatis, de immaculata Conceptione tanta ingenii subtilitate, tanta solutionum perspicuitate omnia adversa argumenta mira dexteritate confregit & refellit, suamque piam sententiam de Conceptione Mariana, ipsius Mariæ fretus auxilio, argumentorum pondere, tot tamque urgentibus rationibus comprobavit, quod celeberrimam illam Facultatem Matrem Universitatum in suam piam traxerit sententiam, quæ in glorificationem nomine Doctoris Subtilis ipsum con-*

Festivities celebrated, quia prius examinaretur quæstio de immaculata Conceptione. Scotus eam propugnavit. Officium approbatur a Sixto IV.

decoravit; & confirmant Bosius de signis Ecclesiæ, Sannazarius cap. 42. seculo 14. Bernardinus de Buftis in Officio immaculatæ Conceptionis, quod Sixtus IV. approbavit, aliique, quos refert Frassen loc. cit. pag. 188. tum vero sententia de Conceptione immaculata B. Mariæ invaluit, & longe lateque diffusa est. Quapropter Vasquez in 3. part. disp. 117. cap. 2. ita scribit: *A tempore Scoti non solum apud omnes Theologos Scholasticos, sed etiam apud omnes Christianos ita percrebuit, & cum hominum seculis inveteravit, ut nullus jam ab ea deduci, & dimoveri possit*. Si cui vero cupido sit cognoscendi, quo tempore Scotus tantummodo contraria argumenta diluiffe contentus fuerit, ac dumtaxat ostenderit, id fieri potuisse, ut immaculatus esset Conceptus B. Virginis, quove, re penitus examinata, obfirmate immaculatam Conceptionem propugnaverit, adeat Cardinalem Pallavicinum Histor. Concil. Trident. lib. 7. cap. 7. num. 11. & 12.

6 Scotus anno 1308. migravit e vita; anno autem 1387. cum Joannes de Montefono Doctor Theologus ex Ordine Prædicatorum in publicis Lectionibus quatuordecim Propositiones propugnasset, (eas videre licet in Appendice ad tom. 1. Operum Gersonis ultimæ edit. pag. 693. & 694.) quarum quædam erat, B. Virginem in originali labe esse conceptam, adversus eas Universitatis prodiit judicium, quod etiam Petrus de Ordeomonte Episcopus Parisiensis, & in hac re Judex Ordinarius confirmavit. Ad Clementem VII. cui quidam in Schismate Cardinales favebant, & aliquot Provinciæ, atque Avenio, ubi ille Sedem habebat, tamquam vero Pontifici obediebant, appellavit de Montefono; atque eo se contulit, ut propositiones suas defenderet; sed causa se casurum prospiciens judicium declinare maluit, atque Avenione elapsus est. Id vero causæ fuit, quamobrem tanquam contumaciæ reus haberetur, desertusque ab omnibus est, qui ejus partes sequuti palinodiam publice recantarunt. Harum rerum seriem vide apud Spondanum ad ann. Chr. 1387. num. 12. in Histor. Universit. Parisien. Cæsaris Egassii Bulei tom. 4. & in historia Gersoniana ante Gersonis Opera nuperrimæ editionis pag. 7. & apud Echard tom. 1. de Scriptor. Ord. Prædicat. pag. 691.

7 Martino V. qui Basileense Concilium indixit, vita functo anno 1431. successit Eugenius IV. quo Pontifice anno 1. ejus Pontificatus Concilium celebrari cœptum. De immaculata B. Mariæ Conceptione acerrime tunc temporis Theologi digladiabantur; quamobrem Patres ejus Concilii ea de re in Synodo agi oportere arbitrati, ut ea qua par erat maturitate se gererent, Joanni de Turrecremata, qui tum erat S. Palatii Apostolici Magister, man-

Joan. de Montefono propositio adversus Immaculatam Conceptionem nem ab Universitate Parisiensi confusa. Apud Petrum de Ordeomonte Episcopum Parisiensem causam distinctam esse.

Testamentum de B. Mariæ Conceptione scriptum Turrecremata Joanne de Ordeomonte Episcopo Parisiensi. Hujus Decretum, quo servatur Immaculata Con-

ceptio.

darunt, ut quinam esset status controversiæ scripto declararet, suumque ex animi sententia, sive pro veritate, ut vulgo dicitur, iudicium ferret. Paruit Synodi mandatis Turrecremata. Sed omnis adempta fuit occasio, qua quod ille scripserat proponeretur Concilio, & examine expenderetur: nam Cardinalis S. Angeli Legatus Pontificis, qui Concilio præsidebat, dixit, Patres gravioribus curis esse dissentos, ac proinde tum temporis non ita otio abundare, ut tantam rem possent discutere. Præterea cum gravissimis impulsus causis Eugenius Ferrariam Generale Concilium transfudisset, Turrecremata maiorem sanioeremque partem sequutus Patrum Basilea abiit: & quamquam ann. 1438. Ferrariæ Concilium, B. Nicolao Cardinale Albergato Præsidente, celebrari coeptum est, ii tamen qui pervicaciter Basileæ remanserant, sess. 36. anno 1439. habita ita decreverunt: *Doctrinam illam asserentem gloriosam Virginem Dei Genitricem Mariam, præveniente & optante Divini Numinis gratia singulari, nunquam actualiter subiacuisse peccato originali, sed immunem semper fuisse ab omni originali, & actuali culpa, sanctamque & immaculatam, tanquam piam & consonam cultui Ecclesiastico, Fidei Catholice, rectæ rationi, & Sacre Scripture, ab omnibus Catholicis approbandam fore, tenendam, & amplectendam definimus, & declaramus, nullique de cetero licitum esse in contrarium prædicare, seu docere.*

8 Quo tempore Decretum illud edidit Concilium Basileense, non jam erat amplius legitimum, sed schismaticum Conciliabulum; idcirco Sixtus IV. qui dum esset in minoribus Tractatum pro immaculata Conceptione scripserat, teste Waddingo de Scrip-
toribus Ordinis Minorum, duas Constitutiones edidit, quin Decretum illud Basileense commemoraret. Priorem Constitutionem promulgavit anno 1476. in qua Indulgentias aliquot concessit iis, qui in Festo Conceptionis Missam & Officium a se approbatum recitassent, aut Horis Canonicis adfuissent; alteram edidit anno 1483. qua eos damnavit, qui ausi essent affirmare, eum lethaliter peccare, qui Festum illud celebraret, aut hæreticum esse, qui propugnaret, B. Virginem a peccato originali fuisse immunem, ut videre est in Extravag. Commun. tit. de Reliquiis & veneratione Sanctorum. Nec temere quis conjecerit, ad eam edendam Constitutionem ea causa fortasse Pontificem fuisse impulsam, quod Ferrariæ coram Hercule Estensi Duce disputationem publicam habuerit Vincentius de Brandelis de Castro novo Dertonensis Diocesis Ordinis Prædicatorum; in qua opinionem propugnavit Immaculatæ Conceptioni contrariam, ac

Cum illud Decretum editum fuit, jam non erat amplius illud Concilium legitimum. Sixtus IV. Constitutiones duas. Conjectura, quoniam Sixtus eas Constitutiones ediderit.

ac typis impressum deinde edidit Tractatum *De singulari puritate & prerogativa Conceptionis Salvatoris Nostri Jesu Christi ex auctoritatibus ducentorum sexaginta Doctorum clarissimorum*, in quo conatur ostendere, Deiparam non secus ac ceteros homines in originali peccato fuisse conceptam, ac nefas esse credere, aut veluti firmum in Concionibus ad populum asseverare, aut etiam eorum conciones audire, qui in peccato originali conceptam esse negarent. Officium etiam a Pontifice concessum ad examen revocat, eique sententiam suam minime adversari contendit, quam tamen ipsius Pontificis, & Sedis Apostolicæ judicio se declarat subijcere. Disputationem illam anno 1481. habitam, & Tractatum ipsius Fr. Vincentii de Brandelis commemorat Echar- dus initio tom. 2. de Scripturibus Ordinis Prædicatorum. Et Tractatus quidem, cujus Præfatione continetur tota illius disputationis historia, typis editus est anno 1481. & ad idem exemplum adornata fuit altera editio sine loco & tempore, quæ extat tom. 198. Miscellaneorum Bibliothecæ Cardinalis Passionei.

Trithemius
propugnator
immaculatae
Conceptionis
frustra exag-
tatur. Ad eum
defendendum
plures Univer-
sitates evorse-
re. Decretum
Universitatis
Parisiensis.

9 Si Basileense Decretum Sixtus IV. ut æquum erat, est as-
pernatus, illud tamen amplexata est Provincialis quædam Syno-
dus Avenione habita anno 1457. itidemque Universitas Parisien-
sis. Trithemius anno 1494. in Chronico Monasterii sui com-
mentarium ediderat de laudibus S. Annæ, ubi immaculatam
Mariæ Conceptionem propugnabat. Ea de re Religiosus quidam
vir nomine Wigandus vehementi impetu illum adortus est; sed
frustra: nam Universitates Parisiensis & Colonienfis, Carmeli-
tarum Ordo, & Univerfa Fratrum Minorum Familia, plerique
Cardinalium, complures Archiepiscopi, Episcopi, & Principes
Viri, Clerus universus, & Viri docti e Germania Trithemium ab
ejusmodi accusationibus vindicarunt, ut videre est apud Sponda-
num ad ann. Chr. 1494. n. 14. & in Continuat. Hist. Eccl. Fleury to.
24. pag. 229. Paulo post Parisiens. quidam Theol. nomine Jo: Verus
an. 1497. propalam prædicare ausus est, mundatam quidem fuisse
B. Virginem, non tamen ab originali labe servatam. Ex quo cum
grave ortum fuisset scandalum, ab Universitate Parisien. ad publi-
ce revocandam propositionem illam adactus est, ut tradit Spon-
danus ad ann. 1497. num. 8. Ut autem omnes dissensiones tolle-
rentur, eodem anno celebre Decretum Universitas illa edidit,
ne quis deinceps Doctoris gradum consequi posset, qui non esset
in ea sententia, quæ favet immaculatae Conceptioni, ac solem-
ni jurejurando se adstringeret, eandem strenue propugnaturum,
ut videre licet in Hist. Universit. Parisien. tom. 5. pag. 815.
apud Baillet. Hist. Festi Sanctissimæ Concept. Spondanum ad
an. 1497.

an. 1497. n. 8. Fleury to. 24. pag. 336. Fraffen to. 8. pag. 227. Quo quidem Decreto suam obligavit fidem in tuenda sententia de immaculata Mariæ Conceptione, contrariamque opinionem *falsam, impiam, & erroneam* judicavit, quæ sunt Decreti verba; declaravitque quantopere Concilium Basileense suspiceret (cui ceteroqui Universitas illa aliis de causis adhærebat) cum & Concilium ipsum sanctum dixit, & Decretum hoc censuit divinitus editum.

10 Jam vero ad Historiam redeamus de Turrecrematæ scripto, qua nobis patet aditus ad alia Ecclesiæ & Apostolicæ Sedis Acta exponenda. Cum igitur anno 1439. Ferrariam irrepsisset pestilentia, Concilium Florentiam translatum est; in cujus actis nulla extat Turrecrematæ relatio, nullumque scriptum de immaculata Virginis Conceptione. Consequentum est Lateranense Concilium celebrari cœptum ann. 1512. sub Julio II. & Leone X. in quo discutienda erat omnis de Mariæ Conceptione controversia. Etsi autem Leo Pontifex Cajetanum Cardinalem jussit literis mandare sententiam suam, & Cajetanus Pontificis mandata perfecit, ut apparet in ejus Opusculo 1. tom. 2. nihil tamen actum in Concilio de hac controversia. Tridentinam indixit Synodum anno 1542. Paulus III. cumque rumor quidam erupisset, fore ut eadem controversia in Concilio proponeretur, Frater Bartholomæus Spina S. Palatii Apostolici Magister, consentiente Pontifice, Turrecrematæ opus typis edidit, cui titulus: *Tra-ctatus de veritate Conceptionis Santissimæ Virginis pro faciendâ relatione coram Patribus Concilii Basileæ anno 1427. mense Julio de mandato Sedis Apostolicæ Legatorum eidem Sacro Concilio Præfidentium compilatus per Fratrem Joannem de Turrecremata.*

11 Narrat Cardinalis Palavicinus Hist. Conc. Trident. lib. 7. cap. 3. num. 8. Cardinalem Paciecum, cum de peccato originali ageretur, proposuisse, ut hæc tandem de B. Mariæ Conceptione decideretur controversia: frigide id acceptum a Patribus, qui neque locum esse, neque otium suppetere existimarent labori & tempori consumendo in iis, quæ ad Fidem Catholicam non pertinerent. Eodem lib. 7. cap. 7. acres exponit controversias inter Patres coortas ex Decreto de peccato Originali: Cardinalem Paciecum sententiam dixisse, ut ad universalem propositionem, qua omnes homines originali peccato declararentur obnoxii, ea verba adderentur: *De B. Virgine declarat S. Synodus se nihil definire, nisi credit, eam sine originali labe esse conceptam.* Suffragiis initis, etsi plerique existimarent, B. Mariam sine ulla esse labe conceptam, tamen noluerunt contrariæ opinioni præjudicium ferre; itaque omnes Patres Episcopi Astoricensis probarunt sententiam,

*Turrecremata
Tractatus de
veritate usque
ad Tridentinam
Synodum tempo-
ra, cum a Ma-
gistro S. Pa-
latii, consen-
tiente Summo
Pontifice, edi-
tus est.*

*Proposita con-
troversia in
Concilio Tri-
dentino de im-
maculata Con-
ceptione. De-
cretum de pec-
cato originali
generativum om-
nes homines
complectitur.*

tiam, atque his verbis editum est Decretum: *Declarat tamen hæc ipsa S. Synodus, non esse suæ intentionis comprehendere in hoc Decreto, ubi de peccato originali agitur, Beatam & immaculatam Virginem Mariam Dei Genitricem, sed observandas esse Constitutiones felicitis recollectionis Xysti Papæ IV. sub panis in eis Constitutionibus contentis, quas innovat.*

Soave & Launojus Decretum illud impetere sunt ausi. Launojus secundo-
cium.

12 Duo Decretum illud Scriptores obrectarunt; quorum unus Soave in Hist. Conc. Trident. cujus maledicta refellit Cardinalis Palavicinus loco citato. Alter est Joannes Launojus in Præscriptionibus de Conceptu B. Mariæ Virginis, qui aliam, quam quæ a Soave inita est, viam ingreditur. Nam Soave Decretum amplectitur, sed temere & improbe venenatis notis illud depravat. Launojus vero affirmare est ausus, eam Decreti partem, quæ loquitur de B. Maria, non a Patribus Concilii compositam, sed in editione Concilii anni 1564. esse additam; eam enim deesse in editionibus anni 1546. 1551. 1555. Verum ea additio extat in Actis Concilii autographis, quæ Romæ servantur, & in exemplaribus jam editis, & a Massarello Concilii Secretario recognitis. Extat itidem in editionibus Concilii, quæ præcessere annum 1564. & Sorus magni Theologus nominis, qui Concilio adfuit, eam commemorat in Commentar. ad Epist. ad Romanos Antuerpiæ edito anno 1550. hoc est paullo post Sessionem quintam Tridentinæ Synodi habitam die 17. Junii an. 1546. Præterea celeberrimus Theologus Catharinus in Tractatu de Immaculato Conceptu Romæ edito anno. 1551. scribit, eam Decreti partem, qua B. Maria excipitur, summa omnium consensione & plausu esse exceptam, seque Sessioni illi adfuisse. Quapropter quisque fateatur necesse est, vel ipse qui Tractatum illum notis, & omnia ejus auctoris opera generali Præfatione auxit, Launojum impudentissime turpissimeque mentitum. Vide Natalem Alexandrum Hist. Eccles. sec. 2. Dissert. 16. num. 21. §. *Distinguo etiam secundam partem.* Integrum vero Launoji Opus egregie confutatum fuit in libro quodam anno 1700. edito, cujus titulus: *Refutatio libri editi anno 1676. sub nomine de Conceptione Deiparæ.*

S. Pii V. Sancti aduersus eos, qui in Concionibus populum alterutram sententiam attraherent. Dedit viris ea Constitutio conce-

13 Neque tamen Tridentino illo Decreto sublata fuit controversia, quæ Maldonato duce subinde recrudit: novæ enim in Parisiensi Universitate dissensiones exarsere adversus ea, quæ eadem Universitas antea decreverat, præsertim adversus iurjurandum, quo se obstringere oporteret cum qui ad Doctoris gradum promovendus esset, ut videre est in Præfatione Operum Maldonati edit. Parisien. anni 1677. Et in Historia Conceptionis Beati-

tissimæ Virginis edita anno 1696. a Friderico quodam Ulrico Calisto heterodoxo num. 209. & sequen. pag. 237. ubi tamen venenatos animi sui sensus in Patres Societatis, & Sorbonicos evo- mit. Conqueritur S. Pius V. in Constitutione 114. in Bullario Romano anno 1570. edita, magno Fidelium scandalo de utra- que sententia propalatam disceptari; a Sacris Oratoribus in Con- cione alterutram opinionem populo proponi; plurimos ne illud quidem bene nosse, quinam tandem esset status controversiæ; id in Auditorum aumis mala parere quamplurima. Itaque graves in eum statuit pœnas, qui in Concionibus, vel in publicis viro- rum, & sceminarum conventibus alterutram opinionem auderet attingere; viris tamen doctis de hac controversia potestatem dis- ceptandi fecit in publicis disputationibus, ubi & viri adessent qui rem totam intelligerent, & abesset scandalum. Vetuit tamen, ne quis in ea re, quam nondum Apostolica Sedes definierit, al- terutram sententiam auderet notare tanquam erroneam.

14 In eadem Constitutione Bullas Sixti IV. & Tridentinum Decretum confirmavit. Idem Decretum, & Sixtinas, & Piam Constitutiones itidem confirmavit anno 1616. Paulus V. Constit. 96. in Bullar. Rom. qua adversus eos, qui parere detrectave- rint, alias addidit pœnas. Anno autem insequenti 1617. post- quam narravit graves in populo fidelium coortas ex eo dissensio- nes, quod in publicis Concionibus, Læctionibus, & Thesibus auditum esset, B. Virginem in Originali peccato fuisse conceptam, Decreto suo vetuit, ne quis deinceps in Concionibus, Læctionibus, & Thesibus; aut aliis quibuslibet id genus actis affirmare aude- ret, B. Virginem in Originali peccato conceptam; verum eam declarationem Decreto addidit: *Per hujusmodi provisionem San- ctitas sua non intendit reprobare alteram opinionem, nec ei ullum prorsus præjudicium inferre, eam relinquens in iisdem statu & terminis, in quibus de præsentii reperitur, præter quam quoad dis- positio: ut est in ejus Constitut. 105.*

15 Tria deinde in Constitut. 29. anno 1622. statuit Grego- rius XV. quæ priores Constitutiones non attigerant. Primum est, qui in publicis Actis sustineret, B. Virginem sine peccato origi- nali fuisse conceptam, ne contrariam impugnaret sententiam, sed de ea prorsus sileret: Alterum, ut novis exortis contentioni- bus & discordiis in Christiano populo, quod in privatis conven- tibus propugnata fuisset opinio immaculatæ Conceptioni adversa, nemini deinceps ne in privatis quidem actis liceret eam opinio- nem defendere; iis dumtaxat exceptis, quibus Sedes Apostolica id permisisset; permisit autem Fratribus Ordinis Prædicatorum,

Tom. X.

Z z z

modo

*dit de hac con-
troverfia dis-
putare, modo
nenari senten-
tia erroris
notam inno-
rant.*

*In Constitutio-
nibus Pii con-
firmatæ Bullæ
Sixti IV. &
Decretum Tri-
dentinum. Fa-
cimus nova-
Constitutione
Paulus V. con-
firmavit. E-
iusdem Ponti-
ficis Decretum.*

*Constitutio
Gregorii XV.
tria comple-
bitur, quæ
priores Bullæ
& Decreta non
attigerant.
Constitutio a-
lia Alexandri
VII. Frustra-
Hispaniarum
Reges petunt
a Pontifice, ut
divinatur con-
troverfia.*

modo privatim tantummodo & inter se ea de re sermonem haberent. Tertium denique, ut in Officio, & Missa, quæ in Festo Conceptionis B.V. ab Ecclesia celebratur, nemo, siue publice, siue privatim, alio quam Conceptionis nomine uteretur. Tandem Alexander VII. ann. 1671. Constitut. 114. considerans S. Romanam Ecclesiam Festum celebrare Conceptionis intemperatæ semperque Virginis Mariæ, Officiumque Sixti IV. jussu recitari, eumque Conceptionis cultum semel institutum perpetuo in Romana Ecclesia retentum esse, declaravit sibi certum esse, *tueri pietatem & devotionem hanc colendi & celebrandi Beatissimam Virginem, præveniente scilicet Spiritus Sancti gratia a peccato originali præservatam*; gravesque statuit in eum pœnas, qui sententiam, Festum, Cultumque Conceptionis deinceps in dubium revocare auderet, aut quovis prætextu verbis obterere; ita postea concludens: *Vetamus autem Sixti IV. Constitutionibus inherentes, quemquam asserere, quod propter hoc contrariam opinionem tenentes, videlicet gloriosam Virginem Mariam cum originali peccato fuisse conceptam, hæresis crimen, aut mortale peccatum incurrant, cum a Romana Ecclesia & Apostolica Sede nondum fuerit hoc decisum, prout Nos nunc minime decidere volumus, aut intendimus*. Hispaniarum Reges, Philippus III. apud Paulum V. & Philippus IV. apud Gregorium XV. missis etiam extraordinariis Oratoribus, vehementer flagitarunt, ut ea demum controversia dirimeretur: sed nihil amplius, quam quod supra exposuimus, consequi potuerunt. Earum Legationum Acta accurate descripsit Waddingus Libro Lovanii edito anno 1622. cujus titulus est: *De Legatione Philippi III. & Philippi IV. ad Paulum V. & Gregorium XV. pro definienda controversia de Conceptione Virginis*.

Ea autem probant, Ecclesiam Immaculatæ Conceptionis fovere, nihil tamen definitum, Fœderis argumenta

16 Itaque summa totius rei huc redit, ut Ecclesia ad opinionem immaculatæ Conceptionis propensior sit; nondum tamen Apostolica Sedes tanquam Fidei articulum eam definierit. Itaque ex sententia, in quam ipsa inclinat Ecclesia, quæ in omnibus Catholicis Academiis recepta est, quæque Fidelium pietati, & erga B. Virginem devotioni consentanea est, concludamus, B. Virginem a peccato originali fuisse præservatam, & mundam ab omni labe esse conceptam. Et sane decebat, Deum puritatis & sanctitatis tantopere amantem eam sibi matrem formare, quæ ab omni peccato pura, sancta esset, & integra. Quæ vero generatim leguntur in sacris paginis, omnes homines ex Adæ semine propagatos in ipso Adâ peccasse, ut ait Apostolus ad Roman. 5. *Sicut per unum hominem peccatum in hunc mundum intravit, & per peccatum mors, & ita in omnes homines*

MORS

mors pertransiit, in quo omnes peccaverunt, unius tantum, ideoque B. Virginis præſervationem ab originali culpa non excludunt; ut ostendunt Theologi, qui de hoc argumento copiose scripserunt. Deinde Sanctissimam Virginem, etsi numquam peccati mancipium fuerit, Christus Jesus redemit; Perfectus enim Redemptor fuit, cujus partes erant aliquem perfecte, idest ab omni pœna redimere; cum autem carere Dei gratia vel momento temporis sit pœna gravissima, decebat ut esset creatura aliqua, nec sane alia quam Sanctissima Dei Mater, quæ ne puncto quidem temporis esset Deo invisâ, sed per Christi merita quolibet momento ab omni culpa & Dei odio libera esset; idque postulabant tria Christi attributa, perfectissimi Pacatoris, perfectissimi Mediatoris, perfectissimi Benefactoris.

17 Si quis plura de hac re scire cupiat, consulat tractatus Theologicos veterum recentiorumque Scholasticorum. Quæ hætenus a nobis dicta sunt, satis instituto nostro esse possunt. Nunc vero de Institutione Festivitatæ Conceptionis Mariæ sermonem aggrediamur. Emmanuel Comnenus Imperator, qui suum auspiciatus est imperium anno 1143. & obiit anno 1180. in Novella apud Theodorum Balsamoneum in Observation. ad Nomocanonem Photii, Festa recensens, quæ a populo essent observanda, ait: *Nonus dies Decembris; quia tunc Genitricis Dei nostri Conceptio celebratur*; quorum non is sensus est, ut hanc ille Festivitatem tunc institueret, sed ut veterem & multo antea institutam populus, quemadmodum cæteras de Præcepto Festivitates, coleret: non enim novam, sed vetustam esse hanc celebritatem testatur Georgius Episcopus Nicomedienſis sub Imperio Heraclii: *non novissime institutam*. De Archiepiscopo Armeniæ narrat Matthæus Parisius, illum in Angliam profectum, exceptumque in Monasterio S. Albani testatum esse, inter cæteras Armenorum Festivitates celebritatem etiam Conceptionis Mariæ a vetustis temporibus celebrari. Interrogatus inter loquendum ab uno, qui fuit ei assidens Collateralis, Monacho, si in partibus suis Conceptio B. Mariæ celebraretur, respondit: *Celebratur. Et hæc est ratio; quia Angelo nunciante Joachim dolenti, & deserto tunc inhabitanti, ipsa Conceptio facta est. Similiter & Conceptio B. Joannis Baptistæ simili ratione. De Conceptione autem Domini, quæ facta est Angelo annuntiante Mariæ, quæ concepit ex Spiritu Sancto, nulli Fidelium venit in dubium*.

18 Spectat id ad Orientalem Ecclesiam. Quod attinet ad Occidentalem, coeptum hoc Festum quidam existimant in Angliâ; ejusque instituendi occasionem S. Anselmo Archiepiscopo

De institutione Festivitatæ. Verus hæc hujus Festivitatæ in Oriente.

Hæc solemnitas capta celebrari primum in Angliâ.

Cantuariensi oblatam esse a Revelatione, quam quidam ejus Regionis Abbas accepit; saltem ea permotum S. Anselmum quibusdam, qui ejusmodi devotione tangerentur, hanc Festivitatem observari indulgisse. Quamobrem Concilii Londinensis Patres anno 1328. tom. 2. Concilior. Angliæ pag. 494. ita ajunt: *Venerabilis Anselmi Prædecessoris nostri, qui post alia quædam ipsius antiquiora solemnia, Conceptionis solemnne superaddere dignum duxit, vestigiis inherentes statuimus, & firmiter precipiendo mandamus, quatenus Festum Conceptionis prædictæ in cunctis Ecclesiis nostris Cantuariensis Provinciæ festivo & solemniter de cætero celebretur.*

Favet huic opinionem Epistola S. Anselmi Cantuariensis Archiepiscopi.

19 Favet huic opinioni Epistola S. Anselmi, in cujus principio ea leguntur: *Conceptio Venerande Dei Genitricis, quemadmodum per multa signorum experimenta in Anglia, & in Francia, cæterisque Climatibus Mundi celebranda sit declarata, me narrante audiat dilectio vestra.* Quod si hæc Epistola falsi suspicionem careret, ante annum 1109. ea Festivitas in Angliam videretur introducta, cum Anselmus eo anno obierit: sed cum quædam in Epistola viri docti deprehenderint, quæ falsi notæ videntur, non nimis ei fidendum. *An Anselmi sit, a multis merito ducitur in controversiam; cum habeat multa, quæ eidem Auctori repugnant:* sunt verba Christiani Lupi ad Concil. Moguntinum sub Leone IV. tom. 3. veter. edit. pag. 497. Ea vero interrogatio, qua Monachus Anglus a Patriarcha Armenorum de Festo Conceptionis B. Mariæ percontatus est, luculenter ostendit, Conceptionis Festum tunc temporis nondum in Anglia firmis hæsisse radicibus; ut advertit Thomassinus de Festis lib. 2. cap. 5. num. 4.

Ex Anglia transit in Normanniam, Galliam, & Ecclesiam Lugdunensem gratia S. Bernardi.

20 Utrumque tamen sit de Anselmi Epistola, ac de tempore, quo Conceptionis Festum in Anglia firmatum fuit, a communi non arbitramur esse nobis opinione recedendum, quæ hujus Solemnitatis institutionem Angliæ refert acceptam. *Ex quibus omnibus satis compertum habetur, ejusmodi celebritatem in Anglia celebrari cæptam;* scribit Baronius in notis ad Martyrol. ad diem 8. Decembris. Revelationes, quæ rationem præbuisse dicuntur, cur hoc Festum institueretur, vide apud Spinellum in Tractatu de Festis ac Templis Deiparæ num. 1. Documenta vero, quæ probant ea, quæ diximus, assert Lupus loco cit. qui etiam ostendit tractatam hanc Festivitatem ex Anglia in Normanniam, inde in Gallias, & ad Ecclesiam Lugdunensem, quæ S. Bernardo causa fuit, quamobrem eam Epistolam scripserit, de qua supra verba fecimus.

21 Profecto S. Bernardi ætate, qui mortuus est anno 1153. Festum Conceptionis nondum erat in Romanam Ecclesiam inventum. Ille enim, ut supra dictum est, Canonicos Lugdunenses acriter reprehendit, quod in suam Ecclesiam hoc Festum induxerint, nullo Ecclesiæ Romanæ exemplo præeunte. Festum hoc Romæ coëptum est celebrari ab aliquibus ætate S. Bonaventuræ, qui Præses summus Ordinis S. Francisci, Albanensis Episcopus, & Cardinalis mortuus est anno 1274. quandoquidem in lib. 3. sentent. dist. 3. qu. 1. pag. 34. a tergo edit. Venetæ 1538. ita scribit: *Nullius Conceptionis Solemnitatem celebrat Ecclesia, nisi solius Filii Dei in Annuntiatione B. Mariæ Virginis. Sunt tamen aliqui, qui ex speciali devotione celebrant Conceptionem Beatæ Virginis, quos nec omnino laudare, nec simpliciter reprehendere audeo; pro eo quod Sancti Patres, qui alias Solemnitates Virginis, Spiritu Sancti docente, statuerunt, qui etiam magni amatores, & veneratores B. Virginis fuerunt, Conceptionem Virginis solemnizare non docuerunt &c.* Non etiam audeo omnino reprehendere, quia, ut quidam dicunt, hæc Solemnitas non capiti humana inventionem, sed divina revelatione: quod si verum est, sine dubio bonum est solemnizare in ejus Conceptione; sed quia hoc authenticum non est, non compellimur credere, quia etiam contra Fidem rectam non est, non compellimur negare. Qui Bonaventuræ locus si non de Festo quod Romæ, sed alibi celebrabatur, intelligendum sit, tamen certissima suppetunt argumenta, seculo 14. celebritatem hanc Romæ esse peractam. Testatur enim Alvarus Pelagius, qui obiit anno 1340. hujus Festivitatis die Romæ se in Basilica Liberiana concionem habuisse, quamquam non *Conceptionis*, sed *Sanctificationis* verbo utitur, D. Bonaventuræ doctrinam fortasse sequutus, qui loco citato scripsit: *Potest etiam esse, quod illa Solemnitas potius refertur ad diem Sanctificationis, quam Conceptionis, ut videre est apud Bailletum, qui in histor. hujus Eccl. Alvari Pelagii concionem commemorat.* Bachonius etiam Carmelita, qui obiit anno 1350. tanquam oculatus testis narrat, quotaunis in sui Ordinis Ecclesia coram Cardinalibus cum solemnī Missa & Panegyrico Festivitatem hanc celebrari consuevisse, ut videre est apud Gavantium sect. 7. cap. 2. num. 8. de Festis mensis Decembris. Quamobrem in Basileensi Decreto, de quo supra verba fecimus, hæc leguntur: *Renovantes præterea Constitutionem de celebranda Sancta ejus Conceptione, quæ tam per Romanam, quam per alias Ecclesias sexto Idus Decembris antiquitus celebratur, statuimus & ordinamus &c.* Et Baluzius in Notis ad Vitas Paparum Avenionensium pag.

Ætate S. Bernardi non celebrabatur hæc Solemnitas in Romana Ecclesia. Videtur celebrari cœpisse tempora S. Bonaventuræ. Certe seculo 14. celebrabatur Romæ.

pag. 1376. & sequen. affert testimonia Speculatoris qui seculo 13. scientia Juris claruit, & Joannis Andreæ seculo 14. Canonum doctrina peritissimi, quæ evincunt, eorum temporibus Conceptionis Solemnitatem celebrari consuevisse *ex devotione non improbanda*. Sixtus vero IV. in Constitutione secunda ann. 1483. edita ait: *Sane cum Sancta Romana Ecclesia de intemerata semperque Virginis Mariæ Conceptione publice Festum solemniter celebret, Et speciale ac proprium super hoc Officium ordinaveris.*

Officium a Sixto IV. editum fuit Bullis S. Pius V. & aliud illi substituit. Clemens IX. Octavam addidit. Clem. XI. hunc diem posuit inter Festitates de præcepto.

22. Quæ Sixti verba ad Officium & Missam, ex Leonardi de Nogarolis Clerici Veronensis compositione, referuntur; quæ ipse Pontifex approbavit, & quibuslibet in Conceptionis Festo ea recitantibus Indulgentiam concessit, ut apparet ex priore, quam attulimus, Constitutione anno 1476. edita. Officium illud minus apposite scriptum censuit S. Pius V. & e Breviario summovit; in ejus locum aliud substituit Officium, quo etiamnum utimur, teste Gavanto loc. cit. num. 8. & Natali Alexandro Hist. Eccl. seculo 2. Dissert. 16. §. *Ad tertiam probationem*. Clemens VIII. Officium ad ritum duplicis majoris sustulit. Clemens IX. Octavam addidit; & Clemens XI. ad Conceptionis Mariæ venerationem & cultum amplificandum voluit, hanc Festivitatem ex iis esse, quæ in tota universali Ecclesia de præcepto celebrantur, ut videre est in Constitutione 40. ejus Bullarii pag. 90. Nos vero Concistoriali Decreto statuimus, in Festo Conceptionis B. Virginis in Liberiana Basilica deinceps Sacra solemnia peragenda coram Papa, DD. Cardinalibus, & Prælati, quibus in Capellis Pontificiis certus constitutus est locus; eumque diem inter illos, quibus ejusmodi Sacra solemniter ad eundem modum celebrantur, adnumeravimus.

Falso quidam putant a Sede Apostolica definitum hunc articulum. Clem. XI. id re ipsa testatur ejus.

23. Quidam devotione tacti erga B. Virginem, tot jam Sedis Apostolicæ Actis sententiæ de immaculata Conceptione adstipulantibus, eam opinionem arbitrati sunt declaratam esse Fidei articulum. Id vero probari non potest; Festum enim Conceptionis celebrari potest, etsi nihil Ecclesia de Mysterio definierit; atque ita sentit Bellarminus Controversi. tom. 2. lib. 3. cap. 16. *Fundamentum hujus Festi præcipuum non esse Conceptionem Matris Dei futuræ. Qualiscumque enim fuerit illa Conceptio, eo ipso quod Conceptio fuit Matris Dei, singulare gaudium offert Mundo ejus memoria. Tunc enim primum habuimus pignus certum Redemptionis, præsertim cum non sine miraculo ex matre sterili concepta fuerit. Itaque hoc Festum etiam illi celebrant, qui putant Virginem in peccato conceptam.* Bellarmini responsionem amplectitur Cardinalis Gottus in Opere suo adversus Picenium Italice

CAP. XV. DE FESTO CONCEPTIONIS B. V. 551

lice scripto, ubi pulchre animadvertit, Constitutionis, quam edidit Clemens XI. hunc esse titulum: *Ut Festum Conceptionis B. Mariæ Virginis immaculatæ de præcepto ubique in posterum observetur*; vocem illam *immaculatæ*, non ad Conceptionem, sed ad B. Virginem referri Pontificem voluisse, ut appareret, ipsum, cum de præcepto observari eam Solemnitatem juberet, noluisse controversiam definire. Quin etiam cum ea Bulla in quadam Italiæ Civitate typis impressa esset cum titulo, *Ut Festum immaculatæ Conceptionis B. Mariæ* &c. vehementer magnus ille Pontifex ea de re conquestus est, ac die 12. Octobris anni 1709. Ordinario loci mandavit, ut eos acriter reprehenderet, qui typis eam Bullam cum adulterino hujusmodi titulo imprimendam curaverant, eamque in eum modum impressam suppressi jussit, & luce publica prohiberi.

24 Contra Suarez in 3. par. D. Thomæ tom. 2. qu. 27. art. 2. disput. 3. sect. 5. strenue tuetur, in Festivitate Conceptionis ab Ecclesia Conceptionem ut sanctam immaculatamque celebrari; ac rationes, quas profert, fatemur esse gravissimas. Non est nostrum Theologicis hisce quæstionibus implicari. Illud satis erit hic eadem iterare, quæ primo tomo de Canonizat. Sanctor. docuimus cap. 42. num. 13. & sequen. nimjrum vere dici non posse, immaculatam Conceptionem veluti Fidei articulum esse definitam, etiam si Apostolica auctoritate Festum immaculatæ Conceptionis B. Virginis celebretur; cum præsertim concessis Officio & Missa, & Festo ad Ritum duplicis evecto, Paulus V. Gregorius XV. & Alexander VII. declaraverint, controversiam supremo non esse judicio definitam. Præterea Christiani Orbis potentissimi & maximi Reges a summis Pontificibus Urbano VIII. & Alexandro VII. postularunt, ut rem veluti articulum Fidei deciderent, qui tantorum Principum precibus se non passi sunt exorari. Nuperrime eadem iustaurata sunt preces apud Clementem XII. qui post præceptum Clementis XI. ut Conceptionis Festivitas ab omnibus celebraretur, terminos Prædecessorum suorum transgredi noluit, ut apparet e quodam scripto Romæ typis edito, de quo superius a nobis mentio facta est.

25 Quamobrem huic sermoni nostro finem imponentes declaramus, toto nos animo immaculatæ Conceptionis B. Mariæ sequi sententiam: Ecclesiæ Sedisque Apostolicæ propensionem in eam sententiam demisse venerari; firmiter tamen allatis Pontificum Romanorum Constitutionibus adhærere; eosdemque arbitramur esse sensus Universitatis Parisiensis, qui sunt cæterorum Theologorum etiam Italorum. Ea enim declaravit, sententiam suam

Suarez putat
ab Ecclesia Con-
ceptionem ce-
lebrari ut san-
ctam & immac-
ulatam.

Declaratio
Auctoris in
hac Controversia.

suam esse B. Virginem sine macula esse conceptam; qui ad Doctoris gradum provcheretur, eum jurejurando obstrinxit, illam ut sententiam propugnaret; sed cum se a Maldonato, ut supra innuimus, intellexisset, insimulari, quasi vero, nova illa lege juramenti imposita, novum Fidei articulum condidisset, in Theologico Tractatu, quem de hac re adversus Maldonatum edidit, in hunc modum respondit: *Nec Facultas condidit Fidei articulum de Conceptione, sed proposito a Concilio Basileensi, & Sixtini credidit &c. Sedes Romana Tridentinorum sententiam Basileensibus præferi, ipsi Facultas se conformat, & assentitur jam secundum Concilium Tridentinum, affirmationem Conceptionis non esse articulum Fidei Catholicæ, nec pro hæretico notandum quicquid aliter opinari.* Quibus cohærent, quæ scribit Natalis Alexander cit. Dissert. 16. *Sententiam de immaculata Deiparæ Virginis Conceptione non solum ut probabilem & piam, sed ut propriam Facultatis nostræ doctrinam propugnabimus, si de ea dicendi scribendive detur occasio. At contrariam opinionem falsam, impiam, & erroneam, Ecclesia prohibente & Sacra Facultate, quæ suum Ecclesiæ judicium subjicit & accommodat, probante, non dicemus.*

CAPUT XVI.

*De Festo Translationis Sanctæ Domus Lauretanæ.
Die 10. Decembris.*

Hæc Festivitas finibus Piceni olim consuebatur. Propagata fuit ad omnem Etruriam, Ecclésiasticæ, & Venetorum divisioni Provinciæ, & ad Regna Hispaniarum. Additio ad 6. Lektionem sub Innocentio XII.

Die decimo Decembris Festum celebratur Translationis Sanctæ Domus Lauretanæ. De ea meminit Martyrologium Romanum ad eundem diem 10. Decembris: *Laureti in Piceno Translatio Sacræ Domus Dei Genitricis Mariæ, in qua Verbum Caro factum est*: idque in Martyrologium relatum est ex Decreto S. Congregationis Rituum die 31. Augusti 1669. ut lib. 4. de Canonizat. Sanctior. demonstravimus par. 2. cap. 10. n. 15. Antea actis temporibus Translationis ejus Officium tota Piceni Provincia celebrabatur ex ejusdem S. Congregationis Indulto 29. Novembris 1632. sed Lectiones secundi Nocturni de Communi sumebantur ex sermone quodam S. Bernardi. Actum de nonnullis ad sextam Lectionem addendis sub Innocentio XII. Ea vero additio est hujusmodi: *Ipsius autem Virginis Natalis Domus divinis mysteriis consecrata, ab Infidelium potestate in Dalmatiam prius, deinde in agrum Lauretanum Picenæ Provinciæ translata fuit, sedente S. Cælestino V. eandemque ipsam esse, in qua Verbum caro factum est, & habitavit in nobis, tum Pontificiis diplomatis*

matibus, & celeberrima totius orbis veneratione, tum continuè miraculorum virtute, & cœlestium beneficiorum gratia comprobatur. Quibus permotus Innocentius XII. quo ferventius erga Matris amplissimæ cultum Fidelium memoria excitaretur, ejusdem Sanctæ Domus Translationem Anniversaria Solemnitate in totâ Picenî Provinciâ veneratam Missa & Officio proprio celebrari præcepit. Antequam ad ejus Læctionis finem hæc verba adjicerentur, excussa res est in S. Rituum Congregatione, ut constat ex ejus decreto 16. Septembris 1699. Missa propria & Officium intra Picenæ Provinciæ fines continebatur; auno autem 1719. die 19. Maji ad omnem Etruriam propagatum est, subinde a Benedicto XIII. ad Ecclesiasticæ ditionis Provincias, postea ad omnia loca Venetorum Reipublicæ subiecta, ac demum ad omnia Regis Catholici Regna regionesque illi subditas extensum, ut apparet ex decretis die 23. Augusti 1725. & die 10. Novembris 1729. quæ refert Martorellus Episcopus Montis Feltrii in Theatro Historico S. Domus Nazarenæ Romæ edito anno 1733. pag. 119. & seq.

2 Quæ læctioni illi verba sunt addita, quicquid celebratur hac die, complectuntur. Commemorantur Apostolicæ Constitutiones, quæ Lauretanam Sacram Domum eandem esse cum ea testantur, in qua Verbum Divinum humanam carnem assumsit. Hæc vero Constitutiones sunt Pauli II. Julii II. Leonis X. Pauli III. Pauli IV. Sixti V. quas & ipsi memoravimus citato loco num. 16. De miraculis autem, quæ quotidie in Sacra illa Domo contingunt, probantque locum illum eundem esse, in quo ineffabile Incarnationis Verbi Mysterium impletum est, ea sunt prope innumera, sibi quæ continue succedentia, atque ita nota, ut de iis dicere hominis sit abutentis otio suo.

3 Quæ in sextam Officii Læctionem relata sunt, si eorum historiam probandam susciperemus, actum agere videremur. Id enim egregie præstiterit Venerabilis Petrus Canisius, Baronius, Raynaldus ejus Continuator, Turfelinus, Turrianus, Benzoni, Angelita, Centosiorinus, alique, quos citat. loco num. 17. recensuimus. Alia etiam integra collegit monumenta Martorellus in Theatro Sanctæ Domus Lauretanæ. Apud eum videas etiam dicta Testium, qui in solemni examine testantur, se accepisse id a majoribus suis oculatis testibus, qui Sacram Domum in æra sublatam illuc, ubi nunc sita est, asportari viderant. Huc accedunt iteratæ hominum missiones ad urbem Nazareth, ut loci situs & magnitudo cum Sacra Domo conferretur, æque Nazareni loci mensuræ cum Lauretana Domo deprehensæ sunt probe congruere. Vide Turfelinum Histor. Lauretanæ lib. 2. cap. 26.

Tom. X.

A a a a

qui

*Ex additis
complectitur
quicquid hac
Solemnitate
celebratur.*

*Scriptores,
monumenta,
missores in-
nuuntur, qui-
bus probatur
translatæ Do-
mus miracu-
lum.*

qui narrat, a Clemente VII. Summo Pontifice tres, qui illi erant a Cubiculo, missos esse, ut magnitudines mensurasque Lauretanæ Domus cum mensuris locorum, ubi antea fuisset ea Domus, conferrent; & ait: *Ergo illi Lauretum profecti, sacramque Domum intentione cura contemplati dimensique, conscendunt navem Illyricum petaturi. Quo ut ventum est, Lauretanæ instar Ædiculam satis vetustam, & miraculorum monumentis insignem inveniunt. Porro parietis ejus Ædiculæ inscriptum, Lauretanam ibi Domum olim fuisse. Hec accolæ ipsi monstrabant. Haud vana ab illis offerri veræ lacrymæ uberim manantes ex desiderio testabantur. Confestim igitur Legati mensuris admotis deprehendunt prorsus omnia convenire. Protinus repetito cursu pergunt in Galileam. Nazarethum veniunt: Sacræ Domus fundamenta monstrata ab incolis cernunt. Quoquo versus metiuntur; congruere cuncta comperiunt.*

Diluitur gravis quædam ea de re diffusæ.

4. Eam vero citato tom. 4. nostri Operis difficultate minime dissimulavimus, Domum illam Nazarethi in Ecclesiam fuisse conversam, teste Hieronymo Epist. ad Eustochium: *Est Nazareth (inquit S. Doctor) ubi Christus egit, viculus in Galilæa juxta montem Thabor, unde & Dominus noster Jesus Christus Nazarenus vocatus est: habet Ecclesiam in loco, quo Angelus ad B. Virginem evangelizaturus intravit, sed & aliam, ubi Dominus est nutritus.* Hujus Ecclesiæ mentionem factam invenimus seculo septimo & octavo, ut videre est in libro de Locis Sanctis, qui Bedæ nomine circumfertur, cap. 16. *Nazareth muros non habet, sed magna ædificia, duasque grandes Ecclesias: una est in mediâ civitate super duos fundata cantros, ubi quondam fuerat domus, in qua Dominus nutritus est infans: altera vero est Ecclesia, ubi domus erat, in qua Angelus ad Beatam Mariam venit.* Ejusdem Ecclesiæ itidem mentionem fieri novimus circa dimidium seculi decimitertii. Quamobrem haud ita facile quis crediderit, Sacram Domum sub Cœlestino V. aut Bonifacio VIII. eo, ubi nunc est, fuisse translatam. Casaubonus exercit. 7. in Baronium non ita fuit incogitans, quin ex illo Bedæ loco ad versus Lauretanæ Domus veritatem argumentum eduxerit. *Sane cum dicit Beda: ubi domus erat: non obscure videtur significare, jam ætate sua amplius illam non fuisse, nedum esse nunc queat. Nam si ante octingentos, vel nongentos annos non erat illa domus, quomodo verum erit, quod ait Baronius, illam semper durasse integram? Occupat autem responsionem, qua solvi ejus potuisset argumentum, videlicet veram tunc temporis ibi Domum fuisse, sed in Templum conversam. Si quis dicat, non desist-*

desiſſe quidem eſſe illam Domum, ſed in Templum fuiſſe verſam, quæram ego ſi domus verſa eſt in Templum ante tot ſecula, quomodo, & quando Templum iterum verſum eſt in Domum? Non enim Templum tranſtuliffe Angeli dicuntur, ſed Domum. Et quoniam fortasſe quiſpiam dixerit, Sanctam Domum antea jam eſſe alio tranſlatam, cum fuit extructa Eccleſia; idcirco ita pergit: Dicit fortasſe aliquis, tum cum illo loco Templum eſt inædificatum, priorem Domum alio eſſe tranſlatam. Verum hoc neque ullius Scriptoris veteris teſtimonio poteſt probari, neque de re tanta conjeſturis fallacibus temere locus dari debet. Tum autem merito quærat aliquis, ubi latuerit illa domus tranſlatitia per tot ſecula: nam ut initio tranſlatæ nemo meminit, ita ſervatæ nemo. Turſellinus in Hiſtoria S. Domus Lauretanæ lib. 1. cap. 2. tradit, illam a primis Chriſtianis in Eccleſiam fuiſſe converſam, & in eo ſtatu ab Angelis mirifice fuiſſe tranſlatam. Et Honoratus a S. Maria de regulis Criticæ lib. 3. Diſſertat. 1. §. 4. Turſellini ſententiam libenter amplectitur, & Caſauboni ut argumentationem evertat, ait, tunc temporis, cum ab Angelis Sacram Sacellum tranſlatum fuit, & Domum, & Sacram ædem fuiſſe; Chriſtianos enim nihil de integra domo detraxiſſe, ſed ornamenta quædam addidiſſe, quibus ad Eccleſiæ formaretur exemplum. Nos de hac reſponſione nihil pretii diminutum volumus, ſed in noſtro Opere de Canonizatione Sanctorum aliam ingredientiſſe viam, vetuſtiorum Scriptorum auctoritate duce demonſtravimus, Lauretanam Ædem non eſſe integram Domum, ſed illud dumtaxat ejus Domus conclave, ubi Maria ſalutata fuit ab Angelo; ideoque ſalva ſua cuique Auctori ſeptimi, & octavi ſæculi fide, facile concedi poſſe, in eo, in quo domus illa erat, loco Eccleſiam eſſe extructam; ſed ex ea Domo, quod reliquum conclave ſupererat, ubi Verbum Divinum humanam Carnem aſſumſit, illud Angelorum miniſterio tranſlatum eſſe; ita ſibi invicem adſtipulantibus tum vetuſtis monumentis, perpetuæque Traditione, tum ſummorum Pontificum teſtimoniis, communi ſenſu Fidelium, & continuis, quæ in dies eduntur, miraculis.

5 Sed temperare nobis ipſi non poſſumus, quin nonnihil dicamus de eo, quod quidam ut eruditi acriſque ingenii ſibi famam parent, ſemihianti ore muſſitant, ſapientioribus magnique nominis Criticis hujus non probari veritatem hiſtoriæ. Profecto qui ex præſtantiſſimorum Criticorum numero Bollandiſtas explodat, putamus eſſe neminem. At hi ad diem 25. Martii §. 4. poſtquam narravere, Sacram Domum in Dalmatiam fuiſſe tranſlatam ad eum locum, qui vulgò nunc dicitur *Fiume*, inde

Falſo quidem putant porum probari hanc hiſtoriam ſpecialis eccleſiæ Criticis. Io probatur Bollandiſtis.

Lauretum, de magna Lauretana Æde ita disputant. *In hoc Templo Sanctissime Virginis sanctum domicilium visitur, in quo Deipara Virgo ab Angelo Gabriele salutata, & a Spiritu Sancto adumbrata, æternum Verbum & Filium Dei incarnatum in utero concepit. Translatæ hujus Ædiculæ Mariæ dies 10. Decembris sacer est, quando ipsi coram ibidem in Alsari ejus instimo sacrificium Missæ Deo obtulimus 1660. & omnia magna animi nostri lætitia spectavimus in maximo Peregrinorum concursu, quorum Confessiones excipiunt Societatis Jesu Presbyteri e præcipuis totius Europæ ditionibus acciti, ut quique adventantes in patrio idiomate adjuvari possint, & Cælestis dein Eucharistiæ mensa refici. Quantopere vero huic faverit historiæ Papebrochius Bollandi Continuator, apparet ex ejus Responsionibus ad P. Sebastianum a S. Paulo, cujus verba retulimus loco citato num. 20.*

*Probatum N-
tali Alexo-
dro.*

6 Inter optimos Criticos accensendum putamus Natalem quoque Alexandrum, qui Hist. Eccl. sec. 13. pag. 37. edit. Parisien. anno 1699. hæc scribit: *Pontificatus Bonifacii Papæ octavi anno 1. Christi 1294. Sacra Deipara Virginis ædícula, in qua Filium Dei de Spiritu Sancto, Angelo nuntiante, concepit, & Dalmatia in Picenum miraculo delata, in Recinetenfis agri sylva pie Matrone, cui Laureta nomen, propria consedit. Inde Lauretana domus B. Virginis appellatio, quam & in ipso Piceno ter sedem infra annum mutasse repetito miraculo memoriæ proditum est. Qua de re legendus Horatius Tursellinus Societatis Jesu Scriptor elegans in Historia Lauretana.*

*Probatum
Theophilo Ray-
nando, Epi-
scopo, Hono-
rato a S. Ma-
ria, Gravefe-
nio, Guidoni
Grando, Cal-
aucto, Mura-
torio. At pri-
mum quid de
ea senserit
Raynaudus.*

7 Nec vero his sanus quisquam negabit accenseri merito posse Theophilum Raynaudum, Bailletum, Honoratum a S. Maria, Gravefonum, Guidonem Grandum, Calmetum, Muratorium, quos non minus ingenuos, quam doctos nullas unquam dissimulare difficultates in rebus, de quibus agunt, quivis eorum legendis Operibus facile intelligat; tamen Theophilus Raynaudus tom. 8. suorum Operum in Tractatu, cui titulus, *Antemurale adversus fortia ingenia*, pag. 144. & sequen. declarat, se maximam ex eo offensionem accipere, quod inter Catholicos contingat de hac re excitari controversiam, postquam Vergerium, Hospinianum, aliosque Lutheranarum & Calvinianarum partium, qui veritatem hujus historiæ conmissi sunt evertere, Canisius, Turrianus, & Gretserus invictis rationibus refutarunt. Illam vero objectionem, quod sacri illius Conclavis non sit Syriaca structura, ita diluit: *At Macerata in vicinia ædes antiquæ sunt lateritiæ, cujusmodi est Lauretana ædícula. Prob late-*

lateritium non argumentum, sed nugamentum! En quibus machinis firmissima veritas tentatur. Quid quod obtruditur falsitas circa parietes sacre Ædicule, aliam quam Syriacam structuram redolentes? Certo enim parietes sacre ædicule Lauretanæ non sunt lateritii, sed lapidei; idque & ipse diligenter inspiciens at-treblansque deprehendi, semel & iterum eo peregrinatus; & fir-mavis idem cum studio scrutatus Dominus Episcopus Vasonensis Josephus Maria Suares, qui idem ut sua suffragatione firmarem, auctor fuit.

8 Baillettus ad diem 15. Augusti §. 7. num. 36. de Sacra Æde Lauretana, ac de peregrinatione Fidelium ad eam ex omnibus Regionibus confluentium verba faciens, Turfellini historię stan-dum putat super iis, quæ Sanctuarii illius originem, & erga illud devotionem respiciunt: id vero argumento est, hominem vel certissimarum rerum veritatem, ut intemperanti ingenio est, sollicitantem nihil in hac re, quod reprobandum duxerit, re-perisse; præsertim cum in Tabula Critica Scriptorum ad diem 15. Augusti nullum verbum faciat; quod quidem fecisset more suo, si quidquam in ea re difficultatis offendisset.

Baillettus ni-hil habet ad-versus tam bi-storiam.

9 Honoratus a S. Maria tom. 2. de Regulis Criticæ lib. 3. Dis-fert. 1. hanc historiam strenue defendit; ac divinum illum hor-rorem præcipue commemorat, qui cuivis in sacram illam ædem introeunti oboritur. Quam in rem ait Turfelinus: *Divinus ille omnium pectoribus incutitur horror ad Sacrosanctæ Domus in-gressum.* Et Canisius: *Homines flagitiis obrutos in Dei filios trans-formari, ut ex Hereticis Catholici, ex lupis oves evadant.* Et Jo-annes Bonifacius in Historia B. Virginis: *Perditi homines hac in Æde mutantur, impietatem ejurant hæretici, ultores iras simul-tatesque deponunt.* Et in Trophæis Mariæ Marianus Augustus, quem cum superioribus affert Scriptoribus P. Honoratus: *Non arbitror quemquam umquam fuisse, aut futurum tam scelestum, tam perditum, quem non Lauretanæ Mariæ aspectus ad aliquem pietatis sensum commoveris.*

Honorati a S. Maria ver-ba.

10 Gravesonus de Myster. & Annis Chr. dissert. 2. de Sacra Domus Lauretanæ Translatione, rem, inquit, omnium litteris, & constanti fama comprobata, summorum Pontificum Decretis confirmata, confluentium populorum numero longe lateque ce-lebrata, sanctitate loci, & frequentia miraculorum luce cla-rius manifestata. Guido Grandus Abbas Camaldulensis in ter-tia Dissert. Camaldulen. cap. 8. num. 12. ubi agit de vi argumenti negativi, negat in quæstione de Sacra Lauretana Æde locum ul-lum esse ejusmodi argumento, & ad hujus facti veritatem infir-man-

Gravesoni tei-plumini.
Quid de eo scripserit Gui-do Grandus.

mandam imbecillum esse ait argumentum petiitum a S. Antonini silentio. Cum vero & paucis post annis a Sacre Domus in Italiam adventu monumenta Regionis illius, in qua stationem posuit, indubitata occurrant, & ipso quidem S. Antonino pene seculiseculo vetustiora, ad quem nemo prudens pertinuisse dixerit de re tum vulgarissima expressum testimonium suis historiis inferere, hinc temere abuti ejus silentio contradictores ad Lauretani sacelli veritatem impugnandam manifestum est. Quod nos etiam monuimus lib.3. de Canonizat. cap.10. num.5.

Calmeti sententia.

11 Calmetus in Diction. Biblico verbo *Nazareth*, cum vidisset, quod supra innuimus, a Scriptoribus proditum, Sacram Domum in Ecclesiam fuisse conversam, de hujus historię veritate dubius hæsit, propensiorque ad credendum videtur, Sacram Lauretanam Ædem ad exemplum Ecclesię, quę quondam fuit in Nazareth, esse extructam. Sed cum opus illud e Gallico in Latium sermonem convertendum suscepit Joannes Dominicus Mansius Lucensis Congregationis Matris Dei Presbyter, facta sibi ab ipso Calmeto potestate quidvis corrigendi & mutandi, eam propositionem inducendam expungendamque existimavit.

Quid itidem de ea historia senserit Muratorius ex Martorello Episcopo Montis-Eclarii.

12 Omnem hujus rei seriem cum authenticis monumentis reperias in Theatro Lauretano Martorelli Episcopi Montis Feltrii tom.1. pag.592. ubi hæc de Muratorio scribit: *Muratorio, qui Lamindi Pritanii nomine librum cecidit de Moderatione ingeniorum in negotio Religionis, profecto injuriam facis quisquis eum putat historię de admiranda Translatione fidem abrogare. Eos enim tantummodo reprehendis, qui intemperanti zelo abrepti, vitam prodigendam sibi existimant ad propugnandam historię veritatem, æque ac nostrę Fidei articulos. Suam Auctor in iis, quę ad Religionem attinent, prudentiam declarat; ea enim cum aliis non sunt commiscenda; piam illam tamen prudentemque non improbat fidem, quam sacris historiis fide humana conscriptis vel ipsa tribuit Ecclesia, cujusmodi ea est, quam in piorum animis fovendam, & iis qui historiam de mirabili hac Æde rejiciunt, insinuandam suscepimus, toti Scriptorum auctoritatibus hætenus huc congestis, & monumentis, quę, Deo si placuerit, tomo posteriore offeremus.*

Quaresmii difficultas, & difficultatis solutio.

13 Quaresmii tom.2. Elucidat. Terrę Sanctę lib.7. cap.1. & sequen. præsertim vero cap.4. testatur, ætate sua Nazarethi Sacrum visitari consuevisse Domicilium, in quo B. Virgo, lætissimo accepto nuncio, Servatorem Mundi concepit. Quærit deinde, quid dici possit S. Domus nunc esse Laureti, quę non potest profecto duobus in locis reperiri, in Oriente, & in Occidente, in

CAP. XVI. DE FEST. TRANSL. S. DOMUS LAUR. 559
in Palæstina, & in Piceno, Nazarethi, & Laureti: quam difficultatem idem Auctor solvere nititur. Ac multa quidem sunt Responſionis capita; ſed illud omnium maxime placet ex Joannis Franciſci Alcaroti Canonici Novarienſis Itinerario Terræ Sanctæ lib. 2. cap. 19. miro modo S. Donum Nazaretho in Dalmatiam, ac deinde Lauretum eſſe translata. Fideles autem Palæſtinæ Eccleſiam ſub nomine Annunciationis B. Mariæ ædificaffe, qua locus ille, ubi Sancta Domus erat, conſeſus eſt; & hanc eſſe Sacram illam Domum, quæ dicitur hoc tempore eſſe Nazarethi.

C A P U T X V I I.

*De Feſto Expectationis Partus Beatæ Virginis.
Die 18. Decembris.*

I DE hac Feſtivityate cum diſſerendum nobis ſit, juvabit memoria repetere, quod diximus de Annunciatione Beatæ Mariæ, quam in Hiſpaniarum Regnis ex Decreto Concilii Toletani 7. ſeculi olim non 25. Martii, ſed 18. Decembris die celebrari obſervavimus; cujus Decreti ea ratio fuit, quod 25. Martii dies plerumque in quadrageſimam, vel in Paſchalia ſolemnia incideret, cum nullam Sanctorum celebratam peragere licet. Eodem etiam loco monuimus, Romanæ Eccleſiæ conſtantem perpetuamque fuiſſe conſuetudinem Annuntiationem B. Virginis celebrandi 25. die Martii: nunc vero illud adſicere huc oportet, Hiſpaniæ Eccleſias temporibus, quæ conſequuta ſunt, ad Romanæ morem Eccleſiæ ſe conformaſſe, & eam Feſtivityatem 25. die Martii cœpiſſe peragere; ſubſtituta in ejus locum hac celebratam de Expectatione Partus ad diem 18. Decembris, quam a Gregorio XIII. approbatam eſſe verè poſſumus dicere in literis ejus Apoſtolicis anni 1573. *De Eccleſiæ Toletanæ Officii ordinandis: Toletana Eccleſia* (verba ſunt e ſexta Lectione Officii, quod 18. Decembris recitatur) *utramque retinet Solemnitatem; alteram menſe Martio, ut Romanæ Eccleſiæ, quæ Magiſtra omnium Eccleſiarum & Mater eſt, Sanctiſſimum inſtitutum ſequatur; alteram octavo ante Natalem Domini die, tum quod hæc Solemnitas ab ipſa Toletana Eccleſia inſtituta fuerit, & magna veneratione ab aliis excepta per univerſam Eccleſiam hæcenus celebretur, tum vero quod ea ipſa die Sanctiſſima Virgo Toletanum Templum ſua præſentia conſecrare dignata ſit, & famulum ſuum Iſdephonum ſacris muneribus exornare. Quæ poſtrema verba ad eam ve-*
ſtem

Eccleſiæ Hiſpaniarum, tranſulerunt Feſtivityatem, Annuntiationis a die 18. Decembris ad 25. Martii, etque hanc ſubrogarunt.

stem referuntur, quam B. Virgo S. Ildephonso donavit, ut ea in celebrioribus solemnitatibus uteretur. Atque hæc confirmant Bollandiani tom. 3. Mensis Martii pag. 358. Thomassinus de die- rum Festorum celebrat. lib. 2. cap. 12. num. 10. Guyet. de Festis propriis lib. 1. quæst. 16. & Joannes Baptista Casalius de veteri- bus Sacris Christianorum Ritibus Romanæ editionis ann. 1647. pag. 423.

*In Hispania
aur dicatur
Festivitas S.
Maria de O.
Celebratur in
Italia per Pro-
vincias Eccle-
siasticas ditto-
nis & Veneto-
rum.*

2 Hæc Solemnitas in Hispania Festivitas appellatur B. Ma- riæ de O, teste Garzia Loaisa in Notis ad Toletanum seculi 7. Concilium tom. 6. Labbeanæ Collect. pag. 455. Cujus nominis origo ducta ab Antiphonis, quæ per adverbium O incipiunt, quarum prima dicitur in Vesperis Vigiliæ hujus Festi, ut adver- tit Sarnellus tom. 3. Epistolar. Ecclesiasticar. Epist. 24. nam eæ Antiphonæ suspiria, gemitus, & desiderium expriment Veterum Patrum Redemptoris adventum expectantium, ut ait Azorius In- stitut. Moral. part. 2. lib. 1. cap. 23. Totam hanc rem diu mul- tumque tractavit Theophilus Raynaudus in fine tom. 7. suorum Operum. Nobis hic ea iteranda non arbitramur, quæ jam de Sacro Adventu, Natalisque diei Jesu Christi solemnibus disserui- mus. Finem igitur facimus; nec tamen prætereundum, Officium Expectationis Partus recitari coëptum in regionibus Venetorum Reipublicæ subiectis ex S. R. Congregationis Indulto 3. Septem- bris anni 1695. & ad omnia Ecclesiasticæ ditionis loca extensum Decreto Benedicti XIII. die 22. Augusti 1725.

C A P U T X V I I I.

De Festo Sanctæ Mariæ in Sabbato.

*Semper ab Ec-
clesiæ primor-
dis cultus ex-
hibitus. Scipa-
re, seculo 10.
antiquus est. Tu
introducitur.
Officium par-
vum, & ab-
sinentia car-
num in Sab-
bato.*

1 Nemo nescit, qualibet Sabbathi die non impedita Offi- cium de S. Maria in Sabbato recitari; de quo verba facere nostri arbitramur esse instituti, qui in hac secunda Operis parte de Festis B. Mariæ tractandum suscepimus. Docet Mabillonius in Præfatione ad seculum 5. Ordinis Benedictini, Eccle- siam in sui primordio B. Mariæ cultum, ut par erat, exhibuisse, qui postea seculo decimo multis accessionibus auctus est. Tum enim invec tam consuetudinem abstinendi ab esu carnum in Sab- batho; ejus Commemorationem eodem die fieri, & ejus Offi- cium parvum recitari coëptum. Argumentum istud affert doctis- simus Auctor, quod non nisi in Quadragesima, & quatuor tem- poribus vetitum erat ante decimum seculum, ne quisquam car- nibus vesceretur, idque constat ex Nicolai I. Responsionibus ad Consulta Bulgarorum, aliisque etiam monumentis: nam anno

1000.

1000. Glaber Radulphus lib. 4. cap. 5. legem latam esse ait, *ut omnibus hebdomadibus sanctione perpetua sexta die abstineretur a vino, nisi forte gravis infirmitas compelleret, aut celeberrima Solemnitas interveniret*: quam legem in Concilio Rom. S. Gregorius VII. confirmavit. Denique e vita S. Udalrici Episcopi Augustani colligitur, ejus ætate Officium parvum B. Mariæ recitari solitum; quod deinde edidit S. Petrus Damiani, & post ejus mortem Urbanus II. in Claromontana Synodo a Clericis recitari iussit; qui precandi Ritus a Clericis etiam ad Laicos commeavit, ut probat idem Mabillonius Præfat. 2. ad seculum 6. Benedictionum §. 12. Verum Cardinalis Bona in Tractatu de Divina Psalmodia cap. 12. §. 2. gravissimorum Scriptorum auctoritate permotus B. Petro Damiani non instituti Officii Parvi, sed restituti laudem tribuit; concedit enim, in utraque Ecclesia Latina & Græca trecentis ante B. Petrum annis recitari consuevisse. *Et ne Lectorem diutius protraham, in utraque Ecclesia Græca & Latina Horas S. Mariæ institutas invenio trecentis & amplius annis ante Damianum*. Cardinali Bonæ subscribit Pagius in Breviar. Roman. Pontif. tom. 2. vita Urbani II. num. 51.

2 De abstinentia carnum in Sabbatho, & Officio Parvo B. Mariæ, nisi quatenus pertinet ad Officium S. Mariæ in Sabbatho, non est nostrum hoc loco verba facere. Exploratum quidem est, vetustum esse pium illum morem exhibendi in Sabbatho B. Virgini peculiarem quemdam cultum, & in ejus honorem eadem die Missam celebrandi. Testatur id B. Petrus Damiani Opusc. 33. cap. 3. & 4. *Pulcher mos in nonnullis Ecclesiis inolevit, ut specialiter ad ejus honorem per omne Sabbathum Missarum celebrentur Officia, nisi forte Festivitas, aut Feria Quadragesimalis obsistat*. Pergit Damianus, & causam affert, cur Sabbathum B. Virgini consecratum sit. *Sabbathum enimvero, quod requies interpretatur, satis congrue Beatissima Virgini dedicatur*. Nam Sapientia in ea per humilitatis assumptæ Mysterium velut in Sacratissimo Lectulo requievit. Spinellus Tractatu de Maria Deipara cap. 29. numer. 18. aliquot affert rationes, quibus probat, Sabbathum peculiari quadam dedicatione B. Virgini consecratum; quod etiam demonstravit Vicecomes lib. 3. de Missæ Ritibus cap. 21. & multiplici uberrimaque eruditionis copia Benedictus XIII. tom. 2. serm. 16. Inter multas rationes ea tolet afferri, Fidem in Sabbatho, quod post Passionem Domini consequutum est, in sola B. Virgine Maria mansisse; quam tamen rationem Bellarminus minime probat lib. 3. de Eccl. militante cap. 17. qui triduo illo Passionis Christi observat, Magda-

Vetustus mos peculiaris exhibendi cultum Deiparæ in Sabbatho, Ratio a nonnullis adducta non probatur Bellarmino.

lenam magno charitatis igne flagrasse, ut apparet ex Joannis cap. 19. & 20. Charitatem vero a Fide sejungi non posse. Quin etiam ea addit: *Periculosum sane videtur dicere, in sola Virgine mansisse veram Fidem, quia Ecclesia periisset; non enim una persona potest dici Ecclesia, cum Ecclesia sit populus, & Regnum Dei.*

Urbanus II.
iussit Officium
fieri B. Mariæ
in Sabbato.

3 Utrumque sit de rei ratione, cum certissimum sit, Sabbathum præcipuo quodam modo B. Virgini esse consecratum, statuit Urbanus II. in Concilio Claromontano, ut *Horæ B. Mariæ dicerentur quotidie, Officiumque ejus diebus Sabbathi fieret*, ut ex Gaufrido colligit Mabillonius in Præfat. ad seculum 5. Ordinis S. Benedicti. Testatur Micrologus, qui undecimo vixit seculo, lib. de Ecclesiast. Observationibus cap. 60. ubique in Sabbatho recitari consuevisse tunc temporis Officium de B. Virgine. *In singulis quoque hebdomadibus sexta Feria de Cruce, & Sabbatho de Sancta Maria pene usquequaque observatur non tam ex auctoritate, quam ex devotione.* Decanus Radulfus, qui anno 1403. obiit, in libro de Canonum observantia Proposit. 20. hæc scribit: *De Officio vero Beatissimæ Virginis legitur in Chronicis, quod Urbanus II. qui novem Præfationibus prioribus decimam de B. Maria Virgine addidit, ut infra dicitur, in Gallias veniens Concilium apud Claromontem Urbem celebravit anno Domini 1096. de mense Novembris, in quo statutum est, quod Horæ B. Mariæ Virginis quotidie dicantur, Officiumque ejus diebus Sabbathorum solemniter fiat: modumque docet, quo Officium fieri oportet in Sabbatho in honorem Beatæ Virginis.*

Officium Ecclesiasticum ex præcepto recitabant cum Officio Divino Officium parvum Beatæ Mariæ.

4 Itaque ex iis, quæ hætenus huc attulimus, binæ Ecclesiasticorum obligationes erant; altera quotidie cum Officio Divino recitandi etiam Officium Parvum B. Virginis; altera in ejus honorem celebrandi Sabbathum. De obligatione quotidie recitandi Officii Parvi B. Virginis in Ecclesiis Metropolitanis, Cathedralibus, Regularibus, & Collegiatis mentionem faciunt Patres Concilii Andegavenfis sub Urbano V. habiti ann. 1365. par. 2. tom. 11. Conciliorum Collect. Labbeanæ pag. 1946. cap. 15. *Item approbante Concilio statuimus, quod in singulis Ecclesiis Metropolitanis, Cathedralibus, Regularibus, Collegiatis Matutina, & aliæ Horæ de B. Maria singulis diebus solemniter decantentur, nisi alias Officium esset de B. Maria, vel aliis majoribus Festis anni, vel in Adventu Domini: & ad hoc omnes volumus adstringi sub præcepto.*

Contraversa inter hæc Concilii perit, an Ecclesiasticum recitaretur

5 Verba hujus Concilii jubent ab Ecclesiasticis tam in Choro, quam extra Chorum cum Horis Canonici quotidie etiam Officium parvum B. Mariæ recitari. Sed cum Concilium illud non fuerit Oecumenicum, nec propterea vim habuerit universalem Eccle-

Ecclesiam obligandi coorta est inter Canonici Juris Professores controversia, an qui ad recitandas Horas Canonicas teneretur, Officium etiam parvum B. Virginis ab eo recitandum esset ex præcepto. Præcepto Ecclesiasticos minime teneri existimarunt Zabarella, Ancaranus, Imola, Lignanus; in contraria fuerunt sententia Vitalinus, & Abbas, alique; quorum quidam putarunt, Ecclesiasticos Concilii Claromontani decreto, quidam ex pia teneri consuetudine, ut apud Fagnanum in cap. *Presbytero* num. 33. & sequen. de Celebrat. Missarum.

recitare quoddam Officium parvum.

6 Eam controversiam S. Pius V. de medio iussulit. Nam cum vetus Breviarium quemadmodum constituerat Tridentina Synodus, emendasset, & ab univ. Ecclesia ita emendatum iussisset recitari, exceptis iis Ecclesiis, quæ vel in sua fundatione ab Apostolica Sede aliud Breviarium accepissent, vel alio ante ducentos annos uterentur, Constitutione anno 1567. edita, quæ est in Bullar. Rom. 64. tom. 2. obligationem sulsulit recitandi extra Chorom Officium parvum B. Mariæ; Officiumque componi, typisque edi de S. Maria in Sabbatho, & Breviario Romano inseri iussit, teste Gavanto sect. 8. cap. 6. ad Rubricas Breviarii Romani num. 2. & 3. *Ante Pium V. tenebatur Clerus ad recitationem quotidianam Officii Parvi B. Mariæ una cum Officio Domini: quam obligationem abrogavit Pius in Bulla ante Breviarium posita. Quare totum hoc Officium S. Mariæ in Sabbatho cum Lectionibus Sanctorum Patrum singulo mense pro varietate legendis jussu Pii V. fuit compositum & editum, Clemens VIII. illud recognovit, mutata tantum lectione pro mense Aprilis, quæ erat S. Epiphani, nunc vero S. Hieronymi.*

Eam diremit S. Pius V. quod sulsulit obligationem recitandi Officium parvum extra Chorom; & composuit iussit Officium S. Mariæ in Sabbatho, quod emendavit Clemens VIII.

7 Prodiit typis Parisiensibus anno 1693. Tractatus de devotione in Deiparam, & de eo qui debetur illi cultu; qui liber sine Auctoris nomine editus Bailletto tribuitur. In ejus cap. 13. agitur de Festo, seu potius de celebratione Sabbathi in honorem B. Virginis. Ac Apostolicis quidem temporibus docet auctor, Sabbathi cultum Dominicæ fuisse traductum; fieri tamen non potuisse, ut Sabbathi cultus funditus evelleretur, ne Judæi ab amplexanda Christi Fide detererentur; Romanam Ecclesiam, quæ cultum Sabbathi semper repudiasset, diu omnem operam frustra contulisse, ut reliquæ Occidentis Ecclesiæ suum exemplum sectaretur: id tandem consequutam esse: persuasit enim populis, Deum eo consilio Sabbathum coli iussisse, ut significaret quietem animæ omnibus esse expetendam, ac per cessationem a peccatis, quæ sunt vera opera servilia, perturbationes animorum esse pacandas: in animis tamen Fidelium quidpiam devotionis erga Sab-

Quid revera fuerit, cur olim Romæ Fideles sejungerent Sabbatho, nec illi dicant festum celebrarent Constat. Auctor Tractatus de Devotione & cultu in Deiparam.

bathum remansisse, quo Ecclesia non utiliter posse uti existimavit, si ex illo cultu quod esset reliquum, ad cultum erga B. Mariam converteret. Quo quidem sermone plura continentur, quæ probare si quis velit, haud facile efficiat. Baronius ad ann. Chr. 57. n. 202. & seq. auctoritate S. Ignatii Martyris Epistolæ Philippenses ostendit, in Ecclesia Orientali vetitum fuisse jejunium Sabbathi æque ac Dominicæ, in execrationem tum eorum hæreticorum, qui non credentes, Christum rediisse ad vitam, die Dominico jejunabant, tum eorum etiam, qui Hebræorum Deum mundi conditorem malum reputantes, in jejunio & mœrore Sabbathum exigebant. Præterea idem Cardinalis auctoritate Constitutionum Apostolorum (quæ si non Apostolis tribuendæ, dignæ tamen sunt, quas honore & veneratione prosequamur) demonstrat, non solum Sabbatho fuisse vetitum jejunare, sed hunc diem tanquam Festum celebrari consuevisse; non quidem in gratiam Judæorum, ne videlicet eorum animi offenderentur, sed ut apparet, Christianos ab execrando eorum errore quam maxime abhorre, qui Judæorum Deum, quem condito mundo constat Sabbatho requievisse, malum esse blasphemabant. Tandem observat, in Occidente, Romæ præsertim, fuisse in more positum jejunare in Sabbatho; vel quia, ut ait D. Augustinus, Petrus Apostolus Sabbathi se munivit jejunio, ut Dominica quæ proxime consequuta est cum Simone Mago concertationem illam subiret, qua victor evasit; vel quod Apostoli, ut ait Innocentius Epistola ad Decentium Episcopum Eugubinum, post Christi mortem sexta Feria, & Sabbatho mœrore confecti, sibi a Judæis metuentes delituere: denique illud concludit, eas ob causas Romæ Fideles in Sabbatho jejunare solitos, nec illum diem ut Festum celebrasse, nec cum Judæis convenire viderentur; Festivitas enim a Sabbatho in Dominicam translata fuerat. Verba Baronii hæc sunt: *Sed sicut ea die jejunare Fideles Romæ consueverant, ita nefas dicebant eam feriare diem, ne quid cum Judæis hac ex parte commune habere viderentur. Satisque Christianæ Religioni consultum visum, si (quod Testamentum, ceteraque mysteria translata essent) mutarent etiam Sabbathum in Dominicam, cum ea potissimum dies tot tantisque esset cumulata Sacramentis.* Quæ ab Auctore Gallo sunt scripta, si quis cum iis, quæ Baronius docet, contulerit, facile intelliget, illum multa temere asseverare, hunc nihil inconsiderate, nihil non monitum rationibus & argumentis proferre; nec quisquam fuerit, qui commentis, quæ de hac re Tractatu illo traduntur, fidem adjungat.

FINIS LIBRI SECUNDI.

DE

DE QUIBUSDAM
S A N C T I S

DE QUIBUS CELEBRATUR OFFICIUM CUM MISSA

IN CIVITATE, ET DIOECESI

BONONIENSI
LIBER TERTIUS.

CAPUT PRIMUM.

De SS. Hermete, Aggæo, & Cajo. Die 4. Januarii.



OST examen a Nobis peractum circa præcipuas Ecclesiæ Universæ Festivitates, disquisitionem convertamus ad Festa propria & particularia, quæ in Civitate nostra Bononiensi, ac Diocesi celebrantur. Jam verò dum ordinem Martyrologii Romani insequimur, nobis se se exhibet die 4. Januarii

Festum Sanctorum Martyrum Hermetis, Aggæi, & Caji, quod a nobis celebratur die 28. ejusdem Mensis cum Officio, & Missa de Communi Martyrum. Verba Martyrologii sunt hæc: *Bononia Sanctorum Hermetis, Aggæi, & Caji Martyrum, qui sub Maximiano Imperatore passi sunt.*

2 Ipsorum Acta edita fuerunt in lucem a Patre Alexandro Facchinet Religiosæ Familiæ Dominicanorum Bononiæ anno 1674. sed cum Acta hujusmodi nullo firmo, & sincero documento nitantur, iis uti non possumus.

Acta bonorum Sanctorum.

3 Solum ergo dicemus, illustres hos Martyres sanguinem suum strenue fuisse in testimonium Christianæ Religionis eo tempore, quo Christi Ecclesiam Diocletianus, & Maximianus persequebantur; insuper eorum Reliquias, quæ tumulatæ jacebant inter Hebræorum Cadavera, inquisitione facta repertas fuisse, & publicæ venerationi expositas a S. Eusebio Bononiæ Episcopo, qui illas collocavit in privato Sacello ibidem erecto, ubi illi Martyrium constanter subierunt; quod Sacellum adhuc extat in Via Sancti Vitalis nuncupata prope Templum Monialium ejusdem Sancti Vitalis;

Forum Reliquiarum.

566 DE FESTIS ALIQ. SS. BONON. CELEBR. LIB. III.
 talis; eorumdem tandem SS. Reliquias aliquot minutiores venerationi pariter expositas esse in Metropolitano Templo Sancti Petri, quo translatae fuerunt anno 1593. a felicitis recordationis Cardinali Gabriele Palæoto primo Bononiæ Archiepiscopo, qui illas adjunxit aliis Reliquiis insignibus, quæ in Altari a se erecto asservantur.

Tempus Martyrii.

4 Cardinalis Baronius in Notis ad Martyrologium Romanum asserit, Sanctos Hermetem, Aggæum, & Cajum Martyrii palmam retulisse, imperante Maximiano, eademque ratione loquitur Martyrologium Romanum, ut patet ex verbis supra allatis, quin ulla Diocletiani mentio fiat, fortasse quia solus Maximianus tunc temporis Italiam, aliasque Occidentales regiones gubernabat. Sed hac conjectura non refragante, utriusque Imperatoris mentionem habendam esse putamus, tum quia utriusque fit mentio in aliis Martyrologiis, tum quia non aliter loquuntur Bononienses Historici, tum demum quia in more positum erat apud Romanos, ut duobus imperantibus, amborum nomen publicis edictis præfigeretur, quamvis ea edicta publicarentur in ea solum Imperii parte, quam unus tantummodo administrabat.

Autores qui de hoc loquuntur.

5 Noster celebris Sigonius lib. 1. *Histor. Bononiens.* ita scribit: *Diocletianus, qui anno Christi ducentesimo octuagesimo quarto Imperium Maximiano sibi assumpto inierat, Christianis præter modum insensus, Quæstionibus per omnes Civitates emissis, acerbissimas de illis quæstiones habendas imperavit. Ex quibus cum unus Bononiam venisset, Templum Christianorum coëvertit, ac diligenti eorum inquisitione facta, præter alios, quos Christum constantissime profitentes cruciavit, Hermetem, Aggæum, Cajum, Agricolam & Vitalem (de quibus ultimis duobus alibi loquemur) crudelissimè interfecit: & lib. 1. de Epist. Bononiens. tit. Persecutio Diocletiani ita subdit: Hæc vero crudelissimo Diocletiani, & Maximiani Imperatorum imperio anno trecentesimo primo incepta usque ad trecentesimum undecimum sævit, atque interim universa Ecclesia fuga, pavore, planctuque referta tum multos alios, tum præcipuè Bononiæ Hermetem, Aggæum, Cajum, Proculum, Vitalem, & Agricolam, homines præ ceteris Christum constantissimè profitentes extinxit. Eteodem lib. 1. in Vita Sancti Eusebii: Eodem etiam tempore Eusebius exemplum Sancti Ambrosii secutus, Monasterium unum SS. Vitali, & Agricola creditur exercuisse, itemque alterum S. Proculo Martyri: nam Reliquiæ SS. Hermæi, Aggæi, & Caji ad Crucem Sancti Vitalis collectæ feruntur.*

6 Sigonius assignat principio persecutionis Diocletiani annum Christi 301. & fini annum 311. sed Baronius, & Petavius eam incepisse tradunt anno 302. Valeſius *lib. 8. in Euseb. Riccio- lius in sua Chronolog. reform.* & Pagius *ad annum Christi 302.* opinantur eam incepisse anno 303. aliqui putant eam viginti annorum spatio perseverasse; sed alii, qui rem accuratius examinarunt, sustinent eam finem habuisse anno Christi 312. in Occidente, & in Oriente anno Christi 313. ut videre est apud Pagium *loc. cit.*

7 Sed, ut ut se habeat levis momenti hæc Chronologia, quod ad rem nostram facit, est præter nostros Scriptores Bononienſes, ſcilicet Ghirardaccium *lib. 1. Hiſtor. Bononien.* Leandrum Alberti pariter *lib. 1. Hiſtor. Bononien.* Faleonium *in memoriis hiſtoricis Eccleſ. Bononien.* Antonium Maſinium *in sua Bononia perluſtrata*, Nicolaum Burzium *in sua Hiſtor. eodem titulo inſcripta*, Comitē Valerium Zani ſub nomine ſuppoſitio Aurelii de Anziis *in sua Bononia Sacr.* locutos fuiſſe etiam Auctores extraneos de SS. Hermete, Aggæo, & Cajo tanquam de Martyribus Bononienſibus. De illis enim loquuntur Galeſinius *in suo Martyrol.* Ferrarius *in Catal. SS. Italiæ die 4. Januarii*, Cardinalis Baronius *ad annum Christi 303. n. 122.* Bollandus in celebri *Opere de Viſis SS. die 4. Januarii*, & quantum attinet ad colloca- tionem Reliquiarum eorundem Sanctorum Martyrum in parvo Templo, quod a Cruce Sancti Vitalis nomen habet, habenda eſt ratio antiquæ traditionis, quam apertè indicant lapides in eodem Templo exiſtentes, quorum alter poſitus eſt anno 1303. alter vero anno 1582. ut videri poteſt apud Maſinium. Quan- tum vero ad translationem alicujus partis earundem Reliquia- rum ad Altare Cardinalis Gabrielis Palæoti in Templo Metropo- litano legi poteſt ejusdem Cardinalis *Archiepiſcopale, in quarta translatione Reliquiarum habita anno 1593.*

8 In aliquibus Martyrologiis, præſertim in illo, quod typis editiſ Florentiniis, & in alio Antuerpiæ edito, Sanctis Hermeti, Aggæo, & Cajo, additur S. Eduus Episcopopus, quem Florenti- nius putat fuiſſe Episcopum, & Martyrem in Africa. Auctor ve- ro, qui exaravit nova additamenta ad Ughellium, in ea ſui Ope- ris parte, in qua agit de Episcopis Bononiæ, exiſtimat eum fuiſſe unum ex Sanctis Episcopis hujus noſtræ Civitatis. Nec deest qui autemet Episcopum, & Martyrem, de quo eſt ſermo in dictis Martyrologiis, Episcopum fuiſſe Auguſtoduni Urbis ce- leberrimæ in Gallia, quæ ſita eſt ad Arotium fluvium in Ducatu Burgundiæ, & ſubjacet Eccleſiæ Metropolitanæ Lugdunenſi, cu-
ius

*Commemora-
tio aliorum
SS. Martyrum
ſimul cum ne-
bris.*

jus insuper Civitatis Episcopus indulto Sancti Gregorii *lib. 7. Epist. 13. indist. 2.* primum obtinet locum in illa Provincia, & jus habet utendi Pallio, quod nunc est Metropolitanorum insigne. Sed in hac controversia ingenuè fateamur cum Bollandi nobis ignotum esse, quisnam sit hic Sanctus Aduus Episcopus, nec quidquam certi affirmari posse in alia controversia, an simul cum Sanctis Hermete, Aggæo, & Cajo passi sint Bononiæ Petrus, Marcus, Serenus, Senna, & Anastasia, qui eodem contextu simul cum Sanctis Hermete, Aggæo, & Cajo recensentur in antiquo Martyrologio Corbejensi apud Florentinum, & in alio Martyrologio typis edito a Dacherio in *Spicilegio tom. 2.*

Nostri Martires non sunt adscripti, nisi alteri Bononiæ extra Italiam.

9 Castellanus in suo Martyrologio universali *die 4. Januarii* narrat Martyrium Sanctorum Hermetis, Aggæi, & Caji sub Imperatore Maximiano, quod tamen contendit ipsos subiisse in alia Urbe cognomine, quæ pariter Bononia appellata fuit, & nunc *Bodon* appellatur, eaque est Urbs Moesiæ Superioris ad Danubium. Sed cum hujus rei nullum afferat probabile documentum, illius nulla habenda est ratio. In Martyrologio Ecclesiæ Occidentalis in lucem edito a Florentinio sic habetur: *In Oriente Bononia Civitate Hermetis, Aggæi, & Caji;* sic legitur etiam in citato Martyrologio Corbejensi, atque in alio supra memorato Martyrologio apud Lucam Dacherium. Consentiunt cetera Martyrologia, quæ citat Bollandus & felicitis recordationis amplissimus Præsul de Aste Archiepiscopus Hydruntinus in *suis notis ad Martyrologium Romanum*: & revera in Hungaria extat Oppidum, quod vulgo appellatur Boumünster, nempe bonum Monasterium, derivato nomine a Cœnobio parum distante. Oppidum hujusmodi antiquitus Bononia appellabatur, de quo Oppido loquitur Ammianus Marcellinus *cap. 9. lib. 20. Sed ille* (sic habet de Juliano loquens) *ut sax, vel incensus malleolus velociter ad destinata festinans, cum venisset Bononiam a Sirmio milliario nono disparatam, & decimo.* Posset etiam addi hanc Bononiam sitam dici in Orientali plaga, eo quod Illyricum reputatum fuerit saltem magna ex parte pertinere ad Imperium Orientale, qua de causa Episcopi Occidentales decepti in Concilio Ariminensi ab Episcopis Illyricis Ursacio, & Valente, conquesti sunt se fuisse deceptos ab Episcopis Orientalibus. Nihilominus cum in tot non infiniæ notæ Martyrologiis desint hæc verba in Oriente, & in ipsis sine ullo addito usurpetur Bononiæ nomen: *Bononiæ Hermetis, Aggæi, & Caji*, nostra hæc Urbs fraudari non debet gloria, quæ ab his Sanctis Martyribus in ipsam redundat. Quod vero sic legatur in variis Martyrologiis constat.

Nam

CAP.I. DE SS. HERMETE, AGGÆO, ET CAJO. 569

Nam in Martyrologio Genonensi, sive Sancti Guglielmi de Deserto in Diœcesi Lutevæ Urbis Galliæ Narbonensis, quod Martyrologium anni 804. editum fuit a Luca Dacherio *in citat. tom. 2. sui Spicilegii*, sic habetur: *Civitate Bononia Hermetis, Aggæi, & Caji*; pariter in Martyrologio Usuardi, edito a Cœnobita quodam Benedictino Parisiis *anno 1718.* & diligenter collato cum antiquo Codice mss. quod asservatur in Cœnobio Sancti Germani sic legitur: *Bononiæ SS. Hermetis, Aggæi, & Caji Martyrum, qui sub Diocletiano Imperatore passi sunt.* Ita etiam legitur in Martyrologio Romano, ut supra vidimus. Post primam hujus Operis editionem de hoc eodem argumento Auctores duo eruditissimi, scilicet Dominicus Georgius noster intinus Cubicularius, & Alexander Politus nobilis scriptor, disseverunt. Ille quidem in suo Adonis Martyrologio ad diem quartam Januarii, alter vero in Epistola, quam ea de re conscriptam suarum Orationum Volumini adjecit. Georgius quæcumque a nobis dicta fuerant, commemorat, nostramque ingenuitatem commendat; atque in eam videtur inclinare sententiam, ut hos Martyres credat Bononiæ in Oriente passos esse. Politus nec nostrum meminit, nec Georgii, sed testimoniis ex Martyrologiis, quæ a nobis fuerant indicata, deductis, & ex aliis, quæ ipse vidit, Bononiæ nostræ hos Martyres asseruit, nec fieri potuisse ostendit, ut alibi martyrium consummaverint. Illud autem apposite in hanc rem animadvertit, Librarium incuria in veteri Hieronymiano Martyrologio verborum ordinem esse inversum; ubi enim antea legebatur: *In Oriente Edui Episcopi, in Civitate Bononia Hermetis, Aggæi, Caji*, vel: *In Oriente Petri, Marci, Sereni, Sennii, Anastasie, in Bononia Civitate Hermetis, Aggæi, Caji*, illorum vitio legi cœpit. *In Oriente Civitate Bononia, vel in Oriente Bononia Civitate Hermetis, Aggæi, & Caji*: atque ita, inquit Politus, *transpositis omnino verbis, locisque confusis urbem Bononiam positam esse in Oriente, & qui Martyres Bononienses erant, in Orientem eos contributos.*

10 Ante nostrum Pontificatum in festo illorum die communes, ut vidimus, Martyrum lectiones recitabantur: postquam vero Deo visum est, nos, licet immeritos, ad summam hanc Pontificatus dignitatem evehere, utrique Clero Sæculari, ac Regulari Urbis nostræ, ac Diœcesis Bononiensis proprias ipsorum Lectiones concessimus, ex quibus quintam & sextam ex Augustini verbis confecimus, sermonem huc trahentes in trium aliorum Martyrum Natali ab ipso habitum; quarta vero

Tom.X.

Cccc

sic

Lectiones Officij.

fic habet: *Quo tempore Diocletianus, & Maximianus Imperatores immuni furore Christianos ubique terrarum persequerantur inter præclaros Martyres, quibus illustrata fuit Italia, suos habuit Bononiensis nobilissima Civitas, Hermetem in primis, Aggeum & Cajum. Quo genere supplicii mortem pro Fide obierint, ignoratur. Sed egregias Christi militum laudes, ipsorumque nomina longe lateque celebravit Ecclesia. Passi sunt pridie Nonas Januarii. Eorumdem Corpora insciis Christianis, inter Judæorum sepulchra projecta fuerunt. Sed postea Dei nutu reperta ac de more recognita, ad Crucem Sancti Vitalis a B. Eusebio Bononiensi Episcopo collocata sunt.*

C A P U T II.

*De Sancto Raymundo de Pennafort. Die
23. Januarii.*

*Quomodo iste
Sanctus ad Eo-
nomie Civita-
tem pertineat*

Celebratur hac die 23. Januarii Festum Sancti Raymundi de Pennafort, cujus nomen recensetur in Martyrologio Romano, & in cujus honorem in tota Ecclesia eadem die persolvitur pensum sacrarum precum; habentur etiam lectiones ipsius propriæ in secundo Nocturno. In actis Canonizationis hujus Sancti editis a Præsule dignissimo Penia celebri Sacræ Rotæ Romanæ Auditore inseritur Vita ejusdem Sancti antiquitus exarata, quæ reperta fuit in Cœnobio Sanctæ Catharinæ Barcinonensis Ordinis Dominicanorum. Verba aliqua, quæ in hac Vita, sive narratione rerum ab ipso gestarum leguntur, nobis præbuerunt occasionem, brevem aliquam mentionem ipsius faciendi, quamvis Barcinone natus fuerit, & neque fuerit Episcopus Bononiæ, neque fuerit hac in Urbe martyrio coronatus, neque ibidem Corpus ipsius asservetur. Verba sunt: *Deinde Divina Providentia ordinante, quæ sola noverat, quanta de ipsius studio utilitas poterat Ecclesiæ provenire, profectus est Bononiam, ubi studuit diligenter tam in Jure Canonico, quam Civili. Tandem ad honorem Cathedræ Magistræ meruit promoveri, qui per triennium ibi legens in Jure Canonico, ita Doctor extitit gratosus, quod plurimi præcipue Nobiles, & Litterati ad ejus Scholæ libentissime confluebant. Bononienses vero Cives diligentius attendentes, quod tantus Magister a suis Auditoribus salarium non petebat, sed quod gratis a Deo acceperat, gratis dabat, ordinauerunt, ipso Magistro penitus ignorante, quod sibi a Communitate annis singulis copiosum subsidium præberetur, ut prædicta Civitas tam grato Ma-*

Ma-

Magistro minime privaretur. De omnibus autem qualitercumque acquisitis Deo, & Clerico, in cujus Parochia morabatur, decimas offerebat fideliter, & devote. Consonat Bulla Canonizationis ejusdem Sancti, & Penia in *Notis ad supra memoratam Vitam* ostendit, Sanctum Raymundum Bononiam venisse anno 1200. Daniel Malonius in Oratione habita in honorem ipsius, & dicata Collegiis Doctorum Juris prudentiæ in hac ipsa Urbe eo tempore, quo Sancta Sedes ipsum solemni ritu inter Sanctos recensuit, fusissimè, & validis rationibus probavit promotionem ad gradum publici Professoris in hac Universitate, juxta eorum temporum consuetudinem postulasse, ut promovendus inter Bononiæ Cives vere cooparetur.

2 Post primam hujus Operis editionem P. Touronius ex Ordine Prædicatorum historiam illustrium Ordinis sui Virorum duobus voluminibus Gallico idiomate conscriptum comprehensam typis vulgavit. Opus id & stili elegantia, & miro rerum ordine, & monumentorum, quibus nititur, gravitate absolutissimum est. Ejus partem P. Orli ex eodem Ordine, tunc Congregationis Indicis Secretarius Italiam fecit. S. Raymundus de Pennafort, primus occurrit in primo Volumine, & in ejus vita elegantissime descripta confirmat auctor quæcumque a nobis de Bononiensi Civitate, qua S. Vir donatus fuit, in medium fuerunt adducta.

Ejus Vita nuperissime scripta

3 Eadem de causa B. Petrum Thomam Ordinis Carmelitarum Patriarcham Constantinopolitanum, & Legatum Apostolicum jure sibi vindicant Bononienses: constat enim, instituta ab Innocentio VI. Theologica facultate, qua Bononiensis Civitas hæcenus caruerat, ut alibi docuimus, Beatum hunc unum ex primis extitisse, qui ad Theologiam tradendam sunt adsciti: *Omnium Antesignanus est Dominus Petrus Thomas Ordinis B. Mariæ de Monte Carmelo*: sic enim legitur in vetusto Codice, cujus meminerunt Thomas Saracenus Bononiensis *ad num. 13. ipsius Vitæ*, Lezana *ad annum Christi 1474. num. 13.* & Bollandiani *in commentario prævio ad Acta hujus Beati 6. 4. num. 23.* Ejus nomen, quod a Romano Martyrologio abest, in proprio Carmelitarum descriptum est, qui & proprium de eo recitant Officium a Sacra Rituum Congregatione approbatum, Bellarmino, & Torres Cardinalibus referentibus. Bononiense Theologorum Collegium in festo illius die in Templo Divi Martini Patrum Carmelitarum solemni sacro intervenit, ubi & Panegyrica oratione idem Beatus laudatur.

Etiæ B. Petrus Thomas ad hanc Civitatem pertinet.

De Sancto Zama Episcopo Bononiæ . Die 24. Januarii .

*Autiores , qui
de hoc Sancto
loquuntur .*

1 **C**elebratur hac die 24. Januarii Festum Sancti Zamæ Episcopi Bononiæ : & tam in hac Urbe , quam in tota Diœcesi horariæ preces in honorem ipsius recitantur , petitæ ex Communi Confessorum Pontificum . Fit etiam ipsius mentio in Martyrologio Romano his verbis : *Bononiæ Sancti Zamæ primi ejusdem Episcopi , qui a Sancto Dionysio Romano Pontifice ordinatus , illius Christianam fidem mirifice propagavit .*

2 *Falconius in memoriis historicis Ecclesiæ Bononiensis aliqua narrat de Sancto Zama , quæ incertis monumentis nituntur . De eodem præter Bombacium , Aurelium de Anziis , Ghirardacium , Leandrum Alberti , & Masinium loquuntur tanquam de Episcopo Bononiæ Bollandus die 24. Februarii , Ferrarius in Catalogo SS. Italiæ , Ughellius in Italia Sacra , & alii plures extranei Scriptores .*

3 *Bis de illo loquitur Sigonius prima vice lib. 1. Histor. Bonon. sic : Atque hoc quidem tempore Bononiensis Civitas Christianam fidem pia Sanctorum hominum opera jam pridem amplexa , Gallieno imperante , Episcopum a Dionysio Pontifice postulavit . Datus est autem Vir probatissimæ vitæ , Zama nomine . Is Urbem , ut monumenta Bononiensium referunt , anno Christi ducentesimo septuagesimo ingressus , cum aliis memorabilia Opera edidit , tum ut Templum Petro Apostolorum Principi construeretur , auctor fuit , atque id ipse non solum dedicavit , sed Presbyteris etiam , & Diaconis , qui ibi ex Instituto sacris operarentur , pro eorum temporum ratione , & piorum hominum copia a se constitutis ornavit . Id Templum extra Urbem in Via Emilia a parte Mutinam vergente positum aliquandiu post Bononiensis Episcopi sedes ac domicilium fuit , & alia vice lib. 1. de Episcopis Bononiensibus . Imperante igitur Gallieno anno Christi ducentesimo septuagesimo Zama a Sancto Dionysio Pontifice ordinatus Bononiam primus omnium venit , ac benigne a Christianis , qui tum erant , exceptus , Sede in Suburbio posita ad eum , ut fertur , locum , ubi postea Aedes Sancti Felicis condita fuit , disciplinam , fidemque Christi inter Gentiles quoquo modo potuit , propagavit . Mortuus autem creditur ante annum trecentesium cum Confessor vocetur ; quia si ad trecentesium primum , spiritum produxisset , sine dubio in persecutione Diocletiani inter primos excruciatum sacro Martyris nomine infi-*

insignitus fuisset. Humatus certe in eodem loco est, ubi confedit.

4 Quanti autem faciendum sit Opus Sigonii *de Episc. Bonon.* testatur Cardinalis Baronius *in suis notis ad Martyrologium Romanum die 24. Januarii*, ubi loquens de Sancto Zama, hæc habet: *Legi Commentarium nondum typis excussum de Ecclesia Bononiensi quo series Episcoporum ejus, atque ipsorum res gestæ narrantur, quem Sigonius Vir quidem disertus conscripsit hortatu amplissimi Cardinalis Palæotti Archiepiscopi Bononiensis.*

5 Ex his autem, quæ nuper diximus, sunt aliqua, quæ enucleatori expositione pertractata attingenda sunt ad illustrandam historiam. Et primo quidem in Martyrologio Romano Sanctus Zama primus Bononiæ Episcopus nuncupatur. Id tamen aliqua explicatione indiget. Primus ergo dicitur eorum, quorum notitia aliqua habeatur. Antiquiora enim documenta in Diocletiani persecutione perierunt: neque enim verisimile est, nobilem Bononiæ Civitatem per tria ferme sæcula suis Episcopis caruisse. Ita sentit Cardinalis Baronius *ad annum Christi 272. num. 22. Inter Episcopos a Dionysio Papa ordinatos, & ad universarum Ecclesiarum regimen institutos, certum est ordinasse quoque Zamam Episcopum, eundemque Bononiensi Ecclesiæ præfuisse, qui in Indice Episcoporum Bononiensium primus ordine numeratur. Sed, mea sententia quod incendio Diocletiani combusta sint antiqua Ecclesiæ monumenta, nullius alterius Episcopi mentio habetur, qui Zamam præcesserit, sed ipse primus, cujus certa, testataque memoria est, ordine collocatur, cum nequaquam mihi persuaderi possit, nobilissimam Italiæ Civitatem, ingenti semper populo refertam tribus ferme sæculis a Christi adventu dilapsis caruisse Ecclesia, & qui ei præficeretur Episcopo, cum constet nonnullas alias Italiæ Civitates dignitate, & frequentia populi longe impares jam pridem fuisse Episcopalibus Sedibus illustratas.*

Quare dicatur primus Episcopus Bononiensis.

A S. Dionysio Papa fuit ordinatus.

6 Baronio consentiunt Labbe, & Binius *in notis ad Vitam Sancti Dionysii Papæ tom. 2. Anastasii recenter excusi Romæ pag. 229. Inter Episcopos ab eo ordinatos refertur Zamas, qui primus in Indice Episcoporum Bononiensium ordine enumeratur: cum tamen credibile sit plures alios ante ipsum fuisse, quorum memoria exciderit, cum Civitas jam tunc frequens, & illustris esset.*

7 Ecclesia Mediolanensis gloriatur, suum jus metropoliticum tempore Sancti Barnabæ Apostoli duxisse exordium, ut videri potest in Historia quadam *de Metropoli Mediolanensi typis edita Mediolani anno 1892. & Cardinalis Baronius ad annum Christi 51. num. 54. pro certo habet Sanctum Barnabam Apostolum Ecclesiam Mediolanensem fundasse. Verum ipsum in Italiam venisse*

Jus Metropoliticum Mediolanensem, & Ravennatis Ecclesiæ unde suam originem habeat.

venisse, & in Liguria prædicasse Evangelium, nobilissimamque Ecclesiam Mediolanensem crexisse, ac longe lateque Christi fidem feliciter propagasse, firmæ traditiones, ejusdemque Ecclesiæ monumenta complurium Scriptorum testimoniis confirmata fidem certam, atque indubitatam faciunt. Ravennatenſis etiam Ecclesia suum Metropolitanum jus repetit a tempore S. Apollinaris, quem ad propagandum Evangelium in Æmia misit Sanctus Petrus Apostolus, ut patet legenti historias a Rubeo conscriptas. Alterutra autem ex his traditionibus, si vera sit, ægre admodum defendi potest, Sanctum Zamam inauguratum fuisse Episcopum a Sancto Dionysio Papa, cum perspectum sit Episcopi inaugurationem, pertinere ad Metropolitanam, & sit æque compertum, exploratumque Bononiam subjectam fuisse aliquando Juri Metropolitico Mediolani, aliquando vero juri Metropolitico Ravennæ.

8 Sed qui ad critices leges materias Ecclesiasticas revocarunt, non approbant Ecclesiæ Mediolanensis jus Metropolitanum cœpisse tempore Sancti Barnabæ, cujus rei fama sæculo octavo invaluit, sed ejus Metropolitanici juris exordium referendum esse putant ad tempora Sancti Ambrosii, qui ex Præfecto Insubriæ, & Liguriæ creatus Episcopus anno 374. juxta veriorum Chronologiam, quam solidis argumentis tuetur Cardinalis Baronius in suis *Annalibus* totam regionem illam ad incorruptæ Doctrinæ professionem, expulsa hæresi Ariana, & annuente Romano Pontifice Metropolitanæ illius Ecclesiæ fundamenta jecit. Consuli possunt Bacchini in *Dissertat. de Ecclesiast. Hierarch. originib. part. 2. num. 9. & seqq.* Baillet in *Vita Sancti Barnabæ*, Muratorius in *Præfat. ad Opuscul. de situ Civit. Mediol. inter Scriptores rerum Italicarum tom. 1. par. 2. pag. 201.* Continuatores Bollandiani die 11. Junii in *Vita Sancti Barnabæ*, Sandinus in *Histor. Apostolica pag. 240.* Tillemontius *tom. 1. Nota quarta ad Vitam Sancti Barnabæ*, & quamvis in Elencho Archiepiscoporum Mediolani descritto ex authographo Codice antiquissimo, qui in Bibliotheca Ambrosiana asservatur, primo loco recensetur Sanctus Barnabas, nihil inde conjectari potest; nam ut animadvertit P. Mabillon in *suo Museo Italico tom. 1. pag. 109.* Sancti Barnabæ nomen scriptum est manu recentissima.

9 Nicolaus Sormanus Ambrosianæ Bibliothecæ Custos, ac Collegialis Doctor anno 1740. elegantem edidit dissertationem de *Origine Apostolica Ecclesiæ Mediolanensis a Sancto Barnaba Apostolo deducta*. Gravia in ea fundamenta nacti sumus, quibus illius Ecclesiæ nititur traditio, a Sancto Barnaba se esse institutam;

tam; quam nos traditionem non oppugnamus, sed ea nihil habet cum jure ejusdem Metropolitico conjunctum; cum ipse Sormanus concedat Barnabam Mediolanensi Ecclesia constituta non in ea tantum Sedem stabilem, ac certam posuisse, sed ut Apostoli confueverunt, in alia inde loca profectum esse, ut Evangelio promulgato novas Ecclesias, novosque Episcopos constitueret. Quod si ita est non inde poterit Mediolanensis Ecclesia Metropolitana jura in Ecclesias sibi subjectas repetere. En Sorman verba pag. 69. *Consulto prætermisum est ibi (in Elencho scilicet, quem a Mabillonio inspectum esse superius diximus) nomen Barnabæ; quippe qui Sedem apud nos minime fixerit, neque potius nostræ, quam aliarum, quas evangelizando pertransiit Urbium, & provinciarum communis fuerit Catechista, Episcopales erigens Cathedras in singulis ad Christum conversis urbibus, ac proprium cuiquam designans Antislitem, qui sparsum in transitu Evangelii semen constanti labore excoleret. Videri etiam ea de re Muratorius potest in præfatione ad opus de situ Civitatis Mediolani tom. 1. part. 2. script. rerum Italicarum pag. 201. ubi de Mediolanensi Ecclesia a S. Barnaba condita disserit, & Episcoporum Mediolanensium Catalogum citat, quorum princeps Barnabas est non recenti manu additus, sed vetustissimis characteribus, quales in tota illa serie Episcoporum apparent, descriptus.*

10 A Professoribus critices negatur pariter jus Metropolitanum Ravennæ habuisse exordium a Sancto Apollinare. Agnellus, qui scripsit sæculo nono, & cujus scripta typis edidit Bacchinius, in *Vita Joannis Angeloptis Episcopi Ravennatis* narrat Valentinianum Imperatorem subjecisse Ecclesiæ Ravennatensi quatuordecim Civitates, quarum una parum a Bononia distans, *Brinto* appellabatur, quæ tempore Agnelli, ut ipse testatur, diruta erat. Bacchinius ipse transcribit ex integro Privilegium Valentiniani repertum in veteri Codice Bibliothecæ Estensis, in quo tamen ne verbum quidem habetur, & nulla prorsus mentio fit dictæ Civitatis *Brinto* appellatæ. Pastritius Vir egregie doctus nobis de facie notus, cum in hac mortali vita degeret in *sua eruditissima Dissertatione de Patena Argentea Sancti Petri Chrysologi cap. 6. §. 3. pag. 93.* opinatur, Privilegium seu potius Edictum Valentiniani non esse apocryphum, sed interpolatum, sive intercisum.

11 Agnellus fuit Abbas Sanctæ Mariæ ad Blanchernas, & Sancti Bartholomæi Ravennæ, homo indoctus, ut clare manifestant ejus Opera solœcismis referta, sed quod pejus est, fuit Sanctæ Sedi Apostolicæ aperte insensus; nam in corde suo fovebat venenum Schismatis, quo imbutus fuerat a Proavo suo, qui cum

cum aliquot primoribus Viris Ravennatibus, conjurationis reus in Pontificem Paulum Romæ, quo ductus fuit, dies suos in arctissimo carcere miserrime clausit, ut fuscè ostendit Bacchinius in *Præfatione præfixa Codici dicti Agnelli num. 2.* Quamobrem mirum non est quod ipse a Sancta Sede averfus jus Metropolitici cum Ravennæ derivet ab auctoritate laicali, & ab Ediçto, sive Privilegio Valentiniani.

12 Illud autem Ediçtum, sive Privilegium procul ab omni dubio est apocryphum, quia in aliquibus ejus exemplaribus fit mentio Civitatis *Brinto* appellatæ parum a Bouonia distantis, cujus Civitatis nullam unquam extitisse memoriam Scriptores aliqui fide digni existimant; nam re vera nostri Auctores testantur in Bononiensi Territorio quatuor extitisse Civitates; quæ nostris hisce temporibus non amplius extant: nempe Quadernam, Brintum, Carenam, & Visanum, & insuper Castrum Brittorum fuisse veluti clypeum, & propugnaculum Civitatis cognominis, ut videre est apud Leandrum Alberti in *sua Italia sol.* 259. & apud Masinium in *sua Bononia perlustrata pag. 47.* ubi loquitur de Festis mobilibus, *Et pag. 461.* quo in loco sermonem habet de Festis mensis Septembris. Sed ratio, cur Ediçtum illud habendum sit tanquam apocryphum petenda est ex multis magni ponderis probationibus, quæ legi possunt in Annalibus Cardinalis Baronii, & apud Bacchinium in *præfat.* ad opus Agnelli *part. 3. num. 4. Et in Dissertat. de quinta Synodo celebris Cardinalis de Noris cap. 10.*

13 Ex quibus probationibus illa nobis evidentia gradum attingere videtur, quæ colligitur ex secunda Epistola Simplicii Papæ, & habetur in Conciliis P. Labbe *tom. 4. pag. 1068.* Joannes itaque Episcopus Ravennæ per vim elegerat in Episcopum Mutinæ Gregorium, eumque consecraverat. Quod factum illi improbat Pontifex Simplicius libertate Apostolica; utque ipsum timore coerceat, hanc addit comminationem, se nempe ipsi interdicturum munus Subditos sacris Ordinibus initiandi tum Ravennæ, tum in tota Æmilia, si quid simile in posterum auderet. Verba Pontificis sunt: *Denuntiamus autem, quod si posthac quidquam tale præsumpseris, Et aliquem seu Episcopum, seu Presbyterum, seu Diaconum invitum facere forte credideris, ordinationes tibi Ravennatis Ecclesie, vel Æmiliensis noveris auferendas; & insuper: Nolumus exaggerare quod gestum est, ne cogamur judicare quod dignum est: nam Privilegium meretur amittere qui permisso sibi abutitur potestate.*

14 Jam vero Simplicius fuit in Summum Pontificem electus
anno

anno 467. Edictum autem, quod jactant, aut Privilegium Valentiniani, quo Episcopus Ravennæ constituitur Metropolitæ, eique subjiiciuntur tot aliæ Civitates, & Pallii usus conceditur, supponitur concessum *anno* 432. aut sub initium *anni* 433. Nemo ergo non videt, Edictum illud, aut Privilegium esse apocryphum. Quomodo enim potuisset Simplicius post paucos annos a concessione illius, tam intrepide, & sine ulla hæsitazione, scribere se ipsum privaturum jure promovendi ad Ordines tum Ravennæ, tum in tota Æmilia? Nonne Archiepiscopus potuisset ipsi potiori jure rescribere, se suum jus Metropoliticum acceptum referre Imperatori, & unicuique perspectum esse, quod auferre Privilegium illius duntaxat esset, qui ipsum concessit?

15 Baronius *ad annum Christi* 432. inter argumenta cætera, quibus commentitium Valentiniani Privilegium oppugnat, illud etiam adnotavit, quod in eo Imperator honorem Pallii Ravennæ Archiepiscopis concedit; cum certum sit Pallium a Romanis Pontificibus semper, ab Imperatoribus vero nunquam esse concessum. *Certum est*, inquit, *nonnisi a Romanis Pontificibus illud Archiepiscopis fuisse solum impetrari, ab Imperatoribus nunquam*. Et quia Rubeus in sua Ravennæ Historia, Valentiniani Privilegium tueri volens, noscens autem, Pallium Romanos Pontifices, non Imperatores indulsisse, ait Pallium, de quo Valentinianus meminit, non illud esse quod a Sancti Petri corpore sumtum Romani Pontifices ad Archiepiscopos mittebant, sed pretiosæ vestis genus, qua Imperatores cum publice incederent utebantur; ab eodem Baronio refellitur ejus interpretatio, ut quæ verbis ipsius Privilegii repugnet; illa autem sunt ejusmodi: *Conferentes ei ob decorem Apostolicæ dignitatis honorem Pallii, & omnem Pontificalis decori usum, sicut ceteri sub nostra Christianissima potestate sepe degentes fruuntur Metropolitæ*. Concludit autem Baronius, Privilegium illud excogitatum videri schismaticum temporibus. *Cum Ravennates Episcopi aliquando schismate divisi essent ab Apostolica Sede, ne ab ea ex consuetudine moris perirent Pallium, tunc putamus nostrum ejusmodi excogitatum fuisse commentum, ut nomine Valentiniani Imperatoris sanctio scriberetur, qua declararetur & jura Archiepiscopalia, & perpetuum usum Pallii ab ipso Ravennatibus Episcopis fuisse concessa, ac sic ipsi, invidis licet Romanis Pontificibus, Pallio uterentur*. Petrus de Marca in suo *Opere de Concordia Sacerdotii & Imperii lib. 6. cap. 6. num. 11*. Baronio assentitur quantum ad illius Privilegii falsitatem attinet; illud vero constanter affirmat, contra ac Baronius existimavit, Pallii honorem ad Patriarchas, ac Metropolitæ ab Imperatorum

concessionibus derivasse; ac proinde ex aliis argumentis Valentiniani Privilegium rejiciendum esse censet, non ex eo quod a prædicta ratione desumitur. Facile esset Petri de Marca opinionem refellere, ac docere, Imperatores Metropolitum Pallium non concessisse; sed illud subinde nonnullis eorum a Romanis Pontificibus impetrasse. Verum nec locus id postulat, & ei rei plene satisfactum est a Bacchinio ad Librum Pontificalem Agnelli, ut ipse in præfatione testatur a num. 12. dicens, quod & verum est, ostendisse se in Operis decurtu, nullius Laicæ potestatis unquam fuisse Pallium Ecclesiarum Præsulibus conferre, sive in primæva Metropoli in institutione, sive cum subsequenti Metropolitæ ordinati sunt. Hoc unum attingamus, quod si concessio Pallii a Valentiniano profecta, ut vult commentitium illud Privilegium, vera esset, nunquam Joanni Ravennæ Archiepiscopo eas litteras dedisset S. Gregorius, quibus usum Pallii in natali die Sanctorum Joannis Baptistæ, Petri Apostoli, & Apollinaris eidem concedit, quamvis antea illud non haberet, eaque lege concessit ut illud in Sacrario indueret, atque inde ad sacrum faciendum recta prodiret; neque Mariniano Joannis Successori scripsisset, Pallium ei se mittere, quo certis diebus uteretur, concessionem referens ad Sanctæ Sedis benevolentiam, moremque veterem, ut videre est lib. 5. Regesti Ep. 11. & 56. postremæ editionis Parisiensis tom. 2.

16 Dictum est superius in Urbe, ac Dicoesi Bononiensi de Sancto Zama Officium recitari, quod Confessoribus Pontificibus est commune: postquam vero nullis nostris meritis ad Summi Pontificis dignitatem eVecti sumus, proprium Officium concessimus, cujus quinta & sexta Lectio ex Sancti Bernardi Abbatis sermone desumpta est, quarta vero sic habet: *Inter Sanctos Antistites, quos ceu Patres religioso cultu veneratur Bononiensis Ecclesia, singularem laudem semper obtinuit Zama, qui unus fuit ex priscis ejusdem Civitatis Episcopis. Celebratur in primis, quod vitam undequaque puram & inculpatam Pastor optimus semper duxerit, & quos Evangelii prædicatione docebat, præclaris exemplis institueret. Claruit ardentissimo studio salutis animarum, & nihil ei unquam fuit antiquius, quam ut a demonis servitute ad Dei notitiam cultumque traduceret Emilie populos, quos adhuc in tenebris & in umbra mortis detinebat infidelitatis error & ignorantia. Complures a ritibus Sacrilegis ab ipso revocatos fuisse constat. Nonnullos sacris Ordinibus iniciavit. Tandem plenus meritis longævus Senex ad beatam Patriam evolavit.*

17 Dicendum igitur jus Metropoliticum Ravennæ suam originem duxisse a Sede Apostolica, ejusque primum Archiepiscopum

pum fuisse Joannem Angelopten; eum tamen nullum Episcopum consecrasset, reclamante, & contranitante Archiepiscopo Mediolani, & post Joannis mortem, quæ accidit anno 439. ejus Successorem Sanctum Petrum Chrysologum fuisse primum Archiepiscopum Ravennatensem, qui coepit suos Provinciales Episcopos consecrare, ut colligitur ex ipsius *Sermone* 175. quem recitavit in consecratione Episcopi Vicohabentiæ, quæ ita appellatur a pluribus Vicis ibi confluentibus, qui omnes contermini sunt Pado; quæ insuper Urbs subjecta erat juri Metropolitico Archiepiscopi Mediolanensis, ut habetur ex *Epistola* 19. & juxta alias editiones 44. juxta vero editionem postremam 2. Sancti Ambrosii ad Constantium Episcopum Vicohabentinum, cui commendat Ecclesiam Corneliensem, quæ demum Urbs a Gothis everfa fuit; ideoque ejus Cives ad aliam Padi ripam transvecti Ferrariam ædificarunt; in quam Urbem Ferrariæ translatum fuit jus Episcopale a Pontifice Vitaliano anno 655.

18 *Primus itaque Ravennas Metropolitæ fuit Joannes Angeloptes: Primus, qui uti Metropolitæ Episcopos ordinaverit, Petrus Chrysologus, a quo initiatos scimus Marcellinum Vicohabentinum, & Proiectum Corneliensem Episcopos.* Sunt verba Bacchini *part. 3. superius citata num. 5. & 6.* Ex his, aliisque supra dictis illud consequitur Civitatem Bononiæ subjectam fuisse juri Metropolitico prius Mediolani, deinde Ravennæ, atque id non obitare quominus consecratio Sancti Zamæ habita fuerit a Summo Pontifice Dionysio. Nam antequam institueretur Jus Metropoliticum Mediolani, & Ravennæ, Romanus Pontifex Metropolitæ munus gerebat in tota Italia, & Insulis adjacentibus. Instituto autem jure Metropolitico Mediolani, Papa coarctavit Jus suum ad decem Regiones; nempe ad Picenum suburbicarium, ad Tusciam, Umbriam, Campaniam, Siciliam, Apuliam, Calabriam, Lucaniam, Aprutium, Samnium, Valeriam, Sardiniam, Corsicam; & subjecit juri Metropolitico Mediolanensi alias septem Regiones, nempe Regionem Venetam, Æmiliam, Liguriam, Flaminiam, Picenum annonarium, Alpes Cottias, ubi sunt Dertona, & Augusta Taurinorum, Rhetiam primam, & secundam: & instituto jure Metropolitico Ravennæ subduxit a ditione Metropolitæ Mediolanensis Civitates aliquas, quas subjecit Ravennati, inter quas Cæsenam, Forum Pompilii, Forum Livii, Faventiam, Forum Cornelii, Bononiam, Mutinam, Regium Lepidi, Parmam, Placentiam, Vicohabentiam, Adriam, & alias: qua in re sua usus est auctoritate, quin se ibidem immiscerent Imperatores, ut videre est in *Epistola* Gelasii Primi ad

Episcopos Dardaniæ scripta anno 495. quæ est 13. in collectione Labbeana, in qua Epistola contra Acacium, qui sibi arrogabat prærogativas aliquas, eo quod esset Episcopus Constantinopolitanus, sic scripsit: *Risimus, quod prærogativam volunt Acacio comparari, quia Episcopus fuerit Regiæ Civitatis. Numquid apud Ravennam, apud Mediolanum, Sirmium multis temporibus non consiliis Imperator? Numquidnam harum Urbium Sacerdotes ultra mensuram sibi antiquitus deputatam quippiam suis auctoritatibus usurparunt? & paulo post: Nam alia potestas est rei secularis, alia Ecclesiasticarum distributio dignitatum.*

Tempus Ordinationis, & mortis S. Zamæ.

19 Stabilita hac veritate, nimirum Sanctum Zamam fuisse consecratum Episcopum a Romano Pontifice, missumque ad regendam Bononiensem Ecclesiam, videndum superest, qua ratione verum sit, eum consecratum fuisse a Sancto Dionysio. Nam, ut supra vidimus, Sigonius in *Histor. de reb. Bonon.* asserit, Sanctum Zamam fuisse consecratum a Sancto Dionysio anno Christi 270. quod incohærens, & repugnans videtur Ferrario in *suo Opere de Sanctis Italiæ*, quia, ut ipse testatur, Sanctus Dionysius electus fuit Pontifex anno 257. vel uti alii opinantur anno 260. & juxta aliquos vixit in Pontificatu annos sex, juxta alios vero novem, & aliquot menses. *Bollandus in Vita S. Zamæ num. 3.* docet, Sanctum Dionysium obiisse anno 260. atque adeo consecrare non potuisse S. Zamam anno 270. Præsul dignissimus Franciscus Blanchinius in *suis notis Chronologicis ad Anastasium* firmissimè tenet, ac tuetur Sanctum Dionysium fuisse Pontificem inauguratum die 29. Septembris anno 259. Æmiliano & Basso Consulibus, & obiisse die 26. Decembris anno 268. post Pontificatus sui annos novem, menses tres, & dies septem. Vignolius in sua particulari editione Anastasii alium inijt calculum, quo probat inauguratum fuisse S. Dionysium die 22. Julii anno 259. & in Pontificatu vixisse annos novem, quinque menses, & dies quatuor, atque adeo e vivis excessisse die 26. Decembris anno 268.

20 Chronologiæ Sigonii suffragatur Cardinalis Baronius ad annum Christi 271. quo in loco conatur ostendere, Sanctum Dionysium vixisse ad diem usque 26. Decembris anni 270. Huic opinioni favet Epistola Synodi Antiochenæ scripta ad Dionysium, quæ Synodus congregata non fuit, imperante Claudio, sed Aureliano ejus Successore. Pagius tamen in *Critica ad Card. Baronium* anno Christi 271. num. 3. notat Cardinalem Baronium usum fuisse parum sincera versione Eusebii, eaque de causa in errorem incidisse, qua in re Pagio consentit Vignolius. Quamobrem, ut tuto procedamus, expeditius videtur id solum asserere

re, nempe Sanctum Zamam consecratum fuisse Episcopum a Sancto Dionysio, quo anno vero habita sit hæc consecratio, indecisum relinquere.

21 Idem Sigonius inter res a Sancto Zama gestas, narrat, ipsum a fundamentis erexisse Templum in honorem Sancti Petri eodem in loco, in quo labentibus annis ædificatum fuit Templum aliud Sancto Felici dicatum, nec procul ab ipso per aliquod temporis spatium suum Episcopale Palatium habuerunt Bononiæ Episcopi. Hoc ipsum est Templum, quod nostris hisce temporibus nuncupatur Templum Sanctorum Naboris, & Felicis, cui, ineunte quinto sæculo, additum fuit Cœnobium primo habitatum a Cœnobitis Benedictinis, inter quos celebris Gratianus Auctor libri, qui *Decretum Gratiani* nuncupatur, postea anno 1508. ibidem collocatæ fuerunt Moniales Sanctæ Claræ, ut notat recens Auctor additionum ad Sigonium, quæ Moniales adhuc ibi morantur. Narrat etiam Sigonius, Sanctum Zamam eodem in loco tumulatum fuisse, & ejus Ossa fuisse deinde solemniter pompa asportata ad Metropolitancam Ecclesiam Sancti Petri, & reposita fuisse supra Aram maximam anno 1586. a felicitis recordationis Cardinali Gabriele Palæoto, ut videre est in ipsius *Archiepiscopali*; imo etiam nunc extra Templum Sanctorum Naboris, & Felicis asservatur Sarcophagus, in quo per plures annos jacuit Corpus Sancti Zamæ. Denique Sigonius mordicus tenet Sanctum Zamam obiisse ante annum 300. quia si mortuus fuisset anno 301. non obiisset Confessor; sed Martyrium passus fuisset in persecutione Diocletiani. Nos tamen abstinemus a designatione anni, quo obiit S. Zama, idque præsertim ob opinionum varietatem in statuendo quo anno initium habuerit hæc persecutio, ut supra notavimus ubi de Sanctis Hermete, Aggæo, & Cajo.

CAPUT IV.

De Sancto Guarino. Die 6. Februarii.

1 Celebratur hac die 6. Februarii Festum Sancti Guarini Cardinalis, & Episcopi Prænestini, de quo hac eadem die Commemoratio habetur in Martyrologio Romano his verbis: *Bononiæ Sancti Guarini Episcopi Cardinalis Prænestini Viæ sanctitatis conspicui*. Hac in Urbe, & Diœcesi in honorem ipsius celebratur Sacrum, & recitantur horariæ preces petite ex Comuni Confessorum Pontificum, sed in Congregatione Canonico-regularium Sancti Salvatoris, quæ Congregatio etiam Rhe-

*Officium Sancti
Guarini -*

nana

nana appellatur, & in alia Congregatione Canonorum Regularium Lateranensium in horis Canonicis recitantur lectiones secundum Nocturni propriæ, quas post hujus Libri finem subnectemus. Præter nostros Auctores, nempe Falconium, Bombacium, Aurelium de Anziis, Ghirardaccium, Leandrum Alberti, Masinium; de hoc S. Dei Famulo loquuntur Bollandus die 6. Februarii, Ferrarius eadem die in *Catalogo SS. Italiae*, Molanus in *Additionibus ad Martyrologium Ussardi*, Ughellius in *Italia Sacra*, ubi de *Episcopis Prænestinis*, Pennottus in *adnotationibus ad Officium Canonic. Regular.* & in *Historia tripartita de iisdem Canonicis*. Ciaconius in *Vitis Cardinal. creator. a Lacio II.* & Oldoinus in *additionibus ad Ciaconium*, Attychius in *Opere*, quod inscripsit: *Flores Historiæ S. R. E. Cardinalium pag. 173.* & *sequentibus*, & Suarelius in *suis Antiquitatibus Prænestinis lib. 2. pag. 217.* Ejusdem Sancti Guarini Vita fuse conscripta fuit ab Augustino Ticinensi, quæ legitur apud Surium, & in compendium redacta legitur apud Bollandum.

Ejus Familia.

2 De eodem Sancto disceptatur: an originem duxerit a Familia Guarini, an vero e Familia Foscararia, quam litem Bollandus componit dicendo, alteram ex his Familiis fuisse paternam, alteram maternam. Cum procul ab omni dubio ipse fuerit Canonicus in Ecclesia Cathedrali Bononiæ, cujus Canonici tunc temporis erant Canonici Regulares, ut animadvertit Pennottus in *sua Histor. tripart. lib. 2. cap. 46. num. 6.* solum est in disceptatione positum, an ipse Vitæ austerioris amore se se receperit in Congregationem Canonorum Regularium Rhenanam, an vero in eorundem Congregationem de Mortaria, qui locus jacet Novariam inter & Papiam, sic nuncupatus a morte, & cruenta cæde plurimorum militum Desiderii Regis Longobardorum in eo prælio, quod habuit cum Carolo Magno. Mortariæ Canonici ex hoc loco Militum incursionem exposito translati sunt in aliud Cœnobium Papiæ, nuncupatum Sancti Petri in Cælo aureo, anno 1221. unde discesserant Cœnobitæ Benedictini, ut legi potest apud Thomam Cantipatrensem *lib. 1. de Apib. cap. 2. in fin.*

Cui Congregationi additus fuerit.

3 Pennottus loco *supracit.* contendit Sanctum Guarinum fuisse Canonicum Congregationis Mortariæ: *Floruit vero Congregatio Mortariensis multis Viris sanctitate conspicuis, ex quibus fuit Sanctus Guarinus Bononiensis primum Cathedralis Sancti Petri Bononiensis tunc Regularis Clericus; deinde ætioris vitæ desiderio ad Mortarienses profectus, & in eorum Collegium cooperatus.* Idem repetit *lib. 2. cap. 49. num. 5.* Paris incertitudinis reputandum est, quod de Sancto Guarino Cardinali, & Episcopo Prænestino.

Aut Hores qui de illo loquuntur.

flino ex iisdem Annalibus comminiscuntur (loquitur de Canonici Rhenani) *illum ex Canonico Rhenano assumptum ad dignitatem Cardinalatus, & Episcopatus Prænolini: contrarium enim verum est, illum in Ecclesia Cathedrali Bononiensi tunc Regulari Clericum fuisse, deinde ut strictiori sub regula vitam influeret, ad Mortariense Monasterium, magna tunc sanctitatis fama redolens contendisse: id enim præter quod vetustissima illius Monasterii tabularia testantur, comprobatur electio a Papiensibus de dicto Guarino in illorum Episcopum communi consensione facta. Quibus verbis innuit Pennottus nunquam futurum fuisse, ut Papienses ipsum in Episcopum eligerent, nisi ipsum probe cognovissent, quam cognitionem de ipsius merito non habuissent, nisi ipse fuisset Canonicus Regularis Congregationis Mortariensis; Episcopatum tamen, ad quem fuerat electus; ipse constantissime recusavit. Ex adverso Segnius, & Mozzagrugnius Canonici Rhenani ipsum inter suos enumerant, quæ eorum opinio suum pondus habet a quodam antiquissimo Calendario, quod in Canonica S. Salvatoris asservatur. In hoc autem Calendario ille recensetur inter Canonicos celebriores speciali commemoratione dignos; & quamvis in eodem Calendario recensentur etiam aliqui Canonici Sancti Victoris, & Cœnobiorum Romæ extantium Sanctæ Pudentianæ, & Sanctæ Praxedis, quæ erant tunc temporis aggregata Cœnobio Sanctæ Mariæ Rhenanæ, nullus tamen ibi descriptus reperitur, qui pertineret ad alia Cœnobia, quæ nullam haberent communicationem cum Cœnobio Sanctæ Mariæ Rhenanæ, quale erat Cœnobium Sanctæ Crucis in Mortaria.*

4 Nos in hac controversia nihil decernimus, sed concludimus cum eodem Pennotto *in adnotat. ad Officium S. Guarini*, cuius Congregationis hic fuerit, rem esse parvi momenti, & in qua immorari non sit operæ pretium. *Hunc nonnulli Monasterii Rhenani prope Bononiam Canonicum faciunt, quod parum retulerit, cum essent tunc Canonici Mortarienses, Lateranenses, ac Rhenani ejusdem Professionis, si non ejusdem Congregationis.* Pennotto consentit Bollandus *in Vita hujus Sancti.*

5 Majoris momenti controversia esset, si quaereretur an Congregatio Canoniorum Sancti Salvatoris, quæ nunc est, eadem dicenda sit atque illa vetus Rhenana; cum enim illa ad unum Canonicum redacta esset, cui Francisco Ghislerio nomen erat, cumque is a Martino V. Pontifice impetrasset, ut quosdam sibi Canonicos Regulares adsciceret, qui ab Urbini Duce Eremum S. Ambrosii dictam prope Eugubium obtinuerant, ex ea conjici videtur posse hanc nostrorum temporum Congregationem a veteri Rhenana

nana

nana esse diversam. Vide Auctorem *Historiæ Monasticorum Ordinum Regularium, ac Militarium Gallicæ conscriptæ tom. 2. cap. 57.* Verum si vetus Congregatio in Francisco Ghislerio superflua erat, ac prædicti Sancti Ambrosii Monasterium Monasteriis S. Mariæ ad Rhenum, ac S. Salvatoris Bononiæ adjunctum est, non e contrario, perspicuum videtur nova Monachorum adjunctione veterem Congregationem extinctam non esse. Etsi autem illa unio variarum initio dissensionum causa extiterit, illæ processu temporis deferbuerunt, Beato Nicolao Albergato Bononiensi tunc Episcopo adnitente. Omnia ista exhibentur in *dissertatione de hujus Ordinis origine Bullario Canonice Regularium Sancti Salvatoris præfixa dubio 3. pag. 310. Et sequentibus; & in nostra pariter satis proluxa dissertatione typis olim vulgata, & nunc tom. 3. pag. 344. Commentariorum inserta, quæ in Regulas Cancellariæ Joannes Baptista Rigantius composuit.*

*Nosocomium
S. Job fundatum.
Creatur
Cord. & Ep.
Præst.*

6 Ghinius, Ghirardaccius, & Bollandus nuper citatus narrant, S. Guarinum fundasse Nosocomium S. Job, quod etiam nunc extat in hac Urbe. Quantum ad Cardinalatum ejusdem Sancti Viri, res ita contigit. Anno 1144. Gerardus Caccianimicus Bononiensis electus fuit Summus Pontifex. De ipso scripsit Joannes Diaconus junior in *lib. de Ecclesia Lateranensi* apud Mabillonium *tom. 2. Musæi Italici: Hic vixit in Canonicali proposito longo tempore in Ecclesia ista* (nempe Sancti Joannis Lateranensis) *atque hinc assumptus Presbyter Cardinalis ordinatus est in Ecclesia Sanctæ Crucis in Hierusalem.* Postea Pontifex creatus sibi imposuit nomen Lucii II. & ab ipso Sanctus Guarinus electus fuit Cardinalis, & Episcopus Prænестinus. Obiit anno 1159. ut scribit Sigonius *lib. 2. de Episcopis Bononiensibus in Vita Gerardi: ejus Corpus tumulatum fuit intra Civitatem Prænestinam in Templo Sancti Agapiti.* Idem Sigonius in *Vita Henrici Episcopi lib. 2.* aliqua habet de eodem S. Guarino. Gerardus Caccianimicus Cardinalis, de quo supra locuti sumus, Pontifex factus est, & Lucius II. vocatus. Ille vero Patriæ memor tertio idus Maji superiora omnia Pontificum Privilegia Bononiensi concessa Episcopo renovavit. Mense autem Decembri cum Cardinales crearet, Cives quatuor allegit, inter quos, duos Sanctæ Mariæ Rbenanæ Canonicos, Ubaldum Caccianimicum Presbyterum tit. Sanctæ Crucis in Hierusalem, & Guarinum Guarinum Episcopum Prænestinum constituit, præterea Hugonem, Misianum Presbyterum tit. Sancti Laurentii in Lucina, & Rainerium Marefcottum Diaconum SS. Sergii, & Bacchi fecit. Cæterum Guarinus hic a primis annis ad Clericam ordinationem in Ecclesia Bononiensi pro-

CAP. IV. DE S. GUARINO EPISCOPO. 585

motus, inde disciplinam Canonorum Sancti Augustini asceverat, in qua cum plurimos annos ita vixisset, ut maximo omnibus Sanctitatis exemplo esset, atque interim oblatam Papiensem Ecclesiam respuisset, demum a Lucio Pontifice Prænестinus Episcopus declaratus, ac domestico nobilium equorum cultu ad tuendam dignitatis amplitudinem decoratus est, quem ille ita recepit, ut statim divenditum pauperibus distribueris, modico, ac ferme nullo, quod splendorem præ se ferret instrumento contentus. Res aliæ ab eodem præclare gestæ legi possunt in Opere citato Ticinensis, & licet Bulla de ipsius solemnī Canonizatione non inveniatur, Historici nihilominus communi consensione testantur, ipsum solemniter canonizatum fuisse ab Alexandro III. ut videri potest in nostra lib. 1. de Canonizatione Sanctorum cap. 9.

7 Superius diximus, Bononiæ, & in ejus Diocesi Officium, ac Missam de communi Confessorum Pontificum recitari; nunc vero proprias secundi Nocturni Lectiones eidem Urbi, ac Diocesi concessimus, quæ sunt ejusmodi.

Lectiones propriæ secundi Nocturni pro ejus Officio.

LECTIO IV.

Guarinus nobili loco Bononiæ natus, vel a puero seniles mores, egregiamque virtutem sacris comprobans, precibus, litteris, jeuniis, aliisque piis operibus assiduus operam dabat. Ubi vero per aetatem licuit, quo se totum Deo consecraret, inter majores Ecclesiæ Bononiensis Canonicos adscriptus est. Inde, ut asperiores vitam sectaretur, severiori Canonorum Regularium Familiæ nomen dedit. Nihil ipsi jucundius erat, quam multum ac diu versari cum Deo, se ipsum despicere, ceteris inservire. Hinc viliora quæque Monasterii officia, quæ detrectarent alii, ipse lætus obibat.

LECTIO V.

Mirum quanta virtutum laude inter æquales longe præstaret. Tantam inde sibi sumam comparavit, ut Papiensis Episcopus renunciatus sit, & omnium votis expetitus. Unus ille tam inexpectato percussus nuncio, ne pristinam vitæ humilitatem, dulcesque latebras deferere cogeretur, oblatam dignitatem constanti animo recusavit. Non diu tamen illi sub modio latere concessum est. Cum enim increbresceret ipsius sanctitatis fama, Cardinalium numero cooptatus fuit a Lucio Secundo Romano Pontifice, ac Prænестinus Episcopus constitutus.

Tom. X.

Eccc

LE-

L E C T I O VI.

In hoc sublimi dignitatis gradu totius vitæ rationem ita composuit, ut non imminuta virtus honore, sed ornata magis & aucta videretur. Idem in primis nobilis ille caducarum rerum contemtus: in pauperes liberalitas tanta, ut sibi ipsi eriperet quod ingenis alendis insumeret: ardens Divinæ laudis & animarum salutis studium. Immensis tandem laboribus & senectute confectus obiit octavo Idus Februarii anno millesimo centesimo quinquagesimo nono. In Ecclesia Beati Martyris Agapiti Sacerdotum manibus debita veneratione reconditus variis miraculis claruit.

C A P U T V.

De Sancta Juliana Vidua. Die 7. Februarii.

Officium hujus
S. Julianæ.

HAc die 7. Februarii celebratur Festum Sanctæ Julianæ Viduæ, cujus commemoratio fit in Martyrologio Romano his verbis: *Bononiæ Sanctæ Julianæ Viduæ*. Hac in Urbe, & tota Diœcesi recitantur Horæ Canonice petitiæ ex Officio Sanctarum nec Virginum, nec Martyrum, & olim a Monialibus Sanctorum Vitalis, & Agricola recitabantur Lectiones propriæ, quæ etiam universaliter recitabantur a Clero, & multum differebant ab iis, quibus Moniales utebantur, ut unusquisque dignoscere poterit, si utrasque invicem conferat. Nam eas omnes aduectemus ad hujus nostri Operis finem.

Ejus Corpus in
Ecclesia S. Ste-
phani, ubi ha-
betur Indul-
gentia.

2 In Monasterio Abbatæ S. Stephani hujus Urbis reperitur quidam antiqui Annales anni 1180. in quibus describitur Vita S. Julianæ, & in Templo ipso S. Stephani in Sacello ejus antea dominium erat apud Familiam Lianoram, nunc vero est apud Familiam Banciam, asservatur Corpus hujus S. Viduæ in Sarcophago marmoreo publicæ venerationi exposito super Altare. Extat etiam Bulla Papæ Cælestini III. qui electus fuit Summus Pontifex anno 1191. & obiit anno 1198. in qua Bulla conceditur Indulgentia inuisitibus dictam Ecclesiam, quæ dicitur ædificata a Sancto Petronio, & ibidem præter alia Sanctorum Corpora, asseritur reperiri Corpus Sanctæ Julianæ Viduæ. Pontifex Xystus IV. qui electus fuit anno 1578. mentione facta Bullæ Cælestini III. eandem Indulgentiam confirmat. Quod autem aliqui autumant primam illam Bullam fuisse Cælestini Primi, non Tertii, inane est, & commentitium, ut clare offendit Bollandus in *Vita hujus Sanctæ Julianæ die 7. Februarii*.

3 A

3 A nonnullis olim nobis fuerat insinuaturn, Sanctam hanc Julianam non Viduam, sed Virginem, ac Martyrem fuisse. Hujus opinionis fundamentum in quodam fragmento situm erat veteris Kalendarii ad usum Bononiensis Ecclesiæ, quod in Bibliotheca Canoniconum Regularium Sancti Salvatoris asservatur, in quo ad diem septimam Februarii Festum Sanctæ Julianæ Virginis adnotatur. Addebant, in Litanis, quibus quadringentis abhinc annis Bononiensis Ecclesiæ utebatur, quæque a nobis editæ sunt in appendice ad alteram partem Tomi quarti de Canonizatione, Sanctam Julianam inter Virgines, ac Martyres invocari, cum ante Sanctam Paulam invocetur, cujus ut Martyris meminit Martyrologium Romanum ad diem tertiam Junii. Ac ne quis crederet Sanctam hanc Julianam Virginem vel commentitiam esse, vel nullum Bononiæ cultum habuisse, duo nobis exhibita sunt Passionaria, alterum Sancti Benedicti Mantuæ, alterum e Bibliotheca Collegii Sancti Clementis, quod Bononiæ habent Hispani, in quibus, etsi cum aliqua non levi differentia, Sanctæ Julianæ martyrium tamen narratur; ac Mantuanum quidem sic habet: *Passio S. Agathæ Virginis, Passio S. Julianæ Virginis, Passio S. Valentini Martyris*. Illud denique commemorabant non longe ab Oppido Budrio, quod est in Bononiensi Diocesi, parvam ædiculam inveniri, in honorem S. Julianæ Virginis & Martyris sub Ludovico Pio erectam.

4 Has nos animadversiones libenti animo excepimus, cum præsertim ab auctore profectæ essent cive nostro in Ecclesiasticis rebus admodum versato; non tamen e sententia dimovere nos potuerunt. Nam quamtamlibet illis animadversionibus vim concedere velimus, illæ tamen hoc unum conficiunt, aliquam S. Julianam Virginem ac Martyrem extitisse, eamque Bononiæ cultum habuisse, quam rem nec locus postulat, nec animus fert ad examen revocare. Verum non exinde sequitur, nullam esse alteram Sanctam Julianam Viduam, de qua nunc agimus, & cujus corpus in Sancti Stephani Basilica quiescit, cum pro ea militet superius citata Cælestini Tertii Bulla, in qua Vidua dicitur, non Virgo, & Martyr; atque ita etiam interpretari oportet ejus invocationem in Litanis supradictis, in quibus post Sanctam Julianam, & aliarum invocationem legitur: *Omnes Sanctæ Virgines, & Viduæ orate pro Nobis*. Nec quidquam refert, quod Sancta Juliana ante Sanctam Paulam invocetur, quæ Martyris cultum in Romano Martyrologio ad diem tertiam Junii habet; nam cum in eodem Martyrologio ad diem vigesimam octavam Januarii S. Paula Vidua Eustochii Virginis mater legatur his ver-

Ecce 2

bis:

bis: *Apud Bethlehem Judæ dormitio S. Paulæ Viduæ*: non est cur ad illam potius, quam ad hanc referri debeat Sanctæ Paulæ invocatio in Litanis Bononiensibus.

5 Adde quod simplicem Viduam faciunt nostram hanc Sanctam Julianam Sixtus IV. in Bulla, quæ Litanis posterior est, per quam Cælestini Tertii Bulla confirmatur, Synodus Episcopi Zannetti Bononiensis suffraganei anno 1535. edita, & Synodo consentiens Catalogus Sanctorum, ac Beatorum Bononiensium Cardinalis Gabrielis Palæoti, qui Bononiensem Ecclesiam regendam suscepit anno 1566. in eo enim Catalogo, qui post ejus *Archiepiscopalem librum* impressus est, pag. 595. sic legitur: *Sancta Juliana Vidua in Ecclesia S. Stephani*.

Testimonia SS.
Ambrosii, &
Augustini ad
ipsam spectantia.

6 Galestinus in suo *Martyrologio* loquens de eadem Sancta Juliana Vidua addit hæc verba: *Testimonio Beati Ambrosii Episcopi illustris*, & verba Sancti Ambrosii leguntur in libro de *Exhortatione Virginis*. cap. 1. & 2. quem librum aut sermonem recitavit idem Sanctus Ambrosius Florentiæ, cum a Florentinis exoratus, illuc perrexit ad consecrandam Basilicam, quæ olim dicebatur Ambrosiana, nunc vero Sancti Laurentii, ubi reposuit Sanctas Reliquias SS. Vitalis, & Agricolæ, quas secum attulit e Civitate Bononiæ. In citato libro, aut sermone S. Ambrosius narrat, dictam Basilicam ædificatam fuisse a S. Juliana. Verba sunt hæc: *Collegimus Sanguinem triumphalem, & Crucis signum. Hæc Sanctæ Viduæ negare non potuimus postulanti. Munera itaque salutis accipite, quæ nunc sub sacris Altaribus reconduntur. Ea igitur Vidua Sancta est Judæa, quæ hoc Domino Templum paravit, atque obtulit, quod hodie dedicamus, digna tali oblatione, quæ in sobole sua Templum jam Domino pudicitie, atque integritatis sacravit. Dum Julianam volo dicere, Judæam dixi. Non erravit lingua, sed definiit: Judæa enim est anima, quæ Christum facit. Denique notus in Judæa Deus, id est ubi agnoscebatur, non ubi negatur. Est ergo in spiritu Judæa, ubi major portio, intellectus sincerior, quia salus ex Judæis est. Lingue igitur error testimonium Sanctitatis invenit. Honoremus ergo hanc Viduam, quia scriptum est: Viduas honora, quæ vere Viduæ sunt; licet verborum nostrorum honorem non ambiat, quæ Apostoli mandatum adequaverit, habens in bonis operibus testimonium, quæ bene filios educaverit, melius instituerit. Quis hanc non ut desitutam, & miserabilem deploravit, quando amisit Maritum? At ista Ministrum sacris Altaribus ereptum amplius ingemuit, quam sibi Conjugem, aut Patrem filius. Nam etsi præsidio esset Mariti viduata, & solatio, tamen apud piam mentem causa Ecclesiæ præponderabat.*

7 In antiquis lectionibus, quæ recitabantur a Monialibus Monasterii Sancti Vitalis tanquam certum ponitur, & existimatur, nostram Sanctam Julianam esse illam eandem, de qua loquitur Sanctus Ambrosius, & afferuntur in laudem ipsius verba ejusdem Sancti Doctoris. Ferrarius in suo Opere de Sanctis Italiae die 7. Februarii in eadem est opinione, ea præsertim de causa, quod ut ipse adnotat, nulla sit Florentiæ Sancta Vidua hoc nomine, quæ venerationi habeatur, & colatur ut Sancta; quamobrem ipse censet, Julianam, de qua sermonem habet Sanctus Ambrosius, esse Bononiensem e Familia Bancia, atque adeo ipsam e Patria sua Florentiam perrexisse, ubi ædificavit Templum Sancti Laurentii. Bollandus in Vita hujus Sanctæ §. 3. num. 17. in hanc sententiam propendit, fundamento desumpto a Chronicis superius citatis quo fundamento innixi eandem sententiam amplexi sunt alii, quos inter Pullienus Luparius, aliique Bononienses Historici, & postremis hisce temporibus Auctor additionum ad Sigonium in Vita Sancti Eusebii Episcopi Bononiensis num. 26.

8 Magnum porro gaudium nobis afferret hæc opinio, si illam citra veritatis labem sustinere possemus. Sed Cardinalis Baronius in notis ad Martyrologium Romanum ad illa verba Bononiæ Sanctæ Julianæ Viduæ hæc addit: De eadem tabule Ecclesiæ Bononiensis. Julianam Viduam laudibus cumulat Sanctus Ambrosius in exhortatione ad Virgines, sed illa (ut apparet) Florentia nobilissima Fœmina claruit, quæ crevis illic illustrem Basilicam, quam Sanctus Ambrosius dedicavit, locupletavitque Sacris Reliquiis Sancti Agricole Martyris, quas Bononia secum detulerat. Episcopus Borghinius, aliique Florentini Scriptores conque-
runtur, nostros Bononienses sibi usurpasse hanc Sanctam Julianam suam Civem, ut videri potest in prædicti Antistitis Tract. de Episcopis Florentinis tom. 2. pag. 375. nec improbat ipsorum querelas noster Comes Valerius Zani in Vita Sancti Petronii part. 2. pag. 96. Razzius ipsam recenset inter Sanctos Hetruriæ. Noster Pelliccionius in Vita Sanctæ Julianæ lib. 1. cap. 7. ingenue, & apertis verbis fatetur, nostram Sanctam Julianam non esse illam, de qua sermonem habuit Sanctus Ambrosius, & in ultimis lectionibus, quæ recitabantur in honorem S. Julianæ in nostra Urbe, & Diœcesi, narratur quidem, eam assistisse inventioni Corporum Sanctorum Vitalis, & Agricolæ, Bononiæ Templum ædificasse, sed ne innuitur quidem, eam perrexisse Florentiam, ibique inventam fuisse a Sancto Ambrosio, eundemque Sanctum Episcopum ibi consecrassse Templum ab eadem Sancta Juliana ædificatum, & de ejusdem Sanctæ Julianæ laudibus locum fuisse in sermone, aut Tractatu de exhortatione Virginitatis.

9 Et revera habemus ex Historiis, imperante Eugenio, qui Valentiniano successerat, cum ageretur de falsorum Deorum cultu restituendo, Divum Ambrosium noluisse cum sacrelego Imperatore colloqui, & a Bononiensibus vocatum, Bononiam venisse occasione Festivitatibus, qua celebrabatur inventio Corporum SS. Vitalis, & Agricolaë, de qua re alibi recurret sermo, & præfuisse huic solemnitati, deinde Bononia progressum fuisse Florentiam, quo secum detulit Reliquias dictorum Sanctorum, easque collocavit in Basilica, quam ibi ædificari curaverat Sancta Juliana Vidua, quæ nunquam appellatur Bononiensis, sed de ipsa fit sermo tanquam de Sancta Florentina. Quo itaque jure dici potest, nostram S. Julianam esse illam eandem, de qua loquitur Sanctus Ambrosius? Id sine authenticis documentis asserere est potius modo divinatorio procedere, quam historico. Quo vitio peccant nostri recentiores Scriptores, quos inter Bombacius noster, qui sine ullo gravi fundamento scribit, Sanctam Julianam Bononia discessisse, & Florentiæ fixisse domicilium, ibidem Basilicam ædificasse, & progressu temporis in Patriam regressam in illa obiisse.

10 Tillemontius tom. 10. in *Vita Sancti Ambrosii* art. 73. probabile esse existimat S. Julianam Florentiam profectam Bononiam venisse, adeoque unam esse & eandem, quæ utrobique colitur. At Joseph Maria Broccius, qui Florentiæ novissime edidit vitas Sanctorum, ac Beatorum Bononiensium, quique opus suum post nostrum opus Bononiæ impressum vulgavit, illorum Indicem alphabeticum, de quibus acturum se pollicetur ad calcem adjiciens, scribit *ad litteram G.* Sanctam Julianam Viduam Florentinam, quæ tempore S. Ambrosii ædificavit Florentiæ Basilicam Laurentianam, aliam esse a S. Juliana Bononiensi; ut nos quoque animadvertimus in nostris Adnotationibus ad Sanctos Bononienses. *Santa Giuliana Vedova Fiorentina, che al tempo di Sant' Ambrogio edificò in Firenze la Basilica di San Lorenzo, la quale è diversa da Santa Giuliana Bolognese, come saggiamente avverte il Cardin. Lambertini in oggi Benedetto XIV. nelle annotazioni sopra i Santi di Bologna.* Sancto Ambrosio Augustinus succedit, qui cum *Traſſatum de bono Viduitatis ad Julianam Viduam* scripserit, nonnulli auctores dixerunt, nostræ Sanctæ Julianæ Viduæ Opus illud inscriptum esse. Ita scribit Signius lib. 1. *Histor. Bonon.* Ita etiam scribit Achilles Bocchius in *Historia Bononiensi manuscripta* lib. 5. pagina nobis 86. Excitari a nobis hic posset ea quaestio, an Opus *de bono Viduitatis* Augustini sit; cum Jacobus Pamelius in *notis ad Tertullianum* dubitave-

rit,

rit, cumque Erasmus Juliano audacter adtribuerit, ut apud Cave videre est in *Scriptoribus Ecclesiasticis*. Verum si agitata a nobis controversia esset, nihil dubitaremus Augustino Opus illud asserere, cum certissimis argumentis Maurini Monachi id evincerint in *sua S. Augustini editione tom. 6. pag. 368.* cumque ipsi Ellies Dupin assentiatur homo sane difficilis in *nova sua Bibliotheca part. 1. tom. 3. pag. 741.* Sed etiamsi Opus illud Augustini sit, & licet ad Julianam Viduam dirigatur, ingenue tamen fateamur argumentis nos destitutos esse, quibus illam cum nostra Sancta Juliana Vidua eandem esse, affirmemus.

II Ex iis itaque, quæ validis documentis innixa sunt; primum est, Julianam Viduam Bononiensem Sanctam fuisse, cum ejus nomen recitetur in Martyrologio Romano, & dies Festus in ipsius honorem, & cultum a tempore immemorato celebratus fuerit in hac Civitate, & Diœcesi, & divinum Officium fuerit ibidem recitatum alias cum lectionibus propriis, alias cum lectionibus petitis ex Communi Sanctarum Virginum, nec Martyrum. Alterum est eodem tempore fuisse tres Sanctas Julianas, Florentinam nempe, Bononiensem, & Romanam, Filiam Sanctæ Probæ, & Matrem Sanctæ Demetriadis ex illustri Familia Anicia, ut bene ponderat Cardinalis Baronius in *notis ad Martyrologium Romanum die 7. Februarii*. Quod autem S. Juliana Bononiensis eadem illa sit, de qua S. Ambrosius loquitur, ut unius res gestæ alteri tribuantur, aut quod ad nostram S. Viduam Augustini liber *de bono Viduitatis* inscriptus fuerit, nonnisi temere potest affirmari. Tertium est, Sanctum Petronium ad preces nostræ S. Julianæ consecrasse Templum in honorem Sanctorum Vitalis, & Agricolæ, quod Templum ipsa propriis impensis ædificari curavit eodem in loco, quo Martyrio coronati fuerant. Quartum postremo est, Sanctam Viduam magnam suarum divitiarum partem impendisse in alendis Monachis Cœnobii Divi Stephani, quos inter ejus Filius unicus se totum Deo religiosissime addixit; ipsam vero cum quatuor Filiabus, & Socru se recepisse in Domum a populi commercio semotam, ad vitam ibi veluti in Asceterio pie traducendam. Hæc scribit Sigonius *lib. 1. Histor. Bononien.* ubi de S. Petronio hæc habet: *Quin etiam rogatus Julianæ, de qua scripsi, Viduæ Templum Vitali, & Agricolæ Martyribus consecravit: quod ipsa pecunia sua ibi, ubi ex-cruciati Martyres fuerant, construendum curaverat, qui locus adhuc etiam ad insignem tantæ rei memoriam, lapidea Cruce in via excitata cum Sacello signatur. Et paulo post: Juliana vero eximio pietatis studio inflammata magnam fortunarum suarum par-*

Tres S. Julianæ eodem tempore, sed ex diversa patria

Opera quædam nostræ S. Julianæ.

*tem (erat enim locupletissima) alendis in Canobio Divi Stephani Monachis attribuit , atque eorum numero Filium unicum , ut pie Deo serviret , adscripsit . Reliquum autem ad domum suam contulit in specie Monasterii tollendam , & componendam ad reliquam vitam ibi cum quatuor Filiabus & Socru religiosissime degendam . Quod si de nostræ S. Julianæ Viduæ familia sermo instituitur , salvus sit honor Banziorum familiæ in Civitate nostra conspicuæ debitus , sed ne veritati vis fiat , ac ne partes suscipiantur , quas sine historica veritatis præjudicio tueri non possumus , tempus inspiciatur , quo Gentilitia ista cognomina in Italia introducta fuerunt , quod tempus in extremum sæculum decimum cadit , ut fuscè ostendunt eruditi Mabillonius *de re Diplomatica lib. 7. cap. 7.* Continuatores Bollandi *tom. 4. Maji pag. 12.* Muratorius in *Antiquitatibus Medii ævi dissert. 41. & 42.**

12 Supra dictum est , Bononiæ , ac in ejus Diocesi celebrari Festum diem S. Julianæ Officio Communi nec Virginis , nec Martyris . Posteaquam vero ad Summum Pontificatum evocati sumus , proprium Officium concessimus quartam ac quintam lectionem ex S. Ambrosii operibus elicientes , sextam autem ipsi composuimus , quæ sic habet : *Juliana præcis illis viduis , quas Scriptura laudas , merito comparanda , miræ Sanctitatis exempla dedit , quo tempore Beatus Petronius Bononiensem rexit Ecclesiam . Ipsius rogatu Sanctus Episcopus Vitali & Agricole Martyribus Templum consecravit , quod pia illa Mulier edificaverat . Alendis pauperibus facultates , quibus assuebat , insumere solita , partes omnes explebat , quas Apostolus Viduis apprime necessarias esse docet . Didicerat in primis domum suam regere , filios educare , mutuam vicem reddere parentibus . Instabat obsecrationibus die ac nocte : cuique tribulationem patienti subministrabat . Posremo cum omne opus bonum subsecuta fuisset , virtutibus illustris ad Cælestia Regna migravit .*

C A P U T V L

*De Sancto Faustiniano Episcopo Bononiensi.
Die 26. Februarii.*

Officium ejus proprium nuperrime approbatum .

1 **H**Ac die 26. Februarii celebratur Festum Sancti Faustini Episcopi Bononiæ , cujus nomen recensetur in Martyrologio Romano his verbis : *Bononiæ Sancti Faustini Episcopi , qui eam Ecclesiam Diocletiani persecutione vexatam , verbo prædicationis firmavit , & auxit . In hac ipsa Civitate , ac tota Diocesi*

cessi in honorem ipsius celebratur Missa, & recitantur Preces horariae petiæ ex Communi Confessorum Pontificum. De ipso, præter nostros Scriptores, nempe Ghirardaccium, Leandrum Alberti, Aurelium de Anziis, & antiquos Annales Sancti Stephani, loquuntur Ferrarius in *Catalogo Sanctorum Italiae*, Ughellius, ubi agit de *Episcopis Bononiæ*, & Bollandus die 26. Februarii.

*Auctores, qui
de isto loquuntur.*

2. Sigonius lib. 1. *Histor. Bononiæ*. asserit, Sanctum Faustinianum fuisse Episcopum eo tempore, quo Diocletianus Christianos persequabatur, sed lib. 1. de *Episcopis Bononiæ* asserit, Sanctum Faustinianum electum fuisse Episcopum tempore Constantini Magni; & ibidem narrat res gestas ab eodem Sancto Episcopo his verbis: Anno inde tercentesimo duodecimo Constantinus Imperator, Maxentio tyranno deleto Italiam, ac Romam in potestatem adduxit, ac Christianus effectus, lucem tandem pacis optatissime attulit. Itaque, ut summa erat pietate ornatus, non solum Deo edificari Ecclesias iussit, multisque ipse in locis extruxit, sed magno etiam in honore ipsos Basilicarum Antistites habuit. Quare, ut reliquæ Civitates, sic Bononia quoque sæva persecutionis tempestate defuncta Episcopum sibi ascivit. Hic vero Sanctus Faustinianus fuit, qui Reliquias Christianorum superiore Ecclesie naufragio dispersas judicatur undique collegisse, ac Constantini insinuo edificandam Basilicam præparasse. Fieri etiam potest, ut idem Synodo Romane inter centum sexdecim Episcopos interfuerit, quos Sanctus Julius Pontifex ad confirmandum Nicænum Concilium contra Ariam anno tercentesimo trigesimo septimo convocavit. Situs est autem in eodem Monumento, quo Zama, quod adhuc ad Sanctum Felicem cum hoc titulo visitur: Hic requiescunt Corpora Zamae primi Episcopi, & Faustliniani secundi Civitatis Bononiæ. Memoria agitur tertio Kalendas Febr.

3. Digna, quæ annotentur, sunt aliqua, quæ refert Sigonius verbis nuper adductis. Ibi enim narrat fieri potuisse, ut Sanctus Faustinianus interfuerit Concilio Romano centum & sexdecim Episcoporum, quod coactum fuit a Sancto Julio Papa ad confirmandum Concilium Nicænum, de quo Concilio Romano loquitur Cardinalis Baronius ad annum Christi 337. n. 67. & sequentibus; verum Pagius ad eundem annum num. 10. contendit hanc Romanam Synodum non fuisse Concilium, sed faraginem Isidori Mercatoris collectam ex Historia tripartita, rebusque aliis in Concilii formam redactis. Porro de hoc Concilio nulla fit mentio in libello Synodico, & Auctor additionum ad Sigonium docet, valde incertum esse, an Sanctus Faustinia-

*Examen
episcopatuum
Sigoniarum.*

594 DE FESTIS ALIQ. SS. BONON. CELEBR. LIB.III.
 nus vixerit usque ad annum 337. quo tempore dicitur coactum
 dictum Concilium ab iis, qui cum Baronio sentiunt.

4 Ex supra allatis verbis illud etiam colligitur, Sigonium
 opinatum fuisse, quod S. Faustinianus immediatus fuerit successor
 S. Zamæ, ut patet ex Inscriptione, quam affert: *Hic requiescunt Cor-
 pora Zamæ primi Episcopi, & Faustiniani secundi Civitatis Bononiæ.*
 Sed jam supra animadvertimus, S. Zamam fuisse primum Epi-
 scopum ex iis, quorum notitia ad nos pervenit; præterquam-
 quod Ferrarius notat, Sanctum Faustinianum successisse quidem
 Sancto Zamæ, sed non immediate, cum vixerit Sanctus Zama
 sub Gallieno Imperatore, Sanctus Faustinianus vero sub Con-
 stantino Magno; tempore autem intermedio inverisimile pro-
 fusus est, nullum alium Episcopum intercessisse, ut alibi dicemus:
 neque inscriptio, quæ legitur extra Ecclesiam Sanctorum Nabo-
 ris, & Felicis, aliquid evincit, cum illa scripta sit caracte-
 ribus, qui vulgo Gothici dicuntur, pro rei tamen veritate sunt
 Germanici, aut Theutonici, qui inveniuntur in Italia sequio-
 ri tempore, nempe post sæculum undecimum.

*Templum a
 S. Faustiniāno
 ædificatum.*

5 Demum loquitur Sigonius de Templo ædificato a Sancto
 Faustiniāno; at Ghirardaccius, Bombaccius, & Faleonius, alii-
 que nostri Scriptores addunt, Ecclesiam ædificatam a Sancto
 Zama fuisse subterraneam, cujus vestigia adhuc supersunt in hy-
 pogeo Monialium Sanctorum Naboris, & Felicis, sed progressu
 temporis imperante Constantino Magno post restitutum publi-
 cum exercitium Christianæ Religionis, extructam fuisse a San-
 cto Faustiniāno Cathedralem Ecclesiam publica & decentiori for-
 ma, Deique cultum e tenebris Cryptarum in publicam lucem
 fuisse eductum: quamobrem superiorem Ecclesiam tribui debere
 tanquam Auctori Sancto Faustiniāno, inferiorem vero, cui illa
 superincumbit, Sancto Zamæ tribuendam esse, ut colligitur e
 ruderibus, ac vestigiis, quæ usque ad hæc tempora supersunt.
 Quod ad pacem attinet Ecclesiæ concessam, potestatemque a
 Constantino factam Christianæ Fidei profitendæ, legatur ejus edi-
 ctum apud Eusebium *lib. 10. cap. 5.* ac præterea quæ Baronius con-
 gessit *ad ann. Chr. 313. num. 5. & seqq. & ad ann. Chr. 314. num. 9.
 & seqq.* De consuetudine vero Christianorum celebrandi Divina
 Mysteria persecutionum tempore in locis abditis, & subterraneis
 videri possunt quæ a nobis congesta sunt in nostro Opere de Cano-
 nizat. Sanctor. *lib. 4. part. 2. cap. 27. num. 12. & sequentibus.*

*Translatio
 quæ Corporis.*

6 Sanctus Faustinianus eodem in sepulcro tumulatus fuit,
 in quo Sanctus Zama, ut patet ex Sarcophago, de quo loquuti
 sumus; ubi sermonem habuimus de Sancto Zama. Corpus Sancti
 Fau-

CAP. VI. DE S. FAUSTINIANO EPISCOPO. 595

Faustiniani sub Sixto V. translatus fuit a Cardinali Gabriele Palæoto ad Metropolitanam Ecclesiam Sancti Petri, & collocatus sub Ara maxima, ut videri potest in ejusdem Cardinalis *Archiepiscopali Bononiæ*, & apud Bollandum *die 26. Februarii in Vita ejusdem Sancti Episcopi*.

7 Supra dictum est, celebrari Bononiæ, & in Diocesi Bononiensi Festum Sancti Faustini Episcopi cum Officio, & Missa de communi Confessorum Pontificum. Proprium nos deinde concessimus; cujus Lectiones ex sermone quodam S. Gregorii Nazianzeni confecimus ejus rebus gestis aptato.

Ejusdem Officium proprium.

CAPUT VII.

De Sancto Basilio Episcopo Bononiensi. Die 6. Martii.

1 **C**elebratur Festum Sancti Basilii *hac die 6. Martii*. Illius mentio fit in Martyrologio Romano his verbis: *Bononiæ Sancti Basilii Episcopi, qui a Sancto Silvestro Papa ordinatus, verbo, & exemplo creditam sibi Ecclesiam sanctissime gubernavit*. In hac nostra Urbe, ac Diocesi in honorem ipsius celebratur sacrum, & recitantur preces horariæ petitiæ ex Communi Confessorum Pontificum. De ipso loquuntur Bollandistæ *hac ipsa die 6. & Ferrarius in Catalogo Sanctorum Italiae, & Ughellius, ubi agit de Episcopis Bononiæ*: præterea omnes nostri Historici sæpe citati. Sigonius in *Hislor. Bonon.* asserit, Sanctum Basilium consecratum fuisse Episcopum a Sancto Silvestro spatio temporis medio annum inter 331. & 337. sed in suo *lib. 1. de Episcopis Bonon.* quod Opus postea conscripsit, in eoque nonnullos errores emendavit, qui irreperant in *Hislor. Bononien.* consecrationi Sancti Basilii assignat annum circiter 350. *Sanctus inde Basilii celebratur, quem conjicere possumus circa annum trecentessimum quinquagesimum inisse*. Verum si Sanctus Silvester, ut compertum est, obiit anno 335. certe non potuit consecrare Episcopum Sanctum Basilium anno 350. ut notat Ferrarius in *adnotationibus ad hunc Sanctum Basilium*: quomobrem opinatur, ipsum inauguratum fuisse Bononiæ Episcopum a Sancto Julio Papa, qui tunc temporis Christi Ecclesiam gubernabat. Nihilominus cum Martyrologium Romanum aperte consecrationem illius attribuat Sancto Silvestro, cui assertioni standum esse videtur, opus est corrigere seriem Episcoporum Bononiæ, atque adeo cum Alidosio, & Ughellio numerandus est Sanctus Basilium post Sanctum Faustinianum circa annum 338. & post Domitianum

Officium Sancti Basilii.

Quis de eodem mentionem faciat.

Quando vixerit idem Sanctus Basilii.

num Joannes primus circa annum 344. & post Joannem primum Sanctus Eusebius circa annum 370. de quo Sancto Eusebio alibi loquendum nobis erit: *Vereor* (sic Auctor eruditum Adnotationum ad Sigonium in Vita Sancti Basilii) *ne sic conjiciendo, erramus, nam Martyrologium Romanum refert, Sanctum Basilium ordinatum a Sancto Silvestro Papa. Is vero extremum diem clausit anno 335. ultima die Decembris. Quod si verum; non ergo Basilii iniiit Episcopatum anno 350. &c. At si auctoritati Romani Martyrologii stemus (nihil autem melius cui stemus, reperire potui) aliter Episcoporum seriem ordinare possumus, videlicet post Faustianum Basilii circa annum 330. exinde Domitianus, tum Joannes primus, postea Eusebius circa annum 370.*

2 Nemo est qui ignoret, post Arianam hæresim pluries damnatam a præcedentibus Conciliis, Eudoxium, Acacium, Valentem, & Ursacium Ariana labe infectos instigasse Imperatorem Constantinum ad permittendum, ut duplex cogeretur Concilium, alterum Episcoporum Orientalium Seleuciæ, Episcoporum Occidentalium alterum Arimini.

Utrum Pseudoconcilio Ariminensi interuenerit.

3 Quadringenti Occidentales Episcopi Ariminum perrexerunt, ubi congregati Fidem Nicænam unanimi consensione amplexi, Fidei formulam ab Ursacio, & Valente propositam constanter rejecerunt, cujus rei ut certiores redderent Imperatorem, ad eum Legatos miserunt, eos tamen præuenerant Ursacius, & Valens, qui Imperatoris animum ita suis dolis, & mendaciis irritarunt, ut hic opera Tauri Præfecti detineri iussit Episcopos Arimini, eosque variis machinationibus induci ad subscribendum formulæ Ursacii, & Valentis, quam duo hi flagitiosi homines dolose construxerant Nicææ in Thracia.

4 De miserabili lapsu horum Episcoporum loquuntur Sanctus Anastasius in *Epist. ad Africanos*, Sanctus Hilarius in *fragmentis*, Sanctus Gregorius Nazianzenus *Orat. 21.* ubi sic: *Nam si per paucos exceperis, qui ob nominis obscuritatem contemptui habiti fuerunt, vel ob virtutem resisterunt, Et omnes temporibus obsecuti sunt.* Hoc Concilium damnatum fuit a Liberio Papa, & iterum a Damaso, & in Epistola Synodica Concilii ab ipso habiti, in quo convenerunt nonaginta Episcopi partim Itali, & partim Galli, quæ Epistola assertur a Theodoro *lib. 2. cap. 17.* clare asseritur, Episcopos fuisse deceptos, nec quod ab ipsis aliena fraude deceptis factum est, detrimentum ullum asserere potuisse catholicæ veritati; demum Episcopos ipsos deceptos suum animi dolorem ob hanc ipsam deceptionem, a qua irretiti visi sunt a Catholica veritate deflexisse, satis aperte manifestasse. Verba Epistolæ

stolz hæc sunt : *Sed in ipso principio ab his ipsis, qui Arimini novare, ac retrahere compellebantur res correctæ est, ut confiterentur sibi alia disputatione subreptum, quod non intelligerent, Patrum sententiæ apud Nicæam constitutæ hoc esse contrarium. Neque enim præjudicium aliquod fieri poterat per numerum Arimini congregatum, quando constat neque Romanum Episcopum, cujus ante omnia expectanda erat sententiæ, neque Vincentium (Capuæ Episcopum Legatum Apostolicum, quique hoc munere functus fuerat in Concilio Nicæno) qui tot annorum Episcopatum integre gesserat, neque alios talibus præbuisse consensum. Maxime cum ipsi ipsi, sicut diximus, qui per fraudem deflexisse visi sunt, meliorem consilio hæc sibi displicere testati sint.*

§ Sigonius in *Vita Sancti Basilii* verisimile putat, Sanctum Basilium inter alios Episcopos Concilio Ariminenfi interfuisse. Hic potuit inter quadringentos Catholicos Occidentalis Ecclesiæ Episcopos Ariminenfi Concilio interesse anno trecentesimo quinquagesimo nomen, qui ab Arianis illusi sunt. Elegans & absoluta est inter cæteras de Conciliis dissertationes Ludovici Thomassini dissertatio quinta, quæ est de hoc Ariminenfi Concilio, ubi plurimis argumentis ostendit, Episcopos Arimini Fidem Catholicam minime deseruisse, fraude tantum deceptos esse, & cum Arianis exterius communicasse, quin illorum erroribus consentirent. Exterior tantum hæc fuit dispensatio, non Arianica perfidia, qua Orbis ingemuerit se esse Arianum &c. Exterior hæc tantum fuit Catholicorum, & æconomica cum Arianis communicatio, non consensio in eorum doctrinam &c. Ubi ergo Sancti Patres Ariminenfibus Episcopis defectionem a Fide videntur assignere, pingui loquuntur Minerva, & communionem pro Fide accipiunt, reique non veritatem, sed speciem ab Arianis jactatam prosequuntur &c. Etenim, si sententiæ animi, si Fidei medullam, si sensum Episcoporum Ariminenfium introspecias, omnia hæc Catholici dogmatis tenacissima semper fuisse : Si speciem rerum extimam, si fucum ab Arianis factum, si rumores ab illis sparsos, si communionem exterius initam, Arianicum his omnibus venenum erat superfusum. Nos vero nulla probabili conjectura id asseri posse censemus. Nam vel tanquam vera admittitur Chronologia Alidosii, & Ughellii, juxta quam post Sanctum Faustinianum fuit Bononiæ Episcopus Sanctus Basilius circa annum 330. & post S. Basilium Domitianus circa annum 338. post Domitianum Joannes primus circa annum 344. & post Joannem primum Sanctus Eusebius circa annum 370. jam nemo est, qui non videat, quam inverisimile sit Sanctum Basilium interfuisse Concilio Ariminenfi, quod celebra-

bratum fuit anno 359. vel hanc Chronologiam deferentes, sequi volumus aliorum opinionem, juxta quam Sanctus Basilii vixit ad ann. usque 350, cui opinioni adhæret Ughellius, & jam clarissime patet Sanctum Basilium non interfuisse Ariminensi Concilio, quod celebratum fuit post novem annos ab illius obitu, ut animadvertit Author Adnotationum ad Ughellium, & ante ipsum animadversum fuit a Bollandistis in *Vita S. Basilii die 6. Martii*, Similibus argumentis Peregrinus Rubens in suis Meditationibus ad *Vitam S. Geminiani pag. 106*, contra Silingardum ostendit Sanctum hunc Mutinensem Episcopum Ariminensi Synodo non interfuisse.

Templum ab eo edificatum.

6 Idem Sigonius in ejusdem Sancti Basilii Vita narrat, ipsum aut incepisse, aut absolvisse Templum dicatum Sanctis Apostolis Petro, & Paulo, quod Templum est nunc conjunctum cum Templo Sancti Stephani, & ipsum in eodem Templo tumultatum fuisse. Idem etiam Basilicam aut inchoavit, aut certe a Faustiniano inchoatam perfecit, ac Sanctis Petro, & Paulo Apostolis, Constantinum imitatus, dicavit in Campo extra Urbem, qui nunc Platea S. Stephani nominatur, ut alio loco probabitur, atque ibi fortasse conditus fuit; neque enim alibi memoratur.

Ejusque consecratio.

7 De hoc Templo loquitur Auctor novarum, eruditumque Adnotationum ad Sigonium his verbis: *Eam* (scilicet Ecclesiam) *quam paucos post annos S. Ambrosius consecravit ex lamina plumbea super Reliquias in Altari S. Jacobi ejusdem Ecclesie repositas inventa anno 1636. & quam initio sæculi decimi Hungari incenderunt. Nunc una est ex septem Ecclesiis Basilicæ Sancti Stephani.*

Ejusdem Sancti sepulchrum.

8 Quod attinet ad Sepulchrum Sancti Basilii in hac ipsa Ecclesia, id asserere non audeo, cum mihi compertum sit primos Bononiæ Episcopos sepultos fuisse in veteri Ecclesia Cathedrali Sanctorum Naboris, & Felicis. Alidosius ubi agit de Episcopis Bononiæ, assert antiquum monumentum anni 1304. ex quo constat, Abbatem, & Monachos Sancti Felicis suppliciter rogasse Magistratus Civitatis, ut inducerent solemnem celebritatem in honorem Sanctorum Joachim, Jucundi, Tertulliani, Felicis, & Hadriani Episcoporum Bononiæ, quorum Corpora condita erant in eorum Ecclesia, qui omnes erant Episcopi Sancto Basilio posteriores. Verum Joachim, & Hadriani non solum cultus in desuetudinem abiit, sed etiam nomen vetustate temporis obrutum est. Diximus supra, Bononiæ, & in ejus Diocesi Sanctum Basilium communi Confessorum Pontificum Officio coli. Nos illi postea proprias secundi Nocturni Lectiones concessimus ex Sancti Bernardi verbis confectas, ejusque rebus gestis aptatas.

Lectiones 2. Nocturni ejus Officio nuper. rime adjuncte.

C A P U T V I I I.

De Sancta Catharina Bononiensi. Die 9. Martii.

1 **S**ANCTÆ Catharinæ Bononiensis festa dies agitur nona Martii, eoque die illius nomen descriptum est in Romano Martyrologio jam inde a Clementis octavi temporibus his verbis: *Bononia B. Catharinæ Virginis Ordinis S. Clare, vitæ sanctitate illustris, cujus Corpus magno cum honore ibidem colitur.* De eadem S. Catharina recitatur in tota Civitate, & Dioecesi Bononiensi Officium proprium, cujus pro secundo Nocturno Lectiones extant typis impressæ in Lectionario proprio Ecclesiæ prædictæ, quarum ultima sic habet: *Post dies decem & octo exhumatum Corpus inventum est incorruptum, & magno odore fragrans, quod in Ecclesiam delatum, ibi religiose observatur integrum, & multis clarum miraculis.* Eam vero Clemens XI. solemnè ritu Sanctorum Catalogo adscripsit. Cumque per id tempus Canonizationis Bulla edita non esset, illam edidit deinde Benedictus XIII. consueta via, quæ dicitur: *Rationi congruis.* Complures sunt qui de illius vita, ac rebus gestis scripserunt; plurimi item, qui de ea loquuti sunt. In proprio illius Officio secundi Nocturni Lectiones summa fide exhibent ejus vitæ cursum, & quæ in beato ejusdem decessu contigerunt; cumque Fidei Promotoris munere fungeremur sub Clemente XI. ejus Canonizationis causa in semipublico Consistorio proposita fuit, eamque ob rem Compendium edidimus de illius vita, virtutibus, ac miraculis, & de rebus hætenus gestis in ejusdem Canonizationis causa, quod Compendium Cardinalibus, qui Consistorio illi adfuerunt, obtulimus, & in septimam Appendicem ad tomum primum Operis nostri de Canonizatione Sanctorum coniecimus pag. 422. Et sequentibus Editionis Patavinæ; quare supervacaneum esse ducimus easdem res hoc loco commemorare, cum eas quilibet inde possit addiscere. Solum opportunum esse ducimus, quæstioni satisfacere, quæ pluries nobis proposita fuit, eaque est, ut sequitur.

2 Jussu Clementis undecimi Nobis, licet in juvenili admodum ætate constitutis, onus est impositum reassumendi, & patrocinandæ causam S. Catharinæ, cujus ipse, cum Cardinalis esset, Relator extiterat in Sacra Rituum Congregatione, & quæ quodammodo derelicta dici poterat. Voce, ac scriptis imposito muneri satisfacere enixi sumus, cumque miracula ad examen revocanda essent, quæ post illius Beatificationem contigissent, Deo faven-

Officium proprium S. Catharinæ.

Ejus Vita.

Quæstio circa incorruptionem & odorem ejus sacri Corporis.

avente, duo ut probarentur consequuti sumus, quæ in citato compendio retulimus, ac subinde decretum ut ad Canonizationem progredi fas esset. Cum autem ab eodem Pontifice Fidei Promotores constituti fuisset, nostrarum partium esse existimavimus omnia curare, quæcumque ad actualement Canonizationem pertinebant, quæque illam necessario consequerentur, Lectiones scilicet Officii, & Bullam.

3 Ex hac rerum serie factum est, ut nonnulli non minus pii, quam curiosi, ex nobis quæsierint, quam ob rem, cum adeo celebre sit factum prodigiosæ incorruptionis corporis S. Catharinæ, quod tot ætatum decursu integrum perseverat, magnamque ex sese odoris suavitatem emittit, cumque etiam nunc sine ullo fulcro sedeat, complurimis auctoribus his de rebus differentibus, tamen neque in Martyrologio, neque in Lectionibus, neque in Bulla, commemorata sint, præsertim cum ejusmodi miracula, quæ permanentia dicuntur, quibus Deus Sanctorum suorum merita illustrare consuevit, neque in Martyrologio prætermitti soleant, neque in Officio, cujus rei exemplum ex Sancti Januarii sanguine repetebant, de quo sic legitur in Martyrologio ad diem decimam nonam Septembris: *Corpus Sancti Januarii Neapolim suis delatum, atque honorifice in Ecclesia tumulatum, ubi etiam beatissimi Corporis sanguis in ampulla vitrea adhuc servatur, & in conspectu capitis illius positus velut recens liquecere, & ebullire conspicitur.* Consentiunt secundi Nocturni Lectiones: *Præclarum illud quoque, quod ejus sanguis, qui in ampulla vitrea concretus asservatur, cum in conspectu capitis ejusdem Martyris ponitur admirandum in modum colliquefieri, & ebullire, perinde atque recens effusus, ad hæc usque tempora cernitur.*

4 In nostro Opere de Canonizatione Sanctorum lib. 4. par. 1. cap. 30. & 31. fuse diservimus de cadaverum incorruptione in genere, ac sigillatim de nostræ Sanctæ Catharinæ Corpore, de suavi illius odore, deque ejus sessione sine fulcro, ac de S. Januarii sanguine; ac licet ex inibi dictis quid huic quæstioni respondendum sit, facile possit intelligi, hoc tamen loco brevi perstringendum esse ducimus.

5 Habuit quidem Sanctæ Catharinæ Corpus diuturno sculorum intervallo ea omnia, ex quibus incorruptio odori, & sessioni conjuncta veri prodigii loco haberi debeat, nec nisi temere negari posset, faventibus viris doctissimis, a quibus perpensum est, ut ex citato nostri operis loco videre licet, cumque ab Ecclesia ipsa approbatum quodammodo dici possit, cujus per-

missu in Officio commemoratur, quod Clemens VII. concessit, sicuti pariter in alio Sixti V. tempore a celebri Curtio Franco Sancti Petri Canonico emendato. Verum post ejus virtutes heroicas a Ven. Servo Dei Innocentio XI. approbatas anno 1680. cum anno 1702. sub Clemente XI. ad examen miraculorum veniendum esset, quæ *post indulgiam*, ut ajunt, *Venerationem* contigissent; cumque nulla prætermissa esset diligentia, ut incorruptio, & odor in eorum numero censerentur; Myrensis Archiepiscopus Bottinius Fidei tum temporis Promotor opposuit, nec illam incorruptionem & odorem inter miracula, quæ supervenerant haberi posse, cum continuatio novum miraculum a primo suo prodigioso statu distinctum haberi nequeat; ac præterea Physicos, quibus nova corporis agnitio demandata esset, nonnihil in eo detrimenti seu mutationis comperisse, ut ex eorum suffragiis videri potest, quæ *citato cap. 30. num. 12.* indicavimus. His de causis fieri non potuit, ut incorruptio præsentis status habita ratione, prodigiosa censeretur, quamvis in his aliquid, quod humanæ naturæ vires excederet, agnosceretur. Quare ad examen & approbationem ventum est duorum miraculorum, quæ in fine citati nostri Compendii retulimus, quin tamen ullum prodigiosæ corporis incorruptioni antea præjudicium constitueretur, unde in Bulla Canonizationis relatum est, ejus corpus post decem & octo dies a morte elapsos e tumulo extractum incorruptum inventum esse, & odoriferum, septemque diebus populo intuemum esse expositum; itemque in eadem Bulla innuitur Clementem VII. annis a Sanctæ obitu septem ac septuaginta cum Bononiæ esset ad ejus corpus accessisse, quod non solum incorruptum, sed etiam palpabile invenit: *Felicis recordationis Antecessor noster Clement Papa VII. annos septem & sexaginta a Catharinæ decessu sacri Corporis incorruptionem manu tractabilem coram miratus, Monasterii Sororibus facultatem indulgit quotannis, Catharinæ anniversario obitus die recurrente, sacras preces in ejus honorem ritu Ecclesiastico celebrandi: de qua palpabilitate, ut nunc se res habent, multum periti dubitarunt.*

6 Jam ut ad sanguinem S. Januarii veniamus, Martyrium ille subiit anno 308. & anno 340. ipsius caput primo Neapolim translatum est, cum Neapolitanam regeret Ecclesiam sive S. Severus Episcopus, sive Joannes, sive Zozimus, pro diversis recentiorum Scriptorum sententiis. Piæ Christianorum femina Sanctorum Martyrum sanguinem colligere, ac diligenter servare consueverunt, ut Baronius in suis *Annalibus* ostendit ad annum 262. & in *Adnotationibus ad Martyrologium Romanum ad diem 3. Februarii*.

Tom. X.

G g g

bruarii

Illustratio historica & critica miraculi permanentis in sanguine S. Januarii.

bruarii, & 3. *Junii*. Vetus autem & pia est Neapolitanorum traditio S. Januarii sanguinem, qui nostris adhuc temporibus in ampulla vitrea servatur, ab aliqua ex his piis fœminis fuisse collectum.

7 Quo vero tempore cœperit, vel primum animadversa fuerit sanguinis in conspectu capitis eliquatio, difficile est constituere, & quamvis id multis post martyrium sæculis contigerit, nullo tamen id pacto miraculi veritati obesse debet, cum in patrandis miraculis non hominum Deus voluntatem, sed suam sequatur, ut præclare in hanc rem adnotavit Antonius Caracciolus Scriptor celeberrimus *de Sacris Ecclesiæ Neapolitanæ Monumentis* sect. 16. cap. 20. pag. 257. Itaque, inquit, incertum est apud me quo primum tempore ea liquescentia vel contigerit, vel fuerit observata: omnino autem, si non statim ab ejus eadē contigit, sed multis post sæculis, id in occultam Numinis providentiam rejiciendum est. Ac revera nulla est ejus prodigii mentio in veteribus Lectionibus, in vetustissimo Ecclesiæ Neapolitanæ Officio, in veteribus Officiis Ecclesiæ Beneventanæ, Salernitanæ, Capuanæ, & Gallicanæ, & in omnibus aliis monumentis a Nicolao Carminio Falconio in sua S. Januarii Historia fuscè relatis.

8 Auctor Anonymus Vitæ Sancti Peregrini Malcolmi tertii Scotorum Regis filii sub annum 1086. fuscè miraculum narrat, sed idem Caracciolus cap. 20. pag. 256. Vitæ, inquit, S. Peregrini scriptor non omnem meretur fidem. Quare primum omnium certum & authenticum est Ænæ Sylvii Piccolomini testimonium, qui anno 1458. antequam ad Pontificiam dignitatem eveheretur, in qua Pius II. dictus est, in suis Commentariis ad Antonium Panormitam in libro de dictis, ac factis Alphonsi primi Aragoniæ, & Neapolis Regis cap. 42. de rebus hujus Urbis insignibus disserens ita scribit: Si quis adire potuerit Sacrum illum Divi Januarii cruorem, quem modo concretum, modo liquatum ostendunt, quamvis ante annos mille ducentos pro Christi nomine sit effusus.

9 Alterum multo luculentius testimonium est Angeli Catonis de Supino Ferdinandi primi Aragoniæ Regis Medici, a quo typis paulo ante Neapolim introductis anno 1474. editæ sunt *Pandectæ Medicinales Matthæi Salvatici Solernitani*, & in his loquens de illius Urbis memorabilibus, sic de S. Januarii sanguine scribit; Quid dixerō de Divi Januarii Martyris sanguine, qui Neapoli summa cum religione servatur? Quæ miracula nostro tempore Christi cultoribus ostenduntur, quæ sint hoc magis speciosa, vel magis evidentia? Durescit absente Capite, quod servatur in Æde Metropolitana Neapolis: Quoties tamen Capitis ostenditur, liquefit, ac si eo die fuerit e Corpore effusus.

10 Tertium est Joannis Baptistæ Fregosi testimonium in *lib. 1. cap. 6. Factorum, ac dictorum memorabilium*, quem sub ann. 1484. conscripsit ad animi ægritudinem levandam Genua expulsus, in qua Ducalem dignitatem obtinuerat: *Diversis igitur* (inquit) *Templis conditum Caput, Sanguisque ejus ampulla conclusus, quo die per Urbem solemniter feruntur, Sanguis qui in pilam induruit, cum in Caput incidit (mirum dictu, sed tamen verum) liquefit totus in ampulla, non aliter, quam tunc, cum primum cæso Capite ex Martyris Corpore defluxit. Cum autem a Capite diijungitur, in sphericam formam, ut antea erat, durefit.*

11 Quartum testimonium exhibetur ab auctore ignoto libri, cui titulus est: *Miroir Historial de France Parisiis edito anno 1415.* narrat enim anno 1495. post regnum armis subactum a Carolo VIII. cum idem Rex Neapoli esset, die Dominica, quæ in tertiam Maji incidit, audito Sacro in Cathedrali Urbis Templo, in magna Cardinalium, Episcoporum, aliorumque Procerum frequentia, ostensum illi esse S. Januarii caput, ac sanguinem: & argenteam virgulam oblatam ut prædictum sanguinem exploraret, qui durus instar lapidis tum erat; paulo vero postquam in Altari fuit, statim incallescere, & liquefieri cœpisse, perinde ac si recenter ex vivi hominis vena effluxisset, qua rei novitate, ac miraculo multi Gallorum Proceres, alique e vulgo populares ingenti admiratione percussi sunt. *Nella Domenica 3. di Maggio, udita la Messa nella Chiesa Cattedrale di detta Città con gran moltitudine di Cardinali, Vescovi, ed altri Signori, gli fu mostrata la Testa ed il Sangue di S. Gennaro, e gli fu data una piccola bacchetta d'argento per toccare allora il detto Sangue, il quale era duro come pietra; e dopo che fu un poco sull'Altare, cominciò subito a riscaldarsi e ammolirsi, come se fosse stato sangue cavato di fresco da un uomo vivo, del che molti gran Signori Francesi ed altri comuni popolari restarono molto maravigliati, vedendo un così nobile Miracolo.*

12 Pro anno vero sequenti 1496. quo post discessum Caroli VIII. Ferdinandus II. a Neapolitanis accitus Neapolim venit, testimonium quintum extat Juliani Passeri illorum temporum, Scriptoris ab Hieronymo Maria a S. Anna in *suo Diario* allatum *lib. 2. cap. 6.* & a recentioribus Neapolitanis Scriptoribus, assertentibus sexta Octobris 1496. hora 11. magna frequentia supplicatum esse pro Ferdinandi II. Regis valetudine in exitu vitæ constituti. Cum autem processissent in ea supplicatione Proceres omnes, & ipse Neapolitanus Archiepiscopus, caput, & sanguinem S. Januarii differens, omnesque Clerici fletu ingenti canentes: san-

guis liquidus instar aquæ conspectus est, eumque ad Regem detulerunt ad Arcem Capuanam. Verba Juliani sunt hæc: *Alii 6. di Ottobre 1496. alle 21. ore si fece una grandissima Processione pregando per la salute del Re Ferdinando II. il quale stava per morire, ed in quella Processione vi furono tutti li Baroni, ed anco l'Arcivescovo di Napoli, il quale con detta Processione portava lo Sanguine e Testa di S. Giansuario, e tutti i Clerici cantavano con grandissimo pianto: ed il Sanguine fu visto liquido come acqua, e lo portarono avanti al Re dentro il Castello di Capuana.*

13 Ineunte vero sæculo xvi. eandem rem testati sunt Joannes Franciscus Picus Mirandulanus in suo libro *de Fide, & Origine credendi*, quem anno 1504. Julio II. obtulit; P. Zanobius Acciajolus in sua *Oratione*, qua laudes Urbis Neapolis profecutus est in Generalibus Ordinis sui Comitibus inibi habitis anno 1515. Alphonsus de Januario in suo *Latinorum Poematum libro*, quem Clementi VII. inscripsit, *Consiliarius de Afflictis in Constitutionibus Regni, de Homicid. num. 47. & de Spoliant. Hom. num. 5.* innumerique alii Scriptores tum Neapolitani, tum exteri, qui non solum miram sanguinis eliquationem narrant, sed & miraculi veritatem adversus incredulos tueruntur.

14 Igitur propositæ quæstioni sic satisfiat, ut dicatur miram corporis Sanctæ Catharinæ incorruptionem tamdiu commemoratam esse, quamdiu ejusmodi est inventa, ut non nisi inter miracula posset recenseri; postquam vero dubitari cœpit, an integra omnia, ut antea, permanerent, mutata est loquendi ratio, eademque incorruptio, ut in præsentia est, in eo rerum ordine adnumerari debet, quæ miræ dicuntur, non tamen miracula: contra vero in Sacris Monumentis liquefactio Sanguinis S. Januarii coram capite silentio prætermissa est, quando vel nondum contigerat, vel nondum fuerat animadversa; postquam autem animadverti cœpit, in eadem Monumenta, Martyrologia, ac Lectiones relata fuit. Quare propositæ nobis, ut diximus, a curiosis piisque hominibus quæstioni fecisse videmus satis.

C A P U T IX.

De S. Tertulliano Episcopo Bononiæ. Die 27. Aprilis.

Officium, & Missa de Sancto Tertulliano.

1 **H**AC die 27. Aprilis celebratur Festum Sancti Tertulliani Episcopi Bononiæ, cujus mentio fit hac ipsa die in Martyrologio Romano: *Bononiæ Sancti Tertulliani Episcopi, & Confessoris.* In ipsius honorem habetur sacrum, & recitantur horariorum Preces in Urbe, ac tota Diocesi, petitæ ex Communi Con-

Confessorum Pontificum. Cardinalis Baronius *in notis* dicit, cum successisse immediate Sancto Pateruiano, atque adeo fuisse octavum Episcopum Bononiæ, electum *anno* 470. Hanc ipsam Chronologiam aplectuntur Sigonius *lib. 1. de Episcopis Bononiæ*, & Ferrarius *de Sanctis Italiæ*, & Celsus Falconius. Ughellius vero censet ipsum fuisse undecimum Episcopum, & Masinius, ipsum fuisse decimum octavum. Auctor Adnotationum ad Sigonium existimat ante Sanctum Tertullianum Sedem Episcopalem obtinuisse Sanctum Joachim, de quo memoria habetur in monumento Cœnobitarum Sanctorum Naboris, & Felicis, cujus paulo supra meminimus: quamebrem Bollandistæ in Vita hujus Sancti ingenue fatentur se ignorare quo tempore electus fuerit Episcopus, & in quo numero inter Bononiæ Episcopos reponi debeat, & Tillemontius *in Vita S. Petronii prope finem* addit pauca esse, quæ circumferuntur de hoc S. Tertulliano, & nihil sufficienter probari.

2 Sanctus Gregorius Turonensis *lib. 2. suarum Historiarum* narrat, Sanctum Namatium Episcopum Arvernorum in Aquitania misisse Presbyterum unum, qui peteret ab Episcopo Bononiæ Reliquias aliquas nostrorum Sanctorum Vitalis, & Agricolæ. Verba illius sunt: *Sanctorum Vitalis, & Agricolæ Reliquias Namatius Arvernorum Episcopus devote expetiit, ut scilicet eas in Ecclesia, quam ipse construxerat, collocaret, direxitque unum illuc Presbyterum, qui abiens, cum Dei gratia, quæ petierat, desulit* postea narrationem prosequitur, describens sollemnitatem, qua Episcopus Namatius has sacras Reliquias excepit, & miracula, quæ Deus publice hujus celebritatis occasione, patravit, addit demum eas collatas fuisse in nova Ecclesia, quam dictus Episcopus erexerat. Videri possunt Sammarthani *tom. 2. Galliæ Christianæ pag. 230.* & Saussayus *in suo Martyrologio Gallicano tom. 2. in supplemento mensis Novembris pag. 191.*

3. Concessionem harum Reliquiarum Sancto Tertulliano tum temporis, ut ipse existimat, Episcopo Bononiæ attribuit Sigonius: *Idem, ajens, anno quadringentesimo septuagesimo septimo (sic etiam ratio temporum postulare videtur) Namatio Arvernorum Episcopo Sanctorum Vitalis, & Agricolæ Reliquias ea tempestate virtutum magnitudine celebratas ad novam suam illustrandam Basilicam deposcenti concessit, easque Namatius per Sacerdotes ad id missos, Arvernos eximio cum honore non sine magna occursum populorum admiratione traduxit.* Verum licet petitio Sancti Namatii, & Reliquiarum traditio, & cætera, quæ adduntur, tanquam certa haberi possint; pro certo tamen haberi nequit, ea omnia evenisse tempore Sancti Tertulliani, tum quia dubium est, quo

Quo tempore fuerit Episcopus Bononiæ S. Tertullianus

Ejus res gestæ

quo tempore fuerit Bononiæ Episcopus, tum quia cum idem Sigonius dicat Reliquiarum traditionem factam fuisse anno 477. contra id obstat Chronologia Sammarthanorum, juxta quam mors Sancti Namatii ante illud tempus accidit, cum Sanctus Namatius præcesserit in Episcopatu S. Eparchium, qui obiit an. 472. qua de causa Tillemontius addit, probabilius esse traditionem illam Reliquiarum factam fuisse a Sancto Petronio.

4 Narrat pariter Sigonius inter res a Sancto Tertulliano gestas, ipsum simul cum aliis Æmilie Episcopis obtulisse Joanni Episcopo Ravennati, tunc cum per vim Gregorium consecravit Episcopum Mutinæ; de qua re superius locuti sumus. Indicavimus ibi Epistolam Pontificis Simplicii, qua exprobrabat Joanni suum crimen, comparatione facta cum minori crimine Prædecessoris sui, qui per vim consecraverat Presbyterum quemdam: *Qui cum minus deliquisset faciendo Presbyterum inuitum, senserit tamen dignum pro tali usurpatione iudicium*. Additque se ignorare undenam didicerit morem hunc violenter consecrandi Episcopos: *Ubi ista didicisti, quæ in Fratrem, & Coepiscopum nostrum Gregorium non electione, sed invidia perpetrasti, quem inexcusabili violentia pertrahi ad te passus es, atque vexari, ut ei honorem tantum non per animi tranquillitatem, sed per amentiam, sicut dicendum est, irrogaris?* Addit insuper, se nolle alia multa ad ipsum scribere, quæ tamen audiet a Projecto Episcopo, idque eo consilio, ne ruborem ipsi de suo facto incutiat. Demum ab illius Metropolitana jurisdictione Gregorium eximit: verba sunt: *Scandalum, cujus Auctor agnosceris, ita moderatio compefecit, ut Frater, & Coepiscopus meus Gregorius (quem non proventum constat esse, sed pulsum) nullam causam, sicut petiit, tecum habiturus, Mutinensem gubernet Ecclesiam, & contubernium spirituale, quod sortiri non oportebat inuitum, non recuset amplecti. Cui si quid negotii forsitan emerferit, nostrum ab eo, vel contra eum petatur examen*. Postea concludit se illi, si quid simile in posterum ausus fuerit, interdicturum ordinationes Ravennæ, totiusque Æmilie, ut supra diximus. Posita hac Epistola, cum in ea ne verbum quidem habeatur de obstitentia, qua Æmilie Episcopi sese Joanni opposuerint, ignoramus, quo fundamento dici possit, Sanctum Tertullianum illi obtulisse, quando per vim consecravit Gregorium Mutinæ Episcopum.

5 Uterius scribit Sigonius, Sanctum Tertullianum aut ædificasse, aut saltem approbasse Cœnobium S. Helenæ ædificatum in Pago Sancerni Bononiensis Diœcesis. *Hic Monasterium vetustissimum S. Helenæ aut construxisse, aut constructum probavisse*
gusa-

CAP. IX. DE S. TERTULLIANO EPISCOPO. 607

putatur in Pogo, qui nunc Sancerni nomine insignitur. Præsul eruditissimus Felix Antonius Marfilius Bononiæ Archidiaconus, postmodum Perusiæ Episcopus multum elaboravit in elucidandis iis, quæ ad Sanctos Bononienses pertinent, ejus scriptis Codicibus utimur, in quibus ne latum quidem unguem discedit a Sigonio. Testatur auctor hic se invisisse Templum S. Helenæ, & judicat Templum illud esse opus quinti sæculi, sive attendatur lapidum qualitas, sive ratio cæmentitiæ constructionis, retenta Romanorum consuetudine in construendis ædificiis; qui modus nondum penitus in desuetudinem abierat.

6 Postremo testatur Sigonius Sanctum Tertullianum tumulatum fuisse in Ecclesia SS. Naboris, & Felicis, id quod concordat cum iis, quæ supra diximus. Superius item dictum est Bononiæ, & in ejus Diœcesi Officium, & Missam in honorem Sancti Tertulliani de Communi Confessoris Pontificis recitari. Nunc vero proprias habet a nobis concessas secundi Nocturni Lectiones, ex Sancti Gregorii Nazianzeni verbis confectas, & quantum fieri potuit, S. Tertulliano accommodatas.

*Lectiones 2i
Nocturni propriæ in ejusdem Officio.*

C A P U T X.

*De Sancto Theodoro Bononiæ Episcopo.
Die 5. Maji.*

1 **F**estum S. Theodori Episcopi, & Confessoris celebratur hac die 5. Maji, qua die legitur ejus nomen in Martyrologio Romano sic: *Bononiæ Sancti Theodori Episcopi meritis clari, & Cardinalis Baronius in notis hæc addit: Successit hic Laurentio ejus Civitatis Episcopo, circa annum Domini quingentesimum trigessimum, ut in ejusdem Bononiensis Ecclesiæ tabulis vidimus.* Præter nostros Scriptores Ghirardaccium, Masinium, Aurelium de Anziis, sive Comitem Valerium Zani, loquuntur de illo Ughellius in Italia sacra, Ferrarius in Catalogo Sanctorum Italianæ, & Continuatores Bollandi die 5. Maji. In Urbe, ac tota Diœcesi recitantur in illius honorem Preces horariæ petitiæ ex Communi Confessorum Pontificum.

*Autores qui
de nostro Sancto
Theodoro
loquuntur.*

Ejus Officium.

2 Sigonius in Vita S. Theodori asserit Pontificem Agapetum subjecisse jurisdictioni Sancti Theodori Episcopi Bononiæ Cœnobii Sanctorum Vitalis, & Agricolæ in Arena, Sancti Proculi, Sanctorum Felicis, & Naboris, Sanctorum Gervasii, & Protasii, Sancti Stephani in Hiernsalem, Sancti Joannis in Monte Oliveti, Sanctæ Mariæ in Monte Palensi, Sancti Michaelis in

*Privilegia a
Pontificibus
Episcopo Bononiensi concessa.*

in Fundo Paterno, Sanctæ Helenæ, & Sancti Barbatiani. Verba Sigonii sunt, quæ sequuntur: *Huic Agapetus Pontifex omnia, supra commemorata Monasteria, Abbates, Monachos, Presbyteros, Diaconos, & Clericos in Diœcesi Bononiæ sitos subjecit; nempe Monasterium Sanctorum Vitalis, & Agricola in Arena, Sancti Proculi, Sanctorum Felicis, & Naboris, Sanctorum Gerwasi, & Protasii, Sancti Stephani in Hierusalem, Sancti Joannis in Monte Oliveti, Sancti Michaelis in Fundo Paterno, Sanctæ Helenæ, & Sancti Barbatiani.* Et in suâ Historiâ sine indicans monumenta, unde has notitias collegerat, allegat Privilegia Sancti Gregorii VII. Paschalis II. Alexandri III. quibus privilegiis confirmatur Privilegium Agapeti. Hæc omnia diplomata testatur Sigonius se suismet oculis vidisse. Idem Sigonius in ejus Vita, qui S. Theodoro successit, & cujus nomen prætermittit, ait Pelagium Pontificem privilegium ei confirmasse ab Agapeto prædecessore suo concessum: *Agapeti Pontificis privilegium post annum quingentesimum quinquagesimum sextum de subiectis Monasteriis renovavit:* quo loco necesse est SS. Agapetum I. & Pelagium I. a Sigonio significari; S. Agapetus enim anno 535. electus est, & post menses decem, diesque nonnullos decessit; S. Pelagius autem anno 555. Pontifex est factus, annosque sedit tres, menses decem, dies xvi. 11.

3 Quæ se vidisse privilegia Sigonius affirmat, ea a nobis quoque conspecta sunt; extat enim in Bononiensis Ecclesiæ tabulario privilegium Gregorii VII. *datum anno 1073.* in quo Lamberto Episcopo Bononiensi donationes confirmat Agapeti, Pelagii, Gregorii, & Formosi prædecessorum suorum; alterum Paschalis secundi *anno datum 1115.* quo Victori Episcopo eorundem Pontificum, ac præterea ipsius Gregorii septimi donationes confirmat; tertium Lucii II. quo idem præstitit *anno 1144.* Henrico Episcopo; ac quartum deinde Alexandri III. qui *anno 1169.* Joanni Episcopo Bononiensi prædecessorum suorum Agapeti, Pelagii, Gregorii, Gregorii VII. Lucii, & Eugenii donationes confirmavit, in quibus omnibus monumentis Monasteria supra indicata, & alia nonnulla commemorantur, ea fere amplitudine, quæ in supra allatis verbis occurrit.

4 Operæ pretium est in his privilegiis excutiendis aliquantum inhærere, tum quia id ad S. Tertulliani vitam multum refert, tum quia ad Ecclesiæ Bononiensis Historiam pertinet.

5 In privilegiis Gregorii VII. Paschalis II. & Alexandri III. privilegia confirmantur *Gregorii Dialogi:* ex quo difficultas oritur, intelligine debeat S. Gregorius Magnus, qui *anno 590.*
etc.

electus est, an Gregorius II. qui anno 715. Pontificatum iniit. *Dialogi* cognomen auctori competit Dialogorum, qui in Operibus extant S. Gregorii Magni, in quibus de Sanctorum rebus gestis, & miraculis cum Petro Diacono colloquitur, quem ab adolescente ætate amicissimum sibi fuisse dicit. Non deest qui contendat eos Dialogos non a S. Gregorio Magno conscriptos esse, sed a Gregorio II. qui propterea *Dialogus* dicatur a Græcis. Verum ejusmodi sunt argumenta a Maurinis congesta tom.2. *Operum S. Gregorii Magni pag. Præfationis* 113. & sequentibus: quibus Dialogos Sancto Gregorio Magno asseruerunt, ut omnis dubitandi causa sublata sit; atque inde confectum est, Privilegium Gregorii Dialogi, quod Bononiensibus Episcopis Pontifices successores confirmarunt, non a Gregorio II. sed a Gregorio I. esse concessum. Q. amobrem Pagius in *Vita S. Gregorii Magni num. 28.* scripsit: *Gregorius secundus perperam a quibusdam Græcis Dialogus dictus est; hoc enim nomen Sancto Gregorio Magno proprium esse ob editos Dialogorum libros perspicuum est.*

S. Gregorius
Dialogus quis-
nam sit.

6 Hac difficultate semota, altera sequitur, quæ ad ipsam privilegiorum substantiam pertinet. Narrat Sigonius Agapetum Theodoro Episcopo Bononiensi Monasteria, Abbates, & Monachos subjecisse, qui in ejus essent Diocesi, quæ concessio supponit, Monasteria, Abbates, & Monachos sui alioquin juris futuros, nisi Privilegium intercessisset. Id vero nullo pacto sibi poterit persuadere quicumque norit (omnes autem norunt) per id tempus Concilii Chalcedonenfis quartum Canonem viguisse his verbis conceptum: *Monachos per unamquamque Civitatem aut Regionem volumus Episcopo esse subiectos, eique consentit Justiniani lex, quæ est XLVI. in Codice de Episcopis, & Clericis, in qua sic legitur: Monasteria degunt, seu censentur sub Episcopis territoriorum suorum, & Abbatum curam gerant Episcopi, Monachorum Abbates.*

Difficultas
circa Privilegium S. Agapeti.

7 Præterea privilegium S. Agapeti Theodoro concessum ejus potestati subjicit Presbyteros, Diaconos, & Clericos, qui in Bononiensi Diocesi erant: quod utcumque intelligatur, ingentem parit difficultatem. Nam si de Presbyteris, Diaconis, & Clericis Monachis velimus intelligi, contra est, quod iis temporibus Monachi Laici erant: *Alia Monachorum est causa, alia Clericorum: Clerici pascunt oves, ego pascor: illi de Altari vivunt, mihi quasi arbori instructusæ securis ponitur ad radices. Si manus ad Altare non deferro mihi ante Presbyterum sedere non licet: illi, si peccavero, licet tradere me Satana.* Verba sunt Hieronymi ad Heliodorum. Si vero Privilegium Agapeti de

Tom.X.

H h h h

Pres-

Presbyteris, Diaconis, & Clericis Sæcularibus intelligatur, qui in Bononiensi Diœcesi essent, resurgit majori vi superius propo-
sita difficultas, privilegio nimirum opus fuisse, ut Clerus Sæcu-
laris Diœcesis Bononiensis Episcopi sui jurisdictioni subiceretur.

8 Nec multum proficiet si quis dixerit, Agapetum Theo-
doro subicere voluisse Sæculares Clericos, Abbatum juribus an-
tea subjectos, quos in ejusdem potestatem dabat: dicendum enim
esset, Monachos in Bononiensi Diœcesi extirpasse, qui separatim,
ut ajunt, territorium obtinerent cum jurisdictione in ejus Cle-
rum, & Populum quasi Episcopali. Sepositis autem apocryphis
privilegiis, cujusmodi est illud, quod labente octavo sæculo Pe-
tronaci Cassinensi Abbati a Zacharia datum fertur, de cujus sin-
ceritate Baronius ambigit *ad annum Christi 748.* & alterum eo-
dem sæculo concessum ab Stephano II. Monasterio S. Dionysii, &
S. Martini Turonensis, de cujus veritate multum dubitant Coi-
ntius, & Thomassinus, primum verum privilegium territorii se-
parati illud dici potest, quod nono sæculo concessum Monaste-
rio S. Salvatoris, & S. Richarii refert Mabillonius in *Annalibus
Benedictinis lib. 26.* in quo post concessam Abbati auctoritatem
in Cellas, Ecclesias, Clericos, Milites, Colonos, & Servos
Oppidi Centulani, & postquam cautum est nequis, excepto Ro-
mano Pontifice, privilegio derogare possit, Episcopus Diœce-
sanus excluditur ab omni jurisdictionis exercitio etiam in ipsos
Clericos, & Laicos in eodem Oppido degentes, cujus Oppidi
finibus Abbatis jurisdictionem coerces: *Ipsius autem totius Vil-
le, quæ Centula nuncupatur, curam Ecclesiasticam retineat*
(Algilbertus nempe Abbas, cui inusitatum privilegium concedi-
tur) *nec in aliquo Episcopus Ambianensis Sedis de Ecclesiis, aut
Clericis ejusdem loci se intromittat, nisi forte voluntas Abbatis il-
lum rogando invitaverit, ut aliquam consecrationem, vel ordi-
nationem, seu prædicationem exerceat, nihil amplius, quam se-
cundum suam utilitatem Abbas permiserit, Episcopus perficiat.*

9 Hæc difficultas, quæ videtur excitata ad revocandum in
dubium non modo Agapeti Privilegium S. Theodoro concessum,
sed alia quoque hujus generis Privilegia ab Agapeti successoribus
successoribus S. Theodori concessa, non habet apud nos tantum
ponderi, quantum apud alios novimus habuisse. In eo tota sita est,
quod dum Monasteria, Abbates, Monachi, Presbyteri, Diaconi, &
Clerici Theodoro subjiuntur, innuitur eos omnes seculo privi-
legio ab Episcopi jurisdictione futuros fuisse immunes, quod Ec-
clesiasticæ illorum temporum disciplinæ omnino est oppositum.

10 Hoc vero neque a nobis admitti potest, nec admittitur.

Pri-

Privilegia enim ipsa consulentes agnovimus, non aliud Agapetum, caterisque Pontifices in animo habuisse, quam ut Episcopo Bononiensi subjicerent, ejusque Diœcesi addicerent hanc, vel illam agri partem, quæ *Corte* dicebatur, ut recte animadvertimus est a du Cange *tom. 2. novæ editionis sui Glossarii verbo Cortis vel Curtis*; cumque in eo agro Monachi, Presbyteri, Clerici, & Laici essent, eos quoque eidem subjicere voluerunt ex Jure Canonico illorum temporum, quod nullam agnoscebat exceptionem Monachorum, aut alterius cujuscunque, qui in Episcopi Diœcesi commemoraretur.

11 Quod autem id Privilegia significare velint, ex ipsorum verbis facile deprehenditur: *Curtem quoque, quæ dicitur Maxumaticum, cum omnibus suis pertinentiis, Abbates, Monachos, Presbyteros, Diaconos, Clericos, litteratos, & illitteratos, servos, & ancillas Dei, & omnes utriusque sexus intra præfatos jam dictæ Bononiensis Ecclesiæ terminos habitantes suæ subjicimus dispositioni, tuorumque Catholicorum Successorum.* Dicuntur autem Clerici *litterati*, & *illitterati* Laici, ut ex eodem du Cange deducitur in eodem opere verbo *Litterati*.

12 Multa Monasteria inveniuntur Episcopis, aut Canonicis Cathedralium Ecclesiarum attributa ad augendos utrorumque annuos census, quod, cæteris exemplis prætermittis, satis apparet oculos injicienti in *Tom. 1. novissime impressum Bullarii Vaticane Ecclesiæ*. In his porro unionibus vel integri redditus Episcopo, aut Capitulo addicebantur, vel aliqua tantum illorum pars, ut quod reliquum erat in Monachorum sustentationem cederet, perinde, atque ferme fit hodie in Monasteriis commendatis.

13 Sed alius est, de quo nunc agimus, casus; neque enim in Privilegiis legitur, Pontifices Bononiensi Episcopo Monasteria addixisse. Monasteria, & Monachos subjiciebant in Oppidis degentes, quæ Diœcesis Bononiensis partem efficiebant; subjiciebant Monasteria quoque, & Monachos, qui prius in Urbe, ac Diœcesi erant, non quod antea ab Ordinaria jurisdictione exempti essent, sed ut ejusdem Ordinariæ jurisdictionis amplitudinem ex vigentibus tum Canonibus explicarent. Atque ea sunt, quæ nobis dicenda esse duximus non tam ad illustranda Privilegia Sancto Theodoro ab Agapeto concessa, quam ad tollendam de medio difficultatem, quæ a Laonicis Sigonii verbis derivasse dici potest. Jam vero Sancti nostri res gestas prosequamur.

14 De hoc Sancto Theodoro eadem repeti possunt, quæ de aliis pluribus Sanctis Bononiæ Episcopis diximus, esse nimirum certam illius sanctitatem, cum ipsius nomen recenseatur in Mar-

tyrologio Romano, & ejus Festum cum precibus horariis ex Communi Confessorum petitis in tota Diœcesi celebretur; ignorari tamen peculiare res ab ipso præclare gestas, ob defectum monumentorum, veterumque temporum incuriam.

15 Sigonius tamen locupletandi causa Vitam ejusdem Sancti Episcopi dicit, Bononiæ tempore ipsius Theodori Martyrium subiisse Sanctum Proculum Interamnæ Episcopum, sæviante Totila; cum ex Historiis certum sit, Imperatorem Justinianum bellum acerrimum movisse contra Regnum Gothorum, cui bello præfuit prius Belisarius, deinde Narsetes, ipsique finem imposuit totale Nationis illius excidium: certum sit pariter Totilam Gothorum Regem, quoties in peculiari aliquo confictu victor evasit, toties sævitiam immanem, & vix credibilem exercuisse contra Episcopos, ut de facto exercuit contra Sanctum Herculanum Episcopum Perusæ, & jam se ad non imparem exercendam comparabat contra Sanctum Fulgentium Utriculi Episcopum, juxta id, quod legitur in Dialogis Sancti Gregorii.

S. Proculi
Historia.

16 Sanctus Antoninus in suis *Chroniciis* 3. part. tit. 24. cap. 13. §. 3. Historiam Sancti Proculi Episcopi, & Martyris narrat. Narratio vero, ut ex ipsius verbis colligitur, est hujusmodi. Cum e Syria in Italiam Proculus venisset, non plene confectus, & quasi invitatus consecratus fuit Presbyter a Sancto Valentino Episcopo Interamnæ, cui deinde in Episcopatu successit; quo munere cum sanctissime fungeretur, criminationem hanc passus est, ipsum nempe ferme immediate post Eucharisticum Epulum terrenis cibis vesci consuetum esse. Quamobrem missi sunt, qui rem hanc bene exploratam ad Papam referrent, quibus redeuntibus se comitem addidit Sanctus Proculus; cum vero in itinere extrema siti laborarent, Sanctus Proculus cervam forte illinc transeuntem cursum sistere jussit, quæ suo lacte siti illorum consuluit. Interim Papæ per visum apparuit Angelus, qui indixit illi, ut a molestando Sancto Proculo desisteret, causamque addidit, quia si ferme immediate post Eucharisticam refectionem terreno cibo vesceretur, id faciebat non intemperantiæ vitio, sed ob ægritudinem quamdam, qua laborabat; cujus rei certior factus Summus Pontifex, illi per nuntium significavit, ut retrogrederetur, & iter susceptum Romam versus interrumperet. Nihilominus Vir Sanctus suum iter continuavit invisendi causa Summum Pontificem, quo in itinere cum Spoletum pervenisset, ubi multa patravir miracula, ab Angelo admonitus de proditiione, qua Rectores Urbis illius scelesti, & perfidi homines, carceris prænam contra ipsum machinabantur, Bononiam divertit, ubi hospitio-

exceptus a quodam Theodone, sive Theodoro, non sine miraculo ejus Filium ægrotantem pristinæ sanitati restituit. Demum cum illuc pervenisset Totila Gothorum Rex, ipsum conquiri, & demum repertum capite obtruncari jussit. Illius Corpus conditum fuit in Sepulchro, ubi pridem puer tumultatus fuerat, qui statim revixit.

17 Olim saltem Bononiæ a Cœnobitis Sancti Benedicti Congregationis Cassinensis, in quorum Ecclesia, ut alibi dicemus, hujus Sancti Proculi Episcopi, & Martyris Corpus nunc jacet, recitabantur in horariis Precibus Lectiones propriæ Sancti Proculi, quas in fine hujus tertii Libri referemus, in quibus Lectionibus, omisissis iis, quæ pertinent ad supra dictam accusationem apud Summum Pontificem, cætera omnia deprompta, ex narratione Sancti Antonini ad unguem leguntur. Consentunt quoque Hymni, qui olim in hujus Sancti Proculi Officio canebantur, in membrana conscripti apud eruditum Amadeum Canonicum S. Mariæ Majoris Bononiensis, qui a nobis etiam in *Appendice* describuntur, consentiunt Jacobillus in *Historia Sanctorum Umbriae*, Angelonus in *Historiis Interamne*, & Bocchius in *Historia manuscripta Urbis Bononiensis lib. 6. pag. nobis 103.* Nec a nobis quidquam prætermisum est ad veritatem funditus investigandam, ut infra videbimus.

18 Ut confusio evitetur, nihil dicimus hic de Sancto Proculo Milite Bononiensi, de quo suo loco verba faciemus. In Martyrologio Romano die 14. Februarii de Sancto Valentino Episcopo fit mentio, & de Sancto Proculo his verbis: *Interamnæ Sancti Valentini Episcopi & Martyris, qui post diutinam eadem custodiæ mancipatus, cum superari non posset, mediæ noctis silentio ejectus de carcere, decollatus est jussu Placidi Urbis Præfetti. Ibidem Sanctorum Proculi, Ephebi, & Apollonii Martyrum, qui cum ad Corpus Sancti Valentini Vigiliis agerent, jussu Leontii Consularis, comprehensi, gladio cæsi sunt. In eodem Martyrologio die 14. Aprilis sic legitur: Interamnæ Sancti Proculi Episcopi, & Martyris. Et prima die Decembris. Narniæ Sancti Proculi Episcopi, & Martyris, qui post multa egregia Opera, a Totila Gothorum Rege jussus est decollari.*

19 Cardinalis Baronius in notis ad Martyrologium Romanum diebus prædictis annotat Sanctos Valentinum, & Proculum, de quibus fit mentio die 14. Februarii Martyrium subisse jussu Ethnicorum, rursus Sanctum Proculum, de quo die 14. Februarii, alium esse a Sancto Proculo, cujus nomen recensetur die 14. Aprilis, demum admittendos esse duos Sanctos Valentinus Episcopos Interamnæ, duosque Sanctos Proculos Interamn-

Dno fuerunt
SS. MM. ha-
jus nominis.

mnenses, si admittatur Sanctum Proculum, cujus memoria recolitur in Martyrologio die 14. Aprilis Martyrium passum fuisse sub Totila; quam opinionem sequuntur Jacobillus, & Angelonius. Neque silentio præterit, parum ob stare, quod in Martyrologio die prima Decembris mentio fiat Sancti Proculi Episcopi, & Martyris Narniæ, quæ Civitas diversa est a Civitate Interamnæ, quia in antiquo Martyrologio Sancti Cyriaci ita legitur: *Interamnæ, sive Narnis Natalis Sancti Proculi Episcopi, & Martyris*: & eruditus Antistes Franciscus Maria ab Asse Hydruntinus Archiepiscopus in suis novis Adnotationibus ad Martyrologium Romanum insinuat ad confusionem omnem evitandam inter duas illas Urbes non aliter legendum fore Martyrologium Romanum, ac legitur antiquum Martyrologium Sancti Cyriaci.

20 Cum nobis innotuisset in Ecclesiæ Spoletinæ tabulario monumenta existere ad hunc Sanctum Proculum pertinentia, ea ad nos transmitti curavimus authenticis cautionibus communita. In his Sanctorum Proculorum vitæ erant ex vetustissimo Cathedralis Ecclesiæ Lektionario descriptæ, quarum alteram Sancti Proculi Martyris Jacobillus descripsit ad diem 16. Februarii, qui tamen est Interamnæ Episcopus. Sancti etiam Proculi Martyris, & Interamnæ Episcopi vita in his monumentis transmissa ad nos est, sed hic non ille idem est, qui Bononiæ Martyrium obiisse fertur. Tandem hujus quoque vita erat Italice conscripta a quodam Seraphino Spoletino Historico, qui illam se descripsisse præfatur anno 1608. ex Vitis manuscriptis Sanctorum Interamnensium a Marchione Gabriele Castello collectis; quæ res, quod paulo ante proposuimus, confirmat, duos scilicet Proculos Martyres, & Episcopos extitisse, quorum alter Interamnæ, alter Bononiæ tumulatus est: sed eodem tempore magnam parit ambiguitatem, dum alterius res gestæ alteri tribuuntur, ut recte Jacobillus animadvertit, & in superius commemorata S. Proculi Vita a Seraphino descripta dignoscitur.

S. Proculus
Bononiæ Episcopus.

21 Eruditi homines, qui continuarunt Opus Bollandi, prima die Junii loquuntur de Sancto Proculo Episcopo, & Martyre, & præ oculis habentes confusionem, & inverisimilitudinem, qua laborant illius Acta, conjectantur, Sanctum Proculum, qui sepultus est Bononiæ, alium esse a Sancto Proculo Episcopo Interamnæ, eumque fuisse Bononiæ Episcopum successorem S. Theodori, ac de eo verum esse, quod Coronam Martyrii acceperit sub Totila Gothorum Rege: *Omnibus consideratis fidentius jam dico, nihil esse causæ, seclusa tam perplexorum Actorum sarragine, quin credatur, mortuo prædicto Sancto Theodoro, sufficere fuisse*

se hunc Sanctum Proculum assumptum ex ipso Cleri Bononiensis corpore circa annum 540. Hic vero Gotthorum Regi Totilæ post successum circa Pagum Justiniani Duces torrentis instar Florentiam properanti ad eum Bononia avertendum occurreris Pastoralis sue curæ mercedem a barbaro victore consecutus mortem anno 542. Addunt Bollandistæ, hanc opinionem novam non esse; nam Constantius Felicius anno 1577. in suo Calendario historico die prima Decembris post Commemorationem factam Sancti Proculi, cui tribuit titulum Episcopi Narniensis, sic addit, vel ut alii contendunt, Bononiæ: o, come altri vogliono, di Bologna.

22 Adstipulatur huic opinioni documentum, quod reperitur in Archivio Cœnobitarum Benedictinorum in Cœnobio Sancti Proculi Bononiæ. Cum vellent prædicti Monachi rursus ex integro ædificare suam Ecclesiam anno 1536. universalem Christi Ecclesiam regente Paulo III. cumque vellent in decentiori Arca, si ve Sepulcro collocare Corpora utriusque Proculi Episcopi, & Proculi Militis, inventa fuit supra Sepulcrum Tabula, in qua incisæ erant hæ litteræ: *MCCCLXXX. die 27. Febr. Posita in ista Arca Corpora integra Beatissimorum Proculi Episcopi, & Mart. & Proculi Militis, & Martyris de Bononia, quæ latuerunt in isto loco circa quingentos annos, & in isto Monasterio fuerunt reposita tempore Fratris Joannis Abbatis dicti Monasterii, & sic per eum collocata, ut videtur.* Hæc inscriptio suffragatur opinioni eorum, qui censent, Sanctum Proculum, cujus Corpus ibi asservabatur, fuisse Episcopum Bononiæ potius quam Interamnæ, & si ratio habeatur quingentorum annorum, qui enunciantur in allata Inscriptione, quique defluerunt ante annum 1380. facile deprehendemus huic opinioni nongentorum annorum antiquitatem favere.

23 Vidit Marfilii quæ a Bollandianis conscripta fuerant, eorumque sententiam facile complexus est, quantum ad eam partem spectat, quæ S. Proculum, de quo nunc loquimur Bononiensem facit Episcopum, & cum Marfilio consentit Carolus Constantinus Rabbius novissime vita functus, in suis eruditissimis ad Sigonium in Vita Sancti Theodori num. 58. Atque hic auctor in eo etiam cum Bollandianis sentit, quod Sanctum Proculum, ut vidimus, Sancto Theodoro in Bononiensis Ecclesiæ Episcopatu proxime subjiunt; idque illi pariter arripit, qui additiones ad Ugellium composuit, atque ea temporum supputatio multo est vero similior, quam quæ a Marfilio fuerat indicata, cum conjiceret hunc Sanctum Proculum in Maximiani, & Diocletiani persecutione Martyrium obiisse, ac S. Zamæ proxime successisse. Sigonius hunc Sanctum Proculum Bononiensem Episco-

scopum non agnoscit, sed Interamensem, ex quo mirum videri non debet, si Martyrium ejusdem in illud tempus conjecit, quo Sanctus Theodorus Episcopatus munere fungebatur; quod utique fieri non potuit, si ipse quoque inter Bononienses Episcopos censeatur, sive S. Zamæ, ut Marsilius putavit, sive S. Theodoro, ut alii, proxime successerit.

*Sepultura S.
Theodori.*

24 Sanctus Theodorus in Cathedrali Ecclesia Sanctorum Naboris, & Felicis tumultatus est, ejusque tumulus his verbis inscribitur: *Hic requiescit in pace Theodorus*: quæ inscriptio reperta, & recognita est a decessore nostro Jacobo Cardinali Boncompagno, cum subterraneam Ecclesiam inviseret, & a nobis quoque recognita est cum eandem visitaremus. In Urbe, ac Diœcesi Bononiensi in honorem Sancti Theodori commune, ut diximus, Confessoribus Pontificibus Officium recitabatur: a nobis postea secundæ Lectiones propriæ concessæ sunt ex Homilia Sancti Basilii Magni, ejus virtutibus, quantum fieri potuit aptata, ut a peculiaribus ejus rebus gestis definiendis abstinere-
mus.

*Lectiones propriæ
2. Noll.
pro ejus Offi-
cio.*

C A P U T X I.

De Sancto Pio V. Die 5. Maji.

*Officium, &
Vita S. Pii V.*

1 **R**omanum Martyrologium hac ipsa die S. Pii V. meminit his verbis: *Romæ Sancti Pii V. ex Ordine Prædicatorum, qui Ecclesiasticæ disciplinæ restituendæ, hæresibus extirpandis, & Christiani nominis hostibus conterendis strenue ac feliciter incumbens, vitæ ac legum sanctitate Catholicam Ecclesiam gubernavit*: propriumque habetur Officium de S. Pio V. non Bononiæ solum, sed & in Ecclesia universa.

2 Nihil de ejus Vita dicetur a nobis, fufe enim illam descriperunt Catena, Gabutius, & Caranza; cumque ejus Canonizatio peracta est, de eodem argumento scripserunt P. Minorellus ex Ordine Prædicatorum, & Eques Paulus Alexander Mafsejus. Sed & nos quoque per idem tempus breve Commentarium de illius virtutibus, ac miraculis edidimus, Cardinalibus, & Episcopis oblatum, quibus in ejus causa suffragium ferendum erat, quod & in *Actis Canonizationis SS. quatuor a Clemente XI. peractæ* Chiapponius inferuit, & nos in *Appendicem ad nostrum tommum primum de Canonizatione Sanctorum* conjecimus.

*Quomodo hic
Sanctus ad Lo-
non. ex seu Ur-
bem pertineat*

3 Peculiari quodam modo pertinet hic Sanctus ad Bononiensem Urbem, nam licet in Agri Alexandrini Oppido, quod Boschus dicitur, natus sit; originem tamen suam ad nobilem, & Se-

& Senatoriam Bononiæ Ghisleriam Familiam referebat, ut ipse quoque in Brevibus nonnullis concessionum ad eandem Familiam datis testatur.

4 Jacobus Augustinus Thuanus *tom.2. Historiarum sui temporis lib.39.* sub initium, hanc ejus originem rejicit: *It, inquit; ex Boscho exiguo agri Alexandrini municipio ortus Ghisleria familia admodum humili, quam tamen postea blandientes quidam ejus fortunæ ex Bononia oriundam scripserunt.* Et quia ea res hujus S. Pontificis dignitati quodammodo obesse videbatur, qui eo pacto in Brevibus suis id quod omni fundamento destituebatur de Familia sua affirmasset, libenter arripitur a recenti Auctore *Historiæ Romanorum Pontificum Hage Comitum impressæ anno 1734. tom. 5. pag.2.* Laderchius *tom.27. Annalium Ecclesiasticorum ad annum Christi 1566.num.13.* & 14. audaciam Thuanum retundit, generalia afferens argumenta heroicæ humilitatis S.Pii V. Sed nos quæ propius ad rem spectant in medium adducere hoc loco conabimur.

*Fias nobilis
Prosapia de-
fenditur con-
tra Thua-
num.*

5 Hieronymo Catena familiariter S.Pius V. usus est, illeque a Secretis fuit Cardinali Alexandrino ipse Nepoti, & Congregationi Episcoporum, & Regularium, ac Sacræ Consultæ, nec quidquam in Sancti Vita retulit, quod vel non ipse viderit, vel non certo deprehenderit. Joannes Andreas Gabutius Clericus Regularis S.Pauli in causa Canonizationis S. Pii V. testimonium dixit in Romano Processu, & bis ab Urbe Boschum profectus est, ut certius cognosceret quæ de illo scripturus erat, quæque ad idem Oppidum referebantur. Fidem ergo merentur hujusmodi Historici, ut recte est a sacra Rotæ Auditoribus animadversum in causâ S. Pii V. Relatione coram Urbano VIII. Coccino scilicet, Pirovano, & Merlino *part.1. de Processuum validitate, & probationibus §. Nosque, & §. Gabutio:* Quæ relatio impressa est *tom. posthumo, & ultimo Annalium Bzovii pag.1168.* Viget adhuc Romæ memoria insignis diligentia, qua P. Thomas Minorellus in scribendo utebatur, & quam acri judicio Eques Maffejus prædictus floreret; cumque hi omnes Scriptores in Vita Sancti Pii V. luculentissimum ediderint testimonium de ipsius Ghisleria Familia a Bononiensi Ghisleria per gradus suos derivata, nullus videtur dubitandi superesse locus; eoque minus, quod in ea re cæteri cum his Scriptores consentiunt. Videantur Spondanus *ad annum Christi 1566. num.1.* Attichius *tom.3. Cardinalium in Vita Cardinalis Michaelis Ghislerii*, hoc est ipsius S. Pii V. *pag.339.* Andreas Viçtorellus *in additionibus ad Ciaconium in Vita S. Pii V. pag. 995. tom. 3.* & Oldoinus *in aliis additionibus pag. 1003.*

6 Multum quoque pondus habere deberet concurs Bononiensium Auctorum sententia. In nostra privata Bibliotheca vetus habemus Diarium, Marchionis Capponii bonæ memoriæ munus, in quo legimus: *Die 6. Januarii anni 1566. Pontificem esse factum Cardinalem Michaelem Ghislerium ex nobili Bononiæ gente ortum*. Consentient Pompejus Vizanus in *Historiis Bononiæ lib. 11. pag. 67.* Joannes Antonius Petramellarius in *libro de Summis Pontificibus, & Cardinalibus pag. 128.* Masinius in *sua Bononia perlustrata*, ubi de Pontificibus Bononiensibus agit *pag. 4.* ubi vero loquitur de ditione, ac regimine ejusdem Urbis *pag. 219.* Gaspar Bombacius de *Bononiensibus sanctitate morum illustribus in vita S. Pii V. & in Historiis Bononiæ memorabilibus pag. 298.* Joannes Nicolaus Pasqualius Alidosius in *Optimatis, & Consulibus Bononiæ in prævia Relatione historica pag. 38.* Pompejus Scipio Dolfius in *Chronologia Familiarum Bononiensium*, ubi de Familia Ghisleria differit *pag. 349.* Neque in tanta Auctorum Bononiensium, & exterorum turba dissensionem ullam invenimus, sed summam in eo consensionem, quod Familiam Ghisleriam, ex qua S. Pius V. ortus est, e Senatoria Bononiæ gente deducunt. Solum in eo est aliqua dissensio, quod aliqui dicunt ejusdem Bononia Ghisleriis ob conjurationem contra Bentivolos initam, eum, ex quo S. Pius V. ortus est, Boschum secessisse, primumque omnium ex ea Familia domicilium ibidem habuisse; alii vero contendunt jam ante hujus expulsionem Ghislerios aliquos Bononia eo commigrasse, apud quos proinde auctor familiæ Sancti Pii V. se receperit, optimum se ratus apud Gentiles suos contra hostes effugium habiturum. Gabutius testatur S. Pium V. in hac fuisse sententia, quam etiam Maffejus in ejus Vita complexus est *lib. 1. cap. 1. num. 5.* Verum hæc discordia præcipuæ quæstioni prodesse potius, quam obesse debet.

7 Nihilum nota est in Bononiensi historia Francisci Ghislerii fraus, qua Annibalem Bentivolum aggressus interemit. Hinc populi tumultus ac furor ob immanem facinoris atrocitatem concitatus; Francisci ipsius, aliorumque Ghisleriorum ejectio, quorum calamitas ad Cannetolos quoque pervenit, quos in suas illi partes adduxerant. Horum omnium domus direptæ primum, postea incensæ, ac demum a fundamentis dirutæ sunt. Rem fideliter narrat Vizanus *Historiarum suarum l. 7.* eandemque indicat nobilis Poeta Urceus Codrus in *Bononiæ laudatione ad Nicolaum Masinium Casenatem* his versibus:

*Ecce bonus civis (Annibal Bentivolus) dictu mirabile, civem
Liberat, & patriæ dat sua jura sue.*

Quem

Quem tamen audaci sceleratus proditor (Franciscus Ghislerius) ense

*Occupat, & puro sanguine spargit humum.
Heu crudele nefas! verum sic fata ferebant,
Cederet ut patri pars vitata bonæ.
Tunc procul est pulsus sceleratus sanguis ab Urbe,
Et pressit diros vasta ruina lares.*

8 Nostrum non est, loca hęc omnia recensere, in quæ se Ghislerii Bononia expulsi receperint; satis hoc sit, Lippum Ghislerium, cui uxor Gentilis Cannetola, Boschum secessisse, quod oppidum duabus leucis Alexandria distat in Diocesi Dertonenſi. Ex eo Antonius natus est, ex Antonio Paulus, ex hoc Michael Ghislerius, qui in Pontificatu Pius V. dictus est, ut ex actis authenticis constat, quorum meminit Dolſius *citato loco*, & Joannes Nicolaus Pasqualius Alidosius *in citato compendio Historiarum Bononiensium* pag. 38. Urbis porta, qua exules profecti sunt, S. Iſaiæ dicebatur, cumque obstructa eſſet ad animi constantiam significandam, ne spes ulla reditus. ejectis relinqueretur, eam iterum aperuit, Senatu consentiente, Joannes Baptista Doria Protonotarius Apostolicus, & Bononiæ Gubernator, cum S. Pius V. Pontifex est factus, ut ea re portenderetur veteres iras reſedisse, magnamque ab Urbe capi voluptatem, cum Civem suum videret non solum in Patriam reducem, sed ad summum etiam Dignitatis fastigium elatum, ipsi pie, ac sancte præſſe; unde & novum Portæ nomen factum, quæ *Pia* deinceps dicta est, ut in lapide legitur in ipsa appoſito, & ſuſius narrant Bononienses Historici paulo ante citati.

9 Satis procul dubio fuiſſent, ad Bononiensem S. Pii V. originem confirmandam monumenta tria, quæ mox indicabimus; sed quia in ætate ſcribimus, in qua paulo fortasse audacius nodus ut ajunt, in ſcirpo quæritur, hæc modo præmittenda eſſe duximus.

10 Primum Monumentum est relatio in ejus Canonizationis causa, a Sacræ Rotæ Auditoribus facta, cujus in altera parte ſic legitur: *Pius V. antea Michael Ghislerius, natus est Boschi anno a partu Virginis 1504. die 17. Januarii e nobili Ghisleriorum Familia, quæ, relicta Bononia natali ſolo illius gentis, in varias Italiæ partes ſeſe diffudit.*

11 Alterum monumentum est quod in ſecundis ejus Officii Lectionibus legitur: *Pius in Oppido Inſubriæ, quod Boschum vocant, natus, ſed Bononia oriundus ex nobili Ghisleriorum familia.*

12 Tertium tandem est Canonizationis Bulla, cujus hæc sunt verba: *Gens Gbiseria, perantiqua & generosa nobilitate Bononiæ illustris, atque Ordini Senatorio adscripta, civilium dissidiorum causa in varias Italiae regiones distracta, in Oppido Boscchi Dertonenfis Diœcesis apud Insubres sedem ac domicilium posuit; ubi licet avito fortunarum splendore exuta, rei que familiaris difficultate depressa, non ultimum tamen locum inter cæteras honestiores familias retinens, anno reparatæ salutis millesimo quinquagesimo quarto, Paulo Gbiserio & Dominica Augeria parentibus, Michaëlem, qui ad Apostolicam deinde Cathedram evelsus, Pius V. est appellatus, in lucem protulit.*

CAPUT XII.

De Beato Nicolao Albergato S. R. E. Cardinali, & Episcopo Bononiensi. Die 10. Maji.

Flacium B. Nicolai in novo Martyrologii editione.

INCIDIT in diem decimam Maji B. Nicolai Albergati Festum, & in nova Romani Martyrologii editione, quæ post hujus nostri Operis editionem Patavinam facta est, ex Decreto a nobis dato die 25. Septembris 1744. ejus nomen in eo describitur his verbis: *Bononiæ B. Nicolai Albergati Monachi Carthusiani ejusdem Civitatis Episcopi, & S. R. E. Cardinalis sanctitate, & Apostolicis Legationibus clari, cujus Corpus Florentiæ apud Carthusianos conditum est.*

Ejus Officium ubinam celebratur, & quo titulo.

2 Bononiæ, & in ejus Diœcesi celebrant hujus Beati Festum Clerus uterque, Sæcularis, ac Regularis: Carthusiani vero Monachi, ac Moniales ubique terrarum: Romæ denique Basilicæ Liberianæ Clerus; a quibus omnibus Officium in honorem Beati Nicolai Albergati recitatur cum propriis secundi Nocturni Lectionibus. Cujus rei facile se prodit ratio, id enim Bononiæ, & in ejus Diœcesi agitur, quia ibidem ex illustri familia ortus est, & Episcopatum obtinuit; in Ordine Carthusiano, quia ejus regulam professus est; in Liberiana demum Basilica, quia ejus fuit Archipresbyter Cardinalis. Extat in ejus Basilicæ tabulario processus anno 1438. a B. Nicolao jussu Eugenii IV. institutus, de S. Bibianæ Monasterio supprimendo, & ipsius Eugenii IV. Decretum datum anno 1439. quo Ecclesiam, & Monasterium S. Bibianæ S. Mariæ Majoris Basilicæ attribuit, & in eo Decreto exprimitur, causæ cognitionem B. Nicolao Albergato antecederet fuisse delatam; demum aliud ejusdem Pontificis Decretum invenitur anni ejusdem 1439. in quo eidem, ut S. Mariæ Majoris

CAP. XII. DE S. NICOLAO ALBERGATO EP. 621
ris Archipresbytero , ampla in Clerum , & Basilicam jurisdic-
tio conceditur .

*Ejus Vitæ
Scriptores .*

3 Jacobus Zenus Episcopus Feltriæ , quo B. Nicolaus fami-
liariter usus est, primus omnium illius vitam conscripsit, eamque
Petro Barbo S. Marci Cardinali dedicavit, qui postea Pontifex fa-
ctus Pauli secundi nomen assumpsit. Eandem typis edidit Geor-
gius Garnefeltus Monachus Carthusianus, & post illum Bollandia-
ni tom. 2. *Maji* . Sed cum certiores facti essemus in Bibliotheca
Vaticana eandem vitam existere eleganter adornatam cum Gen-
tilitio Cardinalis Barbi stemmate, merito conjecimus hanc il-
lam ipsam esse, quam ei Zenus obtulerat, eamque jussimus a
Constantino Ruggerio cum vulgatis vitis diligenter conferri.
Nonnulli errores deprehensi sunt, quibus sublati, Romæ eam-
dem edi curavimus anno 1744. Sigonius quoque B. Nicolai vi-
tam conscripsit; sed omnium accuratissima est, quam Joannes
Baptista Victorius Bononiensis conscripsit, de qua idem Rug-
gerius in *Præfatione Operis*, cujus mox mentionem habebimus, sic
habet: *Joannes Antonius Victorius Bononiensis, meo quidem judicio,
superiorum Scriptorum labores ac diligentiam est prætergressus .
Opus hujusmodi lucem nondum aspexit, sed manuscriptum extat
in Bibliotheca domestica Sanctissimi Domini nostri* .

4 Animadversum a nobis fuerat, Garnefeltum post editam
a Zeno, & Sigonio B. Nicolai vitam, Historicos, & Scriptores
concessisse, qui B. Nicolai Albergati cum laude meminissent.
Sed cum nobis hoc Opus mancum videretur, cum non omnia
auctor viderit, nec, quæ post ipsum scripta sunt, videre potue-
rit, eidem Constantino Ruggerio negotium dedimus, ut diligen-
tius hujusmodi testimonia colligeret, ob eamque rem aditum
ipsi ad privatam nostram, ad Vaticanam, ad Barberinam, Chi-
siam, & ad instructissimam Cardinalis Passionei Bibliothecam
patefecimus. Imposito muneri diligentissime Ruggerius satisfe-
cit, ediditque Romæ anno 1744. justum volumen, quod inscri-
bitur: *Romanorum Pontificum, Regum, atque illustrium Viro-
rum testimonia de Beato Nicolao Albergato Cardinali sanctæ Cru-
cis, & Episcopo Bononiensi, jussu & auspiciis Benedicti XIV.
Pontificis Maximi nunc primum collecta, & in sex classes distri-
buita. Præmittitur ejusdem Vita conscripta a Jacobo Zeno Episcopo
Feltrensi ad fidem Codicis Vaticanæ recognita, notisque illustrata
studio & labore Constantini Ruggerii* .

5 In eodem volumine collecta sunt Romanorum Pontificum
Martini V. Eugenii IV. & Pii II. Caroli VII. Galliæ Regis, & Hen-
rici VI. Regis Angliæ; nobilissimorum Italiæ, Galliæ, Belgii,
alia-

aliarumque gentium Scriptorum testimonia; quibus sanctitatis fama, in qua Beatus Nicolaus vixit, luculentissime comprobatur, labores ab eo pro Sancta Sede, ac Religione suscepti, ejusdemque in susceptis rebus ad exitum perducendis felicitas illustratur. Addita est laudatio in ipsius funere habita a Poggio Florentino; quodque est præcipua animadversione dignum, cum Poggii homo fuerit maledicentissimus, cumque librum de Hypocritis conscripserit, in quibus magni meriti viros recensuit, scilicet Ludovicum Barbum S. Justiniæ Abbatem, Joannem Dominicum Cardinalem ex Ordine Prædicatorum, Lucam Minoritam, Cardinalem Matthæum Episcopum Catanensem, Ariminensem Episcopum, & Ambrosium Camaldulensem, de Beato Nicolao Albergato ita deinceps locutus est: *Vidimus dudum inter eos, quos noverim, probatissimum ac sanctissimum virum Nicolaum, de quo supra memini, Cardinalem Sanctæ Crucis, verum virtutis iter ingressum, nulla simulatione nixum ad tantam dignitatem pervenisse, nulla illecebra, aut specie dignitatis commotus, mores priusinos, aut vitæ superioris integritatem, disciplinamque mutavit, nulla est usus ostentatione, frons sua connivebat populo, interior homo ab reliquorum moribus dissimulabat. Non contrariam cæteris, sed meliorem sequebatur viam.*

6 Id omnium primus animadvertit Cardinalis Quirinus Brixie Episcopus in *Diatriba præliminari ad Epistolas Francisci Barbari part. 1. pag. 212.* & in *Epistola ad P. Abbatem Benaleam Congregationis Benedictinæ Abbatem, & Præsidentem Generalem data die 23. Junii anni 1744.* & in *alia ad eundem eodem anno conscripta*, quarum in prima post allatum Poggii locum. *Norunt omnes, inquit, quanti sit laudari a laudato Viro: at vel ipsum maledicentiæ locum, vel ipsum detractionis officium in laudationem transformari, res est ita efficax ad probandum, ut nihil magis: Et alibi: Occasionem sumsi unum tantum testimonium Poggii recitandi, quo nullum certe ad eandem demonstrandam (loquitur de B. Nicolai sanctitate) efficacius; quodque dolendum erat, tamdiu, etsi in libello ejusdem de Hypocritis iterum & tertio in lucem edito contineretur, delituisse; eoque magis gratulatus sum mihi, studio meo effectum fuisse, ut in dias luminis auras proferretur.*

7 Beati Viri res gestas hoc loco commemorare superfluum est, cum illæ ex ejus Vita, & ex tot aliis Scriptoribus cognosci possint, & ex propriis Lectionibus, quæ nobis concedentibus in ejus Officio recitantur, quas huic capiti adjiciemus. Satis nobis erit quæ in causa ipsius Canonizationis peracta sint, in præsentia exponere.

8 Cum Fidei Promotores essemus muneris nostri ratione coacti sumus, ejus causæ introductioni nos opponere, cumque a Postulatoribus non ea omnia allata essent, quæ ad rem obtinendam requirebantur, introducta tum temporis non est, quæ tamen postea necessariis prærequisitis allatis introducta est, referente in Congregatione Rituum Ordinaria Cardinali Pompeo Aldrovando, nostro tunc Prodatorio, ut ex ipsius Congregationis Rescripto constat *dato die 20. Julii anni 1744.*

Causa processus in quo Nicolaus declaratus est beatus.

9 Bononiensis Ecclesiæ Episcopatu suscepto in ejus tabulariis invenimus Processum anno 1654. auctoritate Ordinaria confectum de fama virtutum, ac miraculorum Beati, ac præterea sententiam ab Jacobo Boncompagno Cardinali Bononiensi Archiepiscopo latam anno 1725. super cultu ejusdem Beati, quod erat præcipue post introductam causam promovendum.

10 Postea vero quam licet immerentes ad Summum Pontificatum elati sumus, cum semper in animo habuissimus Beati Nicolai Civis nostri, & prædecessoris causæ, quantum per æquitatis regulas fas esset, patrocinari, cumque ad id Cardinalis Quirinus præfatus stimulos nobis adjecisset, rem Deo favente suscepimus; veteremque Processum Monumentorum inopia laborare, eam, de qua diximus, curam prædicto Ruggerio dedimus singulis hebdomadis quæcumque ab eo congesta essent ad examen revocantes, operamque dantes, ut ea compilatio opportuna methodo conficeretur. Absoluta jam, & impressa Ruggerii compilatio ut ea usui simul cum Processu esse posset, proponenda erat in Ordinaria Rituum Congregatione consueta quæstio, an confirmanda esset sententia a Cardinali Boncompagno lata, probandusque esset antiquus publicus cultus B. Nicolao exhibitus scientibus, ac ferentibus Ordinariis, & Sede Apostolica; cumque Cardinalis causæ Relator ab Urbe abesset a Latere Legatus per Æmiliam missus, minime putavimus opportunum Cardinalem alium, qui ejus vices gereret, substituere, nobisque ipsis libenter hoc onus imposuimus, ut de tota causa Congregationem doceremus. Habita est illa præter morem coram nobis *Kal. Augusti anni 1744.* cum coram Pontifice non aliæ de Ritibus Congregationis habeantur, quam illæ, in quibus præter Cardinales adsunt Consultores, & in quibus de Virtutibus, de Martyrio, de Miraculis, aut aliis de rebus agitur propius ad futuram Canonizationem spectantibus. In ea igitur de B. Nicolai ortu, educatione, ac vita inter Carthusianos acta fuisse locuti sumus; de Virtutibus, quas in Episcopatu, Cardinalatu, ac Legationibus, quibus per tot gentes functus est, exercuit de antiquo publico cultu eidem

eidem exhibito, veteris Processus, ac monumentorum, quæ Ruggerius congesserat, summam exponentes. Tum quæ de his esset illorum sententia Cardinales percontati sumus, nostra interrim dissimulata.

11 Summa fuit omnium consensus non in laudibus solum, quibus Beati virtutes adornarunt, sed in eo quoque quod publicum cultum sufficienter probatum censuerunt, iisque argumentis, quibus ipsius antiquitas, & reliquæ conditiones Urbani VIII. Decretis requisitæ, luculenter constarent, quæ cum nostra item sententia esset, eam concordibus Cardinalium suffragiis adiecimus.

12 Consuetæ via incendendo, nihil præterea fieri debebat; cum nonnisi post aliquod temporis intervallum Officium, ac Missa de *Communi* concedi soleat, & post aliud etiam intervallum Officium cum Lectionibus propriis; raro autem sit post Decreta de nominibus in Romano Martyrologio nonnisi certis legibus describendis, ut cujusquam in eo Beati nomen præsertim cultus immemorabilis describatur. Nos tamen habita ratione peculiarium B. Nicolai meritorum, celebratissimæ virtutum famæ, & privatae nostræ erga illum devotionis; vestigiis insistentes, quæ Prædecessores nostri in specialibus aliquibus causis nobis impressa reliquerunt, quæque in *nostro de Canonizatione Sanctorum Opere* adnotata fuerant, Missam, & Officium ejus proprium cum propriis secundi Nocturni Lectionibus pro supradictis locis concedendum esse existimavimus; utque ejus nomen prædictis verbis in Romano Martyrologio describeretur. Paucis itaque post diebus, cum Decretum, quo hæc omnia comprehendebantur, editum esset vi 11. Kal. Octobris anni 1744. in magna Cardinalium, Præfulum, Optimatum, hominumque ex utroque Clero doctorum frequentia, in Aula Quirinali coram nobis a Flaminio Scarfella, in Bononiensi Gymnasio eloquentiæ professore Orationem de Beati laudibus haberi permisimus, quæ Bononiæ postea typis vulgata est.

13 Decretum nostrum Apostolico Brevi confirmatum fuit, quod est 108. tom. 1. *Nostri Bullarii*; & quia veriti sumus ne quis ex inusitata tot rerum concessione, B. Nicolao illos actus cultus exhibendos esse putaret, qui ex Ecclesiæ regulis, nonnisi post solemnem ipsorum Canonizationem Sanctis exhibentur, in prædicto Decreto limites definivimus, quibus cultus eidem præstandus exhiberetur; simulque illud innuimus, ut eum Imagines exhiberent Carthusianis vestibus indutum, quibus semper usus est, quamvis Episcopus esset, & Cardinalis; ut Rubro Pileo pingi pos-

posset, cujus potestas ab Innocentio IV. Cardinalibus facta est; non tamen rubro Pileolo, aut Bireto, quorum usus anno demum 1591. Cardinalibus Regularibus a Gregorio XIV. concessus est. Eam concessionem in invidiam vocare contendunt Diaria quædam manuscripta ex Commentariis Penæ, & Coccini Rotæ Auditorum descripta; narrant enim *ad diem 10. Junii anni 1591.* cum Pontificia Sacra in Sanctorum Apostolorum Templo peragenda essent, Gregorium XIV. antequam eo se conferret rubrum biretum quatuor Cardinalibus Regularibus capiti imposuisse, Bonello scilicet, sive Alexandrino ex Ordine Prædicatorum, Bernerio Asculano ex eodem Ordine, Sarnano Minori Conventuali, & Petrochino Augustiniano. Cum hi se primum in Aula, quam vocant, Paramentorum conspiciendos dedissent, magnum murmur exortum est, cum non deessent qui illos ambitionis accusarent. Remota a nostris temporibus ista sunt, nec ejus facti veritatem præstare possumus. Vidimus tamen dissertationem de rubro bireto Cardinalibus Regularibus concedendo, in qua Hieronymus Catena complures rationes adducit, quibus postea Gregorius XIV. permotus illud, quod peculiare reliquorum Cardinalium erat insigne, Regularibus communicavit. Catenæ rationibus siquid a nobis adjiciendum fuisset, illud erat profecto opportunum: Paulum II. cum rubri bireti usum Cardinalibus concessisset, qui rubro jam Pileo omnes utebantur, ab ea concessione Regulares Cardinales non exceperunt, cum omnibus id interdicere, qui Cardinales non essent, ut manifeste colligitur ex ejus Actu per Viennesium Albergatum ejus Vicecamerarium emissum, quod descriptum est in *Regeſto Autographo Diverſ. Cameralium ejusdem Pontificis Pauli II. pag. 54. in secreto Pontificio Tabulario*: Quamobrem nonnisi ipsorum modestiæ ascribi videtur posse, si non ex eo tempore Cardinales Regulares rubro Bireto uti cœperunt, tanquam rubri Pilei consecrario, quo Cardinales omnes ex Innocentii IV. concessione utebantur.

Quæſtio incidenti de rubro Pileolo Cardinalibus Regularibus concessio.

14 Sed ut ad P. Nicolaum Albergatum redeamus, secundum Nocturni Lectiones a nobis in ejus Officio, ut supra diximus, concessas adjiciamus.

Lectiones propriæ B. Nicolai.

L E C T I O I V.

Nicolaus Albergatus nobili genere Bononiæ ortus est. Adolescens dum Juri Civili in Patria operam daret, Monastica, ac severioris vite præstantia captus, Carthusianorum Institutum amplectitur: in quo brevi adeo profecit, ut Sacerdotio vix initiatus.

Tom. X.

Kkkk

tui,

tus, patrio Canobio præfectus sit, aliaque subinde Monasteria fere decennio summa cum laude administraveris. Ejus prudentiæ & sanctitatis opinione Clerus Populusque Bononiensis permotus, uliro sibi in Episcopum plenis suffragiis delegit; quem ille honoris gradum diu constanterque refugiens, Superiorum suorum jussu invitatus demum suscepit. Nihil tamen de prioris vitæ cultu atque observatione remisit; sed verbo & exemplo forma gregis effectus, Ecclesiasticam disciplinam & Christianos mores ita in Ecclesia sibi commissa restituit, ut alius omnino Populus, alius Clerus videretur, & esset.

LECTIO V.

Civium suorum ad Martinum V. Orator iterum ac tertio profectus, tantam ab eo Pontifice, qui eximias illius virtutes perspexerat, iniit gratiam, ut concilianda pacis causa inter Anglorum, Francorumque Reges Legatum in Gallias miserit: ab ea Legatione reducem S. R. E. Cardinalem sub titulo Sanctæ Crucis in Hierusalem creavit; legavitque mox in Insubriam, ut Mediolanenses, Florentinos, & Venetos discordia laborantes componeret. Post pacem Italia ab eo feliciter restitutam, secunda in Gallias Legatione auctus est; ac vita sancto Martino V. Eugenii IV. jussu in Belgium profectus, Philippum Burgundiæ Duem Carolo VII. Francorum Regi in Atrebatensibus comitiis conciliavit. Ad Germaniæ quoque Principes in Norimbergenſi conventu Pontificium Legatum egit: deinde Basileensi, tum Ferrariensi interfuit Concilio, ubi Apostolicæ Sedis dignitatem majestatemque adversus Schismaticos egregie tutatus est.

LECTIO VI.

IN obvenendis tam variis gravissimisque Legationibus incredibilem sibi apud Reges & Principes venerationem adeptus, in virtutum suarum admirationem rapuit universos. Erat enim vel in summis honoribus simplicissima humilitas, animus non solum firmus & excelsus, sed candidus etiam, prudens, ac moderatus, effusa in omnes Charitas, mansuetudo, atque humanitas cum ardenti Religionis zelo conjuncta, Carthusiani, quod professus fuerat, Instituti tenax, ejus asperitates ad mortem usque retinuit. Familiam ingenuam aluit, sanctissimeque institutam, ex qua duo Romani Pontifices Nicolaus V. & Pius II. prodire. Tandem, cum Eugenium IV. honoris ergo comitaretur, Senis in Hetruria
genum

CAP. XIII. DE S. PROCULO MILITE, AC MART. 627

venum calculo oppressus, sancto sine quievit. Ejus Corpus Florentiam delatum apud Carthusianos honorifice conditum est. Sanctitatis & Miraculorum fama post mortem clarum Benedictus XIV. Beatorum ritu soli permisit.

C A P U T X I I I.

De S. Proculo Milite, ac Martyre.

Die 1. Junii.

C Elebratur prima die Junii Festum S. Proculi Militis, & Martyris, quem sui Patronum nostra hæc Urbs elegit. Illustre est Martyrium illius; Reliquias ejusdem celeberrimi Martyris S. Paulinus Nolæ Episcopus in suam Ecclesiam transtulit, & in Natali Nono S. Felicis agens de aliquibus Martyribus Italiæ, dum recenset eos, qui Martyrium passi sunt in persecutione Diocletiani, & Maximiani, hæc habet:

St. Paulini, V. Brici, & Gregorii Magni Testimonia de hoc S. Martyre.

*His Socii pietate, fide, virtute, corona
Martyres Agricola, & Proculo Vitalis adhærent. Et infra:
Vitam, Agricola, Proculumque Bononia condit,
Quos jurata fides pietatis in arma vocavit,
Parque salutiferis texiit victoria palmis
Corpora transfixos trabalibus inclita clavis.*

2. Victricius Sanctorum Ambrosii, & Paulini æqualis in suo opusculo de Laude Sanctorum num. 6. ita scripsit: *Hic invenietis Joannem Baptistam, illum, inquam, qui studio communi crucentus stetit, sed ad Cælum coronatus ascendit, quem Dominus ipse inter natos mulierum autumat potiores, hic Andream, hic Thomam, hic Gervasium, hic Prothasium, hic Agricola, &c. & num. 11. Curat Ephefi Joannes Evangelista. Curat Bononiæ Proculus, Agricola; & hic quoque horum cernimus majestatem. Hæc S. Victricii oratio est in libro Abbatis le Beuf, qui inscribitur, Diversorum monumentorum collectio ad Gallie Historiam illustrandam, tom. 2. editionis Parisine anni 1738. De hoc autem Victricio Episcopo Rothomagensi meminerunt Martyrologium Romanum Martyrologium Ecclesiæ Gallicanæ a Sauflay editum, Longueval in Historia Ecclesiæ Gallicanæ pag. 407. Tillemontius tom. 10. pag. 667. & seqq. Baillet 10. 2. ad diem 7. Augusti.*

3. Sanctus Pontifex Gregorius lib. 1. Dialog. cap. 9. narrat, Sanctum Bonifacium Episcopum Ferentini celebrasse diem Festum Sancti Proculi Martyris, eumque diem a Deo celebriorem redditum fuisse insigni miraculo, quod ibidem narratur.

K k k k 2

4 Til-

Error Tillemontii.

4 Tillemontius in *memor. historic. tom. 5. art. 35. ubi de persecutione Diocletiani*, notat, Bononiæ celebrari Festum Sancti Proculi Militis, & Martyris, quod non cohæret cum Martyrologio Romano, in quo *prima die Junii* fit mentio de Sancto Proculo tanquam Episcopo, & Martyre sic: *Bononiæ Sancti Proculi Episcopi, & Martyris, qui sub Maximiano Imperatore passus est*. Sed si ipse posteriores editiones Martyrologii saltem oculis percurrisset, animadvertisset in illis deletum fuisse titulum Episcopi, & appositum tantummodo titulum Martyris: quamobrem Cardinalis Baronius in *Annal. ad annum 303. num. 122. sic habet: Sed Bononiensis nobilis Civitas præclaros habuit Martyres Vitalem, & Agricolam, Hermetem, Aggeum, & Cajum. Sed & Proculus quoque tunc ibi insignitus est Corona Martyrii, clarissimus fama Martyr. Verum quod ejus Martyrii Acta deperdita sunt, alia commentandi occasio data est: sed consule notata a nobis in Romanum Martyrologium, in quod errore irrepsit nomen Episcopi*. Masinius in *Bononia perlustrata Kalend. Junii Sancti Proculi* meminit, illum ait ex nobili Tencararorum familia oriundum censeri: verum Hercules Maria Zanottus Collegiatae Sancti Petronii Canonicus in *sua Sanctorum Proculorum Martyrum historia, adnotatione prima pag. 31. & sequentibus* sapienter adnotat Sancti Proculi temporibus ea cognomina nondum in usu esse cœpisse, quod & nos admonuimus cum de Sancta Juliana supra ageremus.

Responsio ad objectiones Arch. ep. de Aste.

5 Clarissimus Præsul de Aste Archiepiscopus Hydruntinus in suis recentioribus notis ad *Martyrologium Romanum* nimium fidenter pronunciat, nostrum Sanctum Proculum alium esse a Sancto Proculo, de quo loquitur Sanctus Paulinus, cujus rei hanc affert conjecturam, quia in Martyrologio noster Sanctus Proculus recensetur sine Martyrii Sociis; e contrario vero Sanctus Paulinus de illo mentionem facit conjunctim cum Sanctis Vitale, & Agricola. Addit præterea divinatorium esse asserere, quod S. Gregorius, ubi loquitur de Sancto Proculo, & de Festo in honorem ipsius celebrato, de nostro Sancto Proculo loquatur. Demum fore magis expediens asserit, si in Martyrologio Romano legeretur solum nomen Sancti Proculi Martyris, quin subderetur, ipsum subiisse Martyrium sub Maximiano.

6 Nos tamen illius sententiæ, & insinuationi non acquiescimus, cum non adeo valida nobis rationum, quas in contrarium affert, momenta videantur, ut contrariam opinionem infirmare possint. Et primo quidem ultro fatemur, in eadem persecutione sub Imperio Diocletiani Martyrium subiisse Sanctos Hermem,

tem,

tem, Aggæum, Cajum, Vitalem, Agricolam, & Proculum: fatemur insuper de iis omnibus conjunctim fuisse locutum Sanctum Paulinum; sed non exinde conficitur Sanctum Proculum, quem seorsim a Martyrii Sociis recenset Martyrologium Romanum die prima Junii, non esse unum eundemque cum S. Proculo, de quo conjunctim cum alijs Martyribus loquitur Sanctus Paulinus. Nam cum persecutio Diocletiani non una tantum die cœperit, & desierit; sed per plures dies perseveraverit, & cum Martyrologium Romanum designet diem mortis Sanctorum, nil mirum si in Martyrologio, una eademque fiat simul mentio Sanctorum Hermetis, Aggæi, & Caji, qui simul illa die mortui sunt; alia vero die SS. Vitalis, & Agricolæ alia die pariter simul mortuorum; alia demum die Sancti Proculi, qui separatim a Sociis mortuorum, licet omnes Martyrium passi sint sub eodem Diocletiano, & in eadem persecutione. Deinde quantum ad id quod objiciunt, sp̄ciem esse divinationis asserere, Gregorium loqui de nostro S. Proculo, pro refellenda hac nota, satis erit animadvertere, divinationem nostram inniti auctoritate Cardinalis Baronii, qui in notis ad Martyrologium Romanum clare asserit, S. Proculum, de quo scribit Sanctus Gregorius, esse illum eundem, de quo fit mentio in Martyrologio. Verba Baronii sunt: *De Natali die Sancti Proculi Martyris solemniter celebrari solito scribit Sanctus Gregorius lib. 1. Dialog. cap. 9. in Bonifacio circa medium; de illo etenim (nempe de nostro) non de alio, ut de Martyre celeberrimo cunctis notissimo, ibi agi persuademur: & concordant Bollandistæ in Actis Sancti Bonifacii relatis die 14. Maji.*

7 Sanctus Antoninus in *Chronicis part. 3. tit. 24. cap. 13. §. 4.* narrat, S. Proculum fuisse tempore Justinii Imperatoris: *Fuit tempore Justinii Imperatoris; & a Justino missum fuisse Bononiam Marinum Prætorii Præfectum: hunc vero, instigantibus Ethnicis, cœpisse persequi Christianos, eorumque Ecclesias, Hæreticis instigantibus, clausisse: In hac tempestate Marinus Prætorii Præfectus missus est Bononiam, ut Respublicæ statum summopere custodiret. Interim caput insequi Christianos, suavis Paganorum, & sanctas Dei Ecclesias claudere suavis Hæreticorum.* Narrat deinde Proculum Militem nobilibus Parentibus ortum cœpisse suos socios confirmare, eorumque animos erigere: *Proculus Martyr egregius, nobilis genere, persona decorus, sapientia splendidus caput hortari Socios suos.* Insuper orta contentione ipsum inter, & Marinum, auditaque barbara mortis sententia contra se prolata, eduxisse securim; & Marino in Templo oranti caput

S. Antonin
narratio.

put abscidisse, abscissumque nusquam repertum fuisse: *Habita itaque inter eos varia, prolixaque disputatione, Beatus tandem Proculus audita contra se secula Principis sententia, securim, quam valde diligenter exacerat, sumpsit, cervicemque Marini Praetoris in Templo orantis penitus obtruncavit, quæ nusquam compta est; Postera vero die a suis Ministris repertum fuisse Marinum capite diminutum: Postera vero die tempestive convenientes Ministri ad Principis Templum, ut orarent, Corpus exanime absque Capite reppererunt; Post tale factum Sanctum Proculum se se occultasse, non tamen evitandi causa mortem, sed ut primum furentis Populi impetum declinaret: Aliquot dies latuit, non quod mortem effugeret, sed ut iræ sevientis in eum populi aliquantulum cederet. Repertum postea in loco castaneis confito, ubi orabat, fuisse comprehensum a Militibus, & flagris cœsum: Insuper Proculus a Palatinis Militibus comprehenditur, trahitur, & flagellatur: Demum illum, accusantibus Judæis mortis Principi inflicta, & accedente ipsius spontanea confessione, fuisse capite diminutum, quod Beatus Martyr apprehendit, & ad locum usque, ubi etiam nunc jacet Corpus ipsius, asportavit: Illi autem (Judæi nempe) aiebant, scire Proculum confcium necis Principis sui: Proculus vero confessus est, se esse confcium; & deinde: Surgens itaque Beatus Martyr constitit, & apprehendens caput suum juxta genua, usque ad locum pervenit, ubi hodie etiam requiescit. Non omittendum hic, extra Portam S. Mamantis Bononiæ, quæ Porta di S. Mamolo vulgo nuncupatur in vetusto Templo, quod dicitur Sanctæ Mariæ Vallis viridis, columnam extare, in qua legitur hæc inscriptio, quam etiam refert Malvasia in suis lapidibus Felsineis scilicet. 5. cap. 3. & est hujusmodi: Hic Sanctus Proculus Miles Bononiensis sacro martyrio coronatus exitis abscisso Capite quod ille, ubi nunc ipsius Templum conspicietur, manibus propriis detulit anno Domini 303.*

*Difficultates
circa allatam
narrationem.*

8 Sed, ut verum ingenue fatear, narratio Sancti Antonini gravissimas, easque insolubiles patitur difficultates. Nam primo Justinus fuit Orthodoxus, eoque imperante, inverisimile prorsus est, fuisse Christianos martyrio affectos. Deinde quis credat Bononiæ, & universim in Italia administrasse Rempublicam Ministros Imperatoris Orientis eo tempore, quo Italia tota in Gothorum ditionem redacta erat? Quæ consideratio apud aliquos tanti momenti fuit, ut hoc errore ab Actis expuncto commentum sint, Marinum non fuisse Ministrum Justiniani, sed Theodorici Arianii Gothorum Regis, qui postremis sui Regni annis sævisime persecutus fuit Catholicos, quam correctionem amplectitur Sigonius lib. 1. *Histor. Bononien.*

8 Verum

9 Verum hæc correctio in alium incidit palmarem errorem. Nam cum Sanctus Paulinus, qui per multiplicem centenarium annorum numerum Theodoricum præcessit, de Sancto Proculo Martyre mentionem faciat, impossibile est Sanctum Proculum, imperante Theodorico martyrium subijisse, ut nemo non videt. Quamobrem dicendum potius existimo, illum martyrium fuisse passum, imperantibus, & Christi Ecclesiam persequentibus Diocletiano, & Maximiano, cum certum, exploratumque sit, in illa persecutione passos fuisse Sanctos Vitalem, & Agricolam, quos asserit Sanctus Paulinus strenue sanguinem fudisse una cum Sancto Proculo in eadem persecutione: *Quos jurata fides pictatis in arma vocavit*: a quo S. Paulini testimonio inductus fuit Cardinalis Gabriel Palæotus ad corrigendas Ephemerides nostræ Ecclesiæ, assignando martyrium Sancti Proculi non tempori Iustini, vel Theodorici, sed Diocletiani, & Maximiani. Et Sigonius in posteriori *Opere de Episc. Bononien.* agens de persecutione nostræ Ecclesiæ sub Imperio Diocletiani, & Maximiani, asserit Sanctum Proculum fuisse interfectum, non quia se opposuit Arianismo, sed falso Deorum cultui, live Idololatriæ.

10 Idem docet Cardinalis Baronius in *notis ad Martyrologium Romanum die prima Junii. Percrebuit huc usque de Sancto Proculo Martyre ea opinio, quod passus sit temporibus Theodorici Arianorum Regis &c. sed hæc omnia redduntur irrita ex his, quæ scribit Sanctus Paulinus Nolanus Episcopus, qui longe præcessit tempora Theodorici Regis &c. Hujus tanti Viri auctoritate Illustrissimus, ac Reverendissimus Gabriel Palæotus Cardinalis amplissimus Archiepiscopus Bononiensis emendavit Tabulas pristinas ejus Ecclesiæ. Verba autem Sigonii sunt: Hæc vero (loquitur de persecutione Diocletiani, & Maximiani) seviit, atque interim universa Ecclesia, fuga, pavore, plantuque referta, cum multis aliis, tum præcipue Bononiæ Hermetem, Aggeum, & Cajum, Proculum, Vitalem, & Agricolam, homines præ cæteris Christum constantissime profitescentes extinxit. Consulatur Canonicus Hercules Zanottus in laudato Opere, adnotatione 6. supra.*

Admirationes circa caput manu propria a S. Proculo asportatum.

11 Non desunt, qui religiose fatentes Dei potentia supra naturam operante fieri quidem posse, ut quis manibus apprehensum Caput sibi abscisum alio transferat; dubitant tamen, an id factum sit a Sancto Proculo, cujus dubitationis rationem afferunt peritam ex eo quod consueverunt Pictores in tabula nunc unum, nunc alterum ex iis Sanctis Martyribus, quibus Caput abscisum est, exprimere præ manibus suum Caput abscisum, unice ad indicandum quo genere martyrii mortui sint, non se-

cus

cus ac ad significandum martyrium Sanctæ Apolloniæ, ac Sanctæ Agathæ, alteram pingunt habentem præ manibus Dentes avulsos, alteram Papillas: atque hinc ortam esse ajunt persuasionem vulgi opinantis, Sanctum Proculum manibus in alium locum amputatum sibi Caput asportasse: & cohærent Bollandistæ ubi de nostro S. Proculo loquuntur *die prima Junii*.

Rejicitur S.
Antonini præ-
dicta narratio

12 Sed quantivis ponderis sit hæc conjectura, certum est, nostros Historicos non aliter narrare martyrium Sancti Proculi, atque illum narret Sanctus Antoninus; non aliter etiam describitur in Lectionibus propriis, quæ olim recitabantur a Monachis Benedictinis Congregationis Cassinensis, excusis Bononiæ anno Domini 1610. in quibus tamen narratur evenisse martyrium tempore persecutionis Diocletiani, & Maximiani: *Diocletiano, & Maximiano imperantibus acerbissima persecutio exorta est*. Eodem modo pariter describitur in Lectionibus, quæ recitantur a Patribus Dominicanis Bononiæ, in quibus tamen retinetur antiquus error, nempe Sanctum Proculum martyrium passum fuisse sub Justino: *Beatus Proculus nobili genere, sed sanctitate nobilior, videns quod Marinus Præfectus Prætorii Bononiæ, Justino Imperatore, missus, Paganorum, & Arianorum suasu Christianos immaniter persequabatur, & eisdem mortem intentabat, capis socios suos horiari &c.* Lectiones tam Benedictinorum, quam Dominicanorum ad calcem hujus tertii libri adjiciemus.

13 Galesinius in suo *Martyrologio* cautius loquitur de Sancto Proculo: nam neque Marinum appellat Præfectum Justini, & narrans mortem Martyris, prorsus omittit, ab ipso prius fuisse inopino ictu Marinum occisum. *Bononiæ S. Proculi Martyris, qui Marini Prætorii Præfecti jussu ob Catholicam Fidem varie excruciat, demum securi percussus coronatur*. Alii prorsus rejiciunt narrationem Sancti Antonini; tum quia ipse primus martyrium Sancti Proculi modo prædicto exponit, non obstante tot sæculorum cursu ipsum inter, & persecutionem Diocletiani, & Maximiani, tum quia nulla ratione titulo Martyris honestari posset, qui fuisset morti addictus ob proditoriam occisionem Præfecti quantumvis Ethnicij, aut Hæretici. In Lugdunensi Chronicorum Sancti Antonini editione anni 1587. dictæ narrationi Sancti Antonini hæc leguntur adjecta in margine: *Facinus inauditum, vix, ut puto, credibile*. Cui sententiæ adhærent Bollandistæ. Tillemontius in *memoriis historicis* postquam animadvertit Ferrarium in *Catal. Sanctorum Italiæ* exposuisse martyrium Sancti Proculi eo ferme pacto, quo exponitur a Sancto Anto-

Anto-

CAP. XIII. DE S. PROCULO MILITE, AC MART. 633

Antonino, emphatice loquens addit, quod si res evenisset, ut narratur, nulla ratione posset Sanctus Proculus coli tanquam Martyr; sed potius habendus esset ut homicida, & proditor. Comes Valerius Zani in sua *Synopsi Vitæ Sancti Proculi* supra memoratum factum neque approbat, neque improbat, sed prorsus omittit. Auctor eruditarum adnotationum ad Opus Sigonii de *Episc. Bononiæ* de narratione Sancti Antonini ita judicat: *Vetus illa narratio incertæ prorsus est fidei. Idem visum quoque Lugdunensibus editoribus Chronicorum Sancti Antonini, dum tom. 3. pag. 803. in margine hanc notam apposuerunt: Facinus inauditum vix, ut puto, credibile. Rem caute magis refert Petrus Galestinus in Martyrologio ad Kalendas Junias: Proculus Marini Præsæti jussu ob Catholicam fidem varie excruciatu, demum securi percussu coronatur.*

14. Vetus est Principes, ac Magistratus lædere, etiam si Infideles sint, & Hæretici; jubente Apostolo pro his preces fieri in *Epist. 1. ad Timoth. cap. 2. Obsecro igitur primum fieri obsecrationes, orationes, postulationes, gratiarum actiones pro omnibus hominibus, pro Regibus, & omnibus qui in sublimitate sunt, ut quietam & tranquillam vitam agamus in omni pietate & castitate.* Quod certe intelligendum est de Principibus etiam infidelibus, cum ejusmodi essent qui Apostoli tempore regnabant; nam in Galilæa Agrippa, in Ponto Polemon, in Arabia Aretas Reges erant; in Judæa vero Cæsar regiam habebat potestatem, ipsis Judæis clamantibus: *Non habemus Regem nisi Cæsarem.* Videantur Estius in citatum Apostoli locum, ad illa verba *Pro omnibus hominibus*, Salmero tom. 15. Oper. pag. 444. §. Addis & pro Regibus, Calmet, ad eadem verba loc. cit. Cornelius a Lapide, ad verba: *Secundo non tantum*, & Harduinus in adnotationibus ad verbum illud: *Pro Regibus.*

15. *Deuteronomii cap. 13. sic Populo Deus præcepit, si falsus Propheta tentet plebem decipere, & a veri Dei cultu avertere: Non acquiescas ei, nec audias, neque pareat ei oculus tuus, ut miserearis, & occultes eum; sed statim interficies: sit primum manus tua super eum, & postea omnis populus mittat manum.* Ex quo loco minime conficitur, posse quemquam privata auctoritate falsum Prophetam interficere, sed solum ad eum accusandum teneri; qui si convictus fuerit, pœna capitis plectendus erit; ut ad eum locum luculenter ostendunt Estius, Calmet, Cornelius a Lapide, Lorinus in ea verba: *Statim interficies*, alique Interpretes. Ille solum ab homicidii crimine immunis est, qui vel ex jussu legis præscripto, vel ex speciali Dei jussu

CAP. XIII. DE S. PROCULO MILITE, AC MART. 635
superius relata apocrypham esse; quæ si vera esset, nec Proculus
Martyr fuisset, neque ut talis coli posset.

19 Apocrypha historia est, quia sive Proculus mortem obie-
rit sub Diocletiano, & Maximiano, juxta veriore Chronolo-
giam, sive sub Justino, ut S. Antoninus voluit; multæ ætates in-
tercessissent, antequam idem S. Antoninus factum describeret:
in quibus circumstantiis neminem latet optimæ criticæ regula,
non esse factum recipiendum, quod multis post sæculis auctor
quispiam tradat, nullum afferens ex monumentis facto propiori-
bus testimonium.

20 Quæ ratio si multam habet in omnibus Scriptoribus vim,
majorem in S. Antonino obtinere debet, qui cum in sua Histo-
rica Summa omnia congerere voluerit, non illud item curavit, ut
ad examen vocaret quæcumque in eam conferebat. Hoc de eo
judicium tulit Canus homo ex eodem Ordine doctissimus *de locis
Theologicis lib. 11. cap. 6. De Vincentio Bellouacensi, & Divo
Antonino liberius judico, quorum uterque non tam dedit operam,
ut res veras certasque describeret, quam ne nihil omnino præteri-
ret, quod scriptum in schedulis quibusdam reperiretur. Ita ad hi-
storiam unamquamque existimandam, momentoque suo ponderan-
dam, non artificum statera, sed ne populari quidem trutina usi
sunt. Videri etiam potest Historia Virorum illustrium ex Ordine
Prædicatorum, quam summa diligentia, & elegantia scripsit
P. Tournonius in eodem Ordine adhuc vivens tom. 3. lib. 20. pag.
354. num. 93. & sequentibus.*

21 Melchior Canus, ut paulo ante vidimus, ait S. Antoni-
num quæcumque in schedulis, quas nactus erat, inveniret, de-
scripsisse; atque id nobis causa fuit inquirendi, quænam schedula
illa esse posset, unde S. Proculi factum hauserit. Sigonius in suo
Opere de Episcopis Bononiens. Gaudentii cujusdam Episcopi non facit
mentionem, facit tamen Rabbii in additionibus ad Sigonium,
eumque in Bononiensium Episcoporum serie inserit, quem ele-
ctum esse ait anno 720. & annos viginti in Episcopatu vixisse, ut
videre est in notissima Operum Sigonii Mediolanensi editione tom. 3.
pag. 386. Bocchius autem in manuscripta Bononiæ Historia lib. 6.
pagina nobis 101. vidisse se narrat in Bibliotheca Monasterii Bo-
noniensis S. Proculi quædam manuscripta, in quibus Gaudentius
Episcopus dicitur combustam ejus Monasterii Bibliothecam in-
flaurasse, & S. Proculi historiam Leoninis versibus ex illius ætatis
ingenio scripsisse. Verum nec Bocchius ipse historiam vidit, cum
de ea perinde loquatur ac de Opere ab aliis commemorato, nec
nobis eam invenire contigit, quamvis omnem adhibuerimus,

cum Bononiæ essemus, diligentiam. Hinc facile quivis intelliget, non posse inde S. Antonini historiæ fidem conciliari; quamvis fortasse ex hoc fonte, si non omnia, aliqua saltem ex iis, quæ ab illo narrantur, haurire potuerit.

22 Primæ propositiæ affirmationis parti satisfacimus, in qua ostendendum erat, apocrypham esse historiam illam; sequitur altera, Proculum nempe Martyrem futurum non fuisse, nec ipsi ut Martyri cultum exhibendum, si historiæ illius veritas consisteret. Atque ut totius causæ summa plenius percipiatur, fingamus animo non Marinum a Proculo, sed hunc a Marino interfectum esse, post acrem inter ipsos de Religione concertationem, in cujus æstu Marinus Proculum interfecerit. Proculi factum reprehendendum non esset, sed Ecclesia nunquam ipsi titulum, aut honorem Martyris concessisset; non quod Christi causa mortem non pertulisset, nec quod non odio Fidei concitatus hostis illum interemisset; sed quia Martyr in subeunda morte pacifice debet se gerere; Martyres enim in ea Christum ipsorum caput debent imitari, qui tanquam agnus innocens ad supplicium ductus est; ob eamque causam Christiani milites, qui in Religionis bello cum infidelibus pugnant, si moriantur, suum habent apud Deum meritum, non tamen Martyrii lauream, ut demonstratum a nobis est *Operis nostri de Canonizatione lib. 3. cap. 18. num. 10. & sequentibus.*

23 Jam vero non ita res contigit. Nam Marinus non Proculum interfecit, sed ille a Proculo interfectus est. Quid ergo? Proculusne ille, qui si a Marino cæsus esset, Martyr non fuisset, quamvis ejus factum ab hominibus reprehendi non posset, Martyr erit, postquam Marinum dolo interfecit, postquam ad illum bona fide accessit, postquam amoris ipsius satellitibus, ictu securis, quam prius veste occuluerat, cædis privata auctoritate illatæ crimen patravit tot aliis circumstantiis junctum, quæ culpam aggravant? Quisnam hoc sibi persuadeat?

24 Quod si respondeant, Proculum Martyrem non esse ob necem Marino illatam, sed ob necem quam ipse alacriter sustinuit a Præfecti Marini sequacibus sub prætextu cædis a Proculo perpetratæ; quærerem (& merito) quam demum ratione Proculus cæsus esse dici possit odio Christianæ Fidei potius, quam ad ulciscendam Marini necem? Probabiliter conjici id posset, si Præfecti Imperatoris vices gerentis cædes crimen capitale non esset, quod pœna capitis leges non mulctarent, nisi certis quibusdam aliis circumstantiis concurrentibus: non vero quan-

do,

do, ut Historici ipsi testantur, cæde peracta, solum de ejus auctore quaestio fuit; concurrentibus cæteris omnibus, quæ in criminis causa requirebantur, ut Proculus auctor illius omnino haberetur, hominum certorum indicio quoniam se recepisset innotuit, captus, & in judicium adductus rem ingenue fassus est, calamitatem suam æquo tulit animo, ac pie, ut Christianum decuit, supplicio obviam ivit; ex quibus omnibus cum nequeat inferri illum odio Christianæ Fidei interfectum esse, sed ad ulciscendam Præfecti Marini necem, qua ratione Martyrium excluditur, eadem conficitur Proculum nec Martyrem futurum fuisse, nec Martyris honores habiturum, si ea historia vera esset.

25 Corpus Sancti Proculi Militis una cum Corpore Sancti Proculi Episcopi, qui ambo fuerunt Martyres, jacet in Templo Sancti Proculi Monachorum Cassinensium, ut constat ex lapide erecto anno Domini 1380. ubi etiam legitur quingentos annos ante reposita ibi fuisse Corpora dictorum Sanctorum Martyrum. In Tabulario etiam, sive Archivio illius Cœnobii asservatur supplex libellus Abbatis Monachorum Sancti Proculi, directus ad Generalem totius Ordinis Conventum, celebratum anno 1574. quo petebatur facultas instaurandi Templum, & ibidem decenter collocandi Corpora utriusque Sancti Proculi, quæ jacebant in Templo subterraneo, cui inditum fuerat nomen Tugurii. Inspectio, eorumdem Sanctorum Corporum habita est anno 1536. ab Antistite Augustino Zanetti, tunc temporis Suffraganeo Episcopo, & Bononiensis Episcopi Vicario Generali, & ab aliquibus aliis honestis, & probatæ fidei Viris ad id ab ejusdem Civitatis Rectoribus deputatis. Cujus rei memoria consignata est publicis tabulis ab Evangelista Matuliano Notario. In Chronicis ejusdem Cœnobii legitur, Sacellum, in quo asservantur utriusque Sancti Proculi Corpora, fuisse in meliorem formam redactum anno 1624. Præterea Sanctus Proculus recensetur inter Sanctos Patronos ejusdem Urbis. Legitur in Historiis, Bononiam venisse anno 1219. illuc a Sancto Francisco missum Beatum Bernardum a Quintavalle, ut ibidem domum, sive Cœnobium suæ religiøsæ Familiæ compararet, eundemque hospitio exceptum fuisse a Nicolao e nobili Familia Pepoli, qui non solum idoneam domum Alumnis Sancti Francisci dedit, sed etiam inter ipsos solemnia Vota nuncupavit, & sancte obiit, meritoque inter ipsos nomen Beati obtinuit: deinde illuc supervenisse Sanctum Franciscum, qui in suum Religiosum Ordinem cooptavit duos nostræ Universitatis Scholares, & cum vellet instituere Sacræ Theologiæ Lyceum, ejusdem facultatis publicum Professore elegit

Corpus S. Proculi ubinam conditum sit

*Quomodo sit
nunc Patronus
Civitatis*

San-

Sanctum Antonium Patavinum : demum cum Bononienſem Eccleſiam regeret Jacobus Boncampius e Dominicanorum Religioſa Familia, ab eodem perſuaſum fuiſſe Populo, ut adderet Sanctis Patronis Civitatis Sanctos Petronium, & Proculum, itemque Sanctos Dominicum, & Franciſcum, ut videri poteſt apud Sigonium in *Vitiis Henrici de Fratta*, & *Jacobi Boncampii lib. 2.* Singulariſſima ſunt beneficia, quæ huic Urbi Sanctus Proculus a Deo impetravit. Anno ſiquidem 1474. ſua interceſſione obtinuit Agrorum fecunditatem poſt diuturnam Annonæ caritatem; anno 1505. indemnitatē ab everſione tempore terremotus, & anno 1630. liberationem a peſte.

26 Ejus feſtum cum Officio & Miſſa de Comuni Martyrum peragebatur. Nos poſtea proprias ſecundi Nocturni Lectiones Urbi, ac Diœceſi Bononiënſi conceſſimus, quintam & ſextam ex S. Auguſtini ſermone ipſi S. Proculo accommodato conficientes : ſexta vero his verbis caſtigatè concepta eſt : *Proculus Martyr, cujus cum laude meminerunt Sancti Gregorius Papa, & Paulinus Nolanus Episcopus, primum terrene militiæ nomen dedit, deinde ſaviente Diocletiani, & Maximiani Imperatorum perſecutione, ad ſequenda Chriſti ſigna converſus eſt. Palmam Martyrii Bononiæ obtinuit, trabalibus clavis tranſfixus. Claruit pietate, fide, virtute, mira conſtantia. Inter Patrones ſingulares, quos Cuſtodes & Tutelares habet Bononiënſis Civitas, jure ac merito recenſetur : non enim deſuerunt Miracula, quibus comprobatur ſpeciale patrocinium, quo Bononiënſibus opitulatur.*

C A P U T XIV.

De Sancto Pariſſo Confeſſore. Die 11. Junii.

S. Pariſſi Feſtum cum Officio.

1 C Elebratur die undecima Junii Feſtum Sancti Pariſſi Confeſſoris, cujus mentio fit hac die in Martyrologio Romano, ubi ſic legitur : *Bononiæ Sancti Pariſſi Confeſſoris Monachi Ordinis Camaldulenſis.* In honorem ipſius recitantur in hac Urbe, & Diœceſi Horæ Canonicæ, & celebratur ſacrum ex Comuni Confeſſorum non Pontificum. Sed Sacra Rituum Congregatio die 20. Auguſti anno 1729. approbavit Lectiones proprias ſecundi Nocturni pro Camaldulenſium Religioſa Familia petitas ex Hiſtoria Camaldulenſi Auguſtini Florentini, & ex Vita ſcripta a Sigonio juffu ſæpius memorati Cardinalis Gabrieliſ Palæoti, quas Lectiones huic tertio Libro adnectemus.

2 San-

2 Sanctus Parisius natus est Bononiæ anno 1151. ibidem cooptatus est inter Cœnobitas Camaldulenses, & ætatis suæ anno quadragesimo Tarvisii electus fuit Rector Monialium Sanctæ Christianæ ejusdem Ordinis Camaldulensium. Fuit omnium virtutum genere spectatissimus, & semper cum laude Monasterio prædicto, diuturno annorum septuaginta septem spatio, præfuit. Sanctissime obiit anno ætatis suæ centesimo decimo sexto die undecima Junii anno 1267. *Et eodem anno* Albertus Tarvisii Episcopus, auctoritate ordinaria processum confecit, & ad examen revocavit ipsius virtutes, & miracula. Legantur Augustinus Florentinus in *Histor. Camald.* Baillet in *Vita ejusdem Sancti*, & Bollandistæ.

*Ejusdem nati-
vitas, vita,
& mors.*

3 Dignissimus Præsul Franciscus Maria de Aste in *notis ad Martyrologium Romanum* agens de hoc Sancto Parisio hæc habet: *Tarvisio potius, quam Bononiæ adscribendus hic Sanctus: ne igitur Bononienses indignentur.* Verum si his verbis indicare voluisset, Sanctum Parisium ortum duxisse Tarvisii, & non Bononiæ, incidisset procul dubio in palmarem errorem, cum certo certius sit, eum natum fuisse Bononiæ ex piis, & honestis Parentibus, ut videri potest apud Florentinum in *Histor. Camaldul.* lib. 2. cap. 20. Baillet in *Vita ejusdem Sancti*, Sigonium lib. 3. de *Episc. Bononiæ* in *Vita Octavii Ubaldini*, Surium, & Bollandistas.

*Ejus Patria,
vere est Bononi-
æ, non Tarvisii,
tamen etiam
Tarvisium.*

4 Nicolaus Manerbius Venetus Monachus Camaldulensis ad usum piarum foeminarum ex Latino sermone in Italicum transtulit Librum, in quo Sanctorum vitæ, ac res gestæ describebantur; ejusque Opus Venetiis impressum est sub Sixto IV. a Nicolao Jansonio, qui cum in ea Urbe Typographicam Officinam statuisset, suum quoque in eadem domicilium constituit anno 1468. isque unus ex iis habitus est, qui ejus artis perficiendæ principes auctores extiterunt, ut videre est in Dictionario Historico Basilæ impresso anno 1733. verbo *Jenson*. In hoc Opere Vita S. Parisii legitur, qui Bononiæ natus esse dicitur, idemque traditur in Lectionibus a Sacra Rituum Congregatione non ita pridem Ordini Camaldulensium concessis.

5 Bollandistæ rationem afferunt aliunde petitam, quam a Natalibus, cur potius Sanctus Parisius tribuendus sit Tarvisio, quam Bononiæ, his verbis: *Sed cum Aste summatim expressa apud Surium, Et in notis iisdem allegata, dicant clare, Parisium longissimam suam ætatem exegisse Tarvisii, ibidemque defuncti vitam, ac miracula a Tarvisino Episcopo examinata fuisse, ecquid causæ potuit habuisse Baronius, ut eum præter Martyrologiorum stylum Bononiæ adscriberet potius, quam Tarvisio?*

6 Sed cum nos *tom. 4. nostrarum Institutionum Instit. 12. pag. 142.* ostenderimus tres esse Sanctorum Patrias, quarum una est illa, in qua nati sunt; altera, in qua magnam suæ Vitæ partem traduxerunt; tertia, in qua obierunt, jure optimo potuit Cardinalis Baronius tribuere Bononiæ Sanctum Parisium, cum compertissimum sit, & ibi natum fuisse, & ibi solemniter votorum nuncupatione se Religioso Camaldulensium Ordini mancipasse.

Lectioes propriae pro Officio S. Parisii.

7 Superius dictum est, Bononiæ Officium, & Missam S. Parisii recitari ex communi Confessorum non Pontificum, sed a nobis Lectiones propriæ secundi Nocturni concessæ sunt, quæ compilatio dici possunt Lectionum quatuor, quas ad usum Monachorum Sacra Rituum Congregatio concessit, quæque ex more Cleri sæcularis ad tres redactæ sunt.

8 Post hujus Operis nostri editionem Patavinam prodiit in lucem typis Venetis anno 1748. Libellus nobis dicatus, cujus titulus: *Memorie della Vita di S. Parisio Monaco Camaldolese, e del Monastero de' SS. Crisina, e Parisio di Treviso, raccolte da un Monaco Camaldolese*, in quo eruditissimus Auctor duodecim Capitibus singula ordinatim comprehendit, quæ circa nativitatem S. Parisii, ejusque res gestas, virtutes, miracula, mortem, Caonizationem, & cultum colligere potuit ex viginti & amplius Auctoribus, qui de hoc Sancto vel ex professo, vel obiter scripserunt; quorum Catalogum Operi præmittit; adjectis in fine Lectionibus veteribus secundi Nocturni pro festo S. Parisii, ex antiquo Breviario ad usum olim Abbatiae Vangaricciensis desumptis. Qui igitur plura de S. Parisio scire desiderat, illum Auctorem adeat, in quo suam non devotionem modo, sed eruditam quoque curiositatem satiare poterit.

C A P U T X V.

De Sancto Paterniano Bononiæ Episcopo.

Die 12. Julii.

*Officium San-
cti Paterniani
Episcopi Bonon.*

1 **C**elebratur Festum Sancti Paterniani Episcopi, & Confessoris *die 12. Julii*, qua die fit illius commemoratio in Martyrologio Romano his verbis: *Bononiæ Sancti Paterniani Episcopi*. Et in Civitate, ac in tota Diœcesi recitantur in honorem ipsius Horæ Canonice petite ex Communi Confessorum Pontificum. Cardinalis Baronius *in notis* asserit, ipsum in Episcopatu immediate successisse Sancto Petronio.

2 Idem

2 Idem asserunt Sigonius, Ferrarius, & Tillemontius, qui addit *tom 5. in Vita Sancti Petronii* hanc esse eruditorum hominum opinionem; & præterea Sanctum Petronium viginti annorum spatio in Episcopatu vixisse *ab anno scilicet 450. ad annum usque 470.* Aliam viam ineunt Ughellius, Masinius, & Bombacius, quorum primus, nempe Ughellius, undecimo loco ipsum connumerat inter Bononiæ Episcopos. Masinius docet, ipsum fuisse Successorem Sancti Hadriani, qui immediate Sancto Petronio successit. Qua de causa Bollandistæ in *Vita Sancti Paterniani* sic scribunt: *Incertum itaque est, cuinam in Episcopali munere successerit Sanctus noster, aut quo tempore fuerit illud auspiciatus, Scriptoribus, quod doceant nibil habentibus, præter publicam venerationem, quam scriptis suis inserunt, aliis proximius ad res gestas Sancti pertinentibus temporum oblivione sepultis.*

Hinc Episcopatus Epochæ.

3 Fanensis Civitas veneratur, ut suum Episcopum, & Patronum Sanctum Paternianum, cujus res gestæ referuntur a Bollandistis *die 12. Julii*, qui etiam in controversiam adducunt, an sint duo Sancti Paterniani, alter Bononiæ, alter Fani, vel unus idemque sit utrobique specialiter cultus, & venerationi habitus. Castellanus in *suo Martyrologio universali* dicit, Sanctum Paternianum esse Sanctum ignotum, cujus nulla sit mentio in antiquis Martyrologiis, & tam Bononiæ, quam Fani specialem cultum obtinere. Judicium vero Bollandistarum hac super re est hujusmodi: *Est vere, ut dicam id, quod sentio, non pauca sunt in utroque Sancto, quæ possint movere suspicionem, ne ex uno unico conflatus sit duplex; nam uterque fuit Episcopus; uterque habitavit in Italia, & quidem in eodem ferme Italiæ tractu: uterque colitur eodem mense; quin immo eodem pene mensis die. Accedit insuper quod tam adjuncta temporis, quo Bononiensis vixisse asseritur a Ferrario, anno circiter 450. quam ejusdem Patria, ut creditur Civitas Bononiensis, aliique quæ fundare possent distinctionem, de qua quærimus, destituta appareant solido aliquo antiquo fundamento, ut ex iis utriusque Sancti discrimen probari haud possit. His tamen non obstantibus, judico utrumque Sanctum in sua antiqua possessione relinquendum, donec aliud suadeant certa documenta, quorum consecutionem vix ausim sperare.*

Alius est a S. Paterniano Fanensis Ep.

4 Nos Bollandistis consentientes ita dicimus, nostrum Sanctum alium esse ab illo, quem Fanenses ut suum agnoscunt, & utriusque sanctitatem compertam esse, sed necesse esse ut fateamur nobis non suppetere tuta, ac solida monumenta, qui-

C A P U T X V I .

De Sancto Dominico . Die 4. Augusti .

*Officium, &
 Missa pro die
 Festo S. Domi-
 nici, ejusdem-
 que Translati-*

Celebratur *die 4. Augusti* Festum Patriarchæ Sancti Domi-
 nici Institutoris Ordinis Prædicatorum, quod Festum
 cum Officio & Missa propria, ubique terrarum solemne est. De
 ipso fit mentio in Martyrologio Romano his verbis : *Bononiæ
 Sancti Dominici Confessoris Fundatori: Ordinis Fratrum Prædica-
 torum, Viri sanctitate, & doctrina clarissimi, qui Virginitatem
 perpetuo illibatam servavit, & ob singularem meritum gratiam
 tres mortuos suscitavit; cumque predicatione sua hereses compres-
 sisset, ac plurimos ad religiosam, & piam vitam instituisset, octa-
 vo Idus mensis hujus in pace quievit. Ejus tamen Festivitas ex Con-
 sultatione Pauli Papæ IV. hac die celebratur.* In eodem Martyro-
 logio die 24. *Maji* hæc alia verba habentur : *Bononiæ Translatio
 Sancti Dominici Confessoris tempore Gregorii Papæ IX.*

2 De hac translatione, cujus occasione ejus Corpus e sepul-
 chro erutum, repositum fuit in Capsa cedrina, cui super structus
 fuit tumulus e terra naturali, loquuntur Malvenda *ad annum
 Christi 1233. num. 9.* Bzovius *ad eundem annum num. 5.* In Co-
 dice vero manuscripto Fr. Bernardi Guidonii assertato in Archivio
 Cœnobii Carcassonenfis legitur pars judicialis examinis vitæ, &
 mortis Sancti Dominici, quod examen habitum fuit auctoritate
 Gregorii IX. a Tancredo Bononiæ Archidiacono, aliisque ad id
 delegatis, ac fuit typis impressum *in tom. 1. Echardi de Scripturis
 Ordinis.* Ibi testis octavus *pag. 54. & 55.* Fr. Paulus Venetus nuncu-
 patus narravit, se multum diuque versatum fuisse cum S. Domi-
 nico, nec non interfuisse translationi Corporis ejusdem Sancti,
 de qua translatione testatur sic : *Intererant ibi multi Episcopi, &
 multi alii Clerici, & Potestas Bononiensis cum multis aliis Civi-
 bus honoratis.* Celebratur a Dominicanorum Ordine Festum hu-
 jus Translationis *die 24. Maji*, & Antiphona ad Vesperas est hu-
 jusmodi : *Gaude felix Parens Hispania, novæ prolis dant mundo
 gaudia; sed tu magis plaude, Bononia, tanti Patri dotata gloria :
 Lauda tota Mater Ecclesia, novæ Laudis agens solemnia.*

*Veri tituli
 quibus S. Do-
 minus S. Domi-
 nicus a Bon-
 oniam Civitatem
 spectat.*

3 Pluribus titulis ad hanc nostram Bononiæ Urbem pertinet
 Sanctus Dominicus. Nam & ipsam incoluit : in ipsa a funda-
 mentis crexit celeberrimum sui Religiosi Ordinis Cœnobium : in
 ipsa

ipsa celebravit primum totius suæ Religiosæ Familiæ generalem Conventum: præterea in ipsa illius venerabile Corpus quiescit, cujus Caput anno 1383. Bononiæ Ecclesiam regente Cardinale Philippo Carafa, seorsim in argentea theca repositum fuit, in qua etiam nostris hisce temporibus asservatur; reliquum vero Corpus relictum fuit in nobilissimo Sepulchro, quod jampridem erectum fuerat in Templo Religioforum ejusdem Ordinis. Hanc Capitis separationem ab aliis membris, & prodigium, quod tunc temporis accidit, Sigonius lib. 3. *de Episcop. Bononien. in vita Cardinalis Philippi Carafa* narrat his verbis: *Anno millesimo trecentesimo octuagesimo tertio xli. Kalendas Martias Fratres Prædicatores Caput Sancti Dominici ex Arca, Philippo Episcopo, Magistratibusque præsentibus extraxerunt, & ad usum Ecclesiæ nobili loculo argenteo condiderunt. Mirum vero illud oculis Mortalium accidit, quod interim dum Arca patuit, Stella supra Ecclesiam clarissime fulsit. Quæ res animadoersa Civitatis Religionem erga Sanctum Confessorem accendit.*

4 Illud etiam accedit, quod vel alio peculiari titulo Patriarcha Sanctus Dominicus pertinet ad Bononiæ Civitatem; quia, ut in Vita ipsius legitur, scripta a Venerabili Fratre Jordano, qui in universi Ordinis regimine illi successit, plurimi ex nostra Universitate tam publici Professores, quam Scholares solemniter Vota nuncuparunt in Ordine ab ipso instituto: *Ipsi autem ex numero Scholarium Bononiensium causa studii commorantium, in unum Domino inspirante congregati Divinarum Scripturarum Lectiones, uno eorum dicente, singulis diebus audiunt: In quæ verba hæc commentatur Echardus: Bononienses speciatim exprimit, quia quo tempore scribebat, Conventus erat numerosior, in quo Beatus Dominicus veluti sedem posuerat, ex quo veluti ex Equo Trojano exibant in dies, & alio mittebantur, qui Congregationem nostram dilatarent. Ex numero Scholarium Bononiæ causa studii commorantium in unum Domino inspirante congregari addit. Scholarium vocabulo norunt omnes, ea ætate indicator quoscumque Gymnasia frequentantes, non solum Auditores, sed & Magistros cujuscumque gradus, & facultatis. Si legantur autem nostræ Historiæ, occurrent innumeri, qui ex Universitate Bononiensi Ordinem amplexi, eundem vel in Italia, vel in aliis Regionibus propagarunt: & ibidem connumerat Rollandum Cremonæ Regentem magni Nominis, Clarum Professore utriusque Juris, Monetam celebrem artium Magistrum, Conradum Theutonem Magistrum Bononiæ, Paulum Hungarum Professore utriusque Juris pariter Bononiæ, Gilbertum cum duodecim Anglis sui*

Auditoribus, qui postea profecti sunt in Angliam, Sanctum Raymundum de Pennafort, aliosque innumeros. Sigonius in *Vita Episcopi Henrici de Fratta lib. 2. de Episc.* Bononiæ fufe narrat conversionem prædictorum Doctorum, & solemnem Professionem in Religioso Ordine Sancti Dominici: præterea mortem ejusdem Sancti Dominici, ipsius sepulchrum, cui interfuerunt, præter Magistratus, Cardinalis Ugolinus Legatus, Patriarcha Aquilejensis, aliqui Episcopi, & Abbates: demum translationem Corporis e loco humili ad alium elatiorem, & decentiorem; quam translationem executioni mandatam fuisse dicit coram Archiepiscopo Ravennate, Episcopis Bononiæ, & Mutinæ, & Brixiz, aliisque primoribus Viris.

Quod vero fuerit etiam Civis Bononiensis suscipiens fundamentis.

§ Reliquis titulis, quibus ad Bononiensem Civitatem Sanctus Dominicus pertinet, cum quoque libenter adjicere, quod a Senatu Civitate donatus sit, & jure suffragii cum iis omnibus honoribus, quibus naturales Cives fruebantur. Ita narrat Touronius in *Vita S. Dominici lib. 3. cap. 9.* ubi & Actum refert ex publicis Bononiensis Civitatis monumentis transcriptum. Hæc ille hausit ex Opere Alexandri Machiavelli *Ferrariæ impresso anno 1735.* Nobisque dicato, *de S. Dominici origine ex Gufmana Familia.* Narrat Machiavellus S. Dominici æqualem fuisse Scriptorem quemdam Bononiensem, qui Luminosus ab Apofa dicebatur, cujus opera in incendio quodam perierunt anno 1413. Nec ex iis quidquam superfuit præter Fragmentum ab Hyacintho quodam de Anellis ante incendium descriptum. Hyacinthi Opus etiam nunc existere affirmat, ab Amato ejus filio ad annum usque 1497. productum. Addit Machiavellus penes se esse Ignatium quemdam, qui in Ghirardacii Historiam animadversiones composuit, & anno floruit 1618. atque his tribus auctoribus innixus, Luminoso, Hyacintho, & Ignatio, Civitatem S. Dominici datam tradit. Verum cum omnis a nobis esset adhibita diligentia, in publicis Commentariis, in quibus Civitatis concessionem fideliter descriptæ sunt, aliquot invenimus ante S. Dominici tempora aliis concessas, aliquot item posterius, nusquam tamen ea, de qua nunc agimus, potuit inveniri; cumque prædictos Codices Luminosi, Hyacinthi, & Ignatii adhuc e tenebris eruere non licuerit, hujus quæstionis aleam subire noluimus, & reliquis titulis contenti, quibus S. Dominicus ad Bononiensem Urbem pertinet, Civitatem ipsi datam malimus præterire. Bremondus in suo Opere *de Gufmana stirpe Sancti Dominici*, nullum habere poterat argumentum ad eam contra adversarios tuendam opportunius, quam Monumentum Bononiensis Civitatis, qua

San-

Sanctus Dominicus donatus est, in eo enim S. Dominici genus apertissime traditur: sed aliis argumentis vir doctus uti maluit, ita in rem nostram præfatus. *Quædam Bononiensia prætermittenda censui, quod autographa mihi non sint exhibita.*

6 Sancti Francisci Corpus, ut unicuique compertum est, extat in Templo magni illius Cœnobii, quod magnifice extructum fuit Assisi. Inspectio hujus Sancti Corporis habita fuit a Summo Pontifice Gregorio IX. qui ipsum invenit pedibus erectum, manusque habens stigmatibus perforatas: eadem inspectio habita est ab aliis Summis Pontificibus, ut plures Scriptores tradunt. Demum Sixtus IV. claudi jussit locum illum subterraneum, per quem patebat accessus ad Sanctum illud Corpus. In *Annalibus Waddingi ad annum 1250. num. 4.* refertur, ante Corpus Sancti Francisci videri genuflexum alium indutum Veste Dominicanorum propria, habentem fronti affixam stellam. Quæ plane est fabula excogitata ad suadendum idiotis, Corpus Sancti Dominici, quod jacet Bononiæ, & cujus Caput separatum ibidem manet sine ulla tamen stella fronti affixa, translatum fuisse in Civitatem Assisi, quod qua ratione factum sit, & quomodo ibi Caput conjunctum sit cum reliquo Corpore, habeatque stellam fronti affixam, penitus ignoratur. Quamobrem Pater Magister Angelus e Rivortorto Minor Conventualis in *Historia Cœnobii Assisiani* tit. 43. ita ingenue de hac fabula scribit: *Quod vero adjungitur de Corpore Sancti Viri Ordinis Prædicatorum, cujus etiam fronti verbosi quidam stellam affigunt, falsum adinventum omnino judicandum est. Nam ut mihi adhuc juveni abhinc quadraginta annis retulit Pater meus Magister tunc octogenarius, Vir doctus, & fide dignus, cum primum in lucem prodii prædicta narratio, licet idiote, & simplices etiam ex nostris applaudere viderentur; seniores tamen eam irridebant: quin palam assererant, hoc exiisse alicujus malevoli artificiosum adinventum ad suscitandum inter dignissimos Patres Dominicanos, & nos Franciscanos Conventuales dissidia. Unde paulo post, nostris instantibus ob inauditam fabulam, Sedes Apostolica sub Excommunicationis pœna ne id assereretur, prohibuit. Corpus Divi Dominici Bononiæ, ubi obiit, statim sepultum, & post Sanctissimi Patris Canonizationem ad Altare ei dicatum, translatum, ac in elegantissime reconditum Arca fuit. Ibi a Fidelibus venerabiliter adoratur: nec Deus suppositam istam translationem alicui revelavit. Consultatur etiam Pater Michael Piò in *Vitis Hominum Illustrium Sancti Dominici* lib. 1. pag. 120.*

Ejus Corporis translatio Bononiæ: & refellitur fabula quod reperitur Assisi

7 Legi etiam possunt Bollandiani Continuatores *Augusti men-*

*mensis to. 1. pag. 532. Et seqq. §. 49. ubi tanquam fabulosam rejiciunt historiam de S. Dominico Assisii condito, etiamsi opus P. Angeli a Rivortorto ipsos latuisset. Nihil hic dicemus de Rosario a Sancto Dominico instituto, fusc enim de illo egimus, cum de Festo B. Mariæ Virginis Rosarii dissereremus. Præterea eandem questionem Pater Tournonius in *Vita Sancti Dominici lib. 1. cap. 14.* accuratissime pertractavit.*

C A P U T XVII.

De S. Bononio Abbate. Die 30. Augusti.

Ortus S. Bononii Instituti, itinera, persecutio, & mors.

1 **C**elebratur die 30. Augusti Festum Sancti Bononii Abbatis, qui Bononiæ natus, ibique inter Benedictinos cooptatus in Cœnobio Sancti Stephani, cum zelo æstuarer lucrandi Deo animas, divinamque gloriam propagandi, profectus fuit Cairum, sive Babylonem Ægypti, ubi multos ad verum Dei cultum, Christianamque Religionem convertit, Templâ diruta instauravit, in variis Cœnobiis Monasticæ disciplinæ normam jam dilapsam restituit. Sanctus hic Vir adeo sibi hostium Christiani nominis animos conciliavit, ut obtinuerit libertatem Petri Episcopi Vercellarum, & plurium Sociorum, qui in captivitatem inciderant. Quamobrem vita defuncto Abbate celebris Cœnobii Locedii, quod situm erat in Diœcesi Vercellenſi, Petrus, qui illius Opera a captivitate liberatus fuerat, ipsum illius Cœnobii Abbatem inauguravit; quod cum gubernaret, plures, easque graves persecutiones passus fuit, a quibus coactus fuit in Hetruriam se conferre. Sed tandem tumultu sedato ad sui Cœnobii regimen rediit, ubi meritis plenus, & miraculis celebris, mortalem hanc Vitam cum æterna commutavit anno 1026.

Acta perſonæ ad ejus sanctitatem, & merita.

2 Acta hujus Sancti asservantur in Archivo Cœnobitarum Abbatiae Sancti Stephani Bononiæ, quæ ab antiquissimo tempore conscripta, & ex Archivo extracta a Cardinali Gabriele Palæoto transmissa fuerunt opera Caroli Sigonii ad Patrem Laurentium Surium, qui illa inseruit *tom. 7. sub die 30. Augusti.* De eodem Sancto Viro loquuti fuimus *lib. 2. de Canonizat. Sancto. cap. 18. num. 20.* & in *Appendice ad eundem librum* inseruimus monumenta eruta ab Archivo Vercellarum, & ad nos transmissa in authentica forma ab Eminentissimo Cardinali Ferrerio Urbis illius Episcopo meritissimo. Ex monumentis hisce clare constant sanctitas, miracula, & cultus sacer eidem Sancto a Populis exhibitus. De illo loquuntur etiam nostri Bononienſes Scriptores,

res, Sigonius ubi *de Episcopo Frugerio anno 1026. & in Hystor. Bononien.* Leander Alberti, Ghirardaccius, Bombacius, Fa-
leonus, Comes Zani, demum Ferrarius *in Sanctis Italie*. Ejus
Festus dies celebratur in nostra Urbe cum Horis Canonicis peti-
tis ex Communi Confessorum non Pontificum. In Martyrologio
Romano ejus mentio sit his verbis: *Bononia Sancti Bononii Ab-
batis*: addit Cardinalis Baronius *in notis ad Martyrologium*: *De
quo etiam tabule Ecclesie Bononiensis, ex cujus antiquis monu-
mentis ejus Acta accepta relata sunt apud Sarium Tomo septimo.
Migravit ex hac vita anno Domini 1026. ejusque sanctitatem pro-
bavit Joannes Papa XX.*

3 Ratpertus quidam Monachus vitam S. Bononii sub an-
num 1030. conscripsit, quæ inter Manuscripta Svecorum Regi-
næ exstebat. Illius exemplar cum in manus Abbatis Benedicti
Bacchini pervenisset, ab eo communicatum est celebri Abbati
Guidoni Grandio, qui Opus ipsum in diversa capita divisit eru-
ditas singulis animadversiones adjiciens, editumque est Venetiis
in Collectione Variorum Opusculorum anno 1740. impressa. Hujus
Vitæ capite secundo traditur, Sanctum Virum, cum magna cu-
piditate teneretur Palæstinam, & Ægyptum adeundi, contrarium
sibi Abbatem habuisse, quod nimis juvenis esset, sed ab eodem pos-
tea, cum Lucii ejus patruus consilium quæsiisset, peregrinationis
veniam illi esse factam. Quæritur quisnam esset hic Lucius ejus
patruus; respondetque Grandius *in Animadversionibus*, fuisse
quemdam Lucium Zenobium Albergatum, de quo honorifice
meminit Ghirardaccius *in Bononiensi historia part. 1. lib. 2. pag. 48.*
his verbis: *Vir fuit magna doctrina, ac linguarum varietate
præditus, ut tum erant tempora, admirabilis, & valde Catholi-
cus, floruitque sub annum 976. Malvasia in suis Marmoribus Fel-
sineis pag. 77. S. Bononium recenset inter Bononienses, qui ad
annum ætatis centesimum pervenerunt. Sed hæc validioribus
indigent argumentis.*

4 Superius dictum est, S. Bononii Festum Bononiæ celebrari cum
Officio communi Confessorum non Pontificum; sed a nobis postea
secundi Nocturni Lectiones propriæ, quæ sequuntur, concessæ sunt.

*Ejus Vita ty-
pis impressa.*

*Officium pro-
prium ejusdem
Sancti.*

L E C T I O I V.

Bononius Abbas, Monachorum, Peregrinantium, & Fidei
preconum illustre speculum, Bononiæ natus est. Vix hau-
serat lucem, animum ad cælestia prorsus natum præ se tulit. Tan-
tus in eo fuit perfectionis amor & desiderium, ut pueritiam non-
dum

dum egressus, spretis mortalium illecebris, totum se Christo consecraret in Bononiensi Monasterio Sancti Stephani. Asperiores vitam sectatus, priscos Monachorum mores diligentissime servavit. Hinc juvenis adhuc, ita provectioribus erat exemplo, ut dubitaretur, quamnam, præter ceteras, virtute præstaret, cum excelleret in omnibus.

LECTIO V.

EXimia Bononii virtuti majus theatrum jam parabatur. Afflatus enim Divino spiritu, petiit & impetravit, ut in Asiam navigaret, cœlestis doctrinæ rudimenta barbaris traditurus. Cum Babylonem pervenit, in locum desertum, qui prope erat, se constitit, ubi gravibus, quas expescebat a se, pœnis Divinam assidue obstabatur misericordiam ad barbarorum tenebras dispellendas. Mox Evangelicam lucem circumferre capis, & tanta erat ejus virtutis fama, ut ea permoti Principes viri, multique Egyptii, singulari benevolentia illum complecterentur.

LECTIO VI.

CUM navim conscendisset, ut Alexandriam peteret, sevisissimam tempestatem, fufus ad Deum precibus, illico sedavit: quo miraculo permoti complures barbari Christo nomen dederunt. Vinetorum patronus, solamen ægotantium, pauperum pater sic habebatur, ut omnes accenderet ad operam Christo navandam in miseros. Cum Babylonem rediisset, ubi comperit, in ea Urbe Petrum Vercellensem Episcopum crudeli servitute premi, supplex adiit Regem, qui Petrum, ceterosque Christianos e captivitate dimisit. Renuntiatus Abbas Locediensis Bononius in Italiam reversus est, ubi cum pristinos labores repetiisset, supremum diem obiit. Miraculis clarus.

CAPUT XVIII.

De B. Petro de Arbues. Die 17. Septembris.

Officium B. Petri ubinam recitetur?

Celebratur die 17. Septembris Festum Beati Petri de Arbues, quem solemnî ritu Beatis accensuit Summus Pontifex Alexander VII. ut nos ipsi alibi diximus in nostro Opere de Canonizatione tom. 1. Passus fuit hic Sanctus Martyrium amore Catholicæ Religionis. In va. i. Hispaniarum Diœcesibus in hujus

jus Sancti cultum recitantur Horæ Canonice cum Lectionibus propriis, quæ postea concessæ fuerunt huic nostræ Civitati ex Decreto Sacræ Congregationis Rituum die 24. Julii 1696. Hic Beatus ad hanc nostram Urbem pertinet, cum aliquot annorum spatio fuerit Alumnus in Collegio in ipsa erecto pro Natione Hispana a Cardinali Albornoio. In hoc Collegio cooptatus fuit hic Beatus anno 1469. Lauream Doctorem accepit, & Doctor Sacræ Theologiæ renunciatus est in nostra Universitate anno 1473. In eadem fuit publicus Logicæ Professor; quod munus diligentissime, & magno cum Auditorum progressu tum in pietate, tum in literis exercuit, ut legitur in ipsius *Vita Hispanico idiomate conscripta* a Salvatore Silvestro de Velasco Canonico Hispanensi cap. 2. Utque clarius innotescat quam stricte ad nostram Urbem pertineat hic Beatus, omittere hic nolo, inductum fuisse antiquissimo Indulto, ut quilibet Alumnus Collegii Sancti Clementis Nationis Hispanæ, ipsa admissione in hoc Collegium, statim inter ejusdem Cives connumeretur, fruaturque omnibus privilegiis, quibus reliqui Cives fruuntur, ut patet ex publicis, & authenticis tabulis manu Jacobi Monterenzi Notarii conscriptis die 20. Octobris 1395.

Quomodo Beatus hic ad nostram Civitatem Bononiæ pertineat.

2. Consuli potest Tamayus post primam hujus Operis editionem a nobis visus, *tomo 5. Martyrologii Sanctorum Hispaniæ ad diem 17. Septembris pag. 227.* ubi Scriptores congerit, qui B. Petri de Arbues meminerunt. In his est Vincentius quidam Blascus de Lanuzca, qui ejus vitam versibus comprehendit, ejusque Bononiæ adventum commemorat his versibus:

Autores, qui ejus vitam, & Martyrium describunt.

*Venit in Italiam sceptris, bellisque potentem,
Qua sese magnis tendis Bononia campis.*

Studia vero ibidem peracta, Laureamque Doctorem in Universitate acceptam, ac demum jus Civitatis, quo donatus est, his versibus expressit:

*Quapropter Petrum illustris Bononia fecit
Collegam, Lauro, & Doctoris honore decorum.*

Salesles in suo *Sanctæ Inquisitionis Tribunali tom. 1. prolegomeno 5.* fuse agit de Martyrio, quod Beatus Petrus de Arbues obiit. Ejus nomen in Romano Martyrologio descriptum non erat; sed ex Decreto nostro in nuperrima editione describitur ad diem 17. Septembris hoc Elogio: *Casaraugusta in Hispania Beati Petri de Arbues, primi in Aragonia Regno Fidei Questoris, qui a re lapsis Judæis, ob eandem, quam pro munere suo strenue tuebatur, Catholicam Fidem, immaniter trucidatus Martyrii palmam accepit.* Proprias ejus Lectiones prætermittimus, quia

Tom. X.

N n n

mul

multo ante, quam nos Pontificatum adiremus, Sæculari, ac Regulari Bononiæ Clero concessæ sunt; legi tamen possunt in *ejusdem Urbis Lætionario per nos edito anno 1740. ad diem 11. Septembris.*

C A P U T X I X.

De Sancto Eusebio Bononiæ Episcopo.

Die 26. Septembris.

1 **C**elebratur Festum S. Eusebii Episcopi, & Confessoris die 26. Septembris. Jure conqueritur Baillet, nobisque exprobrat, quod in Elencho Episcoporum nostræ Urbis, qui adnectitur *Archiepiscopali* Cardinalis Gabrielis Palæotti, Sancto Eusebio non præfigatur titulus Sancti, nec in Sanctorum Bononiæ numero recenseatur, cum cæteroquin inter hujus Civitatis Episcopos nullus sit, cujus sanctitatis clariora, & solidiora extent monumenta, & qui majora operatus fuerit pro Catholica Religione facinora. Nos hanc exprobrationem Sancto Eusebio honorificam non ægre ferimus, sed ad hunc errorem, qua ratione possumus, excusandum, reponimus, de hoc Sancto satis loquutos fuisse nostros Scriptores, nempe Sigonium, Leandrum Alberti, Ghirardaccium, Bombacium, Comitem Zani, aliosque omnes, præter Ughellium in *Italia Sacra*, & Ferrarium de *Sanctis Italie*, Cardinalem Baronium ad annum Christi 381. num. 82. ubi sic: *Eusebius Bononiensis Episcopus, & ipse sanctitate clarus, Binium in notis ad Concilium Aquilejense tom. 2. pag. 980. ubi hæc habentur: Hic (nempe Eusebius) Sanctitate clarus post obitum inter Sanctos relatus, sacris Diptychis adscriptus continetur: de ipso etiam fit mentio in Martyrologio Romano hac die: Bononiæ item Sancti Eusebii Episcopi, & Confessoris, & in notis subdit Cardinalis Baronius: De quo etiam tabula Ecclesiæ Bononiensis. Vixit temporibus Gratiani, & Theodosii Augustorum, intersuitque una cum Sancto Ambrosio, ac cæteris Sanctis Episcopis Concilio Aquilejensi habito, Siagrio & Eucherio Consulibus, anno a Christo (secundum recentiores) 381. Quantum autem Bononiensis Ecclesia tanto Antislite floruerit, ac præcipue Sacrarum Virginum sobole secunda fuerit, satis apparet ex his, quæ scribit Sanctus Ambrosius lib. 1. & 3. de Virginibus.*

Antiores, qui de S. Eusebio loquuntur.

Quando, & quomodo fuerit Episcopus Bononiæ.

2 Sanctus Eusebius juxta accuratiorem Chronologiam inauguratus fuit hujus Urbis Episcopus anno 370. & obiit anno 400. De ipso pluribus in locis loquitur Sanctus Ambrosius, & de rebus

bus ab ipso gestis, necnon de ejus Propinquis, & de Bononiæ Civitate. *Lib. 1. de Virginibus cap. 10.* narrat, Mediolanum tunc temporis perrexisse Virgines e Civitatibus Placentiæ, & Bononiæ, immo etiam e Mauritania, ut ibi Deo dicarentur, & sicrum Velum reciperent. Denique de Placentino sacrandæ Virgines veniunt, de Bononiensi veniunt, de Mauritania veniunt, ut hic velentur. Exponit insuper modestiam, virginemque pudorem Virginum Bononiensium. Nam quid de Bononiensibus Virginibus loquar, secundo pudoris agmine, quæ mundanis se deliciis abdicantes, Sacrum Virginis incolunt? S'ne contubernali sexu, contubernali pudore provecta ad vicenarium numerum, & centenarium fructum, relietque Parentum hospitio, tendens in tabernaculis Christi indefesse milites castitatis, nunc Canticis spiritualibus personant, nunc victum operibus exercens, liberalitati quoque subsidium manû querunt. Præterea ad vivum exprimit modum, quo ipsæ alias socias sibi adjungebant: Quod si investigandi Virgines inoleveris odor (namque præ cæteris speculandi venatum pudoris explorant) totis curarum vestigiis prædam latentem usque ad ipsa cubilia persequuntur, aut si liberior alienius volatus afflueris, totis omnes videas assurgere alis, concrepare pennis, emicare planctu, ut casto pudicitie Choro cingant volantem, donec albenti delectata comitatu in plagas pudoris, & indaginem castitatis, domus puritie oblita succedat. Nec tacitus laudes Episcopi Eusebii præterit, qui animum suum indefesse adjiciebat ad inducendas Virgines ad illam sanctam vivendi rationem amplectendam, ut lib. 3. de Virginibus legitur: Adest Piscator Ecclesiæ Bononiensis aptus ad hoc piscandi genus. Da Domine pisces, quia dedisti adjutores.

Ubiq. & quomodo de illo S. Ambrosius scribit.

3. Idem Sanctus Ambrosius librum suum de Institut. Virginis, & Sanctæ Mariæ Virginitate dirigit ad Eusebium. Tillemon-tius tom. 10. art. 14. de Vita Sancti Ambrosii ait, S. Eusebium habuisse Filium nomine Faustinum, qui plures genuit Filios, ac præcipue unum, qui pariter paterno nomine Faustinus appellabatur, & Filiam, cui Ambrosiæ nomen inditum fuit. Juxta novam editionem Maurinam Operum Sancti Ambrosii, in prima Classe Epistolarum, tres recensentur: nempe trigesima nona, quinquagesima quarta, & quinquagesima quinta, in quarum prima, scilicet trigesima nona solamen affert Faustino dolenti immaturam suæ Sororis mortem, eumque consolatur exemplo tot Urbium funditus everfarum in perpetuum, eique innuit, Sorem non tam esse mortuam, quam traductam ab hac misera, & mortali vita ad aliam felicissimam, & æternam: nempe de Bono-

nienſi veniens Urbe a tergo Claternam, ipſam Bononiam, Mutinam, Rbergium derelinquebas, in dextera erat Brixillum, & fronte occurrebat Placentia, veterem nobilitatem ipſo adhuc nomine ſonans, ad levam Apennini inculta miſeratus, & florentiſſimorum quondam populorum Caſtella conſiderabas, atque affectu relegebas dolenti. Tot igitur ſemirutarum Urbium Cadavera, Terrarumque ſub eodem conſpectu expoſita funera non te admonent uniui, ſanctæ licet, & admirabilis Fœminæ deceſſionem conſolabiliorem habendam; præſertim cum illa in perpetuum proſtrata, ac diruta ſint; hæc autem ad tempus erepta nobis meliorem illic vitam exigat? Aliæ duæ Epistolæ ſcriptæ ad Euſebium ſunt, in quarum prima ipſum admonet de tuſſi, qua puer Fauſtinus laborabat; in altera vero ipſum certiorem facit de reditu quorundam ex ſuis Filiis, apud Sanctum Ambroſium reliquis remanentibus.

Virum duo fuerint Euſebii S. Ambroſio familiares.

4 Patres Maurini excitant hoc in loco ingentem controverſiam, an Euſebii duo fuerint: alter Bononiæ Episcopus, alter vero nobilis Bononiæ Civis ſumma familiaritate cum Sancto Ambroſio conjunctus: an autem unus atque idem. Duos fuiſſe conjeſtant Maurini, & de Euſebio Episcopo Sanctum Ambroſium loqui in citatis libris de *Virginibus*. Ad alterum vero Euſebium nobilem Bononiæ Civem affirmant dirigi librum de *Inſtitutione Virginis*, & *S. Mariæ Virginitate*: inſuper dicunt, eum fuiſſe Caput nobilis Familiæ, & filium habuiſſe multiplicis prolis parentem, cui nomen erat Fauſtinus: demum Nepotes ſuos miſiſſe ad Sanctum Ambroſium, ut ab ipſo educarentur, & ad eundem directas fuiſſe duas Epistolæ *quingueſimam quartam*, & *quingueſimam quintam*. Conjeſturam ad id opinandum Maurini deſumunt ex eo quod in aliquibus Codicibus duæ illæ Epistolæ dirigantur ad Euſebium non adjecto nomine Episcopi, & in fine Epistolæ ipſe non vocetur Frater.

5 Non arridet hæc opinio Tillemontio, qui in *nota ſexta ad Vitam Sancti Ambroſii* ſuſtinet, unum, eundemque fuiſſe Euſebium, ad quem dirigitur liber de *Inſtitutione Virginis*, & *Sanctæ Mariæ Virginitate*, & ad quem ſcriptæ ſunt duæ nuper memoratæ Epistolæ, cum plures ſint Codices, in quibus in inſcriptione Epistolarum appellatur Episcopus, nec quidquam negotii illi faceſſit, quod in fine non ſalus illi dicatur, appellando illum Fratrem, quia non deſunt aliarum Epistolarum exemplaria; in quibus Sanctus Ambroſius non ſalutat hoc modo quosdam alios, qui ſine ulla controverſia, & indubitanter erant Episcopi.

6 Sed quidquid sit de hac controversia, nobis satis est, quod Tillemontius in citata nota 6. tanquam aliquid omnino certum asserat, Eusebium illum, cujus S. Ambrosius lib. de *Virginib.* pietatem, ac diligentiam laudat in colligendis sacris Virginibus, inducendisque ad claustralem vitam profitendam, esse Episcopum Bononiæ; eundemque Eusebium Episcopum Bononiensem illum esse, qui Concilio Aquilejensi interfuit, de quo infra: qua in re consentiunt Patres Maurini, ut constat ex notis ad cap. 20. lib. de *Virginib.* & rursus pag. 801, ubi de *Actis Concilii Aquilejensis*. Nam si ab Epistolis argumentum habemus familiaritatis Sancti Ambrosii cum Sancto Eusebio; ex libro de *Virginibus*, & ex interventu in Concilio Aquilejensi præter familiaritatem cum Sancto Ambrosio, clarissime nobis constant Sanctitas, & merita ejusdem nostri Sancti Episcopi Eusebii.

7 Jam vero in toto Occidente Catholica veritas Arianam hæresim profligaverat. Duo tantum supererant Episcopi Ariana labe infecti, Pallas, & Secundianus, de quibus incertum est cujusnam Dioceseos essent Episcopi. Ex his autem duobus Episcopis, Pallas anno 378. operam suam interposuit cum Gratiano Imperatore, ut curaret congregari generale Concilium; sed Sanctus Ambrosius ab eodem Imperatore impetravit, ut congregarentur tantummodo Episcopi Italiæ. Quamobrem indictum fuit Concilium hujusmodi celebrandum Aquilejæ, nullis autem Episcopis etiam Orientalibus prohibito ad Aquilejensem hoc Concilium accessu; Orientales tamen non interfuerunt, sed solum Episcopi fere omnium Provinciarum Occidentalium, vel immediate per se ipsos, vel per Procuratores. Pro Ariani interfuerunt Pallas, & Secundianus, necnon Presbyter quidam, qui appellabatur Attalus. Sanctus Ambrosius disputationem habuit cum primo ea lege, ut tota disceptatio literis consignaretur. Catholica Fides de Arianismo triumphavit, & Episcopi unanimes sententiam Anathematis protulerunt contra eos, quicumque non profiterentur Jesum Christum Divino Patri coæternum, & consubstantialem. Quantum vero contulerint ad Catholicam veritatem promovendam, & ab hæresi vindicandam constantia, & doctrina Sancti Eusebii Bononiæ, & quam firmiter ipse adhæserit Sancto Ambrosio, & quam promte, ac feliciter ipsi adhærens refutaverit Ariani illius sophismata, videri potest apud Baronium ad annum Christi 381. & apud Tillemontium art. 22. & seq. de *Vita Sancti Ambrosii*; demum in *Actis ipsis Concilii Aquilejensis tom. 2. Editionis Labbejane*.

8 Testatur Vigilius Tapfenfis, se Libellum exarasse Apologeticum

*Concilium A.
quilejense cui
interfuit San-
ctus Eusebius.*

ticum in favorem Sancti Ambrosii contra Palladem Episcopum Arianum. Chiffletius tamen, qui notis illustravit libros Vigilli, commentus est Acta prædicta Concilii Aquilejensis esse supposititia; sed frustra: nam omnes illius conjecturæ ad hoc evincendum diluuntur, & enodantur ab Hermantio *lib. 3. Vita Sancti Ambrosii*, quem librum idiomate Gallico conscripsit, in quo clare demonstrat, mirifice hallucinatum fuisse Chiffletium. Et de factis satis est legere Acta illa, ut legens manifeste deprehendat, Sanctum Ambrosium esse, qui in illis loquitur; atque adeo genuina esse, ut etiam considerat Pagius *ad annum Christi 381. num. 13. Sigonius in Vita Sancti Eusebii* ascribit tempore Sancti Eusebii inventionem Corporum Sanctorum Vitalis, & Agricolaë, de qua re nos agemus, ubi sermonem habebimus de iisdem Sanctis Martyribus. Idem Sigonius de hoc Sancto Eusebio dicit, communiter credi, ab illo erectum fuisse Monasterium Sanctorum Vitalis, & Agricolaë. Ferrarius *de Sanctis Italiae* addit Monasterium Sancti Proculi ab eodem Sancto Eusebio ædificatum. Postremo sunt qui opinantur, eundem tumulatum fuisse in Basilica Sancti Stephani. Sed si verum est, hanc fuisse a fundamētis erectam a Sancto Petronio, qui post Eusebium vixit, nemo non videt, hanc opinionem habere locum non posse.

*Acta hujus
Concilii genu-
ina sunt.*

*Monasteria a
S. Eusebio æ-
dificata.*

C A P U T X X.

De S. Petronio Bononiæ Episcopo. Die 4. Octobris.

*Officium S. Pe-
tronii princi-
palis Patroni
Urbs Bononiæ*

Festum Sancti Petronii nostri Episcopi, & Primarii hujus Urbis Patroni celebratur *die 4. Octobris*. In Martyrologio Romano habetur ejus commemoratio his verbis: *Bononiæ Sancti Petronii Episcopi, & Confessoris, qui doctrina, miraculis, & sanctitate claruit*. Cum vero Sanctus Pontifex Pius V. in aptiorem formam redegisset Sacrarum Precum Breviarium, hoc exemplo motus Cardinalis Palæotus, Horarias preces, ac Lectiones in honorem Sancti Petronii etiam ipse in meliorem formam redegit, non sine consilio tamen, & opera peritorum in rebus Ecclesiasticis, ut ipse testatur in Epistola, libello ejusdem Sancti Petronii Officii præfixa. *Adhibitis aliquot Viris pietate, ac doctrina, rerumque Ecclesiasticarum in primis usu peritis*. Hæ preces non solum pro die ipso Festo deserviunt, sed etiam in singulos septem dies consequentes apte sunt distributæ, & recitantur etiam nunc in hac nostra Urbe, ac tota Diœcesi. Eas publicavit idem Cardinalis Palæotus *anno Christi 1573. sub Pontificatu Gregorii XIII.*

2 Vi-

2 Vita Sancti Petronii apud Surium, licet præferat nomen Sigonii, vere tamen conscripta fuit a Galesinio, ut ipse testatur in notis ad suum Martyrologium, ibi: *Nos Vitam illius scripsimus, quæ apud Surium extat Sigonii nomine.* Tillemontius tom. 15. not. 3. in Vita S. Petronii dicit, optandum fuisse, ut a Galesinio proferrentur antiqua illa monumenta, quibus cæteroquin asseritur innixa Vita ab ipso conscripta. Et Baillet in suis notis criticis in diem 4. Octobris præmonet Lectores Vitam a Galesinio conscriptam, quamvis qua parte a monumentis antiquis recedit, nutet, nec satis fundata sit; nihilominus longe tolerabiliorem esse, quam notitiæ, & narrationes de S. Petronio ad nos transmissæ a Sancto Antonino, Petro de Natalibus, & Vincentio Belleracensi, de quibus Baronius in notis ad Martyrologium Romanum ita loquitur: *Multa a Vincentio, Antonino, & Petro in Catalogo de Sancto Petronio scripta sunt, quæ censura, & expurgatione non levi indigent.*

3 Ut aliquid de Sancti Petronii Vita attingamus, a monumentis veteribus aggrediamur, ut inde ad recentiores doctorum hominum animadversiones veniamus. Eucherius anno floruit 434. quo Lugdunensis Episcopus electus est, decessit autem anno 454. Hic in Epistola parænetica de Contemptu mundi & secularis Philosophiæ, ita scripsit: *Hilarius nuper, & in Italia nunc Antistes Petronius, ambo ex illa plenissima, ut ajunt, mundanæ potestatis sede, unus in Religionis, alius in Sacerdotii nomen ascendit.* Gennadius Gelasii tempore vixit sub annum 494. in suo autem libro de Scriptoribus Ecclesiasticis cap. 41. ita de Petronio scribit: *Petronius Bononiensis Ecclesiæ Episcopus, vir sanctæ vitæ, & Monachorum studiis ab adolescentia exercitatus, scripsisse putatur Vitas Patrum Monachorum Ægypti, quas velut speculum & normam professionis suæ Monachi amplectuntur. Legi sub nomine ejus de Ordinatione Episcopi, ratione, & humilitate plenum Tractatum, quem lingua elegantior ostendit non esse ipsius, sed, ut quidam dicunt, patris ejus Petronii eloquentissimi Viri, & eruditissimi in Sæcularibus litteris; nam & Præfectum Prætorii fuisse se in ipso Tractatu designat. Moritur Theodosio Arcadii filio, & Valentiniano regnantibus.*

4 Ex his duobus testimoniis plures excitantur quæstiones ab eruditis. Prima est, an Sanctus Petronius Patrem habuerit Sextum Petronium Probum Præfectum Prætorii: altera est, an ipse S. Petronius Præfectus Prætorii fuerit: tertia, an ipse sit auctor libri de Ordinatione Episcopi: quarta, an ipse Vitas Ægypti Patrum conscripserit: postrema demum, quo tempore obierit.

5 Ut

*S. Petronius
Sexti Petronii
Probi Ellius
fuit.*

5 Ut a prima ordiamur, etsi Tillemontius *adnotatione prima in S. Petronii Vitam* dubitare videatur, an Sextus Petronius Probus Prætorii Præfectus S. Petronii pater extiterit, dubitari tamen merito ea de re videtur non posse, nam ex Gennadii superius allato testimonio constat Petronium S. Petronii patrem Prætorii Præfecturam gessisse. Consentit Ado Viennæ ad Rhodanum Archiepiscopus, qui anno 874. decessit, in *Chroniciis, ad ætatem sextam: Petronius Bononiensis Episcopus Italia vir sanctitate vitæ, & Monachorum studiis ab adolescentia exercitatus, cujus pater Petronius Præfectus Prætorii vir secularibus litteris eruditus moritur*. Gennadii testimonium magni fit a Baronio in *adnotationibus ad Romanum Martyrologium ad diem 4. Octobris: Petronii genus indicat Gennadius, dum ait, ejus parentem, Petronium quoque dictum, Prætorii Præfecturam administrasse, quem illam esse opinor, qui Sextus Petronius Probus dictus gessit Consulatum cum Arcadio, nam & Præfecturæ munere functum esse data ad eum Imperatoris rescripta testantur*. Et in ejusdem Cardinalis *Annalibus ad annum Christi 395. num. 5.* duæ Inscriptiones impressæ sunt, quas extare innuit in Ædibus Cæsis prope Vaticanum; in quibus honorifica fit mentio alterius Sexti Petronii Probi, quem eruditus Comes Valerius Zani in *S. Petronii Vita*, ejus avum fuisse conjicit.

6 Ad eandem quoque ejus Familiam pertinet, quæ sequitur, Inscriptio cippo insculpta, cui, ut videtur, Petronii Probi statua a Venetis, aliisque Padum accolentibus populis fuerat, imposita, ob magna illius erga se merita, & in Pincio Colle dedicata, ubi, ex detectis vestigiis colligitur, eam familiam ædes habuisse *Valente VI. & Valentiniano II. Coss.* hoc est, anno *Urbis 1131. Christi 378.* Magni fit inscriptio ab antiquitatis studiosis non minus ob exquisitos titulos, licet barbære conceptos, senescente jam Latini sermonis elegantia, quam quia nullus lapis tot exhibet simul congestos titulos. In ea Petronius Probus, qui in Fastis Sextus Anicius Petronius Probus nuncupatur, Præfectus Prætorii dicitur, cum in eam dignitatem a Valentiniano I. Volcatio successus sit. Proconsul dicitur ob gestum Consulatum, Provinciamque Africam ipsi delatam. Ordinarius ejus Consulatus commemoratur per Africanam, Italiam, & Illyricum, ut Occidentalis ejus Consulatus indicaretur, in vestra jam post Imperii divisionem consuetudine, ut alter in Oriente Consul, alter in Occidente renunciaretur:

NOBI-

NOBILITATIS . CULMINI .

LITTERARVM . ET . ELOQUENTIAE . LVMINI .

AVCTORITATIS . EXEMPLO .

PROVISIONVM . AC . DISPOSITIONVM . MAGISTRO .

HVMLITATIS . AVCTORI .

MODERATIONIS . PATRONO .

DEVOTIONIS . ANTISTITI .

PETRONIO .

PROBO . V . C . PROCONSVLI . AFRICAE .

PRAEFECTO . PRAETORIO .

PER . ILLYRICVM . ITALIAM . ET . AFRICAM .

CONSVLI . ORDINARIO .

OB . INSIGNIA . ERGA . SE . REMEDIORVM . GENERA .

VENETI . ADQVE . ISIRI . PECVLIARES . EIVS .

PATRONO . PRAESTANTISSIMO .

DEDICATA .

VI . IDVS . AVG.

D . D . N . N .

VALENTE . VI . ET . VALENTINIANO . II .

AVGG . CONS .

7. Hæc de prima quæstione dicta sint. Sequitur altera, an quemadmodum Sextus Anicius pater, ita & S. Petronius filius Præfectus Prætorii fuerit. Baronius in *adnotationibus ad Martyrologium Romanum ad diem 4. Octobris* affirmat, idque ex alato S. Eucherii testimonio deducit: *Eo etiam Magistratu*, hoc est Prætorii Præfectura, exornatum esse Sanctum Petronium, de quo agimus, affirmare videtur Sanctus Eucherius, dum ait, ex plenissima mundana potestatis sede ad Episcopatum evectum esse. Præfecturam Prætorii fuisse amplissimam dignitatem, pluribus docet Cassiodorus in *Proæmio Variarum*. Baronio consentit Aubertus Miræus in *notis ad cap. 41. Gennadii*. Quibus ex verbis

Incertum est, utrum S. Petronius ague ac pater, ipse quoque Præfectus Prætorii fuerit.

Tom. X.

O o o o

Baro-

Baronius in notis ad Martyrologium 4. Octobris verosimiliter colligit, Sanctum Petronium aliquando Prætorii Præfecturam administrasse, sicut & Pater ejus Sextus Anicius Petronius Probus administraverat. Tillemontius tom. 15. adnotatione prima in S. Petronii Vitam, eam dignitatem patri quidem concedit; negat vero filio. Fontaninius in Opere Posthumo de Litteraria Historia Aquilejæ lib. 5. cap. 12. pag. 365. ait, Sanctum Petronium virtuti deditum Præfecturæ dignitatem, quam Pater gesserat, contempsisse. Incerta res est, eoque magis quod Baronius caute, ut solet, illam noluit certo definire: agnoscit enim non id liquido Sanctum Eucherium tradidisse: *Affirmare videtur Sanctus Eucherius*. Ac revera, nihil aliud in animo habuisse videtur Eucherius, cum allata verba perscriberet, quam generis nobilitatem Sanctorum Hilarii, & Petronii designare; quo loco cum institutæ comparationis ratio postulet, ut æquali fuerint dignitate, novum oritur ad negandam Sancto Petronio Præfecturam argumentum, quæ nusquam a Sancto Hilario gesta traditur.

Opera, quæ
ipfi tanquam
Auctori tri-
buntur.

8 Sequuntur tertia, & quarta quæstio de S. Petronii Operibus. Eorum alterum de Ordinatione Episcopi inscribitur, sed, ut ex allato Gennadii testimonio colligitur; styli elegantia postulat, ut Sancti Petronii Patri tribuatur, homini in sæcularibus etiam Literis eruditissimo. Gennadii auctoritatem in ea re merito eruditi recentiores verentur, & amplectuntur. Consulatur du Pin in nova Auctorum Ecclesiasticorum Bibliotheca tom. 3. part. 2. pag. 507. Tillemontius sub initium Vitæ Sancti Petronii tom. 15. Morerius in Dictionario Historico novissime aucto tom. 5. Verbo Petronius, Ceillierius tom. 10. Historiæ Generalis Sacrorum, & Ecclesiasticorum Auctorum cap. 1. art. 2. ubi de Rufino Aquilejæ Presbytero disserit §. 4. num. 1. in fine. Quod autem attinet ad Patrum Vitas, Honorius Augustodunensis, qui vixit anno 1224. in libro de Luminaribus Ecclesiæ tanquam rem compertam affirmat, opus illud Sancti Petronii esse: *Petronius Bononiensis Ecclesiæ Episcopus, Vir sanctæ vitæ, Monachorum studiis ab adolescentia exercitatus, scripsit Vitas Patrum Ægypti Monachorum, floruit sub Theodosio*. Consentiant cum Honorio Vincentius Bellovacensis in Historiarum Speculo lib. 20. cap. 25. Mombricius tom. 2. de Sanctorum Vitis, & Trithemius in Catalogo. At Gennadius non tam certe rem affirmat, ut ex supra relatis ejus verbis constat: *Scripsisse putatur Vitas Patrum*. Quare Aubertus Miræus in notis ad Gennadii caput 41. subdit: *Sed quandoquidem Gennadius dicat; putatur scripsisse: non omnino certum est eum Vitas scripsisse*. Rosveydus in Prolegomeno 4. §. 7. liqui-

liquido evincit, quas habemus Patrum Vitas, non eas esse, quæ a Sancto Petronio scriptæ traduntur; ac Gennadii locum de secundo Vitarum Patrum libro vult intelligi, quem Hieronymus a Rufino conscriptum esse testatur. Tillemontius *tom. 12. adnotatione 80. in vita Sancti Hieronymi* cum Rosveido consentit librum secundum de Vitis Patrum opus esse Rufini, sapienter tamen animadvertit, Rufinum in eo Opere non sua itinera describere, sed alterius, cuius nomine scribit: hunc autem Sanctum Petronium esse vult; ob eamque rem *tom. 15. ubi Sancti Petronii Vitam describit*, omnia ei itinera adtribuit, operaque omnia, quæ a Rufino in aliena persona referuntur. Tillemontii conjecturam strenue tuetur Ceillierius in *Historia Universalis Auctorum Sacrorum, & Ecclesiasticorum tom. 10. cit. loc. & præsertim pag. 46.* Fontaninus autem in Opere supra laudato *lib. 5. cap. 12.* ita scripsit *num. 4. Constat Rufinum Libri scriptorem, sic pariter constat itinerum & rerum, quæ in libro exponuntur, auctorem ibidem loquentem non esse Rufinum, sed omnino alium tunc in Ægypto versatum, dum Rufinus in Palestina degebat. Quare alius erit nobis Libri scriptor, alius rerum scriptarum auctor, scilicet Rufinus alterius itineribus describendis manum & calamum commodavit; unde pariter contigit, ut ore alieno in libro suo loquente, suam historiam, non ut opus proprium, sed plane alienum laudaverit. Ergo Liber ad duos pertinet, ad Libri Scriptorem, & ad rerum in illo narratarum auctorem. Hinc ei neuter suum nomen adposuit, ne quisque sibi uni opus, quod ad utrumque pertinebat, tribueret. Et paulo post: Quare certum jam redditur, Vitas Patrum, quæ in capita XXXIII. subjectis itinerum periculis distinguuntur, a Rufino esse enarratas, non suo tamen sed Petronii nomine, qui ubique semper in libro loquitur, resque abs se visas in Monasteriis Ægypti, testis oculatus & verax, per manum Rufini accurate describit.* Vincentius Bellocensis, & Sanctus Antoninus cum Petronio Arbitro Sanctum Petronium confundunt, lapsusque minime ferendo eidem adtribuunt impurum Arbitri Librum, de quo ait Turnebus *Adversar. lib. 19. cap. 6. Venuslatem orationis suæ inquinavit spurcissimis amoribus*; quod, ut alia omittamus, superius allatam Baronii censuram satis justificat. Turpius in eundem lapidem impegit Joannes Henricus Meibomius, qui cum in *Itinerario quodam Italiae* legisset: *Petronius Bononiæ integer asseveratur, egoque ipsum meis oculis non sine admiratione vidi*; cumque inde sibi persuasisset, Petroni Arbitri Opus manuscriptum Bononiæ integrum asseverari, Lubeca Bononiam venit, ut adeo rarum monumentum intueri posset, cum-

*Per equivo-
cū aliquibus
confunditur
cum Petronio
Arbitro.*

que fama illi notus esset Doctor Joannes Baptista Capponius, ab eo rem sciscitatus, ubi comperit integrum Sancti Petronii Corpus Bononiæ asservari, deque eo Itinerarium locutum esse, non autem de Petronii Arbitri Opere, rubore suffusus Bononia discessit. Factum narratur in *Menagian. tom. 1. edit. 3. pag. 127.*

*Eusebius E-
piscopus.*

9 Denique quod attinet ad tempus, quo Sanctus Petronius obiit, Faber in *memoriis Ravennæ* de ipso agit tanquam adhuc vivente *an. 485.* Alberti e contrario ipsum mortuum reputat *anno 460.* Vizzanius *anno 451.* Ghirardaccius *anno 450.* Ghinius *anno 441.* & Prosper Aquitanicus *anno 383.* qui porro est error palmaris, ut bene monet Cardinalis Baronius in *notis ad Martyrologium*, cum Sanctus Eusebius Bononiæ Episcopus eodem *anno 383.* una cum S. Ambrosio interfuerit Concilio Aquilejensi; Sancto vero Eusebio in Episcopatu Bononiæ Sanctus Felix, & Sancto Felici Sanctus Petronius successerit: quo circa cum Genadius doceat, ipsum mortuum fuisse Theodosio, & Valentiniano regnantibus, videtur omnino dicendum cum Sigonio in *ipsius Vita*, accidisse Sancti Petronii mortem *anno 450.* Demum mirandis multis virtutibus clarus, imperantibus adhuc Theodosio, & Valentiniano, *anno quadringentesimo quinquagesimo*, magno sui desiderio omnibus relicto, *14. nonas Octobris* migravit ad Dominum.

Ejus itinera.

10 Insistendo idem a Tillemontio propositæ, juxta quam peregrinationes a Rufino descriptæ ad Sanctum Petronium pertinent, cujus nomine, ut censet hic Auctor, Rufinus loquitur, ampla se præbet occasio exponendi res a Sancto Petronio præclare gestas antequam Bononiam veniret. Ex dicto itaque Rufini libro habemus, ipsum nudis pedibus iter agentem Hierosolymam profectum fuisse, multa ac gravissima subiisse pericula, familiariter egisse cum Sancto Joanne Lycopolitano, cum Amone plurium Monasteriorum Præsidente, & Abbate, cum Sancto Apollonio quingentorum Solitariorum Abbate, cum Presbytero Eulogio; similiter adiisse celebriora Monasteria Thebaidis, & solitudinem Niolche ad oram Maris Mediterranei, ubi vidit duos illustres Eremicolas Piamonem, & Joannem; demum ex Ægypto regressum Hierusalem, ad preces Solitariorum Montis Olearum ad ipsos scripsisse non suo, sed Rufini calamo, omnia ea notabilia, quæ viderat, in qua narratione egregia miscentur documenta Christianæ perfectionis, quæ ipse magna cum laude in usum deducebat.

11 De his peregrinationibus sermo habetur in primis Lectionibus, quæ a nobis recitantur in Festo Sancti Petrouii, eaque fide-

fideliter describuntur in *Sancti Petronii Vita* a Tillemontio se-
 verissimo Critices Professore. Jam vero ab his peregrinationi-
 bus gradum facientes ad ipsius adventum in nostram Bononiæ
 Urbem ex iis, quæ leguntur in *Vita* ipsius a Galefinio descripta,
 & apud Sigonium de *Episcopis Bononiensibus*; imo in omnibus
 nostris Historicis habemus ea, quæ sequuntur. Cum Nestorius
 Constantinopolis Episcopus jam incepisset suam hæresim spargere,
 ad quam in ipso exordio suffocandam, Catholicam Fidem in sua
 puritate servandi amore impulsus Imperator Theodosius Petro-
 nium misit Oratorem ad Summum Pontificem Cœlestinum, ut
 cum illo, ipsius Imperatoris nomine in hac rerum perturbatio-
 ne de consilio capiendo ageret; sed cum eodem tempore Ro-
 mam pervenissent Oratores Bononienses illuc missi, ut a Ponti-
 fice peterent Episcopum Successorem Sancti Felicis, qui e Vivis
 decesserat; Pontifex, qui antea a Deo, superno quodam lumine
 in illum illapso, præmonitus fuerat, ut deficiente Felice, elige-
 ret Petronium, qui intra breve tempus Romam venturus erat a
 Theodosio missus, illum de facto elegit, & ea ratione nostræ Ur-
 bis Episcopatum obtinuit, ad eamque venit una cum Legatis Bo-
 noniensibus. Qua in re concordant etiam Lectiones, quæ reci-
 tantur a nobis in Festo ejusdem Sancti.

*Fine electio in
 Episcopum, &
 ejusdemque
 adventus Bo-
 noniam.*

12 Hæc narratio tamen Tillemontio *tom. 15. not. 3. in Vita*
S. Petronii improbabilis videtur ea de causa, quia juxta eorum
 temporum disciplinam, Episcopi electio ad Clerum, & Popu-
 lum pertinebat, quæ deinde examinabatur a Metropolitâ, ex
 quibus infert, cum ageretur de eligendo Successore Sancti Felicis,
 Legatos Bononienses mittendos fuisse non Romam, sed Mediola-
 num ad Archiepiscopum, cujus Metropoliticæ Jurisdictioni tunc
 temporis Bononia subiacebat.

*Tillemontii
 difficultates
 circa modum
 electionis reje-
 ctæ.*

13 Nos admittimus expositam doctrinam, quæ nititur Ca-
 noni quarto Concilii Nicæni celebrati *anno 325.* & est hujusmodi:
Episcopum convenit, maxime quidem ab omnibus, qui sunt in
Provincia, Episcopis ordinari. Si autem hoc difficile fuerit, aut
propter instantem necessitatem, aut propter itineris longitudinem,
tribus tamen omnimodis in id ipsum convenientibus, & absenti-
bus quoque pari modo decernentibus, & per scripta consentientibus
tunc Ordinatio celebretur. Firmitas autem eorum, quæ geruntur,
per unamquamque Provinciam Metropolitanam tribuatur Episcopo.
 Hic Canon variis notis illustratur a Cabassutio. & Lupus, qui
 pariter adjectis notis Canonem illustrat, ipsum intelligendum
 esse existimat non solum de Ordinatione, sed etiam de electione;
 & addit electionem diu habitam fuisse coram Episcopis Compro-
 vin-

vincialibus, eamque consuetudinem progressu temporis fuisse limitatam ad solam electionem Metropolitanam; Episcoporum vero Provincialium fieri consuevisse a Clero, & Populo coram uno dumtaxat Episcopo, qui appellabatur Episcopus Visitator, de quo habetur erudita *Dissertatio Historico-Canonica Romæ typis impressa*, & exarata ab Antistite Nicolao Episcopo Caputaquensi in Regno Neapolitano, in qua *Cap.4. pag.56.* ita describitur Officium Episcopi Visitatoris. *Præcipue tamen Episcopi Visitatoris facultas erat, ut tanquam Præses ordinaret, maturaret, & disponeret ea, quæ actionem, & electionem futuri Antistitis respiciebant, ac tandem ut in ipsius presentia factæ electionis Decretum conficeretur.*

14 Et ne quidquam hac in re dissimulemus, alia deducimus documenta in confirmationem Censuræ illatæ a Tillemontio. Addimus itaque Sanctum Paternianum, qui, ut supra vidimus, juxta probabiliorem opinionem fuit Successor Sancti Petronii, electum fuisse (id, quod verisimilius censet Sigonius) non aliter ac præscribit Epistola octogesima quarta Pontificis Sancti Leonis, quæ plane non induxit novum jus, sed vetus præscriptum a Concilio Nicæno confirmavit. In hac vero Epistola hæc habentur: *Cum de Summi Sacerdotis electione tractabitur, ille omnibus præponatur, quem Cleri, plebisque consensus concorditer popularit; ita ut si in aliam forte Personam partium se Vota dividerint, Metropolitanus judicio is alteri præferatur, qui majoribus & studiis juvetur, & meritis: tantum ut nullus invidiis, & non petentibus ordinetur, ne plebs in vota Episcopum non optatum aut contemnat, aut oderit, & fiat minus religiosa, quam convenit, cui non licuerit habere quem voluit.*

15 Sed neque animadversiones Tillemontii, neque ea, quæ addidimus in confirmationem, tanti ponderis sunt, ut nos cogant recedere a communi nostrorum Historicorum sententia. Non inficiamur, nos superius admisisse jus Metropoliticum olim a Romano Pontifice exercitum fuisse in tota Italia, & Insulis adjacentibus, & progressu temporis, tempore nimirum Sancti Ambrosii, jus Metropoliticum in Æmiliam concessum fuisse Archiepiscopo Mediolani, ad quem Archiepiscopatum electus fuit Sanctus Ambrosius *anno 374.* atque adeo ante electionem Sancti Petronii in Bononiæ Episcopum, quæ electio juxta calculum Tillemontii habita fuit *anno 427.* Admittimus insuper examen electionis factæ a Clero, & Populo pertinuisse ad Metropolitam. Sed quis est, qui ignoret, res quantumvis ab habente auctoritatem decretas, non statim sortiri suum effectum. Fuit quidem Bononia constitu-

ta sub jure Metropolitico Archiepiscopi Mediolanensis a tempore Sancti Ambrosii, sed nullo documento nobis constat, ipsum tale jus exercuisse. Neque id evincitur ex eo, quod ipse Bononiam venerit, ubi adfuit inventioni Corporum Sanctorum Vitalis, & Agricolæ, & exercuisse functiones aliquas Ecclesiasticas, ut infra videbimus. Nam etiam Florentiam perrexit, ubi Templum solemniter dicavit, ut diximus, cum de Sancta Juliana ageremus; & tamen in Florentiæ Episcopatum, quod in controversum est, nullum jus Metropoliticum habebat. Neque majoris ponderis sunt verba Sancti Ambrosii a nobis allata, ubi de Sancto Eusebio agebamus, quibus Sanctus Ambrosius narrat Virgines Bononienfes solitas fuisse Mediolanum pergere, ut ibi sacrum Velum reciperent; nam ibidem narrat etiam, e Mauritaniam Virgines ad eundem finem se contulisse Mediolanum, & certe Mauritania illius juri Metropolitico non subiacebat.

16 Quamobrem si Metropoliticum jus Mediolani Archiepiscopo concessum in Bononiam non tam cito exercitium suum habuit, inverisimile non est, non convenientibus Clero, & Populo in electione Episcopi post S. Felicis obitum, Bononienfes suos Legatos ad Summum Pontificem, juxta antiquam consuetudinem, quæ vigeat antequam Bononia Mediolanensi Metropolitæ subjeceretur, misisse rogatum, ut in hac rerum perturbatione ipse Bononiæ Episcopum eligeret. Simile exemplum habemus in jure Metropolitico Ravennæ, quod inductum, & constitutum fuit tempore Joannis Angeloptes, qui tamen nullum Suffraganeum Episcopum sacrare potuit, quod munus primus omnium exercuit Sanctus Petrus Chrysologus. Non igitur novum, inusitatumque est, legem jam latam non semper paratam, promptamque fortiri executionem, & aliquando ob temporum circumstantias, aliasque causas, non mediocri intervallo legem ab executione sejungi. Utque nihil ex supradictis omittamus, Sanctus Leo proculdubio inauguratus fuit Pontifex anno 440. & obiit anno 461. At ipsius Epistola potius confirmat quæ nuper dicebamus. In ipsa, quod ultro fatemur, non inducitur novum jus, sed antiquum inductum a Concilio Nicæno innovatur. Nemo autem est qui ignoret leges innovari, vel quia non fuerunt usu receptæ, vel quia aliis de causis illarum executio in desuetudinem abiit. Carolus a S. Paulo in sua *Geographia Sacra* inter septem Provincias, quæ quarto sæculo juri Metropolitæ Mediolanensi subjectæ fuerunt, recenset Æmiliam, & Flaminiam; atque adeo inter Civitates subiectas comprehendit Bononiam, quæ est Æmiliæ Urbs præcipua. At Præsul Marsilius, cujus alibi supra meminimus,

mus, posteris reliquit Epistolam a se conscriptam, cujus argumentum erat Subjectio, Bononiensis Ecclesiæ juri Metropolitico Archiepiscopi Mediolanensis. Hanc vero subjectionem coarctat ad temporis spatium interceptum *annum inter 451. & annum 482.* Nos diu frustra conquistam hanc Epistolam legere non potuimus. Esto tamen executio dicti juris Metropolitici dicatur suum habuisse exordium *anno 451.* id profecto electioni Sancti Petronii a Summo Pontifice factæ, nihil prorsus obstat, cum hæc tale tempus antecesserit.

Præclare gesta in Episcopatu.

17 Ad electionem subsequuntur ea, quæ Sanctus Petronius in Episcopatu præclare gessit. Invenit ipse in hac Urbe in statu deplorabili omnia, ita ut jure ac merito nostræ regiones appellatæ fuerint a Sancto Ambrosio *in citata Epistola ad Faustinum* reliquæ infelices, & cadavera Urbium, quas propemodum prostraverant, & oppræsserant clades a Maxentio illatæ, & civilia bella sub tyrannide. His calamitatibus tum publicis, tum privatis levamen non mediocriter attulit Sanctus Episcopus; nam divitiis, quas a regnantibus Imperatoribus obtinuerat, ingentique auri copia egenis Civibus opem tulit, eorumque privatas res prorsus jacentes erexit. Urbis moenia in ampliorem circuitum dilatavit, ædificia diruta instauravit, & novis ædificiis Urbem auxit, ornavitque: a fundamentis excitavit Templum Sanctæ Theclæ dicatum, duo alia Tempia Sanctis Virginibus & Martyribus Agathæ, & Lucæ; & alia duo Apostolo Sancto Bartholomæo, & Sancto Evangelistæ Marco, aliud deinde Sancto Pontifici Fabiano, & Sancto Sebastiano Militum Tribuno. Demum suæ erga Sanctos venerationi cumulum addidit erigendo Templum aliud in honorem Sancti Martini Episcopi Turonensis, qui eo sæculo, quo Sanctus Petronius mortalem vitam in terris degebat, ad coelestem in Cælum migraverat, & aliud in honorem Sancti Barbatiani, qui paulo ante sanctissime obierat. Ut vero Civitatem tutiorem ab infernalis hostis aggressionibus redderet, quatuor Cruces tanquam Vexilla ad Cælum extulit, a quibus Cives animos sumerent ad illum debellandum; & cum animadvertisset Ecclesiam Cathedralē non contineri intra murorum ambitum, cœpit novam Basilicam ædificare Sancto Stephano sacram, in qua locavit figuras venerabilium locorum, quæ ipse inviserat, cum Palæstinam peragraret, & in loco edito non multum remoto erexit Templum Sancto Apostolo, & Evangelistæ Joanni dicatum, in quo exhibebatur veluti species Montis Oliveti, & in planitie adjacentē adumbrata prospiciebatur Vallis Josaphat. Postremo postquam plurium annorum spatio Bononien-

scm

fem Ecclesiam gubernasset; post amotos ab Urbe errores, Populum conversum ad ferventem Dei, & Sanctorum cultum, solidamque pietatem; instructum Clerum, & ad exemplarem, sanctamque vitæ rationem manu ductum, tempore superius indicato terrenam hanc vitam cum cœlesti commutavit. Nec defuerunt etiam, ipso vivente, præclara miracula, quibus Deus illius sanctitatem, & pretiosa merita omnibus manifestavit.

18 Mirabitur fortasse aliquis, inter Sancti Petronii res gestas commemoratum a nobis non esse Privilegium, quod a Theodosio II. impetrasse dicitur, ut publicum Bononiæ Gymnasium constitueretur, de quo alibi locuti sumus. Ea de re duo quæri possunt, primum est illud: Utrum, etiamsi Privilegii autographum in incendio publici Tabularii anno 1313. combustum esse dicatur, sincerum tamen monumentum judicari debeat ipsius Privilegii exemplar in S. Petronii Basilica insculptum, & in ærea tabula Ludovici Bolognini opera anno 1507. in Templo Sancti Dominici descriptum, quod integrum exhibent Ludovicus Muratorius tom. 3. *Antiquitatum Italiæ mediæ ævi dissert.* 34. pag. 21. & Laurentius Schraderus inter *Italiæ monumenta impressa Amsteladami anno 1592. pag. 36.* Alterum est, utrum, etiamsi Privilegii monumentum sit apocryphum, veritas tamen facti constet; Sanctum Petronium a Theodosio II. Jus Gymnasii Bononiæ impetrasse: dividi enim ista possunt, quemadmodum in hac valde affini quæstione de donatione Constantini multi illius monumentum apocryphum credunt, licet facti veritatem probabilibus rationibus tueantur.

19 Bononienses monumenti sinceritatem communiter defendunt, Ghirardaccius, Vizanum, Gagiū, Orlandus in *notitia Scriptorum Bononiensium*; sed exteri nonnulli validis argumentis impugnant, ut Muratorius dicere non dubitaverit pag. 24. *Temporis esse prodigum, immo & erudito Lectori injurius, si vel unum verbum impenderem ad ostendendam Diplomatis falsitatem, quippe quæ apertissime in oculo omnium, nemine etiam indicante, incurrat.* Alexander Machiavellus Apologiam pro sinceritate Privilegii composuit, sed eam sibi minime satisfecisse Boehmerus indicat in *suo Corpore Juris Canonici, typis edito anno 1747. tom. 1. in Dissertatione de Varia Decreti Gratiani fortuna pagin. 9. litter. V.*

20 Et hæc de Privilegii sinceritate dicta sint. Quod autem attinet ad facti veritatem, facile quivis sibi persuadebit, eam omnes ad unum Bononienses Scriptores tueri; nullamque in eo difficultatem agnoscere, qua se premi fateantur; licet magnam exteri ex-

Tom. X.

P p p

perian:

*Privilegium
publici Gym-
nasii utrum S.
Petronio de-
beatur.*

periantur. Bulæus in *Historia Universitatis Parisiensis tom. 2. pag. 97.* narrat, Carolum Magnum ante adeptam Imperii potestatem anno 790. Parisiensem Universitatem condidisse, anno vero 801. postquam a Leone Pontifice Imperator renunciatus est, duas in Italia instituisse, Bononiæ alteram, alteram Ticini. Papirius Mafsonus in *Annalibus Francorum in vita Ludovici Pij* has Carolum magnum Universitates condidisse putat, Parisiensem, Ticinensem, & Patavinam, quam Bononiensi substituit. Sed Antonius Riccobonus in *suis Commentariis de Gymnasio Patavino*, ejus illustrandi cupiditate, ut solet, minime se abripi sinens, affirmare veritus est a Carolo Magno illud esse institutum, & ad Fridericum IV. ejus originem refert, qui cum Sedi Apostolicæ addictis Civitatibus esset infensus, Bononiense Gymnasium Patavium transiit. Riccobaldus Ferrariensis, qui sub finem sæculi XIII. floruit, in *sua Historia Imperiali edita inter Scriptores rerum Italicarum tom. 9. col. 371.* narrat Fridericum I. cui Ænobarbo nomen, Bononia, totaque Æmia brevi subacta, pacis artibus se dedisse, eamque curam suscepisse, ut novis Legibus conditis, veteribusque correctis, ad justæ reipublicæ normam subactas civitates adduceret; tum addit: Bononiense Gymnasium paulo ante ab Henrico in ea Urbe conditum mire profecisse, & in eo tum temporis quatuor gravissimos Doctores professos fuisse, Martinum, Hugonem, Jacobum, & Bulgarum, qui omnes erant ex eadem disciplina veteris cujusdam Doctoris, qui Warnerius dictus est, tantæque erat eorum scientia, ut nulla inter eos videretur esse diversitas. *Lo Studio Bolognese, poco avanti in questa Città per Enrico instituito, meraviglioso profito fatto aveva, e quattro gravissimi Dottori allora in se ritrovava, Martino, Ugo, Jacopo, e Bulgaro. Furono questi tutti insieme discepoli d'un antico Dottore Warnerio nominato; ed era tanta la scienza loro, che alcuna disparità tra essi non si comprendeva.* Riccobaldus hoc loco auctorem facit Bononiensis Universitatis Henricum V. qui obiit anno 1125. Alii tamen auctorem illius faciunt Lotharium II. Saxonie Ducem, qui ei proxime successit in Imperio, quique Leodii coronam accepit anno 1131. Videatur Pancirolus de *Claris Legum Interpretibus lib. 4. cap. 13.* ubi de Gymnasio Bononiensi loquens: *Pleaque, inquit, Lotharius Cesar eidem Privilegia dedisse fertur, quod verius esse potest, quam quod de Theodosio Juniore scribitur.* Hanc sequitur sententiam Gravina de *Origine Juris tom. 1. cap. 143.* Muratorius *part. 2. tom. 1. Script. Rer. Italic. in Præfatione ad Leges Longobardorum pag. 5. tom. 6.* in Præfatione ad Librum Boncompagni de *Obsidione Anconæ pag. 923.* in citata dissertatione

44. tom. 3. *Antiquitatum Italiae medii ævi* pag. 900. & in *Italiae Annalibus* tom. 6. pag. 383.

21 Novimus plures Bononiæ esse, qui nullum præterierunt laborem, aut prætereunt, ut veram Gymnasii Bononiensis originem assequantur. Orlandus in *suis Notitiis Historiæ Bononiensis Scriptorum* monet Laurentium Mariam Riarium præ manibus habuisse Opus inscriptum: *Archigymnasii Bononiensis Origine, Vindiciæ, & Historia ab ejusdem principio usque ad nostra tempora*; nec dubitamus quin hoc Opus habere, eoque uti curaverit, qui nunc in eodem argumento se exercet. Multi anni sunt cum ea de re novas hæc notitias expectamus: interim Sigonio assentimur, qui in *sua Bononiensi Historia* ita scripsit lib. 1. an. 430. *Ad hæc tot ac tanta Petronii erga se beneficentia, illud in primis etiam se ei debere Civitas proficitur, quemadmodum veteribus ipsa in monumentis notatum, ac posteriorum Imperatorum auctoritate confirmatum habet, quod jus publicæ Scholæ, quæ postea Bononia præter ceteras Italiae Civitates præcipue floruit, idem a Theodosio impetravit, honesta jam inde a primis Imperatoribus studiorum fovendorum consuetudine instituta.*

22 Illius Corpus honorifice tumulatum fuit in Templo S. Stephani, quod ipse erexerat, sed hujus tumuli memoria progressu temporis penitus oblitterata, sacrum depositum diu latuit, nempe usque ad annum 1141. quo anno Ecclesiam universam gubernante Innocentio II. & Episcopalem Bononiæ Sedem Henrico, fuit Dei speciali providentia, & pene dixerim miraculose, repertum. Post illius inventionem non pauca Deus patravit miracula, quorum veluti initium fuit illud, quod accidit anno 1307. Bononiensem Ecclesiam gubernante Huberto Placentino. Cum itaque iuopinatis, & veneficis morbis Urbs nostra laboraret, forte accidit, ut puteus aperiretur excavatus sub Aram, sub qua Corpus Sancti Petronii jacebat; cum autem ex illius aqua bibisset ægrotus quidam, invocato Sancti Episcopi nomine, nulla interposita mora, prodigiose convaluit. Tunc enim vero ex propinquis Pagis, & Terris illuc confluere cœperunt magno in numero cæci, surdi, mutili, & membris capti, ita ut in publico Archivio adhuc asserventur Acta, in quibus narratur, qua providentia usi sint Magistratus, & quomodo ipsorum jussu erecta sint tentoria in Platea Basilicæ proxima; in quibus ægroti hospitio exciperentur, ex quibus quinquaginta supra centum convaluerunt ad invocationem Sancti Petronii. Hæc miraculorum series, cui accessit celebris victoria reportata ad ejusdem Sancti invocationem contra Aggressorem Vicecomitem, qui sibi

Fuit Sepulchrum, Templum, & Miracula.

Bononiæ Dominium usurpare conabatur, in causa fuit, ut novum, amplumque Templum in ipsius honorem extrueretur in platea majori anno 1390. Et cum in suspicionem venisset, Pontificem Joannem XXII. tempore, quo erat Sanctæ Ecclesiæ Cardinalis, & Bononiæ Legatus Pontificius, usurpasse cæmenta, quæ parata fuerant ad perficiendam Templi constructionem jam inchoatam, eaque de causa opus fuisse interruptum, etiam hoc titulo fuit in judicium arcessitus in Concilio Constantiensi, ubi ut finem Schismati imponeret se Pontificatu abdicavit una cum Gregorio XII. Consuli possunt omnes Bononienses Historiographi, qui confirmant quicquid superius diximus, quos inter Sigonius, & Comes Valerius Zani in *Vita Sancti Petronii*, quam conscripsit, in lucem proferens monumenta e reconditionibus Archivis, & Tabulis nostræ Ecclesiæ desumpta.

23 Sacrum Petronii Caput ad majorem ejus cultum, & ut piorum desiderio satisfaceret, a reliquo Corpore separatum, ac divulsam conditum est in urna minuto artificio Gothorum more elaborata, atque his verbis inscripta: *Currente 1380. hoc insignis opus factum fuit tempore libertatis regiminis popularis & artium Communis Bononiensis ad ornamentum Sacri Capitis hujus Sanctissimi Protectoris: Et Jacobus dictus Rosetus fecit.* Clemens VIII. ne in potestate Abbatum esset illud pro arbitrio transferre, vetuit ne e Sancti Stephani Templo efferretur, excepto ipsius Sancti festo die, aut alicujus supplicationis gravissimam ob causam indictæ, poenamque adjecit excommunicationem majorem ipso facto incurrendam ab eo, qui secus facere ausus esset. Igitur in primis Sancti Petronii Vesperis post publicum instrumentum perlectum, sacrum Caput Syndico Fabricæ Sancti Petronii tradebatur, ut in ejus Basilica publice colendum exponeretur; post secundas autem Vesperas ad Divi Stephani Templum referebatur, Monachisque restituebatur, atque utraque Translatio maxima Processionis solemnitate peragebatur. Commune erat totius Civitatis votum: ut quandoquidem tam magnificæ Aedes in Sancti Petronii honorem excitatæ essent, in iis ejus Caput cum debito honore decenter asservaretur, idemque, quod Civium nostrorum, nostrum erat, cum in minoribus essemus, desiderium.

Fini Sacri Capituli Translatio superius facta.

24 Postquam igitur in Summo Pontificatus apice constitutissimus, a Coelestinorum Congregatione unanimi omnium consensu, ipsoque etiam Cardinali Abbate Commendatario Sancti Stephani consentiente, sacri Capituli munus impetravimus, atque in Sancti Petronii Aedibus collocari jussimus, ut ibidem perpetuo

petuo asservetur, certas regulas præscribentes, quæ in Processionibus servandæ erunt, ac demum proprium hujus ipsius Translationis Officium concessimus, non alibi tamen, quam in ipsa Urbe recitandum; atque ut horum omnium plenius ratio conflet, opportunum putavimus in Appendicem conferre monumenta, quæ huc pertinent, una cum Lectionibus propriis, ut supra diximus, concessis.

C A P U T X X I.

De Commemoratione Omnium Sanctorum.

Die 1. Novembris.

1 **C**elebratur die prima Novembris Festiva Omnium Sanctorum Commemoratio, quæ celebritas non ad Ecclesiam particularem Bononiensem, sed ad universam pertinet. Cum tamen ipsa comprehendat etiam Sanctos nostræ Bononiensis Ecclesiæ, non proorsus a nostro instituto alienum putamus hic capta opportunitate pauca de hac Solemnitate obiter, & veluti a via suscepta paulum digredientes conscribere.

Commemoratio Omnium Sanctorum universalis Ecclesiæ Solemnitas est.

2 Imperator Honorius leg. 4. *Codici Theodosiani, tit. de Pagani* prohibuerat Christianis eversionem Templorum, in quibus Idola colebantur. *Sicut Sacrificia prohibemus, ita volumus publicorum Operum ornamenta servari.* Cum ergo adhuc extaret celebre Pantheon extructum a Marco Agrippa, sub Imperio Augusti, Pontifex Bonifacius IV. ipsum solemniter dicavit Sanctissimæ Virgini Deiparæ, & omnibus Sanctis Martyribus, & Confessoribus, & illius jussu illuc translata fuerunt octo supra viginti conferta plaustra Ossium Sanctorum Martyrum, quæ divisa erant, & jacebant in variis Romæ Cœmeteriis.

3 Hoc fuit exordium Solemnitatis Omnium Sanctorum, quæ celebrabatur Romæ die 13. Maji, cum illa ipsa die dedicatum fuisset Templum Sanctæ Mariæ ad Martyres, ut notat Cardinalis Baronius in *notis ad Martyrologium Romanum hac die*, cui consentit Thomassinus *de dierum fest. celebrat. lib. 2. cap. 21. num. 3. & 4.* Unde Sigebertus *ad annum 835.* loquens de hac Solemnitate, sic scripsit: *Quam Romani ex instituto Bonifacii Papæ celebrant.*

Hæc Institutio Romæ.

4 Hæc ipsa Solemnitas Omnium Sanctorum Ecclesiæ Romanæ propria fuit, deinde ad Ecclesiam universam propagata, ut aliqui opinantur, a Gregorio III. seu ut alii, a Gregorio IV. Prima opinio est Edmundi Martene *de antiqua Ecclesiæ disciplina* cap. 34.

Propagatio ad universam Ecclesiam. Et institutio a mense Martii ad diem 13. Novembris.

670 DE FESTIS ALIQ. SS. BONONIÆ CELEBR. LIB. III.
cap. 34. num. 26. Menardi in *notis ad Sacramentarium S. Gregorii*
pag. 184. Pagii Junioris in *vita Gregorii IV. num. 9.* Secunda opi-
 nio est Cardinalis Baronii in *notis ad Martyrologium Romanum*
prima die Novembris, Florentinii in notis ad suum Martyro-
logium eodem die, Sollerii in notis ad Martyrologium Ufu-
ardi.

5 Typis edidit Sollerius vir apprime eruditus in *Aetis San-*
ctorum mensis Junii Martyrologium Ufuardi, in quo ita legitur :
Festivitas Beatae Dei Genitricis, & omnium Martyrum, quam
Bonifacius Papa celebrem, & generalem instituit agi omnibus
annis in Urbe Roma. Sed & Gregorius Pontifex postmodum de-
crevit, eandem in honorem omnium Sanctorum solemniter obser-
vare perpetuo ab omni Ecclesia. Joannes Molanus, qui fuit in eo-
 rum numero, qui in lucem ediderunt Martyrologium Ufuardi,
 ad illa verba *Gregorius Pontifex* addit: *Quartus.* Sed cum Ufu-
 ardu dicaverit suum Martyrologium Carolo Magno, qui obiit
anno 813. & Gregorius IV. ad Sancti Petri Sedem promotus fue-
 rit *anno 827.* nemo est, qui non videat, Ufuardum non potuisse
 loqui de Gregorio quarto, sed de Gregorio tertio, qui in Ca-
 thedra Divi Petri sedit *anno 731.* ut bene notat Fronto in
notis ad Calendarium Romanum; & hac de causa cum post
 editionem Sollerii rursus fuerit typis impressum Martyro-
 logium Ufuardi a quodam Monacho Benedictino, & colla-
 tum cum antiquo Codice, qui Lutetiae Parisiorum asservatur,
 in ipso ita legitur: *Tertius vero Gregorius Pontifex postmodum*
decrevit &c.

6 Concludendum itaque, Festum Omnium Sanctorum fuisse
 institutum a Bonifacio Quarto, ad universalem Ecclesiam propa-
 gatum a Gregorio Tertio, translatum vero a die 13. Maji ad
primam diem Novembris a Gregorio Quarto. Causam dedit huic
 translationi Christi fidelium concursus ad hanc Solemnitatem, qui
 tunc erat valde numerosus, nam cum Annonæ magna ubertas
 esset mense Novembris, maxima penuria mense Maji, Pontifex
 opportunum censuit hanc Advenarum frequentiam haberi Ro-
 mæ potius mense Novembris, quam mense Maji. Ita opinatur
 Joannes Beletius sæculi duodecimi Scriptor *de Explicatione Divi-*
norum Officiorum cap. 127. Huic opinioni adhæret Oldoinus in
addit. ad Ciacconium in vita Gregorii IV. Ab eodem Gre-
 gorio IV. persuasum fuit, ut aliqui censent, Ludovico Pio Im-
 peratori, ut celebrari curaret in toto Imperio Festum Omnium
 Sanctorum, quod prius celebrabatur in aliquibus tantummodo
 Ecclesiis Galliarum, ut post Adonem in *Martyrologio* scribunt Fron-

to,

CAP. XXI. DE COMMÉM. OMNIUM SANCTOR. 671

to, Menardus, Martene, Pagius, Thomassinus in locis supra citatis, quibus Sauslayus addi potest in suo *Martyrologio Gallicano ad diem primam Novembris*.

7 Non deest tamen, qui censeat, Festum Omnium Sanctorum præcessisse tempus Bonifacii Quarti, cum in Calendario antiquiori legatur: *In Octava Domini ad Sanctam Mariam ad Martyres*; & in Sacramentario Sancti Gregorii *die 14. Maji: Dedicatio Ecclesie Sanctæ Mariæ ad Martyres*; sed recens eruditissimus Scriptor P. Meratus in suo Opere, seu Commentario in Gavantum *tom. 2. part. 1. sect. 7. cap. 13.* asserit, & efficaciter probat, non esse deferendam communem opinionem, juxta quam Bonifacius Quartus hujus Festi habetur Institutor, & ea documenta, quæ nuper in contrarium attulimus, esse commentitias additiones sequiorum temporum.

8 Post primam hujus nostri Operis editionem Dominicus Georgius intimus noster Cappellanus paucis abhinc diebus magno cum animi nostri dolore vita functus, Adonis Martyrologium typis edidit, & ad primam Novembris diem de hoc argumento erudite disserit, nec ea qua a nobis dicta sunt commemorare prætermittit.

CAPUT XXII.

De Commemoratione Omnium Fidelium Defunctorum.

Die 2. Novembris.

1 **S** *Secunda die Novembris* habetur Commemoratio Omnium Fidelium Defunctorum, & propter easdem rationes, propter quas immediate supra scripsimus aliqua de Solemnitate Omnium Sanctorum, aliqua etiam breviter innuemus de Commemoratione Omnium Fidelium Defunctorum.

2 Galestinus in *notis ad Martyrologium* asserit, hanc Commemorationem suam habuisse exordium a tempore Apostolorum. Sed est mera æquivocatio, nam certum est, a traditione Apostolica derivari Ecclesiæ consuetudinem orandi pro Defunctis, cujus rei in sacris paginis utriusque Testamenti clarissima habemus documenta; sed nihil neque certum, neque conjecturale habemus, quo suadeatur ab Apostolis fuisse institutum, ut certa ac determinata die ab Ecclesia fieret Omnium Fidelium Defunctorum Commemoratio. Alii institutionem hujus Commemorationis post Omnium Sanctorum Festum referunt ad Bonifacium IV. Ita scripsit Petrus Esquilinus *lib. 10. cap. 1.* cui subscribit Theophilus Raynaudus *tom.*

Commemoratio Fidelium Defunctorum quando, & a quo instituta sit, & qualiter in omnem Ecclesiam propagata.

25. suo-

15. *suorum Operum* pag. 342. Sed neque hoc subsistit, ut patet ex iis, quæ jam subnectimus.

3 S. Odilo Abbas obiit anno 1048. ut bene notat Longueval in *sua Historia Ecclesiæ Gallicanæ* tom. 7. pag. 303. Illius Vita conscripta fuit a Beato Petro Damiani, & inserta ejusdem Operibus, fuit etiam transcripta a Bollando tom. 1. mensis Januarii, & in ipsa sic habetur: *Venerabilis Pater Odilo per omnia Monasteria sua constituit generale Decretum, ut sicut primo die mensis Novembris juxta universalis Ecclesiæ regulam Omnium Sanctorum Solemnitas agitur, ita sequenti die in psalmis, & eleemosynis, & præcipue Missarum Solemnis Omnium in Christo Quiescentium memoria celebretur. Quare inter antiquiores consuetudines Monasterii Cluniacensis cap. 42. tom. 1. Spicilegii Lucæ Acheri sic scriptum reperitur: Hoc enim decretum est a Patre Odilone, ut sicut in priore die Commemoratio fieri solet Omnium Sanctorum, sic in sequenti Commemoratio Omnium Fidelium Defunctorum.*

4 Insistendo his documentis, videtur dici posse tribuendam esse Sancto Abbati Odiloni institutionem Commemorationis Omnium Fidelium Defunctorum 2. die Novembris post Festum Omnium Sanctorum. Sed cum Amalarius Fortunatus, qui ducentos annos ante S. Odilonem vixit, sic scriptum reliquerit in suo Libro de *Ordinatione Antiphonarii* cap. 65. post *Officium Sanctorum* inserui *Officium pro Mortuis*; multi enim transierunt de præsentis sæculo, qui non illico Sanctis conjunguntur, pro quibus solito more *Officium* agitur, concludendum videtur, Sanctum Abbatem Odilonem ab Amalario exemplar accepisse generalis hujus Commemorationis Omnium Fidelium Defunctorum 2. die Novembris post Festum Omnium Sanctorum, eamque præscripsisse omnibus suis Monasteriis; & inde factum esse, ut Romani Pontifices eam ad Ecclesiam universam propagaverint. Legi possunt Cardinalis Baronius in *notis ad Martyrologium Romanum* die 2. Novembris, & Thomassinus de *dierum Festorum celebratione* cap. 2. num. 8. & Baillet in *Vita Sancti Odilonis*. Sausseyus in suo *Martyrologio Gallicano* ad diem secundam Novembris, ait: *Commemoratio Omnium Fidelium Defunctorum, quam Sanctus Odilo Cluniacensis Abbas, primus omnium in suis Monasteriis hodie fieri præcepit; hanc vero ubique observari, ipso suggerente, Joannes Papa XIX. perenni ritu mandavit. Mabillonius in Actis Sanctorum Ordinis Sancti Benedicti sæculo VI. part. 2. pag. 584. & sequentibus, juxta Venetam postremam editionem ex Martyrologiis, & Necrologiis ostendit, etiam ante S. Odilonem in Congrega-*

gregatione Cluniacensi celebratam esse Commemorationem Fidelium Defunctorum vel ea die, quæ Festum Sanctissimæ Trinitatis, vel ea, quæ Pentecostes Festos dies subsequebatur; sed eorum tantum, qui vel ad ipsam Congregationem aliquo modo pertinebant, vel de ea bene meriti erant. Ad hæc ipsius S. Odilonis Decretum affert ex veteri manuscripto Cluniacensis Monasterii erutum: *Ut sicut in Ecclesiis quæ per Orbem Terrarum longe lateque constructæ sunt, in die Calendarum Novembris agitur Festivitas Omnium Sanctorum, ita apud nos agatur festivo honore Commemoratio Omnium Fidelium Defunctorum qui ab initio Mundi fuerunt usque in finem* In eodem Decreto præcipitur ut pro anima Henrici Imperatoris peculiaries fiant preces, ex quo idem Mabillonius argumentatur, hanc piam consuetudinem non sub Joanne XVIII. qui ante Henricum decesserat, communem esse cœpisse, ut nonnulli putant, sed sub Joanne XIX. ut supra dictum est. De S. Odilonis facto meminit P. Mangeartius Monachus Benedictinus Congregationis S. Victoris in suo *Traictatu Theologico Dogmatico Et Historico de Purgatorio.*

CAPUT XXIII.

De Sanctis Vitale, & Agricola. Die 4. Novembris.

Celebratur die 4. Novembris Festum nostrorum Sanctorum Martyrum Vitalis, & Agricolæ. In Ecclesia universa celebratur hac die Festum Sancti Caroli Borromæi; & in Horis Canonicis solum habetur nona Lectio dictorum Sanctorum Martyrum: at in Ecclesia Bononiensi, & tota Dicecesi hæc die 4. Novembris celebratur sub ritu duplici Officium Sanctorum Martyrum, & quarta Lectio est illa eadem, quæ nono loco recitatur ab Ecclesia universa, aliæ vero duæ, quinta nempe & sexta desumuntur ex Communi Martyrum; postera autem die celebratur Festum Sancti Caroli Borromæi. Bononienses sunt hi duo Sancti, & Eques Achilles Bocchius in sua *Historia manuscripta Bononiensis Civitatis*, latine eleganter conscripta, & Julio Cardinali de Medicis Bononiæ tum temporis Legato dicata, Vitalis servi Familiam negligens, Agricolæ Domini genus inquit, ex Gente Papezonorum deducens: *Erat tunc, inquit, Bononiæ Civis quidam minime ignobilis ex genere, ut fama est, Papezonorum, cujus nominis ad hanc usque diem familia superest. Is Agricola vocabatur.* Hoc nos non audemus asserere, ac Lectori nostro optionem relinquimus, ut ea de re quod libuerit credat.

Hi duo Sancti Bononienses fuerunt; Dominus & Famulus.

Tom. X.

Qqqq

2 In

2 In Martyrologio Romano ampla fit Commemoratio horum Sanctorum Martyrum die 4. Novembris sic: *Bononiæ Sanctorum Martyrum Vitalis, & Agricola, quorum prior posterioris servus antea fuit, postea consors, & collega Martyrii, in quem Persecutores omnium tormentorum genera exercuerunt, ita ut non esset in corpore ejus sine vulnere locus; quæ constanter perferens in oratione spiritum Deo reddidit. Agricolam vero plurimis clavibus Cruci affigentes interemerunt. Eorum Translationi Sanctus Ambrosius cum interesset, Martyris clavos, sanguinem triumphalem, & Crucis lignum se collegisse refert, ac sub Sacris Altaribus condidisse.* Eorumdem Sanctorum Martyrum die 27. Novembris fit commemoratio in Martyrologio Usuardi, & in Martyrologio, quod in lucem edidit Florentinius: *In Italia Civitate Bononiæ* Consentiant cum his Martyrologiis cetera alia, quæ allegat Florentinius; qui insuper reprehendit tanquam inexcusabilem errorem Scriptoris Gallici, qui in Martyrologio Corbejensi nostræ Bononiæ substituit Bononiam Gallicam his verbis: *Bononiæ in Gallia Belgica*, id quod adnotatum etiam fuit a Solerio in notis ad Martyrologium Usuardi die 27. Novembris: & doctè admodum a supra laudato Georgio in notis ad Martyrologium Adonis ad diem 27. Novembris, ubi & alia congerit Martyrologia, in quibus legitur: *In Italia Civitate Bononiæ.*

Quemodo de illis mentionem faciat S. Ambrosius.

3 Præter S. Paulinum, qui in *Poemate* 24. superius citato sermonem habet de SS. Martyribus Vitale, & Agricola; ac præter Sanctum Victricium, qui de Sancto Agricola, ut supra vidimus, loquitur; Sanctus Ambrosius de martyrio Sanctorum Vitalis, & Agricola meminit, deque eorum corporum inventione duobus in locis loquitur, nempe in *Epistola* 55. lib. 7. & in *Tractatu de exhortatione Virginitatis*. PP. Maurini in dubium revocant, an sit genuina dicta Epistola, & dubitandi ipsis ratio est stylus frigidulus, & qui non redolet alacritatem, vigoremque Sancti Doctoris in scribendo: quamobrem nos unice eruemus opportunas notitias ex libro ejusdem de *Exhortatione Virginitatis*, qui extra omnem controversiam genuinus est.

4 Mirum est ergo quam feliciter, divina afflante Gratia, suam industriam impenderit Sanctus Ambrosius in perquirendis Sanctorum Martyrum Corporibus: nam ipse invenit Corpora Sanctorum Martyrum Nazarii, & Celsi, quæ tumulata erant in horto extra Urbem Mediolani, eorum tamen fama aliqua per Urbem vagabatur. Detexit Reliquias Sanctorum Gervasii, & Protasii, quorum nomina erant penitus ignota, quamvis tumulati fuissent non procul a Sepulchris Sanctorum Naboris & Felis,

cis, & hæc Sepulcra magna cum veneratione inviserentur a Mediolanensibus, ut Sanctus Paulinus, qui Divo Ambrosio erat a Secretis, testatur in illius *Vita num. 6.* In Reliquiarum Sanctorum Gervasii, & Protasii translatione, plura eaque insignia Deus patravit miracula, ut videri potest apud nuper citatum Sanctum Paulinum, & apud alium Sanctum Paulinum Nolæ Episcopum: rursus apud Sanctum Augustinum, Sanctum Gregorium Turoensem, & Sanctum Gaudentium Brixie Episcopum.

5 Ut alibi diximus, cum ageremus de Sancta Juliana, nolens Sanctus Ambrosius convenire cum Imperatore Eugenio, qui Valentiniano successit, Bononiam venit anno Christi circiter 392. quo tempore translata fuere Corpora Sanctorum Vitalis, & Agricolæ: *Ego ad Bononiense invitatus convivium, ubi S. Martyris celebrata Translatio est, apophoreta vobis plena sanctitatis & gratiæ referavi:* sunt verba ejusdem Sancti in citato lib. de exhortatione Virginitatis, qui liber idem est ac sermo, quem recitavit Florentiæ, quando solemniter dicavit Basilicam erectam a Sancta Juliana, in qua collocavit Reliquias SS. Vitalis, & Agricolæ, quas secum detulerat e Civitate Bononiæ. Apophoreta autem sunt dona quædam distribui solita in conviviis. Triumphis, aliisque celebratibus Principum juxta Du-Cange in suo *Glossario*.

6 Ut habetur a Sancto Ambrosio, Vitalis erat servus Agricolæ; hic præcessit suum Dominum, & primus fuit inusitatis, & crudelissimis tormentis laniatus, ut Christum abnegaret: *Martyri nomen Agricola est, cui Vitalis servus fuit ante, nunc Confors, & Collega Martyrii. Præcessit servus, ut provideret locum. Secutus est Dominus securus, quod fide servili jam inveniret paratum &c.* Cumque Sanctus Vitalis cogeretur a persequentibus, ut Christum negaret, & ille amplius profiteretur Dominum Jesum Christum, & omnia tormentorum genera in eum exercentes, ut non esset in corpore ejus sine vulnere locus, orationem sudis ad Dominum dicens: Domine Jesu Christe Salvator meus jube suscipi spiritum meum, quia jam desidero, ut accipiam Coronam, quam Angelus tuus Sanctus mihi ostendit; & completa Oratione emisit spiritum.

7 Agricola ejus Dominus erat omnibus acceptus; quamobrem conati sunt crudelissimis cruciatibus, & morte servi ipsum inducere ad abjurandam Christi Fidem, sed irritus fuit labor: nam ipse constantissime perseveravit, & Coronam martyrii recepit: Sanctus Agricola mitior habebatur moribus, ut ab ipsi etiam inimicis diligeretur; ideoque differebant ejus passionem. Sed hæc Persecutorum honorificentia omni erat immanitate acer-

bior, quæ inuidebat Martyrium. Denique ubi non acquieuit Sanctus Agricola, crucifixus est, ut advertamus illas blanditias eorum non sedulitatis fuisse, sed fraudis. Supplicio Servi Dominum terrere voluerunt. Veritè hoc Christus in gratiam, ut Martyrio Servi Dominus inuitaretur.

*Fracta eorum
Martyrii, &
Corporum eo-
rumdem In-
ventionis.*

8 In dicto Libro de *Exhortatione Virginitatis* Sanctus Ambrosius non assignat tempus, quo accidit martyrium Sanctorum Vitalis, & Agricolæ: assignatur tamen ea in Epistola, quæ Sancto Ambrosio tribuitur, ubi asseritur, eos martyrii palmam fuisse adeptos tempore persecutionis Diocletiani, & Maximiani, adeoque anno circiter 304. Tillemontius tom. 5. not. 1. in *Vitam Sanctorum Vitalis, & Agricolæ* concordat cum aliis eruditissimis Scriptoribus in rejicienda tanquam apocrypha Epistola illa Sancti Ambrosii, sed immediate post subdit, certum esse, martyrium dictorum Sanctorum Martyrum evenisse tempore in ipsa indicato. Tyrannus a quo passi sunt creditur fuisse senex quidam nomine Maximianus. Nam Lactantius scribit in libro de *Morte Persecutorum* num. 15. sæviente in Oriente persecutione Diocletiani, & Valerii Maximiani, eos de hac re certiores reddidisse alium Maximianum, & Constantium, quos cohortati sunt ad idem peragendum in Occidente: huic cohortationi senex Maximianus volens, lubensque paruit in Italia: *Litteras ad alterum Maximianum, & Constantium committisse, ut idem facerent, eisque senem Maximianum libentem per Italiam paruisse.*

Corpora horum Sanctorum tumultata fuerunt eodem in loco, in quo sepeliebantur Hebræorum Corpora: sic enim prosequitur S. Ambrosius: *Sepulchra autem erant in Judæorum solo inter ipsorum sepulchra. Ambierunt Judæi cum scrupulis sepulture habere consortium, quorum Dominum negaverunt.* Permanserunt hoc in loco ab anno 304. usque ad annum 392. quo anno placuit Deo locum, ubi occultabantur, manifestare, ut colligitur ex Sancto Paulino cap. 14. *Vita S. Ambrosii*, in quo capite agens de itinere, quo Sanctus Ambrosius Bononia discedens, perrexit Florentiam, de Reliquiarum Sanctorum Martyrum asportatione, earundemque collocatione in Basilica a Sancta Juliana erecta, hæc habet: *Inuitatus a Florentinis ad Tusciam usque descendit &c. In eadem Civitate Basilicam constituit, in qua deposuit Reliquias Martyrum Vitalis, & Agricolæ, quorum Corpora in Bononiensi Civitate levaverant. Posita enim erant Corpora Martyrum inter Corpora Judæorum, nec erat cognitum Populo Christiano, nisi se Sancti Martyres Sacerdoti ipsi revelarent. Quæ cum deponerentur sub Alinari, quod in eadem Basilica*
con-

confilium est, magna illic totius Plebis sanctæ letitia, atque exultatio fuit. Baronius, & Ruinartius de tempore, quo sacra Corpora inventa sunt, loquentes *in annum* 392. consentiunt. Sed Ermantius, & Monachi Benedictini *in Vita S. Ambrosii*, quæ in nova Parisiensis editione in fronte ejus Operum sita est, inventionem *in annum* 393. conjiciunt, ut videre est apud Georgium loco supra citato.

9 Videtur valde verisimile, Sanctum Paulinum nomine illius Sacerdotis, cui revelatum est, ubinam conderentur Sanctorum Martyrum Corpora, intellexisse Sanctum Ambrosium. Sed cum Sanctus Ambrosius, ut supra vidimus, dicat: *Ego ad Bononiense invitatus Convivium, ubi Sancti Martyrii celebrata Translatio est*: non levis est occasio dubitandi, an Sacerdos, cui facta est revelatio, fuerit Sanctus Ambrosius, vel Sanctus Eusebius Bononiæ Episcopus, qui Sanctum Ambrosium acciverit, ut sacrarum Reliquiarum Translationi præesset. Tillemontio *in nota tertia in Vitam Sanctorum Martyrum* a vero prorsus alienum videtur, Sanctum Paulinum nomine illius Sacerdotis, cui Deus Corpora Sanctorum Martyrum revelavit, intellexisse Episcopum Bononiæ, non vero Sanctum Ambrosium; deinde concludit Sanctum Ambrosium voluisse innuere, se fuisse invitatum ad celebritatem Translationis, eique interfuisse, sed silentio, quod Sanctorum est, occultasse supernum Divinæ revelationis munus a Deo acceptum.

10 Sed quidquid sit de hoc dubio, certum ~~est~~ est, Sanctum Ambrosium perquisivisse inter Hebræorum Sepulcra Corpora Sanctorum Martyrum: *Illic igitur Martyrum exuvias requirebamus tamquam inter spinas rosam legentes*; rursus quando illa jam inventa translata fuerunt, Translationi una cum ingenti Judæorum multitudine Populum Christianum interfuisse ingenti gaudio exultantem: *Circumsundebamur a Judæis, cum sacre Reliquiæ veberentur, aderat Populus Ecclesiæ cum plausu, & letitia*; eundemque per se ipsum collegisse Martyrii instrumenta: *Nos legimus Martyrum Clavos, & multos quidem, ut plura fuerint vulnera, quam membra &c. Collegimus Sanguinem triumphalem, & Crucis signum*; demum ipsum secum transtulisse Florentiam aliquas Reliquias, easque deposuisse, ut sæpe diximus, in Basilica, quam ipse solemniter dicavit: *Munera itaque salutis accipite, quæ nunc sub sacris Altaribus reconduntur.*

11 Alibi, nempe ubi locuti fuimus de S. Tertulliano, mentionem fecimus Reliquiarum dictorum Sanctorum Martyrum, quæ missæ fuerunt ad Urbem Claromontanam ad petitionem Sancti Na-

Namatii ejusdem Urbis Episcopi: alibi etiam locuti fuimus de Reliquiis missis ad Sanctum Paulinum Nolæ Episcopum: de alia etiam Translatione Reliquiarum in Civitatem Rhemensem certo constat. Jovinus Romanus Consul una cum Lupicino anno 367. ædificavit in Civitate Rhemensi Basilicam, quæ olim appellabatur Basilica Joviniana, nunc vero Nicasiana, appellatione ex eo derivata, quod ibi fuerit postea tumulatum Corpus Sancti Nicasii Episcopi, qui simul cum Eutropia sua sorore, aliisque pluribus ex Clero, & Populo Rhemensi Martyrium constanter subiit. Ad hanc Basilicam post annum ab inventione Corporum Sanctorum Vitalis, & Agricolæ, nempe anno 393. seu 394. fuit a Bononiensibus transmissa pars Reliquiarum, & nostris hisce temporibus hæc eadem Basilica, quæ sæculo undecimo fuit pene ex integro instaurata a Gervasio Episcopo Rhemensi, agnoscit, & colit tanquam Patronos, & præcipuos Sanctos suos titulares prædictos Sanctos Martyres Vitalem, & Agricolam. Legantur Tillemontius in *Vita horum Sanctorum*, Ruinart in *Prefatione ad Acta eorumdem*, & Baillet pariter in *eorumdem Vita* die 4. Novembris. De prima Claromontana Translatione fuse loquitur Hausfayus in *Martyrologio Gullicano ad diem 26. Novembris*; de hac autem, & de Rhemensi videatur Ruinart. in *Annotationibus ad lib. 1. Gregorii Turonensis de Gloria Martyrum cap. 44.*

12. Sanctus Gregorius Turonensis plura narrat miracula, quæ Deus operatus fuit ad invocationem eorumdem Sanctorum, iisque deprecantibus, Bononiæ Sancta Juliana Templum erexit eo in loco, ubi Martyrium passi fuerant, ut diximus, de eadem Sancta agentes. Ab hac Ecclesia eorum Corpora translata sunt in Ecclesiam Sancti Petri, quæ est una ex iis, quæ continentur in Basilica Sancti Stephani. Anno deinde 1019. fuerunt inde asportata in Ecclesiam pariter in eadem Basilica contentam, quæ Ecclesia Cœnaculi appellatur, ubi etiam nunc jacent in marmorea Urna valde honorifica, & super imposita Altari eleganter, & juxta recentem sculpturæ modum extructo. In ea Urna major pars Corporum cum clavis, aliisque Martyrii instrumentis clauditur; sed cum Ecclesia olim Cathedralis, nunc Metropolitana fortuito incendio conflagraverit anno 1130. sub Episcopatu Henrici, & anno 1165. sub Episcopatu Joannis suis cineribus iterum excitata fuerit; hac occasione in illam translata est magna pars Reliquiarum Sanctorum Vitalis, & Agricolæ, quæ postea solemnè pompa a Cardinali Gabriele Palæoto translata sunt, & collocata in Ara maxima Ecclesiæ subterraneæ, ut videri potest in ejusdem Cardinalis *Archiepiscopali*.

13 Olim a Monialibus Sanctorum Vitalis, & Agricolæ in *Officium:*
 Horis Canonicis recitabantur Lectiones propriæ horum Sancto-
 rum, sicuti etiam propriæ recitabantur a Patribus Dominicanis
 Cœnobii Bononiensis, quas huic parti nostri Operis subnectemus.
 Postquam vero nos ad Pontificium culmen evecti sumus, pro-
 prias in honorem Sanctorum Martyrum Lectiones concessimus
 Bononiæ, & in ejus Diœcesi recitandas; quas hic describere no-
 luimus, quia ex ipsis S. Ambrosii verbis constant desumptis e Tra-
 ctatu de Exhortatione ad Virgines, quod est authenticum monu-
 mentum, cui horum Sanctorum Martyrium innititur, ut nos su-
 perius diximus, & Georgius citato loco adnotavit.

C A P U T XXIV.

De Sancto Jucundo Episcopo Bononiæ.

Die 14. Novembris.

1 C Elebratur die 14. Novembris Festum Sancti Jucundi Epi-
 scopi, & Confessoris, cujus sit commemoratio hac die
 in Martyrologio Romano his verbis: *Bonomiæ Sancti Jucundi*
Episcopi, & Confessoris. Cardinalis Baronius in notis dicit,
 ipsum inauguratum fuisse Episcopum anno circiter 485. Consen-
 tit Tillemontius in *Vita Sancti Petronii*, & addit nihil de Vita
 hujus Sancti ad nostram pervenisse notitiam. Quod infortunium
 nobiscum deplorat Ferrarius de *Sanctis Italiae*. Minus tamen de-
 plorandum esset, nisi complecteretur cæteros quoque nostros
 Sanctos Episcopos, quorum certa est vitæ sanctitas; sed Acta pe-
 rierunt. *Quæ egeris* (sic Ferrarius) *ignoratur, cum Acta Epi-*
scoporum Bononiensium fere omnium desiderantur. Sigonius scri-
 bit, Sancti Jucundi Corpus tumulatum fuisse in Ecclesia, sive
 antiqua Cathedrali Sanctorum Naboris, & Felicis: nunc vero
 est publicæ venerationi expositum in Ara, quæ dicitur Crucifixi,
 ubi Capsula aurata circum clausum jacet prope Corpus Sancti Fe-
 licis, de quo immediate infra loquemur. In ejus honorem Bo-
 noniæ, & in tota Diœcesi Missa, & Horæ Canonicæ recitantur
 petiti ex Communi Confessorum Pontificum. Nos vero post adi-
 tum Pontificatum proprias Lectiones concessimus ex Sancti Basilii
 sermone confectas, & S. Jucundo quantum fieri potuit accomoda-
 tas, cum ejus res gestas antiquitas temporum, ut diximus, obli-
 vione deleverit.

Epocha Epi-
scopatus San-
cti Jucundi.

Certa ejus san-
ctitatis, igno-
tae obliencia

Ubi nunc ja-
cet ejus Cor-
pus.

CAPUT XXV.

*De Sancto Felice Bononiæ Episcopo.**Die 4. Decembris.**S. Felici Fe-
stum cum Offi-
cio.**Finis ad Epi-
scopatum ele-
vatio; & res
gestæ.*

Celebratur die 4. Decembris Festum Sancti Felicis Episcopi, & Confessoris, in cujus honorem Bononiæ, & in tota Diocesi celebratur Sacrum, & recitantur Horæ Canonice ex Communi Confessorum Pontificum. Eadem die fit ipsius commemoratio in Martyrologio Romano sic: *Bononiæ S. Felicis Episcopi, qui ante Mediolanensis Ecclesiæ sub Sancto Ambrosio Diaconus fuerat.* Cum Theodosius de sua insigni, quam retulerat, victoria per Epistolam certiolem reddidisset Sanctum Ambrosium; hic tribus Epistolis Imperatori rescripsit, quarum secunda non extat, tertiam vero Imperatori reddidit Felix Diaconus, qui conjectura non levi creditur fuisse ille idem, qui postea fuit Bononiæ Episcopus, ut bene perpendit Tillemontius tom. 10. in *Vita Sancti Ambrosii* art. 74. Obiit Sanctus Ambrosius anno 397. vel 398. ut clare ostendere conantur Bollandistæ in *exercitatione præfixa* tom. 1. *Sanctorum Aprilis*, contradicente tamen Pagio tom. 1. *ad annum Christi* 397. num. 6. & 7. Narrat Paulinus in *Vita S. Ambrosii*, Stiliconem, S. Ambrosio lethali morbo ægrotante, cum animo præfagiret totius Italiæ ruinam, si Vir tam egregius deficeret, impulsisse verbis partim blandis, partim asperis Magnates Mediolanenses, ut adirent illum morti proximum, eumque precibus inducerent ad exorandam a Deo vitam diuturniorem; auditis autem eorum precibus Sanctum respondisse: *Non ita inter vos vixi, ut pudeat me vivere; nec timeo mori, quoniam Dominum bonum habemus*: quam responsionem valde laudat Sanctus Augustinus, ut testatur Possidius in *Sancti Augustini Vita* cap. 27. Narrat subiude idem Paulinus factum sane mirum, & est huiusmodi. Jacobat Sanctus Ambrosius in parte extrema ambulacri in longum valde protensi; cum vero in eo ambulacro convenissent Diaconi aliquot; scilicet Castus, Polemius, Venerius, & Felix, & inter sese in parte valde remota colloquerentur de Successore Sancti Ambrosii in Episcopatu voce adeo submissa, ut vix alter loquentem alterum audiret; ubi inter conjectandum quisnam futurus esset successor, incidit sermo de Simpliciano; Sanctus Ambrosius qui longe aberat, ita ut ad illum colloquendum voces nulla ratione pervenire possent, hæc verba: *Senex, sed bonus ter proisus.* Cum in extrema parte porticus (sunt ejus-

ejusdem Paulini verba) in qua jacebat Sanctus Ambrosius in imo positi Castus, Polemius, Venerius, & Felix tunc Diaconi secum tractarent voce ita repressa, ut vix invicem se audirent, quis post obitum illius Episcopus ordinandus esset, atque tum de nomine Sancti loquerentur Simpliciani, Ambrosius, tanquam interesset tractatui, cum longe positis ab ipsis jaceret; approbans exclamavit ter: Senex, sed bonus. Ad hæc addit Paulinus Successorem Sancti Ambrosii fuisse Sanctum Simplicianum; Sancti Simpliciani Sanctum Venerium; Sanctum Felicem vero promotum fuisse ad Bononiensis Ecclesiæ regimen, eumque tempore, quo Paulinus hæc scribebat, superstitem adhuc Ecclesiam suam gubernasse. Sic ille: *Defuncto autem eo, Simplicianus successit in Sacerdotio, cui Simpliciano Venerius Successor fuit. Felix vero nunc usque Bononiensem regit Ecclesiam.*

2 Sigonius in Vita S. Felicis scribit, Sanctum Felicem misisse ad S. Paulinum Nolæ Episcopum Reliquias Sanctorum Martyrum Proculi, Vitalis, & Agricolæ, qui illas reposuit in sua nova Basilica, quod valde verisimile est, cum hi Sancti Episcopi fuerint contemporanei. Idem Sigonius testatur, S. Felicem erexisse duo Monasteria, alterum in honorem Sanctorum Gervasii, & Protasii, alterum vero in honorem Sanctorum Martyrum Felicis, & Naboris, quorum Corpora, ut alibi diximus, paulo ante a S. Ambrosio reperta fuerant: insuper narrat, S. Felici a Joanne Imperatore dono datam fuisse Monasterium in Monte Palensi, qui nunc Montis Ovoli nomen habet, eaque nullam esse apud Scriptores donationem antiquiorem, qua Imperatores Bononiensem Ecclesiam ditaverint, seclusis tamen iis, quas non sine gravi fundamento quisque arbitrari potest eidem Ecclesiæ factas fuisse a Constantino, qui erga omnes Ecclesias munificentissimus fuit. Præterea inverisimile non est Monasteriorum nomine, de quibus immediate supra locuti sumus, appellari Ecclesias, quæ antiquitus Monasteria appellabantur, ut videri potest apud du Cange verbo *Monasterium*, & apud Bollandum in *Vita Sancti Protadii num. 9. die 10. Februarii* ubi ad hæc verba Corpus vero ejus (idest S. Protadii) *delatum est ad Beati Petri Apostoli Monasterium*, sic addit: *Ea Parochialis Ecclesia est, nec ad Monachos pertinet, teste Chiffletio, sed frequens in Antiquorum Scriptis Monasterii nomen pro Ecclesia.*

Quid olim significaret Ven Monasterium.

3 Inter Imperatores nemo recensetur, qui Joannes appellatur, solum de Joannino quodam legitur, qui cum Scribarum præfecturam gereret, eo tempore, quo Galla Placidia Constantinopolim perrexit, secumque detulerat Filium suum Valentianum.

Quis seculo quinto fuerit Joannes Imperator.

num, capta occasione sibi nomen, & auctoritatem Imperatoris usurpavit anno 423. & anno 425. interfectus fuit. Joanninus hic est Joannes ille, de quo loquitur Sigonius in *Vita S. Felicis*. Rem ita esse, evidenter constat ex confirmatione Privilegiorum nostræ Ecclesiæ, quam Lambertus Episcopus obtinuit a Summo Pontifice Gregorio VII. in qua sic legitur: *Monasterium Sanctæ Mariæ situm in Massa, quæ vocatur Monte Palense, quam Joanninus Imperator tradidit Bononiensi Ecclesiæ*. Privilegium affertur ab ipso Sigonio in *Vita Lamberti*. Quamobrem ille Joannes Imperator, de quo ipse loquitur in *Vita S. Felicis*, alius non est, quam Joanninus, quo nomine appellatur non solum a Gregorio VII. loco nuper citato, sed etiam communiter in aliis antiquis monumentis, idque, ut opinor in contemptum Personæ. Homo hic audacissimus omnem omnino Episcopis abstulit jurisdictionem in Causis Ecclesiasticis, eamque in Judices Laicos transtulit, ut legitur apud Cardinalem Baronium *ad annum Christi 423. num.3. & ad annum 425. num.7.* Quamobrem haberi debet tanquam singularissimum donum ab ipso Ecclesiæ nostræ impertitum, utpote proveniens ab infensissimo, & manifesto boni communis, & juris Ecclesiarum everfore.

Ritus Ambrosianus ejusque initium.

4 Celebris est Sacer Ambrosianus Ritus, quem in Divinis Officiis Mediolanensis S. Ambrosii Ecclesiæ adhuc servat. Vicecomes *lib.2. de Ritibus Missæ* illum ait a S. Barnaba institutum, auctum a S. Mirocleto, a S. Ambrosio illustratum; sed cum ejus rei testes alios non habeat quam Galvaneum, & Beroldum, Cardinali Bonæ *Rerum Liturgicarum lib.1. cap. 10.* non satisfacit. Cum eo Grancolas consentit in *Traictatu de Veteribus Liturgiis tom.1. pag.377.* qui diligenter subinde congerit quæcumque in S. Ambrosii Operibus ad Missæ Sacrificium spectantia reperiuntur. Sed utcumque sit, cum octingentis abhinc annis Walfri- dus Strabo scripserit, Ambrosium in sua, aliisque sibi subditis Ecclesiis, quæ ad Missam, & alia Divina Officia pertinent ordinasse, *Ambrosius Mediolanensis Episcopus tam Missæ, quam cæterorum dispositionem Officiorum suæ Ecclesiæ, & aliis Liguribus ordinavit; quæ & usque hodie in Mediolanensi tenentur Ecclesiæ*, cumque hæc communis sit totius Italiæ traditio, ab ea recedere nolumus, Riturumque Ambrosianum a S. Ambrosio inductum esse dicemus, dummodo concedatur aliquas in eo esse cæremonias ipso antiquiores, aliquas ipsum addidisse, aliquas ad meliorem formam rede- gisse, ut in *libro de Sacrificio Missæ* diximus *part.4. sect.1.* ac demum Ambrosii Successores aliquid in ejus Ritu innovasse, ut Cardinalis Bona *citato loco* animadvertit.

5 Am-

5 Ambrosianus Ritus Bononiæ non ſervatur; quærendum eſt tamen an aliquando ſervatus fuerit, & a Sancto Felice Episcopo invecſtus. Diximus jam in *Traſſatu de Sacrificio Miſſæ* Ritum Ambrosianum Bononiæ aliquandiu in uſu fuiſſe, utpote quæ Mediolanenſi Eccleſiæ tamquam Metropoli ſuberat, priuſquam Ravennati ſubjiceretur: quemadmodum alibi docuimus. Ob eam rem Vicecomes in *lib. 2. de Miſſæ Ritibus cap. 13.* inter Diœceſes, quæ Ambrosianum Ritum complexæ ſunt, Bononiienſem recenſet, utpote quæ Metropolitanæ Ritum in Divinis Officiis ſequi debuerit ex Decreto Concilii Epaonenſis, quod anno 517. coactum ita ſtatuit *Canon. 27. Ad celebranda Divina Officia Ordinem, quem Metropolitanæ tenent, Comprovinciales eorum obſervare debebunt: ut eſt in Labbeana Conciliorum Colleſtione tom. 4. pag. 1579. editionis Pariſienſis, & apud Harduinum tom. 2. pag. 1047.* An vero a Sancto Felice inductus fuerit pro certo ſtatui non poteſt, cum tamen probabiliter admodum affirmari poſſe videatur.

6 Diximus probabiliter id poſſe affirmari; tum quia Mediolanenſis Eccleſiæ Jus Metropoliticum in Bononienſem ante Sanctum Felicem Episcopum conſtitutum jam fuerat, conſtitutum eſt enim Sancti Ambroſii tempore, ut alibi docuimus; tum quia Sanctus Felix Mediolanenſis fuit, & ut diximus, S. Ambroſii Diaconus, ex quo fit valde vero ſimile ab eo Ritum Eccleſiæ ſuæ Mediolanenſis in Bononienſem eſſe invecſtum, quæ illi fuerat tanquam Metropoli adtributa; eoque magis, quod quamvis huius rei tempus non omnino conſtet, tamen in nullum tempus commodius conjici poteſt, quam in illud, quo Sanctus Ambroſius vixit, vel ejus obitum eſt proxime conſecutum, ſi Vicecomiti fides habenda ſit, cujus ſunt verba *citato lib. 2. de Miſſæ Ritibus cap. 12. Quando autem Ambroſiani nomen ad Miſſam, ſive Ritum Eccleſiæ Mediolanenſis indicandos adhiberi cæptum ſit, ad hunc quoque locum pertinet intelligere: Et quamvis certum præſentumque ejus rei tempus oſtendi non poſſis propter Auctorum qui id ſignificent inopiam, tamen conjectura duce crediderim, vel ipſius Sancti Ambroſii tempore, vel paulo poſt ejus e vita diſceſſum cæpiſſe.*

7 Diximus rem plane compertam non eſſe; nam ſi tempore Sancti Petronii, qui Sancto Felici ſucceſſit, & ſi in Paterniani electione, qui Sancto Petronio ſucceſſus eſt, Mediolanenſi Eccleſiæ Metropolitico Jure ſuo jam ante conſtituto Bononiæ uti non licuit, ut animadverſum a nobis eſt, nemo eſt qui non videat ambi- gi poſſe, an Ambrosianum Ritum Sanctus Felix Bono-

niæ constituerit eo jure, quo subjecta Ecclesia Metropolitana consuetudinem sequi adigebatur, licet Felix Ambrosii Diaconus, & amicissimus fuerit, pauloque post ejus decessum ad Bononiensem Ecclesiam transierit.

8 Id unum pro certo statui videtur posse, non Ambrosianum Ritus, sed Romanum Ordinem Bononiæ & in ejus Diocæssi servatum esse, cum Carolus Magnus Imperator omnem adhibuerit diligentiam & industriam, ut in Gallia, Germania, Italia, & Saxonia sibi subditis unus Romanus Ordo servaretur, ut videre est apud Grancolas Opere citato pag. 397. *Et sequentibus*: cum Nicolaus II. Pontifex Maximus Petri Damiani Cardinalis opera usus tentaverit, ut ipsa Mediolanensis Ecclesia Ambrosiano relicto Romanum Ritus amplecteretur, quemadmodum narrat Sigonius de Regno Italia lib. 9. cum Sanctus Gregorius VII. idem tentaverit, & cum temporibus minus a nostris remotis Eugenius IV. Cardinalem Castilionensem per Galliam Cisalpinam Legatum adhibuerit, ut Romanus Ritus Ambrosiano excluso Mediolani tandem reciperetur, ut narrat Corius in Historia Mediolanensi, Spondanus in Annalibus Ecclesiasticis, & Ciaconius in Vitis Romanorum Pontificum, & Cardinalium. Etenim Bononia ante ipsum Carolum Magnum Ravenne tanquam Metropoli subjecta erat, ut in S. Zama Vita docuimus; & prædictæ Pontificum industriæ ad Romanum Ritus ubique inducendum, si ob indicatam rationem locum Bononiæ habere non potuerunt, si Mediolani suum effectum non habuerunt, habuerunt tamen in pluribus Germaniæ, & in alijs Galliæ Cisalpinæ Ecclesiis, quæ relicto Ambrosiano Ritu, Romano uti in Divinis Officiis ex eo tempore cœperunt.

9 Sed, ut ad vitam S. Felicis regrediamur, nil aliud dicendum superest, quam illum decessisse anno 429. & in Sanctorum Naboris & Felicis Templo esse conditum, ubi etiam nunc quiescit sub Christi Crucifixi Ara, ejusque Caput inter alias Reliquias in Altari positum esse a Cardinali Palæoto in Metropolitana Bononiæ Ecclesia.

10 Commune Confessorum Pontificum Officium in S. Felicis Festo recitabatur, ut diximus; Nos vero postquam ad Pontificiam dignitatem elati sumus proprias secundi Nocturni Lectiones concessimus, quarum quinta & sexta e Sancti Gregorii Nazianzeni sermone, quo Sanctum Basilium laudavit, confectæ sunt ex iis verbis, quæ ad Sanctum Felicem aptius transferri posse videbantur. Has quæ præcedit, quarta est, ut sequitur.

Lectiones propriæ in ejus Officio.

LECTIO IV.

Felix Ecclesie Mediolanensis Diaconus fuit, quo tempore Sanctus Ambrosius erat Episcopus. Quam magna virtutum laude præstaret, vel ex hoc uno conicere est, quod in rebus arduis eo positissimum uteretur Sanctus Ambrosius. Theodosio scribens, merito, inquit, ad perferendam epistolam meam filium meum Felicem Diaconum misi, simul ut mei vicem officii representaret, & memoriam pro his, qui ad matrem pietatis tuæ Ecclesiam, petentes misericordiam, confugerunt. Grande est quod petimus. Votis annuit Imperator, uti narrat Paulinus, qui Felicem Ecclesie Bononiensi postea præfuisse refert.

11 Cum vero loquuti simus de Sancto Felice nostro Episcopo, qui antea Mediolanensis Ecclesiæ, dum illam S. Ambrosius gubernaret, Diaconus fuerat, non abs re futurum puto, postremo hoc in loco pauca innuere de speciali cultu, quo antiquitus nostra Civitas venerata est Sanctum Ambrosium, utpote qui cum viveret, illam impensissime amavit.

12 Ipse est unus ex antiquioribus ejusdem Civitatis Patronis, cujus rei antiquitas tanta est, ut in publico Archivo nullum extet monumentum, unde peti possit ejusdem rei exordium. In Platea maxima sita erat Ecclesia ipsi dicata, quæ per plura sæcula fuit Ecclesia pertinens ad publicum Magistratum Palatium; sed cum decursu temporis ædificata fuerit Basilica S. Petronii, diruta fuit, & in eodem spatio ab ipsa occupato constructum fuit, Odeum, sive Presbyterium Canoniorum novæ Basilicæ. In antiquis monumentis, quæ in Archivo asservantur, legitur, Civitatem anno 1301. decrevisse, ut ob singularia beneficia ab ipso accepta celebraretur ejus Festum solemniter, illudque haberetur in eorum numero, quæ solemnius celebrantur: insuper Seniores populi cum accederent ad invisendum Corpus Sancti Petronii, in die festiva ejusdem Sancti, consuevisse secum habere Carrucam, seu Carrociū cum vexillo, in quo erant depictæ Imagines Sancti Ambrosii, & Sancti Petronii. Restat adhuc super Aram maximam Sancti Petronii in uno ex angulis Templi Imago Sancti Ambrosii simul cum Imaginibus antiquiorum Sanctorum Urbis Præsidum, ac Patronorum, Petronii scilicet, Proculi, & Floriani, & in aliqua ex Ecclesiis, quæ a quatuor Crucibus nomen habent, videtur sculpta illius Imago simul cum cæteris eorumdem Sanctorum imaginibus. In solempni jurejurando, quod nostri Magistratus emittunt coram Cardinali Legato hujus

*Devotio erga
S. Ambrosium
debita olim
Bononiæ Pa-
tronum.*

hujus Urbis, e Sanctis Patronis, qui invocantur, inter primos invocatur Sanctus Ambrosius. Præterea Senatus Bononiensis in solemnî die Sancto Ambrosio sacra mittit, aut etiam fert munus Cereorum ad parvulam Ecclesiam in via, quæ vulgo dicitur *della Savenella*, in qua sacras preces alternis canit, & alia id genus consueta muera exercet sodalitas, quæ Bononiæ unica est, specialiter Sancto Ambrosio addicta, & ab ipso nomen habens.

13 Dignissimus Præful Marsilius in suis Codicibus mss. animadvertit, quod cum occasione pestis per Urbem grassantis a celebri pictore Guido Reno depicti fuissent omnes Sancti Patroni in insigni vexillo, omisus fuit Sanctus Ambrosius, de qua omisione amare conqueritur; deplorat etiam negligentiam, qua paulatim gliscente intepuit amor, & cultus erga Sanctum adeo benemeritum de Ecclesia universa, & adeo munificum & in vita, & post mortem erga particularem nostram Ecclesiam, & Bononiensem populum; quodque oblitio eo pervenerit, ut illi non amplius deferatur specialis cultus tanquam Tutori, cœlestique Bononiensium Patrono. Nos ergo, ut negligentiam hanc, quantum in nobis erat, compensaremus, rursusque ad pristinum amorem, venerationemque erga S. Ambrosium Bononienses revocarentur, cum in nostra Metropolitana Ecclesia duo superessent spatia, in quibus Altaria, quæ erigenda erant, non fuerant adhuc erecta, illa erigi curavimus, & ex iis alterum Sancto Ambrosio dicavimus, alterum vero Sancto Apollinari, qui primus Christi Evangelium in Æmia promulgans, Idolorum sacrilegum cultum penitus extirpavit, nostramque Urbem, totamque Diœcesim ad veri Dei agnitionem, Christianamque Religionem convertit.

CAPUT XXVI.

De Sancto Floriano. Die 16. Decembris.

1 **C**elebratur Festum Sancti Floriani, aliorumque Sociorum Sanctorum Martyrum die 16. Decembris. Hac in Urbe, totaque Diœcesi recitantur in ipsius cultum preces horariæ petitiæ ex Communi Martyrum. Idem Sanctus Florianus recensetur inter Sanctos hujus Urbis Tutores, ac Patronos.

2 In Cœnobio Sancti Stephani asservantur Acta martyrii hujus Sancti in Chronicis calamo exaratis, in quibus tanquam certum, & minime controversum ponitur, Sanctum Florianum illum

*Acta hujus S.
Martyris.*

illum ipsum esse, de quo sermo habetur in Martyrologio Romano die 17. Decembris his verbis: *Eleutheropoli in Palestina Sanctorum Martyrum Floriani, Calanici, & sociorum quinquaginta & octo, qui tempore Heraclii Imperatoris a Saracenis ob Christi fidem occisi sunt.* De quibus Sanctis Martyribus loquuntur etiam Beda, Usuardus, Ado, & Cardinalis Baronius in *notis ad Martyrologium*, ubi addit eos subiisse martyrium in communi clade, & invasione Ecclesie, quæ contigit anno *trigesimo septimo* Imperatoris Heraclii. Aliæ martyrii hujusmodi peculiare circumstantiæ leguntur in *Historia Basilicæ Sancti Stephani* scripta a P. Donato Pollieno Lupario, & in alia posteriori *Historia* Abbatis Cafali, & in *Vita Sanctorum Bononiensium* edita a Bombacio.

3 Patres Cœnobii Sancti Dominici hujus Urbis recitant Lectiones proprias hujus Sancti ex dictis Chronicis transcriptas, quas huic parti nostri Operis adjungemus. Ex illis habetur anno vigesimo septimo Imperatoris Heraclii, cum a Saracenis obfessa fuisset Civitas Gazæ, Sanctos Calanicum, Petrum Paulum, Theodorum, & Joannem, aliosque usque ad triginta novem simul cum Sancto Floriano in testimonium Christianæ Fidei martyrii palmam gloriosæ morte obtinuisse, eorumque Corpora, & Reliquias asportata fuisse Bononiam opera Sancti Petronii, qui illa obtinuit a Theodosio juniore Imperatore; & obtenta collocavit in Basilica Sancti Stephani ab ipso ædificata, ubi etiam nunc asservantur.

Lectiones propriæ, quæ recitantur a PP. S. Dominici.

Varie difficultates circa ea quæ ibi narrantur.

4 Verum hæc narratio plures non leves difficultates continet, utque omittam primo juxta Martyrologium Romanum, eos qui cum Sancto Floriano gloriosam mortem occubuerunt, fuisse quinquaginta & octo, non vero triginta novem; rursus Urbem, in qua ob Christi fidem interfecti sunt, non fuisse Gazam, sed Eleutheropolim, non video qua ratione defendi possit, quod opera Sancti Petronii in Civitatem Bononiæ asportata fuerint Corpora eorundem Sanctorum Martyrum, qui in persecutione Heraclii occisi fuerunt *anno Christi 640.* cum Sanctus Petronius mortuus fuerit *anno Christi 450.* atque adeo centum quinquaginta annos ante Heraclii Imperium.

Alii Sancti ejusdem nominis, quoniam ex his noster S. Florianus sit, quando, & ubi Martyrium passus.

5 In Martyrologio Romano fit mentio alterius Sancti Floriani die 4. Maji his verbis: *Lauriaci in Norico Ripensi Sancti Floriani Martyris, qui sub Diocletiano Imperatore Aquilini Præsidis jussu, ligato ad collum saxo in flumen Anisum præcipitatus est.* Non amplius extat dicta Civitas: post illius tamen ruinas superfuit nomen, quo fuit appellatus Vicus quidam situs in Austria

flria

fria superiori ad Danubium fluvium; qui Vicus nunc, mutato nomine, Lorech appellatur. De hoc Sancto Floriano loquuntur Bollandistæ, & quamvis tempus martyrii hujus Sancti Floriani congruat cum alatis narrationibus, nihilominus ægre admodum susineri potest, hunc eundem esse cum nostro Sancto Floriano, tum quia Corpus ipsius post varias translationes jacet nunc Cracoviæ, quæ est Urbs Regni Poloniæ Caput, ut videri potest apud Bollandistas, tum quia martyrium ille non subiit in Palæstina, sed in Norico, tum demum quia nusquam legitur Sanctum Petronium in Noricum perrexisse. Consuli possunt doctæ animadversiones Georgii in *Adonis Martyrologium ad diem quartam Maji*, ubi erudite admodum de hoc Sancto Floriano disserit.

6 De aliis Duobus Sanctis Florianis loquitur Ferrarius in *Catalogo Sanctorum Italiæ die 4. Maji* quorum unum Vicentini suum esse Civem putant, ejusque Corpus apud ipsos asservari, quod qua ratione consentiat cum Lectionibus antiquis, quæ in illorum Archivis habentur, & quæ in fine hujus Partis a nobis exhibentur, ex quibus clare colligitur, eorum Sanctum Florianum illum eundem esse, de quo loquitur Martyrologium Romanum *die 4. Maji*, ipsorum, quorum interest, munus est clare ostendere alter vero inter Sanctos Patronos Civitatis Ælii numeratur, cujus Corpus ibidem jacet.

7 Hujus Sancti Floriani Festum celebratur Ælii *die 4. Maji*, qua die aperitur Urna, in qua reconditum est, sita sub Ara maxima Ecclesiæ Cathedralis, & in latere ejusdem Urnæ legitur hæc inscriptio: *Tempore Malatestæ de Malatestis Domini Ælii, & Dom. Jacobi de Bonriposis de Peruxio Episcopi, & Domini Ardenghi de Papia Potestatis, penes Ripam Fluminis Ælii inventum est Corpus Beati Floriani, & hic reconditum mense Decembri 1411. qui præcipitatus de Ponte in Flumine prædicto tempore Marci, & Diocletiani Imperatorum, & procurante Magistro Mattheo, hoc opus decoratum Divo Floriano dedicat 1511.*

8 Nulla habentur ulteriora documenta de hoc Sancto Floriano Civitatis Ælii, eo quod in depopulatione, qua eandem Urbem vastavit Franciscus Maria de Ruvre Urbini Dux tempore Pontificatus Leonis X. incensa fuerint Archiva, ubi vetera, ac celebriora monumenta custodiebantur. Sed etiam admissis iis, quæ narrantur de Sancto Floriano Ælii Patrono, nemo est qui non videat, eum alium esse a nostro Sancto Floriano, aliumque pariter esse Sanctum Florianum Vicentinum.

9 Comes Valerius Zani, bene perpenſis difficultatibus, quæ

quæ superari debent ab iis, qui tueri volunt, nostrum Sanctum Florianum illum ipsum esse, cujus Festum indicitur in Martyrologio Romano *die 17. Decembris*, considerat, ab Eusebio in *tract. de Martyribus Palæstinæ cap. 13.* narrari in persecutione Imperatoris Maximini, qui in iis Regionibus Dominium exercebat, Martyrio coronatos fuisse quadraginta circiter Martyres. Sed Præsul Marsilius in suis Codicibus mss. asserit, nulla ratione admitti posse, Martyres, de quibus loquitur Eusebius, illos eosdem esse, de quibus nunc agimus, & quorum Corpora in Civitatem Bononiæ a Sancto Petronio translata sunt, cum apud eundem Eusebium legatur, Ducem eorumdem Sanctorum Martyrum non fuisse Sanctum Florianum, sed Sylvanum e Civitate Gazæ oriundum, & postea ejusdem Civitatis Episcopum, qui cum Joanne, & aliis undequadraginta Sociis innominatis fuit damnatus ad Metalla in pago quodam, qui extat prope Palæstinæ solitudines. *Inter Martyres autem Palæstinæ Sylvanus Gazæ Urbis Episcopus apud eris Metalla, quæ sunt in Phæno, cum aliis undequadraginta capite truncatus est.*

10 Sigonius *lib. 1. Historiar. Bononiæ* inter res gestas a Sancto Petronio narrat etiam Translationem Corporis S. Floriani: *Jam vero Corpus Beati Floriani, qui sub Diocletiano passus Gazæ fuerat, inde Bononiam deportatum in ead, ut nunc quoque est, Divi Stephani creditur collocasse; & in Vitis Episcoporum Bononiensium, ubi loquitur de Sancto Petronio, hæc habet: His operibus editis tum Constantinopolim sive privati, sive publici Officii causa repetiit, ac pro summa apud Theodosium Imperatorem auctoritate, sacras inde Reliquias multas extraxit, quibus Bononiam reportatis cum alia Tempia, tum in primis Sancti Stephani decoravit, inter quas Corpora fuisse feruntur Sancti Floriani, Sancti Hadriani, & Sanctæ Nataliæ Martyrum, quorum ille in Æde Sancti Stephani, hi in Æde Sancti Felicis hodieque servantur.*

11 Digna est, quæ notetur cauta ratio scribendi qua utitur Sigonius. Nihil enim ipse scribit, quod verisimile non sit. Non asserit ipse, Martyrium accidisse Gazæ, sed Eleutheropoli: neque loquitur ipse de Heraclio, sed de Diocletiano. Nemo vero est, qui ignoret, ex Ecclesiæ persecutionibus nullam fuisse atrociorum persecutione Diocletiani, & Maximiani, tum diuturnitate, tum acerbitate tormentorum, quibus Martyres cruciabantur, tum demum Martyrum multitudine. Diocletianus habuit partem Orientalem Imperii, ubi acerrimam persecutionem indixit publico Edicto, in Urbe Nicomediæ, uti narrat Eusebius, & La-

stantius, qui fuit ejusdem spectator, in Opere *de Mortibus Persecutorum*. Inter Orientales Regiones recensetur Palæstina, & in Palæstina reperitur Civitas Gazæ: in hac præsertim Regione fuit tam ingens Martyrum numerus, ut Eusebius scorsim de ipsis scribens exaraverit Tractatum, cui titulus *de Martyribus Palæstinae*. Plurimi Christiani in hac persecutione Martyrium passi sunt, quorum nomen ignoratur, ut paulo supra vidimus, loquentes de Sylvano, & Joanne cum aliis triginta novem Sociis, quorum nomina Eusebius ipse in suo peculiari Tractatu non recenset. Quæ cum ita se habeant, quis unquam inficiabitur, nostrum Sanctum Florianum fuisse unum ex iis Martyribus, ejusque Corpus translatum fuisse Bononiam, & repositum in Ecclesia Sancti Stephani a Sancto Petronio, cum hæc sit antiquissima traditio hujus nostræ Civitatis, quam præter Sigonium confirmant Ghirardaccius in *Historiis Bononiæ anno 430.* & Leander de Albertis in *Historia pariter Bononiæ anno 434.* & nos etiam in Opere nostro *de Canonizat. Sanctor.* clare ostendimus, non contemnendas esse, sed plurimi faciendas particulares Ecclesiarum traditiones. Ne quid dissimulemus, animadvertendum est hic Sigonium nonnisi de Sancti Floriani Corporis Translatione loqui, cum in Cœlestini III. Bulla a Sixto IV. confirmata, a nobis supra in S. Julianæ Vita commemorata, & a Bollandianis in ejusdem Sanctæ Vita ad diem 7. Februarii relata non solum S. Floriani mentio fiat, sed Sociorum etiam quadraginta: *Floriani cum quadraginta Sociis*: quod repudiata superius Valerii Zani conjecturæ pondus videtur adjicere. Nihilominus vero similis nobis videtur quod ex Sigonio retulimus; novum enim non est quod Cœlestini Bullæ Sociorum quadraginta adjectio facta sit, cum etiam a nobis animadversum sit, in Sixti IV. Bulla; quæ Cœlestini Bullam confirmat, Cœlestinum I. pro III. positum esse; qui manifestus est error. Ad omnem autem ambiguitatem tollendam, quod Cœlestini III. Bulla male interpolata sit, nihil desiderari videtur posse, si addamus, Bononiæ in honorem Sancti Floriani semper esse recitatum Officium de Communi unius Martyris, cum procul dubio de Communi plurimorum Martyrum recitandum esset; & cum Sociorum quadraginta Corpora Bononiæ quiescere simul cum S. Floriano creditum esset, aperto tumulo nonnisi unum S. Floriani Corpus inventum esse, ut mox videbimus.

12 Jacet Corpus Sancti Floriani in Basilica Sancti Stephani in Urna marmorea, quæ sita est in parte postica Aræ, quæ vulgo dicitur *della Benda*. Urna hæc continetur in vasto Sacrarum Reliquiarum repositoio, in quo præter Vittam, sive Fasciolam Bea-

*Fini Corpus
ubi jacet.*

Bea-

Beatissimæ Virginis, servatur dives aliarum Reliquiarum thesaurus. Anno 1640. aperta Urna, ibi repertum fuit quoad reliquas partes integrum Corpus Sancti Floriani; sed Capite diminutum; ut ait Bombacius *in Vita*. Caput clauditur in tabernaculo affabre elaborato, vetusti tamen opificii, quod tabernaculum in prædicto repositorio continetur, & per Urbem circumfertur in solenni supplicatione, quæ haberi solet secunda die Solemnitatis Paschatis.

13 Memoriam omnem excedit Cultus, qui ab hac Civitate exhibetur Sancto Floriano & tanquam Sancto, & tanquam peculiari illius Patrono, neque monumentum ullum extat, in quo describantur Sancti illius Patroni, quin inter ipsos S. Florianus censeatur. Plurima insuper numerantur beneficia, & Miracula, quæ a Deo obtinuimus, implorantes Sancti Floriani auxilium, eumque apud Deum deprecatores habentes. Quamobrem nostra Civitas anno 1300. decrevit, ut in posterum quotannis inviseretur illius Corpus die ipsi sacro, eique votiva dona offerrentur; quod colligitur ex nostris Historicis, & ex antiquis monumentis, quæ in nostris Archivis asservantur. Supra dictum est, in honorem S. Floriani Bononiæ, & in ejus Diocesi Officium, & Missam de Communi unius Martyris recitari consuevisse, Nos postea secundi Nocturni Lectiones proprias concessimus, sed ex S. Augustini sermone quodam compositas.

*Cultus immemorabilis
huius Sancti
honoris Patroni.*

Lectiones propriæ.



APPENDIX

MONUMENTORUM

De quibus fit mentio in hoc Libro III.

*Lectioes propriæ S. GUARINI, quæ recitantur
a Canonicis Regularibus Sancti Salvatoris, de
quibus facta est mentio Cap. IV. pag. 582.*

L E C T I O I V.



Guarinus nobili genere Bononiæ natus, Parentum diligentia ab ineunte ætate optimis moribus educatus, jam adolescens in majori Ecclesia Bononiensi Clericus ordinatur. Verum ad majorem perfectionem aspirans, Habitum Canonicorum Regularium sumit: in quo cum præsertim in oratione, & cælestium rerum contemplatione mentem intentam infixamque haberet, Papiensem Episcopatum tunc sibi oblatum recusavit.

L E C T I O V.

Postquam vero Xenodochium Sancti Job in Patria sua construxisset, bonisque propriis dotasset, a Lucio II. Pontifice Maximo, qui antea Rhenani Cœnobii extra Bononiam & Canonicus & Præpositus extiterat, in Prænestinum Episcopum Cardinalem est electus. A quo cum Episcopales apparatus, & equitatum pretiosum accepisset, mox iisdem divenditis, pretium pauperibus erogavit. Tandem senio confectus, corporis dissolutionem prospiciens, ascitoque Clero monita Divina commendans, oculis, manibusque sursum erectis, totus in Cælum rapi videbatur.

LE-

L E C T I O VI.

DEmum ea nocte, qua eum e vita decedere contigit, ejus ita vultus resplenduit, ut qui aderant, obstupefcentes, meridiem se videre putarint. Adventante autem aurora, ex hujusmodi claritate ad æternum splendorem octavo Idus Februarii, ætatis centum & decem annorum, gloriose migravit; atque debita cum veneratione Sacerdotum manibus in Ecclesia S. Agapiti Præneste sepultus est.

*Lectioes proprie ejusdem S. GUARINI, quæ recitantur
a Canonicis Regularibus Lateranensibus, de quibus
mentionem fecimus Cap. iv. pag. 581.*

L E C T I O IV.

Guarinus Bononiæ nobilibus Parentibus ex Familia de Fuscariis exortus, & optime a puero institutus, adolescens, invitis Parentibus, in majori Ecclesia Clericus ordinatur. Verrum ardentius ad perfectionem aspirans, Canonicorum Regularium Habitum & Institutum suscepit in Monasterio Sanctæ Crucis Mortarii apud Papiam: ubi cælestium contemplationi, orationi, & Divinarum Scripturarum lectioni totus incumbens, brevi tantum profecit, ut propter illius sanctæ conversationis famam Clerus, & Populus Papiensis Episcopo destituti Guarinum in ejus locum unanimiter eligerent. Quam dignitatem constanter adeo recusavit, ut in arcto loco custoditus, deceptis custodibus fugiens, tamdiu lateret, donec alter ejus loco Papiensis Episcopus ordinaretur.

L E C T I O V.

CUM autem increbresceret illius fama Sanctitatis, Lucius M. Romanus Pontifex accersitum, licet invitum, & serio reluctantem, Sanctæ Romanæ Ecclesiæ Cardinalem & Episcopum Prænestinum illum consecravit; necnon pretiosum apparatus & equitatum ei donavit, quem nihilominus Guarinus statim vendidit, & illius pretium pauperibus erogavit, quibus etiam in Episcopali dignitate constitutus alimenta & vestimenta suis manibus ministrabat: verbum Dei imprætermisse annuncians, jejuniis, orationibus, & operibus pietatis indefesse vacans.

L E-

LECTIO VI.

QUI senio confectus, cum Divinitus præciperet, appropinquare sibi depositionem sui tabernaculi, & convocatis Clericis, monita salutis eis dedisset, & oculis, & manibus ad Cælum erectis, ad Dñm migravit nocte sequente diem sextam Februarii: qua nocte maximus splendor, velut meridies, eluxit. Sepultus est in Ecclesia, & in Sepulchro Beati Agapiti Martyris, cujus mortem Deus miraculis illustravit. Nam mulier a Dæmone obsessa, Sancti Confessoris Sepulchrum tenens, illico sanata est: & suspensis ante idem Sepulchrum lampadibus, sine ignis appositione, cunctis, qui aderant, videntibus, luminaria sunt accensa.

*Lectiones propriæ Officii S. JULIANÆ, quæ olim recitabantur
a Monialibus SS. Vitalis, & Agricola, de quibus
locuti sumus Cap.v. pag.586. & 589.*

LECTIO I.

*Incipit Prologus in Vita Sanctæ Julianæ
Vidue Bononiensis.*

VERITUS dubiam erroneamque scedam, quæ diebus nostris, quo auctore conficta prodierit, quasi jam velut Sacrarum Lectionum libri authentica reputatur; advertensque, quod non nisi temere adhibetur in cunctis fides, & sicut Sanctus Job ait, nunquid Deus indiget nostro mendacio, ut pro illo loquamini dolos? juxta quod potui, operam dedi sermonem elicere: cujus seriem non tam horum, quæ generationibus sibi succedentibus ad nos usque fama perduxit, quam eorum, quæ de ipsa ab orthodoxis Patribus, & Doctoribus Sanctis, ac Ecclesiæ Catholicæ luminaribus Augustino, & Ambrosio conscripta fuere, veridica narratio roboravit. Puto enim, quod Divini Judicii reus existerem, si quod de veritatis luce cognoscerem, dubia pro certis succrescere videns, silentio reticerem. Nempe si quemquam sermo incultior stilusque rudis offenderit, non id quærat, quod littera est, sed quod in laudem Dei per litteram nuntiatur. Attendens, quod per Beatum Gregorium in proœmio Moralium dicitur: Indignum vehementer existimo, ut verba cœlestis oraculi restringam sub regulis Donati; & per prædicatorem veritatis Apo-

Apostolum Paulum ad Corinthios secunda : Litera occidit , spiritus autem vivificat.

L E C T I O II.

*Incipit Vita Sanctæ Julianæ Viduæ Bononiensis ex dictis
Sanctorum Doctorum Augustini, & Ambrosii.*

Beata Juliana in Civitate Bononiæ oriunda , genere nobili , fide moribusque nobilior , sicut ex Sanctorum Patrum Ambrosii , & Augustini dictis colligitur , quæ & eorum laude ac testimonio meruit approbari , magnæ Sanctitatis mulier extitit . Hæc cum ad nubilem pervenisset ætatem , cujusdam honestissimi , ac per omnia laudabilis viri , juxta quod ejus qualitas exigebat , fuit copulata conjugio . Qui postquam aliquanto tempore infimul habitassent , nec filios aliquos procreassent , ad Beatissimum Martyrem Christi Laurentium se tota devotione contulerunt , orantes , ut pro eis apud omnipotentem Deum pro obtinenda prole , quæ Divino mancipanda esset obsequio , intercessor existeret . Exaudivit igitur Dominus interventu præfati Martyris preces amborum : & concepit Juliana , peperitque filium primogenitum suum , cui Pater ob ejus Sancti memoriam Laurentius nomen imposuit . Post hæc vero eis uberius Divina gratia refulgens , tres filias quasi tres futuras splendidissimas stellas in firmamento Christiano , benigne concessit . Cum autem placuit ei , qui omnium bonorum remunerator existit , Vir ejus bonis operibus plenus , ex hac luce subtractus , in pace vitam finivit ; remansitque ipsa viduata cum filio uno , & filiabus tribus , ac sancta socru jam grandæva .

L E C T I O III.

Igitur post mortem Viri sui B. Juliana vinculo soluta conjugii quasi jam gravi onere liberata , deinceps expeditius se videns posse Domino famulari , exemplumque suæ sanctæ socræ imitata , quæ jam diu vidualem continentiam professæ fuerat , etiam ipsa se voto perpetuæ castitatis astrinxit , & filium filiasque ad Sanctæ Virginitatis observantiam piis exhortationibus inducens , omnipotentis Dei servitio dedicavit . Et ad tantum interea virtutum culmen excrevit , ut non solum suorum Civium sincero permixime veneraretur obsequio , verum etiam nominatissimi Patres ac Doctores Ecclesiæ luculentissimi Ambrosius , & Augustinus il-

lam

lam miro dilectionis complecterentur affectu: quoniam & eam tanto dignam existimavit merito ipse Beatus Augustinus, ut eam ejus preces Librum de Continentia Viduali conscriberet, eademque transmitteret: similiter & alium grandem de Virginitate librum filiabus destinaret ejusdem: Socru vero suæ Epistolam de Oratione mandaret. In quibus nempe libris quantis ipsam, socrumque, ac filias laudibus extulerit, cunctis legentibus patet.

L E C T I O IV.

AC quoque, ut lector de eorum multis saltem aliqua facilius apprehendat, quædam de ejusdem Sacri Doctoris dictis in hujus Operis fine subjungam. Sed quo etiam pondere tanta in hujus Sancti Doctoris Ambrosii charitatis, ac devotionis immensitas librari poterit? Qui Corpora Beatissimorum Martyrum Vitalis, & Agricolæ apud Bononiam, ubi sepulta fuerant, sibi Divinitus revelata, & ab eo sollicitè quæsitæ ac inventa, diligenterque collecta, dum transferrentur cum plausu & lætitia Christiani Populi, occurrenti ei huic Sanctæ Viduæ, humilibusque precibus easdem Sanctorum Reliquias pro dono maximo postulanti, nec negare potuit, sed magis gratose concessit, maximeque laudavit, dignam tantis muneribus arbitratus. O Vidua Sancta, & multiplicibus extollenda præconiis, apud quam Beati Martyres declinare dignati sunt! Quis enim honori dignum non deferat obsequium, quam Sancti Dei & viventes in carne, & mortui honorare studuerunt? Post talia ergo accepta dona Beata Juliana de sumtu proprio Ecclesiam a fundamentis extruxit, quam Beatus Ambrosius ad nomen, & memoriam Sanctorum Martyrum Vitalis, & Agricolæ Domino dedicavit, & in ipsa eorum Corpora ad lævam, & dexteram Sepulchris marmoreis tumulavit. Hæc vero Ecclesia manet usque in hodiernum diem juxta Ecclesiam Monasterii Sancti Protomartyris Stephani ad aquilonem cum Sepulchris eorum: quoniam & ea Sacra Corpora, per piæ memoriæ Martinum tunc Abbatem supradicti Monasterii, una cum sacro Ordine Monachorum, præmisso jejunio & oratione, solum etiam auctoritate Domini Frugerii Sanctæ Bononiensis Ecclesiæ venerabilis Episcopi, ac consensu Dominorum Canonicorum ejusdem, vicinorumque concessu auxilio & favore, anno Domini millesimo decimo nono, quinto nonas Martii, Indictione secunda, tempore Henrici Imperatoris, Divina gratia comitante, magna solemnitate translata fuerunt ad Confessionem, quam idem Martinus ædificaverat intra Ecclesiam

siam Sancti Joannis Baptistæ, quæ etiam est juxta præfatam Ecclesiam Sancti Stephani ad meridiem : in qua & usque nunc uno collocati Tumulo requiescunt. Sepulchra vero ipsorum Martyrum in locis suis, ubi Beatus Ambrosius ea deposuerat, cum eorum nominibus desuper insignitis, sicut sunt hodie, pro testimonio remanserunt.

L E C T I O V.

Laus Sancti Ambrosii Episcopi de Juliana Sancta Vidua Bononien. ut habetur in Gestis SS. Vitalis, & Agricole Martyrum Bononensium.

HÆC Sanctæ Viduæ negare non potuimus postulanti. Munera itaque salutis accipite, quæ nunc sub sacris Altaribus reconduntur. Ea igitur Vidua est Judæa, quæ hoc Domino Templum paravit atque obtulit, quod Domino dedicamus: digna tali oblatione, quæ in sobole tua Templum jam Domino pudicitæ atque integritatis sacravit. Dum Julianam volo dicere, Judæam dixi. Non erravit lingua, sed definivit. Judæa enim est anima, quæ Christum fatetur. Denique notus in Judæa Deus, idest ubi agnoscebatur, non ubi negabatur. Est ergo in spiritu Judæa, ubi major portio intellectus sincerior; quia salus ex Judæis est. Linguæ igitur error testimonium Sanctitatis invenit. Honoremus ergo hanc Viduam: quoniam scriptum est: Honora Viduas, quæ vere Viduæ sunt: licet verborum nostrorum honorem non ambiat, quæ Apostoli mandatum adæquaverit, habens in bonis operibus testimonium, quæ bene filios educaverit, instituerit. Quis hanc non ut destitutam & miserabilem deploravit, quando amisit Maritum? At ista Ministrum sacris ereptum Altaribus amplius ingemuit, quam sibi conjugem, aut patrem filius.

L E C T I O VI.

Succinxit itaque mentis viscera, & circumfusam se videns numero filiarum trium, & unius filii, quo solent terreri ceteræ, hæc fortior facta, tali filios alloquio convenit: Filii, amissistis Patrem: Matrem habetis. Melior quidem fuisset illa commutatio, si Pater viveret, Mater deesset. Tamen infirma licet desolata ostendi vobis, si vultis sequi Patrem, vobis non decessisse: habetis enim meliorem de Cælo parentem, ille qui & hos suffulcit parentes. Quid enim aliud jam superest spei? Pater vobis

Tom.X.

T t t

bis

bis fuit dives gratia, non pecunia, opulentus mysterio, non patrimonio, cujus hæreditas fides est, locuples Deo, sed egena sæculo. Satis vos divites reliquit, si propositum ejus sequamini. Sola est fides utrique indiscreta sexui, census Virorum, dos Virginum. Et tu, Fili, aliquanto propior Patri, agnosce quæ matri debeas, quod domui vocabulum reddas. Ætas te excusat, sed hæreditas vocat. Jucundentur, Fili, Pater, & Mater in te: noli Matrem contemnere quasi imprudentem, Regis admonitio inquit, quem erudit Mater sua, primogenite, dico tibi. Quid filius mei ventris? Quid natus mearum orationum? Ne dederis mulieri tuam honestatem, audiens quid Sapiens dicat, quid Scriptura asserat. Considera, quis te, ut nascereris, jussit. Filius es votorum magis, quam dolorum meorum. Considera, cui te muneri Pater tali nomine designaverit, qui vocavit Laurentium. Martyr ille te nobis impetravit: tu restitue, quod de te hujusmodi nominis appellatione promisit. Quid autem est, fili, aliud quod diligendum putes, nisi Deum patrum tuorum? Ipse enim pauperes & divites facit, humiles & excelsos facit. Quid hoc, fili, percellentius? Aut quid est vita hominis in hac terra, nisi lenior cursus? Transivimus, & nihil vidimus. Nonne tentatio est vita hominis in terra, & sicut mercenarii quotidiani vita ejus? Hanc igitur tentationem tantarum necessitatum si vultis, filii, vitare, integritas corporis expetenda vobis est. Quam ego pro consilio suadeo, non pro imperio præcipio. Sola est virginitas, quæ suaderi potest, quoniam præcepti: quod enim gratiæ est, non videtur, sed desideratur.

L E C T I O VII.

Considerate, filiæ, si velitis nubere, quantum vobis desit, quibus pater deest. Deest optima dos: quod ipsum tamen si abundaret, emeretis magno pretio servitutem. Nunc autem quis non despiciat destitutas patre? Quo confugietis? Unde auxilium postulabitis adversus virorum injurias? Quanta in ipsis conjugibus incommoda sunt, quam graves plerumque contumeliæ, quanta vincula? Sola Virginitas potest libertatem dare. Quoniam quæ nupserit, ad servitutem pecunia sua venditur. Meliore conditione mancipia, quam conjugia comparantur. In illis meritum emitur servitutis, in istis pretium a servitute additur. Nupta venalis auro gravatur, auro æstimatur. Experta sum, filii, laborem copulæ, conjugii indignitates, etiam sub bono conjugè: nec tamen sub bono marito libera fui. Serviebam viro;

ro; & laborabam, ut placerem. Misertus est Dominus, & fecit ministrum, continuoque & mihi & vobis raptus est, & forte miserante Domino, ne diceretur maritus. Videtis filii longævam matrem doloribus adhuc immaturam, viduitatis stipendiis amissum omne præsidium, & ornamentum: nec auxilium viri habeo, nec virginittis gratiam: & de me levis cura. Vos mœreo, vos considero. Remanserunt mihi onera conjugii, abierunt adjuvamenta. Quantum mallet, in hos nunquam venisse usus! Potestis tamen excusare Patrem, ablevare Matrem, si quod in nobis amissum est, in vobis præsentetur. Hoc solo nos conjugii non poenitebit. Si vobis labor noster profecerit, primum putabo matrem esse Virginum, ac si Virginitatem tenerem. Considerate filiæ, quam sibi veniens in has terras Dominus Jesus Matrem elegerit, salutem Mundo daturus. Per Virginem venit, & mulieris lapsus, partu Virginis solvit. Vestra quoque integritas meos salvat errores. Quid boni sit virginitas, considerate, destitutam me esse. Certum est præsidio egere. Sed si volueritis sic manere, nullius opem requiram. Abundabit mihi ad honoris opulentiam, vestræ integritatis corona. Quis me non dicet beatam, quam nunc miseram putaret? Quis non honorabit tot Virginum Matrem? Quis non venerabitur aulam pudoris? Multas foeminas Scriptura Divina in lucem evexit: palmam tamen publicæ salutis solis Virginibus dedit. Tales effote filii, quales Adam & Eva in Paradiso fuerunt. Profectamur ego Viduitatem, vos Virginitatem. Considerate filii quid debeatis parentibus. Aperuimus ad Deum os nostrum, & votum fecimus. Votum est voluntas parentum. Nos oravimus, vos solvite. Tu autem fili, postulatus meus, appetitus meus, tu, inquam, impetratus meus, qui quomodo in uterum meum veneris, nescio; jam enim desperaveram sobolem sexus virilis: tu, inquam, fili, agnosce a quo donatus sis mihi. Ille tua ora plasmavit: ille tua membra distinxit: ille mea vota suscepit: cujus Templo, cujus obsequio te, antequam nascereris, sacravi. Non parentibus, nec tibi, sed Deo natus es, cujus, antequam de vulva matris exires, esse coepisti. Et omnes quidem illius sumus: sed tamen tu specialiter promissus, Domino tuo redderis; quia scriptum est: Vovete, & reddite Domino Deo vestro. Ego misera, ego indigna: & tamen quasi Anna Elcanæ, promissi, ut in omnibus vitæ tuæ diebus, ac noctibus a conspectu Domini non recedas. Ego promissi: tu exequere. Dominus sibi hostiæ suæ munus implebit.

LECTIO VIII.

HÆc & alia pia Mater postquam congruentem filiorum vidit affectum, ablactatum suis uberibus gratiæ spiritualis in Templum Domini deducens, conversa ad preces dixit: Confirmatum est, inquit, cor meum in Domino. Exaltatum est cor meum in Deo meo. Ista igitur ad filios Mater dicit: quæ simul & viduitatis in se, integritatis in liberis, titulos in domum suam intulit, quasi quosdam fœmineos principatus. Egregia sane fœmina; quæ sibi nihil reliquit, totum quod habuit, Deo obtulit; cujus vita institutio disciplinæ est, & quædam formula bono proposito, & meliore magisterio. Exemplum enim viduitatis, & virginitatis magisterium est. Procedit in Ecclesiam filiorum virginum septa comitatu, domesticum decus invehens. Et invenit Ecclesia, quem suum dicat filium sacrarum Læctionum oracula personantem, ut videantur sibi Sorores domi discere, cum frater auditur. Mater quoque, ad imitationem cœlestis exempli, gaudet se proficere de filio, & omnia legentis verba pio mandat effectu, & sedulo corde conservat. Ergo quemadmodum secundum vetus Testamentum Mariæ Aaron virginitatem, & secundum novum Sanctæ Mariæ Matris Domini integritatem studio suæ prolis imitata est, remunerationem fidei Divino judicio consequitur. Quæ nihil sibi ad sæculi subsidium servavit, sed totum Domino sobolis piæ munus impendit. Te nunc, Domine, precor, ut super hanc domum tuam, supra hæc Altaria, quæ hodie dedicantur, supra hos lapides spirituales, quibus sensibile tibi in singulis Templum sacratur, quotidianus præsul intendas, orationesque servorum tuorum, quæ in hoc funduntur loco, Divina tua suscipias misericordia. Fiat tibi in honore sanctificationis omne sacrificium quod in hoc Templo fide integra, pia sedulitate defertur. Et cum ad illam respexeris Hostiam salutarem, per quam peccatum Mundi hujus abluitur, respicias etiam ad has piæ hostias castitatis, & diuturno eas tuearis auxilio, ut fiant tibi in odorem suavitatis hostiæ acceptabiles, Jesu Christo Domino placentes. Et integrum spiritum earum animam & corpus sine querela locum usque in diem Domini nostri Jesu Christi filii tui servare digneris.

In Octava Sanctæ Julianæ Viduæ. Lektionen.

LECTIO I.

*Laus Sancti Augustini Episcopi de Juliana Sancta Vidua
Bononiensi, & ejusdem doctrina, atque exhortatio
ad eandem de Continentia Viduali.*

Augustinus Episcopus Servus Christi Servorumque Christi, religiosæ Famulæ Dei Julianæ in Domino Dominorum salutem. Ne petitioni tuæ, & in Christo Jesu dilectioni diutius essem debitor promissionis meæ, arripui utcumque inter alias urgentissimas occupationes meas de professione Sanctæ Viduitatis aliquid ad te scribere.

LECTIO II.

Quoniam & præsentem me rogando onerasti, & cum tibi hæc non potuissem negare, sæpe meum promissum litteris flagitasti. In quo sane opere nostro cum aliqua legeris ad tuam, vel ad vestram, quæ simul in Christo Jesu vivitis, personam minime pertinere, nec admonitioni vitæ vestræ proprie necessaria, non ideo debebis superflua judicare.

LECTIO III.

Istæ quippe litteræ quamvis ad te, non tamen tantummodo tibi scribendæ fuerunt; sed, ut aliis per te quoque prodesent, non utique a nobis negligendum fuit. Quidquid ergo hic inveneris, quod vobis necessarium vel numquam fuerit, vel jam non sit, & tamen aliis esse perspexeris, nec habere te pigeat, nec dare legendum; & ut tua charitas sit utilitas aliarum.

LECTIO IV.

Cum igitur in omni quæstione, quæ ad vitam moresque pertinet, non sola doctrina, verum etiam exhortatio sit necessaria, ut doctrina, quid agendum sit, noverimus, exhortatione autem excitemur, ne pigeat agere, quod agendum esse jam novimus: quid ergo amplius te doceam, quam id, quod apud Apostolum legimus? Sancta enim Scriptura nostræ doctrinæ

æ

næ regulam figit, ne audeamus sapere, plusquam oportet sapere, sed sapiamus, ut ipse ait, ad temperantiam, sicut unicuique Deus partitus est mensuram fidei. Non sit ergo mihi aliud te docere, nisi verba Doctoris tibi exponere, & de eis, quantum Dominus dederit, disputare.

LECTIO V.

A It itaque Apostolus, doctor gentium, vas electionis: Dico autem innuptis & viduis bonum esse illis, si sic permanserint, sicut & ego. Hæc verba ita intelligenda sunt. Quod dico innuptis, non eis solis dico, quæ virgines sunt, sed etiam quæ viduæ sunt, bonum esse illis, si sic permanserint, sicut & ego. Ecce est bonum tuum ei bono comparatum, quod dicit Apostolus suum, si fides adest, immo quia fides adest. Brevis est ista doctrina, nec ideo contemnenda, quia brevis, sed ideo facilius & carius tenenda, quia in brevitate non vilis. Non enim qualecumque bonum hic commendat Apostolus, quod fidei nuptiarum sine ulla ambiguitate præposuit.

LECTIO VI.

QUantum autem bonum habeat nuptiarum fides, idest Christianarum & religiosarum conjugatarum, hinc intelligi potest, quod cum de fugienda fornicatione præciperet, ubi utique & conjugatos alloquebatur, nescitis, inquit, quia omnia vestra membra sunt Christi? Tantum ergo bonum est fidelis conjugii, ut etiam ipsa membra sint Christi. Vides etiam, Juliana, conjugalem pudicitiam & thori Christiani matrimonialem fidem donum esse, & hoc a Deo.

LECTIO VII.

QUapropter hoc primum oportet ut noveris, bono quod elegisti, non damnari secundas nuptias, sed inferius honorari; nam sicut bonum sanctæ Virginitatis, quod elegit filia tua, non damnat unas nuptias tuas, sic nec Viduitas tua cujusdam secundas. Tu autem Juliana, quæ & filios habes; & in eo sæculi sine vivis, quo jam tempus sit non mittendi lapides, sed colligendi, non amplectendi, sed continendi ab amplexu, si secundas nuptias appetisses, nullum prophetiæ, vel legis obsequium, nullum prolis saltem carnalis desiderium, sed solius incon-

incontinentiæ fuisset indicium. Gratias autem Domino, quoniam peperisti, quod esse noluisti. Et Virginitas prolis tuæ compensavit dispendium Virginitatis tuæ.

L E C T I O VIII.

Igitur Juliana hujus vitæ dies suos feliciter complens, duplicata sexta terdenis crementis a Domino receptura, migravit in pace. Sepultaque est in Capella separata ad occidentalem partem Ecclesiæ, quam pro Martyribus Vitale & Agricola a fundamentis extruxerat, cujus marmoreum mausoleum usque hodie his desuper litteris decoratur: Hic requiescit Corpus Sanctæ Julianæ Viduæ. Festum vero ejus colitur v. i. Idus Februarii. Ad laudem & gloriam Domini nostri Jesu Christi, qui cum Patre, & Spiritu Sancto vivit, & regnat Deus, per omnia sæcula seculorum. Amen.

*Lectiones, quæ recitantur a PP. Dominicanis
in honorem Sanctæ Julianæ.*

L E C T I O IV.

Beata Juliana, Bononiæ in Italia ex Julio, & Jocunda parentibus Deum timentibus orta, adhuc puella ad Ecclesiam occulte confugebat, ac ibidem in angulo permanens humiliter virginales orationes ad Christum Jesum fundebat. Annum agens quintum decimum, nobili viro Julio Bonon. in uxorem juncta est, ex quo filios quinque concepit, quos non delicatis poculis, sed sanctis monitis Deo enutrivit. Cum autem vir ejus esset annorum triginta trium, obiit in pace, nutritus in juventute bona. Quo defuncto, utroque etiam orbata parente, sola cum unico filio, filiabusque quatuor, & Socera veterana nomine Jocunda, salutaribus monitis, jejuniis, lacrymis, & orationibus insistens, Viduam sanctam, & castam se præbuit, ac adeo piam in pauperes, ut non modo largiter eis eleemosynam tribueret, verum etiam eorum cicatrices lavaret: quare Mater pauperum, & ancilla dicebatur.

L E C T I O V.

EO tempore contigit, Beato Ambrosio Mediolanensi Episcopo Corpora Sanctorum Martyrum Vitalis, & Agricola

læ divinitus revelari. Qui Bononiam statim petiit, & ex loco, quem ei Dominus ostendere dignatus est, ipsorum Martyrum Corpora cum totius populi gaudio sublevavit. Aderat interim Juliana huic solemnī jubilo, quæ omnem turbam protinus antecedens, Beati Ambrosii pedibus provoluta, precibus, & obsecrationibus Sanctorum Corpora ab ipso impetravit, quibus Ecclesiam a fundamentis erexit. Alteram quoque in honorem prædictorum Sanctorum intra domos suas Basilicam ipsa construxit, ac solícite pertimescens, ne thesaurum inæstimabilem virginitatis filiarum serpens antiquus invaderet, easdem domos in Monasterii formam ordinavit. Ubi cum Socera, & filiabus vitam angelicam duxit.

L E C T I O V I.

DEmum cum esset annorum septuaginta trium, quadam nocte Divinis excubiis intenta, Dominum deprecata est, ut ejus a corpore animam eriperet, & in æterna tabernacula recipere dignaretur. Accidit, ut non multum post gravi corporis infirmitate correpta, cum ad extremum deduceretur, sumtis devote Ecclesiæ Sacramentis, inter verba orationis a terra fere per cubitum elevata, clamando dixit: Pergimus ad Cælum, pergimus ad Cælum, fideles: & sic tradidit spiritum. Tunc ad lectum famulæ Dei astantes viderunt, quod infantulus cum multitudine magna parvulorum sanctam ejus animam tollens, ad Cælum evolavit. Sepulta autem fuit in Ecclesia Sancti Stephani intra marmoreum mausoleum cum summa Bononiensium veneratione, & maximo viduarum, pupillarum, ac pauperum mœnore, septimo Idus Februarii, Theodoro Imperante.

Lectioes S. Proculi Ep. & Martyris, & alierius S. Proculi Militis & Martyris, quæ olim recitabantur a Monachis Ord. S. Benedicti; de quibus mentionem fecimus Cap. xiii. pag. 632.

L E C T I O I.

Passio Sanctorum Martyrum Proculi Militis Bononiensis & Proculi Ep. Interamnenfis.

Dioeletiano, & Maximiano Imperantibus acerbissima persecutio exorta est, quæ per decem continuos annos plebem

bem Dei depopulata est. Qua tempestate omnis fere Sacro Martyrum cruore Orbis infectus est. Hujus tam diræ calamitatis malum Civitas Bononiensium in primis pertulit. Per idem namque tempus (ut numquam defunt impiis Tyrannis crudeliores ministri) Bononiensi Reipublicæ gubernandæ præerat Marinus quidam Idolorum studiosus, ac Christiani nominis vehementissimus insectator, adeo ut nullus fere dies esset, quo non aliquem Christianorum Civium excogitatis artibus nefarie cruciatum necaret, eoque sævitæ, atque audaciæ jam processerat, ut nemo bonorum ne hîscere quidem auderet. Contra Pagani insultare leges, jura, judicia subvertere, omnia sibi licere arbitrari, bonos per summam injuriam sedibus, ac fortunis ejicere, instare, urgere, adeo ut capere eorum amentiam Civitas non posset.

L E C T I O II.

ERat tum inter Christianos Proculus Bononiensis adolescens nobilis, & Miles strenuus, incredibilique tum pietate, tum fortitudine præditus, cui indignum videbatur tot cives suos optimos viros, Christianique Dei cultores integerrimos unius perditissimi hominis furore per summum scelus excindi, atque funestari Christianum nomen, ac Idolorum cultoribus ludibrio esse, Sanctissimum Dei nomen propalam, & impune blasphemari, neque tantæ indignitatis ultorem adhuc ullum extitisse. Hæc igitur cum sæpe, ac diu secum mœrens cogitasset; tandem, ut alter Phinees zelo Dei succensus, Christumque precatus, ut coeptis suis faveret, primis se intendentibus tenebris proficiscitur solus ad ædes Præfecti, atque sibi esse gravi de re cum illo, procul amotis arbitris, colloquendum.

L E C T I O III.

ADmissus ab ignaris consilii custodibus, ubi vidit omnes accessisse: Ut sentias, inquit, Marine, quam nihil usquam tutum sit iniquo, en scelerum tuorum, atque impietatis ultor ad te veni, simulque securi, quam sub veste detulerat, Marinum aggressus, nescio quid conantem dicere, frustra que reluctantem obruncat, atque illinc clam omnibus se proripiens ad loca abdita secessit, prudenti consilio usus. Nam si extincto Præfecto ad suos se se recepisset, facile tumultu in vulgus excitato, magnum aliquod ea nocte perniciosumque bonis civibus, & patriæ certamen attulisset. Neque tamen fugam meditatus est, ad quam

Tom. X.

V v v v

nec

nec locus deerat, nec tempus; sed in suburbano ad locum, cui Gallicantulæ nomen est, divertit, orationi ibidem instans, & expectans Domini voluntatem.

L E C T I O IV.

Cæterum ubi jacentis Præfecti corpus Familiares reppererunt in proprio cruore volutatum, facile omnes in eam sententiam convenerunt, tam audacis facinoris unum Proculum auctorem fuisse, quod is scilicet Christianus esset in primis, & paganis omnibus ultra modum infensus, quod animo ferox, & lingua, & manu promptus, quod secretum cum Marino colloquium paulo ante petisset. Igitur tanquam manifeste reus cædis Proculus, instante Paganorum rabie, capitis arcessitur, quæritur, facileque invenitur, utpote non fugitans, aut delitescens, sed in eodem loco persistens, & orans, Hebræi cujusdam indicio proditus. Itaque raptus, & catenatus ad Curiam traditur, causamque ex vinculis dicere jubetur. Ibi tum Proculus incredibili constantia ad astantem plebem luculentam exorsus orationem ultro, atque alacriter proficitur, Marinum se trucidasse perniciosissimam Urbis, ac Civium pestem, Fideique orthodoxæ, ac bonorum omnium hostem perditissimum. Facti haud poenitere, quod pro fidei defensione, & charitate patriæ Christo auspice, ac fautore peregisset. Paratum se pro Christiana veritate sanguinem libentissime, vitamque profundere, proindeque ipsi in patriis legibus, & orthodoxa majorum fide persisterent, adversus quam inferorum portæ prævalere nullatenus possent. Cujus facundia, atque animi præsentia magis, ac magis Pagani exulcerati, inveteratum in Christi athletam odium novi furoris rabie acrius inflammante, præcipites Proculum rapiunt, & ad supplicium protractum exultantem, ac carissimam patriam Christo precibus commendantem, securi percutiunt. At cum cæsa ceruice caput excissum in terram decidisset, id Proculus e vestigio utraque manu sublatus inde profectus, magna interim erumpente vi cruoris e jugulo, ad eum usque locum detulit, ubi posita fuit a Bononiensibus Templum sibi dicatum. Subito autem fœda tempestas cum ingenti fragore coorta miraculum auxit, omnibus tam pie, quam vere cogitantibus, fortissimum virum ab impiis iniquo supplicio affectum, a Christo fuisse inter Beatos Martyres assumptum, & coronatum. Passus est autem circa annum Domini tercentesium tertium, sub Diocletiano, & Maximiano.

L E-

L E C T I O V.

Cum post multos annos Gothorum Regnum esset ad crudelissimum Totilam devolutum, cujus terrore, ac barbarica immanitate complures per Italiam a vera, Catholicaque religione defecerant, Proculus alter Interamnenſis Episcopus in tempore Bononiam advenit, ut ubi sæpius in Dominicum gregem lupus grassabatur, ibi sedulus accurreret vigilantissimus Pastor oves a moribus ferarum vindicaturus, atque, si ita res postularet, animam quoque pro ovibus expositurus. Erat hic, ut in antiquis monumentis habetur, genere Syrus. Cumque ea tempestate per Orientem maxime pestis Ariana passim vagaretur, & multis Ecclesiis Ariani Episcopi incubarent, Proculus cum nonnullis alijs Catholicis hæreticorum furori, ac violentiæ cedens, Italiam petiit, ac Beato Valentino Interamnenſi Episcopo adhæsit. Qui Proculi Sanctitatem considerans, non solum honorifice eum suscepit, sed etiam reclamantem licet, diuque reluctanſtem in Ecclesia sua Sacerdotem ordinavit, in qua tum doctrinæ, tum vitæ sanctitate quam plurimum fidelibus profuit. Postea vero quam Beatus Valentinus ad Dominum migravit, Proculus illi in Episcopatu successit, verbo & exemplo Beatissimus Pastor gregem Dominicum solícite pascebat, non solum Interamnenſem Ecclesiam, sed & vicinas Civitates Divini verbi prædicatione ædificans, & contra Hæreticorum fallacias, ac Luporum rabiem instruens, ac defendens.

L E C T I O VI.

Cumque multis in locis inter varias & graves Hæreticorum persecutiones Catholicam Fidem doctrina, & consequentibus signis egregie stabilisset; nam & paralyticos curasse legitur, & cæcis visum restituisse, Dæmones ab obsessis corporibus effugasse, & complura alia sanitatum genera fidelibus contulisse, tandem Divina admonitus revelatione cum venerabili viro Volusiano Bononiam venit, ubi cum Theodori cujusdam filio, qui altera manu inutilis erat, salutem Divina ope reddidisset, ambos Sacro Baptismate cum tota familia initiavit, Heroniani deinde filium a malis Dæmonibus oppressum Christi invocato nomine liberavit; aliaque præterea Miracula multa cum edidisset, multorum animos ad Christianam pietatem rite colendam excitavit, a qua plerique Bononiæ per eos dies defecisse videbantur.

V V V 2

LE-

TOtila vero Gothorum Tyrannus omnibus fere studiosis; ac probis viris infeasus, sed Catholicos quosque Sanctissimos Episcopos in primis exosus, audita Beati Proculi fama, iussit illum capite cædi, binis antea loris ex ejus dorso a collo ad calcaneos usque detractis, qua supplicii atrocitate barbarus innata quadam animi feritate delectabatur, quemadmodum etiam ex D. Herculani Pontificis Perusini passione colligitur, cujus in Dialogis meminit D. Gregorius Magnus. Volusianus autem supradictus Beati Martyris sanguinem pretiosissimum colligens, in argenteo vasculo conditum Typhernum detulit, ubi inter cætera miracula cæcum ex illo cum inunxisset, incolumitatem illi restituit oculorum, & mulieri cuidam immedicabili sanguinis profluvio laboranti optatam contulit sanitatem.

Porro Sacrum Pontificis Corpus prope Bononiam Sepulchro tumultuario pro rerum angustia tum a Catholicis situm est: ubi cum multos post dies defunctus puer sepulturæ mandaretur, mox ut Proculi tumulum attingit pueri cadaver, quemadmodum de Elisæi sepulchro legitur, revixit ille, qui nuper diem obiebat, declarante scilicet Domino quantæ sanctitatis, ac meriti foret is, qui dudum pro vera pietate mortem suscepisset. Cujus rei fama cum repente Bononiam esset allata, confestim summa per animos civium pervasit opinio, id sine dubio (quod satis constare videbatur) Sancti Præfulis Proculi virtute contigisse. Quamobrem de publica consilii sententia sacrosanctum illud Corpus inde defossum est a Sacerdotibus, integrum repertum, mox solemnī pompa, maximaque Populi Bononiensis frequentia, ac pietate in idem Templum deportatum, & conditum est, quod superiori Proculo Militi publica impensa poni jam cœptum erat; ut quos ejusdem nominis Martyres eadem dies, & causa apud eandem Urbem, diversis licet temporibus, & Tyrannis coronaverat, idem etiam Templum, atque Sepulchrum usque ad beatam Corporum resurrectionem reservaret.

Ex Hymnario antiquo manuscripto in pergamena apud Canonicum Amadeum Bononiensem, cui titulus: Incipit Ympnarium per totum anni circulum secundum usum & consuetudinem romane curie &c. sequentes hymni de Sancto Proculo fideliter transcripti sunt, videlicet:

In Sancti proculi ad vesperas Tmpnus.

Hymnum canamus glorie
 Hymnum sancte memorie
 Hymnum nunc dei filio
 In proculi martirio.
Qui nominis prefagium
 Procul lucendo tenuit
 Exemplar penitentium
 Virtutibus emicuit.
Huic obedit bestia
 Mente mutata efferi
 Dira fugat demonia
 Expulsa jussu celeri.
Membra sanat languentium
 Ac mentes infidelium.
 Quare totile odium
 Mortis infert supplicium.
Post mortem & martiria
 Potitur celi premia
 Clausus in te bononia
 Nobis det poli gaudia.
Laus patri & genito
 Sit simul & paraclito
 Et nobis parcat solito
 Plus sancti hujus merito. Amen.

Ad noct. Tmpnus.

Solitis deo precibus
 Devoti psalmi laudibus
 Per proculi solempnia
 Nunc detur nobis venia.
Qui dei jussu veniens

Vite

Vite semina attulit
 Christi precepta gestiens
 implere mortem pertulit.
 Pro cristo cutem exuit.
 Dum capud lora posuit
 Pellem pro pelle meruit
 Et corpus plaga caruit.
 Hic positus in tumulo.
 Suscitato puerulo
 Cum Cristo scitur vivere
 Et Celi alta scandere.
 O rosa patientium
 Viola consentium
 Ac virginale lilium
 Eternum confert premium.
 Laus Patri. &c.

Ad Laudes.

P Laude felix bononia
 Patre ditata martire
 Surge ut tympanistris
 Domino laudes redere.
 Hujus patroni meritis
 A malis & periculis
 Protegaris a Domino
 In hoc solempni gaudio.
 Ut destructis criminibus
 Atque adversitatibus
 Valeas deo canere
 Et hunc patrem recolere.
Qui dum divina celebrat
 Ei turba angelica
 Respondet digna cantica
 Ad quam festinat inhiat.
 Cervam in via reperit
 Ut gressum figat precipit
 Et lacte sitim repulit
 Crisum vocans hoc potuit.
 Pro te superne genite
 Stat sanctus flexo poplite
 Et amputato capite

Se dat in vero limite .
 Nunc pro tuo Colegio
 Martir sancte supplica
 Et in eterno premio
 Eos simul communica .
 Patri nato paraclito
 Decus honor & gloria
 Sint Sancti hujus merito
 Nobis eterna gaudia . Amen .

*Lectioes S. PROCULI Militis, & Martyris, quæ
 recitantur a PP. Dominicanis, de quibus men-
 tionem fecimus Cap. xiii. pag. 632.*

L E C T I O I V.

BEatus Proculus nobilis genere , sed sanctitate nobilior , vi-
 dens, quod Marinus Præfectus Prætorii Bononiam Justino
 Imperante missus, Paganorum, & Arianorum suasu Christianos
 immaniter persequeretur, & eisdem mortem intentabat; cæpit
 Socios suos hortari, dicens: Eja Milites Christi, quid timetis?
 Levate mentes vestras, exhilarate corda vestra, quoniam salus
 nostra Christus est, præmium, & corona nostra: sequamur exem-
 pla Sanctorum, & induamur armatura Dei; ut possimus a nobis
 repellere minas iniquissimi Marini, Diaboli, & mortis ministri.
 Hoc audiens Marinus Præfectus iussit eum sibi præsentari, cui &
 dixit: Quis es tu, qui iussa Romanorum Principum sub Christia-
 nitatis titulo vilipendis? Qui respondit: Christianus sum, fidu-
 cialiter de Deo loquens, & consolationem ejus præstolor. Cui
 Marinus: Quomodo vocaris? Proculus vocaris (ait Præfectus)
 quia Procul es a cultura Deorum, at inducias hodie tibi dabo, ut
 eisdem sacrificando, tormenta evadere possis.

L E C T I O V.

AUdita Præfecti sæva deliberatione Proculus securim, quam
 tota die diligenter exacuerat, accepit, dicens: Domine
 Deus Omnipotens, Pater Domini mei Jesu Christi, ostende vir-
 tutis tuæ potentiam, ut securis ista ad radicem nefandæ arboris
 posita, eam radicitus evellat. Et ingressus locum, ubi profanus
 ille Marinus Idola adorabat, postquam pronus in Oratione Do-
 minica diutius oravit, accepta securi, quam caute tenebat pro
 salu-

salute Fidelium, cervicem Marini percussit, & amputato capite, truncum permisit in proprio sanguine volutari. Postera autem die convenientibus ministris Principis ad Templum, viso spectaculo, cœperunt inquirere, quis talia agere præsumisset. Qui: dam autem Paganorum criminati sunt Proculum, quem audierant in die illa ferrum acuentem. Qui mox anxie inquitur, & a quibusdam Judæis, qui noverant locum, in quo Vir Dei ad tempus propter Neophytos furori cedens, inter virgulta latitans, orare consueverat, proditur; & ibi in Oratione insitens a militibus comprehenditur, trahitur, flagellatur, pugnis contunditur, calcibus dilaceratur, & sic usque ad locum, ubi decollandus erat, ducitur.

L E C T I O V I.

CUmque Beatus Proculus productus esset ad locum Martyrii, oravit; expansisque manibus ad Cœlum dixit: Domine Jesu Christe, respice super familiam nuper ad te conversam, ut malignus boni operis serpens invidus nullatenus eam contaminare valeat; & Civitatem istam nostris precibus semper protegas, & defendas; & animam meam, quam tibi gratanter offero, in Regno tuo inter exiguos, & extremos Servos tuos collocari jubeas. Oratione completa, improbus spiculator accedens amputavit caput ejus, & statim coruscus magnus factus est fulgor, & sonitus ingens intonuit: unde Angelicam præsentiam putantes cuncti infideles exterriti diffugerunt. Ipse autem Beatus Martyr erigens se se poplitibus constans, apprehendens caput suum, quasi acclivis incedens cum ipso capite ad locum pervenit, ubi in Ecclesia, suo nomini dicata, requiescit usque in præsentem diem.

Lectioes S. PARISII, de quibus superius locuti sumus Cap. xiv. pag. 638.

L E C T I O V.

Parisius Bononiæ piis, honestisque Parentibus natus est anno salutis millesimo centesimo quinquagesimo primo. Vix rationis compos, puerilibus posthabitis oblectamentis, mundique spretis illecebris, futuræ ejus Sanctitatis eximia præbuit argumenta. Divina quippe præventus Gratia virtutum omnium tramites cœpit percurrere, Orationi, Vigiliis, atque Jejuniis semper intentus. Inde ad majora contendens, in Patria sua Institu-

tum Monachorum Camaldulensium magno animi fervore exoptatum amplectitur.

L E C T I O V I.

TYROCINIUM Monasticæ disciplinæ ita exercuit, ut brevi omnibus exemplar esset Patientiæ, Humilitatis, & Obedientiæ. Monachus factus exercitationibus suis Sacrarum Literarum studium conjunxit: quibus apprimè instructus, & annum quadragesimum agens, licet invitus Monialibus Sanctæ Christinæ Ordinis sui in Agro Tarvisino præficitur.

L E C T I O V I I.

SACRARUM Virginum regimine suscepto, se ei totum impendit, summaque illa, quæ desursum est, sapientia, ad Christi Domini amorem, & Monasticæ disciplinæ observantiam promovere satagebat. Nullum erat Virtutum genus, quod earum Instituto accommodatum non proponeret exercendum, in quo ipse suis magis, magisque claresceret. Incedens igitur sine querela autè Dominum, annis septem supra septuaginta Sanctimonialibus præfuit tamquam Angelus, & Magister.

L E C T I O V I I I.

PLENUS gratia apud homines, & plenus meritis fidelis Servus & prudens, consenuit in Domo Dei, servans illibatam ad extremum vitæ spiritum Virginitatem, pluribus clarus Miraculis, & Prophetiæ dono illustratus, obdormivit in Domino ætatis suæ anno centesimo decimo sexto, die undecima Junii, anno millesimo ducentesimo sexagesimo septimo. Mortem ejus alia quoque Miracula subsecuta sunt, & omnium veneratione a Populo Tarvisino adscitus est in Patronum. Requiescit Corpus ejus in Ecclesia Sanctæ Christinæ, ubi magna colitur devotione, & Festum ejus annua solemnitate celebratur.

*Lectioes SS. VITALIS, & AGRICOLÆ, quæ olim
recitabantur a Monialibus S. Vitalis, de quibus
locuti sumus Cap. xxiii. pag. 679.*

L E C T I O I.

Sermo Sancti Ambrosii Episcopi :

Ambrosius Servus Jesu Christi, vocatus Episcopus, dilectissimis Fratribus, & universis Plebibus in Domino æternam salutem, magna Martyrum & præcelsa testimonia, quæ attenuat noster potius, quam explicat sermo. Igitur invitatus a Plebe Bononiensi, negare præsentiam meam nullatenus potui, quia tempus aderat, ut Dominus sua mirabilia, quæ solet, ostenderet.

L E C T I O II.

Apophoretam quidem plenam Sanctitate, & gratia mecum detuli. Christi enim principis nostri triumphus sunt Martyrum palmæ: ergo in me minus est, quam præsumebatur, in Martyribus plus reperitur. Sanctis nostris nomen Agricola est, cujus Sanctus Vitalis Servus olim fuit, nunc consors & collega Martyrii. Præcessit Servus, ut provideret locum: secutus est Dominus securus, quod datam fidem servuli jam inveniret paratam. Non alienam laudamus passionem Servi: disciplina Domini est: hic instituit, ille implevit, nihil illi decerpitur, quomodo minui potest quod Christus donavit egregie?

L E C T I O III.

Et ille quidem homini serviendo didicit quomodo Christo placeret, hic tamen geminam laudem acquisivit, in illo Magisterii, in se Martyrii. Certaverunt inter se invicem beneficiis postquam æquales esse meruerunt: hic illum ad Martyrium præmisit, ille istum accersivit: nullum ergo ad commendationem hominis conditio affert.

L E C T I O I V.

Sive Liber; sive Servus, omnes in Christo unum sumus, & unusquisque quod fecerit bonum, hoc recipiet a Domino. Apud Dominum bona servitus & bona libertas æqua lance appenduntur. Quoniam nulla major dignitas, quam servire Christo, qui nos tali pretio æstimavit, ut animam suam pro nobis traderet.

L E C T I O V.

Sed jam ad propositum redeamus. Cumque Sanctus Vitalis cogeretur a persequentibus, ut Christum negaret, & ille amplius profiteretur Dominum Jesum Christum, omnia tormentorum genera in eum exercuerunt, ut non esset in corpore ejus sine vulnere locus. Orationem fudit ad Dominum, dicens: Domine Jesu Christe Salvator meus, jube suscipi spiritum meum, quia jam desidero ut accipiam coronam, quam Angelus tuus Sanctus mihi ostendit: & completa oratione emisit spiritum.

L E C T I O VI.

Sanctus vero Agricola mitior habebatur moribus, ut etiam ab ipsis inimicis diligeretur, ideoque differebant ejus passionem: sed hæc persequentium honorificentia omni erat immanitate acerbior, quæ invidebat Martyribus. Denique ubi non acquievit persecutoribus, Sanctus Agricola crucifixus est, ut advertamus, illas eorum blanditias non sedulitatis fuisse, sed fraudis.

L E C T I O VII.

Per supplicia & tormenta quæ in Sancto Vitale exercuerunt, Dominum ejus Sanctum Agricolam terrere voluerunt: sed convertit Dominus noster Christus in gratiam, ut Martyrium Servi Dominus imitaretur: utrique nomen aptum fuit, ut Martyrio designati jam ipsis vocabulis viderentur. Ille Vitalis dictus est, quasi contemptu hujus vitæ veram illam vitam æternam sibi acquireret.

L E C T I O VIII.

Iste Agricola, qui bonos fructus spiritualis gratiæ seminaret; & sacri sanguinis effusionem meritorum suorum, omniumque virtutum rigaret plantaria. Passi sunt autem Sancti Martyres temporibus Diocletiani & Maximiani Imperatorum. Et sepulti sunt in Judæorum solo inter eorum sepulchra, qui eorum Dominum negaverunt. Eundem locum mihi Dominus noster Jesus Christus revelare dignatus est.

L E C T I O IX.

Iste locus evangelicus, fratres, ubi se Dominus dicit vitem, & discipulos suos palmites, secundum hoc dicit, quod est caput Ecclesiæ, nosque membra ejus, mediator Dei & hominum homo Christus Jesus. Unius quippe naturæ sunt vitis, & palmites, propter quod cum esset Deus, cujus naturæ non sumus, factus est homo, ut in illo esset vitis humana natura, cujus & nos homines palmites esse possemus.

L E C T I O X.

Quid est ergo, Ego sum vitis vera? Nunquid addens, vera, hoc ad eandem vitem retulit, unde ista similitudo translata est? Sic enim dicitur vitis per similitudinem, non per proprietatem, quemadmodum dicitur Ovis, Agnus, Leo, Petra, Lapis Angularis, & cætera.

L E C T I O XI.

Hujusmodi quæ magis ipsa sunt vera, ex quibus ducuntur istæ similitudines, non proprietates, sed cum dicit: Ego sum vitis vera: ab illa se utique discernit, cui dicitur: Quomodo conversa es in amaritudinem vitis aliena? nam quo pacto est vitis vera, quæ expectata est, ut faceret uvas, fecit autem spinas?

L E C T I O XII.

Ego sum, inquit, vitis vera, & Pater meus Agricola est, omnem palmitem in me non ferentem fructum tollet eum, & om-

& omnem qui fert fructum, purgabit eum, ut fructum plus afferat. Numquid unum sunt vitis, & Agricola? Secundum hoc ergo vitis Christus, secundum quod ait: Pater major me est: secundum id autem quod ait: Ego & Pater unum sumus: & ipse Agricola est.

Infra Octavam, Lectiones. 1

L E C T I O I.

De Sermone Sancti Ambrosii Episcopi.

ILlic Martyrum excubias requirebamus, tanquam inter spinas rosam eligentes: circumfundebamur a Judæis, cum sacra Corpora veherentur; aderat populus Christianus cum plausu & lætitia: dicebant Judæi, flores visi sunt in terra nostra: cum viderent Martyres Christi Christiani dicebant, tempus incisionis adest, jam qui metit mercedem accipit, alii seminaverunt, nos metivimus Martyrum fructus.

L E C T I O II.

Audientes Judæi vocem plaudentem Ecclesiæ, dicebant inter se: Vox turturis audita est in terra nostra: unde bene per Prophetam dicitur: Dies diei, Christianus Christiano; nox nocti indicat scientiam. Dies diei, Christianus Christiano; nox nocti, Judæus Judæo.

L E C T I O III.

Detuli ergo munera, quæ meis elegi manibus, Crucis trophæum, cujus gratiam in operibus agnoscitis: certe & ipsi Dæmones confitebantur, & ab hominibus mox egrediebantur: & multi qui ægritudinibus diversis affligebantur, contingentes Sudaria Sanctorum, sanabatur.

L E C T I O IV.

Sed & alia multa mirabilia per Sanctos suos in præsentia populi facta sunt, dum transferrentur. Condant alii aurum atque argentum, ac de latentibus eruant venis, legant pretiosa monilium ferta: temporalis iste thesaurus est, & sæpe habentibus perniciosus.

L E-

L E C T I O . V.

NOs collegimus Martyrum clavos: & multos quidem, ut plura fuerint vulnera, quam membra. Hæc Sanctæ Viduæ negare non potuimus postulanti. Munera itaque salutis accipite, quæ nunc sub Sacris Altaribus reconduntur. Ea igitur Vidua Sancta est Juliana, quæ Domino Templum paravit atque obtulit.

L E C T I O . VI.

FUis itaque precibus, te omnipotentem Dominum deprecor, ut supra domum hanc, super hæc Altaria, super hos lapides speciales, quibus sensibile tibi, ac singulis virtutibus Sanctorum tuorum Vitalis atque Agricolæ Templum Sanctum est,

L E C T I O . VII.

QUotidianas præsul intendas orationes Servorum tuorum, quæ funduntur in hoc loco, Divina tua suscipias misericordia, fiat tibi in honore sanctificationis omne Sacrificium, quod in hoc Templum fide integra, & pia sedulitate deferretur. Et cum ad illam respexeris hostiam salutarem, per quam peccatum Mundi hujus abluitur:

L E C T I O . VIII.

REspicias etiam ad has pie hostias castitatis, & diuturno eas tuearis auxilio, ut fiant tibi in odore suavitatis hostiæ acceptabiles, Christo Domino placentes, & integrum spiritum eorum, & Corpus sine querela locum usque in diem Domini nostri Jesu Christi Filii tui servare digneris. Passi sunt autem Sancti Martyres Vitalis & Agricola in Provincia Italiæ, in Civitate Bononiensi, sub Diocletiano, & Maximiano Imperatoribus anno Domini CCLXXXVII. pridie nonas Novembris, regnante vero Domino nostro Jesu Christo, cui honor, & gloria in sæcula sæculorum. Amen.

*Lectiones eorumdem Sanctorum , quæ recitantur a
PP. Dominicanis , quarum mentionem
fecimus Ibidem.*

L E C T I O IV.

Ex adhortatione S. Ambrosii Episcopi ad Virgines.

Vitalis Agricolaë Servus fuit ante, nunc consors, & collega Martyrii. Qui cum cogeretur a persequentibus, ut Christum negaret, & ille amplius profiteretur Dominum Jesum Christum, omnia tormentorum genera in eum exercentes, ut non esset in corpore ejus sine vulnere locus, orationem fudit ad Dominum, dicens: Domine Jesu Christe, Salvator meus, & Deus meus, jube suscipi spiritum meum, quia jam desidero, ut accipiam coronam, quam Angelus tuus Sanctus mihi ostendit. Et completa oratione emisit spiritum.

L E C T I O V.

Sanctus vero Agricola mitior habebatur moribus, ut ab ipsis etiam inimicis diligeretur. Ideoque differebant ejus passionem. Denique ubi non acquievit Sanctus Agricola, crucifixus est. Sepulti autem erant in Judæorum solo. Illic igitur Martyris exuvias requirebamus, tanquam inter spinas rosam legentes. Nos legimus Martyris clavos, & multos quidem, ut plura fuerint vulnera, quam membra. Collegimus Sanguinem triumphalem, & Crucis lignum. Munera itaque salutis accipite, quæ nunc sacris Altaribus reconduntur. Passi sunt autem Sancti Martyres Bononiæ in persecutione Diocletiani, & Maximiani.

L E C T I O VI.

*Ex Epistola S. Cypriani Episcopi, & Mart. ad
Martyres, & Confessores.*

Quibus ego vos laudibus prædicem, fortissimi Martyres? Robur pectoris vestri, & perseverantiam Fidei quo præconio vocis exornem? Tolerastis usque ad consummationem gloriæ durissimam quæstionem: nec cessistis suppliciis, sed vobis potius supplicia cesserunt. Finem doloribus, quem tormenta-

menta non dabant, coronæ dederunt. Laniena gravior ad hoc diu perseveravit, non ut stantem fidem dejiceret, sed ut homines Dei ad Deum velocius mitteret.

Lectiones S. FLORIANI, quæ recitantur a PP. Dominicanis, ut diximus Cap. xxvi. pag. 687.

L E C T I O I V.

ANno vigesimo septimo Heraclii Imperatoris Atheis Saracenis Civitatem, quæ Gaza dicitur, obsidentibus, Florianus cum triginta novem aliis Christianis in ipsa militabat. At Civitas necessitate compulsa, tradita est manibus hostium, hac lege, ut Christiani ibidem reperti libertate minime fruerentur. Ingressi igitur inimici milites, Christi cultores ceperunt, vinculis ferreis ipsos alligantes, quos & in carceribus recluserunt.

L E C T I O V.

VErum sequenti luce Ambrus Dux Saracenorum eosdem a Christicolarum Fide iussit recedere. Qui his dissentientes, ab uxoribus, & filiis segregati sunt. Sanctus vero Florianus, ac Calanicus Decurio Socios hortabatur, ut sexaginta Artium sectarentur exempla; sed Diabolus hoc ægre ferens, Admiranti suavit, ut Ambro Duci Civitatis scribendo ipsum moneret, vel captivos hos abnegantes ad se cum honore transmitteret, aut persistentibus eisdem in Fide Christi, aliorum exemplo Calanicum cum novem Sociis obcœcaret.

L E C T I O V I.

HIs auditis Beatus Florianus nocte unumquemque illorum profusis lacrymis ad constantiam hortabatur. Mane autem AMBROSII imperata Principis suadere contendit: at illi Fidei jugum quaque ex causa diffugere respuunt. Iratus vero Admirans iussit, decem prædictos extra Civitatem capite obtruncari. Hos vero Beatus Florianus in Templo Sancti Stephani sepeliri curavit. Sanctorum autem nomina sunt hæc: Calanicus, Petrus, Paulus, Theodorus, & Joannes. Hi autem mortui sunt pro Christo tertio Idus Novembris.

L E C T I O V I L

Admirans autem præcepit Ambro, post triginta dies reliquos ad se adducere, quibus coram ipso constitutis, ita effatus est: Aut Deos colentes, suscipite cum uxoribus, & filiis honores, sicut nos, aut inobedientes mortem, ut Socii vestri, patiemini. Sancti vero unanimi consensu responderunt: Nihil nos ab amore, & charitate Christi segregabit, sed parati sumus pro ipso mortem subire, qui & pro nobis passus est, & resurrexit, in fineque sæculorum singulos judicabit.

L E C T I O V I I I.

CUm vero Dux Ambrus hæc audisset, furore commotus in Sanctos, ipsos circumdari jussit a Satellitibus Diaboli, & simul cum Sancto Floriano crudeliter trucidari. Sed Fideles, Corporibus Sanctorum Martyrum trium millium solidorum pretio ab Infidelibus redemptis, Leutropoli in Templo Sanctissimæ Trinitatis eorumdem Corpora sepelierunt. Qui decimo Kalendas Januarii pro Christo passi sunt.

L E C T I O I X.

AT Beatus Petronius Bononiensis Episcopus, favore Theodosisii junioris, Imperatoris clementissimi, horum Beatissimorum Martyrum Corpora, & Reliquias impetravit, ac Bononiam detulit, & in Ecclesia Beati Protomartyris Stephani collocari jussit, ubi usque ad præsentem diem reservantur. Hac autem die simul omnium prædictorum quadraginta Martyrum solemnitas Bononiæ celebratur.

Lectiones S. FLORIANI, quæ extant in Archivis Vicentiæ in Lectionario quodam ex Pergamena pro Cathedrali Ecclesia, cujus prima verba sunt ea quæ sequuntur:
In Christi Nomine incipiunt Historiæ Sanctorum.

In Sancti Floriani Martyris.

L E C T I O I.

IN illis diebus sub Diocletiano, & Maximiano Imperatoribus dum esset persecutio maxima Christianorum, quidam se
Tom.X. Yyy in

in montibus abscondebant, ut de poenis hujus vitæ liberari possent. Tunc impiissimi Judices missi ab Imperatoribus certabant infanientes. Christi autem Athletæ e contrario laborabant. Cum autem venisset Sacrilegorum Principum præceptio apud Noricum administrante Aquilino Præsidente, venit Præses ad Castrum Lauriacense, & cœpit vehementer inquirere Christianos, & comprehensi sunt numero Quadraginta, qui diutissime concertantes, & multis suppliciis excruciat, missi sunt in carcerem.

L E C T I O II.

E Adem vero hora Beatissimus Florianus, & Princeps officii in confessione succedit, & dixit ad suos: Oportet me Lauriacum ambulare ad Præsidentem, & ibidem pro Christi nomine diversa supplicia sustinere. Cum autem venisset Lauriacum, invenit eos, cum quibus ante militaverat, qui missi erant a Præsidente ad inquirendos Christianos. Et dum loquerentur inter se, dixerunt ad eum: Frater, & Commilito noster audisti præcepta Imperatoris, quæ venerunt ad Præsidentem, ubi jubentur omnes Christiani Diis libamina exhibere? Qui autem noluerint, diversis suppliciis intendant.

L E C T I O III.

HÆc audiens Beatus Florianus dixit ad eos: Et ego Christianus sum. Illi autem comprehensum eum duxerunt ad Præsidentem, dicentes ad eum. Quid alios quærimus? Nam Princeps officii nostri Florianus Christianum se esse profitetur. Dicit ei Præses: Floriane sacrifica Diis, sicut & ego, & Commilitones tui, & vivas nobiscum, & cum Contemptoribus non puniariis secundum præcepta Imperatorum. Sanctus Florianus respondit: Hoc ego non sum facturus: quod autem tibi præceptum est, exerce.

L E C T I O IV.

Tunc Præses commotus ira vim ei inferri præcepit, ut invitus sacrificaret. Beatus autem Florianus levavit vocem suam ad Dominum, & dixit: Domine Deus meus in te spero, & te denegare non possum, sed tibi milito, & tibi offero sacrificium laudis: da mihi tolerandi virtutem, & suscipe me inter Sanctos, & Electos tuos, qui ante me confessi sunt nomen sanctum

atum tuum. Indue me Stolam candidam virtutis, & Spiritu Sancto confirma me, ut te laudem, qui es benedictus in sæcula. Amen. Aquilinus autem Præses audiens iussit, & dixit: Quid sic insipienter loqueris, & irrides præcepta Regum? Sacrifica Diis nostris. ♫

L E C T I O V.

Beatus Florianus respondit: Etiam quando una vobiscum militiam exercebam, attamen occulte Dominum meum colebam. Unde me non potest Diabolus ex integro occupare. Corpus quidem meum in potestate habes. Animam autem non potes tangere. Ego autem phantasma non adoro, & Dæmoniis sacrificare non possum. In furore autem conversus Judex iussit, eum fustibus cædi. Beatus Florianus dixit: Tormenta tua non timeo, & si ignem accendere feceris, in nomine Domini ascendendo super eum. Milites vero ceperunt eum, & cum cederent eum, dicit ei Præses: Sacrifica Floriane, & libera te de tormentis istis.

L E C T I O VI.

Beatus Florianus respondit: Ego Sacrificium mundum offero Deo meo Jesu Christo, qui me dignatus est in hanc horam perducere cum exultatione magna, & constituit me in gloriam, in qua nunc sum. Aquilinus autem Præses audiens hæc, iussit, eum iterum cædi. Beatus vero Florianus vultu hilari psallebat. Tunc iussit Præses scapulas ejus acutis configi: quo facto Beatus Florianus amplius glorificabat Deum, & Christum confitebatur. Tunc Præses cum se superatum vidisset, dedit in eum sententiam, & iussit, eum adduci juxta fluvium Anesim, & ibi de Ponte præcipitari. At Milites ducebant eum. Beatus vero Florianus, data in se hujusmodi sententia, ibat gaudens, & exultans in vitam æternam.

L E C T I O VII.

Pervenerunt autem ad locum, ubi debebant eum projicere, & ligaverunt lapidem ad collum ejus. Rogavit autem Beatissimus Florianus milites, qui eum duxerunt, ut permitterent ad Deum orare: & dum orasset quasi per horæ spatium, venit quidam plenus rabie, & dicit ad eos: Quid statis, & non facitis
Y y y 2 jussio-

jussione Præsidis? Et præcipitaverunt eum in fluvium. Statim autem oculi ejus, qui eum præcipitaverat, crepuerunt, videntibus omnibus circumstantibus. Tunc fluvius suscipiens Martyrem Christi expavit, & elevatis undis suis in quodam loco eminentiori, in saxo Corpus ejus exposuit.

L E C T I O V I I I.

Tunc adveniente favore Divino apparuit Aquila expansis alis suis in modum Crucis, quæ eum protegebat. Post hæc autem Beatissimus Florianus manifestavit se cuidam scemina, quæ erat mente devota, ut eum conderet in secretiori loco, certis indiciis designans ei locum, ubi eum sepeliret. Mulier autem hac visione comperta, jungens animalia sua, ad fluvium properans, & Corpus inquirens, invenit, & propter Gentilium curiositatem in virgultis, & frondibus eum involvit, quæ se simulabat ad hortulum claudendum deducere. Ducebat autem Corpus ejus ad locum, quem Sanctus revelaverat. Euntibus autem per viam factum est, ut animalia lassarentur siti, & ardore.

L E C T I O I X.

Tunc Mulier titubans oravit ad Dominum, ut ei Divina Misericordia subveniret. Statimque in eodem loco fons affluentissimus erupit, quod in testimonium meritorum ejus usque in hodiernum diem perseverat, in quo satiata sunt animalia. Perveneruntque ad locum, quem designaverat Beatissimus Florianus, & amplius se movere non potuerunt. Et ita Mulier, propter amarissimam persecutionem, secreta cum festinatione sub terra eum deposuit. In quo loco fit sanitas magna per gratiam, quæ data est illi a Domino, Dæmones effugantur, febricitantes sanantur, & omnes infirmi, qui per fidem integram sperant, misericordiam consequuntur. Acta sunt autem hæc apud Noricum repente in Lauriaco, imperantibus Diocletiano, & Maximiano Imperatoribus, agente Aquilino Præsidente.

M O N U M E N T A

T R A N S L A T I O N I S

C A P I T I S

S A N C T I P E T R O N I I

E P I S C O P I , E T P A T R O N I C I V I T A T I S B O N O N I Æ .

Cujus mentio est Cap. XX. pag. 669.

Congregatio Monachorum Cœlestinorum Ordinis S. Benedicti
eximie pietati Sanctissimi Domini Nostri BENEDICTI XIV.

morem gerens , quantum sua intererat , dono obtulit

Sanctitati Sux Ven. S. PETRONII CAPUT in

Basilica Sancti Stephani asservatum , &

Donationem publicis Tabulis configura-
vit tenoris , ut sequitur :

In Nomine Domini . Amen .



ER præsens publicum Instrumentum cunctis ubique
pateat evidenter , & notum sit , quod anno a Par-
tu Virginis millesimo septingentesimo quadragesimo
secundo , Indictione Romana quinta , die vero vi-
gesima quarta Martii feliciter sedente Sanctissimo Domino No-
stro BENEDICTO Divina favente Clementia PAPA XIV. An-
no illius secundo , quem diu incolumem Altissimus servare
dignetur .

L A Congregazione de' Monaci Celestini dell' Ordine di S. Be-
nedetto siccome ha nudrito sempre verso i Sommi Pontefici i
piu devoti , ed ossequiosi sentimenti di venerazione , e di filiale ob-
bedienza , così ha creduto in ogni tempo non potere acquistare a se
stessa altro più dislinio pregio , ebe di procacciarsi le proprie con-
giunture di far palese il desiderio di rendere prontamente eseguir i
Sovrani Pontificj comandi . Con molta specialità però ha la stessa
Congregazione professata la filiale sua divozione verso la Sacra
Persona del Regnante Sommo Pontefice **BENEDETTO XIV.** che

1777

con atti di clementissima beneficenza si è degnato di riguardarla, e di darle sempre certi incontrastabili argomenti della Paterna sua dilezione. Perciò la stessa Congregazione avendo tra le altre doti, che rendono tanto glorioso il Nome della Santità Sua, riconosciuto professare la medesima una speciale divozione verso S. PETRONIO già suo Predecessore nell' Arcivescovado di Bologna, ed ora Protettore beneficentissimo di detta sua Città, ed altresì un particolar zelo di promuovere appresso d'altri ancora il culto di detto Santo, e di eccitare la pietà de' Fedeli alla venerazione verso il medesimo; ed avendo la stessa Congregazione presso di se medesima il Santo Corpo, e Capo di detto Santo nell' Insigne Basilica di S. Stefano di Bologna, ha stimato non potersele offerire congiuntura più acconcia di contraddistinguerli nell' ossequio verso la Santità Sua, che sol tributarle divotamente una parte di questo Sacro Pegno, e di offerirle in riverente donativo, per quanto essa Congregazione Celestina può dal canto suo, il Capo del medesimo Santo, la di cui viva Immagine, e i di cui santi costumi ritrovansi espressi, e vivamente rappresentati nella stessa Persona del medesimo Regnante Pontefice. Per tanto essendosi radunato fin sotto li 25. Novembre dell' anno prossimo passato 1741. il Capitolo Definitoriale di essa Congregazione Celestina nel Reale, e Venerabile Monastero de' Santi Pietro, e Caterina a Majella di Napoli con l' intervento tanto del Padre Abate Generale, quanto degli altri Padri Definitoriali, e Superiori Maggiori dell' Ordine Celestino, i medesimi, al riflesso della pietà della Santità Sua, professata a detto Santo, e ad oggetto insieme di autenticare sempre più al Sommo Pontefice il profondo loro ossequio, di unanime volere, e concorde deliberazione risolvettero di umiliare a Sua Santità il riverente dono del detto Capo di detto Santo, per quanto ad essi appartiene, e può appartenere, persuadendosi, che il di lei animo clementissimo avrebbe accolta un' offerta anche di cosa, che i Padri Capitolari riconoscevano, e professavano essere propria di Sua Beatitudine, e dipendente in tutto dalla piena, e libera Sovrana sua Autorità. E perchè nella risoluzione Capitolare presa in tal congiuntura dalla Congregazione Celestina (Copia di cui in autentica forma s' inserisce nel presente Istromento del tenore, come in fine) viene incaricato il Padre Abate D. Celestino Orlandi Procuratore Generale, che in nome di tutta la Religione esprima a Nostro Signore questi divoti sentimenti, e nel tributargli il dono della Sacra Testa di S. Petronio, autentichi non solo colla viva voce la suddetta donazione, ma eziandio colle facoltà, che gli vengono in detto Decreto ingiunte, ne lasci in iscritto una perpetua irrefragabile memoria con pubblico solenne Istromen-

to, ed ogn' altro atto corrispondente alla volontà Pontificia: Quindi è, che lo stesso Padre Orlandi Procuratore Generale di tutta la Congregazione dopo essersi presentato al Trono Pontificio, e di avere in voce attestato, anche con consenso dell' Eminentissimo, e Reverendissimo Signor Cardinale Riviera Protettore de' Celestini presso la Santa Sede, le suddette cose a Sua Beatitudine, ha giudicato di doverne esporre pubblico Istromento per rendere in ogni sua parte compiuta la Commissione ingiuntagli. Costituito pertanto il suddetto Padre Procuratore Generale avanti di me Notajo pubblico, e Testimonj infra scritti, inerendo alle facoltà ingiuntegli dal pieno Definitorio fin sotto detto giorno 25. Novembre 1741. ed avendo per espresso, e di parola in parola ripetuto il Decreto in esso fatto, e pubblicato, e con partecipazione, e consenso del suddetto Eminentissimo Protettore, di piena, e libera volontà sua, e non altrimenti, a nome di tutta la sua Religione offerisce, dà, e concede per modo di irrevocabile donazione alla Santità di Nostro Signore Papa BENEDETTO XIV. il detto Sacro Capo di S. PETRONIO Vescovo, e Protettore di Bologna, il quale in un decante Reliquiario vien custodito, ed esposto alla pubblica venerazione nella Basilica di S. Stefano di Bologna, pregando in nome, come sopra, Sua Beatitudine ad accettarlo in attestato della venerazione, e riverenza professatale dalla Congregazione Celestina, per poi ritenerlo appresso di se, o per disporne, conforme più parrà, e piacerà alla medesima; Dichiarandosi in nome della suddetta Congregazione, che fin dal punto del suddetto Decreto, e molto più da quello della presente stipolazione intende la sua Religione di custodire detta Sacra Reliquia, come mera depositaria, a solo oggetto di eseguire in appresso la Sovrana disposizione, che si degnerà prendere Sua Santità sopra detta Sacra Testa irrevocabilmente donata alla di Lui Sacra Persona, per quanto ad essa Religione Celestina appartiene, e può appartenere. Si dichiara nel tempo stesso esso Padre Procuratore Generale a nome di tutta la sua Congregazione, che essa riceverà per un nuovo distinto tratto della beneficenza di Sua Beatitudine, se la medesima si degnerà accettare questo prezioso Pegno in argomento della filiale riconoscenza, che le deve la detta sua Congregazione, e di considerare come un acquisto la rispettosissima offerta di ciò, che per altro è suo, e di assicurarne la Religione col continuarle come per lo passato gli effetti della Sovrana sua Pontificia beneficenza. Super quibus omnibus præmissis hoc publicum edidi Instrumentum requisitus &c.

Actum Romæ in Venerabili Collegio Cœlestino S. Mariæ in Posterula, & in Ædibus dicti Reverendissimi Patris Procuratoris
Ge-

Generalis, præsentibus Illustrissimis Dominis D. Franciscò Marià Martini bon. mem. Martini Thesaurario, & tertia Dignitate Cathedralis Ecclesiæ Uritanæ, & D. Josepho Formica bon. mem. Nicolai Monopolitano Testibus ad hæc vocatis, habitis specialiter atque rogatis, qui sese cum dicto Patre Reverendissimo subscribere, videlicet:

D. Cœlestinus Orlandus Abbas S. Mariæ in Posterula de Urbe Procurator Generalis Congregationis Cœlestinorum Ordinis Sancti Benedicti approbo, ut supra &c.

Ego D. Franciscus Maria Thesaurarius Martini interfui ut supra.

Ego Joseph Formica interfui ut supra.

Tenor Decreti Capituli Definitorialis talis est, nimirum. *Copia Decreti Capituli Definitorialis habiti in Regali, ac Venerabili Monasterio SS. Petri, & Catharinæ ad Magellam de Neapoli die 25. Novembris 1741.*

Cum multis nominibus plurimum debeat Congregatio Cœlestina Ordinis Sancti Benedicti Sanctissimo Domino nostro BENEDICTO PAPÆ XIV. præsertim vero se illi devinctam agnoscat, quod supremæ, qua potitur, auctoritatis oblitus, non Principis, ut poterat, sed Parentis optimi consilia inierit, & perspectam eidem Congregationi tantum voluerit pietatem suam erga S. PETRONIUM emeritum Bononiæ olim Antistitem, nunc vero Patronum munificentissimum, cujus Sac. Corpus in Basilica S. Stephani penes nostram Cœlestinam Familiam custoditur, & colitur; Congregatio prædicta id sua maxime interesse censuit, si uno, eodemque tempore, tum Pontifici Maximo filialis obedientiæ, ac officiosæ voluntatis exhiberet argumenta, tum quoque studium, operamque conferret, ut pietas ipsa Summi Pastoris, ac visibilis Ecclesiæ Capitis Christifideles ad S. Præfulis devotionem, & cultum impensius excitaret. Qua de re ejusdem Cœlestinæ Congregationis Patres, penes quos est agenda rerum potestas, in Definitorio coacti, etsi satis intelligerent ex Sacri Pignoris nulla ex parte imminuti custodia plurimum Basilicæ Sancti Stephani dignitatis, plurimum quoque sibi ipsis splendoris accedere, & ornamenti; nihilo tamen minus conjunctis suffragiis, ac libera, concordj, imo enixa omnium animorum con-

consensione S. Petronii Caput, quod seorsum a Corpore in dicta Basilica decenter asservatur, Pontifici Maximo dono dandum consultissime deliberarunt. Consonum quippe iis visum est, Sacri Antistitis Exuviis potiri BENEDICTUM XIV. qui Sponsam eandem Bononiensem Ecclesiam, proposita sibi tanti Prædecessoris imagiue, verbo, & exemplo saluberrime instituere, zelo Divini honoris incendere, ejusque commodum omnibus Pastoralis Ministerii partibus provehere nunquam prætermisit. Qua de re Reverendissimus Pater Abbas Generalis, aliique Patres Definitoriales ad explicandum uberius obsequentes Cœlestinæ Congregationis sensus, & ad nova in diem sibi comparanda Pontificiæ Auctoritatis, & dilectionis præsidia, conjunctis studiis, plenisque suffragiis delegarunt Patrem Abbatem D. Cœlestinum Orlandum Procuratorem Generalem, qui ad pedes Sanctissimi Domini nostri humillime provolutus, eidem communi totius Congregationis nomine Venerandum S. Petronii Caput, quantum ad eandem nostram Congregationem pertinet, dono daret, quique super libera, & irrevocabili donatione hujusmodi Summo Pontifici facta, verbo, & scripto, & publico etiam Instrumento ea omnia declararet; gereret, & exequeretur, quæ tum consona essent Pontificiæ menti, tum quoque Cœlestinæ Congregationis gratum, devinctumque animum luculenter testarentur. Id vero potissimum assereret, munus ipsum amplo fœnore satis rependi, si Congregationi Cœlestinæ in Pontificiam, veluti Clientelam adscitæ tanti Principis auctoritate, & præsidio foveri contingat. *Extracta est præsens Copia ex Libro, seu Registro Actuum Capitularium nostræ Cœlestinæ Congregationis Ordinis S. Benedicti, qui incipit ab anno 1740. Et præsertim ex paginis quadragesima nona, Et quinquagesima dicti Regestri, in quibus paginis continentur Acta Capituli Definitorialis celebrati in Venerabili, ac Regali Monasterio SS. Petri, Et Catharine ad Magellam de Neapoli per me D. Josephum Palatium Reverendissimi Patris Abbatis Generalis Secretarium, Et dicti Capituli Actuarium, factaque de verbo ad verbum collatione concordat cum suo Originali. In cujus rei testimonium de Mandato ejusdem Reverendissimi Patris Abbatis Generalis Sigillum apposui, meque subscripsi.*

D. Joannes Palatius Secretarius, & Actuarius.

Loco ✠ Sigilli.

Et quia D. Successor quondam Petri Nicolai Cantarelli Curia
Tom. X. Z z z Ca-

Capitolii Notarius de præmissis rogatus existit; Ego Franciscus Maria Lorenzini Civis Romanus, & publicus Dei Gratia, & Apostolica auctoritate Notarius ejusdem Curie Capitolii, præsens Instrumentum pro eo subscripti, & publicavi, meoque solito Signo munivi requisitus &c. salvo tamen semper &c.

Locus ✕ Signi.

Eminentissimus, & Reverendissimus Dominus Neri^{us} Tituli Sancti Eustachii Sanctæ Romanæ Ecclesiæ Diaconus Cardinalis Corfinus Jure Abbatis Commendatarii Basilicæ Sancti Stephani Ven. Sancti PETRONII CAPUT BENEDICTO PAPÆ XIV. dono dedit, publico edito Instrumento, tenoris sequentis.

In Nomine Domini. Amen.



ER præsens publicum Instrumentum cunctis ubique pateat evidenter, & notum sit, quod anno a Partu Virginis millesimo septingentesimo quadragesimo secundo, Indictione Romana quinta, die vero vigesima quarta Martii, feliciter sedente Sanctissimo Domino Nostro BENEDICTO divina favente Clementia PAPA XIV. Anno illius secundo, quem diu incolumem Altissimus servare dignetur.

L' *Eminentissimo, e Reverendissimo Signor Neri di S. Eustachio, e della Santa Romana Chiesa Diacono Cardinal Corfini Abate Commendatario dell' Abazia di S. Stefano di Bologna, ancorchè abbia sempre avuto in mira, come cosa di sua obbligazione di conservare non tanto i Beni, quanto i Diritti, e le Onorificenze di detta sua Abazia; ed essendo tra queste forse la più speciosa il S. Deposito dell' intero Corpo del Glorioso S. PETRONIO Protettore di detta Città, che si conserva nella Chiesa di detta sua Abazia, ne abbia sempre fatta quella stima, che merita, e lo abbia riguardato, come il più bel fregio della sua Abazia: Nondimeno essendo già venuta in mente dell' Eminentissimo Signor Cardinale Prospero Lambertini Arcivescovo di Bologna (ora Nostro Santissimo Padre BENEDETTO XIV.) la molto giusta considerazione di procurare all' Insigne Collegiata della Chiesa dedicata all' istesso Santo Protettore una parte di quel Sacro Deposito, ed avendo richiesto benignamente all' Eminentissimo Abate Commendatario suddetto l' assenso, e' l' dono della Tessa di detto Santo, la quale già siava*

stava separata dal Busto, in prezioso Reliquiario d' argento collocata, per più comodamente esporli alla pubblica venerazione; non solo per la congruenza della richiesta, quanto per venir fatta da un vigilantissimo Pastore tanto benemerito della Chiesa di Bologna, e sommamente venerato dall' Eminentissimo Cardinale Abate Commendatario, aderì questi colla possibil prontezza, per quanto a lui fosse spettato, e appartenuto, a i desiderj dell' Eminentissimo, e Vigilantissimo Pastore. Ora poi pervenuto questi tanto meritamente al Soglio Pontificio, tralle cure dell' Apostolato non ha tralasciato di mirare a tutto ciò, che può essere di decoro, e di vantaggio della sua Patria, e della sua Chiesa di Bologna, e tra l' altre cose al pensiero di arricchire della Testa di S. PETRONIO la Chiesa a Lui dedicata. Il che appena si è traspirato dall' Eminentissimo Signor Cardinal Corfini, che è venuto nella risoluzione di umiliare in dono alla Santità Sua, per quanto a lui appartiene, la detta Testa di S. PETRONIO nell' istesso Reliquiario, che ora occupa, affinchè ne faccia quell' uso, che alla medesima Santità Sua parrà più conveniente, e di maggior gloria del Santo Vescovo. Quindi è, che presente, e personalmente esistente avanti di me Notaro, e Testimonj infraferiti il prefato Eminentissimo Signor Cardinal Corfini in questa parte come Abate Commendatario della suddetta Abazia di S. Stefano di Bologna, per quanto a lui spetta, ed appartiene, per modo d' irrevocabile Donazione dà, e concede alla Santità di Nostro Signore Papa BENEDETTO XIV. la Sacra Testa di S. PETRONIO Vescovo, e Protettore di detta Città di Bologna, la quale già sta separata dal Busto in prezioso Reliquiario d' Argento collocata, per più comodamente esporli alla pubblica Venerazione nella Venerabil Chiesa di detta sua Abazia di S. Stefano di Bologna, affinchè la Santità Sua ne faccia quell' uso, che le parrà più conveniente, ed a maggior gloria di detto Santo Vescovo S. PETRONIO. Dichiarandosi detto Eminentissimo Signor Cardinal Corfini Abate Commendatario della detta Abazia di S. Stefano di Bologna, che fin dal punto della stipolazione del presente Istumento, per quanto all' Eminenza Sua spetta, ed appartiene, intende di far custodire detta Sacra Reliquia in detta Venerabile Chiesa della prefata sua Abazia di S. Stefano di Bologna col semplice titolo di Deposito, a solo oggetto di eseguire in appresso quella Sovrana Disposizione, che si degnerà prendere la Santità Sua sopra detta Testa del suddetto Santo Vescovo S. PETRONIO irrevocabilmente, come sopra, umiliatagli in dono nell' istesso Reliquiario, che ora occupa, e non altrimenti &c. Super quibus omnibus prae-missis hoc publicum edidi Instrumentum requisitus &c. Actum

Romæ in Palatio dicti Eminentissimi D. Cardinalis Corsini posito in Via Lungariæ, præsentibus Illustrissimo Domino Philippo Cantagalli Equite Hierosolymitano filio bon. mem. Illustrissimi D. Comitis Vincentii Patritio Fulginatense, & Illustrissimo D. Carolo Nappi Cancellieri Equite Sacri Militaris Ordinis Divi Stephani Papæ, & Martyris Filio Illustrissimi D. Comitis Francisci Nobile Cingulano Testibus ad hæc vocatis, habitis specialiter, atque rogatis, qui sese cum dicto Eminentissimo Domino Cardinali Corsini subscripsere, videlicet :

Nerius Cardinalis Corsini Abbas Commendatarius
Abbatie Sancti Stephani Bononiæ approbo,
ut supra &c.

*Ego Philippus Eques Cantagalli interfui, ut supra.
Ego Carolus Eques Nappi Cancellieri interfui, ut
supra.*

Ego Ludovicus Riccius Dei Gratia, & Apostolica Auctoritate
Notarius publicus, & Consulus Nationis Florentinorum
Urbis Cancellarius de præmissis rogatus præsens publicum su-
pradiſſæ Sacre Reliquiæ Donationis Instrumentum subscri-
psi, & publicavi, meoque solito Signo muniti requisitus.

Loco ✕ Signi.



San-

Sanctissimus Dominus Noster BENEDICTUS PAPA XIV. Sancti PETRONII Caput Insigni Collegiatæ Ecclesiæ eidem Sancto Antistiti dicatæ munificentissime attribuit, ac in illam solemni ritu transferri mandavit, Custodiæ leges adjecit, aliaque disposuit, ut in subjectis Apostolicis Literis uberius continetur.

*Dilectiis Filiis Capitulo, & Canonicis Collegiatæ
Ecclesiæ S. PETRONII Bononien.*

BENEDICTUS PAPA XIV.

*Dilecti Filii salutem, & Apostolicam
Benedictionem.*



Tsi plurimi semper fecerimus Urbem Bononiæ, Patriam Nostram dilectissimam, scientiarum, & bonarum artium Matrem, rebusque a Civibus præclare gestis illustrem: Eo tamen potissimum nomine commendari digna visa est, quod inclyta Bononiensium Natio S. PETRONIO Antistiti olim, Patrono nunc suo Templum extruxerit, & elegancia, & amplitudine celeberrimum, & in ævum permanfurum pietatis suæ testimonium posteritati reliquerit. Verum quo amplioribus efferrî laudibus consuevit Majorum Nostrorum avita Religio in sacra & augusta Æde excitanda: eo major Nos incessit cupiditas, ut Sacrum ejusdem, & Venerabile Caput, quod in Basilica S. Stephani seorsim a reliquo Corpore ibidem jacente custoditur, & colitur, in hujusmodi Templum aliquando transferretur ad augendam loci amplitudinem, & majestatem, & Fidelis Populi cultum impensius excitandum. Itaque ex illa die, qua Nos utpote Patritia geniti Bononiensi Familia in Advocatorum Aulæ Consistorialis spectabile Collegium allecti fuimus (cui sane amplissimo muneri ampliora, quæ postea obivimus, jure ducimus referenda) atque Ecclesiæ vestræ jura in Foro asserenda, ac propugnanda suscepimus, studia etiam nostra, & officia in hunc scopum conferenda censuimus. Sed in aliud longe tempus sollicitudinem hanc Nostram rejecerunt & ipsa rei difficultas, & interjecta se Nobis undique impedimenta.

Subinde vero Nobis ad munus Secretarii Congregationis Concilii Tridentini Interpretis evectis, & negotia Congregationis Monachorum Cœlestinorum Ordinis S. Benedicti, ad quam Eccle-

Ecclesia S. Stephani pertinere dignoscitur, rite expedientibus, quamvis conciliandæ Nobis eorumdem Monachorum voluntatis instaurandique concepti jamdiu consilii occasio non semel oblata fuerit: attamen a quovis officiorum genere temperandum duximus, ne justitiæ partes, sedulo a Nobis pro munere custodiendæ, in spem favoris, aut gratiæ traduci viderentur. A præclaro illo, quem diu obtinuimus, loco in amplissimum S. R. E. Cardinalium Collegium cooptati fuimus a sanct. mem. Benedicto XIII. Prædecessore Nostro, qui Nos etiam licet tanto muneri impares Anconitanæ præfecit Ecclesiæ; deinceps singulari munificentia Summi Pontificis Clementis XII. ad regimen Ecclesiæ Bononiensis evocati, ne ab avita Majorum pietate degeneres videremur, acrius obtinendi Sacri Pignoris spe, a qua nunquam dejecti fuimus, Nos incendi intelleximus. Qua de re vota nostra, quibus tandem compotes fieri nitebamur, aperuimus Collegæ tunc Nostro, Dilecto Filio Nereo Cardinali Corsino Basilicæ S. Stephani Abbati Commendatario, qui prono, libentique prorsus animo Ecclesiam Vestram præcipua illa sacrarum exuviarum parte ditari posse censuit, dummodo Cœlestinæ Congregationis assensus, & Apostolicæ autoritatis munimen donationi accederent.

Egregia hæc, atque officii plena Collegæ nostri voluntas quamvis Nobis jam currentibus stimulos adderet, atque ad rem cum Monachis impensius urgendam commoveret: nihilominus ad diem Comitii Generalibus præstitutam differendam comperrimus, ut in illis rite, atque ex ordine perficeretur; ipsique Monachi, penes quos est agendarum rerum potestas, in Definitorio coacti consultissime de hujusmodi negotio deliberarent.

Interea supremum hoc Catholicæ Ecclesiæ culmen non minus inviti, quam immerentes, Deo sic jubente, conscendimus; ac rati advenisse tandem plenitudinem temporis, quo voti compotes fieri possemus: Dilecto Filio nostro Dominico Card. Riveræ Congregationis Cœlestinæ apud Nos, & Sanctam hanc Sedem Protectori, necnon Dilecto Filio Abbati Cœlestino Orlandi Procuratori dictæ Congregationis in Urbe Generali desiderium Nostrum apud eosdem Monachos reliquimus studiose promovendum. Iis porro agentibus, res eo feliciter perducta est, ut ejusdem Congregationis Abbas Generalis, aliique PP. Definitoriales conjunctis suffragiis, & libera, imo enixa omnium animorum consensione, ad nova sibi in diem comparanda Pontificiæ nostræ dilectionis præsidia, S. PETRONII Venerabile Caput, una cum Theca, qua includitur,

tur, quantum ad eos pertinet, dono Nobis obtulerint. In id etiam collimavit diu comperta, ac luculentis probata argumentis officiosa erga Nos voluntas Dilecti Filii Nerei Cardinalis Corsini, qui oblatum Nobis inclytum munus pro virili parte ratum habuit, explicata etiam uberius filialis in Nos studii significatione. Verum etsi non mediocri Pontificiæ mentis solatio munus Sacri Capitis acceperimus; veterem tamen Capsam aliis custodiendis Reliquiis idoneam in Basilica S. Stephani penes Cœlestinam Familiam relinqui volumus; quippe præclarum munus per se tanti pretii est, ut nullo augeri possit ornamento.

At ne ullæ diligentiae Nostræ partes ad operis complementum desiderari videantur. Arculam affabre, eleganterque compactam in Urbe fieri curavimus, in qua Sacrum Caput includetur. Nostro præterea arbitrio relictum est certam diem præstituerè, qua Arcula Sacro ditata Thesauro solemnè ritu, ac pompa, quantaque fieri potest Cleri & populi celebritate in Ecclesiam Vestram transferatur. Vestrum erit interim aptum designare locum, quo illustre hoc munus tuto, ac honorifice custodiatur sub duplici Clavi, altera a XL. Virorum Bononiensium Decano, altera a Primicerio Insignis Vestræ Collegiæ Ecclesiæ perpetuo retinenda. Ubi vero intra biennium a nostris hinc Literis computandum absolutum sit Altare magno sumtu, ac nitore construi cœptum a Dilecto Filio, & Concive Nostro Pompejo Cardinali Aldovrandi, unaque simul intra id temporis perfici contingat Repositorium pro Sacro Capite asseruando, in ejusdem Altaris Orthographia, ac Forma Nobis præmonstratum, volumus, ac mandamus, Sacrum Caput in eo collocari, duabusque Clavibus addi tertiam a Primogenitis pro tempore Familiæ Aldovrandæ custodiendam. Sin autem præscripto a Nobis tempore infectum opus adhuc fuerit; Nostrum erit, si vita suppetet, Sacri pignoris custodiæ opportune consulere; vel si mors interceperit, aut Archiepiscopatu cesserimus, existentis tunc Bononiensis Archiepiscopi erunt partes aptum ad id locum designandi.

Sacrum præterea Caput semel istuc investum amoveri, atque alio transferri posse expresse prohibemus: Festo tamen Sancti Præsulis die, vel alia etiam Archiepiscopo Bononiensi bene visa Fidelium venerationi exponetur in Ara principe Ecclesiæ Vestræ; ac in pervigilio ejusdem Festi supplicabundo ritu ab eadem Ecclesia per Majus Forum eidem proximum circumferetur, tributa etiam eidem Archiepiscopo potestate id toties peragendi per alia Urbis istius loca, quoties publicas Supplicationes duxerit pro suo arbitrio indicendas. In-

Insuper ut majori, quo fieri potest cultu juxta veterem, atque optime in Ecclesia institutum morem Solemnis Translationis memoria recolatur, volumus, ac præcipimus, annua ejusdem Translationis recurrente die, Officium proprium; nuperrime a Nobis edi jussum, recitari ab omnibus utriusque sexus Christianis fidelibus, qui istac in Urbe ad Horas Canonicas tenentur.

Nostris hisce Litteris Vobis reddendis a Sacerdote Philippo Maria Mazzi nostrorum istic Negotiorum Gestore publicas adjecimus Tabulas, quibus consignatæ sunt Donationes Sacri Capituli Nobis exhibitæ tum a dilecto Filio Nereo Cardinali Corsino, tum etiam a dilectis Filiis Monachis Congregationis Coelestinæ: Pontificiam vero nostram liberalitatem, qua Vobis, & Ecclesiæ Vestræ Sacrum idem Pignus una cum pretiosa Theca dono dedimus, satis perspectam, omnibusque testatam esse censemus in ævum permansuro hujus nostræ Apostolicæ paginæ documento. Muneris idcirco erit vestri hujusmodi monumenta, ne temporis injuria intercidant, in vestri Capituli Tabularium inferre, atque ad illorum custodiam qua par est fide, & diligentia incumbere.

Nostræ demum in Vos collata paternæ dilectionis, & largitatis argumenta memori, gratoque animo a Vobis accepta intelligemus, si vestra non deerunt studia in excitanda Christiani Populi arga Sacrum Antistitem pietate, & cultu, vestraque etiam apud eundem non deerunt precum officia, ut ejus Nos ope in tanta temporum difficultate adjuti Ministerium, quod accepimus a Christo Jesu, licet curarum, & sollicitudinis plenum, impigre, ac fideliter impleamus; & Apostolicam benedictionem ex animo Vobis impertimur.

Datum Romæ apud Sanctam Mariam Majorem Anno millesimo septingentesimo quadragesimo tertio, die decima Julii, Pontificatus Nostri Anno Tertio.



Primicerius, Canonici, & Capitulum Insignis Collegiatæ
Ecclesiæ S. PETRONII Bononiæ PONTIFICI
BENEFICENTISSIMO pro accepto præ-
claro munere gratias agunt.

BEATISSIME PATER.



UM primum Te, BEATISSIME PATER, in
sumum istum, & Cœlo proximum Dignitatis,
atque Amplitudinis Gradum divino plane Consi-
lio, summaque omnium voluntate evectum esse
faustissimum Nuncium accepimus, & incredibili
quadam lætitiæ voluptate perfusi sumus, & certa nobis spes ani-
mo suborta est, fore nimirum ut ad majorem Protectoris nostri PE-
TRONII cultum, nostrique Capituli decus, & ornamentum, id
quamprius Te largiente assequeremur, quod non modo no-
bis, sed & Majoribus nostris in votis erat, ut sacrum ejusdem
Beatissimi PETRONII Caput apud nos, & in ipso hoc ejus
Templo tanquam propria sede perpetuo asservaretur. Nunc
vero: cum Apostolicis tuis literis certiores facti sumus de col-
lato nobis hoc tanto munere, quo maximam cæteris prope in-
numerabilibus tuis in nos meritis accessionem fieri intelligen-
mus, quanta sit nobis, atque adeo universæ Civitati parta læ-
titia, neque opus est declarare verbis, nec vero si esset, pari-
bus ad faciendum viribus valeremus. Quid si ad præclari, ac
prope divini muneris magnitudinem, quod largitus es, ipsam
largiendi rationem, formamque omnem incredibilis erga nos
Clementiæ plenissimam addiderimus? Nam & de sacri Capitis
Dono Apostolicas Literas præstantissimas, idest Tuas, cum ad
alios posses, ad nos ipsos, & ad Capitulum nostrum inscribere
maluisti; & ejusdem sacri Capitis apto loco condendi, interea
dum illustrior eidem paratur Sedes, munus esse nostrum volui-
sti; & ipsius pretiosissimi Pignoris servandi, custodiendique
Capitulum nostrum, in præfens quidem Excelsi Senatus So-
cium, imposterum vero nobilissimæ præterea Aldrovandorum
Familiæ decrevisti; Denique; ne per singula discurrendo mole-
sti simus, vel in ipso earundem Apostolicarum Literarum tua-
rum ingressu ea nos, & Capitulum nostrum propensissimæ vel ab
ipsa Adolescentia tua in uos voluntatis, vel potius strenuæ in-
victæque nostræ, rerumque nostrarum Tutelæ, ac Patrocinii

Tom.X.

A a a a

com-

commemoratione extollere , atque illustrare dignatus es , ut nihil nobis aut ad gloriandum præclarius , aut ad lætandum jucundius , aut ad fauste , & feliciter ominandum firmius , tutiusque evenire unquam potuisset . Pro quibus omnibus a Te acceptis beneficiis gratias tibi agimus , BEATISSIME PATER , cumulatisimas , majoresque etiam habemus , atque Animi Tui magnitudinem , ac plane singularem erga nos liberalitatem devotissimi cordis obsequio prosequimur , colimus , prædicamus , ejusque memoriam fore apud nos sempiternam pollicemur . Interim Sanctissimis tuis Pedibus provoluti oscula humillime infigimus ; quodque reliquum est , preces nostras universi Populi precibus cumulas , quas novissimi Doni Tui causa fervidiores fore confidimus , & curabimus , ad DEUM , Divumque PETRONIUM assidue effundemus , ut totius Christianæ Reipublicæ Bono diu Pontifex vivas , quem tantæ dignitatis excellentia dignum vivere Boni , ac Sapientes omnes consententur , ac prædicant .

Bononiæ die 20. Julii 1743.

BEATITUDINI VFSTRÆ

Humillimi , Devotissimi , & Obsequentis. Fawuli , ac Subditi
Primicerius , ac Canonici Capituli S. Petronii.



Literæ Apostolicæ Sanctissimi Domini Nostri, quibus hortatur Abbatem Conventualem Sancti Stephani Bononien. ut S. PETRONII Caput tradat Episcopo Amathuntæ Pontificio Nomine illud propediem requirenti.

*Dilecto Filio Felici Antonio Sgarzi Exgenerali Congregationis
Monachorum Cælestinorum Ordinis Sancti Benedicti
Abbati Conventuali S. Stephani Bononien.*

BENEDICTUS PAPA XIV.

Dilecte Fili salutem, & Apostolicam Benedictionem.



Ostquam plurimis compertam argumentis veterem erga Nos Cælestinæ Congregationis observantiam, ac filiale studium luculentius declaravit oblatum Nobis superiore anno inclytum, & præclarum munus Capitis S. PETRONII Episcopi Bononiensis: ea cordi nostro infixæ semper fuit sollicitudo, ut Sacrum illud Pignus, quo nihil potuit Nobis jucundius, ac præstantius contingere, in Ecclesiam Collegiatam Sancto Præfuli erectam, tanquam ad Sedem stabilem transferretur. Cum itaque, re omni in promptu tandem posita, solemnî Translationi quamprimum certa dies præstituenda sit ab Episcopo Amathuntæ, cui Ecclesia Bononiensis regenda, & administranda credita nuperrime fuit, quique mentem te nostram docebit; erit Nobis gratissimum si operam, & studium conferes, ut S. PETRONII Venerabile Caput, e veteri, in qua jacet, Arca educum, ac altera elegantiori inclusum tradatur eidem Episcopo, Nostro illud nomine requirenti, & quemadmodum is tecum statuet, ita quam celerrime res ipsa transigatur. Id autem dum cumulate præstiturum Te fore satis superque Nobis pollicetur officiosa tua, ac tuorum Monachorum voluntas, testem Pontificiæ charitatis hoc potissimum nomine Tibi conciliandæ, Apostolicam Benedictionem Tibi amantissime impertimur. Datum Romæ apud S. Mariam Majorem die 28. Augusti 1743. Pontificatus Nostri Anno Quarto.

A a a a a

Abbat

*Abbas Conventualis Sancti Stephani Bononiensis.
SUMMO PONTIFICI rescribit.*

BEATISSIME PATER



Nihil unquam honorificentius meæ Cœlestinorum Congregationi accidere potuit, neque fore ut posterum accidat puto, quam quod antehac feliciter gestum est, dum Sacrum Caput S. PETRONII Bononiæ Episcopi Sanctitati Tuæ, quantum sua intererat, dono humiliter obtulit. Cum enim quæcumque nobis Cœlestinis usui, & custodiæ sunt tradita, omni jure Tuæ auctoritati subjiciantur, Sanctitas tamen Tua, quod suum erat, humanissime repetens, tamquam a Subditorum voluntate derivatum dignata est recognoscere. Etsi autem Cœlestinorum omnium animos summa admiratione compleverit humanissima benignitas Tua, qua nostram Congregationem, hac in re mirum in modum es prosecutus: Id tamen omnem prorsus vicit expectationem nostram, quod super Venerandi Capitis Translatione propediem peragenda ad me scribere voluisti. Ut candide fatear quod sentio, dubitatio exinde mihi primum suborta est, an sublimi Pontificis Dignitati vitio verti possit tam diffusa erga nos Magnitudinis Tuæ liberalitas. Evanuit autem omnino, cum recogitare cœpi inter innumeras Animi Tui Dotes, quarum prædicationes magis honorificæ, laudesque crebriores nunquam sane extiterunt, Humanitatem, Comitatemque non ultimum tenere locum, qua omnium animos ita Tibi devincire soles, ut quidquam simile nusquam accidisse, uno omnium ore ubique feratur. Quod itaque nobiscum gerere benignissime dignatus es, perpetuum erit nostræ Cœlestinorum Congregationis decus, Pontificiæ Majestatis æterna laus, immortalis præclarissimi Nominis Tui gloria. Ad nos autem quod attinet, cum nihil sit in nobis omnibus, per quod Sanctitas Tua ad tantam benignitatem adducta esse videatur; Beneficiorum tuorum onus tam grande sustinemus, ut gratis agendis impares omnino simus, intus tamen in animo jugiter geramus, preces Deo corde Tibi devotissimo effundentes, ut totius Christianæ Reipublicæ bono Te diu incolumem servet, Tibique omnia prospera, & felicia semper largiatur. Amathuntæ Episcopo me ad omnia paratum, ac promptum jam exhibui, eique in omnibus ita morem geram, ut

ut nihil sollicitudinis, & curæ in mandatis Tuis exequendis mihi deesse videatur.

Pedibus demum Sanctitatis Tuæ provolutus, eosque humillime deosculans, in me, meamque Cœlestinorum Congregationem Apostolicæ Benedictionis munus simplex exoro.

SANCTITATIS TUÆ

Bononiæ ex Monasterio Sancti Stephani
pridie Nonas Septembris 1743.

Humillimus Additissimus Famulus, & Filius Obsequens.

D. Anton. Felix Sgarzi Exgener. Cœlest. Abbas Conv. S. Steph.

BENEDICTUS XIV. PONT. MAX.

Ad augendam solemnem Translationis Capituli Sancti
PETRONII celebritatem, die illius anniversaria
Missam, & Officium proprium indulget.

MISSA, ET OFFICIUM

*Ut in Festo ejusdem S. PETRONII sub Ritu Dup. Min.
præter ea; quæ hic habentur propria.*

O R A T I O.



DEUS, cujus nutu per diversa loca ipsa quoque Sanctorum Corpora disponuntur; tribue quæsumus, ut qui Beati Petronii Confessoris tui, atque Pontificis Translationem colimus, ipsi etiam a pravitate nostra ad pie vivendi rectitudinem transferamur. Per Dominum nostrum Jesum Christum Filium tuum, qui tecum vivit, & regnat in unitate Spiritus Sancti Deus per omnia sæcula sæculorum. Amen.

L E C T I O I V.

Postquam PETRONIUS Bononiensem Episcopus Urbem nostram civili, externoque bello attritam, ac fere confectam præsentis ope restituit, purgavit erroribus, verbo, & exemplo

plo saluberrime instituit : tandem regnantibus Theodosio Arcadii Filio , ac Valentiniano Imperatoribus , IV. Non. Octobris sancto fine quievit . Sacrae illius Exuviae conditae in Ecclesia S. Stephani Protomartyris , quam ipse inter alias extruxerat , & ornaverat , ibidem (ut ea ferebant tempora) humili , ipsisque Civibus postea ignoto loco ad undecimum Christi saeculum jacuere . Sedente Innocentio II. Romano Pontifice , Henricus Bononiae Episcopus ad perquirendas ea in Aede Sanctorum Reliquias eximia pietate excitus , S. PETRONII Corpus primus offendit , quod copia Miraculorum non solum Bononieusi , sed finitimis etiam Populis celeberrimum reddidit . Nec multo post piissimi Cives , quo clarius gratum animum erga Sanctum Praefulem testarentur , eidem Templum in nobiliore Urbis suae parte , publico in id collato aere , decreverunt , tantae majestatis , & amplitudinis , ut memoriae proditum sit , Carolum V. Caesarem a Clemente Papa VII. Imperiali Corona ibidem fuisse donatum ,

L E C T I O V.

IN illo igitur Templo cum S. PETRONII natalis dies quotannis festa , & solemnitas haberetur , Reliquias vero alibi quiescentes veneraretur Civitas Episcopo , & Patrono suo additissima : Ad augendam dei celebritatem , in more positum fuit , Sacrum PETRONII Caput , a reliquo Corpore avulsam , solemniter instituta supplicatione , magna Cleri , omniumque Ordinum frequentia ab Aede S. Stephani ad alteram S. Antistiti dicatam pridie transferri , & in Ara principe Fidelium venerationi exponi ; posteraque die ad priorem Ecclesiam , unde allatum fuerat , referri , Populis etiam finitimis Sacrum illud Pignus prece , votis , ac muneribus , grata Religione prosequentibus . Et ne quid communi deesset latitiae , temperata eo die legum animadversio , Rei , quos publica potestas in vinculis habuit , e custodiaeducti , ac libertati restituti .

L E C T I O VI.

NOvissime BENEDICTUS XIV. Summus Pontifex , idemque Archiepiscopus Bononiae , veteri incensus studio , ac pietate augendi pro viribus cultum S. Antistiti Praedecessori suo , illius Sacrum Caput inclusum pretiosiore Arca , & eleganti opere extructa in Basilicam eidem erectam insigni pompa , ac celebritate transferri voluit , & praecipuam hanc Sacrarum Exuviarum par-

partem eidem Basilicæ dono munificentissime addixit. In pervigilio tamen Festi quotannis recurrentis ad servandum veterem, atque optime institutum morem, idem Caput ab Ecclesia S. PETRONI per majus Forum eidem proximum supplici ritu circumferri, atque in prædicta Ecclesia denuo condi, & asservari præcepit. Demum ut præclari muneris, & solemnibus Translationis perenne extaret monumentum, rei gestæ memoriam hac die anniversaria recoli Apostolica Auctoritate mandavit.

B O N O N I E N.

Suprascriptas Orationem, & Lectiones secundæ Nocturni proprias pro Missa, & Officio in die Anniversaria Translationis Capituli S. PETRONII Episcopi, & Protectoris Principalis Civitatis Bononiæ & Basilicæ S. Stephani ad Insignem Collegiatam Ecclesiam eidem Sancto dicatam, Sanctissimus Dominus Noster BENEDICTUS XIV. benigne approbavit, ac singulis annis dicta die Anniversaria ipsius Translationis ab omnibus Sæcularibus, & Regularibus utriusque sexus præfatæ Civitatis tantum, qui ad Horas Canonicas tenentur, sub Ritu Duplicis Minoris recitari mandavit.

Hac die XX. Augusti MDCCXLIII.

Fr. J. A. Card. Guadagni Pro - Præfectus.

Loco ✕ Sigilli.

T. Patriarcha Hierosolymitanus Secretarius.

In Dei Nomine. Amen.



ER hoc præsens publicum Instrumentum cunctis ubique pateat evidenter, & sit notum, quod Anno a salutifera Nativitate D. N. J. C. millesimo septingentesimo quadragesimo tertio, Indictione sexta, die vero secunda Mensis Octobris, sedente Sanctissimo D. N. D. BENEDICTO XIV. Divina Providentia Pontifice Maximo, Reverendissimus P. D. Felix Antonius Sgarzi Exgeneralis Ven. Congregationis RR. Monachorum Cœlestinorum Ordinis S. Benedicti Abbas Conventualis Monasterii S. Stephani Bononiæ ad effectum ea quæ prælibatus Sanctissimus D. N. D. BE-
NE-

NEDICTUS Papa XIV. feliciter Regnans sibi commissa voluit in Literis Apostolicis datis Romæ apud S. Mariam Majorem 28. Augusti proxime præteriti, ut par erat, promte explendi, inhærensque requisitioni nomine Sanctitatis Sux sibi factæ ab Illustrissimo, & Reverendissimo D. Lactantio Felici Sega Nobili Patrio Bononiæ, Episcopo Amathuntino, Ecclesiæ Metropolitanæ Bononiæ Præposito, ejusdem Sanctissimi D. N. Papæ Cubiculario Secreto, ab eoque Curam, & Gubernium Bononiensis Ecclesiæ adhuc retinente deputato, Sacrum Caput S. PERTONII Bononiæ Episcopi, & principalis Protectoris adhuc veteri Tabernaculo inclusum, & sigillis munitum, hesternæ die in ipso Tabernaculo a repository SS. Reliquiarum in Ecclesia inferiori Basilicæ S. Stephani existente extractum, dictoque Reverendissimo P. Abbati Sgarzi consignatum, prout liquere dicitur ex Rogitu Excellentissimi D. Angeli Michaelis Lotti Abbatis Divi Stephani, & uniter Notarii Cancellarii, ad Ecclesiam superiorem dictæ Basilicæ translatum, in eaque super Altare Majus usque in præsens publicæ Christianissimæ Venerationi expositum retentum, præsentibus, ac continue adstantibus in eadem Ecclesia superiori prope dictum Altare Majus =

*Pro Illustrissimo, & Reverendissimo Capitulo
Ecclesiæ Metropolitanæ*

Illustrissimis, & Reverendissimis DD. Archidiacono Co. Alexandro Formagliari Nob. Patrio Bonon. J. U. D. Collegiato, Lectore publico.

Canonico Ludovico Scali Paltroni Nobili Patrio Bononiæ J. U. & S. Theologiæ Doct. Colleg. Lect. pub. dictæque Metropolitan. Majori Pœnitentiario.

Canonico Jo. Guidotti Nobili Patrio Bononiæ J. U. D. Collegiato, Lectore publico, &

Canonico Floriano Dolfi Nob. Patrio Bonon. J. U. D. Collegiato, & publico Lectore.

*Pro Illustrissi. & Reverendissi. Capit. Perinsig.
Colleg. Basilicæ S. Petronii*

Illustrissimis, & Reverendissimis DD. Primicer. Marchione Francisco Zambeccari Nob. Patrio Bonon. ac SS. D. N. Papæ Prælato domestico.

Decano Alexandro Garofali J. U. & S. Theologiæ Doctore Collegiato, Lectore publico.

Ca-

Canonico Sebastiano Rocho de Comitibus J. U. D. Collegiato, &
 Canonico Felice Riccardi de Ortona Bocchi Protonotario Apostolico.

*Pro Illustrissimo, & Reverendissimo Capitulo Collegiatae
 Ecclesiae S. Mariae Majoris*

Illustrissimis, & Reverendissimis DD. Priore Philippo Cagnoli Sac. Theologiae Doctore Collegiato, Lect. publico.
 Canonico Marco Antonio Pandini, &
 Canonico Jo. Jacobo Amadei.

Pro Illustrissimo, & Excelso Senatu

Illustrissimis, & Excelsis DD. Senatoribus Marchione Ludovico Ratta, &
 Marchione Joanne Nicolao Tanari.

Magistratibus Praefectis, & Deputatis

Co. Guidone Ascanio Orsi, &
 Co. Vincentio Marefcalchi.

Abbatiae S. Stephani Praefectis, & Deputatis

Marchione Aloysio Albergati Praefide Reverendae Fabricae Sancti Petronii, &
 Co. Francisco Marefscotti Fabricense ejusdem Reverendae Fabricae Sancti Petronii, & deputatis
 Omnibus Nobilibus, & Patritiis hujus Civitatis Bononiae.

*Pro Illustrissimis, & Excellentissimis Collegiis
 DD. Doctorum*

Illustrissimis, & Excellentissimis DD. Petro Antonio Roverfi J. U. D. Collegiato, Lectore publico, & Sanctissimae Inquisitionis Consultore, Priore Collegii Juris Pontificii.

Reverendiss. Praeposito Philippo Vernizzi J. U. D. Lectore publico, Sanctissimae Inquisitionis Consultore, & Priore Collegii Juris Caesarei.

Tom. X.

B b b b b

Pau-

Paulo Baptista Balbi Philosophiæ, & Medicinæ Doctore, Lect. publico, Anatom. Professore, & Collegii Medicinæ Prior, &

Marco Antonio Laurenti Philosophiæ, & Medicinæ Doctore, Lect. publico, Anatom. Professore, & Priore Collegii Philosophiæ.

præsentavit præfato Illustrissimo, & Reverendissimo D. Episcopo Amathuntino ut supra præsentî, qui illud in præsentia ut supra recipiens, attente inspecto dicto Tabernaculo, coque bene clauso, & sigillis, quibus munitum erat, penitus intactis re-
pertis recognovit, declaravitque constare de identitate Sacri Capituli S. PETRONII Bononiæ Episcopi, & principalis Protectoris intus idem Tabernaculum existens. cujus Sacræ Insignis Reliquiæ descriptio habetur in relatione Illustrissimi, & Excellentissimi D. Joseph Pozzi Cubicularii Secreti, ac Medici extraordinarii prælibati Sanctissimi D. N. Papæ, in Universitate Bononiæ Lectoris Philosophiæ, & Medicinæ Doctoris Collegiati, publici Anatomes Professoris Emeriti, ac Instituti Scientiarum, in fine præsentis Instrumenti registranda successive, qui is Illustrissimus, & Reverendissimus D. Episcopus Amathuntinus in præsentia pariter ut supra, fractis dictis sigillis dictum Tabernaculum ea, qua decuit veneratione aperuit, ex coque dictum Sacrum Caput extraxit, ac immediate reposuit, collocavitque intus pretiosorem, ac elegantiore thecam Reliquariam in Alma Urbe elaboratam, ac a munificentissima liberalitate prælibati Sanctissimi D. N. Papæ cum ipso Sacro Capite dono datam Illustrissimis, & Reverendissimis DD. Canonicis, & Ecclesiæ Perinsigni Collegiatæ S. Petronii hujus Civitatis, quam quidem thecam Reliquariam bene clausam parvo ejus sigillo in cera rubra hispana liquata impresso in utroque angulo anteriori obsignavit, adjectis in uno ex angulis posterioribus dictæ thecæ sigillo Illustrissimi, & Excelsi Bononiæ Senatus, in altera vero sigillo Illustrissimi, & Reverendissimi Capituli, & Canonicorum dictæ Perinsignis Collegiatæ in simili cera hispana impressis, deindeque dictum Sacrum Caput intus dictam novam thecam repositum, ac sigillis ut præfertur munitum per dictum Reverendissimum P. Abbatem Exgeneralem denuo expositum fuit super dicto Altare inibi usque ad subsequenter diem illius solemnî Translationis retinendum, super quibus omnibus Nos infra scripti Notarii præfens publicum confecimus Instrumentum requisiti. Tenor vero relationis supra enunciatæ sequens est ultra.

De-

Dovendosi per comando della Santità di N. S. Papa Benedetto XIV. felicemente Regnante trasferire dall' antico, in un magnifico, ed elegantissimo Tabernacolo dalla generosa pietà di Sua Beatitudine mandato in dono, la Testa Venerabile di S. Petronio Vescovo, e principal Protettore della Città nostra di Bologna, perciò da Monsignor Illustrissimo, e Reverendissimo Lattanzio Felice Segretario d' Amatori d' ordine di N. S. è stato comandato a me infraferito Lettore pubblico, Anatomico di questa Città, che diligentemente osservi, e riferisca ciò, che della sopradetta Sacra Testa è più rimarcabile a tenore della mia professione. Dieo adunque, che premesse le debite formalità, come dagli Atti Esc. su alli due Ottobre 1743. aperta la Santa antica Custodia dal sopradetto Monsignore Vescovo d' Amatori, e si è osservato il Cranio sopraccoperto in buona parte da un Berretto di Velluto rosso fregiato d' oro, avente al di sopra una piccola Croce piatta di gettito d' oro: Levata tal coperta trovasi la Sacra Testa, o a dir più vero la parte superiore della Testa (mancandovi tutta la inferior Mandibola, e buona parte della superiore) collegata, circondata, e quasi affatto rinebiata in una Teca d' Argento, sopra la cui base posa il piano di quel pezzo di Mandibola superiore, che alle Ossa del Cranio è unita. Restano scoperte all' Ombelico de' circostanti le Ossa Frontali, le Parietali, le Occipitali, e alcun poco delle Basilari, stando tutto il restante coperto, e collegato da piccole laminette d' argento, che aldifò sto unite alla Base della Teca s' inerocicchiano al di sopra del Cranio, servendo di fermezza alle parti laterali, alla anteriore, e alla posteriore dello stesso. Queste laminette non talmente si adattano alla superior parte del Cranio, che del tutto s' addossino, ma servono come di manubrio a sollevare la Santa Teca raccolta, e a tal effetto nel punto dell' inerocicchatura a maggior fermezza trovasi un Cameo di larghezza d' un Giulio, in cui v' ha scolpito un S. Petronio in abito Vescovile, e in atto di benedire. Il Cranio non è ne molto grande, ne molto grosso, lo che potrebbe far conghietture, che il Corpo del Santo non fosse di molta grandezza, nè di molta nerboratura: ma tal conghietture poendo esser fallacissima, e poco facendo alla nostra ispezione, perciò si lascia al giudizio altrui. Alla parte sinistra del Bregma scorgeasi una fessura lunga mezzoncia, larga alla grossezza del dito piccolo, per la quale può esaminarsi la grossezza dell' Ossa del Cranio, che è ripieno di Bambagia. Non sono le Ossa ne cinericie, nè bianchicie, ma buttano al rossigno, e poca parte di Suture vi si scorge, per esser queste in quà, e in là coperte da sottili lamine di tele ingommate, o con altro succo adattate, segno chiaro essersi

da prima ritrovata tal Santa Testa in molte delle sue parti frantumata, e corrosa, onde fuovi bisogno d' arte a riunirla, e rassodarla. Ora però nulla v' è in essa, per cui abbiassi a ricorrere ad opra alcuna, non rinvenendosi ne carte, ne frantumi, ne troppa mobilità delle Ossa. Questo è ciò, che ad obbedienza de' Comandi Supremi si è da me diligentemente osservato. In fede di che ho sottoscritta la presente Relazione. Gioseffo Pozzi Cameriero Segreto, e Medico straordinario di N. S. Benedetto XIV. Lettor pubblico dell' Università di Bologna, Dottor di Filosofia, e Medicina Collegiato, pubblico Anatomico Emerito, e dell' Accademia dello Istituto delle Scienze. Actum Bononiæ in dicta Ecclesia superiori Basilicæ S. Stephani prope dictum illius Altare majus, ibidem præsentibus nedum omnibus, & singulis prænarratis, verum etiam admodum R.D. Josepho Cuppini Sacerdote Bononiæ, Cæremoniarum Præfecto, & Parocho Ecclesiæ Metropolitanæ, & admodum R. D. Jo. Antonio Cardinali, & admodum R. D. Julio Parisi ejusdem Metropolitanæ Mansionariis Testibus ad prædicta omnia, & singula adhibitis, vocatis, atque rogatis.

De prædictis rogatus extiti Ego Tarsitius Maria Folesani Rivieri in solidum cum infra scripto Perillustri Domino Antonio Nanni Cive, & Notario Collegiato hujusce Civitatis J. V. D. Civ. & publicus Notarius Collegiatus iidem Bononiæ Apostolicæque, & Imperialis: in quorum fidem &c.

Locus ✕ Signi.

De prædictis &c. Rogatus extiti ego Antonius olim D. Jo. Baptistæ de Nannis filius, Civis, & publicus Bononiæ Notarius Collegiatus, Apostolicus quoque, & Imperialis, Curieque Archiepiscopalis Bononiæ Actuarius Decanus, una cum supra scripto Perillustri, & Excellentissimo D. Doctore Tarsitio Maria Folesani Rivieri similiter Cive, ac publico Bononiæ Notario Collegiato. In quorum fidem &c. hic me subscripsi &c. requisitus &c.

Locus ✕ Signi.

In Christi Nomine. Amen.



Er hoc præsens publicum Instrumentum cunctis ubique pateat evidenter, & sit notum, quod, Anno a salutifera Nativitate ejusdem D.N.J.C. millesimo septingentesimo quadragesimo tertio, Indictione sexta, die vero tertia Mensis Octobris, sedente Sanctissimo D. N. D. BENEDICTO PAPA Decimoquarto feliciter Regnante, absoluta Missa cum interventu Illustrissimi, & Reverendissimi D. Bononiæ Pro-Legati, Illustrissimi, & Excelsi D. Justitiæ Vexilliferi, ac Excelsorum DD. Antianorum, Universi Cleri, ac Magistratum omnium, totiusque Illustrissimi, & Excelsi Senatus, ac omni Ritus Solemnitate celebrata ab Illustrissimo, & Reverendissimo D. Lactantio Felice Segæ Nobili Patritio Bononiæ, Amathuntæ Episcopo, Ecclesiæ Metropolitanæ Præposito, prælibati Sanctissimi D. N. Papæ Cubiculario Secreto, ab eoque Curam, & Gubernium Bononiensis Ecclesiæ adhuc continente deputato, ad Altare Majus Ecclesiæ superioris Basilicæ S. Stephani hujus Civitatis, super quo publice Christifidelium Venerationi expositum habebatur Sacrum Caput Divi PETRONII Episcopi, & principalis Bononiæ Protectoris, hesternæ die, servatis servandis, solemniter recognitum, a veteri Reliquiario extractum, ac iutus pretiosiores, ac elegantiores thecam Reliquariam a munificentissima liberalitate Sanctitatis Sux transmissam, ac cum ipso Sacro Capite Illustrissimo, & Reverendissimo DD. Canonicis, & Ecclesiæ Perinsigni Basilicæ Collegiatæ S. PETRONII Bononiæ dono datam repositum, sigillisque præfati Illustrissimi, & Reverendissimi D. Amathuntæ Episcopi in utroque angulo anteriori dictæ thecæ munitum, in angulis vero posterioribus sigillo hujus Illustrissimi, & Excelsi Senatus, ac altero Illustrissimi, & Reverendissimi Capituli Perinsignis Collegiatæ Sancti PETRONII obsignatum, moxque ad dictam perinsignem Collegiatam solemniter transferendum, idem Illustrissimus, & Reverendissimus Dominus Amathuntæ Episcopus in præsentia nostrum Notariorum, ac Testium infrascriptorum præsentata sibi, atque dimissa per Reverendissimum Patrem D. Felicem Antonium Sgarzi Exgeneralem Venerabilis Congregationis RR. Monachorum Cœlestinorum, Abbatem Conventualem Ven. Monasterii S. Stephani Bononiæ prædescripta theca Reliquiaria, illam reverenter recipiens, attente inspexit, eaque bene clausa, & sigillis super illa ut præfertur apposi-

positis penitus intactis, & cum documento enuntiarum recognitionis, collocationis, & sigillationis heri per nos Notarios recepto, confrontare inventis, recognovit, declaravitque de identitate Sacri Capitis Divi PETRONII Episcopi, & principalis Protectoris Bononiæ intus illam existentis legitime constitisse, atque constare omni &c. Successiveque pro effectu solemnibus Translocationis dictæ Sacræ Insignis Reliquiæ, ut præmittitur, faciendæ, præcedentibus omnibus Universitatibus sæcularium Artium, deindeque Confraternitatibus Spiritualibus, postea vero Regularibus Religionum Mendicantium nuncupatarum cum Intortitiis accensis, eadem Sacra Insignis Reliquia in ipsa pretiosa Theca existens, ministerio RR. Sacerdotum Sacris Vestibus indutorum elevata, ac collocata super magnifica Machina ad hujusmodi effectum a prælibato Sanctissimo D. N. Papa similiter transmissa, illam gestantibus dictis RR. Sacerdotibus ut supra indutis, præfatisque Illustrissimo, & Reverendissimo D. Pro - Legato, Illustrissimo, & Excelso D. Vexillifero, ac Excelsis DD. Antianis, universo Clero, Magistratibus, & Excelso Senatu cum Intortitiis pariter accensis circum eandem Sacram Insignem Reliquiam devote incedentibus, ac post illos subsequente innumero populo ad Sacram solemnem Supplicationem confluentem, cujus pars magna cum Intortitiis accensis, translata fuit ad dictam Perinsignem Collegiatam Basilicam S. PETRONII inibi collocanda, & retinenda juxta legem prælaudatæ donationis Sanctitatis Sux: super quibus omnibus nos Notarii infra scripti præfens publicum conficimus Instrumentum, requisiti.

Præsentibus Perillustribus DD. Alexandro Fabri olim D. Joannis Pauli Bononiæ Notario, & Nicolao Pinoli Pederzani olim Excellentissimi D. Doctoris Petri Lazari Bononiæ Cive, Capellæ S. Joannis Baptistæ Cœlestinorum ambobus præfati Illustris. & Excelsi Senatus Cancellariis, & D. Ferdinando Cajetano Mazzoni olim D. Joannis Baptistæ Bononiæ pariter Cive, Capellæ Sancti Proculi Testibus ad prædicta omnia, & singula adhibitis, vocatis specialiter, atque rogatis.

De prædictis Rogatus extitit ego Tarsilius Maria Folesani Rivieri olim D. Bartholomæi Filius, J. U. D. Civis, ac publicus Bononiæ Notarius Collegiatus, Apostolicusque, & Imperialis insolidum, cum infra scripto Perillust. D. Antonio Nanni iidem Notario publico Collegiato Bononiæ pariter de prædictis ut supra &c. cum me &c. rogato. In quorum fidem &c.

Locus ✕ Signi.

De

De prædictis rogatus exiit ego Antonius olim D. Joannis Baptista de Nannis Filius; Civis, & publicus Bononiæ Notarius Collegiatus, Apostolicus quoque, & Imperialis, Curieque Archiepiscopalis Bononiensis Astuarius Decanus in solidum cum superscripto Perillust. & Excellentissimo D. Doctore Tarasio Maria Folesani Rivieri isidem publico Bononiæ Notario Collegiato similiter rogato &c. In quorum &c. hic me &c.

Locus ✕ Signi.

In Dei Nomine. Amen.



Er hoc præsens publicum Instrumentum cunctis ubique pateat evidenter, & notum sit, quod Anno a salutifera Nativitate D. N. Jesu Christi millesimo septingentesimo quadragesimo tertio, Indictione sexta, die vero tertia Mensis Octobris, sedente Sanctissimo Domino Nostro Domino BENEDICTO Papa XIV. feliciter Regnante.

In mei &c. Testiumque &c. Illustrissimus, & Reverendissimus D. D. Felix Lactantius Sega Nobilis Patritius Bononiæ, Episcopus Amathuntinus, Metropolitanæ Ecclesiæ Bononiensis Præpositus, nec non prælibati Sanctissimi D. N. D. Papæ BENEDICTI XIV. Cubicularius secretus, ab eodemque Sanctissimo D. N. Papa hujus Bononiensis Ecclesiæ Curam, & Gubernium adhuc retinente deputatus, ad effectum sibi a Sanctitate Sua specialiter in hac parte commissæ debitæ executioni demandandi, cum eo existentibus Illustrissimis, & Reverendissimis DD. Dignitatibus, & Canonicis dictæ Metropolitanæ Ecclesiæ, totoque Clero, Sacrum Caput Divi PETRONII Bononiæ Episcopi, & principalis Protectoris hætenus in Basilica S. Stephani Bononiæ asservatum, a Pontificia liberalitate prælibati Sanctissimi D. N. Papæ BENEDICTI XIV. una cum pretiosa Theca ab Urbe transmissa donatum Illustrissimis, & Reverendissimis DD. Canonicis Perinsignis Collegiatæ Basilicæ S. Petronii, eorumque Ecclesiæ, ut ex ejus Apostolicis Literis in forma Brevis dat. Romæ apud S. Mariam Majorem, eisdem DD. Canonicis directis die 10. Julii proxime præteriti, ad quas &c. tenoris infra inferendi, nuperrime vero a Reverendissimo P. D. Felice Antonio Sgarzi Exgenerali Ven. Monasterii S. Stephani prædicti Dominationi Suae Illustrissimæ & Reverendissimæ illud Pontificio nomine petenti in Reliquiario veteri, intus quod bene clausum, sigillisque munitum asservabatur,

tur, traditum, juxta contenta in aliis Literis Apostolicis Sanctitatis Suae dicto Reverendissimo P. Abbati Exgenerali directis dat. Romæ apud S. Mariam Majorem 28. Augusti proxime præteriti, ad quas pariter &c. tenoris infra similiter inferendi, deindeque per eandem Dominationem Suam Illustrissimam, & Reverendissimam, prævia illius recognitione, servatis servandis, facta, intactum repertum, & declaratum, ac subinde eductum e dicto veteri Tabernaculo dictæ Basilicæ relicto, ac immediate reverenter repositum & collocatum intus pretiosam dictam argenteam Thecam ab Urbe per Sanctitatem Suam, ut præfertur, transmissam bene clausam, parvoque Dominationis Suae Illustrissimæ, & Reverendissimæ Sigillo dupliciter munitam, ac etiam Sigillo Illustrissimi, & Excelso Senatus Bononiensis, ac altero Illustrissimi, & Reverendissimi Capituli dictæ Perinsignis Collegiæ obfignatam, ut in præcedenti recognitionis ac sigillationis hujusmodi Rogitu per Excellentissimum D. Tarfitium Folesani Rivieri Notarium Bononiæ Collegiatum, dictique Illustrissimi & Excelso Senatus Cancellarium, meque Notarium recepto, ad quem &c. & ita collocatum solemnî ritu, ac pompa, eaque majori, qua fieri potuit Cleri, & Populi celebritate in Ecclesiam dictæ Perinsignis Collegiæ translatum pro consummatione Pontificiæ donationis, & totali complemento mentis Sanctissimi D. N. præsentibus, & audientibus Illustrissimo, ac Reverendissimo D. Joanne Carolo Molinari, utriusque Signaturæ Sanctissimi D. N. Papæ Referendario Abbate Commendatario perpetuo Abbatæ Clavallien. Protounotario Apostolico Participan. ac Bononiæ Pro-Legato, Illustrissimo, & Excelso D. Co. Jacobo Insulano Vexillifero Justitiæ, Illustrissimis, & Excelsis DD. Autianis, Tribunis Plebis, totoque Excelso Senatu tradidit, consignavit, atque dimisit, præfatis Illustrissimis, & Reverendissimis DD. Canonicis dictæ Perinsignis Collegiæ S. Petrouii præsentibus, ac ea qua decuit veneratione pro eorum Capitulo, & Ecclesia prædictis acceptantibus, illudque super Altare majus collocantibus, postea tuto ac honorifice custodiendum pro nunc in parvo Choro ejusdem Ecclesiæ sub duplici clave, altera ab Illustrissimo & Excelso D. quadraginta Virorum Bononiensium pro tempore Decano, altera vero ab Illustrissimo & Reverendissimo D. dictæ Perinsignis Collegiæ Primicerio retinenda, quas claves idem Illustrissimus ac Reverendissimus D. mediante persona Illustrissimi, & Excellentissimi D. Philippi Mariæ Mazzi Agentis generalis a Sanctitate Sua pro hac ejus Reverenda Mensa Archiepiscopali Bononiæ deputati, tradidit, respectu unius, Nob. Viro D. Co. Philippo Aldro-

Aldrovandi Patritio Bononiæ, ac Senatori Decano, & respectu alterius Illustrissimo, & Reverendissimo D. Marchioni Francisco Zambeccari Nob. Patritio Bononiæ, prælibati Sanctissimi D. N. Papæ Prælato Domestico, dictæque Perinsignis Collegiæ Primicerio præsentibus, & acceptantibus, donec absolutis Altari in eadem Ecclesia ab Eminentissimo, & Reverendissimo D. D. Pompejo S. R. E. Cardinale Aldrovandi, ac Repositorio pro dicto Sacro Capite, in ejusdem Altaris Orthographia collocetur, in omnibus, & per omnia juxta per Sanctitatem Suam præscripta in dictis Literis Apostolicis præfatis Illustrissimis, & Reverendissimis DD. Capitulo, & Canonicis directis, ad quas etiâ in hac parte &c. super quibus omnibus &c. Ego Notarius superscriptus, & infra scriptus hoc publicum Instrumentum confeci requisitus &c. Hic omisso, de voluntate petentium, tenore supra enuntiatarum Literarum Apostolicarum.

Actum in dicta Ecclesia Perinsigni Basilica S. Petronii prope Altare majus, præsentibus ibidem Nob. Viris D. Abbate Antonio cl. me. olim Nob. Viri D. Joannis Elephantuzzi Capellæ S. Proculi, D. Marchione Antonio Amorini cl. me. olim Nob. Viri D. Joannis Andreæ Capellæ S. Marini, & D. Co. Ludovico Filio Nob. Viri D. Co. Francisci Malvasia Capellæ SS. Gervasii, & Prothasii omnibus Patritiis Bononiæ Testibus ad prædicta omnia, & singula adhibitis, vocatis specialiter, atque rogatis.

De prædictis &c. rogatus entisi ego Antonius olim D. Joannis Baptiste de Nannis Filius, Civis & publicus Bononiæ Notarius Collegiatus, Apostolicus quoque, & Imperialis, Curieque Archiepiscopalis Bononiensis Aëluarius Decanus &c. In fidem &c. hic me subscripsi requisitus &c.

L. ✕ S.



Post primam Operis hujus editionem Bononiensem anni 1740. cum S. Proci Martyris Corpus repertum in S. Thraſonis Cameterio, quod in Via Salaria ſitum eſt, Bononiam tranſmiſerimus, ut in noſtra S. Petri Metropolitana Eccleſia publico cultui exponeretur, opportunum viſum fuit, Epistolam illam, quam eo tempore ad Capitulum, & Canonicos dedimus, quæque Bononiæ impreſſa fuit in Archiepiſcopali Typographia anno 1745. huic eidem Operi adicere in nova Editione Patavina anni 1748. Propterea non incongruum videri debet, ſi nunc Epistolam eandem latine redditam publici juris in hac quoque Editione faciamus.

BENEDICTUS PAPA XIV.

*Dilecti Filii, Salutem, & Apoſtolicam
Benedictionem.*



IAM dudum Nobis erat in animo, unum aliquod Sancti Corpus cum ſuo nomine proprio inventum mittere ad iſtam noſtram Metropolitanam Eccleſiam, inter cætera dona, quæ ei largiri ſolemus quotannis, occasione Solemnitatis S. Petri Apoſtolorum Principis in cujus honorem eadem Eccleſia dedicata eſt.

Non ignoramus, veneratione coli debere non ſolum cuiuscumque Sancti Corpus integrum, ſed quamlibet etiam partem a reliquo ejus corpore diviſam: *Hæc eſt enim Sanctorum Martyrum gloria, quorum eſſi per univerſum Mundum ſeminetur in cineribus portio, manet tamen integra in virtutibus plenitudo:* ita loquitur S. Maximus *Serm. 55.* inter Sermones qui olim Sancto Ambroſio adjudicabantur, ut videre eſt in Operibus hujus Sancti Patris *tom. 2. editionis Pariſienſis anni 1690. pag. 466.* Cum Sancto Ambroſio cohæret Sanctus Gregorius Nazianzenus, qui in ſuo Carmine de *Virtute* juxta interpretationem Petavii *lib. 14. de Incarnatione cap. 11. §. 3. ait:*

*Tanta porro eſt veritatis veneratio,
Ut vel exiguus pulvis, aut aliquod reliquiarum
Oſſum vetuſtorum, vel capillorum particula,
Aut panniculi, aut aſperi cruoris
Nota quæpiam ad totius honorem aliquando ſufficiant,
Et appellatione ſanctæ ſunt reliquiæ:*

Cum

Cum certis locis attributa fuerint illa pro toto Martyre:

Eadem quippe vi prædita. O Miraculum!

Salutem enim affert etiam sola recordatio.

Nobis constat præterea, quod quotiescunque habentur indicia certa, corpus aliquod aut partem ipsius esse corpus, aut partem corporis alicujus Sancti, licet hujus nomen lateat; corpori tamen aut parti illi religiosus cultus debetur, qui cæteris Sanctorum Reliquiis præstari solet, ut late ostendimus in nostro Opere de Canonizatione lib. 4. part. 2. cap. 27. editionis præsertim Patavinæ a Nobis, etiamsi assiduo gravissimarum occupationum pondere premeremur, plurimum locupletatæ; qua editione, pro nunquam intermissa benevolentia vestra erga Nos laboresque nostros qualescumque, minime vos carere arbitramur.

Ut ut vera sint quæ diximus, inficiari tamen nequit, multo præclarior quid esse Corpus integrum, quam pars insignis ejusdem Corporis; & multo majorem esse Fidelium devotionem erga Corpus alicujus Sancti, de cujus nomine proprio constat, quam alterius, cujus nomen ignoretur. Et propterea juxta veterem Romanæ Ecclesiæ consuetudinem, Sanctorum corporibus, quorum nomen ignoratur, appellativum nomen imponitur; ut recte ad rem nostram, dum loquitur de consuetudine imponendi nomen appellativum Corporibus Sanctorum, qui sine nomine inveniuntur, animadvertit eruditus Ferrandus in *Disquisit. Reliq. lib. 2. cap. 5. Minime superfluum est certa nomina incertis Sanctorum Reliquiis attribuere, quod experientia, usque quotidiano videamus, Fideles multo minori affectu, studio, ac pietate affici, & ferri erga Divorum illorum exuvias, quorum nomina mortales latent, quam adversus eas, quæ certis nominibus indignantur: potentius enim nobis nota, & certa, quam obscura, ignota, & incerta, solent movere animos; ideoque major Dei gloriæ, atque Cælitum cultus, ac venerationis plerumque accessio fit: præter ea, quæ collecta videre licet in nostro supra citato Opere editionis Patavinæ lib. 4. part. 2. cap. 28.*

Hisce rationibus permoti Corpus alicujus Sancti integrum cum proprio nomine invenire studuimus, illudque mittere ad vos, ut quemadmodum significavimus, in nostra Metropolitana Ecclesia collocetur.

Atque ut id quod in animo erat consequeremur, necesse fuit nostras perquisitiones ad ea venerabilia loca convertere, quæ tantopere almam hanc Urbem Romam illustant: Loca, quæ excavata olim, & defossa a Gentilibus, ut extraheretur arena com-

munis, & dicæarchea ad extruenda magnifica illa ædificia, quorum adhuc apparent reliquiæ, fuerunt postea decursu temporis a primis Christianis sanctificata, qui illuc se ob persecutionum metum recipiebant, suos religiosos conventus ibi facturi, ita ut ibidem sacræ etiam functiones a Summis Pontificibus pericerentur, & Ecclesiastica sepultura defuncti donarentur. De Cœmeteriis loquimur seu Catacumbis, de quibus tam devote Sanctus Hieronymus scribit, præter alios quamplures Antiquitatis Scriptores a nobis citatos in *cap. 27. Operis nostri*, quibus in editione Patavina Joannem Bottarium addidimus, Bibliothecæ Vaticanæ Custodem, & Nobis ab intimo Sacello, qui *Tom. 1. Romæ subterraneæ* Catacubarum modo explicatam originem feliciter detexit.

Invento autem in Catacumbis Corpore integro cum nomine proprio, necesse fuit ultra procedere. Certum est enim, quod nulla sepeliebantur in Catacumbis nisi Christianorum Corpora; sed quod omnia Christianorum Corpora ibi sepulta essent Sanctorum Corpora, certum non est. Propterea examinanda veniunt signa, quæ in sepulchro erant ubi condebatur corpus integrum, aut ejus pars sive cum nomine proprio, sive non. Nostri enim primitivæ Ecclesiæ Patres collocabant semper in Sanctorum sepulchris signa indicantia sanctitatem, ea vero nunquam collocabant in sepulchris illorum, quos uti Sanctos non habebant.

Basuagio in suis Operibus minime arridet sententia, quod in Catacumbis non sepelirentur nisi Christianorum corpora. Sed illum egregie confutavit in suo Opere de *Monogrammate Christi Domini* Capellanus noster intimus Dominicus Georgius, cujus nomen claret in Republica Litteraria celeberrimum. Idem præstitit supra laudatus Bottarius Basuagii sequacibus respondens. Nos vero qui in prima editione Operis nostri de *Canonizatione* conati sumus clare ostendere, quod soli Christiani in Catacumbis, de quibus loquimur, sepelirentur; summa animi nostri voluptate in nupera editione Patavina addidimus ea pariter, quæ duo prædicti Scriptores egregii animadverterant, eosque ut fas erat nominavimus: abhorruimus namque semper, semperque abhorrebimus a prava quorundam consuetudine, qui ut suos faciant alienos labores, indigno plagio tegunt Auctorem verum, cujus nomen postea nihilo tamen fecius innotescit.

Hoc systemate præstabilito, prima Catacumba, seu Cœmeterium, quod visitari jussimus, fuit Prætextati Cœmeterium, in Martyrologiis adeo celebre, situm in via Appia, & vix unum mil-

milliare ab Urbe Roma distans. De ipso loquitur Marcus Antonius Boldettus Canonicus Sanctæ Mariæ trans Tyberim in suo laudabili Opere, cujus titulus: *Offervazioni sopra i Cimiterj de' Santi Martiri, ed antichi Crisiani di Roma, lib.2. cap.18.* quod Opus Auctor eruditus composuit post continuatam triginta annorum studium, post iteratas locorum perquisitiones, & animadversiones varias, post multos mentis & corporis susceptos labores, ac feliciter exantlatos, ut materiam præpararet, simulque ut suo muneri quoad Cœmeteria satisfaceret.

In hoc eodem Prætextati Cœmeterio detectum fuit anno elapso Corpus integrum cum nomine proprio *Iari*: quod nomen Christianis valde erat commune, ut colligitur ex antiquis inscriptionibus apud Aringhium, Fabretum, & Reinesium; neque erat incognitum Ecclesiasticis Martyrologiis, ut videre est in Martyrologio Florentinii *die prima Februarii*, atque in alio item Martyrologio apud Bollandum *tom.1. Februarii pag. 294.* Sepulchro insculptum apparebat Monogramma Christi cum littera *A* ab uno latere, ab altero littera *A*. Inscriptio vero hujusmodi erat: *Hic requiesces in pace sede constitutus Iarus qui vixit annus PL. MS. XXV.* Errores qui huc irrepererunt neminem debent in admirationem adducere, nisi quem ipsæ latent notiones primæ in hac materia. Siquidem extra omnem controversiam certum est, quod verba recte præparata, ut inciderentur in lapidibus, corrumpebantur ab imperitis sculptoribus in ipso incidendi actu, at non tamen ita corrumpebantur, ut verus sensus omnino deperderetur.

In nostro Opere de *Canonizatione cap.27. sæpius citato num. 14. editionis Patavinæ* dum loqueremur de signis, unde Sancti Corpus a Corpore alterius Christiani distinguitur, non dubitavimus ita asserere; *Primum itaque Signum est, si aliquod forte Corpus reperiatur cum Inscriptione, dummodo Inscriptio ipsa nullis ambagibus subiecta sit, sed in ea expressa sint quæ verum pro Christo Martyrium præferant, & ideo indubitatam Sanctitatem.* Ibidem num. 18. diximus etiam, quod ex Monogrammate *Pro Christo* sepulchris insculpto unum hoc inferri potest, Corpus scilicet ibi repositum, fuisse Corpus alicujus Christiani: quod insuper in editione Patavina comprobavimus adducentes auctoritatem prælaudati Georgii, & Ludovici Antonii Muratorii viri in Republica Litteraria adeo insignis. Litteræ autem *A*, & *a* quæ significant Christum esse principium rerum omnium & finem, ejusque divinitatem expriment; quæque olim inscribebantur Christianorum Monumentis etiam ante Arij, & Constantini ætatem,

tem, ut luculenter ostendunt Lupus in *Dissertatione de S. Severo* pag. 142. & Georgius citatus de *Monogrammate Christi Domini cap. 2.* indicant similiter, quod Corpus illud erat Corpus Christiani aliqujus. Eodem collimant verba *requiescit in pace*, quæ nunquam adhibita fuerunt a Paganis, sed a Christianis tantummodo; quod ipsum demonstrat Mabillonius de *Cultu Sanctorum ignotorum* pag. 557. Jam vero omisissis siglis *PL. MS.* significantibus plus minus ad indicandam defuncti ætatem: quæ siglæ in tot Inscriptionibus inveniuntur apud Aringhium, & Fabrettum, quæque in usu esse cœperunt quarto sæculo, si fides habenda est Spornio in Antiquitatum investigationibus pag. 350. tota difficultas reduci debet ad illa verba *fede constitutus*, hoc est *fide constitutus* ut incisoris sphalma corrigatur.

Ut constaret num prædicta verba in aliis quoque inscriptionibus invenirentur, & quænam esset eorumdem sensus, rem totam communicavimus Litteratis illis viris, qui frequentes adsunt eruditis Exercitationibus, quæ singulis secundis Feriis habentur coram Nobis de rebus Ecclesiasticis, aut Romanis Antiquitatibus tum sacris tum profanis, quo solatio inter molestissimas Pontificatus Nostri spinas unice recreamur. Post accuratas igitur perquisitiones relatum est Nobis, hujusmodi verba nullibi in Lapidibus Sepulchralibus inveniri potuisse. Quoad vero eorum intelligentiam putarunt aliqui, eo loco Sacramentum Confirmationis significari, quo illarus insignitus fuerit, cum legatur in antiquo Canone *Spiritus Sanctus, de Consecrat. dist. 5.* quod Spiritus Sanctus in Baptismate plenitudinem tribuit ad innocentiam, in Confirmatione augmentum præstat ad gratiam. Sed ea sententia minime placuit, nam licet in Inscriptione quadam, quam afferunt claræ memoriæ Cardinalis Norisius in *Fastis Consularibus* pag. 43. & Fabrettus in *Inscriptionibus* pag. 577. legatur de quodam Severo Paschasio, quod *percepit. xi. Kal. Majas*, absque eo quod subjungatur quid perceperit, idque de Baptismo intelligatur; nescimus tamen quod ulla Inscripção inveniat, quæ expresse mentionem faciat de Confirmatione; ob eam fortasse causam, quia ubi mentio fieri vellet de perceptis Sacramentis, cum omitti nullatenus posset Baptismus, ibi idem erat dicere aliquem fuisse baptizatum, ac dicere fuisse quoque confirmatum; tunc enim in pluribus Ecclesiis Confirmatio immediate conferebatur post Baptismum, quæ consuetudo vigeat etiam in Ecclesia Romana, ut videre est in *Ordine Gelasiano* in lucem edito a Ven. Servo Dei Card. Thomasio pag. 84. & 85. De hujusmodi ritu fuisse egimus in *Dissertatione de Synodo Diœcesana*, quæ a Nobis Bononiæ composi-

posita, deinde nostri Pontificatus tempore locupletata, Deo annuente, publica luce donabitur. Baptismi, & Confirmationis Sacramentis addebatur olim in quibusdam Ecclesiis etiam Eucharistia, quamvis Baptizati, & Confirmati essent adhuc lactentes puelluli, ut colligere potestis ex nostro Opere *de Festis Jesu Christi, & Beate Mariæ Virginis, & de Missæ Sacrificio*, quod Opus quanto major est librorum copia, qui Nobis post nostri Pontificatus exordia suppeditantur ab insigni Bibliotheca Domini Cardinalis Passionei, variis notitiis tanto magis adauctum, atque insuper ex Italico sermone in Latinam linguam feliciter translatum a Michaelæ Angelo de Giacomellis nobis ab intimo Sacello, hoc ipso anno typis Patavinis prodijt in lucem.

Sacerdos Petrus Morettus Canonicus S. Mariæ trans Tyberim, qui tam egregia volumina de rebus Ecclesiasticis edidit, aliaque plura actu præparat, quamvis non levi oculorum incommodo laboret; duas Nobis indicavit S. Cypriani epistolas, alteram Rogatiano Episcopo scriptam, in qua sic legitur: *Salomon in Spiritu Sancto constitutus testatur, & docet, quæ sit Sacerdotalis auctoritas & potestas, dicens &c.* ad Populum Tibaritanum alteram, quæ sic habet: *Nemo quidquam de seculo jam moriente desideret, sed sequatur Christum, qui & vivit in æternum, & vivificat servos suos in fide sui nominis constitutor;* atque hinc inferebat per illa verba *in fide constitutus*, quæ sunt in Ilari lapide, significari quod Ilarus plenus fide, stabilis in fide, radices in eadem fide jecerat admodum profundas.

Porro dum hanc ipsam Epistolam dictaremus, ecce Nobis exhibita est Dissertatio pulcherrima typis edita, & prælaudato Dominico Georgio Nobis ab intimo Sacello dicata. Ea habet Auctorem Sacerdotem Alexium Symmachum Mazzochium Canonicum Ecclesiæ Metropolitanæ Neapolis, virum tum sacrum, tum prophana eruditione clarissimum. Ibi ad examen revocantur ea verba *fide constitutus*, ab iisque significari ostenditur Sacramentum Baptismi susceptum ab Ilaro. Legitur enim in Tertulliano *lib. de Pudicitia cap. 18.* & alibi, *ante fidem, & post fidem* ad significandum *ante & post Baptismum*, immo vetera Monumenta passim utuntur hac phrasi *fidei Sacramentum* ad Sacramentum Baptismi indicandum.

Et quia intelligit, posse opponi totum hoc superfluum videri, quandoquidem si Ilarus Christianus erat, necesse pariter erat, fuisse baptizatum, animadvertit quam diligentissime, quod tunc tempus suscipiendi Baptismum protrahebatur, adeoque Christiani dividebantur in duas veluti classes, quarum unam constituiebant Catechumeni, alteram Baptizati; atque hi quidem *Fideles a Fr-*
atres

dei Sacramento, nominabantur, non a *virtute Fidei*, qua Fidei virtute imbuebantur Christiani Catechumeni Parochorum catechismum sua præsentia frequentantes. Non est admodum inverisimile, quod aliæ ad Nos super eodem argumento Dissertationes perveniant. Si ita erit, libenti animo eas percurremus. Nos interim hanc materiam intactam relinquentes, ad aliud Sacrum Corpus curam nostram convertere statuimus, quod ad Ecclesiam nostram Bononiensem mittamus.

Paucis abhinc annis detectum fuit S. Thraſonis Coemeterium; de quo mentionem facit Martyrologium Romanum die 11. Decembris: *Romæ Passio Sancti Thraſonis, qui cum Christianos laborantes in Thermis, aliisque operibus publicis fatigatos, & in carcere positos de suis facultatibus aleret, jubente Maximiano tentus, cum aliis duobus Pontiano, & Prætextato Martyrio coronatus est.* Ut notum est unicuique, Maximianus ædificium aggressus est Thermarum Diocletiani. Excessu crudelitatis abreptus, atque ut experiretur utrum id, quod obtinere non poterat subita morte Christi sequacibus violenter illaia, obtinere potuisset ignominioso & diuturno supplicio, milites Christi damnavit ad excavandam arenam pro tam ingenti ædificio necessariam. Immanis procul dubio fuit illorum numerus qui in Christiana Religione perseverantes mortui sunt ex nimio labore. Qui superstites vixerunt decem mille ducenti & tres, ii occisi sunt in odium Christianæ Fidei intra Vallis Planitiem extra Portam Trigeminam in loco, qui appellatur *Gutta jugiter manans ad Aquas Salvias*, ut fuse narratur in Annalibus Cardinalis Baronii ad annum Christi 298. ubi piissimus Auctor animadvertit, quod cum dirutæ sint & redditæ inutiles reliquæ omnes Romanorum veterum Thermæ, unicæ, si minus integre, saltem magna ex parte subsistunt Diocletiani Thermæ in Ecclesiam commutatæ ad honorem Beatissimæ Virginis, & Angelorum, fortasse quia sudoribus Confessorum Christi fuerunt exædificatæ.

Sed ut redivitum faciamus ad Coemeterium S. Thraſonis in Via Salaria, quod detectum fuit in arenariis ad fodiendam arenam apertis pro Thermarum prædictarum ædificio: Joannes Marangonius Sacerdos supra commendati Canonici Boldetti studiorum, laborumque per triginta, & amplius annos socius indivisibilis historiam fideliter narrat in Appendice ad Acta S. Viſtorini Episcopi typis edita simul cum longa serie Marmorearum Inscriptionum, quas in Coemeteriis collegerat; & quarum memoria in fatali incendio ejus domicilii ideo non periit, quia priusquam ædes conflagrarent, eas jam viris eruditis ipse communicaverat.

Joan-

Joanni igitur Marangonio Sacerdoti una cum Canonico Boldetto fortunatim successit, ut via quædam subterranea se se aperiret, valde lutulenta, in qua ipsi operariis insistentes, ut excavationem prosequerentur tum demum invenerunt sepulchra nonnulla, quorum alia suas inscriptiones præseferebant, alia non item; in omnibus tamen habebatur vasculum aut sanguinis plenum, aut tinctum colore sanguineo, aut crustas saltem sanguineas aliquo modo occludens.

Inter cætera, unum inventum est Sepulchrum cum sequenti Epigraphe:

*Pater Filio Proco Qui
vixit annis VIII. mens. VIII.
in pace fecit.*

Epigraphe hæc insculpta erat marmori Salino, & poris pleno, quod ab aqua penetratum, & corrosus levissimo quoque attactu in pulverem redigebatur. Quapropter cum providus, & peritus antea laudatus Marangonius clare animadvertisset fieri non posse, ut marmor illud extraheretur, deliberavit verba transcribere, eaque in citata Appendice pag. 88. in lucem proferre.

Nullum os desiderabatur ad corporis integritatem, quin etiam in Sepulchri loco consueto existeret vas tinctum cum crustis sanguineis: quæ ossa cum vasculo a Sacerdote pro sui Officii munere exhibita Cardinali Guadagni Romæ Vicario reposita fuerunt de more in Custodia, ut deinde opportuno tempore illustri viro alicui concederentur, qui preces porrigeret ad impetrandum aliquod Corpus sacrum integrum cum proprio nomine, ut in insigni quappiam Ecclesia collocaretur.

Extracta fuerunt ossa cum vase supra memorato die 9. Maji anni 1737. Nos autem quoniam nihil amplius de corpore invento cum illari nomine cogitabamus, Sacerdoti Marangonio communicavimus desiderium nostrum habendi sacrum aliquod Corpus insigne, quod Ecclesiæ nostræ Bononiensi, ut diximus, mitteremus. Hoc audito, ipse indicavit Nobis Corpus Sancti Proci, ipse idem Nobis illud attulit in parva capsâ sigillo Card. Vicarii munita, ipse Nobis fideliter narravit ea, quæ supra exposuimus; addiditque præterea, prope Sancti Proci Sepulchrum duo pariter Sepulchra inventa esse cum sanguinis vasculo, ubi ossibus pene in cinerem solutis, lapides indicabant illa duo esse Puerorum Corpora, quorum alter septem, alter erat annorum trium, ex quo colligebat eruditus vir, persecutionem illam, qua Marty-

Tom.X.

D d d d

rio

rio coronatus est Sanctus Proculus, esse non potuisse nisi gravem, atque unam ex crudelissimis. In huiusmodi enim persecutionibus crudelis Tyrannorum barbaries neque sexui pepercit, neque ætati quantumlibet infantili. Denique in urna quam confici fecimus, vobisque pariter donamus, idem ipse propria manu collocavit vas, aptavitque ossa singula, quæ mandantibus Nobis recognita ab intimo Cubiculario nostro, & Archiatro Antonio Leprotto integrum corpus perficiunt.

Ecce igitur, Filii dilectissimi, narrationem completam tum loci, tum temporis, cæterarumque circumstantiarum omnium, quæ spectant ad seriem facti per quod inventum est atque extractum Sancti Proci Corpus, quod vobis mittimus, ut juxta nostra mandata collocetur sub una ex aris Metropolitanæ nostræ publico cultui expositum. Ipsi debetur cultus, & titulus Sancti, quia procul dubio, ut eruditioni vestræ notum esse debet, nulli unquam venit in mentem, quantumvis acuto ingenio is fuerit, & cupidus querendi, ut ajunt, nodum in scirpo, nulli, inquam, venit in mentem dubitatio quod Corpus in Catacumbis Romanis inventum cum vasculo sanguinis aut pleno, aut tincto, non sit corpus alicujus qui mortem pro Christo sustinuerit. Aringhius, Mabillonius, bonæ memoriæ tum Senator Buonarruoti, tum Raphael Fabrettus, & qui unus pro cunctis valere debet Ludovicus Antonius Muratorius, Canonicus Boldettus, Sacerdos Marangonius, Eques Victorius, alique Ministri Corporum extractionibus inservientes in hoc unanimiter conveniunt, ut eruere facile potestis ex eis. *Cap. 27. Operis nostri de Canonizatione Sanctorum lib. 4. part. 2. a num. 22. usque ad finem editionis Patavinæ*, ubi fideliter enumerantur, & approbantur a Nobis auctoritates prædictæ simul cum experimento prælaudati Fabretti, quo redarguit nimis audacem eorum opinionem, qui contendebant illorum vasculorum crustas non improbabilius a salium mineralium concretionibus fuisse productas; atque ostendit eas sine ulla controversia provenire a sanguinis massa. Aringhius, Muratorius, Nos ipsi verba facimus de pia veterum Fidelium consuetudine colligendi, & conservandi Sanctorum Martyrum Sanguinem, de qua re si plura discere exoptatis percurrere *primam Partem tom. 2. de Cultu Sanctorum Dissert. 7. cap. 1. §. 7. Et cap. 31.* concivis nostri Joannis Chrysostomi Trombelli Abbatis, qui ea qua solet ingenti eruditione etiam de hoc argumento pertractavit.

Nihil amplius requiritur, ut pro certo habeatur non modo titulum Sancti Proci deberi, sed etiam cultum ejusdem corpori, quod vobis mittimus, negari non posse. Verumtamen illud pariter

riter pro complemento inquirere diligenter volumus Nos , atque alios indagare fecimus , utrum in veteri aliqua Litania , aut in Martyrologiis Rosvveydi , Bedæ , Flori , Rhabani , Notkeri , Wandalberti ; in Ephemeridibus Græco - Moschis , & in Basiliano Menologio e Græco in Latinum sermonem translato a sanctæ memoriæ Clemente Papa XI. mentio de hoc Sancto Proco habeatur .

Nomen Proci non fuit ignotum Gentilibus , ut videre est in satis ampla Inscriptionum Collectione apud sæpe laudatum Muratorium *pag. 815. num. 4. & pag. 1472. num. 2.* Quod autem spectat ad Martyrologia ; eruditioni vestræ manifesta fieret injuria , si dubitarem vobis non esse perspectum , quanta in æstimatione sit , ac semper fuerit Martyrologium S. Hieronymi , cui decursu temporis multa a piis , ac religiosis viris facta sunt additamenta quorundam Sanctorum , qui certe post Sanctum Hieronymum floruerunt . In Monasterio Corbejensi antiquum hujus Martyrologii exemplar inventum est , quod Hugo Menardus typis edere cogitaverat . Quod tamen ipse non potuit conficere , perfecit postea Lucas Acherius in suo Spicilegio , seu Collectione veterum quorundam Scriptorum , quos in Galliæ Bibliothecis invenit . Hieronymianum hoc Martyrologium extat in *tom. 2. Collect. cit. editionis Parisiensis 1723. ibique pag. 12. d. 2.* Junii inter cæteros Sanctos legimus Sanctum Procum : *Item Marthe , Marcelle , Proci , Datula , Victuria , Joviani.* Atque ibi cum sermo sit de Sancto Urbis Romæ , ut diximus , cumque pariter certum sit , quod qui Romæ Martyrium sustinebant sepeliebantur in Catacumbis cum Vase sanguinis præcipuo sui Martyrii signo , verisimile admodum est , Sanctum Procum , cujus corpus extractum est cum signo prædicto , esse utique illum eundem , de quo fit mentio in Martyrologio S. Hieronymi .

Ne quid tamen dissimulemus ; dicere necesse est , Martyrologium hoc ipsum editum pariter fuisse ab erudito viro Francisco Maria Florentinio , qui secutus lectionem Codicis cujusdam Lucensis *die 2. Junii pag. 567.* non legit *Proci* , sed *Perci* , aliud quoque MS. vetus Antuerpiense in *Adnotationibus* producens . Sed cum in *iisdem Adnotationibus pag. 568.* non prætermittat ingenius Florentinius Codicem etiam Corbejensem citare , qui legit non *Percum* , sed *Procum* ; & quod majus est , cum in Sanctorum Indice ad finem Martyrologii mentionem faciant de *Proco* non autem de *Percio* , hinc oritur validum argumentum inferendi , quod a Florentinio Corbejensis Lectio Lucensi anteponatur , atque Antuerpianæ . Eruditi viri , qui Acta Sanctorum collegerunt ,

Henschenius nempe, Papebrochius, Baertius; & Janningus *tom. 1. mensis Junii die 2. pag. 209.* post Catalogum Martyrum Romanorum, in quem inserunt nomen *Perci* amplectentes lectionem editionis Florentinii *pag. 210.* fateri deinde non dubitarunt, quod *Procus* legebatur in aliis Codicibus, non *Percus*.

His omnibus addendum est, nullum aliud neque sacrum, neque profanum monumentum, quacunque diligentia adhibita, potuisse inveniri, in quo nomen *Perci* haberetur; e contrario *Proci* nomen facile, ut diximus, in antiquis inscriptionibus occurrere, ex quo inferri possunt hæc duo: alterum quod lectio Codicis Corbejenfis verisimilior sit, quam lectio Codicis Lucensis, & Antuerpiani: alterum vero, quod sine temerarii iudicii nota affirmare liceat *Proci* nomen ab Amanuensis per iteratas exemplarium transcriptiones in illud *Perci* mutatum fuisse.

Quod si forte objiciatur, nomen *Perci* mutari potuisse ab Amanuensis in illud *Proci*, semper reponi posset, facilius esse, iterum atque iterum rescribendo mutare *Procum* in *Percum*, quam *Percum* in *Procum*. Nam apud Martene, & Durand *tom. 3. Novi Thesauri Anecdotorum, edit. Parisiensis 1717. pag. 1614.* apparet, nomen *Sanctorum Proti, & Hyacinthi* Amanuensium incuria mutatum fuisse in quibusdam Martyrologiis antiquis cum nomine *Sanctorum Presli & Hyacinthi*, non vice versa.

Valeat tamen quod diximus usque adhuc, quantum valere potest. Nos asserimus *Proci* nomen propter marmoris sepulchralis auctoritatem, asserimus Martyrium propter Vasculum tinctum crustis sanguineis, & nihil amplius requiri certissimum ad publicum cultum, & Sancti titulum nostro Martyri asserendum. Exponite igitur publico cultui Corpus, quod vobis mittimus; vestra & totius Populi, ac Cleri pietas accendatur magis ac magis erga sacras exuvias: illudque in mentem revocate, quod Corpora, & Sanctorum Reliquiæ in illis Civitatibus ubi jacent, & venerantur, solent esse divina favente misericordia validum præsidium ad arcendas inde calamitates, a quibus secus opprimerentur. Martyri Theodoro acceptum refert Sanctus Gregorius Nyssenus, quod Civitas, in qua ejus Sacrum Corpus aservabatur, liberata fuerit ab impendenti devastatione, quam Scythæ minabantur, ut videre est in *Oratione de eodem Martyre*: Idem scribit Evagrius *lib. 4. cap. 27.* de Martyre Sergio, qui Civitatem ubi erat Sacrum ejus Corpus a terribili Regis Chosroë invasione liberavit. Superius mentionem fecimus de Concive nostro Joanne Chrysostomo Trombelli Abbate, nunc iterum ejus

me.

memoriam repetimus, qui pariter *supra cit. Dissert. 7. cap. 24. & seqq.* hoc idem assumtum summa felicitate, atque eruditione comprobavit. Jam vero ut finem faciamus, paterna vos benevolentia complectentes Apostolicam Benedictionem Vobis impertimur.

Datum Romæ apud Sanctam Mariam Majorem die 20. Aprilis 1745. Pontificatus Nostri Anno Quinto.

*Dilectis Filiis Capitulo, & Canonicis Metropolitana
Ecclesiæ Bononiensis.*

BENEDICTUS PAPA XIV.



Dilecti Filii Salutem & Apostolicam Benedictionem. Insignes, quæ amplissimam istam Metropolitanam Ecclesiam maxime illustrant & ornant, laudes & decora tum opportunis ad divini honoris & Ecclesiasticæ disciplinæ incrementum editis legibus, tum ædificiorum vel accessione vel instauratione, tum denique additis pretiosæ suppellectilis ornamentis pro viribus hætenus augere adeo sollicitè studuimus; ut officio quidem minime defuisse Nobis ipsi quodammodo blandiamur; amoris vero erga Sponsam, quæ gaudium & corona nostra semper erit, nunquam videamur satisfecisse. Ut autem constantissimam voluntatem nostram eidem novo testimonio amplius declarem, ad cœlestæ præsidium publicis necessitatibus confirmandum, Corpus S. Proci Martyris e Sancti Thraſonis Cœmeterio eductum & extractum in eadem Metropolitana semper adſervandum Vobis paterni nostri amoris pignus dono mittimus. Porro de hujus Sancti Martyris inventione, deque certissimis argumentis, notis ac symbolis, per quæ ejus Martyrium exploratissime designatur, pluribus ac subtiliter admodum scribimus in epistola, quam Italico idioma te ad Vos hac ipsa die damus; cui has etiam in forma Brevis litteras adjungimus, quas pro publico authenticoque documento futuris temporibus esse volumus. Eapropter Venerabile S. Proci Corpus una cum Ampulla vitrea ipsius Sanguine respersa, quacum fuit Sepulcro conditum (quemadmodum antiquis erat in more positum Martyrum Corpora tumulo mandare) decentem composuimus atque collocavimus in Capsula ex ære auro inducto ad urnæ instar compacta & conformata, elegantissimo opere elaborata, crystallinis sex tabulis undique contexta; quam ad certam perpetuamque rei fidem nostris in cera hispanica rubri colo-

coloris impressis signis obſignavimus. Vobis igitur Injungimus & mandamus, ut Sacra tanti Martyris pignora cum perenni paternæ caritatis noſtræ memoria ad majorem Divini nominis gloriam, Sanctorumque cultum in iſta Metropolitana Eccleſiâ publicæ Fidelium venerationi exponatis. Fore certo ſperantes, ut præſentiffimo etiam ejuſdem Martyris patrocinio adjuti, ampliора in dies divinæ clementiæ munera Vobis comparetis; quibus euntes de virtute in virtutem, ambuletis digne Deo in omni opere bono fructificantes; & veritatem in caritate facientes, creſcatis in illo per omnia, qui eſt Caput Chriſtus, apud quem aſſiduas ad opportunitatem imbecillitati noſtræ opem implorandam præces effundite. Ac Vobis, Dilecti Filii, quos eadem, qua antea præſentes, nunc autem abſentes benevolentia complectimur, Apoſtolicam Benedictionem peramanter impertimur. Datum Romæ &c. 20. Aprilis 1745. Anno Quinto.



I N D E X

NOMINUM, ET RERUM MEMORABILIUM,

Quæ in hoc Tomo X. continentur.

Prior Numerus indicat Librum, secundus Capita ejusdem Libri, Note arabice indicant numerum marginalem cujuslibet Capituli, ubi tamen præcedit littera A. denotant paginas Appendicis.

A

- A**, & Quid significant in Inscriptionibus antiquis. A. 757.
Abba, quid significet. I. vi. 6.
Abbas. Abbatum curam olim habebant Episcopi. III. x. 6.
Abiutio pedum Fera quinta In Cena Domini. I. vi. 51. *Gr.* Abiutionum varia genera apud veteres Christianos. 54.
Abraham. Abrahamo præcepit Deus Circumcisionem. I. 13.
Asolario, quæ datur populo post Confiteor, non est vera peccatorum remissio. I. vi. 68.
Abstinentia carnum In Sabbatho quando invecia. II. xvi. 1. *Gr.*
Accumbere. Modus accumbendi ad Mensam apud veteres. I. vi. 29. *Gr.*
Acetum semelne, an sæpius oblatum fuerit Christo. I. vii. 106. Acetum, cujus potus erat militibus Romanis ostentus, cur pararetur Crucifixis. 108. s. quo, & quorlum Christo oblatum acetum. 109.
Achior sic Judæus. I. I. 3.
Acta apocrypha Inventionis S. Crucis. I. xiv. 6. 1. *Gr.* Acta S. Bononii Abb. III. xvii. 2. Concilii Aquilensis. xxi. 8. S. Floriani M. xvi. 2.
Ada uxor Theodorici. II. xii. 7.
Adam, ejusque matrimonium cum Eva. II. I. 6. Sepultus in Calvario. I. vii. 76.
Ado Vienn. Archiep. consecratus. II. viii. 21. citatus. III. xi. 5.
Adolescentis, qui rejectis Andone profugit tempore Passionis Christi, quis fuerit. I. vii. 13.
Aderatum. Sic appellatur excremonia adorandæ Crucis in die Parasceves. I. vii. 125.
Adicula Decipæ V. dicata In Monte Carmelo. II. vi. 1. *Gr.*
Adrianus Episcopus. III. p. 8. 9.
Ægyptii Astronomiæ scientiæ peritissimi. I. 14. 51. ad Ægyptios Circumcisionis consuetudo ab Hebræis profecta, non vice versa. I. 1. 4.
Æneas Syrius. Vide Pias II.
Æquivocon, per quod S. Petronius cum Petronio Arbitro confunditur. III. xx. 8.
Æli collitur S. Florianus ejus Urbis Patronus. III. xxvi. 6. *Gr.*
S. Agapetus I. Pont. ejusque Privilegia concessa Ep. Bononiensi. III. x. 2. &c.
S. Agapius Martyr. I. vii. 49.
Ager sigali emptus in sepulchrum Peregrinorum. I. vii. 32.
S. Agnani M. Bononiæ. III. I. 1. *Gr.*
Agnellus Ab. S. Mariz ad Blancernas notatus. III. iii. 10. *Gr.*
Agnus Dei dicitur in Missa ex Decreto Sergii I. cur tertio dicatur *Dona nobis pacem*, ac in Basilica Lateranensi tertio dicitur *Miserere nobis*. I. viii. 71. *Agnus Dei* ex cera, qui consecratur a Pontifice. I. viii. 58.
Agnus Paschalis utrum ministerio Sacerdotum sacrificandus esset in Templo autem quam comederetur. I. vi. 21.
S. Agripola Martyr Bonon. III. I. 5. xxi. 1. *Gr.* A. 714.
B. Alanus a Rape utrum sit Auctor Rosarii. II. xii. 71.
Alapa Christo impata. I. vii. 21. *Gr.*
Albervotius Cardinalis. III. xviii. 1.
Albergatus Lucius Zenobius. III. xvii. 3.
Albertus Tarvisi Episc. III. xiv. 2.
Alcoratus Jo. Franciscus citatus. II. xvi. 12.
Alcuinus. Utrum Liber, qui præfertur de Divinis Officiis genalinus Alcuini patris sit. I. xv. 18.
Alrovaadus Pompejus S. R. B. Cardin. III. p. xi. 1. *Gr.* A. 735.
Alph, & **Beth** in Threnis Hieremias explicantur. I. v. 2.
Alexander II. Pontifex. I. xii. 5. *Gr.* 9.
Alexander III. Pontifex. III. x. 2. 3.
Alexander IV. Pontifex. II. xii. 8.
Alexander VII. Pontifex, ejusque Constitutio

- tio in favorem Immaculatæ Conceptionis. II. xv. 11.
Alexandrinus Episcopi singulis annis Romano Pontifici & Ecclesiæ Egypti scribunt ad Paschalem diem indicendum. I. it. 11.
Alidafus citatus. III. vii. 1.
Alleluja quando olim caneretur, & quid significet. I. vii. 61.
S. Almachius, male confusus cum S. Telemacho. I. 1. 22.
Alpheus Pater S. Jacobi minoris. I. vi. 4.
Alphonfus VI. Castellæ Rex. II. x. 1.
Altare S. Ambrosii in Metropolitana Bononiæ. III. xxv. 13. Altaria cur audientur Fer. 7. in Cena Domini. I. vi. 48. 50. cur abluantur. 42. 50. cur olim in Sabbato S. septem ornarentur. I. viii. 72.
Avernus montis diffusus in die mortis Christi. I. vii. 122.
Avadeus Canonici Bonon. III. x. 17. A. 709.
Angarius Fortunatus citatus. III. xxii. 4.
Avant Episc. Sebenicensis Ord. Servorum B. M. V. Theologus in Conc. Tridentino. I. viii. 1.
Ambrosianus Ritus, ejusque institum. III. xxv. 4. extensus ad Bononiensem Diocesim. 5. 6. coarctatio ad solam Mediolanensem Ecclesiam. 8.
S. Ambrosius Episcopus. III. iii. 2. vii. 7. xiii. 5. 6. xiv. 1. adess. Concilio Aquilejensi. xxi. 7. 6. sui suum Metropolitanum nunquam Bononiæ exercuit. xx. 15. ubinam, & quomodo de S. Eusebio scribat. xix. 1. 6. 6. qua occasione Bononiam venerit. v. 9. utrum ipsi revelata fuerint Corpora SS. Vitalis, & Agricola. xxi. 9. 6. 6. A. 704. Inventiones Sanctorum ab ipso factæ. III. xxii. 4. ejus testimonia de S. Juliana Vidua. v. 6. 6. A. 697. de SS. Martyribus Vitale, & Agricola. III. xxiii. 3. 6. 6. A. 714-717. 719. Devotio ipsi ut Bononiæ Patrono debita. III. xxv. 12. citatur. I. x. 16. II. v. 1. ejus locus emendatur. I. x. 20.
Ambrosius Saracenorum Dux. A. 739.
Ambrosialis quid sint. II. 1. 14. 6. 6.
Auspilla sanguine Sanctorum respersa inventa in eorum Sepulchris. A. 763. 6. 6. 765.
Anabaptiste, eorum error refellitur. I. 3. 14.
S. Anastasia Martyr die 4. Jan. III. 1. 2. 9.
S. Anastasia Martyr die 25. Dec. I. xvi. 22.
Angelus, Angeli colloquium cum B. Maria V. II. iii. 10. Angelus, qui nocte Nativitatis apparuit Pastoribus sicut Arch. Gabriel. I. xvii. 47. Angei ad Sepulchrum Jesu Christi. viii. 31. 6. 6. Angeli omnes Christo in cælum ascendenti obviam venerunt. x. 48. Angelorum, qui corpora assumunt non est vera comestio. 14.
Angelus Caro de Supina citatus. III. viii. 9.
Angelus a Rivotoreo citatus. III. xvi. 6.
Anglia, 1o Anglia primum celebrari coepit est Solemnitas Conceptionis B. M. V. II. 1. 18. 6. 6. Angli Festum SS. Nominis Jesu celebrant. I. iii. 8.
Antia Familia Romana. III. v. 11.
Anima Christi Domini in superiori parte, neque quæ divinitate fruebatur inter maximos dolores summo semper gavisæ est gaudio. I. xvi. 73. descendit ad Inferos. viii. 4. an Verbo unita. 1. per essentiam suam descendit ad sinum Abraham, non tamen per essentiam suam, sed per suum effectum descendit ad Inferos, ibique nihil acerbi sentit. 10. Animæ Iustorum, quæ erant in sinu Abraham ascendunt in Cælum cum Christo. x. 49. Animæ Mortuorum, qui in morte Christi surrexerunt, & cum eo ascenderunt in Cælum, ubi quadraginta illos dies exegerunt. 50.
S. Anna Mater B. M. V. & error de illius Virginitate damnatus. II. ix. 14. ejus Festum 25. 17. 6. cultus. 16. 6. 6. 11.
Anna Prophetissa. I. ix. 50.
Annas Pontifex. I. vii. 14. 22.
Anulus B. M. V. servatus Persiæ. II. 1. 154.
Annunciatio B. M. V. II. iii. 1. 6. 6.
Annus emortualis Christi. I. vii. 139. Annus Nativitatis ejusdem. xvii. 40. 6. 6.
S. Anselmus Archiep. Caotauricensis, ejusque Epistola 1o dubium revocata. II. xv. 18. 6. 6.
S. Antoninus, III. xx. 2. 1. citatur. x. 166. ejus narratio fabulosa de S. Proculo. xxi. 7. 6. 6. de ejus Historica summa Judicium 3. 20.
S. Antonius Patavinus. III. xiii. 25. 6. 6.
Antiquitas Festi Circumcisionis. I. 1. 20. de Anzib. Vide Aurelium.
S. Apollinaris Episc. III. xii. 7. 6. 6. xxv. 23.
Apophoreta quid sint. III. 21. 5.
Apostoli omnes num a Fide deservirent Ita, ut per triduum illud, quo Christus vita caruit, Fides steterit in sola B. V. I. xv. 8. utrum baptizati fuerint, & utrum ante, an post Ascensionem. x. 35. quando celebraverint primam Missam. xi. 42. ubi essent quando descendit Spiritus Sanctus. 16. 18. cur Christus non adduxerit omnes Apostolos ad Transfigurationem. xv. 15. ab Apostolis instituta Ascensionis Solemnitas. x. 17. 58.
Apostolica Seder propendet in sententiam Immaculatæ Conceptionis B. M. V. II. xv. 2. 4. 16. 25. permittit tamen Fratribus Ord. Predicatorum privatim Contrarium sententiam

rentiam tenere. 15. Immo error est credere, quod hunc articulum desiniverit. 23. *Apparitio*. Quæ Christi apparitiones, seu manifestationes, & cur tunc recoluntur in die Epiphaniæ. I. xi. 1. *Græ.* Apparitiones Christi ante Ascensionem. 2. 1. *Græ.* Apparitio Desiparæ SS. Petro Nolascæ, & Raymundo de Penafort. II. xi. 1.

Aqua. De miraculo aquæ à Christo Domino in vinum conversæ. I. xi. 23. fuit primum Christi Miraculum, & quidem editum nullo exteriori signo. 30. an contigerit die 6. Januarii. 34. *Græ.* utrum illud vinum fuerit rubrum. 30. Aqua Epiphaniæ miraculosa. 48. hujus Aquæ benedictio. 51. Aqua vera fluxit & Christi latere, & unde manaverit mixta simul cum sanguine. VII. 128. &c.

Aquileiense Concilium. III. xi. 1. 6. *Græ.* Ugoinus Aquilejensis Patriarcha. xvi. 4. *Aræ Castell* quando, & à quo excussa. I. xvii. 53.

Arbor, ad quam se suspendit Judas cujus generis fuerit. I. vii. 32.

Arenaria à veteribus Christianis sanctificata. A. 706.

Argentei Jidæ in presulum dati quanti valeant. I. vii. 32.

Argumentum negativum quam nullus sit reboris. I. x. 55. xiv. 12. II. xvi. 10.

Aræ confusæ ex confessione D. Thomæ Ap. I. x. 70. illis cavillandi occasio ab Ecclesia eripitur. 40.

Ariminensi Concilii historia. II. vii. 3. *Græ.*

Aristoteles utrum salvus sit. I. viii. 13.

Aræ Joannes Christianus. I. iv. 7.

Arando Christi Domini. I. vii. 58.

Ascensio Christi est causa nostræ salutis, & quomobrem. I. x. 40. Ascensionis Festum. 1. *Græ.* solemnissimum omnino dicitur complementum. 56. hæc solemnitas unde recipienda. 57. quare olim eo die fieret Processio, & benediceretur panis ac novi fructus. 59.

Agnus. Agnus, & Nulli utebantur primores viri Judæorum. I. iv. 15. Agnus, & Bos ad Præseppe Christi Domini. xvii. 35. *Græ.*

Assumptio quid proprie significet. II. viii. 23.

Assumptio B. M. Virg. *Græ.* quid dicat ab Ascensione Christi. 13. olim expressa *Pan-sessantis* vocabulo. 12. etiam *Dormitionis* 23. apud præfatos Ecclesiæ Patres 4. hac Assumptione silentium magnum; sed ea est sententia Patrum Græcorum & Latinorum medii ævi. 15. etiam Theologorum. 16. imo Ecclesiæ universæ. 17. non est articulus Fidelis, sed temerarius esset qui eam negaret. 18.

ab *Ase* Franciscus Matia Archiep. Hydrunt. Tom. X.

tinus citatur. III. xi. 19. explicatur. xiv. 3. *Græ.* refellitur. xiii. 5.

Astrum Templi. I. vii. 119.

Außer Anonyma vix S. Peregrini Malcolmi. III. viii. 8. Auctores, qui loquuntur de S. Basilio Ep. Bon. vii. 1. de S. Eusebio Ep. Bon. xix. 1. de S. Faustiano Episc. Bon. vi. 1. *Græ.* de S. Guarino. xv. 1. de SS. Hermite, & Cajo. 1. 5. de B. Nicolao Albergato. xii. 3. *Græ.* de B. Petro de Arbues. xviii. 2. de S. Theodoro Episc. Bon. x. 1. de S. Zama Ep. Bon. iiii. 12.

Auditores quoniam in veteri Ecclesiâ. I. vi. 68.

S. *Augustinus* Ciceronem legena ad Cælestia sapiebatur. I. iiii. 13. ejus Liber de *Contentia* ad S. Julianam directus. A. 696. 701. utrum ad eandem S. Julianam Tractatum suum de *Bono Viduitatis* dirigat. III. v. 10. *Græ.* ejus Laua de S. Juliana prædicta. A. 701. S. Augustinus citatur. I. ii. 41. 43. 46. vii. 37. 99. ix. 4. *Græ.* x. 38. 57. 7. explicatur. I. 1. 7.

Augustus censum universi Orbis edixit. I. xvii. 1. *Græ.* & quare. 11. utrum viderit B. Virginem cum Filio sublimem in acce. 53.

Aurelius de Anzili idem est ac Co, Valerina Zani. III. 1. 7.

Auxilla sufficientia ad salutem pro omnibus exoravit a Deo Christus Dominus. I. vii. 94.

de *Ayala* Joannes Interian. I. 1. 14.

Acarius citatus. II. viii. 25.

Azymus. Solemnitas Azymorum quando, & quomodo celebraretur apud Hebræos. I. vi. 17. etiam appellatur Pascha. 23. Azymumne an fermentatum panem consecraverit Christus. 38. *Græ.* Azymo consecrare quandonam capere Ecclesiâ Latina. 38.

B

B *As.* Rugerii Baconis sententia profcripta. I. vii. 135.

Bailletus laudatur. II. xvi. 7. Intemperatior ingenii vir. xii. 8. xvi. 8. citatur. II. vii. 2. III. xix. 1. refellitur. II. vii. 13. Liber de devotione, & cultu in Desiparam ipsi attributus confutatur. II. xviii. 7.

Balnei usus apud Veteres. I. vi. 31.

Bancie Familia Bononi. III. v. 2. 12.

Baptismus. Baptismi forma. I. x. 24. Baptismus per immersionem. 11. 29. Baptismus, & Confirmatio etiam Interdicti tempore conferuntur. vi. 63. Baptismus Catechumenorum, & Infantium in Sabiæ ho Sancto. viii. 59. in Dominica Palmarum caput Eccle ablu-

ablucbatur Infantibus baptizandis in Sab-
batho Sancto. iv. 22. Baptismus olim con-
ferebatur 13 Vigilia Pentecostes. xi. 36.
an etiam per 70. dies precedentes. 39.
Baptismus Jesu Christi. ii. 23. quo die con-
tingerit. 33. Baptismus Joannis, & de illo
quæstiones aliquot. 44.
Barabbas, cui posthabitus est Iesus. vii. 45. 49.
Barthas Episc. Bononiensis. 1. vi. 44.
Barth Petrus deus Paulus II. Pont. III. xii. 30.
S. Barnabas Apostolus. III. 111. 7. 6. 33. 42.
Baranlus Cæsar Card. laudatus. L. xvii. 23.
vindictatus. viii. 48. citatus. 78. vitæ 47.
II. viii. 30. xviii. 71. III. xiii. 6. to.
Bartholomæus Thomas. 1. vii. 85.
Eatholomæus an sit idem cum Nathanaele.
1. x. 9.
Baptiste Concillium. Vide **Concillium**.
Basilica, cui olim vox hæc significavit. II.
vii. 10. Basilica Ambrosiana, nunc S. Lau-
rentii Florentinæ & S. Juliana Vid. ædificata.
III. vid. Joviniana Rheims nunc Nicæana.
xiii. 11. Libreriana multiplicem habet de-
nominationem. II. vii. 1. &c. non fuit
omnium prima quæ fuerit Beatz Mariz V.
consecrata. 18. miraculum delapsæ nivis in
ejus ædificatione. 62 quo verè fuerit ædifi-
cata. 102. Basilica Lateranensis. L. viii. 71.
S. Mariz. II. vii. 17. 5. Mariz ad Martyres.
seu Pamtheon. 18. Vaticana. L. vi. 69.
Episcopi miraculose necatus Romæ ope Dei-
paræ. II. viii. 27.
S. Basilias Episc. Bonon. III. vii. L. 6. utrum
Pleudeconcilio Arimini intervenierit. 3. &c.
Baptista Jo. Christophorus citatus. L. xvi.
11. 6.
Beati. Quando, & quale Officium, ac Mis-
sa Beatis concedi solet. III. xii. 12.
Beda citatus. II. xvi. 4. utrum Auditor Rosa-
rii. xii. 4. &c. Bedæ tribus non potest Li-
ber de Incis Sanctis. viii. 20.
Bellarminus Cardinalis Robertus citatus.
L. xi. 26. 6. II. xv. 23. vindicatur. xiii. 2.
Beter, quid significet. II. xiii. 2.
Benedicere est etiam Idem, ac *gratias agere*
L. viii. 48. Benedicere non est semper officii
Sacerdotalis, sed sæpe significat *bene ali-
cui precari*. 111. 5. nulla re utitur Eccle-
sia, quin eam prius benedixerit. I. viii. 70.
Benedictio tu in multis tribus genus salutaris
Hebraicæ ad indicium futuri partus. II.
vii. 7. 10.
Benedictio Christi super Apostolos in die Ascen-
sionis cujmodi fuerit. I. x. 36. **Benedictio**
Candelarum in die Purificationis. II. ii. 10.
Cerei Sabbatho Sancto. L. viii. 74. 6. &
in Pervigilio Pentecostes. xi. 36. Fontia
Baptismalis. L. viii. 61. xi. 39. novorum
Fructuum. x. 39. quinq. Gravorum Intra-

si die Sabbathi Sancti. viii. 70. 6. Ignis
eodem die. ibidem. Oleum, ejusque ritus
explicati. v. 64. 6. Paris. x. 79.

S. Benedictus utrum Auditor Rosari. II.
xii. 4. &c.

Benedictus XIII. Pont. Jo. vi. 68. II. xii. 17.
citatur. viii. 6. xviii. 2.

Benedictus XIV. Pont. hujus Operis Auditor
Patritia genitus Bononiensis Familia Advo-
catum Consistorialis fuit, deinde Secreta-
rius Congregationis Concilii negotia Col-
lectionum expedit, postea Cardinalis,
denique Pontifex maximus. A. 733. 6.
fuit Canonicus Theologus Basilicæ Vati-
cane, ejusque Capituli Tabulario Pen-
tæus. I. vi. 49. fuit Episcopus Anconæ an-
tequam ad Bononiensem Ecclesiam trans-
ferretur. xiv. 9. A. 742. duo Altaria in
Bononiensi Metropolitana dicavit, alterum
S. Ambrosii, alterum S. Apollinaris.
III. xvi. 13. ejus desiderium, & cura, ut
S. Petronii caput in magnifico ejusdem
Sancti Templo collocaretur. III. xx. 23.
24. A. 733. 6. Academiæ in Palatio Qui-
rinali Instituit, quorum exercitia in ea
singulis hebdomadæ sua præsentia illustrat,
& fovet. A. 748. quotannis ad suam Me-
tropolitani Bononiensem Ecclesiam al-
quod donum mittit. A. 744. S. Proci M.
Corpus dono mittit ad eandem Ecclesiam.
A. 744. 6. Parentis potius quam Prin-
ciple partes in suis inveniendis consilia am-
plexatur. A. 748. sedulo cavet ne justit
partes in spem favoris tradere viderentur.
A. 744. quantum induit, & pærocinii
conculerit ad causam B. Nicolai Albergani
promoveendam. III. xii. 8. 6. ejus de Im-
maculata Conceptione Beatz Mariz V.
sententia. II. xv. 24. 25. ejus Decretum
de Capella Pontificia in Festo Conceptionis.
22. ejus sententia circa Domum Lau-
retanam. xvi. 4. & circa Ecclesiam B. Virgi-
ni adhuc viventi ædificatam. vi. 3. ejus judi-
cium de Alexandri Machiavelli Opusculo
Fertæ Impresio. II. xii. 10. 11. xvi. 5. ejus
egregia Interpretatio Privilegii S. Agapeti
S. Theodoro Bonon. Episc. concessi. x. 9. 6.
13. semper abhorruit & quorundam consue-
tudinē, seu plagio in citandis Auditoribus.
A. 746. 6. Episc. scripti S. Cathariz Bononiensis.
III. viii. 1. Illi adhuc juveni Clemens XI.
onus imposuit reassumendi causam S. Ca-
thariz Bonon. admodum felici exitu. 2.
Vix. S. Pli V. breve Compendium confe-
cit. xi. 2. de Rosario scripti hujus sacri
ritus optime meritis. II. xii. 2. ejus
Epistola ad Capitulum, & Canonicos Col-
legiatz S. Petronii. A. 733. ad Felicem
Anconium Sgarzi Abb. S. Stephani Bonon-
niæ.

vix. A. 739. ad Capitulum, & Canonicos
Metropolitanos Bononiensis Ecclesie. A. 754.
761. ejus Operum editio Patavina ab ipso
locupletata. A. 755. ejus Lucubratiō Tomo
1. Commentariorum Riganti inserta.
III. iv. 5. ejus Bibliotheca domestica. L. 6.
6. xiv. 7. fuit amicitia conjunctus cum
Jo. Christophoro Bartolico Archiep. Amase-
no. L. xxi. 19. citatur cum laude. II. xii.
2. III. v. 109.
Bentivolus Annibal. III. xi. 72.
Berengarius, ejusque hæresis. L. xiii. 6.
S. Bernardinus Senensis. I. iii. 9.
S. Bernardus. II. xiii. 3. ejus Epistola ad
Caonicos Lugdunenses. xv. 3. & c. excu-
satur. 421. citatur. I. iii. 15. 16. II. ix. 17.
B. Bernardus a Quintavalle. III. xiii. 35.
B. Bertl, ejusque anxia dubietas oon appro-
batur. L. vii. 83.
Berbaula ubi sita esset. L. x. 41. & c.
Berbilia Urbis Davidis gentilitia. L. xvii.
13. dux Civitates hoc nomine appella-
ta. 35.
Betsa refutatur. L. xi. 12.
S. Biplane Monasterium Romæ. III. xii. 1.
Bibliotheca SS. Dom. Nostri BENEDICTI XIV.
Pont. III. xi. 6. xii. 3. & c. Cardinalis Passio-
nei. A. 759.
Bleues Antonius citatus. L. 6. 4.
Bivertum rubrum Cardinalibus Regularibus
concessum. III. xii. 13.
S. Utrique, ejusque Revelationes citatur. L.
vii. 52. 16. 28. II. viii. 25.
S. Blaudius in Cruce a teris dilaoiata. L.
vii. 102.
Blasius Vincencius citatus. III. xviii. 2.
Bocquillatus citatus. L. vi. 19.
Bodinus, ejusque nefaria impietas. L. xvii.
16. ejus profligata sophismata. 17. confu-
tatur. 23.
Bodon Urbs Mœsæ superioris ad Daoubium
Bonoia appellata. III. i. 9.
Bodestas Marcus Antonius laudatus. A. 756.
761.
Bollandus citati. I. xiv. 16. & c. II. iii. 17.
vii. 16. III. x. 11. xiv. 5. xv. 3. xvi. 7. A. 764.
laudati. II. xvi. 5. & c.
Bombacius notatus. III. v. 9.
Bouffacius IV. Pont. II. vii. 18. III. xii. 2. 6.
Bononia Italice Civitas, quando Episcopos
suos habere coepit. III. iii. 5. fuit sub-
jecta Juri Metropolitano prius Mediolani,
deinde Ravennæ. I. celi vera Patria S. Pa-
trisi. xiv. 3. ad eam quo studio pertineat
S. Raymundus de Penatori. I. iii. 1. Petrus
Thomas. 3. 5. S. Plus V. x. 3. S. Dominicus.
xvi. 3. & c. B. Petrus de Arbues. xviii. 1.
utrum Bononiam servatus sit Ritus Ambro-
sianus. xvi. 5. & c. Ritus certe Romanus

ibi servabatur tempore Caroli Magni. 6.
Boononia Porta S. Ilaræ cur Plea appelle-
tur. xi. 2. Boononiam Virginum enco-
mia. xix. 2. Boononiense Gymnasium quan-
do suodatum. x. 12. & c. Boononiensis
Universitatis Professores plurimi Religio-
sum S. Domolici Institutum ipso vivente
amplexi sunt. xvi. 4. Boononiensis Ecclesie
S. Stephani, ejusque Inscripção rarissima.
L. vi. 54.
Bononia alia In Mœsia vulgo Bodon, alia in
Hungaria vulgo Bonunfer. III. i. 2.
S. Bononius Abbas. III. xvii. 1. & c.
Bos & Agnus ad Christi Domini Pascepe.
I. xvii. 35. & c.
Boschns Oppidum. III. xi. 1.
de Brandellis Vicecomitis. II. xv. 2.
Brantius. Vide Petrus Brantius.
Breviarium. Breviarium Romani historici quan-
ta fides haberi debeat. II. vi. 3. in Brevia-
rio Romano dubis olim historici continen-
bantur. L. xiv. 2. 19. Breviaris parum
credit Tillemonius. II. vii. 2.
Brylata Civitas. III. iii. 10. & c.
Budinum Oppidum Boononiensis Diocesis.
III. v. 3.
Bulla Canonizationis S. Catharine Bononiæ.
Ex edita a Benedicto XIII. consueta via,
quæ dicitur Rationi congruit. III. viii. 1.
Bulla Canonizationis S. Guarini non inven-
itur. iv. 6. Bulla in Cœna Domini, &
varie eruditiones circa illam. L. vi. 70.
Bulla Cœlestini III. Pont. III. xviii. 11. Jo-
annis XXII. quæ dicitur Privilegium Saba-
thinum non habetur in Bullario Romano.
II. vi. 4. supposititia creditur. 5. difficul-
tates adversus eam a Theologia petunt. 6.
Bulla Sixti IV. Pont. III. xvi. 12.
de Bussis Berardius compulsi Officium
SS. Nomini Jesu. L. iii. 21.

C

C, & G litteræ promiscue adhibetur. L.
xvii. 18.
Cassanonicus Gerardus Bonon. III. iv. 6.
Cadaver. Cadavera ungebantur, & longis
infiliis confringebantur apud Judæos. L.
vii. 13. 3. consuetudo conducendi cadavera
aromatibus unde traducta. viii. 31. cada-
verum incorruptio. III. vti. 4. & c.
Cælestinus. Vide Cælestinus.
Celum. Vide Celum.
Cæremonia sacre symbolice præferunt si-
gnificatioes. L. v. 5. & c. Cæremonia,
quæ adhibet Ecclesia sei. 5. in Cœna Do-
moli. vi. 47. Cæremonia, quibus Ecclesia
diem Pasceves colit. vii. 13. Cæremo-
nia quibus Sabbatho Sancto Ecclesia ce-
lebrat Resurrectionis Mysterium. viii. 30.
Ecce 2 Cæ-

- Cæremoniz** quædam peculiare quarumdam Ecclesiarum in Sabbato Sancto. 73.
Cæremoniale Romanum, quod tribuitur Marcello Corcyensi Archiep. Auctorem habet Augustinum Patricium Piccolomineum Ep. Pientinum. I. vi. 55.
Cæsar, ejusque Editum de censendo Romano Imperio. I. xvii. 1. &c.
Cajetanus Card. ejusque Opusculum de Conceptione B. M. Virg. I. xv. 10.
Calphat Pont. Iudæorum. I. vii. 14. 22. 30.
S. Cajus Mart. Bonouiz. III. c. 1. &c.
S. Calixtus Martyr. III. xxvi. 2. A. 780.
Calix quid significet in facie Virginis. I. vii. 6. quomodo intelligenda illa Christi verba, *Transit a me Calix iste*. 7. Calix in ultima Christi cœna duplex fuit, alter consecratus, alter non. vi. 36. Calix, in quo fuit a Christo consecratus vinum ubi asseretur. 181.
Callistus III. Pont. I. xv. 69. &c.
Calmetus citatus. I. xvii. 10. II. xvii. 11. ejus opinio rejicitur. I. xi. 13.
Calvarius unde uomen traxerit. I. vii. 76.
Calvinus confutatus. I. vii. 129. xiii. 2. II. xiii. 2. ejus impia in Christum blasphemia. I. vii. 103. prava Calvinistarum interpretatio in illa verba, *Consummatum est*. 122. Calvinistæ historiam Inventionis S. Cæcilie explodunt. xiv. 11.
Campana. Cur iustitias Campanarum usus *Fer. 9.* in Cœna Domini. I. vi. 48. resumitur in Sabbato Sancto. viii. 65.
Cana Galilee, & miraculum ibidem a Christo in nupelis patratum. I. ii. 30.
Candela. Candelæ interdum etiam accendebantur. I. v. 7. Candela, quæ in Matutinis Hebdomadæ Sanctæ servatur accensa, quid significet. 8. 9. Candelæ in formam xrisaguli arundini impositæ in Sabbato Sancto. viii. 51. &c.
Candelaria Festum Purificationis. II. ii. 9.
Cansius Petrus citatus. II. cv. 3. &c. viii. 2. ix. 18. xiii. 3. xiv. 8.
Cannetola Bononiensis Familia. III. xi. 7. Gentilis Cannetola uxor Lippi Ghislecii. 8.
Canon. Canon Missæ incipit a littera T, sen a Crucia imaginæ. I. vii. 83. Canon Paschalis S. Hippolyti M. 135.
Canonicus. Canonici Ecclesiæ Cathedralis Bononiæ erant Regulares. III. cv. 2. Canonici Parisienses contendunt inter se propter Assumptionem B. M. Virg. II. viii. 22.
Canticum Magnificat vindictarum ab Hæreticorum calumniis. II. v. 7.
Canus Melchior laudatur. I. ti. 14. &c. refellitur. viii. 72. citatur. III. xiii. 20. &c.
Capella Pontificia stabilita a Benedicto XIV. in Fêdo Conceptionis. II. xv. 22.
Capitolanum dicebatur Dominica Palmarum. I. cv. 22. vi. 54.
Caput. Movendi caput Hebræorum consuetudo est. I. vii. 92. Caput S. Domitici. III. xvi. 3. utrum habeat stellam affixam. 6. Caput S. Petroulli. xv. 23. Capitis manu propria a Sanctis quibusdam asportati unde orta opulenta. xiii. 12.
Carafa Card. Philippus Ep. Bonon. xvi. 3.
Cardinales. Ruber Pileolus concessus Cardinalibus Regularibus. xii. 13.
Carloth-Arbe Civitas Sacerdotalis ex Tribu Juda. II. v. 4.
Carmelita. Ordo Carmelitarum, & Indulgentiæ ipsi concessæ. II. vi. 1.
Carmelus Mons ubi situs. II. xi. 1.
Carnet. Usus carniolum cur permitatur etiam in diebus Interdictis, si incidant in Natale Domini. I. xvi. 57. carniolum abstinentia in Sabbato, quando invade. II. xvii. 1. &c.
S. Carolus Borromeus. I. vi. 68.
Carolus Magnus Imperat. II. viii. 18. III. xxv. 8.
Carolus V. Francorum Rex. II. xiv. 7.
Carolus VIII. Rex. III. viii. 12.
Carrociolum Bononiense. III. xxv. 12.
Casubonius confutatus. I. xvi. 31. II. 128.
Casimirus I. Poloniæ Rex. II. x. 3.
Cassensis Abbas vinum per fistulam in Missa solemnè exhordebat. II. vii. 121.
Catechumena veterum Christianorum. A. 756.
Catechumeni olim *Competentes* appellati, quinam sint. I. iv. 21. Catechumenorum olenum. vi. 62. Missæ. 68.
Catena Hieronymus. III. ti. 5. xii. 13.
S. Catharina Bononiensis. III. viii. 1. &c. quæstio de incorruptione, & odore ejus sacri Corporis. 2. &c.
Catharinus, ejusque Tractatus de Immaculato Conceptu citatus. II. xv. 28.
Cata. Vide *Angelus Cata*.
Causa itineris suscepta a B. V. ad visitandam Elisabeth. II. v. 2. &c. Causæ processus, in qua Nicolaus Albergatus declaratus est Beatus. III. xii. 8. &c.
Cellenfis. Vide *Petrus Cellensis*.
Cenciut Romanus, ejusque atrox in Gregoriorum Pp. facinus. I. xvii. 61.
Census Imperii Romani indictus a Cæsare; multæque circa illum difficultates. I. xvii. 1. &c. quid referretur in tabulas censuales. 15.
Censula Oppidum Ambianensis Diocesis. III. x. 8.
Censuris confessus est Christum motus Paschalis prodigia. I. vii. 113. &c. quia ille fuerit. 115.
Cereus. Paschalis Cere benedictio unde recepta.

petenda. **I. viii. 14.** quæ ejus signifi-
catio. **15.** quousque in Templo accendendus. **x.
62.** Cerel benedictio in Pervigilio Pente-
costes. **xi. 16.**
Cervarius Michael. **I. vi. 38.**
Cestus P. xles. **I. vi. 11.**
Characteres Germanici, aut Theutonici quan-
donim Inveſti in Italiam. **III. vi. 41.**
Chiffreus reſellitur. **III. xix. 32.**
Chlways cocleus Chriſti Domini. **I. vii. 57.**
Chroſus Perſarum Rex. **I. xvi. 12. 13. 14. 15. 16. 17.**
Chriſma, cuiusque conſectio, & conſecratio.
I. vi. 60. **Chriſma** ſacrum ſalutatur, &
quare. **46. 60.**
Chriſtiani alii erant Catechumeni, alii Ba-
ptizati. **A. 77. 9.** ſoli in Catacumbis ſepelie-
bantur. **A. 77. 6.**
Chriſtus incarnatus eſt **31.** Martii, ex tradi-
tione Eccleſiæ. **II. iii. 14.** quod & miraculo
comprobatur. **16.** **ejus** privilegia, & do-
tes jam ab ipſo ſæc. conceptionis momen-
to. **13.** Chriſtus quo anno, menſe, die,
& hora natus ſit. **I. xvi. 40.** **Chriſtus** in Urbe-
ne Berlethemo, an in ſuburbis natus ſit.
19. **Chriſtus** in domo, an in ſpelunca ubi eſſet
ſtabulum. **31.** **Chriſtus** Preſepe. **II. vii. 3.**
Chriſtus Circumſioniſ lege non ſuit ad-
ſcriptus. **I. 12.** **Chriſtus** cur ramen voluerit cir-
cumcidi. **12.** **ejus** Nomen. **iii. 1.** **Chriſtus**
ubi repertus ſit a Magis. **ii. 17.**
Chriſtus non erat ſubditus Legi Primogenito-
rum. **II. 11. 12.** **Chriſtus** Preſentatio in Tem-
plo non celebratur in die Preſentationis
B. M. V. **xiv. 1.** Chriſtus quare dicatur Na-
zarenuſ, & Gallileuſ. **I. xvii. 12.** diſpu-
tat in Templo cum Doſtoribus. **11. 21.** **ejus**
Baptiſmus. **ibid.** quidam circa illuſ Quæ-
ſtiunculæ. **13.** quo die contigerit. **33.** cur
Chriſtus baptizari voluerit a Joanne. **17.**
eo baptizatus decuit ut Cœli aperirentur,
ſpiritus S. ſuper eum deſcenderet, & vox
æterni Patris audiretur. **18.** num Chriſtus
baptizatus fuerit per immerſionem. **29.**
Chriſti primum Miraculum in Nupitiſ Can-
æ Gallææ, & reſponſum ea occasione
datum Matri intercedenti pro invitatiſ.
33. Chriſtus quomodo fuerit tranſfiguratus.
xv. 1. **Chriſti** Domini Iſcariotæ
ſuper Jeruſalem, & circa illaſ Diſſertatio.
iv. 2. oracula in excidio Hieroſolymitano
impicta. **8.** **Chriſtus** ingreſſus triumphaliſ Hiero-
ſolymam. **21.** **Chriſtus** num aſſeſo, & aſina,
an aſello tantum Chriſtus Inſederit. **6.** quo
die, & anno Hieroſolymam ingreſſus ſit. **41.**
utrum poſtremo viæ ſuæ anno Paſcha lega-
le celebraverit. **v. 6. 7. 8. 9. 10.** **Chriſtus** quo
tempore celebraverit Paſcha. **12.** **Chriſtus** quo
die. **xi. 14.** quid fecerit in ultima Cœna.
vi. 37. 38. 39. quomodo lavit pedes Di-

ſcipulorum. **49.** quando lavit. **34.** ſe ipſum
in ultima Cœna communicavit. **41.** Chriſti
Domini Paſſio per ſingulaſ partes expli-
cata. **viii. 1.** **Chriſtus** decuit Chriſtum pari He-
roſolymis. **74.** **utrum** oportuerit pari in
Crucē. **71.** **utrum** Chriſtus omnes paſſio-
nes ſuſtinerit. **73.** Chriſti ſudor ſanguin-
euſ. **9.** captiva, & variæ circa illam
quæſtiones. **18.** **Chriſtus** damnatus a
Judæis ex diverſa cauſa, quam a Pilato.
41. ſemelne tantum; an bis, & quomodo
flagellatus ſit. **50.** **Chriſti** Crucē qualliſ
fuerit. **83.** **Chriſti** Crucem bajulantiſ
circumſtantiæ quidam adnotatæ. **II. iv. 6.**
Chriſto mortuo triplex potuſ oblatus. **I.**
vii. 77. Chriſtus jacenteſ an erectæ Cru-
ci affixuſ ſit. **86.** manibuſ, & pedibuſ
Cruci affixuſ quatermiſ claviſ, non ſuni-
buſ alligatuſ. **87.** **Chriſtus** pendens utrum
habuerit coronam ſpineam. **89.** non pro
Principibuſ oravit, ſed pro populo, &
gentibuſ. **91.** **pro** omnibuſ eum oranteſ con-
tendit Suarez. **94.** quare cum dixit, in
Crucē, *ut quid dereliſiſſi me non utiteſ*
voce Patris, niteſ vero cum dixit, *Im-
manuſ tuuſ commende ſpiritum meum*.
103. Chriſti clamor in Crucē miraculo ad-
ſcribenduſ. **113.** Chriſto dextrum latuſ
non ſiniſtrum lancea conſoſſuſ fuit. **127.**
Chriſti mortuſ quo anno, die, & hora acci-
derit. **135.** **Chriſtus** quo anno ætatiſ ſuæ. **139.**
Chriſto mortuo num fides in omnibuſ A-
poſtoliſ nateſcit. **v. 8.** Chriſti ſepultura.
vii. 130. **Chriſtus** cur in ſepulchro novo condi-
tuſ fuerit Chriſtuſ. **134.** Chriſti corpuſ
non decuit patreſcere in ſepulchro. **viii.**
3. anima deſcendit ad Inferoſ. **4.** quomo-
do, & ad quid deſcenderit. **10.** **Chriſtus** quo-
modo intelligatur, Chriſtuſ tribuſ die-
buſ, & tribuſ noctibuſ ſetiſſe in ſepul-
chro. **14.** **Chriſti** Reſurrectio. **14.** **Chriſtus**
Apparitioneſ in die Reſurrectioniſ, & an
primæ omnium ipſe apparuerit B. Mariæ V.
44. **Chriſtus** apparitioneſ ante Aſcen-
ſionem. **x. 1.** **Chriſtus** utrum Chriſtuſ ad men-
ſam ubi cum Diſcipuliſ Emmauentem pro-
ſiſcentibuſ ſidebat panem conſecraverit.
viii. 47. **Chriſtus** quomodo januiſ clauſiſ in-
trare potuerit ubi erant Apoſtoli. **x. 32.**
vere comedie cum Apoſtoliſ in litore
Maris Tiberiadis. **13.** **Chriſtus** cur iter interro-
gaverit Petruſ *Amas meſ*. **15.** illa Chriſti
verba: *data eſt tibi omniſ poteſtaſ* quo-
modo intelligenda. **131.** in Chriſti nomine
baptizari quid ſignificet. **34.** illa Chriſti
verba: *Qui crediderit, & baptizatuſ*
fuerit **Chriſtus** quo ſenſu intelligenda. **37.**
Chriſti in Cœlum Aſcenſio. **18.** **Chriſtus** Chri-
ſtuſ quo ſenſu dicatur ſedere ad dexteram

- Patris 33. *Or.* Christum quid magis de-
cuerit, Ascendere in Cælum, an non? 37.
qua virtute ipse in Cælum ascenderit. 19.
cur expediens nobis fuerit cum in Cælum
ascendere. 40. quomodo, quanto tempe-
te, & vestitusne ipse ascenderit. 45. ejus
vestigia in Monte Oliveti. 53. ejus Divi-
nitas neque fuit separata a corpore, ne-
que ab anima in illius morte. viii. 8. ne-
que a sanguine. 9. de Christi Divinitate
nunquam dubitavit Beata Virgo. II. xv. 3.
Christi Divinitas Magis cognita fuit. I. ii.
20. *Or.* Christi duplex voluntas explicatur.
vii. 6. Christi anima in superiori parte
summum semper fructuonis gaudium pete-
bat. 73. Christi oratio utrum semper fue-
rit exaudita. 7. *Or.* Christi verba de ad-
ventu Elijæ explicata. xv. 19. Christus Do-
minus, quod Paraliticum sanaverit die
Sabbathi accusatus se defendit. I. 3. 3.
Christi humilitas. vi. 13. 11. II. 13. 3. Christi
non emortualis tantum, sed natalis e-
siam dies celebratur. 18. 2. Christus Do-
minus symbollæ significatur per candelam
illam, quæ in Matutinis Hebdomadæ San-
ctæ servatur accensa. I. v. 2. quare non di-
catur: *Jesu Christe oro pro nobis*. 131. 14.
x. 40.
- Chronicon Alexandrinum* emendatur. I. xvi.
10.
- Chrysostomus*. Vide S. *Joannem Chrysostomum*.
Cicatrix. Cur cicatrices remanserint in Chri-
sti corpore. I. viii. 16.
- Circumcisi* appellati Judæi. I. 1. 5.
- Circumcisio*. Præceptum Circumcisionis, ejus-
que proprietates. I. 1. 2. hanc Deus præce-
pit Abrahamo; lex deinde promulgata per
Moysen. 3. non ab Ægyptiis ad Hebræos,
sed ab his ad Ægyptios profecta est. 4. ejus
effectus. 5. *Or.* fuit sacramentum veteris
Legis. 15. ejus obligatio etiam tum cum
natus est Jesus vigeat. 16. Circumcisionia
die nomen Impiorum Infantibus. 111. 3.
Circumcisio Christi, ejusque adjuncta loci,
et temporis, ministri, & instrumento-
rum. I. 13. *Or.* Circumcisionis Festum.
19. *Or.*
- Citoteat*, quo profecta est Despara ad inven-
dam Elisabeth, quænam fuerit. II. v. 3.
- Clamor* Christi in Cruce miraculo adscriben-
dos. I. vii. 113.
- Clodia Pregelia* uxor Pilati utrum sancta. I.
vii. 46.
- Clavi*, quibus Christus Crucis affixus est sus-
tinentur quatuor. I. vii. 82.
- Clement* V. Pontifex. I. xiii. 72.
- Clement* VII. Pontifex. III. viii. 5.
- Clement* X. Pontifex. II. xii. 14.
- Clement* XI. Pontifex. II. xii. 16. III. viii. 2.
- cum de præcepto observari Festum Conce-
ptionis juberet, restatus est, se noluisse
controverfiam definire. II. xv. 13.
- Clerici* dicebantur Litterati. III. x. 12.
- Clerus*. Communio Cleri *Fer.* in Cena Do-
mini. I. vi. 48.
- Codices* sacri mutilati. I. vii. 9.
- S. *Celestinus* Pontifex. III. xv. 11.
- Celestinus* III. Pontifex. III. v. 2. ejus Bullæ
III. xvi. 17.
- Celestinus* IV. Pontifex. II. ix. 104.
- Cælum*. Decuit ut Christo baptizato Cæli
apertentur. I. ii. 13. quomodo aperti sunt.
19.
- Cemeteria* Veterum Christianorum. A. 776.
- Cena Domini*. I. vi. 5. *Or.* tripliciter fuit. 14.
- Congregulum* quid sit. I. xi. 16. illud, quo se-
cesserunt Apostoli post Christi Ascensio-
nem, ejus esset. 17.
- Conradus* S. Helena in Pago Sancerri Bonon-
diacensis. III. ix. 5. S. Petri in Cælo Au-
reco. IV. 2. S. Stephani dicimus a S. Juliano
v. 21. Locedienfem. III. xvi. 12.
- Cognomina* gentilitia quandonam Insuperbis
esse ceperint in usu. III. v. 112. 121. 4.
- Colloquium* Angelorum cum B. V. Maria. II. xii.
10. inter B. Virginem, & S. Elisabeth com-
motis omnibus. v. 4. *Or.*
- Columba*, quæ apparuit super Christum qui
lus fuerit. I. ii. 19.
- Columba*, ad quam flagellatus fuit Christus. I.
vii. 51.
- Columus* Joannes S. R. R. Cardinalis. I. viii.
51.
- Comessio* Christi post Resurrectionem vera
fuit; at Angelorum qui corpora assumpse-
runt non est vera comessio. I. 13. 14.
- Commemoratio* omnium Fidelium Defuncto-
rum. III. xxii. 1. *Or.*
- Communicantes* circa oblationem quoniam ef-
ferunt. I. vi. 68.
- Communio* sub utraque specie. I. vii. 85.
- Communio* *Fer.* in Parasceve nunc non
datur nisi infirmis. 156.
- Competentes* cur dicerentur Catechumeni. I.
iv. 21.
- Computum* annorum ab Orbe condito juxta
LXX. longe diversum est a computo eodem
juxta Hebræos Codices. I. xvii. 48.
- Conceptio*. Christi Conceptio quomodo fa-
cta sit. II. ut. 11. prodigia, dona, & pri-
vilegia, quibus fuit conddecorata. 13. S. Ma-
ria de Conceptione vocatur Beata Virgo
ab Angelo salutata. 15. circa Christi Con-
ceptionem putidæ aliorum opiniones reje-
ctæ. 19. Conceptio Immaculata Mariæ
V. non est tanquam Articulus Fidei defini-
ta. xv. 23. 25. etiam Apostolica auctorita-
te Festum Immaculatae Conceptionis cele-
bratur.

- brevis 34. Conceptio B. Mariæ V. alia est activa, alia passiva. 1. de passiva celebratur Festum, eaque dicebat fuisse Immaculata, cui sententia favet Apostolica Sedes. 2. 4. 16. 25. contra Immaculatam Conceptionem infelici exitu Ioannes de Montefono insurgit. 6. quid in hac materia desinierit Concilium Tridentinum. II. 6. Paulus V. veras affirmare Beatam Virginem in originali peccato conceptam, cum aliqua tamen adjecta declaratione. 14. Alexander VII. vocat B. Virginem præveniente Spiritus Sancti gratia a peccato originali præservatam. 15. iisdem verbis concludit sententiam suam BENEDICTUS XIV. Auctor Sanctissimus huius Voluminis. 16. argumentis quibus hoc assertum probatur. *Ibid.* Conceptionis B. Mariæ quomodo celebrari possit Festum, licet Mytherium non sit desinitum. 23.
- Concilium** Iudæorum, ejusque contra Christum Acta irrita. I. vii. 19.
- Concilium** Africanum. I. viii. 61.
- Concilium** Aquileiense. III. xix. 1. 6. &c.
- Concilium** Acimienſe. III. vii. 3. &c.
- Concilium** Basileense, ejusque quæstiones extractæ circa Inſubimiam Fædi Viſitationis. II. vi. 10. ejus decretum, quo statuitur Immaculata Conceptio. xv. 7. attamen illud Concilium tum non erat amplius legitimum. 8.
- Concilium** Eliberitanum, seu Illiberitanum, ejusque Canon 34. explicatus. I. vi. 7. Canon 43. pariter explicatus. xl. 33.
- Concilium** Narbonense. I. xii. 9.
- Concilium** Nicænum. I. ix. 7. xii. 5. &c. ejus Canon 4. extractus. III. xx. 13.
- Concilium** Romanum centum, & sexdecim Episcoporum coactum a S. Julio Pp. ad confirmandum Concilium Nicænum. III. vi. 3.
- Concilium** Toletanum seculo 7. habentem explicatur. II. iii. 16. Concilium Toletanum 19. citatur. I. vii. 154.
- Concilium** Tridentinum, & proposita in eo controversia de Immaculata Conceptione. II. xv. 10. &c.
- Concilium** Turonense, ejusque Canon 17. illustratus. I. 1. 23.
- Conclatoris** quidam parum prudenter Mariam Virginem ante Crucem exhibent prope examinatam, & multularum similem. II. iv. 8.
- Confessio** peractorum qualis in usu fuerit apud Judæos. I. ii. 25. &c. Confessionis sigillum. vi. 68. Confessio D. Thomæ Apostoli. II. 2. 5.
- Confirmatio**. Sacramentum Confirmationis. I. viii. 79. &c. conferebatur olim in Paschate, & Pentecoste statim post Baptismum. xi. 40. A. 758. etiam infantibus. A. 759. de Confirmationis Sacramento nulla Inferio mentionem facit. A. 758.
- Confiteor**. Absolutio quæ datur populo post **Confiteor** quando inventa. I. vi. 68.
- Confraternitas** Sanctissimi Rosarii Placentina. II. xii. 8.
- Congregatio** Canonicorum Regularium alia S. Salvatoris, seu Rhenana dicta, alia de Murraria. III. iv. 1. &c. Utrum Rhenana vetus eadem sit ac Congregatio præfens S. Salvatoris. 5.
- Consecrari** quid dixerat a Sanctiſſimis. I. vii. 144. &c.
- Consecratio** in fermentato. I. vi. 7. 13. utrum a Christo Domino prolata Consecrationis verba. 42.
- Conſtitutio** B. Mariæ Virginis. II. iv. 5. 8.
- Conſtantiinus** Magnus Imperator. I. ix. 7. xiv. 1. &c. decernit ne quis amplius Crucis pæſibulo necaretur. 20. pacem Ecclesiæ conceſſit. III. vi. 5.
- Conſtitutiones** Apostolorum. II. xviii. 7.
- Conſuetudines** quædam antiquæ in Feſto Pentecoste ſubſtare. I. xi. 36.
- Convicia** Iudæorum in Chriſtum Jeſum. I. vii. 92.
- Convictio** Hebræorum. I. vii. 6.
- Corona** ſpinea capiti Chriſti Jeſu impoſita. I. vii. 17. &c. 89.
- Corpus**. Non deſuit Corpus Chriſti putrefcere in ſepulchro. I. viii. 3. Corpus Chriſti quieſcit in ſepulchro, & eriduo illo mortis hypoſtatiſe conjunctum fuit cum Verbo. 8. Corpus Chriſti reſurgentiſe quale fuerit. 35. &c. quare vulnereſ eicatrices retinere voluerit. 36. Corpus Chriſti gloriuſum penetrare poterat, quocumque veſlet. 3. 3. Feſtum Corporis Chriſti unde primum orum duxerit. xiii. 2. &c. quis Pontifex eo die Proceſſionem inſtituerit. 10. quis Auctor ejus Officii. 11. Corpus Beatæ Mariæ V. intelligitur de Sepulchro ejusdem. II. viii. 28. Corpus gloriſicatum. I. xv. 5. non omnia corpora in Catacumbis ſepulta erant Sanctorum Corpora. A. 756. Corpora Sanctorum proprio nomine inventa in Catacumbis, cui exhiberi debeant, & ad quem ſinem. A. 761. Corpus integrum aliquis Sancti ſu Reliquiaſ tanguit, quamvis ejusdem Corporis. A. 755. Corporis S. Catharinæ Bonon. incorrupto, & odore. III. viii. 2. &c. Corpus S. Dominiſei Conf. xvi. 2. &c. reſellitur fabula quod reperitur Aſſiſi. 6. Corpus S. Faſſiniani Ep. vi. 6. S. Fioriani Mart. Bonon. xxvi. 12. Sancti Franciſci Conf. xvi. 6. S. Jucundi Ep. Bonon. xxiv. 10. S. Julianæ Vid. in Eccleſia S. Stephanian

phani Bononiæ. v. 2. 8. Proculi Mart. xii. 27. 5. Zamæ Ep. iii. 25. Corpora Sanctorum Magorum prius Constantinopolim., deinde Mediolanum, denique Coloniam asportata. l. ii. 8. utriusque Sancti Proculi Bononiæ inventa. III. x. 22. Sanctorum Vitalis, & Agricolæ. xiii. 9.

Cersini. Vide *Nerius Card. Corsini.*

Cosroes. Vide *Cosroes.*

Criticæ optima regula in factis historicis. III. xiii. 29. Criticæ Intemperantius indulgens Hyacinthus Serry. II. ix. 18. Bollandistæ Critici præstantissimi. xvi. 5.

Cruciarum. l. vii. 86. suam bajulabant crucem. 62. quomodo vitam hulebant in Cruce. 125.

Crucifragium, & quare latronibus crura fracta, non Christo. l. vii. 124. &c.

Cruce. Crucis supplicium. l. 7. 50. an Judæis usitatum. 79. quam reuerentium, & infame supplicium fuerit apud Romanos. 80. &c. Crucis variz formæ. 82. cuiusmodi illa cui affixus est Christus. 83. num prælatæ, an vero brevis. 84. an suppedaneo, & sedili instructa. 85. jacetiline, an erectæ Cruce sit affixus. 86. rursusne, an quatuor clavis. 87. Crucis Tipulus. 87. &c. Crux patibulata. xvi. 14. 15. Crux miraculosa quæ Constantino apparuit. xvi. 1. &c. tres Cruces a S. Helena effossæ in Calvario. 4. vera Christi Crux miraculo dignoscitur. 5. quo tempore inventa sit. 6. &c. ejus Inventio quando primum celebrata. 13. &c. ejus Officium quis Auditor. 18. Crucis ostendendæ ritus in Fer. 6. Parasceves unde originem habuerit. 16. Fer. 6. in Parasce. cur adoretur Crux humi jacens. vii. 86. cur exponatur aspectui & adorationi populi, & quomobrem interea cantentur impropria. 142. 144. cur latræ cultu quolibet Crux adoranda, & an hyperdulæ. 145. de cultu S. Crucis. xiv. 20. Crucis patibulo nemo amplius damari potest ex decreto Constantini. III. 8. Sancta Crux quanta veneratione colebatur Constantinopoli. xvi. 8. de Crucis Exaltatione quid vetera tradant monumenta. 7. &c. quam verus est solemnitatis. 15. de aureo Heracii uammo Crucis signo percussio. 7. 13. &c.

Culter Circumcisionis utrum semper lapideus. l. i. 14.

Cultus, quo Magi adoraverunt Christum fuit cultus Latræ. l. ii. 19. Cultus præstiteus Sanctæ Crucis in Urbe Constantinopoli tribus postremis Majoris Hebdomadæ diebus. xiv. 8. Cultus Hyperdulæ Beatæ Virginis debitus. II. xiii. 1. Culus Deiparæ Virginis semper exhibitus ab Ecclesiæ pri-

mordis sæculo 10. audus est. xviii. 1. &c. Cultus erga nomen B. Mariæ Virginis. x. 5. Cultus Sanctorum Veteris Testamenti. 12. 17. Cultus immemorabilis. S. Floriani Bon. Parroni. III. xxvi. 13. Cultus & Titulus Sancti quibus debeatur. A. 762. 764.

Curtis quid sit. III. x. 10. &c.

Cyrene Urbs non una, sed triplex fuit. l. vii. 65.

S. *Cyrillus Hierosolymitanus* Epistola ad Constantinum Imp. l. xiv. 10. utrum sit apocrypha. 11. &c.

Cyriacus, & *Cyrenus* Syriæ Praefes. l. xvii. 5.

D

Damnati autem Crucis supplicium flagellari soliti. l. vii. 50.

Datis est mihi potestas &c. quomodo hæc Christi verba intelligenda. l. ix. 23.

Decretalis Quoniam de Feris &c. illustratur. l. xii. 1. &c. ex Alexandro II. non. III. tribuenda est. 2.

Decretum Universitatis Parisiensis pro Immaculata Conceptione. II. xv. 9. 25.

Dedicatio S. Mariæ ad Nives. li. vii. 1. &c. 17. &c.

Defuncti. Oratio faciunda pro Defunctis. III. xxii. 2.

Deipara. Vide *Maria.*

Derehissio Christi in Cruce explicatur. l. vii. 103.

Descriptio univærsi Orbis a Cesare Augusto edita. l. xiii. 1. &c. cur ea a D. Luca. edicatur prima. 4. quid in Tabulis Censuilibus describeretur. 15.

Desertum. In deserto quare nullus Hebræorum circumcisus sit. l. i. 5.

Desponsata mulier idem est, ac nupta. II. 111. 5.

Desponsatio B. Mariæ Virginis. II. i. 2. &c. *Devotio* sola exteriorum Symbolorum, ut sunt Scapulare B.V. &c. nihil proficit ad salutem. II. vi. 7. *Devotio* Fidelium major est erga Corpus alicujus Sancti, de cuius nomine proprio conflet. A. 755. *Devotio* era S. Ambrosii olim Bauoni Patronum debita. III. xxv. 12.

Deus fuit Auditor Circumcisionis. l. i. 2. &c.

Deteronomii Cap. 13. locus explicatus. III. xiii. 15.

Dialogi nomen cui Gregorio tribui debeat. III. x. 5.

Didymus cur appelletur D. Thomas. l. x. 8.

Dies. Plura dierum genera apud Hebræos. l. vi. 18. etiam apud nos. 21. dies, & non. &c. quomodo computentur in Scriptura. viii.

VIII. 17. &c. dies quomodo dividetur apud Iudæos. VII. 137. dies iulianus apud Genes. III. 3. dies Natalis Christi. XVII. 45. dies eternalis eiusdem. VII. 137. dies quo Christus resurrexit. VIII. 21. 27. quo ascendit in Cælum. X. 44. 48. dies in quo cecidit Pentecostes anno eternali Christi. XI. 11. &c. Mariæ non eternalis tantum, sed etiam natalis dies celebratur. II. 12. 3. Quinam dicatur dies natalis Sanctorum. II. 12. 1. dies Iovis olim festiva, appellatur cognata diei Dominice. I. 59. **dies Iovis æbus** idem ac **Fet. 5.** in Cœna Domini. v. 4. **Dioctletianus** Imper. ejusque Persecutio. III. 1. 4. 6. XIII. 6. XXVI. 11. **Diodorus Siculus.** I. 1. 4. **S. Dionysius Areopagita.** II. VIII. 28. **S. Dionysius Pontifex,** qui ordinavit S. Zammam. III. III. 5. 19. &c. **Disciplina** vetus non recedendi ab Ecclesia, ante mediam noctem in Petvigilio Paschæ. I. VIII. 2.

Discipulus quis ille fuerit, notus Pontifici Calphæ, & qui introduxit Petrum in ejus atrium. I. VII. 15. quis ille, quem diligebat Jesus. tot. discipuli, quos misit Jesus, ut æmum in die Palmarum ad se abduceret, quinam illi fuerint. IV. 5. discipulorum fuga tempore Passionis Christi. VII. 20.

Discrimen inter veteris, & novæ Legis Sacramenta unde exiit. I. 1. 17. discrimen inter claritatem corporis glorificati, & splendorem Christi transfigurati. XV. 5.

Distata in Conclavi, in quo creatus fuit Cœlestius IV. Pontifex. II. 12. 10.

Divinitas Christi fuit Magis cognita. I. 11. 20. &c. non fuit neque ab anima, neque a corpore Christi separata in ejus morte. VIII. 8. neque a sanguine. 9. quando primum in Evangelio Divinitas discrete tribuatur Christo Domino. X. 5. de Divinitate Filii nunquam dubitavit Beata Virgo. II. 17. 3.

Dolores Beatæ Mariæ Virginis. II. IV. 2. &c.

Divinitas quolibet destinata est cultui Sanctissime Trinitatis. I. XII. 5.

Divinitas Palmarum quo alio vocetur nomine. I. IV. 12. quoddam sit ejus mysterium. 2. &c. quantum in ea Processio. 16. Pulcra Ivois, & Isidori de ea verba. 17. In ea Processione quid significet osium oculum, deinde teleratum. 19. Ritus benedicendi Palmas quam vetus. 20. quinam alii in hac Dominica servarentur ritus. 21. &c. quare R. Pontificis elemosynas largirentur. 24. quare fermentum disperderent. 25. **Dominica Resurrectionis** quare Pascha appellatur. X.

lata. I. IX. 1. unde repetenda hujus Festi origo. 2. quamvis per totam hebdomadam celebrata Festivitas. *ibid.*

S. Dominicus Confessor. I. XV. 20. II. VII. 17. III. XVI. 1. &c. utrum fuerit Civis Bononiensis. 5. fuit Auctor Rosarii. II. XII. 3. 5. 8.

Dometianus Episc. Bononiensis. III. VII. 2.

Dowry B.M.V. Lauretana. II. XVI. 1. &c. Auctor sententia in hoc argumento. 4.

Dona Lingarum, & Miraculorum. I. XI. 6. &c. dona Spiritus Sancti. 4.

Dormitio R.M.V. appellatur Festum Assumptionis. II. VIII. 21. &c.

Dupin homo difficilis. III. V. 10.

Durandus in 3. Sent. Dist. 22. rejicitur. I. VIII. 10.

Durantis in Revel. S. Birgitæ citatus. I. VII. 56.

E

E Cc, hujusque vocis significatio. I. 11. 44.

Ecclesia non potest consitui ab una persona. II. XVIII. 1. Ecclesia nulla unquam re utitur, quin eam prius benedixerit. I. VIII. 50. cur oret etiam pro Judæis in die Parasceves. VII. 141. Ecclesia Latina nunquam in fermentato consecravit. IV. 25. quam mittit erga Orientalem Ecclesiam, non sic Ecclesia Græca erga Latinam. VI. 30. Ecclesia Romanæ consuetudo varia in ablatine pedum Fet. 5. in Cœna Domini. 55. Ecclesia Gallicana. II. IX. 2. Ecclesia Mediolanensis & Ravennatenfis Jus Metropoliticum unde habuerit originem. III. XII. 7.

Ecclesia Ecclesiarum fides in Hispania tenebatur clausæ reiduo Hebdomadæ Sanctæ. I. VII. 12.

Ecclesia Ston quænam fuerit. v. 40.

Ecclesia extructa, ubi Christus ascendit in Cælum, tæro concamerari nunquam potuit. X. 53. Ecclesia in Monte Carmelo edificata B.M.V. adhuc viventi. II. VI. 1.

quod negat Papebrocius. 2. non affirmat Auctor. 3. Ecclesia B. Mariæ, & Angelorum Romæ. A. 760. S. Mariæ in Blochbernis Constantinopoli. II. VII. 7. S. Mariæ de Spasio in Palæstina. IV. 6. S. Mariæ Trana Tyberim Romæ. VII. 18. in honorem Sancti Joannis Baptistæ edificata prope Jrdanem. I. 12. 27. Cathedralis Bonniæ. III. XIII. 12. S. Ambrosii Bononiæ. XXV. 12.

Ecclesiastici omnes an recitare teneantur quotidie Officium B. Mariæ Virginis. II. XVII. 4. &c.

Edbardus resellit. II. XI. 2.

Festus Solis in Christi morte. I. VII. 117.

Festum. Quando duo imperabant sub uno.

F i f f

que

- que Imperatoris nomine publicabatur edictis. II. 1. 4. Editum Cæsar de censendo Romano Imperio. I. x. 1. 1. &c.
- Electio** S. Paterniani Ep. Bonon. III. xx. 14. S. Petronii in Ep. Bononiensem. 11.
- Eleemosyna** olim a Romanis Pontificibus dispensari solita. I. xv. 14. eleemosynæ distribuitur, & mensura lauta parata egenis non sine abusu Fer. 7. in Cæna Domini. vi. 5.
- Eli** Filius Iammas, hæretici, quæ verba sint hæc, quidque sibi velint. I. vii. 101. &c. Fili non Eli probabilius est fuisse pronuntiatum a Christo. ibid.
- Elias** Propheta. II. vi. 1. cur testis adhibitus in Transfiguratione. I. xv. 4. an esset proprio præditus corpore. 5. ejus adventus. 19.
- Eliberitanum**, seu Illybetanum Concilium. I. v. 7.
- S. Elisabeth** uxor Zachariæ. II. v. 6.
- S. Elisabeth** Trebientis, ejusque Visio. II. vii. 15.
- Enedinus** Socinianus consecratus. I. x. 1.
- S. Eparchius** Episcopus Arvernorum. III. ix. 3.
- Ephebi** an mortui sit Delphica Virgo. II. vii. 10. &c.
- Epiphania** quid significet. I. ii. 1. quare dicta Festum Illuminationis, Festum Luminum. 2. cujus miraculi olim eo die colere memoria. 3. an eodem anni die tria illa miracula contingerent, quæ in die Epiphaniæ recolluntur. 38. &c. Hujus Festi quæ celebritas, & vetustas. 47. &c. Alia ad hoc Festum pertinentia. 49. ejus Vigilia. ibid. ejus Officium Invictorio cætet in Matutinis. ibid. an eo die fontes quidam vino manant. 49. Epiphania, & Nativitas Christi olim in Orientali Ecclesia simul celebrabatur. 50. Officia noctu celebrata in die Epiphaniæ. 51.
- S. Epiphanius** citatus. II. viii. 1. excusatus. 2. &c.
- Episcopus**, Electio Episcoporum ad quos olim pertineret. III. xx. 12. &c. Episcopi olim habebant Abbatum eura. 1. 6. Episcopus Viscitor. xx. 13. quare S. Zama dicatur Episcopus. I. Bonon. 111. 5. Episcoporum. Bononiensium series corrigitur. vii. 1.
- Epistola** Bononiensis XIV. ad Capitulum, & Canonicos Metropolitane Bonon. A. 764. 765. ad Capitulum, & Canonicos Collegiæ S. Petronii. A. 713. ad Antonium Felicem Sgarzi Ab. S. Stephani Bon. A. 739. Capituli Collegiæ S. Petronii ad Bononiensem XIV. A. 717. Antonii Felicis Sgarzi Ab. S. Stephani Bon. ad eundem. A. 747.
- Episto** Episcopus S. Jucundi Ep. Bon. III. xiv. 1. Marii S. Proculi M. xii. 9. Marii S. Vitalis, & Agricola, eorumque Inventionis. xiii. 2. obitus S. Petronii. xx. 9.
- Equi** non adhibiti primis Reipub. Hebræorum temporibus. I. vi. 17.
- Erasmus** cujusdam Viri, unde videri potest orta Festivitas Nativitatis B. Mariæ Virginis. I. ix. 3.
- Error** quorundam circa vini consecrationem in Missa. I. vii. 143. &c. Error eorum, qui putant a Sede Apostolica definitum Articulum Immaculatæ Conceptionis. II. xv. 11. 14.
- Estius** citatus. I. vi. 43. viii. 44. ix. 19. &c.
- Ethnici**. Ritus Ethnicorum in die Purificationis consecrati veto Deo. II. ix. 14.
- Eva** mater viventium, ejusque Matrimonium cum Adamo. II. 1. 6.
- Eva** Leodiensis. I. xii. 4. &c.
- Evangelista**. Quidam ausi sunt affirmare Evangelistas in minutis quibusdam deceptos fuisse. I. vii. 24. Evangelistæ conciliantur, & eorum consensus ostenditur. I. vi. 100. &c. vii. 16. &c. 77. 78. 95. 96. 106. 114. 118. 136. &c. viii. 21. 33. 34. 49. x. 41. &c. 43. xi. 18. &c. xv. 2. &c. xvii. 15. &c. quomodo conciliandi. vii. 234.
- Evangelium**. Quando canitur Evangelium, cur afferantur lumina. I. v. 7. caput ultimum Evangelii S. J. explicatur. x. 18. &c. non est additum, sed ipsius Apostoli. 21.
- Eucharistia** Sacramentum. I. iv. 25. vii. 19. &c. quo tempore a Christo fuerit instituta. vi. 35. &c. quæstiones variz circa ejus institutionem. 38. &c. 40. &c. memoria hujus Sacramenti. 1. Sacrificium Eucharistie sublatum non fuit in morte Christi. vii. 11. Mitaculum in Sacramento Eucharistie patratum. xii. 6. Eucharistie materia necessaria est panis triticus. vi. 36. Eucharistia in azymone, an in fermento confici debeat. 7. sub uno tantum specie distribuenta. viii. 47. &c. adoranda cætu Læticæ. 31. cur adoretur. xiii. 8. S. Proculus criminabatur, quod statim post Eucharistiam cibum caperet. III. x. 46.
- S. Eucherius** Episc. Lugdunensis citatus. III. xx. 3.
- Eugenius** Pontifex, de cujus donationibus extat memoria in Ecclesia Bononiensi. III. x. 3.
- Eugenius** IV. Pontifex. III. xii. 2. xiv. 8.
- Eugenius** Imperator. III. xiii. 5.
- Evodii** fragmentum dubie fidei, quia spocryphum. II. xiv. 3.
- S. Eusebius** Pont. ejusque Decretum apocryphum. I. xiv. 14. 15.
- S. Eusebius** Ep. Bononiensis. III. 1. 3. 10. vii. 1. xix. 1. &c. xx. 9. xiii. 9. utrum duo fuerint Bononienses Eusebii, ad quos scribit S. Ambrosius. xix. 4. 6.

Enfethus, ejusque verba in Chronico de Inventione Crucis non sunt addita, neque suppositicia. I. xiv. 22. &c.
Euthymius historicus citatur a Damasceno, quis fit ignoratur. II. viii. 7. 9.
Excellentia, & Sanctitas B. Mariz Virginis. II. xiii. 1. &c.
Expositio Partus B. Mariz Virginis. II. xvii. 1. &c.
Exultatio. De exultatione Joannis in utero Matris. II. v. 6. 7.
Exultet. Quis hujus hymni Auctor. I. viii. 59.

F

Faber Nicolaus citatur. I. vii. 78.
Fabretus Raphael citatur. A. 762.
Fabula, quod Corpus S. Dominici reperiatut Alibi. III. xvi. 6.
Fachinet Alexander Aſta S. Mm. Hermetis, Aggel. & Cajiedidit. III. 12.
Facies in Scripturis significat totum corpus. I. xv. 3. qualis fuerit facies Christi in Transfiguratione. 2.
Familia unde octus est S. Guarinus. III. iv. 2. 6.
Fasce Christi Domini. I. xvii. 23.
Faufſulanus Ep. Bonon. III. vi. 1. &c. quomodo sit secundus Episcopus Bonon. 2.
Faufſus filius S. Eusebii Episc. Bonon. III. xix. 3.
Fede, seu *Fide* constantis quid significet. A. 758. &c.
S. Felix Episc. Bonon. II. vii. 8. xiv. 1.
Femina. Quæ Christi ad Calvarium profectensis verba ad Feminas. I. vii. 63. Feminis vel regia stirpe prognatis Mariz nomen non licebat olim imponere. II. x. 3. Feminæ pie Ss. Martyrum sanguinem colligebant. III. viii. 6.
Ferdinandus II. Rex. III. viii. 12.
Ferla sexta in Corna Domini. I. vi. 1. &c. de Ritibus, & Ceremoniis, quas hoc die adhibet Ecclesia. 47. Campanarum usus cur interdicitur. 48. cur eidem non detur pascisculum. *ibid.* cur nudentur altaria. 49. cor abluantur egenorum pedes. 51. &c. quorum benedicantur olea. 59. quare olim hoc die reconciliarentur Penitentes. 67. quare tres Missæ celebrantur. *ibid.* Ferla 5. in Corna Domini dicta aliquando *Dies Joannis albus*. v. 4. Bulla in Corna Domini. Vide Bulla.
Ferla sexta in Parasceve cur ita appellata. I. vii. 1. quoniam respiciat Ecclesia in officio hujus diei. 140. cur adorationi Crucem exponat. 143. xiv. 16. hujus diei Missa quomodo appellanda. I. vii. 148. hoc die nuntia prebenda alicui sacra Communio. 156.

Fermentum quod a Rom. Pontifice distribuebatur in Sabbato ante Dominicam Palmarum quid esset. I. xv. 27. fermentati panis consecratio. vii. 7. 13.

Ferrandus citatur. A. 755.

Ferraria Civitas. III. iii. 17.

Ferrerus Card. Episcopus Vercellensis. III. xvii. 2.

Festivitas quorundam dierum quomodo intelligatur aliquando fuisse celebrata. I. xi. 35. Festivitates, quæ olim per diem integrum celebrabantur. II. ix. 9.

Festum. Numerus Festorum quare minatur. II. xiv. 8. licet non semper, ut plurimum tamen Festum celebratur in die, quo gesta est res, cujus memoria recolitur. I. ii. 57. 37. Festa mobilia indicuntur die Epiphaniæ. 51. Festum Nativitatis Domini. xvii. 1. &c. 37. &c. II. ii. 1. quod die olim celebraretur. I. xvii. 63. &c. Festum Ss. Nominis Jesu. 1. &c. 8. &c. ejus Officium. 11. Festum Epiphaniæ. 11. 47. &c. xvii. 63. 67. Paschæ. ix. 1. &c. Festum Festorum appellatur. 2. quod die celebrandum sit. 4. &c. Festum Ascensionis. x. 1. &c. solemnitas omnium dicitur complementum. 56. Festum Corporis Christi. 111. 8. xiii. 1. &c. Transfigurationis Christi. xv. 1. &c. quando institutum. 21. Festum Inventionis Sanctæ Crucis. xiv. 1. &c. xvi. 22. quod fundamento institutum. xiv. 13. Festum Exaltationis S. Crucis. xvi. 1. &c. ejus origo. 9. &c. Festum Manifestationis S. Crucis. 10. Festum Pentecostes. xii. 1. &c. 31. quomodo intelligatur per quinquaginta dies fuisse productum. 34. &c. Festum Ss. Trinitatis. 21. 1. &c. quot olim Festa instituta in honorem Deiparæ. II. 1. 1. Festum Conceptionis B. Mariz Virginis. xv. 1. &c. 17. &c. quomodo celebrari possit, licet Mysterium non sit definitum. 23. Festum Nativitatis B. Mariz Virginis. viii. 24. 12. 1. &c. 6. &c. Ss. Nominis Mariz. x. 1. &c. Presentationis. xiv. 1. &c. quare dicatur Festum Presentationis B. Mariz, & non potius Purificationis S. Annæ. 5. Festum Desponsationis B. Mariz. 12. 2. &c. 14. &c. Annuntiationis. 111. 1. &c. 15. &c. xvii. 1. Visitationis. v. 1. &c. quando celebrari coepit, 9. ejus institutio vindicatur a calumniis hæreticorum. 11. Festum Expectationis Partus B. Mariz Virginis. xvii. 1. &c. Festum S. Mariz de O. *ibid.* Festum Purificationis. 11. 6. &c. ab aliquibus inter Christi solemnitates numeratur. 7. quando celebrari coepit est hæc solemnitas. 10. &c. Festum Dolorem Deiparæ Virginis. 17. 1. &c. appellatur etiam Festum B. Virg. de Spasmo. 7. Festum mortis B. Mariz. viii. 27. Assump-

F i f f a

tione

tionis . *I. &c.* 19. 21. *&c.* Rosarii . xii. 2.
&c. B. Virgillis de Monte Carmelo . vi. 1.
&c. 10. B. Mariæ de Mercede . xii. 1. Dedi-
 cationis S. Mariæ ad Nivem . vii. 1. *&c.* 17.
&c. Translationis alme Domus Lauretane .
 xvi. 1. *&c.* Patrocinii B. Mariæ . xiii. 1. &c.
 S. Mariæ in Sabbatho . xviii. 1. *&c.* Omnium
 Sanctorum . III. xxi. 1. *&c.* cur a die 13.
 Maji ad 2. Novembris translatum sit . 6.
 Festum SS. Apostolorum Petri & Jacobi
 Joannis . & Pauli . I. xvii. 67. S. Ambrosii
 Bononiæ . III. xxv. 12. S. Annæ . II. ix. 17.
 27. S. Joachim . 14. 17. S. Basilii Ep. Cæsa-
 riensis . I. xvii. 67. 95. Innocentium . II. 37.
 37. S. Patris cum Officio . III. xiv. 2. Sin-
 ci Proculi . xiii. 2. *&c.* S. Simonis Pro-
 phetæ . II. 12. 7. 12. 16. Festum Illumina-
 tionis , seu Festum **Luminum** . I. 2. 2. Fe-
 stum Subdiaconorum in Gallia . I. 14. Fe-
 stum Tabernaculorum . iv. 12.
Fideles, unde sic appellati Christiani . *A. 760.*
 Fideles vulgo amplectuntur sententiam Im-
 maculatæ Conceptionis Mariæ . II. xv. 2.
Fides nem sola salvos homines efficit . *I. x.*
17. utrum eo triiduo, quo Christus vita ca-
 vit, in omnibus perseveret . v. 2. utrum
 Sabbatho Sancto permanferit in sola B. Vir-
 gine . II. xviii. 1. *Fide constitutus* quid si-
 gnificet . *A. 745. &c.*
Filius unicus S. Julianæ, relicta uxore , Mo-
 nachis S. Stephanol adscriptor . III. v. 12.
Flagellatio. Quotuplex genus flagellationis .
 I. vii. 11. Flagellationis Christi ministri cu-
 jus gentis fuerint . 59. in Flagellatione qui-
 nam verberum numerus apud Hebræos . 16.
 quinam apud Romanos . *ibid.*
Flagellum . Flagella prius cadebantur da-
 mnati Crucis supplicio . I. vii. 50. qui fla-
 gellis cadebatur, antea vestibus nudaba-
 tur . 53.
Florentinus citatus . III. xxiii. 2.
Flores erupit et terra Christi sudore sanguineo
 irrigata . I. vii. 9.
S. Florianus Martyr Bononiæ . III. xxvi. 1.
&c. *A. 720.* alii duo S. Floriani . III.
 xxvi. 6.
S. Florianus Martyr apud Laureacum in No-
 riko . III. xxvi. 1. *A. 721.*
Femina . Vide **Femina** .
Fons . Benedictio Fontis Baptismalis . I. viii.
 63. 11. 19. de Cæremoniis in hac benedi-
 ctione . vii. 61. Fontes vino manantes in
 die Epiphaniæ . I. 11. 48.
Fontana Nicolaus . I. vii. 87.
Fontanus citatus . III. xx. 2.
Formosus Pontifex . III. x. 1.
Foscararii . Sx Foscararia familia utrum ortus
 sit S. Guarinus . III. x. v. 2. *A. 693.*
S. Franciscus Conf. I. xvii. 62.

Frater . Fratrîs titulus non semper adhibetur,
 quando scribitur ad Episcopos . III. xix. 4.
&c. quinam dicantur Fratres Monis Cæ-
 meli . II. vi. 1.
Frerosus Jo. Baptista citatus . III. viii. 10.
Fructus . Benedictio novorum fructuum . I.
 x. 59.
Frugertus Ep. Bonon. *A. 696.*
Fuga Discipulorum tempore Passionis Domi-
 ni . I. vii. 20.
S. Fulbertus Episc. Carnot. citatus . II. 12. 6.
S. Fulgentius Ep. Utricoli . III. x. 19.
Fullo Petrus . I. vii. 147.
Fuscararia familia. Vide **Foscararii** .

G

G & C litteræ promiscue adhibentur . I.
 xvi. 12.
S. Gub. vel A-changelus . I. vii. 7. II. iii. 2.
 apparuit Pastoribus in nocte Nativitatis . I.
 xvii. 47.
Gabutus Joannes Andreas . III. xi. 9.
Galestinus citatus . III. xii. 14. Vitam S. Pe-
 tronii concepit, quæ Sigoni nomine
 circumferretur . xii. 2.
Galliscus quare dicatur Christus . I. xvii. 12.
Galliscula locus suburbanus Bononiæ .
 A. 706.
Gallitium . I. vii. 26.
Garnesclius Georgius . III. xii. 3. &c.
Gaudensius Episc. Bonon. III. xiii. 21.
Gelasius I. Pont. Lupercalis ludo fuit . II.
 xx. 19. citatur ejus Epistola . III. xii. 18.
S. Geminianus Ep. Murio . III. viii. 5.
Gensis . Varia lectio Cap. 17. Genesios . I.
 2. 12.
Gennadius citatus . III. xii. 3.
Gentiles, qui Judaicam Religionem amplecti
 vellent Circumcisioni se, filiosque suos
 subdere debebant . I. 2. 3. eorum supersti-
 tiones . 11.
Genesio inretidit tempore Paschali in oca-
 sione . I. 2. 3. 37.
Georgius Dominicus laudatus . III. xxi. 8.
A. 716. citatus . 1. 9.
S. Gervasius, & **Prothasius** Martyres . III.
 xxi. 4.
Gervasius Ep. Rhemensis . III. xxiii. 11.
Gesta S. Vitalis, & Agricolæ . *A. 692.*
Ghisleria familia Bononiæ Senatoria . III.
 xi. 3. *&c.* 10. *&c.* Ghislerius Franciscus
 Canon. Regul. 19. 5. alter Franciscus . xi.
 7. Lippus, Antonius, Paulus, Michael,
 qui postea fuit Pius V. Pontifex . 8.
de G. comellis Michael Angelus . *A. 720.*
Gladus Ducalis benedictus Pontifice . I.
 xvii. 61. quare Deipara pingatur septem
 gladibus transfixa . II. iv. 9.

Gloria

Gloria in altissimis Deo, &c. quomodo hæc verba accipienda. I. xvii. 49. &c.
Gloria Patri, &c. quondam fuerit compositum. I. xii. 5. &c. & inde tradita consuetudo istam Orationem canendi in fine cuiusque Psalmi. 8.
Gottus Cardinalis citatus. II. xv. 23.
Græci. Quinam Græcorum ritus in Dominica Palmarum. I. iv. 21. quinam in lotionem pedum Fest. in Cena Domini. vi. 51. quinam in benedicendis Oleis Sacris. 65. quo anni tempore præstantificatorum Missam celebrant. vii. 149. 151. quondam fermento uti cœperint in Consecratione Eucharistiæ. vi. 38. eorum sententia circa materiam Eucharistiæ. 7. 13. non habent Processionem Corporis Christi. xiii. 11. qua olim die Nativitatem Christi celebrarent. xvii. 65. eorum impietas contra Evangelistam. vi. 14. injuriæ erga Latinam Ecclesiam. 38. criminationes adversus Latinos. vii. 149. error circa vini consecrationem. 153.
Grandius Guido Abbas citatus cum laude. II. vii. 10. III. xvii. 3.
Gratia iustificans. I. 4. 6. utrum conferretur per Circumcisionem. 9. &c. non conferretur a Baptismo Joannis. ix. 24. neque per confessionem Judæorum. 126.
Gratianus Auctor Decreti. III. iii. 21.
Gratiarius officio. Unde cœpta sit consuetudo gratiarum actionis post mensam. I. vi. 46.
Grægorius citatus cum laude. II. xvi. 7. 10.
S. Gregorius Magnus Pontifex. III. iii. 15. 2. 3. etiam S. Gregorius Dialogus vocatur. 5. ejus charitas erga 12. pauperes quotidie exercita Angelico miraculo comprobata. I. vi. 17. ejus testimonium de S. Proculo Mart. III. xiii. 3. 5.
Gregorius II. Pont. III. x. 5.
Gregorius III. Pont. III. xxi. 5.
Gregorius IV. Pont. III. xx. 4. &c.
S. Gregorius VII. Pont. III. x. 2. 3. xxv. 8.
Gregorius XI. Pont. II. vii. 15. xiv. 7. 8.
Gregorius XII. Pont. III. x. 22.
Gregorius XIII. Pont. II. ix. 15. xii. 23.
Gregorius XIV. Pont. III. xii. 13.
Gregorius XV. Pont. ejusque Constitutio in favorem Immaculatæ Conceptionis. II. xv. 15.
S. Gregorius Thaumaturgus, ejusque Homilix de Annunciatione utrum sint genuinæ. II. iii. 18.
S. Gregorius Thuronensis alapa calitis correptus in Vigilia Nativitatis Domini, & quare. I. xvi. 56.
Gregorius Episcopus Mutinensis. III. iii. 13. ix. 4.

Grotius Hugo citatus. I. xvii. 9.
S. Guarinus Card. & Episc. Prænestinus. III. iv. 1. &c. A. 692. a qua familia oriundus esset. A. 692. canonizatus fuit ab Alexandro III. Pont. III. iv. 6.
Gymnosium Publici Bononiensis Gymnasii fundario, & Privilegium utrum debeatur S. Petronio. III. xi. 18. &c.

H

Hæcclama. I. vii. 32.
S. Hadrianus Episc. Bonon. III. vii. 8.
Hadrianus Imper. Sacta Palæstinæ loca posuit. I. xiv. 3.
Hæretici. Inanes Hæreticorum cavillationes ut explicant, qui Christus januis clausis intrare potuerit in Cœnaculum. I. x. 3. eorum argumenta adversus adorationem Eucharistiæ refelluntur. 31. eorum error, qui cultum Sandæ Crucis adimere voluerint. xiv. 20.
Harduinus, ejusque opinio circa Paschæ Christi Domini. I. vi. 15. 15.
Hebræi, circumcidebantur, ut eo signo a cæteris Gentibus discernereutur. I. 1. 5. 10. num primis Reipetemporibus equis uterentur, an vero asinis, & mulis. xv. 15. Hebræorum dies festi. vi. 15. 25. Paschæ. 16. Solemnitas Azymotum. 17. dierum plura geneta. 18. modus accumbendi ad mensam. 29. &c. cur balneo egressi pedes lavarent. 31. eorum convivium. vii. 6. consuetudo vestimenta scindendi in signum doloris. 30. liberandi reum die Paschæ. 46. ungendi cadavera, & longis iustitiis consurgendi. 133. viii. 31.
Hebron Civitas Sacerdotalis ex Tribu Juda. II. v. 4.
S. Helena Impetratrix. I. vii. 68. xiv. 4. &c. xv. 20. xvi. 15. xvii. 46. S. Helenæ Canonium Sancerni. III. ix. 5.
Henricus Episc. Bononiensis. III. x. 3. xii. 22.
Heraclius Imperator. I. xvi. 2. &c. III. xxvi. 2. &c.
S. Hieronimus Ep. Petulix. III. x. 15.
S. Hermannus Contractus. I. xi. 4. II. xiii. 3.
S. Hermes Matr. Bonon. III. 1. 3. &c.
Herodes, ejusque crudelitas. I. ii. 46. cur dicitur dilulerit Infantium cadem. ibide eo Rege natus est Christus. xvi. 9.
Herodes Antipas Gallix Tetrarcha. vii. 43.
Herodotus historicus. I. 1. 4.
Hildebrandus Joachimus citatus. II. v. 17.
Hieremie Threni. I. v. 2. &c. Prophetia de pretio, quo Christus venditus est. vii. 31.
S. Hieronymus citatus. I. 1. 5. xvii. 33. II. xvi. 4. ejus sermo de Assumptione non est genuinus. vii. 20. ejus Martyrologium falsum. A. 763.

His

Hierosolyma Afr. Civitatum nobilissima. **L.** xi. 7. ejus excidium a Christo prædictum. **L.** xi. 8. in ejus obsidione cur Mater Filium necaverit. **9.** incredibilis multitudo Hierosolymam confluxerat die Persecutionis. **xii. 9.** Incensæ. **xvi. 2.** a Mehemeti successoribus capta. **8.** utrum B. Virgo mortua sit Hierosolymæ. **II. viii. 7.** &c. consuetudo Hierosolymitanæ Ecclesiæ Fet. 6. lo Parasceve. **L.** vii. 144.

Historia Iovectionis S. Crucis. **L.** xiv. 104.

Hodie mecum eris in Paradiso: quomodo hæc Christi vetha intelligenda. **L.** vii. 89.

Homicidium privata auctoritate an aliquando licitum. **III. xiii. 15.**

Honoratus a S. Maria laudatus. **II. xvi. 7. 9.**

Honorius Imperator. **III. xxi. 1.**

Horo Natalis Christi. **L.** xvi. 47. emortalis ejusdem. **vii. 116.** &c. qua Christus resurrexit. **viii. 116.** &c. qua ascendit in Cælum. **x. 62.** qua delapsus est Spiritus S. super Apostolos. **x. 30.** hora, qua B. Virgo fuit ab Angelo saluta ignoscatur. **II. iii. 14.**

Hesione quid significet. **L.** iv. 14.

Hispinianus ootatus. **II. ii. 16.** confutatus. **ix. 3.**

Hubertus Placentinus Episc. Bononiensis. **III. xx. 11.**

Huictor Petrus Daniel citatus. **L.** viii. 18. **xvii. 7. 13.**

Hugo a S. Willore, ejusque doctrina. **L.** vii. 150. &c.

Humanitas Christi non fuit in extremis vitæ doloribus a Divinitate detecta. **L.** vii. 103.

Humilitas Christi. **L.** vi. 37. 51. humilitatis exemplum a Christo Domino, & Virgine Marie nobis relictum. **II. ii. 3.**

Hunades Rex. **L.** xv. 10.

Hydris in Nuptiis Causæ adhibens ubi afferuntur. **L.** ii. 31.

Hymnarium Bononiense. **A. 709.**

Hymnus. Quis auctor Hymni, Gloria, laus, & honor. **L.** iv. 18. quis illius, Exultet, &c. **viii. 19.** quis illius, Gloria Patri, &c. **xii. 9.** &c. quis ejus, Stabat Mater, &c. **II. iv. 7.** qui perpetam improbat. **Ibid.** qui fuerit Hymnus a Christo post Cæcum dictus, an equeam exiret lo Montem Olivei. **L.** vi. 46. Hymni lo Officio S. Proculi olim cani soliti. **III. x. 17.** **A. 709.**

Hypante, seu **Hypapante.** **II. ii. 7.**

Hyperdulia, cuius B. Mariæ Virg. debetur. **II. xiii. 1.**

Hypopos duplicis generis. **L.** vii. 107. cuiusdam hypopo imposita spooigla ad potum Christo exhibendum. **Ibid.**

I

S. Jacobus Apostolus filius Zebedei. **L.** xv. 11.

S. Jacobus Frater Domini appellatur Jesus. **L.** vii. 13. hunc apparuit Christus post Resurrectionem. **x. 26.**

Jacobus Episc. Edessenus. **II. ix. 16.**

Jacobus Aragoolæ Rex. **II. xi. 1.**

Janfoni Nicolaus unus ex primis Typographis artis Auditoribus. **III. xiv. 4.**

S. Jannarius Episc. Mart. **III. viii. 1. &c.**

Jannarius. Quibus superstitionibus celebris rector mensis Jannarii Kalendæ. **L.** ii. 21.

Janus, ejusque Festum apud Græcos. **L.** i. 21. 22.

Jejunium quale olim in die Circumcisionis celebraretur. **L.** i. 13. quare duo in hebdomada jejunia olim iudici. **iv. 16.** Jejunium Sabbathi olim vetitum in Orientali Ecclesia in Occidentali fieri solum, & quare. **II. xviii. 7.** quanta olim jejuni severitas in die Parasceves. **L.** vii. 156. Jejunium Feræ. **6.** & Sabbathi. **15.** Jejunium in Vigilia Pentecostes. **x. 13.** Jejunium 15 dierum apud Orientales ante Assumptionem Beatæ Mariæ. **II. viii. 16.** Jejunium interdictum tempore Paschali. **L.** xi. 37. 17.

Jephthe utrum voverit Filiz virginitatem. **II. i. 9.**

Jeremias. Vide **Hieremias.**

Jesu Christi ora pro nobis quare non dicatur. **L.** iii. 14. x. 40.

Jesus. Vide **Christus.** **Nomen.**

S. Ignatius Martyr citatus. **II. xviii. 7.** explicatus. **L.** 4. 5.

S. Ignatius Lojola natus in stabulo ex pio matris affectu erga Nativitatem Domini. **L.** xvii. 33.

Ignis, qui sedit super Apostolos in die Pentecostes fuit elementarius. **L.** xi. 14. &c. ignis benedictio in die Sabbathi sancti. **viii. 50.**

Ignorantia Judæorum circa Christum Dominum quæ, & qualis fuerit. **L.** vii. 23. 94.

Ilarni, ejusque Inscripcio ootatu digna. **A. 757.**

S. Ildephonsus. **II. xv. 1.** ejus libri utrum sint genuini. **ix. 7.**

Illiberitanum Concilium. **L.** v. 7.

Illiterati dicebantur Laici. **III. x. 116.**

Illyricum dicitur in Oriente, quia pertinet ad Imperium Orientale. **III. i. 9.**

Imago. Christi Cæcificat imagines variz. **L.** vii. 85.

Immaculata Concept. B. M. V. Vide **Conceptio.**

Imprecatio dicta, qua se devoverunt Judæi. **L.** vii. 60.

Impro

Impropria cur censerent in die Pasceves .
I. vii. 60.

Incanario cuius Divinæ Personæ opus sit. II.
iii. 12.

Incremisci appellati omnes Gentiles I. 10. 5.
Incurrusio sacri Corporis S. Catharinæ Bon-
noniensis. III. viii. 1. &c.

Indefinitus loquendi modus pro defuncto us-
tatus in Scriptura . I. iv. 6.

Indulgentia concessa Ecclesiæ S. Srephani Bon-
noniæ . III. v. 3. concessa in Festo Transfi-
gurationis I. xv. 24. Indulgentiæ concessæ
Ordini Carmelitarum . II. vi. 4. Festivitatæ
Præsentationis B.M. Virginis . xiv. 8. ecclæ-
sticis Missam, & Officium Conceptionis.
xv. 8. 22.

Ineptia, quæ consignatur circa B. Virginem
statim ac mortuæ fuit . II. viii. 22.

Infans. Utrum dari possit Baptismus Infan-
tibus . I. x. 24. Infantibus baptizandis Sab-
batho Sancto caput abiecerat in Domini-
ca Palmarum . xv. 22. Infantibus post Ba-
ptismum præbebatur Confirmatio, & Eu-
charistia. viii. 59. &c.

Infirmus. Eucharistia in die Pasceves ad-
ministratur solis Infirmis . vii. 256. oleum
Infirmorum . vi. 62.

S. Innocentius, & eorum cædes . I. ii. 35.
43. 46.

Innocentius I. Pont. & ejus doctrina explica-
ta . I. vii. 171.

Innocentius III. Pont. I. xi. 41. II. iv. 5.

Innocentius IV. Pont. II. ix. 20.

Innocentius X. Pont. II. x. 6.

Innocentius XII. Pont. II. xii. 15. xvi. 1.

Inscriptio rarissima Langobardorum tempore
I. vi. 54. Inscriptiones antiquæ unde ve-
nerit ad nos aliquando corruptæ. A. 777.

Interamna, seu Narniæ idem sunt . III. x.
19.

Intercessio Delparæ pro nobis quam efficax .
II. xii. 1. &c. Sanctotum intercessione apud
alios Sanctos non utimur, utimur tamen
apud B. Virgilem ipsi recitantes saluta-
tionem Angelicam, *ibid.*

Interdictum. Tempore Interdicti conferun-
tur Baptismus, & Confirmatio . I. vi. 63.

Interplan de *Ayala* Joannes. I. i. 14.

Interpretes xxi. Eorum versio mendosa est .
I. xvii. 42. &c.

Invento S. Crucis . I. xiv. 3. &c. S. Petronii.
III. x. 22. S. Vitalis, & Agricolæ . xix.
8. xxiii. 8. &c.

S. Joachim Pater B. Mariæ Virg. II. ix. 14.
ejus cultus . 17. &c.

S. Joacim Episcopus Bononiensis . III. viii.
8. 12. 1.

S. Joannes Baptista . I. xv. 19. ejus exultatio

in utero Matris . II. v. 6. &c. ejus nativ-

tas . 8. 22. & quomodo novecit Jesum.
Christum ante Baptismum . I. ii. 23. de il-
lius Baptismo quæstiones aliquot. 24. in
ejus honorem sacra *Edes* ibi ædificata, ubi
baptizavit Christum . 27. ejus non immor-
talis tantum, sed & natalis dies celebra-
tur . II. ix. 2.

S. Joannes Evangelista discipulus Ille, quem
diligebat Jesus. I. vi. 3. 14. 20. &c. vii. 13.
15. 101. x. 20. 18. &c. xv. 12. utrum fuerit
Sponsus Nuptiarum Canæ . xi. 31. quomo-
do tecubuit super pectus Jesu. vi. 29. utrum
adhuc vivas . x. 20. ejus Evangelii Caput
ult. non est additum, sed ipsius Apostoli.
xi. ejus verba Cap. 2. *Quid mihi, & tibi
est mulier*, explicatur contra Hæreticorum
calumnias. 11. 23. ejus locus Cap. 21. parti-
ter explicatur . i. x. 18. &c.

S. Joannes Chrysostomus, ejusque opinio non
probata . I. x. 44. 58.

S. Joannes a Capistrano . I. iii. 20.

Joannes XXII. Pont. I. xii. 10. ejus visiones .
II. vi. 4. &c. 9. accusatus a Bononiensi-
bus in Concilio Constantiensi. III. xx. 22.

Joannes Archiep. Nicænus, ejusque Epistola

I. xvii. 63. &c.

Joannes I. Bononiensis Ep. III. vii. 1.

Joannes VI. Bononiensis Ep. III. x. 3.

Joannes I. Ravenn. Archiep. appellatus An-
geloptes. III. iii. 17. xx. 16.

Joannes II. Ravenn. Archiep. III. iii. 23.
12. 4.

Joannes III. Ravenn. Archiep. III. iii. 15.

Joannes Episc. Castoriensis citatus . II. vi.

6. &c.

Joannes Abbas Cœnobii S. Proculi Bononiæ .

III. x. 22.

Joannes Diaconus citatus . I. viii. 72.

Joannes Gerson citatus . II. ix. 2. &c.

Joannes, seu *Joanninus* Imperator . III.

xxv. 2. quis fuerit . 3.

Joannes Marcus, de quo sit mentio in Scri-
ptura . I. vi. 3. 4.

Joannes de Monsefano tristi eventum co ntra-
riam Immaculatæ Conceptionis sententiam
sustinuit . II. xv. 6.

Joannes Patritius Romanus . II. viii. 6.
&c.

Joannes Philoponus . I. vi. 70.

Joannes Verus . II. xv. 9.

Joel, ejusque Oraculum . I. xi. 6.

S. Joseph Mariæ Sponsus per rectam lineam
Davide Rege prognatus erat . I. xvii. 12.
antequam nuberet B. Mariæ Virgini votum,
virginitatis ediderat . II. 1. 11. quando ac-
ceperit Mariam in uxorem . iii. 4. &c. se-
nex non erat quando accepit . i. 13. verifi-
catis est fuisse comitem ituleris a B. Virgine
suscepti ad visitandam Elisabeth . v. 4. n-

- erum pedibus Bethlehem venerit. I. xvii. 14. num tempore mortis Christi jam e visis excessisset. vii. 108. ejus cultus quam gratus B. Mariae Virginali. II. 4. 14.
- Joseph ab Arimathea*. I. vi. 4. vii. 130. quis fuerit. 131. ejuslunt. 132.
- Josephus* Historicus, ejusque Testimonium de Christo Iesu. I. vii. 19. &c.
- Iracundia* in responso ad Marcellum objecta. Christo Domino ab hereticis. I. ii. 13.
- Irenaeus* Ep. Lugdunensis. I. ix. 7.
- Isaac* rypus Christi. I. vii. 61.
- S. Isidorus* Hispal. citatus. I. iv. 17. xi. 10.
- Isri* Ravum Petronio Probo dedicant. III. xx. 6.
- Iter Sabbathi* apud Hebraeos. I. x. 43. itinera S. Petronii. III. xx. 10. &c.
- S. Juvenius* Ep. Bonon. III. vii. 8. xiv. 1.
- Judea* sola nomine Orbis universi saepe significabatur. I. xvii. 3.
- Judaei*, & eorum Baptismus. I. ii. 14. ac confessio peccatorum. 15. &c. quando nomen infantibus imponere ipsi consueverint. 112. 3. eorum primores viri non equi, sed aheni & nullis utebantur. iv. 15. quando ipsi adentum Ius gladii. vii. 39. &c. quid apud ipsos iudicium zeli. 41. eorum consuetudo liberandi reum die Paschae. 46. dira imprecatio qua se devotebant. 60. an Crucis supplicium apud ipsos usitatum. 79. eorum convicia in Christum Iesum. 91. quam perfidi. 94. quare petierint a Pilato, ut crucifixis crura suffingerentur. 115. cur pro illis etiam oret Ecclesia in die Parasceves. 141. eorum mos unguendi cadavera, & longa insistis contrin-gendi. 133. diem in quatuor partes dividebant, quorum singulae ternas horas continebant. 137. prandium faciebant meri-die. x. 30. maxima frequentia confluabant Hierosolymam die Pentecostes. 5. iusti sunt masculi non feminas praesentare in Templo. II. xiv. 5. eorum solennitas, qua hominem Crucis affixum cremabant 20.
- Judas Iscariotes*. I. vi. 51. quis, & unde esset. vii. 11. ejus proditio. vi. 27. 33. vii. 16. &c. qua die prodidit Christum. iv. 26. quo pretio. 32. an fuerit a Christo communicatus. vi. 41. &c. quo liquore intinctus fuerit panis illi a Christo porrectus. 43. ejus poenitentia, desperatio, & miseris-mus exitus. vii. 31. &c.
- Judas*, qui & *Cyriacus* coxvus S. Helenae. I. xiv. 6. 8. &c.
- Judicium zeli* quid fuerit apud Judaeos. I. vii. 41.
- S. Juliana* Bononiensis. III. v. 1. &c. A. 694. ejus parentes. A. 703. ejus filius. A. 695.
- &c. utrum vere fuerit Vidua. III. v. 3. &c. ejus pia quaedam opera. 11.
- S. Juliana* Virgo, & Martyr. III. v. 3. &c.
- S. Juliana* Florentina. III. v. 8. 15.
- S. Juliana* Romana. III. v. 12.
- S. Juliana a Monte Cornetense*. I. xii. 13. &c.
- Julianus*, ejusque audacia. II. v. 4.
- S. Julius* Pontifex. III. vi. 3. vii. 1.
- Leo Carnotensis* Episcopus. Vide *Leo*.
- Ius gladii* quando adentum Judaeis. I. vii. 39. Ius Metropolitanum vetus in Italia Mediolanensis, & Ravennatenus Ecclesiarum. III. iii. 7. &c. xx. 15. Ius Metropolitanum Mediolanensis Ecclesiarum in Bononiensem. xiv. 5. &c. Ius Metropolitanum Ravennae. xx. 16.
- Jurjurandum*, quo se adstringere debet quicumque ad Gradum promovendus est in Universitate Parisiensi. II. xv. 13. 18.
- Justificatio*. Scriptura saepe tribuit vim justificationis, aut salvandi diversis rebus, non quod solus justificare, aut salvare possint, sed quod illis ad eum finem conducant, si tamen cetera non desint. II. vi. 8.
- Justinus* Imperator. I. xvi. 68. III. xiii. 9.
- Juvenalis* Hierosolymorum Ep. II. viii. 7. 9.
- Juvenius* laudatus. I. ii. 12.
- Juvenius* Gaspar citatus. I. 1. 9.

K

- K** Alenda Januarii quibus superstitionibus celebrarentur. I. 1. 21.
- Kerulus* idem ac Cyrenius, Cyrenius, & Cyrenus dicitur Pizles. I. xii. 5.

L

- L** Ac cum melle mittebatur in Calicem die Sabbathi Sancti. I. vii. 60. benedicti tantum, & non infundi in Calicem iussit Concilium Africanum. 61.
- Lacryma* Christi Domini super Jerusalem, & Dissertatio circa illas. I. iv. 7. lacrymas fundere non opponitur constanti. II. iv. 5.
- Lacti* dicebantur *Misterti*. III. x. 18.
- Lambertinus* Prosper. Vide *Bernardus* XIV.
- Lombertus* Episcopus Bonon. III. x. 3. xxv. 3.
- Laveta* Christi Domini. I. vii. 58. ejus pars superior in Vaticana Basilica, culpis vero in Regio Parisiensi Sacello aservatur. 129.
- Lamy* Bernardus citatus. I. vi. 8. xvii. 10. &c.
- Longletus* Joseph Sueffionensis Episcopus laudatus. I. v. 5.
- Longobardi*. Horum monumenta in Regionibus Cispadanis rarissima. I. vi. 54.
- Lotris*. Quando primum Apostoli praesentiae

titur Christo cultum latere. I. x. 20. culus
latere debet Eucharistia. xiii. 8.
Latroes duo, Christi comites in supplicio
Crucis. I. vii. 64. 69. 74. 75. 95. &c. 124.
Cruci clavibus affixi. 87. 91. bonus latro.
89. 99.
Latus dextrumne, an sinistrum Christo con-
fessum. I. vii. 127. num sanguis, & vera
aqua ex eo manant. 128.
Laudensis Ecclesia. I. vi. 68. ejus consue-
tudo servata in Caris Domini. 47.
Lauojus Joannes citatus. II. vii. 5. confuta-
tus. viii. 23. xv. 22.
Laurentiana Domus. II. xvi. 1. &c. Auditoris
sententia circa illam. 4. uode nomen Lau-
rentianæ acceptum. 6.
Laureacum, seu Lorech Vicus ad Danubium
situm. III. xxvi. 7.
Laurentius Elias S. Julianæ. A. 691. &c.
Lecliones Officii S. Basilii Bonon. Ep. III. vii.
8. S. Bononil Ab. vii. 4. S. Fellici Ep. Bon.
xxv. 10. S. Floriani M. Bonon. xxvi. 3. 13.
A. 720. difficultates variz circa ea, quæ ibi
narrantur. III. xxvi. 4. Lecliones S. Floria-
ni M. Laurentii, ex Archiep. Vicentiz.
A. 721. S. Guarini. A. 691. III. iv. 7. SS. Her-
metis, Appzi, & Caji Mart. 1. 10. S. Ju-
lianæ. v. 7. 12. A. 694. 703. ejusdem Oda-
væ. A. 701. B. Nicolai Albergati. III. xii.
14. S. Parisii. xiv. 7. &c. A. 712. S. Proculi
Mart. III. x. 27. xiii. 12. 26. SS. Proculi Ep.
& Mart. & Proculi Militis Mart. A. 704.
711. S. Tertulliani Episc. Bonon. III. ix. 6.
S. Theodori Ep. Bonon. x. 24. S. Vitalis
& Agricolæ Mart. A. 714. 2. Zamæ Ep. Bon.
iii. 26.
S. Leo Pontifex citatus. J. xl. 25. III. xx.
14. 16.
Leo IV. Pontifex. II. viii. 27.
S. Leo FK. Pontifex. I. vi. 38.
Lex duplex in V. T. pro muliere, quæ pepe-
risset masculum. II. 11. 1. his legibus non
adstringebatur B. Virgo. 1. eas tamen ad-
implevit. 4. lex Circumcisionis promul-
gata per Moysen. I. 1. 2.
Leonoræ Familia Bonon. III. v. 22.
Liber Dialogorum utrum sit opus S. Gregorii
Magni, an Gregorii Secundi. III. x. 5.
Libri de Divinis Officiis, qui Alcuino tri-
buntur, citatus. I. iv. 21. Liber de Infan-
tia Salvatoris apocryphus. II. 23. Liber de
Ordinatione Episcopii utrum Auctorem ha-
beat S. Petronium. III. xx. 8. Libri apocry-
phi de B. Virgine. II. ix. 12.
Liberius Pontifex. II. vii. 6. &c. Liberil Ba-
silica. 1. &c.
Lignum viride, & aridum quid apud Hebræos
proverbialiter significet. I. vii. 63.
Limbus S. Patrum, seu Sinus Abrahæ. I.
Tom. X.

viii. 10. &c. Limbus Paucorum. 12.
Lingua. Linguarum Donum. I. xi. 6. &c.
quid fuerit. 12. lingua ignea, quæ seden-
tum super Apostolos. 13.
Linteum, quo guttas sudoris sanguinei ab-
sterfit Christus, abstersevit. I. vii. 9. lin-
tei miraculose pars, quo usus est Christus
ad abstergendos pedes Discipulorum, ser-
vatur in Monasterio Cassinensi, vi. 32.
Liquescens sanguinis S. Januarii quando
cœperit. III. viii. 6.
Litterati dicebantur Clerici. III. x. 11.
Loedense Cœnobium. III. xvii. 1.
Locus, ubi erant Apostoli, quando descendit
Spiritus Sanctus. I. xi. 16. 18. &c. Tem-
plum ibi extructum a D. Helena, & Regi-
na Siciliæ. 20.
Lojola. Vide S. Ignatius Lojola.
S. Longinus Mart. I. vii. 127. non eisdem ad
Centurio ille, qui Christum confectus est
in Calvario. 115.
Lotio apud Veteres usitata, antequam mensam
accumberent. I. vi. 30. &c.
S. Luca Evang. locus explicatus. II. 11. 2.
Lucius II. Pont. III. iv. 6. x. 3.
Lugdunensi Ecclesia. II. xv. 3.
Lumen. Usus luminum in Ecclesia quæ in-
stituta. I. v. 7. Lumen, quæ in Marti-
ris tridui Hebdomadæ Sanctæ extinguitur,
1ur, atque hujus cæremoniæ Mysterium.
3. &c.
Luparius P. Doctus Polliconus. III. xxv. 2.
Lupercalis ludii sublati. II. 11. 10.
Lutberand, & eorum prava interpretatio
circa illa verba Consummatum est. I. vii. 12.

M

Mabilenus citatus. I. vii. 155. II. xii.
6. &c.
Macerius Episc. Hierosolymitanus. I. xiv. 4.
&c.
Macellum Liviz. II. vii. 14.
Macchavelius Alexander Auditor Libri cujus-
dam, qui Ferrariz prodit anno 1735.
III. xx. 19. notatur. xii. 9. refellitur.
xvi. 5.
Massippi Scipio citatus. I. xvii. 38.
Magdalena. Vide S. Maria Magdalena.
Magi, qui Christum infantem adorant in
Bethlehem veniunt. I. 11. 5. tres fuisse, re-
cepta sententia est. 7. quæ eorum nomi-
na. 8. quæ conditio, & utrum Reges fue-
rint. 9. &c. ubi Christum repererint. 17.
Divinitatem Christi habuerunt cognitam.
20. &c. quo die Bethlehemum venerint.
37. &c. 20. tredecim post dies a Nativitate
Christi. 38. unde profecti. ibid. & 41.
&c.

GGGGG

Magel-

Magnificat vindicatum ab Hæreticorum calumniis. I. v. 7.

Malechus, cui fuit amputata auricula, utrum ille sit, qui Chæsto alapam impiegit. I. vii. 12.

Maldonatus citatur. I. ii. 19. &c. ejus sententia quædam non probatur. viii. 43. contrariam Immaculatæ Conceptioni opinionem habebat. II. xv. 13. 15.

Malonius Daniel citatur. II. ii. 1.

Manerbius Nicolaus. III. xiv. 4.

Marfus Jo. Dominicus. II. xvi. 11.

Martine asseruntur aliquæ Gutte Sanguinis Christi. I. viii. 37.

Marangonius Joannes laudatus. A. 760. &c.

Marcellus Imp. II. viii. 7.

Marion, & quidam Græci tentes consecrationem in fermentato putant Christum vulgarem passisse Cœnam, in qua Pascha novum instituit. I. vi. 7.

S. Marcus Mart. 4. Januat. III. 12. 8. 9.

Marcus Joannes. I. vi. 34.

Maria Virgo per testam lineam Davide ptegnata erat. I. xvii. 12. Mariæ Virginis Immaculatam Conceptionem non satis significaret, qui eam diceret Sanctificatam in utero. II. xv. 2. Mariæ V. ubinam nata sit. ix. 11. Mariæ Natale dicebatur olim Octava Domini. I. 1. 2. Mariæ non emortualis tantum, sed etiam natalis dies celebratur. II. ix. 12. Mariæ nomen quanta in veneratione semper fuerit. x. 1. an revelatum fuerit a Deo. 2. nulli neque regia stirpe semine prognae olim licebat nomen hoc imponere. 3. an conferat ad salutem æternam ex opere operato. 4. Mariæ V. utrum titlenonis fuerit præsentata in Templo. xiv. 3. nulla jubente lege fuit præsentata. 5. &c. fuit vere Matrimonio juncta cum S. Joseph. I. 6. &c. quare. 4. &c. Virginitatis votum emisit. 7. &c. qui ergo potuit nubere? 12. quoto ætatis anno nupsit. 13. quando fuit ab Angelo saluta, utrum esset sponsa tantum, an etiam matrimonio conjuncta. 14. 3. &c. ejus perturbatio in salutatione Angeli unde orta. 8. ejus responsio. 9. perfecte credidit Angelo nuntiati. v. 2. &c. quoto ætatis suæ anno conceperit Christum Jesum. 11. 14. in sensu propin est mater, & mater Dei. 11. utrum pedibus Bethlehæm venerit. I. xvii. 14. utrum edicto censuali cogere tur eo se conferre. 18. &c. non obstringebatur his legibus, quæ in V. T. mulieri post partum conlliciebantur. I. 11. 2. Mariæ V. adfuit Crucifixioni Jesu Christi. iv. 2. utrum mortuus sit Martyrium passa. 3. 8. an in æream corruerit. 5. &c. cur 7. gladiis transfixa deplingatur. 9. utrum fuerit ullo spatio correpta. 7. utrum venerit ad se-

pulchrum Christi cum reliquis mulieribus. I. viii. 31. utrum fuerit præfens Alceonius Christi. x. 46. utrum ipsi apparuerit Christi in die Resurrectionis. viii. 44. utrum mortua sit. II. viii. 1. &c. quoto ætatis anno obierit. 6. ubi mortua sit. 7. &c. ejus sepulchrum an Constantinopolim translatum. *Ibid.* in Cælum assumpta est anima simul & corpore. I. 2. 52. II. viii. 32. &c. singulares ejus virtutes, & Privilegia. 14. xii. 1. &c. incertum quo die revixerit. viii. 25. ejus fides de Christi Divinitate. I. xvii. 52. ejus humilitas. I. 12. 3. 11. 11. ejus constantia. iv. 7. 13. Mariæ Virgo Intercedit pro nobis, orat pro nobis, mediatrix est pro nobis. xiii. 1. Mariæ V. symbolice significatur per candelam illam, quæ in Matutinis Hebdomadæ Sanctæ servatur accensa. I. v. 8. &c. Mariæ V. an habeat Imperium in animas Purgatorii. II. vi. 7. cuius semper exhibitus Desparæ ab Ecclesiæ primordialis sæculo. 2. audiens est. xvii. 1. &c. modus rite precandi Desparam. xiii. 3. in honorem Desparæ olim eret tantum, & deinde quatuor solemnitates reperuntur institutæ. II. 1. 1. utrum Mariæ V. adhuc viventi dicata ædificia in Monte Carmelo. vi. 1. &c. *Vide* Annuntiatio, Assumptio, Conceptio, Desponsatio, Dolores, Expellat, Nativitas, Patrocinium, Præsentatio, Purificatio, Refectum, Translatio, Visitatio.

S. Maria ad Martyres. II. xxi. 3.

S. Maria de Mercede. II. xi. 1.

S. Maria de Monte Carmelo. II. vi. 1. &c.

S. Maria ad Nives. II. vii. 1. 5. dicunt etiam S. Maria ad Præsepe. 3. & S. Maria Majne. 4.

S. Maria in Sabbatho. II. xviii. 2. &c.

S. Maria de Victoria. II. xii. 12.

S. Maria Cleopha. I. vii. 108.

S. Maria Magdalena. I. viii. 32. 34. xviii. 2. crucifixioni adfuit. vii. 101. in ejus membra lavabantur olim pedes uli egeno, præter duodecim, in f. 5. in Cœna Domini. vi. 54. 57. in ejus memoriam, quæ liba unguenti accepta Christi pedes onxit, largior elemosyna distibuebatur olim R. Pontificibus in Sabbatho ante Dominicam Palmarum. iv. 24.

S. Maria Magdalena de Pazzi, ejusque Revelatio. I. vii. 54.

Maria Mater Jacobi minoris. I. vi. 4.

Maria Mater Joannis cognomento Marci. I. xi. 17.

Marinianus Episc. Ravenn. III. iii. 15.

Marinus Prætorii Præfectus utrum occisus S. Proculi. III. xiii. 7. &c.

Maritus S. Julianæ. A. 701.

Mar

Marfilus Felix Antonius Bononiens. Atchid-
deinde Episc. Petrus. CIATVS. III. IX. 5. & 13.
16. & 17.

Martene, ejusque emendatio quxdam rejci-
tur. I. 4. 3.

Martinus Abbas S. Stephani Bonon. A. 696.

Martorellus Episc. Montisfeltri. II. XVI. 1.
3. 12.

Martyrium S. Proculi defenditur. III. XIII.
16.

Martyrologium. Nomen Beati præsertim cul-
tus immemorabilis raro describitur in Mar-
tyrologio. III. XII. 12. Martyrologii nova
editio. 1. Martyrologium S. Hieronymi
laudatum. A. 763. Martyrologium Parisi-
ense, & historia de illo excubendo. II.
VIII. 11.

Mater in sensu proprio, & quidam Mater
Dei est Beata Virgo. II. III. 11. Mater S. Jo-
annis Lojole illum in stabulo parere vo-
luit, & quare. I. XVII. 33. Mater filium in
obediente Hierosolymitan occidit, ut ejus
carnibus famem depelleret. IV. 9.

Martijale quo anno obit. I. XVII. 41.
6.

Matrimonium inter B. V. Mariam, & S. Jo-
seph fuit verum matrimonium. II. 12. 6. &
ejus natus. 6. quomodo ex parte Virginis
pocuit contrahi. 12. quoto ætatis Deiparæ
anno contractum. 13. an quando Deipara
fuit ab Angelo salutata esset contractum.
11. 3. 6.

S. Matthæ Evang. locus Cap. 17. vers. 9. ex-
plicatur. I. VII. 31.

S. Matthias Apostolus. I. 2. 47. XI. 1. & c.

Matutinum Epiphaniæ Invitatorio caret, &
quare. I. II. 51. Matutina Tenebrarum. V.
1. & c.

Mandaficus, ejusque cetera Hebræorum Pa-
scha opinio. I. VI. 15. 25.

S. Maurilius Andegavensis Ep. II. 12. 5.

Maurini citati in editione S. Ambrosii. III.
XIX. 4. & XXI. 3.

Mauritius Imperator. II. VII. 19.

Maximianus Imper. ejusque persecutio. III.
3. 4. & c.

Maximianus alter Tyrannus. III. XXIII. 8.

Maximianus Alexius Symmachus laudatus.
A. 779.

Melodotensis Ecclesiæ mos in die Epiphaniæ.
I. II. 3.

Melodotus Joannes Henricus, ejusque er-
ror, unde ridicule illius remansit. III.
XX. 8.

Melchior Canis. Vide *Canis*.

Mense accumbendi modus apud Veteres. I.
VI. 19. 6. Pedum losio ante mensam. 31.

Metrus laudatus. III. XII. 7.

Missa soli, & nulli præter illum competit

tenus Zachariæ citatus a D. Matthæo. I.
14. 15.

S. Methodius, ejusque Homilia de Purifica-
tione Beate Mariæ Virginis utrum sit ge-
nuina. II. 11. 13.

Metropolitani 791. Vide 791.

Michæas Propheta conciliatur cum D. Mat-
thæo. I. XVII. 15. & c.

Michael Cerularius. I. VI. 38.

Miles, qui lancea Christum transiit, I. VII.
127. miles sepulchro Christi appositus. I.
VIII. 30. 33.

Miraculum. Donum miraculorum. I. XI. 6.

miracula quxdam sunt talia propter cir-
cumstantias. VII. 121. miracula, quæ in

Christi nativitate dicuntur contigisse.

XVI. 53. 6. miraculum multiplicationis

panum colebatur olim in die Epiphaniæ.

II. 3. miracula quibus illustratur hoc Fe-
stum. 48. miracula terna, quæ recoluntur

in die Epiphaniæ an contigerint eodem die.

31. miraculum in Nuptiis Canæ paratum

a Christo. 23. miraculum duplex in Trans-
figuratione. XV. 6. miraculum restituit

Malcho auriculæ. VII. 19. miraculum de

illo, qui alapam Christo impexit. 22. mi-
raculum quotannis renovatum Hierosoly-
mis Sabbato Sancto, & in Ecclesiâ S. Se-
pulchri, ut igne Cælo delapsis luminaria

accenderentur. VIII. 177. miraculum de ve-
stigiis Christi in Monte Oliveti. 2. 13. mi-
raculum in die Ascensionis post Missam in

Ecclesiâ Montis Oliveti quotannis fieri so-
litum. 54. miraculum Volsinense circa

Eucharistiæ Sacramentum. XII. 6. 9. mi-
raculum S. Crucis Constantino objectum. XIV.

1. 6. miraculum delapsæ nivis in edifica-
tione Basilicæ S. Mariæ Majoris. II. VI. 6.

6. 14. 6. aliud miraculum terræ debili-
sentis in eadem edificatione. 7. 6. mi-
raculum permanens in sanguine S. Janua-
rii. III. VIII. 3. 6. miracula S. Petronii.

XX. 12. miracula in Translatione S. Ger-
vasii & Protasii. XXII. 4. & ad invocatio-
nem S. Vitalis & Agricolæ. 12.

S. Miracles Episc. Mediolan. III. XVII. 4.

Missa. Apostoli quando Missam primam ce-
lebraverint. I. XI. 41. in Missa, & Officio

de Circumcisione plura contingunt, quæ

spectant ad B. V. & quare. 1. 25. Missæ dum

celebrabantur olim in die Circumcisionis,

altera de Christi Circumcisione, altera de

B. Virgine. *Ibid.* Missæ tres cur celebren-
tur in die Natalis Domini. XVII. 57. 6. & c.

61. 6. & cur aliz plures Missæ alijs die-
bus. 59. 6. Missæ tres celebrandi mos

Fer. 5. in Cena Domini. VI. 67. Missa Fer. 6.

in Parasceve. VII. 143. non appellanda est

Missâ sicca, sed Missâ Praefatificationum.

G E E E E 2 148.

148. cur celebraretur hac Feria sexta. 149.
Missi Sabbathi Sancti olim celebrabatur in
Noë. viii. 2. hujus Missæ ceremoniæ.
61. Missa ad prohibendum ab Idolis. 1.
21. Missa Catechumenorum. vi. 68.
Modestia quæ necessaria est quando loquimur
de rebus ad B.V. spectantibus. II. iii. 19.
Modus rite precandi B. Virginem. II. xiii. 3.
Mors Christi in horto. I. vii. 4.
M-rachi olim Bispro Diocesano ubique
erant subiecti. III. x. 6. &c. olim pariter
erant Laici. 7. rectorum separatim habere
quando ceperint. 8.
Monasterium. Nomen Monasterii pro Eccle-
sia frequens apud Veteres. III. xxv. 2. Mo-
nasteria olim addebantur Episcopis. aut
Canonicis Cathedralium, ne hodie sit de
Monasteriis commendatis. x. 10. &c. Mo-
nasteria Bononiæ a S. Eusebio edificata.
xix. 8. Monasterium S. Bibianæ Romæ.
xii. 2.
Monogramma Christi. A. 757.
Mons, in quo Christus transfiguratus est. I.
xv. 10.
Monumenta Translationis Capitis S. Petro-
nii. A. 721.
Monumentum. Monumenta aperta in Christi
morte. I. viii. 38. &c. utrum in Judæa tan-
tum, an etiam alibi aperta sunt monumen-
ta, Christo moriente. vii. 21. cur Ange-
lus aperuerit monumentum Christi jam re-
divivi. viii. 33.
Moretus Petrus citatus. A. 759.
Mors Christi quo auro, die, & hora conti-
gerit. I. vii. 137. mors Beatæ Mariæ ap-
pellatur Festum Assumptionis. II. viii. 29.
32.
Mortariensis, seu de Mortaria cur appelletur
Congregatio Canonicorum Regularium sic dicta. III. iv. 20.
Morsini, qui resurrexerunt in morte Christi,
utrum cum ipso in Cælum ascenderint ani-
ma, & corpore. II. viii. 20.
Moyse cur testis adhibitus in Transfiguratione.
I. xv. 4. an esset tunc proprio prædictus
corpore. 5. per Moysen promulgata lex
Circumcisionis. i. 3.
Mulleres quæ venerunt ad Sepulchrum Chri-
sti quænam fuerint. I. xiii. 31.
Multitudo militum caelestium, quomodo hæc
verba int'ligenda. I. xvii. 48.
Mulus. Mulus, & Asinus utebatur primo-
res Judæorum. I. iv. 15.
Mitra, quæ Magi detulerunt Christo, fue-
runt Symbolica. I. ii. 21. &c.
Muratorius Ludovicus citatus. II. xvi. 121.
III. iiii. 9.
Mysteria divina celebrandi in locis subterra-
neis antiqua, consuetudo. III. vi. 52.

N *Amatus* Claromontanus seu Arver-
norum Episcopus. III. ix. 2. &c.
xxii. 11.
Narnia, & Interamna idem sunt. III. x.
19.
Natale Domini I. xvi. 1. &c. *Natale S. Mariæ*
lesio perperam correctæ a Martene. I.
24. natalis dies Sanctorum dicitur is, in quo
mortem obierunt. II. ix. 1. quorum nata-
lis dies ab Ecclesia celebratur. 2.
Natalis Alexander citatus. II. xv. 25. lauda-
tus. xvi. 6.
Nathanael an sit idem ac Bartholomæus. I.
x. 9. an Sponsus in Nuptiis Canæ. ii. 11.
Nativitas Christi in Orientali Ecclesia simul
cum Epiphania celebrabatur. I. ii. 50.
quem locum teneat inter Ecclesiæ Festivi-
tates. 57. quænam ejus peculiaris privi-
legia. *ibid.* ritus celebrandi in ea tres Mis-
sas quis Auctor. 58. qua carione colatur.
25. Decembris. 66. &c. ejus Octava. 20.
29. &c. Nativitas B. Mariæ Virg. II. ix.
2. &c. 137. &c.
Napulium, & Victoria navalis illic a Chri-
stiana reportata. II. xvi. 11.
Nazaræus cuius appellatur Christus. I. xvii.
28.
SS. Nazarius, & Celsus Martyres. III.
xxiii. 5.
Nerius Cord. Cossini donn dat SS. D.N. Be-
nignus XIV. Caput S. Petronii. A. 730.
Nicéphorus vel refutatus, vel explicatus. I.
xvii. 68.
Nicetas Pædicatorum refellitur. I. vii. 149.
Nicodemus. I. vi. 4. simul cum Josepho ab
Arimathæa operam dat sepulchræ Chri-
sti. vii. 230. quis fuerit. 131. ejus laus.
122.
S. Nicolaus Albergatus. II. xv. 7. III. xv. 5.
xii. 1. &c. ipsius culti desinuntur aliqui
limites, ne Canonizatus existimetur. 13.
S. Nicolaus Popoli. III. xiii. 25.
Nicolaus I. Pont. citatus. II. viii. 26.
Nicolaus II. Pontifex. III. xxv. 8.
Nicolaus IV. Pont. citatus. II. vii. 14.
Nicolaus de Villa Gagnonis. I. vi. 7.
Nix miraculose desapa in edificatione Ba-
licæ Liberiæ. II. vii. 6. &c.
de Nogarolis Leonardus. II. xv. 22.
Nomen quandonam insautibus imponi con-
sueverit. I. iii. 2. &c. non proprio, sed
patis nomine mos erat Judæis suum
dicare. x. 9. Nomen Jesu. iii. 1. &c. plus
res appellati hoc nomine in Lege. vereri.
51. via. & potestas hujus nominis. 6. ejus
Officium. 11. Nomen B. Mariæ Virginis.
II. x.

IT. x. 1. *¶* Nomen Beati præsertim cul-
tus immemorabilis raro describitur in Ma-
tyrologio. III. xii. 12. Nomen certum cur
Incensis Sanctorum Corporibus imponatur.
A. 755. Nomina Ss. Zachim & Annæ utrum
sint incerta. II. ix. 18. *¶* Nomina varia
Festi Concisionis. I. 1. 19.
Nesomium S. Job fundatum Bononiz. III.
1. 6.
Norker Monachus. *¶* Galli. I. x. 41.
Nov. Officia divina olim celebrata noctu,
nunc interdiciuntur. I. ii. 51.
Nubes. Deus sæpe se conspicuum exhibuit
in nube. I. xv. 18.
Nudus dicitur etiam qui sola sit interia In-
dutus. I. x. 11. Nuditas Christi. vii. 41.
88.
Numerus pluralis pro singulari ponitur juxta
Idiosmum Hebraicum. I. vii. 69. viii. 31.
numerus eorum, qui in Convicium con-
venierunt, quo Spiritus Sanctus delapsus est.
x. 11.
Nunius ab Heracio ob recuperatam Cru-
cem percussus. I. xvi. 72. 73. &c.
Nuptie in Cana Galilee celebrata, & xxi.
ria circa eandem quæstæ. I. iii. 31.

Q

Q. S. Maria de O vocatur solemnitas Expe-
ctationis. II. xvii. 2.
Qblatio Christi ad Templum, appellatur Pu-
rificationis Festum. II. 10. 7.
Qhservæ nulla adhibita in partu B. M. Virgi-
nis. I. xvi. 25. &c.
Qhservatio Nativitatis Domini. I. i. 19. *¶* Na-
tivitatis B. M. Virginis quando instituta.
II. ix. 10. Assumptionis cur a Leone IV. in-
stituta. viii. 27. S. Julianæ Bonon. A. 701.
Ss. Vitalis, & Agricole. A. 717.
S. Odilo Abbas. I. i. xii. 3. *¶* *¶*
Odor sacri Corporis S. Catharinæ Bonon. III.
viii. 2. &c.
Offeritorium enomituratur in Missa Sabbathi
Sancti. I. viii. 67. &c.
Officium, & Missa non nisi de Communi con-
cedi solet Beatis, & quidem post aliquod
a Beatificatione tempus. III. xii. 12. Offi-
cia noctu celebrata in die Epiphaniæ. I. ii.
51. Officia Tenebrarum. x. 1. *¶* *¶* in Of-
ficio, & Missa de Circumcisione plura ha-
bentur, quæ spectant ad B. Virginem, &
quare. i. 59. Officium Ss. Nominis Jesu.
III. 11. Officium Paschæ cur sit tam breve.
ix. 8. Officium Corporis Christi. xii. 11.
S. Crucis. xiv. 18. *¶* Transfigurationis.
xv. 23. *¶* Immaculatæ Concept. B. Ma-
rie Virginis. II. ix. 17. x. 1. *¶* In Offi-
cio & Missa Conceptionis nemo ut debet

aliquam Conceptionis nomine. i. 19. Offi-
cium Conceptionis mutatum a S. Pio V.
Pont. 22. Officium Ss. Nominis Mariæ. x.
6. Præsentationis. xiv. 7. Desponsationis
B. Mariæ quando, & a quo institutum. i. 49.
Officium Visitationis. v. 9. 11. Expecta-
tionis Partus. xvii. 1. *¶* Sæpem Dolori-
um. iv. 2. *¶* B. M. V. de Monte Carmelo
vi. 10. Ss. Rosarii. xii. 13. *¶* Patrocinii
B. Mariæ Virg. xiii. 1. Translationis S. Do-
mus Lauretanz. xvi. 2. S. Mariæ in Sab-
batho. xviii. 3. *¶* Officium parvum Bea-
tæ Mariæ Virg. i. *¶* an sit quotidie de-
cepto omnibus Ecclesiasticis. 4. *¶*
Officium S. Basilii Episc. Bonon. I. vii. 1.
S. Bononi Ab. xvii. 4. S. Catharinæ Bonon-
ensis. viii. 1. S. Dominici Conf. xvi. 1.
¶ S. Faustini Ep. Bon. vi. 3. 7. S. Fe-
licis Ep. Bonon. xxi. 1. S. Guarini. iv. 12.
S. Julianæ Vid. v. 1. 32. S. Nicolai Alber-
gati. xii. 2. 12. S. Parisi. xiv. 1. S. Pa-
terniani Ep. Bonon. xv. 1. S. Petri de At-
tues. xviii. 1. S. Petronii Ep. Bon. xx. 1.
S. Pii V. Pont. xii. 1. S. Tertulliani Ep. Bon.
ix. 1. S. Theodoti Ep. Bon. xxi. 1. Transla-
tionis Capituli S. Petronii. A. 741. III. xx.
24. Ss. Vitalis, & Agricole Mart. xxi. 23.
S. Zmæ Ep. Bon. iii. 16.
Oleum. Fons olei, qui in die Nativitatis
Christi Romæ erupit. I. xvii. 73. Oleum
Catechumenorum, & Infirmorum. vi. 62.
Oles sancta. 59. ea benedicendi mos Festi-
in Corna Domini quando introductus. 63.
quia ritus in eorum consecratione. 62. ea
consecratur a Card. Archiepiscopo in
Vaticana Basilica. 69.
Olivet Mons palmis, & olivis consecrissi-
mus. I. iv. 12.
Opus. Opera servilla non interdicebantur in
Festo Pentecostes per 50. dies productos.
I. xii. 34. Operum nostrorum satisfactio
non explenda. vii. 21. Opera, quæ
S. Petronio tanquam Auctori tribuuntur.
III. xx. 2.
Ora pro nobis non dicitur, quando Oratio
dirigitur ad Christum. I. iii. 19.
Oraculum Christi de Petri Martyrio. I. x. 17.
oracula Christi impleta in exilio Hiero-
solymitano. iv. 2. *¶* *¶* oraculum de ortu
Christi Betlehemico. xvi. 24. oracu-
lum Scripturæ impletum in morte Christi.
vii. 12. 16. oracula de Christi Resurre-
ctione ex Sacris Paginis. vii. 16. oracula
de Ascensione Christi. x. 37. oraculum.
Dilecti Filii Ss. de quo Prophecia
intelligi debeat. iv. 7. *¶* *¶* oraculum
Joelis. xi. 6. oraculum Isaac de Bove, &
Alino ad Domini Præsepe. xvii. 13. ora-
culum Zachariæ de vestigiis Domini in.

MONTE.

Petrus Vite utrum sit a S. Petronio conscriptus. III. xx. 8.

S. Paula. III. v. 4.

S. Paulinus Aquilejensis. III. xxiii. 9. 11.

S. Paulinus Episc. Nolæ. III. xxiii. 11. xxv. x. ejus testimonium de S. Proculo Mart.

xiii. 10. 9.

S. Paulinus D. Ambrosio a Secretis, qui ejus Vitam scripsit. III. xxiii. 4. citatur. 9.

xxv. 10.

S. Paulus Apost. Timotheum circumcidit, non Titum, & quare. I. l. 16. maledixit Ananiz. vit. 30. ejus testimonia de Christi Resurrectione. viii. 17. ejus locus. 1. ad Timoth. 2. explicatur. III. xiii. 14.

Paulus V. Pontifex. II. vi. 9. ejus Consilio in favorem Immaculatz Conceptionis. xv. 14.

P. Paulus Venetus. III. xvi. 1.

Pausanias B. M. V. appellatur Festum Assumptionis. II. viii. 19. 22.

Peccator. Oratio Peccatoris quomodo exaudiat. Deo. II. vi. 7.

Pectus origiale utrum deleteretur per Circumcisionem. I. l. 9. & utrum a B. Maria V. contrahit. Vide *Concepsio*. Peccatum Principis Judæorum, & populi, qui crucifixerunt Christum quam grave. vii. 91.

Pedes. Ablutio pedum, quæ fit *Fes. 5.* in Cæna Domini, & variz circa illam eruditiones. l. vi. 51. 14. errores Hæreticorum circa eadem. 52. & cur 13. pauperibus pedes abluantur eadem *Fes. 5.* variz sententiz. 17. & Pedum lotio ante mensam. 31.

S. Pelagius I. Pontifex. III. x. 1.

Pengius. Vide *Petrus Brantius*.

Pennos citatus. III. iv. 2. 4.

Pentecoste oon tam significat Festum ipsum, quam dies 50. inter Pascha & Pentecostem interj. dñ. l. xi. 31. & Festum ipsum Pentecostes proprie tale. 1. & Institutum ab Apostolis. 31. Pentecoste Hebræorum, quæ illa solemnitas, & quando celebraretur. 9. Pentecoste Christianorum, & ejus analogia cum Pentecoste Hebræorum. 10. pro aoon Christi emortuali altera statuitur Pentecoste Judæorum, altera Christianorum. 14. & c. 28.

Peperie filium suum Primogenitum, quo sensu intelligenda sint hæc verba. l. xvii. 23.

Peret, & *Proet* invicem commutati. A. 763.

Perse honorifice custodiunt S. Crucem. l. xvi. 2.

Perseus Diocletiani, & Maximiani. III. xxvi. 17.

Pervigillum. Quid olim essent Christianorum pervigilia. I. xvii. 19. Pervigillum Nativitatis Domini quam celebrissimum. 16. in Pervigilio Paschæ olim non recedebatur ab Ecclesia ante mediam noctem. viii. 1.

Petavius citatus. I. xvii. 9. II. xv. 2.

Petræ disruptæ in morte Christi. l. vii. 123.

S. Petrus Apostolus. I. x. 10. & c. 15. xi. 62. 8. xv. 12. cur contritus sit ad sinuam.

Christi interrogationem *Aui me?* x. 16. quod non permisit sibi pedes lavari nisi

Christi minis compulsus non significat ad iustionem pedum esse Sacramentum. vi. 11.

ejus lapsus excusatur a quibusdam. vi. 25. sed perperam, quia vete peccavit. 23. oon

samen a fide deliquit. 24. quæstiones variz circa hunc lapsum. 17. & c. S. Petri locus Epist. 1. Cap. 3. explicatus. viii. 5. alter locus Epist. 2. Cap. 1. explicatus. xv. 17.

& c. ejusdem verba lo Transfiguratione expendantur. 16.

S. Petrus Mart. 4. Jacuarj. III. l. 8. 9.

B. Petrus de Arbues. III. xviii. 1. & c.

S. Petrus Chrysologus Primus Archiep. Ravenn. III. iii. 17.

S. Petrus Damiani. II. xviii. 1. citatus. 2. 12. 9. ejus locus a calumniis Hæreticorum vindicatur. xiii. 2.

S. Petrus Nolascus. II. xi. 1.

B. Petrus Thomas. III. ii. 3.

Petrus Amelius Senogallioensis Episc. I. xiv. 18.

Petrus Brantius Penalis Vicentinus. l. vii. 22.

Petrus Cellensis citatus. II. iii. 19.

Petrus Compostellanus Archiepiscopus. II. xiii. 30.

Petrus Eremita, nuntius sit Audis Rosati. II. xii. 7.

Petrus Fulio Archiepisc. Aciiochensis. l. vi. 65.

Petrus de Marca refellit. III. iii. 15.

Petrus de Natalibus. III. xx. 1. de ejus opere Judicium non admodum favorabile. II. vii. 13. & c.

Petrus Episc. Vercellensis. III. xvii. 10.

Petronax Abbas Cassioensis. III. x. 2.

S. Petronius Ep. Bonon. III. v. 123. 12. 3. 22. 1. & c. 22. 3. & c. 10. A. 715. utrum fuerit Præfectus Prætorii. III. xx. 7. utrum ipsi debeat Privilegium publici Gymnasii. 18. & c.

Petronius Arbitri per æquivocum cum S. Petronio confusus. III. xx. 2.

Pitronius Sexti. Probus Præfectus Prætorii utrum fuerit Pater S. Petronii. III. xx. 5.

Pezronius, 1. usque circa Pascha Christi Domini sententia. I. vi. 15. 17.

S. T. H.

S. Philippus Apostolus. I. x. 9.
Philippus III. & *Philippus* IV. Hispania-
 cum Reges, eorumque Legationes pro de-
 finienda Controversia Immaculatæ Con-
 ceptionis. II. xv. 15.
Philoponus Joannes. L. vi. 7.
Philosophus. An Christum descendens ad In-
 feros liberaverit aliquos ex veteribus Phi-
 losophis. I. vii. 13.
Phlegon citatus. L. vii. 117. 122.
Phocas Imperator. L. xvi. 127. II. vii. 12.
Phocas Patriarcha Constant. L. vi. 38.
Piccolominius Augustinus Patritius. I. vi.
 35.
Pilatos non esse representant Christi Cir-
 cumcisionem. L. i. 35. improbantur, qui-
 cunque Deiparam prope examinatam, ac
 mulcularum similem ante Crucem exhib-
 bent. II. iv. 3. cur pingant Deiparam sem-
 pretem gladiis transfixam. 9.
Pilatus quis, & unde esset. I. vii. 27. &c.
 ejus colloquium cum Judæis. 35. 36. ejus
 interrogationes variz ad Christum. 42.
 amandat Christum ad Herodem. 43. &c.
 somnium Uxoriz Pilati. 46. quinque co-
 natus est Christum morti eripere, nescio
 tamen scelere se obstrinxit, qui Jesum pas-
 sus est interfici. 48. & conscientia sibi re-
 clamante dimisit Barabbam, Jesum flagel-
 latum Judæis tradidit. 49. &c. utrum ipse
 per se ipsum flagellaverit Christum. 54. post
 anxietates varias damnat morte Christum.
 Jesum. 61. ob quæ reatum condemnaverit
 Christum Dominum. 80. cur certior fieri
 voluerit a Centurione de ejus morte. 130.
 ejus de Christi Resurrectione testimonium.
 viii. 19.
Pileolus ruber Cardinalibus Regularibus con-
 cessus. III. xii. 12.
Pileus Ducalis benedictus a Pontifice. L. xvii.
 61.
Pius II. Pont. II. v. 10. citatur. vii. 15. III.
 viii. 2.
S. Pius V. Pontifex. II. xii. 11. &c. xviii. 6.
 III. xi. 1. &c. ejus Constitutio circa Con-
 ceptionem B. Mariæ Virginis. II. xv. 13.
 62.
Plagium indignum in Audoeum citatione.
 A. 756.
Plato utrum salvus sit. L. vii. 13.
Plutarchus citatur. L. vii. 123.
Prælati eorumque reconciliatio Feti. 5. in
 Cena Domini. L. vi. 67. eorum vasla ge-
 ne. 1. 62.
Pœnitentia publica. L. vi. 67. 68.
Poggius Florentinus. II. xii. 5. 6.
Polemeus Silvius, seu P. Anneus Sylvius. L.
 ii. 2.
Pollis Alexander citatur. III. 1. 2.

Pollentius P. Donatus Luparius. III. xvi. 2.
Polonia. Nulla femina in Polonia nominæ
 Mariæ appellatur. II. x. 3.
S. Polycarpus Smyrnenfis Ep. I. ix. 1.
Polycrates Ephesus Ep. I. ix. 6.
Pontifex Romanus omnes cæremonias Feti. 5.
 in Cena Domini per se exquebatur. L. vi.
 69. quare in Missa solemni super Altare con-
 secret. & in solio Eucharistiam suscipiat.
 vii. 48. cur in Missa solemni Hostiam è sa-
 cramento, sanguinem vero è dextro latere ex-
 cipiat. vii. 127. in solemni Missa sanguinem
 per sinistram exorbet, & hujus cæremoniz
 mystica allusio. 110. &c. Metropolitæ mu-
 nus gerebat in tota Italia, & quomodo il-
 lud gradatim coarctaverit. III. iii. 18.
Pontificalis Liber, ejusque vasla lectio no-
 tatu digna. II. vii. 10.
Pontificatus Annæ, & Calphæ, & difficul-
 tas circa illum. I. vii. 34.
Porphyrus, ejusque nefaria audacia. II.
 v. 4.
Porta S. Isaac Bononiæ cur dicatur *Pia*. III.
 xi. 2.
Potius Christo in morte oblatu ejusmodi
 fuerit. L. vii. 77.
Præcepta legalia quando vi sua caruerint. L.
 i. 16.
Præsanctificatum. Missa Præsanctificatorum
 in quo differat a Missa sicca. L. vii. 148.
 quando celebretur. 149.
Præsentatio B. Mariæ Virg. II. xiv. 1. &c.
 quare non dicatur potius Purificatio S. An-
 næ. 5.
Præsepe Christi Domini. L. xvii. 14. &c. II.
 vii. 3. appendix erat Diversorum, adeoque
 Domini vocabulo appellatur. L. ii. 17. Præ-
 sepe conficiendi consuetudo quando uam-
 lucpta sit. xvii. 62.
Prætextati Cometerium. A. 756.
Prætorii Præfectus utrum fuerit S. Petronius.
 III. xx. 7.
Prædium fœbat meritis apud Judæos. L.
 xi. 30.
Preces appellantis etiam Benedictiones. L.
 vii. 48.
Presbyteri ejusdem Provinciæ post ordina-
 tionem per quadraginta dies Eucharistiam
 ab Episcopo acceptam sumebant, tamen
 ipsi quoque celebrabant. L. iv. 25. Presby-
 teri in Paschate etiam ipsi consecrabant, licet
 Eucharistiam a Pontifice missam accipe-
 rent, ut distribueretur. ibid.
Primores viri Judæorum assis, & multis ure-
 bantur, non equis. L. iv. 14.
Privilegium Sabbaticum. II. vi. 4. &c. Pri-
 vilegia a Pontificibus concessa Episcopo
 Bononiensi. III. x. 1. &c. Privilegium S. A-
 gapeti. L. & difficultates circa illud. 6. *Pri-
 vilegi*

vilegium Zacharie ad Petronscem. 3. Privilegium publici Gymnasil Bon. utrum debeat S. Petronio. xx. 18. &c. Privilegium Valentianani pro Ecclesia Ravennatensi apocryphum. III. 10. &c.

Processio Dominice Palmatum in memoriam triumphantis Christi ingressus in Hierusalem. I. iv. 16. &c. Processio **Ecc. 6.** in Parasceve. vii. 14. Processio, quæ fiebat olim qualibet sabbato in memoriam Ascensionis Domini. x. 19. Processio in Festo Corporis Christi. xii. 10. &c. Processionis, quæ fit in die Purificationis symbolica explicatio. II. 16. 9. alia explicatio. 10. Lupercalibus, aut Amburbalibus subrogata. 14. &c.

Processus a B. Nicolao Albergato confectus de S. Biblanc Monasterio supprimendo. III. xii. 2.

S. Proculus Bonon. Episcopus. III. x. 11. &c.

S. Proculus Episc. Interamn. III. x. 15. &c. **A. 707.** utrum fuerint duo Sancti Proculi Ep. Interamn. III. x. 19. &c.

S. Proculus Miles **Mart. Bon. III. 1. 11. 1. &c.** A. 704. utrum Caput suum abscidit manu propria detulerit. 7. &c. utrum Martyr fuisset, si veritas historiz S. Antonini subfuerit. 16. 21. &c. quomodo sit unus ex Patronis Civitatis Bononiæ. 16. utrum fuerint duo S. Proculi Mm. ejusdem nominis. 19. &c.

S. Proci Martyr. A. 761. &c. **Proci** nomen mutatum in **Perci** denominationem, & quomodo. 763. &c.

Prodigia utrum ante, an post Christi Baptismum contigerit. L. II. 19.

Prophetus Episcopus. III. ix. 4.

Propheta. Quem Prophetiam intelligas D. Matthæus referens oraculum, **Dicite Filie Sion** &c. I. iv. 7. &c.

Prophetia Christi de excidio Hierusalem an Impleta. L. iv. 8. an alix ejus Prophetiz in eodem excidio. 9. 10. Prophetia Hieremiz de pterio, quo Christus est venditus, quomodo intelligenda. vii. 13.

Propositi Joannis de Monifono ad versus Immaculatam Conceptionem ab Universitate Parisiensi confixa. II. xv. 6. Propositiones, quæ expriment Immaculatam Conceptionem B. Mariæ Virg. quæque adhiberi debent ad eam sententiam declarandam, cui favet Ecclesia. 2. Propositiones ante Ecclesiæ judicium non sunt censura ultæ, aut nota hæreses taxandæ. L. vi. 9. 40.

Prose quatuor, quæ recitantur in Missa, quem habent singulis auctorem. L. xii. 41.

Prosapia nobilis S. PII V. Pontificis. III. x. 4. &c.

Tom. X.

Proci mutatus ab amanuensis in **Peisum**. A. 764.

Psalmi 21. locus ab Hebræis corruptus. I. vii. 87.

Pseudocouncilum Ariminese. III. vii. 3. &c. **Pueri**. Utium Animæ puerorum in peccato originali separata a corpore fuerint liberata a Christo in die mortis suæ. L. viii. 12.

Pulcheria Imperatrix. II. viii. 7. &c.

Purgatorium. Utium Animæ Purgatorii liberata fuerint a Christo in die mortis suæ. I. viii. 12.

Purificatio B. Mariæ Virginis. L. ii. 47. II. 11. 1. &c. hæc Festivitas non debet dici Christi Purificatio. 8. Purificatio S. Anne. xiv. 5.

Q

Quadragesima vocatur Solemnitas Ascensionis. L. x. 58. In Quadragesima, & quavis alia Jejunii die abstinens prohibebantur. iv. 21.

Questio circa incorruptionem & odorem sacri Corporis S. Catharinæ Bonon. III. viii. 21. &c. questio incidens de rubro Pileolo Cardinalibus Regularibus concessio. xii. 13. quæstiones quædam minutæ de Christi conceptione declinandæ. II. iii. 19.

Quando, & **Quandiu** fuerit Episcopus Bononiæ S. Eusebius. III. xix. 2.

Quaresimus citatur. L. vii. 51. II. xvi. 13.

Quæstus confusus. L. xi. 16.

Quid mihi, & **tibi est mulier**? quomodo hæc verba explicanda contra Hæreticorum calumias. I. ix. 23.

Quintilius Varus. L. xvii. 6. &c.

Quiriacus, seu Cyriacus Ep. corvix S. Helconæ, & unus ex S. Patronis Anconæ. L. xiv. 6. & c.

Quirinus S. R. E. Card. Episc. Belizæ citatus. III. xii. 6. ad causam B. Nicolai Albergati promovendam stimulus adjicit. 8.

Quirinus Publ. Sulpicius idem cum Cyrino Syrix Præfide. L. xvii. 6.

R

Rabbi Constantinus Auctor Adnotationum Sigonii. II. x. 21.

Raspertus Monachus. III. xvii. 30.

S. Raymondus de Peñafort. II. xi. 11. utpote publicus Universitatis Bonon. Professor inter Bononiæ cives verè fuit cooptatus, & propterea ad Bononiensem Civitatem pertinet. II. xi. 11. ejus vita nuperime scripta. 2.

Raymundus Theophilus nunquam agnovit tanquam suum, opus quod inscribitur **Scapulare** H h h h

pulore Marladum. II. vii. 5. laudatur. xvi.

7. citatur. VIII. 4. x. 42.
Reges interficere. etiam Infideles sint, nunquam licet. III. xiii. 14a.

Regnum, de quo locutus est bonus Latro suis procul dubio Regnum caeleste. I. vii. 97.

Reliquiae Sanctorum etiam tenuerunt sunt venerande. A. 754. etiam si nomen Sancti a quo desunt sunt ignoretur. A. 755. quam validum praesidium sint Civitatibus in quibus asseruntur. A. 764. Reliquiae Ss. Mariyrum Hermetis, Aggxi, & Caji. III. 1. 3. 7. Ss. Vitalis, & Agricolae. v. 6. & Cx. 1. 1. & Cx. xiii. 11.

Repudi consuetudo apud Hebraeos non erat inter conjuges tantum, sed etiam inter sponfos. I. 111. 4.

Requiesce in pace in Veteribus Sepulchrorum Inscriptionibus quid significet. A. 758.

Respondere in Lingua Hebraica idem est ac dicere. I. xv. 16.

Resurrectio Christi Domini. I. viii. 14. & Cx. quibus Scripturae oraculis comprobata. 16. & Cx. quibus Testimoniis. 19. & Cx. Resurrectio Sanctorum in morte Christi. vii. 112. quinam fuerint qui cum Christo resurrexerunt. viii. 40. & Cx. ubi exegerint quadraginta illos dies post Resurrectionem, antequam cum Christo ascenderent in Caelum. x. 50.

Retrajer Philippus Julius. I. vi. 32.

Rent. Consuetudo liberandi unum reum in die Paschae. I. vii. 46. rei pulla veste indubantur. 44. Vestes reorum militibus supplicii munus obsecantibus addebantur. 90.

Rhenit habentur Reliquiae Ss. Mart. Vitalis, & Agricolae. III. xiii. 11.

Rhenana Congregatio Regularium sic appellata. III. iv. 3. utrum eadem ac Congregatio praesens Ss. Salvatoris. 5.

Ricardus Laurentius Maria. III. xv. 21.

Ritus, quos adhibet Ecclesia Fer. 5. in Coena Domini. I. vi. 47. Ritus ostendendae Crucis Eccl. 6. Paraf. unde originem traxerit. xiv. 16. Ritus Ambrosianus, ejusque initium. III. xxv. 4. ejus extensio ad Bononiensem Ecclesiam. 5. & Cx. ejusdem coarctatio ad solam Mediolanensem Ecclesiam. 8.

Riverus refellitur. II. xiii. 20.

a Rivarato. Vide *Angelus a Rivarato.*

Robertus Lendensis Episc. I. xiii. 3.

Robertus Francorum Rex. I. xi. 41.

Romani quoto a nativitate die nomen Infantibus impoerent. I. xii. 2. an Crucis supplicio intererent. vii. 79.

Rosarium B. Mariae Virginis, quid significet.

II. xii. 1. 2. qui de illo scriptus est, 2. cui Auctori tribui debeat. 1.

Rubens in sua Historia Ravennat. consultatus. III. iii. 15.

Ruffinus Presbyter Aquilejensis. III. xii. 8. consultatur. I. vii. 6.

Ruperrinus Constantinus. II. I. xii. 2. & Cx.

Rupertus Abbas citatus. I. viii. 45.

de Ruvere Franciscus Maria. III. xxvi. 8.

S

Sabbatum Privilegium. II. vi. 4. & Cx. Sabbathum B. Virginis cultui dicatum. II. xviii. 2. & Cx. olim tanquam festum celebratur. 2. cur olim Romae fideles Sabbatho jejunarent. 8. Sabbathum Sanctum, & quodnam mysterium hac die reclusit Ecclesia. I. viii. 2. quae olim disciplina pernotandi in Ecclesia. 3. num Missa nocte hac olim celebrata. *ibid.* quare ignis hac die benedicatur. 50. quare accendantur Candelae in Trianguli formam dispoant. vi. 6. quare benedicatur Cereus. 14. & Cx. de hujus diei Missa. & ritibus. 67. & Cx.

Sabbatum in Perisyllio Pentecostes quoniam olim ritu cultum. xi. 16. unde ejus jejunium. 37. 38. unde Fontis benedictio. 39.

Sacerdos. An summo Sacerdoti licuerit vestimenta scindere in signum doloris. I. vii. 30. Sacerdotes Fer. 5. in Coena Domini altubi celebrant Missas, nec ab ullo alio suscipiunt Eucharistiam. I. vii. 46.

Sacramentalis. I. vi. 62.

Sacramentum Corporis Christi. I. iv. 25. Sacramenta veteris Legis per se non conferbant gratiam justificationem. I. 4. 6. conferbant tamen ex opere operantis. 7. Sacramenta vero novae Legis conferunt ex opere operato. *ibid.* ablutio pedum Fer. 5. in Coena Domini non est Sacramentum. vi. 51.

Salmasius consultatus. I. xi. 72.

Solve Regina & Cx. quis hujus Cantici Auctor. II. xiii. 3.

Soluta. Res etiam iuvantur salutantur. I. vi. 66.

Solutio Angeli ad B. V. Inobisita fuit, & singularis. II. iii. 72. Salutatio Angelica, quare rectetur aliis Sanctis. xiii. 1. Salutatio Angelicae signum. xiii. 14.

Sauaria fuit imago Hierosolymae. I. vii. 63.

Sacerdoti Canonibus S. Helena. III. ix. 5.

Sanctificari non est idem ac *Consecrari*. I. vii. 54. Sanctificationem dicere B. Virginem in utero non exprimit ejus Immaculatam Conceptionem. II. xv. 2.

Sanctitas, & excellentia B. Mariae Virginis. II. xiii. 13. & Cx.

San-

Sanctuarium Templi. *L. vii. 159.*
Sanctum Sanctorum Templi. *L. vii. 159.*
Sanctus. Cultus, & titulus Sancti quibus de-
 beatur. *A. 764. 764.* tres sunt Sanctorum
 patris. III. xiv. 6. Sancti innominati, seu
 baptizati Reliqui equali cultu, ac ceteris
 Sanctorum Reliqui venerandæ sunt. *A.*
 777. Sanctorum apud alios Sanctos inter-
 cessione non utimur, ulimur tamen apud
 B. Virginem ipsi recitantes Salutationem
 Angelicam. II. xiii. *L.* Sanctorum corpora
 qui surrexerunt post Christi Resurrectio-
 nem. *L. viii. 38. &c.* an iterum obierint.
41. &c. x. 51. &c. ubi fuerint usque ad
 Ascensionem. 50.
Sanctus Deus, Sanctus Fortis &c. Vide *Tri-*
psalmum.
Sanguis. Sanguineus Christi sudor an verus
 fuerit. *L. vii. 2.* an triduo mortis Christi
 sanguis hypostaticè unitus fuerit Verbo
 Dei. *viii. 9.* guttæ aliquot sanguinis Chri-
 sti, quæ Manuæ aservantur, an integri-
 tati corporis repugnent. 17. Sanguis 3. Ja-
 nuarii. III. viii. 3. &c. vas cum sanguine
 inventum in sepulchris Christianorum est si-
 gnum certum Martyrii. *A. 762. &c.*
Satellites, qui Christum flagellaverunt ejus
 genitis fuerint. *I. vii. 57.*
Satisfactio operum nostrorum non explenden-
 da. *L. vii. 272.*
Sauvey refutatus. II. ix. 7.
Saxius Franciscus Hieronymus. II. xiv. 4.
 refutatur. *ix. 7.*
Scapulare Beatæ Mariæ Virginis. II. vi. 4.
 &c. 50.
Scarfella Flaminius. III. xii. 12.
Schmidt Joannes Andreas confutatus. *L. vii.*
134.
Scholares olim dicebantur etiam Magistri.
 III. xvi. 4.
Scriptura Sacra. Codices Scripturæ Sacræ
 Hebræas, & Vulgatam, non Versionem
 xxx. Interpretum sequitur Ecclesia Roma-
 na. *L. xvii. 42.* Scriptura Sacra quomodo
 intelligenda, & explicanda. *8. 18.* Scri-
 pturæ loquendi modus. *II. vi. 2.*
Scotus citatus. II. xv. 7.
Senatus Romani delibetati M. Cicerone, &
 Antonio Cosi. *I. ii. 41.*
S. Senna, seu *Senilis Mart. 4. Januati. III. 1. 8. 9.*
Sententia. Vultu de Natali Christi anno sen-
 tentiæ numerantur centum triginta duo. *I.*
xvii. 44. in sententiam immaculatæ Con-
 ceptionis tanquam firmissimis fultam
 rationibus propendit Apostolica Sedes, eam-
 que Fideles vulgo amplectuntur. II. xv. 2.
 4. 16.
Septuaginta Interpretum versio mendosa
 est. *I. xvii. 42. &c.*

Sepulchrum B. Mariæ Virg. ubi sit, & quomo-
 do dicatur translatus Constantinopolem.
 II. viii. 7. &c. Sepulchrum S. Basilii Episc.
 Bonon. III. vii. 2. S. Petronii Ep. Bon. xx.
 21. S. Theodori Ep. Bon. x. 24. S. Zamæ Ep.
 Bonon. iii. 27.
Sequentia: Victimæ Paschali &c. quæ Au-
 ctore composita. *L. ix. 9.*
S. Serenus Mart. 4. 1. 2. 2. 2.
S. Sergius Martyr. *A. 764.*
S. Sergius L. Pontifex. *L. xvi. 15. II. ii. 101.*
15. jussit dici in Missa *Agnus Dei &c.* *L.*
viii. 71.
Serry Hyacinthus Criticè intemperantius in-
 dulgens. II. ix. 18. refellitur. *L. vii. 71. 72.*
 13. &c. 10. citatur. *II. viii. 9.* ejus opinio
 rejecta. *L. xvii. 35.* ejus sententia de Incer-
 to Magorum numero refellitur. *II. 7.*
Servi. Servi per aliam libertate donaban-
 tur. *L. vii. 27.*
Sextus Aulicius Petronius Probus, idem ac
 Sextus Petronius Probus. III. xx. 7.
Si, & Sic particulæ quæ sensu accipiuntur.
L. x. 12. &c.
Sicut particula non semper veritatem negat,
 sed per sepe confirmat. *L. xii. 9.*
Sigillum Confessionis. *L. vi. 68.*
Signum Salutationis Angelicæ cur detur scri-
 bus diversis diei horis. *II. iii. 14.* signa,
 quæ in sepulchris defunctorum sanctitatem
 indicabant. *A. 776. 777.*
Sigonius Carolus laudatur. III. iii. 4. xxvi.
 1. citatur. *L. 7. 10. 3. &c.* x. 2. &c. xx.
 21. xxvi. 10. ejus locus examinatur. *vi. 2.*
 &c. vita S. Petronii quæ circumferebatur ejus
 nomine a Galesinio descripta est. *xx. 2.*
S. Sylvanus. Vide *S. Sylvanus.*
S. Sylvester Pontifex. III. vii. 1.
Silvius Pulemius, seu P. Anneus Sylvius. *I.*
ii. 2.
Simeon Propheta, qui puerum Jesum in ulnas
 accepit, an Sacerdos fuerit. *II. ii. 7. &c.*
 quomodo intelligenda ejus verba, *Es tuum*
ipsum animam pertransibit gladius. *iv. 2.*
 &c.
S. Simon Apost. Cananæus appellatus zelotes,
i. ii. 31.
Simon Cyrenæus, qui Crucem Jesu tulit. *II.*
iv. 6. quis fuerit. *L. vii. 62.*
Simon Stoklus, ejusque visiones. *II. vi. 4.*
 &c. 8.
S. Simplicianus Episcopus Bononiensis. III.
 xxv. 1.
Simplicius Pontifex. III. iii. 3. &c. ix. 4.
Sindon sacra, quæ Christi corpus involutum
 fuit. *L. vii. 114.*
Siroes Persarum Rex. *L. xvi. 5. &c.*
Sistit Jesu in Cruce pendens. *L. vii. 104.*
 &c.

H h h h h

Sinus

Sintus III. Pont. ejusque Basilica. II. vii.
2. 9.
Sintus IV. Pontifex. II. xv. 8. III. v. 2. 5.
ejus Bulla. xxvi. 52.
Sintus V. Pontifex. II. xiv. 8.
Sociniani hæretici. I. x. 40. eorum vana effu-
glia. 6.
Socrates utrum salvus sit. I. viii. 13.
Socrus S. Julianæ Bonon. A. 695. 703.
Sodalitas S. Ambrosii Bononiæ. III. xxv. 12.
Solemnitates, quæ per diem integrum cele-
brantur. II. ix. 9.
Sollerius Bollandianus laudatus. III. xxi. 5.
Somnium uxoris Pilati. I. vii. 46.
Somnus B. Mariz appellatur Festum Assum-
ptionis. II. viii. 19. 21.
Sorannus Nicolaus citatus. III. iii. 9.
Sors Apostolicus, quæ obigit Matthiæ, ita
volente Deo, trahi non debet in exem-
plum. I. xi. 2.
Sotus magni nominis Theologus, qui Con-
cilio Tridentino interfuit, citatur. II. xv.
12.
Sposus quid sit. II. iv. 7. Ecclesia S. Mariz
de Spasino. 6. & c.
Spinellus citatus. II. xii. 9. xviii. 2.
Spinosa, ejusque imple, & monstrosa do-
ctrina. I. viii. 20.
Spiritus Sanctus proprie non est Pater Chri-
sti secundum humanam naturam. II. iii. 11.
non fuit hypostaticè conjunctus cum co-
lumba. ii. 29. decuit, ut descenderet su-
per Christum baptizatum. 28. quomodo
delapsus sit super Apostolos, & qualia il-
lis dona indiderit. xi. 3. & c. quot numero
fuerint, quos die Pentecostes afflavit. ii.
quo loco. 16. & c. quo die. 21. & c. qua ho-
ra. 30.
Sponsa Christi Domini. I. vii. 58. Imposita
fuit hyssopo vallesi, qui ad duos pedes as-
surgit. 107.
Sponsus in Nuptiis in Cana Galilæe quis fue-
rit. I. ii. 32.
Stabat Mater & c. quis Auctor hujus Hymni.
II. iv. 5.
Stadium Hebraicum, & Græcum. I. x.
43.
Stella, quæ Magis apparuit, quid fuerit. I.
ii. 6. & c. non ante Magis illuxit, quam
Christus natus esset. 39. & c. Stella affixa
capiti S. Dominici. III. xvi. 6.
S. Stephens Bononiæ Inscriptio rarissima. I.
vi. 14.
Stephanus II. Pontifex. III. x. 8.
Stikus. Vide *Sinan*.
Sirenia Dea, ejusque Festum. I. i. 21. 22.
Streptus, qui fieri solet in fine Laudum tri-
duo Hebdomadæ Sanctæ quid significet. I.
v. 9.

Suætes Fraulicus laudatus. II. xiii. 1. cita-
tus. xv. 24. I. vii. 94.
Subdiaconus, Festum Subdiaconorum in Gal-
lia. I. i. 24.
Substrati quinam essent. I. vi. 68.
Sudarum Christi Jesu, seu Sanctæ Veroni-
cæ. I. vii. 64. 89.
Sudor Christi sanguineus fuit verus, & per-
peram hujus facti historia ab aliquibus ex-
puncta. I. vii. 9.
Superstitio, Quas superstitiones Kal. Januarii
Geotes celebrarent. I. i. 21.
de Supino. Vide *Angelus Cato*.
S. Sylogus Mart. Ep. Garz. III. xxvi. 9.
Sylogus. Vide *Plus* II. & *Silolus*.
Symbolum. Symbolicæ rationes in sacris Cæ-
temonibus vindicantur. I. v. 5. & c. Symboli-
ca explicatio cætemoniz, qua Rom. Pon-
tifex in Missa solemnè & sinistro latere Ho-
stiam excipit, sanguinem vero a dextro la-
tere. vii. 127. symbola non contineor
omnes Fidei articulos. viii. 7. symbolorum
exteriorum sola devotio nihil proficiet ad
salutem. II. vi. 7.
Synodus. Vide *Concilium*.

T

T *Abella* S. Bernardini Senensis, in qua
deplum Nomen Jesu. I. iii. 9. & c. 12.
bella, quæ olim appendebatur caeco Pa-
schali. viii. 57.
Taverna veritoria, locus Romæ, ubi nunc
Santa Maria Trans Tyberim. I. xvii.
53.
Taxula censuales, ubi Christi nomen relatum
fuerat. I. xvii. 45.
Tallus corporis gloriosi quomodo fieri possit.
I. x. 4.
Tedium Christi in horto. I. vii. 3.
Toncredus Bononiensis Archid. III. xvi. 2.
Torvisum utrum sit Patris S. Parisii. III. xv.
3. & c.
S. Telemachus. I. i. 22.
S. Telephorus Papa, ejusque Decretalis. I.
xvii. 58.
Templum subterraneum appellatum Tugo-
rium. III. xiii. 25. Templum Hierosoly-
mitanum in tres partes divisum duobus op-
panis vellis. I. vii. 119. Tempia idolorum
eventi prohibuit Honorius Imp. III. xxi. 20.
Templum Pacis. I. xvii. 53. *Templum*.
S. Mariz ad Martyres. III. xxi. 2. *Tem-
plum* a S. Faustino Bononiæ edificatum. vi.
5. *Templum* S. Petri Bononiæ. iii. 3.
ibi aliud dicatum fuit S. Nabori, & Felici.
21. *Templum* Ss. Petri, & Pauli Bononiæ
a S. Basilio edificatum. vii. 6. & a S. Am-
brobio consecratum. 7. *Templum* S. Petro-
ni

- nii Bononiæ. xx. 22. Templum Ss. Vitalis, & Agricolæ Bononiæ. v. 11.
- Tempus**, quo natus est Christus. I. xviii. 39. quo contigit Christi Transfiguratio. xv. 7. Tempus Inventionis S. Crucis. xiv. 6. &c. & Institutionis Festi. 14. Tempus Martirii Ss. Hermetis, Aggæ, & Caji. III. 1. 4. Tempus Ordinationis, & meritis S. Zamæ. III. 19. Tempus, quo vixit S. Tertullianus Ep. Bonon. ix. 5. &c. & S. Theodorus Ep. Bon. x. 1.
- Tencararia** Familia nobilis Bononiensis. III. xiii. 4.
- Tenebræ** toto tertatm orbe in morte Christi obortæ. I. vii. 117. Marcina tenebrarum. v. 1. &c.
- S. Tereſſa**, ejusque revelationes. I. viii. 45.
- Terræmotus** in morte Christi. I. viii. 121. &c. in ejusdem Resurrectione. viii. 32. &c.
- Territoriæ** separatim quando habere cœperint Monachi. III. x. 8.
- S. Tertullianus** Ep. Bononiæ. III. viii. 8. ix. 1. &c.
- Telli** falsi contra Christum. I. viii. 30.
- Theodon** Bononiensis. III. x. 16.
- Theodoricus** Rex. II. xii. 7.
- S. Theodorus** Mart. A. 764.
- S. Theodorus** Episc. Bononiensis. III. x. 1. &c.
- Theodosius junior** Imperator. III. xx. 1. 18. xxvi. 3. ejus lex contra Judæos. I. xiv. 20.
- Theodolphus** Fioriacensis Episc. Autelienensis utrum Auctor Hymni, Gloria, laus, & honor &c. I. iv. 18.
- Theopaschite**, eorumque hæresis. I. vii. 147.
- Thermæ** Diocletiani, reliquis vetustate obtritis, unice supersunt. & quare. A. 760.
- Thiers** testatur. II. iv. 7.
- S. Thomas** Apostolus. I. viii. 49. x. 1. &c. utrum te ipsa tetigerit corpus Christi. 4. ejus confessio. 6. cur appelletur Dydimus. 8.
- S. Thomas** Aquinas Doctor Angelicus citatur. I. 2. 6. viii. 72. 74. 93. 99. xv. 4. 5. 11. &c. utrum sit Auctor Officii Corporis Christi. viii. 11.
- Thomas** Egyptius, ejusque historia. I. viii. 153.
- Thomafius** Joseph Card. II. viii. 22. citatur. I. iv. 25.
- Thomafius** Ludovicus citatur. III. viii. 5. testatur. II. 121. 18.
- S. Thronis** Cœmeterium. A. 760.
- Throni** Hieremix. I. v. 1. &c.
- Thuanus** Jacobus Augustus refellit. III. xii. 4.
- Thymiana**. Usus Thymiamatis unde sit. I. v. 6.
- Tiberius** Christum inter Deos voluit adscribere. I. viii. 19.
- Thlemonius** refellit. II. viii. 10. III. xx. 12. &c. citatur. xix. 5. &c. parum fidei tribuit Breviariis. II. viii. 9. ejus error. III. xiii. 4.
- Titus** Crucis. I. vii. 61. 64. &c. 84. ubi affixus. 83. quando inventus. xiv. 21. ubi aservetur. vii. 68. &c.
- Tostatus**, ejusque sententia proscripta. I. viii. 135.
- Totila** Gothorum Rex. III. x. 15. &c.
- Tournely** Honoratus laudatur. I. v. 6.
- Tournemine** Soc. Jesu Presb. I. vi. 8.
- Tournensis** Scriptor Vixit S. Dominici citatur cum lande. III. ii. 2. notatur. II. xii. 9. refellit. III. xvi. 5.
- Trabatus de Bonis Viduitatis** utrum sit S. Augustini. III. v. 10. &c.
- Tristis** cui dicatur post Alleluja in Sabbatho Sancto. I. viii. 66.
- Traditiones** particulatæ Ecclesiarum quanti faciendæ. III. xxvi. 11.
- Transat a me calix**, formula solemnis in convivio apud Hebræos. I. vii. 6. explicatur, ut prolata a Christo. 7. &c.
- Transfiguratio** Christi Domini. I. xv. 1. &c. quo pacto contigerit. 4. quot miraculis illustrata. 6. quo tempore evenierit. 7. quo loco. 10. ejus convenientia. 11. cur ei tres tantum Apostoli adfuerint. 12. cur Moyses, & Elias. 14. an hi proprio præditi corpore. 15. quæ cum D. Petri verba. 16. quæ Patris Aeterni. 17. quare vetitum Apollolis, ne Christi Transfigurationem enuntiarent ante ejus Resurrectionem. 19. Transfigurationis Solemnitas a quo instituta. 20. &c.
- Translatio** S. Domni Lauretani. II. xvi. 1. &c. Auctoris sententia in hoc argumento. 4. Translatio Capituli S. Petronii. III. xx. 24. A. 781. ejus Festum cum Officio. A. 736. Translatio S. Fioriani Bonon. III. xxvi. 10. S. Dominici Conf. xvi. 1. &c. 6. &c. S. Faustini Ep. Bon. vi. 6. Ss. Martyrum Gervasilii, & Provasii. xxi. 4. 10. &c. Ss. Mart. Vitalis, & Agricolæ. 5.
- Trinitas** Divina in Christi Baptismo patefacta. I. ii. 29. Festum Ss. Trinitatis. xii. 2. &c. quo tempore celebrari cœperit. 10.
- Trisagium** hoc, *Sanctus Deus, Sanctus Fortis* &c. a pæto quasi divinitus allatum. Constantinopolim, & cur eo utatur Ecclesia Occidentalis in die Pasceves. I. viii. 246. additio facta ad illud Trisagium interdicta. 147.
- Tristitia** Christi an vera fuerit. I. vii. 4.
- Tristitius** propagator Immaculate Conceptionis frustra exagitatus. II. xv. 9.

Trifum.

- Triumphus* Christi Jesu Hierosolymam ingre-
dientis. I. xv. 11. &c.
Trombellus Jo. Chrysostomus citatus. A. 761.
765.
Tugurium appellatum Templum subterra-
neum. III. xiii. 25.
Tunica inconsutilli Jesu Christi qualis fuerit,
& ubi asservetur. I. vii. 90. 91.
Turrecremata Joannes Tractatum de B. Ma-
ria Conceptione scriptis jussu Concilii Ba-
siliensis. II. xv. 7. 10.
Turrianus Franciscus laudatus. II. xiv. 9.

V

- V** *Alentia* citatus. II. xtc. 1.
Valentiniani Edictum, seu Privilegium
pro Ecclesia Ravennatenſi apocryphum.
III. iii. 10. &c.
S. Valentinus Episc. Interamn. III. x. 16.
Cyrenum fuerint duo Ss. Valentini ejusdem
Urbis Episcopi. 19.
Vas cum sanguine Christianorum est signum
certum Martyrii. A. 761. &c.
Veccbiatus Hieronymus. I. vi. 7.
de Velasco Salvator Silvester. III. xviii. 1.
Velum Templi discissum post Christi mortem.
I. vii. 118. &c.
S. Venerius Episcopus Mediolanensis. III.
xxv. 1.
Venetii Coronam splicam, Luceam, Arun-
dinem, & Spongiam Christi Domini a
Francis Imperatoribus numerata pecunia in
pignus acceperunt. I. vii. 58. statum Pe-
tronio Probo dedicant. III. xx. 6.
Verba Consecrationis utrum adhibuerit Chri-
stus Dominus. I. vi. 40. septem verba a
Christo prolata explicantur. vii. 93. Verba
illa: *Hodie mecum eris in Paradiso*, quo
sensu intelligenda. 98. Item illa: *Multitu-
do militum celestium* explicata. xvi. 43. Item
illa, *Gloria in altissimi Deo*. 49. &c. il-
la similiter, *Peperit filium suum primo-
genitum*, quo sensu intelligenda. 21.
Verbera. Numerus verberum, quibus Ba-
rellatus est Christus. I. vii. 56.
S. Veronica. I. vii. 64.
Verſio Septuaginta lacerpretum est mendo-
sa. I. xvii. 41. &c.
Vertus seu de Vert Claudius, recens scriptor,
confutatur. I. v. 2. 4. &c. vi. 50. vii. 56.
II. ii. 9.
Vetus Joannes, qui contrariam Immaculatæ
Conceptioni sententiam pronuciaverat ad
eam revocandam adactus est. II. xv. 9.
Vespasianus Imperator. II. vi. 1.
Vesper Sabbathi quid significet. I. viii. 13.
Vestigia Christi impuncta in Monte Oliveti.
I. x. 51.

- Vestis*. Vestes propterea sciendeantur a Je-
dai in signum doloris. I. vii. 30. num id
etiam summo sacerdoti licuerit. *Ibid.* Ve-
stes fontium millibus supplicii munus ob-
euncibus lege addicebant. 90. Vestis, qua
indibili causa vestitura fuit Christus a facili-
tibus. 57. 60. Christi vestes divisæ, &
distributæ in Calvario. 75. 90. vestibus
usus fuit Christus post Resurrectionem,
annon. x. 45.
Vgolinus Card. Legatus Patriarcha Aquile-
jensis. III. xvi. 4.
Vicentini civem suum esse putant S. Flotia-
num Martyrem. III. xxvi. 6.
Vicobontia Civitas cum Episcopo. III. iii.
17.
Vilius Paschall &c. hæc sequentia cujus
Auctoris sit. I. ix. 9.
Vilſor Papa. I. ix. 6. &c.
Vilſor Episc. Bnon. III. x. 3.
Vitoria navalis Christianorum ad Napa-
tum. II. xii. 11.
Vitorius Joannes Baptista, ejusque Vita B. Ni-
colai Alberghi MS. quæ in Bibliotheca Ba-
nedicti XIV. adſervatur. III. xiv. 3.
Vitricius Episcopus Rothomagensis, ejus-
que Testimonium de S. Proculo Martyre.
III. xiii. 2.
Vitruvius Turcis liberata. II. x. 6.
Vigilia Epiphaniæ olim cum jejunio. I. ii. 51.
Item Vigilia Ascensionis. x. 59. Vigilia
Penrecostes. xi. 37. Assumptionis. II. viii.
26. Nativitatis B. Mariæ Virg. ix. 2.
Vigilius Tapsensis. III. xix. 8.
Vincetius Bellovacensis. III. xiii. 20. xx.
2. 8.
Vincetius de Brandelis, disputationem ha-
buit, & Tractatum edidit opinionem Im-
maculatæ Conceptionis contrariam defen-
dens. II. xv. 8.
Vinum rubrum utrum consecratur in Palæsti-
na. I. vi. 30. non consecratur ex Immersione
petitæ in Calicem. vii. 153. neque
per Orationem *Pater noster*. 154. Vinum
cum felle mixtum, & Vinum myrrhæum
Christo morituro oblatum. 77. &c. 105.
Vino manantes fontes in die Epiphaniæ,
II. 48.
Virginitas. Votum Virginitatis emissum a
B. Virgine. II. i. 7. &c. quo posito quomo-
do potuit nubere S. Joseph? 12. votum vir-
ginitatis emissum a Jephthe. I. i. 9.
Virgo. Bunoſenſium Virginum encomia. III.
xix. 1.
Virgo Delpara. Vide *Maria*.
Viſio. Quales sint viſiones cælestes, eorum-
que vera theoria, juxta doctrinam ab Au-
dore hujus Operis sanctissimo traditam. I.
xvii. 47. Viſionis primus effectus est timor

cm

rem inuenerit. II. III. 8. Visiones Joannis
xvii. Pont. II. vi. 4. &c. 9. Visiones Simo-
nis Steklii. *ibid.* &c. 8.
Vitatio B. Mariz Virg. II. vi. 1. &c.
Vistis r. Episcopus. III. xx. 13.
Vita S. Bononii Ab. scripta a Rasperio. III.
xvii. 3. S. Juliano ex Ss. Augustino, & Am-
brogio. A. 699. B. Nicolai Albergari. III.
xii. 3. S. Parisii recentior edita Venetiis. xv.
8. S. Petronii a Galeisio descripta. xx. 1.
S. Pii V. Pont. xi. 3. *Vita Patrum* utrum
fuit a S. Petronio conscripta. xx. 8.
S. Vitalis Martyr Bononi. III. x. 7. xxiii. 1. &c.
A. 714.
Vires Ludovicus citatus. I. xi. 39.
Vladislavus Poloniz Rex. II. x. 3.
Universitas. Quando fundata Universitas
variz. III. xx. 10. Universitas Bononiensis
quando fundata. 18. &c. Bononiensis Uni-
versitatis Professores plurimi Religiosum.
S. Dominici Institutum, ipso vivente, am-
plexi sunt. xvi. 4. Universitatis Parisiensis
Decretum in favorem Immaculatæ Con-
ceptionis. II. xv. 9. 35.
Voluntas duplex in Christo explicatur. I.
vii. 6.
Votum Virginitatis emissum a B. Virgine. II.
1. 7. &c. quomodo propterea potuerit B.
Virgo nubere S. Josepho. 12. *Votum* Virgi-
nitatis emissum a Jephthe. I. 1. 9.
Vox de nube, *Hic est Filius meus dilectus* &c.
in Transfiguratione. I. xv. 17. *Vox* æterni
Patris audiri decessit Christo baptizato. I.
ii. 18.
Urbanus II. Pontifex. II. xviii. 1.
Urbanus IV. Pontifex, dictus antea Jacobus
Pantaleon. I. vii. 64. xiii. 2. &c. 10.
Ureus Codrus, Poeta nobilis. III. xi. 7.
Uuardus emendatur. III. xxi. 5. confutatur.
II. viii. 21. &c.
Uxor Pilati, ejusque somnium. I. vii. 46.

W

W *Arnerius* Doctor Universitatis Bononi.
III. xx. 10.

Wigandus Trithemium frustra impugnare ob
Immaculatam Conceptionem. II. xv. 9.
Wissus confutatur, & exploditur. I. x. 55.

X

X *Enium reconciliationis* appellatur Chris-
tus. I. vii. 44.
Xylius. Vide *Silvius*.

Y

Y *Ypnothium* Bononiense, & inde extra-
di Ympni in honorem S. Proculi ad Ho-
ras Canonicas cantari soliti. A. 709.
Yeo Carnotensis Episc. citatus. I. iv. 17. II.
ii. 9.

Z

Z *Acharias* Pater S. Joannis Baptistæ.
II. iii. 9. v. 6. traditio de illius in-
sertione inter Templum, & Altare re-
jicitur. II. ii. 4.
Zacharias Propheta, ejusque Oraculum.
Cap. 9. vers. 9. de nullo alio exponi potest,
quam de Messia. I. iv. 15. aliud Oraculum
cap. 13. impletum. vii. 126. aliud pariter
cap. 14. de vestigiis Christi in Monte Olive-
ti. x. 53.
Zacharias Pontifex, ejusque Privilegium Pe-
tronaci Cassinensi Abbati concessum. III.
x. 8.
Zacharias Patriarcha Hierosolymitanus. I.
xvi. 2. 6. &c.
S. Zama Ep. Bon. III. iii. 1. &c. quare dica-
tur prius Episcopus Bon. 5. vi. 4.
Zanetti Augustinus Vicarius Generalis Bon.
III. xiii. 35.
Zani C. Valerius. III. 1. 7. citatur. xxvi. 9.
Zanottus Hercules Maria Canonicus. III.
xiii. 4. 10. refellitur. 8.
Zeli Judicium apud Judæos quid esset. I.
vii. 41.
Zenus Jacobus Episc. Fehriz. III. xii. 3.

F I N I S.

ERRA-

ERRATA SIC CORRIGENDA.

Omissis aliis qua facile advertuntur.

<i>Pag. num. lin.</i>	<i>Errata.</i>	<i>Corrig.</i>
8. 10. 7.	Iudæos :	tum Iudæos.
22. 1. 16.	solicum.	insoluitum.
31. 20. 1.	Irevolentis.	Trevolentis.
4.	Bibliotheca Criticæ,	Quadam item dissertatio ab Authore b ibliotheca Criticæ.
44. 32. 10.	confictum. <i>Iste.</i>	confictum : Præfat. in Joann. <i>Iste.</i>
47. = 37.	persequetur.	persequitur :
67. 1. 6.	rom. 1.	a pag. 30.
75. = 41.	oum. 97.	num. 8.
86. = 14.	Cun Cenedictus.	Cum Benedictus.
	Cæremoniarum.	Cæremoniarum.
124. 37. 30.	mnodos credendum.	mundos, credendum est.
125. 51. 4.	Cur noo.	Cur nos.
136. 65. 6.	tom. 1.	a pag. 14.
156. 18. 3.	turba.	turbam.
219. = 13.	num. 198.	num. 7.
270. 21. 22.	aura.	Aura.
300. 1. 13.	reservavit.	reservavit.
305. 4. 15.	prioritatem.	proprietatem.
318. = 3.	oum. 14.	num. 15.
353. 36. 1.	in Pervigilio Pentecostes.	in Pervigilio Paschæ, ita in Pervigilio
372. = 6.	Eugenius.	Eusebius. (Pentecostes.
407. 37. 4.	temere dicunt.	temere contradicunt.
433. = 16.	1625.	1725.
437. = 8.	remitteret.	redimeret.
444. = 15.	includit.	concludit.
457. 1. 5.	22. Augusti 1725. <i>Add.</i>	& ex Decreto ejusdem 22. Aug. 1727. recitator lo universis Ecclesia.
489. 2. 5.	novisse.	noluisse.
501. = 17.	non tribul.	nomen tribul.
525. = 37.	traditione.	traditionem.
534. 6. 12.	Ochoziz filium.	Ochoziz, ut a furore Athalix surriperet.
543. 11. 3.	Paciecum.	de Glæen. (Ochoziz filium.
561. = 14.	concedit.	contendit.
563. 7. 6.	cultum Domiolez.	cultum ad cultum Dominicæ.
	sectarentur.	sectarentur.
564. = 1.	utiliter.	inutiliter.
572. 2. 5.	<i>Februarii.</i>	<i>Januarii.</i>
576. 12. 2.	quia.	non quia.
588. 6. 10.	negatur.	negabatur.
590. 10. 5.	Bonomienfum.	Florentinorum.
605. 2. 12.	collatas.	collocatas.
618. = 4.	SS. Petron. & Proculum itemque.	Petronio & Proculo.
618. 8. 34.	levaverant.	levaverat.
639. 12. 3.	Gæz sed Eleutheropoli.	Eleutheropoli sed Gæz.
698. 25.	suaderi potest. <i>Add.</i>	imperari non potest.
704. 27.	Thendoro.	Theodosio.

ANT 1 316.59 0



